



VIRIDARIUM




B V S A E I

Biem. K. VII. 13







VIRIDARIUM
CHRISTIANARVM
VIRTVTVM,

Ex sacrosanctæ SCRIPTVRÆ
Sanctorumq; PATRVM senten-
tijs, quasi lectissimis Stirpibus,

~~Constructum~~
ET

IN GRATIAM CONCIONATORVM
et Religiosæ Vitæ Cultorum editum.

A

IOANNE BUSÆO SOCIETATIS
IESV THEOLOGO.
MOGVNTIÆ.

APVD IOANNEM ALBINVM


M.D.C.X.

Cum gratia et privilegio Cæs. M.^{is}

IUSTITIA

TEMPERANTIA

FONS AQUE SALIENTIS IN VITAM AETERNAM





SERENISSIMO . ET
 REVERENDISSIMO PRINCI-
 PI AC DOMINO, Dn. LEOPOLDO
 EPISCOPO ARGENTINENSI ET PASSAVIENSI, ARCHI-
 DUCI AVSTRIÆ, DUCI BURGUNDIÆ, STIRIÆ, CARIN-
 thiæ, Carniolæ, & Wirtembergæ, Landgrauio Alsatiæ, Comiti
 Habsburgensi, Goritiæ, Tirolis, &c. Domino
 suo Clementissimo.

JOANNES BVSÆVS SO-
 CIETATIS IESV.



QVONIAM huic Lucubrationi meæ, Sere-
 nissime, ac Reuerendissime Princeps, Viri-
 darii, vel Horti Christianarum Virtutum
 nomenclaturam attribui, necesse est, vt
 Hortulanum me profitear, si non corporalem, saltem
 spiritualement: vtinam solertem & nauum. Solerti liqui-
 dem hortorum cultori gemina incumbit functio. Al-
 tera, noxias hortensi solo stirpes eximendi: altera pro-
 bas in vicem atq; salutare inferendi. *Sicut in rudibus a-*
gris, ait Coel. Lactantius Firmianus in diuinarum insti-
tutionum Epitoma, prius quam serere incipias, euulsis
sentibus, & omnium stirpium radicibus amputatis arua
purganda: sic de nostris animis prius vitia detrahenda
sunt, de quibus seminata per Verbum Dei fruges immorta-
litatis oriantur. Cui monito conuenienter Apostolus

P. P. Camadulen. Gremi. Infuls. Wygren. enptus 2 ita
a fonderi R. P. Prædicatori A. 1687 & Cathaloga
in scriptis huius Gremi. A. 1688.

ita scribit ad Ephesios. *Deponite secundum pristinam cō-
uersationem veterem hominem, qui corrumpitur secun-
dum desideria erroris. Renouamini autem spiritu mentis
vestrae, & induite nouum hominem, qui secundum Deum
creatus est in iustitia & sanctitate veritatis.* Et ad Colof-
senses. *Expoliantes vos veterem hominem cum actibus
suis, & induentes nouum eum, qui renouatur in agnitio-
nem secundum imaginem eius, qui creauit illum.*

Prioris certè functionis, quæ in extirpandis vitiis
occupata est, proximo superiore anno specimen ali-
quod dare conatus sum in Panario, hoc est, Arca Me-
dica, quam antidotis variis aduersus animi morbos, ex
diuinis Scripturis, priscorumq; Patrum libris instru-
ctam diuulgavi, & Reuerendiss. Serenissimoq; Princi-
pi Ferdinando, Colonienſi Coadiutori dedicati. Re-
stabat ergo, vt Posterioris quoque functionis hoc an-
no debitum exoluerem, & profligationi vitiorum Vir-
tutum decora atq; ornamenta, ex ijsdem deriuata fon-
tibus, hoc spiritali Viridario conclusa, subiungerem,
eaq; custodienda, non peruigili Draconi, vt olim in
Hesperidum hortis mala Aurea, sed S. Ecclesiæ Angelo,
id est, Illustriss. Sereniss. T. commendarem, cui & cum
omni reuerentiæ significatione commendo, dico &
consecro. Non quod existimem Opus dignum esse Ex-
cellentiss. Nomine tuo, quo tum in Sereniss. Archidu-
cum Austriacorum auito Stemmate, tum inter Eccle-
siæ Catholicæ Reuerendissimos Antistites duplici thro-
no, Argentoratenſi & Passauiensi cum summa virtutis,
& raræ Doctrinæ laude præfulges: sed quod officii no-
stri

stri partes exigent, insignis beneficentiæ tuæ in societatem nostram, tum in Austriacæ Prouinciæ, tum nostræ Rhenanæ Collegiis demonstratæ, non obliuisci. *Ingratus est*, inquit, L. Annæus Seneca tertio de Beneficiis, *qui beneficium accepisse se negat, quod accepit. Ingratus est, qui dissimulat. Ingratus qui non reddit. Ingratissimus omnium qui oblitus est.* Vix summam nobilissimæ Argentinensis Sedis Præfecturam adieras: vix pedem in Diœcesin Tuam intuleras, cum ad Collegium Societatis JESV, quod erat MOLSHEMII, aduolasti; omnibus Sociis, beneuolentiæ ergo, manus humaniter porrexisti, mensæq; eorundem frugali accumbere voluisti: tutelam omnem & patrocinium Nominis nostri in te recepisti, ac deniq; exemplo decessoris tui Caroli Cardinalis Lotaringiæ Ducis, qui studiosæ Iuuentuti laxissima auditoria pridem erexerat, eiusdem Doctorebus amplissimum domicilium, veteri disturbato, impensa maxima, opere admodum visendo, ex templo ad fastigium eduxisti. Pro qua insigni munificentia, quia par nihil rependere possumus, hunc duntaxat Virtutum Christianarum Paradisum, grati animi nostri velut hypothecam & pignus Seren. T. relinquere volumus: cuius inspectionem confidimus in tantis curis, laboribus, sudoribusq; quos non tuo nutu, sed Sacræ Cæsareæ Maiestatis arbitratu, posthabitis etiam propriis ditionum tuarum commodis, hætenus exantlasti, aliquod solatium, alleuamentumue, quasi è diuerticulo, S. T. allaturum. Facile enim pro sua eximia sapientia animaduertet, quicquid in amplissimis diuini Verbi,

sanctorumq; Patrum codicibus, de Virtutum natura, proprietate, dignitate, fructu, mediisq; ad eas parandas opportunis extat, id in hoc Viridarium, velut Breuiarium quoddam esse contractum, & quidem ordine Alphabetico: nempe vt in optimi Lectoris oculos è vestigio incurreret, quod de quaq; virtute, eiusue conditionibus discere collibuisse. Quod si hoc institutum Votumq; nostrum pergratum extitisse cognouerimus Illustriſs. Seren. Vestrae, immensas diuinæ Maieſtati gratias agemus, eiusq; æterno Numini, pro facta tecta præſtanda eius incolumitate, contra infestos Ecclesiæ hostes, supplicare non desistemus. MOGVNTIÆ ad XVIII. Kalend. Octob. qui S. Cruci exaltatæ dicatus est, ANNO M. DC. X.

ODE

ODE PARÆNETICA

Syncero CHRISTIANARVM VIRTVTVM cultori.

VIdes, vt Orbem nubilet horrido
 Dis inferorum chasmate, turbines
 Formidolosos euaporans
 Sulphureo Babylonis antro.
 Ah! in gemendas hæresis hæresis
 Trahit ruinas; sanguine decolor
 Malè obstinata Christiano
 Impietas, fera bella frendet.
 Explosa priscis sinibus exsulat
 Auita Virtus, undiq; pellitur
 Iniuriosa hostilitate,
 Ambrosios lacerata vultus.
 Ergo ad recessus sydereos, fugâ,
 Exspes salutis, nititur arduâ;
 Cæloq; nata, exosa terras,
 Cælo ierat fugitua terris:
 In Christiana ni. VIRIDARIUM
 Virtutis, astrorum amula lumina
 Vibrasset, exsultans honore
 Diua iterum radiofa fœtu;
 Qualis Syenes per iuga torrida,
 Putris senecta cum vitium exuit,
 Gaudetq; odoratas resumens
 Exuvias, Nabathæus ales.
 Hinc, quæ euirato viscera pharmaco
 Intoxicauit belua septiceps,

Des-

Desiderata sospitati
Subsidio dabit efficace,
Surgetq; primis aucta nitoribus
Clarum tenebris expediens caput:
Dispendiorum mille luctus.
Letitia oppositu facessent.
Tantum citatis passibus aduolent,
Non indecoro quos rapit impete
Magistra laudum, Augusta Virtus.
Paonios peragrarare campos.
Non sic recenti dædala iungere
Florum renidet pompa, fugacium
Propter susurros riuulorum
Suaueolens fauitore Phæbo:
Sacratorum ut flumina codicum,
Venusta Patrum dicta, per ordines
Discriminata litteratos
Aurifluo hic resonant meatu.
Hic Facta Auorum herosa, perennibus
Dictata fastis, tramite prauio
Nos antecedunt, posterorum
Degeneri rediuiua saclo.
Quæ funeratis per mala plurima
Vitam ac salutem mentibus inuehent,
Et succiplenum tabefactis
Restituent animis vigorem.
Nam carpta tali germina pascuo,
Et Christiano consita pectore,
Perennitate indeprehensa,

Cor-

*Corpora post cinesacta uiuent.
Viuunt, virebunt, versicoloribus
Baccata gemmis, donec ea in suam
Semper beata opimitatis
Areolam Deus adrogabit.*

ALIVD.

Iucundo vtile fœderare amico
Nexu difficile est. Venuſta quiſquis
Concinnat, fere futilem laborem
Rectis conſiliis, lucriſq; nauat.
Totis diſſidioſa caſtra ſignis
Duſtant hæc duo, **COMMODVM**, atq; **HONESTVM**.
Tamen ſtûnera poſt tot, & tot arma,
Blando, neſcio, quo prehenſa philtro
Ridenti ſociauit in **VIRETO**
OSOR ſanguineæ **BVSÆVS** iræ.
Non eſt quod mare iam leui laceſſas
Alno, & carbaſa verberanda vtroq;
Exponas latere **Æoli** procellis,
Quo **Lydum** reuehas lutum, **Indicasue**
Conchas, **Cœcubæ** vel **Latini** lacchi:
Nunc **Phæacius** obſoleſcat hortus,
Atque aurum nemorale **Atlantiarum**,
Tibur **Telegoni**, cruenta regis
Ingera **Antiphatæ**, & domus **Lucrinæ**,
Irritamina foetida voluptæ.
Vnum hoc delicias parit **VIRETVM**,
Iunctas **DELICIAS DECORO HONESTI**,
Iunctum **DELICIIS DECORVM HONESTI**.
Malis auriferis comatur arboſ,
Herbeſcit viror vndiq; à **pyropis**.
Lux argentea bracteis coruſcat.
Fas aurum hinc fodicare **CARITATIS**,
Fas captare liguſtra **CASTITATIS**.
VIVE hoc, ô **HOMO**, ſi **SAPIS**, **VIRETO**:
VIVENS fruſtra ſine hoc **SAPIS VIRETO**.

CATALOGVS
VIRTVTVM IN HOC VIRIDARI-
O EXPLICATARVM.


A A. NEGATIO SVI. Affabilitas. Amicitia.	Intentio Recta. Iustitia. L.
B. Beneuolentia.	Laudatio Dei. Liberalitas. M.
C. Castitas. Catechesis Christiana. Charitas Dei & proximi. Cogitatio presentiae Dei. Cognitio sui. Cognitio DEI. Confessio peccatorum. Conscientia bona. Conscientiae examen. Contemplatio. Correctio proximi.	Manfuetudo. Martyrium. O.
D. Deuotio. Diffidentia sui.	Obedientia. Oblatio sui Deo facta. Opera bona. Oratio. P.
E. Eleemosyna. Eucharistiae communio.	Pax. Perfectio Christiana. Pietas in parentes. Poenitentia.
F. Fama bona. Familiaritas cum Deo. Fides Catholica. Fortitudo.	Profectus spiritualis. Prudentia. R.
G. Gaudium spirituale. Gratiarum actio Deo debita.	Religio Christiana. S.
H. Honestum. Hospitalitas. Humilitas.	Sapientia. Satisfactio. Sepultura. Simplicitas. Spes, vel Fiducia. T.
I. Ieiunium.	Timor DEI. Temperantia. V.
	Verecundia. Veritas. Virtus. Z.
	Zelus.

FACULTAS R. P. PROVINCIALIS
Provincia Rhenana Societatis Iesu.



VM Sacrae Caesareae Maiestatis decreto omnibus & singulis Typographis & Bibliopolis, ac aliis quamcunque librariam negotiationem exercentibus seriò firmiterq; inhibeat, ne quisquam ullos libros à nostris Patribus haecenus editos, vel in posterum edendos, intra Sacri Romani Imperii regnorum & Dominiorum suae Caesareae Maiestatis haereditariorum fines, simili vel alio characteris genere, aut forma, siue in toto, siue in parte recudere, vel alio recudendos mittere, aut alibi etiam impressos adducere, vendere & distrahere, clam seu palam extra iudicium, ac testimonium supradictorum Patrum audeat vel praesumat: Concedo ego HENRICVS SCHERENVS Societatis Iesu per RHE-
NI Prouinciam Prouincialis IOANNI ALBINO Moguntinensi Typographo Facultatem excudendi VIRIDARIUM Christianarum Virtutum, ex variis diuinæ Scripturae, sanctorumq; PATRVM sententiis velut stirpibus constructum, & à P. IO-
ANNE BVSÆO Societatis nostrae Theologo conscriptum, atq; à deputatis ad id Patribus approbatum. IN QVORVM fidem hoc ei testimonium manu nostra subscriptum & sigillo munitum dare volumus. MOGVNTIAE in perwigilio Deiparae in
coelum assumptae, ANNO reparatae salutis M. DC. X.

HENRICVS SCHERENVS P.





VIRIDARIUM

CHRISTIANA- NARVM VIR- TVTVM,

ORDINE ALPHABETICO
CONSTRUCTVM.

A
ABNEGATIO SVI.

CAPVT I.

*Quid nomine Abnegationis sui in diuinis
litteris intelligatur.*



ABNEGATIONIS nomen sumptum est ex illo
CHRISTI Saluatoris apud B. Matthæum dicto.
Si quis vult post me venire, abneget semetipsum, & tollat crucem suam & sequatur me. Quid autem
Christus Dominus voce abnegationis intel-
lexerit S. PATRES diligenter explanarunt.

Nam S. BASILIUS in Regulis fusius disputa-
tis instituens perfectioris vitæ cupidos. *Oportet, inquit, vt nos ipsos
primum abnegemus & crucem sustollamus, ac tum demum Christum sequa-
mur. Nihil est autem aliud suipsius abnegatio, nisi summa rerum omnium
vitæ superioris obliuio, atq; à suis ipsius voluntatibus recessio, quam in vita
communi assequi longe est difficilimum, ne dicam ab omni prorsus vt fieri
possit facultate remotissimum.* Et iterum. Cum Dominus noster IESVS

A

Christus

ABNEGATIO SVI.

Matt. 16. 24.
Luc. 14. 33.

Col. 3. 9.
H. lib. 3. c. 16.
Col. 3. 9.
Gal. 2. 20.

Id. q. 3. ex. 157.

Chry. hom. 56.

G. Hom. 32.

Christus post multa documenta ad omnes loquatur, ac dicat. Si quis venit ad me, abneget semetipsum, & tollat crucem suam & sequatur me. & item. Sic igitur, quicumque ex vobis, qui non renunciat omnibus quae possidet non potest meus esse discipulus. Nos preceptum hoc ad plura arbitramur pertinere, quorum necessaria alienatio sit. Nam & diabolo renunciamus imprimis, itemque affectionibus carnis, qui abdicauimus occulta dedecoris, consanguinitatibusque, ac familiaritatibus, quae cum hominibus nobis sint, similiterque consuetudini etiam vitae, quae perfectioni Euangelij satis aduersatur. Et quod his omnibus magis necessarium est, quilibet sibi metipsum renunciat, qui exiit veterem hominem cum actibus suis, qui corrumpitur secundum desideria erroris. Et S. Hieronymus in Matth. exponens verba Christi, Qui deponit, inquit, veterem hominem cum operibus suis, denegat semetipsum, dicens. Vivo autem non ego, viuit vero in me Christus, tollitque crucem suam, & mundo crucifigitur. Cui expositioni in epistola ad Algasiam addit aliam. Cuius, inquiens, exhortationis, (si quis vult post me venire) hic sensus est. Non est delicata in Deum & securam confessio; Qui in me credit, debet suum sanguinem fundere. Qui enim perdidit animam suam in presenti, lucrificet eam in futuro. Quotidie, credens in Christum tollit crucem suam, & negat seipsum. Qui impudicus fuit versus ad castitatem; temperantia luxuriam negat. Qui formidolosus & timidus assumpto robore fortitudinis priorem se esse nescit. Iniquus si sequatur iustitiam, negat iniquitatem. Quod scientes, non solum persecutionis tempore, & necessitate martyrij, sed in omni conuersatione, opere, cogitatione, sermone negemus nosmetipsos, quod ante fuimus, & confiteamur eos, qui in Christo renati sumus. S. Ioan. Chrysost. scribens in Matthaeum. Si intelligis, ait, quid sit alium abnegare, tunc recte percipies, quid sit abnegare teipsum. Qui alium abnegauit, fratrem puta, aut seruum, aut quemuis alium, si cadi eum virgis videat, si arceri vinculis, quicquid aliud mali pati eum conspexerit, non occurrit, non auxiliatur, non fleetur, nec prorsus villo modo mouetur, cum ille qui penitus ab illo alienatus est. Sic igitur nullo nos patet corpori nostro parcere vult, ut neque si caditur, neque si pellitur, neque si uritur, nec si quid aliud huiusmodi patitur ei parcamus. Quid dixit, non parcamus, cum id profecto sit verè parcere. Nam etiam tunc Patres maxime filiis parcant cum magistris tradentes, maxime rogant, ne parcant. Sic igitur Christus non dixit, tamen non parcas, sed significantius ac expressius. denegate ipsum, pericula subi, certaminibus te offer, & quasi alius hac patiat, sic afficere. Nec dixit, neget, sed, abneget, ut hac adiuncti uncula plurimum addat, quam abnegare multo plus, quam negare profecto sit. S. Gregorius in Euangelia. Tunc nos ipsos relinquimus, tunc nos ipsos abnegamus, cum vitam

mus, quod per vetustatem fuimus, & ad hoc nitimur, quod per nouitatem vo- Gal. 2.20.
camur. Pensemus, quomodo Paulus se abnegauerat, qui dicebat. Vivo autem
iam non ego. Extinctus quippe fuerat saeuus ille persecutor, & viuere ceperat
pius predicator. Si enim ipse esset, pius profecto non esset. Sed qui se viuere de-
negat, dicat unde est, quod sancta verba per doctrinā veritatis clamat? Pro-
tinus subdit. vixit verò in me Christus. ac si aperte dicat. Ego quidem à me- B. sum. 2.
metipso extinctus sum, quia carnaliter non viuo, sed tamē essentialiter mor-
tuus non sum, quia in Christo spiritualiter viuo. S. Bernardus de S. Andrea
Apostolo. Cum S. Andrea vt simul crucifigamur & nos, attentius auribus
cordis audiamus vocem dicentis. Qui vult venire post me, abneget semeti-
psum. ac si dicat. Qui me desiderat se despiciat: qui vult facere voluntatem
meam, discat frangere suam.

CAPVT II.

De dignitate huius virtutis.

DIGNITAS virtutis Abnegationis sui, duobus ex capitibus in-
 telligi potest. Alterum est, quod sit fundamentum perfectionis
 Christianæ. Id duplici parabola apud B. Lucam Dominus declara- Luc. 14. 26.
 uit: nam cum affirmasset in numero discipulorum suorum censi
 posse neminem, qui non modo parentes aliosque sibi coniunctissi-
 mos, verum etiam animam, hoc est, vitam suam odisset, & abnegas-
 set, mox subiunxit. *Quis enim volens ex vobis turrim ædificare, non prius*
sedes computat sumptus, qui necessarii sunt, si habeat ad perficiendum, ne post-
eaquam posuerit fundamentum, & non potuerit perficere, omnes qui vident,
incipiant illudere ei, dicentes. Quia hic homo capit ædificare & non potuit cō-
summare? Aut quis rex iturus committere bellum aduersus alium regem,
non sedens prius cogitat, si possit cum decem millibus occurrere ei, qui cum vi-
ginti millibus venit ad se? alioquin adhuc illo longē agente legationem mit-
tens rogat ea, quæ pacis sunt. Sic ergo omnis ex vobis, qui non renunciat omni-
bus quæ possidet non potest meus esse discipulus. Quasi dicat Nemo verus
 perfectusque Christianus esse potest, qui non sit paratus pro Chri-
 sto, eiusque fide non solum facultates suas, verum etiam vitam suam
 profunderet. ALTERVM caput est, quod in quo tam perfectæ ab-
 negationis fundamentum iactum est, necesse sit erectum quoque
 esse ædificium caritatis, de qua Christus apud Ioannem. *Maiorem* Ioan. 15. 12.
hac dilectionem nemo habet, vt animam suam ponat quis pro amicis
 suis. Et si enim Hieronymus & Gregorius non male exponant
 verba Christi. Si quis vult post me venire, abneget, &c. de abne-
 gatione veteris hominis, morumque prauorum, tamen nam dicitur

Matth. 16. 24.

Quest. 8.

verius exposuit Chrysostomus, de abnegatione vitæ, & sanguinis profusione pro Christo, vt enim indicaret Christus de tali abdicatione se loqui, cū dixit. *Si quis vult venire, &c.* mox subiecit. *Qui enim voluerit animam suam saluam facere, perdet eam. Qui autem perdiderit animam suam propter me, inueniet eam.* Quocirca & S. Basilius accuratius ponderans consequentiam verborum Christi, tandem loco supra allegato scripsit. *In summa deniq., inquit, cui propter Christum mundus totus crucifixus est & ipse Christo, qui possit amplius particeps esse eorum, que in mundo sunt? cum Dominus noster IESVS Christus rem ipse ad summum prorsus FASTIGIVM perducatur, nempe odium animæ, & sui metipsum abnegationem, quando dicit, si quis vult post me venire, abneget semetipsum & tollat crucem suam, tumq. subiunxit, & sequatur me. Et rursum. Si quis venit ad me, & non odit patrem suum & matrem, & uxorem, & filios, & fratres, & sorores, insuper & animam suam, non potest meus esse discipulus. Perfecta igitur renunciatio (abnegatio) in eo consistit si quis id affectus fuerit, vt ne de vita quidem sua quidquam affectus sit omnino, esto habeat mortis responsum ita vt nihil sibi confidat.*

CAPVT III.

De necessitate & difficultate eiusdem.

Matth. 16. 24.

Luc. 14. 26.

Col. 3. 1.

Ephes. 4. 22.

NECCESSITAS virtutis huius inde liquet, quod Christus Dominus cum apud Apostolos suos sermonem instituisset de passione sua, in hunc modum locutus sit. *Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam saluam facere, perdet eam: qui autem perdiderit animam suam propter me, inueniet eam.* Eodem pertinet, quod apud Lucam dixit. *Si quis venit ad me, & non odit patrem suum, & matrem, & uxorem, & filios, & fratres & sorores, adhuc autē & animam suam, non potest meus esse discipulus.* Et quod Paulus Apostolus ad Colossenses. *Si consurrexistis, inquit, cum Christo, que sursum sunt sapite, non que super terram. Mortui enim estis & vita vestra est abscondita cum CHRISTO in DEO. Mortificate ergo membra membra vestra, qua sunt super terram. & expoliantes vos veterē hominem cum actibus suis, & induentes nouum eum qui renouatur in agnitionem secundum imaginem eius, qui creauit illum: Et ad Ephesios. In ipso edocti estis, sicut est veritas in Iesu, deponere vos secundum pristinam conuersationem veterem hominem, qui corrumpitur secundum desideria erroris. Renouamini autem spiritu mentis vestre, & induite nouum hominem, qui secundum Deum creatus est in iustitia & sanctitate.*

ABNEGATIO SVI.

5

Et ita veritatis. IDEAM huius abnegationis expressit in seipso idem Apostolus, dum ita scribit ad Galatas. *Christo confixus sum cru. i. Vivo autem, iam non ego, vivit verò in me Christus.* Et. *Mihi autem absit gloria, nisi in cruce Domini nostri Iesu Christi, per quem mihi mundus crucifixus est, & ego mundo.*

Gal. 2. 19.

1b. 6. 14.

QVOD ad difficultatem huius Abnegationis attinet, eam Dominus non obscure indicavit, cum apud Matthæum & Lucam abnegationi crucem adiunxit, dicens. *Si quis vult post me venire, abneget semetipsum, & tollat crucem suam quotidie, & sequatur me.* Si enim tanta difficultas est in deserendis pecuniis, si tanta in aspernandis mundi honoribus, in respuendis carnis voluptatibus, quanta erit in nobis ipsis abnegandis & deserendis? eo videlicet maior, quo perpetuo nobis inhærens *Amor sui, vehementius*, ut loquitur S. Gregorius in Ezechielem, *claudit oculum cordis*, & quo nihil est morte formidabilius. Quid enim aliud est, abnegare seipsum, quàm sibi quodammodo mori? quam imitari Apostolum dicentem. *Vivo ego, iam non ego, vivit verò in me Christus.* Et. *Mihi mundus crucifixus est, & ego mundo?* Quare hanc difficultatem perspiciebat S. Basilius, loco supra allegato non dubitavit scribere, abnegationis virtutem *in vita communi assequi longe esse difficillimum, imò ab omni prorsus ut fieri possit, facultate remotissimum.* NEQUE est, quod idcirco à perfectione eius consequenda deterreare: nam ut vulgare dictum habet, *Δύσκολα τὰ καλὰ.* Virtus omnis per se ardua est, & inaccessa; difficultates reposeit Christiana professio. *Arcta* siquidem *viam* est, docente Christo, *qua ducit ad vitam.* Et. *Regnum cælorum vim patitur, & violenti rapiunt illud.* Hoc augustiora parata tibi erunt præmia in cælis, quo plures difficultates in cultu pietatis deuoraueris in terris. *Id enim quod in presenti momentaneum est & leue tribulationis nostræ, spondet è cælo vocatus Apostolus, supra modum, in sublimitate æternæ gloriæ pondus operatur in nobis.*

Matt. 16. 24.

Luc. 9. 23.

G. Hom. 4.

Gal. 2. & 6.

Matt. 7. 14.

Matt. 11. 12.

2. Cor. 4. 17.

CAPVT IV.

De utilitate.

PRIMA est, quod ut *Amor sui* est fons & seminarium omnium vitiorum & malorum, ut fuse tradit S. Augustinus in libris de civitate Dei, sic abnegatio, odium vel contemptus sui, ei è diametro opposita, sunt radix & parens omnium virtutum atq; bonorum, testè eodem. *Fecerunt, inquit, ciuitates duas: amores duos: terrenam scilicet*

A. lib. 22. c. 28.

Id. lib. 4. c. 28.

ABNEGATIO SVI

cet amor sui usque ad contemptum Dei: cœlestem verò amor Dei usque ad contemptum sui: illa in seipsa, hæc in Domino gloriatur. Et rursus. Si perit homo amando se, profecto inuenitur negando se. II. Vtilitas est, quod abnegationis beneficio gradus proximus fiat ad consequendam nobilissimam virtutem amoris vel caritatis Dei: Sicut enim in catena putei, quo vna situla magis deprimitur, hoc altera altius sursum attollitur; sic quo quis se demiserit & abnegauerit amplius, hoc proclivius in amore Dei exardescit, conuenienter dicto Christi. *Qui se humiliat, exaltabitur.* Cuius causam reddit S. Gregorius in Evangelia. *Quia, ait, nisi quis à semetipso deficiat, ad eum qui super ipsum est non appropinquat, nec valet apprehendere, quod ultra ipsum est, si nescierit mactare quod est. Sic olerum plantæ transponuntur, ut proficiant, atque ut ita dixerim eradicantur, ut crescant. Sic semina rerum in terra admixtione deficiunt, ut in reparatione sui generis uberius assurgant. Vnde enim videntur perdidisse quod erant, inde accipiunt apparere quod non erant.* III est, quod nihil æquè valeat ad expugnandas Satanae fraudes & tentationes quam humilis sui abnegatio. Id S. Catharinam Senensensem, ut est in vitæ eius historia apud Surium, docuit Christus Saluator dicens. *Ego sum, qui sum: tu es quæ non est.* Hoc si scis, omnes laqueos inimici frangis. Quid enim aliud est, fateri se non esse, quam se abnegare? Quod autem sine mendacii nota italoqui potuerit, inde liquet, quod & Apostolus Paulus sic de se alicubi locutus est. *Nihil, inquit, minus fui ab iis, qui sunt supra modum Apostoli, tamen si nihil sum.* Imò in epistola ad Galatas seductorem sui appellat, qui existimet se aliquid esse. *Qui, ait, existimat se aliquid esse, cum nihil sit, ipse se seducit.* Huc spectat quod in S. Antonii eremita gestis apud S. Athanasium legitur, cum enim per visum mundum vidisset refertum laqueis, & per contactus esset, quo antidoto tot laquei euadi possint, respondit Dominus, posse solo antidoto humilitatis. IV est, quod sit efficacissimum, presentissimumque remedium ad sanandos permultos animi morbos, ut ambitionis, amoris sui, curiositatis, gloriæ vanæ, immortificationis passionum, inobedientiæ, iudicii & voluntatis propriæ, superbiæ & præsumptionis, aliorumque, de quibus suis locis copiose egimus in nostro Panario.

* * *

Id. serm. 47. de
diuersis.

Luc. 14. 16.
Mat. hom. 32.

Basin. in vita.

2. Cor. 12. 11.

Gal. 6. 2.

ABNEGATIO SVI

CAPVT V.

MEDIA ad eam comparandam.

P R I M V M sit Notitia sui; quomodo enim abnegare, odisse, contemnere se potest, qui sui vilitatem non agnoscit? *Homo cum in* Psal. 48. 19.
honore esset, inquit psaltes regius, non intellexit, ideo comparatus est in-
mentis insipientibus & similis factus est illis. hoc est, idcirco omni sapi-
entiae & virtutis amore, instar bestiae, destitutus est, quia nullam sui
ipsius notitiam habuit. Si enim vel solius corporis humani statum
perspectum haberet, nulla magnifice de se sentiendi causa ei suppete-
ret. meminisset siquidem se ex puluere, luto & argilla confectum.
D E V S enim primo homini **A** D A dixit. *Puluis es & in puluerem reuer-*
teris. Et sapiens hac nomenclatura superbiam retundit dicens. Gen. 3. 19.
Quid superbis terra & cinis? Hac consideratione in conspectu Dei
se abiicit credentium pater. *Loquar, inquit, ad Deum cum sim pul-*
uis & cinis. Eccl. 9. 10.
Hac rex David placandum sibi Deum putauit, dum Gen. 18. 28.
ait. *Memento, quia puluis sumus, homo sicut fenum dies eius.* Et ante e- Psal. 102. 14.
um Iob. *Memento queso quod sicut lutum feceris me, & in puluerem de-*
duces me. Iob 10. 9.
Vnde S. Basilus in hexameron exponens verba ad A- Bas. hom. 12.
damum dicta. *Quo ergo, inquit, tempore tui obliuisci poteris? tui tum*
obliuiscere, cum te e terra submoueris. *Quod si ne momento quidem a ter-*
ra te subducis, confectus enim es ex terra super terram ambulas, in terra
te oblectas, litigas pro terra, quicquid demum magnum vel paruum fa-
cis, in terra facis, nimirum e vicino habes, quod te moneat humilitatis.
Iniuria affectus es? vocatus ignobilis? ira efferbuiisti? Demitte oculos, & con-
quieuit indignatio. *Inspecta humo fact tecum repotes, me qui e terra factus*
sum, dixit ignobilem: minus obiecit, quam ipse sum. nec enim exprobrauit
terram, ex qua sumptus sum, sed hominem, qui me genuit. *In eam mi-*
hi antiquam matrem, nempe terram, intendo oculos: quo fit, ut non
iam contumelia loco habere debeam, quod e seruo sum prognatus. **A** L-
T E R V M Medium est, Totum se offerre Deo, quod opus est Deo
gratissimum, & homini saluberimum. Vnde S. HIERONY-
MVS ad Lucinium. *Aurum deponere, incipientium est, non perfectio-* H. ep. 20.
rum. *Fecit hoc Crates Thebanus, fecit Antisthenes. seipsum offerre DEO*
proprie Christianorum est & Apostolorum, & merentur audire. *Sede bi-*
tis super duodecim solia, iudicantes duodecim tribus Israel. **S. A** V G V- Matt 19. 28.
S T I N V S, in Soliloquiis *Constante Deo crede, ei q te totum committe,* A. lib. 1. c. 15.
quantum potes. *Noli esse velle quasi proprius & in tua potestate, sed e-*
ius clementissimi & utilissimi Domini te seruum esse profiteri: ita enim te

d. c. 18.

H. Serm. 2. Sat. 7.

Basil. c. 19. & 23.

ad se subleuare non desinet, nihilq; tibi euenire permittet, nisi quod tibi pro-
fit, etiam si nescias. Et libro de quantitate animæ. *Vellem, vt nihil aliud*
agerem, quam reddere me, cui me maxime debeo atq; ita Deo fieri, quod ait
Horatius, amicum mancipium Domino. TERTIVM Medium est, totum
 se offerre non solum Deo, sed etiam homini tanquam Dei Vica-
 rio in approbata Religione. Hoc enim opus & præstantius est, &
 Deo gratius, (vt quo holocaustum Deo offertur in odorem suauita-
 tis) & perfectiorem requirit sui abnegationem. Etenim qui ita se
 offert, non modo se omni iure priuat quoad corpus & animam, sed
 etiam quoad vsum omnium vtriusq; actionum, sic vt deinceps non
 sua voluntate vel iudicio, sed solius superioris sui voluntate & iu-
 dicio, tanquam regula in omni vitæ instituto vti velit. Quare S. Ba-
 silius in cōstitutionibus monasticis tradit monachos nō secus obe-
 dire debere, quam oues pastoribus, & instrumenta artificibus, quæ
 ad quemcunq; vsum tractanda se præbent. *Monachus, inquit, ne ad*
punctum temporis quidem potestatem sui habere debet, vt faciat priuata ne-
gotia: nam & instrumentum sine artifice, & manus resecta à corpore sua
sponte non mouetur.

PLURA vide V. Cognitio sui. Humilitas. Et in Panario V. Im-
 mortificatio passionum & Voluntas propria.

A F F A B I L I T A S.

CAPVT I.

De natura Affabilitatis.

S. Tho. 22. q. 113.

M. lib. 1.

Eccli. 13. 19.

A. 4. Eth. c. 6.

Eccli. 4. 7.



AFFABILITAS non est aliud, quam comitas, & suauitas quædam morum atque sermonum externa in hominum consuetudine cum hominibus usurpata. Macrobius refert eam ad iustitiæ virtutē, non alio sensu, quam quod homo, quā animal sociale est, homini videatur quodammodo debere hanc exteram facilitatem, humanitatemque, siue notus sit siue ignotus, vt habet in Ethicis Aristoteles, siue domesticus, siue peregrinus, siue locuples, siue pauper. Vnde Ecclesiasticus. *Congregationi, inquit, pauperum affabilem te facito.*

QUALIS autem, hæc affabilitas esse debeat, vt sit Christiano homine digna, nomenq; veræ virtutis sibi vindicet, describit altero de officiis

officiis libro S. Ambrosius. *Hanc, inquit, affabilitatem volumus esse sinceram ac sobriam sine ulla adulatione, ne simplicitatem ac puritatem alloqui dedecet sermonis adulatio. Forma enim esse debemus ceteris, non solum in opere, sed etiam in sermone, in castitate, ac fide. Quales haberi volumus, tales simus: & qualem affectum habemus, talem aperiamus. Neque dicamus in corde nostro verbum iniquum, quod abscondi putemus silentio ab eo, qui audit in occulto dicta, qui occulta facit & cognoscit secreta viscerum.* Talis erat Apostolus Paulus, & ideo non dubitat ad Thessalonicenses in hæc verba scribere. *Ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulationis, sicut scitis, neque in occasione auaritia. Deus testis est.*

1. Thef. 2. 5.

CAPVT II.

De effectis Affabilitatis.

EFFECTVS affabilitatis primarius est, conciliare sibi hominum beneuolentiam, iuxta illud sapientis. *Verbum dulce multiplicat amicos, & mitigat inimicos, & lingua eucharis (gratiosa) in bono homine abundat.* Quibus verbis significat orationis suauitatem non modo valere ad conciliandam hominum beneuolentiam, sed etiam ad alliciendam eorum comitatem, ut vicissim ipsi se erga nos humaniter gerant. nam cum apud Terentium quidam dicat, *si male dixeris, peius audies*: hic contra accidit, ut sermonis gratia & comitas, aliorum summa in nos voluntate, verborumq; affabilitate compensetur. Eundem affabilitatis fructum agnouit M. Tullius secundo officiorum, dum ait. *Difficile dictu est, quantopere conciliet animos hominum comitas, affabilitasq; sermonis.* & mox addit. *Extant epistolæ & Philippi ad Alexandrum, & Antipatri ad Cassandrum, & Antigoni ad Philippum, trium prudētissimorum, quibus præcipiunt, ut oratione benigna multitudinis animos ad beneuolentiam alliciant militesque blando appellando sermone deliniant.* Latius eundem depinxit libro ante citato S. AMBROSIVS. *Popularis, inquit, & grata est omnibus bonitas, nihilque quod tam facile illabatur humanis sensibus. Ea si mansuetudine morum ac facilitate animi, moderatione præcepti, & affabilitate sermonis, verborumq; honore, patienti quoque sermonum vice, modestiæque adiungetur gratia, incredibile, quantum procedit ad cumulum dilectionis.* Legimus enim non solum in priuatis, sed etiam in ipsis regibus, quantum facilitas blanda affabilitatis profuerit, aut superbia, verborumque obfuerit tumor, ut regna ipsa labefactaret, & potestatem solueret.

Eccli. 6. 5.

Cicero lib. 2.

A. 1. 2. off. c. 7.

Exempla duo.

iicit deinde bina illustria exempla. Primum est de Moyse. *Quantas*, inquit, *Moyſes à populo Dei illatas abſorbebat contumelias, & cum Dominus in insolentes vindicare vellet, ſe tamen pro populo offerebat frequenter, ut indignationi diuina plebem ſubduceret. Quam miti ſermone poſt iniurias appellabat populū, ſolabatur in laboribus, delinibat oraculis, ſouebat operibus, & cum Deo conſtanter loqueretur, homines tamen humili & grata appellatone affari ſolebat.* ALTERVM est de rege Dauide. *Quid eius imitator, ait, ſanctus Dauid, electus ex omnibus ad plebem regendam, quam mitis & blaudus, humilis ſpiritu, ſedulus corde, facilis affatus? Ante regnum ſe pro omnibus offerebat, rex cum omnibus æquabat ſuam militiam, & patiebatur laborem: fortis in prælio, manſuetus in imperio, patiens in conuitio, ferre magis promptus, quam referre iniurias. Ideo tam charus erat omnibus, ut iuuenis ad regnum etiam inuitus peteretur, reſiſtens cogeretur, ſenex ne prælio intereſſet à ſuis rogaretur, quod mallent omnes pro ipſo periclitari, quam illum pro omnibus. Ita ſibi gratis officiis plebem obligauerat, &c.*

ADDO ego tertium exemplum, non minus illuſtre, S. Pauli Apoſtoli. Quid enim res ab eo geſtæ, & in Apoſtolorum hiſtoria à B. Luca deſcriptæ, aliud ſpirant, quam admirandam manſuetudinem & comitatem? Quid totæ eius epiſtolæ declarant niſi incredibilem ſermonum morumque affabilitatem & ſuauiſſimam? Id liquido apparet, ut capita pauca attingam, ex ſalutationibus officii plenis ad calcem epiſtolarum adſcriptis, ut in epiſtola ad Romanos. *Salutate Epenetum dilectum mihi, qui eſt primitiuus Aſie in Chriſto. Salutate Mariam, quæ multum laborauit in vobis. Salutate Ampliatum dilectiſſimum mihi in Domino. Salutate Perſidem cariſſimam, quæ multum laborauit in Domino. Salutate Ruſum electum in Domino, & matrem eius & meam, &c.* Tum ex rogandi, hortandiq; formulis; ut eſt illa ad Philippenſes. *Si qua ergo conſolatio in Chriſto, ſi quod ſolatiū charitatis. ſi qua ſocietas ſpiritus, ſi qua viscera miſerationis, implete gaudium meum, ut idem ſapiatis, eandem charitatem habentes, vnanimes, idipſum ſentientes, nihil per contentionem.* Et ad Philæmonem. *Multam fiduciam habens in Chriſto Ieſu imperandi tibi propter charitatem magis obſecro. Obſecro te pro meo filio, quem genui in vinculis Onesimo, qui tibi aliquando inutilis fuit, nunc autem & mihi & tibi utilis. Tu autem illum ut mea viscera ſuſcipe. Forſitan enim ideo diſceſſit ad horam à te, ut æternum illum reciperes, iam non ut ſeruum, ſed pro ſeruo chariſſimum fratrem maximè mihi, quanto autem magis tibi, & in carne, & in Domino. Si ergo habes me ſocium, ſuſcipe illum ſicut me. Si autem aliquid nocuit tibi, aut debet, hoc mihi imputa, &c.* Denique apparet ex generali deſcriptione morum ſuorum in priore epiſtola ad Corinthios, dum ait,

Rom. 16. 5.

Phil. 2. 1.

AMICITIA.

11

ait. Cum liber essem ex omnibus, omnium me servum feci, ut plures lucrifacerem, Et factus sum Iudeis tanquam Iudeus, ut Iudeos lucrarer: ijs qui sine lege erant (gentilibus) tanquam sine lege essem, ut lucrifacerem eos, qui sine lege erant. Factus sum infirmis infirmus, ut infirmos lucrifacerem. Omnibus omnia factus sum, ut omnes facerem saluos.

I. Cor. 9. 19.

VIDE. V. Benevolentia. Charitas in Deum & proximum. Mansuetudo.

AMICITIA.

CAPVT I.

De nomine & definitione amicitia.

QUOD ad nomen attinet, ab amare, inquit S. HIERONYMVS in Michæam, amicus dicitur. Quod ad rem, B. Augustinus contra Academicos, & ad Martianum è gentili factum catechumenum ita scribit. Nosti ut definierit amicitiam Romani, ut ait quidam, maximus auctor Tullius eloquij. Dixit enim & sanctissime ac verissime dixit. Amicitia est rerum humanarum & diuinarum cum benevolentia & caritate consensio. Quoniam autem inter ipsum & Martianum amicitia olim inita erat, cum ambo essent à vera religione alieni, mox subiicit. Tu autem mi charissime aliquando mihi consentiebas in rebus humanis, porro in diuinis, quarum mihi illo tempore nulla luxerat veritas, utiq; in maiore illius definitionis parte nostra amicitia claudicabat. Erat enim rerum tantummodo humanarum, non etiam diuinarum, quamuis cum benevolentia & caritate consensio, &c. Nunc verò quantum de te gaudeo, quibus explicem verbis, quando eum, quem quoquo modo habui diu amicum, habeo iam verum amicum: accessit enim etiam rerum consensio diuinarum, quoniam qui mecum temporalem vitam quondam iucundissima benignitate duxisti, nunc spe vite aeternae mecum esse cœpisti. Ita sit, ut inter quos amicos non est rerum consensio diuinarum, nec humanarum plena esse possit ac vera. Necesse est enim, ut aliter quàm oportet humana aestimet, qui diuina contemnit, nec hominem rectè diligere nouerit, quisquis eum non diligit, qui hominem fecit. Proinde non dico nunc mihi plenius amicus es, qui eras ex parte, sed quantum ratio indicat, nec ex parte eras, quando nec in rebus humanis mecum amicitiam veram tenebas. Rerum quippe diuinarum, ex quibus rectè humana pensantur, socius mihi nondum eras, siue quando nec ipse in eis eram, siue postea quam ego eas utcunque sapere cœpi, à quibus tu longe abhorrebas. Nolo autem succenseas, nec tibi videatur absurdum, quod illo tempore, cum

H. l. 2. c. 7.

A. l. 3. c. 6. & ep.

155.

Lucanus.

Cic. de amicit.

A M I C I T I A.

12

Pfal. 10. 9.

in vana huius mundi astuarem, quamuis me multum amare videreris, nondum eras amicus meus, quando nec ipse mihi amicus eram, sed potius inimicus: diligebam quippe iniquitatem, & reuera, quia diuina sententia est, qua scriptum est in sanctis libris. Qui diligit iniquitatem, odit animam suam. Cum ergo odissem animam meam, verum amicum quomodo habere poteram, ea mihi optantem, in quibus ipse meipsum patiebar inimicum? Gratias itaq; Deo, quod te mihi amicum facere tandem aliquando dignatur: nunc enim nobis est rerum humanarum & diuinarum cum beneuolentia & charitate consensio in Christo Iesu Domino nostro verissima pace nostra. Hucusq; Augustinus.

C A P V T II.

De varijs Amicitiae generibus.

Cass. col. 14. c. 2.

PATRES veteres varia descripserunt amicitiae genera. Ioan. Cassianus ex collatione Abbatis Ioseph. Amicitiarum, inquit, ac sodalitatis multa sunt genera, quae diuersis modis humanum genus dilectionis societate connectunt. Quosdam enim precedens commendatio primum notitia, post etiam amicitia fecit inire commercia. In quibusdam vero contractus quidam, seu dati acceptive de pactio, charitatis foedera copulauit. Quosdam negotiationis seu militiae, vel artis ac studij similitudo atq; communio amicitiarum vinculis nexuerunt, &c. Est etiam dilectionis aliud genus, quod instinctu naturae ipsius, & consanguinitatis lege connectitur, quo vel contribules, vel coniuges, vel parentes, seu fratres, ac filij naturaliter ceteris praeferruntur, quod non solum humano generi, verum etiam omnibus alitibus atq; animantibus inesse deprehenditur. Et paulo post. In his cunctis vnum genus est insolubile caritatis, quod coniungit sola similitudo virtutum, Dominus enim inhabitare facit vnius moris in domo. S. Augustinus in Homiliis L. in hunc modum ea describit. De amicitia videte quid dicam. Sunt amici ex certa amicitia, quae nec amicitia dicenda est, quam facit mala conscientia. Sunt enim homines, qui pariter mala committunt, & ideo videntur sibi coniuncti. Excepta illa, est quadam amicitia carnalis per consuetudinem cohabitandi, colloquendi, simul conuersandi, ut contristetur homo, quando deseritur ab amico. Est ista amicitia consuetudinis, non rationis. Habent illam & pecora. Est & alia superior amicitia non consuetudinis, sed rationis, qua diligimus hominem propter fidem & mutuam beneuolentiam in ista vita mortali. Clarius S. Chrysostomus in epistolam Pauli ad Colossenses. Multa, ait, sunt causa, ex quibus nascitur amicitia: & turpes quidem praeteribimus, quia male sunt, naturales & temporales in medium adducemus, utpote beneficio quis affectus est, ab ipsis maioribus suis acquisiuit amicum, aut ex mensa, aut peregrinationis communione,

Cap 3.

Pfal. 67. 7.

Aug. hom. 38.

Chrys. hom. 1.

aut

aut est vicinus, bonæ sunt & ipsa. Aut eiusdem factus est artificij. Ista quidem non est sincera, emulationem enim quandam habet & invidentiam. Naturales vero sunt, ut patris erga filium, filij erga patrem, fratris erga fratrem, nepotis erga avum, matris erga liberos, uxoris erga virum. Nam omnes contagiales amicitia temporales sunt & terrena. Igitur ista quidem illis vehementiores esse videntur: videntur, inquam, quia sæpenumero illis inferiores sunt. Nam alicubi visi sunt amici germanius affecti quam fratres, etiam quam filij erga parentes, & natus quidem nihil opis attulit, alienus verò adfuit & adiuvit. Spiritualis verò dilectio omnes reliquas excellit tanquam regina quadam suorum dominium habens & splendido conspicua est habitu. Nihil enim terrenum hic est, unde ista nascatur, sicut temporalis illa non ex consuetudine nascitur, non ex beneficentia, non ex natura, non ex tempore, sed è supernis descendit, ex ipso cælo.

Figulus fig odit

C A P V T III.

De Amicitia veræ legibus.

PRIMA amicitia lex est, ut non ineatur, nisi à virtute præditis & ob virtutem. Ea enim amicitia probabilis, inquit Ambrosius, quæ honestatem tuetur, præferenda sane opibus, honoribus, potestatibus. Et iterum. Non potest homini amicus esse, qui Deo fuerit infidus. Pietatis custos amicitia est, & equalitatis magistra. Hieron. ad Paulinum. Vera illa necessitudo est, & Christi glutino copulata, quam non utilitas rei familiaris, non presentia tantum corporum, non subdola & palpars adulatio, sed Dei timor & divinarum Scripturarum studia conciliant. Basilius in Psalmum 44. Nemo improborum aut stultorum amicus est; nam amicitia probitas in pravam nequaquam cadit affectum, quoniam nihil turpe aut inconcinnum in amicitia concordiam venire potest. Augustinus ad Macedonium. Nemo potest veraciter amicus esse hominis, nisi fuerit ipsius primitus veritatis. IDEM gentiles Philosophi agnouerunt, licet illi veram colere amicitiam non potuerint, quia non erant amici veritatis, id est, veræ religionis. Plato in Lysia, inquit Clemens Alexandrinus, docuit in iniustitia & improbitate nunquam potuisse servari amicitiam. Aristoteles in octavo Ethicorum tradit eam verum nominis & perfectam esse amicitiam, quæ non commodi, aut voluptatis sed virtutis causa tantum concilatur. Lælius apud Cicero- nem ita loquitur. Hoc primum sentio, nisi in bonis amicitiam esse non posse. Bonos autem vocat, qui ita se gerunt, ita viuunt, ut eorum probetur fides, integritas, æquitas, liberalitas, nec in eis sit ulla cupiditas, vel libido vel audacia. Et paulo post. Sine virtute amicitia nullo pacto esse potest. Seneca

A. l. 3. offic. c. 15.

& 16.

H. ep. 103.

Aug. ep. 52.

Clem. Strom.

Ar. c. 3.

Cic. de amicis.

Sen. l. 6. c. 15.

in libris de beneficiis vult amicitiam tantum esse inter Sapientes, quod Cicero loco citato inficiatur.

II. Lex Amicitiae est, *idem velle & nolle*, quam legem praestabant primi Christiani, quorum, ut est in historia Apostolica, *erat cor unum & anima una*, & post eos S. BASILIUS, & GREG. Nazianzenus. Sic enim scribit Nazianz. *Vna utriq; anima videbatur duo corpora ferens. Vnum hoc ab utroq; nostrum agebatur, ut virtutem coleremus, atq; ad futuras spes vitae nostrae rationes accommodaremus. Vterq; alteri norma atq; amussis eramus, quarectum à prauo discernitur.* HIERON. epist. ad Demetriadem. *Eadem velle, inquit, & eadem nolle ea demum firma amicitia est.* Et in apologia aduersus Ruffinum. *Si unum credimus, si idem & volumus & nolumus, ex quo firmas nasci amicitias etiam Catilina testatur.* Et ad Castrutium. *In amicis non res quaritur, sed voluntas, quia alterum ab inimicis saepe prebetur, alterum sola caritas tribuit.* AVGVSTINVS in sermonibus de tempore. *Amicos coniunctio animorum facit, Idem velle & nolle sapiens huius mundi ait, ea demum firma amicitia est.*

III. Lex est, amicum esse alterum ipsum. Pythagorica, scribit Hieronymus in Ruffinum, & illa praecepta sunt; *Amicorum omnia sunt communia, & amicum seipsum esse alterum.* Et commentario in Michæam Prophetam. *Interrogatus quidam, quid esset amicus? respondit. Alter ego. Vnde Pythagorai duo vades se inuicem tyranno dederunt. Meminit huius legis & M. Tullius. Ipse se quisque, ait, diligit, non ut aliquam à se ipso mercedem exigat charitatis suae, sed quod per se sibi quisq; carus est. Quod nisi, idem in amicitiam transferatur, verus amicus nunquā reperietur: Est enim is amicus quidem, qui est tanquam alter idem, alterum enim acquirit, cuius animum ita cum suo commisceat, ut efficiat pene unum ex duobus.*

IV. Lex, ut amicorum omnia sint communia, quæ, ut iam dictum, ex eadem Pythagoræ Schola profecta est, sed perfectissimè in Schola Christi & Apostolorum primum obseruata, cum fideles pecuniam omnem ex diuenditis agris, domibusue conflata ante Apostolorum pedes deponerent, *nec quisquam eorum aliquid suum esse, inquit B. Lucas, dicerent, erant enim illis omnia communia*: quam viuendi formulā, deinceps monachi, religiosiq; vitæ cultores omnes in hunc usq; diem retinuerunt. Nam Possidius in vita S. Augustini ita scribit. *Augustinus factus presbyter monasterium intra Ecclesiam mox instituit, & cum seruis Dei viuere cepit secundum modum & regulam sub sanctis Apostolis constitutam, maxime ut nemo quidquam proprium in illa societate haberet, sed eis essent omnia communia.* Perfectio autem huius communionis in eo vertitur, quod illis communia sint, non externa modo praedia, & habitationis, victus & conuietus, conuersationisq; quotidiana

1 A. 4. 32.

N. orat. in lau-
com BaC

H. epist. 8. de
arg. seru.

1 phel. 33.

A. ser. 46.

H. in Apol.

Mich. 7.

Cic. de amic.

Act. 4. 32.

Possid. 5. 5.

Vide Panar. de
Propriet. relig.

na & colloquiorum, verum etiam interna, vt consiliorum optimorū & consolationum, in quibus etiam Aristoteles animaduertit præcipuam voueræ amicitia munus esse locatū. Accedit communio precum, bonorum operum, ac quod summū est, voluntatum & iudiciorū conformatio cum voluntate & iudicio superiorum & moderatorum, quibus tanquam Christo in omnibus obsequuntur, quo nullum antidorum ad pacem veramq; consensionem animorum, atq; amicitiam factam testam retinendam efficacius est. Legem hanc non ignorauit Cicero sic scribens primo Officiorum. *In graecorum prouerbio est, amicorum omnia esse communia: communia autem videntur ea, quæ sunt generis eiusdem, quod ab Ennio positum in una re transferri per multas potest.*

A. 8. Eth. c. 5.
& l. 9. c. 12.

*Vt homo, qui erranti comiter monstrat viam;
Quasi lumen de suo lumine accendat, facit,
Vt nihilo minus ipsi luceat, cum illi accenderit.*

Vna enim ex re satis percipitur, vt, quicquid sine detrimento possit commodari, id tribuatur cuiq; vel ignoto: ex quo sunt illa communia non prohibere aquam profluentem: pati ab igne ignem capere, si quis velit. Et de Amicitia. Inter amicos omnium rerum, consiliorum, & voluntatum sine ulla exceptione sit communitas. Et Seneca ad Lucilium. Consortium rerum omnium facit amicitia. Et amico crede quantum tibi. Tam audacter cum illo loquere, quam tecum. cum amico omnes curas, omnes cogitationes tuas misce. Et libro de beneficiis sexto. Non mihi sic cum amico communia omnia sunt, quomodo cum socio, vt pars mea sit, pars illius, sed quomodo patri matrisq; communes liberi sunt.

Sen ep. 48.
& 3.

Id. c. 12.

V. Lex, vt amor idem sit syncerus & fidus, ab omni fraude & fūco alienus: qua de re multa sunt monita Spiritus sancti in diuino Verbo, vt apud Ieremiam. *Vnusquisq; se à proximo suo custodiat, quia omnis frater supplantans supplantabit, & omnis amicus fraudulenter incedet.* Et in Prouerbis Salomonis. *Homo qui blandis fictisq; sermonibus loquitur amico suo, rete expandit gressibus eius.* Et in Ecclesiastico. *Amicus fidelis, protectio fortis qui autem inuenit illum, inuenit thesaurum. Et Noli amare mendacium aduersus fratrem tuum, neq; in amicum similiter facias.* Et Dilige proximū, & coniungere fide cum illo. Vnde Gregorius Nazian. in orat. ad Gregor. Nyssenum. *Amico fideli nullum est in rebus humanis par pretiū, nec bonitas illius pondere vllō estimari potest. Amicus fidelis, protectio fortis, & munitum palatium. Amicus fidelis viuus thesaurus. Amicus fidelis super aurum & lapidem pretiosum multum. Amicus fidelis hortus clausus, fons obfignatus, quæ opportune aperiuntur, & communicantur.* Ambrosius tertio officiorum. *Aperi pectus tuum amico, ut fidelis sit tibi, & capias ex eo vitæ*

Ierem. 9. 4.

Prou. 29. 5.

Eccle. 6. 14.

Eccle. 7. 13.
lb. 27. 18.

Amb. c. 19.

Eccli. 6. 26.
H. ep. 66.
A. ep. 15.

Chrys. hom. 2.

Cic.

Sen. libr. 6. c. 34.

Prou. 17. 17.

Eccl. 6. 7.
Ib. 8. 10.
A. 1. 3. offi. c. 19.

Iob. 19. 21.
Naz. ep. 64.

A. ferm. 21.
Gal. 6. 2.

Eccli. 19. 13.
Clem. c. 8.

A. 3. offic. ca. 16.

tua iucunditatem. Fidelis enim amicus medicamentum est vite, & immortalitatis gratia. Hieron. epist. ad Ruffinum. Vera amicitia, quod sentit, dissimulare non debet. Augustinus ad Hieronymum. Cum hominem Christiana charitate flagrantem, eaq; mihi fidelem amicum factum esse sentio, quicquid ei consiliorum meorum cogitationumq; committo, non homini committo, sed illi in quo manet, ut talis sit. Deus enim charitas est, & qui manet in charitate, in Deo manet. Chrysost. in priorem ad Thessalonicenses. Reuera vita pharmacum est fidus amicus, reuera protectio fortis est fidus amicus. Quid enim non efficeret germanus amicus? quantam voluptatem non generaret, quantam utilitatem quantam securitatem? Et si mille thesauros dixeris, nihil tamen germano correspondebunt amico. His Patribus consentiunt & Ethnici. M. Tullius in Lælio. Cum omnium rerum, ait, simulatio est vitiosa (tollit enim iudicium veri, idq; adulterat) tum amicitia nomen valere non potest. & Seneca de beneficiis. In pectore amicus, non in atrio quaeritur; illo recipiendus, illic retinendus, & in sensibus recondendus.

VI. Est, ut amicitia sit constans æquè in aduersis ac prosperis. nam Salomon. Omni tempore diligit, qui amicus est, & frater in angustiis comprobatur. Et Ecclesiasticus. Si possides amicum, in tentatione posside eum, & ne facile credas ei. Et: Est amicus secundum tempus suum, & non permanebit in die necessitatis. Ambrosius ita loquitur de hac lege. Si amici secunde res amicos adiuvant, cur non & in aduersis amici rebus amicorum adiumentum suppetat? Inuemus consilio, conferamus studia, compatiatur affectu, si necesse est, toleremus propter amicum etiam aspera. Quam pulcrè in aduersis positus Iob dicit. Misere mini mei amici mei, misere mini. non quasi abiecta vox ista est, sed quasi censoria Nazianzenus ad Philagrium. Quæ tibi molesta sunt, utiq; & nobis. Amicorum enim communia omnia censemus, tam prospera, quam aduersa, eaq; amicitia lex est. August. scribens de verbis Apostoli. Alter alterius onera portate, sic adimplebitis legem Christi. Nihil, ait, sic probat amicum, quemadmodum oneris amici portatio.

VII. Lex est, ut cum opus est, amicus amicum corripere non negligat. ait siquidem sapiens Corripe amicum, ne forte non intellexerit. & dicat. Non feci. aut si fecerit, ne iterum addat facere. Et Clemens Alexandrinus in Pedagogo. Benevolentia, inquit, non odij signum est, reprehendere. Ambo enim probrum obiciunt, & amicus & inimicus: sed inimicus quidem irridens, amicus autem bene volens. Ambrosius loco sæpe citato. Amicus neq; noxio gratificari debet, neq; innocenti insidiari, sed si quid in amico vitii cognouerit, corripere occultè: si non audierit, corripere palam. Sunt enim bonæ correptiones, & plerumq; meliores, quàm tacita amicitia. Et si la di se putat amicus, tu tamen corripe. Et si amaritudo correptionis animum eius vulne-

ret,

ret, tu tamen corripere ne verearis. tolerabiliora sunt enim amici vulnera, quam adulantium oscula. Chrysost. de laudibus apostoli Pauli. Gratiam habeo his, qui me arguunt. Amici enim, siue iuste, siue iniuste arguunt, non opprobrire volunt, sed emendare. Inimici autem etsi iure reprehendant, hoc tamen agunt, non ut corrigant, sed ut exhibeant. Verum quomodocumque reprehensio contingat, bonum magnū est, si ferantur reprehensiones, & non detur vel sic locus exasperationi. Qui enim odit redargui, ait, insipiens est. Non dixit, sic redargui. Nam si quidem iuste arguit amicus, agit ut peccatum corrigat; sin immerito, iam laudanda est voluntas eius & mentis intentio bona; non enim reprehenderet, nisi multum diligeret. Quod si omnes ita affecti essemus, ut & argueremus peccantes, & lapsi libenter ferremus reprehensiones, quanta hinc vita nostra accederent comoda? In peccatis enim hoc operantur reprehensiones, quod in vulneribus remedia. LÆLIUS quoque apud Ciceronem in eandem sententiam philosophatur. Monendi amici saepe sunt & obinrogandi & hæc accipienda amicè, cum beneuolè fiunt, sed nescio quomodo verum est quod in Andria familiaris meus Terentius dixit. Obsequium amicos, veritas odium parit. Et paulo post. Cuius aures clausæ veritati sunt, ut ab amico vera audire nequeant, huius salus desperanda est: scitum est enim illud Catonis, multo melius de quibusdam acerbos inimicos mereri, quam eos amicos qui dulces videantur: illos verum saepe dicere, hos nunquam. Ut igitur & monere & moneri proprium est vera amicitia, & alterum liberè facere, non asperè: alterum patienter accipere, non repugnanter: sic habendum est nullam in amicitii pestem esse maiorem, quam adulationem, blanditias, assentationem.

Prou. 27. 6.
Chrysostom.

Eccli. 27.

Cic. de amicis

IIIX. est, ut amicus arcana sua amico patefaciat; quam indicauit Ioan. 15. 16. Christus Dominus cum discipulis dixit. Iam non dico vos seruos, quia seruus nescit, quid faciat Dominus eius. Vos autem dixi amicos, quia omnia quaecumque audiui à Patre meo, nota feci vobis. Vnde Ambrosius. Ipse nos Deus amicos ex seruulis facit sicut ipse ait. Iam vos amici mei estis, si feceritis, quæ ego precipio vobis. Dedit formam amicitia, quam sequamur, ut faciamus amici voluntatem, ut aperiāmus secreta nostra amico quaecumque, in pectore habemus, & nos illius arcana non ignoremus. Ostendamus illi nos pectus nostrum, & ille nobis aperiat suum. Ideo, inquit, vos dixi amicos, quia omnia quaecumque audiui à Patre meo, nota feci vobis. Nihil ergo occultat amicus si verus est: effundit animum suum, sicut effundebat mysteria Patris dominus Iesus.

A. 3. offic. ca. vi.

Huc pertinet alia cognata lex, sed contraria, ut arcana amici non patefiant extraneis, de qua multa in Scripturis. nam Salomon ait. Qui ambulat fraudulenter, reuelat arcana: qui autem fidelis est animi, amici cælat commissum. Et. Causam tuam tracta cum amico tuo, & secretum extraneo ne reueles. Et. Ei qui reuelat mysteria, & ambulat fraudulenter, & dilatat labia sua, ne commiscearis. Et. Qui denudat arcana, amici fidem perdet.

Prou. 11. 13.

Ib. 25. 9.

Eccli. 20. 19.

Eccli. 27. 17. 24.

- est anima infelicitis.* Ita & S. Hieronym. exponens illud Salomonis. *Et qui reuelat mysteria. Siquis, inquit, voluerit tuis misceri amicitiiis, & hunc videris prioris amici pandentem secreta, hunc veluti perfidum caue.* Et in A. cap. 3. A. V. C. S. T. auctor libri de Amicitia Secretorum reuelatione inter amicos nihil turpius, nil execrabilius, nihil amoris vel gratie relinquens inter amicos, sed omnia replens amaritudine indignationis & odij. Vnde Salomon. *Qui denudat arcana amici, perdit fidem.*
- IX. Vt nihil turpe, nihil mali, quo Deus offendi possit, alter ab altero postulet. *Quid enim est amicus, ait Ambrosius, nisi consors amoris, cui te tanquam alteri tibi committas, à quo nihil timeas nisi ipse commodi tui causa inhonestum petas? Non enim vectigalis amicitia est, sed plena decoris, plena gratia. Virtus est enim amicitia, non quaestus.* Et Cicero præclare in libro de Amicitia. *Hæc prima lex in amicitia sancitur, ut neque rogemus res turpes, nec faciamus rogati: turpis enim excusatio est, & minimè accipienda, cum in ceteris peccatis, tum si quis contra Rempubl. se amici causa fecisse videatur.* Et multo post. *In talibus stabilitas amicitia confirmari potest, cum homines benevolentia coniuncti, primum cupiditatibus suis, quibus ceteri seruiunt, imperabunt: deinde æquitate, iustitiæque gaudebunt, omniaque alter pro altero suscipiet, neque quidquam unquam nisi honestum & rectum alter ab altero postulabit: itaque in his perniciosus est error, qui existimant libidinum, peccatorumque omnium patere in amicitia licentiam: virtutum enim amicitia adiutrix à natura data est, non vitiorum comes.*
- X. Lex, ut externa comitatis & humanitatis officia imprimis sibi mutuo declarent. Ac primò in conformandis moribus. *Deus enim inquit regius Psaltes, inhabitare facit vnius moris in domo. Amicitia, æqualitatis, auctore Ambrosio, magistra est, ut superior inferiori se exhibeat æqualem, inferior superiori.* Inter dispares enim mores non potest esse amicitia. Et Cassianus. *Amicitia sola virtutum paritate fœderatur, Dominus enim facit habitare vnius moris in domo.* Et M. Tullius. *Vt qui sunt in amicitia superiores, ex æquare se cum inferioribus debent: sic inferiores dolere non debent, se à suis amicis, aut ingenio, aut fortuna, aut dignitate superari: dispares enim mores disparia studia sequuntur, quorum dissimilitudo dissociat amicitias.* 2. in affabilitate exhibenda, vnde Syracides. *Amicum salutare non confundar, à facie illius non me abscondam.* Et Salomon, *Vir amabilis ad societatem magis amicus erit, quam frater.* Et Tullius. *Accedat suauitas quadam oportet sermonum atque morum haudquaquam mediocre condimentum amicitia, tristitia autem & in omni re seueritas absit.* Clemens Alexandrinus notauit suo quo Christianos sobriis haustibus amicitie ergo consueffe bibere. 3. beneficentia & hospitalitate. *Qui tollit ab amico suo misericordiam, inquit Iob, timorem Domini derelinquit.* Et Sapiens. *Ne dicas amico tuo vade*

Et reuertere, cras dabo tibi, cum statim possis dare. Et Clemens Alex. 2. Stromatæo. Adhæret charitati & hospitalitas, quæ est artificium amicitie circa visum hospitum. Hospites autem sunt, qui etiam dicuntur ἐμῆγοι, id est, amici. Ch. hom. 2. Tum Chrysost. Qui amat, beneficium magis impendere, quam accipere 1. Thess. 2. cupit. non ita gaudet sibi benefieri, ut alijs benefacere.

XI. Lex est, ut amicus paratus sit pro amico vitam profunderet. Maiorem hac dilectionem, inquit Dominus apud S. Ioannem, nemo habet, ut animam suam ponat quis pro amicis suis. Et ipse Ioannes in epistola prima. In hoc cognouimus charitatem Dei, quoniam ille animam suam pro nobis posuit, & nos debemus animas pro fratribus ponere. S. AUGUSTINVS tractatu 84. in Ioannem cum hac duo testimonia citasset. Hoc, addit, beati martyres ardenti dilectione fecerunt, quorum memorias celebramus. Hoc optauit facere & Apostolus Paulus, cum in epistola priore ad Thessalonicenses scribit in hæc verba. Ita desiderantes vos cupide volebamur tradere vobis non solum Euangelium Dei, sed etiam animas nostras, quoniam charissimi nobis facti estis. Vbi CHRYSOSTOM. Ita enim oportet amantem amare, ut etsi anima ab eo postuletur, & possibile sit non prohibeat. Non dico postuletur, sed ut & ipse ultro tali dono accurrat. Nihil enim nihil tali dilectione dulcius esse poterit, nihil illic triste accidet, &c. Et de ge. manis amicis loquor, qui eiusdem sunt animi, qui & mortem inuicem alius pro alio subire cupiunt, qui feruenter amant. Et infra. Talis erat Paulus, qui animam suam libenter, etiam non rogatus dedisset, & in gehennam quoque cupide descendisset. nempe cum scripsit Romanis. Optabam enim ego ipse anathema esse à Christo pro fratribus meis. Idem fecere pro salute S. Pauli Prisca & Aquila, Epaphroditus, Galatæ & alii, de quibus idem Chrysostomus homilia in verba illa. Salutate Priscam & Aquilam. Tales amici erant Gregorius Nazianzen. & Basilus, de quibus ipse Nazianzen. Nec nobiscum, inquit, gentiles, Orestes suos & Pylades ullo modo conferendos putabant, nec Molionidas illos Homérico versu celebratos, quos calauitatis societas atque ars egregie aurigandi nobilitauit eodem tempore fræna & verbera inter se patientes. Verum nec Ethnicorum Philolophi huius legis ignari fuere. SENECA enim stoicus sic scribit ad suum Lucilium In quid amicum paro ut habeam pro quo mori possim: ut habeam, quem in exilium sequar. Detrahit amicitie maiestatem suam, qui illam parat ad casus. Et LÆLIUS apud Ciceronem. Si quando aliquod officium existit amici in periculis aut adeundis aut communicandis, quis est qui id non maximis offerat laudibus? qui clamores tota cauea nuper hospitum & amici mei M. Pacuui in noua fabula? cum, ignorante Rege, vter coram esset Orestes, Pylades Orestem se

Ch. hom. 2.
1. Thess. 2.

Ioan. 15. 13.
2. Ioan. 3. 16.

A. in c. 15. Ioan.

Chr. ho. 2 & lib.
2. de Sacerdotio
de Basilio.

Rom. 9. 3.

N. orat in Basil.

Sen. ep. 9.

esse diceret, ut pro illo necaretur: Orestes autem, ita ut erat, Orestem se esse perseveraret? stantes autem plaudabant in re ficta: quid arbitramur in vera fuisse facturos? facile indicabat ipsa natura vim suam, cum homines, quod facere ipsi non possent, id recte fieri altero indicarent. Si verum exemplum apud Ethnicos quaeritur, id commemorat LACTANTIUS libro quinto de iustitia, ut probet posse innocentem cum laudemori pro Deo. Quid, inquit, illi Pythagorei familiares laudantur à vobis, quorum alter se tyranno vadem mortis pro altero dedit, alter ad praestitutum tempus, cum iam sponsor eius duceretur, praesentiam sui fecit, eumque interuentu suo liberavit? quorum virtus in tanta gloria non haberetur, quod alter pro amico, alter etiam pro fide mori voluit, si stulti putarentur. Denique ob hanc ipsam virtutem tyrannus his gratiam retulit, utrumque servando, & hominis crudelissimi natura mutata est. Quinetiam deprecatus esse dicitur, ut se tertium in amicitiam reciperent non utique, tanquam stultos, sed tanquam bonos & sapientes viros.

La. c. 17.
Amb. l. 1. de vir-
gin. vocat Da-
monem & Py-
thiam.

Eccl. 6. 8.
H. ep. ad Ruf. 41.
A. 3. off. c. 16.

Ch. hom. 6. l. 10
Mat.

1. Cor. 13. 1.

Cass. 16. col. c. 3.

Ar. cap. 3.

XII. & postrema, ut amicitia sit indissolubilis & aeterna. Vnde sapiens ridet amicum temporarium. Est, inquit, amicus secundum tempus suum, & non permanebit in die tribulationis. S. Hieronym. dictum est. Amicitia, quae desinere potest, vera nunquam fuit. Et AMBROSIVS. Constans debet esse amicitia, perseverare in affectu, non puerili modo amicos mutare vaga quadam debemus sententia. Quam boni amici Hebraei pueri, quos à sui amore nec fornacis ardentis flamma diuixit? Et Chrysostom. Qui caducis instabilibusque de causis amicitiam inveniunt, eorum coniunctio perpetua esse non potest, sed vel contemptus, vel pecuniarum iactura vel liuor, vel gloria cupiditas, vel aliud huiusmodi amicitia dissoluta dissidium induxit. Vbi si spiritalis esset radix nulla res secularis eam euelleret. Ea certe charitas, quae Christi causa fundatur firma, stabilis atque inuicta est, nec ulla obrectatione, non periculis, non morte, non alia re temporali conquassatur. Idcirco Paulus quoque dicebat. Charitas nunquam excidet. Omnia enim quae seculares amicitias tollunt, spiritalem amorem magis confirmant. Lege de hoc argumento homiliam primam eiusdem in epistolam ad Colossenses. Chrysostomo subscribit discipulus eius CASSIANVS. Hec amicitia sola similitudine virtutum iuncta est, quae in nullis unquam casibus scinditur, quam non solum dissociare, vel delere locorum vel temporum intervalla non praevalent, sed ne mors quidem ipsa diuellit. Hec est vera & indurupta dilectio, quae gemina amicorum perfectione ac virtute conrescit. Cuius semel initum foedus, nec desideriorum varietas, nec contentiosa dirumpet contrarietas voluntatum. Hanc quoque legem uti rationi consentaneam agnouerunt gentiles philosophi, ut Aristot. in octauo Ethico, & Cicero in Laelio, dum ait. Erit ami-

citiae

amicitiæ ortus à natura, quam ab imbecillitate grauior & verior: sed quia natura mutari non potest, ideo vera amicitia sempiterna sunt. Seneca item in epistolis sugillat amicitias temporarias. Sen. epist. 9.

CAPVT IV.

*Quam nobilis, necessaria, salutaris, & iucunda sit
Amicitia Virtus.*

PRIMUM nobilitas & præstantia virtutis Amicitia hætenus suis notis descripta inde liquet, quod nihil discrepare videatur ab ipsa Charitate proximi, quam Apostolus Paulus omnibus virtutibus donisq; cælestibus prætulit. Gregorius Theologus in Apologetico, nihil, inquit, amicitia venerabilius. Quid amicitia, ait Ambrosius, preciosius est, quæ angelis communis & hominibus est? Et Hieron. in Michæam. Scripsit Theophrastus tria de amicitia volumina omni eam præferens charitati, & tamen raram in rebus humanis esse contestatus est. Chrysost. quoq; in Apostolum. Amici excellunt Patres & filios, amici iuxta Christum. Nec mihi dicas hoc bonum nunc cum alijs plerisq; in Ecclesia cessasse, sed cogita quomodo apud Apostolos non coryphæos dico, sed ipsos credentes omnium fuerit anima una & cor unum, & nemo quicquam suorum bonorum suum esse dixerit, non erat inter eos Meum actuum. Magnum quid est amicitia, & quam magnum nemo potest cognoscere, neq; sermone consequi præter ipsam experiētiam. Hoc hæreses fecit, hoc Græcos fecit esse græcos, &c. Sicut si de plantula quapiam in India crescente dicerem, cuius nemo haberet experiētiam, nullo sermone illam exprimere possem, ita & nunc quicquid dixero, frustra dixero, nemo intelligere valebit. In celo plantata est hæc planta ramos habens non margaritis, sed vita recta ac solida, illis multo nobiliore, onassos. Consentit & hic S. Patribus eloquentia Princeps. Ego hortari tantum possum, vt amicitiam omnibus rebus humanis anteponatis. nihil est enim tam nature aptum, tam conueniens ad res vel secundas, vel aduersas. Et infra. Haud scio, an, excepta sapientia, quidquam melius homini sit à dijs immortalibus datum. 1. Cor. 13. 1.
& post reditum
ex fuga.
A. 1. off. c. 16.
H. l. 2. c. 7.
C. hom. 2. in
1. Thes. 2.
Act. 4. 32.
Cic. in Laelio.

2. NECESSITAS huius virtutis inde probatur, quod cum hæc amicitia à germana proximi dilectione proximi diuelli non possit, æquæ eam videri necessariam atq; dilectionem. Qui enim non diligit fratrem, ait B. Ioannes, manet in morte. Et B. Paulus. Si tradidero corpus meum ita vt ardeam, charitatem autem non habuerò nihil mihi prodest. Vnde Augustinus ad Martianum veterem amicum. Gratias Deo, quod te mihi amicum facere tandem aliquando dignatur. Nunc enim nobis est rerum humanarum & diuinarum cum beneuolentia & charitate consensio in Christo

Matth. 23. 17.

Cic. de amic.

A. fib. 8. & 9.
Lib.

Eccle. 25. 12.
ib. 6. 16.
Eccle. 4. 9.

H. in Eccle.

Chr. hom. 2.
in Thest.

De amicis.

IESU Domino nostro verissima pace nostra. Qui duobus praeceptis cuncta praecordia diuturna conclusit dicens. Diliges Dominum Deum tuum ex toto corde tuo, & ex tota anima tua, & ex tota mente tua, & diliges proximum tuum tanquam teipsum. In ijs duobus praeceptis tota lex pendet & propheta. In illo primo, rerum diuinarum, in hoc secundo rerum humanarum est cum beneuolentia & charitate consensio. Hac duo si mecum firmissime teneas, amicitia nostra vera ac sempiterna erit, & nos non solum inuicem, sed etiam ipsi Domino sociabit. Eandem necessitatem, licet temporalem professus est Laelius hic verbis apud saepe dictum M. Tullium. Solem è mundo tollere videntur, qui amicitiam è vita tollunt, qua nihil à Dijs immortalibus melius habemus, nihil iucundius. Et multo post. De amicitia omnes ad unum idem sentiunt, & ij qui ad Remp. se contulerunt, & ij qui rerum cognitione, doctrinaq. delectantur, & ij qui suum negotium gerunt otiosi: postremo ij, qui se totos tradiderunt voluptatibus, sine amicitia vitam esse nullam, si modo velint aliqua ex parte liberaliter viuere. Immo Peripateticorum princeps ab hoc necessitatis Loco disputationem de amicitia duobus libris comprehensam inchoauit. Necessitati affinis est Utilitas.

3. UTILITATEM diuinæ litteræ nobis prædicare non prætermisere. Beatus, inquit Sapiens, qui inuenit amicum verum. Et Amicus fidelis medicamentum vitæ, & immortalitatis, & qui metuunt Dominum inuenient illum. Et Ecclesiastes. Melius est duos esse simul, quam unum, habent enim emolumentum societatis suæ: si unus ceciderit, ab altero fulcietur. In quæ verba sic HIERONIMVS. Hic dicitur quid boni habeat amicorum contubernium, & commune solatium, quia & alterius ruina, alterius auxilio subleuetur, & curas domesticas, ipsius quoq. noctis requiem melius exigit ille, qui fidum habet amicum, quam qui solis opibus incubat acquisitis. Et si robustior inimicus quis contra unum surrexerit, imbecillitatem alterius amici solatio sustentari. Et S. CHRYSOSTOMVS. Reuera, inquit, vitæ pharmacum est fidus amicus, reuera protectio fortis est fidus amicus. Quid enim non efficeret germanus amicus? Quantam utilitatem, quantam securitatem in generat si mille thesauros dixeris, nihil tamen germano corresponsdebunt amico. Et infra. Cum amico & paupertas tolerabilis est: Sine illo & sanitas & diuitie intolerabiles sunt. Alium pro se ipso habet qui amicum habet. Præstringor, & veluti præcludor faucibus, non valens exemplo aliquo rem istam exprimere. Noui ego quendam qui cum sanctos viros amici sui causa obsecraret, primum pro illo, & tum demum pro se orare obsecrabat. Apud Deam verò tanta est amicitie merces, quanta dici nequit. Multa de hoc capite noster IULLIVS. Res splendidiores, ait, facit amicitia, & aduersas partiens communicansq. leuior. cumq. plurimas & ma-

A M I C I T I A.

27

& maximas commoditates amicitia contineat, tum illa nimirum prestat omnibus, quod bona spe pralucet in posterum, nec debilitari animos, aut cadere patitur. Verum etenim amicum qui intuetur tanquam exemplar aliquod intuetur sui, quocirca & absentes adsunt, & egentes abundant, & imbecilles valent, & quod difficilius dictu est, mortui viuunt, &c. Superest Iucunditas.

4. Iucunditatem huius virtutis indicauit Salomon, dum in Pro-
uerbiis ait. *Vnguento & varijs odoribus delectatur cor, & bonis amici con-*
silijs anima dulcoratur. Et regius Vates longe prospiciens vitæ reli-
giosæ suauitatem exclamat. *Ecce quam bonum & quam iucundum ha-*
bitare fratres in vnum. Sicut vnguentum in capite quod descendit in bar-
bam Aaron. Vbi enim est perfectior sociorum amicitia, con-
stantiorq; quam in sodalitate religiosorum, vbi omnium est cor v-
num & anima vna, vbi vt in primo Apostolicæ Ecclesiæ cætu, omnia
sunt communia? Ita sonus huius psalmi, inquit A V G V S T I N V S in com-
mentario illius, *dulcis est, vt & qui psalterium nesciunt ipsum versum can-*
tent. Tam dulcis est, quam dulcis est charitas, quæ facit fratres habitare in
vnum. Iste dulcis sonus, ista suavis melodia tam in cantico, quam in intellectu
monasteria peperit. Ex voce huius psalmi, appellati sunt & monachi. Vo-
luptatem autem germanæ amicitix, sed Spiritualis graphice depin-
git A V R E V M os in commentariis Paulinis. *Est, inquit, reuera a-*
micus ipsa luce iucundior; germanum dico, & ne mireris. Est enim nobis so-
lem hunc extingui iucundius, quam amicorum consuetudine priuari, iucun-
dus in tenebris agere, quam sine amicis esse. Et quomodo? dicam. Quia
multi solem istum videntes in tenebris sunt: qui verò amicorum copiam adepti
sunt, nec in afflictionibus quidem tristitiam habent. De Spiritualibus amicis
dico, qui nihil amicitix preponunt. Et infra. *Quam mihi voluptatem op-*
pones, siue turpem, siue honestam? Omnes excellit ea, quæ amicitia est, etiam si
eam dixeris, quæ mellis est. Fit enim fastidiosum mel, amicus verò nunquam,
quin magis crescit illius desiderium, ita vt illius voluptas nunquam fastidium
patiatur. Hæc Chrysostomus. Concludo cum Lælio Ciceronis. Cui.

Prou. 27.9.

Psal. 133.1.

Act. 4. 32.

Ch. hom. 2. in
r. Thest.

Quis potest esse vita vitalis, vt ait Ennius, qui non in amici mutua beneuo-
lencia conquiescat? quid dulcius, quam habere quo cum omnia au leas
sic loqui vt tecum? qui esset tantus fructus in prosperis rebus,
nisi haberes, qui illis aquæ, ac tu
ipse, gauderes?

* * *

C A P V T

*Quibus modiis amicitia ineatur, conseruetur
& augeatur.*

T. in c. 7.
Mich. & epist.
41.

1 Ioan. 4. 1.
S. epist. 1.

C. de amic.

A. c. 13.

A. lib. 3. c. 10.

Cic. de amic.

A. serm. 23.

A. ser. 23.

ET si haecenus satis multa de Amicitia dicta, media tamen non videntur omittenda. Vt enim S. Hieronymus se legisse in cuiusdam controuersia testatur, *Amicus diu queritur, vix inuenitur, difficile seruetur.* Principio ergo ad amicitiam cum viris bonis contrahendam haec cautio praestet, vt explores vitam moresq; futuri amici, iuxta consilium S. Ioannis Apostoli. *Probate Spiritus si ex Deo sint:* Et Seneca ad Lucilium. *Omnia cum amico delibera, sed de ipso prius. Si amore dignus fuerit.* Medium primum sit Amor: nam cum amicitia nomen suum, teste Tullio, ab amore mutuata sit, merito eiusdem beneficio rem nomini subiectam venabitur. 2. Beneuolentia. *Amicitia siquidem, auctore S. Ambrosio libro primo officiorum, ex beneuolentiae fonte procedit.* 3. Affabilitas, de qua supra dictum. 4. Liberalitas. vnde Romani, teste S. Augustino in libris de ciuitate DEI, magis dandis, quam accipiendis beneficiis amicitias parabant. 5. Virtus, nec enim nisi ob virtutem initur. Hoc medium tradit Chrysost. homilia. 40. in Acta Apostolorum. *Quid, inquit, facit amatorem corporum! Corporis luculentia & formositas itaq; & animas faciamus pulcras & luculentas & erimus inter nos mutuo amatores. Non enim solum oportet amare, sed etiam amari. Primum hoc curemus vt amemur, eritq; secundum factu facillimum. Simus pulcri ac boni, & ita semper habebimus amatores.* Haud secus Lælius. *Nihil, ait, est amabilius virtute, nihil quod magis alliciat homines ad diligendum, quippe cum propter virtutem & probitatem eos etiam, quos nunquam vidimus, quodammodo diligamus.* 6. Medium est, facilitas in admittendo alio ad amicitiam. Quod tradit S. Augustinus de verbis Apostoli. *Nullius, inquiens, repudianda est amicitia sese ingerentis ad amicitiam copulandam, non vt statim recipiatur, sed vt recipiendus optetur, atq; ita tractetur, vt recipi possit.* Illum enim receptum in amicitiam possumus dicere, cui omnia consilia nostra refundere audeamus. Et si sit quisquam, qui se non audet ingerere ad amicitiam faciendam, cum aliquo nostro temporali honore aut dignitate reuocatur, descendendum est ad eum, & offerendum illi quadam comitate & submissione anima, quod petere per semetipsum non audet.

1^a. Conseruari & augeri eadem amicitia potest, primo mediis iam numeratis. 2. plerisque amicitiae legibus. 3. tolerantia leuiorum defectuum amici. nam vt loco iam citato idem Augustinus subiunxit,

Admo-

Admonet Dominus noster IESVS Christus, qui nos vult effici imitatores suos, ut eius infirma toleremus, ut ad quadam sana, in quorum delectatione acquiescamus per charitatis tolerantiam perducamur. ait enim. Non est opus Matth. 9. 12.
sanis medicus sed egrotantibus. Dixi, leuiorum, nam si grauiiores sint defectus & incorrigibiles, dissuenda magis, auctore Catone, quam discindē, da est amicitia, nisi quadam admodum intolerabilis iniuria exarsērit, ut neq. rectum, neq. honestum sit, neq. fieri possit, ut non statim alienatio, disunctioq. facienda sit. Cauendum tamen erit, ne non solum amicitia deposita, ait Lælius, sed inimicitia etiam suscepta videantur: nihil enim turpius, quam cum eo bellum gerere, qui cum familiariter vixeris. Ioan. Cassianus Cass. c. 6.
collatione 16. monachis suis pro facta recta præstanda amicitia ac societate aliquot media singillatim præscribit. 1. ut firmum fundamentum iaciant in contemptu substantiæ mundialis & omnium rerum etiam vilissimarum, quas habent, despectione. 2. ut ita suas vnusquisq. refecet voluntates, ne suis malit, quam proximi definitionibus obedire. 3. ut sciat omnia etiam quæ necessaria & vtilia æstimat postponenda bono caritatis & pacis. 4. ut caueat iracundiam, quæ mater est discordiæ. 5. ut iracundiam fratris aduersus se etiam sine ratione conceptam curare, æquē ac suam, desideret. 6. ut se de homundo credat quotidie migraturum, quod generale vitiorum omnium peremptorium est. 7. ut etiam in opinionibus ad intellectum pertinentibus fugiat contentiones. 8. ut nunquam suo plusquam fratris iudicio fidat, ne decipiatur à diabolo, & seruet illud Apostoli Cap. 3. 9. 10. 11. & 12.
Honore inuicem præuenientes. Nam Paulus ipse, licet de cælo vocatus Rom. 12. 10.
non fidens prædicationi sui Euangelii, Hierosolymā abiit, ut cum coapostolis Secreta examinatione illam conferret, ut est in
epistola ad Galatas. Hæc de Amicitia cum hominibus. nam de Amicitia cum Deo,
agemus titulo, de Familiari-
tate cum Deo.

* *

VIDE. V. Beneuolentia. Charitas in Deum & proximum. Familiaritas cum Deo.

BENEVOLENTIA.

B

BENEFICENTIA. Vide V. Liberalitas.

BENEVOLENTIA.

De nomine benevolentiae, origine, dignitate, necessitate, effectis & mediis, quibus augeatur.

Clem. c. 16.

Tho. 2. 2. q. 31.
a. 4.

Amb. c. 30. 31.
31. 14.

Gen. 2. 24.

c. 30. 31.

2. Cor. 9. 7.
1. Cor. 13. 17.

Gen. 2. 24.



Vod ad nomen attinet, Benevolentia, auctore CLEMEN-
TE Alexandrino libro primo Pædagogi, nihil aliud est,
quam voluntas boni proximi sui propter illum. S. Thomas A-
quinas vult non esse specialem virtutem, sed actum chari-
tatis internum, quo volumus benefacere proximo, sicut beneficentia
est actus externus eiusdem, quo re ipsa benefacimus. Cætera sume-
mus ex libro primo Officiorum D. Ambrosii.

ORIGINEM his verbis describit. Benevolentia à domesticis præ-
mium profecta personis, id est, à filiis, parentibus, fratribus per coniunctio-
num gradus in ciuitatum peruenit ambitum, & de paradiso egressa mundum
repleuit. Denique cum in viro & femina benevolentem Deus posuisset affectum,
dixit. Erunt ambo in vna carne & in vno Spiritu. Unde se Eua serpenti
credidit: quoniam qua benevolentiam acceperat, esse malevolentiam non opi-
nabatur.

DIGNITAS indeliquet, quod quicquid præstantiæ est in be-
nificentiâ vel liberalitate, ea à benevolentia laude sumitur. Beneuo-
lentiâ, inquit idem, est fons beneficentiæ vel liberalitatis: nec enim satis
est benefacere, nisi id ex bono fonte, hoc est, ex bona voluntate proficiscatur.
Hilarem enim datorem diligit Deus. Nam si inuitus facias, qua tibi merces
est? Si volens hoc ago, ait Paulus, mercedem habeo. Affectus diuitem col-
lationem, aut pauperem facit, & pretia rebus imponit. In reddendo quoque
beneficio plus animus, quam census operatur, magisque præponderat beneuolen-
tiâ, quam possibilitas referendi muneris. Magna igitur benevolentia, quæ eri-
am si nihil conferat, plus exhibet, idque facit sine ullo sui dispendio & lucro o-
mnium. Et ideo benevolentia præstat supra ipsam liberalitatem: ditior hæc
meritis, quam illa muneribus. Vbi deest liberalitas, benevolentia manet.
Haud secus Philosophatus est, L. Annaeus Seneca libro primo de
beneficiis. Non potest, inquiens, beneficium manu tangi, animo cerni-
tur. Multum interest inter materiam beneficii & beneficium. Itaque nec ali-

rum, nec argentum, nec quicquam eorum qua à proximis accipiuntur, beneficium est, sed ipsa tribuentis voluntas. Et paulo post. Quid est ergo beneficium? Beneuola actio, tribuens gaudium, capiensq. tribuendo, in id quod facit prona, & sponte sua parata. Itaq. non quid fiat, aut quid detur, refert, sed qua mente & animo. Animus est, qui parua extollit, sordida illustrat, Si aut nec in victimis quidem, licet opimæ sint, auroq. præfulgeant, Decorum est bonos, sed pia ac recta voluntate venerantium. Hæc ille. Sequitur necessitas.

NECESSITATEM Ambrosius probat ex quotidianis hominum officiis, ad instituendam vitam necessariis. Tolle, inquit, ex usu hominum benevolentiam, tanquam solem de mundo tuleris, ita erit: quia sine ea usus hominum esse non potest, ut peregrinanti monstrare viam, reuocare errantem, deferre hospitium, aquam de aqua profluenti dare, lumen de lumine accendere. Est etiam illa benevolentia liberalitas, ut si quod habes debitoris chirographum sciens restituas, nihil à debitore consecutus debiri. Non igitur mediocris virtus, de qua sibi plaudebat Iob dicens. Foris autem, non habitabat hospes, ianua mea omni venienti patebat. Exemplo quoq. sui, (in debitoris chirographo) restituendo, facere nos debere Iob sanctus admonet. Nam qui habet, non mutuatur: qui non habet, non liberat Syngrapham. Quid igitur etiamsi ipse non exigas, auaris heredibus reseruas, quam potes cum benevolentia laude sine damno pecunia representare?

EFFECTVS benevolentia sunt hi, eodem auctore. Benevolentia, ut communis quadam parens omnium, ait, amicitiam conneclit & copulat, in consilijs fidelis, in prosperis lata, in tristibus mæsta, ut unusquisq. benevolentis se magis quam sapientis credat consilio: ut David cum esset prudentior, Ionatha tamen iunioris consilijs acquiescebat. 2. Habet in se benevolentia etiam fortitudinem. nam cum amicitia ex benevolentia fonte procedat, non dubitat pro amico graua vita sustinere pericula. Etsi mala mihi, inquit, euenerint per illum sustineo. 3. Benevolentia etiam gladium iracundia extorquere consuevit. 4. facit, ut amici vulnera utilia magis, quam voluntaria inimici oscula sint. 5. facit ut unus fiat ex pluribus: quoniam etsi plures amici sint, unum fiunt, in quibus unus Spiritus & una sententia est. 6. Simul aduertimus etiam correptiones in amicitia gratas esse, quæ aculeos habent, dolorem non habent. Compungimur enim censorijs sermonibus, sed benevolentia delectamur sedulitate. 7. Ad summam, non omnibus eadem semper officia debentur, nec personarum semper, sed plerumq. cassarum & temporum prelationes sunt, ut vicinum quis interdum magis, quam fratrem adiuuerit.

Prou. 17. 10.

Quoniam & Salomon dicit. Melior est vicinus in proximo, quam frater longe habitans. Et ideo plerumq. amici se benevolentia quisq. committit quam fratris necessitudini. Tantum valet benevolentia, ut plerumq. pignora vincat natura. Restant Media.

2 Reg. 19. 1.
Psalm. 17. 16.

1. MEDIA ad augendam, conseruandamq. benevolentiam idem Sanctus non tacuit. Augetur, ait, benevolentia catu Eulotie, fidei consortio, initiandi societate, percipiende gratia necessitudine, mysteriorum communionem. Hac enim etiam appellationes necessitudinum, reuerentiam filiorum, auctoritatem & pietatem Patrum, germanitatem fratrum sibi vindicant. Multum igitur ad cumulandam spectat benevolentiam necessitudo gratia. 2. Adiuvant etiam parium studia virtutum: Siquidem benevolentia etiam morum facit similitudinem. Deniq. Ionathas filius regis imitabatur Sancti David mansuetudinem, propter quod diligebat eum: Vnde & illud. Cum Sancto sanctus eris, non solum ad conuersationem sed etiam ad benevolentiam deriuandum videtur. Nam utiq. & filij Noe simul habitabant, & non erat in his morum concordia. Habitabant etiam in domo patria Esau & Iacob, sed discrepabant. Non enim erat benevolentia inter eos, quæ sibi praeferret alterum: Sed magis contentio, quæ praeperet benedictionem. Nam cum alter praeurus, alter mansuetus esset, inter dispares mores & studia compugnantia benevolentia esse non poterat. Adde quia sanctus Iacob paterna degenere domus virtuti praeferre non poterat. 3. Nihil autem tam consociabile, quam cum aequitate iustitia, quæ velut compar & socia benevolentia facit, ut eos, quos pares nobis credimus, diligamus. Deniq. quæ media ad amicitiam colligendam, valent, eadem valere poterunt ad benevolentiam.

VIDE V. Affabilitas, Amicitia, Charitas. Hospitalitas. Liberalitas.

C

CASTITAS.

CAPVT I.

Quid castitatis, vel quod idem est, pudicitia, aut continentia nomine intelligamus.



1 Theſ. 4. 3.

CASTITATIS nomine generatim intelligimus virtutē quādam temperantiæ omnibus Christianis ad salutem necessariam, nempe eam quæ repugnat vitio libidinis vel luxuriæ, quam Apostolus vocat sanctificationem, vel sanctimoniam. Hæc est voluntas DEI, inquit in priore ad Theſſaloni-

cca-

centes, sanctificatio vestra, ut abstinatis vos à fornicatione, ut sciat ^{Heb. 12. 14.}
 unusquisq. vestrum vas suum possidere in sanctificatione & honore, ^{T. de exhor. 22.}
 non in passione desiderij. Et ad Hebræos. Pacem sequimini cum omnibus, & ^{stiratis.}
 sanctimoniam sine qua nemo videbit Deum. Vnde Tertullianus. Affice epi-
 stolas Pauli, omnes propudicitia, pro castitate, & sanctitate prætendunt, omnes
 in luxuria, & lascivia, & libidinis negotia iaculantur. Quid deniq. & Thes-
 salonicensibus scribit? Aduocatio enim nostra non ex seductione, nec ex immunditia. ^{Cass. lib. 6. c. 15.}
 Et hec est voluntas Dei, sanctimonia nostra, abstinere vos à fornicatio-
 ne, &c. Et Ioan. Cassian. in libris institut. monast. Ne forte Apostolus
 dubium nobis relinqueret, vel obscurum, quidnam sanctificationem voluerit
 appellare, utrum iustitiam, an caritatem, an humilitatem, an patientiam? in o-
 mnibus enim istis virtutibus creditur acquiri sanctificatio, infert & manifestè
 designat, quid propriè sanctificationem voluerit appellare. Hec est voluntas
 Dei sanctificatio vestra, ut abstinatis vos, inquit, à fornicatione & honore,
 &c. Vide quibus eam laudibus prosequatur, honorem vasis, id est, corporis no-
 stri, & sanctificationem eam appellans. Igitur e contrario, qui in passione desi-
 derjet in ignominia & immunditia consistit, & alienus à sanctificatione ver-
 satur. Tercio quoque post pauca infert, rursus sanctimoniam eam pronunti-
 ans. Non enim vocauit nos Deus in immunditiam, sed in sanctificationem. Et
 paulo post. Aliud adhuc simile huic pratermissum eiusdem Apostoli testimo-
 nium ponam. Ad Hebræos namq. scribens: Pacem, inquit, sectamini cum o- ^{Heb. 12. 14.}
 mnibus, & sanctimoniam, sine qua nemo videbit Deum. Hic quoque euiden-
 ter sine sanctimonia, quam solet integritatem mentis, vel puritatem corporis
 appellare, pronunciauit Deum penitus videri non posse. Siquidem & hic simi- ^{Chrys. in 8.}
 liter infert, eundem sensum explanans, Ne quis fornicator, aut profanus, ut ^{Thess. hom. 5.}
 Esau. Eadem verba ante eum exponens S. Chrysostom. ita scribit. ^{Heb. 12.}
 Vide quomodo Paulus nusquam de alia quapiam re adeò vehementer, obscure,
 ac latenter loquitur, atq. de ista. Quemadmodum & alibi scribens dicit. Pa- ^{1. Tim. 2. 2.}
 cem sectemini cum omnibus, & sanctificationem, sine qua nemo Deum vide-
 bit. Et quid miraris, quod ubiq. discipulis de hac re scribit, quando & Timotheo
 scribens dixerit: in multa tolerantia, in ieiuniis, in castitate & puritate. Et in
 multis locis hoc inuenire licet, & in ea, quæ ad Romanos est & passim in omni-
 bus ubique epistolis. Reuera namque quosuis hoc malum corrumpit ac perdit.

Et quemadmodum porcus in cæno volutatus, quocunque ingressus fue-
 rit, omnia fetore replet, ac sensus graueolenti fercore
 imbuunt, ita & scortatio malum est, quod
 difficile abluatur.

* * *

BENEVOLENTIA

CAPVT II.

De Conditionibus castitatis, quatenus vera & salutaris virtus est.

Arist. 7. Ethic.

Heb. 11. 6.
Tertulianus.

Rom. 14. 12.

Psalm. 91. 27.

1. Cor. 13. 3.
Bernardus ep. 42.

Cass. coll. 13. c. 4.

PHILOSOPHI gentiles virtutē castitatis non agnouerūt, ne Aristoteles quidem, qui nimis angustis terminis eam circumscribēs tantum agnoscit viam esse ad virtutem. Prima causa est, quia fide caruerunt, sine qua impossibile est, teste Apostolo, placere Deo. Vnde Tertulianus de cultu feminarum. *A feminis nationum abest conscientia vera pudicitia, quia nihil verum in his, quae Deum nesciunt presidem & magistrum veritatis. Nam & si quae in gentilibus pudicitia credi potest, usque adeo eam imperfectam & inconditam constat, ut licet animo aliquatenus tenax sui agat, in habitus tamen licentia sese dissoluat.* Et Augustinus lib. 1. de nuptiis c. 4. *Cum virtus sit pudicitia, cui vitium contrarium est impudicitia, omnesque virtutes etiam, quae per corpus operatur, in animo habitent, quomodo vera ratione pudicitiam, quae per corpus operatur, in animo habitent, quomodo vera ratione pudicitiam cum corpus asseritur, quando à vero Deo ipse animus fornicatur? Quam fornicationem sanctus ille psalmus accusat, ubi dicit. Ecce enim, qui longē se faciunt à te peribunt, perdidisti omnem, qui fornicatur abs te. Vera igitur pudicitia, siue coniugalis, siue vidualis, siue virginalis dicenda non est, nisi quae vera fidei inancipatur. Cum enim recte iudicio praferatur nuptiis sacrata Virginitas, quis non sobria mente Christianus etiam non uni viro Christianas Catholicas nuptias, non solum Vestalibus, sed etiam haereticis virginibus anteponat? Tantum valet fides, de qua dicit Apostolus, omne quod non est ex fide peccatum est. Et de qua item scriptum est ad Hebraeos Sine fide impossibile est placere Deo.*

ALTERA, quia caruerunt caritate, sine qua nihil omnia alia opera bona eodem Apostolo teste, profunt. *Quantalibet, inquit S. Bernardus ad Senonensem Archiepiscopum Henricum, venustate sui castitas eminere appareat, sine charitate tamen nec precium habet nec meritum. Nec mirum. Quod enim absque illa bonum suscipitur? fides? sed, nec si montes transferat. Scientia? sed ne illa quidem, quae lingua loquitur angelorum. Martyriam? nec si tradidero, inquit, corpus meum ita ut ardeat. Nec absque illa quodlibet bonum suscipitur, nec cum illa quodlibet exiguum respuitur. Castitas sine charitate lampas est sine oleo. Subtrahere oleum, lampas non lucet. Tolle charitatem, castitas non placet.*

TERTIA causa est, quia umbram tantum & speciem quandam eternam castitatis, non internam virtutem habuerunt, ut bene Cheron apud Cassianum philosophatur dicens. *Primum Philosophos nequaquam credendum est talem animi castitatem, qualis à nobis exigitur, assensuque, quibus iniungitur, ut non solum fornicatio, sed ne immunditia quidem*

BENEVOLENTIA.

30

nominetur in nobis. Habuerunt autem illi quandam *μεριδα*, id est, portiuncula castitatis, id est, abstinenciam carnis, ut tantum à coitu libidinem coaceret: Eph. 13. hanc autem internam mentis perfectam, ac perpetuam corporis puritatem, non dicam opere assequi, sed nec cogitare potuerunt. Deniq. famosissimus ille ipsorum Socrates, hoc, ut ipsi concelebrant de se non erubuit profiteri. Nam cum intuens eum quidam Physiognomon dixisset *ομματα πευδερας*: oculi corruptoris puerorum, & irruentes in eum discipuli eius ulcisci illatum magistro vellent commixtum indignationem eorum hac dicitur compressisse sententia. *ναυουδε ετις ποι εμς, & ομματα ανθρωπων*, id est, quiescite, sodales: etenim sum, sed contineo me. Apertissime igitur non solum assertionem nostram, sed etiam ipsorum professione monstratur, consummationem tantum impudicitia, id est, commixtionis turpitudinem violenta ab illis necessitate compressam, non tamen desiderium de cordibus eorum, & oblectationem illius passionis exclusam. Quod autem castitas vel pudicitia potius sit animi virtus quam corporis, cum aliis Patribus clare non semel docet S. August. ut in libris de ciuitate Dei, cum agit de iis quorum castitas vi à lasciuia violata est. *Quis tandem*, inquiens, *sana mente putauerit se perdere pudicitiam, si forte in apprehensa & oppressa carne sua exerceatur & expleatur libido non sua?* Si enim hoc modo pudicitia perit, profecto pudicitia virtus animi non erit, nec pertinebit ad ea bona, quibus bene viuunt, sed in bonis corporis numerabitur: qualia sunt vires, pulcritudo, sana integras, valetudo, ac si quid huiusmodi est: quia bona etiam si diminuantur, bonam instamq. vitam omnino non minuant. Quinetiam sancta continentia bonum est, cum immunditia carnalium concupiscentiarum non cedit, & ipsum corpus sanctificatur: & ideo cum eis non cedere inconcussa intentione persistit: nec de ipso corpore perit castitas, quia eo sancte utendi persenerat voluntas, & quantum in ipso est, etiam facultas.

A. lib. 1. c. 17.

QUARTA causa est, quia intentio eorum pura & sincera non est: omnia. n. faciunt, ut videatur ab hominibus, & non ut placeant Deo. Vnde S. August. lib. 4. in Iulianum. *Non erat in Ethnicis vera iustitia*, ait, *quia non actibus sed finibus pensantur officia.* Et infra exponens verba Christi. *Si oculus tuus nequam est, totum tuum corpus tenebrosum erit.* Hunc oculum, inquit, agnosce intentionem, qua facit quisq. quod facit, & per hoc discere eum, qui non facit opera bona intentione fidei bona, hoc est eius qua per dilectionem operatur totum quasi corpus, quod illis velut membris operibus constat tenebrosum esse, hoc est plenum nigredine peccatorum. Cum hac doctrina conuenit, quod Clemens Alexandrinus, cum quædam Ethicorum exempla recitasset, quia Venere abstinuissent, in hæc verba concludit. *Quare nec castitas est bonum & ex virtute, nisi fiat propter dilectionem in Deum.* Et quod S. BERNARDVS in Cantica scripsit. *Continentia non habet meritum apud DEVM, quæ gloriam requirit humanam:* ideoq.

Aug. c. 3.

Matt. 6. 23.

Clem. lib. 3.

Stroma.

D. Bernardus.

ideoq; maximè opus est etiam puritate intentionis, quæ soli mens vestra Deo & placere appetat, & valeat inherere.

CAPVT III.

De triplici genere Castitatis.

Cypria.

Amb. lib. 3.

Hier. in c. 13.
Matth.

Lib. 7.

Vide Marian in
schol.

Aug. c. 45.

S. PATRES tria fere faciunt genera castitatis; primum vocant Virginalem, secundam vidualem, tertiam coniugalem. S. Cyprianus de Bonopudicitia. Pudicitia, inquit, primum locum in virginibus tenet, secundum in continentibus, tertium in matrimonijs. Verum in omnibus gloriosa est cum gradibus suis. Nam & matrimoniorum fidem tenere laus est inter tot corporis bella: & matrimonio de continentia modum statuisse, maioris virtutis est, dum etiam l. cita reiciuntur. S. Ambrosius, de Virginibus. Est Ecclesia ager diuersis secundus copijs. Hic cernas germina virginitatis flore vernantia: illicita quam in campis sylue viduitatem grauitate pollentem, a libi tanquam vberi fruge coniugij Ecclesia segetem replentem mundi horrea ac veluti maritata vinea, fœtibus torcularia Iesu Domini redundantia, in quibus fidelis coniugij fructus exuberat. Nec improbum igitur, nec nouam integritatis est studium. Et libro de Viduis. Docemur triplicem castitatis esse virtutem. Vnam coniugalem, aliam viduitatis, tertiam Virginitatis. Non enim aliam sic predicamus & excludamus alias: Suis quibusque profectionibus ista conducunt. In hoc Ecclesie opulens disciplina, quod quos præferat habet, quos reijciat non habet. atque vtiinam habere nunquam possit. Ita igitur virginitatem predicamus, ut viduas non reijciamus: ita viduas honoramus, ut suus honos coniugio reseruetur. S. Hieronymus exponens parabolam Christi de fructu seminis, cuius aliud quidem centesimum, aliud sexagesimum, aliud vero tricesimum protulit. Centesimum, inquit, fructum virginibus, sexagesimum viduis & continentibus, tricesimum casto matrimonio deputamus. Et in Iouinianum. Centesimus, & sexagesimus & tricesimus fructus, quanquam de vna terra & de vna semente nascatur, tamen multum differt in numero. Triginta referuntur ad nuptias. Nam & ipsa digitorum coniunctio, quasi mollis complexans osculo, & fœderans maritum pingit & coniugem. Sexaginta verò ad viduas, & quod in angustia & tribulatione sunt posite. Vnde & superiori digito deprimuntur: quantoq; maior est difficultas experta quondam voluptatis illecebris abstinere, tanto maius est premi-
um. Porro centesimus numerus, diligenter quæso lector attende, de sinistra transfertur ad dextram, & eisdem quidem digitis, sed non eadem manu, quibus in leua nuptia significantur, & vidua, circulum faciens exprimit virginitatis coronam. Addo S. Augustinum de S. Virginitate ita scribentem, de
codem

eodem fructu. Quicquid significet secunditatis illa diuersitas, viderint, qui melius hac, quàm nos, intelligunt: siue virginalis vita in centeno fructu sit in sexageno vidualis, in triceno autem coniugalis siue centena fertilitas martyrio potius imputetur, sexagena continenti & tricena conubio: siue virginitas accedente martyrio centenum fructum impleat, sola verò in sexageno sit, coniugati autem tricenum ferentes ad sexagenum perueniāt, si martyres fuerint: siue quod probabilius mihi videtur, quoniam diuina gratia multa sunt munera, & est aliud alio maius ac melius. unde dicit Apostolus: *Emulamini autem dona meliora, intelligendum est plura esse, quàm ut in tres differentias distribui possint, &c. Sed Dominum tres arbitror voluisse fructificationis commemorare differentias, ceteras intelligentibus reliquisse.* Hæc ille. Quæ expositio Augustini verissima est, nam præter castitatem Virginum, viduarum & Coniugum, certū est dandam esse castitatem Clericorū, & Monachorum, quæ ad virginalē & vidualem referri non queunt, quia & Patres ytramq; tantum tere attribuunt fœminis Deo dicatis. Deinde perfectior est castitas clericorum religiosorum, quàm non religiosorum clericorum, ut sunt qui cœnobiticam vitam non elegerunt, & voto castitatis non adiunxerunt votum paupertatis & obedientiæ. Nam Augustinus loco citato Virginalē castitatem sancti monialium præferens castitati virginum sacrarum in secuto manentium ita loquitur. Deinde ubi ponimus quod multi ac multi ita custodiunt continentiam virginalē, ut tamen non faciant, quæ Dominus ait. Si vis perfectus esse, vade vende omnia quæ habes. & da pauperibus, & habebis thesaurum in cœlis, & veni sequere me. Nec audeant eorum cohabitationi sociari, in quibus nemo dicit aliquid proprium sed sunt eis omnia communia. Nihilne putamus fructificationis accedere virginibus Deicum habere faciunt? Multa ergo sunt dona, & alijs alia clariora ac superiora singulis singula.

1. Cor. 12. 31.

Matt. 23. 23.

Matt. 19. 21.

Act. 4. 34.

CAPVT IV.

De dignitate & præstantia Virtutis Castitatis.

DIGNITATEM virtutis Castitatis ob oculos ponit Spiritus sanctus in diuinis Scripturis. Primò dum ait apud Ecclesiasticum. *Omnis ponderatio non est digna continentis anima.* Secundo, dum castitatem numerat inter dona Dei. De continentia, ait Ambr. vel potius B. Prosper de Vocatione gentium, quod ex Dei habeatur munere, eadem scriptura sic loquitur. *Ut sciui quia aliter non possum esse continens, nisi Deus det: & hoc ipsum erat sapientiæ scire, cuius esset hoc donum.* Cui sententiæ Pauli Ap. Stoli doctrina concordat in prima ad Corinthios hæc scribentis. *Volo autem omnes homines esse sicut meipsum sed unusquisque proprium habet donum ex Deo, aliud*

Eccli. 26. 20.

P. lib. 1. c. 9.

Sap. 2. 21.

1. Cor. 7. 7.

E

sic,

sic, alius verò sic. Dominus verò in Euangelio secundum Mattheum hac de continentia dono insinuasse narratur. Dicentibus namque discipulis suis si ita est causa viri cum uxore non expedit nubere. Dicit illis Iesus. Non omnes capiunt verbum istud, sed quibus datum est à Patre nostro. Hæc ille. Ad hæc Paulus in epist. ad Galatas continentiam & castitatem numerat inter fructus spiritus. Quem locum exponens S. Hieron. libro I. in Iovinianum. Omnes virtutes, ait, Spiritus, quasi solidissimum fundamentum & sublime culmen continentia sustentat & protegit.

Matt. 19. 11.
Gal. 5. 23.

Cyp de bono
Pudic.
Terr. l. de pudi.

Eandem fusè amplificant S. PATRES. Pudicitia, inquit Cyprianus, est honor corporum, ornamentum morum, sanctitas sexuum, vinculum pudoris, fons castitatis, pax domus, concordie caput. Pudicitia sollicita non est, cui placeat nisi sibi. Pudicitia semper verecunda, dum innocentia mater est. Pudicitia semper ornatur solo pudore, bene sibi tunc conscia de pulchritudine, si improbis displicet. Pudicitia nihil ornamentorum querit, decus suum ipsa est. Hæc nos commendat Domino, connectit Christo, beata ipsa & beatos efficiens apud quoscunque habitare dignatur: quam nunquam accusare possunt, nec quæ eam non habent: venerabilis etiam hostibus suis, dum illam multo magis mirantur, quæ eam expugnare non possunt. S. Ephrem sermone de Castitate. O castitas mater dilectionis, & angelica vitæ ratio. O castitas, quæ mundo es corde, ac dulci gutture, hilarique affectu. O castitas, quæ homines angelis similes reddit.

Ephr. tom. r.

Gen. 39. 45.

O castitas quæ Dei amicum ita exaltasti in patria externa, ut & eos qui emerant ipsum redimeret. O castitas, donum Dei, benignitatis, disciplinæ, cognitionisq; plena. O castitas portus tranquillus in summa pace ac securitate constitutus, &c. Greg. Nazian. de pauperum amore. Praclara res est castimonia & virginitas, fidem arroga Paulo de his rebus leges instituenti, ac matrimonii & virginitatis causam iuste incorrupteq; disceptanti ipsiq; etiam Iesu ex virgine nascenti, ut & procreationem honore afficiat & virginitatem honore præferat.

Nazianz.
1. Cor. 7.

1. Reg. 13. 17.

Praclara res est continentia. moueat te Davidis auctoritas, qui ut aquæ Bethleem iticipite copia ipsi facta est bibere noluit, sed eam tantum libauit, nec sitim suam per aliorum cruorem explere sustinuit. Et in laudem Basilii Eximia res est virginitas & cælibatus, atq; in angelorum naturæ singularis ordine debet censeri: vereor enim dicere, Christi, qui cum propter nos procreatus procreandus esset, ex virgine procreatur, virginitatem lege præscribens, ut hinc abducentem, ac mundum contrahentem vel potius mundum ad mundum transmittentem,

Lact. li. 6. c. 23.

presentem nimirum ad futurum. Lactant de vero cultu, agens de castitate virginali, Quod continentia genus, inquit, quasi fastigium est, omniumq; consummatio virtutum. Ad quæ si quis eniti, atq; eluctari potuerit, hunc seruum Dominus, hunc discipulum magister agnoscet, hic terram triumphabit, hic erit consimilis Deo, qui virtutem Dei caput. Hæc quidem difficilia videntur, sed de eo omnibus terrenis iter in cælum paratur. Ioan. Cassian. lib. 6. in-

Ritue.

Virut. monast. Nulla virtute tam proprie carnales homines spiritalibus angelis imitatione conuersationis aquantur, quam merito & gratia castitatis, per quam adhuc in terra degentes habent secundum Apostolum municipatum in Phil. 3. 20. cælis, quod deposita corruptela carnali habituros sanctos promittitur in futurū, hic iam in carne fragili possidentes. S. August. in libris de ciuitate Dei. A. lib. 2. c. 16. Tanta vis est probitatis & castitatis, ut omnis, vel pænè omnis eius laude moueatur humana natura: nec vsq. adeo sit turpitudine vitiosa, ut totum amittat sensum honestatis. S. Bern. epist. 42. Quid castitate decorius? quæ mundum de immundo cōceptum semine, de hoste domesticum, angelum deniq. de homine facit. Differunt quidem inter se homo pudicus & angelus, sed felicitate, non virtute. Sed et frillius castitas felicior, huius tamen fortior esse cognoscitur. Sola est castitas, quæ in hac mortalitatis & loco & tempore statum quendam immortalis glorie repræsentat. CAUSAS huius dignitatis & præstantiæ accuratè exponit Baldefanus in Stimulo virtutum lib. 2. c. 1. 2. 3. 7. 8. & 9.

CAPVT V.

De utilitate virtutis Castitatis generatim.

S. CYPRIANVS libro de singularitate Clericorum, agens de castitate Clericorum videtur in vnū quasi fascem comportasse omnes castitatis vtilitates, siue in malis auertendis, siue in bonis conciliandis. Castitas, inquit, numen inuictū est sanctimonia, & expugnatio fortis infamiae, fortitudinis firmitas, & lasciuie petulantis infirmitas, probitatis præsidium, & improbitatis excidiū, animæ victoria & corporis præda, vbertas gloriarum, & sterilitas criminum, pronuba sanctitatis & repudiū turpitudinis, sinceritatis indicium, & abolitio scandalorum, exercitium continentiae, & euacuatio tota luxurie, pax secura virtutum, & debellatio inquieta bellorum, puritatis culmen, & libidinis carcer: honestatis portus, & ignominie naufragalis locus: virginittatis mater, & hostis immunditiæ, lorica pudoris, & spoliū probro sitatis, & corruptionis exitium, murus rigoris, & destructio vulgaritatis, seueritatis gladius, triumphator & dissolutionis occisor, armatura viriū & exarmatura fluxorum, integritatis dignitas, & fornicationis addictio, claritatis fastigiū, dedecoris præcipitum: voluntas bonorum operum, & afflictio vitiorum, refrigerium pudicitiae, pæna petulantiae: acquisitio triumphorum, & facinorum detrimentum: requies salutis, & perditionis exilium: vita spiritus & carnis interitus, status qualitatis angelicæ, funus humane substantiæ. Huius retinaculis omnis obscenitas frenatur, & compedibus eius calces furentis libidinis statuuntur. S. Ephræm sermone de Castitate. O castitas oculorum frenum quæ è tenebris ad lucem totum corpus transfers. O Castitas quæ carnē castigas, & in seruitutem redigis, ac cælestia velocissimè penetras O castitas, quæ cor possidentis te letificas, & animæ ad cælestia alas adiungis. O

2. Cor. 3.
H. lib. 1. in fine.

A. serm. 249.

Matt. 5. 8.

Sap. 1. 9.

1. Cor. 7. 1.

B. serm. 5.

Rom. 8. 35.

is. O castitas quæ spiritale gaudium paris & mœrorem auferis. O castitas, quæ
passiones minuis, & animum à perturbationibus liberas. O castitas, quæ iustos
illuminas, & diabolo tenebras offundis. O castitas, quæ pigritiam depellis, &
patientiam affers. O castitas currus spiritualis possessorem suum in sublime eue-
hens. O castitas, quæ rosa instar in medio anime & corporis flores, vniuersamq;
domum odoris fragrantia replet. O castitas præcursor atq; cohabitator Spiritus
sancti. S. Hieronymus aduersus Iouinianum. Doctissimi viri vox est, pu-
dicitiam imprimis esse retinendam, quæ amissa omnis virtus ruit. In hac ma-
liebrium virtutum principatus est. Hæc pauperem commendat, diuitem ex-
tollit, deformem redimit, exornat pulchram bene meretur de maioribus, quo-
rum sanguinem furtiua sobole non vitiat: bene de liberis, quibus nec de matre
erubescendum, nec de Patre dubitandum est: Bene imprimis de se, quæ à con-
tumelia externi corporis vindicat. Captiuitatis nulla maior calamitas est,
quàm ad alienam libidinem trahi. S. Augustinus in sermonibus de tem-
pore. Gloriosum & insignem inter ceteras virtutes castitas & munditia lo-
cum tenet, quia ipsa sola est, quæ mundis mentes hominum præstat videre De-
um. Vnde ipsa veritas ait. Beati mundo corde, quoniam ipsi Deum videbunt
ac sè contrario diceret. Illi verò miseri sunt, quorum corda sunt carnali con-
cupiscentia polluta, quia æternas merguntur in pœnas. Castitas enim ange-
lica est vita, castitas cum humilitate Spiritus sancti meretur habitationem,
quæ expellit immunditia libidinum, dicente scriptura. Cor us peccatis sub-
ditum Spiritus sanctus effugiet. Affuescat iuuenis ad castitatem, vt sit dignus
sapientia Dei. Et paulò post. Similiter & B. Apostolus admonet nos. Bonum
est, inquit, mulierem non tangere, quasi statim in tactu periculum esset. Pul-
chra est enim casta iuuenum pudicitia, & Deo amabilis, & ad omne bonum v-
tilis. S. Bernardus de assumptione B. V. Mariæ. Qui ergo protegente
patientia continenter viuunt, ipsi bene cum Apostolo protestantur & dicunt.
Quis nos separabit à charitate Christi? tribulatio, an angustia, an persecutio,
an fames, an nuditas, an periculum, an gladius? Vides, quàm solidus sit conti-
nentium murus: quos neq; mors, neq; vita, neq; angeli, neq; principatus, neq; po-
testates, neq; virtutes, neq; instantia, neq; futura, neq; altitudo, neq; fortitudo,
neq; profundum, neq; creatura aliqua potest separare à charitate Dei, quæ est in
Christo Iesu.

CAPVT VI.

De utilitate castitatis speciatim eorum, qui
abstinent à coniugio.

VTILITATEM castitatis eorum, qui à coniugio abstinent, vt sunt
clerici & monachi, satis indicat Apostolus in epistola priore ad
Corin-

Corinthios, dum ait. *Bonum est homini mulierem non tangere*, id est, vt S. Patres exponunt, vtile & salutare est homini vxorem non ducere, vel si duxerit, ab eius contactu abstinere. Eandem sententiam habent verba illa. *Dico autem non nuptis & viduis: bonum est illis, si sic permaneant sicut & ego*. Paulus enim vxorem non habebat. Et illa, de vidua. *Beatior autem erit, si sic permanserit secundum meum consilium* id est, dignior in futuro seculo, vt exponit Ambrosius.

CAVSAS autem huius vtilitatis Apostolus eodem loco fere perstringit senas, quibus, vt Corinthios, se quoq; in exemplum proposito inflammat ad sectandum calibatum, ita non obscure à coniugio deterret, vt notauit B. Chrysostomus & Augustinus in libris de virginitate editis. Prima causa est, quia per coniugium vir redigitur in summam seruitutem mulieris, & contra. *Mulier, inquit, sui corporis potestatem non habet, sed vir*. Similiter autem & *vir sui corporis potestatem non habet, sed mulier*. Quam seruitutem exponens Chrysostomus. Paulus, inquit, proprij etiam corporis iure adempto omnem ipsius principatum dat vxori, cuius imperio subiectum virum magis esse vult, quam puerum emptum pecunia. Seruus enim, si quando comparata pecunia pretium, quanti emptus est Domino persolvere potuerit, plerumq; libertatem omnino recuperare licet: at vir, quamuis omnium difficillimam nactus sit vxorem, seruitutem tamen perferre necesse habet, quippe qui nullam inire potest viam qua solutus eiusmodi dominatu liberetur. Et infra alludens ad illa verba Apostoli. Alligatus es vxori, noli quærere solutionem. *Quemadmodum, ait, serui fugitiui singuli separatim vincti à suis dominis, rursusq; tenui quadam catena inter se constricti vniuersi, quod compedibus catene vtrinq; affixi, alius alium sequi cogitur, liberam non habent abscondi facultatem: sic coniugum animæ, cum propriam sui curam sustinent, tum altera etiam premuntur necessitate à communibus coniugij vinculis imposita: quæ & grauius urget omnibus vinculis, & hoc ipso ab viroq; libertatem aufert, quod alteri ne semel quidem principatum desert, sed vtriq; distribuit.*

II. Causa est, quia qui à coniugio liberi sunt crebrius & facilius ieiunio & orationi, aliisq; exercitationibus spiritalibus vacare possunt, coniuges verò non item, cum citra mutuū consensum non possint. *Nolite fraudare inuicem, ait ad coniuges, nisi forte ex consensu ad tempus, vt vacetis orationi, & iterum reuertimini in idipsum*. Et infra causam reddens cur Corinthios hortetur ad calibatum. *Propter vtilitatem, inquit, vestram dico, quod facultatem prabeat sine impedimento Dominum obsecrandi*. Eodem pertinet quod ibidem sic loquitur. *Mulier innupta & virgo cogitat quæ Domini sunt, vt sit sancta corpore & Spiritu. Quæ autem nupta est, cogitat quæ sunt mundi quomodo placeat viro.*

Cur enim innupta potius cogitat quæ Domini sunt, nisi quia, ut notat Oecumenius, per crebras preces maiorem apud Deum obtinuit familiaritatem, atque ideo Deo magis placere possit quam nupta; maiorem quoque corporis & Spiritus consequi sanctitatem: nam ut bene notavit S. Augustinus libro de viduitate, & coniugati, si salui esse velint, & orare debent, & cogitare quæ Domini sunt, & placere Deo, & sancti esse corpore & Spiritu, licet inferiore gradu, quam cælibes.

Aug. c. 6.

III. Causa est, quia coniuges magis obnoxii sunt tentationi Sathanæ, quam cælibes. Iterum, inquit, reuertimini in id ipsum, nempe ad officia coniugalitatis, ne tentet vos Sathanas propter incontinentiam vestram. Nam etsi Apostolus antidoti loco incontinentibus indulgeat coniugium, ad coercendam quadantenus libidinem animo inhærentem, non ignorauit tamen id omnibus non sufficere. Est enim voluptatum appetitus, ut habet Aristoteles in tertio Ethico, insatiabilis, vsuque & exercitio magis augefcit. Io. Cassianus comparat flammæ ad tempus inclusæ, quæ obiecta materie facile foras erumpat. In lege, inquit, in qua coniugiorum iura seruantur, quamuis cohibita luxuria euagatio vni tantum, femine tamen, mancipatur, tamen nequaquam possunt carnalis concupiscentie aculei non vigere, & difficile est, ut ignis, cui etiam studiosè pabula suggeruntur, ita prefixis terminis includatur, ut non etiam extrauagatus amburat quicquid attigerit. Vnde S. Chrysost. in libris contra monasticæ vitæ vituperatores scriptis, posita quæstione, sitne apud coniuges pronior lapsus ad incontinentiam, quam apud cælibes, his verbis respondet. Pudicitiam quidem is qui uxorem habet facile seruire posse videtur, quippe solatio non minimo suffultus, ceterum in reliquis nulla comparatio est: verum sic quoque plures longe videas lapsos ex coniugatorum, quam Monachorum ordine. Neque enim tam multi ex monasterijs ad matrimonia accedunt, quam ex iugali thoro se ad scorta recipiunt.

2. Cor. 7. 5.

Arist. c. ult.

C. coll. 21. c. 33

Chr. lib. 3.

IV. Causa est, quia non licet viro post initas semel nuptias ab uxore discedere. Is autem, inquit, qui matrimonio iuncti sunt, precipio non ego, sed Dominus, uxorem à viro non discedere. Et vir uxorem non dimittat. Hoc præceptum Domini exstat apud Matthæum, ubi cum discipuli à Domino rogassent, liceretne homini dimittere uxorem suam quacunq; ex causa, disertè respondet, non licere nisi ob fornicationem, alioquin machari. Quo responso audito dixerunt discipuli, Si ita est causa hominis cum uxore, non expedit nubere. Intelligebant nimirum, quantæ sæpe difficultates & contentiones in coniugiis vxorum vitio interueniant. Melius est, inquit Sapientissimus mortalium, habitare in terra deserta, quam cum muliere rixosa & iracunda.

1. Cor. 7. 10.

Matt. 19.

Prov. 21. 19.

V. Causa est, quia coniuges etiam voluptates carnales quas querunt,

runt, raro inueniunt. Si acceperis, ait, uxorem, non peccasti, Et si nupserit ^{1. Cor. 7. 28.} virgo, non peccabit: tribulationem tamen carnis habebunt huiusmodi. In quæ verba HIERON aduersus Iouinianum. Nos ignari rerum, putabamus nuptias saltem carnis habere letitiam. Si autem nubentibus etiam in carne tribulatio est, in qua sola videbantur habere delicias, quid erit reliquum propter quod nubant? cum & in Spiritu, & in anima, & in ipsa carne tribulatio sit.

VI. et postrema causa, quia coniuges nimis impliciti sunt curis huius mundi, vt raro possint vacare Deo, cælibes non item. Vnde Apostolus suadens cælibatum. Volo, inquit, vos sine sollicitudine esse. Qui ^{1. Cor. 7. 32.} cum uxore est sollicitus est quæ sunt mundi, quomodo placeat uxori, & diuisus est. Idem intelligit B. Chrysostomus per verba antegressa. Existimo ^{Ch. de Virginitate} hoc bonum esse, id est, virginitatis consilium, propter instantem necessitatem. Sed quamam, inquit, est ista necessitas? humanarum rerum, negotiorumq. conuersio. Is enim est concursus curarum, & sollicitudinum oppressio, ea varietas casuum, vt qui connubio iunctus, vel inuitus multum saepe peccare, & errare necesse habeat. Et paulo post. Verum etiam si sit uxor moribus facilibus, tamen moles curarum, quæ nobis circumfunduntur propter ipsam uxorem, ac liberos eius: ne minimum quidem calum suspicere patiuntur, undiq. animum quasi quadam vertigine contorquentes & obruentes: quod si vir priuatorum hominum tutam atq. tranquillam vitam viuere voluerit, nullo modo id assequi queat: cum videat enim circum se stare liberos, & uxorem, cui multa in sumptum eroganda sint; vel inuitus demittit ipse se in fluctum ciuili-um negotiorum: quo ubi inciderit, non dici possit, quanta illi deinceps peccandi necessitas imposita sit, in iracundia, in iure iurando, in conuitio, in simulatione, multa gratia, multa simultatis causa faciendo, &c. Quam parum autem coniugati possint vacare ob quotidianas curas precibus ac Deo, egregie depingit S. Hieronymus. Inde, inquit, infante gaudent, fami- ^{H. contra Iul. uid.} lia perstrepat, liberi ab osculis & ore dependent, computantur sumptus, impendia preparantur. Hinc cocorum accinctæ manus carnes terit: hinc textricum turba commurmurat: nunciatur interim vir venire cum socijs. Illa ad hirundinis modum lustrat vniuersa penetralia, si torus rigeat, si pauimenta verberint, si ornata sint pocula, si prandium preparatum. Responde quæso, inter ista ubi sit Dei cogitatio? Et hæ felices domus. Ceterum, ubi tympana sonant, tibia clamat, lyra garrit, cymbalum concrepat, quis ibi Dei timor? Hic infelix uxor aut letatur & perit, aut offenditur, & maritus in iurgia concitatur hinc discordia, seminarium repudiij. Aut si aliqua inuenitur domus, in qua ista non fiant, quæ rara avis est, tamen ipsa dispensatio domus, liberorum educatio, necessitates mariti, correctio seruulorum, quam à Dei cogitatione non auocent?

De Mediis, vel adiuuentis, quibus parari vel conseruari possit castitas.

Cyp. de bono
pudic

HOc studiosus homo Christianus, laborare debet pro mediis vel adiuuentis ad parandam seruandamue castitatem necessariis, quo infestior hęc virtus habet hostem, nempe libidinem vel luxuriam, hostem nempe domesticum. *Nulla maiore est victoria, inquit B. Cyprianus, quam ea quę de cupiditatibus refertur. Qui hostem vicit, fortior fuit, sed altero: qui libidinem repressit, seipso fortior fuit. qui inimicum prostrauit, externum hostem percussit: qui cupiditatem decessit, hostem domesticum superauit. Malum omne facilius vincitur, quam voluptas quia illud quicquid est, horridum est: hoc blandum est.*

Sap. 8. 27.

Matth. 6.

2. Cor. 12. 8.

C. lib. 6. c. 6

Aug. c. 19

I. MEDIUM est Oratio. Hoc Spiritus sanctus ipse per sapientem præscripsit. sciui, inquit, quoniam aliter non possem esse continens, nisi Deus det: & idcirco adij Dominum, & deprecatus sum illum, & dixi ex totis præcordijs meis. Deus Patrum meorum, &c. Nec dubium est Christum Dominum cum iussit nos ora. e. *Et ne nos inducas in tentationem, Sed libera nos à malo*, maximè respexisse ad tentationem domesticam incontinentiæ. Paulus quoq; Apostolus cum tentatione carnis agitaretur refugium habuit ad preces. *Datus est, inquit, mihi stimulus carnis mee, angelus Satana qui me colaphiset. Propter quod ter Dominum rogaui, ut discederet à me. Quibus & gratiam ei resistendi impetraui. Nam à Domino responsum est. Sufficit tibi gratia mea* Vocem stimuli carnis ita intellexere Primasius, Haymo, & S. Anselmus. **IDEM** medium velut præcipuum tradidere prisci Patres. Nam Cyprianus loco supra citato, cum aliquot media pro castitate tradidisset, tandem concludit. *Sed inter hæc, immò & antehac contra turbas & vitia omnia de diuinis castris auxilium petendum est.* Et Cassianus in institut. monasticis. *Reuera, inquit, cum in omnibus virtutum profectibus, & eunctorum expugnatione vitiorum Domini sit gratia atq; victoria, in hoc præcipue peculiare beneficium Dei ac speciale donum & Patrum sententia & experimento purgationis ipsius manifestissimè declaratur his, qui eam meruerint possidere. Quodammodo enim exire de carne est in corpore commorantem & ultra naturam est fragili carne circumdatum carnis aculeos non sentire. Et idcirco impossibile est hominem suis, ut ita dixerim pennis ad tam præcelsum celeste premium subolare, nisi cum gratia Domini de terra ceno munere eue-xerit castitatis.* Certe S. Augustinus summum & extremum ad orationem per fugium habuit pro consequendo dono castitatis, & ideo in

10. Confessionum libro sic orat. *Tota spes mea non nisi in magna valde misericordiatua. O amor, qui semper ardes & nunquam extingueris, Charitas Deus meus accende me. Continentiam iubes. Da quod iubes, & iube quod vis.* S. THOMAS quoq; Aquinas, ut est in eius vita, non modo scortum in cubiculum immissum beneficio orationis ad Christum & B. Virginem fusæ fugauit, verum etiam perpetuæ castitatis donum postquam angeli duo eius lumbos constrinxissent fascia, (quæ adhuc existat Vercellis apud Dominicanos) impetrauit.

Sur. tom. 2.

II. MEDIUM est Humilitas. Nec enim, inquit Cassianus libro 6. institutionum monast. *sufficit solum corporale ieiunium ad conquirendam vel possidendam perfectæ castimonie puritatem, &c. nisi ante omnia fundata fuerit humilitas vera, sine qua nullius penitus vitij poterit vnquam triumphus acquiri.* Et infra. *Etenim hanc (castitatem) seniores aiunt apprehendi non posse, nisi prius humilitatis in corde fundamenta fuerint collocata.* Et S. GREGORIUS libro 21. moralium. *Si, inquit, vel castitatem humilitas deserat, vel humilitatē castitas relinquat apud authorem humilitatis & munditiæ prodesse quid præualeat vel superba castitas, vel humilitas inquinata? Sanctus igitur vir, Iob, ut ab auctore suo in bonis reliquis possideri mereatur, cordis munditiem custodiens dicit. Pepigi fœdus cum oculis meis, ut ne cogitarem quidem de virgine. Quam enim partem haberet Deus in me de super, & hereditatem omnipotens in excelsis? Ac si aperte fateatur dicens. Habere me possessionem suam calorū conditorrenuit, si mens mea ante conspectum illius in infinis desiderijs tabescit.* Et libro vndecimo in verba. *Balthæum regum dissoluit. Qui, ait, membrorum suorum motus bene regere sciunt, non immerito reges vocantur. Sed cum de ipsa continentia elatione mens tangitur, plerumq; omnipotens Deus eius superbiam deferens hanc in immunditiam operis cadere permittit. Regum itaq; balthæum dissoluit, quando in his qui bene regere membra sua videbatur propter elationis culpā, castitatis in eis cingulū destruit.*

Cass. c. 6.

Id. c. 18.

S. Greg. c. 3.

Iob. 31.

Id. c. 9.

Iob. 12.

Et S. AUGUSTINUS Libro. de S. virginitate, cum multa de humilitate differuisset, maxime, inquit, huius virtutis sectatores & conseruatores eos esse cōuenit, qui magno aliquo bono ceteris eminent, ut magnopere curent illud, quod primitus posui. *Quanto magnus es, tanto humiliare in omnibus, & cor ad Deo inuenies gratiam.* Proinde quia perpetua continentia, maximeq; Virginitas magnum bonum est in Sanctis Dei, vigilantissime cauendum est, ne superbia corrumpatur. Et paulo post. *Da mihi profitentem perpetuam continentiam, atq; carentem omnibus & vitiis & maculis morum, huic superbiam timeo, huic tam magno bono ex elationis tumore formido; quo magis inest unde sibi placeat, eo magis vereor, ne sibi placendo illi displiceat, qui superbis resistit, humilibus autem dat gratiam. Certe præcipuum magisterium, & virginalis integritatis exemplum in ipso Christo contuendum est.* Quid ergo amplius

A. c. 86.

Eccli. 3. 20.

Id. c. 35.

c. 36.

C A S T I T A S.

42

Mart. in. 29.

Aug. lib. 2. 5. 7.

continentibus de humilitate precipiam, quam quod ille qui omnibus dicit. *Discite à me quoniam mitis sum & humilis corde?* cum magnitudinem suam supra commemorasset. Si præcipuum magisterium continentiae in Christo Augustino contuendum est, certe proximum contuendum est in Deipara virgine. de qua ita S. AMBROSIVS in Lucam. *Didicistis virgines pudorem Mariae, discite humilitatem. Venit propinqua ad proximam, iunior ad seniore (Elizabeth): nec solum venit, sed etiam prior salutavit. Decet enim, ut quanto castior virgo, tanto humilior sit. Nouerit deferre senioribus. Sit magistra humilitatis, in qua est professio castitatis: est & causa pietatis, est etiam norma doctrinae. Contuendum est enim, quia superior venit ad inferiorem, ut inferior adiuuetur, Maria ad Elizabeth, Christus ad Ioannem.*

III. Medium est. Castigatio tum externa corporis per ieiunia, vigiliis, chameunias, flagellationes, tum interna per contritionem spiritus, & mortificationum perturbationum & cupiditatum animi. IV. Fuga occasionum delinquendi contra castitatem, ut otii, commorationis vel colloquiorum cum feminis, conuiuiorum spectaculorum. V. custodia sensuum, maximè visus, gustus & tactus. VI. Confessio & communio frequens. VII. meditatio nouissimorum. VIII. recursus ad Patrem spiritualem, quem maximè vrget Greg. Nyssen. lib. de Virginitate cap. 24. De quibus multa habes in Panario nostro. V. *Gula, Luxuria. Mulierum commoratio cum clericis vel monachis. Peccatum. Immortificatio passionum. Tentatio. Voluptas carnis, &c.* IX. & postremum Medium sunt exempla. Plus enim proficitur, inquit S. Cyprianus libro de bono Pudicitiae, cum in rem presentem venit, ne de virtute dubitatur, quando quod precipitur etiam exemplis signatur,

Exempla illustria Castitatis.

PRIMUM exemplum sit Patriarchæ Ioseph, ab omnibus fere Patriarchis descriptum. Exemplum pudicitiae, ait loco allegato Cyprianus, *Ioseph cepit. Adolescens Hebraeus generosus de patre, generosior de innocentia, ob inuidiam reuelationum distraetus à fratribus Israhelitis in domum deuenerat hominis Egypti, obsequio & innocentia, & tota seruitutis fide facilem & beneuolum in se animum sui prouocauerat Domini, cuius faciem tam sermo liberalis, quam atas omnibus commendauerat. Sed ista generositas ab uxore Domini aliter quam decebat accepta est. in domus parte secreta, & sine arbitris alta & facinoribus accommoda putauit se pudicitiam adolescentis incontinens mulieris impudicitia, nunc promissis, nunc minis posse superare. Et cum retentus est vestibus, eo quod moliretur fugam, propter tanti facinoris audaciam ipsas vestes relinquens, & corporis nudi sinceritatem habiturus innocentiae testem ad crimen impudicitiae suae, impudens mulier adicere non dubitauit calumniam.*

Baforat. in Gordianum marty.

Amb. de parad. cap. 2.

Aug. ser. 84. de temp.

Chry. ep. ad Olympiam.

Gre. 27. mor.

c. 7.

Gen 33. 39. 40.

41.

am. & ceteris, & marito, squalida & feruens, spreto desiderio suo conquesta est dolore simulato, quod Hebraeus adolescens vim sibi molitus fuisset inferre, quam ipsa conata fuerat irrogare. Maritalis ardor rerum inscius, ut uxoris accusatione grauitur inflammatus incenditur. Pudicus verò iuuenis, quia delicto conscientiam non miscuit in imum carceris truditur. Sed sola non est in carcere pudicitia: nam est cum Ioseph Deus, & nocentes dantur in manu eius, quia innocens fuerat. Somniorum praterea obscura dissoluit, quia spiritus in tentatione vigilabat, & per Dominum liberatur à vinculis. Qui in domo minor cum periculo fuerat, regia domus sine periculo Dominus effectus est: generositate sua redditus fructum pudicitiae & innocentia Deo iudice, à quo meruerat, accepit.

Cyp de pudicitia
bono.
Aug. serm. 118.
de temp.
DAR. 11.

ALTERVM est de Susanna, ab eodem ibidem descriptum. Fuit inquit, ut legimus Susanna filia Helciae, uxor Ioachim pulcherrima, pulchrior moribus. Hanc nullum ad dedecorem commendabat species simplex enim erat. Excoluerat pudicitia, ut cum pudicitia, sola natura. Hanc ex senioribus duosceperant deperire, nihil memores nec diuini timoris, sed nec sua annis iam marcescentis aetatis: ita illos in flagrantia transacta iuuentutis incendia rediua libidinis flamma reuocabat. Pudicitiae latrones amorem profitentur, sed oderant. Resistenti minatur calumnias, adulterii se dicunt accusatores, voto adulteri. Inter duos libidinis scopulos auxilium de Domino petebat, quia viribus corporis repugnare non valebat. Et exaudiuit de caelo clamantem ad se pudicitiam Dominus, & cum iniquitate oppressa duceretur ad poenam, vidit inimicorum liberata vindictam. Bis victrix, & in periculo suo tam funeste totiens consepata & libidinem euasit & mortem. His duobus exemplis contentus sum, addit, cum omnibus sit viribus per istos pudicitia defensata.

TERTIVM sit Christi Domini, quod S. Ambrosius libro primo de Virginibus describit, posita quaestione ubi sit patria castitatis? Si ibi est patria, ait, ubi genitale domicilium, in caelo profecto est patria castitatis. Itaque hic aduena, ibi incolae est. Quid autem est castitas virginalis, nisi experta contagionis integritas? Atque eius auctorem quem possumus existimare, nisi immaculatum Dei filium, cuius caro non vidit corruptionem, diuinitas non est experta contagionem? Videte igitur quanta virginis merita sint. Christus ante virginem Christus ex virgine, à Patre quidem natus ante secula, sed ex virgine natus ob secula illud naturae suae, hoc nostrae utilitatis est. Illuderat, semper, hoc esse voluit. Spectate aliud virginis meritum. Christus virgo virginis sponsus, & si dici potest Christus virginea castitatis. Virginitas enim Christi, non virginis est Christus. Virgo est ergo, quae nupsit, virgo quae nos suo utero portauit, virgo quae genuit, virgo quae proprio lacte nutriuit.

QUARTVM B. Virginis Mariae Dei matris, quam idem Ambrosius

Amb. lib. 2 de
virg. n.

omnis

omnibus castis in exemplum proponit his verbis. *Sit vobis tanquam in imagine descripta virginitas, vitæq; Maria, de qua velut in speculo refulget species castitatis & forma virtutis.* Hinc sumatis licet exempla viuendi, ubi tanquam in exemplari magisteria expressa probitatis, quid corrigere, quid effugere, quid tenere debeatis ostendunt. Primus discendi ardor nobilitas est magistri. Quid nobilius Dei matre? quid splendidius ea quam splendor elegit? quid castius ea, qua corpus sine corporis contagione generauit? Nam de ceteris eius virtutibus quid loquar? Virgo erat, non solum corpore, sed etiam mente, qua nullo doli ambitu sincerum adulteraret affectum. Corde humilis, verbis gravis, animi prudens, loquendi parcius, legendi studiosior, non in incerto diuitiarum, sed in prece pauperis spem reponens. intenta operi, verecunda sermone, arbitrii mentis solita, non hominē, sed Deum querere, nullum ledere, bene velle omnibus, assurgere maioribus nati, aequalibus non inuidere, fugere iactantiam, rationem sequi, amare virtutem. Quando ista vel vultu lesit parentes? quando dissensit à propinquis? quando fastidiuit humilem? quando derisit debilem? quando vitauit inopem? eos solos solita cætu virorum inuisere, quos misericordia non erubesceret, neq; præteriret verecundia. Nihil toruum in oculis, nihil in verbis procax, nihil in actu inuerecundum: non gestus fractior, non incessus solutior, non vox petulantior, ut ipsa corporis species simulachrum fuerit mentis, figura probitatis.

Casti mores

V. B.

2. Cor. 7. 7.

Matth. 19. 27.

QVINTVM exemplum sit B. Pauli Apostoli, qui & ipse castus fuit, & suo exemplo omnes in priore ad Corinthios hortatur ad castitatē, dicens. *Volo autem omnes homines esse sicut meipsum.* Imò omnium Apostolorum, qui conuenienter consilio Christi dato Matth. 19 cap. cum Petro exclamarunt. *Ecce nos reliquimus omnia,* inter quæ omnia etiam numerantur ibidem vxores.

SEXTVM sit primorum Christianorum qui mox post Apostolos vixerunt, quorum plurimi iuxta consilium Christi ab vxoribus se continuerunt, vti nominatim testatur PHILO in libro de vita contemplatiua de Marci Euangelistæ discipulis.

SEPTIMVM sit sanctarum virginum Martyrum vt Theclæ, Agnetis, Cecilie, Catharinæ, Lucie, & aliarum quæ pro tuenda castitate sanguinem suum profuderunt.

VIII. Eorum Sanctorum qui in ipso coniugio ex mutuo consensu perpetuam continentiam seruauerunt, inter quos fuit S. Henricus 1. Imperator cum vxore Kunigunde. Edouardus rex Angliæ, Elzearius comes Ariani, Boleslaus rex Poloniæ. Alphonfus 11. rex Castiliæ & complures alii.

IX. Omnium Episcoporum, Sacerdotum & Diaconorum, qui à primis Ecclesiæ incunabulis vsq; in hunc diē cōgruēter doctrinæ Paulinæ in episto-

epistolis ad Timotheū & Titum, Traditioni Apostolicæ summorumq; Pontificum & Synodorum sanctionibus in cælibatu vixerunt.

X. Omnium Religiosorum, qui inde à Pauli eremitæ S. Antonii, Basilii, & Augustini temporibus vel in solitudine, vel monasteriis aut cænobiis continentissimè vixerunt.

QVANTA autem vis sit huiusmodi exemplorum, ut homo tandem emergat ex cano libidinis, ostendit suo exemplo S. Augustinus octavo Confessionum libro, dum ait. *Aperiebatur ab ea parte, qua intendere faciem, & quo transire trepidabam, casta dignitas continentia serena, & non dissolutè hilaris, honestè blandiens, ut venirem, neq; dubitarem, & extendens ad me suscipiendum, & amplectendum pias manus, plenas gregibus bonorum exēplorum: ibi tot pueri & puella, ibi iuventus multa & omnis ætas, & graues viduæ, & virgines anus, & in omnibus ipsa continentia nequaquā sterilis, & irridebat me irrisione exhortatoria, quasi diceret. tu nō poteris, quod isti & ista? an verò isti & ista in semetipsis possunt, ac nō in Domino Deo suo? Dominus Deus eorum me dedit eis. quid in te stas & non stas? proice in te eum, noli metuere. non se subtrahet, ut cadas, proice te securus, excipiet te, & saluabit te.* Aug. c. 11.

VIDE in PANARIO, V. *Luxuria Mulierum commemoratio cum clericis. Voluptas carnalis.*

C A T E C H E S I S.

C A P V T I.

Quid nomine Catechesis intelligatur.

CATECHESIS græcè, latine est institutio, vel instructio; nos hoc loco Doctrinæ Christianæ institutionem intelligimus cum Apostolo ita scribente ad Galatas. *Communicet autem qui catechizatur verbo, ei qui se catechizat in omnibus bonis.* Hinc & vox *Catechumenorum*, hoc est, Christianæ religionis Candidatorum, qui ante baptismi sacramentum in fide Christiana instituebantur. Tertullianus & Cyprianus vocant *audientes* vel *auditores*, quia illis instructor vel Doctor olim præferebatur, ut habet idem Cyprianus libro tertio epistolarum. epist. 22. T. lib. de Poen C. lib. 3. ep. 17.

DVPLEX autem potest, ut idem Apostolus non semel indicauit, esse catechesis; altera rudis & simplex, quam comparat lacti, in qua præcipua tantū capita, eaq; maxime cognitu necessaria, ex vniuersa Theologia Christiana explicantur. Altera accuratior & vberior, ad capaciores, & doctiores de sublimioribus mysteriis, quam comparat solido cibo. Ita enim scribit ad Corinthios. *Tanquam paruulis in Christo lac vobis potum dedi, non escam; nondum enim poteratis: sed nec nunc quidem pote-* 1. Cor. 3. 1.

Heb. 5. 12.

stis: adhuc enim carnales estis. Et ad Hebræos. Etenim cum deberetis magistri esse propter tempus: rursus indigetis, ut vos doceamini, quæ sint elementa exordii sermonum Dei, & facti estis, quibus lacte opus sit, non solido cibo. Omnis enim qui lactis est particeps, expers est sermonis iustitie, paruulus enim est. Perfectorum autem est solidus cibus, eorum qui pro consuetudine exercitatos habent sensus ad discretionem boni ac mali. Quapropter intermittentes inchoationis Christi sermonem, ad perfectionem feramur.

Isa. 60. 16.

De hac bipartita catechesi vaticinatus fuisse videtur longe ante ortum Christi Isaias propheta. Nā de lactea ita loquitur. Pro eo quod fuisti derelicta & odio habita, ponā te in superbiam seculorū, gaudium in generatione in generationem, & suges lac gentium, & mamilla Regum lactaberis, & scies quia ego Dominus saluans te. Et paulo ante. Leua in circuitu oculos tuos & vide, omnes isti congregati venerunt tibi, filij tui de longē venient, & filia tua

H. li. 17. comm.

lac sugent. In quæ verba S Hieronymus: Filia tua lac sugent, inquit, illud significat, quod anime in Christo lactentes & in baptismo paruulorum, de quibus & Petrus Apostolus loquitur. Quasi modo nati paruuli, rationale, & absque dolo lac desiderate, sugant lac Apostolorum. Quibus paruulis atq; lactentibus loquebatur & Paulus. Filioli mei, quos iterum parturio donec Christus formetur in vobis. Et in alio loco. Quasi nutrix fouens filios suos, sic considerantes vos cupimus impertire non solum Euangelium Christi, sed & animas

1. Pet. 2. 2.

Gal. 4. 19.

1. Thes. 2. 7.

Isa. 25. 9.

M. lib. 9. comm.

Matt. 23. 2.

Gen. 21. 8.

C. lib. 1. comm.

nostras. De altera vero solidi cibi ita idem Isaias scripsit. Quem docebit scientiam! & quem intelligere facies auditum? ab lactatos à lacte, auulsos ab uberibus. nam ita idem Hieronymus verba illa exponit. Quis dignus est doctrina Domini, quis verbis Saluatoris dicentis. Qui habet aures audiendi audiat, ut quod auribus hauserit, corde intelligat? Quinam illi sint, sequens versus ostendit. Ablactati à lacte, appulsi ab ubere, qui nequaquam lacte nutriuntur infantia, sed solido vescuntur cibo, qui appulsi sunt ab ubere cum Isaac, propter quam latitiam fecit Abraham grande conuiuium. Humerentur Domini audire mysteria. Eodem modo interpretatur B. Cyrillus in Isaiam. Vtraque ratio tradendæ Catechesis Christianæ, quoniam hoc æuo vsitata est, (prior quidem in institutione puerorum & adolescentulorum passim iam in Germania, multoq; magis in Italia, Gallia, Hispania, Polonia & Indiis vigente; posterior verò pro concione ad populum) de vtraque hoc loco agemus.

De nobilitate doctrinae Christianae.

NOBILITAS Catechesis Christianae, ex nobilitate doctrinae Christianae sumitur. Constat autem doctrinam Christianam excellentiorem esse omnibus doctrinis inde à condito orbe traditis, siue auctorem eius spectemus, qui est Christus Dominus, filius Dei homo factus, in quo omnes thesauri sapientiae & scientiae, ut loquitur, Apostolus fuere reconditi, siue spectemus materiam quae in ea pertractatur: non enim agitur in ea de verbis, ut in arte grammatices & Rhetorices, nec de rebus naturalibus, ut in vniuersa Philosophia Aristotelea, sed supernaturalibus & diuinis, quae omnem humanae intelligentiae captum excedunt, ut de sanctissima Trinitate, de Christo incarnato, de sacrosancta Eucharistia, de sanctissimis sacramentis, de praedestinatione nostra ad vitam aeternam ante conditum mundum perfecta, de resurrectione mortuorum, felicitate perpetua nostra & angelorum, de omnibus Dei legibus, donis & virtutibus, ac demum de omnibus quae in veteri aequae ac nouo testamento explicantur. Haec enim omnia in catechesi velut in compendio vel breuiario quodam, continentur.

Col. 3. 3. & 9.

ITA QVE quicquid generatim in laudem doctrinae salutaris in sacris Bibliis dicitur, id ad praconium Catechesios pertinet: ut quod Salomon de ea dixit in Prouerbiis. *Accipite disciplinam meam & non pecuniam: doctrinam magis, quam aurum eligit. Melior est enim sapientia cunctis opibus pretiosissimis, & omne desiderabile ei non potest comparari.* Et Ecclesiastes. *Ecce, inquit, magnus effectus sum & precessi omnes sapientia: dedi que cor meum, ut scirem prudentiam atque doctrinam.* Et Ecclesiasticus. *Ornamentum aureum prudenti doctrina, & quasi brachiale in brachio dextro.* Et S. Matthaeus nominatim de doctrina Christi. *Admirabantur, ait, turbae super doctrina eius.* & S. Marcus. *Et stupebant super doctrina eius erat enim docens eos (Iudaeos in Synagoga) quasi potestatem habens, & non sicut Scribae.* Et S. Paulus de Euangelica doctrina. *Non enim erubesco Euangelium. Virtus enim Dei est in salutem omni credenti, Iudaeo primum & Graeco. Iustitia enim Dei in eo reuelatur ex fide in fidem: ex fide veteris testamenti in fidem noui.*

Prou. 8. 10.

Eccl. 1. 16.

Eccl. 21. 24.

Matt. 7. 28.

Matt. 22. c. 33.

Marc. 1. 22.

Luc. 4. 31.

Rom. 1. 16. E.

Psal. 32. 11.

Ps. 116. 1.

Ps. 118. 30.

Isa. 40. 8.

Isa. 51. 6.

Matt. 5. 23.

Matt. 4. 34.

Mar. 1. 31.

1. Petr. 1. 25.

Prou. 30. 5.

2. Quicquid in encomium Verbi Dei, vel Scripturae sacrae in Bibliis dicitur, ut est illud toties in utroque testamento repetitum. *Verbum Dei manet in aeternum.* Et illud Salomonis Prouer. 30. *Omnis sermo Dei dignus, clipeus est, sperantibus in se, & ne addas quicquam verbis illius, & arguaris inueniarisque mendax.* Et Psaltis regii. *Eloquia Domini, eloquia casta, arguentium*

Psal. 117.
1. Cor. 14.
Ioan. 17.
2. Pet. 1. 19.
Apoc. 2. 18.

gentum igne examinatum, probatum terra, purgatum septuplum. Et rursus. *Ignitum eloquium tuum vehementer.* Et Christi Domini de Patre cœlesti. *Sermo tuus veritas est.* Et D. Petri: *Habemus firmiorem propheticum sermonem, cui bene facitis attendentes quasi lucerna lucenti in caliginoso loco, donec dies elucescat.* Et S. Ioannis in Apocalypsi. *Contestor omni audienti verba prophetie libri huius. Si quis apposuerit ad hæc, apponet Deus super illum plagas scriptas in libro isto.*

Mart. 5. 17.

Rom. 3. 31.

Psal. 8.

Prov. 6. 23.
Rom. 7. 7.

3. Quicquid in commendationem Legis dicitur. Christus enim non venit in mundum aboliturus legem, sed perfecturus. *Nolite putare, inquit, apud Matthæum, quoniã veni solvere legem aut prophetas: non veni solvere, sed adimplere. Amen quippe dico vobis, donec transeat cœlum & terra, iota unum, aut unus apex non prateribit à lege, donec omnia fiant.* Et D. Paulus ad Romanos. *Legem ergo destruimus per fidem? Absit, sed legem statuimus.* Maxima autem Legis encomia & elogia habemus in psalmis Dauidis regis, ut in decimo octavo. *Lex Domini, inquit, immaculata, conuertens animas, testimonium Domini fidele, sapientiam præstans paruulis. Iudicia Domini vera, iustificata in semetipsa, desiderabilia super aurum & lapidem pretiosum multum, & dulciora super me & fauum. Etenim seruus tuus custodit ea, in custodiendis illis retributio multa.* Deinde Salomon in proverbiis. *Mandatum, ait, lucerna est & lex lux.* Et S. Paulus Apostolus. *Quid ergo dicemus, lex peccatum est? absit. Sed peccatum non cognoui nisi per legem, nam concupiscentiam nesciebam, nisi lex diceret. Non concupisces.* Et paulo post. *Itaq; lex quidem sancta, & mandatum sanctum, & iustum, & bonum.* Hinc verò liquet eundem scopum esse Legis & catechesis nostræ, ut enim olim legis beneficio homines cognoscebant quando peccarent, vel delinquerent, sic nunc beneficio catechismi rudiores discunt, quando peccent.

4. Quicquid in laudem singularum virtutum, ut sapientiæ, fidei, spei, caritatis, humilitatis, castitatis, patientiæ, & ceterarum in hoc ipso opere, ad ostendendam earum dignitatem & præstantiam dictum est, hoc etiam cedit in laudem Catechesis Christianæ, quæ eas commendat & imitandas proponit.

DENIQUE non parum dignitatem huius institutionis amplificat & illustrat, quod in Scripturis passim, qui eam tradunt, appellantur pastores, sacerdotes, presbyteri, ministri Dei, dispensatores mysteriorum Dei, cooperatores Dei, Doctores, Prophetæ, Euangelistæ, Episcopi, Pontifices, Apostoli, angeli, Dii. Deus siquidem Moysen constituit in Exodo Deum Pharaonis. Et in Psalmis dicit. *Ego dixi Dijeſtis.*

* * *

CAPVT

Ioan. 10.
Heb. 5.
Tit. 1.
1. Theſſ. 3.
1. Cor. 4.
1. Cor. 3.
Eph. 4.
2. Tim. 3.
Exo. 7.
Psal. 81.

CHRISTIANA.

CAPVT III.

De proprietatibus Doctorum Catechesis.

IN Catechesi Christiana, quia alii sunt Doctores, alii auditores, veriusque proprietates sunt indagandæ. Quod ad priores attinet, docendi prouincia maximè propria est Episcoporum & sacerdotum. Nam ad Aaron, eiusque filios iam olim in Leuitico ita locutus est Dominus. *Habeatis scientiam discernendi inter sanctum & profanum, inter pollutum & mundum, doceatisque filios Israel omnia legitima mea.* Et apud Ezechielem ad Sacerdotes & Leuitas. *Populum meum docebunt, quid sit inter sanctum & pollutum, & inter mundum & immundum ostendent eis.* Et apud Malachiam. *Labia sacerdotis custodient scientiam, & legem requirunt ex ore eius, quia angelus Domini exercituum est.* S. PAVLVS ad Episcopum Timotheum. *Oportet Episcopum irreprehensibilem esse, prudentem, doctorem. Exemplum esto fidelium in verbo, in conuersatione. attende lectioni, exhortationi & doctrina: attende tibi & doctrina, insta in illis.* Hoc enim faciens, & te ipsum saluum facies, & eos qui te audiunt. Et rursum. *Quæ audisti à me per multos testes, hac commenda fidelibus hominibus, qui idonei erunt & alios docere. Predica verbum, insta opportunè importune, argue, obsecra, increpa in omni patientia & doctrina, opus fac Euangelistæ, ministerium tuum imple.* Et ad Titum Episcopum. *Oportet, inquit, Episcopum sine crimine esse, amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos qui contradicunt, arguere.* Vnde S. Hieronymus ad Fabiolam, de veste sacerdotali. *Tanta debet esse scientia & eruditio Pontificis Dei, ut & egressus eius & motus, & vniuersa vocalia sint. Veritatem mente concipiat, & toto eam habitu resonet, & ornatu, ut quicquid agit, quicquid loquitur, sit doctrina populorum. Absque tintinnabulis enim, & diuersis coloribus & gemmis floribusque virtutum nec sancta ingredi potest, nec nomen antistitis possidere.* Et S. Augustinus de baptismo contra Donatistas. *Iam verò cum dicit (Cyprianus) Episcopum docibilem esse debere, & adiungit: docibilis autem ille est, qui est ad discendi patientiam lenis & mitis: oportet enim Episcopos non tantum docere, sed & discere, quia & ille melius docet, qui quotidie crescit, & proficit discendo meliora.* His utique verbis indicat vir sanctus, &c. Et S. Ambrosius initio primi libri de Officiis, agens de se ad Episcopatum compulso, iam effugere non possumus officium docendi, quod nobis refugientibus imposuit sacerdotii necessitudo. Et S. Cyprianus de bono Pudicitie. *Quid aliud, inquit, in Ecclesia Domini utilius geri, quid accommodatius officio Episcopi*

Leu. 10. 22.

Ezech. 44. 29.

Mal. 2. 7.

1. Tim. 3. 2.

1. Tim. 4. 12.

1b. v. 16.

2. Tim. 2. 2.

2. Tim. 4. 23.

Tit. 2. 7.

H. ep. 132.

A. lib. 5. c. 26.

A. lib. 1. c. 5.

G

scopi

scopi potest inueniri, quam ut doctrina diuinorum per ipsum insinuat a, collata-
que verborum possit credentes ad repromissum regnum peruenire cælorum?

Rom. 2. 12.

Act. 1. 1.

Matt. 5. 19.

1. Tim. 4. 16.
Clem. c. 1.

A. Serm. 14.

Ch. in psal. 49.

Rom. 2. 19.

Matth. 5. 19.

B. Serm. 18.

II. Proprietas Doctoris est, ut se primum doceat, quæ alios docere conatur, ne in illum congruat quod catechistis Iudæorum exprobrat Apostolus. Si confidis te ipsum esse ducem cæcorum, lumen eorum, qui in tenebris sunt, eruditorem insipientium, magistrum infantium, habentem formam scientiæ & veritatis in lege. Qui ergo alium doces, te ipsum non doces. Qui predicas non furandum furaris. Vnde S. Lucas de Christo domino initio Actuum Apostolicorum scripsit. Primum quidem sermonem feci de omnibus, quæ cæpit Iesus facere & docere. Et Christus apud Matthæum. Qui fecerit & docuerit unum de mandatis istis minimis, hic magnus vocabitur in regno cælorum. Et Apostolus supra Timotheo dixit. Attende tibi & doctrina. Et Clemens Alexandrinus agens de Christiani hominis pædagogo. Nobis igitur, inquit, initio secundi libri Pædagogi, a nobis ipsis incipiendum est, & quomodo nos componere ac moderari oporteat. Et primo Stromatum. Necesse est utrosque (doctorem & auditorem) probare seipsos, illum quidem an dignus sit, qui doceat & monita relinquat, hunc verò an iure possit audire. Firmum autem eius fundamentum est recta vita, cum ea qua conuenit doctrina. Et S. Ambrosius in psalmum 118. initio. Ante vita, quam doctrina quærenda est. Vita enim bona & sine doctrina habet gratiam, doctrina sine vita integritatem non habet: in maleuolam enim animam non cadit sapientia. S. Chrysostomus exponens illud psalmistæ. Peccatori autem dixit Deus. Quare tu enarras iustitias meas. Vidisti, inquit, lyram perfectam, citharam bene compositam, diuersis modis unum edere concentum. Nam Apostoli, Prophete, & Paulus ipse docet, nihil prodesse alios docere, nisi quis seipsum prius doceat. Acrius enim Romanos insectans dicit. Qui ergo alium doces te ipsum non doces? Et infra. Quocirca Christus illum laudat doctorem, qui verbis & factis perfectam doctrinam ostenderit. Qui enim fecerit, inquit, & docuerit, hic vocabitur magnus in regno cælorum. Habeat ergo vita tua claram vocem eadem qua dicis docentem. Huc pertinet, quod S. BERNARDVS monet in Cantica, cum qui alios docere vult, similem esse debere conchæ, non canali. Quamobrem, inquit, si sapis, concham te exhibebis, & non canalem. Hic siquidem penè simul & recipit & refundit. Illa verò, donec impleatur, expectat, & sic quod superabundat sine suo damno communicat, sciens maledictum qui suam partem facit deteriores. Verum canales multos hodie habemus in Ecclesia, conchas vero per paucas multi enim loqui quam audire paratiores, & proprii docere, quod non didicerunt.

III. Proprietas, ut accomodet se ad auditorum captum exemplo

plo Apostoli, qui paruulis in Christo, vt est in epistola ad Corinthios lac doctrinæ Christianæ hoc est rudiorẽ expositionem mysteriorum fidei, viris vero & prouectis solidum cibum sublimiorum mysteriorum apponebat, factus Iudæis tanquam Iudæus, gentilibus verò & iis qui sine lege erant, tanquam sine lege esset, infirmis infirmus, omnibus denique omnia factus, vt omnes faceret saluos. *Non enim vna*, inquit S. GREGORIUS libro Moralium 30. eademque cunctis exhortatio conuenit, quia nec cunctos par morum qualitas astringit. Sæpe enim alijs efficiunt, quæ alijs prosunt. Nam & plerunque herba, quæ hæc animalia reficiunt alia occidunt: & lenis sibilus equos mitigat, catulos instigat: & medicamentum, quod hunc morbum imminuit, alteri vires iungit: & panis, qui vitam fortium roborat, paruulorum necat. Pro qualitate igitur audientium formari debet sermo doctorum, vt & ad sua singulis congruat, & tamen à communis adificationis arte nunquam recedat.

Et B. ISIDORUS libr. 3. de summo bono. Prima prudentiæ virtus est eam quam docere oporteat estimare personam. Rudibus populis, seu carnalibus plura atque communia, non summa atque ardua predicanda sunt, ne immensitate doctrinæ opprimantur potius, quam erudiantur. Vnde & Apostolus ait. non potui vobis loqui quasi spiritualibus, sed quasi carnalibus. Carnalibus quippe animis nec alia nimis de cælestibus, nec terrena conuenit predicare, sed mediocriter, vt vita eorum moresque desiderant edoceri.

Et S. AUGUSTINUS de catechizandis rudibus. Quia, inquit, de rudibus imbuendis nunc agimus, de me ipso tibi testis sum aliter atque aliter me moueri, cum ante me video catechizandum eruditum, inertem, ciuem, peregrinum, diuitem, pauperem, priuatum, honoratum, in potestate aliqua constitutum, illius aut illius gentis hominem, illius aut illius ætatis aut sexus, ex illa aut illa secta, ex illo aut illo vulgari errore venientem, ac pro diuersitate motus mei sermo ipse & procedit, & progreditur, & finitur. Et quia cum eadem omnibus debeat charitas, non eadem est omnibus adhibenda medicina: ipsa item charitas alios parturit, cum alijs infirmatur, alios curat edificare, alios contremiscit offendere, ad alios se inclinat, ad alios se erigit, alijs blanda, alijs seuera nulli inimica, omnibus mater.

I V. Proprietas est, vt non plus æquo sectetur elegantiam & fucos sermonis. Sermo meus, inquit Apostolus, & predicatio mea non in pe suasibilibus humana sapientiæ verbis, sed in ostensione spiritus & virtutis. Et rursus. Non enim est in sermone regnum DEI, sed in virtute. Vnde S. PROSPER libro I de vita contemplatiua Pontifex non in verborum splendore, sed in operum virtute totam predicandi fiduciam ponat,

non vocibus delectatur populi acclamantis sibi, sed fletibus, nec plausum à populo studeat expectare, sed gemitum. Tam simplex & apertus, etiamsi minus latinus, disciplinatus, tamen & gravis sermo debet esse Pontificis, ut ab intelligentia sui nullos, quamvis imperitos excludat, sed in omnium audientium pectus cum quadam delectatione descendat. Et S. Augustinus libro 4. de doctrina Christiana. Prorsus hac est in docendo eloquentia, quasit dicendo, non ut libeat, quod horrebat, aut ut fiat, quod pigebat, sed ut appareat quod latebat. Quod tamen si fiat insuauiter, ad paucos quidem studiosissimos suos pervenit fructus, quicquid discenda sunt, quamvis abiectione inculteque dicantur, scire desiderant. Quod cum adepti fuerint, ipsa delectabiliter veritate pascuntur: bonorumque ingeniorum insignis est indoles, in verbis virum amare, non verba. Quid enim prodest clavis aurea, si aperire, quod volumus, non potest? Aut quid obest lignea, si hoc potest? quando nihil quærimus nisi patere, quod clausum est. Et Ambrosius in primam epistolam ad Corinth. Predicatio Christiana non indiget pompa & cultu sermonis, ideoque piscatores homines imperiti electi sunt, qui Evangelizarent, ut doctrina veritas ipsa se commendarent teste virtute, ne hominum versutia & calliditate humana sapientie acceptabilis videretur, non veritate.

V. Vt cum omni hilaritate & lenitate animi doctrinam suam omnibus impertiat. Hilarem enim datorem, tam spiritualis, quam corporalis eleemosynæ, diligit Deus, inquit Apostolus ad Corinthios; & ad Galatas. Vos qui spirituales estis, huiusmodi instruite in spiritu lenitatis. Et ad Titum. Oportet Episcopum hospitalem esse, benignum, sobrium. Vnde S. Augustinus de catechizandis rudibus ut probe hilariter esse tradendam doctrinam excluso omni rædio, etiam rudibus & pueris, ita loquitur. Et re quidem vera multo gratius audimur, cum & nos eodem opere delectamur: afficitur enim filum locutionis nostræ ipso nostro gaudio, & exit facilius atque acceptius. Et præceptum quidem huius rei in promptu est. Si enim in pecunia corporali, quanto magis in spiritali, hilarem datorem diligit DEVS. Sed hac hilaritas ad horam ut adsit, eius est misericordia, qui ista præcepit. Et infra subiicit antidotum pro iis quibus nonnunquam rædium obrepit, cum puer vel alii auditores non capiunt quæ volumus. Si causa, inquit, illa contristat, quod intellectum nostrum auditor non capit, cogitemus, quid nobis prærogatum sit ab illo, qui demonstravit nobis exemplum, ut sequamur vestigia eius, qui cum in forma Dei esset semetipsum exinanivit formam servi accipiens, & c. usque ad mortem crucis. Quam ob causam, nisi quia factus est infirmis infirmus, ut infirmos lucrifaceret? Audieus imitatore alibi etiam dicentem: Sive enim mente excessimus, Deo, sive temperantes simus, vobis. Charitas enim Christi compellit nos, indicantes

A. C. M.

p. Cor. 1.

p. Cor. 9. 7.

Gal. 6. 1.

Tit. 1. 8.

Aug. 2.

p. Cor. 9. 7.

M. c. 10.

1. Pet. 2. 27.

Phil. 2. 7.

p. Cor. 9. 10.

p. Cor. 5. 13.

hoc

hoc quia unus pro omnibus mortuus est. Quomodo enim paratus esset impendi pro animabus eorum, si eum pigeret inclinari ad aures eorum? Hinc ergo factus est paruulus in medio nostrum tanquam nutrix fouens filios suos. Nam enim delectat, nisi amor inuitet decurtata & mutilata verba immurmurare? Et tamen optant homines habere infantes quibus id exhibeant. Et suauius est matri minuta mansa inspuere paruulo filio, quam ipsam mandere ac deuorare grandiora. Non ergo recedat de pectore etiam cogitatio gallina illius, quæ languidulis plumis teneros fetus operit, & susurrantes pullos contracta voce aduocat, cuius blandas alas refugientes superbi præda sunt altilibus.

2. Cor. 12.

1. Thess. 2. 7.

Matt. 23. 47.

VI. Vt non lucrum suum quærat, sed animarum, iuxta consilium Christi. *Gratis accepistis gratis date.* & exemplo Pauli, qui cum potestatem haberet de Euangelio viuendi, ea tamen non est usus, ut plures animas lucrificeret. *Quæ est ergo, inquit, merces mea? Vt Euangelium predicans, sine sumptu ponam Euangelium, ut non abutar potestate mea in Euangelio.* Nam cum liber essem ex omnibus omnium me seruum feci, ut plures lucrificerem. Vnde CLEMENS Alexandrinus primo Stromatum. Qui per litterarum monumenta loquitur apud Deum sacramenti religionem obstringitur, hæc in scriptis vociferans, nec lucri gratia, nec inanis gloria causa non vinci ab affectione, non quæstui seruire, spe expectans eam qua omnino reddenda est retributionem ab eo qui operarijs pollicitus est se redditurum mercedem pro meritis. Oportet autem Dominum, quoad eius fieri potest, imitari. Is autem fuerit, qui Dei voluntati inseruit: qui cum gratis accepit, dat gratis, satis magnam recipiens mercedem ipsam vitæ institutionem. Et S. Augustinus libro 2. de Sermone Domini in monte. Quid intersit inter bonum quod appetendum est, & necessarium quod sumendum est hac sententia Christus declarauit, cum ait. *Quærite primum regnum Dei & iustitiam eius, & hæc omnia apponentur vobis.* Regnum ergo & iustitia Dei bonum nostrum est, & hoc appetendum, & ibi finis constituendus, propter quod omnia facimus, quæcumque facimus. Sed quia in hac vitâ militamus, ut ad illud regnum peruenire possimus, quæ vitâ sine his necessarijs agi non potest. Apponentur vobis hæc, inquit, sed vos regnum Dei & iustitiam eius primum querite. Cum enim dicit, illud, primum, significauit quod hoc posterius querendum est, non tempore, sed dignitate. Illud tanquam bonum nostrum, hoc tanquam necessarium nostrum, necessarium autem propter illud bonum. Neque enim verbi gratia ideo debemus Euangelizare, ut manducemus: sed ideo manducare ut Euangelizemus: nam si propterea euangelizamus, ut manducemus, vilius habemus Euangelium, quam cibum, & erit iam bonum nostrum in manducando, necessarium autem in Euangelizando. Quod etiam Apostolus prohibet, cum dicit, licere sibi quidem, & permissum esse à Domino, ut qui Euangelium annunciant, de Euangelio uiuant, id est, de Euangelio habeant ea

Matt. 10

1. Cor. 9. 18.

A. C. 14.

Matt. 6. 33.

1. Cor. 9. 14.

qua huic vite sunt necessaria, sed tamen se non esse abusum hac potestate. Similia habet B. Gregorius lib. 19. Moralium cap. 11.

Gal. 5. 24.

1 Cor. 9. 26.

Luc. 12. 13.
G. hom. 13.

Iob. 38.

Luc. 9. 61.

Heb. 3. 74.

Luc. 14. 30.

Matt. 16. 13.

Luc. 22. 32.
Gal. 1. 8.

2. Tim. 4. 6.

2. Tim. 3. 14.

VII. est, ut mortificet & crucifigat carnem suam cum vitiis & concupiscentiis, exemplo Apostoli, qui cum multa de functione alios docendi & Euangelizandi dixisset, tandem subiecit. *Ego sic curro non quasi in incertum, sed castigo corpus meum & in servitutem redigo, ne forte cum alijs predicauerim, ipse reprobus efficiar.* Hanc proprietatem & Christus suis discipulis commendavit, cum apud Lucam ad illos dixit. *Sint lumbi vestri praeincti, & lucerna ardentes in manibus vestris.* Quae verba tractans B. Gregorius in Euangelia. Duo, inquit, sunt quae iubentur, & lumbos restringere & lucernam tenere, ut & munditia sit castitatis in corpore, & lumen veritatis in operatione. Redemptori enim nostro unum sine altero placere nequaquam potest, si aut is qui bona agit adhuc luxuria inquinamenta non deserit, aut is qui castitate praeminet, necdum se per bona opera exercet. Et explanans verba illa Iob Gallus succinctus lumbos, & aries. Gallus, ait, succinctus lumbos, id est, predicatorum sancti inter huius noctis tenebras verum mane nuntiantes: qui succincti lumbis sunt, quia a membris suis Luxuria fluxa restringunt in lumbis quippe luxuria est. unde & ipsdem a Domino dicitur. *Sint lumbi vestri praeincti.*

VIII. Ut sit firmus & constans in fide Catholica. Si enim discipulus debet esse firmus & constans in fide, cui dicitur a Christo. *Nemo mittens manum ad aratrum & respiciens retro, aptus est regno DEI:* Et ab Apostolo, *Participes enim Christi effecti sumus, si tamen initium substantiae eius (fidem) usque ad finem firmum retineamus:* quanto magis Magister & Doctor fidei, in quem si constans non sit, detorqueri potest illa apud Lucam illusio. *Quia hic homo cepit edificare & non potuit consummare.* Hanc proprietatem Doctoris ut insinueret Christus, Ecclesiam suam edificare non voluit nisi super Apostolorum coriphæi Petri fide immota & constanti. Christus enim ipse de ea dixit. *Ego Petre pro te rogavi, ut non deficeret fides tua.* Doctor vero gentium Paulus quam firmam fidem habuerit ostendit primum in epistola ad Galatas dum ait ad nutantes in fide. *Sed licet nos aut angelus de caelo euangelizet vobis prae terquam quod euangelizauimus vobis, anathema sit.* Et in altera epistola ad Timotheum dum exitu vitae iam impendente de se ita contestatur. *Tempus resolutionis meae instat: Bonum certamen certavi, cursum consummaui, fidem seruavi.* Vbi & Timotheum ad eandem constantiam adhortatur dicens. *Tu vero permane in ijs, quae didicisti, & credita sunt tibi, sciens a quo didiceris, & quia ab infantia sacras literas nosti, quae te possunt instruere ad salutem per fidem, quae est in Christo IESU.*

IX. Ut flagret zelo animarum, exemplo, primo Christi, qui vnicus est verus Magister & Doctor ecclesie doctrinae. Hic enim ardens zelo vindicandi honoris diuini in profanatione Hierosolymitani templiementes & vendentes templo exturbauit: Deinde Petri Apostolorum Principis, qui post acceptum Spiritum sanctum zelo maximo doctrinae Christi diuulgandae accensus vno die tria millia, altero quina millia hominum oratione sua CHRISTO adiunxit, ac alia multa zeli sui testimonia vt liquet ex Euangelio & Actis Apostolicis reliquit. Adhuc Apostoli Pauli, cuius historia in iisdem Actis descripta, cuiusque epistolae nihil aliud spirant quam zelum ardentissimum animarum, sic vt ad Romanos non dubitauerit in haec verba scribere. *Veritatem dico in CHRISTO, non mentior. Optabam ego ipse anathema esse à CHRISTO pro fratribus meis, qui sunt cognati mei secundum carnem.* Et ad Corinthios. *Ego autem libentissime impendam & superimpendam ipse pro animabus vestris.* Alii verò ad eundem zelum imitandum inuitat & alios Doctores, vt Timotheum Episcopum. *Testificor, inquit, coram DEO & IESU CHRISTO, qui iudicaturus est viuos & mortuos, & per aduentum ipsius & regnum eius, praedica verbum, in sta opportune, importune, argue, obsecra, increpa in omni patientia & doctrina. Tu vero vigila, in omnibus labora, opus fac Euangelistae, ministerium tuum imple.* Hoc zelo quia destitutus erat Episcopus Laodiceus, Spiritus Sanctus eum sugillat velut tepidum, miserum & miserabilem, dignumque qui ex ore Dei euomatur, suadetq; vt à se emat *aurum ignitum*, hoc est, zelum ardentem animarum.

Ioan. 2. 23.

Act. 2. 41.

Act. 4. 4.

Act. 9.

Rom. 9. 3.

2. Cor. 12. 15.

2. Tim. 4. 18.

Apoc. 3. 16.

X. Vt à praedicatione, & institutione doctrinae Christianae non cesset, quamuis fructus exiguus sequatur. Sic enim loquitur Dominus ad Ezechielem prophetam. *Si annunciant te ad impium vt conuertatur à viis suis, non fuerit conuersus à via sua ipse in iniquitate sua morietur: porro tu animam tuam liberaisti.*

Ezech. 3. 9.

Quae verba expendens B. PROSPER libro primo de vita contemplatiua. *Hic certe, inquit, satis euidenter ostenditur, quod siue proficiant, siue non proficiant auditores, tacere eis non debeant Sacerdotes, nec id eo rei sint, si forte eorum verba populi non audiant, vel audita contemnant: sed si ab eis corrigendis absistunt, quia si nec exemplo vita praepositorum suorum, nec verbo doctrina populi contumaces emendati proficiunt, ipsi sibi causa suae perditionis existunt, & doctores suos, quorum exempla simul & verba despiciunt, inuoluere criminibus suis omnino non poterunt.* CHRISTVS Dominus mittens discipulos suos ad praedicandum.

P. c. 22.

Intra-

Matt. 10. 12.

A. c. 5.

Matt. 10.

A. c. 8.

Ioa. 10.

1. Ioa. 3. 16.

Intrantes, inquit, in domum, salutate eam, dicentes. Pax huic domui. Et si quidem domus illa fuerit digna, veniet pax nostra super eam, si autem non fuerit digna, pax vestra reuertetur ad vos. Quem locum tractans S. Augustinus libro primo contra Cresconium Grammaticum. Sic ait, malignus sua for peccati, etiam si non persuaserit, merito poenam deceptoris incurrit: ita fidelis iustitie predicator, etiam si ab hominibus respuatur, absit, ut apud Deum sui officij mercede fraudetur. Res enim certa sit ad incertum. Incertum autem dico non premium facientis, sed animum audientis. Incertum est enim nobis, utrum assensurus sit, cui veritas predicatur, sed certum est etiam talibus veritatem predicari oportere, & certum est fideliter eam predicantes retributionem manere, siue suscipiantur, siue spernantur, siue etiam propterea a qualibet temporaliter aduersa patiantur. Dominus dicit in Evangelio. Cum ingressi fueritis, dicite. Pax huic domui: Si digni fuerint, qui ibi sunt, requiescet super eos pax vestra: Si quo minus, ad vos reuertetur. Nunquid eos certos fecit, quod essent eorum pacem suscepturi, quibus eam predicarent? certos tamen fecit, ut eam sine cunctatione predicarent. Demum Christus exemplo suo ostendit non esse cessandum a predicatione propter obstinationem auditorum. Quid inquit idem Augustinus ibidem, toties aduersus Iudaos, Phariseos, Sadduceos, non solum minimè credituros, verum etiam maximè contradicturos & persecuturos in eos eorum quàm multa locutus est? Nonne ab eis ultro cum voluit, quod voluit inquisiuit, ut eorum illos responsione conuinceret? Nonne illis dolose tentando quarentibus, cum redarguti obmutescerent, sine vlla ambiguitate respondit? Quod cum faceret nullus ex his legitur ad eum sequendum fuisse conuersus, & c. plura.

XI. Ut paratus sit animam pro auditoribus, si opus sit, ponere. Bonus enim pastor, inquit, Christus, animam dat pro ouibus suis. imo quisquis bonus Christianus deberet animam ponere pro proximo. Nam S. Ioannes in epistola prima. In hoc, ait, cognouimus charitatem Dei, quoniam ille animam suam pro nobis posuit, & nos debemus pro fratribus animas ponere. Vnde S. CHRYSOST. homilia 6. de laudibus S. Pauli. Neg, saltem attingere quisquam debet praclari huius muneris functionem (predicationis) nisi paratus sit millies animam suam tradere in mortem atq; discrimina. Dicit enim ipse Dominus IESVS si quis vult post me venire, abneget semetipsum, & tollat crucem suam, & sequatur me. Et paulo post. Non solum autem eum qui predicationi accingitur, sic oportet parari, sed quemcunq; vel simpliciter Christianum, nam crucem tollere & sequi Christum, omnibus imperatur. Si autem cunctis, multo magis doctoribus populi atq; pastoribus.

XII. Ut non dedignetur se ad puerilem institutionem, licet in speciem abiectam, demittere. Primo, quia & sapiens pueros ad se audi-

audiendum inuitat in Prouerbiis Salomonis. *Si quis est paruulus, inquit, Pro. 9. 4. & 16. veniat ad me. Et. Qui est paruulus declinet ad me. Et Ioel clamat. Vocate cœ-* Ioel. 2. 16.
tum, congregate populum, sanctificate Ecclesiam, coadunate senes, congregate
paruulos & sugentes vbera. Ieremias verò queritur eis subtrahi panem Thren. 4. 4.
doctrinæ spiritualis. Paruuli, inquit, petierunt panem, & non erat, qui
frangeret eis. 2. Christus Dominus, testibus tribus Euangelistis graua-
tim tulit à suis discipulis submoueri paruulos, qui à parentibus ei offe-
rebantur. S. Marcus ita narrat. *Offerebant illi paruulos, ut tangeret illos. Di-*
scipuli autem comminabantur offerentibus. Quos cum videret Iesus, indignè
tulit, & ait illis: Sinite paruulos venire ad me, & ne prohibueritis eos, talium e- Matth. 19. 13.
nim est regnum Dei. Amen dico vobis, quisquis non receperit regnum Dei velut Marc. 10. 13.
paruulus, non intrabit in illud. Et complexans eos, & imponens manus super il- Luc. 18. 15.
los, benedicebat eos. 3. Apostolus Paulus non semel testatur, se factum
cum paruulis pa- uum. Cum possemus vobis oneri esse, inquit ad Thessalo- 1. Thess. 2. 7.
nicenses, ut Christi Apostoli, sed facti sumus paruuli in medio vestrum, tan-
quam si nutrix foueat filios suos, quoniam charissimi nobis facti estis. Et ad
Corinthios. Omnibus omnia factus sum, ut omnes facerem saluos. Et ad Ga- 1. Cor. 9. 22.
latas. Filioli mei, quos iterum parturio, donec formetur Christus in vobis. S. Galat. 4. 19.
Petrus denique omnes optat repuerascere. Deponentes, ait, omnem ma- 1. Pet. 2. 2.
listiam, & omnem dolum, & simulationes, sicut modo geniti infantes rationa-
biles sine dolo lac concupiscite, ut in eo crescatis in salutem. Quod ad Patres
veteres attinet, habemus apud Eusebium libro Ecclesiasticæ histo- Euseb. c. 3. s. 16.
riæ sexto, quemadmodum catechumenis instruendis præfuerint in
Alexandrina Ecclesia Pantanus, Clemens, Origenes Heraclas, S.
Hieronymus iam senex cum multa præcepta in epistola ad Latam Hier. c. 7.
pro recta institutione filix dedisset, tandem his verbis eam claudit.
Ipsè si aulam miseris, & magistrum me, & nutritium spondeo. gestabo hume-
ris, balbutientia senex verba formabo, multo gloriosior mundi Philosopho, qui
non regem Macedonum Babylonio periturum veneno, sed ancillam & sponsam
Christi erudiam regnis cælestibus offerendam. De S. Vincentio Ferrerio Apud Sur. 1. A.
Ordinis S. Dominici ita scribit Petrus Ranzanus. Neq. duntaxat etate pril.
proiectos sublimium rerum capaces erudiebat, sed etiam pueros certis ad se ho-
ris euocatos instituebat, docens eos, quemadmodum cruce se signarent, oratio-
nem Dominicam & angelicam salutationem, atq. fidei Symbolum enuntiarent,
Deum colerent, amarent, parentibus & proximis quibusq. honorem haberent,
& debita officia persoluerent. Eodem æuo Magnus ille Academia Parisi-
ensis Cancellarius Ioannes Gerson non dubitauit se ad puerilem ca-
techeseos institutionem demittere, omnibusq. ob singularem utili-
tatem, quæ inde in Christianam Remp. dimanaret eam commenda-
re. Quæ ingens utilitas & nostræ Societatis parentem & fundatorem

B. Ignatium permouet, vt eandem institutionem in primis à sui Ordinis hominibus frequentari voluerit: qua de re multa noster Petrus Ribadineira in eius vita.

Ribad. lib. 3. c.
24.

C A P V T IV.

De proprietatibus Auditorum catechesis.

Psal. 110. 20.
Prouer. 1. 7.
Eccli. 32. 18.

Eccli. 1. 18.

August. c. 5.

PRIMA proprietas est timor Domini. *Initium enim sapientie timor Domini, vt Dauid & Salomon testantur. Qui timet Dominum, ait Ecclesiasticus, excipiet doctrinam eius. Et alibi. Qui timent Dominum, non erunt incredibiles verbo illius. Qui timent Dominum inquirent quae bene placita sunt ei.* Vnde S. August. libro de catechizandis rudibus tuadet vt catechumeni, ne fictè accedant, initio terrore aliquo Dei percellantur. *De ipsa, inquit, seueritate Dei, quae corda mortalium saluberrimo terrore quatuntur, charitas edificanda est, vt ab eo quem timet, amari se gaudes, eum redamare audeat, eiusq; in se dilectioni, etiamsi impune posset, tamen displicere veretur. Rarissime quippe accidit, imò verò nunquam, vt quisquam veniat volens fieri Christianus, qui nō sit aliquo timore Dei percussus. Si enim aliquod commodum spectādo ab hominibus, quibus se aliter placiturum non putat, aut aliquod ab hominibus incommodum deuitando, quorum offensionem, aut inimicitias reformidat, vult fieri Christianus, non fieri vult potius, quam fingere: fides enim non est res saluandi corporis, sed credentis animi.*

Prouer. 11. 2.

Act. 9. 21.

Act. 10. 5.

Act. 8. 38.

Exod. 18. 24.

Deuter. 5. 2.

Deuter. 32. 46.

Matth. 7. 25.

Luc. 11. 28.

Rom. 2. 13.

II. Proprietas est humilitas. *Vbi enim est humilitas, inquit Sapiens, ibi & sapientia.* Vnde S. Augustinus in prologo librorum de doctrina Christiana grauiter inuehitur in eos, qui iactabant, se humano Doctore non indigere, & posse à Spiritu S. intelligentiam scripturarum assequi, sicut Apostoli, & S. Antonius eremita eam consecuti sunt. Redarguit autem illos, primo exemplo Apostoli Pauli, qui licet diuina & coelesti voce prostratus & instructus, tamen ab Anania doctus est. 2. Cornelii Centurionis, qui, licet angelus ei nunciaffet orationes exauditas & eleemosynas respectas Petro traditus est imbuendus. 3. Eunuchi regis Syriae Isaiam non intelligentis, cui non angelus, sed Philippus missus est, cuius opera dictum Prophetam intelligeret. 4. Moysis, qui licet doctus à Deo, tamen soceri sui, licet alienigenae consilium de regendo tam magno populo minimè superbus accepit.

III. Proprietas est audita praestare & exequi. Nam in Deuteronomio Deus agens de praeceptis suis. *Discite, inquit, ea & opere complete.* Et iterum. *Audientes discant, & custodiant.* Et Christus Dominus *Omnis qui audit verba mea, & facit ea, assimilabitur viro sapienti, qui edificauit domum suam supra petram.* Et Beati, qui audiunt verbum Dei, & custodiunt illud. Vnde S. Paulus. *Non auditores legis iusti sunt apud Deum, sed factores legis iusti.*

ificabuntur. Et B. Iacobus. Estote factores verbi, & non auditores tantum.

Iacob. 1. 22.

Vnde S. August. in serm. 3. de verbis Domini agens, de officio communi magistris & discipulis. *Quamuis, inquit, dissimile sit doctoris discipuli officium, tamen utrinque debet sanctarum legum obsequium, ut iungantur factis, qui separantur officiis, copulentur opere, qui diuersi sunt nomine, & quos vocabula ab inuicem separant, eos obseruantia praeceptorum deuote ac fideliter coniungat. Neque enim perfectio in legum est notitia constituta, cum sit scriptum. Non enim auditores legis iusti sunt apud Deum, &c. Neque enim, inquam, is religiosus & sanctus est, qui nouit legem cessantibus factis, cum expediat facere magis quam docere, quia molestum est docere & non facere. Vos amici mei estis, inquit, si feceritis ea, quae mando vobis.*

Aug. in March.

Rom. 2. 13.

Ioan. 15. 14.

IV. Proprietas, erigere aures ad doctorem, mentem verò ad Deum, iuxta illud Salomonis. *Ingredietur ad doctrinam cor tuum, & aures tuae ad verba scientiae.* Et iterum. *Fili mi inclina aurem tuam, & audi verba sapientium: appone autem cor ad doctrinam meam.* Vnde S. August. de verbis Domini. *Erigite itaque, fratres, erigite ad me aures, ad Dominum erigite mentes. Cuius dicti causam reddit tractat. 3. in epist. 1. Ioan. exponens verba illa. Quia unctio ipsius docet vos de omnibus. Videte, inquit, magnum sacramentum fratres, sonus verborum nostrorum aures percutit, magister intus est. Nolite putare quenquam hominem aliquid discere ab homine. Admonere possumus per strepitum vocis nostrae, si non sit intus qui doceat, inanis fit strepitus noster, propterea ait & ipse in Euangelio. Nolite vobis dicere magistrum in terra: unus est magister vester Christus ipse vobis ergo intus loquitur, quando nemo hominum illic est. Et S. Greg. 29. moral. Quia quilibet predicator verba dare auribus potest, corda verò aperire non potest, & nisi per internam gratiam solus omnipotens Deus praedicationum verbis ad corda audientium inuisibiliter aditum praestet, incassum praedictio aure audientis percipitur, se Dominus viam sonantis tonitruum dare asserit, qui cum praedicationis verba tribuit, per terrorem in corda compungit. Vnde Paul. Neque qui plantat est aliquid, neque qui rigat, sed qui incrementum dat Deus.*

Prouer. 23. 12.

Prouer. 22. 17.

August. serm. 16.

1. Ioan. 1. 27.

Matth. 23. 8.

Greg. c. 16.

1. Cor. 3. 6.

V. Proprietas est communicare Doctore suo necessaria ad victum & amictum, ut docet Apostolus in epist. ad Galat. *Communicet autem is, inquit, qui catechizatur verbo ei qui se catechizat in omnibus bonis.* Quorum verborum, auctore S. Hieron. lib. 3. Commentariorum, hic sensus est. *Quia superius spiritualibus praeceperat, ut eos qui praecipiti fuerant in aliquo delicto instruerent in spiritu lenitatis, & alter alterius onera portarent, nunc e contrario his qui adhuc imbecilliores, & discipuli & carnales erant praecipit, ut quomodo ipsi a magistris spiritualia metunt, sic magistris carnalia praebeant. Bona autem in praesenti loco iuxta vulgi consuetudinem, moremque communem, victum & vestitum, & cetera, quae homines inter bona numerant, appellauit. Habentes enim victum & vestitum, hoc contenti sumus.* Et paulo post subiungit.

Galat. 6. 6.

Hier. in epist. ad Galat.

1. Tim. 6. 8.

Præuidens autem spiritu Apostolus, eos qui docentur, & debent magistris sumptus & vita necessaria ministrare, posse obtendere paupertatem & dicere. Ager meus hoc anno aruit siccitate, vineam grando contriuit, non habeo, unde tribuam, adiecit. Nolite errare, Deus non irridetur: Scit, inquit, corda vestra, non ignorat facultates. Excusatio verisimilis, hominem potest utcunq; placare, Deum non potest fallere. Eodem pertinent quæ Apostolus prolixius disputat in capite nono prioris ad Corinthios de stipendio debito Ecclesiasticis ministris, atque imprimis verbi diuini prædicatoribus.

Matth. 23. 2.
Marc. 9. 35.
Luc. 9. 46.
1. Pet. 25.

Ambros. ser. 53.

VI. Proprietas est, puerorum mores quàm proximè imitari, ut innocentiam, simplicitatem, humilitatem: idcirco enim Christus Dominus in medio discipulorum paruulum constituit, dixitq;: *Nisi efficiamini sicut paruuli, non intrabitis in regnum cælorum.* Vnde Petrus. *Deponentes omnem malitiam, & omnem dolum, & simulationes, sicut modo geniti infantes, rationabiles, sine dolo lac concupiscite.* Et S. Ambrosius sermone de in nouatione fidelium. *Ad Apostolos, ait, iam seniores & maiores natus dicit Dominus. Nisi conuersi fueritis & efficiamini sicut puer iste, non introibitis in regnum cælorum? Reuocat igitur eos ad originis sue fontem, & retrorsum ad infantiam redire compellit, scilicet ut qui corpore fragili senuerant, innocentia moribus renascantur.* Et rursus. *Habet & Christiana simplicitas infantiam suam: sicut enim infans nescit irasci, fraudare non nouit, referire non audet, ita ut Christianitatis infantia ledentibus non irascitur, spoliantibus non resistit, cedentibus non repugnat.* Deniq; sicut Dominus iussit, etiam orat pro inimicis auferenti tunicam relinquit & pallium, &c. Similiter S. Hieronymus in verba Christi. *Quicumque ergo humiliauerit se, sicut paruulus iste, hic est maior in regno cælorum. Sicut iste paruulus, inquit, non perseuerat in iracundia, non meminit læsus, non videns pulchram mulierem deletatur: non aliud cogitat, & aliud loquitur: sic & vos nisi talem habueritis innocentiam, & animi puritatem, non poteritis regna cælorum intrare.*

Matth. 25. 44.

Matth. 18. 2.

C A P V T V.

De necessitate & utilitate Catechesios.

Heb. 11. 6.
Rom. 10. 14.

N ECESSITATEM Catechesios Christianæ probant & confirmant omnia, quæ in ea traduntur, ut sunt in primis fidei dogmata, quorum notitia eo magis hoc æuo necessaria est, quo plures ab hæreticis peruertuntur, & in Tartarum præcipitantur. *Sine fide enim, inquit Apostolus ad Hebræos, impossibile est placere Deo. At quomodo, ait ad Romanos, credent ei quem non audierunt? Quomodo autem audient sine prædicante? Quomodo verò prædicabunt nisi mittantur? Fidei ergo capita cognosce*

gnosci nequeunt, nisi à Doctore aliquo legitimè misso (vti sunt illi soli qui in Catholica Ecclesia docent) exponantur.

DEINDE diuina Scriptura hortatur nos ad hanc doctrinam, velut ad salutem necessariam. Salomon enim in Prouerbiis sic loquitur in sapientiæ persona. *Doctrinam magis quam aurum eligit. Melior enim est sapientia cunctis opibus pretiosissimis. Nunc ergo filij audite me, Beati, qui custodiunt vias meas. Qui me inuenerit inueniet vitam.* Et rursus. *Non cesses audire fili doctrinam, nec ignores sermones scientia. Et. Appone cor ad doctrinam meam, quæ pulchra erit tibi, cum eam seruaueris in ventre tuo, & redundabit in labijs tuis vt sit in Domino fiducia tua.* Et Ecclesiasticus. *In multitudine presbyterorum prudentium sta, & sapientia illorum ex corde coniungere, vt omnem narrationem Dei possis audire.* Et iterum. *Non te prætereat narratio seniorum: ipsi enim didicerunt à Patribus suis. quoniam ab ipsis discas intellectum. & in tempore necessitatis dare responsum.* Et. *Fili à iuuentute tua excipe doctrinam & vsque ad canos inuenies sapientiam. Quæ sis qui arat, & qui seminat, accede ad eam, & bonos fructus ab ea expecta.*

Prou. 8. 12. 33.

Prou. 19. 27.

Prou. 22. 18.

Eccli. 6. 35.

Eccli. 8. 11.

Eccli. 6.

Iob. 21. 17.

Prou. 17. 16.

Sap. 13. 1.

Isa. 1. 4.

Ier. 4. 22.

C. cor. 14. 57.

EADEM Scriptura grauitè inculcat eos, qui doctrinam omnem notitiamque pietatis repudiant. De impiis enim agens B. Iob, eorumque liberis. *Egrediuntur, inquit, quasi greges paruuli eorum, & infantes eorum exultant lusibus. Qui dixerunt Deo Recede à nobis, & scientiam viarum tuarum nolumus.* Et Salomon in Prouerbiis. *Qui altam facit domum suam, querit ruinam, & qui cuitat discere, incidet in mala.* Et Sapiens. *Vani autem sunt omnes homines, in quibus non subest scientia Dei.* Itaias prophetiam suam ab hac reprehensione inchoauit. *Cognoui bos possessorem suum & asinus præsepe Domini sui, Israhel autem me non cognouit, & populus meus non intellexit. Væ genti peccatrici, &c.* & Ieremias. *Stultus populus meus me non cognouit. filij insipientes sunt & vecordes: sapientes sunt vt faciant mala, bene autem facere nescierunt.* Et Apostolus ad Corinthios. *Si quis videtur propheta esse, aut spiritalis, cognoscat, quæ scribo vobis, quia Domini sunt mandata. Si quis autem ignorat, ignorabitur.*

DENIQUE si nulla ars, nulla scientia est, vel vnquam fuit quæ non necessario requirat doctorem, hæc sola doctrinæ Christianæ scientia, omnium præstantissima, & ad salutem necessaria Doctorem & Magistrum non postulabit. S. Hieronymus in epistola ad Paulinum agens de S. Scriptura, ex qua doctrina Christiana, qua de loquimur, sumpta est; *Taceo, ait, de grammaticis, rhetoricis, philosophis, geometris, dialecticis, musicis, astronomis, astrologis, medicis quorum scientia mortalibus vel utilissima est, & in tres partes scinditur in δόγματα, τὴν μέθοδον, τὴν ἐμπειρίαν. Ad minores artes veniam, & quæ non tam lingua, quàm manu administrantur: agricolæ, cementarij fabri metallorum, lignorumue cafores, lanarj quoq. & fullones, &*

H. ep. 103.

C A T E C H E S I S

res, & ceteri, qui variam suppellectilem, & vilia opuscula fabricantur, absque doctore non possunt esse quod capiunt. Quod medicorum est promittunt medicum, tractant fabrilis fabri. Sola Scripturarum ars est, quam sibi omnes passim vindicent. Hanc garrula anus, hanc delirus senex, hanc sophista verbosus, hanc vniuersi presumunt, lacerant, docent antequam discant.

QVOD ad VTILITATEM Catechesios, etsi satis illa colligatur ex necessitate & dignitate iam explicatis, atque adeo ex quotidiana experientia, tamen pauculas aliquas breuiter hic subiiciam. Prima sit, quod Christianum populum, vindicet ab innumeris erroribus, & hæresibus hoc tempore grassantibus. 2. quod aditum in utroque sexu, maximè autem fœmineo præcludat veneficiis aliisque curiosis superstitionibus. Nec enim alia certior causa est cur in quibusdam prouinciis omnia plena sint sagarum, & magorum, quam quia homines, ab ineunte ætate in doctrina Christiana, ritibusque sacris Ecclesiæ non rectè sint instituti. 3. quod ea institutio efficiat, ut homines vitam ducant Christiano homine dignam, præceptisque Dei & Ecclesiæ consentaneam.

Vnde S. CHRYSOSTOM. contra Anomæos. Coniungamus, inquit, rectitudini dogmatum diligentiam vitam & operum, ut ne dimidiatim quæ ad salutem nostram spectant, curentur. Vita autem diligentiam & puritatem nihil sic efficit, ut continua in templis conuersatio, & alacre ad audiendum verbum Dei studium. Quod enim corpori est cibus, hoc animæ diuinorum eloquiorum doctrina. Non enim in solo pane viuit homo, sed & in omni verbo, quod procedit per os Dei. 4. quod in iis qui libenter eam, & conciones omnes sacras audiunt, & auditas præstant, sit admodum probabile signum æternæ prædestinationis, uti S. BERNARDVS probat ex Christi dicto apud B. Ioannem. Qui ex Deo est, verba Dei audit. Magna, inquit, mihi consolatio est fratres mei in verbo illo Domini: propterea enim vos libenter auditis, quia ex Deo estis Vnde & inuenies ab eodem Ioanne in epistola sua scriptum. Omnis qui natus est ex Deo non peccat, sed generatio cælestis conseruat illum. Non peccat, inquit, id est, non permanet in peccato, quia conseruat illum, utique ut perire non possit ea quæ falli non potest generatio cælestis. Sed generationem istam quis enarrabit? Quis potest dicere. Ego de electis sum ego de prædestinatis ad vitam, ego de numero filiorum? Quis hoc dicere potest, reclamante, nimirum Scriptura. Nescit homo scire dignum amore an odio. Certitudinem utique non habemus, sed spei fiducia consolatur nos, ne dubitationis huius anxietate penitus cruciemur. Propter hoc data sunt signa quædam & indicia manifesta salutis, ut indubitabile sit eum esse de numero electorum, in quo ea signa permanserint. Porro inter ea quæ fiduciam

Been. serm. 1. de
septuag.
Ioann. 8. 47.
1. Ioan. 5. 18.

Act. 9. 3.

pra-

CHRISTIANA.

63

prestant, & materiam spei, unum illud maximum est, de quo nunc capimus loqui. Qui de Deo est, verba Dei audit. 5. & postrema utilitas, quod omnes Doctores, institutoresque aliorum excellens maneat remuneratio in cœlis. Divini siquidem oraculi apud Danielem prophetam vox est, Qui autem docti fuerint, fulgebunt quasi splendor firmamenti: & qui ad iustitiã erudiunt multos quasi stella in perpetuas aternitates. Christi quoque Domini verba sunt. Qui soluerit unum de mandatis istis minimis, & sic homines docuerit, hic magnus vocabitur in regno cœlorum. Non enim sibi ipse tantum, ait Chrysostom. in hunc locum, unusquisq. utilis esse debet, sed etiam ceteris. Neque æqua merces est eius, qui solummodo seipsum regit, illius, qui etiam alios acquirit.

Ioan. 8. 47.

Dan. 12. 3.

Matt. 5. 19.

Ch. hom. 14. in

Marc.

CHARITAS.

CAPUT I.

De Nomine & definitione Charitatis.

QUOD ad nomen attinet, diuinæ litteræ promiscuè fere vtuntur vocibus amoris, dilectionis & charitatis velut idem significantibus, vltatius tamen charitatis, quando de virtute sermo est, teste S. Augustino libr. 14. de ciuitate. Eam verò sic definit idem libro tertio de doctrina Christiana. Charitatem voco motum animi ad fruendũ Deo propter ipsum & se atq. proximo propter Deum. Rectius hoc loco definias per habitũ, vel virtutem. Charitas est virtus diuinitus infusa, qua homo diligit Deum propter ipsum, & proximum propter Deum: cõuenienter sanè Apostoli dicto ad Romanos, dum ait Charitas Dei diffusa est in cordibus nostris per Spiritum sanctũ qui datus est nobis. In quæ verba ita scribit Aug. lib. de spiritu & litera. Charitas Dei dicta est diffundi in cordib. nostris, nõ qua nos ipse diligit, sed qua nos facit dilectores suos, sicut iustitia Dei, qua iusti eius munere efficitur, & Domini salus, qua nos saluos fecit, & fides Christi, qua nos fideles facit. Neque de actuali dilectione exponi queunt. Hæc. n. non diffunditur à Deo in cor nostrum, sed effunditur potius à corde nostro in Deum iuxta illud. Finis precepti charitas de corde puro. OB duplicem autem causam, inquit S. Bernardus in tractatu de diligendo Deo, Deum dixerim propter seipsum diligendum: siue quia nihil iustius, siue quia nihil diligi fructuosius potest. Meretur amari propter seipsum

Aug. 8. 7.
Id. c. 10.

Rom. 5. 5.

A. c. 32.

1. Tim. 1. 5.

S. Bernard.

Deus

Luc. 10. 30.
A. serm. 59.
de temp.

Deus & ab infideli, qui etsi nesciat Christum, scit tamen seipsum. Clamat nempe intus ei innata & non ignota rationi iustitia, quia ex toto se illum diligere debet, cui se totum debere non ignorat. Proximum quoque diximus eadem charitate diligendum, sed propter Deum. Nomine autem proximi intelligendus est omnis homo, uti Christus apud Lucam integra parabola exposuit. Vnde S. Augustinus. Proximus, inquit, est omnis homo. Omnes proximi sumus conditione terrena natiuitatis, & mortalitatis & etiam spe celestis hereditatis, quia nescimus quis quid futurus sit, quoniam aut Iudeus, aut hereticus, aut paganus, forte enim per misericordiam Dei conuertetur ad Deum, & inter sanctos primum locum habere merebitur.

CAPUT II.

De gemina Charitate, Dei & proximi.

Deut. 6. 5.
Leu. 19. 18.
Mat. 22. 37.

Rom. 12. 10.
1. Tim. 1. 5.
Luc. 10. 27.

Aug. c. 22.

Duo Charitatis genera numerari solent secundum duo charitatis precepta in Lege veteri à Deo tradita, & in noua à Christo Domino repetita. Diliges Dominum Deum tuum ex corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic. Diliges proximum tuum sicut teipsum. In his duobus mandatis vniuersa lex pendet & propheta. Quæ extrema Christi sententia est eadem cum illa Apostoli. Plenitudo legis est dilectio. Et. Finis precepti est charitas. Sensus vero est. Omnia mandata huc tendere & collimare, ut Deum diligamus ex toto corde, id est, quantum possumus, quod Lucas dicit, ex omnibus viribus, & proximum sicut nosipsos, omnia bona, quæ nobis optamus, optando & illis, idque propter Deum. Varia quidem in hunc locum exstant commentaria Patrum, at breuitatis causa v nico tantum D. Augustini ero contentus. Is libro primo de doctrina ita scribit. Hac regula dilectionis diuinitus constituta est. Diliges, inquit, proximum tuum sicut teipsum: Deum verò ex toto corde, & ex tota anima & ex tota mente, ut omnes cogitationes tuas, & omnem vitam, & omnem intellectum in illum conferas, à quo habes ea ipsa quæ confers. Cum autem ait, toto corde, tota anima, tota mente, nullam vite nostre partem reliquit, quæ vacare debeat, & quasi locum dare, quasi aliare velit frui, sed quicquid aliud diligendū venerit in animā, illuc rapiatur, quo totius dilectionis impetus currit. Quisquis ergo recte proximum diligit, hoc cum eo debet agere, ut etiam ipse toto corde, tota anima, tota mente, diligat Deum. Sic enim cum diligens tanquam seipsum, totam dilectionem sui & illius refert in illam dilectionem Dei, quæ nullam à se riuulum duci ex se patitur, cuius deriuatione minatur.

Quoni-

Quoniam verò fortassis aliquis mirari potest, quare Deus non constituerit tertium præceptum charitatis de diligendo seipso, cum tamen præceperit proximum diligere, sicut seipsum Respondet paulo inferius idem Augustinus, non opus fuisse præcipere, quia *qui se diligit & prodesse sibi velit dubitare dementis est, cum certa sit sententia Apostoli, ubi ait, nemo enim unquam carnem suam odio habuit, sed nutrit & fouet eam sicut Christus Ecclesiam* Ergo, subdit quoniam præcepto non est opus, ut se quisque & corpus suum diligit, id est, quoniam id quod sumus, & id quod infernos est (corpus) ad nos tamen pertinet, inconcussa nature lege diligimus, quæ in bestias etiam promulgata est: nam & bestie se atque corpora sua diligunt, restabat ut & de illo quod supra nos est, & de illo quod iuxta nos est præcepta sumeremus. Diliges inquit, Dominum Deum tuum, &c. in his duobus præceptis vniuersa lex pendet & propheta. Finis itaque præcepti est dilectio & ea gemina, id est, Dei & proximi. Quod si te totum intelligis, id est, animam tuam & corpus tuum, & proximum totum, id est, animam & corpus eius (homo enim ex anima constat & corpore) nullum rerum diligendarum genus in his duobus præceptis prætermisum est. Cum enim præcurrat dilectio Dei, eiusque dilectionis modus præscriptus appareat, ita ut cetera in illum confluant, de dilectione tua nihil dictum videtur. Sed cum dictum est, Diliges proximum tuum tanquam teipsum, simul & tui abs te dilectio non prætermisum est. Hucusque Augustinus. Quod ad ordinem autem horum præceptorum attinet non omittenda est illa eiusdem commonefactio in caput quintum B. Ioannis Euang. Semper, inquit, omnino cogitate diligendum esse Deum & proximum: Deum ex toto corde, ex tota anima, & ex tota mente, & proximum tanquam teipsum. Hac semper cogitanda, hac meditanda, hac retinenda, hac agenda, hæc implenda sunt, Dei dilectio prior est ordine præcipiendi, proximi autem dilectio prior est ordine faciendi. Neque enim qui tibi præciperet dilectionem, istam in duobus præceptis, prius tibi commendaret proximum, & postea Deum, sed prius Deum, postea proximum. Tu autem quia Deum non vides, diligendo proximum promereris quem videas: diligendo proximum purgas oculum ad videndum Deum, euidenter Ioanne dicente. Si fratrem, quem vides non diligis, Deum quem non vides, quomodo diligere poteris?

Ib. c. 25.

Eph. 5. 29.

Ib. c. 26.

Ioan. 5.

Aug. tract. 17.

1. Ioan. 4. 10.

CAPVT III.

De dignitate & excellentia Charitatis.

DIGNITATEM virtutis charitatis declarant imprimis sacræ literæ. Nam Christus Dominus in Euangelio mandatum caritatis vocat primum & maximum, quo aliud maius non sit. cui Scriba apud Marcum addidit. Et diligere proximum tanquam teipsum, maius est omnibus

Matt. 22. 37.

Marc. 12. 31.

hola-

holocaustis & sacrificiis. Deinde Apostolus eam refert inter dona Spiritus sancti. *Caritas*, inquit ad Romanos, *Dei diffusa est in cordibus nostris per Spiritum sanctum, qui datus est nobis.* Et ad Galatas. *Fructus autem Spiritus est charitas, gaudium, &c.* Tum anteponebat omnibus donis & virtutibus, ut in epistola ad Corinth. *Amulamini*, inquit, *charismata meliora.* Et adhuc excellentiorem viam (caritatis) vobis demonstro. Et iterum *Nunc autem manent, fides, spes, charitas: maior autem horum est charitas.* Et ad Colof. post enumeratas præcipuas virtutes. *Super omnia autem hæc, ait, caritatem habete, quod est vinculum perfectionis.* Adhæc S. Ioan. in priore epist. *Deus, inquit, charitas est, & qui manet in caritate, in Deo manet, & Deus in eo.* Deniq; Scriptura tribuit caritati ea quæ sunt gratiæ. Gratia enim facit nos *diuinæ consortes naturæ*, ut loquitur B. Petrus, *filios Dei, heredes Dei & cohæredes Christi*, ut loquitur Paulus. At S. Ioannes in epistola prima ait. *Omnis qui diligit, ex Deo natus est.* 2. facit nos Deo dilectos. at Salomon ait *Ego diligentes me diligo, & Ioannes.* *Si quis diligit me, diligetur à Patre meo.* 3. dicitur vita animæ. at in prima Ioannis dicitur. *Qui non diligit, manet in morte: & nos scimus, quia translati sumus de morte ad vitam, quia diligimus fratres.* 4. facit hominem à peccatore iustum. At Lucæ 7. dicitur. *Remittuntur ei peccata multa, quia dilexit multum.* 5. coniungit hominem Deo. at apud Ioannem dicitur. *Qui manet in caritate, in Deo manet, & Deus in eo.* Vnde Theologorum schola fere docet charitatem re ipsa non distingui à gratia gratum faciente, congruenter illi dicto S. Augustini libro de natura & gratia. *Charitas est verissima, plenissima, perfectissima, iustitia.*

Prisci PATRES oraculis Spiritus sancti subscribunt Tertullianus vocat *summum fidei sacramentum, Christiani nominis thesaurum, quam Apostolus totis viribus Spiritus S. commendat.* Clem. Alex. præcipuū hominis Christiani munus. Cyr. fundamentum pacis, tenacitatē, ac firmitatē unitatis, quæ & opera & martyria præcedit. Bas. radicem mandatorū. Naz. doctrinæ nostræ caput. Hiero. cunctarum virtutum matrem. Ephr. omnium virtutum columnā. Chrys. antecellere omnib. Dei donis. Aug. arcem omnium virtutum. B. Prosp. affectionum omnium potentissimam, in omnibus semper inuictam, actionū bonarum summam salutem morum, finem celestium præceptorum, mortem criminum, vitam virtutum, &c. Cyril. Alex. omni virtute constantē. Greg. Magnus, matrem & custodem omnium bonorum. Bern. hominum matrem & angelorum, non solum quæ in terris, sed etiam quæ in cælo sunt pacificantem.

C A P V T IV.

De fructu spiritali virtutis Charitatis.

Cum Charitas inter Spiritus sancti fructus apud Apostolum principem locum obtinuerit, non potest nō optimos spirituales fructus

Rom. 5. 5.
Gal. 5. 22.

1. Cor. 12. 31.
1. Cor. 13. 13.

Col. 3. 14.

1. Ioan. 4. 16.

2. Pet. 1. 4.
Rom. 8. 16.
2. Io. 4. 7.
Prou. 8. 17.
Ioan. 14. 21.
1. Io. 3. 14.

Luc. 7. 48.

1. Ioan. 4. 16.

Act. 4. 2.

T. de patient.
Cl. in paræn.
Cyp. de patient.
Bas. orat. de 3.
diis
N. ep. 20. ad Euf.
H. ad Theoph.
in Ioan. Hiero.
Ephr. doct. de
humil.
Chrys. 1. de
Sacord.
A. ser. 53. de tem.
P. 1. v. cōt. c. 13.
Cy in 13. Io.
G. 6. l. 6. ep. 60.
Bern. ep. 2.

Gal. 5. 22.

progi-

progignere. Inter quos primus sit, quod amet omnium virtutum societatem ut clarè indicat in priore ad Corinth. B. PAVLVS, dum ait. *Charitas patiens est, benigna est, charitas non amulatur, non agit perperam, non inflatur, non ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet.* S. CYPRIANVS libro de patientia exponit, quomodo patientia sit. CLEM. Alexandr. quomodo omnia suffert. Amb. ad Horontianum, & Augustinus de spiritu & littera, quomodo omnia credat. Cassianus collatione I. quomodo non amuletur, &c. Greg. Magnus, omnia. II. fructus est, quod ceteræ virtutes, immò & dona supernaturalia caritate destituta non possint nobis prodesse ad salutem. Sic. n. idem Paulus ibidè deserte scripsit. *Si linguis hominum loquar & angelorum charitatem autem non habeam, factus sum velut aes sonans, aut cymbalum tinniens. Et si habuero prophetiam, & nouerim mysteria omnia, & omnem scientiam, & si habuero omnem fidem; ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum ita ut ardeam, charitatem autem non habuero, nihil mihi prodest.* S. CYPRIANVS in libro de unitate Ecclesiæ, & AUGUSTINVS, libro primo de baptismo contra Donatist. cap. 8. & 9. exemplum afferunt de hæreticis & schismaticis, quibus etiam perpeffum pro fide martyrium non prodest, eo quod charitatis iacturam fecerint, separando se ab Ecclesia. *Exhibere se non potest martyrem, ait Cypr. qui fraternam non tenuit caritatem.* Et Augustinus. *Si disperfiant ipsi etiam substantiam suam pauperibus sicut multi non solum in Catholica, sed etiam diuersis hæresibus faciunt: si aliqua ingruente persecutione tradant ad flammam nobiscum corpus suum pro fide, quam pariter confitentur: tamen quia separati hæc agunt, non sufferentes inuicem in dilectione, neque studentes seruare unitatem Spiritus in vinculo pacis, charitatem utique non habendo etiam cum illis omnibus, quæ nihil eis prosunt, ad æternam salutem peruenire non possunt.* Idem habet de Monachis fidelibus Ioan. Cassianus collatione 3. cap. 7. si post distributas facultates suas in pauperes charitatem monasticam læserint. III. FRUCTVS est, quod valeat ad expianda peccata & imperfectiones. nam B. Petrus in priore epistola sic loquitur. *Ante omnia mutuam in vobismetipsis charitatem continuam habentes: quia charitas operit multitudinem peccatorum.* Quam sententiam mutuatus videtur à Salomone in Proverbiis dicente; *Odium suscitatur rixas, & vniuersa delicta operit charitas.* Eandem usurpauit B. Iacobus Apostolus, qui agens de præ-

1. Cor. 13. 4.

Cypr. de pat.
Clem. 4. Strom.
Amb. l. 9. ep. 74.
Aug. c. 32.
Cass. c. 6.
G. 10. mort. 8.

1. Cor. 13. 7.

1. Pet. 4. 8.

Pro. 10. 19.
Iac. 5. 20.

cipuo charitatis opere. *Qui conuerſi, inquit, fecerit peccatorem ab errore via ſua, ſaluabit animam eius à morte, & operiet multitudinem peccatorum.* Exemplum huius fructus præbuit apud B. Lucam mulier peccatrix, de qua Chriſtus dixit. *Remittuntur ei peccata multa, quoniam dilexit multum.* Charitate autem operiuntur, vel teguntur peccata, ſicut emplastro vulnera, non vt mancant, ſed vt tollantur, quemadmodum exponit S. Auguſtinus verba illa pſalmi 31. *Beati quorum remiſſa ſunt iniquitates, & quorum teſta ſunt peccata.* IV. FRUCTVS eſt, quod charitate præditis nihil mali, aduerſiue euenire poſſit. Scimus, inquit Apoſtolus, *quoniam diligentibus Deum omnia cooperantur in bonum.* Quid eſt omnia, ait Aug. lib. de gratia & libero arbitrio, *niſi & ipſas terribiles, ſeuasq; paſſiones? Sarcina quippe illa, quæ infirmitati grauis eſt, leuis efficitur charitati.* Talibus enim Dominus dixit eſſe ſuam ſarcinam leuem, qualis Petro fuit, quando paſſus eſt pro Chriſto, non qualis fuit, quando negauit Chriſtum. Cauſa huius fructus videtur, quod diligentibus Deum non ſolum vita æterna, ſed protectio diuina peculiariter permiſſa ſit. Oculus, non vidit, ait ex Iſaia Paulus, *quæ præparauit Deus iſis qui diligunt eum.* & B. Iacobus. *Beatus vir qui ſuffert tentationem, quoniam cum probatus fuerit, accipiet coronam uitæ, quam repromiſit Deus diligentibus ſe.* Et Salomon vel ſapientia diuina. *Ego diligentes me diligo.* Et Chriſtus, *Qui diligit me, diligetur à Patre meo, & ego diligam eum, & maniſteſtabo ei meipſum.* Et Dauid. *Cuſtodit Dominus omnes diligentes ſe.*

V. FRUCTVS eſt, quod excludat omnem timorem, ſi perfectæ ſit, vt diſertè teſtatur B. Ioannes, *Timor, inquit, non eſt in charitate, ſed perfectæ charitas foras mittit timorem, quoniam timor pœnam habet.* In quæ verba S. Ambroſius ſcribens in pſalmum 118. *Generaliter quidem, ait, charitas excludit timorem vt miles, qui imperatorem diligit, bella pro imperatore ſuſcepta nō metuit: vt ſeruus amans Dominum, quamuis per dubia & prærupta mittatur, tamen omnia pericula Domini amore contemnit, ac ſi quis Dominum petat, ſeipſum offerre non trepidat: vt qui trans mare poſitos filios videre deſiderat, non metuit naufragia liberorum, charitate ingreditur maris fluctus, ſubit incerta nauigii, ſed metum discriminis leuant deſideria filiorum.* Quam pulchrè etiam de martyribus dicitur, qui verè militant Chriſto, qui perſecutiones, ungulas, gladios, incendia non timentes, inſeſtis ſe regibus obtulerunt. Hunc fructum perceperat, qui dixit. *Quis ergo nos ſeparabit à charitate Chriſti? tribulatio, an anguſtia, an fa-*

mes, an nuditas, an periculum? an perſecutio, an gladius? Certus ſum enim, quia neque mors, neque vita, neq; angeli, neq; principatus, neque virtutes, neq; inſtantia, neq; futura, neq; fortitudo neq; altitudo, neq; profundum, neque

creatin-

Luc. 7. 47.
Vide Ambr. in
apoc. Dauid. c. 9.

A. conc. 2.

Rom. 3. 18.

A. c. 17.

2. Cor. 2. 9.
Iac. 1. 12.

Prou. 8. 17.
Ioan. 14. 21.
Pſal. 144. 20.

2. Ioan. 4. 18.
Amb. ſerm. 9.

Rom. 8. 33.

creatura alia poterit nos separare à charitate Dei, quæ est in Christo Iesu Domino nostro. Eodem pertinere putat S. Augustinus dictum sponsi in Canticis. Fortis est ut mors dilectio. Magnum, inquit, verbum fratres. Valida est sicut mors dilectio. Magnificentius exprimi non potuit fortitudo charitatis. Quis enim resistit morti? Resistitur ignibus, undis, ferro, resistitur potestatibus, resistitur regibus. Venit una mors, quis ei resistit? nihil est illa fortius. Propterea viribus eius charitas comparata est. Quia enim ipsa charitas occidit, quod fuimus, ut simus quod non eramus, facit in nobis quandam mortem dilectio. Ipsa morte mortuus erat, qui dicebat. Mundus mihi crucifixus est, & ego mundo. Ipsa morte mortui erant, quibus dicebat. Mortui enim estis, & vita vestra abscondita est cum Christo in Deo. Et S. Gregorius in Euangelia. Rectè per Salomonem dicitur: Fortis est ut mors dilectio, quia videlicet sicut mors corpus interimit, sic ab amore rerum corporalium æterna vita charitas occidit. Nam quem perfectè absorbuerit ad terrena foris desideria velut insensibilem reddit. Nec enim sancta hæc (Agnes) cuius hodie natalitia celebramus, mori pro Domino potuisset in corpore, si prius à terrenis desideriis mortua non fuisset in mente. E-rectus namq; in virtutis culmine animus tormenta despexit, præmia calcauit: ante armatos reges & præsides inuicta stetit, ferienter robustior, indicante sublimior.

Cant. 8. 6.
Aug in Psal. 12

Gal. 6. 14.
Col. 3. 3.

Greg. hom. 11.

CAPUT V.

De modo diligendi Deum.

MODUM unum diligendi Deum præscripsit per Moysen ipse Deus. Diliges, inquit, Dominum Deum tuum ex toto corde tuo, & ex tota anima tua, & ex tota fortitudine tua, quem in Euangelio iteravit Christus Dominus, Ecclesiasticus autem breuiter expressit, dicens. In omni virtute tua dilige eum, qui te fecit. Hunc modum sic exponit in Cantica mellifluus S. Bernardus. Mihi videtur (si alius competentior sensus in hac trina distinctione non occurrit) amor quidem cordis ad zelum quandam pertinere affectionis: anima verò amor ad industriam, seu iudicium rationis: virtutis autem dilectio ad animi posse referri constantiam vel vigorem. Dilige ergo Dominum Deum tuum toto & pleno cordis affectu: dilige tota rationis vigilantia & circumspeditione; dilige & tota virtute, ut nec mori pro eius amore pertimescas, sicut scriptum est in consequentibus, quoniam fortis est ut mors, dilectio, dura sicut infernus amulatio. Sit suavis & dulcis affectui tuo Dominus Iesus contra malè utiq; dulces vite carnalis illecebras, & vincat dulcedo dulcedinem, quemadmodum clauum clauus expellit. Sed sit nihilominus intellectui præuia lux, & dux rationi, non solum ob cauendas hereticæ fraudis decipulas, & fidei puritatem ab eorum versutiis custodiendam: verum ut cantus quoq; sis

Deu. 6. 5.
Matth. 22. 37.
Marc. 12. 29.
Luc. 10. 27.
Eccl. 7. 32.

Bern. serm. 11.

Cant. 8. 6.

nimiam & indiscretam vehementiam in tua conuersatione vitare. Sit etiam fortis & constans amor tuus, nec cedens terroribus, nec succumbens laboribus. Ergo amemus affectuose, circumspecte & valide, scientes amorem cordis, quem affectuosum dicimus, absq; eo qui dicitur anima, dulcem quidem, sed seductibilem: istum vero absq; illo qui virtutis est, rationabilem sed fragilem. Et multo inferius. Ergo non abduci blanditiis, nec seduci fallaciis, nec iniuriis frangi, toto corde, tota anima, tota virtute diligere est. Hæc Bernardus. S. Basilii in regulis breuioribus, posita quæstione, Quis sit modus caritatis in DEVM, breuiter respondet. Assidua vsque ultra vires animi ad exequendam DEI voluntatem contentio cum proposito ac desiderio gloria ipsius. AUCTOR operis imperfecti in Matthæum. Quid est, inquit, diligere DEVM ex toto corde? Id est, ut cor tuum non sit inclinatum, ad vilius rei dilectionem amplius, quàm ad DEI, nec delecteris in aliqua specie mundi amplius, quàm in DEO, non in honoribus, non in auro, vel in argento, &c. sed hæc omnia existimes tibi esse in DEO, ut præ his omnibus DEVM ames. Sic ergo & omnis anima Christiana, qua sponsa est CHRISTI, ita diligere debet DEVM, ut nihil sit in mundo, quod amplius amet quam DEVM, aut in tantum. Pro quanta autem parte plus amauerit, tanta parte minus amat DEVM. Quid est in tota anima diligere DEVM? Id est certissimum animum habere in veritate, & firmum esse in fide. Puta si didicisti vnum DEVM, ex quo omnia, & vnum DEVM, per quem omnia: si iterum intellectus tuus per aliquius doctrina seductionem percursum cæperit dubitare de substantia DEI, in tota anima non diligis DEVM. Item, qui putat incantationes aliquid posse, aut auguria & diuinationes. Quid est in tota mente diligere DEVM? Id est, ut omnes sensus tui, qui pertinent ad te DEO vacent, cuius intellectus DEO ministrat, cuius sapientia circa DEVM est, cuius cogitatio ea, quæ sunt DEI, tractat, cuius memoria, quæ sunt bona, recordatur, tota mente diligit DEVM, sicut ait Apostolus. Psallam spiritu, psallam & mente. S. Ambrosius de dignitate humanæ conditionis. Licet vnius natura anima sit, tres tamen in se dignitates habet, id est, intellectum, voluntatem & memoriam. Quod idem, licet aliis verbis, in Euangelio designatur, cum dicitur. Diliges Dominum DEVM tuum ex toto corde tuo, & ex tota anima tua, & ex tota mente tua, id est, ex toto intellectu, & ex tota voluntate, & ex tota memoria. Nam sicut ex patre generatur filius, & ex patre filiusq; procedit Spiritus sanctus: ita ex intellectu generatur voluntas & ex his item ambobus procedit memoria sicut faciliè à sapiente quolibet intelligi potest. S. Augustinus vero in libro de Spiritu & littera existimat hunc modum diligendi Deum ex toto corde, anima & mente, vel viribus in hac vita obseruari non posse, tum quia non esset alius perfectior modus in altera vita, quod absurdum est, ibi enim plus, inquit, non esse poterit, quam ex toto corde, ex tota anima, ex tota mente.

Raf. quest. 211.

Chryl. hom. 42.

1. Cor. 14. 35.
Amb. cap. 2.

August. c. 34.

neg.

neq; enim restat in nobis aliquid, quod addi possit ad totum, quia si restabit ali-
quid, illud non erit totum. 2. Quia ad hanc supereminentissimam per-
fectionem charitatis Dei requiritur, ut homo omnes motus terrena libi-
dinis absorbuat atq; consumpserit, nec opus habeat dicere. Dimitte nobis debi-
ta nostra Si quæras, cur ergo præceptum sit nobis in hac vita eo modo
diligere? Respondet, ut admoneremur, quid fide exposcere, quo spem præ-
mittere, & obliuiscendo quæ retro sunt, in quæ anteriora nos extendere debea-
mus. Si iterum quæras, an peccet, qui præceptum hoc in hac vita non
præstat, respondet, non peccare: neq; enim, ait, si nondum esse potest tanta
dilectio Dei, quanta illi cognitioni plena perfectæq; debetur, iam culpa deputan-
dum est: aliud enim est totam nondum assequi charitatem, aliud nullam sequi
cupiditatem. Quamobrem debet homo, quamuis longè minus amet Deum, quam
eum potest amare conspectum, nihil tamen appetere illicitum: sicut etiam in his,
quæ adiacent sensibus corporis, potest oculus nullis tenebris delectari, quamuis
non possit in fulgentissima luce defigi. S. Bernardus in Cantica scribens, Bern. ser. 30.
quamuis non improbet hanc expositionem Augustini, si sermo sit de
charitate affectuali, magis tamen probat, ut de charitate actuali intel-
ligatur iuxta expositionem supra commemoratam, ne dicamus De-
um aliquid impossibile nobis mandasse.

Phil. 3: 24.

CAPUT VI.

De indiciis charitatis in Deum.

SPIRITVS sanctus in sacris litteris docet indicio obseruationis di-
uinorum mandatorum, bonorumq; operum prodi charitatem in
Deum animo inhaerentem. Nam Ecclesiasticus ait. Qui diligunt illum, Eccl. 1. 29. 34.
conseruabunt viam illius. Et. Qui diligunt eum, replebuntur lege ipsius. Et
Christus ipse apud Ioannem. Si diligitis me, mandata mea seruare. Qui ha-
bet mandata mea, & seruata ea, ille est qui diligit me. Qui non diligit me, ser-
mones meos non seruatur. Et B. Ioannes in epist. prima. Hæc est charitas Dei, 1. Ioan. 5: 3.
ut mandata eius custodiamus. Et. Qui dicit se nosse Deum, & mandata eius
non custodit, mendax est, & in hoc veritas non est. Qui autem seruatur verbum
eius, verè in hoc charitas Dei perfecta est. Vnde S. Augustinus tractatu 82. Augustin. 82.
in Ioannem. Dilectio facit præcepta seruare, an præcepta seruata faciunt dile-
ctionem? Sed quis ambigit, quod dilectio præcedit? Vnde enim præcepta seruet,
non habet, qui non diligit. Quod ergo ait, Si præcepta mea seruaueritis, mane-
bitis in dilectione mea, ostendit, non unde dilectio generetur, sed unde monstre-
tur, tanquam diceret. Nolite vos putare manere in dilectione mea, si non ser-
uaueritis præcepta mea: si enim seruaueritis, manebitis, hoc est, hic apparebit,
quod in dilectione mea manebitis, si præcepta mea seruaueritis. Et B. Gre-
gorius in Euangelia. Sed ecce, si unusquisq; vestrum requiratur, an diligat
Deum.

Ioan. 14: 15.

1. Ioan. 2: 4.

Augustin. 82.
Ioan.

Greg. hom. 30.

Deum? tota fiducia & secura mente respondet, diligo. In ipso autem lectionis exordio audisti, quid veritas dicit. Si quis diligit me, sermonem meum servabit. probatio ergo dilectionis exhibitio est operis. Verè enim diligimus, si ad mandata eius à nostris nos voluptatibus coarctamus. Nam qui adhuc per illicita desideria diffluit, profecto Deum non amat, quia ei in sua voluntate contradicit. Et paulo post. Ad vosmetipsos ergo fratres charissimi introrsus redite, si Deum verè amatis exquirite. Nec tamen sibi aliquis credat, quicquid sibi animus sine operis attestatione responderit. De dilectione conditoris lingua, mens & vita requirantur. Nunquam est Dei amor otiosus. Operatur etenim magna, si est: si verò operari renuit, amor non est.

II. Indicium est dilectio proximi. Si quis enim dixerit, ait S. Ioannes, *can. i. epist. 4.* Quoniam diligo Deum, & fratrem suum oderit, mendax est, qui enim non diligit fratrem suum quem videt, Deum quem non videt, quomodo potest diligere. Et hoc mandatum habemus à Deo, ut qui diligit Deum, diligat & fratrem suum. Quibus extremis verbis non obscure B. Ioannes indicat causam, cur dilectio proximi sit nota & symbolum dilectionis Dei, nempe, quia is, qui mandavit, diligi Deum, mandavit & diligi proximum. Vnde S. Augustinus in eundem locum ita scripsit. *August. tract. 2. in epist. Ioan.* Ipse Christus dixit. Dedi vobis praeceptum ut diligatis invicem: quomodo diligis eum, cuius odisti praeceptum? Quis est, qui dicat: Diligo Imperatorem, sed odi leges eius? In hoc intelligit Imperator, si diligis eum, si observentur leges eius per provincias. Lex Imperatoris quæ est? Mandatum novum do vobis, ut vos invicem diligatis. Dicis ergo te diligere Christum? serva mandatum eius, & fratrem dilige. Si autem fratrem non diligis, quomodo eum diligis cuius mandatum contemnitis? Addo aliam causam, quia dilectio proximi nunquam potest diuelli à dilectione Dei: ubi ergo constat esse dilectionem proximi (quod facile constare potest, quia sensui visus subiecta est) constabit esse & dilectionem Dei. Quod autem diuelli non possit, inde probat S. Augustinus libro octauo de S. Trinitate, quod dilectio proximi contineat in se dilectionem Dei tanquam causam, quia nemo vera dilectione diligit proximum, nisi qui ipsum in Deo & propter Deum diligit.

CAPVT VII.

De modo diligendi proximum.

MODO V M diligendi proximum & ipse Deus in formula praecepti indicavit, dicens. Dilige proximum tuum SICUT teipsum. Quod convenit cum illo alio generali Christi dicto, naturæ consentaneo. Omnia quaecumque vultis ut faciant vobis homines, & vos facite illis. Hac est enim lex & Pre-

Leu. 19. 18.
Matth. 22. 39.
Matth. 7. 12.
Luc. 6. 31.

Et propheta. Et alio S. Tobia. *Quod ab alio oderis fieri tibi, vide ne tu ali-* Tob. 4. 16.
quando alteri facias. Quem modum accurate expendens B. Gregori- G. c. 6.
 us, ita libro moralium decimo scribit. *Proximi dilectio ad duo precepta*
deriuatur, cum & per quendam instum dicitur. Quod ab alio tibi odis fieri, Tob. 4. 16.
vide ne tu alteri facias. Et per semetipsam veritas dicit. *Quae vultis ut faci-*
ant vobis homines, & vos facite illis. Quibus duobus scilicet utriusque testamen-
 ti mandatis per unum malitia compefcitur, per aliud benignitas prerogatur,
 ut malum quod pati non vult quisque non faciens, cesset a nocendi opere, &
 rursum bonum quod sibi fieri appetit impendens erga utilitatem se proximi ex-
 erceat ex benignitate. Quoniam vero non exigua difficultas est in recte
 exequendo utroque mandato, propterea quod sicut seipsum diligere
 non licet nisi in rebus licitis & salutaribus, ita nec proximum, subiun-
 git. Sed haec nimirum duo dum sollicita intentione cogitantur, cor ad innume-
 ra virtutum ministeria tenditur, ne vel ad inferenda quae non debet, desiderii
 inquieta mens ferueat, vel erga exhibenda quae debet otio resoluta torpescat.
 Nam cum caret alteri facere, quod nequaquam vult ab altero ipse tolerare, so-
 licita se intentione circumspicit, ne superbia eleuet, & usque ad despectum pro-
 ximi animam deiciens exaltet, ne ambitio cogitationem dilaniet: cumque hanc
 ad appetenda aliena dilatat, angustet: ne cor luxuria polluat, & subiectum
 desiderii per illicita corrumpat: ne ira exasperet, & usque ad proferendam con-
 tumeliam inflammet, ne invidia mordeat, & alienis felicitatibus emula sua se
 face consumat. Rursum cum cogitat, ut ea alteri faciat, quae ipsa sibi ab altero
 fieri expectat, pensat nimirum ut malis bona, & bonis meliora respondeat, ut
 erga procaces mansuetudine longanimitatis exhibeat, ut malitiae peste languen-
 tibus gratiam benignitatis impendat, ut discordes pace uniat, & concordem
 ad concupiscentiam vere pacis accingat, ut indigentibus necessaria tribuat, ut
 errantibus viam rectitudinis ostendat, ut afflictos verbo & compassione mul-
 ceat, ut accensos in huius mundi desideriis increpatione restringat, ut minas
 potentum rationatione mitiget: ut oppressorum angustia quanta pravalet
 ope leuet: ut foris resistentibus opponat patientiam, ut intus superbientibus ex-
 hibeat cum patientia disciplinam: ut erga errata subditorum sic mansuetudo
 Zelum temperet, quatenus a iustitiae studio non enervet: sic ad ultionem zelus
 ferueat, ne tamen pietatis limitem ferendo transcendat: ut ingratos beneficij ad
 amorem prouocet: ut gratos quosque ministerijs in amore seruet: ut proximo-
 rum mala cum corrigere non valet, taceat: utque cum corrigi loquendo possunt
 silentium consensum esse pertimescat: ut sic ea quae tacet toleret, ne tamen in a-
 nimo virus doloris occultet: ut sic maleuolis manus benignitatis exhibeat, ne
 tamen per gratiam a iure rectitudinis excedat: ut cuncta proximis quae prava-
 let impendat, sed haec impendendo non tumeat: ut sic in bonis quae exhibet tu-
 moris praecipitium paueat, ne tamen a boni exercitio torpescat: ut sic quae possidet
 K tribuat.

tribuat, quatenus quanta sit largitas remunerantis attendat, ne cum terrena largitur, suam plusquam necesse est inopiam pertimescat, & in oblatione muneris hilaritatis lumen tristitia obscuret.

Hom. 38. in
Evang.

Ad eundem modum pertinet, ut sicut nosipsum diligere debemus propter Deum, ita & proximum propter Deum diligamus. Vnde alibi idem Greg. ita scribit. Sed nemo cum quempiam diligit, habere se protinus charitatem putet, nisi prius ipsam vim suae dilectionis examinet. Nam si quis quemlibet amat, sed propter Deum non amat, charitatem non habet, sed habere se putat. Charitas autem vera est, cum & in Deo diligitur amicus, & propter Deum diligitur inimicus. Ille enim propter Deum diligit eos quos diligit, qui iam & eos diligere, a quibus non diligitur scit. Probari enim charitas per solam odij aduersitatem solet. Vnde & per semetipsum Dominus dicit. Diligite inimicos vestros benefacite his qui oderunt vos. Ille ergo securus amat, qui propter Deum illum amat, a quo se intelligit non amari. Et S. Bernardus in tractatu de diligendo Deo. Ut perfecta iustitia sit diligere proximum, Deum in causa habere necesse est: alioquin proximum pure diligere quomodo potest, qui in Deo non diligit? Porro in Deo diligere non potest, qui Deum non diligit. Oportet ergo Deum diligere prius, ut in Deo diligere possit & proximus.

Matt. 5. 44.

Hinc verò clarè intelligimus, cur & Christus Dominus apud Matthæum loco citato, & D. Paulus in epistola ad Romanos & Galatas indicent vna dilectione proximi totam legem perfici. Qui, inquit, diligit proximum, legem impleuit. Et. Plenitudo legis est dilectio. Et. Alter alterius onera portate, & sic adimplebitis legem Christi. Causa nempe illa est, quia dilectio proximi cum sit propter Deum includit etiam dilectionem Dei, & quidem tanquam potiorem. Si enim proximum propter Deum diligis, Deum magis diligis. Propter quod enim unumquodq; tale, illud magis tale est, iuxta Aristotelicum axioma.

Matt. 7. 12.
Rom. 13. 8. 10.
Gal. 6. 2.

Arist. 1. post ana-
lyt. c. 2.

C A P V T VIII. De diligendis inimicis.

AD præceptum diuinum de diligendo proximo, pertinere præceptum de diligendo inimico, inde primum liquet, quod supra docuerimus nomine proximi, quemlibet hominem intelligi siue Iudæum, siue gentilem, siue Christianum siue hæreticum, siue pium siue impium, siue amicum, siue inimicum. Secundo, quia disertè ita mandauit Christus Dominus. Ego autem, inquit apud Matthæum, dico vobis, Diligite inimicos vestros, benefacite his, qui oderunt vos, & orate pro persequentibus & calumniantibus vos, ut sitis filij patris vestri, qui in cælis est: qui solem suum oriri facit super bonos & malos & pluit super iustos & iniustos. Si enim diligitis.

Matt. 5. 44.

eos qui vos diligunt, quam mercedem habebitis, nonne & publicani hoc faciunt? Et si salutaueritis fratres vestros tantum, quid amplius facitis, nonne & Ethnici hoc faciunt? Estote ergo vos perfecti, sicut & Pater vester cælestis perfectus est. Eodem collimant illa quæ in eodem sermone Christus dixit de offerente munus ad altare, ut non ante illud offerat, quam reconciliatus fuerit fratri offenso. Et de remittendis multo offensis. Si enim dimiseritis, inquit, hominibus peccata eorum: dimittet & vobis pater vester cælestis delicta vestra. Si autem non dimiseritis hominibus, nec pater vester dimittet vobis peccata vestra. Deinde quod Apostolus ex Salomonis Prouerbiis allegauit. Si esurierit inimicus tuus ciba illum: si sitit, potum da illi: hoc enim faciens carbones ignis congeres super caput eius. Cuius Salomonis hæc quoque dicta sunt. Cum ceciderit inimicus tuus, ne gaudeas, & in ruina eius ne exaltet cor tuum. Et. Noli de inimico tuo mortuo gaudere. Et. Memento nouissimorum, & desine inimicari. Adhæc Moyses in Exodo. Si occurreris, inquit, boui inimici tui, aut asino erranti, reduc eum. Si videris asinum odientis te iacere sub onere, non pertransibis, sed subleuabis eum eo.

Matt. 5. 24.
1b. 6. 14.

Rom. 12. 20.
Prou. 25. 21.

Prou. 24. 17.

Eccl. 8. 6.
1b. 28. 6.
Exo. 21. 4.

OBIICTES videri impossibile; aut certe æquo grauius obseruatu hoc præceptum. Verum vna voce S. Patres omnes id inficiantur, si modo intelligamus, quod vnus ex antiquissimis Theologis monuit Clemens Alexandrinus, non iuberi, ut inimicos, qua inimici sunt, sed qua proximi sunt, id est, homines diligamus, inimicitiam siquidem ut alia omnia vitia tenemur odisse. Diligere, inquit, inimicos, non dicit malum amare, neque impietatem vel adulterium, vel furtum, sed furem & impium & adulterium, non quatenus peccat, & aliqua actione inquinat hominis appellationem, sed quatenus est homo, & opus Dei. Peccare certe inter actiones ponitur, non inter substantias: quam obrem nec Dei est opus. Dei autem inimici dicti sunt peccatores, qui sunt inimici mandatorum quibus non obediunt: sicut amici qui audiunt. Augustin ergo pro possibilitate ita differit in serm. quodam de tempore. Multi præcepta Dei sua imbecillitate, non sanctorum viribus æstimantes putant esse impossibilia quæ præcepta sunt, & dicunt sufficere virtutibus, non odisse inimicos, ceterum diligere plus præcepit, quam humana natura patiatur. Sciendum est ergo Christum non impossibilia præcipere sed perfecta, quæ David fecit in Saul & Absalon. Stephanus quoque martyr pro inimicis se lapidantibus deprecatus est, & Paulus anathema esse cupit pro persecutoribus suis. Hæc autem Iesus & docuit & fecit dicens, Pater ignosce illis. In reliquis operibus bonis interdum potest aliquis qualemcumque excusationem prætere, in habenda verò dilectione nullus se poterit excusare. Potest mihi aliquis dicere non possum ieiunare: nunquam potest dicere non possum amare. Non potest dicere propter infirmitatem corporis mei non possum a vino & carnibus abstinere, nunquam potest dicere non possum diligere?

Clem. 4. Strom.

A. serm. 30.

1. Reg. 24.

2. R. 18.

Act. 7. 60.

Rom. 9. 3.

Luc. 23. 34.

Mat. 46. 12.

Mat. 5. 45.

1. Tim. 3. 26.

In serm. de fan-
tis.

B. q. 176.

Chry. hom. 73.

Potest aliquis dicere. virginitatem non possum seruare. potest dicere, non possum res totas vendere, & pauperibus erogare: nunquid potest dicere, non possum diligere inimicos? Non enim ibi aut pedes laborant currendo, aut aures audiendo, aut manus operando lassantur. Non nobis dicitur. Ite ad Orientem, & querite charitatem: nauigate ad Occidentem, & inuenietis dilectionem. Intus in corde nostro est, ubi redire iubemur dicente Propheta. Redite prauaricatores ad cor. Non enim in longinquis regionibus inuenitur quod à nobis petit. Et orate pro persequentibus & calumniantibus vos. Quid aliud pro inimicis orandum est, nisi hoc, quod ait Apostolus. Ut det illis Deus penitentiam, & resipiscant à diaboli laqueis, à quo capti tenentur. Et sermone quinto de S. Stephano. Grandis, ait, labor est inimicos diligere, pro persecutoribus supplicare? nec nos negamus fratres: non paruus quidem labor est in hoc seculo, sed grande erit primum in futuro. Per amorem enim hominis inimici, efficeris amicus Dei, immo non solum amicus, sed etiam filius, sicut ipse Dominus dixit Diligite inimicos vestros, benefacite his qui oderunt vos, ut sitis filij patris vestri, qui in calis est. Si te aliquis homo diues in hoc seculo vellet adoptiuum filium facere, quomodo seruires, quas ei dignitates impenderes, & seruorum eiusque seruitia durissima, & aliquoties etiam turpissima sustineres conuitia, ut ad caducam & fragilem eius hereditatem peruenires? Quod ergo ille sustinet propter substantiam terrenam, tu sustine propter vitam aeternam. Conuincimur enim certissima ratione, quia propter Deum possumus quidem, sed nolumus iniuriam sustinere. Denique si nobis aliqua potes persona iniuriam facit, si nos etiam in faciem maledicit, nec respondere aliquid asperum, non dicam vicem reddere ausi sumus. Quare hoc? ne ab illa persona potente ad huc maiora, quam pertulimus, patiamur. Quod à nobis extorquet hominis timor deberet à nobis exigere Christi amor. S. BASILIUS verò in regulis breuioribus ita respondet. Sine dubio DEVS non precepisset diligere inimicum, nisi facultatem largitus fuisset id faciendi: quam quidem etiam in natura insitam videri voluit. Bene enim meritos etiam bestia naturaliter diligunt. At maius nobis non potest contingere beneficium, quam quod ab inimicis nobis datur, nempe ut beatitudinem assequamur. Beati, inquit Dominus, estis, cum maledixerint vobis, & dixerint omne malum aduersum vos mentientes, propter me, gaudete & exultate quoniam merces vestra copiosa est in caelis. Idem respondet CRYSTOSTOMUS in homiliis ad populum Antiochenum. Plura de hac re habes in PANARIO V. Odium. & V. Vindicatio iniuriae.

* * *

De Medijs acquirendi vel conseruandi
virtutem Charitatis.

PRIMUM medium acquirendi Charitatem Dei est consideratio diuinorum beneficiorum, quod tradit S. Basilius in regulis breuioribus his verbis. *Charitas erga Deum conficitur datis ab eo beneficiis recto iudicio, æquitateq; æstimandis, usque grato animo prosequendis.* Quod quidem etiam naturaliter inesse in brutis animalibus videmus: siquidem animaduertimus etiam canes eos diligere, qui sibi panem modo subministrant. Intelligimus autem hoc etiam ex ijs quæ criminatoriè dicta sunt ab Isaia propheta, hoc modo. *Filios genui & exaltavi, ipse autem spreuerunt me. Cognouit bos possessorem suum, & asinus præsepe Domini sui. Israel autem me non cognouit, & populus meus me non intellexit.* Quemadmodum enim boui & asino ex beneficio eius, unde aluntur, naturaliter sua sponte aduersus ipsum amor excitatur: sic nos quoque si recto iudicio, gratoque animo Dei in nos beneficia tot tantaq; susceperimus, fieri non poterit quin ipsum eorum auctorem diligamus, quod secundam naturam, ut ita dicam, & sine vlla doctrina per se huiusmodi affectio sanis animis ingeneretur. S. Bernardus in sermonibus in Cantica tradit nullo beneficio Christum æquè nos ad amorem sui allicere ac beneficio redemptionis, dum ait. *Sed est quod me plus mouet, plus urget, plus accendit. Super omnia, inquam, reddit amabilem te mihi Iesu bone calix quem bibisti, opus nostræ redemptionis. Hoc omnino amorem nostrum facile vendicat totum sibi. Hoc inquam est, quod nostram deuotionem & blandius allicit, & iustius exigit, & arctius stringit, & afficit vehementius. Multum quippe laborauit in eo saluator, nec in omni mundi fabrica tantum fatigationis auctor assumpsit, &c.*

Bas. q. 212.

Isai. l. i.

Bern. 20.

II. MEDIUM ex parte proximi est, consideratio, quod quicquid boni præstamus proximo, id Christus sibi fieri declarauerit. Est eiusdem S. Basilii in regulis fusiùs disputatis. *Christus dicit: In hoc cognoscant omnes quod discipuli mei estis, si dilectionem habueritis ad inuicem. Et sic ubiq; præcepta hæc duo (caritatis) semper copulat, ut quod proximo quisq; bene fecerit, id habeat perinde, ac si ipsi factum fuisset. Esuriui enim, inquit, & dedistis mihi manducare, &c. tum addit. Quatenus autem fecistis uni de his fratribus meis minimis, mihi fecistis. Ex quo sane intelligi potest, qui primum seruauit, eum secundum quoq; per illud ipsum posse seruare, vicissimque per secundam obseruationem reditum aperiri ad primum, ut videlicet & qui Dominum diligit consequens sit eum proximum etiam diligere. Qui enim diligit me, inquit,*

Bas. q. 3.

Ioan. 13. 35.

Matt. 23. 40.

quid Dominus, mandata mea seruabit. Idem autem. Hoc mandatum meum est inquit, ut diligatis inuicem, sicut ego dilexi vos. Similiterq; vicissim in quo charitas aduersus proximum sit, eum quoq; charitati satisfacere, quæ est aduersus Deum, quippe cum ipse beneficium illud perinde accipiat, ac si in se propriè fuisset collatum.

Aug. serm. 10.
de verbis dom.

1. Cor. 13. 5.

A. ep. 24. l. 10.

III. est Humilitas. Cogitas magnam, ait quidam, fabricam construere celsitudinis? (charitatis in Deum) de fundamento prius cogita humilitatis. Charitas enim non inflatur, non est ambitiosa teste Apostolo. Hoc medium tradit S. Ambrosius, epistola ad Demetriadem, quæ ab aliis B. Prospero tribuitur. Ut, inquit, à charitate possit esse alienus, qui in alimoniam pauperum suas distribuerit facultates, incredibile videretur, nisi beatus Paulus hoc diceret, qui tamen cum doceret qualis esset hac virtus. Charitas, inquit, patiens est, non inflatur, non est ambitiosa. Inflatio ergo & ambitio possunt destruere eleemosynas, possunt euacuare martyria. Huic autem ruina nihil subuenit, quia aut difficile peccatum suum superbus agnoscit, aut etiam si intellexerit non currit ad medicum. Hunc autem pestilentia flatum spiritus vera humilitatis & vera charitatis excludit. In nullo enim hæc virtutes ab inuicem diuiduntur, & ambarum tam indiscreta connexio est, ut qui in una earum construitur simul utraq; potiatur. Sicut enim pars charitatis est humilitas ita pars humilitatis est charitas. Et si illa recolamus quæ sine bono charitatis infusa esse Apostolus definiuit, inueniemus eadem similem habere caritatem, si eis humilitas vera defuerit. Quem enim fructum habebit, aut cum inflatione scientia, aut cum humana gloria fides, aut cum iactantia largitas, aut cum elatione martyrium?

A. l. 18.

In Pan. V. A.
mor sui.

IV. MEDIUM est mortificatio prauarum cupiditatum, vel amoris sui. Charitati enim in Deum è diametro repugnat cupiditas; & amor Dei, amor sui. Vnde August. ita scribit libro 14. de ciuitate Dei. Fecerunt ciuitates duas amores duo: terrenam scilicet amor sui usq; ad contemptum Dei, cælestem vero, amor Dei usque ad contemptum sui. Denique illa in seipsa hac in Domino gloriatur. Illa enim querit ab hominibus gloriam, huic autem Deus conscientie testis maxima est gloria. Illa in gloria sua exaltat caput suum, hac dicit Deo suo. Gloria mea, & exaltans caput meum. Illi in principibus eius, vel in eis, quas subiugat nationibus dominandi libido dominatur: in hac seruiunt inuicem in charitate, & prepositi consulendo & subditi obtemperando. Hæc ille. Quo ergo plus compresseris amorem tui, qui omnium prauarum cupiditatum fons est, ut alibi ostendimus, hoc maiores progressus feceris in amore Dei iuxta illud eiusdem Augustini libro 83. questionum, q. 36. Nutrimentum caritatis est imminutio cupiditatis: perfectio nulla cupiditas. Quisquis igitur eam nutrire vult, instet minuendis cupiditatibus.

V. Me.

V. **MEDIVM** est, obſervare gradus virtutum, quos Chriſtus in prolixo illo ſermone in monte ad diſcipulos habito indicavit, donec ad faſtigium charitatis, nēpe dilectionem inimicorum, perueniatur, Chryſ. hom. 18.
 & Chryſoſtomus caput V. Matthæi exponens in hæc verba collegit. *Vidiſti, inquit, quantis Dominus Ieſus in ſermone gradibus ad perfectionem aſcenderit, & quemadmodum nos ad ipſum virtutis cacumen eduxerit. A ſuperioribus igitur ad inferiora deſcende numerando. Primus gradus eſt, ne prior iniuriam ordiare. Secundus, ubi eſt iniuria cæpta, ne tu illam eodem pacto propellas. Tertius ne par parire ſeſas, ſed quieſcas. Quartus, ut etiam præbeas te promptum ad iniuriam ſuſtinendam Quintus, ut etiam ad maioram paratum te præbeas, quam vult ille qui fecit. Sextus, non odiſſe à quo iſta perpetitur. Septimus, etiam diligere ledentem. Octavus beneficiis quoque eum libenter afficere. Nonus, etiam Deum pro adverſario deprecari. Perſpexiſti celſitudinem philoſophiæ, & idcirco tam claro eſt digna premio, quia tam magno eſt ſubiecta præcepto, quodque ingentem ſemper animam, & ſtadium omnino multum requirat. Nam & premium illi tale proponit, quale priorum omnino nulli. Neque enim terra hic meminit, ſicut in mitibus: nec conſolationis ac miſerationis, ſicut in lugentibus atque miſerentibus: neque regnum cælorum memorat, ſicut in pauperibus ſpiritu, perſecutionemque patientibus, ſed quod quic erat longe ſublimius, ut ſcilicet fierent ſimiles Dei, prout tamen id hominibus eſſet poſſibile. Ut ſiris, inquit, ſimiles Patris veſtri, qui in cælis eſt.* Matt. 5. 45.

VI. **Medium** ad conſervandam Charitatem eſt Patientia, & idcirco forte Apoſtolus primam & extremam ei comitem attribuit patientiam dicens *Charitas patienteſt. Et omnia ſperat, omnia ſuſtinet.* Vnde S. Cyprianus *Tolle charitati patientiam, & deſolata non durat. Tolle ſuſtinenti tolerandique ſubſtantiam, & nullis radicibus ac viribus perſeuerat.* Apoſtolus denique cum de charitate loqueretur, tolerantiam illi & patientiam innexit. *Oſtendit inde illam perſeuerare tenaciter poſſe, quod norit omnia ſuſtinere.* 1. Cor. 13. 4. Eph. 4. 2.
 Et alio in loco. *Suſtinentes, inquit, inuicem in dilectione, ſatis agentes, ſervare unitatem Spiritus in coniunctione pacis, probavit nec unitatem ſervari poſſe, nec pacem, niſi ſe inuicem fratres mutuam tolerantiam foueant, & concordia vinculu patientia intercedente cuſtodiant. Quid deinde ut non iures, neque maledicas, ut tua ablata non repetas, ut accepta alapa & alteram maxillam verberari præbeas, ut fratri in te peccanti non tantum ſeptuagies ſepties, ſed & omnia omnino peccata dimittas, ut diligas inimicos tuos, ut pro adverſariis & perſecutoribus precem facias, poteris ne iſta perſicere, niſi patientia & tolerantia ſimulante?*

VII. **MEDIVM** eſt Conſideratio exemplorum veteris & noui teſta-

menti.

80 COGITATIO PRÆSENTIÆ DEI.

menti, hoc est, eorum qui in virtute charitatis maxime autem in dilectione inimicorum excelluerunt, de quibus multa in PANARIO. V. *Vindicatio iniuria.*

VIDE V. *Amicitia. Benevolentia. Correctio proximi Gratia Dei, Hospitalitas. Martyrium. Oblatio sui. Perfectio Christiana. Et in PANARIO V. Amor sui. Odium. Vindicatio iniuria.*

COGITATIO PRÆSENTIÆ DEI.

CAPVT I.

Quemadmodum Spiritus sanctus in verbo diuino, sanctiq; Patres nos cohortentur ad cogitationem presentie Dei.

AD cogitationem diuinæ præsentiae, & quidem iugem atq; continuam imprimis nos hortatur vir secundum cor Dei rex David, dum ait in psalmis suis. *Quærite Dominum, & confirmamini: quærite faciem eius semper. Quæ est facies Domini?* inquit in eundem locum S. Augustinus, *nisi presentia Dei?* Sicut facies venti, & facies ignis. Dictum est enim. Sicut stipulam ante faciem venti, & sicut fluit cera à facie ignis. Et multa talia ponit Scriptura, nihil aliud quàm earum rerum præsentiam volens intelligi, quarum nominat faciem. Deinde Salomon in Proverbiis. *In omnibus viis tuis cogita illum,* (Deum) & ipse diriget gressus tuos. Et Tobias ad filium suum. *Omnibus diebus vite tue in mente habeto Deum.* Michæas quoque propheta. *Indicabo tibi, inquit, ô homo, quid sit bonum, & quid Dominus requirat à te. Vtique facere iudicium, & diligere misericordiam, & sollicitum ambulare cum Deo tuo.* Idem iam olim & Abraham commendarat Deus dicens. *Ego Dominus omnipotens, ambula coram me, & esto perfectus.* Eodem respexit Christus Dominus, cum ait apud Lucam *Oportet semper orare & non desicere.* & Apostolus ad Thessalonicenses. *Sine intermissione orate.* quid enim est orare, nisi cum Deo colloqui? Sic exposuit Bas. orat. in martyre Iulittam. & Aug. ep. 21. ad Probam. Cum Spiritus sancti doctrina merito conspirant & sancti ab eo afflati Patres. ut Gregorius Nazianzenus in oratione de Theologia. *Neque verò, inquit, hæc quisquam ita accipiat, quasi Deum perpetua memoria colendum esse negem. Nec nimis tam sepe Spiritum ducere, quàm Dei meminisse debemus: imò si dici*

Psalm. 104. 4.

Prov. 3. 6.
Tob. 4. 6.
Mich. 6. 8.

Gen. 17. 1.
Luc. 18. 1.

2. Thess. 5. 16.
Naz. orat. 1.

hoc

COGITATIO PRÆSENTIÆ DEI.

81

hoc potest aliud nihil, quàm hoc faciendum. Nam & ego inter eos nomen meum profiteor, qui eam legem probant, quæ die ac nocte iubet meditari: vespere & mane & meridie narrare, ac benedicere Dominum in omni tempore, (sive ut verbis Moysis utar, dormias, sive à somno exurgas, sive iter facias, sive aliud quid agas) memoriaq; ipsa ad puritatem informari. Itaq; Deum quidem semper in animo habere per me sane licet cuiq;. Et alibi in orat. de cura pauperibus præstanda. Non tam sæpe respirare oportet, quam Dei meminisse Deus enim perpetuo & continenter nobis bene facit, in esse conservare, & necessaria ministrans. Nam si vel minimo momento oculos à nobis remoueret, in nihilum redigeremur, sicut imago nostri in speculo apparens in nihilum redigitur, quam primum nos loco mouemus: & sicut calor ab aqua recedit, quoties ab igne vel Sole remouetur. Ut corpus anime, rami arboris trunco, solares radii soli uniti, ut ab illis virtutem suam trahant, esse debent: ita mente semper Deo uniti esse deberemus. Accedite ad eum, ait Propheta, & illuminamini, & facies vestra non confundentur. S. Bernardus in epistola ad Fratres de monte Dei exponens verba illa Apostoli ad I. motheum. Exerce te ipsum ad pietatem. Nam corp. ralis exercitatio, ad medicum utilis est: pietas autem ad omnia utilis est. Pietas, inquit, hæc est iugis Dei memoria, continua intentionis actio ad intelligentiam eius, indefessa affectio in amorem eius, ut nulla unquam inueniat seruum Dei, non dicam dies sed hora, nisi vel in exercitii labore & proficiendi studio, vel in experientia dulcedine, vel fruendi gaudio.

Deut. 4. a.

Psal. 33. a.

1. Tim. 4. 7.

CAPVT II.

Quam nobile & præstans sit hoc Exercitium cogitationis præsentia Dei.

NOBILITAS, præstantiaq; huius Exercitii inde elucet, quod hominem multis modis angelis similem reddat. I. Quia angelorum proprium est, ut apud S. Matthæum indicauit Christus, continenter contemplari faciem Patris, qui in cælis est. Vnde B. Nilus Chrysostomi auditor in Hecatontade de Oratione. Angelis, inquit, efficitur similis, qui per veram orationem cupit videre faciem Patris, qui in cælis est. 2. Quia cum teste S. Gregorio angelorum alii sint assistentes Deo, alii ministrantes, iuxta illud Danielis. Millia millium ministrabant ei, & decies milia centena millia assistebant ei, homo assistentium, qui sunt summi & interni Dei aulici, potius munere fungitur, quam ministrantium. Vnde Elias & Elisæus Prophetæ hac loquendi formula, ut est in Regum historia, uti consueverunt. *Vini Dominus Deus Israel, in cuius conspectu sto, vel ante cuius vultum sto.* Et Deus ipse apud Ieremiam. *Si conuerteris, conuer-*

Matth. 18. 10.

Nil. c. 107.

Greg. 17. mor. 7.

Et hom. 34. in

Euang.

Dan. 7. 10.

3. Reg. 17. 1 & 18.

15.

4. Reg. 3. 14.

Ierem. 17. 19.

L

tam

ram te, et ante faciem meam stabis. 3. quia ut angelorum domicilium est cœlum, sic homo qui assidue in animo contemplatur præsentem Deum, vel mentem suam facit cœlum, teste B. Ephræm in sermone parænetico de secundo aduentu Domini ita monentis. *Semper Dei memineris, & cœlum mens tua euadet*: vel locum in quo degit, exemplo Patriarchæ Iacob, qui cum per quietem Dominum vidisset innixum scalæ, in qua Angeli ascendebant & descendebant, euigilans dixit: *Verè Dominus est in loco isto, non est hic aliud, nisi domus Dei, & porta cœli*. Quod con-

Gen. 28. 12.

Bern. ad frat. de monte Dei.

siderans S. Bernardus loco nuper citato in hæc verba solitarios Carthusianos consolatur *Secundum formam propositi vestri, habitantes in cœlis potius, quam in cellis, exclusi à vobis toto sæculo totos vos inclusistis cum Deo. Cella siquidem & cœli habitatio cognata sunt, quia sicut cœlum & cella adinuicem videntur aliquam habere cognationem nominis, sic & pietatis. A cœlando enim cœlū & cella habere videntur, ut quod exalatur in cœlis, hoc & in cellis. Quod geritur in cœlis, hoc & in cellis. Quidnam est hoc? vacare Deo, frui Deo. Quod cum secundum ordinem piæ & fideliter celebratur in cellis, audeo dicere, Sancti Angeli Dei cellas habere pro cœlis, & æquè delectantur in cellis, ac in cœlis. Nam cum in cella iugiter cœlestia actuantur, cœlum cella, & sacramenti similitudine, & pietatis affectu, & similis operis effectu proximum efficitur: nec iam spiritui oranti, vel etiam à corpore exeunti à cella in cœlum longa vel difficilis via inuenitur. A cella enim in cœlum sæpè ascenditur, vix autem unquam à cella ad infernū descenditur*. 4. Quia sicut Angeli, quādo nobis conspicui redduntur eximia luce sunt circumfusi; vnde B. Matthæus de angelo loquens, qui lapidem reuoluerat à monumento Christi Domini, *Erat autem, inquit, aspectus eius sicut fulgur, & vestimenta eius sicut nix*. Sic animus humanus quodam fulgore spirituali, dum præsentem Deum assidue contuetur, illustratur, haud secus quā corporalis vultus Moysis ex consortio diuturnioris sermonis Dei, ut Scriptura in Exodo commemorat, tam admiranda luce perfusus est, ut populus Israeliticus a ciem oculorum in eius obtutum conicere non valeret: nec ad populum ei quicquam loquendi copia fieret, nisi facie prius obuelata.

Matth. 28. 3.

Exod. 34. 29.

CAPVT III.

De multiplici huius exercitii fructu.

PRIMVS fructus est, quod qui Deum menti impressum gerit, non facile lapsurus sit in peccatum. Quis enim seruus conscius se à Domino spectari delinquat? Vnde Dauid. *Oculi mei semper ad Dominum, quoniam ipse euellet de laqueo pedes meos*. Et rursum, cū de impio dixisset. *Non est Deus in conspectu eius, subiecit illicò, inquinata sunt viæ illius in omni*

Psal. 24. 15.
Psal. 9. 27.

semper

tempore. S. Ignatius ad Heronem Diaconum. *Memento Dei, & non peccabis.* Clemens Alexandrinus libro tertio pædagogi. *Hac flum ratione fit, ut quis nunquam labatur, si Deum sibi ipsi semper adesse existimat.* Hieronymus in Ezechielem. *Memoria Dei excludit omnia flagitia.* S. Ephræm libr. de virtute. *Nihil peius grauiusq. est, quam ipsius Dei obliuionem capere. Continua enim Dei recordatione turpes animæ passionēs recedunt, instar maleficorum Pratore accedente, unde & mundum Spiritus & habitaculum efficitur. Vbi vero memoria Dei abest, ibi tenebra cum fœtore dominatur, omnisq. res improba exercetur.* Refert Simeon metaphrastes ipsum S. Ephræm hoc antidoto scortum quoddam publicum ex fordibus superioris vitæ ad virtutis studium reuocasse. Nam cum impudenter eum ad secum dormiendum sollicitasset, illeq. respondisset, te contentum, modo id fieret in medio ciuitatis; atq. illa contra obtendisset id sine summo pudore coram hominibus fieri non posse, Ephræm respondit. Quanto minus fieri debet coram Deo, qui omnia etiam occultissima intuetur. Quo responso meretrix perculsa, veniam supplex petiit facti, & consilio Ephræm monasticæ vitæ in perpetuum se addixit. Vnde Ambrosius in psalmum 118. scribens, copiose & sapienter inuehitur in eum, qui existimabat impune se posse fornicari, si nullus adsit. *Putas, inquit, te solum esse cum fornicaris, & non recordaris, quia oculi Domini vident orbem terrarum? Adest pater, adest & filius, adsunt angeli ministri, adsunt Cherubini & Seraphini, qui dicunt Sanctus, Sanctus, Sanctus Plena est terra maiestatis tue. Plenus est orbis terrarum remediis, quia plenus est laqueis. Putas, quod in lupanari Christus te non videat, quem videt lupanar ingredientem? Putas, quod in adulterio te non deprehendet, quem videt adulterium cogitantem?* Addam hic Senecam, Philosophum licet Ethnicum, qui tale præceptum dedit Lucilio. *Accipe utilem & salutarem clausulam, quam te affigere animo volo. Aliquis vir bonus nobis eligendus est, ac semper ante oculos habendus, ut sic tanquam illo spectante viuamus, & omnia tanquam illo vidente faciamus.* Hoc mi Lucili Epicurus præcepit, custodem nobis & pædagogum dedit; nec immerito. Magna pars peccatorum tollitur, si peccaturis testis assistat. Aliquem habeat animus, quem vereatur, cuius auctoritate etiam secretum suum sanctius faciat. O felicem illam, qui non aspectus tantum sed etiam cogitatus emendat, &c. Opus est aliquo, ad quem mores nostri ipsi se corrigant, Nisi ad regulam praua non corriges. Hæc ille. Quod si tam utile est ad non delinquendum cogitare hominem grauem nobis præsentem, quanto magis cogitare præsentem DEVM, qui ut ipse Seneca alibi fatetur, *prope est à te, tecum est, intus est.* Et quandam epistolam his concludit verbis. *Sic viuere cum hominibus tanquam DEVS videat: sic loquere cum DEO tanquam homines videant.*

Ignat. epist. 9.

Clem. cap. 5.

Hier. l. 7. c. 22.

Eph. tom. 2. c. 19.

Met. in eius vita.

Amb. serm. 11.

Senec. ep. 11.

Idem epist. 41.

Epist. 10.

Iob 17. 3.
Psal. 22. 4.

Dan. 13. 20.

2 Mach. 15. 26.

ALTER fructus huius exercitii est, quod hominis pii pectus muniat egregiè aduersus omnia impendentia pericula, tentationesque dæmonis, carnis & mundi Vnde Sanctus ille Iob metu omni posito ad Dominum clamabat. *Libera me, & pone me iuxta te, & cuiusvis manus pugnet contra me.* Et Dauid *Et si ambulauero in medio umbræ mortis, non timebo mala, quoniam tu mecum es.* Hæc cōsideratione corroborata quondam B. Susanna grauissimam tentationem lapsus carnis vicit. Nam cū scelesti duo fenēs eam solam in pomerio deprehendissent, dicerētq; *Ecce ostia pomerii clausa sunt, & nemo nos videt, ingemuit Susanna & ait: Melius est mihi absq; opere incidere in manus vestras, quàm peccare in conspectu Domini.* Eadem cogitatione armatus gloriosus populi Iudaici dux IUDAS Machabæus, omni fiducia in Deum proiecta clarissimam exponentissimo hoste Nicanore victoriam retulit. Ita enim loquitur Scriptura. *Iudas, & quicum eo erant, inuocato Deo per orationes congressi sunt, manu quidem pugnautes, sed Dominum cordibus orantes prostrauerunt non minus triginta quinq; millia præsentia Dei magnificè delectati.* S. Antonio, teste Athanasio in eius vita, in quodam spiritali conflictu, quo & ipse vapulando, & dæmones eum dirissimè penè vsq; ad necem verberando pariter defatigati fuerunt, hoc vnum dolori erat, quod Deum sibi in certamine præsentem non fuisse existimaret. Nam mox vt Dominus se visendum præbuit, & duelli se spectatorem fuisse professus est, omnis mœror recessit, viresq; animi cumulationes redierunt. Idemq; fratribus suis affirmare solebat in auertendis omnibus Satanæ telis firmissimum esse in Deo præ oculis habendo præsidium.

Basil. quæst. 5.

Ioan. 14. 15.

Ioan. 15. 10.

III. Fructus est, quod exercitatione hac maximè hominis animus inflammetur ad amorem Dei, diuinorumq; mandatorum obseruationem, vt præclare docet S. Basilii in regulis fusius disputatis. *Omni, inquit, custodia custodiendum est cor nostrum, neq; patiendum, vt assidua de Deo cogitatio ex animis nostris elabatur, ne eorum quæ mirabiliter ab eo facta sunt memoria contaminetur per fuitiles cogitationes: contraque illud agendum assidue; vt ex perpetua ac purissima recordatione impressam in animis nostris piam de Deo cogitationem, velut indelebile aliquod signum circumferamus.* Siquidem hæc est ratio, per quam erga Deum acquiri caritas cōsuevit, quæ simul cum a obseruanda ipsa Dei mandata nos excitet, tum vicissim quoq; ab iisdem ipsa ad perpetuitatem stabilis conseruetur. Quod ita esse docet Dominus ipse, qui quidem modo dicit. *Si diligitis me, mandata mea seruare, modo verò. Si præcepta mea seruaueritis, manebitis in dilectione mea: & quod efficacius etiam posset commouere. Sicut ego mandata patris mei seruauī, & maneo in eius dilectione.* Et paulo post. *Vt enim faber ferrarius, verbi gratia, quandocunque dolabram aliquam, siue asciam cudit, si assidue illius memor sit,*

fit, unde instrumentum illud faciendum ex pacto acceperit, & prescriptam sibi ab illo formam & magnitudinem animo versat, & ad eius voluntatem qui condixit opus dirigit, quod facit: sic Christianus quoque, si actiones suas omnes, siue maiores, siue minores ad Dei voluntatem direxerit, is sine controuersia, & egregie opus illud perficit, & simul assiduam illius in animo sibi memoriam conseruat, à quod id iussus est facere, vereq; illud dicere poterit. *Prouidebam Dominum in conspectu meo semper, quoniam à dextris est mihi ne commouear; item Pauli praecepto illi satisfaciet. Siue manducatis, siue bibitis, siue quid aliud facitis, omnia ad gloriam Dei facite.*

Psal. 15. 8.

1. Cor. 10. 31.

IV. Fructus est, quod eximiam quandam lætitiā spiritualem conciliet homini pietatis studioso. Vnde pius Dauid cum dixisset. *Prouidebam Dominum in conspectu meo semper*, subiunxit. *Propter hoc lætatum est cor meum, & exultauit lingua mea.* quasi diceret. Quoniam ob oculos perpetuo habui Dominum meum tanquam ducem, directorem & defensorem meum, spem desperantium, vindicem oppressorum, tanto perfusus sum gaudio, ut lingua erumperet in hymnos, aliasque diuinas laudes: Rex Iosias, quoniam populum Dei multis affecerat beneficiis, cultumque diuinum maximo studio promouerat, iucundissimam nominis sui apud posteros reliquit memoriam, sic ut Ecclesiasticus hoc q. Epitaphium ei scripserit. *Memoria Iosie in compositione odoris facta opus pigmentarj. In omni ore quasi mel indulcabitur eius memoria. & ut musca in conuiuio vini.* S. Bernardus, ut primum religiosam vitam est complexus, quemadmodum ipse fatetur, solo sodalium religiosorum conspectu, vel etiam recordatione eorundem cum longius abessent, vel vita defuncti essent, tantopere exultabat, ut mente omni suauitate delibuta oculi à lacrymis se continere non possent. Si igitur memoria hominis iusti, aspectusue, tanto gaudio hominem perfundit, quod videatur sibi cernere eximias virtutes donaque cœlestia, quibus ille à Deo fuit ornatus, quid non efficiet spiritualis intuitus, recordatioq; Dei, qua anima contemplatur in eo immensam sapientiam, omnipotentiam, bonitatem, pulchritudinem, aliasque innumeras perfectiones? At, proh dolor, vitio nostro sæpenumero fit, ut plus voluptatis ex conspectu hominum ad imaginem Dei conditorum, quam Dei ipsius capiamus. *Pudet nimirum*, inquit B. Bernardus ibidem, *magis ad hominis, quam ad Dei moueri memoriam: & tunc cum gemitu clamo. Quando veniam & apparebo ante faciem Dei? Existimo*, addit, *& aliquos vestrum idem esse expertos, & experiri interdum adhuc. Quia in re quid sentiendum, nisi quod nostra aut superbia conuincitur, aut humilitas custoditur, aut fraterna caritas nutritur, aut desiderium excitatur?*

Eccli. 49. 1.

B. Bernardus. 1. 4. in Cant.

Psal. 41. 3.

V. FRUCTVS est, quod hoc Exercitium sit medium efficax ad con-

sequendam breui tempore Christianæ vel Religiosæ vitæ perfectio-
nem. Quæcūq; enim suppetunt media vel exercitia spiritualia ad per-
fectas virtutes assequendas, in hoc vno, quasi in compendio quadan-
tenus continentur. Huius opera omnia vitæ spiritualis antido-
ta obtineri queunt. Hoc vnum seruum Dei incitat, excitat & inflam-
mat, vt cætera omnia media re ipsa exerceat, vt salutaria, vel necessa-
ria ad veras solidasq; virtutes comparandas subsidia requirat, vt lumen
ad illustrandam mentem & robur ad impellendam voluntatem à di-
uina maiestate, quam præsentem continenter cernit, impetret. Quæ-
admodum enim cœlestia sydera à præsentem Sole, in quæ obuersa sunt,
omnem mutantur splendorem quo & in se fulgent, & aliis fulgorem
subministrant ad certos effectus producendos in terris: sic homines
iusti & pii, qui instar stellarum in Ecclesia Dei collucet, ex perpetuo
Dei O.M, quem præsentem oculis mentis contemplantur, conspe-
ctu lumine quodā diuino illustrantur indiesq; in virtutum studio pro-
gressus faciunt, omniumq; virtutum verarum solidarumq; splendore
aliis communicant, de quibus merito dixit sapiens. *Beatus vir, qui in
sapientia morabitur, & in sensu cogitabit circumspeditionem Dei.* Enoch & E-
lias Thesbites cur perfectionis suæ spiritualis remunerationem etiam
in hac vita per translationem miraculosam in paradysum sunt conse-
cuti, nisi quia ille in Genesi legitur ambulasse cum Deo, hic vero in hi-
storia Regum dicitur in Dei conspectu stetisse? Et Abraham iam no-
nagenario, quem omnium fidelium Patrem & Principem Deus desti-
narat, dictum est. *Ambula coram me, & esto perfectus.* nemo sane ambulat
coram alio, vel cum alio, nisi cui fuerit præsens. Voluit ergo Deus A-
brahamum sui in reliqua vita perpetuo esse memorem, sibi familiare
& obsequentem, quæ citius peruenire posset ad virtutum perfectio-
nem. Nam & Christus Dominus apud Matthæum cū discipulos hor-
tatus esset ad imitandum Deum in summo dilectionis gradu, hoc est,
diligendis inimicis, si vellent in numero filiorū eius censeri, mox sub-
iecit. *Estote ergo & vos perfecti, sicut & Pater vester cœlestis perfectus est.* RE-
FERT S. Dorotheus Abbas se carissimo discipulo suo, cum vitam mo-
nasticam arripuisset, hoc præceptum dedisse aureis litteris describen-
dum. *Nunquam Cordi tuo Deus excidat: cogita semper Deum tibi præsentem,
& te coram illo stare.* Fecit hoc Dositheus sedulo, adeo vt nec in agritu-
dine quidem licet grauissima & extrema cogitationem tam salutarem
dimiserit. Atq; hac exercitatione consecutus est, vt quinquenni spa-
tio, ex milite nobili, adolescentulo, dissoluto, vitiis ante cooperto &
luxu seculi perditto, sanctissimus iuuenis, & monachus perfectus eua-

Isa. 14. 22.

Gen. 5. 22.

2. R. 17. 1.

Gen. 22.

Matt. 5. 48.

In vita Dosi-
thei.

ferit.

COGITATIO PRÆSENTIÆ DEI. 87

ferit, & post obitum quibusdam sanctitate claris per visum inter beatos anachoreras tum in cœlo regnantes conspectus fuerit.

VI. Fructus est, quod valeat ad amoliendas omnes animi distractiones, tum in oratione mentali vel vocali, vt docet alicubi S. Basilii-
us, tum in aliis occupationibus externis, vti suo exemplo probauit S. Catharina Senensis, quæ teste Raimundo, cor suum loco cubiculi v-
surpabat in quo assidue Deum inter domesticos labores cerneret. Va-
let ad conseruandam animi corporisq; castitatem & virginitatem te-
ste Basilio in libro de vera Virginitate. Valet ad retrenandos iræ mo-
tus, teste eodem. Valet ad supplendas & compensandas omnes pre-
ces, quas vel grauitate morbi, vel occupationum quotidianarum im-
pediti persolvere non possumus.

B. in reg. breu.
q. 27. 201 306.
Raim. in vita.

B. reg. breu.
q. 127.

CAPVT IV.

Quibus medijs huius exercitiij consuetudo parari possit.

PRIMUM Medium sit, sedulo expendere, cum quanto salutis di-
scrimine hoc exercitium temerè negligatur. siquidem in Psalmo
quodam cum rex Dauid de impio dixisset: *Non est Deus in conspectu eius*, Psalm. 9. 27.
mox adiunxit, *inquinata sunt via illius in omni tempore*, Angelorū prin-
ceps Lucifer quamdiu oculos à Deo suo non deflexit saluus & securus
constitit: vt primum verò eos in se conuertit, ilico ad inferos detracta
est superbia eius, ignibus addicta sempiternis. Adam & Eua primi pa-
rentes nostri quādiu assidui fuere cum Deo felices fuere. quamprimū
vero Eua in serpentem se obuertit, & Adam in mulierem, ambo verò
in pomū vetitum, se posterosq; suos in has ærumnas deturbarunt Pal-
ladius in historia sua Lausiaca cōmemorat se cum aliquando adiūcto
comite monachum quēdam religiosissimū inuiseret nomine Dioclē,
inter alia hoc documentum ab eo accepisse, hominem pium quam-
primum à diuinæ præsentia contemplatione cessarit, continuo fieri
vel demonem vel bestiam: bestiam quidem, si cum Adam & Euā suc-
cumbat tentationibus carnalium illecebrarum; dæmonem verò, si ar-
rogantia, iracundia, inuidia & similia.

Pal. c. 98.

II. MEDIUM est Oratio. Quemadmodū. n. à Christo saluatore no-
stro omnia alia subsidia spiritualia ad salutem opportuna & necessaria
postulamus, ita merito & hoc donū longè nobilissimū per eius infinitam
misericordiā, passionisq; merita efflagitandū est, propter eximios
fructus quos hæc iugis Dei memoria, vt iā vidimus, parit, deinde ob dif-
ficultatē, quā homo in hoc exercitio experitur. III. MEDIUM est, vti
aliquo

Num. 15. 28.
Deut. 22. 12.

Tob. 4. 6.
Prou. 15. 3.

Suc. in Nouēb.
c. 12.

aliquo signo externo ad refricandam Dei memoriam. Hoc medium Deus ipse præscripsit Iudæis ad recolendam mandatorum memoriam. Nam in Numeris ita loquitur ad Moysen. *Loquere filiis Israel, & dices ad eos, ut faciant sibi fimbrias per angulos palliorum ponentes in eis vitas hyacinthinas, quas cum viderint recordentur omnium mandatorum Domini, nec sequantur cogitationes suas, & oculos per res varias fornicantes.* Quidam in hanc rem inscribere solent cubiculi parietibus sententiam illam vulgatam. **NOLI PECCARE, DEVS VIDET.** Alii illam Tobiae. *Omnibus diebus vite tue in mente habeto Deum.* Alii illam Solomonis. *In omni loco oculi Domini contemplantur bonos & malos.* Alii certis imaginibus Christi sanctorumue, se commouefaciunt. B. Edmundus Cantuariensis Archiepiscopus, ut est in vita eius apud Surium, eburneam B. Virginis icunculam, in cuius ambitu descripta erant vitæ & passionis Christi mysteria semper è collo suspensam gestabat, ne Dei Deiparæ obliuio inter literarias occupationes aliquando obreperet. Laudandi sunt & illi qui ad senum audita horæ memoriam renouant nudatione capitis, consignatione crucis in pectore, & aliquando adiecta breui precatiuncula.

IV. Medium est Examen conscientie, quo semel atque iterum maximè sub vesperam transacti diei rationem à nobis exigamus, ac singillatim ad calculos reuocemus quoties præsentie diuinæ memores fuerimus: si sæpe, gratias Deo agamus: si non secus, deleamus, & emendatione proposita, poena aliqua voluntaria noxam expiemus. Quod examen quanti fiat à S. Patribus videre licet in titulo de *Conscientie examine.*

V. Medium est moderata quædam cura & sollicitudo huius Exercitii continuandi. Videmus enim si exempli causa, cuiuspiam insit sollicitudo domum ædificandi, vel opes augendi, ab illa eius quotidie memoriam quasi excitari, ut rem exequatur, nullam quietem relinquere in somnis quidem, adimere etiam sumendi cibi copiam. Ut vero eundem ad hanc curam impellit amor ingens commodæ habitationis, vel diuitiarum, sic nos ad curam huius exercitii vehementer impellere potest verus & flagrans in Deum amor. Hic enim ubi in serui Dei corde radices egit, continenter urget & exstimulat, ut cogitationes suas, piaque desideria in Deum coniciat, & amato toto pectore adhærescat. Amanti enim nihil difficile. Et amoris ea natura est, ut si ardens sit, magna vi amantem transferat in rem amatam, ac vnum quid cum ea efficiat, secundum illud Apostoli. *Qui adhæret Domino, vnus spiritus est.* Quoniam verò anima suis est instructa facultatibus intelligendi, volendi & memorandi, hinc fit ut semper quod rei ama-

1. Cor. 6. 13.

rei ama-

complectatur. Qua de causa dixit Christus. *Vbi est thesaurus tuus, ibi est cor tuum.* Matt. 6. 21.

VI. Medium sunt iaculatoriæ orationes exque breues olim apud Ægyptios monachos frequentatæ, & à S. Augustino in epistola ad Probam laudatæ, quibus tanquam faculis amor in Deum accenditur & si sapius iterentur, continuatur. cuiusmodi sunt illæ prophetæ regii. *Deus in adiutorium meum intende. Domine ad adiuuandum me festina.* Ps. 69. 1.
Sicut ceruus desiderat ad fontes aquarum, ita desiderat anima mea ad te Deus. Ps. 41. 2.
Cor mundum crea in me Deus, & spiritum rectum innoua in visceribus meis, Ps. 50. 12.
Sicut oculi ancilla in manibus Domina sua, ita oculi nostri ad Dominum Deum nostrum. Psalm. 122. 1.
 Et illæ D. AUGUSTINI. *Nouerim me, nouerim te. Da quod iube, & iube quod vis. Quia fecisti nos ad te, inquietum est cor nostrum, donec requiescat in te.* A. l. 2. soliloq. c. 8.
Et 10. conf. cap. 29.
Et 2. conf. c. 1.

VII. Medium est consideratio exemplorum, hoc est, eorum sanctorum qui in hoc exercitio excelluerunt. Exempla enim saepe plus mouent quam verba, vt dicit S. Gregorius. De prophetis, Enoch, Elias, Eliseo, Abraham, Dauide satis diximus. De S. Abel scribit Iosephus libro primo Antiquitatum, cum idcirco Dei, gratissimum existisse, quod in omnibus actionibus suis Deum præsentem reputarit. NOE vir iustus & perfectus in Genesi dicitur, quia cum Deo ambulauit. *Moyse maiores diuitias aestimauit thesauro Ægyptiorum improprium Christi, fideque reliquit Ægyptum, non veritus animositatem regis, inuisibilem enim,* inquit Apostolus in epist. ad Hebræos, *tanquam visibilem sustinuit.* Nec dubium, quin idcirco meruerit à facie ad faciem cum Deo loqui, *Sicut amicus cum amico,* vt est in Exodo, *loquitur.* Rex Ezechias morti vicinus, cum in hæc verba Dominum orasset. *Obsecro Domine memento queso quomodo ambulauerim coram te in veritate & in corde perfecto, & quod bonum est in oculis tuis fecerim.* promeruit miraculosam vitæ suæ prorogationem in quindecim annos, & à seruitute regis Assyriorum liberationem. Ioannem Baptistam, vt est apud S. Lucam angelus Domini stans à dextris altaris incensi, magnum fore coram Domino, prædixit, Christi que præcursores in spiritu & virtute Eliæ. Zacharias quoque repletus Spiritu sancto, cum dixisset nos Christo seruituros, *in sanctitate & iustitia coram ipso omnibus diebus nostris,* mox addidit. *Et tu puer propheta altissimi vocaberis, præibis enim ante faciem Domini parare vias eius.* Qui magnus erat coram Domino, qui similis erat Eliæ semper stanti in conspectu Domini, qui ante faciem Domini parabat vias eius, nonne debebat assiduum præsentem Dominum contueri? Habemus & angelicum testimonium pro gloriosissima Dei matre virgine Maria. Angelus enim Gabriel à Deo missus, vt refert idem,

M

Lucas

90 COGITATIO PRÆSENTIÆ DEI

Luc. 1. 28.

2. Cor. 2. 17.

2. Cor. 12. 19.

Phil. 3. 20.

Heb. 13. 14.

Sur. 23. Nou.

Divina inspiratio

Lucas, simulatq; ad eā ingressus est dixit. *Aue gratia plena, Domin⁹ tecū.* Si .n. Dominus cū eo erat, procul dubio & ipsa vicissim cū Domino erat. Et quomodo poterat quæso à dulcissima contemplatione Dei diuelli quam virtus altissimi obumbrabat, in quam Spiritus sanctus superuenierat, quæ Christum Deum in vtero conceperat, & nouem mensibus gestarat, quæ cum & coram Christo triginta eoq; amplius annis continenter vixerat, & viderat in cœlum ascendentem? De Paulo Apostolo cuius pectus amore Christi crucifixi perpetuo bulliebat, haud dubitandum est, quin diuinum numen semper præ oculis gestarit, uti non obscurè sententiis quibusdam indicauit, ut illa ad Corinth. *Non sumus sicut plurimi adulterantes verbum Dei, sed ex sinceritate, sed sicut ex Deo, coram Deo, in Christo loquimur.* Et iterum. *Coram Deo, in Christo loquimur. omnia autem carissimi propter edificationem vestram.* Et illa ad Philippenses. *Nostri autem conuersatio in cœlis est, unde etiam saluatorem expectamus Dominum nostrum Iesum Christum.* Et ad Hebræos. *Non enim habemus hic manentem ciuitatem, sed futuram inquirimus.* Addam ex Ecclesiastica sanctorum historia vnum exemplum S. Gregorii Agrigentini antistitis Gregorio Magno æqualis. Is cum, teste Simeone Metaphraste, adolescens Hierosolymam sanctorum locorum venerandorum causa profectus esset, tempore Quadragesimæ in quoddam monasterium Palestinæ diuertit, vbi ut conspexit monachos eximia in Deum religione præditos, ac alios quidem in cœlestium rerum cōmentatione à terra sursum attolli, alios lacrymarum quasi fontibus inter precandum perfundi, alios non aliam quam angelicam traducere vitam, vehementi cepit pudore suffundi, & de salutis suæ statu conturbari. Quod cum Præfectus monasterij animaduertisset, suspicatusq; esset id euenisse, quod longius à patria, amicisq; abesset, in hæc verba eum allocutus est. Fili, ne animum nimio mœrore obruas, confide in Deo, breui patebit tibi reditus in natale solum. Verum respondit Gregorius. Non ea causa mei mœroris est, quod longe à meorum conspectu absim, sola enim præsentis vbique Dei contemplatio ad illum repellendum mihi satis est: dum enim cogito me continenter in eius versari conspectu & tutela, affatim solatii accipio; id verò vnum me angit, quod tam longe absim à vitæ verè religiosæ perfectione. Hoc responso audito Pater digressus est, intelligens non indigere suo solatio eum qui ad perfectionis culmen iam peruenisset, & alios solari posset.

VIII. Et postremum medium est. Dedere se per omnem vitam cœlibi statui, siue Ecclesiastico, siue religioso, in quo liberior sit ani-

mus

mus à curis & occupationibus huius mundi: tunc enim opportuna occasio se offeret, non modo Deū semper præsentem contemplandi, verum etiam totum tempus rerum diuinarum cōmentationibus impendendi, quemadmodum B. paulus planissime in priore ad Corinthios Epistola docuit. *Volo, inquit, vos sine sollicitudine esse. Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & diuisus est, id est, interprete Hieronymo, in multas sollicitudinum partes, miseriarumque distractus. Et mulier innupta & virgo cogitat, quæ Domini sunt, ut sit sancta & corpore & spiritu. Quæ autem nupta est, cogitat quæ sunt mundi, quomodo placeat viro.* Quibus verbis utique Apostolus non voluit significare coniugatos, aut nunquam cogitare quæ sunt Domini, quomodo placeant Deo, aut non esse debere vel posse sanctos corpore & Spiritu, nam ut bene annotauit S. Augustinus in libro de bono Viduitatis, etiam coniugatis in eadem epistola capite proximè antegresso dictum est. *Nescitis quoniam corpora vestra membra sunt Christi? Et. An nescitis quoniam membra vestra, templum sunt Spiritus sancti, qui in vobis est, quem habetis à Deo.* Omnibus item dictum in eadem. *Sive manducatis, sive bibitis, sive aliud quid facitis, omnia in gloriam DEI facite.* Quod igitur, inquit Augustinus, de innupta loquens ait, *ut sit sancta corpore & Spiritu, ampliorem innuptarum & in corpore & Spiritu sanctificationem intelligi voluit, non corpus nuptiarum omnino sanctificatione priuauit.* Voluit cœlibes impensius incumbere iis quæ domini sunt, voluit diligentius in omnibus actionibus suis Deum præsentem sistere, quod ratione officii & professionis suæ faciunt, dum totos dies & sæpe noctes consumunt in templis, vacant que concinendis psalmis, hymnis & canticis spiritualibus, conuenienter præcepto CHRISTI de orando sine intermissione. Idcirco siquidem horæ canonicæ, in septem horas diurnas & nocturnas, matutinas, primam, tertiam, sextam, nonam, & vespervas ab Ecclesia sancta iam olim distributæ sunt, ut sine intermissione diuinæ laudes perinde ab hominibus in terris, atque ab Angelis in cœlis quadantenus continuarentur. Atque ita sanè præceptum Domini de oratione sine intermissione facienda compleri, multi Patres diserte docuerunt. ut S. Augustinus libro de hæresibus cap. 57. Ioannes Cassianus lib. 2. institut. cœnobit. c. 1. Beda in cap. 18. Lucæ, S. Anselmus & Haymo in cap. vltimum epistol. prioris ad Thessalonic.

S. BASILIUS certè in libro de vera Virginitate vberius disputans, quæ ratione Virgo secundum mentem Apostoli cogitare debeat quæ Domini sunt, sanctaque permanere corpore

& Spiritu ita scribit. Serenum esse oportet Virginis animum, ac diuinis cogitationibus veluti ex quodam purissimo fonte stagnantem, tranquillum, pacificumque durare, ut neque inuectis per aures verbis intrinsecus agitetur, neque irrudentibus per oculos formis à statu suæ quietis fluctuans deuiet: ita veluti in lucidissimo speculo & suam speciem & sponsi pulchritudinem intuens, illius amore carius ac germanius exatiabitur. Quare eodem semper modo diuino placidissime perfusa gaudio, tranquillam se ab omnibus passionum, ira, tristitia & similium fluctibus seruet, nulliusque in se nisi sponsi solius præferat speciem, ut solus ille in ea propriam cernat imaginem, solamque animæ ipsius formam in speculo suo habeat lucentem, eiusque pulchritudine ornari iugiter appetat.

VIDE V. Cognitio Dei. Contemplatio. Denotio. Familiaritas cum Deo. Gratiarum actio. Intentio. Laudatio Dei. ORATIO. Profectus spiritualis.

COGNITIO SVI.

CAPVT I.

Quid S. Scriptura, S. Patres, & Philosophi de Cognitione sui tradant?

Deut. 4. 9.
D. 6. 12.
D. 8. 11.
D. 5. 9.
Bas. hom. 3.
Eph. rom. 2.
Ma. orat. 27.
Psal. 48. 13.

Cant. 1. 7.

QUOD ad Scripturam attinet, in Deuteronomio sæpe Deus repetit celebratum illud monitum, ATTENDE tibi ipsi. LXX. enim interpretes legerunt $\pi\rho\sigma\tau\epsilon\chi\epsilon\sigma\tau\alpha\upsilon\tau\omega$, & in hunc sensum S. Basilii, Ephraem, & Isaias Abbas integros sermones de hoc dicto habuere: ac Clemens Alexandrinus quidem secundo Stromateo censet scriptores Ethnicos hinc mutuatos suum $\gamma\upsilon\sigma\iota\sigma\tau\epsilon\alpha\upsilon\tau\epsilon$. 2. Verba Regii Prophetæ sunt. *Homo cum in honore esset, non intellexit, comparatus est iumentis insipientibus, & similis factus est illis.* Quibus non obscure indicauit hominem ignarum suæ dignitatis, quod ad imaginem & similitudinem Dei cõditus sit, nihil distare à bruto animante. Quo sensu & in Canticis Canticorum sponsa se ignorans amandatur ad bestiarum greges, dum ait Sponsus. *Si ignoras te o pulcherrima inter mulieres, egredere, & abi post vestigia gregum, & pasce hædos tuos iuxta tabernacula pastorum.*

SCRIPTURÆ accedunt veterum Patrum testimonia. S. Greg. Nazianzen. de moderatione in disputationibus. *Sapientia, inquit, genus est seipsum nosse, ac non immodicè efferri, eodemque modo quo voces affici, quasi uehementius contenduntur, propter immoderationem penitus deficiunt.*

S. Ambro-

S. Ambrosius in Psalmum 118. *Quid est se noscere, nisi ut sciat unusquisque hominem ad imaginem & similitudinem Dei factum, rationis capax, qui terram suam excoleret, ut bonus agricola debeat aratro quodam & falce sapientie, ut vel dura findantur, vel luxuriantia recidantur, qui inferiorem sui portionem animi imperio debeat gubernare? Vnde etiam in lege scriptum est. attende tibi ne fiat verbum absconditum in corde tuo. Tibi, inquit, attende. non utique dicit, pecunie tue, non possessionibus tuis, non viribus corporis, sed animo tuo ac menti tue: unde omnia consilia facta, cogitationesque manant. Tibi ergo attende ibi, ubi potiore esse te nosti. Nosce te ipsum.*

Amb. serm. 2.

Deut. 10. iuxta

70.

Et paulo post. Vnde & Salomon oraculum diuinum secutus scripsit in Canticis Canticorum. *Nisi scias te decoram inter mulieres, hoc est, nisi cognoscas te mortalem, rationalem, & cito tua peccata fatearis, cito dicas iniquitates tuas, ut iustificeris, nisi conuertaris, & prior accuses delicta tua, veniet dies mortis, & iam nullum conuersionis remedium est, praeuenieris dum non cogitas.*

Cant. 1. 7.

S. Hieronymus, vel potius Origenes tractans eundem locum. *Nisi cognoueris temetipsam o pulchra inter mulieres, & agnoueris pulchritudinis tue causas inde descendere, quod ad imaginem Dei facta es, per quod inest tibi plurimum naturalis decoris, iubeo te exire, & in ultimis gregum vestigiis collocari, & iam non oues neque agnos, sed hedos pascere, illos scilicet, qui pro prauitate & lasciuia a sinistris statuti sunt regis in iudicio presidentis. Si enim nescieris temetipsam, & ignorantia tui vixeris, nec scientie studium gesseris, sine dubio nec tabernaculum proprium habebis, sed per pastorum tabernacula discurre, & pascas hedos, inquietam animal, ac vagum & peccatis deputatum. Hac autem patieris, donec rebus ipsis, & experimentis intelligas, quantum mali animam nescire seipsam, neque pulchritudinem suam.*

Hier. hom. 2. in Cantica.

S. Chrysostomus in Acta Apostolorum. *Vnde est superbia: ex eo, quod non spectamus, quae nostra sunt, sed de natura quidem terra quamuis non simus agricola, curiose inquirimus: & de natura auri, quamuis non simus negotiatores, de nobis autem & nostra natura nunquam sustinemus hoc fieri. Et quis ignorat, inquit, se suamque naturam? Multi & fortassis omnes, paucissimis exceptis. Et infra. Quemadmodum si quis inuentum pretiosum materia, quum non sit artifex, contempta illa magni damnum accipiat, utpote margarito vel conchilio. Sic & nos, si ignorauerimus nostram naturam, ipsam valde contemnemus: Si autem sciuerimus, multum adhibebimus studium, & maxima lucra faciemus.*

Chry. hom. 32.

S. Augustinus libro quarto de Trinitate. *Scientiam terrestrium celestiumque rerum magni aestimare solet genus humanum, in quo profecto meliores sunt, qui huic scientiae preponunt nosse semetipsos: laudabiliorque est animus, cui nota est vel infirmitas sua quam qui ea non respecta vias siderum scrutatur etiam cogniturus, aut qui iam cognitas tenet, ignorans ipse, quae via ingrediatur ad salutem ac firmitatem suam. Et libro de Spiritu & anima. Quisquis cor suum in huiusmodi studio, (inquit*

August. cap. 7.

Idem cap. 51.

Bara. Med. 5.

rendi in se) exercet, audiat quid quidam sapiens dicat. Scito te ipsum. Scito unde venisti, aut quo vadis: quomodo visis, quantum proficis vel deficis: quam longè es à Deo, vel propè, non interuallis locorum, sed similitudine vel dissimilitudine morum. Scito, quomodo homo es, cuius conceptio culpa, nasci miseria, vivere pena, mori necesse. Certum est, quia morieris, sed incertum, quomodo, vel quando, vel ubi; quoniam mors ubiq; te expectat, & tu si sapiens fueris, ubique eam expectabis. S. Bernardus in Meditationibus. Stude cognoscere te, quia multo melior & laudabilior es, si te cognoscis, quàm si te neglecto cognosceres carsum syderum, vires herbarum, complexiones hominum, naturas animalium, & haberes omnium cælestium & terrestrium scientiam. Redde ergo te tibi, & si non semper, vel sæpè, saltem interdum.

Iuuen. sat. 12.

Iam videamus quid Ethnici Scriptores de notitia sui senserint, constat enim apud eos celebratam fuisse gnomen illam, γινώσκειν ἑαυτόν, cuius multi primum autorem faciunt e septem sapientibus vnum. Ausonius in conuiuio 7. sapientum facit Solonem. Origenes Chilonem, alii alium. Clearchus reuocat in cælum; scribit enim vni sapientum quærenti, quid hominibus foret optimum, respondisse Pythiam, Σεῖπ' αὐτὸν νοῖσθαι. Consentit Iuuenalis, canens:

de cælo descendit γινώσκειν ἑαυτόν,

Figendum, & memori tractandum pectore rebus

In summis minimisq;.

Amb. in Pl. 18.

Aristoteles quoque censuit diu ante septem Sapientum ætatem templo Delphico versum illum inscriptum. Sed omnes refellit S. Ambrosius ita scribens. Nosce te ipsum Apollini Pythio assignant gentiles viri, quasi ipse auctor fuerit huius sententia, cum de nostro usurpatum ad sua transferat, & longè anterior Moyses fuerit, qui scripsit librum Deuteronomii, quam Philosophi, qui ista finxerunt. Vnde & Salomon oraculum diuinum secutus scripsit in Canticis Canticorum. Nisi scias te decoram inter mulieres, &c. Et ante eum

Orig. hom. 2. in Cant.

Origenes Vnius, inquit, Chilonis scilicet ex septem, quos apud Græcos singulares fuisse in sapientia fama concelebrat, hæc inter cætera mirabilis fertur esse sententia, qua ait. Scito te ipsum, vel cognosce te ipsum. Quod tamen Salomon, quem præcessisse omnes hoc tempore & sapientia ac rerum scientia docuimus, ad animam quasi ad mulierem sub communione quadam loquens dicit: Nisi cognoueris te ipsam ô pulchra inter mulieres.

Cant. 1. 7.

CAPVT II.

De difficultate cognitionis sui.

Orig. hom. 2. in Cant.

HAud dubium est, magnam esse difficultatem in cognitione sui. Quomodo anima, inquit Origenes loco allegato, cognoscat semetipsam,

psam, nec facile puto, nec breuiter explicari posse. Et S. Basilus instruens Monachum, ut iudicium suum in obediendo prorsus submittat iudicio superioris, causam hanc reddit. *Illud enim firmissimum tenendum, rem omnium esse difficillimam seipsum cognoscere & curare, propterea quod naturaliter seipsum quisque amat, & quilibet propterea quod in seipsos propensi sunt in veritatis iudicio fallantur.* Porro ab alio cognosci curarique facile est: cum iis, qui ceteros iudicant, nequaquam obstat amor sui ipsorum. Et in Oratione de humilitate. *Verissimum, inquit, illud est, nihil esse difficilius, quam nosse seipsum.* Non enim oculus tantum suo in semetipsum munere non fungitur, dam ea quae extra sunt cernit & perlastrat, sed & ipsa mens nostra cum accurate acriterque peccata peruestigat aliena; tardior vero in vitiis nostris considerandis esse deprehenditur. Et S. Augustinus in Psalmos. *Multi nec seipsos nouerunt quia & seipsum, quemadmodum homo sibi debet innotescere, non omnium hominum est.* Quomodo ergo diligit proximum tanquam seipsum, qui nescit & seipsum. Non enim frustra ille filius iunior, qui profectus est in regionem longinquam, & dissipauit substantiam suam, prius reuersus est in semetipsum, nisi quia tam longè peregrinatus est, ut relinqueret etiam semetipsum. Ausonius in ludo septem Sapientum. *Quamquam difficile est se noscere. Quam prope- rè legimus, tam citò negligimus.* I haes interrogatus τί ἐστὶ δύσκολον, respon- dit, τὸ αὐτὸ γινώσκειν, difficile est seipsum nosse. Aristoteles libro secundo magnorum moralium. *Difficillimum, inquit, est seipsum cognoscere, sed si- mul suauissimum, quilibet amore sui impeditur, ne rectè de se iudicet.* Et Chi- lo Spartanus dicere solitus est. *Facit philantia, uti in nostris met vultus spe- cula nos ipsos satis clarè & rectè nequeamus cognoscere.*

Basil. Const. M.
cap. 23.

Aug. in Ps. 118.

Luc. 15. 17.

Maximus mon.
serm. 56.

CAPVT III.

De dignitate cognitionis sui.

DIGNITATEM huius notitiæ sui Clemens Alexandrinus in Pæda- gogo his verbis indicat. *Est ut videtur disciplinarum omnium pulcher- rima, ac maxima, seipsum nosse. Si quis enim seipsum norit, Deum cognoscit.* E- andem S. Basilus in hom. de legendis libris gentilium descripsit, dum agit contra superuacuum corporis ornatum. *Omne studium adhibere, ut quod extra fuerit, benè pulchreque exornetur, sese non cognoscentis est, nec sapiens illud praeceptum intelligentis, nos admonens, quemadmodum, nō id, quod aspic- tur est homo. Excellentem enim quadā opus est sapientia, per quam nostrū quilibet quicumque sit, sese cognoscat, q̄ profecto mente minimè purgatis nō magis euenire potest, quā lippienti Solem aspicere.* Hanc verò animæ purificationem, ut semel, & quod vobis satis sit dicā, voluptates per sensus eripiant. Et D. Aug. de spiritu

Clem. lib. 3.

Basil. hom. 14.

Aug. cap. 50.

& anti-

cap. 7.

Idem cap. 1.

& anima. Scientiam celestium & terrestrium rerum laudare atq; amare solent homines, sed multo meliores sunt, qui huic scientie praponunt noscere semetipsos. Laudabilior siquidem animus est, cui nota est miseria sua, quam qui ea non aspexit vias syderum & naturas rerum scrutatur. Et paulo post. Cum nulla scientia melior sit illa, qua cognoscit homo seipsum, discutiamus cogitationes, locutiones atq; opera nostra. Quid enim prodest nobis, si rerum omnium naturas subtiliter inuestigemus, efficaciter comprehendamus, & nosmetipsos non intelligamus. Vnde libro secundo soliloquiorum ait breuissimè ac perfectissimè sic orari Deum. Deus semper idem, Nouerim me, Nouerim te.

CAPVT IV.

De Vtilitate eiusdem.

Basil. hom. 3.

DICI vix potest, quàm eximii fructus ex ea in hominem redunt. Quorum quosdam attigit S. Basilius, scribens in dictum. Attende tibi ipsi. Quin attende potius, inquit, tibi ipsi, hoc est, animæ tuæ, hanc adornato, huius attentam gerito curam, adeo ut omnes sordes, quas ex nequitia contraxit, sedulo ab ea submoneas, nec minore studio notam omnem dedecoris illi inustam fac obliteres, atq; ita omni virtutis elegantia eam exornes. In examen te ipsum aduoca quis ipse sis. Tuam ipsius naturam fac ut noveris: nam corpus quidem mortale, anima verò immortalis est. Scito duplicem nobis propositam esse vitam. Carnis quidem vita citato admodum cursu prætercurrit, quæ autem anima est nullam admittit circumscriptionem. Attende igitur tibi ipsi, ut ne his quæ moritura sunt, quasi sempiternis bonis fixius adhaerescas, ne asperrere sempiterna tanquam aliquando sint desitura. Carnem despice, deridua enim est, & labilis; cura sit tibi anima, quia res immortalis. Et infra. Luxu refusore diuitiarum insolescis? tibi vni mirè places ob auitæ gentis claritudinem? immodico gaudio subilis ob patriæ celebritatem? deniq; ob honores ab omni gradu tibi exhibitos. Attende tibi ipsi, mortalis enim tu: quippe terra es & in terram abibis. Et rursus: Exacta & diligens tui ipsius consideratio vram tibi præstruet ad cognitionem Dei. In te ipso enim tanquam mundo quodam distinctè adornato, licet exiguo contemplari licebit eximiam conditoris tui, & incomparabilem sapientiam, ut ex anima incorporea Deum esse incorporeum, nullo circumscriptum loco, inuisibilem, &c. Denique cum animæ humanæ vim, & corporis structuram fusè exposuisset, subdit. Per hæc utiq; omnia cognoscere licet imperuestigabilem eius, qui te condidit, sapientiam, adeo ut cū Prophetæ ipse tu possis dicere. Mirabilis facta est scientia tua ex me. Attende itaque tibi, ut attendas Deo. S. Bernardus in Cantica alios fructus persequitur. Volo, inquit, animam primò omnium scire seipsam, quod id postulet ratio &

Plat. 1. 3. 6.
Bern. serm. 36.

tio & utilitatis & ordinis. Et ordinis quidem, quoniam quod nos sumus primum est nobis: utilitatis verò, quia talis scientia non inflat, sed humiliat. Et paulo post. Nam quomodo non verè humiliabitur in hac vera cognitione sui, cum se perceperit oneratum peccatis, mole huius mortalis corporis aggrauatam, terrenis intricatam curis, carnalium desideriorum fœce infectā, curuam, infirmam, implicitam multis erroribus, expositam mille periculis, mille timoribus trepidam, mille difficultatibus anxiam, mille suspicionibus obnoxiam, mille necessitatibus arum nosam, procluem ad vitia, inualidam ad virtutes. Vnde huic iam extollentia oculorū? unde leuare caput? nōne magis cōuertetur in arumna sua, dū configitur spina? Conuertetur inquā ad lacrymas, cōuertetur plāctus & gemitus, conuertetur ad Dominū, & in humilitate clamabit. sana animā meam, quia peccaui tibi. Porro conuersa ad Dominum, recipiet consolationē, quia pater est misericordiārū, & Deus totius consolationis, &c. Tali itaq; experimento, & tali ordine salubriter innotescit Deus, cum prius se homo nouerit in necessitate positum, & clamabit ad dominum, & exaudiet eum, & dicet. Eruam te, & honorificabis me. Atque hoc modo erit gradus ad notitiam Dei, cognitio sui: NEQUE gentilium philosophorum doctissimi hos fructus notitiæ sui siluerunt. Nam PLATO in *Philebo* ignorantiam sui vocat genus improbitatis vniuersę: in *Amatoribus* verò dicit nosse seipsum esse absolute sapere, ab eo omnem vitæ sapientiam iustitiamq; pendere. Et in *Alcibiade priore* addit, nec prudentem, nec bonum, nec fœlicem esse posse, qui seipsum non probè norit. Demum in *Charmide* affirmat sine sui notitia neminem posse esse temperantem. XENOPHON quoque in libro de factis & dictis Socratis, scribit propter cognitionem sui homines multorum sibi ac aliis bonorum auctores esse posse, contra verò multorum malorum, ob sui ignorationem; quique se ignorant, neque ad regimen sui, neque ad familiæ aut Reipubl. gubernationem idoneos esse. M. Tullius item *Tusculana quarta*, & *August. XIII. de ciuitate. cap. 8.* narrant Alcibiadem summo loco natum, cum ex sermone Socratis seipsum agnouisset nihilq; inter se & quemuis baiulum interesse, illacrymasset, petijissetq; sibi virtutem tradi.

Psalm. 40. 5.

Psalm. 40. 16.

Xen. lib. 4.

CAPVT V.

De Medijs idoneis ad parandam sui notitiam.

INTER Media, quibus parari queat tam salutaris notitia sui, August. vel quisquis auctor est libri de Spiritu & anima, tale præscribit. Necessè est, ut per singulos dies vitam nostram ad iudicium vocemus, & quid egimus per noctem & diem, examinemus, & quanto ad bona facienda so-

Aug. c. 57.

N

lito

B. fer. 37. in Can.

Ecc. 92.
Luc. 14. 10.

lito alacriores, & quanto ad mala vincenda, solito constantiores: siue aliquo opere nostro insidys inimici supplantati simus qualiter demum per iudicium transacta deceptionis futuram illius fraudem cauere valeamus. Quisquis, si cor suum in huiusmodi studio exercet audiat, quid quidam sapiens dicat. Scito te ipsum. Ex quibus verbis intelligimus optimū antidoton ad nos ipsos agnoscendos esse frequentatum examen conscientiae. Aliud salutarem mediū suggerit S. Bernard. vt quoniam nemo in hac vita ad perfectam sui notitiam peruenire possit, vt videlicet sciat, qualis sit verē in oculis Dei, (nemo enim nouit, iuxta sapientem, dignus ne sit amore, an odio) conetur in omnibus, quod consulit Christus, nouissimū locum tenere. Non enim est inquit, periculum quantumcūq; te humilies, quantumcūq; reputes minorem, quā sis, hoc est quā te veritas habeat. Est autem grande malum, horrendumq; periculum, si vel modicē plus vero te extol- las, si vel vni videlicet in tua cogitatione te praferas, quem forte parem tibi ve- ritas iudicat, aut etiam superiorem. Quemadmodum enim si per o. ium trans- eas cuius superliminare nimium bassum sit, non nocet quantumcūq; te incli- naueris, nocet autem, si vel transuersi digiti spacio plus quam ostij patitur men- sura erexeris, ita vt impingas, & capite quassato collidaris: sic in anima non est planē timenda quantalibet humiliatio, horrenda autem nimiumq; pauenda vel minima temerē praesumpta erectio. Quamobrē noli te homo comparare ma- ioribus, noli minoribus, noli aequalibus, noli vni. Quid scis, n. o. homo, si vnus il- le, quem forte omnium vilissimum atque miserrimum reputas, cuius vitam sce- leratissimam, ac singulariter fœditissimam horres, & propterea illum putas sper- nendum, n. n. modopra te, qui forte iam sobriē & iustē & piē viuere te confidis, sed etiam praeter omnibus sceleratis tāquam omnium sceleratissimum: quid scis, inquam si melior & te, & illis mutatione dextera excelsi in se quidem fu- turus sit, in Deo verò iam sit.

Eodem pertinet illud S. Chrysost. homilia 26. in Matthæum. Nec sane minima pars philosophia est meritum suum posse dignoscere. Ille est maxi- mē seipsum sciens, qui se esse nihil existimat. Idē quippe & Dauid & Abraham, postquam iam ad summū virtutis fastigium euaserāt, tunc istud quod dico pra- cipuē videntur implisse. Nam vnus quidem dixit se esse cinerem, alter verò se vermem vocabat. & cuncti omnino sancti horum se more deijciunt: è regione verò, qui arrogans esse mauult, ipse est, qui se cunctis deterius ignorat. Propter- ea more communi solemus, dicere de superbis. Nescit seipsum, seq. prorsus igno- rat. Qui verò se nescit, quemnam poterit agnoscere? Nam sicut ille qui seipsum agnoscit, profecto nouit & reliquos: ita etiam qui se nescit, consequenter ignorabit & ceteros.

Modus noscendi seipsum.

MODVM, quo anima sui notitiam capere debeat praescribit Ori-
genes homilia supra citata. *Intelligat, inquit, anima cuiusq[ue], si boni* O. ho. 2. in Can.
affectus sit aut non boni, aut recti propositi aut non recti. Et quidem si recti sit, si
erga omnes virtutes eandem tenorem habeat, tam in intelligendo, quam in agendo,
an erga necessaria tantum. & quae in promptu sunt. Et utrum in eo sit, ut reci-
piat profectus, ut augeatur in intellectu rerum, augmentoque virtutum: an
isto stet & resideat, in quod potuit peruenire: & utrum erga seipsam tantum
vacet excolendam, an alijs prodesse & conferre aliquid utilitatis studeat, vel
in verbo doctrinae, vel in exemplis gestorum. Si vero cognoscat semetipsam
non esse boni affectus, neque recti propositi, in hoc ipso ut intelligat, utrum ei
satis desit, & procul a via virtutum sit: an in ipso iam posita sit itinere, & in-
cedere iam conetur, cupiens quae in ante sunt apprehendere, & quae retro sunt
obliuisci, sed nondum appropinquauerit: aut proxima quidem sit, nondum ta-
men ad perfectionem venerit. Sed & in eo opus videtur esse anima cognoscentis
semetipsam, scire hac ipsa quae operatur mala, an ex affectu & studio ope-
retur, an fragilitate quadam & ut ille ait, quod quasi non vult agens, & quae
odit faciens: & rursus ea quae bona sunt affectibus, & recto proposito genere
videatur. Verbi gratia si iracundiam apud aliquos quidem cohibet, apud ali-
quos autem effert: an semper eam cohibet, & apud nullum omnino profert.
Similiter & tristitiam, si in aliquibus quidem negotijs vincit, in aliquibus
autem recipit: an in omnibus omnino non recipit. Ita & timorem, alia-
que similiter quae virtutibus videntur esse contraria. Eundem modum
tradit Augustinus. libro de Spiritu & anima. Scito, inquit, te ipsum. A. c. 51.
Scito unde venisti, aut quo vadis, quomodo viuis, quantum proficis, vel de-
ficis. quam longe es a DEO, vel quam prope, non intervallis locorum,
sed similitudine vel dissimilitudine morum. Scito quomodo homo es,
cuius conceptio culpa, nasci miseria, viuere poena, mori necesse. Atten-
de ergo sollicite quid agas, vel quid agere debeas. Si quod faciendum
est facias. Si bono operi malum aliquid non admisceas. Si bonum quod
agis, quanta oportet deuotione adimpleas. Si alterius ut tuum diligas.
Si tuum ut alterius malum reprehendas. Si sic declinas a malo ut faci-
as bonum. Quoniam vero supra tradit Clemens Alexandrinus ex co- Cl. l. 3. paedag. c. 1.
gnitione sui, proximum gradum esse ad cognitionem Dei, quod et-
iam tradidit S. ANTONIVS epistola sexta, subiiciemus hic titulum

de Cognitione Dei. Plura de cognitione sui habes apud nostrum Martinum Delrio in sex lectionibus sacris de ea ad sodales Parthenios habitis.

VIDE V. *Conscientia examen. Diffidentia sui. Humilitas. Profectus spiritualis. Timor Dei. Et in PANARIO, Im- mortificatio passionum.*

COGNITIO DEI.

CAPVT .I

De Triplici cognitione Dei.

SPIRITVS sanctus in diuinis Scripturis triplicem Dei cognitionem patefecit, imperfectam, perfectam, & perfectissimam. Imperfecta est huius vitæ, de qua intelligitur illud Apostoli in priore epistola ad Corinthios. *Ex parte cognoscimus, & ex parte prophetamus. cum essem paruulus loquebar vt paruulus, sapiebam vt paruulus, cogitabam vt paruulus.* Et ad Philipenses. *Non quod iam acceperim, inquit, aut iam perfectus sim (in cognitione Dei) sequor autem, si quo modo comprehendam, in quo & comprehensus sum à Christo Iesu. Fratres ego me non arbitror comprehendisse.*

2. Cor. 13. 9. 12.
Phil. 3. 12.

1. Cor. 13. 12.

PERFECTA est alterius vitæ, quam ibidem descripsit Apostolus, dum mox subiecit. *Quando autem factus sum vir, euacuauit quæ erant paruuli; Videmus nunc per speculum in enigmate, tunc autem facie ad faciem. Nunc cognosco ex parte, tunc autem cognoscam, sicut & cognitus sum. Eandem nomine visionis Dei intellexit B. Ioannes, dum ait. Charissimi, nunc filij Dei sumus, & nondum apparuit quid erimus. Scimus, quoniam cum apparuerit, similes ei erimus, quoniam videbimus eum sicuti est.*

1. Ioan. 3. 2.

Iob. 11. 7.

Eccl. 36. 23.

Psal. 138. 6.
Ierem. 32. 18.

PERFECTISSIMA denique est, qua Dei essentia, omniaq; eius attributa & perfectiones exactissimè cognoscuntur, cuiusmodi notitia neque in hac, neque in altera vita vnquam homini continget. Vnde Iob. *Forsitan, inquit, vestigia Dei comprehendes, & vsque ad perfectum omnipotentem reperiēs? Excelsior cælo est, & quid facies? profundior inferno, & vnde cognoscēs? Et rursum. Quis poterit scrutari vias eius, aut quis potest ei dicere, operatus es iniquitatem? Ecce Deus magnus vincens scientiam nostram, numerus annorum eius inestimabilis. Et Psaltes regius. Mirabilis facta est scientia tua ex me, confortata est, & non potero ad eam. Et Ieremias. Fortissime, magne potens Dominus exercituum nomen tibi, magnus consilio, & incomprehensibilis cogitatu. Et Apostolus ad Romanos. O altitudo diuitia-*

rum

rum sapientia & scientia Dei, quàm incomprehensibilia sunt iudicia eius & inuestigabiles viae eius. Quis enim cognouit sensum Domini, Aut quis consiliarius eius fuit? Atq; ad Timotheum. Rex regum, inquit, & dominus dominantium, qui solus habet immortalitatem, & lucem habitat inaccessibilem, quē nullus hominum vidit, sed nec videre potest. Idem docent S. Patres, & quidem B. Chrysostomus quinque homiliis demonstrauit Dei naturam esse non hominibus modo, sed etiam angelis incomprehensibilem, idque aduersus Anomæos, qui iactabant se non minus Deum cognoscere, quam Deus ipse se cognosceret. VERVM nos hic tantum agimus de cognitione imperfecta huius vitæ.

Rom. 11. 33

1. Tim. 6. 16.

CAPVT II.

*Quod à natura homini insita sit aliqua Dei
notitia in hac vita.*

ANATVRA insitam esse homini aliquam Dei notitiam primum liquet ex illo dicto Pl. *Signatum est super nos lumē vultus tui Domine.* Non dixit respenderit, ait Chrysostomus, non dixit, apparuit, sed signatum est, significans, quod quemadmodum quod in fronte signatum est, est omnibus manifestum, nec fieri potest ut id aliquem lateat: nec visum luce plenum & gradiosum potest quis ignorare, ita inquit, nec tuam Domine prouidentiam. Ut enim lux signata, hoc est, impressa & insculpta est manifesta omnibus, ita etiam prouidentia tua benignitatis. Deinde ex clarissimis verbis Apostoli docentis Ethnicos Philosophos habuisse veri Dei notitiam, quod notum est Dei, inquit, manifestum est in illis. Deus enim illis manifestauit. Inuisibilia enim ipsius à creatura mundi, per ea quæ facta sunt, intellecta conspiciuntur: sempiterna quoque eius virtus & diuinitas. Idem docuerunt patres. Clemens Alexandrinus in quinto Stromatum. Nullum, ait, unquam genus, neque agricolarum, neque pastorum, neque eorum qui versantur in ciuitatibus potest viuere, nisi eius quod est præstantius ac melius fide præoccupatū præuentumque fuerit. Quamobrem vniuersa quidem gens Orientalium & quæ pertinet ad Occidentem, Septentrionem & Austrum unam habet & eandem anticipatam notionem de principatu eius qui constituit: siquidem quæ sunt vniuersæ & maximè generales eius operationes omnes ex aquo peruaserunt. Longè autem magis, qui apud Græcos curiosi fuere Philosophi à barbara moti philosophia ei qui non cadit sub aspectum, & est solus, & potentissimus, & artifex maximus & eorum quæ sunt pulcherrima auctor præcipuus, dedere prouidentiam. Gregorius Nazianzenus de Theologia. Quod Deus sit ac princeps quedam causa omnium rerum procreatrix & conseruatrice, tum oculi ipsi, tum

Psal. 4. 7.

Rom. 1. 19.

Gorat. 1.

lex naturalis docet: illi, dum rebus in aspectum cadentibus aciem, affigunt, easque & egregia stabilitate praeclatas esse, & progredi, atque immotè, ut ita dicam moueri voluitque perspicunt: hac autem, dum per res oculis subiectas, praeclareq; constitutas auctorem earum coniectura quadam colligit, atque assequitur. Quemadmodum enim quispiam citharam pulcherrimè elaboratam conspiciens, eiusque concinnitatem audiens, nihil aliud quam ipsum cithara conditorem atque citharadum mente reputat, licet de facie ipsi ignotum: eodem quoque modo nobis is, qui res vniuersas procreauit, easque mouet & conseruat, sese declarat etiam si animis nostris ingenis que comprehendere nequeat. Ac nimis profecto absurdus & praeposterus est, quisquis non hucusq; sponte sua progreditur, nec argumentis naturalibus cedit, verum hoc quoque inficiatur Deum esse S. HIERON. in epist. ad Galatas. In Evangelio dicitur. Erat lux vera qua illuminat omnem hominem venientem in mundum. Ex quo perspicuum fit natura omnibus Dei inesse notitiam, nec quenquam sine Christo nasci, & non habere semina in se sapientiae & iustitiae, reliquarumq; virtutum. Vnde multi absque fide & Evangelio Christi vel sapienter faciunt aliqua, vel sanctè ut parentibus obsequatur, ut inopi manum porrigant. S. CYRILLVS Alexandrinus scribens contra Iulianum apostatam, cū ex ter maximo Hermo notasset Deo nihil esse fulgidius eumque idcirco fecisse omnia, ut per omnia videretur, addit & Iulianum affirmasse cognitionem Dei rem esse qua doceri nequeat sed per se datur ab hominibus. Quod autem doceri nequeat, inquit, coniectura nobis sit primum commune studium erga Deitatem, quod est omnibus hominib; priuatim & publice, ubicunque viri sunt & gentes Omnes enim absq; doctore deitate quandā credimus. Haud secus Lactantius Trimianus diuinarum institutionum libro primo probat & Poetas, & Philosophos & Sybillas apud Ethnicos vnum Deum agnouisse. Deniq; S. Ioannis Damasceni in lib. de orthodoxa fide verba sunt. Omnibus cognitio existendi Deum naturaliter est insita.

H. in cap. i.
Ioan. i.

Cyr. lib. 2.

Lact. c. 5. & 6.

D. lib. i. c. 2.

CAPVT III.

Quousq; se porrigat cognitio Dei in hac vita.

INTER omnes Patres & Theologos conuenit posse in hac vita cognosci Deum esse, vel existere, non posse tamen cognosci perfecte quid sit, id est, eius essentiam & proprietates. Secundo conuenit potius de eo cognosci quid nō secundū substantiā quam quid sit. Sic n. loquitur Clemens Alexandrinus: Si ablatis omnibus quae adsunt corporibus, & iis quae dicuntur in corporea, nos ipsos proiecerimus ad Christi magni-

Cle. l. 3. Strom.

magnitudinem: & deinde in vastitatem, immensitatemq; sanctitate processerimus, ad intelligentiam omnipotentis utrumq; processerimus, non quod est, sed quod non est cognoscentes. Et Gregor. Nazianzenus in Pascha. *Deus* G. orat. 2.
 uniuersum id quod est complectitur, nec principium habens, ne finem habiturus, quasi pelagus quoddam essentia immensum & interminatum, omnem tam temporis, tum natura cogitationem superans, mente sola adumbrabilis, & quidem perexiguae, ac peioris obscure, non ex his, quae in ipso sunt, sed quae circa ipsum: priusquam teneatur effugiens. Et paulo post. Immensus ita est Deus, contemplatuque difficilis, idque solum in eo plane comprehendere potest, quod immensus sit. Quid autem est immensum, nisi quod mensurari non potest? Et S. Augustinus in Psalmos. *Intendat charitas uestra Deus* A. in psal. 35.
 ineffabilis est. Facilius dicimus, quid non sit, quam quid sit. Terram cogitas? non est hoc Deus. Mare cogitas? non est hoc Deus. Omnia quae sunt in terra, homines & animalia, non est hoc Deus. Quicquid lucet in caelo, stella, sol & luna, non est hoc Deus. Ipsum caelum, non est hoc Deus. Angelos cogita, virtutes, potestates, archangelos, thronos, sedes, dominationes, non est hoc Deus. Et quid est hoc? Solum potui dicere, quid non sit. Quæris quid sit? Quod oculus non vidit, nec auris audiuit, nec in cor hominis ascendit. Et libro octauo de Trinitate. In spiritualibus omne mutabile quod occurrerit non putetur DEVS. Non enim parua notitiae pars est, cum de profundo isto in illam summitatem respiramus, si antequam scire possimus quid sit Deus, possumus iam scire, quid non sit. Non est enim certe nec terra nec caelum, nec tale aliquid quale videmus in caelo, nec tale aliquid, quicquid non videmus & est fortassis in caelo. Et in verbis Domini in Ioannem. Dictum est apud B. Ioannem Et Deus erat verbum. De Deo loquimur. Quid mirum si non comprehendis? Si comprehendis, non est Deus. Sit pia confessio ignorantia magis, quam temeraria professio scientia. Attingere aliquantum te mente Deum, magna beatitudo est, comprehendere autem omnino impossibile. Denique S. Chrysostom. exponens illa verba Psalmi. Mirabilis facta est scientia tua ex me, confortata est, & non potero ad eam, hunc dicit esse eorum sensum. Quamuis sciam te omnia praescire, & me ex iis, quae non erant fecisse, perfectam tamen & manifestam tui non possum habere cognitionem, sed admirabilis facta est, hoc est superauit captum meum, validior facta est, quam ut mea possit ratione comprehendere, adeo est admirabilis & magna. Propterea enim subiunxit, non potero ad eam, neque hoc dicit. Ignoro Deum, sed perfectam & undique absolutam & manifestam eius non habeo notitiam. Quod quidem dicit etiam Paulus. Nomen enim quidem esse scimus, quid sit autem substantia nescimus. Quod sit benignus, & clemens nouimus, quod sit humanus, quod bonus, quantitatem vero ignoramus. Et infra, Si Scientiam Dei non perfecte obtinuisti, quomodo nosti eam esse admirabilem? Propter hoc
 ipsum.

G. orat. 2.

A. in psal. 35.

Ila. 64. 4.

Aug. c. 2.

Id. serm. 38.

Ioan. 1. 1.

Chr. in ps. 138. 6.

ipsum non eam esse admirabilem, quod meam superat rationem. Nam radium quoque solarem non possumus aperte cognoscere, & tamen propter hoc ipsum eum maxime admiramur. Ita etiam de Dei cognitione, neque eam omnino ignoramus, eum enim esse scimus, & quod est benignus, clemens, bonus, & misericors & quod est ubique. Quid sit autem substantia, vel quanta sint quae dicta sunt, vel quomodo sit ubique, hoc ignoramus.

G. orat. 2.

Quæres, cur Deus tam imperfectam sui notitiam nobis reliquerit? Gregor. Nazianzenus tres causas reddit in oratione quadam de Theologia. Prima, ne ob adipiscendi facilitatem facilis quoque rei quæ sita iactura sit. Fit enim fere, ut quod non sine labore, atque industria partum est, arctius quoque teneatur: quod autem nullo negotio comparatum est citissime vilescat, atque contemnatur, utpote quod recuperari possit. Atque ita in beneficium cedit non omnia illa & ex prompta beneficentia, duntaxat apud prudentes homines atque cordatos. Altera, ne idem nobis, quod Luciferus illi prolapsus accidat, qui toto illo fulgore perfusus adversus Dominum omnipotentem cervicem obduravit, atque ob elationem corrui casu omnium miserrimo. Postrema, ut pro industria sua, illustrisque vite præmio uberius aliquid habeant, qui hic sese à vitiorum labe perpurgarint, ac rem adamatam & expetitam patientibus animis expectarint. Quartam causam addit oratione in Pascha, cum enim dixisset Dei notitiam, tantum principem nostri partem eamque purgatam collustrare, quantum oculorum aciem perstringit fulguris celeritas haudquaquam permanentis, mox subiicit. meo quidem iudicio, ut quatenus cognosci potest, nos ad se trahat (quod enim nullo modo percipi potest, id nec sperat quisquam, nec admititur) quatenus autem capi nequit, admirationem sui excitet, atque ex ipsa admiratione vehementius desideretur, desideratus purget, purgans autem Deiformes efficiat, cumque id consecuti fuerimus iam velut cum familiaribus colloquatur. Atque hanc causam, quod mirum est, mutuatus videtur Nazianz. à S. Cypriano, qui in præfatione libri de cardinalibus operibus Christi ita scribit. Cordi, inquit, nostro se offert Deus, & aliquid luminis sui infundit, invitans & provocans. Nisi enim aliquo modo sentiretur, nec appetendi nec inquirendi spes esset aliqua vel facultas. Sed quia ex parte sentitur, admirationi est odor ille & sapor nullam cum carnalibus dulcedinibus habens similitudinem, & per omnia suavitatem differens, eoque desideratur copiosius, quo cetera delectamenta excedit. Desiderium autem inquirentes purificat, & purificatio exclusis enormitatibus ad formam Dei prouehit ascendentes, atque ita in opere suo imago & similitudo Dei multis laboriosisque progressionibus & incrementis propriam sibi demum indicat dignitatem. Non ab similem causam reddit S. Augustinus loco supra citato in Ioannem breuiter sic scribens. Dicimus, quam incomprehensibile sit, quod lectum est. (In principio erat

Id. orat. 2.

A. serm. 38.

erat Verbum, &c.) & tamen lectum est, non ut comprehenderetur ab homine, sed ut doleret homo, quia non comprehendit, & inueniet, unde impeditur à comprehensione, & remoueret ea, & inhiaret perceptioni incommutabilis verbi, ipse ex deteriore in melius commutatus.

CAPVT IV.

De excellentia cognitionis Dei.

EXCELLENTIAM diuinæ cognitionis declarauit Christus Dominus, cum subleuatis in cælum oculis de discipulis suis dixit. *Hec est* Ioan. 17. 3. *vita aeterna, ut cognoscant te solum Deū verum, & quē misisti Iesum Christum.* Inq. æuēba Cyrillus Alexandr. *Cognitio est vita, spiritalem nobis benedictionem adducens, per quam spiritus in cordibus nostris habitat in adoptionem filiorum Dei, & veram pietatem per Euangelicam vitam, & incorruptibilitatem reformās. Quum igitur origo & quasi pronuba dictorum omnium cognitio Dei veri esse inueniatur recte à Domino nostro Iesu Christo vita aeterna est appellata, quasi mater & radix virtute, naturæq. suæ vitam aeternam pariens. Sed considera diligenter, quomodo solius Dei veri cognitio efficiatur. Non enim absq. cognitione filij, quare nec absq. cognitione filij, quare nec absque cognitione Spiritus sancti: hæc enim Dei unitas in trinitate intelligitur, atq. creditur secundum Scripturas. Et Nazianzen. in oratione de statu Episcoporum. Regnum, inquit, cælorum nihil aliud esse existimo, quam eius quod purissimum & perfectissimum est, adaptionem perfectissima autem rerum omnium est Dei cognitio. Clemens verò Alexandrinus mirificè prædicat cognitionem Dei. Nam libro sexto Stromatum ait esse perfectissimum bonum, & per se expetendum in septimo verò esse rem maximā, quæ sola hominem pium & religiosum efficiat, atque ita conseruet in eo virtutem ut amitti nequeat: Eum qui Deum verè & magnifice cognorit, non posse seruire voluptatibus, aliisque animi perturbationibus, sancta semper facere & cogitare, precari cum angelis, & licet oret solus habere assistentem angelorum chorum. Augustinus in sermonibus de tempore. *Cognitione Dei nihil melius est, quia nihil beatius est, & ipsa vera beatitudo est. Vnde & Saluator ad Patrem ait. Hec est autem vita aeterna, ut cognoscant te vnum verum Deum, & quem misisti Iesum Christum.* Et libro Soliloquiorum secundo. Breuissimè ac perfectissimè sic oratur Deus. *Deus semper idem. Nouerim me, nouerim te.* Hieronymus libro 6. commentariorum in Ieremiam. *Notitia vnus Dei, inquit, omnium virtutum possessio est. Et libro 7. in Ezechielem. Memoria Dei excludit omnia flagitia.* Lactantius libro primo diuinarum institutionum. *Dei vim* L. c. 8.*

L. c. 4.

maiestatemq; tantam esse dicit in Timaeo Plato, ut eam neq; mente concipere, neq; verbis enarrare quisquam possit ob nimiam & inestimabilem potestatem.

CAPUT V.

De necessitate & utilitate cognitionis Dei.

Heb. 12. 6.

Isa. 7. 9.

Heb. 11. 3.

Ib. 6.

B. serm. 37.

Gen. 1. 6.

Rom. 4. 5.

Psal. 51. 6.

Eccl. 1. 16.

H. ep. 3.

S. Ant. ep. 6.

Cl. paed. lib. 3. c. 1.

NECCESSITAS cognitionis Dei inde liquet, quod sicut sine fide impossibile est, teste Apostolo, placere Deo, ita & sine cognitione Dei. Fides enim, inquit S. Cyrillus loco proxime citato, quid aliud est, quam vera de Deo cognitio? Per fidem enim cognitio fit. Testatur id Isaias, dicens. Si enim non credideritis, non intelligetis. Vnde & Paulus. Fide, inquit, intelligimus aptata esse secula verbo Dei, ut ex inuisibilibus visibilia fierent. Et infra. Credere oportet accedentem ad DEVM quia est, & inquirentibus se remanerator sit. At nos supra probauimus ad notitiam DEI imperfectam id maxime pertinere, ut cognoscatur, quod sit & existat Deus. Vnde B. Bernardus in Cantica, agens de cognitione sui & Dei. Quid si, inquit, ignoras Deum, poterit ne spes esse salutis cum Dei ignorantia? Ne hoc quidem. Nec enim potes, aut amare quem nescias, aut habere quem non amaueris. Noueris proinde te, ut Deum timeas: noueris ipsam, ut eamque ipsam diligas. In altero initiaris ad sapientiam, in altero & consummaris: quia initium sapientiae timor Domini est, & plenitudo legis est charitas. Tam ergo utraque ignorantia cauenda est tibi, quam sine timore & amore Dei salus esse non potest. S. Ambrosius libro primo Officiorum tradit hominem non modo non saluum, sed neque sapientem vel prudentem esse posse sine notitia veri Dei. Credidit, inquit, Abraham Deo & reputatum est illi ad iustitiam. Nemo enim prudens, qui Deum nescit. Denique insipiens dixit. Quia non est Deus: nam sapiens non diceret. Quomodo enim sapiens, qui non requirit auctorem suum? qui dicit lapidi, Pater meus es tu. qui dicit diabolo, ut Manichaeus, author meus es tu. Quomodo sapiens, qui Deum suum non timet? Initium enim sapientiae timor Domini. Immo S. Hieronymus epist. ad Heliodorum non dubitat affirmare hominem Dei ignarum nihil distare à bellua. Absque notitia, inquit, sui creatoris omnis homo pecus est.

Quod ad utilitates huius diuinæ cognitionis attinet, ea primaria est, quod sicut ex cognitione sui, secundum S. Antonium Magnum & Clementem Alexandrinum proximus gradus fit ad cognitionem Dei, sic ex cognitione Dei vicissim ad cognitionem sui, quoque plus profeceris in illa, hoc in hac te maiores progressus facturum. Exemplum habes in puteis; quo enim altera sitularum altius attollitur, hoc altera pro-

profundius deprimitur. & in ædificiis, quo muri turreſq; ſublimius e-
ductæ ſunt, hoc profundius neceſſe eſt iacta eſſe fundamēta. Nemo, in-
quit S. Baſilius, *ita demens, aut tanta mentis cecitate eſt, ut ad ſummam* B hom. 15
Dei comprehensionem ſeſe perueniſſe exiſtimet: ſed quanto magis ad ipſius no- de fide.
titiam accedere videbitur, tanto maiorem ſentiet infirmitatem. Talis erat A-
braham, talis Moſes. Quando enim Deum videre, quantum ſas erat homini
potuerunt, tunc maxime uterq; ſe humilem tenuemq; putauit. Abraham ſe
puluerem accincere nominans. Moſes verò ſe lingua balbum, ac ſermone tar- Gen. 18. 27.
dum appellans. Videbat enim ſerorum cognitarum magnitudini nequaquam
linguæ debilitate poſſe reſpondere. Duo alia illuſtria huius rei exempla
proferunt in ſuis ſuper Iſaiam commentariis Hieronymus & Chry- Exo. 4. 10.
ſoſtomus. nempe propheta Iſaiæ & Apoſtoli Pauli. Nam Iſaias eum In. c. 6. Iſa.
vidiſſet Dominum in excelfo ſolio ſedentem, continuo oculos in ſe Iſa. 6. 5.
reflectens conſeſſus eſt ſe virum labiis pollutum; & Paulus poſt ra- 1. Cor. 15. 2.
ptum in tertium cælum vocauit ſe nunc abortiuum, nunc peccato-
rum primum, nunc minimum Apoſtolorum, nunc nomine Apoſto-
lico indignum.

CAPVT VI.

De mediis perueniendi ad cognitio-
nem DEI.

PRIMUM medium eſt conſideratio viſibilium creaturarum. Vnde
Iſaias. *Leuate, inquit, in excelfum oculos veſtros, & videte quis creauit* Iſa. 40. 26.
hec? qui educit in numero militiam eorum, & omnes ex nomine vocat, præ
multitudine fortitudinis & roboris, virtutiſque eius, neq; vnum reliquum fu-
it. Conſidera vel vnā aliquā magnā creaturā, ut cælum. Cæli
enim enarrant, inquit rex Dauid, *gloriam Dei, & opera manuum eius an-* Pſal. 18. 1.
nunciat firmamentum. In omnem terram exiuit ſonus eorum, & in fines
orbis terræ verba eorum. Vel vnum ſolem. In ſole enim poſuit tabernaculum Pſal. 18. 6.
ſuum, & ipſe tanquam ſponſus procedens de thalamo ſuo exultauit ut gigas ad
currendam viam.

Vnde Chryſoſt. in Gen. *Quid dicis homo? Cum videris cælum, admi-* Ch. hom. 4.
raris eius formoſitatem, aſtrorum varietatem, claritatis eminentiam: ne ibi
ſubiſtiſas ſed ad opificē ipſum extendēte mentē. Obſtupeſcere te facit ſolis lux, & ad-
miraris eius multiplicē uſum & quia vides radios illuſtrātes tuos oculos, admi-
raris elemētū pulcritudinē ſed neq; hic ſubiſtiſas. Quia ſi facturā admirabi-
lis eſt, & ſupra omnium opinionem & intellectum quantus eſt, qui ipſum ſolo
verbo

Acp. 3.

verbo & precepto produxit? Imò considera vel minimam aliquam, vilissimamq; creaturam, ut culicem, & habebis, unde mireris eius opificem. Creatorem enim, inquit Hieronymus in epistola quadam, non in cælo tantum miramur, & terra, sole & oceano, elephantis, camelis, equis, bubus, pardis, ursis, leonibus, sed & in minutis quoq; animalibus, formica, culice, muscis, vermiculis, & istiusmodi genere, quorum magis scimus corpora, quam nomina. eandemq; in cunctis veneramur solertiam.

B. hom. 5. de fide.

ALTE^{rum} VM medium est, Consideratio crebra inuisibilium creaturarum, atque adeo ipsius Dei. Tu, inquit S. Basilius, si aliquid de Deo dicere aut audire cupis, mitte corpus unicum sensibus corporeis, relinque terram, mare, & aerem sub tuis ponito pedibus. Supra aethera mentis oculos attolle. Deinde & supra cælum ascende, & animo ibi pulcherrima contemplator, cælestes exercitus, angelorum choros, præsulatus archangelorum, gloriam dominationum, sedes thronorum, virtutes, principatus potestates, singula percurrendo creata mentem amore diuino incensus altius illis attolle, ac omnium conditricem naturam diuinam intuere stabilem, immobilem, nihil in se alienum retinentem, simplicem, impassibilem, indiuisibilem, incompositam, lucem habitantem inaccessam, potentiam ineffabilem, magnitudinem incircumscriptam, gloriam supermicantem, bonitatem desiderabilem, pulchritudinem inenarrabilem, quæ anima vehementer consternata contingi quidem, sermone autem nequaquam explicari potest. Ibi enim pater, filius & Spiritus sanctus. Pater omnium principium, omnium causa existentium, animantium radix, &c.

2. Ioan. 3. 6.
2. Ioan. 2. 4.

Clem. 3. Strom.

B. in psal. 45.

Mat. 13. 22.

A. Kb. 1. c. 10.

III. Medium est, Studium purgandi animum à peccatis, prauisq; cupiditatibus ad opes, honores, voluptates, & similia. Omnis enim qui peccat, ait S. Ioannes, non vidit Deum nec cognouit eum. Et, qui dicit se nosse Deum, & mandata eius non custodit, mendax est, & in hoc veritas non est. Clemens Alexandrinus. Mens, inquit, quæ est munda, & ab omni vitio libera, est quodammodo apta ad potestatem Dei suscipiendam, cum diuina in eo assurgat imago. Ut ij autem accipiant Dei cognitionem, qui adhuc ducuntur à vitijs, minimè potest fieri. Ergo nec ut finem assequantur, qui nullam habent Dei cognitionem. Omnino fieri non potest, ut quis simul sit & cognitione præditus, & blandiri corpori non erubescat. Basilius in verba Psalmographi. Vacate & videte quia ego sum Deus. Quatenus enim, ait, ijs rebus vacamus, quæ aliena sunt à Deo, Dei notitiam recipere nequaquam valemus. Nonne vides, quod in spinas delapsam verbum à spinis suffocatur? Spina namque carnis voluptates, & diuitiæ, & cure sunt huius seculi. Extra hæc omnia constitutum esse opus sit eum qui cognitionem Dei desiderat, debetq; ab omnibus perturbationibus, atq; affectibus vitiosis vacare, sic demum Dei scientiam apprehendere. Quomodo animam tot adeo, quæ ipsam præoccuparint distractionibus cogitationum oppressam Dei cognitio, cogitatioq; penetrabit? Et Augustinus de doctrina Christiana.

Christiana Cum illa veritate perfruendum sit, quæ incommutabiliter vinit, & in ea Trinitas Deus auctor & conditor vniuersitatis rebus quas condidit consulat, purgandus est animus, ut perspicere lucem illam valeat, & inherere perfecte. Quam purgationem quasi ambulationem quandam, & quasi navigationem ad patriam esse arbitremur: non enim ad eum qui ubique præsens est, locis mouemur, sed bono studio, bonisque moribus.

IV. Medium est ORATIO, vel diuini auxilii imploratio. Neque enim. Naz. orat. 2.
 Tunc Greg. Theologus oratione in Pascha, aliter terreni corporis, mens, vinculis astricta crassities Deum concipere potest, nisi diuinitus adiuuetur. Aug. ci.
 Hoc medium Augustinus, atque etiam orandi formulam pro cognitione Dei obtinenda præscripsit libro primo Soliloquiorum.

Oratio S. Augustini.

Pro cognitione Dei impetranda.

DEVS vniuersitatis conditor, à quo manant vsque ad nos omnia bona, à quo coercentur vsque à nobis omnia mala. Deus supra quæ nihil, extra quem nihil, sine quo nihil est. Deus sub quo totum est, in quo totum est, cum quo totum est. Qui fecisti hominem ad imaginem & similitudinem tuam, quod qui seipsum nouit, agnoscit. Exaudi, exaudi, exaudi me Deus meus, Domine meus, rex meus, pater meus, causa mea, spes mea, res mea, honor meus, domus mea, patria mea, salus mea, lux mea, vita mea. Exaudi, exaudi, exaudi me more illo tuo paucis notissimo. Iam te solum amore solum sequor, te solum quaero, tibi soli seruire paratus sum, quia tu solus iuste dominaris, tui iuris esse cupio. Iube quæso atque impera, quicquid vis, sed sana & aperi aures meas, quibus voces tuas audiam. sana & aperi oculos meos, quibus nutus tuos videam. Expelle à me insaniam, ut recognoscam te. Dic mihi, qua attendam, ut aspiciam te & omnia me spero, quæ iusseris esse facturum. Recipe oro fugituum Domine, clementissime Pater. Iam iam satis pœnas dederim, satis inimicis tuis, quos sub pedibus habes, seruiet, satis fuerim fallaciarum ludibrium. Accipe me ab istis fugientem famulum tuum, quia & isti me, quando à te fugiebam, acceperunt alienum. Ad te mihi redeundum esse sentio. Pareat mihi pulsanti ianua tua. Quomodo ad te perueniatur doce me. Nihil aliud habeo, quam voluntatem. Nihil aliud scio, nisi fluxa & caduca spernenda esse, certa & æterna requirenda. Hoc facio Pater, quia hoc solum noui, sed vnde ad te perueniatur ignoro. Tu mihi suggerere, tu ostendere, tu viaticum præbe. Si fide te inueniant, qui ad te re-

fugiunt, fidem da. Si virtute virtutem, si scientia, scientiam. Auge in me fidem, auge in me spem, auge charitatē. O admiranda & singularis bonitas tua. Ad te ambio, & quib. rebus ad te ambiatur, à te rursus peto, Tu enim si deseris, peritur hic. Sed non deseris, quia tu es summum bonum, quod nemo recte quæsiuit, & minime inuenit. Omnis autem recte quæsiuit, quem tu recte quærere fecisti. Tandem oro excellent. clementiā tuam, vt me penitus ad me conuertas, nihilq; mihi repugnare facias tendenti ad te, iubeasq; me, dū hoc ipsum corpus ago atque porto, purum, magnanimum, iustum, prudentemque esse, perfectumque amatorem, perceptoremque sapientiæ tuæ, & dignum habitatione atque habitatorem beatissimi regni tui. A-

M E N.

Ag. de Trin. c. 2
I. sol. 104. b.

Is. 43. 6.

Ecclesi. 24. 29.

Ea. 7. 9

I. Ioan. 1. 3.
A. c. 8.

V. MEDIVM, est industria nostra in Deo quærendo, auxilio diuino coniuncta. Deus quippe ipse, inquit alibi Augustinus, *quem quærimus adiuvabit, vt spero, ne sit infructuosus labor noster, vt intelligamus, quemadmodum dictum sit in psalmo sacro. Latetur cor quærentium Dominum. Querite Dominum, & confirmamini, quærite faciem eius semper. Videtur enim, quod semper quæritur, nunquā inueniri: & quomodo iā latabitur, & non potius contristabitur cor quærentium, si non potuerint inuenire quod quæritur? Non enim ait. Latetur cor inuenientium, sed quærentium Dominū, & tamen Dominum Deum inueniri posse, dum quæritur, testatur Isaias propheta, dum dicit. Querite Dominum, & mox vt inueneritis, inuocate eum. Et cum appropinquauerit vobis derelinquat impius vias suas, & vir iniquus cogitationes suas. Si ergo quæritur inueniri potest, cur dictum est. Querite faciem eius semper? An & inuentus forte quærendus est? Sic enim sunt incomprehensibilia requirenda, ne se existimet nihil inuenisse, qui quam sit incomprehensibile quod quærebat, potuerit inuenire. Cur ergo sic quærit, si incomprehensibile comprehendit esse quod quærit, nisi quia cessandum non est, quamdiu in ipsa rerum comprehensibilium inquisitione proficitur, & melior meliorque sit quærens tam magnum bonum, quod & inueniendum quæritur, & quærendum inuenitur? Secundum hoc accipi potest, quod dictum est in libro Ecclesiastico dicere sapientiam. Qui me manducant, adhuc esurient & qui bibunt me adhuc sitient. manducant enim & bibunt, quia inueniunt, & quia esuriunt ac sitiunt, adhuc quærunt. Fides quærit, intellectus inuenit propter quod ait propheta. Nisi credideritis, non intelligetis. Eodem pertinet quod S. Ambrosius præscribit exemplo Abraham & Moyse in omni re sequendum esse Deum, eiusque iussis & consiliis parendum, si in Dei notitia & familiaritate magnos progressus facere velimus, In hoc scimus, inquit S. Ioannes, quoniam cognouimus eum si mandata eius obseruamus. Ambrosii verba sunt lib. 2. de Abraham patriarcha. Exijt Abraham, quemadmodum locutus est ei Dominus.*

Hinc

COGNITIO DEI

156

Hinc ferunt gentiles septem sapientum sententiam, sequere Deum, quasi inuen-
tum suum: cum longè antè non dico Abraham, sed Moyses fuerit, per quem
lex data est dicens. Post Dominum tuum ambulabis. Exiit ergo Abraham,
in quo non tam profectio eius, quàm anima eius deuotio, & mentis libertas: exi-
it de corporis vinculis, de illecebris delectationis. Denique sic habes. Exiit
Abraham, quemadmodum locutus est illi Deus. Supra habes. exi, dixisse De-
um, in quo apertum imperium iubentis expressum; hic habes quemadmodum
locutus est illi Deus. Quasi quidam confabulationis affectus comprehenditur:
omnia enim fecit, quæ statuta sunt. Antefactum igitur Deus dicit, quasi ob-
noxio, post factum loquitur quasi amico. Amicus est enim Deo, qui facit quæ
imperata sunt. Vnde & in Euangelio suo dicit Dominus Iesus. Vos amici mei
estis, si feceritis, quæ ego præcipio vobis. Gen. 22. 42. Ioan. 15. 14.

VIDE V. Cogitatio diuinæ præsentia. Cognitio sui. Contempla-
tio. Familiaritas cum Deo. Fides in Deum. Religio. Sapien-
tia. Veritas.

CONFESSIO PECCA- TORVM.

CAPVT I.

De nomine & definitione Confessionis.

CONFESSIO nomen, teste B. Hieronymo & Augustino, in di-
uinis litteris, maximè autem in psalmis geminam habet signifi-
cationem. Confessio, inquit Augustinus, vel laudis Dei est, vel peccato-
rum nostrorum. Et illa quidem confessio qua peccata nostra Deo confitemur,
omnibus nota est; ita ut hanc solam dici confessionem in Scripturis sanctis
minus erudita existimet multitudo. Nam ubi hoc verbum lectoris ore so-
nuerit continuo strepitus pius pectora rudentium consequitur. Sed debet
advertere, quomodo dictum sit in alio psalmo. Quoniam ingrediar in lo-
cum tabernaculi admirabilis vsque ad domum DEI in voce exultationis &
confessionis soni festiuitatem celebrantis. Hinc enim certe manifestum est,
vocem confessionis & sonum non ad mærorem pœnitentia, sed ad letiti-
am festiuitatis celeberrima pertinere. Deinde sic loquitur CHRISTVS. Hic. in c. 27. Matth. A. in psal. 117. Psal. 41. 3. Matth. 23.
Confiteor tibi pater Domine cæli & terra, qui abscondisti hæc à sapienti-
bus & prudentibus, & reuelasti ea paruulis. Ita pater, quoniam sic
placi-

CONFESSIO

121

Luc. 10. 21.

Id. in ps. 105.

Iren l. 1. c. 9.
Cyp. de lapsis.
1. l. de pœnit.

Chr. hom. 20.

Gr. c. 15.

placitum fuit coram te. Quis enim non eum intelligat in laude patris hæc dicere. Quis non videat istam confessionem non ad dolorem cordis, sed ad gaudium pertinere? cum etiam præcesserit Euangelista dicens. In ipsa hora exultavit in Spiritu sancto & dixit. Confiteor tibi pater. Convenienter autem eidem nomenclaturæ, & hæc significatio subiecta est auctore eodem Augustino. Nunquid enim, ait in verba psalmi 94. Præueniamus faciem eius in confessione, & hoc non pertinet ad laudem Dei, quando confiteris peccata tua? imò verò maxime pertinet ad laudem DEI. Quare maxime pertinet ad laudem DEI, quando confiteris peccata tua? quia tanto amplius laudatur medicus, quanto plus desperabatur egrotus. Confitere itaque peccata tua, quo magis desperabas de te propter iniquitates tuas. Tanto enim maior laus est ignoscentis, quanto maior exaggeratio est peccata confitentis. Et alibi. Cum sua quisque confitetur peccata, cum Dei laude confiteri debet, nec aliter pia est confessio peccatorum, nisi non desperans, & poscens misericordiam Dei.

Græci Patres confessionem peccatorum appellant ἐξομολόγησιν, quam vocem è latinis usurpant quoque nonnulli, ut Irenæus, Tertullianus, Cyprianus & Pacianus, quanquam Tertullianus eam quoque ad cæteras pœnitentiæ partes extendat. Hæc eius sunt verba. Is actus (secundæ pœnitentiæ) qui magis græco vocabulo exprimitur & frequentatur, exomologesis est, qua delictum Domino nostrum confitemur, non quidem ut ignoret, sed quatenus satisfactio confessione disponitur, confessione pœnitentia nascitur, pœnitentia Deus mitigatur. Itaque exomologesis prosternendi & humilificandi hominis disciplina est conversationem iniungens misericordia illicem. De ipso quoque habitu atque victu mandat, sacco & cineri incubare, corpus sordibus obscurare, animum mœroribus deicere, &c. Hæc de nomine.

Quod ad definitionem attinet ea nobis peccatorum Confessio definienda est, quæ tum Deo & Sanctis, tum hominibus sacerdotibus fit ab Ecclesia ad hanc functionem admissis, diciturque Sacramentalis, quia pars est Sacramenti Pœnitentiæ. S. Chrysostomus in Genesina ita definit. Confessio peccatorum, abolitio est delictorum. S. AUGUSTINUS aliter. Confessio est, per quam morbus latens spe veniæ aperitur. S. GREGORIUS in octavo moralium. Confessio est, qua pronuntiando occultum vulnus deiegitur. Clarius Catechismus ex decreto Conc. Tridentini editus. Confessio est peccatorum accusatio, quæ ad sacramenti genus pertinet, et suscepta ut veniam virtute clauium impetremus. Recte autem, inquit, accusatio dicitur, quod peccata non ita commemoranda sunt, quasi scelera nostra ostentemus, ut ii faciunt qui latentur cum male fecerint, aut omnino enarranda, ut si rem aliquam gestam otiosis audi-

auditoribus delectandi causa exponamus, verum accusatorio animo ita enumeranda sunt, ut ea etiam in nobis vindicare cupiamus. Veniæ autem impetrandæ causa confitemur, quoniam hoc iudicium longe dissimile est à forensi. *In humanis enim iudicijs*, inquit loco citato Chrysostomus. *si quis hoc faceret, & ante accusationem facinora confiteretur, quamuis apud humanum iudicem is sententiam capitalem omnino in suam caput ascereret, at misericordis & animarum nostrarum medicum tanta est, tamq. ineffabilis bonitas & clementia, ut omnem etiam rationem transcendat, nam si aduersarium nostrum diabolum prauenterimus, nostri ipsorum facti accusatores in tantam misericordiam prouocabimus Dominum, ut non solum nobis donet liberari à peccatis, sed & in iustorum catalogo numerari.*

Chryl. hom. 10.

CAPVT II.

Quid diuine littere tradant generatim de confessione peccatorum.

SPIRITVS sanctus in diuinis litteris primo ad confessionem peccatorum, velut ad rem salutarem hortatur, à quo impulsus Dauid in psalmis dicebat. *Preoccupemus faciem eius in confessione.* Et Salomon alios hortabatur *Reuela Domino opera tua, & dirigentur cogitationes tue.* Et Ecclesiasticus *Non confundaris confiteri peccata tua & ne subicias te omni homini pro peccato. Et de negligentia tua purga te cum paucis.* Tradit exempla eorum qui confessi sunt illa, ut Achan post commissum furtum. In libro enim Iosue hæc sunt verba *Et ait Iosue ad Achan. Fili mi, da gloriam Domino Deo Israel & confitere, atque indica mihi quid feceris, ne abscondas.* Responditq. Achan Iosue et dixit ei *Verè ego peccaui Domino Deo Israel, & sic & sic feci.* Alterum est Dauidis, qui, ut est in historia regum, confessus peccatum suum, quod in mentem illi reuocarat propheta Nathan, condonationem illius mox obtinuit. Idem in psalmis loquitur. *Delictum meum cognitum tibi feci, & iusticiam meam non abscondi. Dixi confitebor aduersum me iniusticiam meam Domino, & tu remisisti impietatem peccati mei.* iterum. *Quoniam iniquitatem meam ego cognosco, & peccatum meum contra me est semper.* Tertium sit prophetae anielis, qui suo, alio- rumque nomine ita loquitur. *Peccauimus, iniquitatem fecimus, impiè egimus, & recessimus & declinauimus à mādatis tuis ac iudicijs. Non obediuimus seruis tuis prophetis, qui locuti sunt in nomine tuo regibus nostris.* Spiritus sanctus tradit utilem & salutarem esse actionem lapsus suos patefaciendi. Nam Salomon docet iustorum proprium esse accusare seipsos, dum ait. *Iustus prior est accusator sui.* Qui verò non se accusant, esse infelices.

Psal. 94. 2.
Prou. 16. 7.Eccli. 4. 15.
Id. 7. 34.

Ios. 7. 19.

2 Reg. 12. 13.

Psal. 31. 5.

Psal. 50. 5.
Dan. 9. 5.

Prou. 18. 7.

C O N F E S S I O

¶ 4.

Prou. 28. 29.
Eccl. 17. 7.

Mar. ad Viral.

Matt. 18. 22.
Id. in plagam
grand.

Amb. ep. 28. lib. 5
Mich. 7.

Id. cap. 6.

Idem serm. 4.

Prou. 1. 17.

Cyr. lib. 3.

Isa. 43. 26.

Psal. 31. 5.

Chrys. orat. 2.

Dan. 9. 5.

Id. in psal. 106.

lices. Qui inquit, abscondit scelera sua, non dirigitur: qui autem confessus fuerit, & reliquerit ea, misericordiam consequetur. Et Syracides. Ante mortem confitere A mortuo quasi nihil perit confessio. Confiteberis viuens, viuus & sanus confiteberis, & laudabis Deum, & gloriaberis in miserationibus illius.

S. Patres consentiunt scripturis. Greg. Nazianzenus Hac, inquit, Christi mei lex est, qui cōtemptis superbis hominibus, benignè, clementerq, cum humilibus omnibus agere solet. Peccati quippe vel solà confessio hominibus sape salutis fuit, acerbissimisque lachrimis graues noxas abluuit, animamq, vitio tetram obscuramq, purgauit. Septuagies septies Deum peccatoribus noxam remittere oracula ipsius testantur, ac Spiritus sanctus docuit. Et iterum. Ne expectemus, dum alij nos coarguant, ipsi met in nos inquiramus. Magni vitij medicina est confessio, & peccati fuga. Ambrosius epistola ad Horontianum. Quod Micheas ait. Transferens iniquitates Deus, ad misericordiam pertinet, eo quod confitentibus nobis lapsus nostros, & obumbrantibus eos bonæ operationis fructu reserantur in auctorem culpæ & peccati incentorem. Et libro 2. de Pœnitentia. Si vis iustificari fatere delictum tuum. Soluit enim criminum nexus verecunda confessio peccatorum. Et in psalmum 118. Qui sua delicta non tacuit, videtur in se doluisse quod fecit, in diabolo prodidisse quod suavit: ideoq, ait scriptura. Iustus in exordio sermonis accusator est sui. Qui se accusat, etsi peccator est iustus esse incipit, quia nec sibi parcat, & Deo iustitias confitetur. quem putat latere nihil posse. Cyrillus in Leuiticum. Si quid in occulto gerimus, si quid in sermone solo, veletiam intra cogitationum secreta commisimus, cuncta necesse est publicari, cuncta proferri. Proferri autem à nobis, aut ab illo, qui & accusator peccati est & incentor. Ipse enim nunc ut peccemus instigat, ipse etiam cum peccauerimus accusat. Si ergo prauentiamus eum in hac vita, & ipsi nostri accusatores simus, nequitiam Diaboli inimici nostri praueniamus, & accusatores efficiamur. Sic enim & alibi Propheta dicit. Dic tu iniquitates tuas prior, ut iustificeris: nonne euidenter mysterium, de quo tractamus, ostendit, cum dicit. Dic tu prior? ut ostendat tibi, qui prauentire illum debeas, quia paratus est ad accusandum, &c. Sed & David eodem spiritu loquitur in psalmo, & dicit. Iniquitatem meam notam feci, & peccatum meum non cooperui: dixi. Pronunciabo aduersum me iniustitiam meam, & tu remisisti iniquitatem cordis mei. Vides ergo quia pronuntiare peccatum remissionem peccati meretur. Pacianus in parænesi ad pœnitentiam. Gehennam recordemini, quam vobis ex omelogeis extinguit. Chrysostomus, in Iudæos. Vna solag, purgatio peccatoribus reliqua est post peccata videlicet ut sua commissa confiteantur. Tu vero mihi considera & iusti (Danielis) virtutem, & Iudeorum improbitatem. Nam ille quidem nullus filii mali conscius seipsum multa cum austeritate damnat dicens. Peccauimus, inique fecimus, iniustitiam perpetravimus. Hi verò malis innumertis pleni contra fecerunt, dicentes. Seruauimus præcepta tua. Et in psalmos.

Rape.

Rape tu quisquis es peccator remedia, qui peccando diuina contempsisti precepta. Confessio afferat salutem, cui contemptus attulerat mortem. Vnde remediis, qui moriturus fueras aliquando peccatis. Hortamenta diuina prouide ac libenter admitte: peccatorum indulgentiam confessione instanti mereare.

Quid horres fateri, quod libenter ac propere commissisti? S. Hieronymus ^{Hier. epist. 6} epistola ad Rusticum, agens de remissione peccati à Dauide vno verbo Peccaui, impetrata: *Tantum, inquit, profecit, ut dudum peccator & penitens transferretur in magistrum, & dicat: Docebo iniquos vias tuas, & impij ad te conuertentur. Confessio enim & pulchritudo coram eo, ut qui sua confessus fuerit peccata, & dixerit. Putruerunt & corrupta sunt cicatrices meae. Seditatem vulnerum in sanitatis decorem commutat. Qui enim abscondit iniquitatem suam non prosperabitur.*

Gregorius Magnus libro 22. Moralium exponens verba illa Iob. ^{Greg. cap. 19. Iob. 11. 12} Si abscondi quasi homo peccatum meum. *Hec sunt, ait, vera humilitatis testimonia, & iniquitatem suam quemque cognoscere, & cognitam voce confessionis aperire. At contra vsitatum humani generis vitium est, & latendo peccatum committere, & commissum negando abscondere, & conuictum defendendo multiplicare. Et infra. Beatus itaq; Iob quanta fuerit humilitas ostendit, qui se & inter aduersarios nouerat viuere, & tamen non verebatur culpas voce confessionis aperire. Vnde certissime apparet quanta munditia in omnipotentis Dei oculis fuerit, qui & vitauit mala ne committeret, & tamen quae exim committere contigit, hominibus non abscondit: quatenus ei & iustitiae sit gloria declinasse peccatum, & iustitiae custodia, quod non potuit declinare, prodidisse. Videatur vir iste cuiuslibet magnus in virtutibus suis, mihi certe sublimis apparet etiam in peccatis suis. Mirentur in eo, qui volunt castitatis continentiam, mirentur integritatem iustitiae, mirentur viscera pietatis: ego in eo non minus admiror confessionem humillimam peccatorum, quam tot sublimia gesta virtutum.*

CAPVT III.

Quid tradant eadem sacra litterae de Confessione peccatorum sacramentali, quae fit Sacerdotibus.

PRIMUM tradunt sacrae litterae in N. Testamento, Apostolis eorumq; successoribus Episcopis & Sacerdotibus à Christo Domino primū promissam, deinde etiam datam potestatem & auctoritatē remittendi atq; retinendi peccata; quomodo autē vel remittentur, vel retinebuntur, nisi per confessionem patefacta? Ac promissa quidem est primo Apostolorū Principi Petro his verbis. *Tibi dabo claves regni caelorum Et quodcūq;* ^{Matth. 16. 19.}

- Matth. 18. 18. ligaueris super terram erit ligatum & in cælis: & quodcunque solueris super terram erit solutum & in cælis. Deinde omnibus Apostolis. Amen, inquit, dico vobis, quaecumque alligaueritis super terram erunt ligata & in cælo, & quaecumque solueritis super terram, erunt soluta & in cælo. Postea verò, & data illis verbis post insufflationem. Accipite Spiritum sanctum: quorum remiseritis peccata remittuntur eis, & quorum retinueritis retenta sunt. Ita intellexerunt hæc verba S. patres S. Hilarius in Matthæum ita loquitur. Ad terrorem metus maximi quo in præsens omnes continerentur immobile seueritatis Apostolica iudicium premisit, ut quos in terris ligauerint, id est peccatorum nodis innexos reliquerint, & quos soluerint, confessione videlicet veniam receperint in salutem, hi Apostolica condicione sententiæ in cælis quoque, aut soluti sint, aut ligati. S. Chrysost. de sacerdotio. Etenim qui terram incolunt atque in ea versantur iis commissum est, ut ea quæ in cælis sunt dispenserent, iis datum est, ut potestatem habeant, quam Deus neque Angelis, neque Archangelis datum esse voluit: neque enim ad illos dictum est. Quaecumque alligaueritis in terra. Et rursus. Pater omnisariam filio potestatem dedit, ceterum video ipsam eandem omnisariam potestatem à filio illis traditam. S. Ambrosius quoque libro primo de poenitentia probat ex citatis testimoniis contra Nouatianos à Christo solis sacerdotibus eandem potestatem remittendi peccata datam, quam ipse habet. Hieronymus ad Heliodorum. Absit, inquit, ut de his quicquam sinistrum loquar, qui Apostolico gradui succedentes, Christi corpus sacro ore conficiunt, per quos & nos Christiani sumus, qui clauis regni cælorum habentes quodammodo ante diem iudicii iudicant. S. August. de vera & falsa poenitentia. Qui confiteri vult peccata, ut inueniat gratiam, querat sacerdotem scientem ligare & soluere, ne cum negligens in case extiterit negligatur ab illo, qui eum misericorditer monet.
- Aug. hom. 49. Ex iisdem Scripturæ testimonius hic expositis euincitur necessarium non solum Deo, sed etiam Sacerdoti per confessionem patefacienda peccata lethalia post baptismum commissa, si velimus ea in cælis nobis remitti. ac primo quidem id efficitur ex metaphora clauium. Si enim sacerdotibus solis commissa sunt clauis, quibus in peccatum lapsis regnum cælorum aperiatur vel recludatur, nemini sane citra absolutionis beneficium ab iis præstitum aditus patere ad illud poterit, at quomodo præstabitur nisi prius per confessionem iis peccata eorumque grauitas pateat? Vnde S. Augustinus in homiliis 50. Nemo, ait, sibi dicat. occultè ago. apud Deum ago. ergo, sine causa dictum est. Quæ solueritis in terra, soluta erunt in cælo? ergo sine causa sunt clauis data Ecclesie Dei. frustramus Euangelium, frustramus verba Christi. Vnde & epistola ad Honoratum, putat aliquos fideles in crimen lapsos eo nomine tantum perire in æternum, quod ante moriantur, quam à Sacerdote absolui

Aug. hom. 49.

Aug. epist. 180.

solui potuerint. Deinde id euinci potest ex metaphora ligandi, & soluendi, remittendi & retinendi. Si enim Deus ipse potestatem illam summam quorumcunq; hominū lapsorum noxas vel expiandi vel non expiandi firatio postulet, ita contulit, ut quicquid illi fecerint id ratum sit quoque in cœlis, nempe apud Deum, nulla certe causa est cui noxarum suarum veniam ita homo exposculet à Deo, ut negligat sacerdotem loco Dei in hac functione constitutum. *Qui enim vos spernit*, inquit Christus apud Lucam, *me spernit*. Quare & S. Patres liquido hanc necessitatem confessi sunt, ut S. Ambrosius libro priore de Penitentia. *Sed aiunt*, nempe Nouatiani, inquit, *se Domino deferre reuerentiam cui solum remittendorum criminum potestatem reseruent*. Imò nulli maiorem iniuriam faciunt, quàm qui eius volunt mandata rescindere, commissum munus refundere. Nam cum ipse in Euangelio suo dixerit Dominus Iesus. *Accipite Spiritum sanctum; Quorum remisistis peccata, remittuntur eis, & quorum detinueritis detenta erunt*. Quis est ergo qui magis honorat, utrum qui mandatis obtemperat, an qui resistit? S. Basilii in regulis breuioribus. *Necessario iis peccata aperiri debent, quibus credita est dispensatio mysteriorum Dei*. Hieronymus in Ecclesiasten. *Si quem serpens diaboli occulit momorderit, si tacuerit qui percussus est, nec vulnus suū fratri & magistro voluerit confiteri, magister qui habet linguam ad curandum, facile ei prodesse non poterit. Si enim erubescat egrotus vulnus medico confiteri, quod ignoret, medicina non curat*.

Luc. 10. 16.

A. c. 2.

Ioan. 20. 22.

B. reg. 128.

H. in c. 10.

SECUNDO eadem Sacrae litteræ diserte mentionem faciunt Confessionis homini faciendæ & factæ. Nam S. Iacob. in epist. sua his verbis ad eam nos cohortatur. *Confitemini alterutrum peccata vestra*. Voce enim ALTE & VTRUM, vel inuicem, id intelligendum est quod exigit consequentia verborum, hoc est, ut homo homini confiteatur, & illi homini à quo absolui possit, nempe Sacerdoti. Simili phrasi usus est S. Petrus in priore epistola dicens. *Hospitales inuicem sine murmuratione. unusquisq; sicut accepit gratiam in alterutrum illam administrantes sicut qui loquitur, quasi sermones Dei, &c.* quibus non significat omnes promiscue debere hospitio recipi, doceri, vel curari, sed pauperes à diuitibus hospitio recipiendos, rudes à doctis docendos, & agros curandos à Medicis. Atq; ita intellexerunt illa verba veteres Patres ut Origenes in Leuiticum. Chrysostomus de Sacerdotio. Augustinus in homiliis 50. Bernardus in libris Meditat. Beda in c. S. Iacobi, & alii. Deinde S. Ioannes in epistola prima non obscure videtur loqui de confessione Deo & homini facta cum ait. *Si confiteamur peccata nostra fidelis est & iustus, ut remittat nobis peccata nostra & emundet nos ab omni iniquitate*. Vnde enim Deus hoc loco fidelis dicitur & iustus, dum no-

Iac. 5. 16.

1. Pet. 4. 9.

Or. hom. 2.

Ch. lib. 3.

A. h. 12.

B. c. 9.

1. Ioan. 1. 9.

CONFESSIO.

118

Gen. 20. 12.

Act. 19. 18.

Leu. 14. 2.

Matth. 23. 4.

1. 2. 3.

Num. 5. 6.

Gal. lib. 20. c. 3.

Matth. 23. 4.

Marc. 1. 2.

Anast. q. 6.

stra peccata remittit, nisi quia promissioni à se factæ satisfacit? at promissio clarissima exstat facta sacerdotibus apud eundem Ioannem, quibus dictum. *Quorum remiseritis peccata remittuntur eis*: non autem, exstat similis de confitentibus ea soli Deo. Exemplum denique confessionis eiusmodi à fidelibus aliquando factæ exstat in historia Apostolica Lucæ. *Multi, inquit, credentium veniebant confitentes, & annunciantes actus suos: multi autem in eis, qui erant curiosi sectati contulerunt libros & combusserunt coram omnibus.* Per actus autem intelligi peccata vel offensas liquet ex Syriaca editione: Paulo verò fuisse confessos patet ex contextu, qui & satisfactionem illam, post impertitam absolutionem iniunxerit, superstitiosos libros exurendi, quod nunc quoque more receptum de Magicis & hæreticis libris apud Catholicos videmus.

TERTIO deniq; sacræ litteræ in utroq; testamento figuris quibusdam præsignificarunt hanc confessionem peccatorum sacerdotibus faciendam. Prima figura est de leprosis qui in Levitico cogebantur se sistere sacerdotibus, quæ de causa & Christus apud Matthæum leproso à se curato mandavit ut ostenderet se sacerdoti. Vnde S. Hieronymus in commentario Matthæi collegit sacerdotum esse cognoscere peccatorum varietates. Chrysostomus verò libro 3. de sacerdotio nouæ legis sacerdotes esse excellentiores, illis veteris legis, eo quod lepram peccati non tantum ostendant, sed verè etiam curent. *Nostis, inquit, sacerdotibus non corporis lepram, verum animæ sordes, non dico purgatas probare, sed purgare prorsus concessum est.* II. Figura est de aliis lapsis, quos Deus præcepit in v. lege & confiteri peccata in specie, & satisfactionis loco adiungere oblationem sacrificii. Nam in Numeris sic legimus. *Vir siue mulier cum fecerint ex omnibus peccatis, quæ solent hominibus accidere, & per negligentiam transgressi fuerint mandatum Domini atque deliquerint confitebuntur peccatum suum.* Et PETRVS Galatinus multis testimoniis Rabinorum probat oportuisse in confessione detegere peccata in specie, & cum suis circumstantiis apud Iudæos. III. Figura est, eorum qui S. Ioannem Baptistam adierunt, ut habet Matthæus & Marcus *confitentes peccata sua*. Conueniebat enim ut sicut baptismus Ioannis erat figura baptismi Christi, ita confessio quæ Ioanni fiebat figura esset Confessionis ministris Christi futura. Ex hac figura Anastasius Nicænus in quæstionibus suis in Scripturam probat non omnibus, sed certis quibusdam ad hoc delectis, ut sacerdotibus, confitenda esse peccata. *Quomodo, inquit, morbi corporis non aperiuntur omnibus hominibus, neque quibuslibet sed ijs qui eorum curandorum sunt periti, ita etiam peccatorum confessio debet fieri apud eos qui possunt*

possunt curare, sicut scriptum est. Vos qui potestis, portate, hoc est, tollite per curationem. Necesse est ergo confiteri peccata ijs, quibus credita fuit dispositio. Scriptum est enim in Euangelio quidem, quod qui baptizabantur baptismo Ioannis confitebantur peccata sua. In Actibus autem Apostolorum, Act. 19. 18. quod qui ab eis baptizabantur confitebantur actus suos.

IV. Figura est Lazari apud S. Ioannem à mortuis excitati. De qua Ioan. 11. 14. S. Irenæus ita scribit. Hoc symbolum eius hominis, qui inligatus fuerat in peccatis, & propter hoc ait Dominus. Soluite illum & dimitte eum abire. AMBROSIVS libro 2. de Pœnitentia. IESVS compatitur dilecta sua, & A c. 7. dicit defuncto Lazaro. Veni foras. hoc est, quid iaces in tenebris conscientia, & delictorum tuorum sordibus, quodam reorum carcere? Exi foras, delictum proprium prode ut iustificeris. Ore confessio fit ad Salutem. Si confessus fuerit à Christo vocatus, claustra rumpentur, & omnia soluentur vincula.

Augustinus de verbis Domini. Ipsum Lazarum attende. cum vinculis prodit iam vivebat confitendo, sed nondum liber ambulabat vinculis irretitus. Quid ergo facit Ecclesia, cui dictum est. Quæ solueritis soluta erunt: nisi quod ait Dominus continuo ad discipulos Soluite illum & sinite abire? Hac ergo figura declaratur peccato lethali mortuum, ut reuiuiscat, debere confiteri sacerdoti potestatem soluendi habenti.

CAPVT IV.

De conditionibus in Confessione peragenda necessarius.

PRIMA conditio est, ut sit Humilis, hoc est, in animo se verè peccatorem agnoscat & fateatur. Vnde sapiens. Iustus prior est accusator sui. Et S. Gregorius 22. moralium libro. Hæc sunt vera humilitatis testimonia, & iniquitatem suam quemque cognoscere, & cognitam voce confessionis aperire. Et paulo post subiicit iudicium ex quo diiudicare quis possit suam confessionem esse verè humilem. Qua, inquit, in re indicia vera confessionis sunt, si cum quisque se peccatorem dicit, id de se dicenti etiam alteri non contradicit. Nam quia scriptum est. Iustus in principio accusat se sui: non magis peccator, sed iustus videri appetit cum peccatorem se quisque nullo arguento confiteatur, sed confessionis veritatem probat, cum alter malum, quod fecimus,

incre-

Prou 18. 17.
Gr. c. 13. & 14.

A. serm. 8.
Greg. hom. 16.
in Euang.

Ioan. 11. 45.

B. serm. 16.

1. Reg. 15. 24.

T. lib. de penit.

Ioan. 13. 5.

Luc. 15. 25.

In Aug. ep. 58.

Luc. 18. 13.

Iac. 4. 6.

B. serm. 16. Can.

inrepat. S. Bernardus quoque scribens in Cantica, similem censuram huic conditioni appositum contra eos, qui humiliter confitentur, ut humiles habeantur. *Verus*, inquit, *humilis vilis vult reputari, non humilis predicari. Gaudet contemptu sui, hoc solo sanè superbus quod laudes contemnat. Quid peruersius, quidue indignius, quam ut humilitatis custos confessio superbia militet, & inde velis videri melior, unde videris deterior? Mirabile iactantia genus, ut non possis putari sanctus, si non appareas sceleratus. At talis confessio speciem habens humilitatis non virtutem non solum veniam non meretur, sed & pronocat iram. Nunquid profuit Saul quod se ad increpationem Samuelis peccasse confessus est? Culpabilis proculdubio fuit illa confessio, qua culpam non diluit. Quomodo enim humilem contemneret confessionem humilitatis magister, & cui humilibus dare gratiam certè ingentum est. Omnino non poterat non placari si qua in ore sonuit, in corde radiaisset humilitas. HUMILITATI verò animi iungi quoque debet corporis humilitas, ut nempe confitens se ad pedes sacerdotis humiliter abiciat, aperto capite & poplitibus flexis. Vnde Tertullianus. *Ex hominibus prosternendi & humiliandi hominis disciplina est, presbyteris adult, & aris Dei adgeniculari ut temporali afflictione aeterna supplicia expungat. Cum igitur prostravit hominem magis releuat, cum accusat excusat, cum condemnat, absoluit. In quantum non pepercit tibi, intantum tibi Deus credit, parcat.* Cyprianus de Ablutione pedum, scribit typum huius submissionis externae in confessione usurpanda fuisse lapsum Christi ad pedes Apostolorum abluendos, & Mariae Magdalenae ad pedes Christi. Gregor. verò Nazianzenus ad Vitalianum, filii prodigi ad pedes sui parentis. De publicano qui ex humilitate non audebat oculos in celum tollere ita S. Paulinus ad Augustinum. *Denique & in ipsa Evangelii parabola qua Pharisei & Publicani persona confertur, euidenter ostendit ipse Dominus quid in homine suscipiat quid repellat sicut scriptum est. Quia Deus superbis resistit humilibus autem dat gratiam.**

II. **CONDITIO** est ut sit simplex, quam tractat B. Bernardus loco citato. Oportet, inquit, & esse simplicem: non intentionem forte quia laici homines, excusare delectet si sit rea, nec levigare culpam, qua gravis est, nec alieno adumbrare suum cum inuitum nemo coegerit. Primum illud non confessio est, sed defensio nec placat sed pronocat. Sequens monstrat ingratitudinem ex quo minor reputatur culpa, eo mixuitur & gloria indultoris. Sed enim minus libenter beneficium datur, quod minus gratè, minusue necessarè prociresentitur. Veniam proinde sibi abdicat, qui munus largitoris attenuat, quod quidem omnis qui reatum suum verbis alleiare conatur facit. Iam ad extremum primi hominis debetetur exemplum, nec culpam siquidem diffidentius, nec tamen consequentis veniam, non dubiam quin obreatus mulieris admissio-

nem. Genus excusationis est, cum argueris tu, alium incusare. Verba malitia excusationes in peccatis appellat David, ne in ea declinet cor suum rogans & supplicans: merito quidem. In animam etenim suam peccat, qui se excusat, repellens proinde à se indulgentia medicinam, & sic vitam sibi proprio ore intercludens. Haud secus philosophatur S. CHRYSOST. in psalmum 140. scribens. Hæc, inquit, est via præcipua interitus, quando vel ipsa, qua peccauit anima excussio timore excogitat excusationes & pretextus quosdam ad ignauiam, vel etiam, quando cum quis adulterauit, volens alius eius compunctionem excutere, dicit. Nunquid tu causa es? causa est cupiditas. Malum est quidem peccare: hoc autem facit grauius, negare postquam peccaueris. Hæc sunt arma diaboli potissima. Hoc etiam in primis nostris parentibus vsuuenit. Cum enim oporteret Adam peccata confiteri, ille in Eua confert culpam, & illa rursus in diabolum. Cum oporteret dicere, Peccauimus, illi non solum non confitentur, sed etiam defensionem comparant. Cum enim sciret diabolus peccati confessionem esse peccati solutionem, persuadet animæ, ut sit egregie impudens. Et infra. Vide David nullam excusationem afferentem, quando peccauit, sed dicentem. Peccavi Domino. At Saul non ita, sed cum de ventriloqua, seu pythouissa reprehenderetur, dicebat. Coarctor, & alienigenæ pugnant contra me. Ideo autem graue dedit supplicium.

Sic S. August. agens cōtra eos qui in stellas vel Satanam peccata sua derināt. Dicit homini, inquit. serpens ille per Mathematicos ne cōfiteatur homo peccatū. Stella sic posita sunt, necesse est ut faciat homo peccatum. Sic blasphemias cōuertit in Deum: creator n stellarū Deus est: & dum nō vult homo se accusare in eo quod fecit, Deū accusat, à quo factus est homo. Item multi sic confessionem peccati fugiunt, ut ipsum Satanam accusent, se autem nihil mali fecisse dicant, quasi reuera traxerit eos diabolus, aut violentiam fecerit. Suadere enim & sollicitare potest, cogere omnino non potest. Est enim à dextris quodammodo præcipiens Deus, à sinistris seducens satanas, homo in medio constitutus. Cor quod inclinatur ad diabolum, quare non potius erigitur ad Deum?

III. C O N D I T I O est, ut sit integra, qua omnia & singula peccata lethalia pandantur; ut enim æger sanari non potest, qui non omnia & singula lethalia vulnera corpori inflicta patefecerit chirurgus, sic nec peccator, qui non omnia lethalia vulnera animæ inflicta aperuerit sacerdoti. Vnde Origenes in Leuiticum. Etenim omni genere peccata pronuntianda sunt, & in publicum proferenda cuncta quæ egerimus si quid in occulto gessimus si quid in sermone solo, vel etiam intra cogitationum secreta commisimus, cuncta necesse est publicari, cuncta proferri. proferri autem ab illo, qui & accusator peccati est & inceptor.

Et CHRYSOSTOMVS in Mathezum. Tu ipse in hac vita tibi iustus

Chr. 42.
1. Cor. 11. 31.

sis iu-

1. Cor. 11. 31. *sis iudex, referas tibi ipsi rationes viuendi. Audit paulū dicentē, Quoniam si nosmet ipsos iudicauerimus, non utiq; iudicabimur. Et quoniam modo, in quies, mihi ipsi rationes viuendi referam. Largos lacrymarum effande fluuios, humili-
mus sis, peccata tua per singulas species recale. Non paruus est hic cruciatus
anime. Quare iustitiam Deus huic pœnitentiæ proposuit dicens. Dic tu prius
peccata ut iustificeris, non est profecto, non est insufficiens ad emendandum via,
sic cum omnia secundum speciem in unum peccata collegeris, assidue omnino de-
inde ipsa verses. Nam qui hoc faciet, hic adeo compungetur, ut neq; hac vita se-
ipsum dignum existimet. Quod si examen conscientie de lingulis pec-
catis ante confessionem faciendum est: quanto magis ipsa confessio.
Unde alibi etiam occulta crimina vult esse confitenda, ut in Joan-
nem. In peccatis, inquit, quæ commissimus confitendis neminem vereamur:
Deum duntaxat, ut decet, formidemus, qui & nunc opera nostra videt, & tunc
quos in presentia non pœnitet, damnabit. Et infra. Commisisti aliquod sce-
lus aut animo agisti, homines calas non Deum, & nihil curas, oculos hominū
formidus. S. Hieronymus in Mattheum. Quomodo in veteri lege sacer-
dos leprosum mundum vel immundum facit sic & hic alligat vel soluit Episco-
pus & presbyter, non eos qui insontes sunt, vel noxij, sed pro officio suo cum pec-
catorum audierit varietates, scit qui ligandus sit quique soluendus. Certè si
ex officio debet audire varietates, certe omnia peccata manifestanda
sunt, ut iudicare queat, an soluendus uel ligandus sit pœnitens. S.
Augustinus in psalmos. Tu agnosce medici manum, confitere, exeat in con-
fessione, & defluat omnis sanies, iam exulta, iam latere, quod reliquum est fa-
cile sanabitur. S. Bernardus in Cantica. Omne quod remordet conscientia
am confitère humiliter, purè, fideliter.*
- IV. C O N D I T I O est, ut instituat cum dolore & mœrore ani-
mi, exemplo Publicani, qui ob dolorem animi percutiebat pectus su-
um. Unde Tertullianus de Pœnitentia. Exomologesis, inquit, mandat
animum mœoribus deicere, illa quæ peccauit tristi tractatione mutare, inge-
miscere, lachrymari, & mugire dies noctesq; ad Dominum Deum tuum. S. Cy-
prius. Confiteantur singuli queso vos fratres dilectissimi delictum suum
dum adhuc qui deliquit in seculo est, dum admitti confessio eius potest. Conuer-
tamur ad Dominum mente tota, & pœnitentiam criminis ueris doloribus ex-
primentes Dei misericordiam deprecemur. S. Ambrosius ad Simplicianum m.
Iudas ad remedium peruenire non potuit, cum diceret. Peccaui, quod tradide-
rim sanguinem iustum. Indignus enim remedio fuit, quia non intimo mentis
conuersus ingemuit, nec sedulo gessit pœnitentiam. Tanta enim pietatis est Do-
minus Iesus, ut & ipsi donaret ueniam, si Christi expectasset misericordiam.
S. Gregorius octauo moralium. Sciendum est, quia sepe & reprobi peccata
confitentur.

confitentur, sed deslere contemnunt. Electi autem culpas suas, quas nocibus confessionis aperiunt districta animaduersionis fletibus insequuntur.

V. **CONDITIO** est, ut sit fidelis, idq; trifariam. 1. ut sit aliena ab omni mendacio, & certa ut certa, & dubia ut dubia enunciet. Unde Ecclesiasticus. *Pro animatua ne confundaris dicere uerum.* 2. ut sit aliena ab omni dolo. Unde S. Ambrosius loco cit. *Hanc culpam, nempe si confessio fiat sine dolore, sacerdotes non auferunt, neq; peccatum eius qui in dolo se offert, & adhuc in studio delinquendi est: non est enim acceptum nisi quod fuerit in diuitijs sinceritatis & veritatis probatum.* 3. ut non diffidat de indulgentia. Unde S. Bernardus in Cant. *Sit fidelis confessio, ut confitearis in spe, de indulgentia penitus non diffidens, ne tuo te ore non tam iustifices, quam condemnes. Iudas certe proditor Domini, & Cain fratricida confessi sunt & diffisi sunt. Alter, peccauit, inquit, tradens sanguinem iustum. Alter, maior est iniquitas mea, quam ut veniam merear, & verax licet, nil profuit eis infidelis confessio.*

VI. Est, ut sit verecunda. *Proprium enim est hominum ait Basil. prudentium ob ea quae peccando admisserint praesumpta quapiam cogitatione aut surreptione inimici non se efferre sed pudore aspergi potius & erubescere, & veluti stimulis conscientiam pertundere, scq; gerere submissius.* Et Ambrosius epistola allegata. *Pigra & verecunda est poenitentia, quia premitur & reuocatur praesentium pudore. Solis enim intendit futuris, quorum spes tota, tardior fructus, & ideo petitio ipsa tardior.* Et libro altero de Cain & Abel. *Erubescere debemus & condemnare peccatum, non defendere: quoniam pudore culpa minuitur, defensione cumulat. Et silendo corrigimur, contentione prolabimur. Sit saltem verecundia, ubi non est absolutio. Inde ab ipso Domino dictum legimus. Dic iniquitates tuas, ut iustificeris. Quanta pudoris gratia, ut iustitiam teneat verecundia, quam culpa reatus abstulerit.* August. de vera & falsa poenitentia. *Qui per vos peccastis, ait, per vos erubescatis. Erubescencia enim in sa partem habet remissionis: ex misericordia enim hoc praecepit Dominus, ut neminem poeniteret in occulto. In hoc enim quod per se ipsum dicit sacerdoti & erubescencia vincit, timore offensi fit venia criminis.*

Verum, quia teste Sapiente, duplex est, verecundia, vel confusio. *Est enim confusio, inquit, adducens peccatum, & est confusio adducens gloriam & gratiam, necesse est hoc loco aliquid annotare de priore verecundia uel confusione adducente peccatum, hoc est, ob quam quidam a confessione peccatorum suorum deterrentur, quam cum Sapiente omnes S. Patres detestantur.*

Verecundiam uel pudorem confitendi peccata esse noxium.

Sapiens in Ecclesiastico diserte ait. *Non confundaris confiteri peccata tua.*

Eccli. 4. 24.
A. cp. 4.

B. serm. 16.

Matt. 27. 4.

Gen. 4. 13.

B. in psal. 37.

A. cp. 4.

Id. c. 7.

Isa. 43. 26.

A. c. 10.

Eccli. 4. 24.

Vide Panar. V.
pudor noxiuz.

Eccli. 4. 24.

Ter. de poeni.

B. orat.

Pacian.

Ambro. cap. 4.

Hier. in cap. 10.

Aug. lib. 2. cap. 5.

Aug. ser. 66.

Ber. in senten.

tua. Tertullian. Plerosque hoc opus, ut publicationem sui, aut suffugere, aut de die in diem differre praesumo, pudoris magis memores quam salutis: velut illi, qui in partibus verecundioribus corporis contracta vexatione conscientiam medentium vitant, & ita cum erubescencia sua pereunt. Intolerandum scilicet pudori Domino offenso satisfacere, saluti producta reformari. Nati verecundia bonum ad delinquendum expandens frontem, ad deprecandum verò subducens. Ego rubori locum non facio, cum plus de detrimento eius acquiram. Nazianzenus in S. baptisma. Ne peccatum confiteri graueris, sciens quo pacto Ioannes baptizauerit, ut per huius vitae pudorem futuri saeculi pudorem, ignominiamque fugias: nam hoc quoque sempiterni illius supplicij pars est, ac perspicuum facias te serio atque ex animo peccatum odisse, dum illud tanquam contumelia dignum traducis ac velut ludibrio exponis de eoque triumphum agis. Pacianus de parænesi ad poenitentiam. Meminimus quosdam, verecunda etiam membrorum non erubescerent in ferro & cauterio & grauissima illa pulueris mordacitate durasse, & quantum est illud, quod homines praestiterunt? peccator timebit? peccator erubescet perpetuam vitam praesenti pudore mercari? & offerenti manus Domino vulnera male tecta subducet? & habet aliquid, quod in illo erubescat, qui Dominum laesit? Ambrosius in apologia David. Peccauit David quod solent Reges, sed poenitentiam gessit, flevit, ingemuit, quod non solent reges. Confessus est culpam, obsecrauit indulgentiam. Quod erubescunt facere priuati, rex non erubuit confiteri. Hieronymus in Ecclesiasten. Si erubescat aegrotus vulnus medico confiteri, quod ignorat medicina non curat. Augustinus de visitatione infirmorum. Heu cur erubescis confiteri, quod facere nequaquam erubescisti? Melius est coram uno aliquatulum ruboris tolerare, quam in die iudicii coram tot millibus hominum graui repulsa denotatum tabescere. Et in sermonibus de Tempore. Qui peccata sua occultat & erubescit salubriter confiteri Deum quem iudicem habebit, habebit & ultorem. Quomodo potest medicus sanare vulnus, quod aegrotus ostendere erubescit? S. Bernard. Dicatur illi, quem pudor afficit. Cur te pudet peccatum tuum dicere, quem non pudet facere? aut sur erubescis Deo confiteri, cuius oculis non potes abscondi? Quod si forte pudor est tibi uni homini & peccatori peccatum tuum exponere, quid facturus es in die iudicii, ubi omnibus exposita tua conscientia patebit? Hac itaque tria proponenda sunt contra pudorem, si consideratio rationis, reuerentia inuenientis Dei, comparatio maioris confusionis. S. Ioannes Climacus gradu 4. exemplo insigni cuiusdam latronis conuersi declarat, quemadmodum confusione temporali confessionis hic factae tollatur aeterna. Cum enim ille diuinitus motus postulasset admitti in monasterium, Pater vel pastor eiusdem primo ab eo exegit, ut lapsus suos confiteretur sibi priuatim. Fecit libenter. Deinde ut & publice coram fratribus omnibus numero triginta supra ducentos tempore sacri

sacri Missæ. Assensit, & cuncta quæ gesserat singulatim & per species licet valde horrida, ut veneficia & homicidia, & alia quæ scriptura tradere fas non est, patrefecit. Quo factò tonsus & in monachorum numerum aggregatus est. Ego verò cum Patrem rogassem cur tam peregrinam iudicij formam exhibuisset, ille respondit, duarum rerum gratia. Primum quidem, ut confitentem per presentem temporalemq; confusionem, æterna confusione liberarem, quod & factum est. Neque enim ex paupimento surrexit, ô Ioannes, quin peccatorum omnium remissione potitus est. Nam vnus ex fratribus, mihi procerum quendam ac terribilem se vidisse asseueravit conscriptam chartam & calamum tenentem, & cum frater ille humi prostratus peccatum confitens pronunciarer, hoc ille calamo debebat. Secundo, quia habeo nonnullos qui peccata quidem secundum confessionem, quos ad confessionem hoc exemplo prouoco, quæ junc nullus remissione potietur. Hæc ille cuius exempli occasione plura huc eiusdem generis, quæ pro confessione sacramentali eiusque conditionibus faciant, subiiciemus.

CAPVT V.

De exemplis eorum, qui aut ob neglectam aut perperam institutam confessionem in salutis discrimen venerunt.

BE D A libro quinto historiæ Ecclesiasticæ Anglicanæ. Fuit, inquit Bed. cap. 14 temporibus Coenredi Regis vir in laico habitu atque officio militari positus, sed quantum pro industria exteriori regi placens, tantum pro interna suimet negligentia displicens. Admonebat ergo illum sedulo vt confiteretur & emendaret scelera sua priusquam subito mortis interuentu tempus omne pœnitendi perderet. Verum ille spernebat verba salutis, seseque tempore sequenti pœnitentiam iacturum esse promittebat. Inter hæc tactus infirmitate decidit in lectum, atque acri cepit dolore torqueri. Ad quem ingressus Rex (diligebat enim eum) multum hortabatur, vt vel tunc antequam moreretur pœnitentiam ageret commissorum. At ille respōdebat se confiteri velle, cum ab omni infirmitate resurgeret, ne forte exprobrarent sibi sodales, quod timore mortis faceret ea, quæ sospes facere noluerat. Cumque morbo ingrauescente denuo ad eum visitandum rex intraret, clamauit statim miserabili voce. Quid vis modo? quid huc venisti? Non enim mihi aliquid vtilitatis potes vltra conferre. At ille Noli, inquit, ita loqui, vide vt sanum sapias. Non, inquit, infanio, sed pessimam mihi conscientiam certus præ oculis habeo. Et quid, inquit,

hoc est? Paulo ante intrauerunt domum hanc duo pulcherrimi iuue-
nes, & resederunt circa me, vnus ad caput, & vnus ad pedes; protulit-
que vnus libellum perpulchrum, sed valde modicum, ac mihi legē-
dum dedit, in quo omnia quę vnquam bona feceram scripta reperi, &
hęc erant nimium pauca, receperunt codicem, neq; aliquid mihi di-
cebant. Tunc subito superuenit exercitus malignorū & horredorum
vultu spirituum, domumq; hanc exterius obsedit, & intus ex maxima
parte residens impleuit. Tunc ille, qui & obscuritate tenebrose faciei
& primatu sedis maior esse videbatur eorum, proferens codicem hor-
rendę visionis & magnitudinis enormis, & ponderis pene importa-
bilis iussit vni ex satellitibus suis mihi ad legendum deferri. Quem cū
legissem, inueni omnia scelera, non solum quę opere vel verbo, sed et-
iam quę tenuissima cogitatione peccaui manifestissimē in eo tetris
esse descripta literis. Dicebatq; ad illos, qui mihi assederant viros al-
batos, & præclaros. Quid hic sedetis scientes certissimē, quia noster
est iste? Responderunt. Verum dicis, accipite & in cumulum damna-
tionis vestrę ducite. Quo dicto statim disparuerunt. Surgentesq; duo
nequissimi spiritus, habentes in manib. fercas percusserunt me, vnus
in capite, & alius in pede Qui modo cū magno tormento irrepūt mea
viscera in interiora corporis mei, moxq; vt ad inuicem perueniēt, mo-
riar, & paratis ad rapiendum me dæmonibus in inferni claustra per-
trahar. Sic loquebatur miser desperans, & non multo post defunctus
pœnitentiam quam ad breue tempus cū fructu veniæ facere superle-
dit in æternū sine fructu pœnis subditus facit. Hanc historiam à vene-
rabili antistite Pechtelmo didici. Simile exemplum habet S. ANTO-
NINVS 2. parte summę Theol tit. 9. c. 13. §. 5.

Paul. 2. ep. 25.

B. PETRVS Damiani Cardinalis in epist. ad Desiderium Abbatem.
HVG O, inquit, Abbas Cluniacensis, cū ad suum monasterium perduxisset,
frater quidā senex in infirmorum domo, ingrauescente totius corporis tumore,
languebat. Hic porro cū Abbatis comperisset adesse præsentiam, letus effectus,
diuinā cepit implorare clementiam. Domine, inquit, quem nullum latet occul-
tū, quaeso si quid reatus in me est, quod non sim hucusq; confessus, tu mihi miseri-
corditer in memoriam reuoca, quatenus Abbati meo dum præsens est purē confi-
ar, atq; ab eo, qui ius hoc in me præ ceteris habet, iudicatus absoluar. Hoc dicto hu-
iusmodi vox auribus eius insonuit. Certe est, certe aliquid in te est, quod confes-
sus adhuc non es. Cumq; ille vocem salam audiret, sed à quo procederet non vi-
deret orando subiunxit. Exprime Domine manifestē quid hoc sit, vt confessus
corrigam, quod errauit. Porro vox eadem peccatū quoddam, sicut querebat, si-
gnanter expressit: quod ille à se commissum ilico recognouit, & Abbati festinanter
assito facta cōfessione purgavit, paucisq; post diebus in sancta pace defunctus est.

Petrus

Petrus Cluniacensis Abbas, dictus Venerabilis lib. 2. de Miraculis ita scribit de monacho Cluniacensi Rodulienſis cœnobij ex febris decumbente, quem inuisse- Petr. c. 38.
rat Monui egrum pro officio, ut quamdiu compos fui erat, conscientiam
scrutaretur, peccata confiteretur. Acqueuit monitis libens, & semotis aliis me
tantum cor a eo residente confiteri deuotè aggressus est. Eundem Christiano more
absolui, & die sequenti ad ipsum rediturus recessi. Facto mane, ut proposueram
redii, & ille totus mente ad me conuersus. Peccavi, ait, Domine, & valde pecca-
ui, quod hesternæ confessione de industria quedam subtraxi. ea de causa ad iudici-
um hac nocte vocatus, mira & tremenda videre coactus sum. Astabat quodam
in loco multitudo hominum tetri coloris horrendæ formæ, quorum deformitas
vix visus humanus tolerare poterat. Allata sunt ab eis lances gemine, in quarum
una animam meam, in alia opera mea cernebatur. Accusabant me vnde quæ, & quædod-
vera, quandoque falsa plurima more suo proferebant. Estuabam constitutus in archæ,
nec tot, ut videbatur, millibus hominum innumera obuiis, præ timore respon-
dere poteram. Occurrit tandem formosus vir in medio astans, quid, inquit, quaeri-
tis? Non est iste plane, non est iste de vestris. Eripuit enim quam hesternæ die Abbati suo
fecit confessio. Non sic est, non sic est, inquit demones. Tacuit pro certo quadam,
quorum sibi ipse conscius est. Cum igitur ille defensor meus veritatem negare non pos-
set, nec tamē me deserere vellet, consumpsi in immensa formidine totam hanc noctem.
Quatrāsacta ad me redii: nunc quia video hac visione multam mihi à Deo imp-
sam misericordiam, ut fateri me velit, quod tacere decreueram, detegam Deo cū-
cta ex integro, tibi quæ. Pater. Expleta ergo ab eo veraci & deuota confessione ab-
solui pro officio fratrem, sacroque oleo inunctum, & sacro Christi corpore refectum
fratrum precibus commendavi, qui & paucis interiectis diebus in Domino ob-
dormiuit. Plura habes lib. 1. c. 3. 4. 5. & 6. Auctor vitæ S. Bernard. eiusdem A. c. 9. l. 1.
equalis, li. 1. tale exemplum narrat. Cū Bernardus, aliquantos iam in Clara- Suriq.
ualle expleffet annos, contigit virum nobilem, & ipsius quoque secundum
carnem propinquum, Iosbertum de Firmitate, quæ est oppidum proximum mo-
naſterio grauitè infirmari, qui subito preoccupatus amisit intellectum,
pariter & loquelam, vnde & filius eius Iosbertus iunior, & omnes simul amici
eò magis affligebantur dolore, quæ sine confessione & viatico vir magnifi-
cus & magnificè honoratus obiret. Cucurrit nuncius ad Abbatem: neque
in tunc in monasterio erat. Venit & inuenit eundem triduo sic iacentem.
Cōpassus autem homini, sed & motus lacrymis filii eius, simul & lugentium
ceterorum, cōfessus est de misericordia Dei & sermonem magnificum pro-
tulit dicens eis. Notum vobis est quæ in pluribus homo iste grauauit Eccle-
ſias, oppressit pauperes, offēdit Deum, si mihi creditis, ut Ecclesiis resti-
tuatur ablata, & usurpatæ in grauamē pauperum cōsuetudines dimittantur,
loquetur adhuc, & suorum confessionem faciet delictorum, diuina quoque
suscipiet sacramenta deuotus. Miratur omnes, lætatur filius, familia omnis
exultat.

exultat: quicquid præcipit homo Dei, firmiter ei promittitur & impletur. Ceterum frater eius Gerhardus & Galdricus auunculus, non parum territi & turbati secretius eum super tali promissione conueniunt. durius arguunt, acrius inuehūtur: quibus breuiter, simpliciterque respondens. Facile, inquit, facere potest Deus, quod difficile credere vos potestis. Itaque post secretam orationem ad oblationem sacrificii immortalis accedit: quo offerente nuncius superuenit, qui indicaret præfatum Iosbertum liberè iam loquentem rogare obnixius, ut vir Dei festinaret ad eam. Cui etiam post oblatum sacrificium venienti cum lacrymis & gemitu peccata confessus diuina sacramenta suscepit. Hæc ille, ex quo miraculo & confessionis necessitatem & vim diuini sacrificii simul intelligimus.

S. Bonauentura in vita S. Francisci post caput 15. de miraculis. In castro, inquit, montes Marani prope Beneuentum mulier quædam S. Francisco peculiari deuotione cohærens viam vniuersæ carnis intrauit. Conuenientibus autem clericis nocte ad exequias & vigilias cum psalteriis decantandas subito cunctis cernentibus erexit se mulier super lectum suum & vnum de astantibus sacerdotem, patrinum videlicet suum aduocauit dicēs. Volo cōfiteri Pater. Ego. n. mortua. duro eram carceri mancipanda, quoniam peccatum, quod tibi pandam necdum confessa fueram. Sed orante, inquit, pro me sancto Francisco cui dum viuerem deuota mente seruiui, redire nunc ad corpus indultum est mihi, ut illo reuelato peccato sempiternā promerear vitam. Et ecce vobis videntibus, postquam illud detexero ad promissam requiem properabo. Trementer ergo sacerdoti trementi confessa post absolutionem receptam, quiete se in lecto collegit, & in Domino feliciter obdormiuit. Ibidem habes aliud de fonte ad preces S. Francisci exorto. Similia reperies in Thoma Cantipratensi eiusdem æui scriptore in libro 2. de Apibus cap. 19. & Casario 7. dialog. cap. 59. & Antonio Bonfinio libro 3. rerum Hungaricarum decade 3. qui huius sæculi scriptor refert anno Domini 1415. post pugnam à nostris contra Turcas & Valachos in Hungaria commissam, in campo vbi magnus restabat caforum corporum cumulus forte à viatoribus auditas voces IESU & MARIE, cumq; propius se admonissent cumulo caput loquax ita locutum. Quid hic astatis stupentes? Christianus sum, & Dei matri addictus: sine cōfessione facta occubui ante biēnium. MARIA Dei mater cui in vita deuotus extitit, linguam hætenus mihi seruauit quo confiteri possem; Quare rogo vocate sacerdotem. Vocarunt, confessus est, & absolutione percepta ilico conticuit. Plura pro confessione sacra-

CONSCIENTIA BONA.

129

sacramentali exempla habes in epistolis Indicis & Iaponicis. quæ brevitas causa prætermitto.

*VIDE. V. Pœnitentia. Satisfactio. Et in PANARIO. V.
Peccatum. & Recidiva Peccatorum.*

CONSCIENTIA BONA.

C A P V T I.

Quid sit conscientia.

Conscientiæ nomine Theologi in Scholis ferè intelligunt iudici-
um vel dictamen rationis practicum, quo perspicuè homo discer-
nit, quid rectè vel perperam in qua; re fiat, quidue amplectendum
sit vel fugiendum. Quod iudicium Deus omnibus hominibus ita
cum natura humana indidit, ut quamdiu ratio in illis viget, nec in
hac vita, nec in altera eo destituantur. Vnde S. HIERONYMUS li-
bro 18. commentar. in Isaiam exponens verba illa. *Vermis eorum non
moriatur, & ignis eorum non extinguetur. Vermis, inquit, ille & ignis à ple-
risq; conscientia accipitur peccatorum, quæ torqueat in supplicijs constitutos.*
Et B. AMBROSIIUS libro 7. in Lucam. *Vermis est, eo quod irrationa-
bilia anima peccata mentem rei sensumq; compungant, & quadam exedant
viscera conscientia: quæ tanquam vermes ex unoquoq; nascuntur, tanquam
ex corpore peccatoris.* DEINDE idem DEUS hoc iudicium in illis
non simplex & vulgare, sed integrum, perfectum, & incorruptum esse
voluit, ut nullus excusationi relinqueretur locus, uti præclare docet
JOAN. CHRYSOST. in epistolam posteriorem D. Pauli ad Timo-
theū. *Quamlibet, inquit, quis ad ipsa vitiorum profunda corruerit, ani-
mi iudicium nunquam corrumpitur, atq; inviolabile perstat: nullusq; est, qui
dum malum operatur, bonum id esse putet, sed occasiones fingit, & omnia facit:
ceterum ille, etsi verbis crimen fortassis diluat, conscientiam tamen ipse suam
effugere nequaquam poterit. Nam hic quidem & oratio arguta & callida, &
inconstantia Principum, & assentatorum greges ius forte obnubere queant: in-
tra conscientiam verò nihil horum admitti potest. Non adulescentes adsunt,
non pecunia, quæ iudicia corrumpunt. insitum quippe est nobis à Deo naturale
iudicium. Id verò, cum à Deo collatum sit, nihil eiusmodi patitur, sed ipsi quoq;
somnia inquieti & terre rerum imagines, & iugiter animum cadens mali me-
moriam quietem intercipit nostram. Hinc verò liquidò apparet homi-
nem ad imaginem & similitudinem Dei vere conditum esse. Certè*

Isa 66. 24.

A.C. 14.

Chr. hom. 5.

R

B. THEO-

Theop. lib. 1.

B. Theophilus Antiochenus contra Christianæ religionis calumniatores scribens affirmat Philosophos quosdam conscientiam in numero Deorum habuisse.

CAPUT II.

Quibus de causis perfectum & integrum iudicium à conscientia perficiatur.

C. Hom. 54.

Ant. Meliss. lib. 2. serm. 82.

QVOD autem perfectum & integrum iudicium à Conscientia instituatur, cognosci potest ex collatione facta cum perfectis huiusmundi iudicijs. Nam in Rebus publicis bene institutis hoc perfectiora sunt iudicia, quo plures idoneæ personæ ad iustitiam administrandam necessariae in ea inveniuntur, ut Jureconsulti & Doctores, Morum censores, Scribæ & notarii, accusatores, testes, aduocati & defensores, Iudices, tortores, & carnifices. Quarum omnium vicem supplet una conscientia in quouis homine tanquam in *μικροκόσμῳ* vel parua quadam ciuitate. Primo enim Doctor, magister, censor, pædagogus noster est Conscientia iuxta illud S. Joan. Chrylost. in Genes. *Nullus pratexat, quod ignorans virtutem negligat, vel quod non habeat aliquem via ducem & demonstratorem. Sufficiens enim magistrum habemus conscientiam. Et fieri non potest, ut quis illo adiumento priuetur. Nam simul cum formatione hominis implantata est scientia faciendorum & non faciendorum.* Et illud Epicteti Philosophi dictum apud Melissam *Pædagoi pueros nos tradiderunt parentes, qui ubiq; obseruarent, non quid laderemur: Deus autem iam viros in ista conscientia custodiendos tradidit. Quæ quidem custodia & consecratio nequaquam contemnenda est: quoniam & Deo displiceret, & conscientia ipsi nostra hostes essemus.*

Psal. 4. 7.

Rom. 2. 15.

Chry. hom. 2:

II. Est Scriba, immò & Codex, in quo omnia bene perperamue acta scribuntur in die iudicij patefacienda. Unde Psaltes regius. *Signatum est super nos lumen vultus tui Domine.* Quod enim est illud lumen nisi conscientia, quo discernimus bona à malis? Et Apostolus ad Romanos. *Gentes ostendunt opus legis scriptum in cordibus suis. Habeto codicem,* inquit Chrylostomus in psalm. 50. *conscientiã tuam, & scribe quotidiana peccata, quando accubueris super stratum, & neminem in festum pateris.*

1. Ioa. 3. 27.

Gal. 5. 17.

Ephr. 10. 2.

III. Accusatoris quoq; personam sustinet. Si cor nostrum, ait B. Joannes in priori epistola, *non reprehenderit nos, habemus fiduciam apud Deum.* Et Paulus ad Galatas *Caro concupiscit aduersus spiritum, & spiritus aduersus carnem: hæc enim sibi inuicem aduersantur.* S. Ephræm in serm. parænetico. *Attende tibi ipsi. Si concupiscentia vincat te in aliquare, semper co-*

percearguet conscientia. Augustinus contra secundinum Manichæum. *Senti de Augustino quod libet, solame conscientia in oculis Dei non accuset.*

Aug. c. 1.

IV. Fungitur & vice aduocati, & testis, vt dilerte Apostolus tradit in epistola ad Romanos, cum ait in die iudicii gentes testimonio cōscientiæ, uel defendendos uel condemnandos, quod legem diuinam cordibus eorum inscriptam non seruauerint. *testimonium*, inquitens red-dente conscientia ipsorum & inter se inuicem cogitationum accusantium aut etiam defendentium in die cum iudicabit Deus occulta hominum. Vnde S. Ambrosius in psalmum 118. scribit *suum cuiq; conscientia testimonium etiam verendum in tenebris.* Et in apologia Dauid. *Sapiens omnia aduersa habet, qui ipse sibi displicet ipse sui accusator, ipse sui testis est, nec inuenit, quo fugiat, quippe se perurget & stimulat.* Sed hoc bona mentis est, vulnus sentire peccati. Et Seneca ad Lucilium. *Quid opus est se recondere Bona conscientia turbam aduocat, mala etiam in solitudine anxia est. O te miserum, si contemnis hunc testem.* Adde in huius mundi iudicijs, duos uel plures testes esse necessarios ad iustam criminis probationem, at hic testis tantæ aucto-ritatis est, vt solum eius testimonium sit pro mille, iuxta vulgatum prouerbum *Conscientiamille testes.*

Rom. 2. 15.

Amb. serm. 7.
Et apol. c. 9.

S. ep. 43.

Quintil. lib. 4.
in sit. orat.
Greg. post
princ.

V. Apud allam summum iudicium est, summum tribunal. Greg. Nazianzenus in plagam grandinis. *Conscientia domesticum*, inquit. & ve-rum tribunal est. Et Ambrosius primo de Officijs. *Non secundum foren-sem abundantiam aestimanda est beatitudo singulorum, sed secundum interio-rem conscientiam, qua innocentium & flagitiosorum merita discernit, vera atq; incorrupta pœnarum premiorumq; arbitra.* Et in sermone de Joanne baptista. *Quam uel malum factum si in uerba producat, excusationem for-tasse recipit, nisi conscientia reuocetur, non potest excusari. Conscientia enim reatum suum semper tacita sine contradictione conuincit & indicat.* S. Greg. libro 27. moral. *Humana*, inquit, iudicia potest subterfugere malè agens sed non iudicium conscientia. In eandem sententiam Seneca libro 6. de be-neficijs. *Male agit, qui fama, non conscientia gratus est. Duos istius rei iudices habes, te, quem non potes fallere: & illum quem potes.*

Amb. c. 12.

Id. serm. 69.

c. 17.

Sen. c. 42.

Deniq; conscientia post peccatum admissum est sui vindex, tor-tor & carnifex, ut sequenti capite ostendetur.

C A P V T III.

*Conscientia praua grauissimam esse crucem &
carnificinam.*

Q Vam grauitè autè post commissum lapsum Conscientia seipsam torqueat & excruciet, & docet quotidiana experientia, & diui-næ Scri-

Iob. 15. 21.

Prov. 28. 1.

Sap. 17. 10.

Cyr. c. 32.

A. l. 1. offic. c. 2.

Id. l. 2. de poenit.
c. 11.

Chryl.

na Scripturæ, Sanctiq; Patres explicarunt. Quod ad Scripturas attinet, apud B. J. O. B. Eliphaz Themanites ita de impio loquitur. *Sonitus terroris semper in auribus illius: Et cum pax sit, ille semper insidias suspicatur. Non credit, quod reverti possit de tenebris ad lucem, circumspiciens undiq; gladium. Et Salomon. Fugit impius nemine persequente: iustus autem quasi leo confidens, absq; terrore erit. Et Sapiens. Cum sit timida nequitia, dat testimonium condemnationis: semper enim presumit sua perturbata conscientia. Ex S. Patribus ita scribit CYRILLUS Alexandrinus libro ita commentar. in Joannem. Magna quadam res conscientia certe stimulus est, qui quando perperam aliquid agimus etiam nullo presente ingenti nos metu exagitat. Et AMBROSIIUS. Peccator, quamvis foris abundet, & delictis diffuat, odoribus fragret, in amaritudine anime vitam exigit. Vita facinorosi ut somnium. Aperuit oculos, transiit requies eius, evanuit delectatio: licet ipsa qua videtur etiam dum viuunt impiorum requies in inferno sit. Viuentes enim in inferna descendunt. Vides conuiuium peccatoris? interroga conscientiam eius: nonne grauius foetet omnibus sepulcris? Intueris letitiam eius, opum abundantiam, introspice ulcera & vibices anime eius, cordisq; mestitudinem. Idem alibi. Nihil est, quod tam summo dolori sit, quam si unusquisq; positus sub captiuitate peccati recorderetur, unde lapsus sit. Ita grauis culpa est conscientia, ut sine iudice ipsa se puniat, & velare se cupiat, & tamen apud Deum nuda sit.*

CHRYSTOMVS concione prima de Lazaro. Explica mihi istius (divitis impij) conscientiam, & videbis intus grauem peccatorum tumultum, ingem metum, tempestatem, turbationem: videbis velut in curia mentem ad thronum conscientia conscendisse regalem, & tanquam iudicem quempiam sedentem, & cogitationes loco carnicum adhibentem, in eculeo suspendentem, lateraq; conscientia radentem ungulis pro commissis, vehementer inclamantem, cum nemo sciat, nisi quod solus Deus hac videre nouerit. Etenim qui committit adulterium, etiam si milles fuerit diues etiam si nullum habeat accusatorem, non desinit tamen intus seipsum accusare, & voluptas quidem temporaria est, dolor vero perpetuus, timor undiq; ac tremor, suspicio & anxietas, angulos metuit, umbras ipsas formidat, suos ipsius famulos, conscios, inscios, illam ipsam quam corrumpit, & virum, quem affecit contumelia, obambulat, amarum accusatorem circumferens conscientiam, cum sit suo ipsius iudicio damnatus, nec vel ad breue tempus possit respirare. Idem patiuntur, & qui rapinam exercent, & qui fraude lucrum faciunt: hoc & ebriosi, in summa quotquot in peccatis viuunt. Eadem habet in concione 4. & addit etiam si peccator post admissum semel peccatum hanc crucem, nisi poenitentiam egerit, in conscientia sentiat, non tamen continenter sentire, quia esset plane intolerabilis. Vide autem, inquit, Dei sapientiam. Non fecit

fecit perpetuam conscientia accusationem, neque enim hoc onus perferre poteramus si iugiter accusasset, neque rursus adeò leuem & imbecillè, ut post unam aut alteram admonitionem desperet. Etenim si singulis diebus fuisset nos stimulator, an non despondentes animum enecaremur? Rursus si post unam atq; alteram increpationem desisteret, haud multum fructus nobis adferret: eoq; fecit obiurgationem frequentem, at non perpetuam: frequentem quidem, ne in socordiam incideremus, sed ut subinde relaxationis solatiūq; copia accepta respiraremus: non perpetuam verò, propterea quod est admodum seuera & quouis stimulo acrius pungere consuevit peccatorem. Non enim tunc solum, cum ipsi peccamus, verum etiam cum alii committunt eadem vehementer insurgit, magnaq; contentione nobis occlamat. Nam scortator, adulter, fur, non modo cum accusatur ipse, verum etiam cum addit alios eadem ausos accusari, ipse sibi videtur flagris cadi. S. AUGUSTINVS in psalmum 45. Inter omnes, inquit, tribulationes humana anima, nulla est maior tribulatio, quam conscientia delictorum. Namq; si sibi vulnus non sit, sanumq; sit intus hominis, quod conscientia vocatur, ubicunq; alibi passus fuerit tribulationes, illuc confugiet, & ibi inueniet Deum. Si autem ibi requies non est propter abundantiam iniquitatis, quoniam & ibi Deus non est, quid facturum est homo? Quo confugiet, cum ceperit pati tribulationes? Fugiet ab agro ad ciuitatem, à publico ad domum, à domo in cubiculum, & sequitur tribulatio. A cubiculo iam quo fugiat non habet, nisi interius ad cubile suum. Porro si sibi tumultus est, si fumus iniquitatis, si flamma sceleris, non illuc potest confugere. Pellitur enim inde, & cum inde pellitur, à seipso pellitur. Et ecce hostem suum inuenit, quo confugerat, seipsum quo fugiturus est? Quocunq; fugerit se, talem trahit post se, & quocunq; talem traxerit se, cruciat se. Sed à seipso sunt tribulationes, quæ inueniunt hominem nimis: acerbiores enim non sunt: tanto sunt acerbiores, quanto sunt interiores. Ethnici denique SENECAE sententiæ hæ sunt ad Lucilium, Bona conscientia proderet vult & conspici. Ipsi nequitia tenebras timet. Prima & maxima peccantium est pœna peccasse. Nec ullum scelus impunitum est, quoniam scelus in scelere supplicium est. Proprium est nocentium trepidare. Sequuntur Exempla.

EXEMPLA.

S. AMBROSIVS in Apologia David tria refert exempla huius crucis conscientia his verbis. Magna vis obnoxia conscientia. Magna supplicia timebant Adam & Eva: & cum Domini vocem ambulantis in paradiso audirent, cupiebant se abscondere, quos nemo querebat Cain quoq; metuebat, ne omnis eum quicumque inueniret, occideret. Ita in se ipse ferebat sententiam, quod dignus esset, cui nullus ignosceret. Unde bene ait David, Et delictum meum. Amb. c. 9. Gen. 3. 8. Gen. 4. 14. Psal. 50. 7.

contra me est semper. hoc est, sine intervallo aliquo recordatio & species ipsa mei me erroris impugnant. Considera, quomodo nos confundat, cum aliquid deliquimus, quomodo incurset oculos, quomodo in memoriam semper incurrat.

Isa. 47.
3 Reg. 21.

S. CHRYSOSTOM in psalmum 7. profert exemplum regis Achab. Quid Achab, ait, sceleratius? sed tamen cum ille vineam concupisset, considera quantum dolorem senserit. Nam cum rex esset, & omnia dominatu teneret, nec ullus esset, qui ei contradiceret. quoniam conscientia non ferebat sententiam, ingressus est tristis, humi procumbens confusus vel ipso aspectu praeseferens conscientiae condemnationem, pradicans in vultu probationem, nec valens tegere, quam animo conceperat tristitiam. Ita ergo fuit vel ab uxore deprehensus. Proditor quidem certe, qui in tantum scelus impegerat, cum non posset ferre iudicii conscientia dolorem adaptato sibi laqueo vitam finit. S. AUGUSTINUS

A conc. 2. p. 2.

psalmum 36. enarrans aliud profert sui aui exemplum. Quisquis, inquit, malus est, male secum est, torqueatur necesse est, sibi ipsi tormentum est. ipse enim est poena sua, quem torquet conscientia sua. Fugit ab inimico quopotuerit a se quo fugiet. Ita quidam ex parte Donati venerat ad nos, accusatus & excommunicatus a suis, hic querens, quod ibi perdiderat. Querebat autem vanam elationem & falsum honorem, & quia non inuenit, quod ibi perdidit, & ipse perit. Gemitabat saucius, & non consolabatur: erant enim in conscientia eius aculei horribiles taceri. Tentauimus eum consolari de verbo Dei, sed ille non erat de sapientibus formicis, quae sibi aestate collegerunt. unde hieme viuerent. &c. Agitabatur mens eius violenter, & tam diu occulte, donec erumperet in quosdam gemitus, ita ut inter fratres & sonaret se audiri nesciret. Videbamus & dolebamus vehementer, Deus scit, tantam poenam animae, tantas gehennas, tanta tormenta. Qui pluribus apparuit impatiens loci huius si appareret humilis, posset ei locus esse salubris: talis apparuit, ut etiam preciceretur. Neque hinc desperare debemus fratres de aliis. Usque adeo enim de ceteris desperandum non est, ut nec de isto desperem, quam diu vivit. De nullo enim vivente desperandum est. ADDAM bina Ethnicorum. ALEXANDER Macedo cum

Sen. ep. 81.

Clytium carissimum sibi ac fidelissimum, teste SENECA & aliis inter epulas temulentus transfodisset, intellecto facinore conscientia sceleris furens sibi mortem inferre voluit, nisi a circumstantibus prohibitus fuisset. NERO Caesar auctore Dione, matre trucidata, a-

Dio in Nep.

iebat se specie materna exagitari, verberibus furiarum, telisq; ardentibus, nulloq; loco tutum posse consistere.

* * *

CONSCIENTIA BONA.

135

CAPVT IV.

Nihil esse iucundius bona & innoxia conscientia.

QUOD bona innoxiaq; conscientia nihil sit iucundius & beatius in hac vita luculenter testatur Spiritus sanctus in diuinis literis. Salomonis enim prouerbium est. *Secura mens quasi iuge conuiuium.* Vt enim qui in conuiuiis sunt, tum varietate bonitateq; ciborum, tum presentia amicorum admodum exhilarantur: sic iusti testimonio bonae conscientiae, & diuinæ praesentiae odore, à qua tam nobile salutis pignus in anima acceperunt, vehementer delectantur. Hoc verò discrepat vtrumq; gaudium, quod illud sit terrenū & fluxum, hoc verò coeleste & perpetuum: illud incipit cum fame, & desinit cum fastidio, sepe etiam cum mœrore & morbis, hoc verò incipit cum gaudio, & cū gaudio, eoq; sempiterno, terminatur. Ecclesiastici quoq; hæc dicta sunt. *Bona est substantia, cui non est peccatum in conscientia.* Et. *Non est oblectamentum super cordis gaudium.* Et Apostoli. *Gloria nostra hæc est testimonium conscientiae nostrae, quod in simplicitate cordis & sinceritate Dei conuersati sumus in hoc mundo.* Idem testantur S. PATRES. S. Martialis, episcopus ad Tolistates. *Nihil illis metuendum, quibus bona est conscientia.* Hieron. de vita do suspecti contubernio. *Bona conscientia, inquit, nullius oculos fugit.* Ioan. Chrysost. in Matth. *Nihil aliud iucundum est, quam conscientia proba, & spes futurorum certior.* Quod si vultis infirmiter credere, iam moriturum hominem & senio confectum cum in memoria ei primum reduxerimus magnifica mensa, insignis gloria, praecipue laudis, & rerum gestarum, quas ex officio virtutis operatus est, tunc demum interrogemus, quibus maxime gaudet, & videbimus non mediocri pudore ipsum propter illa commoueri: propter hæc autem quæ recte fecit tanta letitia gestientem, ut salire & velare videatur. Sic & Ezechias cum egrotaret non mensa deliciarum plena recordabatur, non eximia gloria, non regnorum, sed iustitiae ac rectae conscientiae. Memento enim, inquit, qualiter ambulauerim in conspectu tuo in via recta. Paulum quoque vide propter hæc exultantem atq; dicentem. *Bonum certamen certavi, cursum consummaui, fidem seruavi.* Augustinus in verba regis Davidis. Ecce enim Deus adiuvat me. Omnes, inquit, sancti adiuuantur à Deo, sed intus, ubi nemo videt. Quomodo enim magna est poena impiorum conscientia, sic magnū gaudium piorum ipsa conscientia. Nam gloria nostra hæc est, dixit Apostolus, testimonium conscientiae nostrae. Hodie in corde meo gaudium inuenio, quia sine causa dicunt quidam. Quis ostendit nobis bona? Signatum est super nos lumen vultus tui Domine, d. disti iucunditatem in cor meum. Non in vineam meam, non in gregem meum, non in cuppam meam, non in mensam meam, sed in cor meum. Et ad fratres in exemp. O felix conscientia

Prou. 15. 25.

Ecclesi. 19. 36.
Ecclesi. 30. 17.
2. Cor. 1. 12.

H. ep. 47.
Chr. hom. 54.

4. Reg. 10. 3.

1. Tim. 4.

Aug. in ps. 57.

2. Cor. 1. 12.

Psal. 4. 7.

A. serm. 103.

paritas

puritas, o felix sancta conscientia incunditas, quae vermem interiore excludis, quae à carcere doloris liberat rationē, quae ab omni immunditia purgas mentem. Omnis sancta, o paradisi deliciarum, variis bonorum operum virgultis consita variisq; virtutum floribus purpurata, & suauiter caelesti gratia irrigata. Hec est, fratres mei, paradisi, in qua plantatur lignū vitae, & caelestis sapientia; haec est thalamus Dei, palatium Christi, habitaculum sancti spiritus. Hec est thronus Salomonis, lectus sponsi caelestis, in quo ipsa conscientia bona optimè delectatur & requiescit cum sponso suo. **BERNARDVS** in libris de Consideratione. Quid ditius, quid in corde dulcius, quid in terra quietius est & securius bona conscientia? damna rerum non metuit, non verborum contumelias, non corporis cruciatus, quae & ipsa morte magis erigitur, quam deprimitur. **ETHNICI** quoque Scriptores cum Patribus conspirant. Nam **M. TULLIUS** libro Tusculanarum questionum secundo. Nullum, ait, theatrum virtuti conscientia maius. Et in Catone. Conscientia bene actae vitae, multorumq; benefactorum incundissima est. Et oratione pro Cluentio. Si optimorum consiliorum atq; factorum testis in omni vita nobis conscientia fuerit, sine ullo metu summa cum honestate viuemus. Et epist. ad A. Torquatum. Conscientia rectae voluntatis maxima consolatio est rerum incommodarum. **HORATIUS** in epistolis.

Cic. lib. 6. famil.

Hor. 1. ep.

Hic marus abencus esto,
Nil conscire sibi, nulla pallescere culpa.

Et in Odis.

Integer vita, scelerisq; purus
Non eget Mauri iaculis, nec arcu,
Nec veneratis grauidā sagittis.

Fusce pharetra.

Sive per Syrtes iter aestuosas,
Sive facturus per inhospitalem.
Caucasum, vel quae loca fabulosus
Lambit Hydaspes.

CAPVT V.

De bona conscientia indicibus, & mediis eam
consequendi.

INDICIUM primum bonae conscientiae est, erubescere cum peccata nostra publicantur. Id tradit **S. AMBROSIVS** in enarratione psal.

psalmi 38. dum exponit verba illa *Concaluit cor meum intra me, & in meditatione mea exardescit ignis. Grauiora vulnera*, inquit, sicut nouimus, caustico medicamento, vel admoto igne curantur. Ergo vir sapiens ipse medicus est sibi: & si medicus est, vulnus suum curat: ideoque si non plenè consummatus est, ad offensa habitudinem sanitatis, vaporatur eius cor, habet febrem, ignescit ad obiecta conuitia. Et sitacet, vel intra se teritur. Lapis si ad lapidem teratur, ignè excutit: ita etiam bona conscientia pudore succenditur, si renouetur ei suorum recordatio delictorum & in ipsa meditatione exardescit ignis. Non malus ignis qui adurat, sed non exurat. Talis ignis quem Moyses in rubo vidit, quando rubus urebatur, sed non exurebatur. Est ergo ignis, qui peccatum minuit, & suo culpam ardore depascit. ALTERVM indicium est, non subterfugere lucem, non latitare. Bona conscientia enim, vt supra dixit SENECA *pro-*
dire vult & conspici, turbam aduocat. Est ei iisdem AMBROSII, dum com-
memorat quemadmodum Abraham patriarcha, iussus sit à Deo egredi ex Haran in terram Chanaan. *Hoc est*, inquit, *exire de Charra, tanquã de cauernis quibusdam & cuniculis latibulisq; egredi.* Latere enim criminosa conscientia est. Et nos igitur sequentes Abraham exeamus de latibulis. Si enim filii Abrahæ sumus, opera Abrahæ faciamus, vt luceant opera nostra bona coram Deo, & coram hominibus. Iustus dicit opera sua regi, peccator se ipsum occultat, sicut Adam se occultare cupiebat, sed latere non poterat. TERTIVM indicium est spes & fiducia consequendæ veniæ, si sis peccator, & vitæ æternæ, si iustus. Hanc quia Cain & Iudas post admissum peccatum homicidii & proditionis non habuerunt, bonam conscientiam perdiderunt. Vnde B. AVGVSTINVS in enarratione psalmi 31. *Ipsa charitas bene operantis, ait, dat ei spem bona conscientia: spem enim gerit bona conscientia.* Quomodo mala conscientia tota in desperatione est, sic bona conscientia tota in spe. Et erunt tria hæc, de quibus dixit Apostolus. *Fides, spes, charitas.* Et alio loco ipsa tria, sed pro spe bonam conscientiam posuit. *Finis enim præcepti est, dixit. Quid est finis præcepti? charitas de corde puro, & conscientia bona & fide non ficta.* Pro spe conscientiam posuit, ille enim sperat, qui bonam conscientiam gerit. Quem verò pungit mala conscientia, retrahit se à spe, & non sibi sperat nisi damnationem. Vt ergo speret regnum, habeat bonam conscientiam. QVARTVM indicium est, si cum recta ratione congruat, vel si semper sit bene ordinata, hoc est, vt mens semper subiecta sit diuinæ legi, atq; item inferior hominis portio subiecta sit menti. Vnde rectissimè scriptum est à B. HILARIO in libris de S. Trinitate, *inordinata est omnis voluntas nisi susceptarum pertinacia, ubi non rationi voluntas subiicitur.* Quæadmodum enim in hominum corporibus morbi ex humorū intemperie, sic perturbatio in conscientia ex huius ordinis neglectu confestim nascitur. Ordo ille in primis parentibus integer mansit, quamdiu iustitiam originalem

Exo 3. 2.

Sen ep. 97.

A. lib. 1. c. 2.

Gen. 12. 1.

Ioan. 8. 39.

Matt. 5. 15.

Gen. 3. 8.

Gen. 4. 14.

Matt. 27. 4.

1 Cor. 13. 12.

1 Tim. 1. 5.

Hil. lib. 10.

ginalem retinuerunt; ea verò per peccatum amissa, ordinis integritas simul deperit, non in ipsis modo, sed & posteris omnibus, ad quos noxam originalem hæreditario transmiserunt. Restituitur quidem ille ordo per antidotum baptismi, & sacramenti pœnitentię, sed, pro dolor, dum in pristina peccata relabimur, quotidie peruertitur.

CAPVT VI.

De mediis ad consequendam bonam conscientiam idoneis.

Eccli. 21. 2.

PRIVM medium, idq; efficacissimū est, Fuga peccati lethalis. Vnde Sapiens. *Sicut à facie colubri fuge peccatum. Dentes leonis dentes eius, interficientes animas hominum.* Ratio est manifesta, quia nihil conscientiam malam facit, nisi peccatum, nihil eam exeruciat, nisi recordatio peccati commissi, Quantam autem tyrannidem peccatum in conscientiam exerceat fule exponit Chryso. ora. 4. de Lazaro. **SECUNDVM** medium est, Confessio peccati, si forte iam admissum est, quod tradit ibidem Chrysoft. *Quapropter, inquit, adhortor primum, quod est optimum, ne vnquam omnino concipiamus in animo prauam aliquam cupiditatē. Quod si quando conceperimus, tamen factum intus prefocemus. Rursus si huc vsq; fuerimus negligentes iniquitatem in opus progressam mox occidamus per confessionem, per priorum commissorum accusationem. Nihil enim tam exitiale peccato, quam peccati accusatio condemnatioq; cum pœnitundine lacrymisq; coniuncta. Condemnasti tuum peccatum? deposuisti sarcinam. Quis hac dicit. Ipse Iudex Deus. Dic tu peccata tua prior, ut iustificeris. Et infra Quia Deus in extremo iudicio exacturus est à nobis rationem delictorum, instituit in nobis hunc iudicem incorruptibilem, (conscientiam) ut is hic de commissis nobis iudiciū reddens, emendatioresq; faciens ex illo eripiat iudicio; quod & Paulus ait. Nam si nosmetipsos iudicemus, non utiq; iudicemur à Domino. Ut igitur neq; puniamur, neq; pœnas demus, in suam quisq; conscientiam ingrediatur, cunctisq; commissis diligenter excussis condemnet animam, quia hæc patrauit, supplicium à seipso exigat pro peccatis, per diligenter actam pœnitentiam, per lacrymas, per confessionem, per ieiunium, per eleemosynam, per continentiam ac charitatem.* **TERTIVM** medium est Fides vera & Catholica, coniuncta operibus bonis; Legimus enim in priore epistola ad Timotheum Hymenæum & Alexandrum, quia bonam conscientiam, hoc est, bonam vitam, ut exponunt Chrysoft. Theodor. & Theophyl. repulerunt circa fidem naufragauisse. Hoc mediū præscripsit S. Aug. loco supra allegato. *Ille, inquit, bene sperat, qui bonam habet conscientiam. Ut ergo speret regnū, habeat bonam conscientiam, & ut habeat bonam cōscientiam, credat & operetur.* quia

Isa. 43. 26.

1. Cor. 13. 31.

2. Tim. 1. 19.

A. in psalm. 13.

quia quod credit fidei est, quod operatur caritatis est. Illo ergo loco (in 1. ad Corin-
thios) à fide capit Apostolus. Fides, spes, charitas. Alio loco (in prima ad Timothe-
um) ab ipsa charitate capit. Finis precepti caritas de corde puro, & conscientia
bona, & fide non ficta. Modo nos à medio capimus ab ipsa conscientia & spe. Qui
vult, inquam, habere bonam spem, habeat bonam conscientiam. Ut autem habe-
at bonam conscientiam, credat & operetur. Quod credit fidei est, quod operatur
caritatis est. Vnde rex Ezechias proximus morti, ut prorogationem
vitæ impetraret, ad bonitatem conscientia pui operibus vitæ ante a-
ctæ testatam per fugium habuit, dicens. Obsecro Domine, memento quæso
quomodo ambulauerim coram te in veritate, & in corde perfecto, & quod bonū
est in oculis tuis fecerim. In quæ verba S. Hieron. ita scribit. Felix conscien-
tia, quæ afflictionis tempore, bonorum operum recordatur. Beati enim mundo
corde, quoniam ipsi Deum videbunt. Et B. Bernard. in Cantic. In horto virgi-
nitas, in campo martyrium, bonum opus in thalamo. Bene in thalamo actio bo-
na, quæ conscientiam & quietam facit & tutam. Post bonum deniq. opus securi-
us in contemplatione dormitur, & tanto quis fiducialius sublimia intueri, &
inuestigare aggreditur quanto sibi conscius est minimè se propriæ amore quietis
charitatis operibus defuisse. Deniq. B. Paulus omnem gloriā arcessit à
testimonio conscientia sumpto ex operibus bonis dum ait. Gloria no-
stra hæc est testimonium conscientia nostra, quod in simplicitate & sinceritate
Dei, & non in sapientia carnali, sed in gratia Dei conuersati sumus in hoc mun-
do. QVARTVM & postremum medium est, quotidianum examen con-
scientia quo cubiculum conscientia quasi ab omnibus sordibus pu-
rum & mundum seruetur, de cuius eximia vtilitate sequenti capite si-
gillatim differemus.

1. Cor. 13. 13.
1. Tim. 1. 5.

Isa. 38. 1.

H. lib. 11. com.

B. serm. 47.

2. Cor. 1. 12.

DE CONSCIENTIÆ EXAMINE, EIVSQVE VUTILITATIBVS.

CAPVT I.

Conscientia examen diuinis literis esse con- sentaneum.

NON pauca sunt Spiritus sancti in diuinis literis sententiæ, quibus
pius examinanda conscientia vsus probari videtur. PRIMA
fit ex psalmo 4. Irascimini & nolite peccare: quæ dicitis in cordibus vestris &
in cubilibus vestris compungimini. Quam in exhortatione ad Virgines sic
exponit S. AMBROSIVS. Si quis prolapsus esset corde, quoniam ira nescit
tenere moderamen, suadet ut compungatur in cubilibus suis, & suū unusquisq.
condemnet errorem. Voluit omnes homines suorum delictorum esse censo-
res,

Ps. 4. 5.

res, ut & qui publico testimonio non tenetur, seipsum iudicem, qui in occulto lapsus est, erubescat, & aculeo quodam coerceat amaritudinis & pudoris. Et S. CHRYSOST. in huius psalmi commentario. Quid est quod dictum est. Quæ dicitis in cordibus vestris, &c. Videtur enim esse obscurum. Post cenam, inquit, quando itis dormitum, & nullo presente multa quies & silentium, excita iudicium tuæ conscientie, ab ipsa rationem exige, & quæ interdum mala cepisti consilia, vel dolos construens, vel propinquum circumueniens, vel praua desideria suscipiens, ea cum illius quietis tempore in medium adduxeris, & improbis illis cogitationibus conscientiam iudicem dederis eas fodica, & dilania, & de eis pœnam sume, occide cogitationem, quæ peccauit. id enim sibi vult illud. Compungite, pro eo, quod est, pungite, stimulate, quæ in cordibus vestris dixistis interdum: hoc est mala quæ cogitastis consilia ea in cordibus vestris in tempore illius quietis punite, in ea animaduertite, quando nec amicus inturbat, nec famulus irritat, nec turba negotiorum urget. Et cur non dixit, verborum & factorum, sed malarum cogitationum? hoc docens ex abundantia. Si enim mala sunt castiganda consilia, ut non in opus exeant, multo magis pro factis & dictis oportet angere animo. Hoc fiat singulis diebus, nec prius dormieris, o homo quam mente versaueris, quæ à te interdum perperam acta sunt. Eandem sententiam pro examine citat in sermone de pœnitentia & confessione. Et hom. 2. in psal. 50. & 43. in Matth.

Chrysostom.

Altera sententia est in psalmo 50. Quoniam iniquitatem meam ego cognosco, & peccatum meum contra me est semper. In eam enim sic commentatur loco iam citato aureum os. Vidisti regem exomologesin facientem, & dicentem. Quoniam iniquitatem meam ego agnosco, & peccatum meum contra me est semper? O ingenuitas anima, o mentis integritas. Non est oblitus peccati sui, quamuis indultum sibi fuerit, ille tamen in conscientia sua tanquam in imagine adulterium & homicidium depictum habebat: & per singulos dies videbat putredinem, & ideò dicebat. Et peccatum meum contra me est semper. Ego illud video, tu ne id cõsideres. Ego illud scribo, tu quasi Dominus dele. Vide n. quid sit. Si tu memor sis, Deus non erit memor: si tu oblitus eius fueris, Deus eius memorabitur. Et infra. Ecce habes codicem, ubi scribas, quotidianum expensum. Habeto codicem conscientiam tuam, & scribe quotidiana peccata. Quando accubueris super stratū tuum, & neminē infestum pateris, antequā veniat tibi somnus, profer in medium codicē conscientiam tuā, & reminiscere peccata tuā, si qd in verbo seu in facto, vel in cogitatione peccasti. Hoc n. dicit propheta. Irascimini & nolite peccare, quæ dicitis in cordib. vestris & in cubilib. vestris compugimini. Per diē non habuisti tempus, sed seruisti iudici tuo, & iniuctū negotium, & cõfabulatio amicorū, & domestica necessitas, & filiorū cura, & uxoris sollicitudo & militia timor & ceterarū mille te rerū circūdederunt cause. Quando in lectulū tuum veneris, ut sopori membra concedas ad tranquillū portum,

Psal. 4.5.

nemo

nemo tibi molestus est, nemo pulsatus, dicito in corde tuo. Expendimus diem, o anima, quid boni fecimus, aut quid mali operati sumus? Et si quid boni fecisti, gratias age Deo, si quid mali de cetero ne facias. Et reminiscens peccatorum tuorum effunde lacrymas, & poteris in lectulo tuo positus ea delere. Quid graue, aut quid molestum est positum in lecto quotidiana deflere peccata? Cum reputare tibi coeperis, tanquam in eculeo suspende cogitationes tuas, & ungula timoris Dei radito eas. Propone tibi mortem gehenna, superducito ei sectura ictum non habentem dolorem. Iudicium facito tibi metipsum terribile, &c.

III. Sententia est in psalmo 76. Cogitavi dies antiquos, & annos aternos in mente habui. Et meditatus sum nocte cum corde meo, & exercitabar, & scopebam spiritum meum. In quæ verba S. Augustinus. Iam iste, inquit, qui velut vapulauerat foris tulit se intro, in secretario suæ mentis agit. Intus est, apud se cogitat dies antiquos. Ita sit ei bene secum, adiuuet Deus, cogitet dies antiquos, & dicat nobis in ipso interiore cubiculo suo, quid egerit, quo peruenierit, quid transilierit, ubi manserit. Et annorum aternorum memor fui. Qui sunt anni aterni? Magna cogitatio. Videte quid sibi vult ista cogitatio, nisi magnum silentium ab omni forinsecus strepitu, ab omni rerum humanarum tumultu? Intus requiescat, qui cogitare vult istos annos aternos. Et scrutabar spiritum meum. Si scrutaretur iste terram, ut venas auri inueniret, nemo eum desipere diceret, immo sapientem multi dicerent, qui vellet ad aurum peruenire. Quanta homo habet intus & non fodit? Scrutabatur iste spiritum suum, & cum spiritu suo loquebatur. Seipsum enim interrogabat, seipsum examinabat, in se iudex erat. Imitabatur regē Dauidem in hac scopatione vel scrutinio spiritus alter beatus rex Ezechias, qui memor annorum aternorum, in delitijs vel supplicijs aternis transigendorum, recogitabat omnes vitæ suæ annos, ut ipse in Cantico suo apud Isaiam loquitur in amaritudine animæ suæ.

Psal. 76.6.

IV. Sententia est Apostoli in priore epistola ad Corinthios, Quod si nosmetipsos diiudicemus, non utiq; iudicemur. Qua S. Antonius discipulis suis probabat quotidie conscientiam esse excutiendam ut in eius vita notauit S. Athanasius. Illius, inquit, quoq; admonebat præcepti Apostolici, Diiudicate vosmetipsos, & probate, ut rationem diei notetisq; facientes, si in se delictum deprehendissent, peccare desisterent: sin autem nullus error decepisset perseuerantes instarent potius incepto, quam arrogantia tumidi aut alios contemnerent, aut sibi iniustitiam vendicarent iuxta supradicti Doctoris eloquium dicentis. Nolite iudicare ante tempus. Sæpe nostra non posse nos intelligere peccata sæpe falli in ratione gestorum. Ad idem examen quotidianum eadem Apostoli refert verba S. Chrysost. in commentario 4. psalmi nuper citato. & S. Basilius, in psalmum. 7. scribens ad verba Dominus iudicat populos, annotat in hoc Apostoli loco, diiudicandi ver-

Isa. 38. 15.

1. Cor. 11. 31.

1. Cor. 4. 5.

Hō 60. in Gen.
& 42. in Matth.
& 43.

Greg. 25. mor.
cap 6.
Bern. serm. 54.
& 55. in Cant.

bum accipi pro perscrutandi, ut sit, sensus. Sinos ipsos perscrutaremur, non utiq; condemnationi subijceremur. Eodem refert S. Gregorius & Bernardus.

CAPVT II.

*Examen conscientiae quotidianum commendari
à S. Patribus.*

B. de abdic.
serum.

Chr. hom. 43.

Disciplina.

CLARIVS, & expressius exercitium quotidiani conscientiae examinis nobis secundum Scripturas commendant prisci Patres. S. Cyprianus in sermone de passione Christi verba sunt dicto Apostolico iam allato congruentia. *Filius hominis deputatus est inter impios, quorum alter assumptus, alter reprobatus est, ut daretur exemplum & forma in dissolubilis manens in posteros, quia nec in ultimis Dei clementia penitentes excludit, neceos, qui vite sine quocunq; articulo temporis veri sunt iudices iterum iudicari, quia cum iudicis & tortoris vices non parcens peccator assumit semetipsum persequendum confessione confusione honorat holocausti huius incensio in conspectu Dei veniam impetrat. Neq; enim bis in idipsum iudicat Deus, sed impaenitentes ipse iudicat & damnat, paenitentes verò absoluit.* S. Basilus in sermone commonitorio ad monachos. *Quae quotidie feceris opera, in sermone commemora, & cum ijs quae feceris pridie conferto.* Et in sermone de ascesi. *Monachus debet quotidianas cogitationes & actiones examinare* Et in sermone de institutionibus monachorum. *Præclare faciet, qui completo die conscientiam suam examinauerit, & admissum delictum occultum non tenuerit, sed in medium cunctis audientibus enuntiarit, ut communioratione tanto citius morbus sanari possit.* B. Ephraem sermone ascetico de uita religiosa. *Negotiator secularis quotidie damna & lucra computat. Diebus singulis vesperi & mane considera, quo pacto se habeat negotiatio tua. Et uespere quidem ingressus cubiculum examina te ipsum quid egeris. Si quid male, ingemisce & lacryma. Facto diluculo examina quid nocte.* S. Joan. Chrysost. in Matthæum. *Sedeat mens atq; cogitatio tua iudex in animam atq; conscientiam tuam, adducas omnia delicta tua in medium, scrutare quae animo commisisti, & pone dignas singulorum penas. dicas tecum assidue: quare hoc atq; illud ausus es? quare illud & illud perpetrasti? Quod si ab his quidem tua conscientia refugit, aliena verò curiosè rimatur, dic ad ipsam. Non ego iudex in alios, nec tu alios defensor a iudicio subijsti. Sic assidue ipsam ad hunc terrorem reuoca. Deinde si causam suam dicere non possit, sed balbutiat atq; stupe scat, quasi superbam ancillam, & de fornicatione corruptam, cade,*

verbera-

verberibus ac flagellis dilania. Hoc iudicium quotidie tibi diligenter constitua-
tur, &c. non enim morietur percussa, sed mortem effugiet. Et paulo post. Itaque le-
ctum atque quietem petiturus hoc iudicium ineas: idoneum enim ad hanc rem
hoc tempus est, & consentaneus locus, camera & lectulus, quod propheta quoque
denotauit, dicens. Quae dicitis in cordibus vestris, in cubilibus vestris compun-
gimini. Nec res paruas contemne, sed magnas etiam earum rationes repete.
Hoc modo magna facilius euitabis delicta. Id si quotidie diligenter facies ter-
ribili futuri iudicis tribunali letus assisses. Hoc modo Paulus seipsum mun-
dauit, ac ideo dicebat. Si nos ipsos iudicauerimus, non utique iudicemur. Sic &
Iob liberos suos mundauit: nam qui pro incertis hostias offerebat assidue, multo
magis certorum illum atque manifestorum rationes repetisse credendum est. S.
Gregorius in Ezechielem. Quisquis vitae suae custodiam negligit discute-
re, quae agit, quae loquitur, quae cogitat, aut despicit, aut nescit, sibi metipsum prae-
sens non est, quia semetipsum quotidie exquirere atque cognoscere sollicitus non
est. Ille autem veraciter sibi in praesenti est, qui se in suis actibus tanquam alium
attendit. Nam sunt multa peccata, quae committimus, sed idcirco graua nobis
non videntur, quia priuato nos amore diligentes clausis nobis oculis in nostra
deceptione blandimur. Et 35. moralium in Job. Scriptum est, iudicare coram
Domino, & expectare eum. Coram Domino scilicet iudicatur, qui corde Dominum
conspicit, & actus suos sub eius praesentia sollicita inquisitione discernit. Quem
tanto quis securius expectat, quanto quotidie vitam suam suspectus examinat.
Qui enim ad extremum eius venit, non iam coram illo, sed ab illo iudicatur.
Et rursus. Debet enim vniuscuiusque mens & causas suas apud Dominum,
& causas Domini contra se sollicita inquisitione discutere, debet caute pen-
sare, vel quae ab eo bona perceperit, vel quae mala bonis illius peruerse viuendo re-
sponderit. Quod electi quidem quotidie facere omnino non cessant. Unde bene
Salomon ait. Cogitationes iustorum iudicia. Accedunt enim ad secretarium iu-
dicis intra sinum cordis: considerant quam districte quandoque feriat, qui diu pa-
tienter expectat, metuant in his quae se egisse meminerant, & puniunt flendo,
quod perpetrasse se intelligunt. Et infra. Nam conscientia accusat, ratio iu-
dicat, timor ligat, dolor excruciat. Quod iudicium eo certius punit quo inte-
rius sauit, &c. Reproborum namque esse proprium solet semper praua agere,
& nunquam quae egerint retractare. Omne enim quod faciunt, caeca mente
pertransiunt, factumque suum, nisi cum puniti fuerint, non agnoscunt. At
contra electorum est actus suos quotidie ab ipso cogitationis fonte discutere,
& omne quod turbidum profluit ab intimis exsiccare. S. JOAN. CLIM. gradu. 4.
CLIMACVS. Optimus, inquit, ille trapezita est, qui quotidie ve-
speri lucrum ac detrimentum omnino computat. Quod scire manifestius non
potest, nisi horis singulis in tabulis omnia denotet. nam cum calculi sin-
gulis

Psal. 4. 9.

1. Cor. 11. 31.

Iob. 1. 5.

G. hom. 4.

Gc 6. & 7.

Iob. 35. 14.

Prou. 3. 7.

Clim. gradu. 4.

Dor. doctrina *11* *gulis horis ponuntur totius diei ratio postmodum clarius agnoscitur. B. Doro-*
theus de vita rectè & piè instituenda. Docuerunt saepe nos maiores nostri,
quo pacto purgemus nos ipsos per singulos dies, ut scilicet ad vesperam perscrute-
mur nobiscum, quomodo transactam diem exegerimus, & rursum mane, quo-
modo noctem, & sic pœnitentiam agamus apud Deum, ut par est, in quo peccasse
nos deprehenderimus. Sane cum admodum delinquamus, obliuiscamurq; facile
delicta nostra, opus esset nobis in horas diligenti examinatione, quo pacto scilicet
ambulassemus id momenti & temporis, & in quo deliquissemus: deberetq; unus-
quisq; nostrum à seipso tanquam iudex rationem cuiuslibet facti extorquere,
& dicere. Ut quid locutus sum infelix, quæ fratrem meum morderent? ut quid
fratrem aliquid facientem iudicavi? ut quid Deum contempsit? S. Bernardus
ad fratres de monte Dei. Queris, quid agas, vel in quo te occupes? Primum
extra quotidianum orationum sacrificium vel lectionis studium quotidiana
conscientiæ discussione, emendationi, morum compositioni, pars sua diei negan-
da non est. Et infra. Disce in cella secundum communis instruiti leges tu tibi
præesse, & vitam ordinare, & mores componere, & temetipsum iudicare, te-
ipsum apud te accusare, saepe etiam commendare, nec impunitum dimittere.
Mane præterita noctis fac à temetipso exactionem, & venturæ diei tu tibi indi-
cito cautionem. Vespere diei præterita rationem exige, & superuenientis noctis
fac inductionem. Sic districto nequaquam tibi aliquando lasciuire vacabit.

Bern. ad Car-
thuf.

AVSONIVS Poeta Christianus, Gratiani Imp. Praceptor Ei-
dyllo 8. in hunc modum canit.

VIR bonus & sapiens, qualem vix repperit unum
Millibus è multis hominum consultus Apollo.
Iudex ipse sui, totum se explorat ad vnguem,
Cogitat, & iusto trutinæ se examine pentat.
Non prius in dulcem declinat lumina somnum,
Omnia quam longi reputauerit acta diei,
Quid prætergressus, quid gestum in tempore, quid non,
Cur isti facto decus abfuit? aut ratio illi?
Quid mihi præteritum? cur hæc sententia sedit?
Quam melius mutare fuit. miseratus egentem
Cur aliquem fracta persensit mente dolorem?
Quid uolui, quod nolle bonum foret? utile honesto
Cur malus antetuli? num dicto, aut deniq; vultu
Perstrictus quisquam? cur me natura magis, quàm
Dilciplina trahit? sic dicta & facta per omnia
Ingrediens, ortoq; è vespere cuncta reuoluens
Offensus prauis, dat palmam & præmia rectis.

VIDE.

VIDETVR & S. BENEDICTVS ad hoc conscientiae examen digritum intendisse, cum in capite 4. Regulæ suæ inter instrumenta perfectionis spiritualis consequendæ ponit. *Actus vite suæ omni horæ custodire.* Nam Joan. Trithemius primo libro commentariorum in hanc Regulam edito ad hæc verba monet unumquemq; fratrum omni fero debere tenere Capitulum culparum inter Deum & seipsum, in quo sit conscientia accusans, Deus iudicans, omnis sanctus Dei orans, homo contritus veniam deprecans, & nunquam recumbat, nisi per mentalem vel vocalem confessionem purgatus, si fieri possit. Et homilia 14 de Pœnitentia docet quotidie minimum semel examinandam conscientiam, ut videat quisq; quantum profecerit, & si in aliquo deliquerit statim pœnitentiam agat. Deinde in præfatione *Tractatus de triplici regione claustralium*, ait causam ruinæ monasticæ in suo Benedictino Ordine esse, quod defecerint spiritualia exercitia, & ideo Congregationis Bursfeldensis Patres constituisse uerbo & exemplo, ut quotidie examen conscientiae instituatur & feruoris propositum renouetur. In libro uero 2. de *Tentationibus cap. 3.* monet, ut post Completorium instituatur, maximè autem cum ad lectum uentum est. Ad hæc libro de *spirituali exercitio monachorum consideratione 9.* habet, quomodo practicè institui debeat, nempe ante lectum complosis manibus iacendo, idq; non debere omitti. Et sermone 2. de *ordinatione bona uite monastica* asserit à Congregatione Bursfeldensi statutum, ut quotidie post Completorium in cella fiat examen de peccatis: ac occulta quidem sequenti crastino aperiatur sacerdoti in confessione sacramentali, publica uero in Capitulo quotidie. Deniq; in *libro de institutione uite sacerdotalis cap. 3.* idem consulit cuiq; sacerdoti, ut uesperti oret antequam cubitum concedat, & conscientiam examinet. Eiusdem examinis frequentationem consulit S. Bonauentura in opusculo de *Puritate conscientie cap. 12.* Et in *speculo disciplinæ, particula 2. cap. 1.* & Thomas à Kempis *libro primo de imitatione Christi cap. 19.* & libro 2. de *disciplina claustralium. c. 9.* Et de *disciplina monastica cap. 11.*

Instrum. 48.
Opera Trith.
spiritalia edita
sunt Moguntia in folio.

C A P V T III.

Examen conscientiae commendatur ab Ethnicis.

ETHNICORUM quoq; Sapientissimis notum probatumq; fuisse conscientiae examen certum est. nam de antiquissimis Philosophis Pythagoræ libro 3. contra Ruffinum ita scribit S. Hieronymus. Dicebant Pythagoræi, duorum temporum quàm maximam habendam curam,

T

mane

Apud Stobaeum
serm. 3.

mane & vespere, id est, eorum quae acturi sumus & eorum quae gesserimus. Vnde in Pythagorae carminibus, quae Aurea dicuntur, haec exstant. *μὴδ ὕπνῳ*, &c. Neque somnum teneris in oculis accipe.

Priusquam diurnorum factorum ter unumquodque commemoraris, Quasum transgressus, quid feci, quid mihi quod oportuit non factum Orsus autem à primo recale, & postea (est?) Mala quidem si feceris dole: bona verò, gaude.

In quae verba Hierocles item Ethnicus sic commentatur. Hic volo, inquit, ut omnia praecepta quae prius Pythagoras praescripserit, quasi in unum fascem compertes, ut in ea, tanquam in diuinas leges intuens in mentis tuae interno, velut tribunali, eorum quae bene vel malè gesta sunt, examen facias. Vnde enim malis admissis mordere nos queat commemoratio: vel laudare patratis bonis, nisi meditatio, quae praecessit, leges quasdam admittat, ex quarum instituto vitam deceat componere, & ad eas conscientiae abdita, tanquam ad scopum aliquem toto vitae nostrae spacio dirigere? At quoties examen illud fieri postulat? Singulis diebus, ut assidua recordatione iudicij id quod rectum honestumque est, seruetur incolume. Et quando? Somni appetente tempore. Qua de causa? ut ex eo, quod actionum diurnarum terminus est, efficiamus conscientiae tribunal, Deorum ipsi affectionum examen quasi canticum, lectum, somnumque antegredi solitum offeramus. Quis iudex? Iudicem adhibuit aequissimum simul ac commodissimum, conscientiam nimirum rectamque rationem, atque etiam se ipsum, cuius omnium maximè pudere superius quemque voluit. Quis enim ita alium alius, atque se, quisquam commonefacere valeat? Quod enim sui iuris est, si natura libertate utatur aliorum consilia facere respuit, cum illis parere non statuit. At non potest non audire se necessario, quae intus est ratiocinandi vis. Istam Deus esse voluit, quae nostri curam gereret: istam ducem atque magistram, istam etiam tunc iudicem diurnorum operum ratio efficit, & factum ab ipsa iudicium amplectitur: ut suum ipsa calculum adiciat, quidnam in se, vel laude, vel reprehensione dignum iudicet. Subiicit deinde regulas quas iudex huius examinis sequi debeat, & qua ratione secundum eas examen instituat. Audiamus nunc L. Annæum Senecam praeclare de hoc examine praecipientem, primo in Epistola ad Lucilium. Initium, ait, est salutis notitia peccati. Egregiè mihi hoc dixisse videtur Epicurus. Nam qui peccare se nescit, corrigi non vult. Deprehendas te oportet, antequam emendes. Ideò quantum potes, te ipsum coargue: inquire in te: accusatoris primum partibus fungere, deinde iudicis, nouissimè deprecatoris, aliquando te offende. Et libro tertio de ira. Animus quotidie ad rationem reddendam vocandus est. Faciebat hoc Sextius, ut consummato die cum se ad nocturnam quietem recepisset, interrogaret animum suum. Quod hodie malum

Sen. ep. 12.

cap. 36.

lum tuum sanasti? cui vitio obstitisti? qua parte meliores. Desinet ira, & erit moderatior, quæ sciet sibi quotidie ad iudicem esse veniendum. Quid ergo pulchrius hac consuetudine excutiendi totum diem? Qualis ille somnus post recognitionem sui sequitur: quam tranquillus, altus ac liber, cum aut laudatus est animus, aut admonitus, & speculator sui, censorq; secretus cognoscit de moribus suis? Vt hoc potestate, & quotidie apud me causam dico. Cum sublatum è conspectu lumen est, & conticuit uxor, moris iam mei conscia, totum diem mecum scrutator, facta ac dicta mea remetior. Nihil mihi ipse abscondo, nihil transeo. Quare enim quicquam ex erroribus meis timeam, cum possim dicere. Vide, ne istud amplius facias, nunc tibi ignosco. In illa disputatione pugnacius locutus es? noli postea congrredi cum imperitis. Eodem pertinere videtur, quod Cato maior apud M. Tullium in hæc verba scribit. Pythagoræorum more exercenda memoria gratia, quid quoq; die dixerim, audierim, egerim, commemoro vespere.

Cic. de Senect.

CAPV V IV.

Utilitates examinis quotidiani similitudinibus aliquot ob oculos ponuntur.

PRIMA similitudo sit, Quemadmodum in urbe uel prouincia, in qua nullus est magistratus, nullus senatus, Iudex nullus, nulla iusticia administratur, nunquam est pax uel securitas, nec quidquam boni: sic in anima hominis, nullum instituentis rerum à se gestarum examen, nullum iudicium exercentis, diu pax & tranquillitas esse nequit, sed nec ulla solida uirtus. Vnde B. Gregorius non dubitat affirmare etiam pios homines, si examen illud negligant paulatim in studio uirtutis deficere. Sicut enim, inquit, non sentimus, quomodo crescunt membra, proficit corpus, mutatur species, nigredo capillorum albescit in canis, hac enim omnia nobis nescientibus aguntur in nobis, ita mens nostra per momenta uiuendi ipso cararum usu à semetipsa permutatur, & non agnoscimus, nisi vigilantia custodia ad interiora nostra residentes, profectus nostros quotidie, defectusq; pensemus. Hoc ipsum enim in hac uita mortali consistere, quasi ad uetustatem ire est, & cum indiscussa mens relinquitur, in quodam senio torporis sopitur: quia sui negligens, & propositum robur insensibiliter perdens, à forma prioris fortitudinis, dum nescit, senescit. Vnde & per prophetam sub Ephraim specie dicitur. Comederunt alieni robur eius, & nesciuit: sed & cani effusi sunt in eo, & ipse ignorauit. Cum uero semetipsam querit & subtiliter pœnitendo se discit, ab ipsa hac uenustate sua lota lachrymis & mœnore incensa renouatur, & qua iam pœne

G. lib. 25. mor. cap. 7.

Osc. 79.

Eph. 4. 23.

in veterata frixerat, per submissa strata interni amoris studia nouum calet. Vnde Paulus Apostolus usu mortalis vite veterascentes discipulos admonet dicens. Renouamini spiritu mentis nostræ.

Luc. 15. 10.

II. Similitudo, qua declaratur nihil æquè ad profligandos demones, & contra, ad conciliandos nobis bonos angelos valere, atq; hoc quotidianum examen. Vt enim in ijs domibus, in quibus creber seoparum est vsus, ad euerrendas pauimentum angulorumq; sordes, & parietum laqueariumq; telas, nullæ apparent araneæ, sic ubi frequentatus est examinis conscientia: utus longe absunt omnes laquei insidiaq; diaboli, accurrunt uerò angeli boni. Quid enim agimus in examine conscientia:, nisi quod de lapsibus commissis doleamus, de bonis autem operibus gratias Deo agamus? *Gaudent autem angeli super uno peccatore, ut apud S. Lucam dicitur, penitentiam agente.* Si gaudent boni, certe moerent & fugiunt mali.

1. Ioa. 1. 8.
Prou 24. 16.
Gal 5. 17.

Rom. 7. 15.

III. Sicut quotidie manus, faciem, uestes, calceos, scutellas, domum expurgamus, quia quotidie ea sordibus inquinamus, sic conuenit, ut quotidie conscientiam examinemus, ut sordes siue magnas siue paruas in ea contractas eluamus. *Si enim dixerimus, inquit, B. Joannes, quoniam peccatum non habemus, nos ipsos seducimus. Iustus in die, ait Sapiens, septies cadit.* Quotidie caropugnat contra spiritum. Quotidie cum B. Paulo possumus dicere. *Non enim quod volo bonum hoc ago, sed quod nolo malum illud facio.* Quotidie ergo & Spiritus debet pugnare contra carnem, & aculeo examinis eam crucifigere cum concupiscentijs. Quotidie in eo orare. *Et ne nos inducas in tentationem. Dimitte nobis debita nostra. Libera nos à malo.*

IV. Sicut pauimentum, quo sapius verritur, hoc purius redditur, & clarius videtur, sic qui sæpe inquirunt in conscientiam suam puriorem eam ab omni peccatorum puluere reddunt, & citius in notitiam sui, virtutem tantopere, non modo à S. Patribus, sed etiam Ethnicis Philosophis laudatam, perueniunt. Hinc enim est illud *γνώθι σεαυτὸν* etiam Apollinis oraculo celebratum. Vide titulum de Cognitione sui.

2. Tim. 1. 5.

V. Quemadmodum hortus salutare herbas & flosculos producere nequit, nisi continenter hortulani sarculo noxiæ radices, lolum & lapides eruantur, haud secus in animæ nostræ horto, nunquam rectè excrescent herbarum virtutum, & flores donorum Spiritus sancti, liliū castitatis, rosa charitatis, viola humilitatis & poenitentia:, nisi sarculo examinis prauæ cupiditatum & inclinationum radices quotidie extirpentur *Finis præcepti, inquit ad Timotheum Apostolus, est charitas de corde puro & conscientia bona, & fide non ficta.* Quomodo autem

tem poterit in anima nostra esse caritas, nisi minuatur cupiditas? *Aug-
mentum enim caritatis, teste S. AUGUSTINO, est diminutio cupiditatis,* A.li.83 q q 36.
perfectio vero nulla cupiditas. Quo verò cultro nisi huius examinis re-
scindes cupiditatem? Quomodo cor, quod in horas tam variis obrui-
tur cogitationibus purum seruabitur, nisi possis verè dicere cum psal-
mographo. *Meditatus sum nocte cum corde meo & scopebam spiritum meum?* Psalm. 76.6.
Quomodo conscientia permanebit bona, nisi amoliaris quæ eam fa-
ciunt malam?

VI. S. Hieronymus in epistola ad Minerium & Alexandrum. *Salua-
toris, inquit, verba sunt, Estote probati nummularij, ut si quis nummus adul-
ter est, & figuram Cesaris non habet, nec signatus est moneta publica, reprobe-
tur: qui autem Christi faciem claro præfert lumine in cordis nostri mar supio re-
condatur.* Et Ioannes Cassianus collatione prima. *Efficiamur secundum* H.ep 152.
præceptum Domini probabiles trapezitæ. Quorum, ait, summa peritia est ac
disciplina probare, quodnam sit aurum purissimum, & ut valgo dicitur obrixi,
*quodue sit minus purgatione ignis excoctum, areo quoque vilique denario, si pretio-
sum numisma sub colore auri fulgentis imitetur prudentissima discretione non* Cass.c.20.
*falli: & non solum numismata tyrannorum vultus exprimentia, sapienter a-
gnosceret, sed etiam illa, quæ sunt veri quidem regis imagine, sed non legiti-
mè figurata, peritia sagacior discernere: deinde, ne quid illis à legitimo ponde-
re diminutum sit censura trutina diligenter inquirere. Quæ omnia nos quoque
debere spiritualiter observare euangelicus sermo sub huius nominis demonstrat
exemplo. Summa ergo similitudinis hæc est. Ut si velimus esse, quod iu-
bet Dominus, spirituales & probati trapezitæ, vel nummularii, sicut
nummularii quotidie tractant nummos, & ideo probos ab adulterinis
facile discernunt, ita quotidie in examine nostros lapsus cogitando, lo-
quendo, vel agendo commissos expendamus, hoc enim studio asse-
quemur, ut donum discretionis spirituum assequamur, & actiones bo-
nas à malis, consideratis earum causis, circumstantiis, intentione & fi-
ne, facile discernamus.*

VII. Similitudo est. B. Ioan. Chrysostom. in sermone de Pœnitētia
& confessione. *Ubiq, inquit, idem facere oportet in peccatis, quod in pecunia-
rum sumptibus. Statim cum surreximus à lecto, priusquam nos conferamus in
forum, vel priusquam aggrediamur opus aliquod, vel priuatum vel publicum,
vocato ministro rationē sumptuum petimus, ut sciamus quidnam malè, vel quid
bene expenderit, & si viderimus parum quiddam desiderari, omnibus modis re-
cogitamus accessionum occasionem, ne inuiti perdamus. Faciamus igitur hoc &
in operibus nostris vocata conscientia nostra. Faciamus similiter rationem ver-
borum, operum, cogitationum, & scrutemur quid utiliter insumptum sit, &
quid in perniciem nostram. quis sermo malè expensus in cōicia, in sales, in tur-*

piloquia, quæ concupiscentia oculum in intemperantiam prouocarit, quæ cogitatio cum damno nostro in opus prodierit, vel per manus, vel per lingua, vel per cogitationes ipsas. Operam demus, ut ab intempestuo sumptu abstinamus, pro semel malè in sumptis aliud reponamus lucrum: pro verbis temerè prolatis sanctas preces: pro visu intemperatè factò eleemosynas & ieiunia. Igitur seruorum mane rationem facere consueuimus, operum autem post cœnam & vespèram ipsam in lecto iacentes, nullo interturbante omnium eorum quæ per diem facta & dicta rationes à nobis exigamus: & si viderimus quid peccatum esse, puniamus nos ipsos, increpemus mentem & conscientiam tanto impetu, ut non audeat ultra exurgere, memores vespertine plagæ. Eadem vtitur in psalmi quarti commentario, dicens. Hoc examen fiat singulis diebus: nec prius dormiris o homo, quàm mente versaueris, quæ à te interdū perperam acta sunt, & die sequenti eris omnino tardior ad ea ipsa rursus aggredienda, Et quod facis in peccunia, nec sinis ut duo dies pratercant, quin cum famulo rationem incas, ne confusione inducat obliuio hoc etiam fac in actionibus. Singulis diebus vespèri ab anima rationem exige, & cogitationem, quæ peccauit condemna eam, & velut in ligno suspende ac torque, & inbe ne ea amplius aggrediatur.

Chr. in psal. 4.

VIII. Quemadmodum in Academiis vel scholis, in quibus crebræ sunt disputationes, frequentes prælectionum repetitiones, quotidianaq; earum examina, scriptionum item & commentationū domesticarum statuta exactio, cœsura absentiarum, ac notæ linguæ latinæ & morum, magnopere in litterarum virtutumq; Christianarum studio proficitur: sic in schola Religiosæ vitæ, vbi non semel in dies singulos cogitationum, sermonum, actionumq; rationes per examen ad calculos reuocantur maximus fit in pietatis cursu progressus. Si enim Chrysost. loco proxime allegato asseuerare audet nos, si vel vno solo mense conscientiam semel ad vespèram excutiamus sedulo, posse ad perfectum virtutis habitum peruenire, quanto magis, si in ea consuetudine perstiterimus per multos annos?

1. Cor. 11. 32.

IX. Vtilitas, Breuiter Examen quotidianum CORNU COPIÆ commodorum charismatūq; spiritualium in animam hominis infert. Nam qui conscientiam discuit multas simul exercet virtutes: ut religionis, quia ab oratione examen inchoatur, & pro beneficiis gratiæ Deo aguntur: deinde humilitatis & pœnitentiæ, quia in eo homo se agnoscit peccatorem & de peccatis dolet, lacrymas fundit, pœna sæpe voluntaria eadem expiat. Ad hæc spei & caritatis, confidit enim se veniam peccatorum à Deo obtenturum, quem vti suum creatorem & benefactorem diligit super omnia. Tum timoris Dei, quia ideo iudex sui hic efficitur, ut iudicium Dei præueniat, secundum illud Apostoli, Si nos ipsos diiudicaremus, &c. Nec enim bis Deus iudicat in id ipsum. Munus quoq;

quoque se contra tentationes futuras, vitia extirpat, prauas incinationes tollit, consuetudines malas euellit, virtutes inserit, conscientiam serenam & tranquillam reddit, ac demum efficit, ut homo semper ad confessionem sacramentalem faciendam & S. Eucharistiam sumendam (ad quam etiam S. Paulus requirit probationem sui ipsius per hoc examen) sit comparatus. 1. Cor. 11. 28.

C A P V T V.

De Examine conscientie particulari.

EXAMEN particulare Conscientie hoc discrepat à Generali, quod in generali fiat inquisitio in omnia peccata toto de commissa à mane usque in vespere. Particulare verò de vno aliquo speciali vitio, cui à natura vel praua consuetudine obnoxios nos esse cognouerimus. De quo examine intelligi possunt illa verba S. Chrysostomi in Ioannem circa finem *Discamus igitur & vitia nostra recensentes, ea tempore corrigamus, & hoc mense vnum, alio aliud, & ita subsequenter meliores efficiamur. Sic. n. t. antequam per gradus quosdam ascendentes, per scalam Iacob ad cælum perueniemus.* Chry. hom. 82.
Etenim scala illa mihi per illam visionem paulatim per virtutes ascensum significare videntur, per quam à terra in cælum ascendere nobis licet, non gradibus sensibilibus, sed morum incremento & correctione. Et in homilia 73. ad populum. *Quemque vestrum rogo, etsi non antea, deinceps saltem, quem se plus aliis vexare defectum nouerit, hunc ex anima precipere studeat, & pia quadam cogitatione quasi spiritali utens gladio, se ipsum à vitio liberet: idoneum enim Deus nobis contulit sensum, & si parum velimus respicere valentem, & quoque nascens in nobis vitium superare.* Propterea sanctorum quoque omnium nobis vitam & conuersationem per diuinam contextam scripturas Spiritus gratia reliquit, ut discentes, qualiter eandem nobiscum sortiti naturam omnia virtutis obierunt officia, circa eius executionem minimè torpeamus. Et rursus homilia vndecima in Genesim. *Ne ita, inquit, simpliciter ieiuniorum hebdomada deprateant, scrutemur suam, quique conscientiam & rationem examinemus, & consideremus, quid nā in hac hebdomada probè actum sit, quid in alia, & quale augmentum fecerimus ad sequentem, quas in nobis affectiones correxerimus.* Qui enim se in hoc examine particulari exercent, debent non solum diem cum die, sed etiam hebdomadam cum hebdomada, sæpe etiam mensem cum mense, & annū cum anno conferre, & circumspicere quantum in hoc vel illo vitio, hac vel illa propensione praua extirpanda profecerint. Vnde S. Basilii in sermone commonitorio ad monachos. *Qua quotidie, ait, feceris opera vespere tecum commemora, & cum iis qua feceris pridie conferte.* Gen. 28. 12.

Cass. c. 24.

Clarius & fusius examen particulare descripsit Ioan. Cassianus collatione 5. Ita, inquit, nobis aduersus vitia arripienda sunt praelia, ut unusquisque quo maxime infestatur explorans, aduersus illud arripiat principale certamen, omnem curam mentis, ac sollicitudinem erga illius impugnationem, observationemque desigens, aduersus illud quotidiana ieiuniorum dirigens specula, contra illud cunctis momentis cordis suspiria, crebraque gemituum tela contorquens, aduersus illud vigiliarum labores, ac meditationes sui cordis impendens, indefinenter quoque orationum ad Deum fletus fundens, & impugnationis sue extinctionem ab illo specialiter ac iugiter poscens. Impossibile namque est de qualibet passione triumphum quempiam promereri, priusquam intellexit industria vel proprio labore victoriam certaminis semet obtinere non posse, cum tamen, ut valeat emundari, necesse sit eum die noctumque in omni cura & solitudine permanere. Cumque se ab ea senserit absolutum, rursus latebras sui cordis simili intentione perlustret & exploret, quam sibi inter reliquas perspexerit diriores, atque aduersus eam specialius omnia spiritus arma comoveat, & ita semper validioribus superatis celerem de residuis habebit, facilemque victoriam: quia & mens triumphorum processu reddetur fortior, & infirmorum pugna succedens promptiorem ei prouentum faciet praeliorum, ut fieri solet ab his, qui coram regibus mundi huius omnigenis congregi bestijs praeiorum contemplatione consueuerunt. Hi, inquam, feras quasumque fortiores robore, vel feritatis rabie conspexerint diriores, aduersus eas prima congressionis certamen arripiunt: quibus extinctis, reliquas, quae minus terribiles, minusque vehementes sunt, exitu faciliore prosternunt. Ita & vitijs semper robustioribus superatis, atque infirmioribus succedentibus, parabitur nobis absque ullo discrimine perfecta victoria.

VERVM nec Philosophos Ethnicos latuit utilitas huius inquisitionis, animaduersionisque in singularia vitia. Nam vnus ex optimis morum magistris PLUTARCHVS libro de cohibenda ira ita philosophatur. Super omnia illud Empedoclis magnum quiddam ac diuinum existimabam, abstinere ab improbitate. Laudabam interim & illas non inuenuistas, nec abhorrentes à sapientiae studio aetas in precibus consuetudines, annum à reuerentia, vinoque puros viuere, colentes interim Deum temperantia: aut rursus à mentiendo certum tempus abstinere, nos ipsos interim obseruantes, ut veraloquamur tum in ludicris, tum in serijs rebus omnibus. Deinde hisce rebus instruebam animum meum, ut qui non minus amet pietatem, quam philosophiam, ut primum paucos dies sacros sine irascendo transigerem, velut absque temulentia vinoque, non aliter quam si celebrassem Nephalia, aut Melisponda, in quibus vinum attingere, aut luxui indulgere fas non est. deinde faciebam idem mensem vnum aut duos, paulatim mei ipsius periculum faciens. Sic tempore proficiebam ad vltiorem malorum tolerantiam, diligenter attendens & con-

& conseruans meipsum cum verbis bene ominantibus, placidum, iraq; vacu-
am, purum & à dictis improbis, & à factis absurdis, & à cupiditate, qua ob vo-
luptatem exiguam & inueniſtam tum turbas ingentes, tum pœnitentiam tur-
piſſimam adduceret.

SI quæras, fitné aliquando horum examinum finis, maxime cum
in Examine particulari poſt magnum in ſpiritu proſectum tandem
videatur deſutura materia. S. BERNARDVS dum verba illa Cantici
Canticorum, *Tempus putationis aduenit*, exponit, reſpondet non eſſe. B. ſerm. 58
*Quis. n. inquit, ita ad vaguem omnia à ſe ſuperflua reſecauit, vt nil ſe habere
putet putatione dignum. Credite mihi, & putata repullulant, & effugata rede-
unt, & reaccendantur extincta, & ſopita denuo excitantur. Parum eſt ergo
ſemel putari, ſape putandum eſt: immo ſi fieri poſſit, ſemper, quia ſemper, quod
putari oporteat, ſi non diſſimulas, inuenis. Quantumlibet in hoc corpore ma-
uens proſeceris, erras ſi vitia putas emortua, & non magis ſuppreſſa. Velis* Iud. x.
nolis intra fines tuos habitare lebaſæus, ſubiugari poteſt, ſed non exterminari.
Scio, inquit, quia non habitat in me bonum. Parum eſt, niſi & malum ineſſe Rom 7. 17
*fateatur. Ait. Non quod volo bonum hoc ago, ſed quod odi malum illud fa-
cio. Si autem quod odi illud facio, iam non ego operor illud, ſed quod habitat
in me peccatum. Aut te ergo, ſi audes, præſer Apoſtolo (nempe ipſius iſta vox
eſt) aut ſatere cum illo te quoque vitij non carere. Medium denique vitiorum
virtus tenet, ac proinde ſedula eget non ſolum putatione, ſed & circuncifione.
Alioquin verendum, ne circumquaq; à lambentibus, vel potius à rodentibus
vitij illa dum neſcis paulatim elangueat, aut ſi ſupercreuerint, ſuffocetur. V-
num in tanto diſcrimine conſilium eſt, obſeruare diligenter, & mox vt rena-
ſcentium capita apparebunt, prompta ſeueritate ſuccidere. Non poteſt virtus
cum vitijſ pariter creſcere. Ergo vt illa vigeat, iſta creſcere non ſinantar. Tol-
le ſuperflua, & ſalubria ſurgant. Vtilitati accedit, quicquid cupiditati demis.
Demus operam putationi, &c. Scrutemur iuxta prophetam vias noſtras &
ſtudia noſtra, & in eo ſe quiſque iudicet proſeciſſe, non cum non inuenerit, Thren. 3. 40.
quod reprehendat, ſed cum quod inuenerit reprehendet. Tunc te non fruſtra
ſcrutatus eſ ſi ruruſ opus eſſe ſcritinio aduertiti. Et toties te non ſeſel-
lit inquiſitio tua, quoties iterandam putaueris. Si au-
tem ſemper hoc cum opus eſt facis,
ſemper facis.*

VIDE in Panario V. Conſcientia ſcrupuloſa. Illuſiones
ſpirituales.

CONTEMPLATIO.

CAPVT I.

*Contemplatio quid sit, & quomodo à meditatione
& cogitatione distinguatur.*

Act. 17.

Rep. l. c. 4.

S AUGUSTINVS in libro de Spiritu & anima in hæc verba de ea scribit. Anima nostra cum vult intelligere vel diuina, vel Deum, vel seipsam, suasque considerare virtutes, abstrahit se ab omnibus corporis sensibus, quibus non adiuvatur, nisi ad corporeas formas coloresque sentiendos, & Spiritu ac ratione se conspicit, meditatione atque contemplatione ad Deum ascendit, Deus vero reuelatione atque diuina inspiratione ad eam descendit. **MEDITATIO** siquidem est occultæ veritatis studiosa inuestigatio. **CONTEMPLATIO** perspicua veritatis iucunda admiratio. Illam namque diuina illuminat reuelatio, ut veritatē cognoscat: istam vero diuina inspiratio inflamat, ut eam diligat. Corpus autem sensu & imaginatione ad spiritum ascendit. Clarius & plenius eam describit Richardus Victorinus S. Bernardi æqualis, lib. 1. de Contemplatione. Contemplatio, inquit, est perspicax & liber animi contuitus in res perspicuas usquequaque diffusus. Meditatio vero est studiosa mentis intentio circa aliquid inuestigandum diligenter insistens. Cogitatio autem est improuidus animi respectus ad euagationem pronus. Et paulo ante. Multum à se invicem hæc tria in modo differunt, quamuis quandoque in materia conueniant. Cogitatio per deuiam quædam lento pede sine respectu peruersionis passim huc illucque vagatur. Meditatio per ardua sæpe & aspera ad directionis finem cum magna animi industria nititur. Contemplatio libero volatu, quocumque eam fert impetus, mira agilitate circumfertur. Cogitatio serpit, meditatio incedit, & ut multum, currit. Contemplatio autem omnia circumuolat, & cum voluerit se in summis librat. Cogitatio est sine labore cum fructu. In cogitatione euagatio, in meditatione inuestigatio, in contemplatione admiratio. Ex imaginatione cogitatio, ex ratione meditatio, ex intelligentia contemplatio. Intelligentia obtinet supremum locum, imaginatio inferius, ratio medium.

Rom. 1. 20.


Psal. 142. 5.

Ex hac descriptione elucet diuinas quidem res & cælestes præcipuè, humanas tamen quoque & naturales esse cōtemplationi subiectas, quatenus ex earum notitia gradum facimus ad diuinas. Inuisibilia enim Dei à creatura mundi per ea quæ facta sunt, inquit Apostolus, intellecta conspiciuntur. Vnde magnus ille contemplator dicebat. Meditatus sum in omnibus operibus tuis, & in factis manuum tuarum meditabar. Et alius nepos Augusti

Augst. in libris Confessionum. *Tu Domine fecisti ea, qui pulchres pul-
chra sunt enim: qui bonas es, bona sunt enim: quies: sunt enim. Nec ita pulchra
sunt, nec ita bona sunt, nec ita sunt, sicut tu conditor eorum, cui comparata, nec
pulchra sunt, nec bona sunt, nec sunt. Scimus hac, gratias tibi, & scientia nostra
scientia tua comparata ignorantia est.* Haud secus notitia sui subiecta est
cōtemplationi, quia ex ea tanquam ē precipua creatura ad imaginem
& similitudinem Dei condita gradum facimus ad contemplationem. A. lib. 1. c. 4.
Vnde B. David. *Mirabilis facta est scientia tua ex me, id est, consideratio-
ne mei. confortata est, & non potero ad eam.* Psal. 138. 6.

Et Clemens ALEXANDRINVS in Poedagogo. *Est ut vide-
tur disciplinarum omnium pulcherrima ac maxima seipsum nosse. Si quis enim
seipsum norit Deum cognoscit. Et S. Basil. in dictum Moysis. Attende tibi i-
pli. Exacta & diligens tui ipsius consideratio viam tibi prestruet ad cognitio-
nem Dei. In teipso enim tanquam mundo quodam distincte adornato licet
exiguo contemplari licebit eximiam conditoris tui & incomparabilem sapien-
tiam, ut ex anima incorporea Deum esse incorporeum, nullo circumscriptum
loco, inuisibilem, &c. Exposita deinde fusius animæ vi, corporisque stru-
ctura. Per hæc utique, subdit, omnia licet imperuestigabilem eius qui te
condit sapientiam cognoscere, adeo ut cum propheta ipse tu possis dicere. Mi-
rabilis facta est scientia tua ex me. Attende itaque tibi, ut attendas
DEO.* Cl. lib. 3. c. 1.

Deinde S. BERNARDVS in sermone quodam. *Queramus per ea
saltem que facta sunt intellectum inuisibilem Dei, quæ si in ceteris creatu-
ris intellecta conspiciat anima, necesse est ut longè amplius conspiciat, & in-
telligat multo subtilius in ea creatura que facta est ad imaginem creatoris,
hoc est, in seipsa. Nullus Deo vicinior gradus inter omnes qua sub sole habi-
tant creaturas, quam anima humana, ut merito propheta dicat ad ipsum.
Beatus vir cuius est auxilium abs te, ascensiones in corde suo disposuit. Et
post pauca. Ibunt, inquit, de virtute in virtutem videbitur Deus Deorum
in Sion. De ceteris rebus, nempe diuinis & cœlestibus non
attinet dicere, quia eas contemplationi pro-
priè esse subiectas dubium
non est.* In psal. 74.



De Contemplationis præstantia & dignitate.

Luc. 10. 42.

B. c. 2.

A. ser. 27.

H. in c. 3.

C. col. 1. c. 8.

G. 6 c. 18.

Bas. ep. 112.

Luc. 17. 21.

Nazianzen.

Amb.

Luc. 10. 42.

Hier. c. 3.

CONTEMPLATIONIS præstantiam & dignitatem satis insinuauit Christus Dominus, cum Mariæ Magdalenæ studium in audiendis & expendendis diuinis sermonibus anteposuit ministerio Marthæ sororis licet ex charitate profecto, dicens. *MARIA optimam partem elegit, quæ non auferetur ab ea.* Ex quo loco probant S. Patres contemplationem actionem, & vitam contemplatiuam actiuam esse excellentiorem, ut Basilii in monasticis constitut. August. de verbis Domini. Hieron. in leremiam. Cassianus in collationibus. Gregorius in Moralibus, & alii. Certe D. Basilii in Apologia ad Cæsarianos vult contemplationem, quod Christus apud Lucam ait, esse intra nos. *Nihil autem, fratres, inquit, regnum cælorum putabitis, quam veram eorum quæ sunt cognitionem, quam & felicitatem vocant diuina scriptura. Regnum enim cælorum intra vos est. Circa verò internum hominem nihil aliud quàm contemplatio consistit. relinquitur ergo contemplationem esse regnum cælorum. Quorum enim hic umbras tanquam in speculo quodam videmus, tandem à corpore isto terrestri liberati, incorruptumq; & immortale induti, illorū & archetypa speculabimur.* S. Gregorius Nazianzen. in oratione de pauperum amore. *Præclara est contemplatio, præclara item actio: illa hinc assurgens, atq; in sancta sanctorum contendens, mentemq; nostram ad id quod ipsi cognitum est reuehens: hæc verò Christum hospitio excipiens, officioq; colens, ac vita ipsa & moribus vim sui erga eum amoris testificans. Horum unumquodq; una quadam salutis via est, atque ad aliquam omnino beatarum illarum, & æternarum mansionum du- cens.*

S. AMBROSIVS in psalmum primum. *Præstare mystica moralibus etiam ipse Dominus docet in Euangelio suo dicens de Maria, quæ sedens secus pedes Domini audiebat verbum illius, cum Martha circa ministerium festina- ret, & quereretur, quod soror eam propria circa mensam ministerium non in- uaret. Martha, Martha, Maria optimam partem sibi elegit, quæ non aufer- retur illi. Si quæ Christo ministrabat ad mensam non conferebatur ei, quæ verbum cupiebat audire, quem operantem studioso cognitionis æterna conferre poterimus? Ita tamen ut nec illius operationi fides, nec huius cognitioni, sicut Mariæ, desit operatio.*

S. Hieron. lib. 2. Hierem. *Vna est, & sola Theorica, i. contemplatio Dei, cui merito omnia iustificationū merita vniuersa virtutum studia postponuntur. Actiua. n. vita cum corpore deficit: contemplatiua autem vita hic incipit, ut in*

ut in cœlesti patria perficiatur, quia amoris ignis, qui hic ardere inchoat, cum ipsum quem amat viderit in amore eius amplius ignescet. S. Augustinus in sermonibus de Tempore. Una & sola est contemplatio Dei, cui merito omnia iustificationum merita, uniuersa virtutum studia postponuntur & illa quidem omnia quæ in Apostolo Paulo fuisse prædiximus, non solum bona & utilia, verum etiam magna atq. præclara. Sed sicut verbi gratia stanni metallum, quod alicuius utilitatis & gratia putabatur sit argenti contemplatione vilissimum, & rursum auri comparatione meritum euanesceat argenti, aurum quoque ipsum gemmarum collatione contemnitur, & ipsarum nihilominus quamnis insignium multitudo gemmarum vnius margarita candore superatur: ita illa omnia merita quamuis non solum in presenti bona & utilia sint, verum etiam donum æternitatis acquirant, tamen si diuina contemplationis meritis conferantur, vilia atq. ut ita dixerim, vendibilia censebuntur. S. Gregorius libro 5. moralium, exponens verba Exodi. Quia Moyses ascendit, & Dominus in montem descendit. Mons, inquit, est ipsa nostra contemplatio, in quam nos ascendimus, ut ad ea quæ ultra infirmitatem nostram sunt videnda subleuemur. Sed in hanc Dominus descendit, quia nobis multum proficientibus parum de se aliquid sensibus nostris aperit: si tamen dici in illo vel parum vel aliquid potest, qui unus semper & idem permanens intelligi pariliter non potest, & tamen à suis fidelibus participari dicitur, cum in eius substantia pars nullatenus admittatur.

A. ser. 43.

G. c. 26.

Exo. 24. 12.

C A P V T III.

De Contemplationis proprietatibus.

PRIMA proprietas est, quod sit actio intellectus homini imprimis à natura congruens. Vnde S. Basilius epistola 142. Absurdum esse iudico, quod cum sensus corporum nostrorum congruenter proprijs reficiamus materijs, mens sola à propria summoveatur operatione. Ut enim sensus rerum sensibilium, ita & mens intelligibilium notionem & conceptum habet. Simul autem & hoc dicendum quod naturalem illam iudicandi vim nobis in seuit, ac fecit nihil indigam doctrina, qui nos condidit Deus. Et S. Gregor. octauo moralium. Ad contemplandum creatorem homo conditus fuit, ut eius semper speciem quæreretur, atq. in soliditate illius amoris habitaret. sed extra se per inobedientiam missus mentis suæ locum perdidit, quia tenebrosis itineribus sparsus, ab habitatione veri luminis elongauit.

Apolog.

G. c. 14.

II. Proprietas est, quod sit gratuitum donum Dei. Deus siquidem teste propheta Dauid, illuminat tenebras nostras, & ut loquitur Apostolus illuxit in cordibus nostris ad illuminationem scientiæ claritatis

Psal. 17. 20.

2. Cor. 4. 6.

A. c. 9. De. vnde S. Augustinus libro de spiritu & anima supra dixit. Spiritus meditatione atq; contemplatione ad Deum ascendit, Deus verò reuelatione atq; diuina inspiratione ad eum descendit. Quo sensu & S. Bernardus in par- uis sermonibus scripsit, ex condescensione verbi Dei ad humanam naturam per gratiam, & exaltationem humane nature ad ipsum verbum per diuinum amorem, fieri contemplationem.

III. Est, quod hoc donum nulli hominum statui negatum sit, vt docet S. Gregor. in Ezechielem, Videmus, inquit, alios in summis locis Ec- clesie sancta constitutos alta de cœlestibus loqui miro studio, in quantum illu- strata mens sufficit superne patrie secreta rimari. Alij verò in sancta Ec- clesie sinu continentur, & despectu humanis oculis videntur, sed apud se sapi- entie studijs vacant, ad cœlestia anhelant, atq; in quantum prævalent qua sint gaudia aterna considerant. Exempla in vitis Sanctorum exstant plurima, vt S. Antonij, S. Francisci, & sociorum eius ut Egidij, Bernardi, qui licet litterarum rudes dono contemplandi excellue- runt. Et si verò hoc donum nulli statui hominum negatum sit, nulli tamen neq; statui, neq; homini est ad salutem necessarium, vt idem ibidem annotauit. Quamdiu, ait, inter proximos vivimus, quamuis utra- que (contemplatio & actio sancta) ex dono sit gratia, vna nobis in neces- sitate est, altera in voluntate. Quis enim cognoscens Deum ad eius regnum ingreditur, nisi prius bene operetur? Sine contemplatiua ergo vita intrare possunt ad cœlestem patriam, qui bona quæ possunt operari non negligunt. Sine actiua autem intrare non possunt, si negligunt bona operari quæ possunt.

IV. Est, vt qui dono contemplationis valent, suo tempore se ad externas actiones dimittere non negligent. Cum proximorum, inquit idem B. Greg. in moralibus, causis exterioribus qui aptè deser- uiant defunt, debent hi quoq; qui spiritualibus donis pleni sunt, eorum infir- mitatibus condescendere, terrenisq; illorum necessitatibus, in quantum decen- ter valeant charitatis condescensione seruire. Nec tadere animum debet, si sensus eius contemplationi spiritualium semper intentus aliquando dispen- sandis rebus minimis quasi minoratus inflectitur, quando illud verbum, per quod constat omnis creatura, vt prodesset hominibus assumpta humanitate voluit paulo minus ab angelis minorari. Nec tamen minoratur sensus cum sic attrahitur, quia tanto subtilius superiora penetrat, quanto humilium pro amore conditoris nec inferiora contemnit. Et in Ezechielem, Sicut, inquit, bonus ordo viuendi est, vt ab actiua in contemplatiuam ten- datur: ita plerumq; utiliter à contemplatiua animus ad actiuam reflecti- tur, vt per hoc quod contemplatiua mentem accenderit, perfectius actiua te- neatur. Et S. Bernar. in Cantica. Hoc vera & casta contemplatio habet, vt mentem,

mentem, quam diuino igne vehementer succenderit, tanto interdum repleat zelo, & desiderio acquirendi Deo, qui eum similiter diligant, ut otium contemplationis pro studio predicationis libentissime intermittat: & rursus potita votis aliquatenus in hac parte tanto ardentius redeat in idipsum, quanto se fructuosius intermisisse meminerit. Hoc S. Bernardus suo exemplo, ut liquet ex eius vita & epistolis egregie declarauit, & ante eum S. Antonius, multiq; alij anachoretæ qui, licet toti contemplatione absorpti, solitudinibus desertis ad vrbes confugerunt, ut Ecclesiam fluctuantem erigerent, de quibus multa in Ecclesiastica historia. S. Augustinus tractatu 7. in Joannem eodem refert visionem Jacobi Patriarchæ de ascensu, descensuq; angelorum in scala, & dictum Christi ad Nathanaelem de iisdem ascendentibus & descendentibus super filium hominis.

V. Est, Contemplationem etiam rerum inuisibilium & cœlestium ut vitæ æternæ, angelicorum spirituum, & Dei Opt. Max. cum mysterio S. Trinitatis inchoari in hac uita, Propter quod, inquit Apostolus, non deficimus, nempe in perferendis tribulationibus, non contemplantibus nobis quæ videntur, sed quæ non videntur. Quæ enim videntur temporalia sunt, quæ autem non videntur aterna sunt. Et Christus ad Patrem. Hæc est vita aterna, ut cognoscant te solum veram Deum, & quem misisti Iesum Christum. loquebatur autem de cognitione ab Apostolis in hac vita inchoata. Ita docuit S. Hieronymus loco supra citato, & B. Prosper libro primo de vita contemplatiua cap. 5. & 6. in eandem in hac vita, ut salutaris sit, debere esse conjunctam cum affectu voluntatis, quem iungebat illi qui dicebat. Nostre autem conuersatio in cœlis est, nempe affectu. Et. Non habemus hic manentem ciuitatem, sed futuram inquirimus. Vnde S. BERNARDVS in Cantica. Cum duo sint beatæ contemplationis excessus, in intellectu vnus, & alter in affectu: vnus in lumine, & alter in feruore: vnus in cogitatione, & alter in deuotione: pius sanè affectus & pectus amore calens, & sanctæ deuotionis infusio, etiam & vehementis spiritus repletus zelo, non plane aliunde, quam è cella vinaria reportantur. 3. eandem contemplationem, siue intellectum siue affectum spectes non esse certis limitibus circumscriptam, sed in alijs atq; alijs esse perfectiorem, ut idem S. Bernardus ostendit in eadem Cantica. Richardus libro quinto de contemplatione assignat & triplicem modum quo in contemplatione, aliquis perficiatur, nempe mentis uel dilatatione, uel subleuatione uel alienatione. Mentis dilatatio est, inquit, quando animi acies latius expanditur, & vehementius acuitur, modum tamen humane industria nullatenus supergreditur. Mentis subleuatio est, quando intel-

ligentia

Gen. 28. 12.
Ioan. 1. 51.

2. Cor. 4. 16.

Ioan. 17. 3.

H. in c. 5.

Ierem.

Phil. 3. 20.
Hebr. 13. 14.
B. ser. 4. 9.

Id. serm. 67.
R. p. 1. c. 2.

ludentia vluacitas diuinitus irradiata humana industria metas transcendit, nec tamen in mentis alienationem transit, ita ut & supra se sit quod uideat, & tamen ab assuetis penitus non recedat. Mentis alienatio est, quando presentium memoria menti excidit, & in peregrinum quendam, & humane industria innum animi statum diuina operationis transfiguratione transit. Hos tres contemplationis modos experiuntur, qui ad summam eiusmodi gratia artem subleuari merentur. 4. deniq; quantacumq; contemplationis perfectio homini in hac vita contingat, tamen esse imperfectam, si conferatur cum contemplatione futura in altera vita. Id clarè testatur Apostolus, qui licet ad fastigium contemplationis peruenisset, in ipsumq; tertium cœlum raptus fuisset, tamen ita scripsit in priore epistola ad Corinthios. *Ex parte cognoscimus, & ex parte prophetamus. cum autem uenerit, quod perfectum est, euacuabitur quod ex parte est. Videmus nunc per speculum in enigmate, tunc autem facie ad faciem. Nunc cognosce ex parte, tunc autem cognoscam, sicut & cognitus sum. Et ad Philippenses. Fratres ego me non arbitror comprehensisse. & deinde subiungit. Quicumq; ergo perfecti sumus, hoc sentiamus.* In quæ dicta ita scribit B. Prosper loco cit. Si consideramus Apostoli Pauli sermonem, quo inter eam scientiam, quæ hic est, & eam, quæ ibi futura est discriminans, *Ex parte scimus, & ex parte prophetamus, contemplationem diuinam, quæ in hac vita est illi futura conferre nec possumus, nec debemus, quando idem Apostolus adiungat, & dicat. Cum autem uenerit, quod perfectum est, in illa vita significans, tunc euacuabitur, quod ex parte est: ac sic, quod modo ex parte sentimus, tunc ad illam plenitudinem contemplationis diuina perducti iam perfectè videbimus.*

2 Cor. 12. 8.

2 Cor. 13. 9.

Phil. 3. 13.

15.

Ps. 1. c. 6.

CAP V V IV.

De Contemplationis effectis, uel fructibus.

PRIMVS fructus Contemplationis est, quod eximia voluptate spiritali animum perfundat, quietumq; & tranquillum efficiat. Vnde contemplator quidam dicebat. *Quis dabit mihi pennas sicut columba, & volabo, nempe per contemplationem, & requiescam.* Quicquid verò potit⁹ exclamabat. *Quam magna multitudo dulcedinis tuæ quam abscondisti timentibus te.* Et Apostolus Petrus cum in monte Thabor contemplatione transfigurati Christi fructus esset, tanta voluptate exultat, ut diceret ad Jesum. *Domine bonum est nos hic esse.* Contemplatiua uita, inquit S. Gregor. in Ezechielem, *amabilis ualde dulcedo est, quæ super se metipsam animam rapit, cœlestia aperit, terrena autem debero esse contemplati*

Ps. 54. 7.
Ps. 10. 20.

Matt. 17. 4.

G. hom. 14.

ostendit: spiritualia mentis oculis patefacit, corporalia abscondit. Qua de causa suauissimo somno comparatur, in diuinis scripturis, vt idem Greg. Id. lib. 5. c. 21. in moralibus aſſignauit: Sciendum est, ait, quia in Scriptura sacra figuratè positus, tribus modis accipitur. Aliquando enim somno mors carnis, aliquando torpor negligentia, aliquando verò exprimitur calcatis terrenis desiderijs quies vite, sicut Sponsa voce in Canticis canticorum dicitur. Ego dormio, & cor meum vigilat, quia videlicet sancta mens, quo se à strepitu temporalis concupiscentia comprimit, eo verius interna cognoscit, & tanto alacrius ad intima vigilat, quanto se ab exteriori inquietudine occultat. Quod bene per Iacob Gen. 28. 11. in itinere dormientem figuratur, qui ad caput lapidem posuit, & obdormiuit à terra scalam cælo inhaerentem, innixum scala Deum, ascendentes quoq; & descendentes angelos vidit. In itinere quippe dormire, est in hoc presentis vite transitu à rerum temporalium amore quiescere. Angelos verò ascendentes & descendentes cernere, est ciues supernæ patriæ contemplari.

II. Fructus, est quod rerum terrenarum amorem conuertat in amorem cælestium. Vnde idem Sanctus exponens verba illa Job. Super hoc expauit cor meum, & motum est de loco suo, ita scribit. Locus quippe humani cordis est delectatio vite presentis, sed cum diuina aspiratione tangitur locus nostri cordis fit amor aternitatis. Consideratione igitur aternæ patriæ de loco suo animus mouetur, quia derelictis infimis in supernis cogitationibus ponitur. Prius enim quæ essent aterna nesciebat, in presentium delectatione torpuerat, simulque ipse transiens amore transeuntia tenebat. Sed postquam, quæ essent aterna, cognouit, postquam superna lucis radios raptim contemplando contigit, admiratione summorum sese ab infimis suscitatus eleuauit, vt nulla iam ei, nisi quæ aterna sunt libeant, & despectis transeuntibus sola quæ permanent requirat.

III. Est, quod beneficio contemplationis breuissima nobis pareatur via ad vitæ spiritualis perfectionem, quod tot Sanctorum exemplis, maxime anachoretarum ostenditur, quotquot in contemplatione excelluerunt, de quibus ita loquitur summus contemplator noster Gregorius. Qui sunt in Sancta Ecclesia thalami, nisi eorum corda in quibus anime per amorem sponso inuisibili iunguntur, vt eius desiderio mens ardeat, nulla iam quæ in mundo sunt concupiscat, presentis vite longitudinem pœnam deputet, exire festinet, & amoris amplexu in cælestis sponsi visione requiescere. Mens itaq; quæ iam talis est nullam presentis seculi consolationem recipit, sed ad illam, quam diligit, medullitus suspirat, feruet, anhelat, anxiatur. Vilis fit ipsa salus sui corporis, quia transfixa est vulnere amoris. Vnde & in Canticis dicitur. Vulnerata charitate ego sum.

B. serm. 52.

IV. Est, quod mirificè iuuat ad mortificandas omnes animi & corporis perturbationes, totumq; veterem hominem renouandum, vt bene aduertit alius è summis contemplatoribus S. Bernardus in sua Cantica. *Excedente anima*, ait, *et si nō vita, certe vita sensu, necesse est etiam, vt nec vita tentatio sentiatur. Quis dabit mihi pennas sicut columba, & volabo, & requiescam? Vtinam hac morte ego frequenter cadam, vt euadam laqueos mortis, vt non sentiam vitæ luxuriantis mortifera blandimenta, vt non obstupeſcam ad sensum libidinis, ad æstum auaritiæ, ad iracundiæ & impatientiæ stimulos, ad angores solitudinū, & molestias curarum. Moriatur anima mea morte iustorum, vt nulla illam illaqueet fraus, nulla oblectet iniquitas. Bona mors, quæ vitam non aufert sed transfert in melius.*

Id. serm. 57.

V. Fructus sit zelus animarum, quem idem S. Pater alibi obseruauit. *Hoc vera, inquit, & casta contemplatio habet, vt mentem quam diuino igne vehementer succenderit, tanto interdum repleat zelo & desiderio acquirendi Deo, qui eum similiter diligant, vt etiam contemplationis pro studio predicationis libentissimè intermittat.*

C A P V T V.

De Impedimentis Contemplationis.

Psalm. 37. 21.

Psalm. 31. 4.

Psalm. 101. 10.

S. BERNARDVS sermone 5. de assumptione B. V. Mariæ tria impedimenta enumerat his verbis. *TRIA sunt, quæ oculum intelligentiæ confundunt, atque à contemplatione veri luminis excludunt: tenebræ, scilicet peccatorum, recordatio eorundem peccatorum, cura terrenorum actuum. Primo illo morbo turbatum se plangebat propheta, cum diceret. Dereliquit me virtus mea, & lumen oculorum meorum, & ipsum non est mecum. Cum enim luce iustitiæ destituimur, nil aliud quam peccatorum nostrorum tenebras inuenimus. Item secundo se grauari sentiebat, cum dicebat. Conuersus sum in arumna mea dum configitur spina, peccatorum scilicet recordatio. Tertio occupari se conqueritur, cum dicit. Quia cinerem tanquam panem manducabam, cinerem scilicet actionis pro pane contemplationis. Quicumque ergo mentis oculum diuinæ contemplationi vult intendere, profecto necesse est, vt eum prius ab hoc triplici impedimento studeat purgare. Quod si quis facere contendat, nouerit contra triplicem morbum, triplex quoque fore remedium. Nam primus quidem per confessionem, secundus per orationem, tertius curatur per quietem.*

IV. & V.

B. ser. 23. in Cāt.

IDEM alibi duo alia commemorat impedimenta, nempe corporis inualetudinem, & irruentium phantasmatum copiam. *In hoc arcanum,* ait.

ait, & in hoc sanctuarium Dei, contemplationis scilicet, si quem forte vestrum aliqua hora sic rapi, & sic abscondi contigerit, ut minimè auocet, aut perturbet, vel sensus egens (vt in agro) vel cura pungens, vel culpa mordens, vel ea certe, qua difficilius amouentur irruentium imaginum corporearum phantasmata poterit quidem hic, cum ad nos redierit, gloriari, & dicere. Introduxit me rex in cubiculum suum. Vnde Ioannes Cassianus collatione decima non semel monet, vt quales orantes volumus inueniri, tales simus ante tempus orandi, necesse enim esse mentem in tempore supplicationis suae de statu praesenti formari. Cum enim se mens ad studium orationis erexerit, ait S. Gregorius 10. moralium, earum rerum imagines reuerberata patitur, quibus libenter prius otiosa premebatur.

C. c. 9. 13.

C. c. 17.

SEXTVM impedimentum profert S. Thomas in altera summae Theologicae parte, vehementiam passionum. Duo sunt, inquit, quae impediunt actum contemplationis. Vehementia passionum, per quam abstrahitur intentio animae ab intelligibilibus ad sensibilia, & tumultus exteriores occupationum.

T. 2. q. 180. a. 2.

C A P V T VI.

De Medijs quibus ad perfectionem Contemplationis veniatur.

PRIMUM medium assignat Ioan. Cassianus his verbis. Quisquē ad Theoreticam voluerit peruenire, necesse est, vt omni studio atque virtute actualem primum scientiam consequatur, &c. Haec autem actualis perfectio duplici ratione subsistit. Nam primus eius modus est, vt omnium natura virtutum, & curationis ratio cognoscatur. Secundus, vt ita discernatur ordo virtutum, earumque perfectione mens nostra formetur, vt illis non iam velut coacta, & quasi violento imperio subiecta famuletur, sed tanquam naturali bono delectetur atque pascatur, & arduam illam atque angustam viam cum oblectatione conscendat.

C. col. 14. c. 2. & 3.

II. MEDIUM tradit CLEMENS Alexandrinus Puritatem cordis, immò CHRISTVS ipse, dum ait. Beati mundo corde, quoniam ipsi Deum videbunt. Consentit B. BERNARDVS libro quinto, de Consideratione. Prima, inquit, & maxima contemplatio est admiratio Maiestatis. haec requirit cor purgatum, vt à vitijs liberum atque exornatum peccatis facile ad superna leuet, interdum quoque vel per aliquas morulas stupore & ecstasi suspensum teneat admirantem. Et in

Cl. 7. Strom.

Matt. 5.

Bern. in fine.

Id. ser. 62.

Cantica. Placeat necesse est facies, quæ in Dei claritatem intendere potest. Neque enim id posset, nisi clara ipsa quæq; esset & pura, utiq; transformata in eandem, quam conspiciat claritatis imaginem, alioquin ipsa dissimilitudine resiliaret insolito reuerberata fulgore. Ergo cum pura puram intueri potuerit veritatem, tunc faciem ipsius sponsus videre cupit.

P. de vita cont.
cap. 8.

III. Medium proponit S. Prosper, idq; multiplex. *Vita*, inquit, contemplatiua sectator ad conditorem suum corde illuminandus accedat, ipsi contemplando atq; insatiabiliter perfruendo vigilanter inserviat, ipsum iugiter concupiscat, præ amore eius omnia quibus inde potest auerti refugiat, omnes cogitationes suas ac totam spem ex illius delectatione suspendat, litterarum diuinarum sacris meditationibus vacet, in his se diuinitus illuminatus oblectet, ibi se totum velut in speculo quodam refulgente consideret, quod in se prauum deprehenderit corrigat, quod rectum est teneat, quod deforme componat, quod pulchram excolat, quod sanum seruet, quod infirmum, assidua lectione corroboret, &c. Et cum hæc & his similia contemplatiua vitæ desiderio affectus impleuerit, non se hinc iam ex parte omni perfectum, sed perficiendum in illa beata vita, quæ futura est, immobiliter credat, atq; ad eandem se, ubi Dei substantiam reuelata facie videre possit, extendat.

G. hom. 18.

IV. Medium est S. Gregorii in Ezechielem, nempe consideratio vitæ Sanctorum. Non solum, inquit, alta Sanctæ Ecclesiæ membra quæ prominent habent contemplationis gratiā, sed plerumq; hoc donum etiam illa membra percipiunt, quæ et si per desiderium ad summa emicant, tamen adhuc per officium in imis iacent. Et paulo post. Sic in contemplationem nostram multa cogitationibus circumeundo proficimus, sicut exempla bonorum sepe querimus, ut in moribus proficiamus. Nam cum iam cogitat animus ad meliora transire, quicquid melius de alijs audire posset exquirat, nunc huius, nunc alterius sancti vitam ventilat. Vnde & electus quidam, qui in expanso riuo Sanctæ Ecclesiæ per vniuersum mundum mentis oculos miserat, bonorum vitam ad imitationem requirens dicebat. Circuibō, & immolabo in tabernaculo Dei hostiam iubilationis. Ecce, ut immolaret iubilationis hostiam circuibat: quia nisi animam huc illucq; ad bonorum vitam exquirendam mitteret, ipse utq; ad iubilationis sacrificium non perueniret. Cum vero sancti viri intra Ecclesiam ad loca summa perducuntur eorum vita quasi in speculo ponitur, ut cuncti videant bona quæ debeant imitari. Exemplum huius medij habemus in S. ANTONIO, qui ut ad perfectionem vitæ contemplatiuæ & anachoreticæ breui perueniret, adhuc adolescens omnium eremitarum quos laude aliqua virtutis præstare audierat, cellas obibat, & instar apiculæ prudentissimæ variarum virtutum roseida mella colligebat, ut commemorat S. Athanasius sub initium vitæ illius.

Sur. tom. 1.

V. Mc.

V. Medium suggerit S. Basilii in Constitutionibus monasticis, id-
que monachis congruens in hæc verba. *Quod si mauis Mariam Magda-* B. cap. 2.
lenam imitari, quæ sperto corporis obsequio altius ad rerum diuinarum contem-
plationem ascendit, legitimè & ut par est, verè negotium tractato, corporis cu-
ram abiicito, agricolationem deserito, apparatus etiam epularum & obsonio-
rum aspernator, & ad Domini pedes assideto, & quæ ille dicat auscultato, ut ar-
canorum diuinitatis particeps efficiare. Siquidem officiis iis quæ corpori impen-
duntur potior est dogmatum Christi contemplatio. Et iterum. Proinde si tibi
quoque in animo fuerit Christi arcanis imbui, & ad pedes illius assederis, totam
ibi rem deserēs familiarem tuam & vacuus ab omni sollicitudine deges: corporis
proprii etiam obliuiscere, atq; hoc modo in contemplationibus versans familia-
rius cum eo colloqui poteris, ut Mariam ita imitere, & supremæ gloriæ fructum
consequare.

VI. Medium, contemplationi semper iungendum, tradit S. BERNARDVS in Cantica, nempe Orationem. *Si quis nostrum, ait, integrè &* B. l. 57.
perfectè iuxta verbum sapientis cor suum tradat ad vigilandū diluculo ad Do-
minū, qui fecit illum, & in conspectu altissimi deprecetur, simulq; votis omnibus
studeat secundum Isaiam prophetam parare vias Domini, rectas facere semitas
Dei sui, cui cum propheta sit dicere. Oculi mei semper ad Dominū Et. Quia pro-
uidebam Dominum in conspectu meo semper, nonne hic accipiet benedictionem
à Domino, & misericordiam à Deo saluari suo? Visitationis profecto frequenter,
nec vnquam ignorabit tempus visitationis sue, quantumlibet is qui in spiritu
visitat, clandestinus veniat & furtinus, utpote verecundus amator. Idē tradit
Richardus in Benjamin minore Sine triplici studio ad huius, inquit, cogni- R. p. l. c. 73.
tionis celsitudinem non perducimur. Per studium operis, per studium meditatio-
nis, per studium orationis. Multa enim experimur operando, multa inuenimus
inuestigando, multa extorquemus orando. Innumera siquidem, quæ nec per
experientiam operis, nec per inuestigationem rationis inuenire valemus, per in-
opportunitatem orationis edoceri meremur.

VIDE V. Cognitio Dei. Oratio. Et in PANARIO V. Illusiones spirituales.

CORRECTIO.

CAPVT I.

Quid nomine Correctionis intelligatur, & cuius
virtutis Actio sit.

CORRECTIONIS nomine generatim intelligimus quamuis ex
charitate profectam admonitionem de cauendo errato, vel lapsu
commisso,

CORRECTIO.

166

A. serm. 16.

G. in psal. poeni.
Psal. 37. 1.
Aug. in ps. 37.

Th. 2. q. 33. a. 1.
Matt. 18. 15.
2. Thess. 3. 15.

A. c. 16.

Prou. 3. 17.

1. Ioan. 3. 17.

Psal. 140. 5.

Prou. 17. 6.

commisso; siue leniorem, quæ propriè dicitur admonitio & correctio; siue seueriorem, quæ dicitur correptio, reprehensio, obiurgatio, increpatio. Tale discrimen notauit S. Augustinus de verbis Domini in verbis corripiendi & corrigendi, *Debemus, inquit, amando corripere, non nocendi auiditate, sed studio corrigendi*, intelligens correctionem quam sequitur emendatio. Et S. Gregorius in vocibus arguendi & corripiendi, exponens verba illa psalmi, *Domine ne in furore tuo arguas me, neq. in ira tua corripas me*. Sicut maior, inquit, est furor quam ira, ita arguere maius est, quam corripere. Teste B. Augustino, hi omnes qui non posuerunt sibi fundamentum Christum in furore arguuntur, quia aeterno igne cruciantur. Qui autè eidem fundamento superposuerunt lignum, fenum stipulam, in ira corripiuntur, quia igne purgati ad beatitudinis requiem deducuntur.

Hæc Correctio, auctore S. Thoma Aquinate in summa Theologia, est actio charitatis, quod in dicauit Dominus apud Matthæum, dicens, *Si peccauerit in te frater tuus, corripe illum*. Nam voce fratris insinuat esse corripiendum ex caritate fraterna. Sic Apostolus agens de homine inobediente, *Nolite, ait, quasi inimicum existimare, sed corripite ut fratrem*. Vnde S. Ambrosius in lib. 3. de officiis arbitratur inter amicos quoq. qui maximè inter se charitate deuincti sunt, laudabilem esse correctionem. *Sicut enim, inquit, bonæ correptiones, & plerunq. meliores quam tacita amicitia. Et si la di se putat amicus, tu tamen corripe, &c.* Ac de Deo ipso legimus in Prouerbiis Salomonis, *Quem diligit Dominus corripit, & quasi Pater in filio complacet sibi*. Deinde quid est aliud correctio fraterna, quam eleemosyna spiritualis, quam proximi in peccatum lapsi subleuamus miseriam? at eleemosynam esse actionem charitatis, satis declarauit S. Ioannes his verbis. *Qui habuerit substantiam huius mundi & uiderit fratrem suum necessitatem patientem, & clauserit viscera sua ab eo, quomodo charitas Dei manet in illo*. Quæ de causa haud secus quàm eleemosyna, potest esse etiam actio virtutis misericordiae, iuxta illud psalmi. *Corripiet me iustus in misericordia & increpabit me: oleum autem peccatoris non impinguet caput meum*. In quæ verba ita S. Chrysost. *Quid psalmista dicit est huiusmodi. Eorum qui ad gratiam loquuntur propter amicum cætus nunquam fuerim particeps: eos autem elegerim, qui sunt acres & uehementes & corrigunt, qui peccatum aperiunt, qui reprehendunt: hoc enim maxime misericordia & clementia mederi vulneribus. Et ideo dixit quispiam. Meliora sunt vulnera diligentis, quam fraudulenta oscula odientis.*

* *

CAPIT

CAPVT II.

Lege diuina correctionem esse necessariam.

CORRECTIONEM diuina lege esse mandatam patefecit Spiritus sanctus primum in literis sacris, vt in Leuitico. *Non oderis fratrem tuum in corde tuo, sed publicè argue eum, ne habeas super illo peccatum.* Et in Salomonis Prouerbis *Argue sapientem, & diliget te.* Et apud Ecclesiasticum *Corripe amicum, ne forte non intellexerit, & dicat. Non feci: aut si fecerit, ne iterum addat facere. Corripe proximum, ne forte non dixerit: & si dixerit, ne forte iteret. Corripe animam, sæpe enim fit commissio. Corripe proximum antequam commineris.* Et Christus Dominus apud Matthæum. *Si peccauerit in te frater tuus, vade & corripe eum inter te & ipsum solum: si te audierit, lucratus eris fratrem tuum.* Et Apostolus ad Thessalonicenses. *Corripite inquietos, consolamini pusillanimes.* Et ad Timotheum *Peccantes coram omnibus argue.* Et iterum. *Prædica verbum, in sã oportu- nè, importu- nè argue, obsecra, increpa in omni patientia & doctrina.* Et ad Titum. *Increpa illos (Cretenses) durè, vt sanisint in fide.*

Leu. 19. 17.

Prou. 9. 8.

Eccli. 19. 13.

Matth. 18. 15.

1. Thess. 5. 14.

1. Tim. 5. 20.

2. Tim. 4. 2.

Tit. 1. 13.

SECUNDO patefecit in veterum Patrum libris. ORIGENES in Leuiticum ait. *Vis scire, quia consentiant hæc Euangelicis præceptis? Dominus inquit. Si videris fratrem tuum peccare, argue eum inter te & ipsum solum.*

S. Basilius in Moralibus summa 52. cap. 2. inter alia diuina præcepta ponit etiam, quod non oportet silere, dum peccantes vides, idq; confirmat ex B. Luca, vbi Dominus ait. *Si peccauerit in te frater tuus, increpa ipsum.* Et ex Apostolo ad Ephesios. *Nolite communicare operibus in- fructuosis tenebrarum, imò etiam redarguite.* S. Hieronymus in verba psal- mi. *Corripiet me iustus in misericordia, &c.* non corrigentem cõfert medico, *qui si videas in corpore carnes putridas, & dicat quid ad me pertinet? scias, inquit, quia crudelis est.* S. Chrysost. hom. 60. in Matthæum. *Si nobis non est satis ad salutem quod virtuose vitamur, sed oportet aliorum salutem re ipsa desiderare: cum neq; nos recte viuamus, neque alios hortemur, quid respondebimus? quæ nobis spes salutis reliqua erit?* Et lib. 3. contra vituperatores vitæ monasticæ. *Iudex parè & fere eadem diligentia nostram & proximorum nostrorū salutem requirit à nobis: idcirco Paulus quoq; semper & ubiq; monet singulos, non quæ sua sunt querere, sed quæ proximorū: ideo in Corinthios inuehitur vehementer, quod nullā curā habuerint eius, qui in grauissimū crimē fornicōis inciderat, sed magis eius vulnus tumidū, obduratūq; contempserint.*

Luc. 17. 3.

Eph. 5. 11.

Psal. 140. 6.

Hier. in Psalm.

Chrysostom.

Galatis

Gal. 6. 1.

Galatis quoque eadem scribens aiebat. Fratres, & si praecipuus fuerit homo in aliquo delicto, vos qui spirituales estis eiusmodi corrigite. Thessalonicensibus item eadem monita edebat, dicens. Itaque exhortamini inuicem, sicut & facitis. Itemque Corripite indisciplinatos, consolamini pusillanimes, sustinete infirmos. Ne quis enim diceret, quid mea interest etiam aliorum curare salutem? qui perit, pereat. & qui seruetur, seruetur, nihil horum pertinet ad me, mei tantum ipsius curam habere mihi imperatum est. Ne quis, inquam, ista diceret, immane hanc & prorsus inhumanam cogitationem iugulans, legibus istis illam sepsit, quibus plurima iuberet nostrorum commodorum negligere, ut proximorum saluti consuleremus, &c. multa.

A. 1. 1. 15.

S. Augustinus de verbis Domini. Si peccauerit in te frater tuus, corripe illum inter te & ipsum solum. Si neglexeris, peior es. Ille iniuriam fecit, & iniuriam faciendo graui seipsum vulnere percussit. Tu vulnus fratris tui contemnis? Tu enim vides perire & negligis? Peior es tacendo, quam ille conuiciando. S. Gregorius ad Felicem Episcopum Siciliæ. Saluator inter cetera de peccante in se fratre precipiendo ait. Si peccauerit in te frater tuus, corripe eum. Innocentius III. in Capitulum, Cum ex iniuncto. Extra de hæreticis. Aliud est, inquit, fratrem in se peccantem occulte corripere quod quisque tenetur efficere secundum regulam Euangelicam, &c. aliud, fratrem suum delinquentem manifeste reprehendere.

C. li. 12. ep. 31.

T. de Poenit.

Eccli. 17. 19.
Ib. 17. 12.Matt. 7. 12.
Tob. 4. 16.

RATIO naturalis quoque, quæ, teste Tertulliano, est quædam res Dei, dicitur, ut proximo, siue in salute corporis, siue animi, quæ nobilior est, procuranda, commodemus. Omne enim animal, inquit Sapiens, diligit simile sibi, sic & omnis homo proximum sibi. Et iterum Mandauit (Deus) vnicuique de proximo suo, non modo lege diuina, sed etiam naturali. qualis est & illa Christi. Omnia quaecumque vultis ut faciant vobis homines & vos facite illis. Atqui corrigendo sæpenumero prodesse possumus proximo, ergo tenemur eum corrigere. Quare nec Gentiles rationem secuti hanc doctrinam ignorarunt. Plauti verba sunt in Trinummio.

Sed tu ex amicis certis mihi certissimus,
Si quid me scis fecisse in scitè, aut improbè,
Si id non accusas, tu ipse obiurgandus es.

SENECÆ quoque Philosophi in Prouerbiis hæc feruntur sententia. Amici vitia si feras, facis tua Cum his conuersare, qui te corrigant.

Secretò admone amicos, palam lauda. Vitia transmittit ad posteros, qui presentibus culpis ignoscit. Bonis nocet, qui malis parcat.

CAPVT

FRATERNAL.

169

CAPUT III.

De multiplici fructu correctionis.

NEQUE reticuit Spiritus sanctus multiplicem fructum fraternæ correctionis. PRIMVS est, quod sæpe hominem è luto peccatorum extrahat & ad meliorem frugem reducat. Id non obscure indicant verba Christi. *Si peccauerit in te frater tuus, vade & corripe illum, & c. si te audierit, lucratus eris fratrem tuum.* Cum quibus conueniunt & illa Apostoli Iacobi. *Si quis ex vobis errauerit à veritate, & conuerterit quis eum, scire debet, quoniam qui conueriti fecerit peccatorem ab errore via sue, saluabit animam eius à morte, & operiet multitudinem peccatorum.* Vnde S. AUGUSTINVS de verbis Domini. *Si te ille, inquit, in quem peccasti corripuerit inter te & ipsum solum, & audieris illum, lucratus es te. Quid est, lucratus es te, nisi quia perieras, si non lucraretur te: nam si non perieras, quomodo te lucratus es? Nemo ergo contemnat, quando peccat in fratrem.* Ait enim quodam loco Apostolus. *Sic peccantes in fratres & percutientes conscientiam eorum infirmam, in Christum peccatis, ideo, quia membra Christi omnes facti sumus.*

Matt. 18. 15. 16.

Iac. 5. 19.

A. serm. 16.

1. Cor. 5. 12.

ALTER fructus est, quod correctionis beneficio peccator in agnitionem peccati veniat, & inde ad poenitentiam adducatur. quem obseruauit sapiens, dum ait. *Corripe amicum, ne forte non intellexerit, & dicat, non feci: aut si fecerit, ne iterum addat facere.* Vnde S. AUGUSTINVS libro de correptione & gratia. *Quicumque, ait, corripitur non vis, etiam propterea corripiendus es, quia corripitur non vis. Non vis enim tibi tua vitia demonstrari: non vis ut feriantur, fiatque tibi utilis dolor, quo medicum queras: non vis tibi tu ipse ostendi, ut cum deformem te vides, reformatorem desideres, eique supplices, ne in illa remaneas fœditate. Tuum quippe vitium est, quod malus es & maius vitium, corripitur nolle, quia malus es, quasi laudanda, vel indifferententer habenda sint vitia, ut neque laudentur, neque vituperentur: aut verò nihil agat timor correpti hominis, vel pudor vel dolor.* Et paulo post. *Hæc est correptionis utilitas, quæ nunc maior, nunc minor pro peccatorum diuersitate salubriter adhibetur, & tunc est salubris, quando supernus medicus respicit. Non enim aliquid proficit, nisi cum facit, ut peccati sui quemque poeniteat.*

Eccl. 19. 19.

A. cap. 5.

III. Fructus est, quod plurimum beneficiorum tam spiritualium, quam temporalium capaces se reddant ipsi correctores, iuxta illud Salomonis. *Qui dicunt impio, insus es, maledicent eis populi, & dete-*

Y

& dete.

& detestabuntur eos tribus. Qui arguunt eum laudabuntur, & super ipsos veniet benedictio.

Prou. 9. 8.
Ib. 28. 23.

IV. est, quod correctio ipsum correctum saepe reddat chariorem correctori, iuxta illud sapientis. *Argue sapientem, & diliget te.* Et. *Qui corripit hominem, gratiam postea inueniet apud eum magis, quam ille qui per lingua blandimenta decipit.*

1. Tim. 5. 20.
Chr. hom. 75.

V. est, quod utilitas, si non in correctū, saltem in alios redundet, secundum illud Apostoli. *Peccantes coram omnibus argue, ut & ceteri timeant.* In quæ verba Chrysostomus. *Quid ergo! nonne maius scandalum facit coram omnibus arguere? minime id quidem, magis enim scandalizantur, si peccata non ignorantes nullum inferri videant cruciatum. Sicut enim si impunè peccetur, plurimi delinquant, ita si peccata puniantur, complures virtuti student.* Ita & Deus fecisse deprehenditur.

A. c. 72.
Luc. 17. 41.

VI. est Augustini, quod correctio ex caritate profecta non sit aliud, quam spiritualis quædam eleemosyna, quam dubium non est prodesse. *Ad omnia*, inquit in Enchiridio ad Laurentium, *quæ utili misericordia sunt, valet quod Dominus ait. Date eleemosynam, & ecce omnia munda sunt vobis.* Non solum autem qui dat esurienti cibum, sitienti potum, nudo vestimentum, &c. verum etiam & qui dat veniam peccanti, eleemosynam dat, & qui emendat verberare, in quem potestas datur, vel coercet aliqua disciplina, & tamen peccatum eius, quo ab illo laesus est, aut offensus dimittit ex corde, vel orat, ut ei dimittatur, non solum quod dimittit atq; orat, verum etiam in eo quod corripit, atque aliqua emendatoria pœna plectit, eleemosynam dat, quia misericordiam præstat. Multa enim bona præstantur inuitis, quando eorum consilium utilitati, non voluntati.

C A P V T IV.

Quod non Prælati solis, vel Senioribus, sed omnibus prorsus hominibus incumbat necessitas corrigendi alios, si debita circumstantia adsint.

PRIMO illud certū & indubitatum est, omnibus Prælati, & Magistratibus æquè politicis atque Ecclesiasticis, & quotquot aliquod imperium in alios habent, (ut parentes in filios, ludimagistri & paedagogi in discipulos) non solum lege diuina generali, de qua actum est capite secundo, sed etiam ratione officii, quod gerunt, incumbere necessitatem alios corrigendi. Nam in sacris litteris acriter eis hæc negligentia exprobratur, ut apud Ezechielem prophetam. *Hæc, inquit,*

ait Dominus Deus. *Va pastoribus Israel, qui pascebant semetipsos. Quod infirmum fuit, non consolidastis, & quod egrotum, non sanastis, quod confractum est non alligastis, & quod abiectum est non reduxistis, & quod perierat non quaesistis.* Quæ verba exponens S. Gregorius 2. parte pastoralis. *Abiectum, G. c. 6.* ait, *reducitur, cum quisque in culpa lapsus ad statum iusticie ex pastoralis sollicitudinis vigore reuocatur. Fracturam vero ligamen astringit, cum culpam disciplina deprimat, ne plaga usque ad iteritum defluat, si hanc distractionis seueritas non coarctat. Sed sæpe deterius frangitur, cum fractura incautè colligatur, ita ut grauius scissuram sentiat si hanc immoderatus ligamenta constringant. Vnde necesse est, ut cum peccati vulnus in subditis corrigendo restringitur, magna se solitudine etiam districtor ipse moderetur.*

Et S. Augustinus libro primo de ciuitate respiciens ad aliam sententiam Ezechielis ita scribit de correctione Prælatorum. *Qua in re non utique parem, sed longe grauiorem habet causam, quibus per prophetam dicitur. Ille quidem in peccato suo morietur: sanguinem autem eius de manu speculatoris requiram. Ad hoc enim speculatores, hoc est, populorum Præpositi constituti sunt in Ecclesiis, ut non parcant obiurgando peccata.* *Ezech. 33. 6. Aug. c. 9.*

S. Bernardus etiam iam existens Abbas vel Præpositus sui monasterii utramque obligationem corrigendi agnoscit dicens. *Vtinam magis neminem obiurgare necesse sit: hoc enim melius. Sed quoniam in multis offendimus omnes, mihi tacere non licet, cui ex officio incumbit peccantes arguere, magis autem urget caritas.* Ex hac verò peculiari obligatione corrigendi prælatorum, illud quoque onus nascitur, ut teneantur inquirere in subditos delinquentes, ut Pastor in oues aberrantes, vel scabiosas. quod & Deus apud dictum prophetam insinuauit, cum ait. *Quod perierat, non quaesistis.* Vnde B. Gregorius loco citato. *Nonnulla, inquit, subtiliter & occultè sunt perscrutanda, ut quibusdam signis erumpentibus rector in subditorum mente omne quod clausum latet inueniat, & interueniente correctionis articulo ex minimis maiora cognoscat.* Vnde rectè ad Ezechielem dicitur. *Fili hominis fode tibi parietem. Vbi mox idem propheta. Et cum fodissem parietem, apparuit ostium vnum & dixit ad me. Ingredere & vide abominationes pessimas, quas isti faciunt hic. Et ingressus vidi, &c.* Notandum itaque est, quia prius foramen in pariete, ac deinde ostium cernitur, & tunc demum occulta abominatio demonstratur; quia nimirum vniuscuiusque peccati prius signa forinsecus, deinde ianua aperta iniquitatis ostenditur, & tunc demum omne malum, quod intus latet, aperitur. *Bern. serm. 4.º in Cant. G. c. 10. Ez. 33.*

SECUNDO certum est, omnibus omnino hominibus, tum qua homines, tum qua Christiani sunt, etiam si aliis non præsent, incumbere

24. q. 3. c. tam
sacerd.

Chr. hom. 2.
1. Thess. 5. 11.

Matt. 25.

Act.

bere necessitatem corrigendi delinquentes. Sententiæ siquidem è sa-
cris litteris supra allatæ generales sunt, ad nullum hominum genus a-
strictæ. Deinde S. Patres disertè id fatentur, inter quos est antiquissi-
mus Pontifex S. ANACLETVS, cuius apud Gratianum hæc sunt ver-
ba *Tam sacerdotes, quam reliqui fideles omnes summam curam habere debent
de ijs, qui pereunt, quatenus eorum redargutione corrigantur à peccato, aut si
incorrigibiles apparuerint ab Ecclesia separentur.* Et S. CHRYSOSTOMVS
ad populum Antiochenum. *Quisq; proximum corrigit; adfiscate enim
alter alterum, inquit. Nisi enim hoc faciamus, à quocunq; commissa prauari-
catio commune quoddam & intolerabile damnum ciuitati afferet. Nec in ex-
cusationem nobis dicere sufficit. Non aderam, non conscius eram, commissis
non communicauit, quando statuæ Imperatoris deiectæ sunt. Quoniam
& is qui talentum defodit, non pro reatibus suis tunc accusabatur: integrum e-
nim depositum reddidit. sed quoniam ipsam non multiplicauit, quoniam non
castigauit ceteros, quoniam argentum ad numularios non detulit, non incre-
puit, non correxit proximos peccatores inordinatos.*

Et homilia 30. in epist. ad Hebræos. *Si Dominus pecunias habenti,
& non largienti supplicium comminatur, ei qui valet proximum commonere
vel quolibet modo & minimè facit, quomodo non maioribus supplicijs punie-
tur? Illic enim corpus nutritur, hic autem anima: illic à nocte seruas tempo-
rali, hic verò ab æterna. Sed non habeo, inquis, sermonem. Sed non opus est
loquentia. Si videris amicum fornicantem, dic ad eum. rem malam agis, non
erubescis? non confunderis? malum hoc est. Quid autem, inquis. ipse ma-
lum esse illud opus non ignorat. Ita est, sed cupiditate pertrahitur. Nam &
qui eger est, scit verè, quia frigida aqua malum est, si potetur: veruntamen o-
pus habet, qui eum prohibeat. nam dum quis passione detinetur, non facile so-
lus ipse sibi sufficiet. Et si verbis tuis non obediat, interim custodi, intueri
quo pergat, & contine à maligno negotio, fortasse enim reueretur. &c. Si-
milis habet homilia 44. in epistolam priorem ad Corinthios allato
exemplo de monendo eo, qui commoraretur cum femina solus ex-
tra coniugium.*

Et S. AUGUSTINVS libro primo de ciuitate Dei. *Nec tamen ab huius-
modi culpa non corripiendi alienus est, qui licet Præpositus non sit, in eis ta-
men, quibus vita huius necessitate corrigitur multa monenda vel arguenda
nouit & negligit.* RATIO quoque huic doctrinæ manifestè patrocini-
natur, siue consideremus homines omnes qua homines sunt, ad i-
maginem Dei, & ad vnam felicitatem æternam conditi, quia omne
animal naturaliter diligit simile sibi; siue qua Christiani sunt, sic
enim inuicem membra sumus & omnes vnum corpus CHRISTI
effici-

efficimus iuxta illud Apostoli in priore epistola ad Corinthios. *Vos autem estis corpus Christi, & membra de membro.* At si quid patitur, ut ibidem dicitur, *unum membrum, compatiuntur omnia membra, & idipsum pro inuicem sollicita sunt membra.*

1. Cor. 12. 27

CAP V.

De circumstantiis, quibus necessitate corrigendi, tum superiores, tum alii eximuntur.

PRIMA Circumstantia est, si non sit exploratus lapsus proximi corrigendi, quod indicat Christus, cum ait. *Si peccauerit in te, id est, te conficio, frater tuus, corripe, illum ut exponit S. Augustinus de verbis Domini. Peccauit, inquit, in te frater tuus, si tu solus nosti, tunc verè in te solum peccauit. Nam si multis audientibus tibi fecit iniuriam, & in illos peccauit, quos testes sue iniquitatis fecit.*

Matth. 18. 15.

A. serm. 16.

II. Circumstantia est, si lapsus sit noxæ leuioris. Quod enim Christus ibidem de lapsu grauiore corrigendo sit locutus. S. Augustinus loco citato ex Christi uerbis euincit dicens. *Si te ille in quem peccasti corripuerit inter te & ipsum solum, & audieris illum, lucratus est te. Quid est, lucratus est te, nisi qui aperieras, si non lucraretur te? Nam si non perieras (noxæ graui. sc. & lethali) quomodo lucratus est t.?* Et rursus. *Peccasti in fratrem, fac satis, & sanatus es. Cito fecisti mortiferam rem, sed remedium cito inuenisti.* Deinde ex eo euincit potest, quod dicit habendum pro Ethnico & publicano, si Ecclesiam corrigentem non audierit, quæ pœna æquo grauior est, quam ut infligatur pro contumacia in lapsu ueniali. Neq; Origenes nos hîc remorari debet in Matthæum scribens, Christum locutum de correctione noxæ leuioris, eo quod corrigendum appellet fratrem: peccantem autem mortaliter non posse dici fratrem: nam nomine fratris intelligitur hic homo Christianus, quem opponit Ethnico & publicano, & idè dicit, *Si non audierit, dic Ecclesia.* Ad Ecclesiam enim non deferantur nisi Christiani, & quidem post grauiorem tantum lapsum.

O. tract. 6.

III. Est, si correctionem suam arbitrentur potius nocituram proximo, quàm profuturam. Vnde Sapiens ait. *Noli arguere derisorem, ne oderit te.* Et S. Augustinus libro primo de ciuitate Dei, monuit ad charitatis virtutem pertinere, ut quis corripiendis malè agentibus parcat, quia ipsi metuit, ne deteriores ex hoc efficiantur. Vnde Laertius de vitis Philosophorum refert Zenonem cuidam sciscitanti, cur se vnum

Lege Greg. Naz. apolog. 1.

Erou 2. 8.

A. c. 9.

L. lib. 7. c. 1.

omnium non corrigeret, respondisse, quia tibi non credo, subindicans sibi non esse spem, illum, si corriperebatur, fore meliorem. Eodem pertinet, si quis confidat proximum, vel correptione alterius, vel sua sponte se ad meliorem frugem reuocaturum.

IV. Est, si quis correctionem differat in aliud tempus, quo fructuosius fore arbitretur. Ita enim docet AUGUSTINUS loco saepe citato. *Si propterea, inquit, quisque obiurgandis & corripiendis male agentibus parcat, quia opportunius tempus inquirat, vel eisdem ipsis metuit, ne deteriores ex hoc efficiantur, vel ad bonam vitam & piam erudiendos impediunt infirmos alios & premant atque auertant à fide, non videtur cupiditatis occasio, sed consilium caritatis.*

V. Est, quando constat proximum iam ad meliorem frugem, siue sua sponte, siue aliorum correctione, reuocatum. Excipe superiores aliorum, qui subditos palam delinquentes, etiam cum resipuerint, tenentur palam arguere, iuxta illud Apostoli. *Peccantes coram omnibus argue, idque propter aliorum exemplum.* unde Apostolus subiunxit, *ut & ceteri timorem habeant.* Manifesta peccata, inquit, B. GREGORIUS, non sunt occulta correctione purganda, sed palam sunt arguendi, qui palam nocent, ut dum aperta obiurgatione sanantur hi, qui eos imitando deliquerant, corrigantur, dum enim unus corripitur, plurimi emendantur.

Et SENECAE Ethnici sententia est. *Nemo prudens punit, quia peccatum est, sed ne peccetur.* Res enim optima est, non sceleratos extirpare, sed scelera.

VI. Circumstantiam addunt alij, ut qui corrigit sit vitæ inculpatæ aut saltem immunis à vitio, quod reprehendit. Primum, quia ita videntur tradere diuinæ litteræ. Nam regius psalter ait. *Corripiet me iustus in misericordia & increpabit me.* Et Deus apud eundem. *Quare tu enarras iustitias meas, & assumis testamentum meum per os tuum? tu vero odisti disciplinam.* Et sapiens. *Probata virtus corripit insipientes.* Et Christus apud Matthæum. *Hypocrita ecce primum trabem de oculo tuo, & tunc videbis eicere festucam de oculo fratris tui.* 2. quia idem videntur docere veteres Patres, ut S. AMBROS. in psalmum 37. *Confiteris peccatum, ait, & medicum te proferis in alienum.* Et si veritatis est, quod rectorques, temporis non est. *Peccatori enim dixit Deus. Quare tu enarras iustitias, &c.* JO. CASSIANI libro 8. institutionum monasticarum verba sunt. *Oportet illum qui alterius vulneri mederi cupit, omni languoris morbo alienum, sanumque subsistere, ne illud Evangelicum dicatur ei. Medice prius cura te ipsum: ac videns festucam in oculo fratris sui, trabem in oculo suo si non videat, quomodo videbit eicere festucam de oculo fratris sui, qui trabem suam gestat in oculo suo.* S. AUGUSTINUS libro 2. de sermone Domini in monte. *Pie inquit, canteque vigilandum est, ut cum aliquem reprehendere,*

A. 1. de ciu. c. 9.

1. Tim. 5. 20.

G. in Registro

Sen. de morib.

psal. 140. 5.
Psal. 49. 16.Sap. 1. 8.
Matt. 7. 5.

Cass. c. 8.

Luc. 4. 23
Matt. 7. 5.

A. c. 30.

vel obiurgare nos necessitas coegerit, primum cogitemus, utrum tale sit vitium, quod nunquam habuimus, vel quo iam caruimus. Et si nunquam habuimus, cogitemus & nos homines esse, & habere potuisse. Si verò habuimus, & non habemus, tangat memoriam communis fragilitas, ut illam reprehensionem, aut obiurgationem, non odium, sed misericordia precedat, ut siue ad correctionem eius, propter quem id facimus, siue ad peruersionem valuerit, nam incertus est exitus, nos tamen de simplicitate oculi nostri securi simus. Si autem cogitantes nosmetipsos inuenerimus in eo esse vitio, in quo est ille, quem reprehendere parabamus, non reprehendamus, neque obiurgemus, sed tamen congemiscamus, & non illum ad obtemperandum nobis, sed ad pariter cauendum inuitemus. Et S. GREGORIUS libro 26. moralium. Omnis per quem G. c. 36. necesse est aliena vitia corrigi, semetipsum prius debet solerter intueri, ne dum aliorum culpas ulciscitur, ipse ulciscendi furore superetur. Et B. ISIDORUS libro tertio de summo bono. Non debet vitia aliena corripere, qui adhuc vitiorum contagionibus seruit. Improbum est enim arguere quenquam in alio, quod adhuc deprehendit in semetipso. Idem Ethnici scriptores monuerunt, ut HORATIUS libro primo sermonum. H. Sat. 3.

Cum tua peruideas oculis mala lippus inunctis,

Cur in amicorum vitijs tam cernis acutum?

Et M. TULLIUS Carere debet omni vitio, qui in alterum paratus est dicere. VERVM hæc testimonia non efficiunt peccatorem esse immunem omnino ab obseruatione præcepti corrigendi proximum, (quia ut bene dicunt Theologi scholæ, peccatum neminem liberat ab obligatione præceptorum diuinorum) sed tantum indicant eum parum idoneum & efficacem esse correctorem, nisi se primum corrigat, & non increpando, sed monendo leniter & congemiscendo, proximum secum ad emendationem vitæ inuitet ut dixit S. AVGVSTINVS. Recr. in Salust.

CAPVT VI.

De Modo in correctione proximi seruando.

PRIMVS modus est, ut correctio fiat cum lenitate, modestia & humanitate. Sic enim tradit primum diuina scriptura. Nam rex Psal. 145. 5. David inquit. *Corripiet me iustus in misericordia* Et Apostolus ad Galatas. Gal. 6. 1. *Si preoccupatus fuerit homo in aliquo delicto, vos qui spirituales estis, huiusmodi instruite in spiritu lenitatis, considerans teipsum, ne & tu tenteris.* Et ad Timotheum. *Seruum Domini non oportet litigare, sed mansuetum esse ad omnes, docibilem, patientem, cum modestia corripientem eos, qui resistunt veritati.* 2. Tim. 2. 24.

Deinde

Deinde S. Patres. B. Grego. Nazianzenus agens de moderatione in disputationibus seruanda ita scribit. *Hanc rationem tene, ut partim fratrem corrigas, idq. leniter & humane, non ut hostis, nec ut durus & rigidus medicus, nec ut sectionibus tantum & cauterijs aduersus morbum sciens grassari; partim teipsum accuses, infirmitatisq. tuae tibi conscius sis. Et paulo post. Habes medicina regulam. Christi discipulus es, mitis & humani, infirmitatesq. nostras portans. Si primum oblectetur, leniter expecta, si secundo, ne animum despondeas: nondum enim curationis tempus effluxit: si tertio, benignum illum & humanitate praeclitum agricolam imitare: Dominum adhuc precare, ne infructuosam ficum excidat, verum conuertat & curet. S. Ambrosius libro 8. in Lucam. Plus proficit amica correptio, quam accusatio turbulenta: illa pudorem incutit, hac indignationem mouet: seruetur potius, quod prodi metuat qui mouetur. Bonum quippe est, ut amicum magis te, qui corripitur credat, quam inimicum. Facilius enim consilijs acquiescitur, quam iniuria succumbitur. S. Chrysostomus ad populum Antiochenum. Vis fratrem corrigere? lachryma, ora Deum, ex corde apprehensum admone, consule, exhortare. Sic Paulus faciebat. ne iterum cum venero, humiliet me Deus apud vos. Demonstra charitatem erga peccatorem: persuade ipse, quod consulens & curans, non peruulgare volens, peccati ipsum commonescas, comprehendens pedes, osculare, ne erubescas, si modo mederi vis. Hac & medici faciunt saepe difficiles agrotos habentes, deosculantes, rogantes persuadent salutare sumere medicinam. Idem alibi fuse declarat exemplo Domini Dei, qui mansuetissime Adamum primum parentem post lapsum corripuit. Idem docet Chrysostomi discipulus J. O. A. C. A. S. S. I. A. N. V. S., in institutionibus monasticis; & in collationibus exemplum commemorat de monacho, qui acriori increpatione Patris spiritualis in desperationem adactus est.*

II. Modus est, ut cum lenior correctio non prodest, aut parum profutura creditur, vsurpetur durior, sed ex caritate quod sapiens consulit omnibus parentibus in filios. Curua cervicem eius, inquit, in iuuentute, & runde latera eius, dum infans est, ne forte induret, & non credat tibi, & erit tibi dolor animae. Et rursus. Qui diligit filium, assiduat illi flagella. Exemplum habes in historia regum de Heli, qui ob omniā duriorē in filios animaduersionem grauiter à Deo castigatus est. Deinde Apostolus hunc modum praescribit Timotheo, & Tito. Prædica, inquit, verbum, in saepe opportune importune, argue, obsecra, increpa in omni patientia & doctrina. Et. Cretenenses semper mendaces, male bestiae, ventres pigri. Testimonium hoc verum est. Quam ob causam increpa illos dure, ut sanis sint in fide. Et. Hæreticum hominem post unam & secundam correptionem deuita, sciens quia subuersus est. Idem tradunt S. Patres. Augustinus in psal.

A. C. 17.

C. hom. 3.

2. Cor. 12. 31.

Id. hom. 7.

C. 8. inst. c. 5. &
coll. 2. c. 13.

Eccli. 30. 12.

Ib. 7.

1. Reg. 2.

2. Tim. 4. 2.
Tit. 1. 9.

Ib. 3. 10.

in psalmum 102. *Quid ergo inquis? dormiet disciplina, auferetur omnis correptio? non auferetur. Quid enim de luxurioso filio facturuses? non castigabis, non uerberabis? Seruum & ipsum tuum si male uiuentem uideris, non pena aliqua, non uerberibus refrenabis? Fiat hoc, fiat, admittit Deus, imò reprehendit si non fiat, sed animo dilectionis fac, non animo ulionis. Et paulo post. Qui forte pertinent ad gubernationem tuam, vindica, coerce cum dilectione, cum charitate, attendens salutem aeternam, ne cum parcis carni, anima pereat.* Et Gregorius libro 24. *Moralium. Iusticum scuerè corrigunt, interna dulcedinis gratiam non amittunt. Nam saepe pro inquietudine refrenanda prauorum duritiam districti rigoris assumunt, sed intus charitatis igne liquefiant, atq. eorum amore ardent, in quos aspera correptione sentiunt, seq. etiam eis intrinsecus in secreto cordis humiliant. Sape etiam quodam decenti moderamine suas culpas coram discipulis indicant, ut illi audientes discant quomodo semetipsos de suis actionibus subtiliter reprehendant. Paulus disciplinam tenuit, cum* ^{1. Cor. 13.} *Corinthiis diceret. Cum enim sit inter vos zelus & contentio, nonne carnales estis & secundum hominem ambulatis? Sed humilitatem in disciplina non perdidit, quia deprecando premisit dicens. Obsecro vos fratres per misericordiam Dei, ut id ipsum dicatis omnes & non sint in uobis schismata. Lege eundem Gregorium in tertia parte Pastoralis, ubi 36. c. pita de modo admonendi proponit & declarat. Ut enim, inquit, longe ante nos reuerenda memoriae Gregorius Nazianzenus edocuit, non una eademq. cunctis exhortatio congruit, quia non cunctos par morum qualitas astringit. Sape namq. alijs officunt, quae alijs prosunt. Quia medicamentum quod hunc morbum immittit, alteri vires iungit: & panis qui vitam fortium roborat, paruulorum necat. Et S. ^{Hinc. 1.} *Hieronymus libro 1. in Jeremiam. Quomodo nux, siue amygdalum amarissimam habet corticem, & testa durissima cingitur, ut detractus austerioribus & duris fructus dulcissimus reperiatur: sic omnis correptio & labor continentiae amara quidem uidetur ad praesens sed fructus parit dulcissimos. S. Bernar. ^{R. serm. 44.} *Luc. 10. 30. *dus de eodẽ modo in Cantica ita scribit. Quia vulnera illius qui incidit in latrones, & iumento corporis pij Samaritani. Ecclesia est deportatus in stabulũ, non in solo oleo, sed in vino simul & oleo sanitatem recipiant, necessarium habet spiritualis medicus etiam vinum feruidi zeli cum oleo mansuetudinis: cui sane conuenit, non modo consolari pusillanimes, sed & corripere inquietos. Si enim uiderit illum qui vulneratus est, id est, qui peccauit blandis aut lenibus hortamentis, quae in eum praerogata sunt, minime emendari, magis autem forte etiam abutentem suam mansuetudine & patientia negligentiore fieri, & in peccato suo etiam securius obdormire, frustrato tam uanum oleo monitorum, oportebit sane uti mordacioribus medicamentis, & vinum compunctionis infundere, durus uidelicet cum eo increpationibus atq. iniectionibus agere, & si causa requiritur & duritia tanta est, etiam censura Ecclesiastica baculo percellere contem-****

2. Tim. 5. 2.
G. p. 3. c. 2.

Admon. 5.

Gal. 2. 11.
A. ep. 19.

Matth. 18.
2. Tim. 5. 20.

A. serm. 16.

H. c. 8.

ptorem. Hac ille. Vbi notandum est hunc modum corrigendi durius, vix vnquam seruandum à subditis in Superiores, & seniores, iuxta illud monitum Apostoli. *Seniorem ne increpaueris, sed obsecra vt Patrem.* Vnde S. Gregor. in Pastoral. *Aliter admonendi sunt iuuenes, atq; aliter senes, quia illos plerumq; seueritas admonitionis ad profectum dirigit, istos verò ad meliora opera deprecatio blanda componit. Scriptum quippe est. Seniorem ne increpaueris, sed obsecra vt Patrem. Et infra. Facta Prepositorum oris gladio ferienda non sunt, etiam cum rectè reprehendenda iudicantur.* **ÆQVALES** verò possunt aliquando, cum ratio postulat, durius arguere superiores vel seniores, cuius rei exemplum habemus in Paulo Apostolo, qui in faciem restitit Petro, cum esset reprehensibilis, vt est in epistola ad Galatas. de quo ita S. August. ad Hieronymum. *Ipse Petrus, inquit, quod à Paulo fiebat utiliter libertate charitatis sancta ac benigna pietate humilitatis accepit: atq; ita rarius ac sanctius exemplum posteris prauit (quo non dignarentur sicubi forte recti tramitem reliquissent, etiam à posterioribus corrigi) quam Paulus, quo confidenter auderent etiam minores maioribus pro defendenda Euangelica veritate salua fraterna charitate resistere. Nam cum satius multò sit in tenendo itinere in nullo, quam in aliquo declinare, multo est tamen mirabilius & laudabilius libenter accipere corrigentem, quam audacter corrigere deuiantem.*

III. **MODVS** est, vt qui priuatim deliquit, hoc est, coram vno vel altero priuatim corripiatur, secundum illud Christi dictum. *Si peccauerit in te frater tuus, vade & corripe eum inter te & ipsum solū: si verò publicè, & corā multis, publicè iuxta illud Apostoli. Peccantes coram omnibus arguè, nisi aliud circumstantiæ capite quinto commemoratè depoposcerint.* De priuata correctione attestatur S. August. de verbis Domini. *Corripe, inquit, inter te & ipsum solū, intendens correctioni, parcens pudori. Forte enim prae verecundia incipit defendere peccatum suum, & quem vis correctiorem facis peiorem. Et infra. Quid est, in te peccauit? Tu scis quia peccauit. Quia enim secretum fuit, quando in te peccauit, secretum quare, cum corrigis quod in te peccauit. Nam si solus nosti, quia peccauit in te, & eum vis coram omnibus arguere, non es corrector, sed proditor. Ergo ipsa corripienda sunt coram omnibus. Ipsa corrigenda sunt secretius, qua peccantur secretius. Distribuit tempora, & concordat scriptura. Et S. Hieron. lib. 3. commentariorū in Matth. exponens eadem Christi verba, inquit. *Corripiendus est autem frater seorsum, ne si semel pudorem ac verecundiam amisit, remaneat in peccato. Et si quidem audierit, lacrimamus animam eius, & per alterius salutem nobis quoq; acquiritur salus. Et S. Ambr. in psal. 118. Si agere aliquid velim, inquit, ante cogitem, virum agendum sit illud, quod desidero, aut quo agendum modo. Similiter si alloquendum, virum alloqui debeam? deinde publice an secreto loqui.**

loqui, presentibus aliquibus aut nullis. Sicut illud est, ut si velis fratrem corripere, primo solus corripas, secundo presentibus duobus aut tribus testibus, tertio si non audierit coram Ecclesia. Atque si pratermissio ordine velis coram Ecclesia fratrem increpare, quem ante monere debueras, erratum ipse agnoscis. Ex quibus Patrum testimoniis perspicue liquet etiam rationi naturali, & morali prudentiæ consentaneum esse, quod Christus præscripsit, atque ex præcepto seruandū nisi circumstantiæ aliud postularēt: ut si modus ille priuatim corrigendi nihil ad emendationē proximi prodesset, ut supra dictū est. 2. si obesset notabiliter toti Reipub. delictū proximi, nisi statim patefiat superiori, ut si quis machinaretur vel prodicionem Urbis, vel necem alicuius. 3. ut si quis ei Religioni vel Sodalitati nomē dedisset, in qua ad maiorem submissionem declarandam, vberiorēque profectum spirituale, atque etiam ampliōrē à recidiua securitatē, exigeretur, ut quilibet lapsus ēt occultus extra Confessionē sacramentalem perspectus superiori religionis aperiretur. Qua de re lege accurate disputantem nostrum Gregorium de Valentia in S. Thom. 2.2. disputatione. 3. qu. 10. punct. 5. vti & de Testib. in correptione adhibendis ac delatione ad Ecclesiam.

CAP V T VII.

Quod correctio, vel reprehensio sit patienter ferenda.

DE Correctione & reprehensione non solū animo æquo verum et libenti toleranda plurima exstant Spiritus S. monita in sacris literis. Ut in Prouerb. Salom. *Via vite*, inquit, *custodienti disciplinā: qui autē increpationes relinquit, errat.* Et. *Qui diligit disciplinam, diligit sciētiam: qui autem odit increpationes insipiens est.* Et. *Qui custodit increpationes, astutior fiet.* Et. *Qui increpationes odit morietur.* Et. *Non amat pestilens eū qui se corripit, nec ad sapientes graditur.* Et. *Auris quæ audit increpationes vite, in medio sapientiū cōmorabitur.* Et. *Qui acquiescit increpationib. possessor est cordis.* Et. *Viro qui corripientem dura ceruice contemnit, repentinus ei superueniet interitus, & eum sanitas non sequetur.* Deinde in Ecclesiastico *Vir prudens, ait, & disciplinatus non mormurabit correptus.* Et. *Qui odit correptionem, minuetur vita.* Et. *Quam bonum est correptum manifestare pœnitentiam & sic enim effugies voluntarium peccatum.* Et. *Qui odit correptionem, vestigium est peccatoris.*

SCRIPTVRIS consentiunt S. Patres. S. Basilus in regulis fufius disputatis. *Vt diximus vacuum affectibus antistitem ad curationes agris*

2. Cor. 2. 2.
1. Cor. 7. 11.

Chri. hom. 44.

A. ep. 87.
Prou. 2. 8.

Id. ep. 19.

G. c. 9.

adhibendas accedere oportere, ita quoque eorum vicissim, quibus medicina sit partes existimari debent, antistitis in se animaduersiones non ad odium accipere, neque impotentem dominationem existimare curationem eam, quam misericordia quis adductus consulendi causa anima ipsorum saluti ipsis adhibeat. Effet enim a decoro abhorrens, sic cum qui agri sunt tantam medicis suis fidem habeant, ut esto ipsos secent, esto urant, esto amarissimis dandis medicamentis medentur, nihilominus tamen inter bene meritos de se illos numerent: nos non itidem quoque aduersus animarum nostrarum medicos, quandoque duriore imponenda nobis re aliqua salutem nobis efficiunt, fuerimus animati; cum Apostolus dicat. Et quis est, qui me letificat, nisi qui contristatur ex me? Et item. Ecce enim hoc ipsum, quod contristati estis, quam magnam in vobis sollicitudinem operatum est? Proinde rei spectari exitus debet, & is bene de nobis meritis iudicari, qui nobis tristitiam afferat, quae sit secundum Deum. S. Chrysost. in cap. 16. prioris ad Corinthios. Qui arguit, ne irascatur, non enim est hoc correctionis sed passionis: neque qui arguitur agere ferat: medicina enim, non in inimicitia res est. Si enim medicos, cum urant nemo in ius vocat, licet saepe aberrant: quin vlti, sectique in tantis etiam doloribus beneficos illos esse in se putant, qui tantam perturbationem suscitauerunt, quanto magis a quo animo perferre castigationem castiganti sic uelut medico intentum esse decet. S. AUGUSTINVS ad Felicitatem & Rusticum. Quis enim facile inuenitur, qui velit reprehendi, & ubi est ille sapiens, de quo dictum est, Corripe sapientem, & amabit te: nunquid tamen ideo non debemus reprehendere & corrumpere fratrem, ne securus tendat in mortem? Solet enim fieri, & frequenter accidit, ut ad horam contristetur, cum reprehenditur, & resistat, & contendat, & tamen postea consideret, in silentio, ubi nemo est nisi Deus & ipse, & timet displicere hominibus quia corripitur, sed timet displicere Deo, quia non corrigitur, & deinceps non faciat illud, in quo iuste reprehensus est, & quantum odit peccatum suum, tantum diligit fratrem, quem sensit hostem peccati sui. Et ad B. Hieronymum. Idem idem rogo, ut me fidenter corrigas, ubi mihi hoc opus esse perspexeris. Quanquam n. secundum honorum vocabula, quae iam Ecclesiae usus obtinuit, Episcopatus presbyterio maior sit, tamen multis in rebus Augustinus Hieronymo minor est: licet etiam a minore quolibet non sit refugienda vel dedignanda correctio. S. Gregorius libro 10. moralium. Sicut recti de quibusdam, quae ab eis non recte gesta sunt correctionis vocem ministerium charitatis aestimant, sic peruersi contumeliam derisionis putant. Illi se protinus ad obedientiam sternunt, isti ad insaniam suae defensionis eriguntur. Illic correctionis adiutorium vitae suae patrocinium deputant: per quod, dum praesentis uitae culpa corripitur, venturi iudicis ira temperatur. Isti cum se impeti redargutione conspiciunt, gladium percussione credunt: quia dum per correctionis vocem culpa detegitur, praesentis gloria opinio fadatur. Hinc quippe in laudem iusti per Salomonem

monem dicit Veritas. Docce iustum, & festinabit accipere. B. Petrus Dami-
 ani epistola ad Desiderium Abbatem. *Fraterna correctionis zelum noli* Prou. 9. 9.
molestè ferre, sed gratulabundus amplectere, ac velut certa curationis antido- P. ep. 11. lib. 2.
tum in anima languentis interiora diffunde. Memento itaq, quod per Salomo- Prou. 27. 5.
nem dicitur. Melior est manifesta correctio, quàm amor absconditus. Meliora
sunt vulnera diligentis, quàm fraudulenta oscula odientis. Et ad Aripri- Id. ep. 18. lib. 6.
dum monachum. Inter cetera sancta conuersationis insignia unum prae-
teris caue, ne correptiones aliquando grauiter feras, ne qualibet occasione red-
argui à tuis quoq, iunioribus erubescas. Quod videlicet huius loci tam famili-
are est atque natuum, ut qui corripit fugit, nobiscum habitare non possit. Ad hoc
enim homo de seculo magisterio regularis disciplina submittitur, ut rubiginem
quam de mundo lenocinàte contraxerat, aspera correptionis lima detergat. Un-
de est quod sapientia loquitur in Prouerbijs. Conuertimini ad correptionem me- Prou. 1. 29.
am, en proferam vobis spiritum meum. Non enim dixit, ad blanditias meas,
sed conuertimini, inquit, ad correptionem meam. Infra verò ostendit, viri
feruentis esse correptionem etiam sine culpa ad aliorum profectum
amplecti. Ex Ethnicis Philosophis Plutarchus libro de profectu mo-
rum. Omnes, inquit, a quo ferentes animo reprehensionem, potissimum si i-
psos etiam morbi animorum gratia accedant reprehensores, bonam spem exhi-
bent melioris cuiusdam habitudinis. Qui. n. se se ingenuè offert corripientibus,
peccatum profert, malum fatetur, non passus latere, aut ignorari, proditq, cor-
rigenti adiunctis etiam precibus, is demum specimen prastiterit non contemnē-
di in philosophia progressus. Nam quisquis ad bonam frugem ex corruptis mo-
ribus peruenire desiderat, opus habet, auctore Diogene, diligenti amico, ferui-
doque hoste, ut peccatum fugiat, aut correptus, aut certè humaniter ac blandè
curatus.

VIDE V. Charitas in proximum. & Zelus.

D.

DEVOTIO.

CAPVT I.

De nomine & definitione Deuotionis.



DEVOTIO, si vocem spectes, à vouendo originem trahit. Th. 2. 2. q. 81. a. 2.
 Vouemus cum sanctè promittimus: deuouemus cum so-
 lemni ritu promittimus. Deuoti apud Gentiles olim diceban-
 tur, inquit S. Thomas, qui se idolis deuonebant in mortem pro
 sui

L. dec. lib. 8.

*cys Titus Livius narrat. Ita nunc religiosi, qui abdicato seculo, totos se in religione approbata per tria vota se consecrant Deo, deuoti appellari queunt. Sed de eo significato tibi agendum. Vulgus deuotionem arbitratur esse gaudium vel dulcedinem animi spiritualem, quam homo pius haurit ex rerum cœlestium contemplatione, aliisq; spiritualibus pietatis exercitiis, vti S. Augustinus initio conuersionis suæ ex cantu Ecclesiastico; dum nono Confessionum libro ita scribit. *Quantum fleui in hymnis & canticis tuis suaue sonantis Ecclesia tua vocibus commotus acriter. Voces influebant auribus meis, & eliquabatur veritas tua in cor meum & ex ea astuabat inde affectus pietatis, & currebant lachrymæ, & bene mihi erat cum eis.**

V. Oblatio.

A. cap. 6.

Th. ibid.

Exo. 35. 20.

2. Par. 29. 31.
A. c. 8.

Gen. 22. 3.

Luc. 19. 5.

At nos cum eodem S. Thoma & S. Patribus, si res spectetur, nomine deuotionis intelligimus, actum virtutis Religionis, quo voluntas promptam paratamq; se demonstrat ad quoduis diuini cultus exercitium, siue internum, siue externum Deo exhibendum. Quo sensu in Exodo dicitur *multitudo filiorum Israel obtulisse mente promptissima atq; deuota primitias Domino ad faciendum opus tabernaculi testimonij.* Et in altero Paralipomenon tempore regis Ezechiae, eandem *obtulisse hostias & laudes, & holocausta mente deuota.* S. Ambrosius libro primo de Cain & Abel promptitudinem illam deuotionis declarat exemplo Abraham Patriarchæ. *Prima igitur, inquit, voti gratia est celeritas solutionis. Denique Abraham filium suum ad holocaustum iussus offerre, non post dies ut Cain obtulit, sed exurgens mane strauit asinam suam, & adhibuit secum duos pueros, & Isaac filium suum, & concidens ligna ad holocaustum surgens abiit, & venit ad locum, quem dixerat ei Deus die tertia. Primo aduerte immolantis studium maturum atq; festinum, ut mora expectationis non esset, nisi donec audiretur oraculum. Deinde ut sterneret asinam suam, obsequium omne ipse susciperet, & sacrificio necessaria prepararet, duabus quoq; fide & spe virtutibus comitantibus hostiam suam duceret, de potestate Dei certus, & de bonitate securus. Quod autem ait Die tertia, vel quod continua esse debeat & perpetua deuotio. Et infra. Adhuc cognosce celeris studia deuotionis. Cucurrit, inquit, & accepit vitulum vnum tenerum & bonum, & dedit puero, & festinauit facere eum. Vbi que impigra deuotio, & ideo fuit munus eius acceptum. Deinde mox subiicit exemplum deuoti Zachæi. Habes, inquiens, in Euangelio dicentem Dominum Iesum. Zachæe festinans descende. Et ille, quia impetrauerat, quod volebat, ut Christum videret, & amplius impetrauerat, ut videretur & vocaretur à Christo, festinans descendit, & accepit illum gaudens. Et ideo probauit Dominus eius affectum, & cum celeri remuneratione donauit dicens. Quia hodie salus domui huic facta est, Festinauit enim & Dominus ad beneficium, & ideo non expectauit, ut promitteret & impleret omnia, sed ante fecit,*

postea

postea declaravit. Dixit enim. Facta est salus, quod utique praeuenienti seruit, non promittenti. Iustus ergo votum suum celeritate commendat. S. Bernardus verò declarat hanc deuotionem exemplo Apostolorum. Sed vide-
 re, inquit in Cantica Salomonis, quinam de eius copia (vnguenti deuotionis) non immerito gloriantur. Ibant gaudentes Apostoli à conspectu concilij, quoniam digni habiti sunt pro nomine Iesu contumeliam pati. Multum sibi profecto instillauerant de pinguedine spiritus, quorum lenitas non dico verbis, sed nec verberibus cessit. Erant enim diuites in charitate, qua nullis exhauritur expensis, & de ipsa facile holocausta medullata offerre sufficiebant. Fundebant passim sudantia pectora liquorem sanctum, quo imbuta plenius erant, quando loquebantur varijs linguis magnalia Dei, prout Spiritus sanctus dabat elo-
 qui illis.

B. serm. 10.
 Act. 5. 41.

Act. 2. 22.

CAPVT II.

De excellentia & utilitate virtutis deuotionis.

DIGNITAS & excellentia virtutis deuotionis inde elucet, quod sit actus Virtutis Religionis, quam Theologi scholæ cum S. Patri-
 bus faciunt omnium moralium virtutum præstantissimam Religio e-
 nim proximè attingit infinitum & nobilissimum bonum quod est Deus, deferendo illi diuinum cultum. Quæ perfectio longe excellit quas-
 eunq; aliarum virtutum moralium perfectiones. Quæ de causa & in Exodo præcepta ad religionem spectantia primum obtinent locum.
 Et Lactantius in diuinarum Institutionum libris scribit. Summum bo-
 nū hominis in sola religione esse; hoc vinculo pietatis nos Deo esse religatos, unde & ipsa religio nomen acceperit. Nihil esse in rebus humanis religione præ-
 stantius, eamq; summa vi oportere defendi: hunc verum & celestem esse cultum, in quo mens colentis se ipsam Deo immaculatam victimam sistit. S. Au-
 gustinus quoq; initio libri de vera religione, ait omnis vite bona ac beata viam in vera religione constitutam, qua unus Deus colitur, & purgatissima pietate cognoscitur, principium naturarum omnium, à quo omnis vniuersitas & inchoatur & perficitur, & continetur.

S. Th. 2. 2. q. 81.

c. 2. 6.

Exod. 20.

L. 1. 3. c. 10. & 1. 4.

c. 28. & 1. 5. c. 19.

Et 1. 6. c. 2.

A. cap. 1.

A. c. 25.

Nominatim autem de Deuotionis præstantia ita loquitur S. Ambrosius lib. de Abraham primo. Magnus plane vir, & multarum virtutum clarus insignibus, quem votis suis philosophia non poterit equare. Itaque cuiusmodi fuerit in eo viro deuotio consideremus. Ea enim virtus ordine prima est, quæ est fundamentum ceterarum, meritoque hanc ab eo primam exegit DEVS, dicens. Exi de terra tua, & de cognatione tua, & de domo
 patris

Gen. 12. 1.

Phil. 3. 20.

Marc. 10. 30.

patris tui. Satis fuerat dixisse, de terra tua ibi enim erat, exire de cognatione, exire de paterna domo. Sed ideo addidit singula, ut eius affectum probaret, &c. Hoc est, quod pro magno inter septem sapientum dicta celebratur $\epsilon\pi\alpha\iota\sigma\tau\epsilon\omega$, id est, sequere Deum. Facto praeuenit Abraham dicta Sapientum, & secutus Deum exiit de terra sua. Subiicit deinde pater geminum fructum deuotionis, vel promptae voluntatis obsequendi Deo in omnibus. Primus est, quod hominem efficiat contemptorem rerum terrenarum, & amatorem coelestium: Consideremus, inquit ne forte hoc sit exire de terra sua, de huius terra, hoc est, de corporis nostri quadam commoratione egredi, de qua exiit Paulus, qui dixit. Nostra autem conuersatio in caelis est: & de illecebris & delectationibus corporalibus, quas velut cognatas anima nostra dixit, quam compati necesse est corpori, donec eius colligata vinculo adhaeret. Ergo exire de conuersatione terrena, & a secularibus oblectamentis, & superioris vitae moribus atque actibus debemus, ut non solum loca, sed etiam nosmetipsos mutemus. Si cupimus adherere Christo, deferamus corruptibilia. Sunt autem corruptibilia in nobis, caro, delectatio, vox obnoxia passionibus corruptibilibus. ALTER fructus est, quod in omnibus periculis hominem reddat, Deo prouidente, securum; nam quia Abraham cum coniuge licet speciosa Aegyptii regis eua sit insidias, ita subdit idem Ambrosius. Pulcherrimus & hic locus ad incitanda studium deuotionis, quod is qui Deum sequitur, tutus semper est. Et ideo Deum debemus preferre omnibus, nec patriae contutu, nec parentum filiorumque gratia, nec uxoris contemplatione reuocari debemus ab executione praeceptorum caelestium, quia Deus nobis omnia illa largitur, & potens est seruare quae donat. Itaque magnum exemplum deuotionis Abraham, quod cum uxore speciosa descendit in Aegyptum. Erat quidem iusto viro cura coniugalis pudicitiae, sed maius erat studium maturanda deuotionis, ne praelisse custodiam thori mandatis videretur caelestibus. Itaque quoniam propter Deum contempsit omnia, recepit a Deo multiplicata omnia: sed primam Deus pudicitiae tribuit remunerationem, quam gratam sciebat coniungi. Nam qui studio obeundi caelestis oraculi uxorem quoque in periculum deduxit pudoris, etiam castimoniam coniugii defendit. Primas igitur partes sibi iusto ordine vindicauit deuotio. ALIUM fructum deuotionis persequitur S. Bernardus in declamatione, de verbis Apostoli Petri, Ecce nos reliquimus omnia, ubi contendit centuplum in hac vita Apostolis apud B. Marcum promissum, esse gratiam deuotionis, & incredibile quoddam gaudium spiritus. An non, ait, centuplum habet omnium, qui impletur Spiritu sancto, qui Christum habet in pectore? Nisi quod longe plus quam centuplum est visitatio paraclisi spiritus, & praesentia Christi. Quam magna, inquit, multitudo dulcedinis tuae Domine, quam abscondisti timentibus te, perfecisti eis qui sperant in te. Vides quomodo memoriam abundantiae suauitatis huius eructet anima sancta.

sancta, quomodo exprimere gestiens verba multiplicet? Quam magna, inquit, multitudo. Hoc ergo centuplum adoptio filiorum est, libertate & primitia spiritus, delicia charitatis, gloria conscientie, regnum Dei quod intra nos est, non utique esca vel potus, sed iustitia & pax & gaudium in spiritu sancto, &c. Hac gratia deuotionis, & unctio decens de omnibus, quam expertus nouit, inexpertus ignorat, quoniam nemo scit, nisi qui accipit.

Psal. 30. 30.

Rom. 14. 17.

CAPVT III.

De Impedimentis vera Deuotionis.

PRIVM impedimentum deuotionis est, procliuitas ad consolationes terrenas huius seculi. *Qua enim societas luci ad tenebras, inquit Apostolus, iustitia cum iniquitate, mundo cum Deo, carni cum spiritu? hac enim sibi inuicem aduersantur. vnde deuotus rex Dauid. Renuit, ait, consolari anima mea, consolatione, scilicet terrena. memor fui Dei, & delectatus sum, nempe consolatione caelesti, & exercitatus sum, & defecit spiritus meus, hoc est, tanta voluptate spiritus perfusus sum, vt non potuerim diutius tolerare. Hoc impedimentum annotauit S. BERNARDVS in sermonibus de ascensione Domini. Omnes, ait, quod bonum est nostis, & viam, per quam incedere, & quomodo incedere in ea debeat, sed voluntas non vna est. Quidam enim ad omnia via & vita huius exercitia non solum ambulant, sed & currunt, imò potius volant, vt eis & vigilia breues, & cibi dulces & panni suaues, labores non solum tolerabiles, sed & appetibiles videantur. Atque hi habent promptitudinem deuotionis. Alij autem non sic, sed corde arido & affectione recalcitrante vix trahuntur ad hac, vix gehennali timore compelluntur. Causamque huius paulo post subiicit his verbis. Inde autem tam perniciofa tepiditas emanat, quia affectus, id est, voluntas eorum nondum purgata est, nec bonum sic volunt, sicut nouerunt, à propria concupiscentia abstracti grauitè & illecti. Amant enim in carne sua terrenas consolationunculas, siue in verbo, siue in signo, siue in facto, siue in aliquo alio, & si hac interrumpunt aliquando, non tamen penitus rumpunt. Inde est, quod raro affectiones suas dirigunt in Deum, & eorum compunctio non continua, sed horaria est. Impleri autem visitationibus Domini anima non potest, quia his distractionibus subiacet, & quanto magis illis euacuabitur, tanto magis istis implebitur: si multum, multum: si parum, parum. Vel certe, si magis probas, nunquam ista illis misceri poterunt in aeternum, quia ubi vasa vacua non inuenit, oleum stare necesse est: nec mittunt vinum nouum, nisi in utres no-*

2. Cor. 6. 14.

Gal. 5. 17.

Psal. 76. 4.

B. serm. 38

Matth. 9. 7.

Matt. 9. 17.

uos, ut ambo conseruentur. Neque enim spiritus & caro, ignis & tepiditas in uno domicilio commorantur, praesertim cum tepiditas ipsi Domino soleat vomitum prouocare.

Matt. 6. 34.

Matt. 13. 22.

Chr. hom. 23 in
Matt.

2. Cor. 7. 34.

II. Impedimentum est immoderata sollicitudo rerum temporalium, quod indicauit Christus, cum agens de cura rerum ad victum quotidianum necessarium ait. *Nolite solliciti esse in crastinum.* & cum alibi dixit *sollicitudine seculi* haud secus suffocari verbum Dei, & sine fructu effici, quam semen in spinas coniectum. Qua de causa & Apostolus Paulus in priore epistola ad Corinthios hortatus est Virgines, quo diligentius sanctitatem corporis & spiritus tuerentur, & cogitarent tantum ea quae Dei sunt, & non quae mundi, hoc est, perfectae vacarent deuotioni, ut curam omnem seculi huius deponerent, dicens. *Volo autem vos sine sollicitudine esse.* Et. Porro hoc ad utilitatem vestram dico, & quod facultatem praebeat sine impedimento Dominum obsecrandi. Quod autem impedimentum praebeat ad obsecrandum Dominum & deuotionem in oratione exercendam dicta sollicitudo, optimè intelligi potest ex similitudine spinarum suffocantium semen, quibus sollicitudinem seculi Christus comparauit. illae enim suffocant semen in ipsas iactum propter tria. Primo quia humorem omnem terrae exugunt, ut nihil relinquunt semini: sic & sollicitudo rerum temporalium omnem diuiniamorem, unde deuotio nascitur, pinguedinem exhaurit. Si quis enim diligit mundum, ait B. Ioannes, non est charitas Patris in eo. Quoniam omne quod est in mundo, est concupiscentia carnis &c. Secundo, Solis radios & imbres impediunt, quo minus in solū penetrant. sic sollicitudo mundi facit, ut nec concio, nec lectio spiritualis, nec oratio vel meditatio ad animum penetret. Mundus enim, ait Christus, quod suum est diligit. Nam ut vociferantium clamor, scribit Grego. Nazianz. in libris de Theologia, obuij flatus impetu frangitur, sic interna mentis cogitatio externorum sollicitudine interpellatur. Tertiò, spinæ impediunt, quo minus culmus semine ortus in sublime se attollere possit, sic sollicitudo rerum terrenarum, quo minus mens se attollere possit ad considerata caelestia. Vbi enim est thesaurus tuus, inquit Christus, ibi est & cor tuum. Et Gregor. Romanus in 10. moralium. Saepè curis mundi libenter occupamur: cumque post hac studio orationis intendimus, nequaquam se mens ad caelestia erigit, quia pondus hanc terrena sollicitudinis in profundum mersit, & in prece facies munda non ostenditur, quia cogitationis infima luto maculatur.

Matt. 6. 21.
G. c. 17.

III. Impedimentum est nimia Curiositas, eaque triplex. Prima est in inquirendis & notandis alienis potius vitiis, quam propriis; nam,

nam, ut paulo post ostendemus, præcipuum medium acquirendæ deuotionis est propriorum defectuum consideratio.

Vnde B. Gregorius in Euangelia. *Græne, inquit, curiositatis est vitium, G. hom. 34. quædam cuiuslibet mentem ad inuestigandam vitam proximi exterius ducat, semper ei sua intima abscondit, ut aliena sciens se nesciat, & curiosi animus, quanto peritus fuerit alieni meriti, tanto fiat ignarus sui.* ALTERA est in indagandis plus æquo rerum tam naturalium, quam supernaturalium arcanis.

Vnde Augustinus initio quarti libri de Trinitate. *Laudabilior, ait, A. c. r. est animus, cui nota est vel infirmitas sua, quàm qui ea non respecta rerum terrestrium cælestiumque tenet scientiam, aut qui iam cognitas tenet, ignorans ipse qua via ingrediatur ad salutem ac firmitatem suam.* TERTIA est in peruestigandis artibus propriè curiosis, nempe Magicis & superstitiosis, quæ omnem prorsus deuotionem tollunt; Deuotio enim reddit nos familiares Deo, Magica verò vtuntur societate demonum. *Quæ autem conuentio, inquit Apostolus Christi ad Belial? Ira tradit idem B. 2. Cor. 6. 15. A. 1. 2. doct. Christ. c. 23. Augustinus. Omnes, inquit, artes huiusmodi: vel nugatorie, vel noxie superstitutionis, ex quadam pestifera societate hominum & demonum quasi pacta infidelis & dolose amicitia constituta penitus sunt repudianda & fugienda Christiano.* Sed plura de hac re in nostro Panario.

IV. Impedimentum est Occupatio immodica in laboribus externis, qualis est in agricolis, opificibus mechanicis, mercatoribus, æconomis, cocis. Vnde in Exodo cum Moyse & Aaron apud Pharaonem regem Aegypti obtenderent sibi mandatum à Deo, ut cum populo Israelitico reciperent se in solitudinem, ibique diuino cultui ac deuotioni suæ vacarent, rex Pharao, qui typum diaboli gessit, pluribus eos oppressit laboribus dicens. *Vacatis otio, & idcirco dicis. Eamus & sacrificemus Domino.* V. Curiositas. EKO. 5. 17.

Et apud Lucam, quotquot inuitati erant ad cenam magnam spiritualis, suauissimæque deuotionis, omnes per labores immodicos se excusarunt. *Primus enim dixit. Villam emi, & necesse habeo exire & videre illam, rogo te habe me excusatum. Et alter dixit. Iuga bouum emi & eo probare illa. Et alius dixit. Vxorem duxi, & ideo non possum venire.* Hoc impedimento, quia à consuetis deuotionis exercitiis EVGENIVS III. ex monacho Cisterciensi factus summus Pontifex videbatur arceri, sollicitus de eius salute S. BERNARDVS quinque doctissimos libros de Consideratione exarauit, ac primum quidem his verbis inchoauit. *Vnde iam ergò incipiam? Libet ab occupationibus tuis, quia in his maximè condoleo tibi. Condoleo dixerim, si tamen doles & tu.* Luc. 14. 18.

Alioquin doleo magis dixisse debueram, quia non est condolere, ubi nemo qui doleat. Itaque si doles, condoleo. Si non, doleo tamen, & maxime sciens longius à salute absistere membrum, quod obstupuit, & agrum sese non sentientem periculosius laborare. Inuitus ni fallor, auelleris à tua Rachelis amplexibus, & quoties id pati contigerit, toties dolor tuus renouetur necesse est. Et infra. Vereor, ne in mediis occupationibus, quoniam multe sunt, dum diffidis finem, frontem dures, & ita sensim te ipsum quodammodo sensu priues iusti utilisq; doloris. Multo prudentius te illis subtrahas vel ad tempus, quam patiari trahi ab ipsis, & duci certe paulatim quo tu non vis. Quæris quoq; ad cor durum. Nec pergas quærere quid illud sit: si non expauesci, tuum hoc est. Solum est cor durum, quod semetipsum non exhorret, quia nec sentit. En quo trahere te habent occupationes maledictæ, si tamen pergis, ut cepisti, ita dare te totum illis, nil tui tibi relinquens. Perdis tempus, & si licet nunc alterum me tibi exhibere Iethro, tu quoque in his stulto labore consumeris, quæ non sunt nisi afflictio spiritus, euisceratio mentis, euacuatio gratiæ, vix relinquitur necessitati natura, quod corpusculi pausationi sufficiat, & rursus ad iurgia surgitur. Dies diei eructat lites, & nox nocti indicat malitiam. Usque adeo non est respirare in bonis, non est alternam capefferere quietem.

Ecclesi. 38. 25.

V. Impedimentum est immoderata affectio ad studia litterarum, etiam Theologiæ sacræ, quæ solet, etiam in religiosis hominibus, nisi temperetur, omnem deuotionis succum ebibere, efficereq; ut sæpe stata orandi, sacrum missæ, diuinæq; officia audiendi, libros spirituales legendi, & alia eiusmodi tempora negligantur. Hoc enim differunt occupationes corporis & mentis, quod corporis non omnino excludunt exercitationes mentis. Videmus enim anachoretas olim inter labores manuum corporales psalmis & hymnis concinendis vacasse. Mentis verò occupationes, maxime in rebus theoricis, totum hominem distinent. Cui vitio nullo alio antidoto rectius mederi potest homo, quam ut temperet studiorum affectum, & certis finibus atq; cancellis circumscribat. *Sapientia enim scriba, inquit Ecclesiasticus, in tempore vacuitatis: & qui iuratur actu sapientiam percipiet.* Ipsiq; Philosophi gentiles docuerunt animam reddi sapientem interno quodam otio & quiete. Quemadmodum enim aqua tranquilla aptior est, quam turbida ad repræsentandas rerum imagines, ita animus tranquillius ad contemplandas rerum naturas. Hoc antidotum religiosæ vitæ cultoribus deesse non potest, cum iuxta leges ab obedientia positas stata habeant tempora orandi, commentandi, pios libellos lectitandi, conscientiam examinandi, diuinum officium audiendi vel cantandi

quæ

quæ si sedulo obseruent, spiritum deuotionis non facile extinguunt. Plura impedimenta habet L. GRANATA libro 2. de oratione & Meditatione.

CAPVT IV.

De Medijs ad Deuotionem consequendam opportunis.

PRIMUM medium est consideratio diuinorum beneficiorum, & propriorum defectuum. Hoc indicat Augustinus libro de Spiritu & anima, cum ita scribit. *Meditatio parit scientiam, scientia compunctio- nem, compunctio deuotionem, deuotio perficit orationem. Compunctio est, quã- do ex consideratione malorum suorum cor interno dolore tangitur. Deuotio est pius & humilis affectus in Deum, humilis ex conscientia infirmitatis propria, pius ex consideratione diuina clementie.* Et S. Bernardus in Cantica agens de vnguento deuotionis. *Secundi, inquit, huius aromata, terra nostra ne quaquam profert, sed procul, & de ultimis finibus ea nobis conquirimus. Nem- pe omne datum optimum, & omne donum perfectum de sursum est descendens à Patre luminum. Fit enim vnguentum istud de diuinis collatis humano gene- ri beneficiis. Felix, qui ipsa sibi colligere, studiosè, & ante mentis suæ oculos di- gna cum gratiarum actione reducere curat. Profecto cum fuerint in vasculo pectoris pistillo crebre meditationis contusa atq; contrita, deinde igne sancti desiderij simul decocta omnia, & demum impinguita oleo letitiæ, erit vinctio longè pretiosior, excellentiorq; priore (contritionis) sufficit ad probandum eius testimonium, qui ait. Sacrificium laudis honorificabit me. Nec dubium, quin excitet ad laudandum beneficiorum recordatio. Clarius S. Thomas Aquinas in summa Theologica hoc medium proponit. Neceffe est, inquit, quod meditatio sit deuotionis causa, in quantum scilicet homo per meditationē concipit, quod se tradat diuino obsequio. Ad quod quidem inducit duplex con- sideratio, Vna quidem, quæ est ex parte diuinæ bonitatis & beneficiorum ipsius secundum illud Psalmi 72. Mihi adherere Deo bonum est, & ponere in Domino Deo spem meam. Et hæc consideratio excitat dilectionem, quæ est proxima deuotionis causa. Alia verò est ex parte hominis considerantis suos defectus, ex qui- bus indiget, vt Deo innitatur, secundum illud Ps. 120. Leuaui oculos meos in mō- tes, vnde veniet auxilium mihi. Auxiliū meum à Domino, qui fecit cælū & ter- ram. Et hæc consideratio excludit præsumptionem, per quam aliquis impeditur, ne Deo se subijciat, dum suæ virtuti innititur.*

II. MEDIUM est Consideratio præcipui beneficii, nempe Passio-

nis Dominicæ, de qua ita S. Augustinus in libro Meditationum. Magna & multa, imò certe innumerabilia, quæ mihi Domine Deus contulisti beneficia pro quibus mihi diligendus, & semper es laudandus. Quicquid enim boni habeo, vel habui, vel habiturus sum à te summo bono est, à quo omne quod bonum dicitur & est procedit. Vnum autem est, quod me plus his omnibus accendit, urget, mouet & promouet ad te diligendum, super omnia, inquam, amabilem te reddit mihi ò bone Iesu ignominiosissima & amara mors, quam sustinui- sti, opus nostræ redemptionis. Hoc saluum, vel hoc omnino totam vitam nostram, totum laborem nostrum, totum obsequium nostrum, amorem deniq; nostrum facile sibi vendicat; totum hoc inquam est, quod deuotionem nostram, & exci- tat melius, & quarit suauius, & auget amplius.

B. serm. 20.

Et S. Bernardus in Cantica Augustinum imitatus. Sed est, quod me plus mouet, plus urget, plus accendit. Super omnia inquam, reddit amabilem te mihi Iesu bone calix quem bibisti, opus nostræ redemptionis. Hoc omnino a- morem nostrum facile vendicat totum sibi. Hoc inquam est quod nostram de- uotionem & blandius allicit, & iustius exigit, & arctius stringit, & afficit ve- hementius. Multum quippe laborauit in eo Saluator, nec in omni mundi fabri- ca tantum fatigationis auctor assumpsit. Illa denique dixit, & facta sunt: man- dauit & creata sunt. At verò hos & in dictis sustinuit contradictores & in factis obseruatores, & in morte exprobratores.

4. Reg. 3.

B. serm. 9.

Psal. 20. 3.

III. Medium est Oratio, quod tradit idem Bernardus sermone 6. de Ascensione Domini. Apostoli decem dies in hac expectatione (Spiritus sancti) sederunt perseverantes unanimiter in oratione cū mulieribus & Maria matre Iesu Et tu igitur orare disce, disce querere disce petere pulsare, donec in- uenias, donec accipias, donec aperiatur tibi. Nouit Dominus figmentum tuum, fidelis est, non te patietur tentari supra id quod possis. Confide in ipso, quod si fideliter expectaueris, nec diem decimum expectabit. Praueniet certe in bene- dictionibus dulcedinis desolatam animam & orantem ut feliciter, & non ad insipientiam tibi consolari renuens in ipsius memoria delecteris inebriatus ab ubertate domus, & voluptatis eius torrente potatus. Sic nimirum & Elias quondam orasse legitur, cum dulcissimum illud solatium Eliæ presentiam sibi plangeret subtrahendam. Et in Cantica Canticorum ita scribit. Sponsa loquente de sponso (anima deuota de Christo) repente adest ille, annuit vo- to, dat osculum, impletq; in ea sermonem, qui scriptus est. Desiderium cordis tribuisti ei, & voluntate labiorum eius non fraudasti eum. Tanta nempe ef- ficacia osculum sanctum est, ut ex ipso mox cum acceperit illud sponsa concipi- at, tumescentibus nimirum uerbis, & lacte quasi pinguescentibus in respi- monium. Quibus studium est orare frequenter, experti sunt quod dico. Sape

corde trepido & arido, accedimus ad altare, orationi incumbimus, persistentibus autem repente infunditur gratia, pinguescit pectus, replet viscera inundatio pietatis, & si sit, qui premat, lac concepta dulcedinis ubertim fundere non tardabunt.

Quoniam verò deuotionis promptitudini aliquando adreperit. Id. serm. 22.
dium, alibi hoc præbet consilium. Cum te torpore, acedia vel radio affici sentis, noli propterea diffidere aut desistere à studio spirituali, sed inuantis require manum, trahite obsecrans sponsa exemplo. donec denuo suscitante gratia factus promptior, alacriorque curras, & dicas. Viam mandatorum tuorum cucurri, cum dilata sit cor meum. Sic autem quamdiu adest gratia, dele-
tare in ea, ut non te existimes donum Dei iure hereditario possidere, ita videlicet securus de eo, quasi nunquam perdere possis: ne subito cum forte retraxerit manum, & subtraxerit donum, tu animo considas, & tristior quam oportet fias. Ergo in die virtutis tue noli esse securus sed clama ad Deum cū propheta. Cum defecerit virtus mea, ne derelinquas me. Psal. 70. 9.

IV. Medium est, assidua diuinæ præsentiae cogitatio, quod idem mellifluus Doctor non prætermisit, dum ita commune facit. Arguit B. ser. 57. in Cāt.
nos pro certo negligentia & incuria ipsa inopia nostra. Nam si quis nostrum Eccli. 39. 6.
integre & perfecte iuxta verbum Sapientis cor suum tradat ad vigilandum diluculo ad Dominum, qui fecit illum, & in conspectu altissimi deprecetur, simulque votis omnibus studeat secundum Isaiam prophetam parare vias Domini, rectas facere semitas Dei sui, cui cum propheta sit dicere. Oculi mei semper ad Dominum, & quia prouidebam Dominum in conspectu meo semper, nonne hic accipiet benedictionem à Domino, & misericordiam à Deo salutari suo? visitabitur profecto frequenter, nec unquam ignorabit tempus visitationis suæ, quantumlibet is, qui in spiritu visitat, clandestinus veniat, & verecundus, utpote furtiuus amator. Et rursum alibi. Petijt quondam Elias à magistro, cum discessum eius imminere præsensit, nec obtinuit nisi ea quidem conditione si videret, quando tolleretur à se. In figura contigit hoc illis, scriptum autem est propter nos. Vigiles esse & solliciti circa opus nostræ salutis prophetico docemur & monemur exemplo. Nunquam sane sine nostra conscientia, magistra vnctio, quæ docet de omnibus, tollatur à nobis, si duplicato volumus munere non fraudari. Nunquam cum venerit, inueniat imparatos, sed semper vultus suspensos, expansosque habentes sinus ad largam Domini benedictionem. Tales denique quarit, similes hominibus expectantibus Dominum suum, quando reuertatur à nuptijs: qui utique ab illis superna mensa copiosis delicijs vacua nunquam reuertitur manu. Vigilandum proinde, & vigilandum omni hora, quia nescimus qua hora spiritus venturus sit, senāteram abiturus.

V. Medi-

A. ep. 121.

Psal. 56. 1. 8.
Psal. 17. 2.Psal. 41. 2.
Psal. 50. 11.
Psal. 62. 6.

A. c. 17.

B. q. vlt.

V. Medium est. Vfus creber breuium & iaculatoriarum orationum ad Deum, quibus quasi scintillis cor nostrum accenditur, & cor Dei quasi ignitis iaculis configitur, vt nostri misereri velit. De eo vsu ita scribit S. August. ad Probam. *Dicuntur fratres, in Aegypto crebras quidem habere orationes, sed eas tamen breuissimas, & raptim quodammo iaculatas, ne illa vigilanter erecta, quae oranti plurimum necessaria est per productiones moras euanescat. atq. hebetetur intentio. Ac per hoc etiam ipsi satis ostendunt, hanc intentionem, sicut non est obtinenda si perdurare non potest: ita si perdurauerit non cito esse rumpendam.* In hunc vsu conuenit memoria comprehendisse versus aliquot psalmorum, quibus affectus & promptitudo seruiendi Deo exprimitur, vt sunt. *Paratum cor meum Deus, paratum cor meum Miserere mei Deus, miserere mei. Diligam te Domine fortitudo mea, Dominus firmamentum meum, & refugium meum, & liberator meus, Deus meus adiutor meus & sperabo in eum. Quemadmodum desiderat ceruus ad fontes aquarum, ita desiderat anima mea ad te Deus. Cor mundum crea in me Deus, & spiritum rectum in noua in visceribus meis. Sicut adipe & pinguedine repleatur anima mea, & labijs exultationis laudabit os meum.*

Quo autem frequentius huiusmodi breues sententiae iterabuntur, hoc efficacius valent ad conciliandam deuotionis gratiam. Quae de causa in psal. 118. qui ab Ecclesia quotidie ad minores horas decantatur idem, sed immutatis tantum phrasibus, vt notauit B. Theodoret. & alii, petitur, & in Psal. 135. haec verba, *quoniam in aeternum misericordia eius*, vices septies ad extollendam Dei clementiam iterantur. Eandem ob causam S. August. verba quaedam repetit in precibus suis, vt cum in decimo Confessionum, ita orat. *Sero te amavi pulchritudo tam antiqua & noua, sero te amavi. Et cognoscam te cognitor meus, cognoscam te.* Vnde S. Bonau. in mystica Theologia sua ita scribit. *Si quis per viam purgatiuum bene preparatus sapissime hoc dictum, corde frequenter, O DOMINE, QUANDO TE DILIGAM? quando te constringam? citius se sciret experimentaliter inflammari, quam si de secretissimis caelestibus, & aeterna generatione vel processione millies cogitaret.* PLURA media vide in GRANATA loco citato. De Indiciis vero Deuotionis lege nostrum Bernardinum Rosignolium lib. 2. de actionibus

Virtutis cap. 7.

VIDE V. Contemplatio Familiaritas cum Deo. Gaudium spirituale. Gratiarum actio Deo debita Laudatio Dei Oblatio sui Deo facta. Oratio. Pax. Pietas in Deum. Religio Christiana. Et in PANARIO, V. Desolatio spiritualis. Distractio in oratione. Et illusiones spirituales.

DIFF.

DIFFIDENTIA SVI.

CAPVT I.

*Quid S. Scriptura, cum S. Patribus tradat
de diffidentia sui.*

NOMINE Diffidentiae sui, intelligimus actionem virtutis humili-
tatis, qua quis solo Deo nixus, diffidit tuis viribus in exercitiis
Christianae pietatis praestandis. Ad quam respexit Salomon cum in
Prouerbiis dixit. *Qui bonus est, hauriet gratiam à Domino: qui autem con-* Prou. 12. 2.
fidit in cogitationib. suis impiè agit. In quæ verba Hieronymus. *Horum, in-* Hic in Prou. 10. 7.
quit, versiculorum connexio talis est. Qui bonus est, non confidit cogitationi-
bus suis, sed Domini gratiam querit, ac per illam accipit, ut piè viuere possit.
Qui autem cogitationibus suis confidit, bonus esse nequit. Nam quia gratiam
superni adiutoris petere non curat, merito in impia actione perdurat. Huic si- Prou. 14. 16.
milis est & illa sententia. *Sapiens timet & declinat à malo, stultus transilit* Prou. 26. 16.
& confidit. Et illa *Qui confidit in corde suo, stultus est.* Deinde Ecclesiasti- Eccl. 6. 2.
cus. *Non te extollas in cogitatione anima tua velut taurus, ne forte elidatur*
virtus tua per stultitiam & folia tua comedat, & fructus tuos pendat, & relin-
quaris velut lignum aridum in eremo: Vnde totus populus fidelis in h. sto-
ria Iudith sic orat. Ostende Domine, quoniam non derelinquis praesumes Iud. 6. 15.
de te, & de sua virtute gloriantes humilis. Ad eandem diffidentiae sui vir-
tutem respexit Apostolus cum ad Galatas ait. *Si quis existimat se ali-* Gal. 6. 4.
quid esse, cum nihil sit, ipse se seducit. Vnde D. Cyprianus de singularitate
Clericorum. *Vtilius est infirmum se homo cognoscat, ut fortis existat, quara*
fortis videri velit, & infirmus emergat. De qua re praesumptores obiurgat A-
postolus dicens. *Si quis putat se aliquid esse, cum nihil sit, seipsum implanat.*
Pro certo implanator proprius suam animam decipit, qui non cauendo contra-
ria noxijs rebus semetipso commiserit. CAUSAM verò cur fidere nostris
viribus non debeamus, Scriptura haud reticuit. Clare enim monuit Io. 15. 4.
Christus. *Sicut palmes non potest ferre fructum à semetipso nisi manserit in*
vite, sic nec vos, nisi in me manseritis. Et *Sine me nihil potestis facere.* Et B. 2. Cor. 3. 5.
Paulus in posteriore epist. ad Corint. *Non sufficientes sumus cogitare ali-*
quid à nobis, quasi ex nobis, sed sufficientia nostra ex Deo est. Quæ verba ex-
pendens B. August. contra 2. epistolas Pelagianorum, ait. *Cum ergo mi-* A. lib. 2. c. 8.
nus sit cogitare, quam cupere, potest enim homo cogitare bonum, quod nondum
cupit,

cupit, & proficiendo postea cupere, quod antea non cupiendo cogitavit, quomodo ad id quod minus, id est, ad cogitandum aliquid boni non sumus idonei tanquam ex nobismetipsis, sed sufficientia nostra ex Deo est, & ad id quod est amplius, id est ad cupiendum aliquid boni sine divino adiutorio, (ut contendunt Pelagiani) sumus ex libero arbitrio. Neque enim & hic Apostolus ait. Non quia idonei sumus cogitare, quod perfectum est, tanquam ex nobismetipsis, sed cogitare, ait, aliquid, cui contrarium est nihil. Vnde est illud Domini. Sine me nihil potestis facere. Et paulo post inde concludit Quapropter multa Deus facit in homine bona, quae non facit homo: nulla verò facit homo, quae non facit Deus, ut faciat homo.

Ioan. 15. 4.

A. l. a. c. 13.

Eundem Pauli locum tractans in libris de bono Perseuerantiae. Hoc nobis, inquit, expedit & credere & dicere. hoc est pium, hoc verum, ut sit humilis & submissa confessio, & detur totum Deo. Cogitantes credimus, cogitantes loquimur, cogitantes agimus quicquid agimus. Quod autem attinet ad pietatis viam & verum Dei cultum non sumus idonei cogitare aliquid tanquam ex nobismetipsis, sed sufficientia nostra ex Deo est. Non enim est in potestate nostrae cor nostrum, & nostrae cogitationes. Vnde idem, qui hoc agit, item dicit AMBROSIVS.

A. de fuga seculi c. 1.

CAPVT II.

De Præstantia & Utilitate huius Virtutis.

PRÆSTANTIA, utilitasque huius virtutis indeliquet & lucet. Primo, quod in scripturis sacris dicantur beati, qui fidunt in Deo, & sibi diffidunt. nam regius Vates ait Beatus vir, cuius est nomen Domini spes eius & Christus Dominus apud Matth. Beati pauperes spiritu. quæ verba expendens Ioan. Cassian. collatione 10. cap. 11. Reuera, inquit, quæ maior aut sanctior potest esse paupertas quàm illius, qui nihil presidij, nihil virum habere cognoscens de aliena largitate quotidianum poscit auxilium, & vitam suam atque substantiam singulis quibusque momentis diuina ope intelligens sustentari, verum se mendicum Domini non immerito proficitur suppliciter ad eum quotidie clamans. Ego autem mendicis & pauper sum, Deus adiuvame. Psal. 9. 18. Deinde, quod diffidentia sui sit primarius actus virtutis humilitatis, quam constat post charitatem esse præstantissimam, utilissimamque homini Christiano. nam S. Basilius in admonitione ad filium spiritualem. Vir, inquit, humilis Deo est similis, superbus autem Diabolo similis est. Humilis licet habitu videatur vilis, gloriosus tamen est virtutibus, &c. Hieron. ad Celantiam. Nihil habeas humilitate præstantius, nihil amabilius.

Psal. 9. 5.

H. op. 14.

bilis. Hec est enim principia conservatrix & quasi custos quadam virtutum omnium: nihilque est quod nos ita & hominibus gratus & Deo faciat, quam si vita merito magni, humilitate infimissimi. Propter quod Dominus loquitur *Isai. 66. 2.*
per prophetam Super quem alium requiescam, nisi super humilem & quietum
& tremantem verba mea? S. Leo de Epiphania. Tota dilectissimi Christia- *L. serm. 7.*
ne sapientia disciplina, non in abundantia verbi, non in astutia disputandi,
neque in appetitu laudis & gloria, sed in vera & voluntaria humilitate confi-
stit, quam Dominus esus ab utero matris usq. ad supplicium crucis pro omni for-
titudine & elegit & docuit. Et S. Bernardus in epistola ad Ogerium. Ha- *B. ep. 87.*
milis, ad quam utiq. ducit humilitatio, totius est spiritualis fabricae funda-
mentum

II. *UTILITAS* est quod valeat ad expugnandas omnes, diaboli, mundi & carnis tentationes. S. Augustinus libro 50. Homiliarum de- *A. hom. 37.*
clarat illud exemplo adolescentis David, qui, prouocante superbo
Goliath populum Israeliticum ad monomachiam, roboriq. suo pre-
fidente, ausus, inquit, est non presumens de viribus suis, sed in nomine Dei sui
procedere aduersus eum. Nec rex Saul abnuuit. Intellexit cum videret auden-
tem puerum, aliquid in eo diuinitatis esse, nec illam tenera aetate sine diuino in-
stinctu talia posse presumere Libenter accepit, processit aduersus Goliath In
omnibus, ergo, qui erant in ea parte, unde procedebat David, non erat presump-
ptio nisi de Deo: in illis autem tota spes in vnius hominis viribus. Sed quid est *Psal. 143. 4.*
homo, nisi quod in isto psalmo cecinit. Homo vanitati assimilatus est, dies eius
velut umbra praetercunt. Plura huius rei exempla inuenias in Scripturis
ut in libro 1. Paralipomenon de filiis Israel e tribu, Ruben, Gad & *Par. c. 3.*
Manasse cum dimicarent contra Agareos, eorumq. federatos nume-
ro & viribus potentes, victoriamq. obtinuerunt, quod viribus suis
diffisi, diuinum auxilium implorassent dum praeliarentur, & exaudiuit
eos Deus, inquit textus, eo quod credidissent in eum Deinde in libro secun-
do Machabaeorum, de iisdem filiis Israel duce Iuda Machabeo bel- *2. Mach. 15.*
lo cum impio Nicanore Demetrii regis duce congressis, de quo ita
loquitur scriptura. Iudas, & qui cum eo erant innocato Deo per orationes
congressi sunt manu quidem pugnantes, sed Dominum cordibus orantes pro-
strauerunt non minus triginta quinque millia. praesentia Dei magnifice delectati.
Suspendit autem Nicanoris caput in summa arce, ut euident esset, & manife-
stum signum auxilii Dei.

Vnde S. Patres docent etiam in tentationibus spiritualibus ad praefidum diffidentiae sui. & confidentiae in solo Deo esse confugiendum. *Qui*
seruiunt Deo, inquit S. Basil. alicubi, a demone frequentibus & varijs tenta- *B. in instit. de*
tionibus agitantur, tristitia & diffidentia de Deo, ut bona inchoata deserant, *vita perfecta.*

ut non perseuerent, ut existiment se Deo charos non esse, ut locum, societatem, rationemque viuendum alia seueriore commutent, in qua demon nouit plura fore pericula. His alijsq. id genus tentationibus boni speciem pra se ferentibus Demon seruos Dei aggreditur. Quos verò vincit? Eos vincit qui plus a quo sibi confidunt. Vnde vidimus multos magna virtute pradtos, & testimonio aliorum probatos, quos malignus spiritus per nimiam sui confidentiam precipites egit. Hucusque Basilus. SERAPION quoque apud Cassianum collatione quinta, cum dixisset tentationum & impugnationum extinctionem a Deo specialiter ac iugiter poscendam, subiicit Impossibile namque est de qualibet passione triumphum quempiam promereri, priusquam intellexerit industria vel labore proprio victoriam certaminis semet obtinere non posse. Richardus item Victorinus in Cantica Canticorum Impossibile est, inquit, quempiam de seipso triumphare posse, donec experimento audierit propria virtute se non posse obtinere triumphum. Quantum autem, addit fideles de se diffidunt, tantum in diuina spei adiutorio confidunt, & quantum de se infirmantur tantum fortes sunt, & potentes in Deo.

C.c. 4.

R.c. 21.

Ier. 17. 5.

H. l. 3. in Ier.

A. ep. 52.
Ier. 17. 5.Ps. 149. 15.
Id. c. 114.

III. UTILITAS est, quod eo longius aberis à maledictione, quam Deus comminatur iis qui confidunt su is viribus apud Ieremiam. Haec dicit Dominus. *Maledictus homo, qui confidit in homine, & ponit carnem brachium suum, & à Domino recedit cor eius. Erit enim quasi myrica in deserto, & non videbit, cum venerit bonum, sed habitabit in siccitate, in deserto, in terra salsuginis & inhabitabili. Benedictus vir qui confidit in Domino, & erit Dominus fiducia eius.* In quæ verba Hieronymus. *Maledictus qui ponit carnem brachium suum, id est, fortitudinem suam, & quicquid egerit non Domini clementie, sed suæ putauerit esse virtutis. Qui enim hoc agit, à Domino recedit cor eius, asserens se posse quod non potest. Et erit quasi myrica, siue ut interpretatus est Symmachus, lignum infructuosum in solitudine, & terra salsuginis, id est inhabitabili, quæ hospitem non habet Deum, nec angelorum praesidia, nec Spiritus sancti gratiam, nec scientiam magistrorum.* Et August. ad Macedon. *Maledictus omnis, sicut alibi eadem littera docent, qui spem suam ponit in homine. Ergo nec in seipso quisquam debet, quia & ipse homo est. Proinde ut transiret omnium vanitatum & insaniarum mendacium limites, atq. ibi beatam vitam poneret, ubi verè est. Beatus, inquit, populus cuius Dominus Deus ipseus.* Et in Enchiridio. *De ijs omnibus quæ fideliter sunt credenda ea tantum ad spem pertinent, quæ in oratione Dominica continentur. Maledictus est enim omnis, sicut diuina testantur eloquia, qui spem ponit in homine, ac per hoc in semetipso qui spem ponit, huius maledicti vinculo innectitur. Ideo non nisi à Domino Deo petere debemus, quicquid speramus nos, vel bene operaturos, vel pro bonis operibus adepturos.*

IV. UTILITAS, quod beneficio eiusdem virtutis eximes te pluribus
gratium

grauium lapsuum periculis. Et primo à præsumptione, nam secundū S. Bernard. primus gradus præsumptionis est suis viribus præsidere. Ita enim loquitur scribens in psalmum. *Qui habitat. Nolo ignorare vos fratres quoniam modo descendatur, imò cadatur in illas (voragines)* Primus enim gradus descensionis huius dissimulatio propriæ infirmitatis, iniquitatis, inutilitatis, dum sibi parcens sibi blandiens sibi persuadens homo se aliquid esse, cum nihil sit, ipse se seducit. Et infra, docet hanc viam fuisse Luciferi cadentis de cœlo, quod nō agnoscens imbecillitatem virium suarum in tantam præsumptionem lapsus sit, vt se similem fecerit altissimo. 2. eximes te periculo perdendi piorum desideriorum & operum fructum. Habes exemplum in Apostolo Petro qui nocte extremæ cœnæ firmissimè proposuerat se nulla ratione admissurum in animum vel scandalum vel cogitationem de negando Christo, imò toto pectore dixerat. *Etiamsi oportuerit me mori tecum, non te negabo*, & tamen paulo post propositi immemor capto Christo aufugit, & tereum negauit. Cuius lapsus nō alia sane causa fuit, quam q̄ nimium suis viribus fuerit confusus, vt liquet ex verbis quibus se omnibus Apostolis prætulit. *Et si omnes scandalizati fuerint in te ego nunquam scandalizabor.* Et cum Christus ei disertè prædiceret. *Amen dico tibi, quia in hac nocte, antequam gallus cantet, ter me negabis*, posito omni imbecillitatis metu audacter respondit, se potius moriturum quàm negaturum. Quod accidit Petro ante acceptum Spiritum sanctum, hoc quotidie accidit nobis, vt cum non omnem fiduciam in Deo collocamus, sed plus æquo industria nostræ præfidimus, auxilium efficax subtrahatur, quo muniti pia proposita perficere poteramus, vt bene obseruauit Chrysostom. in Matthæum 3. eximes te periculo labèdi in hæresin: inde enim omnes heretici fiunt, quod nimium fidei suo ingenio proprias opiniones sequantur; Vnde Hieronymus exponens verba Apostoli ex epistola ad Titū. *Hereticum hominem post vnā & secundā correptionem deuota sciens quia subuersus est, qui eiusmodi est, & delinquit, cum sit proprio iudicio condemnatus.* Hæresis græcè, inquit, ab electione dicitur, quod scilicet vnusquisq̄ id sibi eligat, quod melius esse videatur. Propterea verò à semetipso dicitur esse damnatus, quia fornicator, adulter, homicida, & cetera vitia per sacerdotes Ecclesia propelluntur. Hæretici autem in semetipsos sententiā ferunt suo arbitrio de Ecclesia recedentes, quæ recessio propriæ conscientia videtur esse damnatio. Et Augustinus ad Macedonium, qui eum sapientem vocarat, respondet. *Ex ista sapientia, quæ vnā & vera est, si quid habeo, à Deo sumpsisti, non à me præsumpsisti: non enim meo vel ingenio, vel merito sed eius dono sum, si quid laudabiliter sum. Nam quedam acutissima & excellentissima ingenia tanto in maiores errores ierunt, quanto præsidentius tanquam suis viribus cuncta veritatem,*

B. serm. 11.

Matth. 26. 35.

Ib. 13.

Chom. 83.

Tit. 3. 10.

Epist. 52. Aug. 1.

nec suppliciter ac veraciter Deum, ut viam sibi ostenderet, petiverunt. Vide PANARIUM. V. Hæresis. R. 5.

CAPUT III.

De Medijs quibus hæc virtus parari possit.

Psalm. 74. 5.

Isai. 26. 12.
Ioan. 15. 5.

Ioan. 6. 29.

Phil. 2. 12.
Iac. 1. 17.

Act. 17. 28.

A. c. 12.

Ioan. 5. 17.

PRIMUM medium est, considerare diligenter Deum omnium bonorum tam naturalium, quam supernaturalium, siue essentiam, siue vires, siue actiones nostras spectes, esse auctorem. secundum illud psaltis regii. *Beatus, cuius Deus Iacob adiutor eius, spes eius in Domino Deo ipse, qui fecit cælum & terram, mare & omnia quæ in eis sunt.* Et Isaia propheta. *Domine dabis pacem nobis: omnia enim opera nostra operatus es nobis.* Et Christi Domini. *Ego sum vitis, vos palmites: qui manet in me, & ego in eo hic fert fructum multum, quia sine me nihil potestis facere.* quod dictum verum est de Christo, siue quæ Deus, siue quæ homo est. Quia Deus quidem, quia homo nullam actionem etiam naturalem & liberam potest siue cooperatione Dei exercere: Quia homo verò, quia homo nihil Deo gratum, vel vitæ æternæ meritum facere potest siue gratia & merito Christi. Sicut enim viti intimè coniuncti sunt palmites, ita fideles iusti per fidem & charitatem adherent Christo. Unde cum quidam à Christo percontarentur, quemadmodum facere possent opera Dei? respondit. *Hoc est opus Dei, ut credatis in eum, quem misit ille.* Et non multo post subiungit. *Nemo potest venire ad me, nisi Pater, qui misit me, traxerit eum.* Idem docuere Apostoli, ut S. Paulus ad Philippenses. *Deus est, qui operatur in vobis & velle & perficere pro bona voluntate.* Et B. Iacobus. *Omne datum optimum, & omne donum perfectum desursum est descendens à Patre luminum.* Immo si Deus vel minimo momento non nobis modo, sed toti adeo mundo præsentiam suam subtraheret, vel actionem eū conseruandi suspenderet, repente omnia in nihilum reciderent. In ipso enim, inquit Apostolus ad Athenienses, *vinimus, & mouemur & sumus. sicut & quidam vestrorum poetarum dixerunt.*

Vnde S. Augustinus libro 4. de Genesi ad litteram *Neque enim sicut structuram adiuu cum fabricauerit quis abscedit; atq. illo cessante atq. abscedente stat opus eius, ita mundus vel icu oculi stare poterit si ei Deus regimen suum subtraxerit.* Proinde & quod Dominus ait. *Pater meus usq. nunc operatur, continuationem quandam operis eius, qua vniuersam creaturam continet atq. administrat ostendit.*

II. Medium est, soli diuino numini credere, & in actionibus omnibus eius opem implorare. Si enim sine eius praesidio nihil facere possumus, ut iam ostensum est, cur vitiis nostris fidere pergamus? Id probè animaduertens Sapiens ita loquitur. *Vt scini, quoniam aliter non possem esse continens, nisi Deus det, & hoc ipsum erat sapientia scire, cuius esset hoc donum: adi Dominum, & deprecatus sum illum.* Nomine continetia autem S. Basilii in regulis tuis disputatis intelligit abstinentiam ab omni vitiosa affectione.

Sap. 8. 21.

B. q. 16 & 7.
Cael. c. 9.

Hinc S. CAELASTINVS Papa in epistola ad Episcopos Gallie. *Quod ergo tempus, inquit, interuenit, quo eius non egeamus auxilio? In omnibus actibus, causis, cogitationibus, motibus adiutor & protector orandus est. Superbum est enim, ut quicquam sibi humana natura praesumat clamante Apostolo. Non est nobis colluctatio aduersus carnem & sanguinem, &c. Quod si quis obtendat omnia opera hominis esse quidē Dei dona, tamen liberi arbitrii cooperatione effici, scire debet & ipsam liberum arbitrium, & ipsam quoque cooperationem nostrā esse à Deo, Deus enim operatur in nobis velle & perficere, ut supra ex Apostolo dictū est, ac ut sit aliquid propriè nostrum, tamen id totum ab homine debetur Deo, tum quia eius creatura est, tum quia compensandis eius beneficiis par non est. Vnde Augustinus alibi cum Deo ita colloquitur. Aperuisti mihi oculos lux, & excitasti, & illuminasti me, & vidi quod gloriari non valeat ante te omnis caro, nec iustificetur omnis vivens, quoniam si quid boni est, parui vel magni, donum tuum est, & nostrum non nisi malum est. Vnde igitur gloriabitur omnis caro, nunquid de malo? Hac non est gloria, sed miseria. Sed nunquid gloriabitur de bono (cooperatione sua bona,) nunquid de alieno? Tuum, Domine est bonum, tua est gloria.*

Eph. 6. 12.

Phil. 2. 13.

A. in Soliloq.
c. 15.

III. Medium est agnitio suæ imbecillitatis. Hoc medio Deus populum Israeliticum ad saniolem mentem reduxit. nam cum eum ex Aegypto eduxisset, multisque ac magnis cumulasset beneficiis, ne succedentibus prosperis insolescerent, suisque confisi viribus obliuiscerentur Dei, magnis afflictionibus eos probauit, ut inopia aquarum in solitudine, serpentum morsu, vicinorum hostium incursione, repentina internectione, ut hac rerum aduersarum secundarumque vicissitudine re ipsa cognoscerent omne bonum tibi diuinitus contingere, atque ita industria suæ diffusi se humiliarent, & omnem fiduciam in Deo defigerent. Vnde Moyses in Deuteronomio hanc ipsam huius vicissitudinis causam reddit. *Postquam afflixit, inquit, tui, ac probauit, ad extremum misertus est tui, ne dices in corde tuo: Fortitudo mea & robor manus mea, hac mihi omnia praestiterunt.*

Deut. 8. 17.

Sed

A. c. 15.

Sed recorderis Domini Dei tui, quod ipse vires tibi prabuerit ut impleret pactum suum, super quo iuravit Patribus tuis, sicut presens indicat dies. Sic & Augustinus fatetur in Soliloquiis se diffidentiam sui didicisse. Fortissime, ait, magnipotens Deus credebam me fore aliquid cum nihil essem. Cogitabam me esse prudentem & deceptus sum: dixi quod diues essem, & nullius egerem, & nesciebam quoniam pauper eram, cacus, nudus, miser & miserabilis. Sed nunc video, quoniam si quid boni est, parui vel magni, donum tuum est, & nostram non nisi malum est, & nisi tu custodieris ciuitatem, in vanum laborant, qui custodiunt eam. Credebam me sufficere per me, nec percipiebam, quoniam tu regebas me, donec aliquantulum te elongasti a me, & cecidi statim in me, & quod surrexi fuit ex te. Plura de dignitate & vtilitate huius medii, ex S. Patribus, & Ethnicis Scriptoribus vide V. Cognitionis sui.

CAPVT IV.

De Indicijis, quibus homo sibi diffidens agnoscat.

Psal. 17. 2.
A. c. p. 52.

Psal. 35. 5.

Cass. c. 10.

PRIVM Indicium est, in cuiusvis operis, maximè si alicuius momenti sit, initio diuinum auxilium inuocare, saepe etiam intercessionem Sanctorum iam in regno cælorum cum Christo regnantium atque imprimis beatissim. Virginis MARIE EXEMPLO sit exercitissimus orator DAVID rex, qui imbecillitatem virium suarum agnoscentes in hunc modum orabat. *Diligam te Domine fortitudo mea, Dominus firmamentum meum, & refugium meum, & liberator meus Deus meus adiutor meus. Protector meus & cornu salutis mea & susceptor meus.* Vnde S. Augustinus in epistola ad Macedonium. *Si nos virtus vera delectat, ei dicamus, quod in eius sacris litteris legimus. Diligam te Domine virtus mea. Et si verè beati esse volumus quod nolle non possumus, id quod in eisdem litteris didicimus fido corde teneamus. Beatus vir cuius est nomen Domini spes eius, & non respexit in vanitates & insanas mendaces. Quanta est autem vanitas, quantum insania, quantum mendacium, hominem mortalem, arum nosam vitam mutabili & spiritu & carne ducentem, tot peccatis oneratum, tot tentationibus subditum tot corruptionibus obnoxium, paucisq. iustissimis destinatum in seipso fidere, ut beatus sit: quando ne illud quidem quod habet in natura sua dignitate precipuum, id est, mentem atq. rationem potest vendicare ab erroribus, nisi Deus adsit lux mentium.*

Hoc exemplum Dauidicum olim secuti sunt eremita, qui teste Cassiano collatione decima, ad quasvis actiones, vel tentationes iterabant

rabant illum versiculum Davidis. *Deus in adiutorium meum intende, Domine ad adiuuandum me festina.* Etiam sequitur Ecclesia in diuini officii recitatione, cum singulas horas canonicas ab eodem auspicatur. Cuius consuetudinis, inter ceteras, & hanc causam instituto nostro congruentem reddit Cassianus. *Isse, inquiens, versus in acedia & anxietate animi collocatos, seu tristitia vel cogitationibus quibuscumq; depresses salutaris remedia desperare non patitur, ostendens illum quem inuocat inspicere iugiter nostra certamina, atq; a suis supplicibus non abesse.* Isse nos in spiritalibus successibus, letitiisq; constitutos admonet extolli penitus non debere, nec inflari de prospero statu, quem sine protectore Deo retineri non posse testatur, dum non solum eum semper, sed etiam ut velociter sibi auxilietur implorat. Nam qui se semper & in omnibus desiderat adiuuari, manifestat quod non tantum in rebus duris ac tristibus sed etiam in secundis ac latis pari modo Deo egeat adiutore, in neutro sciens humanam fragilitatem sine illius opitulatione subsistere. Quantum autem obsit rem aliquam aggredi, non consulto prius in oratione Deo, docet exemplum Iosue cum Gabaonitis; nam cum horum legati ad Iosue venissent, & insigni fraude cōmenti fuissent se è lo-
Ios. 9. 3.
 ginq; regionibus profectos, eique rei argumento esse, vestium calceamentorumque vetustatem, & panum, quos recentes acceperant, duritiem; Iosue cum suis nimium suæ prudentiæ confusus pacis fœdera interposito iuramento cum eis iniit. Cuius erroris diuina Scriptura causam illam commemorat, quod os Domini non interrogauerint, hoc est, in precibus consilium Domini non explorarint.

II. Indicium est, si quis cum metu & tremore, ut loquitur Apostolus, *Phil. 2. 12. ? salutem suam operetur.* Beatus enim homo, teste Sapiente, *qui semper est pauidus. 2. si pericula, omnesque occasiones peccati caueat.* *Qui enim amat periculum, inquit Ecclesiasticus, peribit in illo.* cuiusmodi periculum
Prou. 28. 14.
Eccli. 9. 28.
 est in colloquio & cohabitatione cum mulieribus. *Quid tibi necesse est, inquit Hieronymus, in ea versari domo, in qua necesse habes quotidie, aut perire aut vincere? Quis vnquam iuxta viperam securos somnos capit? quæ etsi non percutiat, certe sollicitat. Securius est perire non posse, quàm iuxta periculum non perisse.* 3. si suorum operum bonorum laudem Deo potius, quàm sibi tribuerit, exemplo D. Pauli in hunc modum loquentis. *Abundanti-
 1. Cor. 15. 10.*
 tius illis omnibus (Apostolis) laboraui, non ego autem, sed gratia Dei mecum. *Ib. v. 57.*
 Et, Deo autem gratias, qui dedit nobis victoriam per Dominum nostrum Iesum Christum. Et, Deo autem gratias, qui semper nos triumphat in Christo Iesu. *2. Cor. 2. 14.*
 Et. Omnia possum in eo, qui me confortat. *Phil. 4. 13.*
 4. si de suis rebus licet præclare gestis submisit loquatur, secundum doctrinam Christi. *Cum feceritis, Luc 17. 10.*
 ait ad Apostolos, omnia, quæ præcepta sunt vobis, dicite, serui inutiles sumus. Vnde S. Chrysostom. in Genesin. *Oportet in virtute & recte factis*
Ch. hom. 21.

Ep. 87.

spem salutis habere, imò neq. in illis multum de se sentire, sed tunc magis humi-
lem & modestum esse, cum magnas virtutum diuitias congerere possumus. Sic
enim & ipsi collectas diuitias custodiamus, & gratiam Dei nobis conciliabimus.
Hoc indicium potest etiam seruire pro Medio consequendi virtutem
diffidentiae sui. nam cum submissè de rebus suis sentire & loqui sita-
ctus humilitatis, utique prodesse poterit ad parandam diffidentiam,
quæ est quædam humilitas. Siquidem humiliatio, ut habet S. Bernardus,
via est ad humilitatem, sicut patientia ad pacem, sicut lectio ad scienciam. Si vir-
tutem appetis humilitatis, viam non refugias humiliationis.

VIDE plura. V. Abnegatio sui. Cognitio sui. Conscientia examen.
Humilitas. Profectus spiritualis. SPES. Et in PANARIO V.
Presumptio. Superbia.

E.

E L E E M O S Y N A.

C A P V T I.

Quid sit eleemosyna.

B. in psal. 114.



G in 7. ps. poeni.

Psal. 110. 4.

Dan. 4. 24.

Matt. 6. 2.

A. c. 76.

ΕΕΕΜΟΣΗΝΗ græcè, latine est. Misericordia dici-
tur, enim à verbo ελεέω, quod est misereor. Misericor-
dia autem propriè, teste S. Basilio, est affectio animi er-
ga eos, qui aliqua arumna corporis vel animi affliguntur.
Misericordiamur, enim, inquit, eos, qui ex magnis opibus in extremam incidere
paupertatem, vel ex optima corporis habitudine in extremam debilitatem.
Quamquam S. Gregorius scribens in psalmum 50. discrimen notauit
inter misericordiam & miserationem. Per misericordiam, ait, miserationis
affectum intelligimus, per miserationem verò ipsam misericordiae exhibitionem
signamus, iuxta quod scriptum est Misericors & miserator Dominus. Superflu-
um enim esset utrumq. ponere, nisi esset varietas in significatione. Sic Eleemo-
synæ nomen, ut in coloniam latinorum translatum est, usu scripturæ
& latinorum scriptorum potius actum vel opus misericordiae, quam
affectum designat, ut apud Dan. Peccata tua eleemosynis redime, & iniquita-
tes tuas misericordijs pauperum. Et apud Matthæum. Cum facis eleemosynam
noli tuba canere ante te. Vnde S. Augustinus in Enchiridio. Est enim ele-
mosyna opus misericordiae. Et Spartianus scriptor Ethnicus de Cæsare
Caracalla. Non lentus in eleemosynam.

Est

Est autem Actus misericordiae Virtutis, id quod ut Theologiloquuntur, elicitus. nam, ut est imperatus, est charitatis. Vnde B. Iohannes in prima epistola *Qui viderit fratrem suum necessitatem habere, & clausit viscera sua ab eo, quomodo charitas Dei manet in eo?* Nec enim audiendi sunt Stoici, qui teste Lactantio & S. Augustino eam inter morbos a nimi numerant. Senecæ Stoici hæc verba sunt lib. 2. de clementia. *Misericordia est vitium pusilli animi, ad speciem alienorum malorum succidentis.* Hinc est, inquit Lactantius illa Plauti detestanda sententia.

Male meretur, qui mendico dat, quod edat.

Nam & illud quod dat, perit,

Et illi producit vitam ad miseriam.

Et mox addit, *Quid M. TULLIUS in suis Officialibus libris, nonne hoc idem suadet, non esse omnino largiendum?* Augustinus tamen inficiatur Ciceronem à Stoicis stetitisse. Longe, inquit libro nono de ciuitate Dei, melius & humanius & piorum sensibus accommodatius CICERO in Caesaris laudibus locutus est, ubi ait. *Nulla de virtutibus tuis nec admirabilior, nec gratior misericordia est.* Quid est autem misericordia, nisi aliena miseria quadam in nostro corde compassio, qua utique, si possumus subuenire compellimur? Hanc Cicero loquutor egregius non dubitauit appellare virtutem, quam Stoicos inter vitia numerare non pudet.

Signanter autem B. Augustinus expressit, misericordiam esse compassionem, qua, si possumus, subuenire compellimur egeno, quia misericordia integrum virtutis nomen retinet si adsit voluntas benefaciendi, licet desit facultas, ut si nihil tibi sit nummorum quod eroges. Vnde Clemens Alexandrin. *Misericordia, inquit, non est ut quidam existimant Philosophi, molestia propter alienas calamitates sed est potius quid diuinum, ut dicunt prophetae. Misericordiam, inquit, volo, & non sacrificium. Misericordes autem esse vult, non solum qui faciunt misericordiam, sed etiam qui misereri volunt, etsi non possint, quibus adest, ut sponte & libera voluntate operentur. Nonnunquam enim volumus vel dando pecuniam, vel corpoream dando operam, facere misericordiam, utpote egenti opem ferre, vel agrotanti inferuire, vel ei adesse, qui est in aliqua calamitate, nec possumus vel propter paupertatem, vel morbum, vel senectutem (nam ea quoque morbus est naturalis) exequi institutum. Eundem autem honorem consequuntur ij, qui volunt cum ijs qui potuerunt, quorum est voluntas equalis, etsi superent facultatibus.*

* * *

Quot sint Eleemosynæ genera.

Aug. in Enchir.
c. 72. ho. 6. ex 50.
Gr. 22. mor. c. 12.
Ibid. lib. 3. c. 64.

Matt. 25. 37.

2. Reg. 2.
Tob. 12. 12.
Matt. 26. 10.

A. c. 3.

C. hom. 84.

L. c. 5.

Matt. 18. 15.

Eccli. 18. 13.

Dan. 12. 3.

SPATRES duo faciunt Eleemosynæ genera; aliæ enim sunt corporales, aliæ spirituales Eleemosynæ. CORPORALES numerantur septem. Esurientes pascere, potum dare sitientibus, operire nudos, captiuos redimere, ægrotos inuiscere, hospitio peregrinos suscipere. mortuos sepelire. Vnde versus. *Visito, poto cibo, redimo, tango, colligo, condo.* E quibus sex apud Matthæum nominantur ab ipso Christo, omiſſa sola septima de mortuis sepeliendis, à qua laudantur viri Iabes Galaad in libris Regum, cum sepelissent regem Saul. Et ab angelo laudatur Tobias. Et à Christo Maria Magdalena, dum ait. *Opus bonum operata est in me, mittens enim unguentum hoc, ad sepeliendum me fecit.* Cur autem sepultura non meminerit Christus 21. Matthæi, causam vnā reddit S. Augustinus libro de cura pro mortuis, quod esset omnium minima & obscurissima eleemosyna. Alteram tradit S. Chrysostom. in Ioannem, eo quod sponte sua homines non solum hanc eleemosynam faciant, sed etiam facile in ea per abusum excedant, vt dum pretiosis vestibus induuntur cadauera diuitum, quæ vtilius darentur pauperibus. Omnium horum corporalium Eleemosynarum ex vetustissimis meminit Lactantius in epitome diuinarum institutionū his verbis *Si quis victu indiget impertiamur, si quis nudus occurrerit, vestiamus. Si quis à potentiori iniuriam sustinet eruamus. Pateat domicilium nostrum vel peregrinis, vel indigentibus tecto. Pupillis defensio, viduis tutela nostra non desit. Redimere ab hoste captiuos magnum misericordiae opus est: item ægros, pauperes visitare atque fouere: inopes aut pauperes si obierint, non patiamur insepultos iacere. Hac sunt opera, hac officia misericordiae, quæ si quis perfecerit, verum & acceptum sacrificium Deo immolabit.*

SPIRITUALES eleemosynæ item enumerantur à Theologis septem, è diuinis Scripturis excerptæ. Peccantes corrigere, ignorantes docere, dubitantibus rectè consulere, pro salute proximi Deū orare, consolari mæstos, ferre patienter iniurias, offensam remittere. Vnde versus. *Consule, castiga, solare, remitte, fer, ora.* PRIMA habetur Matthæi 18. *Si peccauerit in te frater tuus, vade & corripe eum.* Et 1. ad Timotheum 5. *Peccantes coram omnibus argue, vt & ceteri timorem habeant.* II. habetur Ecclesiastici 18. *Qui misericordiam habet, docet & erudit quasi pastor gregem suum.* & angelus apud Daniele. *Qui docti fuerint fulgebunt,*

bunt, quasi splendor firmamenti & qui ad iustitiam erudiunt multos, quasi stelle in perpetuas aeternitates. III. habetur Prouerbiorum 27. *Bonis amici consilijs anima dulcoratur* Et Ecclesiastici 5. *Si est tibi intellectus, responde proximo, sin autem, sit manus tua super os tuum, ne capiaris in verbo in disciplinato & confundaris.* IV. Matthæi 5. *Orate pro persequentibus, & calumniantibus vos.* Et Iacobi 5. *Orate pro inuicem ut saluemini.* V. Ecclesiastici 7. *Non desis plorantibus in consolatione, & cum lugentibus ambula, ex his enim in dilectione firmaberis.* Et prima ad Thessalonicenses quinto. *Rogamus autem vos fratres corripite inquietos, consolamini pusillanimes.* VI. Ibidem. *suscipite infirmos, patientes estote ad omnes. Videte ne quis malum pro malo alicui reddat.* VII. habetur Matthæi quinto. *Si offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offeres munus tuum.* Et capite 6. *Si dimiseritis hominibus peccata eorum, dimittet & vobis pater vester cælestis delicta vestra.* Et Ecclesiastici 28. *Homo homini reſeruat iram, & à Deo querit medelam. In hominem similem sibi non habet misericordiam, & de peccatis suis deprecatur?*

Prou. 27. 9.

Matt. 5. 44.

Eccli. 7. 38.

Matt. 5. 23.

Eccli. 8. 3.

A. c. 72.

NEQUE idcirco hæc vel corporales, vel spirituales eleemosynæ septenario numero includuntur, quod plures non sint, sed quod ad has omnes aliæ referri possint, quarum nonnullas refert S. Augustinus in Enchiridio. *Non solum autem, inquit, qui dat esurienti cibum, sitienti potum, nudo vestimentum, peregrinanti hospitium, fugienti latibulum, ægro vel incluso visitationem, captiuo redemptionem, debili subuectionem, cæco deductionem, tristi consolationem, non sano medicinam, erranti viam, deliberanti consilium, & quod cuiq; necessarium est indigenti, verum etiam & qui dat veniam peccanti, eleemosynam dat, & qui emendat verberare, in quem potestas datur, & coercet aliqua disciplina, & tamen peccatū eius, quo ab illo lesus est, aut offensus, dimittit ex corde, vel orat, ut ei dimittatur, non solum in eo quod dimittit atque orat, verum etiam in eo, quod corripit, & aliqua emendatoria pena plebit, eleemosynam dat, quia misericordiam præstat. Multa enim bona præstantur inuitis, quando eorum consulitur utilitati, non voluntati. Multa igitur genera sunt eleemosynarum, quæ cum facimus, adiuuamur ut dimittantur nobis nostra peccata. sed ea nihil est maius, quæ ex corde dimittimus, quod in nos quisq; peccauit.*

* *

De Dignitate & praestantia Eleemosynae.

Prou. 21. 3.
Matth. 9. 3.

Ose. 6. 6.

Phil. 4. 18.

Heb. 13. 16.

Matt. 5. 45.
Matth. 19. 21.

Cyp. initio.

L. c. 4.

Id. c. 10.

cap. 12.

B. hom. 11.

Primo dignitatem vel praestantiam Eleemosynae, aut Misericordiae Spiritus sanctus in sacris literis eo nomine imprimis declarauit quod eam non semel praeulerit sacrificio. ut in Prouerbiis. *Facere misericordiam & iudicium magis placet Domino, quam uictima.* Et apud Matthaeum, dicente Christo. *Euntes autem discite quid est. Misericordiam volo & non sacrificium.* quod dictum ex propheta Osee sumptum est. Apostolus quoque bis eam comparauit hostiis, ut ad Philippenses dum ait. *Repletus sum acceptis ab Epaphrodito quae misistis, odorē suauitatis, hostiam acceptam, placentem Deo.* Et ad Hebraeos. *Beneficentia & communionis nolite obliuisci: talibus enim hostijs promeretur Deus.* Deinde declarauit praestantiam, quod dicat ea nos fieri quasi similes Deo. Nam aliquot operibus misericordiae, tam corporalibus quam spiritualibus enumeratis, causamur ea exercere debeamus reddit ut sitis filij patris uestri, qui in caelis est, qui solem suum oriri facit super bonos & malos. Et alibi tradit ea posse nos fieri perfectos, ut cum omnia erogantur in pauperes.

PATRES quoque veteres dignitatem eius mirifice praedicarunt. S. Cyprianus libro de opere & eleemosynis non dubitat conferre cum sacro Baptismo, quia, inquit sicut lauacro aqua saluari gehenna ignis extinguitur, ita eleemosynis atque operibus iustis delictorum flamma sopitur. Et quia semel in baptismo remissio peccatorum datur, assidua & iugis operatio, baptismi instar imitata Dei rursus indulgentiam largitur. Laetantius libro sexto. In homine praclarum & excellens est bonum misericordiae, idque diuinis testimonijs & bonorum malorumque consensu optimum indicatur. Et rursus. Primum officium iustitiae est, coniungi cum Deo, secundum cum homine: sed illud primum religio dicitur, hoc secundum misericordia vel humanitas nominatur. Quae uirtus propria est iustorum & cultorum Dei, quod ea sola uita communis in se continet rationem. Et infra. Captiuarum redemptio magnum atque praclarum iustitiae opus est, pupillos & uiduas destitutos & auxilio indigentes tueri atque defendere. S. Basilius in Hexameron. Salomon scire quam sapiens, quid solida Spiritus sancti doctrina suam hausit sapientiam, magnifico plane hominem exornans elogio uoce exerta hac deprombat. Magna res est homo, & res pretiosa uir misericors.

Gregor. Nyssenus libro de Beatitudinibus. Si misericordis appellatio Deum decet, ad quid aliud te sermo Christi hortatur, nisi ut Deus fias, tanquam insignitus propria nota Deitatis? S. Creg. Nazian. in oratione de pauperum amore.

amore. Nihil tam diuinum homo habet, quam de alijs bene mereri tametsi ille
maiora, hic minora beneficia conferat, uterque nimirum pro suis viribus. Fac
calamitoso sis Deus, Dei misericordiam imitando. Et infra. Dominus misericor-
diam mauult, quam sacrificium, ac pinguium agnorum myriades commiseratio
superat. Et sub initium Si ex Pauli, atq. ipsius etiam Christi sententia & aucto-
ritate charitatem, ut legis & prophetarum caput, praeceptorum omnium pri-
mum maximumque censendum est, huius potissimam partem in eo sita esse co-
perio, ut pauperes amore & beneuolentia complectamur. Neq. enim vlla omni-
no res est, quae Dei beneuolentiam perinde conciliet, ac misericordia. S. Ambro-
sius libro primo Officiorum Bona etiam misericordia, quae & ipsa perfectos
facit, quia imitatur perfectum Patrem. Nihil tam commendat Christianam a-
nimam, quam misericordia. S. Chrysoft. ad populum Antiochenum. Non
dixit Christus, si ieiunetis eritis similes Patri vestro neq. dixit, si virginitatem
illesam seruaueritis, eritis similes Patri vestro, &c. nihil enim horum est circa
Deum: sed quid. Estote misericordes, sicut & pater vester, qui in caelis est. Hoc
Dei est opus. hoc si non habeas, quid habes? Misericordiam volo, inquit, non sacri-
fictum. Fecit caelum Deus, fecit terram, mare: magna haec, & ipsius digna sapi-
entia. Sed illorum nullo tantum humanam attraxit naturam, quantum mise-
ricordia & clementia. Et alibi ad eundem. Melius est hanc artem, dandi elee-
mosynam, scire, quam esse regem, & diademate coronari. Non enim est hac sola
eius praecllentia, quod aliarum non indiget, verum & diuersarum rerum est
expeditoria. Domos enim aedificat in caelis semper mansuras, & qui se consecu-
ti fuerint, docet, quemadmodum immortalem fugiant mortem, &c. Et quid o-
pus est omnia particulatim disere artis huius merita? hac namq. te docet, quo-
modo possis Deo similis fieri, quod est omnium summa bonorum. Hac est quae Sophistis
& oratoribus te potentior efficit. Et alibi. Aut scriptura Magna res homo &
pretiosa vir misericors. Hac maior est gratia, quam mortuos resuscitare. Multo
namq. maius est quam in nomine Iesu mortuos suscitare, esurientem pascere Chri-
stum. nam hic quidem tu de Christo bene mereris, illic autem ipse de te. Ac mer-
ces est in bene gerendo, non in bene patiando. Hic in signis ipse Deo debes, in elee-
mosyna vero Deum habes debitorem. Et de poenitentia. Eleemosyna regina
illa virtutum homines in ipsorum caelorum arces celerrime adducet aduocati o-
ptimi loco fungens. Magna res est eleemosyna, praecidit aerem, transit lunam,
solis radios cedit, ad ipsum venit caelorum calmen, ipsos pertransiens caelos, &
angelorum populos decurrens, archangelorumq. choros, & omnes superiores po-
testates, ipsi assistit regali throno. S. Hieronymus ad Hedibiam. Vis esse per-
fecta & in primo stare fastigio dignitatis? fac, quod fecerunt Apostoli: vende
omnia quae habes, & da pauperibus, & sequere Saluatorem. Non vis esse per-
fecta, sed secundum vis tenere gradum virtutis? dimitte omnia quaecumq. habes,
da pauperibus.

A cap. 11.

C. hom. 36.

Luc. 6.

Osee 6. 6.

Matt. 9. 13.

Hom. 33.

Hom. 36. ad p.

Hom. 9.

H. ep. 150. q. 1.

A. hom. 29.

Hom. 39.
Eccli. 3. 31.

L. ser. 4.

da filiis, da propinquis. S. Augustinus libro 50. homiliarum. *Sacrificium Christiani est eleemosyna in pauperem. Hinc enim fit Deus peccatis propitius. Nisi autem peccatis propitius fiat Deus, quis remanebit nisi reus? Et iterum. Magnum opus est eleemosyna, ut faciat homo, quod fecit Deus, quia hos paucos esurientes in terra dimisit, qui uno vasculo orbem cæli pascit, per quem & nobis liceat erogare. Sed si ubiq. fuisset abundans perierat misericordia, dedit nobis secundum baptismum. Quis enim sine peccato? Nam sicut aqua extinguit ignem, sic & eleemosyna extinguit peccatum. Ante fores gehennæ stat misericordia, & neminem permittit in carcerem mitti.*

S. Leo in serm. de quadagesima. *Clementes animos largitas decet. Nihil est enim dignius, quam ut homo sit sui auctoris imitator, & secundum modum propria facultatis diuini sit operis executor. nam cum aluntur esurientes, vestiuntur nudi, fouentur infirmi, nonne auxilium Dei manus explet ministri, & benignitas serui munus est Domini?*

C A P V T IV.

De necessitate virtutis Misericordie.

Eccli. 17. 12.

Matt. 7. 12.
Luc. 6. 31.
Matt. 22. 39.

Rom. 13. 9.

Gal. 6. 2.
1. Pet. 4. 8.

1. Ioan. 3. 18.

Deut. 15. 11.

Tob. 4. 8.

NECESITATEM misericordie tam corporalis, quam spiritualis primum exponunt sacra litteræ, dum satis indicant eam esse à Domino præceptam, idq. dupliciter, generatim & speciatim. Generatim quidem, quia Ecclesiasticus dicit. *Vnicuiq. mandauit Deus de proximo suo. Christus verò apud Matthæum Omnia quaecunque vultis, ut faciant vobis homines & vos facite illis. Hæc est enim lex & propheta. Et. Secundum, mandatum simile est huic. Diliges proximum tuum sicut teipsum. In his duobus mādatis vniuersa lex pendet & propheta. Dein B. Paulus ad Romanos. Si quod est mandatum, in hoc instauratur. Diliges proximum tuum sicut teipsum. Et ad Galatas. Alter alterius onera portate, & sic adimplebitis legem Christi. Ac S. Pet. in epist. priore Ante omnia mutuam in vobismetipsis charitatem continuam habentes, quia charitas operit multitudinem peccatorum. Et S. Ioannes in epistola prima Filioli mei non diligamus verbo, neq. lingua, sed opere & veritate. Charitas certè opere præstita maximè cernitur in operibus misericordie.*

SPECIATIM verò esse præceptam demonstrant hæc testimonia. Nam in Deuteronomio Dominus sic loquitur. *Ego præcipio tibi, ut aperiās manum fratri tuo egero & pauperi, qui versatur in terra. & in Tobia. Quo modo potueris ita esto misericors. Si multum tibi fuerit, abundanter tribue. Si exiguum tibi fuerit, etiam exiguum libenter impertiri stude. Et*

in Pro.

in Prouerbiis. *Præcepta mea cor tuum custodiat: Misericordia & veritas te non deserant.* Et in Ecclesiastico. *Esi eleemosynam pauperis ne defraudes, & oculos tuos ne transueras à paupere.* Et. *Pauperi porrige manum tuam, ut perficiatur propitiatio & benedictio tua,* Et. *Propter mandatum assume pauperem & propter inopiam eius ne dimittas eum vacuum.* Et in Isaia. *Frangere esurienti panem tuum, egenos vagosque induc in domum tuam Cum videris nudum, operi eum, & carnem tuam ne despexeris.* Et apud Zachariam Dominus. *Misericordiam & miserationes facite unusquisque cum fratre suo.* Et apud Lucam Christus. *Date & dabitur vobis* Et. *Date eleemosynam, & ecce omnia munda sunt vobis.* Et ad Ephesios Paulus. *Esote inuicem benigni, misericordes donantes inuicem.* Et ad Hebræos. *Beneficentia & communionis nolite obliuisci.* Denique si opera misericordiae non essent in diuinis litteris præcepta, non damnarentur immisericordes in iudicio extremo; his enim à Iudice supremo dicitur. *Discedite à me maledicti in ignem aeternum.* Esurixi enim & non dedistis mihi manducare, &c. Vnde S. Iacobus in epistola sua. *Iudicium enim, inquit, sine misericordia illi, qui non fecit misericordiam.*

Eccli. 4. 1.

Eccli. 7. 36.

Eccli. 29. 15.

Isa. 58. 7.

Zach. 7. 9.

Luc. 6. 38.

Luc. 11. 41.

Eph. 4. 32.

Heb. 13. 16.

Mat. 25. 41.

Iac. 2. 13.

SCIPTURIS cōsentiunt S. Patres S. Cypr. *In Euangelio Dominus, C. de. eleem. doctor vite nostrae & magister salutis aeternae, inter sua mādātā diuina & præcepta cœlestia nihil crebrius mādāt & præcipit, q̄ ut insistam⁹ eleemosynis dādīs.* Luc. 12. 33. *Vendite, inquit, res vestras, & date eleemosynā.* S. Greg. Naz. de Pauperum amore. *Quod nā porro hoc mandatū est, de beneficentia? ac videte quāso quā m cōstans sit, minimeq; fucatū. neque enim hominibus spiritu sancto afflatis fuit satis semel atq; iterum de pauperibus sermonem habuisse, nec quidam duntaxat verum omnes in vniuersum & sedulo quisque ad eam rem nos inhortantur, nūc admonentes, nunc comminantes, nunc exprobrantes, nonnunquam etiam eos, qui hanc virtutem assequuntur laudibus efferentes: nimirum ut assidua commotione nos ad præcepti huius expletionem inflamment.* S. Hier. in Micheæ H lib. 2. c. 6. *Indicabo tibi o homo quid sit bonum, & quid Dominus querat à te: vitique facere iudiciū, & diligere misericordiam.* Querit, inquit, à nobis Dominus, & necessariam habens nostram salutem p̄scit accipere, quod danti proficit: ut faciamus iudiciū, id est, ut nihil absque ratione & consilio faciamus, ut ante mens iudicet, quod factura sit, & postea opere compleat: ut misericordiam diligamus, & non quasi compulsi, aut ex necessitate misericordes simus, quoniam hilarem datorem diligit Deus S. Chrysostom. in epistolam ad Ephesios. *Quid igitur, inquit, in ignem minatur Dominus ingressuros eos, qui eleemosynam non dederunt, neq; simpliciter in ignem, sed in eum qui diabolo preparatus sit & angelis eius? Quamobrem hoc est quāso? Nihil ita Deum irritat, sed omnibus illud malis praponit. Si enim inimicos diligere oportet, pendē quā pœna dignus sit qui amicos etiam perire sinit, hoc ipso gentibus quoq;*

Chr. ferm. 4.

Math. 25.

Dd

peior.

peior. Magnitudo itaq; peccati huius cum diabolo gehennam ingredi facit. *Pe*
*si*quidem eleemosynam non facienti. Nam si in veteri istud testamento fuit,
 multo magis in nouo. Si enim ubi concessa erat pecuniarum possessio, fruitio, ac
 cura, tanta prouidentia pauperum habita est ratio, quanto magis hoc fieri debe-
 bat, ubi omnia projicere iubemur. Quid enim non fecerunt hac in re Iudai? Et
 in epistolam ad Philippenses. Ex natura ad misericordiam uniuersi mo-
 uemur homines: atq; nihil ita bonum est in natura nostra. Unde merito quis que-
 sierit cur potissimum hoc nature nostre seminario sit inditum, quod lachrymis
 frangimur, quod ad misericordiam parati simus. Nemo natura strenuus est, ne-
 mo natura vana glorie studio caret, nemo natura zelo atq; emulatione superi-
 or est: misereri vero natura est omnibus inditum, ut ut crudelis quispiam sit & im-
 mitis. S. Augustin. in sermonibus de Tempore. Mutat quidem hominem
 in melius pœnitentia peccatorum, sed nec ipsa videtur aliquid profutura si ab
 operibus misericordie sterilis fuerit. Testatur hoc veritas per Ioannem, qui ve-
 nientibus ad se dicebat Generatio viperarum, quis vobis ostendit fugere à ven-
 tura ira? Facite ergo fructus dignos pœnitentie. Qui sint autem isti fructus, ipse
 consequenter ostendit. Nam post hæc eius verba interrogabant eum turba dicē-
 tes. Quid ergo faciemus, id est, qui sunt isti fructus, quos ut faciamus hortaris
 & terres? Respondens autem dicebat illis. Qui habet duas tunicas det vnā
 non habenti, & qui habet escas similiter faciat. Quid manifestius fratres mei
 quid certius, quid expressius? Quid ergo aliud sonat, quod superius ait. Omnis
 arbor non faciens fructum bonum excidetur, & in ignem mittetur, nisi quod si-
 nistri audituri sunt, Ite in ignem æternum. Esurini enim, & non dedistis illis
 manducare, &c.

id. ser. 4.

A. ser. 50.

Matt. 3. 7.

Luc. 3. 12.

C A P V T V.

De multiplici fructu Eleemosynæ.

Chrysom. 33.

TAM magni, variiq; sunt eleemosynæ vel misericordiæ fructus, atq;
 utilitates ut B. Ioan. Chrysostomus integra homilia ad populum
 Antiochenum habita conatus sit demonstrare Eleemosynam esse ar-
 tem & quidem omnium quætuosissimam. Sic enim eam exorsus est.
 EIA charissimi hodie ostendamus, qualiter est ars omnium artium quætuosissi-
 ma Eleemosyna. Si enim artis est propriam, ad aliquam utilitatem peruenire:
 eleemosyna verò nihilest utilius, clarum est profecto, quod & ars & omnium
 est artium optima.

PRIMVS fructus est, quod præ aliis operibus bonis conciliet ma-
 gnā apud Deum fiduciam. Nam Tobias. *Fiducia*, inquit, magna erit
 coram

coram summo Deo eleemosyna, omnibus facientibus eam. Et Osee. Misericordiam & iudicium custodi, & spera in Deo tuo semper. Misericordiam & veritatem, ait rex David, diligit Dominus Deus. Vnde S. Cyprianus lib. de Eleemosyna. Præclara & diuina res, fratres carissimi, salutaris operatio, solacium grande credentium, securitatis nostre salubre presidium, maximentum spei, tutela fidei. & Chrysostom. in Genesin. Hic erudiamur ut magna in eleemosynis largitate utamur, quo datis paruis, adipiscamur magna. Quomodo enim paria sunt, die obsecro, dare parum argenti, vel pascere esurientem, & die illa horribili fiduciam assequi, & audire verba nulli regno conferenda. Esuriui, & dedistis mihi quod comederem. Et intra. Eleemosyna magnam nobis fiduciam conciliat, & præparat, ut ineffabilibus illis bonis frui tunc liceat.

Tob. 4. 12.
Osee. 12. 6.
Psalm. 83. 12.

Ch. hom. 34.

II. FRUCTVS, quod præparet & disponat hominem ad gratiam iustificationis, si fiat ab eo qui poenitentiam agere incipit. Nam angelus apud Tobiam ait. Eleemosyna ipsa est, quæ purgat peccata, & facit inuenire misericordiam & vitam eternam. Et Ecclesiasticus. Sicut aqua extinguit ignem, ita eleemosyna extinguit peccatum. Et Christus apud Lucam. Date eleemosynam, & ecce omnia munda sunt vobis. Et in Actis Angelus ad Cornelium dixit. Corneli exaudita est oratio tua. & eleemosyna tua commemorata sunt in conspectu Dei. Mitte ergo in Ioppen, & accersi Simonem. Vnde probat S. Augustinus in primo libro de prædestinatione Sacerdotum Cornelium per eleemosynas impetrasse à Deo gratiam fidei Christianæ & iustificationis perfectæ. Eodem modo accipiendum est, quod Daniel suavit Nabuchodonozori. Consilium meum placeat tibi, & peccata tua eleemosynis redime, & iniquitates tuas misericordiis pauperum: forsitan ignoscet Deus delictis tuis. Ideo enim vsus est Daniel vocula dubitandi Forsitan, ut indicaret eleemosyna non redimi peccatum ex iustitia, sed ex gratia, & ideo hominem tantum disponi ad iustificationem, & de congruo illam mereri, quod indicat in hunc locum S. Hieron.

Tob. 11. 8.
Eccli. 3. 33.

Luc. 11. 41.

Act. 10. 31.

A. cap. 7.

Dan. 4. 24.

H. in c. 4. Dan.

III. FRUCTVS est, quod mereatur vitam eternam, si fiat ab homine iusto ex charitate. Vnde Tobias. Qui faciunt eleemosynam & iustitiam saturabuntur vita. Et David. Beatus, qui intelligit super egenum & pauperem in die mala liberabit eum Dominus. Et. Dispersit dedit pauperibus, iustitia eius manet in seculum seculi. Et Salomon. Qui miseretur pauperis, beatus erit. Et. Qui sequitur iustitiam & misericordiam, inueniet vitam, iustitiam & gloriam. Et CHRISTVS. Si vis perfectus esse, vende omnia quæ habes, & da pauperibus, & habebis thesaurum in celo. Et. Venite benedicti patris mei possidete paratum vobis regnum à constitutione mundi. Esuriui enim & dedistis mihi mand. &c. Et Paulus. Beneficentia & communicationis nolite abluisci, talibus enim hostiis promeretur DEVS. Et

Tob. 12. 9.
Psalm. 40. 7.

Psalm. 111. 9.

Prou. 14. 21.

Prou. 21. 21.

Matt. 19. & 29.
Heb. 13. 16.

2. Cor. 9. 8.

C de eleem.

L.c.12.

G. orat. 1.

C. hom. 5.

Matt. 10. 42.
A. c. 16.

Matt. 25. 41.

A. hom. 39.
Ch. hom. 36.
B. hom. 6.

Tob. 4. 71.

Eccli. 3. 33.

Amb. serm. 31.

Qui seminat in benedictionibus, de benedictionibus & metet. IDEM docuere S. Patres S. Cyprianus. Quae illa erit, fratres carissimi, operantium gloria, quam grandis & summa laetitia, cum populum suum Dominus coeperit recensere, & meritis atque operibus nostris praemia promissa contribuens, pro terrenis caelestia, pro temporalibus sempiterna, pro modicis magna praestare, offerre nos patri, cui nos sua sanctificatione restituit. Lactantius sexto diuinarum institutionum. Aegros quoque, quibus defuerit qui assistat, curandos fouendosque suscipere, summae humanitatis & magnae operationis est: quod qui fecerit, hic viuam hostiam Deo acquirat, & quod alteri dederit ad tempus, ipse à Deo accipiet in aeternum. Greg. Nyssenus de amandis pauperibus. Denique pro suis quemque meritis ornatum cerno. illis, qui boni benignique fuerint summa & perpetua requies tribuitur in regno caelesti, in humanis autem & improbis supplicium ignis, idque sempiternum Chrysost. de Pœnitentia. Nundinae nobis profecto mirabiles sunt. harum nulla alia est professio, & negotiatori nulla alia intentio, quam paruo quidem emere, magno vendere: nam ea cuiuscunque negotiantis industria. Num negotiationibus alia ratio est, quam quod minori empti maiori pretio vendat, atque duplicatam sibi summam inueniat? Tales igitur nobis Deus nundinas proposuit medico iustitias emere, quo multo vendas in seculo futuro. Hic modico iustitia emitur, nisi pro panis fragmento, pro calice aquae frigidae. Amen dico vobis, inquit spiritualis mercatura Doctores, non perdet mercedem suam Augustinus libro primo contra aduersarium legis & prophetarum. Dominus ad sinistram positus gentibus minatur esse dicturum. Ite in ignem aeternum, qui paratus est diabolo & angelis eius. Huius tanti supplicii quæris causam? Esuriui, inquit, & non dedisti mihi inducere. Ecce pro esca temporali non ablata, sed non data aeternum & horrendum supplicium comminatur. Et rectè, si consulas veritatem. Per paruum est enim, quod eleemosynis datur, sed cum pietate datur, aeternum inde meritum comparatur. Et ideo potius, quia paruum est, quod datur, magna impietate non datur. Idem libro 50 homiliarum docet Deum nobis fieri debitorem vitæ æternæ, cum pascimus pauperem, quod etiam docuit Chrysost. ad populum Antiochenum Basilii in diuites auaros. & Cyprianus de eleemosyna. Habes in Prato spirituali exemplum de Philosopho, qui chirographum ab Episcopo postulauit quo testaretur retributionem pro eleemosyna fore in vita æterna.

IV. FRVCTVS est, quod satisfaciatur pro peccatis, hoc est, pro peccata temporali peccatis debita. Quo sensu accipe illud Tobiae. Eleemosyna ab omni peccato & à morte liberat, & non patitur animam ire in tenebras. Et illud Ecclesiastici. Sicut aqua extinguit ignem, ita eleemosyna extinguit peccatum. Eodemque sensu accipiendum est, cum Cyprianus & Ambrosius eleemosynam comparat baptismo, Sicut enim baptismus culpam

pam

pam & pœnā tollit: ita ut si quis mox à baptismo moriatur, nihil sit ei periculi à gehēna, vel Purgatorio. Sic eleemosynæ post culpam pœnitentia remissam, satisfaciunt pro pœnā temporali. imò ut Ambrosius ait, in eo superant baptismum, quod hic semel tantum, illæ verò sæpius peccata remittant. Deinde Salomon in Prouerbiis. *Misericordia, inquit, & veritate redimitur iniquitas* Redemptionis enim vox æquiualeat satisfactioni, imò plus est esse redemptore, quam satisfactorem Sic S. Ambrosius de Elia & ieiunio. *Habemus plura subsidia quibus peccata redimamus nostra. Pecuniam habes? redime peccatum tuum. Non venalis est Dominus sed tu ipse venalis es, peccatis tuis venundatus es. redime te operibus tuis, redime te pecunia tua.* Nazianzen. de pauperum amore. *Misericordia & fide peccata purgantur. Ergo miseratione purgemur, animiq; labes egregia illa herba detergamus, & dealbemus, alij ut lana alij ut nix pro misericordia videlicet proportionē.* August. in Enchir. *In melius est vita mutanda, & per eleemosynas de peccatis prateritis est propitiandus Deus, non ad hoc emendandus, ut ea semper liceat impune committere: nemini enim dedit laxamentum peccandi, quamuis miserando deleat iam facta peccata, si non satisfactio congrua negligatur.* Idem restatur satisfactione per eleemosynam etiam pie defunctos iuuari, nempe sermone 32. de Verbis Apostoli, sicut & Chrysostomus homilia 69. ad populum & Hieronymus epist. 26. ad Parmachium.

V. FRUCTVS, quod impetret subsidium precum ab iis, quibus gratis confertur. unde Ecclesiasticus. *Conclude eleemosynam in corde pauperis & hæc pro te exorabit ab omni malo.* Eodem pertinet, quod Christus dixit apud Matthæum. *Qui recipit iustum nomine iusti, mercedem iusti accipiet.* id est, quam iustus impetrabit orando pro illo. Et apud Lucam. *Facite vobis amicos de mammona iniquitatis, ut cum defeceritis recipiant vos in eterna tabernacula.*

Exemplum habemus in Actis Apostolicis de Tabitha eleemosynaria. Ut enim S. Petrus illam mortuam corporaliter precibus viduarum, quæ ab eleemosynas acceperant, vitæ restituit, ita Deus sæpe excitat spiritualiter mortuos intuitu eleemosynarum. Hunc fructum notauit S. Ambrosius, cum in sermone quod imita scripsit. *Mete ergo vberes pecunie tue fructus, orationes dico pauperum, intercessionemque sanctorum, qui pro te, officiorum tuorum memores apud iustum iudicem Deum dignis operum tuorum allegationibus postulent.* Deinde subiicit exemplum viduarum dictarum, quæ procedentes, & ostendentes vestimenta sua à Tabitha donata rogarunt Petrum pro ea. Chrysostom. quoq; ad populum. *Sunt & hic castra pauperum, & bellum, in quo pro te pauperes pugnant. Cum enim stipendium acceperint, orantes tibi Deum faciunt propitium;*

ELEEMOSYNA.

propitiū aut facientes, pro barbaris demonū insidias repellūt: neq. sinunt vehemēter infestum esse malignum, neq. semper irruere, sed ipsius soluant potentiā. Hos itaque conspiciens milites, quotidie pro te cum diabolo precibus & orationibus pugnantes, a temetipso pulchrum istud tributum exige, illorum alimenta.

Prou. 28. 27.

Prou. 19. 17.

Luc. 6. 38.

2. Cor. 9. 6.

1. Tim. 4. 8.

1. Reg. 17.

Cypr. de elem.

Prou. 28. 27.

B. hom. 6.

VI. Fructus est, quod augeat bonorum temporalium prouentum sapissimē. Quod primum Scriptura disertē affirmat. vt in Prouerbiis. *Qui dat pauperibus, nunquam egebit.* Et. *Faeneratur Domino, qui miseretur pauperis.* Et apud Lucam Christus. *Date & dabitur vobis. Mensuram bonam, & confertam, & coagitatā & supereffluentem dabunt in sinum vestrū.* Et ad Corin. S. Paul. *Qui parce seminat, parce & metet: qui seminat in benedictionibus, de benedictionib. & metet.* Potens est aut Deus omnē gratiam abundare facere in vobis, vt in omnibus semper omnem sufficientiam habentes abundetis in omne opus bonum. *Qui autem administrat semen seminanti & panem ad manducandum prestabit, & multiplicabit semen vestrum, & augebit incrementa frugum iustitiæ vestræ.* Et ad Timotheum. *Pietas ad omnia utilis est, promissionem habens vitæ, quæ nunc est, & futura.* Nec desunt exempla in Scripturis eorum, qui crebris eleemosynis locupletiores facti sunt, vt Iob, Tobias & vidua Sareptana prophetæ altrix.

S. Patres quoque eundem fructum commemorant, vt S. Cyprianus loco sæpe citato. *Si vereris, inquit, & metuis, ne si operari plurimum ceperis, patrimonio tuo largæ operatione finito ad penuriam forte redigaris, esto in hac parte intrepidus, esto securus, finiri non potest, vnde in v. s. Christi impenditur, vnde opus celeste celebratur.* Nec hoc tibi de meo spondeo, sed de sanctarum scripturarum fide, & diuinæ pollicitationis auctoritate promitto. *Loquitur per Salomonem Spiritus sanctus, & dicit. Qui dat pauperibus, nunquam egebit: qui autem auertit oculum suum in magna penuria erit, ostendens misericordes atq. operantes egere non posse.*

S. Basilius homilia in ditescētes *Imitare homo vel terram, vt illa fructus proferto, vt ne illa conspiciaris esse deterior, quæ in animis est. Sane illa non in suum vsum aut commodum sed in tuum ministrare contendis. Tu autem quem debueras ostendere beneficentia fructum, illum tibi ipsi congregas? Nam benefactorum gratia in dantes reuertuntur. Dedisti esurienti tibi consulisti. Quod dedisti ad te cum auctario reuertetur. Quemadmodum enim frumentū in terram cadens lucrum proicienti parit, sic & panis in esurientem proiectus, multam in posterum tibi reddet utilitatem.* Comparat deinde opes elegantes & copiosiores sunt, si verò immotæ maneat, computrescunt. **EXEMPLA** huius fructus exstant apud Gregorium Turonicum libro 5. historia Francorum cap. 19. de Tiberio Cesare. Leontium Episcopum

pum
Don
29. d
Prat
V
vita
& non
telligi
minu
trada
dolori
rius fe
morta
Nulla
cui pro
duplex
quia
Et Ch
dines i
in Abr
seconf
quomo
dem, c
bolun
introd
nantib
duceli

DI
no
stantia
ria, &
sacrific

pum

ELEEMOSYNA.

115

pum Cypri in vita Ioannis Eleemosynarii, qui distribuens certabat cū
Dōmino Deo illi data compensante. S. Greg. Magnum lib. 2. dial. cap.
29. de S. Benedicto, cuius precibus oleum creuit. Et Sophronium in
Prato spirituali c. 185. 195. & 201.

VII. Fructus, quod gratiā impetret, si frequentetur, feliciter ex hac
vita excedendi. Nam apud Tobiam dicitur. *Eleemosyna à morte liberat*, Tob. 4. 17.
& non patitur animam ire in tenebras. Et in Psalmis Dauid. *Beatus qui in-* Psal. 40. 2.
telligit super egenum & pauperem. in diē mala liberabit eum Dominus. Do-
minus conseruet eum & viuificet eum & beatum faciat eum in terra. & non
tradat eum in animam inimicorum eius. Dominus opem ferat illi super lectum
doloris eius. Vnde S. Augustinus libro 50. homiliarum. *In tali causa opera-* A. hom. 39.
rius felix viuit, & securus iam moritur cum quo ambulat patrimonium in im-
mortale horreum, in quo debitorem fecit Dominum, dum alterum pascit dando.
Nullam poterit incurrere perniciem, qui comparauerit eleemosynis pietatem.
cui propheta tale exhibet testimonium. Salua eum, & viuifica eum Domine. O Pl. 40. 3.
duplex propheta beneficium Saluat pariter, & commendat pariter ut saluetur,
quia & ipse saluauit, ut viuificaretur, & ipse vitam poscenti donauit in terra
Et Chrysostomus ad populum. *Non sinit nos eleemosyna eo decidere ubi* Ch. hom. 33.
diues ille epulo, nec audire verba tremenda (Discedite à me maledicti) sed
in Abraha sinu deducit. Domos enim edificat in cælis semper mansuras, & qui
se consecuti fuerint docet, quemadmodum immortalem fugiant mortem, &
quomodo anima & corpus indimuta conseruentur ostendit Et alibi ad eun- Id. h. 36.
dem, docet neminem à cæli ianitoribus repelli, qui eleemosynæ sym-
bolum ostenderit Tanta, inquit, vis est eleemosyna cum multa fiducia suos
introducitur alumnos: est enim cæli nota ianitoribus sponsalis thalami fores obser-
uantibus, quin & venerabilis & quos sui culteres agnouerit cum multa intro-
ducet libertate & contradicet nemo, sed omnes cedent.

C A P V T VI.

Ex quibus bonis fieri debeat elec-
mosyna.

DIVINÆ literæ primum tradunt non debere fieri ex bonis alienis,
nempe furto partis, sed ex propriis. Vnde Tobias ad filiū. *Ex sub-* Tob. 4. 7.
stantia tua fac eleemosynam. Et Salomon. *Honora Dominum de tua substan-* Provi. 3. 9.
tia, & de primitiis omnium frugum tuarum daci. & Ecclesiastic. *Qui offert* Eccl. 34. 24.
sacrificium ex substantia pauperum, quasi qui victimat filium in conspectu
patris.

ELEEMOSYNA.

26
patris sui. Et Isaias. Frange esurienti panem tuum. Consentiunt S. Patres. S. Basilii in admonitione ad filium spiritualem. Eleemosyna, inquit, cum iniquitate acquisita abominatio est coram Christo.

S. Ambrosius libro primo de officiis. Non probatur largitas, si quod alteri largitur, alteri quis extorqueat: si iniuste querat, & in se dispensandum putet. S. Hieronymus exponens illud Hieremix, Holocausta vestra non sunt accepta. Hoc, ait, proprie convenit his, qui de rapinis se putant redimere posse peccata dicente Scriptura Redemptio animae viri propria divitia, quae non de iniquitate, sed de labore & iustitia congregantur.

S. Augustinus in 50. homiliis. De iustis laboribus inquit Deus dari, de rapinis vero prohibuit dari. S. Chrysostom. ad populum Antiochen. Aliena rapiens profecto non est misericors, licet infinita largiatur. Nam si propriis frui simpliciter est inhumanitatis, multo magis alios expilare. S. Greg. in regesto. Eleemosyna redemptoris nostri oculis illa placet, quae non de illicitis rebus, & iniquitate congeritur, sed quae de rebus concessis & bene acquisitis impenditur. Loquitur autem in eodem loco de eleemosyna etiam ex lucto Simoniaci parva.

SECUNDO sacrae litterae indicant maximè debere eas fieri ex facultatibus superuacaneis, nam S. Ioannes baptista apud Lucam ait ad turbas. Qui habet duas tunicas, det non habenti, & qui habet escas, similiter faciat. Et Christus apud eundem. Veruntamen quod superest date eleemosynam. Deinde idem Lucas describit diuitem indutum purpura & bysso, epulantemque quotidie splendide, nihil autem Lazaro pauperi porrigentem, quem S. Augustinus in 50. homiliis ait non alia de causa damnatum, quam quod superuacaneas suas opes non communes fecerit pauperibus. IDEM testantur alii S. Patres. S. Basilii. At tu, ait ad diuitem avarum, nonne spoliator es, qui quae dispensanda accepisti propria reputas? est panis famelici, quem tu tenes, nuda tunica, quam tu in conclauis conseruas, discalceati calcens. qui apud te marcescit, indigentis argentum, quod possides inhumatum. S. Ambrosius sermone 81. Sed ais, quid iniustum est, si cum aliena non inuadam propria diligentius seruem? o impudens dictum, propria dicis? quae ex quibus reconditis in hunc mundum detulisti? S. Hieronymus ad Hedibiam. Si plus habes, quam tibi ad victum, vestitumque necessarium est, illud eroga, & in illo debitoricem te esse noueris. S. Chrysostom. ad populum. Nunquid graue quippiam & onerosum à nobis requirit necessitas excedentia vult nos facere necessaria, & quae inutiliter reposita sunt hoc vult bene distribui, ut hinc occasione sumpta nos coronet. Et infra agens de superfluis Non ad hoc accepisti, inquit, ut in delicias absumeres, sed ut in eleemosynam erogares. S. August. in psalmos Superflua diuiti necessaria sunt pauperi: aliena retinet qui ista tenet. Et in Ioannem. Tibi superflua sunt, sed Domini

A. a. 30.

H. l. 2. in c. 6.
 Prou. 13. 8.

A. hom. 47.
 Cl. hom. 33.

G. ep. 110.

Luc. 3. 12.

Luc. 11. 44.
 Luc. 16.

A. hom. 7.

B. hom. 6.

H. q. 1.

C. hom. 34.

A. in psal. 147.
 Id. tract. 50.
 B. ep. 42.

clamant, quod effunditis, nobis crudeliter subtrahitur, quod inaniter expenditis.

TERTIO consulunt diuinæ literæ ut etiam necessaria aliquando erogemus in pauperes. Nam apud B. Lucam à Christo laudatur vidua ^{Luc. 21. 3.} quæ totum victum suum misit in gazophylacium. Et S. Paulus in altera ^{2. Cor. 8. 3.} epistola ad Corinthios commendat Macedones, quod etiam supra virtutem eleemosynas dederint. S. Greg. Nazianzen. in oratione de funere patris sui Gregorii ita scribit. *Quis pauperibus vel animo condolentior vel manu liberalior? Sic enim haud dubiè quasi alienorum bonorum procurator de bonis suis existimabat, pauperum inopiam quantum poterat subleuabat, nec superflua tantum sed necessaria quoque in eam rem insumens, id quod hominis amantissimè erga pauperes affecti clarissimum est argumentum. Eandem laudem paulo post tribuit eius uxori, quæ, inquit, ad bene de omnibus merendum sic erat prompta & alacris, ut nulla huius rei satietate affici posset: quæ denique non opes solum omnes, quas vel primum habuit, vel postea confecta est cupiditate sua minores existimabat, sed se quoque ipsam si fieri potuisset, & liberos, ut ex ipsa sæpe audiui prompti ac libenter vendidisset, ut in pauperum usus insumerentur.*

S. Ambros. lib. 2. offic. *Hoc maximum incentiuum misericordiae, ut compatiatur alienis calamitatibus, necessitate aliorum quantum possumus inuenimus, & plus intendimus quam possumus. Melius est enim pro misericordia causas prestare, vel inuidiam perpeti, quam pretendere inclementiam.* Hoc autem ille scripsit, cum & omnia tua, & sacra Ecclesiæ vasa conflare & pauperibus ^{S. c. 1.} dari iussisset. Sulpitius de S. Martino in eius vita scribit, eum pauperi occurrenti, cum nihil præter chlamydem, qua indutus erat, haberet, (pecuniam enim iam omnem in pauperes erogarat) dimidium chlamydis impertiuisse, cum quo Christum ipsum vestitum fuisse nocturno ^{H. ep. 27.} viso cognouit. S. Hieronymus refert Paulam Romanam alioquin ^{G. c. 1.} locupletissimam eoque omnia erogasse in pauperes, ut ne quid numerum filiarum dereliquerit. S. Paulinus, teste S. Gregorio libro tertio dialogorum, Nolanus Episcopus, cum omnia sua in captiuorum redemptionem, & pauperum sustentationem impendisset, ad extremum se in mancipium vendidit, ut filium viduæ cuiusdam seruitute eximeret. Eodè teste libro 2. dialog. S. Benedictus, cum prouincia, in qua vivebat, tunc laboraret, omnia monasterii sui bona in pauperes erogauit. Eripse S. Gregorius, auctore Ioanne diacono libro primo vitæ eius, cum aliquando pecunias & vestes omnes dedisset pauperibus, etiam argenteam scutellam, quæ supererat, erogauit, dicens malle se nihil habere, quam pauperem sine consolatione dimittere. S. Ioannes Eleemosynarius Alexandrinus Patriarcha, teste Leontio in eius vita, omnia

omnia prorsus, quæ habere potuit, etiam lectorum stragula distribuit, pauperibus, cumque pauperes tam profusam liberalitatem mirarentur respondebat. Fratres nondum sanguinem pro vobis fudi, sicut mandavit mihi Dominus IESVS Christus.

C A P V T VII.

Quinam possint vel debeant facere eleemosynam.

TH E O L O G I scholæ plerique omnes docent diuitum proprium esse facere eleemosynam, ac eorum quidem qui proprietatem & dominium suorum bonorum habent. Itaque excipiunt uxores, quæ sunt in potestate virorum, licet hæc cum facultate virorum possint (ut fecisse uxorem Gregorii patris G. Nazianzeni diximus) 2. filios, qui in potestate parentum. 3. seruos, qui sunt in potestate dominorum. 4. religiosos, qui sunt sub potestate Præpositorum, & semel omnia sua erogarunt in pauperes. *Nemo autem melius erogat, inquit S. Hilarion apud Hieronymum, quam qui nihil sibi reservat.*

H. in vita eius.

G. orat.

Eccl. 7. 19.

Ch. hom. 25.

S. Patres tamen scribunt omnes posse & debere facere eleemosynam, si non corporalem, saltem spirituales Grego. Nazianz. de pauperum amore. *Summi muneris loco alacritatem dedit: si nihil habes collatissima. Magnum est infortunato remedium miseratio ex animo collata.* Hieron. in Ecclesiasten *Poterat aliquis respondere. Si omnibus benefacere volueris, non habeo unde faciam. Propterea nunc ait. Quos non potes opibus, consilio adiuvare, solatio fove. Plus enim potes in angustia constituto prestare sapientia, quam quilibet maxima potestatis.* Chrysost. in Acta Apost. *Ne dicas, quoniam pecunia mihi non sunt. Hoc nihil est dicere. Quemadmodum si aurum dedisses, in affectus esto. Potes ministrare & etiã hoc facito. Si medicus es arte, diligenter cura infirmos, est etiam hoc magnum. Vales consilio, hoc omnibus maius est, quanto maius habet lucrum. An putas, parvũ esse eleemosynam animam consilio destitutã, morbo posse liberare? Et in psal. 127. At non habes pecuniam? sed potes visitare egrum, vel in carceratum, dare poculum frigidum, præbere duos obolos sicut vidua, ingemiscere propter eos qui affliguntur: nam hoc quoque est eleemosyna.* August. in psal. 125. *Aliquando & dives inuenitur pauper & a paupere præstat illi aliquid. Venit nescio quis ad flumen, tanto delicatior, quanto ditior, transire non potest. Si nudatis membris transferit, frigesceat, egrotabit, morietur. Accedit pauper exercitatio corpore, traiecit diuitem, eleemosynam fecit in diuitem. Ergo nolite tantum eos putare pauperes, qui non habent pecuniam. In quo quisque*

quisque pauper est tibi illum vide, quia forte tu in eo diues es, in quo ille pauper est & habes unde accommodes. Forte membra tua accommodas, & plus est, quam si pecuniam accommodares. Consilio indiget, tu plenus es consilio. In consilio ille pauper, tu diues es. Ecce nec laboras, nec aliquid perdis, das consilium, & prestisti eleemosynam. Et in sermonibus de tempore. Dicit aliquis. Pauper sum, ideo eleemosynam dare non possum. Vt nullus se pauper excusare posset, Dominus & Saluator pro calice aqua frigida mercedem se redditurum esse promisit. Dicis ergo. Pauper sum. Si nihil amplius habes in substantia tua, quam tibi in victu aut vestitu rationabili, aut mediocri sufficiat, sola tibi potest bona voluntas sufficere.

C A P V T VIII.

Quibus impertienda sit eleemosyna.

PRIMUM ex diuina Scriptura constat peccatoribus, nempe, quā peccatores sunt, non impertiendam. *Da bono*, inquit Syracides, & *ne receperis peccatorem: prohibe panes illi dari.* quia si improbo daretur eleemosyna, qua improbus, hoc nihil aliud esset, quā diligere iniquitatem, inquit Augustin. in psalm. 102. II. constat & illis, aliisq; omnibus, qua homines sunt, dum egent, esse dandam. Nam Salomon ait. *Si esuriuerit inimicus tuus ciba illum*, quod dictum citauit Apostolus in epist. ad Rom. Et Christus apud Matth. *Benefacite his, qui vos oderunt.* Et apud Lucam. *Omni petente tibi tribue.* III. vnusquisq; eam inchoare debet à seipso iuxta illud Eccli. *Miserere anime tue placens Deo.* Vnde Augustin. in Enchir. *Qui vult eleemosynam ordinatē dare, à seipso debet incipere, & eam sibi primum dare.* Est n. eleemosyna opus misericordie, verissimeq; dictū est. *Miserere anime tue placens Deo.* Propter hoc renascimur ut Deo placeamus. Propter quem dilectionis ordinem dictum est *Diliges proximum tuū sicut teipsum.* IV. præ aliis impertire eam debet domesticis, & cognatis, si egeant. Si quis n. suorum, ait Apostolus, & maxime domesticorū curam non habet fidem negauit, & est infideli deterior. In quæ verba Chrysost. Idem, inquit, ferme Isaias quoq; Prophetarū eximius admonet dicēs. *Domesticos seminis tui ne despexeris, Nā si quis propinquos genere ac affinitate cōiunctos aspernetur, quomodo erit in alienos clemens? Nonne vanitati iudicio hominū, erit obnoxius si alienos beneficiis fouens propinquos summa immanitate despiciat? Quid item si illos de fide instruat, hos in errore iacere permittat, quibus benefacere iure suo facilius & commodius possit, quanta istud immanitatis erit? Et est, inquit, infideli deterior, cur id? quia ille etsi alienos despicit,*

Eccli. 12. 6

Prouer. 25. 21.

Rom. 12. 20.

Math. 5. 44.

Luc. 6. 30.

Eccli. 30. 24.

Aug. cap. 76.

Math. 22. 39.

1 Tim. 5. 8.

Chr. hom. 14.

II. 58. 7. iuxta 70.

A. h. 39.

Psal. 9. 14.
Iac. 1. 27.

propinquos tamen nequaquam aspernatur. Diuinas plane leges violat & iura natura, qui negligit suos. Et Augustinus in homiliis 50. *Date omnibus dilectissimi fratres date precipue ad domesticos fidei, date omnibus, nec cui non dederis ipse sit Christus.* 5. post domesticos maximè commendantur viduæ & pupilli in Scripturis. Sic vt psalmo nono rex Dauid dicat ad Dominum. *Tibi derelictus est pauper, orphano tu eris adiutor* Et S. Iacobus Scribat. *Religio munda apud Deum & Patrem hæc est, visitare pupillos & viduas in tribulatione eorum.* 6. inter probos & improbos anteposendi sunt probi, tum quia sunt digniores, tum quia id vtilius esse potest eleemosynarum largitoribus, vtdocet Gregor. Nazianz. oratio ne depauperum amore. Hieronymus aduersus vigilantium, & Chrysostomus oratione de pauperibus non curiosè scrutandis.

C A P V T IV.

De modo quo facienda sit Eleemosyna.

Heb. 11. 6.

1. Cor. 13. 3

A. c. 75.

Luc. 11. 41.

Eccli. 30. 24.

G. c. 12.

Id. c. 20.

Eccli. 30.

Matt. 22. 39.

Matt. 6. 2.

AD Modum pertinent conditiones variæ, quæ Eleemosynam reddunt magis laudabilem & salutarem. PRIMA est, si fiat ab homine iusto, id est, vera fide & caritate prædito. *Sine fide enim, teste Apostolo, impossibile est placere Deo.* Ac similiter sine charitate. *Nam si distribuerò, inquit idem, in cibos pauperum omnes facultates meas, charitatem autem non habuerò, nihil mihi prodest.* Vnde S. Augustinus in Enchiridio. *Sane qui sceleratissime viuunt, nec curant talem vitam moribusq; corrigere, & inter ipsa facinora & flagitia sua eleemosynas frequentare non cessant frustra sibi ideo blandiuntur, quoniam Dominus ait Date eleemosynam, & ecce omnia munda sunt vobis. Hoc enim quàm latè pateat, non intelligant.* Vnde capite sequenti docet quemque debere primum dare eleemosynam sibi, iuxta illud sapientis. *Miserere anime tue placens Deo.* Et S. Gregorius libro 22. Moralium. *Ab omnipotente Deo munus ex manu nō accipitur quod corde obligato in malitia profertur. Mundari etenim debet prius animus qui eleemosynam prabet, quia omne quod datur Deo ex dantis mente pensatur.* Et libro 19. *Multi proximis quasi opera misericordiam impendunt, sed iniustitia facta non deserunt. Qui si proximis veraciter misericordiam facere student, sibi ipsi prius debuerant iuste viuendū misereri.* Vnde scriptum est. *Miserere anime tue placens Deo.* Qui ergo misereri vult proximo à se trahat necesse est originem miserendū. Scriptum namq; est *Diliges proximum tuum sicut teipsum.*

II. Conditio est, si fiat bono fine vel intentione; nam Christus redarguit eos apud Matthæum, qui largitione eleemosynæ aucupabantur vanam gloriam. *Cum ergo, inquiēs, facis eleemosynam, noli tuba canere ante*

ante te sicut hypocrita faciunt. Vnde S. Ambrosius libro altero de Pœnitentia. Sunt qui ad iactantiam solam decorem largitatis affectent, ut eo se probatos vulgo velint, quod sibi nihil reliquerint, sed dum presentis sæculi mercedem requirunt, non recondunt in futurum, & quia hinc perceperunt mercedem suam, illic sperare non possunt.

III. est, si fiat animo non solum æquo, sed etiam lubenti. vnde Tobias ad filium. Si exiguum tibi fuerit, libenter impartiri stude. Vnde Augustinus in psalmum 125. Ipse Dominus dicit. Verum date eleemosynas, & ecce omnia munda sunt vobis. Vnde autem procedit eleemosyna? de corde. Si enim manum porrigas, nec in corde miserearis, nihil fecisti. Si autem in corde miserearis, etiam si non habeas quod porrigas manu acceptat Deus eleemosynam tuam. Exemplum habes in Tobia, qui quotidie quærebat pauperes, ut eleemosynam impertiret.

IV. est, si non differatur de die in diem, sed derur statim, iuxta illud Sapientis. Cor inopis ne afflixeris, & non differas, quod erogaturus sis in egenum. Vnde S. Basilius in ditescens. Iam quando suppetit, quid prohibet, quominus liberaliter impartiare? nonne inops adest? non sunt plena horrea? non merces à Domino parata? non mandatum manifestum? Esuriens fame assumitur, nudus frigore rigeat, & tu eleemosynam in crastinum differs? Audi Salomonem. Ne dicas, regressus reuertere; & cras dabo: ignoras enim, quid sequens pariet dies. Idem Gregorius 3. parte pastoralis. Ne quæ præbenda sunt citius, sero præbeantur: audiant quod scriptum est. Ne dixeris amico tuo, vade & reuertere, & cras dabo tibi; cum statim possis dare.

V. si fiat hilariter, iuxta illud Ecclesiastici. In omni dato hilarem fac vultum tuum. Et. Declina pauperi sine tristitia aurem tuam. Et Apostoli. Non ex tristitia, aut ex necessitate: hilarem enim datorem diligit Deus. Ambrosius primo de officiis. Nec satis est benefacere nisi id ex bono fonte, hoc est, ex bona voluntate proficiatur. Hilarem enim datorem diligit Deus. Nam si inuitus facias, quæ tibi merces est? Vnde Apostolus generaliter inquit. Si volens hoc ago, mercedem habeo: si inuitus, dispensatio mihi credita est. Et Augustinus in psalmum 42. Si fregeris ex animo esurienti panem, quia plerumque fit à tristibus & à murmurantibus, ut careant radio interpellantis, non ut reficiant viscera indigentis. Hilarem autem datorem diligit Deus: ad si panem dederis tristis, & panem & meritum perdidisti. Ergo ex animo fac, ut ille qui intus videt adhuc loquente te dicat. Ecce adsum.

VI. Si fiat humiliter, hoc est, putet se potius beneficium accipere quam dare, Nam apud Lucam Christus dixit. Et ego vobis dico. Facite vobis amicos de mammona iniquitatis; ut cum defeceritis recipiant vos in æternam tabernacula. Vnde Gregorius 21. moralium. Multum ad edomandam dantis superbiam valet, si cum terrenis tribus verba sollicitè magistri cœ-

lestis penset, qui ait, Facite vobis amicos, &c. Si enim eorum amicitia aeterna tabernacula acquirimus, dantes procul dubio pensare debemus, quia patronis potius munera offerimus, quam egenis dona largimur. Idem sapius probat Chrysost. in sermonibus de Eleemosyna.

Tob. 4. 9.

2 Cor. 9. 6.

Chr. hom. 37

Luc. 21. 7

Chr. hom. 24 &
32. ad Hebr. 13.
L. serm. 4

Tob. 1. 2.

Amb. c. 30.

Hier. ep. 27.

Gr. 3. p. admo. 21

Eccli. 4. 7.
Eccli. 18. 15.

VII. Si fiat liberaliter, iuxta cuiusq; facultatē. Ita præscripserit Tobias filio suo. *Quomodo potueris, ita esto misericors si multum tibi fuerit, abundanter tribue. Si exiguum tibi fuerit, etiam exiguum libenter impertiri stude.* Et S. Paulus in epistola 2. ad Corinthios vult eleemosynam dari tāquam benedictionem. *Qui parat, inquit, seminat, parat & metet. Qui seminat de benedictionibus, de benedictionibus & metet.* Vnde Chrysost. ad populum *Non dare sed cum copia dare eleemosyna est.* Et addit idcirco eos qui dicunt. *Miserere mei Deus secundum magnam misericordiam tuam,* debere etiam misereri pauperum secundum magnam eleemosynam suā. Si quæras, in quo præcipue consistat magnitudo eleemosynæ apud Deum. Respondeo magis consistere in affectu dantis, quam quantitate dati. Ideo enim Dominus apud Lucam viduę minuta duo anteponit donariis diuitum; Vnde Ambrosius libro de Viduis *Liberalitas, inquit, non cumulo patrimonii, sed largitatis desinitur affectu.* & Chrysost. ad populum. *Eleemosyna magnitudo non in pecuniarum multitudine indicatur, sed in dantium promptitudine.* S. quoq; Leo sermone de Quadragesim. *Ex affectibus, ait, piorum benignitatis mensuratur.*

VIII. Si fiat prudenter, vel cū discretione. ac primo vt potius multis aliquid, quam paucis multum detur; Vnde de Tobia legitur. *Quotidie pergebat per omnem cognationem suam, diuidebatq; singulis prout poterat ex facultatibus suis.* Non enim sunt profundende apes, inquit, Ambrosius libro primo officiorum, *sed dispensanda.* Solent plerq; ait Hieronymus in vita Paulæ Romanæ, *matronarum in paucos largitate profusa, manum a ceteris retrahere, quo Paula omnino carebat vitio.* Ita enim singulis suam pecuniam diuidebat, vt singulis necessarium erat, non ad luxuriam, sed ad necessitatem. 2. vt cuiq; id detur, quod ratio postulat, vt admonet S. Grego. in Pastoralī, *ne quadam, inquit, quibus nulla, ne nulla quibus quadam, ne multa quibus pauca, ne pauca quibus multa impendere debuerunt; ne precipitante hoc quod tribuunt inutiliter spargant, ne tarditate petentes noceant crucient, ne in bene oblato munere animus plus quam decet hilarescat, ne impense gratia vicissitudinem requirant, &c.*

IX. Si non curiosè scrutentur pauperes, examinentq; vel de otio, segnitie, vel simulatione accusent, antequā eis conferant eleemosynā secundū illud Sapientis. *Non exasperes pauperem in inopia sua.* Et. *In omni dato non des tristitiam verbi mali.* Contra hos scrutatores agunt GREG. Naz. in oratione de pauperum amore, & persæpe CHRISOSTO. vt

hom.

hom. 36. in Matthæum. serm. 14. in epist. ad Romanos homil. II, in I. ad Corinth. hom. 41. in Genes. serm. de eleemosyna.

X. Conditio est, si fiat constanter vsq; ad finem vitæ. Vnde Chryso. Prouer. 3. 3. in præfatione epistolæ Pauli ad Philippenfes. *Neg. putemus, inquit, omnia nos præstitisse, si quando semel atque iterum quidquam dederimus: per omnem quippe vitam id facere oportet: non. n. semel tantum, sed indefinenter Deo placere debemus. Quod si à bonis operib. exorsinouissimè defecerimus, totū perdidim⁹, totū corruptim⁹. Audi monitionē perutilē, quæ dicit. Eleemosyna ac fides ne deserant te. Nō dicit. Semel facias, neg. secūdo, neg. tertio, nec decies, nec cēties, sed perpetuo. Nō deserāt te, inquit. Et nō dicit, ne deserās illas, sed ipsæ ne deserāt te, ostendens nos illarum, non illas nostro adiuuēto opus habere, docensq; eō sat agendum nobis esse, ut illas apud nos contineamus. Adapta eas, inquit, collo. Quemadmodum diuitum liberi circa collum ornatum habent aureum, illumq; nunquam deponunt, utpote quem tanquam nobilitatis suæ insigne gestant, ita et nos eleemosyna semper amiciendi sumus. Et S. GREGORIUS epistola ad Sauinellam in pauperes misericordem. Quisquis, ait, copiosum in cælis fructum desiderat, seminare dum tempus est non omittat, ut manipulos in die messis cum letitia colligat. Nam qui seminant in lachrimis, in exultatione ac gaudio metent. Ibi desideria figite, ubi quicquid retribuitur finem non suscipit. Bonum ergo facientes non deficiatis, ut illic vobis thesauros thesaurizare possitis, ubi nec arugo, nec tineæ demolitur, & ubi fures non effodiunt, nec furantur.*

CAP V T X.

De Mediis idoneis ad parandam virtutem misericordie.

PRIMUM Medium est, considerare te in impertiēda pauperi Eleemosyna Dei O. M. vices tenere, & esse quasi Deum, ut ex S. Patribus græcis duo Gregorii Nyssenus & Nazianzenus loquuntur. Huius verba sunt in oratione de Pauperum amore. O serue Christi & Dei, atque hominum amore prædite, ne fratrem despicias, ne prætereas, ne ut scelus, ut piaculum, ut aliud quiddam fugiendum & interdictum auerferis. Membrum tuum est, licet calamitate frangatur. Tibi, licet animo admodum forti prætereas, pauper relictus est, ut Deo: his enim verbis pudore te fortasse promouebo. Nyss. vero in lib. de beatitudinib. hæc sunt. Scio in multis locis diuinæ Scripturæ nomine misericordis sanctos viros diuinam potetiam appellare. Sic Dauid in psal-

P. 84. 102. rro III

Ion. 4.

Exo 34.

Deu. 4.

ELEEMOSYNA.

224

Pf 35. 102. 110. 221
Iou. 4.
Exo 34.
Deu. 4.

in psalmis, sic Ionas in sua Prophetia, item magnus Moyses in multis locis sue sanctionis nominat nomen diuinum. Si ergo misericordis appellatio Deum decet, ad quid aliud te sermo hortatur, nisi ut Deus fias tanquam formatus, & insignitus propria nota Deitatis. Eodem pertinent illa B. Leonis in sermone de Quadragesima. Nihil est dignius, quam ut homo sit sui auctoris imitator, & secundum modum propriæ facultatis diuini sit operis executor. Nam cum aluitur e urientes, vestiuntur nudi, fouentur infirmi, nonne auxilium Dei manus explet ministri, & benignitas serui munus est Domini?

Matt. 25. 40.

Ch. hom. 89.

II. Medium est considerare, te quod impertis pauperi impertire Christo vel Deo; fallere enim nequeunt verba Christi apud Matthæum, cum sermo esset de operibus misericordiæ dicentis. Amen dico vobis *Quamdiu fecistis uni ex his fratribus meis minimis, mihi fecistis.* Vnde Chrysostom. in Matthæum. Certe si ipsum Christum nunc videretis non dubitaret unusquisque vestrum vniuersam substantiam in eum erogare. verum nunc nec teruncium erogas. Non audis dicentem. *Quod uni ex minimis meis facis, mihi facis.* Nihil nempe interest, siue huic pauperi, siue ipsi Christo dederis. Nihil enim minus habes his mulieribus (Magdalena & cæteris) qui tunc Christum alebant, imò (sed nemo his verbis turbetur) multo etiam maius. Non enim est æquale, ipsum Dominum præsentem alere, cuius præsentia vel lapideum ad se animum attraheret, & propter eius verba duntaxat pauperes, mendicos egrotos alere atq; curare. Accedit quod maioris erga Christum reuerentia signum est, quandoquidem ideo conseruum tuum in omnibus diligenter pascis atque curas.

Matt. 25. 35.

N. de paup. a. more.

Idem habet homilia nona de pœnitentia. Qua de causa Christus ipse, ut liquet ex diuersis sanctorum historiis, persæpe declarauit se eleemosynam sub specie pauperis accepisse, ut liquet in vita S. Martini Turonum antistitis apud Seuerum Sulpitium, & in vita B. Gregorii Pontificis Romani apud Ioan. Diaconum libr. 2. cap. 22. Et de monacho Martyrio, qui Christum in forma leprosi in humeros sustulit apud B. Gregor. homilia 39 in Euangelia. Immo in extremo die iudicii, ut liquet ex Matthæo Christus ipse non in pauperis persona, sed sua dicet. *Esuriui, & dedistis vel non dedistis mihi manducare.*

III. Medium est, considerare te omnia beneficia corporalia & spiritalia, quæ habes, vel habiturus es, à Deo accepisse, quare & merito te ad ea in pauperibus compensanda teneri. Vnde Nazianz. loco sæpe citato. *Nihil tam Dei proprium homo habet, quam de alijs bene mereri.* tametsi ille maiora, hic minora beneficia conferat, uterq; nimirum pro suis viribus. Ille hominem condidit, ac solutum rursus colligit, tu lapsus ne despicias. Ille eum maximis in rebus commiseratus est, cum ei præter cetera, legem prophetas, ac prius etiam naturalem legem non scriptam rerum quas gerimus in-

dicem

dicem dedit, cum arguit, admonuit, castigavit, postremo se pro Mundi vita in redemptionis pretium tradidit; atq; insuper Apostolos, Evangelistas, magistros, pastores, morborum depulsiones, miracula, reditum ad vitam, mortis oppressionē, trophæum aduersus eum qui vicerat fœdus in umbra, fœdus in veritate, diuissas Spiritus sancti gratias, nouæ salutis mysterium largitus est. Tu verò, si quidem maiora quoq; beneficia conferre potes, & quibus anima inuatur (nam his etiam rebus diuitem te, si volueris, Deus fecit) ne his quoq; te abstine, quo minus egenti benignè facias. Similia beneficia Christi inculcat copiosè in Matthæum Chrysostom. & tandem concludit. *Quæ iugiter animo versantes, ac recolentes, quæ accepimus, quæ accepturi sumus, quæ à nobis repetuntur, omni studio rebus spiritalibus incumbamus, humiles atq; misericordes simus, ne intolerabiles nobis cruciatus attrahamus. Cur enim non putes sufficere ad condemnandos nos, quod magna consecuti, parua non reddamus, ibiq; ea repetantur, quæ inuiti relinquimus: quorum singula ad condemnationem meam certe sufficiunt.*

Ch. hom. 47.

IV. Medium est, considerare, vt omnium rerum vicissitudo est, te in eandem inopiæ calamitatem posse delabi, aliorumq; implorare beneficentiam. Quod medium præscripsit Lactantius in epitome suarum institutionum his verbis. *Ergo animal commune atque consors esse debemus vt nos inuicem præstandis, recipiendisq; auxilijs muniamus. In multis enim casibus & incommodis fragilitas nostra subiecta est. Speres tibi accidere posse, quod aliter accidit. ita demum excitaberis ad opem ferendam, si sumptis eius animum qui opem tuam tunc in malis constitutus implorat. Si quis victu indiget, impertiamur: si quis nudus occurrerit, vestiamus. Et in sexto libro de vero cultu disputans contra eos, qui parciores sunt in pauperes, eo quod vereantur sibi tandem de futura in victum necessaria, ita respondet. *Quid tu tam pusillo animo paupertatem times? quam etiam vestri Philosophi laudant: nihil hac tutius, nihilq; tranquillius esse testantur. Hoc quod times, sollicitudinum portus est. An ignoras quot periculis, quot casibus cum his malis opibus subiaceas? Quæ tecum bene agent, si sine tuo cruore transferint. Quid ergo dubitas bene collocare id, quod tibi forsitan eripiet aut vnum latrocinium, aut existens repente proscriptio, aut hostilis aliqua direptio? Quid verere fluxum & fragile bonum facere sempiternum aut thesauros tuos custodi Deo credere, ubi non furem, prædonemq; timeas, non rubiginem, non tyrannum? Qui apud Deum diues est pauper esse nunquam potest.**

Id. c. 12.

V. Medium est, quotidie aliquid, licet modicum sit in vsum pauperum seponere. Quod ex Apostolo Paulo sumptum est. Scribit enim in priore epistola ad Corinthios in hunc modum. *Per vnā Sabbathi vnusquisq; vestrum apud se seponat, recondens quod ei bene placuerit, vt non cum venero tunc collectæ fiant.* Quæ verba expendens S. Chrysost.

1. Cor. 16. 2.

Chr. hom. 43.
in 1. ad Cor.

Pareamus beato Paulo cōstituentes nostris in adibus arculā pauperibus, quā eo in loco, ubi quisq; consistere & orare solitus est, reponatur: ita ut eleemosynā primum, quoties accesseris oraturus imponas, & deinde orationem proferas. Ut verò ad orationem illotis manibus venire nollēs, sic neq; sine Eleemosynā accedās. Et profecto non minus est iuxta lectum eleemosynā reponere, quā si isthic Euangelium suspendas, siquidem Euangelium isthic suspensum nihil agit, nec tantilla quādem virtutis est. In hac verò arcula aduersus diabolum armaturam habes repositam, hac orationem tuam penetrantem efficis, domum sanctam reddis, in hac conclusas habes regias dapes. Ea propter ad lectum deponetur illa, & sic absque phantasiis tranquille noctem transiges. Tam & commoditates, quibus liceat admodum facile colligere vultis ut recenseam? Fiet. Sic igitur adiectionem suam artifex aliquis, vel sutor, vel coriarius, vel faber erarius, vel quicumq; tandem is fuerit, leuem reddet. Si aliquid vendiderit ille, sui artificij primitias eius pretij offerat Deo, & hac paululum quid conijciat exiguamque Domino partem diuidat. Multum enim ut huc conferat non postulo, sed tantum, quantum vel infantes pueruli, vel miseri & egeni homines peterent, tantum nos, qui cælū speramus, demus. Neq; de vendentibus tantū hac, verum & eumentibus & alijs operantibus dicta sint. Eam regulam & agricola in prouentum rerum eam semel omnes, quotquot legitimos colligunt census, obseruent. Facilis autē illa nobis ex consuetudine res fiet, paulatimq; à paruis ad magna ascēdemus, & studebimus opes contemnere, ipsamq; radicem malorum euellere.

VI. est Consideratio Exemplorum ex diuinis litteris, & historia Ecclesiastica desumptorum, & quidem eorum, qui virtute misericordiae in pauperes excelluere, nam singulorum misericordiae operum exempla hic describere, esset infinitum.

VIDE V. Hospitalitas. Liberalitas. Sepultura. Et in PANARIO V. Auaritia.

S. E V C H A R I S T I Æ C O M M V N I O.

C A P V T I.

De nomine & significatione Eucharistiae & Communione.

E V C H A R I S T I A græcè, latine significat vel bonam gratiam, vel gratiarum actionem. Bona gratia dicitur, tum quia vitam æternam, de qua

de qua Apostolus. *Gratia autem Dei vita aeterna in Christo Iesu Domino nostro* Rom. 6. 23.
pro, præsignificat; tum quia Christum Dominum gratiæ atq; adeo om-
 nium charismatum fontem in se continet. Vnde B. Cyprianus de Cypri-
 lapsis eam appellat latina voce gratiam, cū nonnulla miracula de Eu-
 charistia retulisset. *Documento*, inquit, *unius ostensum est Dominum re-*
cedere cum negatur: nec immerentibus ad salutem prodesse, quod sumitur,
quando gratia salutaris in cinerem sanctitate fugiente mutetur. Et S. Am- A. c. 3.
 brosius libro 5. de Sacramentis. *Venisti ad altare, accepisti gratiam Chri-*
sti. GRATIARVM actio verò appellatur, tum quia cum ea hoc my-
 sterium institutū est. Vt n. tres Euangelistæ cū Apostolo narrāt, Chri- Matt. 26. 27.
 stus accipiens panem, fregit, ac gratias egit: tum quia cum Eucharistia Mar. 14. 23.
 quotidie in sacrificio Missæ conficitur, Deoq; immolatur, immensæ Luc. 22. 19.
 Deo gratiæ pro vniuersis in nos beneficiis aguntur. Vnde Orige. con- 1. Cor. 11. 24.
 tra Celsū. *Nos qui rerum omnium conditori placere studemus, cum precibus* Orig. lib. 8.
& gratiarum actione pro beneficiis acceptis oblatos panes edimus, corpus iā per
precationem factos sanctum quoddam & sanctificans, utentes eo cū sano propo-
sito, &c. Hoc cauemus, ne ingrati erga Deum habeamur. *Habemus enim eius*
gratiarum actionis symbolum panem, qui Eucharistia vocatur. Et Chrysost. Chr. hom. 24. in
 exponens verba Pauli. *Calix benedictionis cui benedicimus. Quid dicis, in* ad Cor.
quit, beate Paule, cum vis auditorem confundere, & horrendorum mysteriorū 1. Cor. 10. 16.
meminisse calicem benedictionis appellas calicem illum formidolosum & horro-
ris plenum? Sane quidem. Non n. paruum est, quod dicitur. Siquidem cum be-
nedictionē dico, Eucharistiam dico, & dicendo eucharistiam omnē benignitatis
Dei thesaurū aperio: etenim cum calice inenarrabilia Dei beneficia, & quacunq;
consecuti sumus, addimus: ita ad eum accedimus cum eo communicamus grati-
as agentes, quod humanum genus errore liberauit.

COMMUNIO latine, græcè dicitur *κοινωνία*, quæ vox ex eodem B.
 Paulo sumpta est, cum ait. *Calix benedictionis cui benedicimus, nonne com-* 1. Cor. 10. 16.
municatio sanguinis Christi est? & panis quē frangimus, nonne participatio cor-
poris Domini est? Nam ut S. Damasc. ea verba explanat lib. de orthodo- Dam. c. 14.
xa fide quarto, communicamus per ipsam Eucharistiam Christo, & participa-
mus eius carne & diuinitate, & quia communicamus & unimur inuicem per
illam. Nam quia ex vno pane participamus omnes, vnum corpus Christi, & v-
nus sanguis, & inuicem membra efficimur incorporati Christo existentes. Ad
 eadem verba Pauli respiciens S. Cyrill. Alexandrinus in Ioann. Cyr. lib. 10. c. 53
Consi-
derandum est, inquit, non habitudine solum, quæ per charitatem intelligitur,
Christum in nobis esse, verum etiam & participatione naturali. Nam quemad-
modum si igne liquefactam ceram, alia cera similiter liquefacta ita miscuerit,
ut vnum quid ex vtriusq; factam videatur, sic communicatione corporis &
sanguinis Christi ipse in nobis est, & nos in ipso.

Quod verò ad significatum vocis Eucharistiæ attinet. S. Eucharistia aliud non est, quam corpus & sanguis Christi sub speciebus panis & vini cum anima & diuinitate realiter & substantialiter existēs: firmissima enim fide cum SS. Patribus, totaque Ecclesia Catholica credimus post consecrationem à legitimo sacerdote in sacrificio Missæ peractam totum Christum Deum & hominem sub illis contineri, eo quod verba Christi, **HOC EST CORPUS MEVM. Et. HIC EST SANGVIS MEVS,** sole sint clariora. Vnde S. Hilarius in libris de Trinitate. *De veritate, ait, carnis & sanguinis non relictus est ambigendi locus.* S. Cyrillus Hierosolymitanus in catechesi mystagoga. *Cum Christus ipse sic affirmet atque dicat de pane. Hoc est corpus meum, quis deinceps audeat dubitare? Ac eodem quoque confirmante & dicente, Hic est sanguis meus, quis inquam dubitet, & dicat non esse illius sanguinem?* S. Chrysostomus in Matthæum. *Verbis Christi defraudari non possumus, sensus vero noster deceptus facillimus est: illa falsa esse nō possunt, hic sapius atq. sapius fallitur. Quoniam ergo ille dixit, Hoc est corpus meum, nulla teneamur ambiguitate, sed credamus, & oculis intellectus id perspiciamus.* S. Leo I. sermon de ieiunio septimi mensis. *Dicente Domino, Nisi manducaueritis carnem filij hominis, & biberitis eius sanguinem, non habebitis vitam in vobis, sic sacra mensa communicare debetis, ut nihil prorsus de veritate corporis Christi & sanguinis ambigatis. Hoc enim ore sumitur, quod fide creditur.*

COMMUNIO denique Eucharistiæ, de qua hic agimus, non est aliud quam sumptio eiusdem Eucharistiæ vel sub vtraq., vel sub altera tantum specie, à Christo Domino præcepta apud B. Ioannem, cum ait. *Nisi manducaueritis carnem filij hominis, & biberitis eius sanguinem, non habebitis vitam in vobis.* Et apud Matthæum *Cœnantibus eis accepit Iesus panem & benedixit ac fregit, deditq. discipulis suis & ait. Accipite & comedite, hoc est corpus meum.* Et apud S. Paulum. *Dominus Iesus in qua nocte tradebatur accepit panem, & gratias agens fregit & dixit. Accipite & manducate. Hoc est corpus meum, quod pro vobis tradetur. Hoc facite in meam commemorationem. Similiter & calicem postquam cœnauit dicens. Hic calix nouum testamentum est in meo sanguine. Quotiescunq. enim manducabitis panem hunc & calicem bibetis, mortem Domini annuntiabitis donec veniat.*

CAPVT

H. lib. 8.
C. c. 4.

Ch. hom. 83.

I. ser. 6.
Ioa. 6. 53.

Io. 6. 54.

Matt. 26. 26.

I. Cor. 11. 16.

D
qua
coel
esse
diui
adu
chri
Dei
meo
ang
mon
Chr
& id
sacr
pass
les a
men
est a
meu
tres
duca
celo
præ
citu
C
citat
cat
P
est pa
2. est
in et
duca

Psalm 77:24

Loan 650

11. 91

17. 44.
17. 57.

1. Cor. 11. 27.

1. 29.
Chrys. orat. de
non spern. my-
steriis.

D. c. 3.

M. c. 3. & 4.

Ir. c. 32.

Ep. c. 6.

Chrys.

mortuis. *Qui manducat meam carnem inquit, & bibit meum sanguinem habet vitam aeternam, & ego resuscitabo eum in nouissimo die.* 4. est quod beneficio illius CHRISTVS sit in nobis, & nos in illo. *Qui manducat, a. t. meam carnem & bibit meum sanguinem, in me manet, & ego in illo.* APOSTOLVS verò Paulus in priorē epistola ad Corinthios ex alio capite insinuat eius dignitatem, nempe ex gravitate poenæ, quæ incumbit indignè communicantibus. *Quicumq;*, inquit, *manducauerit panem hunc, vel biberit calicem Domini indignè reus erit corporis & sanguinis Domini, id est, ac si denuo Christum prodidisset & crucifixisset, ut exponunt Patres. Et rursus Qui manducat & bibit indignè, iudicium sibi manducat & bibit, non diiudicans corpus Domini.* Ideò inter vos multi infirmi & imbecilles & dormiunt multi. Deinde ex probatione ad summationem Eucharistiæ requisita. *Probet, ait, seipsum homo, & sic de pane illo edat de calice bibat.* Quæ probatio nulla re fructuosius quam diligentia examine conscientiæ, & exomologesi peccatorum cum dolore sacerdoti facta perficitur.

S. PATRES eandem dignitatem variis dictis, quorum nonnullas hic subiiciam, demonstrarunt. Primus sit S. Pauli discipulus DIONYSIVS Areopagita, qui libro de Ecclesiastica hierarchia Eucharistiam vocat *omnium sacramentorum consummationem, diuinissimum & sacrosanctum sacramentum sacrosancta & augustissima mysteria.* S. IGNATIUS epistola ad Ephesios. *Frangite panem unum, quod pharmacum immortalitatis est, mortis antidotum, vitamq; in Deo concilians per Iesum Christum, medicamentum pargans vitia, & omnia pellens mala.* S. MARTIALIS epistola ad Burdigalenses, Eucharistiam appellat *communione Dei vultus, mensam diuinam, & escam in fide perfecta totam cœlestem.* S. IRENEVS libro quarto aduersus hæretes noui testamenti nouam oblationem. S. CYPRIANVS libro de Cœna Domini cibum inconsumptibilem. OPTATVS Mileuitanus vocat *pignus salutis aeternæ, tutelam fidei, & spem resurrectionis.* S. EPHRAËM in libro de natura Dei minimè scrutanda ita scribit. *Quid scrutaris in scrutabilia? si ista curiosè rimaris, non iam fidelis vocaberis, sed curiosus. Eslo fidelis atque innocens, participa immaculato corpori Domini tui, fide plenissima, certus quod agnum ipsum integrum comedis. Ignis immortalis sunt mysteria Christi, noli temere ea per scrutari, ne in ipsorum perscrutatione comburaris.* Et rursus. *Hoc sanè excedit omnem admirationem, omnem mentem, omnemq; sermonem quod fecit nobis unigenitus filius Christi Saluator noster. Ignem & spiritum manducandum ac bibendum præsstit nobis, corpus scilicet, & sanguinem suum.*

Chrysostomus libro sexto de Sacerdotio. *Per id tempus & angelus sacerdotis*

sacerdoti assident, & caelestium potestatum uniuersus ordo clamores excitat,
 & locus altari vicinus in illius honorem, qui immolatur angelorum choris ple-
 nus est, id quod credere abunde licet velet tanto illo sacrificio, quod tunc per-
 agitur. Ego verò & commemorantem quendam audiui, cum diceret senem
 quendam, virum admirabilem, ac cui reuelationum mysteria multa diuinitus
 fuissent detecta sibi narrasse se tali oli in visione dignum habitum à Deo fuisse
 ac per illud quidem tempus de repente Angelorum multitudinem conspexisse,
 (quatenus aspectus humanus ferre poterat) fulgentibus vestibus indutorum,
 altare ipsum circumdantium, denique sic capite inclinatorum ut si quis mili-
 tes presente Rege stantes videat. Et homilia de Eucharistia in Encœni-
 is. Agnus Dei immolatur, Seraphim astant sex alis faciem tegentia, &c. Et
 hom. 24. in 1. ad Corinthios. Dum in hac vita sumus, ut terra nobis
 cælum sit, facit hoc mysterium. Ascende igitur ad cæli portas, & diligenter
 attende, immò non cæli, sed cæli cælorum, & tum quod dicimus, intueberis.
 Etenim quod summo honore dignum est, id tibi in terra ostendam: nam quem-
 admodum in regijs non parietes, non tectum aureum, sed regium corpus in thro-
 no sedens omnium præstantissimum est, ita quoque in cælis regium corpus, quod
 nunc in terra tibi videndum proponitur: neque enim Angelos, neque Arch-
 angelos, non cælos, non cælos cælorum, sed ipsum horum omnium Domi-
 num tibi ostendo.

Gregorius Nazianzenus, Ambrosius & Augustinus docent corpus Naz. de obitu
 Christi in altari colendum & adorandum. Gorgonia.
 Christus, qui in ipsa carne A 3. de SS. c. 12.
 hic ambulauit, inquit Augustinus, & ipsam carnem manducandam nobis Aug. in ps. 98.
 ad salutem dedit: nemo autem illam carnem manducat, nisi prius adorauerit;
 inuentum est quem admodum adoretur tale scabellum pedum Domini (de quo
 in psalmo, Adorate scabellum pedum eius.) ut non solum non peccemus
 adorando sed peccemus non adorando.

Addam, omissis aliis, vnum locum ex S. Gregorio Magno G. c. 38.
 libro 4. dialogorum. Quis, inquit, fidelium habere dubium possit in ipsa
 immolationis hora ad sacerdotis vocem cælos aperiri, in illo Iesu Christi myste-
 rio Angelorum choros adesse, summis in a sociari, terrena caelestibus iungi, v-
 num quid ex visibilibus atque inuisibilibus fieri? Concludam cum Chry-
 sostomo libro tertio de Sacerdotio. Hoc ergo mysterium omnium ma-
 ximè horrendum, verendumque, quis tandem qui insanus idem mi-
 nimè sit, quiq; è potestate non exierit, fastidi re.
 ac despiciere poterit?

* * *

De fructu sacrae Communionis.

IMMENSAS & admirabiles sacrae communionis utilitates, & fructus esse inde manifeste liquet, quod eius beneficio non de riuulo, sed fonte omnium charismatum & donorum coelestium participemus. PRIMA utilitas sit, quod per illam intimè coniugamur Christo anima & corpore, ut indicat Christus ipse Ioannis capite sexto. Vnde S. Cyprianus de natiuitate Christi. *Sacramentorum communicatio per quam illius corporis sinceritati unimur, nos in tantum corroborat, ut de mundo & de diabolo & de nobis ipsis victori potiamur, & sacramentali gustu viuificis mysterijs inherentes una caro, & unus spiritus simus, dicente Apostolo. Qui adheret Domino, unus spiritus est. Sic hi, ad quos sermo fit, dicuntur Dñi, & filij excelsi nominis, & hereditatis & aternitatis participes.*

1. Cor. 6. 18.

Ch. hom. 45.

Iob. 31. 31.

A. 7. cōfess. c. 10.

L. serm. 14.

Cyr. cat. 4.

2. Pet. 14.

Ac. 4.

Et Chrysostom. in Ioannem. *Vt non solum per dilectionem, sed re ipsa in illam carnem conuertamur per cibum id efficitur, quem nobis largitus est. Cum enim suum in nos amorem indicare vellet, per corpus suum se nobiscum commiscuit, & in unum nobiscum redegit, ut corpus cum capite uniretur. hoc enim amantium maximè est. Hoc Iob significabat de seruis, à quibus maximè amabatur, qui suum amorem exprimentes dicebant. Quis dabit nobis ut eius carnis satureremur? Ex quibus verbis primum id efficitur hoc sacramentum non, ut panis & vinum in substantiam nostram mutari, sed nos quodammodo in eius naturam conuertere, ut rectè illud B. Augustini ad nos eloqui possit Christus. *Cibus sum grandium, cresce & manducabis me: nec tu me mutabis in te, sicut cibum carnis tuae, sed tu mutaberis in me.* Et S. Leo de passione Domini. *Non aliud agit participatio corporis & sanguinis Christi, quam ut in id, quod sumimus, transeamus.* Deinde efficitur nos rectè post sacram communionem peractam posse dici Christophoros, ut docet S. Cyrillus Hierosolymitanus catechesi mystagogica. Sic Christophori, inquit erimus, hoc est, CHRISTVM ferentes, cum eius corpus & sanguinem in membra nostra receperimus, atq; ita, ut B. Petrus dicit, *diuina natura consortes efficiamur.**

II. UTILITAS est, quod eius vi quotidianas animi sordes facile eluamus, vulneribusque inflictis medeamur. Vnde Cyprianus de Cœna Domini. *Panis iste supersubstantialis & calix benedictione solenni sacratu ad totius hominis vitam. salutemque proficit simul medicamentum & hoc locustum ad sanandas infirmitates & purgandas iniquitates existens.* Ambrosius libro de sacramentis. *Qui vulnus habet, medicinam requirit. Vulneris est*

usus est, quia sub peccato sumus. Medicina est cœleste & venerabile sacramentum. Et in psalmum 118. Venias ad cibum Christi, ad epulas sacramenti, ad illud poculum, quo fidelium inebriatur affectus, ut letitiam induat de remissione peccati, curas seculi huius, metu mortis, solitudineque deponat. Chrysost. Id. serm. 15.
in Ioannem. Si quis esuat, ad hunc fontem S. Eucharistiæ se conferat & recreabitur. Mundat squalorem & sordes, æstus mitigat, non solares, sed quos ignita sagitta imprimunt. Etenim ortum suum superne habet, inde radicem unde irrigatur. C. hom. 46.

III. Virilitas. Valet ad coercendos prauos animi motus & perturbationes. Vnde S. Ambrosius sic orat in prima precatatione ad Missam. Rex virtutum, castitatis & integritatis amator Deus cœlesti rore benedictionis tue extingue in corpore meo totum fomitem ardentem libidinis ut maneat in me tenor totius castitatis anime & corporis. Mortifica in me carnis stimulos, & omnes libidinis commotiones, & da mihi veram & perpetuam castitatem cum ceteris donis tuis, ut sacrificium laudis casto corpore, & mundo corpore valeam tibi offerre B. Cyrill libro 4. in Ioannem Pias queso cogitationes suscipias, C. cap. 17.
studiosè, sanctèque viuas, & benedictione participes, qua, mihi crede, non mortem solum, verum etiam morbos omnes depellit. Sedat enim quum in nobis maneat Christus, sciuentem membrorum nostrorum legem, pietatem corroborat, perturbationes animi extinguit, nec in quibus sumus peccatis considerat, sed ægrotos curat, collisos redintegrat, & sicut pastor bonus, qui animam suam pro ouibus posuit, ab omni nos erigit. casu. Vnde Ioan. Cassi. collatione 22. docet Dominici corporis virtutem valere magnopere ad cauendas corporis pollutiones, aliasque dæmonum illusiones. C. c. 6.

IV. Virilitas, præseruat à lapsu in grauiora peccata. Hanc tradit S. Bernardus in sermone de baptismo in cœna Domini habito. Duo illud, Bern.
inquit, sacramentum operatur in nobis, ut videlicet & sensum minuat in minimis, & in grauioribus peccatis tollat omnino consensum. Si quis vestrum non tam sepe modo, non tam acerbos sentit iracundiæ motus, inuidiæ, luxuriæ, aut ceterorum huiusmodi, gratias agat corpori & sanguini Domini, quoniam virtus sacramenti operatur in eo, & gaudeat quod pessimum huius accedat ad sanitatem. Quo fit ut qui diutius à communione abstinent, facile in lethalia crimina labantur, ut bene obseruauit B. Cyrillus Alexandri- Cyr. c. 37.
nus libro in Ioannem tertio. Sciant, ait, baptizati homines, & diuine gratiæ participes facti, si rarius in Ecclesiam proficiantur, & longo temporum spatio propter simulatam religionem mysticè communicare Christo recusent ab æterna se vita procul depellere. Sed variè sunt diaboli multiplicesque ad decipiendum insidiæ. Nam primum ad viuendum turpiter inducit, acinde cum malis onerati fuerint, tunc abhorrere à Christi gloria persuadet, quæ possent à turpitudine voluptatis, quasi ab ebrietate reuocari. Et Chrysost. in priorem Ch. hom. 24.

ad Corinth. *Vt frigida ad Eucharistiam accessio periculosa est, ita nulla mystica illius cena participatio pestis est & interitus. Ipsa namq. mensa anima nostre vis est, nervi mentis, fiducia vinculum, spes, salus, lux & vita nostra.*

C. Hom. 45.

V. Utilitas. Valet ad expugnandas omnes tentationes Dæmonis, mundi & carnis. Vnde Chrysost. in Ioannem. *Hic mysticus sanguis dæmones procul pellit, angelos & angelorum Dominum ad nos allicit. Dæmones enim cum Dominicum sanguinem in nobis videt, in fugam vertuntur, angeli autem concurrunt. Hic sanguis effusus vniuersum abluat orbem terrarum. Et in psalmi. 22. verba. Parasti in conspectu meo mensam aduersus eos qui tribulant me. Ista mensa, inquit, agnoscitur altaris Domini consecratio. Qui sunt isti, qui nos tribulant? suggestiones inimici, exagitationes, cupiditates, voluptates, seculi honores. Isti tribulant, quia qui ita viuunt tribulationes carnis habent, sed veniunt ad mensam potentis considerantes ea, quæ apponuntur eis, accipere cum timore & tremore, & tribulationes efficiuntur consolationes. Auferuntur ea quæ sunt carnis, infunduntur ea quæ sunt spiritus, & ex mensa preparata proficiunt contra eos qui tribulant eos.*

Ioan. 6. 53.

Rom. 6. 23.

VI. Utilitas. Maiorem apud Deum gratiam conciliat. Si enim teste Christo, qui manducat eius carnem, & bibit eius sanguinem habet vitam æternam, multo magis habet gratiam. Gratia enim Dei ut loquitur Apostolus, *vita æterna est in Christo.* Vnde B. Cyprianus de cena Domini. *Panis hic azymus, cibus verus & sincerus per speciem & sacramentum nos tactu sanctificat, fide illuminat, veritate Christo conformat. Et sicut panis communis quem quotidie edimus, vitæ est corporis: ita panis iste super substantialis vitæ est animæ, & sanitas mentis. Deinde subiicit externos huius gratiæ fructus. Esurientes inquit, & sitientes iustitiam cum saturati fuerint, vide quid agant, intellige quæ loquantur, quam sancti odoris sit, quicquid illa eructat plenitudo: verba hominū, mores compositos, affectus pudicos, sensus pacificos illa interior sinceritas ubiq. diffundit, ita ut post odorem ista gratiæ huius comparticipes discurrent, mutuis ad inuicem affectionibus complectantur, & quibus unus est panis, unum est corpus, & omnium vnum cor & anima una vni Christo adherens, cætera omnia quasi fermentata respuens in vnius azymi sinceritate letatur. Nec mirum est tam gratiosos esse communionis Eucharistiæ effectus, cum à gratia nomenclaturam acceperit.*

VII. Utilitas. Vehementer accendit in amorem Dei, & ad ardua quæq. pro Christo perferenda. Qua de causa cum olim à Tyrannis fideles ad tormenta & eandem propter Christiani nominis confessionem vulgò raperentur: ne illi fortè dolorum acerbitate victi in salutem

cari

tari certamine succumberent, vetus in Ecclesia Catholica mos fuit, utiis ab Episcopis Dominici corporis & sanguinis sacramenta præberentur. Vnde S. Cyprianus epistola 54. *At verò nunc fortibus & vi-* C. 1. ep. 12.
uentibus communicatio à nobis danda est, ut quos excitamus & hortamur ad
prælium, non inermes & nudos relinquamus, sed protectione sanguinis &
corporis Christi muniamus, & cum ad hoc fiat Eucharistia, ut possit accipi-
entibus esse tutela, quos tutos contra aduersarium volumus, munimento Domi-
nice saturitatis armemus. Nam quo modo docemus, aut provocamus eos in con-
 fessione nominis sanguinem suum fundere, si eis militaturis Christi sanguinem
 denegamus? Et Chrysost. ad populum Antiochenum. Propterea Domi- Chr. hom. 11.
 nus, inquit, corpus suum in nos contemperavit, ut unum quid efficiamur tan-
 quam corpus capiti coaptatum: ardentem enim amantium hoc est. Tanquam
 leones igitur ignem spirantes ab illa mensa recedamus, facti diabolo terribiles,
 & caput nostrum mente reuoluentes, & charitatem, quam nobis exhibuit. Nā
 parentes quidem alijs sepe filios tradunt alendos: ego autem, inquit, non ita sed
 carnibus meis alo & me ipsum vobis appono, vos omnes generosos esse volens, &
 bonas vobis pretendens de futuris expectationes.

VIII. Utilitas, Magnam affert voluptatem & consolationem spi-
 ritus piè communicantibus. Vnde Ecclesia sic canit. *O quam suavis*
est Domine spiritus tuus, qui ut dulcedinem tuam in filios demonstrares pane
suavissimo de cælo præstato esurientes repleas bonis, fastidiosos diuites dimittens
inanes. Et. *Pinguis est panis Christi, & præbebit delicias regibus.*

Vnde Cyprianus. *Panis iste angelorum omne delectamentum habens vir-* C. loco cit.
tute mirifica, omnibus qui dignè & deuotè sumunt secundum suum desiderium
sapit, & amplius quam manna illuderem implet & satiat edentium appeti-
tus, & omnium carnalium saporum irritamenta, & omnium exuperat dulce-
dinum voluptates. Vide quo modo his qui Christi commemorant passionem in-
 tra sacra officia, quasi per quosdam canales de interioribus fontibus egrediantur
 torrentes, & super omnes delicias lachrymis nectareis anima delectetur, quan-
 tam suauitatem animæ inquirēt, ubi sit Deus suus suspiria contemplationis eli-
 ciant. Non illos imbres procellosæ tēpestatis deponunt, ros matutinus est de celesti-
 bus stillans, & quasi unctio spiritus mentem deliniens. Gemitus illos pietas ex-
 citat. Et infra. Hanc Dei gratiam recolens, qui de sacro calice bibit, amplius
 sitit, & ad Deum viuum erigens desiderium ita singulari fame illo uno appeti-
 tu tenetur, ut deinceps fellea peccatorum horreat pocula, & omnis sapor dele-
 ctamentorum carnalium sit ei quasi rancidum, radensq; palatum acuta mor-
 lacitatis acetum.

IX. Utilitas, Antidotum est præsentissimum ad perfectionem vitæ

Gal. 2. 26.
Galat. 6. 14.

Loc. cit.

Christianæ & religiosæ consequendam, quæ consistit in perfecta abnegatione sui, mortificatione passionum, & verò contemptu mundi, quam consecutus erat, qui dicere potuit. *Christo confixus sum cruci. Vivo autem iam non ego, vivit verò in me Christus.* Et. *Mihi absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo.*

Hunc fructum præclare sane idem Cyprianus annotavit. *Quam præclarus est, ait, calix iste, quàm religiosa est huius potus ebrietas, per quam excedimus Deo, & quæ retro sunt obliti ad anteriora extendimur, non habentes sensum huius mundi, sed diuitis purpurati delicias contemnentes cruci hæremus, sanguinem sugimus, & intra ipsa redemptoris nostri vulnera figimus linguam, quo interius exteriusq; rubricati à sapientibus huius sæculi iudicamur amentes, qui religionis huius abhorrentes mandatum usq; hodie retro abeunt, & à secretis diuinis omnium intra se mysteriorum continentibus summam diffugiunt, & recedunt. Qui manducat ex hoc pane, ultra non esurit: qui bibit, ultra non sitit, quoniam mysteriorum huius sic sufficit gratia, sic reficit intelligentia, ut cuiuscunque tanta rei innotuerit plenitudo, omnis consummationis sine inueto Christi baiulus ipsum ferat in pectore, ipsum gerat in mente, & omni tempore habitatori suo dicta & facta inubilatione consona laudes resonent, & gratiarum actiones decantent. Hæc ebrietas non accendit, sed extinguit peccatum: in hoc vino non est luxuria, nec mouetur ad ludum post hunc potum lasciuia. Cum sopiuit obliuio cuncta carnis ludibria, mira sunt, quæ sentit, magna quæ videt, inaudita quæ loquitur. Quem agnus iste Paschalis inhabitat cuius animam meri huius fortitudo hilaritate inexplicabili latificat & delectat. Huc usq; ille.*

Exo. 12. 11.

Reg. 19. 8.

Nic. 1. mu. 12.

Ch. lib. 6.

X. Vtilitas est, quod sit Viaticum nostræ peregrinationis, cuius rei duplex in veteri testamento typus præcessit. Primus Agni Paschalis, qui ut est in Exodo, manducabatur à ludæis habitum peregrinorum præ se ferentibus, cum baculis, calceis, &c. Quid autem est aliud Eucharistia, nisi viaticum peregrinantium ad veram ac cœlestem patriam? Alter fuit Eliæ prophætæ qui sub cinerice panis fortitudine, ut est in tertio Regum, ambulauit usque ad montem Dei Horeo, & fideles idcirco pascuntur sacra Eucharistia in Ecclesia, ut virtute illius roborati aliquando ad montem cœlestem ascendant. Quare in Concilio Nicæno aliisque iam olim mandatum est, ut nemini morti proximo hoc viaticum negetur. PAVLINVS certè in vita S. Ambrosii, scribit eum iam moriturum ab Honorato Vercellensi Episcopo diuinitus monito Eucharistiam tanquam viaticum accepisse. Chrysostomus verò in libris de Sacerdotio ita de hoc viatico scribit. *Quidam mihi narrauit, non ille quidem ab alio edoctus, sed dignus habitus, qui & id vidisset ipse.*

ipse & audisset, quod qui de hac vita migraturi sunt, si mysteriorum huiusmodi cum pura conscientia fuerint participes, spiritum efflaturi ab angelis, illorum corpora satellitum more stipantibus propter assumptum illud sacramentum hinc recta in cælum abducuntur.

C A P V T IV.

De frequentatione sacrae Communionis.

Q V A M V I S cuius tam multas eximiasq; utilitates expendenti proclive sit cogitare, cōsultissimam esse eiusdem communionis frequentationem: Quis enim rem ad æternam animæ salutem tam salutarem non velit creberrimè usurpare? operæ pretium tamen facturū videmur, si ostendamus hoc de iteranda sæpius communione consilium, etiam diuinæ Scripturæ, S. Patribus, & vetustissimæ Ecclesiæ Catholicæ consuetudini esse consentaneum. L O C V S Scripturæ est in Actorum Apostolicorum historia. Nam S. Lucas de primorum Christianorum à S. Petro Apostolo conuersorum more ita scribit. *Erant autem perseverantes in doctrina Apostolorum, & communicatione fractionis panis & orationibus.* S Y R V S interpres habet. In fractione Eucharistiæ. Et paulo post subiicit. *Quotidie quoq; perdurantes unanimiter in templo & frangentes circa domos panem sumebant cibum cum exultatione, & simplicitate cordis collaudantes Deum & habentes gratiam ad omnem plebem.* Syrus pro, *frangentes panem*, vertit, *frangentes munus benedictum*. Ac doctissimi quiq; de Eucharistia & hunc locum acceperunt. Pie huic consuetudini fidelium quotidie communicandi, deinde accessit præceptum summi Pontificis A N A C L E T I, in hæc verba, quæ apud Gratianum exstant. *Peracta consecratione omnes communicent, qui noluerint Ecclesiasticis carere liminibus.* Sic enim & Apostoli statuerunt, & sancta Romana tenet Ecclesia. Qua de causa diu in Ecclesia mos viguit, ut sacerdos peracto sacrificio, cum Eucharistiam sumpsisset, ut liquet ex Dionysio Arcopagita, ad populum præsentem conuersus his verbis ad sacramentam fideles inuitaret. *Venite fratres ad communionem.* Verum cum pietatis studium labentibus annis paulatim adeò refrixisset, ut raro ad communionem fideles accederent, sancitum est à S. Fabiano Pontifice & martyre, ut habes in eius epistola tertia ad Hilarium Episcopum, ut ter quotannis, Natali Domini, & Resurrectione, & Pentecoste omnes Eucharistiam sumerent, id quod postea à multis Conciliis, præsertim vero ab Agathensi primo confirmatum est. Ad extre-

Act. 1. 42.

C. Bar. in iuc. Ga.
gnæ. 18.G. De cons. d. 2.
c. peracta.

Can. 9. Apost.

D. de Eccl. h. c.
p. 2.De cons. d. 2. c.
et si non.

C. Lat. c. 27.

C. Trid. sess. 13.
can. 9. & sess. 21. c.
4. & can. 4.

Cyp. serm. 6.

De cons. d. 2.

A. C. 1.

Eodem ser. 18.

num autem re eo adducta, ut non modo salutaris illa præceptio seruaretur, sed in plures etiam annos S. Eucharistiæ communio differretur, decretum est in Lateranensi Synodo sub Innocentio III. celebrata, ut semel ad minus singulis annis in Pascha fideles omnes sacrum Domini corpus acciperent: qui verò id facere neglexissent, Ecclesiæ aditu prohiberentur. Quod decretum renouatum est in extrema Synodo Tridentina.

Quod verò admodum salutare & fructuosum sit sæpius per annū iterare dictam sacram Synaxin, omnes S. Patres & Theologi ad hoc usq; æuū constanter docuerunt. S. Ignatius martyr Apostolorum discipulus in epistola ad Ephesios. *Date, inquit, operam ut crebrius congregemini ad Eucharistiam, & gloriam Dei. Quando enim sæpius in idem locum conuenitis labefactantur vires Satana, & igitur illius ad peccatum iaculatrix resiliunt.* S. Iustinus Apologia 2. ad Antoninum Imperatorem. *Die qui solis dicitur omnes qui in oppidis, vel agris morantur unum in locum conueniunt, & c. conclusisq; precibus panis vinumq; & aqua offeruntur, tumque is qui primum locum tenet eodem modo preces, gratiarumq; actionem pro virili mittit, & iis que cum gratiarum actione consecrata sunt, unusquisq; participat.* S. Cyprianus de oratione Dominica, dum exponit verba illa. *Panem quotidianum da nobis hodie. Hunc, ait, panem dari nobis quotidie postulamus, ne qui in Christo sumus, & Eucharistiam quotidie ad cibum salutis accipimus, intercedente aliquo grauiore delicto, dum abstinenti & non communicantes à cælesti pane prohibemur, à Christi corpore separemur.* Vnde apparet vsum quotidianæ communionis in Africa usq; ad tempora Cypriani perdurasse. Certe & eius magister Terrullianus in libro de oratione, nomine panis quotidiani, intelligit Eucharistiam, vel Christum, cuius, inquit, corpus in pane censetur. S. Hilarius apud Gratianum. *Si non sunt tanta peccata, ut excommunicetur quis, non se debet à medicina corporis & sanguinis Domini separare. Vnde timendum est, ne diu abstractus à corpore Christi alienus remaneat à salute: qui peccare quieuerit, communicare non desinat.* S. Basiliius ad Cæsariam patritiam. *Communicare per singulos dies, & participare de sacro corpore & sanguine Christi pulchrum est, & valde utile, ipso manifeste dicente. Qui manducat carnem meam, & bibit meum sanguinem, habet vitam eternam. Quis enim ambigit, quæ frequens vite participatio nihil aliud sit, quam pluribus modis viuere? Nos idcirco quater singulis hebdomadis communicamus; in die Dominice, in quarto die hebdomada, in parasceue, & in Sabbatho, ac in aliis diebus, si qua memoria fuerit sancti alii cuius.*

S. Ambrosius libro quinto de Sacramentis. *Quare in oratione Dominica ait Panem nostrum? Panem quidem dixit, sed in se totum dixit, hoc est, substantiam.*

substantia
qui a
tem h
cavet
que v
num
dum
prosit
pere,
bat q
sent.

S.
dum
Hispan
mus, e
brenit
officia
dinem
sandi
quod
psalmi
& cum
Pam
suetud
probo
de die
acceda
ciat Ch
dum de
coris a
S. C.

sepenu
merari
sumpti
mo est q
munice
mundi
omnib
uestem

substantialem. Non iste panis est, qui vadit in corpus, sed ille panis vita aeterna, de verbis d. in. August. qui anima nostra substantiam fulcit. Ideo graece *ἐπιτοιον* dicitur. Latinus autem hunc panem quotidianum dixit, quem graeci dicunt aduenientem *τὴν ἐπιτοίαν* aduenientem diem. Ergo quod Latinus dixit, & quod Graecus, utriusque utile videtur. Graecus utrumque, vno sermone significauit, Latinus quotidianum dixit. Si quotidianus est panis, cur post annum illum sumis, quemadmodum graeci in Oriente facere consueuerunt? Accipe quotidie, quod quotidie tibi prodest. Sic viue, ut quotidie merearis accipere. Qui non meretur quotidie accipere, non meretur post annum accipere: quomodo Iob sanctus pro filiis suis offerebat quotidie sacrificium, ne forte aliquid, vel in corde, vel in sermone peccassent. Iob. 1. 5.

S. Hieronymus ad Lucinium. De Sabbatho quod quaeris, utrum ieiunandum sit, & de Eucharistia, an accipienda quotidie, quod Romana Ecclesia & Hispanica observare perhibentur, scripsit quidem & Hippolytus vir disertissimus, & carptim diuersi scriptores e variis auctoribus edidere. Sed ego illud te breuiter admonendum puto, traditiones Ecclesiasticas, praesertim qua fidei non officiant, ita observandas, ut à maioribus tradita sunt, nec aliorum consuetudinem, aliorum contrario more subverti. Nec tamen Manichei haereticos accusandi sunt, cum carnalis cibus praeferrere non debuerit spirituali. Eucharistiam quoque absque condemnatione nostri & pungente conscientia, semper accipere, & psalmistam audire dicentem. *Gustate & videte, quoniam suavis est Dominus,* Psalm. 33. 9. & cum eo canere. *Eruit auribus meis verbum bonum.* Et in Apologia ad Pf. 44. 1. Pammachium pro libris in Iovinianum scriptis. Scio Roma hanc esse consuetudinem, ut fideles semper Christi corpus accipiant: quod nec reprehendo, nec probo. Unusquisque in suo sensu abundet. sed ipsorum conscientiam conuenio, qui eodem die post coitum communicant. &c. Probet se unusquisque, & sic ad corpus Christi accedat: non quod dilata communionis unus dies, aut biduum sanctiorem efficiat Christianum, ut quod hodie non merui, cras vel perendie merear: sed quod dum doleo me non communicasse corpori Christi, abstineam me paulisper ab uxoris amplexu, ut amoris coniugis amorem Christi praeferam.

S. Chrysostomus in epistolam ad Ephesios. In aliis quidem temporibus Ch. hom. 3. saepe numero, neque cum mundi estis, acceditis, in Paschate vero, etiam si quid temerarium vobis sit commissum, nihilominus acceditis. O consuetudinem, o praesumptionem. Frustra habetur quotidiana oblatio, frustra stamus ad altare. Nemo est qui simul participet. Ista non ideo dico, ut simpliciter quomodocumque communicetis, sed ut dignos vos ipsos constituatis. Et paulo post. Sed vestibus es mundis? recumbe itaque & communica. Quotidie venit, ut discumbentes videat, omnibus loquitur, & nunc etiam in conscientia dicit. Amici, quomodo statis hic vestem nuptiarum non habentes? Et in epistol. ad Hebraeos. Id. hom. 17. Plurimi ex hoc sacrificio.

Call. c. 21.

A. epist. 118.

Luc. 20. 1.
Mat. 8. 8.

sacrificio semel accipiant in toto anno, alij bis, alij saepius. Ad omnes ergo nobis sermo est, non ad eos tantum qui hic sunt, sed etiam ad eos, qui in eremo sedent. Illi. n. semel in anno participatur: fortassis & post duos annos. Quid ergo est? quos magis acceptabimus? eosne qui semel, an eos qui saepius, an illos qui raro accipiunt? Neque illos qui semel, neque qui saepius, neque qui raro, sed eos qui cum uida conscientia, qui cum mundo corde, cum uita irreprehensibili, isti semper accedat. Qui uero tales non sunt, neque semel. Quid ita? quia iudicium sibi accipiunt, & damnationem & supplicium. Et paulo post Hec dicens, non ab una in anno perceptione vos ueto, sed uolo semper vos accedere, sanctis hac concessa sunt. Hoc etiam diaconus in sonat in illa hora sanctos vocans, & per hanc uocem uelut imaculas inspiciens. Sicut enim in grege, ubi multae quidem saluae sunt pecudes, multae autem scabie plene sunt, necesse est ut haec prohibeantur a sanis, sic etiam in Ecclesia. Iterum. Quando enim diaconus dicit Sancta sanctis hoc dicit. Siquis non est sanctus non accedat. Sanctum autem non mundatio peccati tantum facit, sed etiam praesentia spiritus, & bonorum operum opulencia. Ioann. Cassianus Chrysostomi discipulus, collatione 23. cum retulisset quosdam in monasteriis semel tantum communicare ex reuerentia Mallo, inquit, iustius est, ut cum hac cordis humilitate, qua credimus & fatemur illa sacrosancta mysteria nunquam pro merito nos posse contingere. singulis ea Dominicis diebus ob remedium nostrarum agnitudinum presumamus, quam ut uana persuasionem cordis elati, uel post annum dignos eorum participio nos esse credamus. S. Augustinus ad Ianuarium. Dixerit aliquis non quotidie accipiendam Eucharistiam, quaeseris quare? Quoniam, inquit, eligendi sunt dies, quibus purius homo continentiusque uiuit, quo ad tantum sacramentum dignius accedat. Qui enim manducauerit indignum iudicium sibi manducat & bibit. Alius contra, immo, inquit, si tanta est plaga peccati, atque impetus morbi, ut medicamenta talia differenda sint auctoritate Antistitis debet quisque ab altario remoueri ad agendam poenitentiam, & eadem auctoritate reconciliari. Hoc est enim indignum accipere, si eo tempore accipiat, quo debet agere poenitentiam, non ut arbitrio suo cum libet, uel auferat se communioni uel reddat. Caterum si peccata tanta non sunt, ut excommunicandus quisquam homo iudicetur, non se debet a quotidiana medicina Domini corporis separare. Rectius inter eos fortasse quisquam dirimit litem, qui monet, ut praecipue in Christi pace permaneant. Faciat autem unusquisque quod secundum fidem suam pie credit esse faciendum. Neuter enim eorum exhonorat corpus & sanguinem Domini, si saluberrimum sacramentum certatim honorare contendunt. Neque enim litigauerunt inter se, aut quisquam eorum se alteri preposuit, Zachaeus, & ille Centurio, cum alter eorum gaudens in domum suam suscepit Dominum, alter dicit. Non sum dignus, ut intres sub tectum meum, ambo saluatorem honorificantes diuerso, & quasi contrario modo, ambo peccatis miseri, ambo misericordiam

diam consecuti. Valet etiam ad hanc similitudinem, quod in primo populo vnicuique manna secundum propriam voluntatem in ore sapiebat, sic in ore cuiusque Christiani sacramentum illud quomodo sumatur estimandum. Nam & ille honorando non audet quotidie sumere, & ille honorando non audet ullo die pretermittere. Contemptum solum non vult cibus ille, sicut manna fastidium. Inde enim & Apostolus indignè dicit acceptum ab eis, qui hoc non discernebant à ceteris cibis veneratione singulariter debet. Continuo quippe cum dixisset, iudicium sibi manducat & bibit, addidit ut diceret, non diiudicans corpus Domini. Idem libro 2. de sermone Domini in monte. Panis quotidianus, aut pro ijs omnibus, (à Christo apud Lucam) dictus est, quæ huius vitæ necessitatem sustentant, aut pro sacramento corporis Christi, quod quotidie accipimus: aut pro spiritali cibo, de quo idem Dominus dicit. Operamini escam, quæ non corrumpitur. Et rursum. De sacramento autem corporis Domini, ut illi non moveant quæstionem, qui plurimi in Orientalibus partibus non quotidie cæne Dominicæ communicant, &c. unde probatur non hunc in illis partibus intelligi quotidianum panem. Et homil. 42 ex 50. Inteligitur hoc etiam valde bene. Panem nostrum quotidianum da nobis hodie, Eucharistiam tuam, quotidianum cibum. Norant enim fideles quid accipiant, & bonum est eis accipere panem quotidianum huic tempori necessarium. Pro se rogant, ut bona faciant, ut in bonitate, & fide & bona vita perseverent. Hoc optant, hoc orant, quia qui non perseverant in bona vita, separabuntur ab illo pane. Auctor libri de Ecclesiasticis dogmatibus in tomo 3. Augustini, quem multi volunt esse GENNADIUM, ita scribit. Quotidie Eucharistia communionem percipere, nec laudo. nec reprehendo. Omnibus tamen Dominicis diebus communicandum suadeo & hortor. sit amen mens sine affectu peccandi sit. Addam angelicum Doctorem, qui pro omnibus Scholæ Theologis quotquot à 300 annis ad hoc usque seculum vixere, sententiam pro pane angelorum, dixit quoties sumi queat, Ita enim scribit in tertia sua summæ Theologicæ parte. Circa usum Sacramenti Eucharistie duo possunt considerari. Vnum quidem ex parte huius sacramenti, cuius virtus est hominibus salutaris: & ideo utile est quotidie ipsum sumere, ut homo quotidie eius fructum percipiat. Vnde AMBROSIVS dixit in libro de sacramentis, Si quotiescunque effunditur sanguis Christi, in remissionem peccatorum effunditur, debet semper accipere: quia semper pecco, debet semper capere medicinam. Alio modo potest considerari ex parte sumentis, in quo requiritur, ut cum magna devotione & reuerentia ad hoc sacramentum accedat. Et ideo si aliquis se quotidie ad hoc paratum inueniat laudabile est, quod quotidie sumat. Vnde AUGUSTINVS cum dixisset. Accipe quotidie, ut quotidie tibi prodest, subiungit. Sic vino, ut quotidie merearis accipere. Sed quia multoties in pluribus hominum multa impedimenta huius devotionis occurrunt propter corporis indispositionem

Id. c. 12.

Luc. 11. 3.

Matth. 6. 11.

Ioan. 6. 27.

Tom. 10.

Gen. c. 53.

S. Thom. 3.

p. q. 82. a. 10.

Al. 4. c. 6.

A. serm. 28. de
verb. dom.

nem vel animæ, non est utile omnibus hominibus quotidie ad hoc sacramentum accedere, sed quotiescunque se ad illud homo inuenerit preparatum Vnde in libro de Ecclesiasticis dogmatibus dicitur. Quotidie Eucharistia communionem accipere, nec laudo, nec vitupero.

Fran. Suar. in 3.
p. disp. 69. q. 86. a.
2. scilicet 4.

Ex his omnibus liquet, primum S. Thomæ declarationem nihil discrepare ab veterum Patrum sententiis, deinde nullam certam legē de frequentatione huius sacramenti posse præscribi, sed pro discrimine Statuum, vt si quis religiosus sit, vel clericus, vel laicus, vel pro diuersitate morum id esse prudenti arbitrio definiendum. Secundum prudens autem iudicium, videtur sanè rarò alicui esse consulendum vt ordinaria consuetudine frequentius, (excipio sacerdotes) quis cōmunicet quam octauo quoque die, & festis maioribus, atque ita Doctores scholæ pleriq; omnes nunc sentiūt, & Ecclesiæ vsus confirmat. Nam hoc modo & prospectum est abundè fructui animarum, & ratio etiam habetur reuerentiæ tanto Sacramento debitæ. Tot siquidem sunt humanæ vitæ negotia & impedimenta, quæ animum distrahant, vt non possint homines quotidie cum præparatione congruenti accedere. Scripsit de hoc argumento ex nostris Patribus P. Christoph. Madridius libellum integrum, qui exstat.

CAPUT V.

De Preparatione ad sacram communionem.

1. Cor. 11. 29.

Ch. hom. 3.

3. quest. 172.

SEVCHARISTIÆ mysterium, vt ceteris sacramētis longissime præstat, ita meritò maiorem postulat præparationem, siue animi, siue corporis. Quod ad animum attinet, quoniam omnem intelligentiam humanam superat, postulat firmissimam FIDEM à cōmunicante, qua diiudicet, vt Apostolus loquitur in priore epist. ad Corinth. *corpus Domini*, hoc est panem cœlestem, à profano, substantiam corporis & sanguinis Christi sub speciebus panis & vini comprehendam à substantia corporea panis discernat, quod facit, si certissime credat sub accidentibus panis & vini, verè & realiter totum Christum Deum & hominem summi. Vnde Chrysost. in epist. ad Ephes. *Quotquot corpore Christi communicamus, quotquot sanguinem illius degustamus, cogitemus quod illius corpus & sanguinem gustamus, qui in cœlestibus sedet, qui ab angelis adoratur, qui proxime assistit immortalis Dei potentia.* Et ante eum S. Basil. declarat, quid Fidē eam gignere in nobis debeat. Nam in regulis breuioribus, quæstione

posita, *Quanto cum timore, quali ué cum animi persuasione corpus & sanguinem Christi communicemus.* respondet. *De timore quidem habemus Apostolum, qui dicit. Qui manducat & bibit indignè iudicium sibi manducat & bibit.* 1. Cor. 11. 29.
Luc. 22. 19.
Fidem autem faciunt verba Domini qui dixit. Hoc est corpus meum, quod pro vobis datur. hoc facite in meam commemorationem. Idem Damasc. lib. 4. orthodoxæ fidei c. 14.

II. Postulat PROBATIONEM. *Probet autem,* inquit S. Paulus, *se ipsum homo,* 1. Cor. 11. 28.
& sic de pane illo edat. Probet, id est accuratè discutiatur conscientia, num obnoxia sit alicui peccato lethali, quo indignus reddatur cōione & si deprehendat obnoxium, pœnitentiam agat. Quo sensu & illud accipiendum, q̄ proximè subiicitur. *Quod si nosmetipsos diiudicarem⁹,* hoc est per examen cōscientiæ reos ageremus, *non utiq̄ iudicemur,* h. e. damneremur à Domino. In quem locū scribens Theophylact, *Non aliū inquit Apostolus, tibi iudicē attribuo, verū te ipsum tibi ipsi commendo. Iudica igitur & explora conscientiam tuā, & sic accede. non quando fuerint ferie, sed quādo purum te ipsum ac dignum inueneris.* Et B. Ansel. ibidē. Nemo præsumat accedere indignus, sed homo, i. rationabiliter agens, probet, i. discutiatur & examinet, i. vitam suā consideret, an dignè possit accedere vel non. Indigne. n. manducat & bibit, qui vel aliq̄ graue peccatū, vel multa leuia cōmisit, & non confitetur ea priusquā ad cōionem accedat. Quod autem Paulus ibidem ēt verbo *diiudicandi* examen cōscientiæ intellexerit fuisse probamus ex SS. Patribus titulo *Conscientiæ examen.* cap. 1.

III. postulat Pœnitentiā, hoc est, contritionē, & confessionem de peccatis corā sacerdote factam, id. n. nomine probationis apud Apostolū significari cœcumenica Synodus Tridentina recenter declarauit Trid. sess. 13. c. 7.
his verbis. *Cōmunicare volenti reuocandum est in memoriam Apostoli præceptū. Probet se ipsum homo.* Ecclesiastica aut cōsuetudo declarat eam probationem necessariā esse, ut nullus sibi conscius mortalis peccati, quantūvis sibi contritus videatur, absq̄ præmissa sacramentali confessione ad S. Eucharistiam accedere debeat, quod à Christianis omnibus, ēt ab ijs sacerdotibus, quibus ex officio incubuerit celebrare, hac sancta Synodus perpetuo seruandum esse decreuit, modo nō desit illis copia Confessoris. Quæ declaratio consentanea est & S. Patrū dictis. Ita enim scribit S. Greg. in 1. lib. Reg. *Probet se ipsum homo: &c. Quid n. est hoc loco se probare, nisi euacuata peccatorū nequitia se probatū ad Domini cā mensam & puram exhibere? Qui ergo quotidie delinquimus, quotidie ad pœnitentiæ lanieta curramus, quia ipsa sola uirtus est, quæ euacuat, quod in ventre anima culpa coadunat.* G. lib. 2. c. 1.

Et Helychius Hieros in Leu. *Proberat aut se homo &c. Qualē probatio-* Hinc 26.
nē dicit? i. ut in corde mūdo atq̄ conscientia & pœnitentiā eorum quæ deliquit intendenti participetur sanctis ad ablationem peccatorum suorum. Et August. Ac 35.
libro

libro Ecclesiasticis dogmat. *Quem mortalia crimina post baptismum commissa premunt, hortor prius publica penitentia satisfacere, & ita sacerdotis iudicio reconciliatum communioni sociari, si vult non ad iudicium & condemnationem sui Eucharistiam percipere.*

Ch. hom. 30.
Hebdomas sancta.

Et Chrysost. in Genesin. *Quia in magnam hanc hebdomadam peruenimus Dei gratia, nunc maxime, & ieiunii cursus intendendus, & magis continuanda sunt preces, faciendaeq; diligens & pura peccatorum confessio, & in bonis operibus sedulitas, eleemosyna larga, aequitas, mansuetudo, alieq; virtutes, ut talibus ornati virtutibus, ubi in diem Domini venerimus, Domini liberalitate fruamur.* Deniq; exomologesi ante communionem non semel postulat B. Cyprianus in epistolis, ut epistola 10. 11. 12. & 75. editionis Pamelianæ, & libro de lapsis, ubi ait grauius delinquere sine exomologesi communicantes, quam qui Christum Dominum negarunt.

T. lib. 2.

Ch. hom. 27.

Quod ad Corpus attinet postulat sacra communio praeuium ieiunium. Vnde antiquissimus Tertullian. ad uxorem, sui xui morem indicans. *Non sciet, inquit, maritus, quid secretò ante omnem cibum gustes: & si sciuerit panem non illum credit esse, qui dicitur.* Et Chrysostomus in epistolam I. ad Corinthios. *Aequum est ante & post communionem ieiunare: oportet enim utroq; tempore continentem esse, sed maxime post acceptum spiritum: ante, ut dignus fias accipiendi, post ut non indignus videaris, qui acciperis.* Quid igitur? ieiunare oportet post eius acceptionem? non dico hoc, neq; cogo, licet bonum sit: tamen non compello, sed admonéo, ne in deliciis viuas ad saturitatem. Vnde in epistolam ad Hebræos scribens grauius inuehitur in eos qui post communionem Paschatis in pristinam vitæ intemperantiam recidunt. S. Augustinus ad Ianuarium ita scribit de hoc ieiunio. *Liquidò apparet, quando primum acceperunt discipuli corpus & sanguinem Domini, non eos accepisse ieiunos. nunquid tamen calamitandum est propterea vniuersæ Ecclesie, quod à ieiuniis semper acciuitur? Ex hoc enim placuit Spiritui sancto, ut in honorem tanti sacramenti in os Christiani prius Dominicum corpus intraret, quam exteri cibi. Nam ideo per vniuersum orbem mos iste seruatur.*

Ch. hom. 17.

A. ep. 118.

1. Reg. 21. 5.

1. Cor. 7. 5.

2. Postulat, ut qui matrimonio iuncti sunt, aliquot dies concubitu vxorum abstineant, Dauidis regis exemplo moniti, qui cum panes propositionis, ut est in sacra Regum historia, à sacerdote accepturus esset purum se, & pueros suos ab vxorum consuetudine tres ipsos dies esse professus est. Vnde Hieronymus in Apologia pro libris aduersus Iovinianum. *Paulus Apostolus dicit, quando coimus cum vxoribus, nos orare non posse.* (Nolite, inquit, fraudare inuicem, nisi forte ex consensu ad tempus, ut vacetis orationi.) *Si per coitum, quod minus est, impeditur,*

ditur, id est, orare, quanto plus quod maius est, id est, corpus Christi prohibetur accipere? Alia testimonia vide apud Gratianum 33. q. 4. & Magistrum sententiarum lib. 4. distinct. 32.

QVOD denique ad utrumq; & animam & corpus attinet, sunt & alie virtutes ad dignam communionem valde salutares. I. est HUMILITAS, quam in abiuentis Apostolorum pedibus, atq; adeo etiam ipsius Iudæ, ante porrectam communionem Christus declarauit, & vero etiam imitandam proposuit dicens. *Exemplum dedi vobis, ut quem-* Ioan. 13. 15.
admodum ego feci vobis, ita & vos faciatis. Deinde cum se totum Deum & hominem in ipsa institutione sacramenti ore corporis & animi sumendum dedit atq; etiã impiis licet in ligne sumendum permisit, quid est nisi ineffabilis humilitas? Vnde S. Augustinus in psalmum 32. *Notus, inquit,* A. conc. 1.
est Dominus noster Iesus Christus. In corpore & sanguine suo voluit esse salutem nostram. Vnde autem commendauit corpus & sanguinem suum? De humilitate sua. *Nisi n. esset humilis, nec manducaretur nec biberetur. Respice altitudinem ipsius.* In principio erat verbum, &c. Ecce cibum sempiternus, sed manducant angeli, manducant supernæ virtutes, manducant cælestes spiritus, & manducant, & saginantur, & integrum manet, quod eos satiat & l. tificat. Quis autem homo posset ad illud cibum? Quomodo ergo de ipsa paut nos sapientia Dei? quia verbum caro factum est, & habitauit in nobis. Videte ergo humilitatem, quia panem angelorum Psalm. 77. 24.
manducauit homo, ut scriptum est. *Panem cæli dedit eis.*

2. VI-TVS est, TIMOR & REVERENTIA. Quis enim non timeat audiens ex Apostolo indigne communicantem esse REVM corporis & sanguinis Domini æquæ ac ludam proditorem? ut exponit B. Theodoretus. Reuerentiæ exemplum præbuit Centurio Evangelicus. de quo ita Origenes in diuersos Euangelii locos. *Quando sanctum cibum illum, illudq; incorruptum accipis epulum, quando vite pane & poculo frueris, manducas & bibis corpus & sanguinem Domini, tunc Dominus sub tectum tuum ingreditur. Et tu ergo humilians te ipsum imitare hunc Centurionem & dicito. Domine non sum dignus, ut intres sub tectum meum.* Quod certe dictum nunc in communionem S. Eucharistiæ vniuersa usurpat Ecclesia, & quidem verè, cum enim nullus sit qui possit se dicere ab omni peccato immunem, non erit quoque vllus perfectè dignus hac communionem, ut bene docet Cassianus. Th. in c. 11. r. ad Corinth. Matth. 8. O. hom. 5. Cass. col. 3. c. 21.

2. DESIDERIUM ingens sumendi cibum illum cælestem, & ardens deuotio cum gaudio spirituali coniuncta cuius exemplum præbuit Zachæus in Christo recipiendo apud Lucam, ut indicauit supra S. AUGUSTINVS. Vnde S. CHRYSOST. in Matthæum. *Nemo igitur naufragus accedat, nemo remissus, sed excitati, incensi, ac feruentes omnes accedant. Nam si Iudei stantes, calceati, & baculos in manibus habentes cum festi-* A. ep. 118. Luc. 19. 11. Chabon. 53.

T. 14.

M. 66.

natione comedebant, quanto magis nobis vigilandum est? Et infra. Non videtis, quanta infantes animi alacritate mamillas arripiunt? qua pressione papilli infigunt labia? Non minore cupiditate nos quoque ad hanc mensam, & ad huius calicis spiritalem accedamus papillam: imò verò maiore desiderio, quasi lactentes pueri gratiam Christi sugamus unus sit nobis dolor, una maestitia sibi hoc alimento spiritali priuamur. Et S. Ioan Damascenus libro 4. orthodoxæ fidei. Accedamus desiderio ardenti manus in crucis modum formantes crucifixi corpus suscipiamus, & apponentes oculos & labia & frontem diuinum carbonem concipiamus, ut ignis in nobis desiderii co ex carbone ignitione cōburat peccata nostra, & illuminet corda nostra, & participatione diuini ignis igniamur & deificemur. Carbonem vidit Isaias, carbo autem simplex non est, sed vnitus igni. sic panis communionis non panis simplex est, sed vnitus diuinitati. **ATQVE** hæc sufficiant de Preparatione, quæ seruire quoque poterunt pro Mediis ad comparandam virtutem frequenter communicandi.

EXEMPLA

Miraculosa de indignè communicantibus.

1. Exemp.

SCYPRIANVS libro de lapsis refert 4. exempla. Primum de infantibus solebant enim infantes olim communicare. Parentes forte fugientes (scilicet persecutione) dum trepidi minus sibi consulunt sub nutricis alimento paruulam filiam reliquerunt, relictam nutrix detulit ad magistratum. Illi ei apud idolum, quo populus confluebat, quod carnem necdum posset edere per ætatem, panem mero mixtum, quod ramen & ipsum de immolatione pereuntium supererat, tradiderunt. Recepit filiam postmodum mater. Sed facinus puella commissum tam loqui & indicare non potuit, quam nec intelligere prius potuit, nec arcere. Ignoratio igitur obreptum est, ut sacrificantibus nobis eam secum mater inferret. Sed enim puella mixta cum sanctis, precibus nostræ & orationis impatiens, nunc ploratu concuti, nunc metis æstu cœpit fluctuabunda iactari. Vbi verò solemnibus adimpleris calicem diaconus offerre presentibus cœpit, & accipientibus ceteris locus eius aduenit, faciem suam paruula instinctu diuinæ maiestatis auertere, os labiis obturantibus premere, calicem recusare. Perstitit tamen diaconus, & reluctanti licet de sacramento calicis infudit. Tunc sequitur singultus & vomitus. In corpore atque ore violato Eucharistia permanere non potuit. Sanctificatus in Domini sanguine potus de pollutis visceribus erupit. tanta est potestas Domini, tanta maiestas. Hoc circa infantem.

AT vero

At verò ea quæ ætate prouecta, & in annis adultioribus constituta sacrificantibus nobis latenter obrepsit, non cibum, sed gladium sibi sumens, & velut quædam venena letalia inter fauces & pectus sanguinem admittens, angi, & anima exæstuante concludi postmodum coepit. Et pressuram non iam persecutionis, sed delicti sui passa, palpitans & tremens concidit. Impunitum diu non fuit, nec occultum dissimulatæ conscientia crimine: quæ sefellerat hominem, Deum sensit ultorem.

2. Exemp.

Et cum quædam arcam suam, in qua Domini sanctum fuit, manibus indignis tentasset aperire, igne inde surgente deterrita est, ne auderet attingere.

3. Exemp.

Et alius, qui & ipse maculatus, sacrificio à sacerdote celebrato, partem cum ceteris ausus est latenter accipere, sanctum Domini edere & contrectare non potuit: cinerem ferre se apertis manibus inuenit. Documento vnius ostensum est, Dominum recedere, cum negatur, nec immerentibus ad salutem prodesse quod sumitur, quando gratia salutaris in cinerem sanctitate fugiente mutetur. Quam multi quotidie poenitentiam non agentes nec delicti sui conscientiam confitentes immundis spiritibus adimplentur: quam multi usque ad insaniam mentis ex cordes dementiæ furore quatiuntur? Hucusque Beat. Cyprianus.

4. Exemp.

GVILIELM. Abbas in vita S. Bernardi. Agebatur, inquit, solemnitas. Guil. lib. 2. cap. 4. quædam præcipua, & frater aliquis, quem pro secreta culpa ab altaris sacri communione suspenderat, notari timens, & ruborem non sustinens, ad manum eius cum ceteris nimium præsumptuosus accessit. Intuitus autem eum, quoniam causa latens erat, repellere hominem noluit, sed intimo corde orabat Deum, ut de tanta præsumptione melius aliquid ordinaret. Itaque sumens homo Eucharistiam, non poterat ad interiora traicere & diu multumque conatus, cum nullo modo prævaleret, anxius & tremebundus clausam ore seruabat. Expleta denique hora orationis patrem sanctum traxit in partem, cuius pedibus aduolatus cum multis ei lacrymis quod patiebatur aperuit, & aperto ore ipsam quoque Eucharistiam ostendebat. Increpans autem eum confitentem absoluit, & sine difficultate recepit Dominica sacramenta.

.F.

F A M A B O N A.

C A P V T I.

Quid nomine Fama bona intelligatur.

Virg. 1 Aenid.
Id. 4. Aen.

Hier. ep. 131.

P. serm. 71.

A. lib. 3. c. 9.

Ier. 17. 6.

Prot. 10. 4.

FA M A vocabulo Latini Scriptores, intelligunt quicquid de aliquo sermone hominum diuulgatur, siue in bonam, siue malam partem. In bonam, ut cum Poeta ait. *Fama super aethera notus.* In malam ut cum idem. *Fama malum, quo non aliud velocius ullum.* Vnde cum fama tempore Tertulliani falso vulgatum esset Christianos carne humana velci, sic ipse respondet aduersus gentes. *Natura fama omnibus nota est vestrum. Est fama malum, quo non aliud velocius ullum.* Cur ea malum: quia velox: quia index: an quia plurimum mendax: quae ne tunc quidem, quam aliquid veri affert, sine mendacij vitio est, detrahens, adiciens, demutans de veritate. Quid, quod ea illi conditio est, ut non nisi, cum mentitur, perseueret, & tamdiu viuit, quamdiu non probat. Siquidem ubi probauit cessat esse, & quasi officio nunciandi functa rem tradit, exinde res tenetur, res nominatur. Nec quisquam dicit, verbi gratia, fama est hoc Roma factum aut fama est illum provinciam sortitum: sed sortitus est ille provinciam, & hoc factum Roma. Et S. Hieronymus Rufino de iudicio Salomonis. *Multum in utramque partem crebro fama mentitur, & tam de bonis mala, quam de malis bona falso rumore concelebrat.*

Nos de bona tantum fama loquimur, quae etsi virtus per se non sit ex virtute tamen originem habere debet, teste S. Bernardo in Cantica. *Quod, inquit, de corde puro, & conscientia egreditur bona candidum est, & est virtus.* Si autem bona fama secuta fuerit, & lilium est, quippe cui nec candor lilij desit, nec odor. *Quod si in conscientia nauis fuerit, nec quod ex ea prodierit carclit nauo.* Nam si radix in vitio, & ramus. Nec n. fama valebit vendicare virtuti quod esse virtutum conuicerit conscientia. Et Augustinus contra Cresconium Grammaticum, qui dicebat bonam famam ministri mali baptismi, ad sanctificationem sufficere. *Si, inquit, maledictus est qui spem suam ponit in homine, quanto magis, qui spem suam ponit in falsitate opinionis humane, & in illud aliud incidat, quod scriptum est, qui fidit in falsis, hic pascit ventos, id est, sit esca spiritibus malis.* Deinde bonitas

nititas famæ fidorum hominum, licet paucorum, testimonio esse roborata, ut docet S. Hieronymus in verba illa Salomonis. *Melius est nomen bonum, quam diuitia multe.* Nomen, ait, bonum dicit, non quod à turbis vulgi imperiti, sed quod à fidelium quamvis paucorum testimonio laudatur. Neg enim bonus habere nomen bonum refugit, sed bonis solum querebat laudari, qui ait. Si adhuc hominibus placerem, Christi seruus non essem. Nomen ergo bonum est nomen religionis, quod diuitijs mundialibus iure praefertur.

Prou. 22. 1.

Gal. 2. 20.

C A P V T II.

De praestantia & fructibus bonæ famæ.

ET s i ex B. Hieronymi expositione iam allata satis appareat bonæ famæ praestantia, eam tamen adauget, quod idem Sapiens mox subiungit. *Super aurum & argentum gratia bona.* Illam enim significat, ait Hieronymus, gratiam cum quis pro bono opere laudatur à bonis, imò pro collatis ei donis meritorum glorificatur pater qui in cælis est. Eandem sententiam habet illud Ecclesiastæ. *Melius est nomen bonum, quam unguentum pretiosa.* Chaldaeus Paraphrastes addit, quibus ungebantur capita Regum & sacerdotum.

Prou. 22. 1.

Eccl. 7. 2.

S. Basilius oratione in S. Gordium. *Quemadmodum, inquit, suauia aromatum odora menta proprium quiddam per aerem continentem spirant, quibus praesentes recreantur: ita vir bonus toti sibi commorantium contubernio salutaris & incundus est.* Et Ecclesiasticus ait. *Curam habe de bono nomine,* hoc enim magis permanebit tibi, quam mille thesauri pretiosi & magni. *Bona vita numerus dierum, bonum autem nomen permanebit in æuum.* Quibus extremis verbis indicat Sapiens. Bonam vitam ex virtute actam licet brevis sit temporis, immortale & perpetuum nomen parere. At diuitiæ & thesauri corruptibiles sunt, multisque pereunt modis, & morientem minimè sequuntur. Vnde bene CATO monuit. *Omnia si perdas famam serua rememento.* & Plautus in Mostellaria. *Ego si bonam famam seruasse, sat ero diues.* Accedit, quod si in Republica aliqua nomen & famam obtinuisse apud homines præclarior est & melius quàm multas cõsecuti esse opes, multo magis diuitijs anteferendum sit, si quis apud Deum & Sanctos bonum nomen obtinuerit. Addam vnum locum ex S. Hieronymo, unde bonæ famæ praestantiam intelligas. Nā ad Principiam S. Marcellæ viduæ Epitaphium scribens. *Difficile est, inquit, in maledica ciuitate, & in vrbe, in qua orbis quondam populus fuit, palmas, virtutum, si honestis detraberent, & pura ac munda macularent, non aliquam si-*

Eccl. 41. 15.

H. ep. 16.

Psal. 118. 1.

Matt. 5. 25.

Prou. 15. 30.

Quid 4. de Pon-
to eleg. 2.

B. serm. 71.

C. ep. 74.

2. Cor. 2. 14.

sinistri rumoris fabulam contrahere. Vnde quasi rem difficillimam, & penè impossibilem optat propheta, potius quam presumit, dicens: Beati immaculati in via, qui ambulant in lege Domini. Immaculatos in via huius seculi appellat, quos nulla obsceni rumoris aura macularit, qui opprobrium non acceperint aduersus proximos suos, de quibus Saluator in Euangelio. Esto, inquit, beneuolus, siue bene sentiens de aduersario tuo, dum es in via cum illo.

INTER fructus primus sit, quem Salomon famæ bonæ tribuit in suis Prouerbiis. *Lux oculorum, inquit, latificat animam, fama bona impinguat ossa, hoc est, magis magisque excitat ad solidum virtutis studium iuxta illud Poetæ.*

*Excitat auditor studium, laudatque virtus
Crescit, & immensum gloria calcar habet.*

2. Fructus, quod nihil æquè hominem prouehat ad honores & dignitates, atque existimatio bona ex virtutum studio conciliata, contra verò nihil æquè etiam optimos viros de excelso gradu præcipientes agit, quam nota infamiæ, quantumuis à maleuolis iniquè aspersa, ut G. ora. in Cæsar. obseruauit S. Gregorius Nazianzenus. *Artis, inquit de fratre suo Cæsario Imperatoris Medico, beneficium proceribus gratuitum proposuit, non ignarus nihilesse, quod hominem ad altiores honorum gradus prouehat, quàm virtus & fama honestis rationibus collecta. Et in epistola ad Vitalianum filiorum eius nomine scriptam. Atque, ut nulla omnino culpa ipsius, (patris) sit, graue tamen est sinistra fama laborare, quæ bonos etiam viros sæpè perculit, humique prostrauit. Tametsi enim plerisque rei veritas nota sit, plerique tamen opinionem hominum spectant. Id quod etiam atque etiam ut consideres monea.*

3. Fructus est, quod virtutes ex quibus orta est reddat illustriores, ut docet S. BERNARDVS in Cantica. *Virtus, inquit, etsi non propterea maior, hoc est, propter bonam famam, pulchrior tamen illustriorque efficitur.*

4. Est, quod latissimè instar lucis spargatur. Vnde S. Gregorius Romanus, ad Gaudiosum. *Sicut læcerne lumen per collimitantia quæque quo lucet loca diffunditur, ita cuiuslibet personæ bonorum actuum probitas, non solum quo degit, sed per diuersas prouincias fama loquente cognoscitur: ut quoniam præsentie nulla potest esse notitia, hoc discursus opinionis efficiat, quod rei veritas per præsentiam poterat exhibere. Et S. Paulus in altera ad Corinthios typo boni odoris vitæ Christianorum hunc fructum ob oculos ponit his verbis. Deo autem gratias, qui semper triumphat.*

phat nos in Christo Iesu, & odorem notitia sua manifestat per nos in omni loco, quia Christi bonus odor sumus Deo in iis qui salui fiunt.

Quæ tra ctans Hieronymus ad Hedibiam quæst. vñdecima. Est H. ep. 150. sensus, ait, Nominis Christi in omni loco bonus odor sumus Deo, & prædicationis nostræ longè lateq. spirat fragrantia. Agit autem gratias Deo in Christo Iesu, quem gentibus prædicabat, quod dignum se elegerit, in quo ageret triumphum filij sui. Triumphus Dei est passio Martyrum, & pro Christi nomine crucoris effusio, & inter torment a latititia. Cum enim quis viderit tanta perseverantia stare martyres atq. torqueri, & in suis cruciatibus gloriari, odor notitia Dei disseminatur in gentes, & subit tacita cogitatio, quod nisi verum esset Euangelium nunquam sanguine defenderetur.

DICES, ibidem à Paulo bono odori vel famæ, tribui contrarium effectum, nempe quod mortem, hoc est, damnationem aliis conscuerit, nam ait. Christi bonus odor sumus Deo in iis qui salui fiunt, & in iis qui pereunt: aliis quidem odor mortis in mortem, alijs autem odor vitæ in vitam. Respondet Hieron. quia homines suo arbitrio derelicti sunt, neq. enim bonum necessitate faciunt, sed voluntate, ut credentes coronam accipiant, increduli supplicijs mancipientur, ideo odor noster qui per se bonus est virtute eorum & vitio, qui suscipiunt, siue non suscipiunt, in vitam transit aut mortem: ut qui crediderint salui fiant: qui vero non crediderint pereant. Nec hoc mirandum de Apostolo, cum etiam de Domino legerimus. Ecce hic positus est in ruinam & Luc. 2. in resurrectionem multorum in Israhel, & in signum cui contradicitur: Solis-que radios tam munda loca excipiant, quàm immunda, & sic in floribus, quomodo in stercore luceant, nec tamen solis radij polluantur Sic & Christi bonus odor, qui nunquam mutari potest, nec suam naturam amittere, credentibus vita est, incredulis mors. Mors autem non ista communis, qua cum bestiis morimur & iumentis sed illa, de qua scriptum est. Anima qua peccauerit ipsa morietur. Eodem modo S. August. respondet in psalmum 44. Saluum, ait, fieri hominem bono odore non est improbable, nec incredibile: perire autem hominem bono odore, quæ ratio est? Ut noueritis, quia difficile capitur, statim subiecit. Et ad hæc quis idoneus? Quis intelligat homines mori bono odore? Tamen aliquid dicam fratres. Ecce ipse Paulus prædicabat Euangelium: multi illum amabant prædicatorem Euangelii multi illi inuidebant. Qui illum amabant bono odore saluabantur, qui illi inuidebant bono odore periebant; ideo & pereuntibus non malus odor, sed bonus odor.

* *

*Quod homo teneatur habere rationem
bonae fama.*

Panar. v. Exem-
plum.
Ecclesi. 41. 15.
Hep. 11.

Rom. 12. 17.

2. Cor. 8. 12.
Hep. 4.

Phil. 2. 15.

Rom. 12. 17.
1. Cor. 10. 32.

DVPLICI ex capite tenetur homo rationem habere suae bonae fama. Semel, quia tenetur dare operam virtuti, ex qua sola, ut diximus, oritur bonitas fama nostrae. Iterum, quia tenetur non dare scandalum proximo, sed bonum exemplum, ut alibi ex Scripturis & S. Patribus probauimus. Deinde supra praecepit Syracides, ut curam haberemus de bono nomine. Nec non prisci Patres diserte ita docent, & ex sacris literis probant. Hieronym. ad Ageruchiam, de monogamia. Fuge personas, in quibus potest mala conuersationis esse suspicio: nec paratum habeas illud trinitio. Sufficit mihi conscientia mea non curo, quid de me loquantur homines. Et certe Apostolus providebat bona, non tantum coram Deo, sed etiam coram hominibus, ne per illum nomen Dei blasphemaretur in gentibus. Habebat utique potestatem Sororem mulierem circumducendi, sed nolebat se indicari ab infideli conscientia, & c. Si scandalizat, inquit, esca fratrem, in aeternum carnem non manducabo. Et ad Celantiam, de ratione pie viuendi. Apostolici verò praecepti & exempli est, ut habeamus rationem non conscientiae tantum sed etiam fama. Non superfluum & à fructu vacuum gentium magister hoc docet. Vult enim etiam extraneos ad fidem homines, per fidelium opera proficere, ut religionem ipsam religionis disciplina commendet. Et ideo sicut luminaria in mundo lucere nos iubet in medio nationis pravae & peruersae, ut incredula mentes errantium ex nostrorum actuum lumine ignorantiae suae tenebras deprehendant. Vnde ipse ad Romanos ait. Providebunt bona non solum coram Deo, sed etiam coram hominibus. Et alibi. Sine offensione estote iudeis & gentibus, & Ecclesiae Dei, sicut ego per omnia omnibus placeo non quaerens, quod mihi utile est, sed quod melius. Beatus est, qui tam sanctè, tamque grauius obrectatorum libidinem pugnat meriti magnitudo, nec fingere quisquam ausus est, quod à nullo putat esse credendum. Quia verò fieri potest, hominem quantumuis pie viuentem obrui detractorum calumniis, subicit Hieronym. Si autem nobis diligenter atque solícite omnia ad honestatem providebunt, cunctisque actibus nostris timorem Dei praeferebunt illi nihilominus insaniunt, consoletur nos conscientia nostra, quae tunc maxime tuta est, tunc optimè secuta est, cum ne occasionem quidem malè de se sentiendi dedit. Illi enim ut dicitur per prophetam, qui dicunt quod bonum est malum, qui lucem appellant tenebras, & quod dulce est amarum vocant. Haud secus docet S.

Augu.

Augustinus lib. de bono Viduitatis In omnibus sane, inquit, spirit alibus
 delicijs, quibus fruuntur innupta. sancta earum conuersatio cauta etiam debet
 esse, ne forte cum mala vita non sit per lasciuia, mala sit fama per negligentiam. Ila. 5. 20.
A. c. 22.
 Nec audiendi sunt, siue viri sancti, siue feminae, quando reprehensa in aliquo negligentia sua, per quam sit ut in malam veniat suspicionem, unde suam etiam longe abesse sciunt, dicunt sibi coram Deo sufficere conscientiam, existimationem hominum non imprudenter solum, sed etiam crudeliter contemntes, cum occidunt animas aliorum siue blasphemantium viam Dei, quibus secundum suam suspicionem quasi turpis, quae casta est, displicet vita sanctorum: siue etiam cum excusatione imitantium, non quod vident, sed quod putant. Proinde quisquis à criminibus flagitiorum atque facinorum vitam suam custodit sibi bene facit: quisquis autem etiam famam, & in alios misericors est. Nobis enim necessaria est vita nostra, alijs fama nostra, & utique etiam, quod alijs ministramus misericorditer ad salutem, ad nostram quoque redundat utilitatem. Unde non frustra Apostolus. Prouidemus, inquit, bona non solum coram Deo, verum etiam coram hominibus. Item dicit. Placete omnibus per omnia. sicut & ego omnibus per omnia placeo, non querens, quod mihi utile est, sed quod multis, ut salui fiant. In quadam etiam exhortatione dicit. Decetero fratres, quacunque sancta, quaecunque iusta, quaecunque iusta, quaecunque casta, quaecunque charissima, quaecunque bona fama, si qua virtus, si qua laus, haec cogitate, quae & didicistis, & accepistis, & vidistis in me. Cernis, quemadmodum inter multa, quae exhortando commouit, non neglexit ponere, quaecunque bona fama, duobusque verbis cuncta conclusit, ubi ait. Si qua virtus si qua laus. Ad virtutem namque pertinent, quae ante a memoravi bona fama vero ad laudem Deinde subdit. SED quoniam quantalibet humana cautela suspensiones maleuolentissimas non potest omni ex parte vitare, ubi pro existimatione nostra, quicquid recte possumus, fecerimus si aliqui de nobis vel male fingendo: vel male credendo famam nostram decolorare conantur, assit conscientiae solatium, planeque etiam gaudium, quod merces nostra magna est in caelis, etiam cum dicunt homines multa mala de nobis pie tamen iusteq; viuentibus: illa enim merces tanquam stipendium est militantium per arma iustitiae non solum dextra, verum etiam sinistra, per gloriam scilicet & ignobilitatem, per infamiam & bonam famam. Huc usque Augustinus. Non ignari huius doctrinae fuerunt Scriptores Ethnici. Nam Plato libro 12. de Legibus cauet, ne quis unquam parui faciat, probusne aliis videatur, an improbus Et M. Tullius li. 1. de offic. Negligere, ait, quid de se quisque sentiat, non solum arrogantis est, sed etiam omnino dissoluti. Et tertio de Finibus. Est hominis ingenui, & liberaliter educati, velle bene audire a parentibus, a propinquis, a bonis etiam viris: & futura post mortem fama, etiam detracto usu, consulendum est. Rom. 12. 17.
1. Cor. 10. 33.
Phil. 4. 8.
1. Cor. 6. 8.
Cicero.

C A P V T IV.

De Medijs quibus bona fama colligi, & conseruari queat.

PRIMUM Medium, & quidem efficacissimum sunt bona opera, & vitæ piæ sanctæq; acta, quo medio sanctus sanctorum, Deipara Virgo, Apostoli, Martyres sanctiq; omnes famam & existimationem sanctitatis in tota Ecclesia obtinuerunt. Virtutem enim, non secus atq; umbra corpus sequitur bona fama, honor & gloria. Vnde Christus Dominus, cum dixisset Apostolis. *Sic luceat lux vestra coram hominibus, ut videant opera vestra bona*, adiunxit, *ut glorificent patrem vestrum qui in cælis est.* Et B. Paulus. *Gloria & honor & pax omni operanti bonum.* Et, *Sitis sine querela, & simplices filii Dei, sine reprehensione in medio nationis prauæ & peruersæ, inter quos lucetis sicut luminaria in mundo.* id est celebres estis propter bona opera. Et iterum. *Oportet autem illum (Episcopum) & testimonium habere bonum ab iis qui foris sunt.* Deinde S. Petrus. *Conuersationem vestram inter gentes habentes bonam, ut in eo quod detractant de vobis tanquã de malefactoribus, ex bonis operibus vos considerantes glorificent Deum in die visitationis.* Et S. IACOBVS. *Quis Sapiens & disciplinatus inter vos? ostendat ex bona conuersatione operationem suam in mansuetudine sapientie.*

Idem docuere S. Patres. Sic enim scribit S. GREGORIUS libro 14. Moralium. *Sicut bonus odor ex virtute est, Paulo attestante, qui ait, odorem notitiæ suæ manifestat per nos in omni loco, quia Christi bonus odor sumus Deo, ita è contrario factor ex vitio.*

Et S. AVGVSTINVS libro tertio de doctrina Christiana. *Odor bonus fama bona est, quam quisquis bona vitæ operibus habuerit, dum vestigia Christi sequitur, quasi pedes eius pretiosissimo odore perfundit.* Alludit ad Mariam Magdalenam, quæ opere eximio famam sibi peperit immortalem: nam, ut refert B. Matthæus, cum alabastrum vnguenti pretiosi in caput Christi effudisset, eaq; de causa Iudas cum sociis obmurmurasset, Christus dixit. *Quid molesti estis huic mulier? opus enim bonum operata est in me. & mox, ut ostenderet, quam gloriosam famam eo opere meruisset, subiunxit. Amen dico vobis, ubicunq; predicatum fuerit hoc Euangelium in toto mundo, dicetur & quod hac fecit in memoriam eius.* Sic exponit hoc factum Origenes homilia prima in Cantica, & Augustinus in psalmum 21.

Hoc

Hoc medium, quia naturæ & rationi consentaneum est, non potuit esse ignorum Ethnicorum Sapientibus. Nam, auctore Plutarcho, Agesilaus rex rogatus, qua ratione potissimum quis assequi posset, ut apud homines honestam haberet famam. Si loquatur, inquit, quæ sunt optima, & faciat quæ sunt honestissima. Quid dici poterat breuius? Et SOCRATES, teste VALERIO Maximo, humanæ sapientiæ quasi quoddam terrestre oraculum, expedita & compendiaria via eos ad gloriam peruenire dicebat, qui id agerent, ut quales videri vellent tales etiam essent. Qua quidem prædicatione aperte monebat, ut homines ipsam potius virtutem, quam umbram eius consecrarentur. EPICTETVS quoque, ut refert Stobæus, interrogatus quo pacto quis honestam famam assequi posset: Respondit, si vis bene audire, discito bene loqui, & cum bene loqui didiceris, recte facere conator, & hoc modo bonam famam acquires. Denique Ouidius

A. præfat. 2. exposit.

P. in Lacon. apoph.

V. lib. 7. cap. 2.

St. ser. 4. de Temp.

*Fama manet facti, posito velamine currunt.
Et memorem famam, qui bene gessit, habet.*

II. Medium ad famam bonam obtinendam, retinendam ué necessarium est, cauere omnes occasiones scandalorum, vel prauarum suspicionum, iuxta illud Christi. *Si oculus tuus scandalizat te erue eum, & proice abs te.* Et Apostoli. *Nemini dantes ullam offensionem, ut non vituperetur ministerium nostrum.* Exempli causa est clericus, is si famam obtinere, vel retinere bonam velit, non commoretur cum femina, etiam si nullum putet esse periculum lapsus. Ita enim scribit S. Bernardus in Cantica. *Cum femina semper esse & non cognoscere feminam, nonne plus est, quàm mortuū suscitare? Quod mirus est, non potes, & quod maius est vis credā tibi? Quotidie latus tuū ad lat. iuuenula est in mensa, lectus tuus ad lectū eius in camera, oculi tui ad illius oculos in colloquio, manus tuæ ad manus ipsius in opere, & continens vis putari? Esto ut sis, sed ego suspicione non careo. Scandalo mibi es, tolle scandali causam, &c.* Plura de hac re in Panario.

Matth. 5. 29.

2. Cor. 6. 3.

B. serm. 64.

V. Exemplum prauum, & Mulierum commoratio cum clericis.

III. Est Testimoniū fide dignorum hominū de virtute, vel vita inculpate acta datū. Vnde Apostolus Paulus, ne forte aliquis infamiae nota aspersus in Episcopatum irrueret, voluit Episcopū esse irreprehensibilem, ac ēt testimoniū inculpate vitæ habere ab iis qui foris sunt, id est, gentilibus. Et S. Ioannes epistola tertia ad Gaïum. *Gaïus sum, inquit, valde venientibus fratribus, & testimonium præbentibus veritati tue, sicut tu in veritate ambulas.* Et infra. *Demetrio testimonium redditur ab omnibus, & ab ipsa veritate, sed & nos testimonium perhibemus, & nos si quoniam*

1. Tim. 3. 7.

testim.

Matt. 11. 21.

Heb. 11. 31. 32.

testimonium nostrum verum est. Sic de fama sanctitatis Ioan. Baptistæ non dubitamus, quia Christus palam testatus est inter natos mulierum eo non surrexisse maiorem. Sic de Sampsonis, Iephthæ, Raab meretricis sanctitate non dubitamus, quia eos S. Paulus in catalogum Sanctorum retulit. Sic nec de aliorum Sanctorum vita sancta ambigimus, quorum vita vel à Scriptoribus sanctitate & doctrina clavis conscripta est, ut S. Antonio ab Athanasio Pauli eremitæ ab Hieronymo, vel ab Ecclesia publicè colitur & commendatur. Nec aliam fere nunc homines eluendæ notæ infantiæ, si quæ contracta est, aut contrahenda formidatur rationem meliorem habent, quam ut fide dignorum hominum, quibus cum vixerunt, testimoniis, innocentiam suam tucantur.

F A M I L I A R I T A S

cum Deo.

C A P V T I.

De duplici familiaritate vel amicitia cum Deo.

Sap. 7. 14.

1. Cor. 1. 9.

1. Ioan. 1. 3.

FAMILIARITAS, vel quod idem est, Amicitia cum Deo duplex in diuinis Scripturis reperitur. Altera, omnibus iustis in gratia Dei constitutis communis. de qua intelligitur illud Sapientis. *In finibus thesaurus est hominibus: quo qui usi sunt, participes facti sunt amicitia Dei, propter disciplina dona commendati.* Et illud Apostoli Pauli. *Fidelis Deus, per quem vocati estis in societatem filij eius Iesu Christi Domini nostri.* ac B. Ioannis Apostoli. *Quod vidimus & audiimus, annunciamus vobis, ut & vos societatem habeatis nobiscum, & societas nostra sit cum Patre, & cum Filio eius Iesu Christo.*

Isa. 41. 8.

Iud. 8. 21.

Iac. 1. 23.

Exo. 33. 17.

1. Reg. 13. 14.

Psal. 8. 21.

Act. 13. 22.

ALTERA peculiaris, ad quam admissi sunt magni quidam sancti, peculiariter à Deo dilecti, quorum primus sit ABRAHAM, qui crebrius in Scripturis, *amicus Dei*, ut in Isaia, Iudith, & epistola Iacobi appellatur. 2. MOYSES, de quo dicitur in Exodo. *Loquebatur Dominus ad Moysen facie ad faciem, sicut solet loqui homo ad amicum suum.* 3. Rex Dauid *vir secundum cor Dei* in libris Regum, psalmis & Actis Apostolicis nominatus, qui fecerit omnes Dei voluntates, & dilexerit Deum, ut loquitur

quitur Ecclesiasticus, *qui fecit illum*. 4. MARIA DEI mater, quæ in Canticis Salomonis octies nouiellæ amica sponsi dicitur, & ab archangelo *gratia plena*, & Domino coniunctissima. 5. S. Ioan. Baptista quo, teste Christo, inter natos mulierum non surrexit maior. De quo, S. Ioannes Euangelista ait. *Amicus sponsi qui stat & audit eum, gaudio gaudet propter vocem sponsi*. Amicus sponsi Christi, erat ipse Baptista, qui gaudebat quod Christum Ecclesiæ sponsum videre audireq; meruisset. 6. CHRISTVS Dominus ipse, secundum humanitatem familiarissimus Dei patris amicus, quem & in Canticis sponsa, siue Ecclesia, siue Maria Virgo, vocat amicum, & dilectum suum. 6. discipuli Christi Apostoli de quibus ipse Magister. *Vos autem dixi amicos, quia omnia quacunque audivi à Patre meo, nota feci vobis*. 7. sit LAZARVS, nam eo mortuo Christus ad discipulos apud Ioannem dixit. *Lazarus amicus noster dormit* Deinde cum peruenisset ad sepulchrum lacrymatus est, unde ipsi Iudæi contecerunt Lazarum Christo imprimis charum fuisse, dicentes *Ecce quomodo amabat eum*.

Eccli. 47. 10.

Cant. 1. 2. 4. 5. 6

Luc. 1. 18

Mat. 17. 11.

Ioan. 3. 29.

Can. 6. 16.

Ioan. 15. 15.

Ioan. 11. 11.

CAPVT II.

*Cur nomenclatura amici DE Ioraculo diuino
nominatim Abrahæ Patriarchæ
tributa?*

CAVSÆ variæ dari possunt, cur Patriarchæ Abrahæ in primis nomen Amici Dei obtigerit. S. Iudith videtur tribuere eius constantiæ in ærumnis & afflictionibus. nam ait. *Memores esse debent* (presbyteri populi Dei) *quomodo Pater noster Abraham tentatus est. & per multas tribulationes probatus Dei amicus effectus est*. S. Iacobus Apostolus, cum B. Barfilio contra Eunomium, fidei eius excellenti operibus demonstratæ. Iac. 2. 23. Bas. lib. 5. Credidit, inquit, Abraham Deo, & reputatum est illi ad iustitiam, & amicus Dei appellatus est. Clemens Alexandrinus in Pædagogico refert in contemptum fortunarum. Apertissime, inquit, docet Dominus per Abraham, & patriam & cognatos, & possessiones, & omnes diuitias contemnere eum quia Deum sequitur, cum eum fecit aduenam. Et ideo eum appellauit amicum, ut qui suas facultates habuisset contemptui: erat enim honesto loco natus & valde diues. Et infra referre videtur in studium & industriam eius, verum Deum, veramq; religionem querentis, his verbis. *Alii verò sua sponte virtutem vel amplexi sunt vel quæserunt*.

Iud. 8. 22.

Iac. 2. 23.

Bas. lib. 5.

Cl. lib. 3. c. 2.

Ib. c. 8.

Hesiodus.

Optimus ille quidem est, qui percipit omnia per se.
Ipse est Abraham, qui DEVM quæsiuit.

Is bonus est rursus, qui pareret recta monenti.

T. cont. Iudæos

Hi sunt discipuli, qui verbo crediderunt. & ideo ille quidem appellatus est amicus: illi autem Apostoli. Eodē collimant ista verba prisce Tertul. Vnde Noe iustus inuentus, si non illum naturalis legis iustitia precedebat? Vnde Abraham amicus Dei deputatus, si non de equitate & iustitia legis naturalis? Certe CHRISTVS ipse nomen amici spopondit Apostolis, si leges suas præstarent. Vos amici mei estis, si feceritis, quæ ego præcipio vobis.

Ioan. 15. 14.

Cyr. l. 10. in Io.
c. 23.

S. CYRILLVS vero Alexandrinus causam huius appellationis reuocat ad eximiam Abrahamæ obedientiam in deferendo patrio solo declaratam, atq; in promptam immolationē filii. Quomodo autem, ait, amicus Dei credens appellatus est? Dictum ei fuit. Exeas de terra cognationeq; tua, & veni in terram, quam ego monstrabo tibi. Cumq; filium suum in figuram immolare Christi iuberetur, tunc intentionem Dei abditam docebatur. Obedientia ergo & immolatione amicitiam Dei consecutus est, & consilium eius in nouissimis temporibus futurum cognouit. DENIQUE S. Augustinus reuocat ad singularem coniunctionem animi cum Deo his verbis. Merito huius viri fidem commemorans Iacobus Apostolus, ait. Credidit Abraham Deo, & reputatum est illi ad iustitiam. & amicus Dei appellatus est. Amicos, ut nouimus, coniunctio animorum facit. Vnde quidam sapiens huius mundi ait: idem velle atq; nolle ea demum firma amicitia est. Ergo amicos, ut nouimus, coniunctio animorum facit. Quemadmodum iste sanctus animus coniunxerit Deo, ut eius amicus appellaretur, vultis nosse? Sicut enim Deus Pater unico filio suo non pepercit, sed pro nobis omnibus tradidit illum, ita & iste unico filio non pepercit, sed iubente eo ut immolaretur ei qui dederat eum, deuoto corde obtulit eum. Hæc Augustinus. Quod si omnes has Patrum causas cōiunxeris, plenissimam huius nuncupationis causam reddideris.

A. ser. 46. de tēp.

Iac. 2. 23.

CAPVT III.

Quod fere omnes humane amicitie leges in hanc amicitiam cum Deo conueniant.

Vide V. Amicitia.

Psal. 5. 5.

AMICITIÆ humane leges in amicitiam hanc cum Deo conuenire, imò perfectius conuenire, facile ostendi potest. Hæc enim amicitia, vel familiaritas cum Deo, primo non nititur, nisi virtute. vnde Rex Dauid. Quoniam non Deus volens iniquitatem tuas. Neq; habitabit in xitate malignus, neq; permanebunt iniusti ante oculos tuos. Odisti omnes, qui operantur iniquitatem.

perantur iniquitatem. Et S. Paul. *Qua societas luci ad tenebras? qua conuen-*
tio Christi ad Belial? Et B. Iacob. *Quicumq; voluerit esse amicus seculi huius,* 2. Cor. 6. 15.
eupiditatibus prauis obloquentis, inimicus Dei constituitur. Iac. 4. 4. Theologo-
rum quoq; pronunciatum est, quisquis vel vni lethali noxæ se obstrin-
xerit, eum gratia amicitiaq; Dei excidere. Ille est idē velle & nolle in a-
micitia Dei. Exemplū habes in summo Dei amico Christo Domino, Ioan. 4. 34.
qui etiam qua homo dixit *Meus cibus est, ut faciam voluntatem eius, qui*
misit me. Habes in propheta regio Dauid, qui idcirco vir secundū cor
Dei dictus est, ut indicauit S. Steph. in concione ad Iudeos, dum testi-
monium Dei producit in psalmis dicentis. *Inueni Dauid filium Iesse, vi-*
rum secundum cor meum, qui faciet omnes voluntates meas. Habes exemplū Ast. 13. 22.
domesticum in teipso quotidie in Dominica orōe dicente. *Fiat volun-*
tas tua sicut in celo & in terra. III. hac amicitia amico amicus est alter i-
pse. *Qui enim adhaeret Domino,* ait Apostolus, *vnus spiritus est.* Sic orabat
Christus, pro Apostolis, *ut omnes vnū sint sicut tu pater in me, & ego in te,*
ut & ipsi in nobis vnū sint. Talis amicus erat Paulus quū dixit. *Vno iā non*
ego, vivit vero in me Christus. Et. *Mortui estis, & vita vestra est abscondita cū*
Christo in Deo. Talis ipse Christus, in quo verē De⁹ erat homo & homo, 1. Cor. 6. 17.
Deus postquā *Verbum caro factum est.* Et licet Deus esset & homo, non Ioan. 18. 21.
duo tamē, ut loquitur in Symbolo suo Athanasius, sed vnus erat Chri- Gal. 2. 20.
stus. IV. in eadē amicorum omnia sunt cōia. ut testatur Clemens Ale- Colof. 3. 3.
xand ita scribens in fine protreptici ad gentes. *Si communia sunt ea quæ*
sunt amicorum; est autem homo religiosus & Dei amicus verbo intercedente: fi-
unt itaq; omnia hominis quia sunt Dei omnia, & sunt omnia amborum amico-
rum communia, Dei & hominis. Quod Deus omnia bona sua nobis com- Ioan. 1. 14.
munia fecerit, his verbis probat B. Paulus. *Si Deus pro nobis, quis cōtra nos.* Clem.
Qui etiam proprio filio suo non pepercit, sed pro nobis omnib; tradidit illum: quo
modo non etiam cū illo omnia nobis donauit? Tātum restat, ut nostra quoq;
bona cōia cum Deo faciamus. Faciemus autem, si nos quanti, quanti
sumus Deo offeramus. Nil melius, inquit S. August. *possumus dicere Deo,*
quā posside nos. Totū Deo dedit, scribit ad Paulinū Hieron. *qui se obtulit.* A. in psal. 131.
V. cōis est cōuersatio, cohabitatio, colloq; Arist. maximē in amici-
tia requirit Nā Christus apud Io. ait. *Si quis diligit me sermonem meū ser-*
uabit & Pater meus diliget eū, & ad eum veniemus, & mansionē apud eum fa-
ciemus. & S. Paulus, in altera ad Corinth. *Vos estis templū Dei viui, sicut di-*
cit Deus. Quoniam inhabitabo in illis, & inambulabo inter eos, & ero illorū De-
us & ipsi erunt mihi populus. Et ad Philip. *Nostra aut cōuersatio in cælis est:*
unde et Saluatorē expectamus Dominū nostrū Iesum Christū. Cōicatio quoq;
autore Aristot. inter amicos est intimorum consiliorū, & arcanarum
cogitationū, Et hæc fuit inter Christū & Apostolos cū dixit. *Vos aut dixi*

Heb. 4. 12.
Prou. 28. 13.

Ioan. 3. 16.

Rom. 5. 8.

Gen. 22.

Matt. 16. 24.

V. Amicitia.

A seim. 256. de
temp.

amicos, quia omnia quacunq; audiui à Patre meo nota feci vobis. Tu quoque nihil arcanorum tuorum cœla vel Deū, omnia enim nuda & aperta sunt oculis eius, teste Apostolo, vel Deo locum tenētes, vti sunt peccata. Qui enim abscondit scelera sua, ait Sapiens, non dirigitur: qui autem confessus fuerit, & reliquerit ea, misericordiam consequetur. VI. hac amicitia amicus pro amico paratus est vitam profudere, Deus pro homine, homo pro Deo. Deus quidem pro homine, quia Christus Dominus ad Nicodemum apud B. Ioannem dixit. Sic Deus dilexit mundum vt Filium suum vnigenitum daret: vt omnis, qui credit in eum, non pereat, sed habeat vitam eternā. Filius autem ille non modò pro amicis, sed etiam inimicis nobis dignatus est mori, vt ad Romanos præclare tradit Apostolus. Commendat, inquit, charitatem suam Deus in nobis, quoniam cum adhuc peccatores essemus, secundum tempus Christus pro nobis mortuus est: multo igitur magis nunc iustificati in sanguine ipsius salui erimus ab ira per ipsum. Si enim cum inimici essemus reconciliati sumus Deo per mortem filii eius, &c. Homo verò pro Deo, quia id omnes amici Dei ab orbe condito, cū ita tulit casus fortiter præstiterunt, ac imprimis ille excellens Dei amicus Abraham, qui non dubitauit, etiam proprium filium suū, ita à Deo iussus, immolare. Sic Abel, Isaias, Babylonii pueri, Machabæi, innocentes sub natiuitatem Christi, Ioannes Baptista, Apostoli, aliiq; innumerabiles martyres & quotquot in hūc vsq; diem pro Deo, diuinisq; legibus, vel pro Christi fide & religione occubuerunt. Idem ab omnibus Christianis in sua lege exposcit Christus. Si quis, inquit, vult post me venire abneget semetipsum, & tollat crucem suam, & sequatur me. Qui enim voluerit animam suam saluam facere, perdet eam, qui autem perdiderit animam suam, id est, vitam, propter me, inueniet eam. Et iterum. Si quis venit ad me, & non odit patrem suum, & matrem, &c, adhuc autem & animam suam nō potest meus esse discipulus. Deinde subiecta duplici parabola, altera de inchoante edificio, quod non potuit consummare, altera de mouente bellum, quod non potuit perficere, concludit. Qui non renunciat omnibus que possidet non potest meus esse discipulus debemus enim quoad animi præparationem, vti exponunt Sancti, potius permittere nos facultatibus ipsaq; vita exui, quam peccato lethali Deum offendere. VII. & postrema deniq; Lex sit, vt familiaritas vel amicitia cum Deo, sit insolubilis & sempiterna. si enim amicitia cū homine inita indissolubilis esse debet, vt supra ostendimus, quanto magis hæc cum Deo. amicitia siquidem humana veri nominis amicitia non est, nisi fundata sit in amicitia Dei, sicut dilectio proximi vera dilectio non est nisi sit propter Deum. Vnde August. Ille veraciter amat amicum, qui Deum amat in amico, aut quia est in illo, aut vt sit in illo. Deinde multæ causæ esse possunt cur hu-

mana.

mana amicitia dissoluatur, omnis enim homo mendax, nullus *ἀνθρώπος*, at nulla cuiquā causa iusta esse potest, cur familiaritatem cum Deo initā vel dissuat vel discindat. Quis enim audeat ab eius amicitia se subducere, à quo innumeris beneficiis, affectus est & indies afficitur nisi ingrattissimus improbissimusq;? Deus ab omni æternitate, & ante mundi cōstitutionem *benedixit nos in omni benedictione spiritali in Christo, & gratificauit nos in dilecto filio suo*, vt loquitur, Apostolus in epistola ad Ephesios, proculdubio vt illa benedictione in æternum perfruere-
mur. *Iesus enim Christus*, inquit idem ad Hebræos, *heri & hodie: ipse & in secula*. DEVS, nemini teste, Sapiente, *dedit spacium peccandi, neminē vult perire*, vt loquitur B. Petrus, *sed omnes ad pœnitentiam reuerti: omnes*, vt habet Paulus, *vult saluos fieri*, ergo & amicos. Tantum restat vt ex parte nostra hanc amicitiam semel initam non disrumpamus, sed clame-
mus cum Apostolo & fidelibus Romanis, post expensa sedulo immor-
talia Christi in nos beneficia. *Quis ergo nos separabit à charitate Christi, tribulatio? an angustia? an fames? an nuditas? an periculum, an persecutio? an gladius. Certus sum, quia neq; mors, neq; vita, neq; angeli, neq; principatus, neq; virtutes, neq; instantia, neq; futura, neq; fortitudo, neq; altitudo, neq; profun- dum, neq; creatura alia poterit nos separare à charitate Dei, quæ est in Christo Ie- su Domino nostro*. Vnde B. August. alicubi conferens amicitiam humanā cum hac diuina, *In homine*, inquit, *sunt quæ offendant, per amicitiam tamen cogis te, vt etiam illa, quæ offendant in homine tolere propter amicitiam*. Si er-
go non debes propter quædam toleranda dissoluere hominis amicitiam, Dei ami-
citia quibus rebus debet cogi vt dissoluatur à te? Nihil inuenis delectabilius Deo. Deus non est qui te offendat, si tu eum non offendas, nihil illo pulcrius, nihil illo dulcius. S. Bernard. verò, describens, quam difficile sit homini spiritu-
ali qui semel gustauit suauitatem familiaritatis cum Deo eam relin-
quere, in hunc modum loquitur. *Quæ anima semel à Domino didicit & accepit intrare ad seipsam, & in intimis suis Dei præsentia suspirare, & querere fa- ciē eius semper. (Spiritus enim est Deus, & qui querunt eum, oportet eos in spiri- tu ambulare & non in carne, vt secundum carnem viuant) talis, inquam, ani- ma nescio, an vel ipsam gehennam ad tempus experiri horribilius; pœnalius uē ducat, quam post spiritualis studii huius gustatam semel suauitatem, exire de- nuo ad illecebras, vel potius ad molestias carnis, sensuumq; inexplebilem repe- re curiositatem, dicente Ecclesiaste. Oculus non impletur visu, nec auris auditu.*
*Audi enim hominem expertum quæ loquimur. Bonus es, inquit, Domine sperā- tibus in te, anime quarente te. Ab hoc bono si quis auertere sanctam illam animam conaretur, puto haud secus accepisset quam si se de-
paradiso, & ab ipso introitu gloriæ conspice-
ret deturbari.*

Eph. 1.3.

Heb. 13.8.

Eccli. 15. 21.

2. Pet. 3. 9.

1. Tim. 2. 4.

Rom 8. 35.

A ho. 35. ex 50.

B ser. 25. in Can.

1.

Thren. 3. 7.

De fructibus diuinæ familiaritatis.

2. Pet. 1. 4.
Ioan. 10. 34.
Psal. 6.
Ioan. 1. 12. 13.
Heb. 2. 12.
Rom. 8. 17.
Eph. 2. 19.
Rom. 8. 28.
Eph. 1. 8.

Rom. 15. 13.

Psal. 36. 25.

1. Cor. 10. 43.

Rom. 16. 20.
Ter. c. 23.

Ch. ho. 39. in Ge.

FRUCTVS diuinæ amicitiae vel familiaritatis sunt varii. Primus est, quod reddat nos *diuinæ consortes naturæ*, vt Petrus loquitur, imò *Deos* vt ex psalmis probat Christus. Deinde *filios Dei*, vt S. Ioa. & ex Deo natos; *fratres & coheredes Christi heredes Dei* vt ciues sanctorum, & domesticos Dei, Apostolus Paul. 2. q. oia siue prospera siue aduersa nobis cooperentur in bonum. *Diligentib. n. Deū* teste Apostolo *omnia cooperantur in bonum* 3. quod multa sapientia mentes nostræ illustrentur, iuxta illud eiusdem. *In quo, nempe Christo, habemus redemptionem per sanguinem eius, secundum diuitias gratiae eius, qua superabundauit in nobis in omni sapientia & prudentia.* 4. quod omni gaudio spiritali, consolationeq; repleantur, vnde idem sic loquitur ad Romanos iam Dei amicos. *Deus autem spei repleat vos omni gaudio & pace in credendo, vt abundetis in spe & virtute Spiritus sancti.* 5. quod in omni necessitate nobis subueniatur: *Iunior fui*, inquit rex David, & *seniui, & non vidi iustum derelictum, nec semen eius quærens panem.* 6. quod in omni tentatione in Deo inueniamus perfugium & remedium. *Fidelis Deus est*, ait Paulus *qui non patietur vos tentari supra id quod potestis, sed faciet etiam cum tentatione prouentum vt possitis sustinere* 7. quod magna virtute & potentia malignorum spirituum conatus expugnemus, & pedibus conculcemus. Vnde Apostolus Romanis. *Deus pacis*, inquit, *conterat Satanam sub pedibus vestris.* Tertullianus in Apologetico ad gentes ita scribit. *subiecta est Christianis diuinitas vestra, & à quolibet iussus Christiano demon se demonem profitetur.* Exemplū illustre habes in historia Greg. Thaumaturgi Neocæsariensis Episcopi à Gregorio Nysseno descripta. Nam cum Gregorius adolescens Christianus ex itinere forte in delubrum idolorum sub noctem ad effugiendam pluiam diuertisset, & inuocato nomine Christi, crucisq; signatione daemone oracula fundētem abegisset, postera luce ab idolorum sacrificio rogatus est qua potestate id fecisset? respondit Christi Domini, & arrepta schedula scripsit. *Gregorius Satana imperat vt redeat in delubrum*, eaq; à sacrificio aræ imposita ilico reuertit. Quæ causa fuit, vt sacrificus deinde deserto daemone cultu Christo nomen dederit. 8. & vltimus fructus sit, beneficio huius familiaritatis cum Deo imprimis ad veram humilitatem, & perfectam cognitionem sui, omnium virtutum basin & fundamentum perueniri, vt multi S. Patres annotauerunt, vt Chrysostomus tractans locum Genesios, vbi Abraham,

ham, post habitam Dei visionem, auditamq; promissionem de filio nascituro, dicitur cecidisse in faciem. *Gratus*, inquit, & religiosus Dei famulus *Abraham*, videns tantam Dei erga se misericordiam, obsequium atq; curam, obstupefactus animoq; versans & naturam suam & bonitatem immensam Dei: Cecidit, ait, in faciem suam: qua figura suam indicauit gratitudinem. Non solum enim tunc non fuit factus arrogantior, neq; superbiebat propter fauorem Dei, quem experiebatur, sed & multo magis humiliabatur. Grata siquidem anima, quanto maiori fruuntur fiducia, tanto maiorem Deo reuerentiam exhibent, unde & iustus iste seipsum naturaq; sua imbecillitatem videns, neq; oculis nutare ausus fuit, sed deorsum conspexit.

Et ante eum S. Gregorius Nazianzenus in Apologetico ad Patrem suum Gregorium coram Basilio d. cto tractans verba *Isaiae* Super me rursus unctio & spiritus, & rursus ego lugens & tristis incedo. Nec vero, inquit, id vobis mirum videri debet, nam *Isaias* priusquam Domini gloriam conspexisset, nihil huiusmodi loquitur, nec animo languet, sed postquam vidit, ac vocem illam sanctam & arcanam audiuit, tum vero sui magis conscius. Me miserum, inquit, quia compunctus sum. Occurrunt etiam hic antiquus ille index *Manue*, & *Petrus* Ecclesia columen, quorum alter cum prestantiorem quam natura eius ferret, visionem sensisset: actum est ait, de nobis uxor Deū vidimus: alter verò Seruatoris praesentiam in naui non ferens, ipsū à naui summonere voluit causam afferens, quod diuina praesentia esset indignus. Nam quemadmodum Sol oculorum hebetudinem, imbecillitatemque prodit, ita morbum anima Deus adueniens coarguit, atque aliis quidem lux, aliis ignis est, unicuiq; videlicet secundum subiectam materiam & qualitatem.

CAPVT V.

Quibus mediis ad perfectam cum Deo familiaritatem perueniatur.

PRIMUM medium sit magna humilitas. Vbi enim humilitas, ait Salomon, ibi & sapientia, Ad quem autem respiciam, loquitur Deus ipse apud *Isai.* nisi ad humilem, & contritum spiritu, & tremēte sermones meos? *Abraham* Patriarcha singularis amicus Dei cū familiari colloquio Dei frueretur in *Genesi*. Quia semel capī, inquit, loquar ad Dominum, cum simpul-
tis & cinis.

Dauid rex & propheta, tantus Dei amicus, licet vir secundū cor Dei appellaretur, tamen in hac verba canit. Domine non est exaltatum cor meum, neque elati sunt oculi mei. Neque ambulauī in magnis, neque in mirabilibus super me. S. MARIA DEI mater, ad tantam dignitatem euecta
vt an-

Luc. 1. 48. ut angelico non solum colloquio frueretur, sed etiam coeli & terræ conditorem in utero suo gestare & gignere mereretur humilitati suæ ductu Spiritus sancti ascriptis. *Quia respexit, inquit, humilitatem ancillæ suæ, ex hoc beatam me dicent omnes generationes.* CLEMENS Alexandrinus in protreptico hortatur, ut huius tam præclaræ amicitiae consequenda causa etiam ad animi submissionem nos demittamus, eo quod CHRISTVS dicat. *Nisi efficiamini sicut paruuli, non intrabitis in regnum cælorum.*

Matt. 5. 8. II. MEDIUM est, Eximia animi puritas. *Beati enim mundo corde, ait Christus, quia ipsi Deum videbunt.* Deus, n. uti est purissimus, ita neminem ad colloquium & familiaritatem suam admittit, nisi ab omnibus sordibus peccatorum immunem. Vnde cum aliquando Moyse, & successor eius Iosue in conspectum Dei se dedissent, iussit Deus utrumque calceamenta de pedibus suis soluere, hoc est, exuere impuras animi affectiones, per calceamenta designatas. Hoc medium annotauit S. Augustinus contra Manichæum. *Si voluntatem, inquit, Dei nescit, quisquam desiderat, fiat amicus Dei, Quia si voluntatem hominis nescire vellet, cuius amicus non esset, omnes eius in prudentiam ac stultitiam deriderent. Non autem quisquam efficitur amicus Dei, nisi purgatissimis moribus, & illo sine præcepti de quo Apostolus dicit. Finis autem præcepti est charitas de corde puro, & conscientia bona & fide non ficta.*

Matt. 19. 28. III. MEDIUM, Contemptus huius mundi & omnium terrenarum facultatum. Hoc enim medio, teste Clem. Alexandrino supra allegato, Abraham ad amicitiam Dei intimam perductus est, & omnes quotquot Deum sequuntur perducere debent. Quod verissimum est in Apostolis, qui quod Christum secuti essent, omnibus opibus, honoribusque huius seculi contemptis ad tantam Christi familiaritatem uecti sunt, ut etiam potestatem iudicandi omnes tribus Israël in extremo iudicii die una cum Christo consecuti sint.

Cyr. lib. 10. c. 23. Vnde B. CYRILLVS in Ioannem conferens factum Abraham cum Apostolis. *Quomodo, inquit, Abraham amicus Dei credens appellatus est. Dictum ei fuit. Exeam de terra cognationeque tua. Sed considera quæso, quomodo similia sunt in iis, qui ad amicitiam Christi conscendunt Apostolis. Audierunt & ipsi. Exeat de terra vestra. Quod quam libenter fecerint, Paulum audi. Non enim habemus hic ciuitatem stabilem, sed futuram inquirimus, cuius artifex & conditor est Deus.*

Heb. 13. 14. IV. MEDIUM est, Oblatio cordis sui Deo facta. Quod medium exco- gitauit S. Augustinus occasione immolationis filii ab Abraham animo iam destinata, qua nihil gratius Deo fuisse, luculenter declarant illa angeli

angeli verba flagrantis affectus plenissima. *Per memetipsum iuravi, dicit Dominus, quia fecisti hanc rem, & non pepercisti filio tuo unigenito propter me, benedicam tibi & multiplicabo semen tuum sicut stellas cæli, &c.* Ergo Augustinus sic philosophatur in sermonibus de Tempore. *Si quæes anima, quæ cupis sequi vestigia fidei patris nostri Abraham, exi de terra tua & cognatione tua, id est, fideliter renuncia diabolo, pompis & angelis eius, & sequere viam rectam, quæ te perducatur ad terram, in qua ditescas. Sed si virtus charitatis, quæ omnia credit, est in te, expectet à te sacrificium dilecti tui. Dicet tibi sapientia. Da mihi fili cor tuum. Ipse est dilectus unicus. Offer sacrificium contritione cordis Domino Deo tuo, & dic ei cum propheta. Holocaustis non delectaberis. Sacrificium Deo Spiritus contribulatus, cor contritum & humiliatum Deus non spernit. Nihil mei uas tali sacrificio oblato, & tibi acceptum erit, & quod obtuleris integrum permanebit.*

Gen. 22. 16.

A. serm. 47.

Psal. 50. 18.

V. MEDIUM est erogatio omnium bonorum in pauperes, quam Christus contulit adolescenti diuiti, si vellet esse perfectus. Hoc suggerit Chrysost. in epist. ad Coloss. in hæc verba. *Pauperum mensæ amicitiam generant, non erga homines, sed erga Deum, eamque cumulatam & auctam, quoniam & ipsa cumulatæ sunt. Nam qui partim in pauperes, partim verò in diuites insumit, etiamsi multa dederit, nihil tamen magnificat. Qui verò in pauperes omnia impenderit, etiamsi modica dederit, totum tamen perfecit. Non enim queritur, num multa quisquam dederit vel modica, sed an non minus dederit, quam potuerit. Consideremus eum qui quinq. & qui duo talenta lucratus est. Consideremus eam quæ duos obolos in gazophylatium misit. Consideremus viduam illam quæ paup. Eliam. Non dicebat illa quæ duos obolos misit. Quid nocuerit, si unum quidem obolum mihi retinuerit, alterum verò dederit? sed totum suum victum dabat. Ne negligamus itaq. nostram salutem sed summo studio eam per eleemosynam procuremus.*

Matt. 19. 21.

Chr. hom. 7.

Luc. 21. 2.

3 Reg. 17.

VI. Medium & nouissimum est Obseruatio diuinorum mandatorum, quod Saluator ipse discipulis patefecit dicens apud S. Ioann. *Vos amici mei estis si feceritis quæ præcipio vobis.* Neq. hinc rectè conficiunt hæretici, amicos Christi non fore, qui fecerint, quæ præcepta nō sunt; nam eum eadem die lauisset discipulorum pedes, dixit. *Exemplum dedi vobis, ut quemadmodum ego feci vobis, ita & vos faciatis* quod tamen non præcepit.

Ioan. 13. 18.

Ioan. 13. 15.

VIDE V. Amicitia. Charitas in Deum. Cogitatio diuinæ presentia. Cognitio Dei. Contemplatio. Deuotio. Eucharistia frequentatio. Gratiarum actio Deo debita. Laudatio Dei. Oblatio sui. Persectio Christiana. Sapientia.

F I D E S.

C A P V T I.

De nomine & Definitione fidei.

Heb. 11.

Cic. lib. 1.

Rom. 3. 3.

1. Tim. 5. 12.

Rom. 14. 23.

Iac. 1. 6.

Rom. 3. 28.

Heb. 11. 6.

Heb. 11. 1.

Heb. 11. 1.

Chryl.

2. Cor. 4. 13.

FIDES, si nomen spectes, in latino sermone teste S. Augustino in epist. ad Hieronymum, ab eo dicitur appellata, quia sit quod dicitur: quam notationem habet M. Tullius in officiorum libris. Huic autem nomini ut in profanis, sic & in sacris literis, varia significata subiecta sunt, precipue quatuor. Nam primo significat fidelitatem, hoc est, constantiam in seruanda promissione, vel voto, ut in epist. Pauli ad Romanos. *Nunquid incredulitas illorum fidem Dei euacuauit.* & ad Timoth. *Primam fidem irritam fecerunt.* 2. significat conscientiam, ut ad Romanos. *Quod non est ex fide peccatum est.* 3. fiduciam ut apud B. Iacob. *Postulet in fide, nihil hesitans.* 4. virtutem Theologicam, qua firmissimè credimus omnia à Deo reuelata, & ab Ecclesia Catholica proposita. de qua B. Paulus dixit. *Arbitramur iustificari hominem per fidem sine operibus legis.* Et. *Sine fide impossibile est placere Deo.* Et de hoc quarto significato tantum hic agimus.

DEFINITUR autem secundum hanc significationem Fides ab Apostolo in epist. ad Hebr. *Fides est sperandum substantia rerum, argumentum non apparentium.* Primo dicitur substantia, ὑποστασις græcè, id est, solidum fundamentum. *Andis substantiam?* ait S. Bernard. contra Abailardum hereticum, *nō tibi licet in fide putare, vel disputare pro libitu, nō hac illaque vagari per inania opinionum, per deuia errorum: substantie nomine aliquid tibi certum fixumq; præfigitur. certis claudis finibus, certis limitibus coarctaris.* Et Chrysostomus in verba Apostoli. *Habentes eundem spiritum fidei.* Sicut ait, *planta absq; radice fructum non profert ita absq; fidei fundamento non prouenit sermo doctrine.* Sicut enim membra tremula & languida se baculo tuto deducente labi non permittuntur, sic etiam animam nostrā incertis ratiocinationibus circumactam fides quouis baculo tutius sustentans, suāq; virescens summo opere firmat. nec sinit subuerti infirmas cogitationes suae virtutis præstantia corrigens. 2. dicitur. *Sperandarum subst. rerum.* rerum coelestium & supernaturalium, ut resurrectionis mortuorum, vitæ æternæ & similia, quæ licet reuera non sint, cum sint futura, fides tamen ita nobis eas repræsentat, quasi iam subsisterent. ita Chryl. & alii Græci hunc

et hunc locum exponentes. Neque inde efficitur solas res speratas, aut res futuras tantum obiecto fidei contineri: nam exempla quæ subicit Apostolus declarant fidem non esse tantum sperandarum, sed etiam timendarum rerum (ut enim speramus vitam æternam, sic ignem æternum timemus) nec tantum futurarum, sed etiam præsentium & præteritarum. 2. dicitur *argumentum non apparentium*, græcè ἐλεγχος, id est, demonstratio, seu conuictio, ut August. legit eorum quæ non videntur: Fides enim facit, quod faciunt argumenta & maximè demonstrationes, nempe ut intellectum conuincat, & ad assensum pertrahat non euidencia rei, sed auctoritate dicentis Dei, quæ, ut loquitur in epist. ad Corinth. idem Apostolus, *in captiuitatem redigit omnem intellectum in obsequium Christi*. Est autem *non apparentium*, quæ etenim apparent. ait S. Gregorius, *iam fidem non habent, sed agnitionem*. Vnde sæpe Augustin. *Quid est fides, nisi credere, quod non vides*? Hinc verò liquet discrimen fidei ab aliis habitibus intellectualibus. ac primo quidem à scientia & intellectu, quia non auctoritate, sed euidencia rei nititur. 2. à fide humana vel ciuili, tum quia fallax est, & substantiæ nomen non meretur, tum quia non est rerum cœlestium & diuinarum. 3. ab opinione, dubitatione & suspitione, quia non conuincunt intellectum, sicut fides diuina.

CAPUT II.

De præcipuis Fidei proprietatibus.

PRIMA proprietas est, quod sit simplex, id est, non nitatur ratione vel demonstratione, sed auctoritate tantum. Primo, quia Apostolus dicit ea *in captiuitate redigi omnem intellectum* 2. quia S. Patres ita docent. Clemens Alexandr. in Pædologo, ait, *eam absq. literis disci*. S. Hilarius in libris de Trinit. *Habet, inquit, non tam veniam, quàm premium ignorare quod credas*. S. August. contra epistol. Fundamenti. *Turbam non intelligendi viuacitas sed credendi simplicitas tutissimam facit*. Et de utilitate credendi. *Quod intelligimus aliquid rationi debemus: quod autem credimus, auctoritati*. S. Gregorius in Euangelia. *Sciendum nobis est, quod diuina operatio, si ratione comprehenditur non est admirabilis. Nec fides habet meritum, cui humana ratio præbet experimentum*. Causa huius proprietatis est manifesta, quia cum sine fide nemo saluari possit, multi rustici & alii homines stupidi, qui nihil de S. Trinitatis, Incarnationis aliisque mysteriis capere queunt salute excluderentur. Vnde S. Greg. Nazianz. in hæc verba scribere ausus est in lib. de moderanda disputatione *Nihil fide nostra fratres iniquius fingi posset si in eruditis tantum dicendiq. facultate, ac logicis demonstrationibus excellentes caderet*.

2. Cor. 10. 5.

G. hom. 16. in

Euang.

A. tract. 4. in 10.

& hom. 22. c. 50.

2. Cor. 10. 5.

C. lib. 3. c. 11.

H. lib. 8.

A. c. 4.

Id. c. 11.

G. hom. 16.

2. Pet. 1. 19.

I. serm. 4.

B. ep. 190.

Psal. 92. 5.

Eph. 4. 4.

2. Cor. 4. 13.

Psal. 115. 1.

Chr. hom. 2.

A. c. 47.

I. ser. 4.

Eph. 4. 4.

G. hom. 17.

Matt. 21.

Marc. 11.

Luc. 19.

Mal. 3. 6.

T. initio.

nem remoueat. nec mirum, quia Dei autoritate nititur, qua nihil certius. Vnde S. PETRVS in altera epistola. *Et habemus, inquit, firmiorem propheticum sermonem, cui benefactoris attendentes quasi lucerna lucenti in caliginoso loco.* S. Basilii sermone de vera ac pia fide. *Est igitur fides, eorum quae dicta sunt assentiens approbatio sine ulla hesitatione.* S. Ambrosii in 1. Hexamer. c. 6. *Fidei simplicitas omnibus argumentis antecellit.* S. Chrysostom. sermone de fide, spe & charitate. *Fides est innocens ac pura credulitas. Hac excludit dubia, tenet certa, promissa consignat. Hanc qui tenet felix est, qui deseruerit, miser.* S. Leo serm. de Natiuitate. *Huic unitati fidei in concussis mentibus inhaere.* S. Bernard. epist. ad Innocentium Papam. *Ab sit ut putemus in fide vel spe nostra aliquid dubia aestimatione pendulum, & non magis totum, quod in ea est certa ac solida veritate subnixum, oraculis & miraculis diuinitus persuasum. Testimonia ista credibilia facta sunt nimis.*

III. quod vna sit omnium temporum, iuxta illud Apostoli. *Vnus Dominus, vna fides, vnum baptisma.* Et, *Habentes autem eundem spiritum fidei* (nempe cum Patribus veteribus testamenti sicut scriptum est. *Credidi propter quod locutus sum & nos credimus.* In quae verba scribens Chrysost. Cur, ait, dixit, eundem? *magnam cognationem noui testamenti & veteris vult ostendere, ideo propheta etiam verba subiungit Sicut scriptum est. Credidi, propter quod locutus sum.* Hoc autem iam dudum, & ante multas etates Dauid dixerat, quod nunc Paulus adduxit, indicans quod eadem spiritus gratia & tunc in illo, & nunc in nobis fidei vim radicauit, Idem, inquit, est si dei spiritus, qui in illo locutus est, & in nobis operatus. Et Augustinus lib. 18. de Ciuitate Dei. *Vnus mediator Dei & hominum homo Christus Iesus in carne venturus sic antiquis sanctis praeannunciabatur, quemadmodum nobis venisse nuntiatus est, ut vna eademque fides per ipsum omnes in Dei ciuitatem praedestinos perducatur ad Deum.* Et Leo magnus de natali Domini. *Magnum praesidium est fides integra, fides vera, in qua nec augeri ab ullo quicquam, nec minui potest, quia nisi vna est, fides non est, dicente Apostolo Vnus Dominus, vna fides, vnum baptisma, vnus Deus & pater omnium qui super omnes.* Et S. Greg. in Ezech. *Quia omnes electi, siue qui in Iudea esse potuerunt siue qui nunc in Ecclesia existunt in mediatorem Dei & hominum crediderunt, & credunt, qui praecunt, (Christo intrante Hierosolimam cum asello,) & qui sequuntur, Osanna clamant. Osanna autem latina lingua, salua nos, dicitur. Ab ipso enim salutem & priores quaesierunt, & praesentes quaerunt, & benedictum qui venit in nomine Domini confitentur, quoniam vna spes, vna fides est praecedentiū atque sequentiū populorum.*

IV. quod sit immutabilis & incorrupta, nec mirum, quia nititur tantum verbo Dei, qui est immutabilis. *Ego Deus & non mutor.* Vnde Tert. lib. de Velandis Virginibus. *Regula quidem fidei vna omnino est, sola immo-*

bilis

bilis, & irreformabilis, credendi scilicet in unicum Deum omnipotentem, mundi conditorem, & filium eius Iesum Christum, &c. Hac lege fidei manente cetera iam disciplina & conuersationis admittunt nouitatem correctionis. S. Hieronymus ad Damasum agens de fide Ecclesie Romanæ. *Profligato, inquit, à sobole mala patrimonio apud vos solos incorrupta Patrum seruatur hereditas. Ibicespice terra secundo Domini seminis puritatem centeno fructu refert.* Quosensu ante illum & S. Cypr. epist. ad Cornelium Papam, scripsit, eos esse Romanos, quorum fides Apostolo predicante laudata, ad quos perfidia habere non possit accessum. Aug. epist. ad Casulan. *Sit ergo, inquit cum Tert., una fides uniuersa que ubiq; dilatatur Ecclesie, tanquam intus in membris, etiam ipsa fidei unitas quibusdam diuersis obseruationibus celebratur, quibus nullo modo quod in fide verum est impeditur. Omnis enim pulchritudo filie regis intrinsecus: illæ autem obseruationes, quæ variæ celebrantur, in eius veste intelliguntur.* unde ibi dicitur. *In simbris aureis circumamicta veritate.* Agatho Papa cum Romana Synodo in actione sextæ Synodi generalis sic loquitur. *Execratur vera confessio pietatis iuxta diuersitates temporum variari fidem, sicut nec ipse varietatem variari admittit, de quo est ipsa vera confessio, qui dicit. Ego sum, & non sum mutatus.*

H. ep. 57.

C. lib. 1. ep. 3.

A. ep. 86.

Psal. 44. 14.

A. Act. 4.

Mal. 3. 6.

V. Fides, caritate aliisq; virtutibus destituta, qualis est in Catholicis peccatoribus, potest esse vera, & dicitur à Theologis informis. Nā S. Ioannes c. 12. sui Euangelii docet in Principibus quibusdam Iudeorum fuisse fidem sine charitate. *Multi, inquit, ex Principibus crediderunt in eum, sed non confitebantur: dilexerunt enim magis gloriam hominum, quam gloriam Dei.* Ita enim intellexit S. August. tract. 45. in Ioan. Et Apostolus in priore ad Corinth. ait, *Si habuero omnem fidem, ita ut montes transferā, charitatem autem non habuero, nihil sum.* Deinde S. Iacobus sic loquitur. *Quid proderit fratres mei, si fidem quis dicat se habere, opera autem non habeat? nunquid poterit fides saluare illum?* Ita Hieronymus exposuit in epistolam ad Galat. & Chrysost. hom. 2. in Genesin. cuius quoq; clarissima est sententia in psal. 13. dum exponit verba illa. *Non est qui faciat bonum, non est usq; ad unum.* Ab ultimo paupere usq; ad eum qui rerum potitur, uniuersus mundus egrotat. Sed illi quidem nec fidem, nec rectam habent vitam: illi verò veram habent fidem, sed vitam rectam non habent. Deum consentitur scire, factis autem negant. De Deo splendide loquuntur, & veluti tuba canunt, in bene autem faciendo dormitant. Et S. August. lib. 15. de Trinitate. *Fides, inquit, sine charitate potest quidem esse, sed non & prodesse.* Et S. Gregorius in Euangelia. *Quid, inquit, fratres charissimi, exprimi per nuptialem vestem putamus? Si enim vestem nuptialem baptisma vel fidem dicimus, quis sine baptismo & fide has nuptias intrauit? Eo enim ipso foris est, quo necdum credi-*

Ioan. 12. 42.

2. Cor. 13. 2.

Iac. 2. 14.

H. in c. 5.

A. c. 18.

G. hom. 38.

Matt. 22. 12.

dir. Quid ergo debemus intelligere nuptialem vestem, nisi charitatem. Intrare enim ad nuptias, sed cum nuptiali veste non intrat, qui in sancta Ecclesia assensum fidem habet, sed charitatem non habet.

CAPVT III.

De dignitate & praestantia fidei Catholicae.

AD dignitatem fidei Catholicae pertinet quod à spiritu sancto sepius innumeratim inrer dona Dei numeretur, quod S. Augustinus contra Pelagianos libro de praedestinatione sanctorum primo fere toto, & libro secundo de bono perseuerantiae per multa capita ex scripturis probat. B. Prosper item contra Collatorem cap. 36. & 37. & libro primo de vocatione gentium cap. 23 & 24. Testimonia scripturae clarissima sunt. *Gratia estis saluati per fidem*, ait Apostolus ad Ephesios & hoc non ex vobis, donum enim Dei est. Et ad Philipenses *Vobis donatum est*, non solum ut in illum credatis, sed etiam ut pro illo patiamini. Et ad Corinthios. *Non sumus sufficientes cogitare aliquid ex nobis, tanquam ex nobis. Si non sumus idonei cogitare*, inquit Augustinus libro de praedestinatione citato, profecto non sumus idonei credere aliquid quasi ex nobis, sed sufficientia nostra qua credere incipimus, ex Deo est. Neque dici potest, quod Pelagiani contendeant saltem initium aliquod fidei esse ex nobis, nostroque arbitrio, quia tunc initium vitae vel salutis esset ex nobis, quod est contra Apostolum dicentem. *Quid habes quod non accepisti?* Immo contra Christum aientem. *Sine me nihil potestis facere.* Quare Concilii Arausiaci Patres iam olim hunc canonem condiderunt. *Si quis sicut augmentum, ita etiam initium fidei non per gratia donum nobis inesse dicit, Apostolicis dogmatibus aduersarius approbatur.*

DEINDE beneficio fidei patriarcha Abraham ad tantam dignitatem à Deo prouectus est, ut in eius semine omnes gentes benedicerentur ut est in Genesi, & in epistola S. Pauli ad Romanos, cuius & nos sumus facti participes teste eodem ad Galatas. *Igitur, inquit, qui ex fide sunt benedicentur cum fidei Abraham.*

AD hæc per donum fidei omnes ex Deo nascimur, effici murque filii Dei. *Dedit eis potestatem*, inquit B. Iohannes *filios Dei fieri his qui credunt in nomine eius.* Et. *Omnis qui credit, quoniam Iesus est Christus, ex Deo natus est.* Reddimur per eandem heredes vitae aeternae, ut idem testatur Iohannes non semel, *Amen amen dico vobis*, inquit Christus, *quia qui verbum meum audit, & credit ei qui misit me, habet vitam aeternam.*

Et. Hæc

Eph. 2. 8.
Phil. 1. 29.

2. Cor. 3. 4.

A. c. 2.

1. Cor. 7. 3.

Ioh. 15. 5.

Conc. 3. 5.

Gen. 15. 6.
Rom. 4. 18.
Galat. 3. 9.Ioh. 1. 12.
1 Ioh. 5. 1.
Ioh. 5. 14.

Et Hec est voluntas Patris mei, qui misit me, ut omnis qui videt filium, & credit in eum, habeat vitam eternam. Et Hec est vita eterna, ut cognoscant te solum verum Deum, & quem misisti Iesum Christum. Denique fidei licet exigua tribuitur vis efficiendi miracula. Mat. 21. Marc. 11. Luc. 17. Heb. 11.

Ioan. 6. 40.

Ioan. 17. 3.

S. Patrum quoque magna pro fide exstant encomia. Clem. Alexandr. in Pædago appellat *Doctrina perfectionem*, cui nihil desit. Basilus *scælarum quæ de Deo sunt eloquiorum Duxem*. Ambrosius de Virginibus *thesauris omnibus, inquit, opulentior fides. O virtutibus corporis omnibus fides fortior, o medicis omnibus salutarior*. Et in psalmum 40. *Fides virtutum omnium stabile fundamentum est*. Et Ierimides Nazario & Celso. *Mater Martirij fides catholica est, in qua iste illustris athleta sanguine fuso mortem pro ipsa calcavit, mater, inquam, martyrij fides est*. Chrysost. in sermone de fide, spe & charitate. *Fides est origo iustitiæ, sanctitatis caput, devotionis principium, religionis fundamentum*. Nullus unquam sine hac Dominum promeruit, nullus sine illa fastigium sublimitatis ascendit. Eusebius Emisenus de Symbolo. *Fides religionis catholice lumen est anima, ostium vite, fundamentum salutis æternæ*. Hanc nobis velut magnam lampadem Christus adueniens errantibus viam monstraturus exhibuit, per quam possit Deus ignotus requiri, quæ sitis creditus inueniri. Hieron. in Iouinianum, ait fidem esse propriam Christianorum. Et lib. 6. in Hieremiam sub finem, *populi Christiani religionem esse fidem*. Augustinus de verbis Apostoli.

C. l. c. 6.

B. in psal. 115.

A. lib. 3.

A. serm. 90.

E. hom. 2.

H. lib. 1.

A. serm. 38.

1. Cor. 4. 7.

Non enim fides nihil est, sed magnū aliquid, quam si habes, profecto accepisti. Quid enim habes quod non accepisti? Videte charissimi, unde Domino Deo gratias agatis, ne in aliquo dono eius ingrati maneatis. Laus fidei à me explicari nullatenus potest, sed à fidelibus cogitari potest. Porro si ex aliqua parte, ut dignum est, cogitetur, quā multis donis Dei ipse præferatur? Et alibi *Nulla sunt maiores diuitiæ, nulli thesauri, nulli honores, nulla mundi huius maior substantia, quam est fides catholica, quæ peccatores homines saluat, cecos illuminat, infirmos curat, catechumenos baptizat, fideles iustificat, poenitentes reparat, inustos augmentat, martyres coronat, &c.* S. Bernardus sermone 76 in Cantica. *Fides attingit inaccessa, apprehendit ignota, comprehendit immensa, apprehendit nouissima, ipsam denique, et aetatem suo illo vastissimo sinu quodammodo circumcludit*. Fidenter dixerim, eternam beatamque

Id serm. 2.

Trinitatem, quam non intelligo, credo, & fidenter
tenco, quod sana capio
mente.

CAPUT VI.

De necessitate fidei Christiana.

Marc. 16. 16.

Heb. 11. 6.

Cl. 2. 12. Rom.

Abac. 2. 4.

Isa. 7. 9.

B. C. II.

Heb. 11. 6.

Isa. 7. 9.

A. sc. rm. 38.

NECCESSITATEM fidei Christianæ probat imprimis dictum Christi apud B. Marcum. *Qui crediderit, & baptizatus fuerit, saluus erit: Qui verò non crediderit, condemnabitur.* Et dictum Apostoli in epistola ad Hebræos. *Sine fide autem impossibile est placere Deo. Credere enim oportet accedentem ad Deum, quia est, & inquirentibus se remunerator sit.* Quare & subiicit ibidem, quotquot ex veteri testamento Patres vel propheta Deo placuerunt, aut saluati sunt, beneficio fidei placuisse. Nec alius est scopus eiusdem Apostoli in epistola ad Romanos, Galatas & Ephesios, quam probare fidem imprimis omnibus hominibus necessariam esse ad iustificationem & salutem. Nec aliud docuerunt S. PATRES: Nam CLEMENS Alexandrinus id probat ex propheta Abacuc & Illia. *An non, inquit, Heraclitus quoque tibi videtur eos, qui non credunt vituperare? Iustus autem mens ex fide viuet, dixit propheta. Dicit autem alius quoque, propheta. Nisi credideritis, non intelligetis. Quomodo enim admirabilem, & supernaturalem eorum contemplationem capere potuerit anima, si intus in eis discendis depugnet incredulitas?* Et infra. *Fides aquæ est necessaria, ac ei qui in hoc mundo viuit ad viuendum respiratio. Lactant. in epit. diuinarum institutionum. Fides quoque, magna iustitia pars, quæ maximè à nobis, qui nomen fidei gerimus conseruanda est, præcipuè in religionem, quia Deus prior est & potentior quam homo. Itaque, cum inciderit huiusmodi necessitas, ut discedere à Deo, atque ad ritus gentium transire cogamur, nullus nos metus, nullus nos terror infestet, quo minus traditam nobis fidem custodiamus.*

S. Basilii de Spiritu sancto. *Fides ac baptisma, duo sunt modi paranda salutis inter se cognati & inseparabiles: nam fides perficitur per baptismum, baptismus verò fundamento fidei nititur, & utraq; res per has voces impletur. Sicut enim credimus in patrem, & filium & Spiritum sanctum sic & baptizamur in nomine patris & filii & Spiritus sancti.*

Ruffinus in expositione Symboli Apostolorum. *Primo in loco fons & origo omnium bonorum ponitur, cum dicitur. Credo in Deum patrem omnipotentem, sicut & Paulus Apostolus ad Hebræos scribens dicit. Credere enim primo omnium accedentem oportet ad Dominum, quia est, & credentibus in se remunerator sit, sed & propheta dicit. Nisi credideritis, non intelligetis.*

S. Augustinus in sermonibus de Tempore. *Fides est humana salutis initium. Sine hac nemo ad filiorum Dei consortium potest peruenire, quia sine ipsa*

ipsa nec in hoc seculo quisquam iustificationis consequitur gratiam, neq. in futuro vitam possidebit eternam. S. Leo de natiuitate Christi. *Sine fide impossibile est placere Deo, & nihil sine illa sanctum, nihil castum, nihil viuum.*

Cum autem medio fidei, & non alterius cognitionis vel demonstrationis voluerit nos Deus pertrahere ad felicitatem eternam, inde probat Chrysostomus in commentario epistolæ ad Colossenses, quod multa de Deo & creaturis non solum supernaturalia in diuinis Scripturis patefacta, sed etiam naturalia nequeant in hac vita ratione comprehendi. Et in epistolam primam ad Timotheum addit, & Gentiles sine ratione credidisse Deorum nepotes. Seductorem quoque & Magnum Pythagoram templis inscribi iussisse silentium. Denique nullas artes sine fide esse posse & discere cupientem credere debere, non quæstiones ponere. Eodem collimant quæ Ruffinus loco citato annotauit. *Vt, inquit, intelligentia tibi aditus pateat rectè primo omnium te credere presciteris (in Symbolo) quia nec nauem quis ingreditur, & liquido ac profundo vitam committit elemento, nisi prius se credat posse saluari. Nec agricola semina sulcis obruit, & pro frugibus spargit in terram, nisi crediderit venturos imbres affuturum quoq. solis teporem, quibus terra confota segetem multiplicata fruge ac ventis spirantibus nutriat. Nihil deniq. est quod in vita geri possit, si non credulitas ante præcesserit. Denique idè & matrimonia contrahuntur, qui creditur successura posteritas, & pueri discendis artibus traduntur, quia magistrorum in discipulos transfundenda creditur disciplina. Imperii quoque insignia vnus suscipit, dum credit sibi vrbes & populos, armatum etiam exercitum parituros. Quod si hæc singula nisi prius crediderit futura nullus aggreditur, quo modo non multo magis ad agnitionem Dei credendo veniatur?*

CAPUT V.

De Fidei Christiana effectis.

PRIMVS effectus Fidei est iustificatio vel iustitia, & si quidem sit fides viua & perfecta per charitatem, erit perfecta iustitia: sin minus, erit saltem imperfecta inchoataq. iustitia. Clare enim Apostolus vbiq. ostendit fidem esse causam iustificationis. *Arbitramur, inquit ad Romanos, hominem iustificari per fidem.* Et ad Ephesios. *Salui facti estis per fidem.* Et ad Hebræos. *Sancti per fidem vicerunt regna operati sunt iustitiam, adepti sunt repromissiones.* Vnde S. Patres. S. Ignatius epistola ad Philippenses. *Principium, inquit, vita est fides finis verò eius dilectio. Ambæ autem simul iunctæ hominem Dei perficiunt.* Clemens Alexandrinus libro 2. Stromatum, citans Pastorem. *Præcedit, ait, fides, timor autem adificat.*

Rom. 3. 28.

Eph. 2. 8.

Hebr. 11. 6. 33.

M m

perficit

A. serm. 20. *perficit autem dilectio.* S. AMBROSIVS in psalmum 118. tractans illud, *Principium sermonum tuorum veritas Fides*, inquit, *principium Christiani est, plenitudo autem Christiani iustitia.* & S. Augustin. de verbis Apostoli. *A fide incipit homo, sed quia & demones credunt, necesse est addere spem & charitatem.* Et iterum. *Domus Dei credendo fundatur, sperando erigitur, diligendo perficitur.*

II. EFFECTVS est, impetratio remissionis peccatorum. Nam apud B. Lucam Dominus mulieri cui dixerat: *remittuntur tibi peccata tua*, dixit quoq; *Fides tua te saluam fecit*, nempe à peccatis. Et Apostolus in epistola ad Hebræos per multa exempla docet homines per fidem placuisse Deo, non potuerunt autem placere nisi remissis peccatis. S. Petr. quoq; in Actis Apost. *Fide* inquit, *purificās corda eorum.* Deinde S. Augustinus constanter docet fidem non solum impetrare, sed etiam mereri (intellige saltem de congruo) remissionem peccatorum & iustificationem. Nam in epistola ad Sixtum. *Nec ipsa*, inquit, *remissio peccatorum sine aliquo merito est si fides hanc impetrat. Neq; n. nullū est meritum fidei qua fide ille dicebat, Deus propitiū esto mihi peccatori, & descendit iustificatus merito fidei humiliatus, quoniam qui se humiliat exaltabitur.* Et libro de spiritu & littera. *Quod factorum lex minando imperat, hoc fidei lex credendo impetrat.* Et libro de prædestinatione Sanctorum. *Ex fide ideo dicit Apostolus iustificari hominem, non ex operibus, quia ipsa datur, ex qua impetrentur cetera, quæ propriè opera nuncupantur, in quibus iuste vivimus.* Quod autem non solum fides vt hæretici nugantur, sit causa horum duorum effectuum, nempe remissionis peccatorum & iustificationis, sed etiam opera bona docebimus in titulo de Operibus bonis.

III. Effectus, sunt virtutes omnes bonaq; opera, vt liquet ex exemplis ab Apostolo in epistola ad Hebræos commemoratis. Ait enim fide Abel hostiam Deo obtulisse, Noe arcam aptasse, Abraham obediuisse, & vnigenitum filium Isaac immolare voluisse, Moysen magis elegisse affligi cū populo Dei quàm temporalis peccati habere iuctū ditatē. Fide Rahab meretricem exploratores excepisse, Gedeonē Barac, Samsonem, Iephte, Samuelem & prophetas, per fidē vicisse regna, operatos iustitiam &c. Quæ omnia sunt opera magnarū virtutū. Vnde S. August. libro de spiritu & littera. *Vnde est dilectio, id est, charitas per quam fides operatur, nisi vnde illam fides ipsa impetravit?* Et præfatione in psalmum 31. *Magnum opus, sed ex fide. Laudo super adificationem operis, sed video fundamentum fidei, laudo fructum boni operis, sed in fide agnosco radicem.* Et epistola 106. ad Paulinum. *Si quis dixerit, quod gratiam bene operandi fides mereatur, negare non possumus, imò gratissime confitemur.* Et libro primo contra aduersariū legis & prophetarum. *In nouo testamento fides*

fides impetrat charitatē. Deniq; li. de gratia & libero arbitrio. Fides & non petita conceditur, ut ei petenti alia concedantur.

IV. Effectus est recta intelligentia, & cognitio doctrinæ veræ, iuxta *1a 7.9. iuxta illud Isaia. Nisi credideritis non intelligetis.* Vnde Clemens Alexandrin. 70. *Qui ex fide conuiuari instituerit, is ad diuinorum verborum susceptionem firmus est ac stabilis, ut qui iudicium, quod bona nititur ratione nempe fidem habeat. Eum autem hinc ex redundant copia sequitur persuasio.* Hoc itaq; erit illud propheticum. *Nisi credideritis non intelligetis.* Et Tertullianus libro 4. *contra Marcionem agens de hæmorrhoida per fidem à fluxu sanguinis apud Matthæum seruata: Hac, inquit, erat fides, quæ contulerat etiam intellectum. Nisi credideritis, inquit, non intelligetis.* Cyrillus Hierosolymitanus catechesi 5. *Oculus omnem illuminans conscientiam est fides, & intelligentiam efficiens: dicit enim propheta. Nisi credideritis, non intelligetis.* Augustinus in sententiis à B. Prospero excerptis. *Intellectui fides viam aperit, infidelitas claudit.* Vnde S. Ioan Chrysostom. ad finem homiliæ 23. in Acta Apostolorum, docet opera vnius fidei plurimas difficilimasq; in Scripturis solui quæstiones. *Abyssus quæstionum, inquit, Scriptura est. Quas si soluerimus non omnino soluimus, sed iuxta humanam rationem. Propria earum solatio fides est, scire quod omnia iuste & misericorditer Deus ac vtiliter facit, quia possibile non est ut ratio illa capiat. Vna hæc solutio est, & hæc non est alia melior. Et si hoc tibi ipsi persuaferis, quod prouidentia Dei omnia dispensentur, alia quidem permittente ob causam sibi cognitam, alia verò operante, liberaberis à quæstionibus, & solutionis lucrum acceperis.*

Et S. Ambros. sermone 12. de mirabilibus, docet vbi fides sana est, *ibi etiam veram tradi doctrinam. Vbi, inquit, fides integra est, ibi Saluator docet, vigilat & exultat: ibi requies, ibi tranquillitas, ibi cunctorum est medicina.* Contra verò Tertullian. in libro de Trinitate, & Augustinus de agone Christiano tradunt eos, qui vel negligentes sunt in fide Catholica, vel legitimam fidem deseruerunt, facile prolabi in periculosos errores.

V. Effectus est, incredibilis fortitudo & constantia in atrocissimis etiam suppliciis pro ea tolerandis, quem declarauit Apostolus cū ita *Rom. 8. 38. scripsit ad Rom. Certus sum, quia neq; mors, neq; vita, neq; angeli, neq; principatus, neq; virtutes, neq; instantia, neq; futura, neq; fortitudo, neq; altitudo, neq; profundū, neq; creatura alia poterit nos separare à caritate Dei, quæ est in Christo Iesu Domino nostro.* Vnde n. certus erat nisi ex fidei firmitate, inq; S. Hier. in caput primum epistolæ ad Galat. Innumera huius rei exempla proferri ex historia Ecclesiastica possent. Tertulli ad Scapulam. *Arrius, inquit, Antoninus, cum persequeretur insatier in Asia fideles, omnes illius ciuitatis Christiani ante tribunal se manu facta obierunt.* Et Nicep. in Eccli. *N. lib. 7. c. 6.*

historia. Diocletiani tempore cum natalis dies Christi festus adesset, viginti millia Christianorum in templo à tyranno conclusa, igni conflagrare maluerunt, quam tantillum à Christiana fidei stabilitate deslectere. Hac fortitudine animi Philosophi eloquentissimiq; Oratores, potius quam rationibus conuicti, manus Christo dederunt.

L. lib. 5. c. 13.

Vnde Lactantius in hæc verba scribit. Cum ab ortu Solis usq; ad occasum lex diuina suscepta sit, & omnis sexus, omnis ætas, & gens & regio unitis ac paribus animis Deo seruiant, eadem sit ubiq; patientia, idem contemptus mortis, intelligere debuerant aliquid in ea esse rationis, quod non sine causa usque ad mortem defendebatur: aliquid fundamenti ac soliditatis, quod eam religionem non tantum iniuriis ac vexatione non soluat sed augeat semper & faciat firmiorem.

1. Cor. 1. 25.

VI. Effectus est, immunitas à vitio Curiositatis. Cum enim omnium rerum fide comprehensarum auctor sit ipse Deus, hoc est, ipsa veritas, non est quod aliam rationem vel demonstrationem rei credendæ indagemus. Priscæ Philosophiæ gentilitiæ auditoribus sufficiebat Magistri auctoritas, nempe Pythagoræ, rationisq; vicem subibat illud *ἀντος ἐφα*, quāto magis diuini numinis, de quo hanc sententiam tulit Apostolus. *Quod stultum est Dei, sapientius est hominibus, & quod infirmum est Dei fortius est hominibus.* Qua de causa ita scripsit in libro de Præscriptionibus Tertullianus. *Nobis curiositate opus non est post Christum Iesum, nec inquisitione post Euangelium.* Cum credimus, nihil desideramus ultra credere: hoc enim prius credimus, non esse quod ultra credere debeamus. Et paulo post. *Cedat curiositas fidei, cedat gloria (humana scilicet sapientie ac rationis. saluti.*

Et S. BASILIUS in psalmum 115. *In vniuersum, si fides substantia est earum, quæ sperantur, rerum, & eorum quæ non videntur argumentum, ne mihi tu curiosius anxiusq; contendas videre quæ longiore seposita sunt intervallo, neu quæ speras te olim consecuturum in ambiguum reuoces dubiamuē partem, quod ad ea nondum potueris certa notione pertingere.*

* *

CAPIT

CAPUT IV.

De Medijs ad veram Catholicamq; fidem con-
seruandam, roborandamq;
idoneis.

PRIMUM medium est, Post diuinas Scripturas firmiter adhæresce-
re Traditioni, successioniq; summorum Pontificum Romanæ Ec-
clesiæ inde à D. Petro, & definitioni Catholicæ Ecclesiæ. Hoc enim
tradunt omnes veteres S. Patres, vt B. Vincentius Lirinensis in libel-
lo aureo contra profanas nouitates. *Sæpe, inquit, magno studio & sum-
ma attentione perquirens à plurimis sanctitate & doctrina præstantibus viris
quoniã modo possum certa quadam, & quasi generali ac regulari via Catholicæ
fidei veritatem ab hæretica prauitatis falsitate discernere, huiusmodi semper
responsum ab omnibus ferè retuli, quod siue ego, siue quis alius vellet exurgen-
tium hæreticorum fraudes deprehendere, laqueosq; vitare, & in fide sana sanus
atq; integer permanere duplici modo munire fidem suam Domino adiuuante de-
beret. Primo scilicet diuina legis auctoritate, tū deinde Ecclesiæ Catholicæ tra-
ditione. Hic forsitan requirat aliquis, cum sit perfectus Scripturarum canon,
sibiq; ad omnia satis superq; sufficiat, quid opus est, vt ei Ecclesiastica intelligen-
tiæ iungatur auctoritas? Quia videlicet Scripturam sacram pro sua altitudine
non vno eodemq; sensu vniuersi accipiunt, sed eiusdem eloquia aliter atq; ali-
ter, alius atq; alius interpretatur, vt pæne quot homines sunt, tot illinc sententiæ
erui posse videantur. Ireneus libro 4. aduersus hæreses, Paulus ait: Po-
sunt Deus primò in Ecclesia Apostolos, secundo prophetas, tertio Doctores. Vbi
igitur charismata Domini posita sunt, ibi discere oportet veritatē. apud quos est
ea quæ est ab Apostolis, Ecclesiæq; successio, & id quod est sanum & irreprobabile
sermonis constat. Et iterum Agnitio vera est Apostolorum doctrina, & an-
tiquus Ecclesiæ status in vniuerso mundo & caractere corporis Christi secun-
dum successiones Episcoporum, quibus illi eam, quæ in vnoquoq; loco est Ecclesi-
am tradiderunt, quæ peruenit vsque ad nos sine fictione, Scripturarum tracta-
tione plenissima &c. Hieronymus contra Luciferianos. Etiam si Scripturæ
auctoritas non subesset, totius orbis in hanc partem consensus obtineret. Nam &
multa alia, quæ per traditionem in Ecclesiis obseruantur auctoritatem sibi scri-
ptæ legis vsupauerant. AUGUSTINVS contra epistolam Manichæi. A. c. 5.
Ego verò Euangelio non crederem nisi me Catholica Ecclesiæ commoueret au-
thoritas.*

Ir. c. 45.
Eph. 4. 11.

Id. c. 63.

II. Medium est Constantia in vita sancta, bonorumq; operum ex-
Mm. 3. exercitatio-

1. Cor. 13. 2.

A. C. 18.

1. Ioan. 2. 4.
Gr. hom. 29.

Tit. 1. 16.

3. Tim. 7. 19.

Ch. hom. 4.

Luc. 10. 16.
Mat. 25. 40.

exercitatione. Nam Apostolus disertè docet se si etiam perfectissimam efficacissimamq; fidem habeat, si caritate destituta sit, nihil fore *Si habuero, inquires, omnem fidem ista ut montes transferam charitatem autem non habuero, nihil sum* Et S. Iacobus. *Sicut enim corpus sine spiritu mortuum est, ita & fides sine operibus mortua est.* Vnde Augustinus libro 15. de Trinitate. *Fides sine caritate potest quidem esse, sed non & prodesse.* Imo scriptura ita loquitur ac si cum prauis moribus etiam perdat fides. *Qui dicit se nosse Deum & mandata eius non seruat, hic mendax est,* ait B. Iohannes. Et S. Gregorius in Euangelia. *Vera fides est, qua in hoc quod verbis dicit, moribus non contradicit.* Hinc est enim quod de quibusdam falsis fidelibus Paulus dicit. *Qui confitetur se nosse Deum, factis autem negant.* Hinc Iohannes ait. *Qui dicit se nosse Deum, & mandata eius non custodit mendax est.* Quod cum ita sit fidei nostre veritatem in vita nostra consideratione debemus agnoscere. Tunc enim veraciter fideles sumus, si quod verbis promittimus operibus complemus. Quamuis enim per praua opera non amittatur fides vera, ut supra ex ipso S. Gregorio probauimus, tamen valde obscuratur cum facto contrarium videamur declarare. Vnde cum Scriptura S. Patres declarant ex peruersa vita proximum lapsum esse in errores & hareses, quibus prorsus perit vera fides. Apostolus enim dum hortatur Timotheum suum ad seruandam fidem, bonamq; conscientiam, addit, *quam, nempe conscientiam, quidam repellentes circa fidem naufragauerunt, inter quos est Hymeneus & Alexander, quos tradidi Satana.* In quæ verba ita Chrysostomus. *Et merito sane naufragauerunt. Nam ubi vita reprehensibilis fuerit, dogma item huiusmodi sit necessarium est: ac videas plurimos in profundum malorum corruisse. atq; ad gentilem ritum fuisse conuersos.* Eodem modo per bonam conscientiam Theodoretus & Ambrosius hoc loco expouunt *vitam laudabilem, cum temperantia & iustitia coniunctam.*

III. **MEDIUM** Crebra exercitatio in actionibus fidei tam externis quam internis. Innumere enim occasiones in dies se offerunt eam exercendi. Si enim mane tibi surgendū est, consignas te sacro signo crucis, quod est Christianæ fidei Symbolum. Si orandum, per fidem Deum, quem credis tibi propitium fore & elementem supplex imploras. Si obediendum superiori, in eo Deum contemplaris secundum illud dictum. *Qui vos audit, me audit.* Si elemosyna danda sit pauperi, das libenter illi tanquam Christo, quia credis verbis illis Christi. *Quod uni ex minimis meis fecistis mihi fecistis.* Et illis. *Hospes eram, & collegistis me.*

Vnde S. Patres libere sic loquuntur. Ad mensas vestras Christum inuitate. Peregrino Christo hospitium præbete. nec mirum, quia Christus, teste Seuerio Sulpitio, S. Martino per visum noctuoblatum dixit.

dixit. *Martinus adhuc catechumenus hac me veste contexit.* Si baptismi vel Pœnitentiæ sacramenta usurpare velis, sine fidei beneficio, qua confidis Deum tibi omnia scelera condonaturum, non exequeris. Crebro quoq; occasio se offert fidei profitendæ ex formula Concilii Tridentini, ut cum vel beneficia Ecclesiastica vel Ordines, vel Gradus Academici sunt suscipiendi, quod eo libentius quisque, interno quoq; actu fidei adiuncto facere debet, quo certius nouit se prastantissimum, Deoq; gratissimum religionis actum exercere.

Hortatur S. AMBROSIVS alicubi, ut quotidie Symbolum Apostolicum, quod certe est Symbolum fidei & quidem primarium, antelucanis horis recitemus. Augustinus vero libro primo de Symbolo ad Catechumenos monet ut eodem etiam ante somnum nos muniamus. *Quando enim, inquit Ambrosius, sine militia sacramento miles in tentorio, bellator est in prelio?* Quotidianæ certè nos pulsant tentationes mundi, carnis & Satanæ, ac aliquando audent arcem fidei inuadere, quomodo autem illæ repellentur nisi ignito fidei iaculo, nisi vehementi aliquo fidei in Deum ac Christum Dominum actu? Beatus enim, inquit insignis Christi miles Dauid, *qui tenuerit ac alliserit paruos suos ad petram.* Plura de hoc medio reperies apud nostrum P. Rosignolium de Actionibus virtutum lib. 1. c. 15.

IV. MEDIVM est Timor Domini. *Principium enim sapientiæ, ait Salomon timor Domini.* Et Ecclesiasticus. *Qui timetis Dominum, credite illi.* Et. *Qui timent Dominum non erunt incredibiles verbo illius.* Et. *Si non in timore Domini tenueris te instanter, cito subuertetur domus tua.* Hoc medium præscripsit Christus Apostolis, ne sauiente persecutione desererent fidem. *Nolite, inquit, timere eos, qui occidunt corpus, animam autem non possunt occidere, sed potius timete eum, qui potest animam & corpus perdere in gehennam.*

Et S. Gregorius in moralibus. *Terra, ait, fundamentum fides est.* Huius terra fundamentum iacitur, quando in occultis cordis prima sodalitatis causa diuinus timor inspiratur. Isse necdum credit æterna quæ audit. huic cum fides datur, ad edificium subsequenti operis iam fundamentum ponitur. Ille æterna iam credit, nec tamen metuit: venturi iudicii terrorem despicit, peccatis se carnis & spiritus audenter inuoluit. Huic repente cum futurorum timor infunditur, ut bona vitæ surgat edificium, iam fundamenta construuntur. Posito itaque prospera formidinis fundamento, cum virtutum fabrica in altum ducitur, necesse est ut unusquisq; proficiens vires suas cautè metiatur, ut cum diuina constructione magnus esse iam cœperit. semetipsum respiciat sine cessati-
one quod fuit, quatenus attendens humiliter quod per meritum inuenit

Sulp. in vita.

A lib. 3. de Virg.

A. c. 1.

Psal. 136. 21

Prou. 1. 7.

Eccl. 2. 8. & 18.

ib. 17. 4.

Matt. 10. 28.

G. lib. 1. 2. c. 10.

est, nequaquam sibi arroget, quod per gratiam factus est. Et Tertullianus de præscriptionibus aduersus hæreticos. *Doctrina*, inquit, *index disciplinae*. Negant Deum timendum. Itaq; libera sunt illis omnia & soluta. Vbi autem Deus non timetur, nisi ubi non est: Vbi Deus non est, nec veritas vlla est. Vbi veritas nulla est, merito & talis disciplina est. At ubi Deus, ibi metus in Deum, qui est initium Sapientiae. Vbi metus in Deum, ibi grauitas honesta, & diligentia attonita, & cura sollicita, & adlectio explorata, & communicatio deliberata, & promotio emerita, & subiectio religiosa, & apparitio deuota, & processio moderata, & Ecclesia unita, & Dei omnia.

C A P V T VII.

De signis & indicijs verae fidei.

Matt. 7. 15.

Tertul. lib. 1.

Mal. in c. 7.
Matth.

INTER verae fidei indicia primum merito locum obtinet, vita pia hominis fidelis, Dei; & Christianae fidei legibus consentanea. Hoc enim tradidit apud Matthaeum Christus, cum discipulos docuit, quo indicio cognoscere debeant fallos prophetas, id est doctores qui adulterinam fidem tradunt. *Attendite*, inquit, *a falsis prophetis, qui veniunt ad vos in vestimentis ouium, intrinsecus autem sunt lupi rapaces, a fructibus eorum cognoscetis eos. Non potest arbor bona malos fructus facere, neque arbor mala bonos fructus facere. Quem locum recte interpretatur de fide*, Tertullianus contra Marcionem, cum agatur de falsis prophetis. Itaq; arborem bonam vel malam appellat Christus hominem bonam aut malam fidem habentem. Si dicas aliquando bona fide praeditos malos fructus facere, id est, male vivere: respondeo, non dicere Christum, quid aliquando, sed quid plerumque: neque quid hominum peruersitate, sed quid naturae fidei soleat accidere. Fides autem natura sua neque bonos generat fructus, si mala sit, neque malos, si bona sit. Neque enim, ut bene in commentario suo animaduertit noster Maldonatus, fuit Christi institutum, hoc loco certum, sed admodum probabile indicium suggerere docereq; non posse pseudo-prophetas vel hæreticos, qui simulatione sanctitatis falsam doctrinam probant, diu se ita ouina pelle tegere, quin tandem, qui sub ea lateat lupus, appareat. uti apparuit in hæreticis nostri saeculi, qui quos sua fide noua vel Euangelio præclaros scilicet, fructus ediderint, prolixè prosequitur, Apologia prior Friderici Saphyli, Lindani Episcopi Dubitantius, Thomas Stapletonus libro de principiis fidei, & breuissimè in Promptuario morali Dominicae 7. post pentecosten puncto 2. Hoc indi-

Hoc indi-

indiciū iam olim exegit Apostolus Iacobus à fidelibus fidei suæ veritatem obtendentibus. *Quid proderit, inquit, fratres mei si fidem quis dicat se habere, opera autem non habeat? nunquid poterit fides saluare eum? si autem frater & soror nudi sint, & indigeant victu quotidiano, dicat autem aliquis ex vobis illis. Ne in pace calefacimini & saturamini, non dederitis autem eis, quæ necessaria sunt corpori, quid proderit? Sed dicet quis. Tu fidem habes, & ego opera habeo: ostende mihi fidem tuam sine operibus, & ego ostendam tibi ex operibus fidem meam.* Hoc indicium contra Manichæos pro defensione fidei Catholicæ dedit suo æuo S. Augustinus libro de utilitate credendi his verbis. *Parumne consultum rebus humanis arbitraris, quod nihil terrenum, nihil igneum, nihil denique, quod corporis sensus attingit pro Deo colendum esse, ad quem solo intellectu ambiendum est, non paucis doctissimidisputant, sed imperitum etiam vulgus marium feminarumque in tam multis diuersisque gentibus, & credit, & prædicat? Quod continentia usque ad tenuissimum victum panis & aquæ, & non quotidiana, sed etiam per contextos plures dies perpetuata ieiunia, quod castitas usque ad coniugii prolis-que contemptum: quod patientia usque ad cruces flammæque neglectas: quod liberalitas usque ad patrimonia distributa pauperibus, quod denique totius huius mundi aspernatio usque ad desiderium mortis intenditur? Pauci hoc faciunt, pauciores bene prudenterque faciunt, sed populi probant, populi audiunt, populi fauente, diligunt postremo populi. Populi, suam imbecillitatem, quod ista non possunt, nec sine propectu mentis in Deum, nec sine quibusdam scintillis virtutis accusant. Hoc factum est diuina providentia per prophetarum vaticinia, per humanitatem doctrinamque Christi, per Apostolorum itinera, per martyrum contumelias, cruces, sanguinem, mortes, per sanctorum predicabilem vitam, atque in his vniuersis dignarebus tantis atque virtutibus pro temporum opportunitate, miracula. Cum igitur tantum auxilium Dei, tantum profectum fructumque videamus, dubitabimus nos eius Ecclesia condere gremio, quæ usque ad confessionem generis humani ab Apostolica sede per successiones Episcoporum frustra hereticis circumlatrantibus, & partim plebis ipsius iudicio partim Conciliorum grauitate partim etiam miraculorum maiestate damnatis culmine auctoritatis obtinuit? Hucusque Augustinus.*

II. Indiciū est zelus tuendi, propagandi-que fidem Catholicā Romanā. *Vis scire, inquit S. Hieronymus epistola ad Pammachiū, quantus sit ardor bene credentium? Audi Apostolū Et si nos, aut angelus de cælo aliter euangelizauerit nobis, anathema sit.* Vnde prisci Patres sub tempora Constantinī Magni, exortis iam Arianis, non passi sunt vel syllabam in articulo fidei, vel verbulo Catholicis vitato, ut erat homousiō vel Consubstantialē, immutari. Fidos siquidem, Auctore Tertulliano in libro de Præscriptionibus, virgo est integerrima, talis-que nobis à Christo tra-

Cl. lib. 1. re-
cogit.

17. Sept. c. 29.

Fr. Mayronis
professor The-
olog. Parisiis.

Tu. 3. 20.

2. Tim. 1. 20.
2. Io. 10.

Iren. 1. 3. c. 3.

Ibid.

dita, quam ut stuprare conantur hæretici, sic Catholice eam omni-
nò incorruptam caste tueri necesse est. Talem zelum habebat S. Cle-
mens Romanus, qui cum S. Petrum de fide in Christum differentem
audisset. Deo gratias ago, inquit, qui, ut optavi, institutus sum, ac certo scias,
Petre, fieri non posse, ut dubitem de his quæ ex te audiui de Christo propheta, et-
iam si tu ipse aliter doceres & me in aliam fidem transferre conareris. Hoc enim
mihi certum est, eum qui doctrinam hanc de vero propheta acceperit, non posse
de hac veritate ultra dubitare. Ad hæc Petrus. Gratias ago Deo & pro salute
tua, & pro quiete mea: valde enim delector, quia intellexisse te video, quanta
sit Christiana virtutis magnitudo, & in eo, quod ais, me si ego ipse cupiam, quod
absit, possim te transvertere in aliam fidem. Talis erat zelus pro fide S. Elze-
arii Comitis in Galliis, quem vitæ auctor apud Surium ita loquentem
ad uxorem suam, cum qua perpetuam coluerat castitatem, inducit.
Ecce Dalphina, si magister Franciscus Maironis, qui in præcipuis Christiani or-
bis Theologis numeratur, estq; in fide benè instructus & firmus, itemq; frater Jo-
annes Iuliani Confessarius noster, illuminata fide, & vitæ sanctitate clarus, ve-
nient ad me, dicerentq; uno animo fidem nostram falsam esse, nosq; hæcenus in
magno errore vixisse, & deceptos esse, Pontificemq; & Cardinales velle fidem
mutare idq; etiam pariter totus clamaret orbis, equidem non desicerem vlla in
parte ab illa fide, quam mihi Deus ostendit, etiam si ea causa mille mihi mortes
oppetenda forent. Eodem zelo excelluerunt martyres omnes, qui nul-
lis neq; blanditiis neq; suppliciis adduci potuerunt, ut vel fidem ve-
ram negarent, vel etiam simularent se aliquid in ea negasse.

III Indicium superiori affine est, abhorrere vehementer ab omni
nota hæreseos, hæreticorum colloquiis & conuersatione, librorum
quoq; hæreticorum lectione & tractatione. Quo horrore tenebatur
Apostolus cum scripsit. Hæreticum hominem post unam & secundam cor-
ruptionem denita sciens quia subuersus est qui eiu modi est Et cum Hymenæ-
um & Alexandrum à fide naufragos tradidit Satanæ, ut ipse testatur
in epistola ad Timotheum, quo discerent non blasphemare. Tenebatur
& B. Ioannes Euangelista cum scripsit. Si quis hanc doctrinam non afferre
nolite recipere eum in domum, nec Aue ei dixeritis. Et cum reperto Cerin-
tho hæretico in balneis teste B. Irenæo, repente exiliit non lotus, ti-
mens scilicet balneas corrui turas, cum esset intus inimicus veritatis. Eo-
dem tenebatur quondam S. Polycarpus auctore eodem, qui Marcioni
hæretico aliquando occurrēti, & dicenti sibi, Cognosce nos, respondit. Cognosco
te primogenitum Satanæ. Tenebatur & Magnus S. Antonius, de quo sic
Athanasius. Manichæis aut aliis hæreticis nunquam saltem amabilia verba
largitus est, denunciāns talium amicitiam atq; sermones perditionem esse ani-
mæ. Sic etiam Arianos detestabatur, ut omnibus diceret, ne iuxta quidem eos
esset.

esse accedendum. Et ipse iam moriturus. Hæreticorum, inquit, & Schismaticorum venena vitæ, meumq; circa eos odium sectamini. Scitis ipsi, quod nullus mihi nec pacificus quidem sermo cum eis unquam fuerit. Tenebatur S. Hieronymus omnium hæreticorum sui æui hostis acerrimus. Vnde ita scribit aduersus Pelagianos. Fateor me nunquam hæreticis pepercisse, & omni egisse studio, ut hostes Ecclesiæ mei quoq; hostes fierent. Et ad Vigilantium. Vnde satis miror te voluisse Origenis mihi obijcere dogmata. Egne hæreticus? Id. ep. 75. & cur me, quæso, hæretici non amant? Et ad Pammachium. Nolo in suspitione hæreseos quenquam esse patientem, ne apud eos, qui ignorant innocentiam eius dissimulatio conscientia iudicetur, si taceat. Vnde ad Marcum Celestensem ita philosophatur. Hæreticus vocor, hominison prædicans Trinitatem. Sabelliana impietatis arguor, tres subsistentes, veras, integras, perfectasq; personas indefessa voce pronuncians. Si ab Arianis, merito: si ab orthodoxis, qui huiusmodi arguunt fidem, orthodoxi esse desierunt, aut si eis placet, hæreticum me cum Occidente, hæreticum cum Aegypto, hoc est cum Damaso Petroq; condemnent. Deniq; in Apologia aduersus Ruffinum ostendens quantopere horreret consuetudinem hæreticorum. Nobis, inquit, in monasterio hospitalitas cordi est, omnesq; ad nos venientes læta humanitatis fronte suscipimus. Veremur enim ne Maria cum Ioseph locum non inueniat in diuersorio, ne nobis Iesus dicat exclusus. Hospes eram, & non suscepistis me. Solos hæreticos non recipimus.

IV. Indicium est Simplicitas in credendo ea quæ etiam humanam intelligentiam excedunt. Cuius virtutis egregium exemplum præbuit omnium credentium pater Abraham Patriarcha. primo, cum Deo promittenti credidit se centenarium ex vxore nonagenaria Sara pariturum filium, idq; simpliciter. Nam sic loquitur Apostolus de eius fide. Et non infirmatus est fide, nec considerauit corpus suum emortuum cum iam fere centum esset annorum, & emortuam vuluam Saræ. In repromissione etiam Dei non habuit diffidentia sed confortatus est fide, dans gloriam Deo, plenissime sciens, quia quæcumq; promisit potens est & facere. Secundo, cum iussus est à Deo offerre filium Isaac in holocaustum, credebatur enim potius ab eo filium resuscitandum, quàm promissionem de seminis benedictione prius facta irritam futuram. Vnde idem Apostolus. Fide obtulit Abraham Isaac, cum tentaretur, & unigenitum offerebat, qui suscepit repromissiones ad quem dictum est. Quia in Isaac vocabitur tibi semen, arbitrans quia & à mortuis suscitare potens est Deus. Vnde I. O. CHRYSOSTOMVS agens de hac simplicitate Abrahæ in credendo, Videamus, inquit, iusti obedientiam, & quomodo fecit, quod à Domino imperatum est, non quarens causam sicut multi insipientes faciunt, & de his quæ à Deo

fiunt curiosè querunt, & dicunt. Quare hoc, & quare illud? & qua hinc, & qua illinc utilitas enascitur, sed sicut famulus diligens Dominum, quacumque praeceperit, implere studens nihil ulterius percontans. Postquam enim Dominus promissionem ei fecit, & complevit sermonem suum, statim iustus quae imperata fuerunt perfecit.

Psal. 115. 1.
2. Cor. 4. 13.

Chri. in ps. 115.

2. Exemplum prae-buit regius propheta Dauid cum ait. Credidi propter quod locutus sum, quae verba repetens apostolus in altera ad Corinthios. Habentes autem, ait, eundem spiritum fidei, sicut scriptum est. Credidi propter quod locutus: & nos credimus propter quod & loquimur: nempe de receptum ingenii superante, hoc est, de resurrectione Christi & nostra. Ea vero idem Chrysost. exponens. Necesse est ergo, inquit, primò dicere, quomodo eo usus est Apostolus, & de quonā sermo esset ab eo institutus. Ita n. cognoscemus sibi veluti propheta. Quamquā aliqui hac est optima docendi ratio, non orationis contextum circumcidere, nec parte accepta, in ea immorari, sed ab alio incipere exordium narrationis. De quonam ergo differens Paulus meminit huius vocis prophetica! De resurrectione, & futurorum bonorum perceptione, quae omnem rationem, cogitationemq. superant. Quoniam ergo fide ad ea suscipienda opus est, ne conturbaretur Iudeus, & vana se sepe fuisse deceptum existimaret, prophetico dicto corrigit eius imprudentiam, propemodum dicens. Non rem aliquam novam requiro, fidem, sed vetus bonum. Atque sic quidem Paulus. Propheta autē, cum ipse quoque esset praedicturus bona quadam euentura Iudeis, quae superabant humanam consequentiam, ne quis possit eis fidem derogare, ita psalmum inceptit dicens. Credidi, propter quod & locutus sum.

Matth. 2. 12.
Ch. hom. 8. in
Matt.

3. Exemplum prae-buere Magi, apud Matthaeum, cum responso accepto in somnis post adoratum Christum ne redirent ad Herodem, per aliam viam reuersi sunt in regionem suam. De quibus in hac verba scribit idem Chrysost. Considera etiam hoc loco admirabilem Magorum fidem, qui in nullum hinc scandalum commouentur, sed ad cuncta obediētes permanent atque flexibiles, nihilque omnino turbantur, neq. ipsi se cum disputant, dicentes. Si magnum quiddam esset hic puer, & potentia aliquid obtineret, nobis adoratorib. eius quid opus esset, fuga occultusq. discessus. Curenim nos qui palam ac liberè venimus, nec tanti populi fragorem, nec tyranni furorem pauentes quasi reos quosdam atq. fugitiuos angelus ciuitate propellit? Verum nihil omnino tale, vel ore proferunt, vel mente concipiunt. Hoc est enim fidei insigne, ut absq. controuersia vlla imperanti obediant, nec tamen mercedem reposcant obsequii.

Matth. 14. 28.

4. Exemplum simplicitatis fidei prae-buit S. Petrus, qui apud Matthaeum in tempestate maris conspecto Christo dixit. Domine si tu es, iube me ad te venire super aquas. At ipse ait, Veni. & descendens inquit

inquit, Petrus de nauicula ambulabat super aquas. In quæ verba ita Hieronymus in commentariis. In omnibus locis, ait, ardentissima fidei inuenitur Petrus. Interrogatis discipulis, quem homines dicerent Iesum, Dei filium confitetur Volentem ad passionem pergere prohibet, & licet erret in sensu, tamen non errat in affectu, nolens cum mori, quem filium Dei paulo ante fuerat confessus. Post passionem, cum essent in lacu Genesareth & piscarentur, & Dominus staret in litore, aliis paulatim nauigantibus ille non patitur moras, sed accinctus ependyte suo statim precipitatur in fluctus. Eodē igitur fidei ardore, quo semper, nunc quoque, ceteris tacentibus credit se posse facere per voluntatem magistri, quod ille poterat per naturam. Iube me venire ad te super aquas. Tu precipe, & illico solidabuntur vnde, leue fiet corpus, quod per se graue est. Et paulo post. Si Apostolo Petro, qui confidenter rogauerat Saluatorem. Domine, si tu es, iube me venire ad te super aquas, quia paululum timuit dicitur. Modica fidei, quare dubitasti? quid nobis dicendum est, qui huius modica fidei me minimam quidem habemus portiunculam?

VIDE V Cognitio Dei Opera bona Pietas in Deum. Religio Christiana. Spes. Veritas. Et in PANARIO. V. Hæresis.

FORTITUDO.

CAPVT I.

De fortitudinis definitione.

FORTITVDINIS nomine S. Patres aliquando firmitudinem animi in quauis virtute exercenda necessariam intelligunt, eo quod in omni virtute difficultas aliqua superanda occurrat: nam tendit vt poeta quidam ait, in ardua virtus. Et alius via virtutis dextrum petit ardua callem difficilemque aditum primum spectantibus offert. Quo sensu S. Ambrosius libro primo de officiis. Iure, inquit, ea fortitudo vocatur, quando unusquisque seipsum vincit, iram continet, nullis illecebris emollitur atque inflectitur, non aduersis perturbatur, non extollitur secundis, & quasi vento quodam variarum rerum circumfertur mutatione.

Et S. Prosper lib. 3. de vita contemplatiua. Animi fortitudo ea debet intelligi, quæ non solum diuersis pulsata molestiis in concussa permaneat, sed etiam nullis voluptatum illecebris resoluta succumbat. Alias vero iidē Patres voce fortitudinis peculiarem quandam virtutem, quæ vna sit ex quatuor

Ouid. 2 de Pors.

Virg. lit. Pyth. l. A. c. 36.

P. c. 20.

A. q. 31.

Id. c. 13.

Am. l. 3.

Id. c. 9.

Ar. c. 6.

Cicero.

S. c. 34.

Id. ep. 88.

virtutibus, quas vocant, Cardinalibus accipiunt, qua animus rectè se habet in rebus acerbis & terribilibus perferendis & expugnandis. S. Augustinus lib. 83. quæstionem sic definit, *Fortitudo est considerata periculorum susceptio & laborum perpassio*. Et libro 1. de libero arbitrio. *Est animæ affectio, qua omnia incommoda & damna rerum non in nostra potestate constitutarum contemnimus*. Et S. Ambrosius de virginibus. *Fortitudo vim quandam ferocientis virtutis habet, mortisq. contemptum*. Et li. 2. de officiis. *Vulgi usu diuiditur vna quædam forma virtutum, ut temperantia sit in despicendis voluptatibus, fortitudo spectetur in laboribus & periculis*. Eodem modo eam definiuerunt Ethnicorum Philosophi. Aristoteles in tertio Ethico. *Fortitudo, ait, est mediocritas circa metum & audaciam*, hoc est, virtus, quæ in metu & audacia moderandis posita est. M. Tullius in quarta Tusculana. *Fortitudo est scientia perferendarum rerum, vel affectio animi in patiando & perferendo summa legiparens sine timore*. Et in Secunda. *Viri propria maxime est fortitudo, cuius munera duo maxima sunt sunt mortis dolorisq. contemptio*. L. Annæus Seneca lib. altero de beneficiis. *Est virtus pericula iusta contemnens, aut scientia periculorum repellendorum, excipiendorum, prouocandorum*. Et ad Lucilium *Fortitudo contemptrix timendorum est, terribilia & sub iugum libertatem nostram at. tentia despiciat, prouocat, frangit*.

CAPVT II.

De eius præstantia & utilitate.

Psal. 26. 14.

Psal. 30. 25.

2. Par. 15.

Isa. 35. 4.

1. Cor. 15. 58.

1. Cor. 16. 13.

Eph. 6. 10.

1. Pet. 3. 14.

Matt. 10. 28.

PRÆSTANTIA & utilitas virtutis huius inde liquet, quod Spiritus sanctus in verbo diuino creberrimè suos ad eam cohortetur, cum ad iuncta promissione comodi inde secuturi. Ita David spiritu Dei plenus. *Expecta, inquit, Dominum, viriliter age, & confortetur cor tuum, & sustine Dominum*. Et iterum *Viriliter agite & confortetur cor vestrum, omnes qui speratis in Domino*. Sic Azarias facto in se spiritu Dei, dixit ad regem Asiam, & omnem ludam. *Vos ergo confortamini, & non dissoluantur manus vestre, erit enim merces operi vestro*. Et Isaias. *Confortate manus dissolutas, & genua debilia roborate. Dicite pusillanimis. Confortamini, & nolite timere, ecce Deus uester retributionem adducet retributionis. Deus ipse veniet & saluabit vos*. Et S. Paulus ad Corinthios. *Fratres mei dilecti, stabiles estote & immobiles abundantes in omni opere Domini semper, scientes quod labor uester non est inanis in Domino*. Et rursus *Vigilate, stete in fide, viriliter agite, & confortamini*. Et ad Ephes. *De cetero fratres, confortamini in Domino, & in potentia virtutis. Induite vos armaturam Dei, ut possitis stare aduersus insidias diaboli*. Eodem collimant illa monita B. Petri. *Timorem eorum ne timueritis. Quis est, qui vobis noceat si boni amulatores fueritis? Sed & si quid patimini propter iustitiam, beati. Imò & Christi Domini. Nolite timere eos qui occidunt corpus, animam autem non possunt occidere*. S. P A T R E S. quoq. præstantiam fortitudinis variis modis obocu-

los per

los ponunt. Clemens Alexandrinus libro Stromatum quinto commemorat, quibus Symbolis Ægyptii eam repræsentarint. *Roboris & fortitudinis symbolum, ait, est eis Leo, magniq; animi & virtutis & libertatis Equus; roboris autem rursus cum ingenij solertia Sphinx, quæ totum quidem corpus habet leonis, faciem autem hominis.* Et libro septimo agens de homine perfecto quibus virtutibus utatur. *Magni autem, inquit, animi virtute non solum in ferendis casibus, sed etiam in eo, quod resistat voluptati & cupiditati, doloriq; & ira, & in summa cuius rei, quæ nos vel vi, vel fraude aliqua illicit.* S. Ambrosius eam locat inter virtutes Cardinales quatuor, id est, principales, eo quod sicut ostium in cardine, sic omnis vite honestæ ratio in illis versetur, boniq; operis structura vniuersa iis nitatur. *Et quidem scimus, ait, in Lucam, virtutes esse quatuor Cardinales, temperantiam, iustitiam, prudentiam, fortitudinem.* Et de officiis *Fortitudo velut excelsior ceteris diuiditur in res bellicas & domesticas. Sed bellicarum rerum studium à nostro officio iam alienum uidetur, quia animi magis, quàm corporis officio intendimus, nec ad arma iam spectat usus noster, sed ad pacis negotia.* Maiores autem nostri, ut Iesus Naue, Hierobaal, Samson, David summam quoq; rebus bellicis retulere gloriam: *Est itaq; fortitudo velut excelsior ceteris, sed nunquam incommittata virtus.* Et infra. *Non est igitur mediocris, nec discre-* A. in c. 6.
Id. l. 1. c. 35. *ta à ceteris animi fortitudo, quæ bellum cum virtutibus gerat, sed quæ sola defendat ornamenta virtutum omnium, & iudicia custodiat, & quæ inexpiabili pralio aduersus omnia vitia decernat, inuicta ad labores, fortis ad pericula, rigidior aduersus voluptates, dura aduersus illecebras, quibus aurem deferre nesciat, nec ut dicitur aue dicat, pecuniam negligat, auaritiam fugiat. nihil enim tam contrarium fortitudini, quàm lucro vinci.* S. Hieronymus in caput 6. ad Ephesios. *Hac apud nos est consuetudo Scripturarum, ut indifferenter* H. lib. 3. com. 12. *is xxi & à petri virtutem nominent, maximè quia fortitudo corporis virtus animi existimatur.* Quanquam & apud Philosophos inter quatuor virtutes fortitudo sit posita quam viq; animi & non corporis esse manifestum est. *Quod igitur ait Paulus, confortamini in Domino, & in potentia virtutis eius totum* Eph. 6. 10.
A. c. 7.
Matt. 5. *sentitur in Christo.* S. Augustinus libro 2. de doctrina Christiana, & libro primo de sermone Domini in monte c. 9. fortitudini attribuit quartum locum inter octo beatitudines. *Fortitudo, inquit, congruit esurientibus & sitientibus: laborant enim desiderantes gaudium de veris bonis, & amorem à terrenis & corporalibus auertere cupientes.* Et ad fratres in eremo. *Est & alia fortitudo, quæ boni quotidie certant vsq; ad mortem. Tales sunt fundati in Deo, & ideo nec verba, nec impiorum verbera timeant.* Id. serm. 27. *Hac est illa mirabilis fortitudo, quæ Moyses asperitatem viæ deserti vicit. Hic est panis celestis, qui Eliam in deserto pavit. Hac est fortitudo quæ mortem spernit. hæc est clavis, quæ domus Dei patefecit & aperitur. Hac est quæ habenas voluptatis sub freno rationis* iaccere

P. c. 18.

G. c. 36.

Cicero.

Seneca.

iacere cogit. Hæc est, qua Ioannes in deserto decoratur. Hæc est, qua Paulus eremitarum forma beatificatur. Hæc Antonii aliorumque sanctorum Patrum lorica est & zona, qua præcincti & armati in excelsis indefessa voce quotidie clamare non cessant. B. Prosper de vita contemplatiua. Principales quatuor esse virtutes non solum Philosophi sentiunt, sed etiam nostri consentiunt. Quaternarium numerum perfectioni sacratum pene nullus ignorat: siquidem totus orbis Oriente & Occidente Aquilone & Meridie quatuor determinari partibus siue angulis inuenitur. &c. & ideo virtutes istæ, quæ tantum continent perfectionis in numero sollicitè considerare debemus, quantam sanctitatem conferant animo Christiano, & quam nihil perfectionis usquam sit, quod in istis virtutibus non sit. Verumtamen hoc in primis nosse & tenere debemus, quod istæ 4 virtutes, vel omnes quæ ex illis existunt dona sint Dei, & quod nullus eas habet, habuit, aut habebit, nisi cui Deus, qui est omnium virtutum proprietas & origo contulerit: quoniam quicumque, quocumque tempore, in quacumque gente in Deum credentes ex fide vixerunt illius dono temperantes ac prudentes, iusti ac fortes fieri utique potuerunt. Haud secus philosophatur S. Gregorius in secundo Moralium. In quatuor angulis domus ista consistit, quia nimirum solida mentis nostræ ædificium, prudentia, temperantia, fortitudo, iustitia sustinet. In quatuor ergo angulis domus ista subsistit, quia in his quatuor virtutibus tota boni operis structura consurgit. Unde & quatuor paradisi flumina terram irrigant, quia dum his quatuor virtutibus cor infunditur ab omni desideriorum carnalium astu temperatur. Ethnici quoque scriptores magnificè hanc virtutem prædicant. Cicero in secundo de Oratore. Magna, inquit, laus & admirabilis videri solet tulisse casus, ientior aduersos non fractum esse fortuna, retinuisse in rebus asperis dignitatem. Et Seneca epist. 114. Fortitudo est munimentum humane imbecillitati inexpugnabile: quod qui circumdedit sibi, securus in hac vitæ obsidione perdurat.

CAPUT III.

De Proprietatibus veræ fortitudinis.

A. 1. Eth. c. 7.
Cl. 7. Strom.

PRIMA Proprietas est ut sit rectæ rationi consentanea. Fortis, enim inquit Aristoteles, pro dignitate, & ut ipsa ratio iubet, tam patitur, quam etiam agit. Vnde Clemens Alexandrinus. Nullus citra rationem fortis, est cognitione præditus: nam pueros quoque sic dixerit aliquis fortes, qui quæ sunt formidabilia sustinent, propter eorum, quæ sunt grauiora, ignorantiam: & feræ, quæ in hastas incurrunt, cum sint fortes citra rationem, vocauerit ratione præditas. Deinde subiicit Martyres pro fide Christiana verè esse fortes, se primum

se primum ex recta ratione componentes, dein de cum Deus vocauerit prompto & alacri animo se tradentes, nullumque alium scopum sibi proponentes, nisi ut Deo placeat. Et GREGORIUS in Ezechielem. Sape fortitudo si improuida fuerit, & minus circa vitia circumspecta, in sa sui presumptione in casum ruit. Ascendat ergo ad Consilium. Sed esse consilium non potest, si intellectus deest. Et in iob. Cetera virtutes, nisi ea quae appetunt, prudenter agant, virtutes esse nequaquam possunt. Aduersus hanc proprietatem delinquant, qui velut fortes, rem aggrediuntur, quam nequeunt profsequi de quibus S. Ambrosius de Officiis. In omnibus non solum, quid honestum, sed etiam quid sit possibile sit quaramus, ne forte aggrediamur aliquid quod non possumus exequi. Vnde nos tempore persecutionis de ciuitate in ciuitate concedere in o. ut ipsius verbo utar fugere vult Dominus, ne temere aliquis dum martyrii desiderat gloriam, offerat se periculis, quae fortasse caro infirmior, aut remissior animus ferre ac tolerare non queat. Deinde & ii delinquant, qui ut robur animi sui declarent, temere Magistratus Ethnicos lacestant, vel haereticos ad mouendam persecutionem. Vnde idē Doctor, ait ibidē. Cauendum etiam reor, ne dum aliqui nimia glorie ducantur cupiditate, insolentius abutantur potestatibus, & plerumq. auersos à nobis animos, Gentilium studia persecutionis excitent, atq. inflamment ad iracundiam. Itaq. ut illi persequerare possint, & supplicia vincere, quantos perire faciunt. Et Seneca ad Lucilium. Si bonum est, inquit, fortiter torqueri, & magno animo vri, & patienter agrotare, sequitur ut ista optabilia sint, Distingue ista & intelliges esse in his aliquid optandum. Tormenta à me abesse velim: sed si sustinenda fuerint, ut me in illis fortiter, honeste animosq. geram optabo: velim non incidere in bellum, sed si incido & vulnera & famem, & omnia, quae bellorum necessitas affert, ut generose feram, optabo, ita non incommoda optabilia sunt sed virtus, qua perferuntur incommoda. Pari tormenta non optabile est, sed fortiter pati.

II. Proprietas est, ut nunquam, sit, ut Ambrosius loquitur in comitata, nepe, fide, iustitia, ceterisq. virtutibus. Non enim seipsam, inquit, committit sibi, alioquin fortitudo sine iustitia iniquitatis materia est. Quo n. validior est, eo promptior est ut inferiore opprimat, cū in ipsis reb. bellicis iusta bella an iniusta sint, spectandum putetur. Et Lactantius de falsa religione. Ille solus vir fortis debet indicari qui temperans est, moderatus & iustus. Idē sentire Ethnici. M. Tullius primo de officiis ita scribit. Probe definitur à Stoicis fortitudo: cum eam virtutem esse dicunt propugnantem pro aequitate, quocirca nemo, qui fortitudinis gloriam consecutus est, infidis & malitia laudem adeptus: nihil enim honestum esse potest, quod iniustitia vacat. Praclarum igitur Platonis illud Non solum, inquit, scientia, quae est remota à iustitia caliditas potius quam sapientia est appellanda: verum etiam animus paratus ad periculum, si sua cupiditate, non utilitate, communi impellitur audaci poius

G. hom. 19.

Id l. 2. man
c. 25.

A. lib. 1. c. 37.

Matt. 10. 23.

lib. 1. c. 42.

S. ep. 6. 7.

Al. 1. off. c. 35.

L. lib. 1. c. 9.
Cic. lib. 1.

P. in apophth.
Iacon.

nomen habeat, quam fortitudinis. Nobile huius rei exemplum prodit Plutarchus. Agesilaus, inquit, Rex sciscitatus, utra virtus esset praestantior, fortitudo an iustitia? graviter respondit. Fortitudinis nullum esse usum, nisi adsit iustitia. Quod si omnes essent iusti, nihil opus foret fortitudine. En animum summo dignum dace, qui nihil prater aequum iudicavit faciendum: inquit ille.

A. lib. 1. c. 36.

III. Proprietas est, ut aduersus omnia vitia dimicet: inuicta inquit Ambrosius loco citato de Officiis, ad labores, fortis ad pericula, rigidior aduersus voluptates, dura aduersus illecebras, quibus aurem deferre nesciat. Et paulo post. Quia virtus sibi constat fortiter omnia persequatur vitia, tanquam virtutis venena. Gloriz quoque caueat appetentiam, qua frequenter nocuit immoderatus appetitus, semper autem usurpata. Quid horum sancto Iob, ut in virtute defuit, vel in vitio obrepit? Quomodo laborem aegritudinis, frigoris, famis pertulit? Quomodo despexit salutis periculum? Nunquid auaritia, census, aut voluptatis studia, cupiditatesque excitauit? Nunquid trium regum iniuriosa contentio, vel seruorum contumelia in iram excussit? Nunquid gloria sicat leuem extulit, qui imprecabatur grauiasibi, si unquam vel non voluntariam colauisset culpam, vel reueritus esset multitudinem plebis, quo minus eam annuntiaret, in conspectu omnium? Neque enim consentanea sunt vitia virtutes sed sibi constant. Et B. Prosper de vita contemplatiua, Animi fortitudo, ait, si inter inimicitias ac damna praesentia atque multas persecutiones infatigata persistat. Et tamen de ipsa se aduersariorum sustinentia taceat, ne de dono Dei quo illustratur exaltet, sed carnaliter se de vulgi favore, quo predicatur, oblectet, plussque gaudeat ex eo quod laudatur, quam ex eo quod habet unde laudetur, et per hoc humanam laudem diuinis muneribus anteponat, quis dubitet hanc animi intentionem virtutem dici non posse? Quae si virtus esset, fortiter etiam talibus blandimentis repugnaret, nec acquiesceret mollioribus quae adiuuante Domino, dura quoque vel aspera superasset.

R. c. 20.

L. lib. 7. de inst.
cap. 9.

IV. Proprietas est, ut obstruat omnium vitiorum fontes, hoc est, coerceat omnes animi perturbationes ac cupiditates, ac imprimis voluntatem propriam & iudicium. Lactantius enim loco citato ita scribit, contra Herculem fortitudinis nomine apud Ethnicos clarum. Quid enim tam magnificum, si leonem aprumque superauit? si aues sagittis deiecit, si regium stabulum egressus, si viraginem vicit, cingulumque detraxit: si equos feroces cum Domino interemit? Opera sunt ista fortis viri, hominis tamen. Illa enim quae vicit, fragilia & mortalia fuerunt. Nulla est enim, ut ait Orator, tanta vis, quae non ferro ac viribus debilitari, frangique possit. At animum vincere, iracundiam cohibere fortissimi est: quae ille nec fecit unquam, nec potuit. Haec qui faciat, non modo ego cum summis viris comparo,

Cic. orat. pro
Marc.

paro, sed similitum Deo iudico Vellem adiecisset de libidine, luxuria, cupiditate, insolentia, ut virtutem eius impleret, quem similem Deo iudicabat. Non enim fortior iudicandus est, qui leonem, quam qui violentiam in seipso inclusam feram superat iracundiam: aut qui rapacissimas volucres deiecit, quam qui cupiditates avidissimas coercet: aut qui Amazonem bellatricem, quam qui libidinem vincit, pudoris ac fame debellatricem: aut qui fimum de stabulo, quam qui vitia de corde suo egerit, quae magis sunt perniciofa, quia domestica & propria mala sunt, quam illa, quae ut vitari poterant & caueri. Ambrosius libro allegato. Reuera iure ea fortitudo vocatur, quando unusquisque seipsum vincit, iram continet, nullis illecebris emollitur atque inflectitur, non aduersis perturbatur, non extollitur secundis, & quasi vento quodam variarum rerum circumfertur mutatione. Quid autem excelsius & magnificentius, quam exercere mentem, afficere carnem & in seruitutem redigere, ut obediat imperio, consiliis obtemperet? Et Gregorius magnus in psalmos Penitentiales. Quid fortius, quam omnes animi sui motus rationi subigere, omnia carnis desideria spiritus virtute frenare, proprias voluntates abicere, contemptis visibilibus ea quae non videntur amare? Vnde & Salomon ait. Melior est patiens viro forti, & qui dominatur animo suo expugnatore urbium. Ab his non dissentit Cicero in paradoxis. Laudetur, inquit, verò hic Imperator, aut etiam appelletur, aut hoc nomine dignus putetur: quo modo? aut cui tandem his libero imperabit, qui non potest suis cupiditatibus imperare? refrenet prius libidines, spernat voluptates, iracundiam teneat, coercet auaritiam, ceteras animi labes repellat: tum incipiat aliis imperare, cum ipse improbiis dominis, dedecori ac turpitudini parere desierit. Vnde Seneca scribens de maximo Imperatore. Alexander quidem inquit, Persas & Hyrcanos & Indos, & quicquid gentium usque in Oceanum extendit Oriens vastabat, fugabatque. Sed ipse victor tot Regum atque populorum ira tristitiaeque succubuit. Id enim egerat, ut omnia potius haberet in potestate, quam affectus. O quam magnis homines erroribus tenentur, qui ius dominandi trans maria cupiunt mittere, felicissimosque se iudicant si multas per milites provincias obtinent, & nouas veteribus adiungant, ignari, quod sit illud ingens paratumque regnum. Imperare sibi maximum imperium est.

V. Proprietas est, ut nullos labores, nulla discrimina, nulla aduersa reformidet, dicatque cum Paulo ad Romanos. Quis nos separabit a caritate Christi? tribulatio? an angustia? an fames? an nuditas? an periculum? an persecutio? an gladius? &c. Et ad Philippenses. Scio & satiarum & esurire, & abundare & penuriam pati. Omnia possum in eo, qui me confortat. Deinde cum fortissimis Machabaeis ita alloquitibus Antiochum

G. orat. de Ma-
chab.

Cic. 3. offic.

8 ep. 67.

Am. c. 45.
Ar. c. 9.
Th. 2. 2. q. 123. a. 6.

Matt. 5. 11.

Cl. 7. stoma.

A. 9. 32.

chum tyrannum apud Greg. Nazianzenum. Eleazar discipuli sumus, cuius tu fortitudinem perspectam & exploratam habes. Pater prior decertavit, decertabunt postea filii. Abscessit sacerdos, sequentur victima. Multarum tu quidem rerum terrorem nobis inijcere tentas; verum ad plura parati sumus. Quid autem nobis vir superbe atq. insolens minis istis tuis facies? quos cruciatus inferes? nihil his hominibus fortius, qui ad quidvis perferendum prompti & alacri sunt animo. Quid cunctamini carafices? quid moras neccitis? ubi gladij, ubi vincula? Festinationem requiro. Ignis maior accendatur, acriores bestiae, magisq. actuose producantur, exquisitiora tormenta proferantur, sint omnia regia & magnifica. Hanc proprietatem agnouerunt & Ethnici, ut M. Tullius. Harum virtutum, nempe magnitudinis & fortitudinis, inquit, proprium est, nil ex time scere, omnia humana despicere, nihil quod homini accidere possit, intolerandum putare, idemq. confirmat illustri M. Atilii Reguli fortissimi viri exemplo, qui acerbissimos cruciatus pro Reipubl. salute contempsit. Agnouit & Seneca, ad Lucilium ita scribens. Nonne fortitudo optabilis est? atqui pericula contemnit & prouocat. Pulcherrima pars eius, maximeq. mirabilis illa est, non cedere ignibus, obuiam ire vulneribus. Interdum tela ne vitare quidem, sed pectore excipere. Si fortitudo optabilis est, & tormenta patienter ferre optabile est? Non pati tormenta optabile est, sed pati fortiter. Illud opto fortiter quod est virtus.

VI. Proprietas est, ut potius in tolerando, quam in aggrediendo vel vincendo consistat, ut docet S. Ambrosius in primo de officiis, atque etiam Aristoteles in tertio Ethico. cuius rei tres reddit causas, S. Thomas Aquinas. 1. quia toleramus valentiores, inuadimus vero, quos putamus imbecilliores. 2. quia tolerando mala praesentia experimur, aggrediendo futura operimur. 3. quia puncto temporis aggredi possumus, sustinemus autem aliquo temporis intervallo. Accedit quod ex beatitudine bus Christi doctrina celebratus est, pati persecutionem propter iustitiam. Denique minor in tolerando, quam inuadendo est proprii amoris suspicio, aut vanae gloriae occasio. Exempla huius proprietatis complura recitat S. Ambrosius loco allegato, De Machabæis, S. Agne. S. Stephano, S. Laurentio, & Sixto Pontifice.

VII. Proprietas, quod sibi partes aliquas, vel species vendicet. Unde Clemens Alexandrinus. Magni, inquit, animi & excelsi virtutis species sunt Tolerantia ingens spiritus, magnitudo animi, liberalitas, magnificentia. Propter quam causam, nec reprehensionem, nec vulgi malam famam apprehendit is qui est cognitione praeclitus.

S. Augustinus libro 83. quaestionum. Fortitudinis partes sunt, magnificentia, sidentia, patientia, perseverantia. Magnificencia est rerum magnarum & ex-

& excelsarum cum animi ampla quadam & splendida propositione cogitatio, atq; administratio. Fidentia est, per quam magnis & honestis in rebus multum ipse animus in se fiducia cum certa spe collocavit. Patientia est honestatis aut utilitatis causa rerum arduarum ac difficilium voluntaria ac diuturna perpassio. Perseuerantia est in ratione bene considerata stabilis, & perpetua persistens. Eodem collimant verba Senecæ ad Lucilium. Cum aliquis tormenta S. ep. 67. fortiter patitur, omnibus virtutibus utitur fortasse, cum una in promptu sit & appareat patientia. Ceterum illic est fortitudo, cuius patientia, & perpassio, & maxime tolerantia rami sunt. Illic est prudentia, sine qua nullum inicitur consilium quæ suadet, quod effugere non possis, quàm fortissimè ferre. Illic est constantia, quæ deici loco non potest & propositum nulla vi extorquente dimittit. Illic est individuis ille comitatus virtutum.

CAPUT IV.

De Medijs idoneis ad obtinendam fortitudinem.

PRIMUM medium est imploratio diuini nominis cum magna fiducia coniuncta. Hoc medium diuina Scriptura tradit in rebus aspectibus vsarpandum, & sancti semper vsurparunt. *Inuoca me*, ait in psalmis DEVS, in die tribulationis, eruam te, & honorificabis me. Et. *Clamabit ad me, & exaudiam eum*; cum ipso sum in tribulatione, eripiam eum & glorificabo eum. Fortium & in Deo solo præfidentium voces sunt. *In Deo speravi*, Psal. 49. 15.
Psal. 90. 15. non timebo quid faciat mihi caro. Dominus protector vite meæ, à quo trepidabo? Si consistant aduersum me castra, non timebit cor meum. Fortitudinem meam ad te custodiam, quia susceptor meus es. Et. *Fortitudo mea, & laus mea Dominus*, & factus est mihi in salutem. Psal. 55. 5.
Psal. 26. 1.
Psal. 58. 10.
Isa. 12. 2.

Vnde S. Ambrosius. David, inquit, nunquam nisi consulto Domino bellum adorsus est. Ideo in omnibus victor prælijs usque ad summam senectam manupromptus, bello aduersum Titanas suscepto ferocibus bellator miscebatur agminibus, gloria cupidus, incuriosus salutis. A. 1. offic. c. 35.

S. Augustinus in psalmum 32. *Spes tua Deus sit fortitudo tua Deus sit, firmitas tua Deus sit, exoratio tua ipse sit, laus tua ipse sit, finis in quo requiescas ipse sit, adiutorium cum laboras ipse sit. Audi veritatem. Non saluus fiet Rex per multitudinem virtutis suæ.* Et in verba psalmi 117. *Fortitudo & laus mea Dominus. Quapropter*, ait, *cuius laudatio & fortitudo est Dominus, tam non cadit, quam non cadit Dominus, & ideo eis factus est in salutem.* A. conc. 2.

P lib. 3. c. 20.

Isa. 2. 2.

lutem. Et B. Prosper de vita contemplatiua. *Hæc animi fortitudo ab illo est nobis, cui cum propheta cantamus. Fortitudo mea, & laus mea Dominus, & factus est mihi in salutem. Fortitudo nostra est, quia ita nos contra omnia vitia inuicta protectione corroborat, ut animum nostrum, nec blanda dissoluant, nec aduersa deiciant, & tunc laus nostra Dominus sit, si non nos de muneribus Dei, sed diuina in nobis cupiamus munera predicari, &c. Sit illi Deus laus tota, perfecta gloria, delectatio pura, spes certa, securitas firma, possibilitas sana, sanitas incorrupta, ut ei quicquid carnalibus placet, in hoc mundo displiceat, &c.*

G. 4. mor. c. 13.

Iob. 4.

II. Medium, Timor Dei. Hoc tradit S. Gregorius in illa verba Iob. *Vbi est timor tuus, fortitudo tua, & patientia tua, & perfectio viarum tuarum, ita scribens. Quatuor gradibus vitam B. Iob virtutes enumerando distinxit, dum & timori fortitudinem, & fortitudini patientiam, & patientie perfectionem iunxit. In via etenim Dei à timore incipitur, ut ad fortitudinem veniatur. Nam sicut in via seculi audacia fortitudinem, ita in via Dei audacia debilitatem parit: & sicut in via seculi timor debilitatem, ita in via Dei timor fortitudinem gignit Salomone attestante, qui ait. In timore Domini, fiducia fortitudinis. Timori quippe Domini inesse fiducia fortitudinis dicitur, quia nimirum mens nostra tanto valentius terrores rerum temporalium despicit, quanto se auctori earundem veracius per formidinem subdit. Quæ in timore Domini constituta non inuenit extra quod metuat, quia dum recto meli conditori omnium iungitur, potestate quadam supra omnia subleuatur.*

Prou. 14. 26.

A. c. 22.

III. Medium est, Amor Dei, quod tradit S. Augustinus in libro primo de moribus Ecclesiæ Catholicæ. *Amat, inquit, homo corpus suum vi consuetudinis non intelligens, si eo bene atq; scienter utatur resurrectionem, reformationemq; eius ope ac lege diuina sine vlla molestia iuri suo subditam fore, sed cum se hoc amore tota in Deum conuerterit, his cognitis mortem non modo contemnet, verum etiam desiderabit. Sed restat cum dolore magna conflictatio. nihil est tamen tam durum atq; ferreum, quod non amoris igne vincatur. Quo cum se anima rapit in Deum, super omnem carnificinam libera & admiranda volitabit pennis pulcherrimis & integerrimis, quibus ad Dei complexum amor castus innititur. Nisi verò amatores auri, amatores laudis, amatores feminarum, amatoribus suis Deus snat esse fortiores, cum ille non amor, sed congruentius cupiditas vel libido nominetur. In qua tamen apparet, quantus sit impetus animi ad ea quæ diliguntur indefesso cursu per immania quæq; tendentis, argumentoq; nobis est, quam sint omnia perferenda ne deseramus Deum sit antea illi, ut deserant, perferunt. Subiciens deinde exemplum ex libris Mathabæorum de 7. filiorum matre. Quid, inquit, ad tantam patientiam quæso addi potest? Quid tamen mirum si omnibus medullis conceptus Dei amor, & tyranno, & carnifici, & dolari, & corpori, & sexui, & affectui*

2. Mach. 7.

affectui resistebat? An non audierat. Pretiosa in conspectu Domini mors sanctorum eius? Non audierat, melior vir patiens fortissimo? Non audierat. Omne quod tibi applicitum fuerit, accipe, & in dolore sustine, & in humilitate tua habepatientiam, quoniam in igne probatur aurum & argentum. Non audierat. Vasa figuli probat fornax, & homines iustos tentat. o tribulationis?

IV. Medium est prouidentia futurorum, de quo neglecto queritur Moyses in Deuteronomio dicens. *Vtinam saperent & intelligerent, ac nouissimaproviderent.* Praescribit autem dum agit de fortitudine S. Ambrosius, his verbis. *Hoc igitur diligentiae est, ut quis ita se comparet: illud ingenij, si quis potest vigore mentis prouidere quae futura sunt, & tanquam ante oculos locare, quid possit accidere: & quid agere debeat, si ita acciderit. desinire: interdum duo & tria simul voluere animo, quae coniiciat, aut singula, aut coniuncta accidere posse, & aut singulis, aut coniunctis disponere actus quos intelligat profuturos. Fortis ergo est viri, non dissimulare cum ali- quid imminet, sed praetendere, & tanquam explorare de specula quadam mentis & obuiare cogitatione prouidare rebus futuris, ne forte dicat postea. Ideo ista incidi, quia non arbitrabar posse euenire. Denique, nisi explorentur aduersa, cito occupant. Ut in bello improuisus hostis vix sustinetur, & si imparatos inueniat facile opprimit, ita animum mala inexplorata plus frangunt.* Huius medii apud Ethnicos memor Theseus apud Euripidem, teste M. Tullio, ait

Deu. 32. 29.

A lib. 1. offic. cap. 38.

Tul. 5. Tusculana.

*Nam quibus audita à docto meminissim viro
Futuras mecum commentabar miseras,
Aut mortem acerbam, aut exilii maestam fugam,
Aut semper aliquam molem meditabar mali,
Vt si qua iniecta diritas casu foret,
Ne me imparatum cura laceraret repens.*

Seneca quoque in libro de tranquillitate animi dictum est. *Nisi quicquid fieri potest pro futuro habeas, das in te vires rebus aduersis, quas infregit, quisquis prior vidit.*

S. cap. 17.

V. Medium, Exercitatio in frangendis prauis animi motibus. Est Clementis Alexandrini in septimo Stromateo ita loquentis. *Ei, qui est cognitione praeditus, una cum cognitione augetur perfectio fortitudinis ex vitae exercitatione, quae semper est meditata vincere motus animi. Meta ergo & formidine vacuum, & in Domino confidentem reddit suum athletam inungens & exercens charitas, quomodo ei tribuit iustitia, ut per totam vitam verum dicat. Et S. Ambrosii. Est etiam, inquit, quae dicitur vacuitas animi ab angoribus, ut neque in doloribus molliores simus, neque in prosperis elatiores.* Quod si hi qui ad capeffendam Rempublicam adhortantur aliquos, hac praecepta dant,

A. 1. offic. c. 37.

quantum

Id. cap. 38.

quanto magis nos qui ad officium Ecclesie vocamur talia debemus agere, quæ placeant Deo: ut & præstet in nobis virtus Christi, & ita simus nostro probati Imperatori, ut membra nostra arma iustitiæ sint arma, non carnalia in quibus peccatum regnet, sed arma fortia Deo, quibus peccatum destruat. Moriatur caro nostra, ut in ea omnis culpa moriatur, & quasi ex mortuis viuentes nouis resurgamus operibus ac moribus. Et paulo post. Quæ gratia preparandus est animus, exercenda mens, stabilienda ad constantiam, ut nullis perturbari animus possit terroribus, nullis frangi molestiis, nullis suppliciis cedere. Quæ difficile quidem sustinentur: sed quia omnia supplicia grauiorum suppliciorum vincuntur formidine ideo si consilio firmes animum tuum, nec à ratione discedendum putes, & proponas diuini iudicii metum, perpetui supplicii tormenta, potes animi subire tolerantiam,

Cic. 2. Tuscul.

A. 1. off. c. 36.

VI. MEDIUM est Cogitare quam honestum sit, pro iustitia, salute, Christo fortiter perferre aduersa. Hoc tradit M. TULLIUS disputatione secunda Tusculana. Ad ferendum, inquit, dolorem placide & sedate plurimum proficit toto pectore, ut dicitur, cogitare, quam id honestum sit sumus enim natura, ut ante dixi, (dicendum est enim sapius) studio summi, appetentissimiq; honestatis, cuius si quasi lumen aliquod aspexerimus, nihil est, quod ut eo potiamur, non, arati simus & ferre & perpeti. Ex hoc cursu atq; impetu animorum ad veram laudem atq; honestatem illa pericula adueniunt in præliis. Non sentiunt vii fortes in acie vulnera, vel sentiunt, sed mori malunt, quam tantillum modo de dignitatis gradu dimoueri. Nec hoc medium reticuit S. AMBROSIVS. In duobus generibus, inquit, firmitudo spectatur animi. Primo ut externa corporis pro minimis habeat, & quasi superflua despicienda magis, quam expetenda ducat. Secundo, ut ea quæ summa sunt, omnesq; res, in quibus honestas, & illud πρῶτον cernitur, præclara animi intenti ne usq; ad effectum persequatur. Quid enim tam præclarum, quam ut ita animum tuum informes, ut neq; diuitias, neq; voluptates, neq; honores in maximis constituas, neq; in his studium omne conteras? Quod cum ita affectus a imo fueris, necesse est ut illud honestum ac decorum præponendum putes, illiq; mentem ita intendas tuam, ut quicquid acciderit, quo frangi animi solent, aut patrimonij amissio, aut bonis imminutio, aut obretractatio infidelium quasi superari non sentias.

A. c. 11.
Iof. 10.

VII. Medium est considerare exempla eorum qui vera fortitudine animi excelluerunt, quæ pæne sunt innumera, maxime apud Christianos. S. Ambrosius primo libro de Officiis exorditur à bellica virtute claris. Quam fortis, inquit, Iesus Naue, ut uno prælio quinq; reges capti, serneret cum populo suis? Deinde cum aduersus Gabaonitas surgeret prælium, & vereretur ne nox impediret victoriam, magni uirum mentis & fidei

fidei clamauit. Stet Sol, & stetit, dum victoria consummaretur. Gedeon in tre-
centis viris de ingenti populo & acerbo hoste reuexit triumphum. Ionathas ado-
lescens virtutem fecit in magno prelio, &c. Virtutem ducis Iuda Machabaei
de uno eius milite considerate. Namq; Eleazarus cum supereminenter ceteris
elephantem lorica uestitum regia aduerteret, arbitratus quod in eo esset rex
cursu concito in medium legionis se proripuit, & abiecto clypeo utraq; manu in-
terficiebat bestiam, atq; intrauit sub eam, & subiecto gladio interemit eam.
Itaq; cadens bestia oppressit Eleazarum, atq; ita mortuus est. Quanta igitur
virtus animi, primo, ut mortem non timeret, deinde ut circumfusus legionibus
immicorum in confertos raperetur hostes, medium penetraret agmen, & con-
tempta morte ferocior, abiecto clypeo, utraq; manu vulnerata molem bestiae
subiret ac sustineret, post infra ipsam succederet, quo pleniori feriret ictu, cuius
ruina inclusus magis, quam oppressus, suo est sepultus triumpho. Nec fefellit opi-
nio virum, quamuis regius fefellerit habitus. Tanto enim virtutis spectaculo
defixi hostes sic trepidauerunt, ut impares se omnes unius virtuti arbitraren-
tur. Hæc de bellica uirtute Ambrosius. subiicit deinde de quibusdam
virtute patiendi claris in hæc verba.

QVID autem de martyrum dicam passionibus? Non minorem de super-
bo rege Antiocho Machabaei pueri reuexerunt triumphum, quam parentes pro-
prii. Siquidem illi armati, isti sine armis vicerunt. Stetit inuicta septem pue-
rorum cohors regis cincta legionibus: defecerunt supplicia, cesserunt tortores,
non defecerunt martyres. Alius corium capitis exutus, speciem mutauerat,
virtutem auxerat. Alius linguam iussus amputandam promere, respondit.
Non solos Dominus audit loquentes, qui audiebat Moysen tacentem. Quid de
matre loquar, quæ spectabat læta filiorum, quos funera, tot trophæa, & morien-
tum vocibus tanquam psallentium cantibus delectabatur, pulcherrimam ven-
tris sui citharam in filiis cernens, & pietatis harmoniam omni lyra numero
dulciorem. Subiicit de noui testamenti sanctis.

Quid loquar de S. Agne, quæ in duarum maximarum rerum posita pericu-
lo, castitatis & salutis, castitatem protexit, salutem cum immortalitate com-
mutauit? Non prætereamus etiam S. Laurentium, qui cum videret Sixtum E-
piscopum suum ad martyrium duci flere capit non passionem illius sed suam re-
mansionem. Et infra. Laurentium sanctum ad hoc nullus urgebat nisi amor
deuotionis, & ipse post triduum, cum illuso tyranno impositus super craticulam
exureretur. Assum est, inquit, versa & manduca. Ita animi virtute vince-
bat ignis naturam.

S. HIERONYMVS libro tertio commentariorum in episto-
lam ad Ephesios exemplum Ioseph & Iob proponit. Ioseph, inquit, Eph. 5.
vnum habebat propositum placere Deo. Hoc nulla varietate temporis immu-

tatum est: nec fratrum inuidia, nec conditione seruitutis, nec atatis illecebris nec dominae repromissis, nec squalore carceris, nec postea tumore Aegyptiae potestatis, sed semper vnus fuit, & varietatem, vt diximus, temporum sibi redimens, malos dies vertit in bonos. Hoc idem & de Iob sentiendum est, quod per varia tentamenta vexatus, nec diuitiis, nec damnis, nec orbitate, nec vulnere, nec exprobratione amicorum, nec solitudine, nec postea bonorum omnium restitutione mutatus est.

Daniel. 3. 16.

S. Chrysostomus in homilia, Quod nemo laeditur nisi à seipso, praedicat fortitudinem trium puerorum Babyloniorum. Pueri, inquit, nostri primo omnium gloriosum istud obtinere certamen, ne cibus immundis contaminarentur. Deinde proponitur ijs multo dirior conditio. Fornax igne succenditur, barbarica in eos turma ipso tyranno Nabuchodonozore seuiente consurgunt, commouetur omnis fera Persica, & ad decipiendos pueros natio implacabilis consurgit, musica diuersa preparantur instrumenta, nouoq; crudelitatis genere inuento musicis ignis & flamma coniungitur. Sed maiorem eis gloriam tyrannica crudelitas acquisiuit. In medio enim fornacis p. siti clarissimam de hoste sumpsere victoriam. Et tres pueri captiui totam gentem cum Rege pariter mirabili magnificentia duxere captiuos. Sed dicis, Deus eos de incendio liberauit. Liberauit, sed ex illis sine dubio verbis, quibus cum omni fiducia & libertate responderunt regi dicentes. Non opus habemus nos de hoc verbo respondere tibi. Est enim Deus noster in calis, cui nos seruimus. qui potest nos liberare de camino ignis ardentis, & de manibus tuis, o rex, liberabit nos. Quod et si non voluerit, notum tibi sit rex, quia Diis tuis non seruiemus, & imaginem auream, quam statuisti, non adorabimus. In hac confessione victoriae suae palmam acceperunt. In hoc fuit cursus eorum, quem in confessionis martyrio consummauerunt. Idem commendat in homilia de verbis Isaiae. Vidi Dominum. fortitudinem Azariae sacerdotis obiurgantis regem Oziam. Et fortitudinem S. Pauli Apostoli, in homilia quarta de eius laudibus. Item S. Babylae martyris fortissimi in libro contra gentiles. Et Eliae prophetae aliorumq; homilia octaua ad populum Antiochenum. Sed infinitum esset omnia exempla persequi, quibus abundat historia Ecclesiastica, & Vitae Sanctorum à Surio descriptae. Lege Thomam Stapletonum in Promptuario morali ad Dominicam 2. aduentus, numero 8.

Chr. hom. 5.
2. Par. 26.

G. lib. 2. c. 71.

Concludo hoc Medium vnico illustri Ethnicorum Scriptorum exemplo ex A. Gellio in Noctibus Atticis desumpto. Lucium Sicinium Dentatum, qui Tribunus plebis fuit Sp. Tarquinio & A. Thermio Consulibus, Scriptum est in libris Annalium, plus, quam credi debeat strenuum bellatorem fuisse, nomenq; ei factum ob ingentem fortitudinem, appellatumq; Achillem Romanum. Is pugnasse in hostem dicitur centum & viginti praeliis, cicatricem

auct-

aduersam nullam, aduersas quinq; & quadraginta tulisse. Coronis esse donatum aureis octo, obsidionali una, muralibus tribus, ciuicis quatuordecim, torquibus tribus & octoginta, armillis plus centum sexaginta, hastis duodeviginti. Phaleris quoq; donatus est quinquies, viciisq;. Populi militaria dona habuit multiuga in his prouocatoria pleraq;. Triumphauit cum imperatoribus suis triumphos nouem.

CAPUT V.

De Indicijs vera Fortitudinis.

PRIMUM indicium verae fortitudinis est, si repentinos & graues casus fortiter tolere. Ita censuit Aristoteles in tertio Ethicorum. Ar. c. 6.
 Is, inquit, homo fortis proprie dicitur, qui circa honestam mortem, & ea omnia, quae repente eueniunt, atq; afferunt ipsam, interritus est. Et iterum. Id. c. 8.
 Fortis esse videtur, subitis potius in terroribus interritum esse, ac sine turbatione quam in prauiis: est enim ex habitu magis, aut minus ex apparatu: nam antea visa, cogitatione & ratione quispiam eligit: at ea quae repente eueniunt, habitu. perspicuum enim est in eius animo magis roboratam esse fortitudinis virtutem, qui malis inexpectatis & subitis non turbatur. Fortis siquidem animi ut scribit M. Tullius libro primo de officiis, & constantis est, non perturbari in rebus asperis, nec tumultuantem de gradu deiici, ut dicitur, sed praesentis animi uti consilio, nec a ratione discedere: quanquam hoc animi illud etiam ingenii magni est precipere cogitatione futura, & aliquando ante constituere quid accidere possit in utramq; partem, & quid agendum sit, tum quid euenierit, nec committere aliquid, ut aliquando dicendum sit, non putaram. Hoc indicium fortitudinis suae egregie praebuit fortissimus Iob, qui multis licet malis repente a Satana obrutus permanfit tamen infractus. Vnde Ambrosius. A. r. offic. c. 38.
 Si quid acciderit aduersi, idq; graue & acerbum putetur, ita feras, ut nihil praeter naturam accidisse putes, cum legeris. Iob. i. 21.
 Nudus sum natus, nudus exibo, quae Dominus dedit, Dominus abstulit, & utiq; & filios amiserat & facultates: seruesq; in omnibus personam sapientis & iusti, sicut ille seruauit, qui ait. Sicut Domino placuit, ita factum est. Sit nomen Domini benedictum.

II. Indicium est animus caritate in Deum & proximum flagrans. Fortis enim est ut mor. dilectio, quemadmodum dicitur in Canticis. Cant. 8. 6.
 Ius animi indicium dabat Apostolus exclamans. Quis ergo nos separabit Rom. 8. 35.
 a caritate Christi, tribulatio an angustia, an fames, an nuditas, an periculum? an

Rom 9.3.

A.C.47.

Matt 5.44.

Rom 5.3.

H. de scriptor.
Ecclef.

Euf. c. 16. & 17.

persecutio? Sed in hic omnibus superamus propter eum, qui dilexit nos. Et paulo post. Optabam ego ipse anathema esse à Christo pro fratribus meis, qui sunt cognati mei secundum carnem. Vnde S. Augustinus de vera religione. Ille, inquit, verissimè atq; certissimè inuictus homo est, qui coharet Deo, non ut ab eo aliquid boni extra mereatur, sed cui nihil aliud quam ipsum habere Deo bonum est. Hic vir quamdiu est in hac vita, utitur amico ad rependendam gratiam: utitur inimico ad patientiam: utitur quibus potest ad beneficentiam, utitur omnibus ad benivolentiam. Et paulo post. In omnibus autem officiosis laboribus futura quietis certa expectatione non frangitur. Quid enim ei nocebit, qui bene uti etiam inimico potest? Eius enim presidio atq; munimento inimicitias non pertimescit, cuius precepto & dono diligit inimicos. Huic viro in tribulationibus parum est non contristari, nisi etiam gaudeat, sciens quod tribulatio patientiam operatur, patientia probationem, probatio spes, spes autem non confundit. Quoniam charitas Dei diffusa est in cordibus nostris per Spiritum sanctum qui datus est nobis. Quis hanc subiungabit?

III. Indicium est desiderium Martyrii, quo tantopere ardebat quondam S. Ignatius, ut teste S. Hieronymo, in epistola ad Romanos in hæc verba scripserit. *Vtinam fruar bestiis, que mihi sunt preparate, quas & oro mihi veloces esse ad interitum, & ad supplicia, & allici ad comedendum me, ne sicut & aliorum martyrum non audeant corpus attingere. Quod si venire noluerint, ego vim faciam, ego me urgebo ut deuorer. Ignoscite mihi filio, quid mihi prodest, ego scio. Nunc incipio Christi esse discipulus, nihil de his que videntur desiderans ut Iesum Christum inueniam. Ignis, crux, bestia, confractio ossium, membrorum diuisio, & totius corporis contritio, & tota tormenta diaboli in me veniant, tantum Christo fruar.*

IV. Indicium est, susceptio ingentium laborum pro salute proximi procuranda, idq; cum magno discrimine vitæ. Talis est fortitudo eorum, qui tempore pestis omnia officia deferunt peste correptis, ut fuerunt tempore Valeriani Imperatoris; multi clerici & laici, qui teste Eusebio Cæsariensi in historiæ Ecclesiasticæ libro sexto, cum Alexandriæ sæuissima pestis grassaretur, cum maxima laude pestiferis seruerunt. *Virtutis ergo, inquit ibidem Dionysius Episcopus Alexandrinus multum laudati erant, qui in eo ministerio obierant, adeo ut hoc mortis genus, quod propter incredibilem pietatem, & robustam fidem suscipiebatur nihil à martyrii splendore abesse videretur.* Huic muneri voto addixit se nostro seculo Romæ noua Clericorum religio, infirmis ministrantium. Illustre quoq; exemplum in hoc officio fortitudinis & caritatis præbuit anno 1576. sanctissimus Cardinalis Carolus Borromæus Archiepiscopus Mediolanensis, qui grassante pestilentia Mediolani ædes ciuium

uium peste infectas inuist, confessiones ægrorū audijt, & Eucharisti-
 stiam administruit, ut liquet ex eius vita sæpius in lucem edita. Simi- Sur. 20. Maij.
 le habes in vita S. Bernardini. Talis quoq; fortitudo eorum est, qui
 cum perspicuo periculo, vitæ remotas regiones adeunt, ut infideles
 conuertant, vt sunt Patres de nostra Societate, qui hætenus profecti
 sunt in vtramq; Indiam, Iaponiam & Chinas; vel vt hæreticos ad ma-
 trem Ecclesiam reducant, vt sunt Angli, qui de nostris & aliis non re-
 formidant in ipsam Angliam proficisci. Quam prouinciam non an-
 te suscipiunt, aut suscipere à Superioribus suis permittuntur, quam
 vires suas gratia Dei nixas egregiè ad calculos reuocarint, & iuxta pa- Luc. 14. 28.
 rabolam Euangelicam subduxerint sumptus ad perficiendam rem
 tantam necessarios: ne si post iactum fundamentum oneri succum-
 bant, omnes qui uident incipiant illudere eis dicentes: Quia hi ho-
 mines cœperunt ædificare, sed non potuerunt consummare.

V. Indicium est, Mortificatio omnium passionum, quod tradit S. G. c. 9.
 Gregorius septimo Moralium. *Sciendum, inquit, quod alia iustorum,*
atq; alia est fortitudo reproborum. Iustorum quippe fortitudo, est carnem vin-
cere, propriis voluntatibus contraire, delectationem vitæ præsentis ex-
tinguere, huius mundi aspera pro æternis præmijs amare, prosperitatis blandi-
menta contemnere, aduersitatis metum in corde superare. Reproborum verò
fortitudo est transitoria sine cessatione diligere, contra flagella conditoris in-
sensibiliter perdurare, ab amore rerum temporalium nec aduersitate quiesce-
re, bonorum vitam non solum verbis ac moribus, sed etiam gladijs impu-
gnare, &c.

VIDE, V. Martyrium. & in PANARIO. V. Immortificatio
 passionum. Impatientia in aduersis. Mortis metus immodi-
 cus. Presumptio. Pusillanimitas. Timor humanus.

G.

GAVDIVM SPIRITVALE.

CAPVT I.

De nomine & definitione Gaudij spiritualis.

Cic. lib. 4.

H. cap. 5.

Gal. 5. 22.

L. cap. 15.

H. lib. 2.

Gal. 5. 22.



DE Nomine Gaudij, ita scribit in Tusculanis disputationibus Latini sermonis Princeps. *Cum ratione animus mouetur placide, atq; constanter tum illud Gaudium dicitur: cum autem & inaniter, & effuse animus exultat tum illa latitia gestiens, vel nimia dici potest: quam ita definiunt, sine ratione animi elationem.* Ad quæ verba respexisse videtur S. Hieronymus libro tertio commentariorum in epistolam ad Galatas, cum ait *In secundo spiritualium fructuum loco gaudium (ab Apostolo) positum est: quod Stoici quoq; qui distinguunt inter verba subtilius aliud quid esse æstimant, quam latitiam. Gaudium quippe esse aiunt elationem animi super his quæ digna sunt exultantibus. Latitiam verò effrenatam animi elationem, quæ modum nesciat, & in his quoq; quæ vitio sint mixta letetur.* Verum quia Hieronymus ambigit de veritate discriminis, Lactantius verò libro sexto de vero cultu irridet, nos pro synonymis cum Scriptura & Patribus vsurpabimus, non quatenus significant animi passionem vel perturbationem, quam græci teste Hieronymo aduersus Pelagianos, χαρά, vel ἡ δολὴν vocant, sed actum, vel affectum internum charitatis, & ideo forte Apostolus in epistola dicta ad Galatas enumerans fructus spiritus mox charitati gaudium subiecit. *Fructus autem Spiritus est charitas, gaudium, pax, patientia, &c. Simul autem, inquit, & illud notandum, quod post dilectionem gaudium sequitur. Qui enim diligit quempiam, semper in eius felicitate letatur, & si eum viderit aliquo errore deceptum, & peccatorum lubrico concidisse, dolebit quidem, & eruere festinabit, sed non poterit gaudium mutare tristitia sciens nullam rationabilium creaturarum apud Deum perire perpetuo.* Itaq; nomine gaudij vel latitiæ spiritualis intelligimus actum caritatis vel amoris, quo quis ita fertur in bonum diuinum, quod est Deus, vt in illo conquiescat, tanquam in eo, quod iam aliquo modo, nempe per gratiam & spem possideat. Quo gaudio perfructus erat Rex David

David cum caneret. *Reuii consolari anima mea: memor fui Dei, & delatus sum* Et. *Concupiscit, & deficit anima mea in atria Domini. Cor meum & caro mea exultauerunt in Deum uiuum* Ad quod Philippenses cohortabatur Paulus dicens. *Gaudete in Domino semper, iterum dico, gaudete.* Et Thessalonicenses. *Semper gaudete.*

Psal. 76. 4.

Psal. 83. 3.

Phil. 4. 4.

1. Thes. 5. 16.

CAPUT II.

De discrimine gaudii spiritualis & mundani.

E Sse aliquod discrimen inter gaudium mundi & Spiritus, impiorum & piorum indicat Christus apud S. Ioan. dicens. *Amen dico vobis, qui plorabitis & flebitis vos, mundus autem gaudebit: vos autem contristabimini, sed tristitia uestra uertetur in gaudium.* Quibus autem in rebus gaudium mundi consistat idem B. Ioannes docet in prima sua epistola, cum ait. *Omne quod est in mundo, concupiscentia carnis est & concupiscentia oculorum, & superbia uitae.* Ad idem gaudium pertinet illa dicta S. Iob. *Hoc scio a principio, quod laus impiorum breuis sit, & gaudium hypocrite ad instar puncti.* Et. *Tenent tympanum & citharam, & gaudent ad sonitum organi. Ducunt in bonis dies suos, & in puncto ad inferna descendunt.* Ac illa Ecclesiastæ. *Risum reputauit error, & gaudio dixi, quid frustra deciperis?* Et. *Latere iuuenis in adolescentia tua, & in bono sit cor tuum in diebus iuuentutis tuae, & ambula in uis cordis tui, & scito quod pro omnibus his adducet te Deus in iudiciu.* Illud quoque apud Lucam. *Va uobis, qui ridetis nunc, quia lugebitis & flebitis.* Contra ad gaudium spiritus spectant illa psalmographi. *Letabimur in salutaribus tuis, & in nomine Dei nostri magnificabimur.* Et. *Letamini in Domino, & exultate iusti.* Et. *Iusti epulentur, & exultent in conspectu Dei, & delectentur in latitia.* Et illud Isaia. *Tu exultabis in Domino, in sancto Israel letaberis.* Et B. Pauli. *Gaudete cum gaudentibus, flete cum flentibus.*

Ioan. 16. 20.

1. Ioan. 2. 16.

Iob. 20. 5.

Ioh. 21. 12.

Eccl. 2. 2.

Eccl. 11. 9.

Luc. 6. 25.

Psal. 19. 6.

Ps. 31. 11.

Ps. 67. 4.

Rom. 12. 12.

Sanctorum vero Patrum de hoc discrimine hæ sunt sententiæ. S. Basilius in Regulis breuioribus quæstione posita, cuiusmodi gaudium sit, quod est in Domino, & quid sit, quod facientes gaudere debeamus, respondet. *In his quæ secundum mandatum Domini fiunt gaudere, est in Domino gaudere.* Quocirca quocumque mandata Dei exequimur, aut propter nomen Domini aliquid patimur, gaudere & gratulari inter nos debemus. S. Ambrosius de Virginibus. *Vt corpus agrotum, nunc calidioribus fouetur, nunc frigidioribus temperatur, remediorumque mutatio si iuxta præceptum fiat medici, salutaris est: si contra mandatum usarpetur, languoris augmentum est: ita medico nostro quicquid penditur Christo, remedium est.*

B. q. 193.

A. lib. 2.

est.

A. ser. 37.

Pl. 96. 12.

Isa. 57. 21.

P. c. 13.

B. epist. 114.

est: quicquid usurpatur, incommodum. Debet igitur bene conscia mentis esse letitia, non inconditis comessationibus, non nuptialibus excitata symphonijs. Ibi enim intuta verecundia, illecebra suspecta est, ubi comes deliciarum extrema est saltatio. S. Augustinus de verbis Domini. Sicut non potest homo duobus dominis servire, sic & nemo potest in hoc seculo gaudere & in Domino. Multum inter se hæc duo gaudia differunt, suntq; omnino contraria. Quando gaudetur in seculo, non gaudetur in Domino. Vincat gaudium in Domino, donec finiatur gaudium in seculo. Gaudium in Domino semper augeatur, gaudium in seculo semper minuatur, donec finiatur. Non ideo ista dicuntur, quia in hoc seculo, cum sumus, gaudere non debemus, sed etiam in hoc seculo constitui iam in Domino gaudeamus. Et in verba psalmi 96. Letamini iusti in Domino. Iam forte fideles audientes, incundamini, conuiuia meditantur, calices preparant, rosarum tempus expectant. Vide quid sequitur. In Domino. Expectas tempus veris ut incunderis: si Dominum habes incunditatem, Dominus tecum semper est, non habet tempus. Estor rectus corde, & semper est tibi de illo iucunditas. Non enim iucunditas qua est secundum seculum vera iucunditas est. Audi prophetam Isaiam. Non est gaudere impijs dicit Dominus. Gaudere, quod vocant impij, non est gaudere, &c. Vtq; videbat Isaias homines in potatione, in luxuria, in theatris, & in spectaculis, totum mundum luxuriari varijs nugis, & tamen clamabat. Non est gaudere impijs, dicit Dominus. Si hoc non est gaudere, quale gaudium videbat, in cuius comparatione hoc non erat gaudium? B. Prosper de vita contemplatiua libro 2. Gaudere quidem bonum est, sed qui gaudet, si non inde gaudeat unde debet, non potest bonum esse quod gaudet. Siquidem gaudet & raptor, quum desiderata rapuerit: gaudet & ebriosus cum exoptata occasione potationis inuenerit: gaudet & adulter, cum ad delectationem fruendi corporis concupiti peruenierit. Sed cum sit gaudere bonum, de his atq; huiusmodi gaudere, grande est malum. Hæc & his similia sunt, unde gaudere nos vult mundus cum suis amatoribus periturus. Hæc sunt, quæ repudiare debemus, ut de bona conscientia, de sanctitate morum, de acquisitione virtutum, de dono Dei, & permissione futuri regni ineffabiliter gaudeamus. S. Bernardus ad Sanctimonialem quandam. Magnum est mihi gaudium, quod te ad verum & perfectum gaudium velle tendere compari: quod non est de terra, sed de celo, id est, non de hac conualle plorationis, sed de illa quam fluminis impetus letificat ciuitatem Dei. Et reuera illud verum & solum est gaudium, quod non de creatura, sed de creatore concipitur, & quod cum possederis, nemo tollet à te. Cui comparata omnis aliunde iucunditas maior est, omnis suauitas dolor est, omne dulce amarum, omne decorum fadum, omne postremo quodcunq; aliud delectare possit, molestum.

CAP.

CAPV T III.

De præstantia & utilitate gaudij spiritualis.

GAUDII spiritualis præstantia inde liquet primo, quod sit donum Spiritus sancti. Nam Christus cum apud Lucam dixisset discipulis. *Gaudete, quod nomina vestra scripta sunt in calis*, mox subiecit. *In ipsa hora exultavit Spiritu sancto, & dixit. Confiteor tibi pater.* Et Apostolus ad Romanos. *Non est regnum dei esca & potus, sed iustitia & pax & gaudium in Spiritu sancto.* Et ad Thessalonicenses. *Excipientes verbum in tribulatione multa cum gaudio Spiritus sancti.* Et ad Galatas. *Fructus autem Spiritus est, charitas, gaudium, pax, patientia.* 2. quia Scriptura iubet nos *latari in Domino*, ut supra dictum est, at quid Domino uel Deo nobilius? Latamur autem in eo, quia in eo solo tanquam parte & hereditate nostra per amorem conquiescimus. *Deus enim cordis mei, inqueiebat ille vir secundum cor Dei, & pars mea Deus in æternum.* Vnde Augustinus de salutaribus documentis. *Si aliquid in hoc seculo possidere delectamur. Deum qui possidet omnia, qui creauit omnia, expedit ut mente possideamus, & in eo habeamus, quacumq; feliciter & sancte desideramus. Sed quoniam nemo possidet Deum, nisi qui possidetur ab eo, sumus nos ipsi facti Dei possessio, & efficitur nobis possessio Deus. Et quid potest esse in mundo felicius, quam cui efficitur suus Imperator & redemptor census & hereditas dignatur esse ipsa diuinitas? Quid ultra querit, cui omne gaudium, & omnia suus redemptor esse debet? Accedit, quod gaudium spirituale iustorum in hac vita est semen & pignus, gaudij futuri in cælo, in quo æterna consistet felicitas. De quo post Isaiam B. Paulus. Quod oculus, inquit, non vidit, nec auris audiuit, nec in cor hominis ascendit, quæ preparauit Deus ijs, qui diligunt illum, nobis autem reuelauit Deus per spiritum suum.* At quid hoc æterno gaudio nobilius?

UTILITATEM quoq; huius gaudij non reticuit Spiritus sanctus in diuinis litteris. Primo enim valet ad conciliandam corporis incolumitatem, ut indicauit Salomon in Prouerbiis dicens. *Cor gaudens exhilarat faciem: in marore animi deijcitur Spiritus.* Et. *Animus gaudens et aeternam floridam facit spiritus tristis exsiccat ossa.* Nam per lætitiâ cordis vel animi exhilaratur facies, totumq; corpus perfunditur, eo quod affectiones mentis redundant in corpus, & in facie, ubi omnes vigent sensus, maxime operentur & agnoscantur. Contra per marorem animi ipsemet spiritus deijcitur, frangitur & languescit, sic pror-

Psal. 6. 4.

Psal. 72. 16.

Esth. 5. 9.

Chr. hom. 18.

sus, vt ad officia sua præstanda parum sit idoneus, nec vacare bene possit, studiis, contemplationi, cæterisq; mentis functionibus. Deinde valet ad impetranda facilius Dei beneficia, quæ in oratione postulamus. Vnde psaltes regius dicebat. *Delectare in Domino, & dabit tibi petitiones cordis tui.* In quæ verba S. Augustinus. *Signanter, inquit, accipe petitionem cordis tui, discerne eam à petitionibus carnis, discerne quantum potes. Nec frustra dictum est in quodam psalmo Deus cordis mei. Ibi enim sequitur & dicit. Et pars mea Deus meus in sæcula Verbi gratia Cæcus est corpore, rogat ut illuminetur. Esto, roget, quia & ista Deus facit, sed rogant hæc etiam mali. Petitio hæc carnis. Infirmatur, rogat se saluam fieri. saluus fit moriturus. Et ista petitio carnis est. Sicut petitio carnis est, velle sibi præparari oculos. Vtiq; ad videndam istam lucem, quæ talibus oculis videri potest: ita petitio cordis ad illam lucem pertinet. Beati enim mundi cordes, quoniam ipsi Deum videbunt. Denique gaudium spirituale in hoc differt à mundano, quod mundanum non possit perfectè mederi tristitiæ. Nam videmus homines quantumuis sanos, diuites, honoratos, vno aliquo infortunio, vt morte vxoris, uel filii ita conturbari, ac si prorsus miseri essent. Exemplo sit Aman in historia Esther qui cum inter Principes regni Assueri esset primus, tamen totus marore conficiebatur, quod ab vno homine Iudæo Mardocheo non honoraretur. At gaudium in Domino reddit pectus hominis adamantinum contra omnia aduersa. Vnde Chrysostomus ad populum. *Deum, sicut oportet, timens & in ipso confidens voluptatis radicem lucratus est, & omnem habet lætitiæ fontem. Et sicut exigua scintilla in mare immensum delapsa facile exstinguitur, sic quantacunque aduersa Deum timenti illiduntur, velut iri vastum lætitiæ pelagus incidentia, exstinguntur & pereunt.**

C A P V T IV.

De Proprietatibus Gaudij Spiritualis.

Chr. hom. 18.

A. cap. 11. & 12.

PRIMA Proprietas est, quod omnium actionum humanarum finis & scopus sit aliquod gaudium. Hanc tradit S. Chrysost. ad populum. *Voluptatem, inquit, querunt, & gaudere capiunt omnes, & propter hoc omnia faciunt, & dicunt, & negotiantur. Nam mercator ideo nauigat, ut pecunias congreget, congregat autem ut iis gaudeat: & exercitus dux ideo trahit arma, & agricola colit terram, & quisq; artem suam tractat, ut honore & lucro gaudeat.* Et S. Augustinus decimo Confessionum. *Vnum est, ait, quo peruenire omnes nituntur, ut gaudeant. Quæ quoniam res est, quam se expertum non esse nemo potest dicere, propterea reperta in memoria recognoscitur, quando*

quando beata vita nomen auditur. Absit Domine, absit à corde serui tui qui conficitur tibi, absit ut quocumque gaudio gaudeam, beatum me putem. Est enim gaudium, quod non datur impiis, sed eis, qui te gratis colunt, quorum gaudium tu ipse es. Et ipsa est beata vita, gaudere ad te, de te, propter te, ipsa est, & non altera. Qui autem aliam putant esse, aliud sectantur gaudium, neque ipsum verum. Ab aliqua tamen imagine gaudij voluntas eorum non aueritur. Et S. Bernardus scribens in verba Apostoli. Non est regnum Dei esca & potus. Nemo, inquit, est, qui gaudere non velit. Et Seneca ad Lucilium. Omnes tendunt ad gaudium sed unde stabile, magnumque, consequantur ignorant. Ille ex conuiuiis & luxuria, ille ex ambitione & circumfusa clientium turba, ille ex amica, alius ex studiorum liberalium vana ostentatione, & nihil sanantibus litteris. Omnes istos oblectamenta & breuia decipiunt, sicut ebrietas, quæ vnius horæ hilare nuntiam longi temporis tædî pensat.

II. Proprietas est, in hac vita nullum esse purum & solidum gaudium, sed mixtum aliqua afflictione, quod indicant illa dicta Apostoli. Tempus breue est, reliquum est, ut qui sient sint tanquam non sientes, & qui gaudent tanquam non gaudentes, & qui utuntur hoc mundo, tanquam non utantur. Et quasi tristes, semper autem gaudentes, tanquam nihil habentes. Quæ expendens S. Augustinus. Tristitia inquit, nostra habet quasi gaudium nostrum non habet quasi, quia in spe certa est. Quare tristitia nostra quasi habet. Quia sicut somnus transit, & dominabuntur recti mane. Nouit enim charitas uestra, quia qui somnū indicat, addit quasi. Quasi dicebam, quasi loquebar, quasi prandebar, quasi equitabam, quasi disputa- bam. Totum quasi, quia cum vigilauerit, non inuenit, quod videbat. Quasi thesaurum inueneram, dicit mendicus. Si quasi non esset, mendicus non esset, sed quia quæserat, mendicus est. Itaque, modo, qui ad letitias seculares oculos aperiunt, & cor claudunt, transit quasi eorum, & venit verum ipsorum. Verum ipsorum pena est. Et S. Gregorius in Euangelia. Flet, tanquam non flet, qui sic temporalibus damnis affligitur, ut tamen de æternis lucris semper animum consoletur. Gaudet verò, sed tanquam non gaudet, qui sic de temporalibus bilarefcit, ut tamen semper tormenta perpetua consideret, & in hoc quod mentem gaudio subleuat, hanc continuo pondere prouidi timoris promat. Bifariam autem intelligi potest, cum quantocumque gaudio spirituali, quod est in Domino, stare aliquam tristitiam. Semel, quia bonum diuinum, de quo propter spem gaudemus, necdum perfectè possidemus. Vnde regius psaltes dicebat. Heu mihi, quia incolatus meus prolongatus est. & D. Paulus. Dum sumus in corpore, peregrinamur à Domino. Iterum, quia possumus tristari de malis, vel nostris vel proximi, quibus retardamur à summi boni

Ila. 9. 1.

boni possessione, ut sunt imprimis peccata; nam apud Isaiam Deus ipse dicit. *Iniquitates vestrae diuiserunt inter me & vos.*

Matt. 5. 12.
Act. 5. 41.

III. Proprietas est, Gaudium spiritale in homine Christiano potius augeri tribulationibus, quam extingui. Vnde Christus ad Apostolos. *Cum persecuti vos fuerint, inquit, & dixerint omne malum aduersum vos mentientes propter me, gaudete & exultate, quoniam merces vestra copiosa est in calis.* Quod & fecerunt, teste B. Luca in Actis. *Ibant, (Apostoli)*

Col. 1. 24.
2. Cor. 12. 10.

a conspectu Concilii gaudentes, quod digni habiti essent pro nomine Iesu contumeliam pati. Et B. Paulus de se ait. *Nunc gaudeo in passionibus meis.* Et. *Propter quod placeo mihi in infirmitatibus, in contumeliis, in necessitatibus, in persecutionibus, in angustiis pro Christo.* Nec gaudet solum in illis, verum etiam quod maius est, in illis gloriatur. *Mihi autem, inquit ad Galatas, absit gloriari, nisi in cruce Domini nostri Iesu Christi.* Et ad Corinthios. *Libenter gloriabor in infirmitatibus meis.* Deinde ad Hebraeos ita scribit. *Nam & vincitis compassi estis, & rapinam bonorum vestrorum cum gaudio suscepistis, cognoscetes vos habere meliorem & manentem substantiam.* Sed &

Gal. 6. 14.
2. Cor. 12. 9.
Heb. 10. 34.

B. Iacobus apostolus ab hac sententia epistolam suam inchoauit. *Omne gaudium existimate fratres mei, cum in varias tentationes incideritis.* S. Petrus vero ita loquitur. *Charissimi nolite peregrinari in feruore, qui ad tentationem vobis fit, quasi noui aliquid vobis contingat, sed communicantes Christi passionibus gaudete, ut & in reuelatione gloriae eius gaudeatis exultantes.* Si exprobramini in nomine Christi, beati eritis. Ex hac proprietate colligunt S. Patres, speciatim autem Basiliius in homilia de gratiarum

Iac. 1. 2.

actione, & Chrysost in homiliis ad populum, posse aliquem semper in hac vita spirituali gaudio frui iuxta monitum vel praeceptum Apostolicum. *Gaudete in Domino semper, iterum dico, gaudete.* Et semper gaude-
te. Verba Basilii sunt. *Anima quae semel se modis omnibus desiderio sui astrinxit conditoris, prorsus non sinet vehemens illud gaudium animi sui per multiplicem carnalium affectionum mutationem intercipi.* Quin potius, quae aliis merorem afferunt in cumulum laetitiae sibi conuertet.

1. Pet. 4. 12.

IV. Proprietas gaudii spiritualis est, alienis malis uel tribulationibus potius condolere, quam exultare, iuxta illud Pauli ad Romanos. *gaudete cum gaudentibus, flete cum flentibus.* Sic fecit propheta Isaias, dum ait. *Propter destructionem Babylonis repleti sunt lumbi mei dolore, sicut angustia parturientis.* Sic Apostolus, cum doleret ob fratrum interitum. *Tristitia mihi magna est, & continuus dolor cordi meo.* Et rursus. *Quis infirmatur, & ego non infirmor, quis scandalizatur, & ego non vror?*

B. h. 2.

Certe S. Augustinus non dubitat ruinis aliorum exultantes comparare daemonibus in libro de vera religione. His (angelis exterminatoribus) inquit, *similes sunt homines, qui gaudent miseriis alienis, & risus*

Chr. h. 18. & 19.

Phil. 4. 4.
1. Thes. 5. 15.
B. hom. 4. de
grat. actione.

sibi

Rom. 12. 15.

bus

Ila. 21. 3.

im

Rom. 9. 2.

Pro

2. Cor. 11. 29.

tia

A. c. 40.

pecc

posse

alien

Can

cun

sibi

bus

im

Pro

tia

pecc

posse

alien

Can

cun

tuu

Vn

tem

um

lius

omn

sim

tia

min

bil

lan

duc

et a

qua

vir

ros

pla

Qu

hi

qu

sto

bel

sibi & ludicra spectacula exhibent, vel exhiberi volunt euerfionibus & erroribus aliorum. Quanquam alibi non diffitetur posse aliquando pios, de impiis vindicta diuina sublati ob bonum finem latari. nam inter B. Prosperi sententias ex Augustino decerptas una hæc est. *De beneuolentia* P. 246. *est non de malitia, cum latatur iustus in impios processisse vindictam, quia non peccatoris exitium placet, quem voluit corrigi, sed iustitia Dei, qua scit multos posse conuerti.* Ad eandem proprietatem pertinet plus de magno bono alieno gaudere, quam de exiguo proprio, ut annotauit S. Bernardus in B. serm. 49. Cantica, eo quod ordo charitatis postulet, maius bonum, in quocumque sit, maiore affectu prosequi.

V. Proprietas est, quod gaudium spiritus natura sua sit perpetuum, sicut contra mundi gaudium est temporale & momentaneum. Vnde Apostolus monuit ut *semper gaudeamus*; deinde docuit *caritatem* Phil. 4. 4. *nunquam excidere*; cuius actus uel effectus inseparabilis est gaudium spiritus. 1. Cor. 13. 8. De eo in Constitutionibus monasticis ita scribit S. Basilus. *Quem praua affectio prorsus nulla obturbat, contraque cui virtus est omnis, omnisque dignitas comes adiuncta, hunc sine dubio rite, & ut par est, latari existimandum est, eiusque letitiam immutabilem esse atque sempiternam, quando letitia virtutis ac bonitatis est affectatrix, ut est apud prophetam. Letabitur Dominus in operibus suis.* Et S. Chrysostomus ad populum. *Sit aliquis nihil in se dampnandum habens, sed bona fretus conscientia, & ad futura anhelans, & expectans illam beatam spem, quid hunc quæso in tristitiam poterit inducere? Nam omnibus rebus mors intolerabilior esse videtur, sed huius expectatio non tantum ipsum non contristat, verum & potius delectet. nouit enim, quod mortis presentia laborum est liberatio, & cursus ad coronas & braua pro virtute pugnantibus reposita. Sed filiorum acerba mors. Verum & hoc generose fert, & dicit Iob verba. Dominus dedit, dominus abstulit. Sicut domino placuit ita factum est. Sit nomen Domini benedictum in secula. Et infra. Quid igitur, sancti non dolebant? non audis Paulum dicentem. Tristitia mihi magna est, & indefinens dolor cordi meo. Hoc ipsum nempe admirabile est, quod tristitia lucrum & voluptatem ex lucro ferebat. Sicut enim flagella (Apostolis in Actis) inflicta non dolores, sed letitiam, sic & tristitia magnas illas prebebat coronas. Et hoc est admirabile, quod non mundi tristitia tantum, verum & letitia dampnum habet extremum. In spirituali verò contrarium totum, non letitia tantum, verum & tristitia multum habet bonorum thesaurum.* Rom. 9. 2. Act. 5. 41.

De Mediis idoneis ad gaudium spirituale obtinendum.

Eccl. 3. 12.

Ib. 22.

Eccl. 9. 7.

Eccl. 30. 16.

Ch. hom. 25.

Cic. lib. 6.

S. ep. 24.

Eccl. 3. 11.

PRI^{mu}m Medium est Bona conscientia ex bonis operibus collecta. vnde Ecclesiastes dixit. *Cognoui, quod non esset melius nisi letari, & facere bene in vita sua.* Et rursus. *Et deprehendi nihil esse melius, quam letari hominem in opere suo.* Et. *Vade ergo & comede in letitia panem tuum, & bibe cum gaudio vinum tuum, quia Deo placent opera tua.* Ecclesiasticus uero. *Non est, ait, oblectamentum super cordis gaudium.* Vnde S. Chrysost. ad populum Antiochenum ita loquitur. *Nihil aliud est triste, nisi Deum offendere. Quod cum aberit, non tribulationes, non insidie, non quicquam aliud sapientem animam poterit contristare, sed quemadmodum si exiguum scindit illam in lacum deieceris profundum, statim extinxeris, itidem & omnis tristitia superabundantia in bonam missa conscientiam extinguatur.* Propterea quidem & Paulus semper gaudebat, quoniam interius secundum Deum confidebat, neq. tot malorum capiebat sensum; sed debebat quidem ut homo, non tamen cadebat. Sic & Abraham Patriarcha erat in delectatione, multa passus tristitia. Verum nihil horum eum prostravit. B. Casarius Arelatenfis hom. 12. *Verum gaudium non possidetur, nisi pax & iustitia teneatur. Prima est enim & quasi radix iustitia, Secunda pax, tertia gaudium. De iustitia nascitur pax, de pace gaudium generatur. Iustitia & pax quasi bona opera esse videntur, gaudium uero fructus esse bonorum operum intelligitur.* Et S. Bernardus in libris de Consideratione. *Quid diutius, quid in corde dulcius, quid in terra quietius est, & securius bona conscientia? damna rerum non metuit, non verborum contumelias, non corporis cruciatus, quae & ipsa morte magis eriguntur, quam deprimuntur.* Consentiant nostris scriptores Ethnici. Cicero ad Torquatum epistola familiari. *Conscientia recta voluntatis maxima consolatio est rerum incommodarum.* Et Seneca ad Lucilium. *Nolo tibi unquam deesse letitiam. Volo illam tibi dominari.* Nascitur, si modo intra tempus sit. Ceterae hilaritates non implent pectus sed frontem remittunt, leues sunt: nisi forte tu iudicas illum gaudere, qui ridet. *Mihi crede, res seuera est verum gaudium.* Et paulo post. *Veri boni auiditas tuta est.* Quid sit istud interrogas, aut unde subeat? dicam. Ex bona conscientia, ex honestis consiliis, ex rectis actionibus, ex contemptu fortuitorum, ex placido vita & continuo tempore unam prementis viam.

II. Medium, Timor Domini. nam Ecclesiasticus ait. *Timor Domini gloria & gloriatio, & letitia & corona exultationis. Timor Domini delebit cor, & dabit letitiam, & gaudium, & longitudinem dierum.* Et Ma-

lachias

lachias. Et orietur vobis timentibus nomen meum Sol iustitia, & sanitas in
 pennis eius: & egrediemini, & salietis sicut vituli de armento. Vnde Chry-
 sost. homilia citata ad populum. Non multis opus est sermonibus, sed iſo-
 lum dictum Apostoli cogitemus vitam inueniemus. nec enim simpliciter dixit.
 Gaudete semper, sed addidit continue voluptatis causam, cum dixerit. Phil. 4. 4.
 Gaudete in Domino semper. In Domino semper. In Domino gaudens ex acci-
 dente nullo voluptate hac excidere potest. Alia nempe cuncta in quibus gau-
 demus mutabilia sunt, & transitu facilia, nec hoc solum habent molestum, sed
 etiam quod manentia non tantam nobis afferunt voluptatem, ut ex aliis nas-
 centem tristitiam repellat, Dei vero timor habet hac utraq. Stabilis est immo-
 tusq. & tantam subministrat letitiam, ut nullus nos aliorum malorum sensus
 capiat. Deum enim sicut oportet timens & in ipso confidens voluptatis radi-
 cem lacrat, & omnem habet letitie fontem.

III. est Memoria Dei, & beneficiorum eius. Vnde Psalter regi
 us. Providebam Dominum in conspectu meo semper, quoniam à dextris est
 mihi ne commovear. propter hoc latatum est cor meum, & exultavit lingua
 mea. Et memor fui Dei, & delectatus sum, & exercitatus sum, & defecit Spiri-
 tus meus. S. Basilii certe in homilia de gratiarum actione existimat
 hoc vnum medium sufficere, ut quod postulat Apostolus à Philip-
 pensibus & Thessalonicensibus, semper & continenter gaudeamus.
 Apostolice, inquit, sententia rudes, eo imprudentia & temeritatis prosiliunt,
 ut incusare audent Paulum, quasi is nobis prescribat factu impossibilia. Atq.
 erudiantur & discant tot adeo nobis proponi causas paradisi istius gaudii prorsus
 rationi consentaneas, idq. sola Dei manifesti liberalitate. Quum non essemus, i-
 pse fecit. sumus proinde ad nostri conditoris facti imaginem. Mente pariter &
 ratione insignimur, quo utroque humana conditionatura perficitur, & utri-
 usq. suffragio subnixi Deum cognouimus. Boni à malo discernendi facultate
 pradii sumus. Per peccatum alieni à Deo effecti in gratiam rursus per unige-
 niti sanguinem sumus reuocati, & seruituti ignominiosa exempti. Spes in super re-
 surrectionis, fruitio multiplex angelicorum bonorum, regnum celeste repro-
 missa bona, mentis rationisq. vim omnem exuperantia. Quinam non con-
 ueniat hac censere causas suggerere nobis gaudii nunquam desituri, ac per-
 petis letitia abunde sufficientes atq. idoneas.

IV Medium. Spes firmissima gaudii & felicitatis æternæ in coelo. Psal. 12.
 Vnde Rex David. letentur omnes, qui sperant in te Domine. Et Ecclesiasti-
 cus. Qui timetis Dominum, sperate in illum, & in oblectationem veniet vo-
 bis misericordia. Et Christus Dominus. Gaudete & exultate, quo-
 niam merces vestra copiosa est in cælis. Et Gaudete quod nomina vestra
 scripta sunt in cælis. Et Apostolus ad Romanos. Spe gaudentes. Vnde
 S. Bas.

Ba. hom. 4

Rom. 12. 12.

B. serm. 2.

S. Basilius loco citato. Sicut qui minus acri sunt oculorum acie, eos auocant à contuitu rerum nimis splendidarum, & refocillandos desigunt in flores, aliq̃ viridantia. Sic anima non debet se dare contemplandis rebus presentibus, quæ plena sunt meroris, sed iis quæ verè bona sunt. Ita enim assequeris ut semper gaudeas, nempe si vita tua institutum ratioq̃, omnis Deum collinet ac spectet, & spes retributionis, quæ in hac vita tristia sunt, leniora efficiat. Affecit te aliquis ignominia? Quin tu ad eam suspice gloriam, quæ reposita in calis est tibi parandam merito patientia. Iacturam rerum tuarum adyisti? oculos imprime fixius celestibus diuitijs, & thesauro incomparabili, quem tibi bonorum operum pretio seposuisti. Patrione solo exclusus es? At patriam habes celestem illam Hierusalem. Ad eum modum, si iis, quæ molestiam tibi nunc pariunt opposueris quæ sperantur bona animam tuam ab omni anxietate serua. bis. ad quod nos inuitat sanctio legis Apostolica. semper gaudete. S. Bernardus in verba Apostoli. Non est regnum Dei esca & potus, scribens. Loquar, ait, quod expertus nouit, inexpertus ignorat: animalis enim homo non percipit ea quæ sunt spiritus Dei. Nunquid non plerumq̃, orantibus nobis omnia viscerum succiuntur occulta ad memoriam gaudij illius quod est in Hierusalem, quæ sursum est, quæ est mater nostra, & lacrymarum vnda vultus meditantium perfundit: si duraret. Si oblitus fuero tui Hierusalem, obliuioni detur dextera mea, adhareat lingua mea faucibus meis, si non meminero tui, si non proposuero Hierusalem in principio latitiæ meæ. Vere in principio latitiæ, quia finis illic repositus est. Principium gaudij illius, quod hic quandoq̃, sentimus stilla est, guttula est, de flumine illo descendens, cuius imperium latificat ciuitatem Dei.

VIDE V. Contemplatio, Deuotio, Familiaritas cum Deo Laudatio Dei. Et in PANARIO. Desolatio spiritualis. Tristitia.

GRA-

GRATIARVM ACTIO

Deo debita

CAPVT I.

De nomine Gratiarum actionis.



RATIARVM actionis nomen hic accipimus pro grati animi affectione, vel gratitudine erga benefactorem. Quod à voce gratiæ deriuatur, quatenus significat benefici accepti memoriam vel remunerationem. Ita enim definit ex M. Tullio Gratiā S. Augustinus in libro quaestionum 83. *Gratiā est, in qua amicitiarum & officiorum alterius memoria & remunerandi voluntas continetur.* Et Ouidius hoc significatu vsurpauit

Cic. l. 2. de inu. A. 93.

Gratia pro rebus merito debetur inemptis.

Nec non Aristoteles in quarto Ethicorum, cum ait. *Gratia ei qui dat* exhibitur. Hanc gratiæ virtutem S. Thomas in summa Theologica numerat inter virtutes iustitiæ annexas.

Ar. e. 1.

Th. 2. q. 106. a. 1.

VERVM quia non vna est ratio benefactorum, quibus grati animi officium debemus, (possumus enim beneficio affici non modo à Deo, sed etiam ab hominibus) idcirco non ad eandem iustitiæ speciem quævis gratiarum actio necessario pertinet. Nam quæ debetur Deo est virtutis Religionis. Quæ verò parentibus, patriæ & Magistris ac institutoribus, pertinet ad Pietatem. Quæ autem personis in dignitate Politica vel Ecclesiastica constitutis ad Observantiam ac deniq; quæ quibuscumque particularibus benefactoribus, ad virtutem gratitudinis nomine communi appellatæ. Nos hic agimus de primò genere gratiarum actionis, quam debemus Deo tanquam primario omnium rerum auctori & principio, & omnes alias in se eminenter vel materialiter comprehendit; siquidem nullum beneficium ab homine villo præstari potest, quod non sit à Deo profectum. *Omne enim datum optimum,*

& omne donum perfectum, inquit B. Iacobus, de sursum

Iac. 1. 17.

est, descendens à Patre luminum.

R r

CAP.

CAPVT II.

De dignitate & prestantia gratiarum actionis.

C. hom. 26. in
Acta.

2. Esdr. 12. 37.

Isa. 51. 3.

Apoc. 7. 12.

A. lib. 7. c. 8.

Isa. 49. 13.

Matt. 26. 17.

Luc. 22. 17.

1. Cor. 11. 24.

Col. 3.

DIGNITATEM nobilitatemq; uirtutis huius bifariam deprehendere licet. semel, quod ad Religionem moralium omnium prestantissimam pertineat. iterum, quod circa nobilissimum obiectum, Deum eiusq; beneficia, quorum nullum est exiguum, ut loquitur S. Chrysostomus, uersetur. Qua de causa in diuinis Scripturis passim gratiarum actio inter honorifica officia Deo delata numeratur. Ut apud Esdram. *In dedicatione muri Hierusalem, requisierunt Leuitas de omnibus locis suis, ut facerent dedicationem & letitiam in actione gratiarum, & cantico, & in cymbalis.* Et apud Isaiam. *Consolabitur Dominus Sion, & ponet solitudinem eius quasi hortum Domini. Gaudium & letitia inuenietur in ea, gratiarum actio & vox laudis.* Et in Apocalypsi S. Ioannis. *Omaes angeli stabant in circuitu throni, & seniorum & quatuor animalium, & ceciderunt in conspectu throni in facies suas, & adorauerunt Deum, dicentes, Amen. Benedictio & claritas, & sapientia, & gratiarum actio, honor & uirtus, & fortitudo Deo nostro in secula seculorum. Amen.* 2. in iisdem appellatur sacrificium laudis, & omnibus veteris legis sacrificiis antefertur, ut docet S. Augustinus contra aduersarium legis & prophetarum: nam cum citasset illa verba Psalmi; *Nunquid manducabo carnes taurorum, aut sanguinem hircorum potabo. Immola Deo sacrificium laudis, & redde altissimo vota tua. Et sacrificium laudis honorificabit me, & ibi via, qua ostendam illi salutare Dei. Quod est autem, subdit, sacratius laudis sacrificium, quam in actione gratiarum? Et unde maiores agendae sunt Deo gratiae, quam pro ipsius gratia per Iesum Christum Dominum nostrum? Quod totum fideles in Ecclesia sacrificio sciunt, cuius umbræ fuerunt omnia priorum generasacrificiorum* 3. quia nobilissimum Ecclesiae Christianae sacramentum & sacrificium, quod cum gratiarum actione à Christo ipso institutum est, nomenclaturam suam à gratiarum actione accepit, nihil enim aliud est *eucharistia* nisi gratiarum actio. Vnde Chrysostomus homilia 26 in Matthæum. *Apostolus dixit. Grati estote. Optima quippe beneficiorum custos est memoria beneficiorum, & perpetua gratiarum confessio. Propterea & reuerenda ac salutaria illa mysteria, quae in omni certe Ecclesia congregatione celebramus, Eucharistia id est, gratiarum actio nuncupatur. Sunt enim beneficiorum recordatio plurimorum, caputq; ipsum diuina erga nos charitatis ostendunt, nosq; faciunt debitas Deo gratias semper exolvere.* 4. quia Apo-

stolus

Apolus Paulus, in priore epistola ad Timotheum postremum locum ^{1. Tim. 2. 2.} inter orationum formas, hoc est dignissimum, gratiarum actioni tribuit. Obsecro igitur, inquit, *primum omnium fieri obsecrationes, orationes, postulationes, gratiarum actiones pro omnibus hominibus, pro Regibus, &c.* Quae uerba tractans Ioan. Cassianus collatione nona. Quarto, inquit, ^{C. c. 14. & 15.} loco gratiarum actiones ponuntur, quas mens vel cum praeiterita Dei recollit beneficia, vel cum praesentia contemplatur, seu cum in futurum, quae & quanta preparauerit Deus his, qui diligunt eum prospicit per ineffabiles excessus Deo refert. Quae etiam intentione nonnunquam preces uberiores emitti solent, dum illa quae reposita sunt in futuro Sanctorum premia purissimis oculis intuenso ineffabiles Deo gratias cum immenso gaudio spiritus noster instigatur effundere. Deinde subiicit, obsecrationes ad incipientes, orationes ad proficientes, postulationes autem & maximè gratiarum actiones pertinere ad perfectos. Simile discrimen notat S. Bernardus sermone de 4. modis orandi & per gratiarum actionem intelligit orationem viri perfecti, qui se certo confidit exaudiri.

S. Chrysostomus quoque praestantiam huius virtutis ad populum Antiochenum his verbis declarat. ^{Ch. hom. 7.} Magnus thesaurus gratiarum actio, magna diuitie, inconsumptum bonum, armatura fortis: sicut blasphemia ingruentem iacturam intendit iis, qui peierare solent, plura in super perire facit. Perdidisti pecunias? Si gratias, quidem egeris animam lucratus es, & maiores nactus es diuitias, quia Dei beneuolentiam hausisti amplius: si uero blasphemaueris, in super & salutem tuam amisisti, & quam habuisti animam occidisti. Et in uerba illa psalmi. ^{Psalm. 100.} Confitebor tibi Domine in toto corde meo. Confessionem, ait, hic mihi uidetur dicere gratiarum actionem. Laudabo, inquit, agam gratias. Totam enim uitam in hoc consumpsit, ab hoc exorditur, & in hoc desinit. Perpetuo enim fuit hoc eius munus, pro iis, quae & ipse & alii acceperunt beneficiis gratias agere. Deus enim nihil aequè atque hoc postulat. Hoc est sacrificium, hoc oblatio, hoc est, pijs & grati animi signum. Hoc ulnus inferi diabolo. Ex hoc coronabatur B. Iob & ^{Iob. 1. 2. 10. 21.} predicabatur, quod cum tentationes illatae essent innumerabiles, & uxor quoque cum supplantare uellet, non auersus est, sed Deo de omnibus egit perpetuo gratias, non solum quando fuit diues, sed etiam quando erat pauper: non quando erat sanus, sed etiam quando caro scatebat ulceribus. Hoc enim est grati in primis animi in rebus aduersis Deo perpetuo habere & agere gratias. S. Ambrosius primo libro de Officiis ita scribit. ^{Con. A. c. 36.} Conferre gratiam bonum est, at qui referre nescit, durissimus. Humanitatis exemplum ipsa terra suggerit: Spontaneos fructus ministrat quos non seueris, multiplicatum quoque reddit, quod acceperit. Negare tibi pecuniam numeratam non licet, quomodo licet acceptam non referre gratiam? in Proverbiis

A. ep. 9.

S. c. 16. 19. 22.

quoque habes, quod ita plurimum redhibitio ista gratie apud Deum consuevit valere, ut etiam in die ruina inueniat gratiam, quando possunt preponderare peccata. Et quid aliis utar exemplis, cum Dominus ipse remunerationem uberiores sanctorum meritis in Euangelio polliceatur. S. Augustinus ad Marcellinum. Quid melius & animo geramus, & ore promamus, & calamo explenemus quam Deo gratias? hoc nil dici breuius, nec audiri latius, nec intelligi gratius, nec agi fructuosius potest. Senecæ quoque libro quarto de Beneficiis generalia illa dicta sunt. Quid tam laudabile, quid tam aequaliter in omnium animos receptum, quam referre bene meritis gratiam? Et. Quid est autem honestius, quam gratum esse? Et. Omnes abire è rebus humanis quam gratissimi volumus.

CAPVT III.

De Gratiarum actionis necessitate & utilitate.

Leuit. 7.
Eph. c. 16.

Ib. 1. 2.

Luc. 17. 17.

Eph. 5. 4.

Ib. 30.

Phil. 4. 6.

Col. 3. 15.
Ib. 4. 2.
1 Thes. 5. 17.

2 Thes. 1. 3.

1 Tim. 2. 1.

NON modo præstantiam, verum etiam necessitatem, utilitatemque virtutis huius diuina oracula nobis commendant. Nam, ut liquet ex Leuitico, peculiare sacrificium pro gratiarum actione cum suis ritibus decretum est? Et in historia Esther Rex magnus Artaxerxes in epistola pro Iudæis data, grauiter queritur de quibusdam ingratissimis in hæc verba. Nec contenti sunt gratias non agere beneficiis & humanitatis in se iura violare, sed Dei quoque cuncta cernentis arbitrantur se posse fugere sententiam. Deus quoque ipse apud Isaiam de Iudæis dicens. Filios enutriui & exaltaui, ipsi autem spreuerunt me. Et Christus Dominus de nouem leprosis à se mundatis. Decem, inquit, mundati sunt, & nonem ubi sunt? non est inuentus, qui rediret, & daret gloriam Deo, nisi hic alienigena. Apostolus verò crebrius ad eam hortatur, ut ad Ephesios. Fornicatio, ait, & omnis immunditia nec nominetur in vobis, &c. sed magis gratiarum actio. Et rursus. Implemini Spiritu sancto loquentes vobismetipsis in psalmis & hymnis & canticis spiritualibus cantantes & psallentes in cordibus vestris Domino, gratias agentes semper pro omnibus. Et ad Philippenses. In omni oratione & obsecratione cum gratiarum actione petitiones vestre innotescant apud Deum Et ad Colossenses. Grati estote. Et. Orationi instate, vigilantes in ea in gratiarum actione. Et in priore ad Thessalonicenses. In omnibus gratias agite: hæc enim est voluntas Dei in Christo Iesu, in omnibus vobis. Et in posteriore. Gratias agere debemus semper Deo pro vobis. Et ad Timotheum. Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus pro regibus & omni-

omnibus, qui in sublimitate sunt, ut quietam & tranquillam vitam agamus, in omni pietate & castitate. Hoc enim bonum est, & acceptum coram Salvatore nostro Deo. Denique suo exemplo Apostolus in gratiis agendis Deo est creberrimus per omnes epistolas, immò & Christus Dominus ut liquet ex Euangelis.

Matt. 17. 26.

Marci 8. 14.

Luc. 17. 18. 22.

Ioan. 6. 11.

Ex S. Patribus ita scribit S. Basilius homilia in Martyrem Iulittam. Si quando letius arridet vita institutum, illam depromamus Davidis vocem. Quid retribuam Domino pro omnibus quæ retribuit mihi? Ex nihilo effecit ut essemus, ac produxit, dono rationis ornauit, inuentum artium ad vitam tuendam gratuito contulit. è terra visceribus alimenta eduxit, &c. Rectè dicis, retribuit. Quam enim rependis pro accepta gratia gratiarum actionem in numerum refert, & habet beneficii loco, qui licet aliud nil accipiat quàm quod suum est, solidam tamen retribuit gratiam, ac si propria dedisses. S. Ambrosius sermone 42. Dic mihi, num si aliquid de tuo cuiusque largiris, expectas ut tibi gratias agat: ut benedicat domum, de qua ei humanitas sit tributa? Qui si forte gratias non agit, quemadmodum à te denotatur ingratus? Ita ergo & à nobis expectat, qui nos pascit Deus, ut pro præstitis ab eo es ei illi gratias referamus, & saturi donis ipsius laudes ei dicamus, Caterum, si accipientes diuina numerata taciti & immemores fuerimus, tanquam ingrati & indigne eorum subministratione fraudabimur. S. Chrysost. in Matthæum. Neque Deus, inquit, alicuius nostri eget, sed nos omnium, quæ illius sunt, indigemus. Siquidem gratiarum actio illi quidem nihil omnino addit, nos autem magis illi familiares facit. Nos enim hominum beneficia recordantes, vehementius eorum amore succendimur, multo magis beneficiorum in nos Dei memores studiosiores erimus ad ipsius mandata seruanda, idcirco Apostolus dixit. Et grati estote. Optima quippe beneficiorum custos, est ipsa memoria beneficiorum, & perpetua gratiarum confessio. Et in epistolam ad Colossenses. Et grati sitis, inquit Apostolus, hoc enim potissimum ubique requirit, utpote summam bonorum. Gratias itaque agamus in omnibus, quicquid fiat: hoc enim est, gratum esse. Rebus enim prosperis hoc facere, nihil magni fuerit: nam ipsa rerum natura eò impellit. Quando verò in extremis existentes gratias agimus, tunc præclarum est. Quando enim ceteri maledicunt & fastidiunt, nos gratias agimus. Vide quanta sit philosophia. Primum Deum laudificas, alterum, diabolum pudefacit: tertium, & quod malè factum est, nihil esse facis. Nam & tu simul gratias agis, & Deus dolorem amputat, & diabolus abscedit. S. August. de Spiritu & littera cap. 11. Cultus Dei in hoc maxime constitutus est, ut anima ei non sit ingrata: unde in ipso verissimo & singulari sacrificio Domino Deo nostro gratias agere admonemur. Deus enim bonorum nostrorum non indiget. B. Bernardus in Cantica. Quod si copie aquarum, ait, secretis sub

B. hom. 4.

Psal. 115. 12.

C. hom. 26.

Col. 3. 15.

C. hom. 8.

B. serm. 19.

terraneisq; recursibus incessanter a quo rarepetunt, ut inde rursus ad visus, usq; nostros iungi & infatigabili erumpant obsequio, cur non etiam spirituales riuus, ut aruamentum rigare non desinant proprio fonti sine fraude & sine intermissione reddantur. Ad locum, unde exeunt, reuertantur flumina gratiarum, ut iterum fluant. Qualiter inquis? qualiter dicit Apostolus. In omnibus gratias agentes. Quicquid sapientia, quicquid te virtutis habere confidis, Dei virtuti, & Dei sapientia deputa Christo. Denique necessitas huius virtutis inde elucet, quod contrarium ei vitium, nempe ingratitude, apud gentiles etiam in summa semper vituperatione fuerit. Seneca enim librum tertium de beneficiis ab hac sententia inchoauit. Non referre beneficiis gratiam, & est turpe & apud omnes habetur. Et paulo post. Ingratus est, qui beneficium accepisse se negat, quod accepit. Ingratus est, qui dissimulat. Ingratus qui non reddit, ingratus omni-um, qui oblitus est.

Sen. cap. 1.

C A P V T IV.

De quibusdam proprietatibus gratiarum actionis.

Rom. 11. 35.
Et 7. item.

G. orat. 2.

Ch. hom. 62.

A. 91.

PRima proprietas gratiarum actionis Deo debita est, quod nulla sufficiens Deoque digna à nobis rependi queat. Quis enim prior, inquit, Apostolus, dedit illi & retribuetur ei? quoniam ex ipso, & percipsum, & in ipso sunt omnia. Vnde Clemens Alexandrinus. Non possunt omnino referri gratia pro dignitate salutis, si conferantur cum vilitate, quae à Domino proficiscitur. Et Greg. Nazianzenus in Pascha. Nam dignum munus offerre Deo vix ipsi quoque angeli possunt, illi inquam primi, intellectuales & puri, supernaq; gloriae spectatores, ac testes. Et Chrysost. in Matthæum, post enumerata aliquot Dei beneficia. Putasne, inquit, si quotidie pro eo qui nos tam mirifice amat moriamur condignas posse referre gratias, immo verò minimum quid debiti reddere? nequaquam. S. Augustinus septimo de ciuitate Dei. Quamquam enim quod sumus, quod viuimus, quod caelum terramq; conspiciamus, quod habemus mentē atq; rationem, qua cum ipsum, qui haec omnia condidit, inquiramus, nequaquam valeamus actioni sufficere gratiarum, tamen quod nos oneratos, obrutosq; peccatis, non omnino deseruit, misitq; nobis verbum suum, qui est vnicus eius filius, qui pro nobis in assumpta carne nato atq; passo, quanti Deus hominem ponderet, nosceremus, &c. Quae corda, quot linguae ad agendas ei gratias satis esse cōtenderint?

II. Proprietas est, quod non rebus ipsis, sed verbis tantum gratias Deo agamus. Sic enim scribit idem Augustinus in enarratione 88. psalm.

psalm.
enim
grat
ipse in
reden
lueri
verbu
tem
nulla
moni
tos e
quog
istuc
runt
cimu
quico
subse
II
aliqu
anze
uersa
uis on
bus a
Chr
dum
Dei j
nec p
let:
mad
non
desq
enim
te cr
& p
1
um
exer
quit
prase
omni

psalmi. Quid dicam aliud, inquit, quam gratias gratia ipsius? (Dei) Nos enim gratias agimus, non damus, nec reddimus, nec referimus, nec rependimus gratiam, sed tantum verbis agimus, retribuimus. Ipse nos gratis saluos fecit, ipse impietates nostras attendit, ipse nos non eum quarentes quæsuit, inuenit, redemit, liberauit à dominatu diaboli. Et S. Chrysost. in Genesin. Si voluerimus offerre aliquid Deo, quid amplius offerre possumus, quam quantum verbis gratias referimus? Ea sanè quæ ipse exhibet opere præstat. Quam autem imparia sunt verba & opera? Et Dominus nullarum rerum indigens est, nullaq; rerumstrarum eget, quàm verbis, atq; hanc ipsam in sermonibus gratiarum exigit, non quod ea ipse opus habeat, sed ut nos doceat gratos esse, & agnoscere tantorum bonorum auctorem. Et illam ob causam Paulus quoq; scribens dicebat. Grati estote. Nihil sic requirit à nobis Dominus, ut istuc ipsam. Et infra. Sicut cum grati sumus hominibus qui nobis bene fecerunt, clariores reddimur, ita si in Deum fuerimus grati, nos ipsos illustriores facimus; quoniam non ut nostra celebratione opus haberes hoc fieri vult, sed ut quicquid id lucri est iterum ad nos redeat, & dignos nos faciamus maioribus subsidis.

Ch. hom. 26.

Col. 3. 16.

III. Proprietas est, quod gratias agendo Deo, potius accipiamus aliquid ab illo, quam quod aliquid ei demus. Eiqui omnia, inquit Nazianzenus in oratione de pauperum amore, largitus est, universas opes dato: nunquam Dei liberalitatem & munificentiam vinces, quamvis omnium tuarum facultatum iacturam feceris, quamvis te etiam facultatibus adiunxeris. Nam hoc quoq; ipsum accipere est, Deo aliquid donare. Et Chrysost. exponens verba illa Davidis. Confitebor Domino secundum iustitiam eius. Gratias agam, inquit, non aliorum gaudens cadibus, sed Dei sententiam suscipiens; nec dixit confiteor, sed confitebor, significans quod nec postquam est affectus honorum obliuiscitur, nec sit negligentior, sed vigilet: non quod Deus iis indigeat, sed quod hoc nobis sit utile & commodum, quemadmodum accipiebat sacrificia, non egens sacrificiis. Si enim esuriero, ait, non dicam tibi: sed homines deducens ad eius honorem: ita etiam hymnos laudesq; suscipit, nostra laudatione non egens, sed nostram salutem desiderans. Deo enim magna cura est, ut in virtute crescamus. nihil autem æquè facit in virtute crescere atq; cum Deo assidue versari & colloqui, eiq; perpetuo gratias agere & psallere.

Psal. 7. 18.

Psal. 49. 10.

IV. Est, gratiarum actionem, aliudvè munus, quantumcunq; parum Deo oblatum, Deo esse gratissimū. Id probat dictus Nazianzenus exemplo viduæ duo minuta offerentis in gazophylacio. Vnusquisq; inquit. Deo, qd poterit offerat, quouis tempore, quouis genere vite & fortune pro presentis facultatis modulo, p gratia sibi cōcessa, ut per omnes virtutis modulos omnes regni caelestis mansiones impleamus. Et paulo post. Nihil earum rerum

Gorat in Iul. 1.

Luc. 21. 2.

quæ:

quæ Deo offeruntur, tam paruum est, quamuis etiam minimi momenti sit, quamuis longè illius dignitate inferius, quod non omnino accipiat, atq; comprobet, tametsi iusto iudicio misericordiam æstimare & expendere norit. Accipit ille & Pauli plantationem ut Pauli, & Apollinis irrigationem, & viduæ du minuta, & Publicani humilitatem, & Marassiss confessionem. Et rursus. Atq; illud pulcherrimum, humanissimumq; censendum est, quod Deus munificentiam non oblata rei pretio & dignitate, sed offerentis affectu & facultate metitur.

Heb. 12. 6.

Ch. hom. 2.

Id. hom. 8.

Id. hom. 20.

Eph. c. 5.

V. Est, ut gratiæ agantur Deo non in prosperis modo, sed etiam in aduersis, eo quod Deus etiam aduersa immittendo aut permittendo beneficium nobis præstet. Vnde S. Basilus in psalmum 33. Nihil minus, inquit, Christianum decet, quàm ut rebus suis prosperè cadentibus benedicat Deo: contra tristiore quapiam calamitate afflictus laudes reticeat Dei: quando tunc quoq; gratiæ vberiores agenda veniunt, ut qui planè nouerit, quia quem diligit erudit & castigat, flagellat autem omnem filium, quem recipit. Et Chrysost. in epistolam ad Romanos. Gratiâs agere oportet non solum diuites, sed & pauperes: non tantum bene valentes, sed & ægros: non tantum quibus ex voto, sed & quibus præter animi sententiam sinistrè cadunt omnia. Rebus enim prosperè habentibus gratias agere, nihil in se habet præcipui, cum verò multum obuenerit fluctuum, ut iam euersa naue periclitandum sit, tum primum conspicua redditur animi multa cum patientia, tum beneuolentia. Vnde & Iob coronatus impudens os Satanae obstruxit, palamq; ostendit, quod non propter diuitias, quum bene haberet, sed propter plurimam, quam erga Deum habebat dilectionem gratias egerit. Et ad Colossenses. Nihil hac lingua sanctius est, quæ in aduersis Deo gratias agit. Certe non inferior est lingua martyrum, utraq; pariter coronatur. Et ad Hebræos. Vnum tantum à nobis queritur, ut in omnibus gratias agamus Deo & omnia habebimus abundanter, ut puta. Perdidisti auri libras decem millia, age gratias confestim Deo, & centum millia acquisisti per vocem illam & gratiarum actionem. Dic enim mihi, quando beatum iudicasti Iob? quando habuit illos multos camelos, & pecudum greges, & armenta bouum, an quando illam vocem emisit, Dominus dedit, dominus abstulit? Etenim propterea diabolus nobis damna facit, non solum ut pecunias nobis auferat; scit enim, quia nihil est, sed ut per hoc nos cogat dicere aliquid blasphemum. Sic in causa Iob non hoc egit ut tantum pauperem eum faceret, sed ut blasphemiam aliquam proferret. Deniq; S. Hieronymus in epistolam ad Ephesios. Christianorum propria virtus est etiam in his quæ aduersa putantur, gratias referre creatori. Qui sibi sanctiores videntur, solent Deo referre gratias, quod de periculis vel miseriis liberati sunt. Sed iuxta Apostolum hæc virtus est maxima, ut in ipsis periculis atq; miserijs Deo gratia referatur.

referantur, & semper dicamus. *Benedictus Deus, minor a me scio sustinere, quam mereor: hæc ad mea peccata parua sunt, nihil mihi dignum redditur. Hic animus Christiani est, hic crucem suam tollens sequitur saluatorem, quem nec orbitas, nec dāna debilitant. Quem, ut Flaccus in Lyrico carmine ait, si fractus illabatur orbis impavidam fecerint ruina.*

VI est, ut gratiæ agantur pro cibo & potu quotidiano, maxime ante & post mensam. Ad quod propositum S. Patres primum allegant illud Moysis. *Quum manducaueris atq; biberis, & impleueris te, memento Domini Deitui.* Deinde exemplum Christi Domini, qui uti cōmemorant Euangelistæ, cum quinque coque amplius, millia hominū pascenda in re deserto haberet, prius quinque panes, & duos pisces coniectis in cælum oculis, gratiisq; Deo Patri actis benedixit & fugit. Adhæc illud Apostoli. *Qui manducat, Domino manducat, gratias enim agit. Et si ego cum gratia participo, quid blasphemor pro eo quod gratias ago? Siue ergo manducatis siue bibitis siue aliud quid facitis, omnia in gloriam Dei facite.* Et ad Thimotheum ubi arguit hæreticos iubentes abstinere a cibis, quos inquit, Deus creauit ad percipiendum cum gratiarum actione fidelibus, & iis qui cognouerunt veritatem. *Quia omnis creatura Dei bona est, & nihil reiiciendum, quod cum gratiarum actione percipitur.* Ita Sanctus Basilius in moralibus Regulis, & Chrysostomus in Matthæum. *Quando, inquit, Christus panes multiplicauit, tunc in cælum respexit, partim ut ea quæ diximus firma haberentur partim docens non esse ad mensam accedendum, quousque gratias ei agamus, qui cibum nobis præbuit.* Alibi verò idem recitat formulam gratiarum actionis, quam vsurpent post cœnam monachi in cremo, nempe hanc. *Benedictus Deus, qui me pascis a iuuentute mea, qui omni carni cibum præbes, reple letitia & gaudio corda nostra, ut semper satis habentes ad omne bonum opus abundemus in Christo Iesu Domino nostro, cum quo tibi gloria, honor & imperiū cum Sancto Spiritu in secula. Amen. Gloria tibi Domine, gloria tibi sancte, gloria tibi Rex, quoniam dedisti nobis escas, gaudio & letitia reple nos in Spiritu sancto, inueniamur in conspectu tuo acceptabiles sine verecundia, quando unicuique reddes secundum opera sua.* Sanctus Ephræm quoque adhortatione prima ita scribit. *Canonem, seu regulam cum omni reuerentia & timore Dei sequere: licetq; bis in die ad comedendum tradatur, semper cibum cum gratiarum actione sumito.* Et Beatus Hilarius illa verba Marci exponens. *Manducantibus illis accepit Iesus panem & benedicens fregit, &c. Et accepto calice gratias agens dedit eis & biberunt, &c. Sicut, inquit, Apostoli gratias egerunt, antequam biberent, ita etiam gratias agunt postquam biberunt. Vnde dicitur. Et hymno dicto*

sf

exierunt

Deut. 10.

Math. 14. 19.

Marc. 6. 37.

Luc. 9. 13.

Ioan. 6. 9.

Rom. 14. 6.

1. Cor. 10. 30.

1. Tim. 4. 3.

Bas. reg. 56. c. 2.

Chri. hom. 50.

Id. hom. 56.

Tom. 2.

Marc. 14. 23.

exierunt in montem oliueti, ut scilicet addiscas, & ante cibum, & post cibum gratiarum actiones reddere Deo.

Eph. 5. 20.

B. serm. 13.

VII. Proprietas est, ut gratia agantur cum debita humilitate, simplicitate & sinceritate, secundum illud Apostoli, *cantantes & psallentes in cordibus vestris Domino, gratias agentes semper pro omnibus.* Hanc proprietatem descripsit S. Bernardus in Cantica. *Non omnis, inquit, gratiarum actio accepta est Deo, nisi quae de cordis pudica & mera simplicitate procedit.* Pudica sanè dixerim propter eos, qui & de malis actibus suis gloriantes Deo gratias agere solent, quasi Deus more ipsorum letetur, cum male fecerint, & exultent in rebus pessimis. Mera simplicitate verò adiunxi propter hypocritas qui Deum quidem de bonis suis, sed verbotenus glorificantes corde retinent, quod ore prae buerant, & quoniam dolose agunt in conspectu eius, inueniuntur iniquitas eorum ad odium. Et rursus. Nemo planè adeo ut & Phariseus gratias agat, cuius tamen iustitia non est laus à Deo. Nec enim illa gratiarum actio, si bene recolis Euangelium, gratiorem eum fecit. Quare? quia quicquid deuotum in ore sonuerit, cordis non sufficit excusare tumorem apud eum, qui alta à longè cognoscit. Cernitisne Phariseum agentem gratias, labiis quidem honorare Deum, cordis autem sententia se? Non enim iudicaret publicanum contemnendum pra se, si non pra illo se honorandum senseret.

Luc. 18. 11.

C A P V T V.

De Mediis idoneis ad hanc Virtutem.

Psalm. 142. 5.

Ch. hom. 17.

PRIMUM Medium, quo incitari possumus ad gratias semper Deo agendas est, consideratio magnitudinis multitudinisque beneficiorum eius. Quae expendens propheta David canebat. *Memor fui dierum antiquorum, meditatus sum in omnibus operibus, in factis manuum tuarum meditabar.* Expandi manus meas ad te: anima mea sicut terra sine aqua tibi. Vnde S. Chrysost. in Genesin Demus, inquit, & nos operamur, ut gratiarum actiones pro virili Domino offeramus pro donis, quae ab eo praevidem nobis praestita ut & maiora inde consequamur & non obliuiscamur Dei beneficia in nos collocata, sed semper ea in mente nostra versemus, ut ad continuam gratiarum actionem mentem nostram compellant, tametsi tot sint ut mens nostra non sufficiat ad comprehendendum & enumerandum magnam, quae nobis contigit, illorum ubertatem. Quomodo enim quis cogitare sufficeret ea, quae in nos iam sunt collata, quae item promissa, quae & quotidie conferuntur? Deo.

Deinde post enumerata aliquot beneficia hactenus collata, subiungit. Et licet tanta ac talia sint, multo maiora & ineffabilia sunt beneficia, quæ in futuro seculo per virtutum viam incedentibus, & hinc migrantibus daturum se promisit. Quorum magnitudinem ut paucis verbis nobis commendaret B. Paulus, inquit Quæ oculus non vidit, & auris non audiuit, & in cor hominis non ascenderunt, præparauit Deus iis qui diligunt se. Vidisti dona excellentia? Vidisti beneficia illius omnem cogitationem transcendentia? In cor hominis non ascenderunt. Si igitur volumus supputare, & pro viribus nostris gratias agere, poterimus multo maiorem illius gratiam nobis conciliare & ad virtutem magis idonei fieri. Memoria enim beneficiorum Dei sufficiens est, quæ ad virtutum labores nos adhortetur & præparet, ut præsentia omnia despiciamus, & ut ei quæ tanta in nos beneficia contulit adhareamus, amorem in illam singulis diebus augeri declarantes. Idem homilia 26 in Matthæum contendit nullum beneficium Dei esse paruum.

1. Cor. 2.9.

II. MEDIUM est, consideratio sola beneficii redemptionis nostræ per Christum. Quam longe prospiciens idem propheta regius, postquam dixit. Memor fui operum Domini, quia memor ero ab initio mirabilium tuorum. Et meditabor in omnibus operibus tuis, & in adiuentionibus tuis exercebor, mox subiicit. Deus in sancto via, quis Deus magnus sicut Deus noster? tu es Deus qui facis mirabilia. Notam fecisti in populis virtutem tuam, redemisti in brachio populum tuum, filios Iacob & Ioseph. In quæ verba S. Augustinus. Quæ via tua in sancto? Ego sum, inquit, tua veritas & vita. Ad ipsum ergo attendamus Christum, attendamus ibi viam eius. Tu es Deus qui facis mirabilia solus. Tu verè magnus Deus, faciens mirabilia in corpore in anima solus faciens. Audierunt surdi, viderunt cæci, conualuerunt languidi, surrexerunt mortui, constricti sunt paralytici. Sed miracula ista tunc in corporibus. Videamus in anima. Sobrii sunt, paulo ante ebriosi. fideles sunt, paulo ante adoratores simulacrorum. Res suas donant pauperibus, qui alienas antea rapiebant. Ad hoc beneficium respiciens S. Ioannes admirandus scripsit. Sic Deus dilexit mundum, ut filium suum unigenitum daret, ut omnis qui credit in eum non pereat, sed habeat vitam æternam. Vnde Chrysost. loco citato. Hoc obstupescens tonitrui filius, consideransq; charitatis diuinæ excellentiam, quam erga genus nostrum declarauit, clamabat & dicebat. Sic enim dilexit DEVS mundum. Vide quanto miraculo plena hæc dictio magnitudinem expendens, quam dicturus erat exorsus est, sic dilexit. Dic igitur nobis beate Ioannes quomodo, Sic & dic mensura, dic magnitudinem, doce nos excellentiam. Vidisti causam aduentus filii

Psal. 76. 12.

A. in psal. 76.
Ioan. 14. 6.

Ioan. 3. 16.

Hom. 17. in gē.

hanc esse, ut per fidem in illum, qui perituri erant, salutis occasionem inuenerent. Idem homilia 26. in Mattheum.

Chryf.

Gal. 2.20.

III. Medium est, ut beneficia Dei, quæ omnibus hominibus sunt communia reputes tibi soli præstita, quod suggerit idem Aureum Os, in libro secundo de compunctione cordis his verbis. *Hic affectus est serui fidelis, ut beneficia Domini sui, quæ communiter data sunt omnibus, quasi sibi soli præstita reputet, & quasi ipse sit omnium debitor, & pro omnibus ipse solus habeatur obnoxius. Hoc fecit & Paulus, qui mortem Domini & Salvatoris nostri, quæ pro uniuerso expensa est mundo sibi soli præstitam dicit. Quasi enim de se solo loquens ita scribit. Quodenim nunc vivo in carne, in fide vivo filii Dei, qui tradidit semetipsum pro me. Hæc autem dicebat, non coangustare volens amplissima, & per orbem terræ diffusa Christi munera, sed quasi qui, ut diximus, pro omnibus se solum iudicaret obnoxium. Et reuera, quid interest, si & alius præstitit, cum quæ tibi præstita sunt, ita integra sint, & ita perfecta, quasi nulli ali ex his aliquid fuerit præstitum. Ideo denique & in illa boni pastoris parabola non dicitur, quia venit oves multas querere, sed unam. Una namque est, quia sic omnibus quasi uni diuina beneficia conferuntur.*

Euc. 12.48.

IV. Medium est, expendere, quo plura beneficia à Deo acceperis, hoc amplius te ad gratias agendas obligatum. Nam apud Lucam Christus ait. *Omni autem cui multum datum est, multum quæretur ab eo, & cui commendauerunt multum, plus petent ab eo. Vnde S. AUGUSTINVS in Meditationibus suis in hæc verba precatur. Oportet ergo me Domine tanto magis tibi gratiosum, & deuotum, ad seruendumque promptiorem existere, quanto me de tantis beneficiis obligationem conspicio in reddenda ratione, ne dilata vindicta tanto acrius adueniendo mala mea puniat, quanto diutius tolerauit, quod puniri potuit.*

Isa. 55.10.

Tob. 6.1.

V. Medium est, considerare bruta animantia, quæ etiam pro minimis beneficiis quodammodo gratias agunt, unde consequens est homines ingratos etiam naturæ reluctari. Exemplum affert S. Ambrosius libro sexto hexæmeri de cane domestico. *Quid inquit, decanibus loquar, quibus insitum est natura quadam referre gratiam, & sollicitas excubias pro Dominorum salute præstare. Vnde ad immemores beneficii, & desides atque ignauos clamat Scriptura. Canes muti nescientes latrare. Sunt enim canes, qui nouerint latrare pro Dominis, nouerint sua tecta defendere. Vnde & tu discere vocem tuam exercere pro Christo, quando ouile Ecclesiæ incursum lupi graues. Talis canis viator & comes angeli est, quem Raphael in libro prophetico non otiose sibi & Tobie filio adiungendum præstauit.*

tauit, quando perrexit ut Asmodaum fugaret, firmaret copulam conjugalem. Memoris enim affectus gratia pellitur daemonium, stabilitur coniugium. Mutata itaq; specie bestia, sanctus Raphael angelus Tobie inuenis quem tuendum receperat, ad relationem gratia erudiebat affectum. Quis enim non erubescat gratiam bene de se merentibus non referre, cum uidet etiam bestias refugere crimen ingrati?

ET infra. Quis tam tenax potest esse beneficii, & memor gratia? quandoquidem pro Domino etiam in latrones insilire nouerunt, & extraneorum accessus prohibere nocturnos, & mori pro Dominis, & commori cum Dominis sint parati? Sape etiam necis illata euidentia canes ad redarguendos reos indicia prodiderunt, ut muto eorum testimonio plerumq; sit creditum. Antiochia ferunt in remotiori parte urbis crepusculo necatum virum, qui canem sibi adiunctum haberet. Miles quidam pradandi studio minister cadis extiterat, sectus idem tenebroso adhuc diei exordio in alias partes concesserat, iacebat inhumatum cadauer frequens spectantium vulgus astabat, canis quastu lachrymabili Domini deflebat erumnam. Forte is, qui necem intulerat (ut se habet versutia humani ingenii) quo conuersandi in medio auctoritate presumpta fidem ascisceret innocentia, ad illam circumstantis populi accessit coronam, & velut miserans appropinquauit ad funus. Tum canis sequestrato paulisper questu doloris arma ultionis assumpsit, atq; apprehensum tenuit, & velut epiloquo quodam miserabile carmen immurmurans vniuersos conuertit in lacrymas, fidemq; probationi detulit, quod solum tenuit ex plurimis, nec dimisit. Deniq; perturbatus ille, quod tam manifestum rei indicem, neq; odii, neq; inimicitiarum, neq; inuidia, aut iniurie alicuius poterat obiectione euacuare, crimen diutius nequiuit refellere. Itaq; quod erat difficilium ultionem persecutus est, quia defensionem prestare non potuit. Quid nos dignum nostro referimus creatori, cuius cibo vescimur, & dissimulamus iniurias, & saepe inimicis Dei eas, quas à Deo accepimus epulas exhibemus? Hæc Ambrosius.

B. Petrus Damiani Cardinalis aliud exemplum commemorat de Dam. ep. 5. bestia syluestri libro 6. epistolarum. Sicut fraterna, inquit, mihi constat relatione vulgatum, Veneti quidam institores marina discrimina remigii labore sulcabant: cumq; applicuissent, formidolosum, stupendumq; conspiciunt non procul ab ipsa litore & crepidinis arena portentum, Leonem scilicet, ut uidebatur, draconis spiris obcuntibus inuolutum: cumq; illinc draco captum ad speluncam suam violenter attraheret, hinc miserabilis Leo, quibus valebat nisibus reluctaret, tandem quo loco capit desperata relictatione deficere, tantomagis draco inextricabilibus eum nodis innectens, animabatur victoriam obtinere.

Sed Pandoces, qui repente huic spectaculo superuenerant, miserantes infelicem leonis vicem, audenter arma corripunt, draconem perimunt, leonem de faucibus mortis ereptum abire permittunt. Sed leo, ut ita dicam, nobilissimus bestiarum gratus vite sue auctoribus extitit, & per aliquos dies, quibus illic remorati sunt, unam illic quotidie pellem capti à se animalis aduexit. Quid ergo mirum si sancti homines & diuinis legibus eruditi percepto charitatis officio grata, vice respondeant, cum idipsum & brutum animal videtur implese?

P lib. 9.

Addam tertium ex Hieroglyphicis Ioan. Pierii. Crates, ait, Pergamenus, quod & Stesichorus poeta poemate profecutus est, historiam ab huiusmodi beneficentia non absimilem recitat. Nam cum decem & sex messorum quendam à sociis aquatum misissent, reperit sis apud fontem serpente, qui complexus aquilam arctissimam spiris implicitam suffocabat. Ille ut falce messoria armatus erat audacter progressus ferro serpente diffecit, aquilam liberam abire permisit. cumq; hausta in urnam aqua redisset secus singulis poculum ministravit: mox cum & i se quoque bibere vellet pressio adfuit aquila, quæ poculum ab ore dispulit, eadem procul dumq; messor factum miratur & aquilam, quam probè nouerat, increpat, eamq; apud socios ingratum animi ream agere meditatur, videt eos & hic & illic concidentes vitem exhalare. unde simul & aquam, quam illi biberant, veneno infectam, & se periculo subductam intellexit beneficiumq; in volucrum quædam collocaum manifestissime cognouit. Plura habes in P A N A R I O, V. Ingratitudo

VII. & postremum Medium sit certa aliqua tempora deligere pro agendis Deo gratiis, maximè matutinum & vespertinum, cum somnus vel inchoatur vel soluitur. Ecclesia in publico officio diuino septem vel octo tempora ritu antiquissimo sibi descripsit, à quibus Horæ canonicæ tuam habent appellationem. Regi oratoris verba sunt in psalmis. Mane exaudies vocem meam, mane astabo tibi & videbo. Et. Eleuatio manuum mearum sacrificium vespertinum. De Daniele propheta scriptum est. Tribus temporibus in die flectebat genua & adorabat, confutebaturq; coram Domino. S. Cyprianus de oratione Dominica. Nam & mane inquit, orandum est, ut Resurrectio Domini matutina oratione celebretur. Recedete item sole, ac die cessante necessario rursus orandum est. Clemens Alex. in Pædagogico. Quemadmodum antequam sumamus alimentum laudare nos conuenit factorem vniuersorum, ita etiam in potu nos ei decet psallere, cum eius creaturarum efficimur participes. Postremo autem antequam nos somnus inuadat, pius & sanctus est Deo gratias agere, ut qui eius

Psal. 5. 9.

Psal. 140. 2.

Dan. 6. 10.

Cyp. serm. 6.

Cl. c. 4.

ben
som
ora
ben
Dien
fit. S
supp
mon
dicer
tis, s
furg
& an
entes
cum
am e
ba P
Nou
Tanq
rum
Deo, e
quib
tranq
ficiis
diceb

die u
sint, s
oper
sunt
afflid
lorum
habe
lexist
tion
vnige
pro n
pecca
necro
ritate
enim

benignitatem & gratiam fiderimus consecuti, ita ut cum diuino afflatu nos ad
 somnum conseramus. S. Basilus in martyrem Iulittam. *Accumbens mense* B. hom. 5
ora, edens panem largitori gratiam repende. Tunicam indueris? gratias age
benigno donatori, qui commodum tibi estate, hiemq; tribuit vestimentum.
Diem peregisti? referto gratiam illi qui solem immeritis in ministerium indul-
sit. Si in celū & eximiam syderum pulchritudinem aciem oculorum defixeris, A. serm. 43
supplica Domino qui cuncta hac in sapientia condidit. S. Ambrosius in ser-
monem quodam. Qui est utilis Christianus semper debet Domino suo laudes
dicere, & in eius gloriam omnia procurare, sicut ait Apostolus. Siue manduca- 1. Cor. 10. 31
ris, siue bibitis siue aliud quid facitis, omnia in gloriam Dei. Ergo cum diluculo
surgimus, debemus priusquam procedamus è cubiculo gratias agere saluatori,
& ante omnes actus seculi actus habere pietatis, qui nos quiescentes & dormi-
entes in lectulis custodiuit. Ut enim ego securus dormiam, ille peruiulat. Sed &
cum vespera diem claudit, ipsi debemus per psalterium laudem dicere, & glori-
am eius modulata suauitate concinere. S. Chrysostomus exponens ver- Ch. hom. 20.
ba Pauli, Orationi instate, vigilantes in ea in gratiarum actione, ita scribit. Coloss. 4. 1.
Nouerat Paulus quomodo multi precantes torpeant, ideo dicit, orationi instate.
Tanquam de re quæpiam laboriosa locutus addit, vigilantes in ea cum gratia-
rum actione. Hoc inquit opus vestrum sit in precationibus, ut gratias agatis
Deo, & pro manifestis & pro occultis beneficiis, siue quibus voluntarios, siue
quibus inuitos affecit, & pro regno, & pro gehenna, pro afflictione quoq; &
tranquilitate. Ita quippe precari solent sancti & pro communibus quoq; bene-
ficiis gratias agere. Nouerit sanctum quendam virum, qui ita orabat, nihil
dicebat ante hunc sermonem.

GRATIAS agimus tibi pro omnibus beneficiis tuis à primo Oratio
 die usq; in hunc præsentem indignis nobis impensis, siue nota nobis
 sint, siue incognita, tam pro occultis, quam pro manifestis, quæ uel
 opere nobis, uel sermone facta sunt, & quæ voluntariis, & quæ inuitis
 sunt præstita, pro omnibus quæ immeritis nobis exhibita sunt, pro
 afflictionibus, pro quiete, pro gehenna, pro supplicio, pro regno cæ-
 lorum. Obsecramus, ut animas nostras sanctas custodias, mundam
 habentes conscientiam, finem benignitate tua dignum, Qui nos di-
 lexisti, ut vnigenitum tuum pro nobis dederis, dignare nos hac dile-
 ctione dignos reddere. Da sapientiam in Verbo tuo, & in timore tuo
 vnigenite Christe. Inspira nobis fortitudinem tuam, qui vnigenitum
 pro nobis dedisti, & Spiritum sanctum tuum emittas in remissionem
 peccatorum, & siue sponte quid, siue inuiti deliquerimus, condona,
 nec reputes. Recordare omnium, qui nomen tuum inuocant in ve-
 ritate. Recordare omnium, qui nobis bene vel malè volunt: omnes
 enim homines sumus.

Oratio Domi-
nica.

His dictis addebat orationem fidelium, a qua ita cessabat, tanquam coronide quadam & colligatione post orationem pro omnibus factam inposita. Multis enim nos Deus etiam inuitos beneficijs afficit, multis etiam & pluribus quoque ignaros. Quando enim contraria precamur, ipse verò diuersa facit, manifestum est, quod & inscijs bene faciat. Hucusque Chrysostomus.

VIDE V. Denotio. Laudatio Dei. Oratio.

H.

H O N E S T V M.

CAPVT I.

De natura & definitione honesti.

1. Cor. 12. 5.
2. Cor. 14. 34.

Phil. 4. 8.

A. C. 45.



HONESTVM, quod græci *πρέμν* vocant, idem est, quod decorum, decens, & bonæ disciplinæ consentaneum. Ad quod non semel nos cohortatur Apostolus, vt in epistola priore ad Corinthios, vbi cum de aliquot moribus vel ritibus Ecclesiæ locutus esset, v. c. vt mulieres caput velarent in publico cætu, atque tacerent. Turpe enim est, inquit, mulieri loqui in Ecclesia, tandem generatim concludit. Omnia autem honestè & secundum ordinem fiant. Et in epistola ad Philippenles. De cetero fratres, ait, quæcunq; sunt vera, quæcunq; pudica, quæcunq; iusta, quæcunq; sancta, quæcunq; amabilia, quæcunq; bonæ famæ, si qua virtus, si qua laus disciplina hæc cogitate. S. Ambrosius primo de Officiis libro ita de eo differit. Non mediocres rebus singulis modum seruare, atque impartiri ordinem, in quo verè prælucet illud, quod decorum dicitur, quod ita cum honesto iungitur, vt separari non queat. Siquidem & quod decet honestum est: & quod honestum est decet, vt magis in sermone distinctio sit, quàm in virtute discretio: Differre enim ea inter se intelligi potest, explicari non potest. Et vt conemur aliquid eruere distinctio- nis, honestas velut bona valetudo est, & quædam salubritas corporis: decus autem tanquam venustas & pulchritudo sit. Sicut ergo pulchritudo super salubritatem ac valetudinem videtur excellere, & tamen sine his esse non potest, neq; villo separari modo, quoniam nisi bona valetudo sit, pulchritudo esse ac venustas non

flas non potest: sic honestas decorum illud in se continet, ut ab ea profectum videatur. & sine ea esse non possit. Velut salubritas igitur totius operis, actusq. nostri honestas est; & sicut species est decorum, quod cum honestate confusum opinionione distinguitur. Et ideo dixit propheta. Dominus regnavit, decorem induit. Deinde alibi dicit. Te decet hymnus Deus in Sion. Hoc est dicere. Honestum est, ut te timeamus, te diligamus, te precemur, te honorificemus. Scriptum est enim. Omnia vestra honeste fiant. M. Tullius de Ethnicis scriptoribus v. nus indagans naturam honesti his verbis illud depingit. Nec verò illa parva vis naturæ est, rationisq., quod unum hoc animal sentit, quid sit ordo, quid sit quod deceat in factis dictisq., qui modus. Itaq. eorum ipsorum, quæ aspectu sentiuntur nullum aliud animal pulchritudinem, venustatem convenientiam partium sentit, quam similitudinem naturæ, ratioq. ab oculis ad animum transferens multò etiam magis pulchritudinem, constantiam, ordinem in consiliis, factisq. conservandum putat: cauesq. ne quid indecorè, effaminatæ faciatur, tum in omnibus opinionibus & factis, ne quid libidinosè aut faciat, aut cogitet: quibus ex rebus constat & efficitur, id quod querimus, honestum: quod etiam si nobilitatum non sit, tamen honestum sit: quodq. verè dicimus, etiam si à nullo laudetur, laudabile esse naturæ. Et rursus. Honestum igitur id intelligimus, quod tale est, ut detracta omni utilitate, sine ullis præmiis, fructibusq. per se ipsum possit iure laudari; quod quale sit, non tam definitione, qua sum usus, intelligi potest, quamquam aliquantum potest, quam communi omnium iudicio, & optimi cuiusq. studio atq. factis: qui per multa ob eam unam causam faciunt, quia decet, quia rectum, quia honestum est, etsi nullum consecuturum emolumentum vident.

Psal. 92. 11

Psal. 64. 1.

1. Cor. 14. 34.

Cic. 1. offic.

Id. li. 2. de Finib.

C A P V T II.

De duplici honesto, vel decoro ex Ambrosio.

HO N E S T I uel decori rationem duplicem facit S. AMBROSIO. S I V S libro citato. Decor, inquit, diuisio gemina est. Nam est decorum, quasi generale, quod per universitatem funditur honestatis, & quasi toto spectatur corpore. Est etiam speciale, quod in parte aliqua eniet. Illud generale ita est, ac si a quabilem formam atq. universitatem honestatis in omni actu suo habet continentem, cum omnis sibi eius vita consentit, nec in ulla aliqua re discrepat. Hoc speciale, cum aliquem actu in suis habet virtutibus preminentem. Habes hunc decorem generalem, quia fecit Deus mundi istius pulchritudinem. Habes & per partes, quia cum faceret Deus lucem,

A. c. 46.

T c

& di-

Prou. 8. 30.

& diem noctemq; distingueret, cum conderet calum, cum terras & maria separaret, cum Solem & Lunam & stellas constitueret lucere super terram probauit singula. Ergo decorum hoc, quod in singulis mundi partibus elucebat, in vniuersitate resplenduit, sicut probat Sapientia dicens. Ego eram, cui applaudebat, cum lataretur orbe perfecto. Similiter ergo & in fabrica humani corporis grata est vniuscuiusq; membri portio. Sed plus in commune compositio membrorum apta delectat, quod ita sibi quadrare & conuenire videantur. Deinde subiungit. Si quis igitur aequabilitatem vniuersae uitae, & singularum actionum modos seruet, ordinem quoq; & constantiam dictorum atq; operum moderationemq; custodiat, in eius vita decorum illud excellit, & quasi in quodam speculo elucet. Accedat tamen suavis sermo, ut conciliet sibi affectum audientium, gratumq; se uel familiaribus, uel ciuibus, uel si fieri potest, omnibus praebeat, neq; adulantem se, neq; adulandum cuiquam exhibeat. alterum enim calliditatis est, vanitatis alterum. Caveat etiam motus animi sui. Ipse enim sibi & obseruandus & circumspiciendus est, & ut aduersum se cauendus, ita etiam de se tuendus.

Cic. 1. offic.

H A V D secus de duplici decoro ante Ambrosium philosophatus est Cicero, de Officiis ita scribens. Decorum descriptio duplex est. Nam & generale quoddam decorum intelligimus, quod in omni honestate uersatur, & aliud huic subiectum, quod pertinet ad singulas partes honestatis: atq; illud superius sic fere definiri solet. Decorum id esse, quod consentaneum sit hominis excellentiae in eo, in quo natura eius à reliquis animantibus differat. Quae autem pars subiecta generi est, eam sic definiunt, ut id decorum esse velint, quod ita natura consentaneum sit, ut in eo moderatio & temperantia appareat cum specie quadam liberali. Hec ita intelligi à Philosophis possumus existimare ex eo decoro, quod Poeta sequuntur. sed tum seruare illud Poetas dicimus, quod deceat, cum id quod quaq; persona dignum est, & fit, & dicitur, ut si aut Aecus, aut Minos diceret

Oderint dum metuant aut
Natis sepulchrum ipse est parens :

indecorum uideretur, quod eos fuisse iustos accepimus. at Atreo dicente, plausus excitantur: est enim digna persona oratio.

C A P V T III.

De præcipuis Honesti Proprietatibus.

PRIMA Honesti Proprietas sit, quod naturæ, naturaliq; rationi sit omnino consentaneum. Hanc non obscure indicavit Apostolus cum in prima epistola ad Corinthios disputans, num deceat mulierẽ aperto, an uelato orare in Ecclesia capite, respondet non decere, eo quod turpe sit, & naturæ repugnans eam tonderi. *Nec ipsa natura, in-* 1. Cor. 11. 14.
quiens, docet vos quod vir quidem, si comam nutriat ignominia est illi: mulier
uero, si comam nutriat, gloria est illi, quoniam capilli pro velamine ei dati sunt. 1. off. c. 46.
Vnde S. Ambrosius. Simul illud aduerte, quod & decorum est secundum naturam uiuere secundum naturam degere, & turpe est, quod sit contra naturam. Ait enim Apostolus quasi interrogans. Decet mulierem non uelatam orare Deum? Nec ipsa natura nos docet. quod vir quidem si comam habeat, ignominia est illi, quoniam contra naturam est. Et iterum dicit. Mulier uero si capillos habeat gloria est illi. Est enim secundum naturam, quoniam quidem capilli pro velamine sunt. Hoc enim est naturale uelamini. Personam igitur nobis & speciem natura ipsa dispensat, quã seruare debemus: utinamq; & innocentiam eius custodire possimus, nec acceptam nostram malitia mutaret. Et rur- A. 1b. c. 19.
sus alibi. Naturam, inquit, imitemur. Eius effigies, formula disciplina, forma honestatis est. Et supra dixit M. Tullius. Nec uero illa parua vis natura Cic. 1. off.
est rationisq; quod unum hoc animal sentit, quid sit ordo, quid sit quod deceat in factis dictisq; qui modus. Et alibi. Quod si nihil est tam contra naturam, Id. 3. off.
quam turpitudine, (recta enim, & conuenientia & constantia natura desiderat, aspernaturq; contraria) itemq; si ad honestatem nati sumus, necesse est, quod honestum sit, id esse aut solum, aut summum bonum.

II. Proprietas est, quod sit uirtus, aut certe uirtuti simillimum, S. Ambrosius libro primo de Officiis refert ad Temperantiæ uirtutem, A. c. 41.
in qua, inquit, maximè tranquillitas animi, studium mansuetudinis, moderationis gratia, honesti cura, decoris consideratio spectatur & queritur. Eodem rerulit Macrobius libro primo in Somnium Scipionis. M. Tullius uero uult illud ex uirtutum Cardinalium quasi fontibus oriri Omne quod C. 1. off.
honestum est, inquit, id quatuor partim oritur ex aliqua: aut enim in perspicientia ueri, seueritatq; uersatur, aut in hominum societate tuenda, tribu- endoq; suum cuiq; & rerum contractarum fide, aut in animi excelsu, atq; inui- et magnitudine ac robore: aut in omnium quæ sunt, quæq; dicuntur ordine

modo, in quo inest modestia & temperantia. Quæ quatuor quanquam inter se colligata atque implicita sunt: tamen ex singulis certa officiorum genera nascuntur.

III. Proprietas est, quod difficile sit ad laudem honesti peruenire. Hanc tradit Clemens Alexandrinus libro 4. Stromatum. Est reuera ait, ut videtur difficile pulchrum & honestum quod latet inuenire, quam niam sudor ante virtutem est positus.

Via longa est atq; accliuis ad ipsam.

Hesiodus.

Ardua namq; prius, sed cum ad fastigia ventum,

Fit facilis, quæ difficilis valde ante clueret.

Matt. 7. 14.

Matth. 21. 17.

Est enim reuera arcta, & angusta via Domini, & regnum Dei est violentorum.

IV. Proprietas est, quod tanta sit honesti pulchritudo & splendor, ut si oculis cerneretur, auctore Cicerone libro primo de officiis, mirabiles amores, (ut ait Plato) excitaret sapientie. Et libro quinto de Finibus. Si, inquit, ipsam honestatem vndiq; perfectam & absolutam, rem unam præclarissimam omnium, maximeq; laudandam penitus videremus, quo nam gaudio compleremur, quum tantopere eius admirata opinione latemur? Et in altera Tusculana. Sumus natura studiossimi appetentissimiq; honestatis: cuius si quasi lumen aliquod aspeximus, nihil est, quod ut eo potiamur non parati simus & ferre & perpeti. Idem sentit Seneca libro quarto de beneficiis. Est, ait, videlicet magna in ipso opere merces rei, & ad alliciendas hominum mentes ingens honesti potentia: cuius pulchritudo animos circumfundit & delinatos admiratione luminis ac fulgoris sui rapit.

Sen. cap. 27.

A. 1. off. c. 9.

V. est, quod apud Christianos alia regula æstimandum sit honestum & utile, quam olim apud Philosophos Ethnicos: de quo ita scribit S. AMBROSIVS. Primum in tres partes officium diuiditur, honestum & utile, & quid præstantius. Deinde hæc tria in quinque genera diuiserunt: in duo honesta, & duo utilia, & eligendi iudicium. Prima igitur pertinere dicunt ad decus honestatemque vite, secunda ad vite commoda, copias, opes, facultates. De his eligendi subesse iudicium. Hæc illi. Nos autem nihil omnino nisi quod deceat & honestum sit, futurorum magis quam presentium metimur formula: nihilque utile, nisi quod ad vite illius æternæ prosit gratiam desinimus, non quod ad delectationem presentis. Neque aliqua commoda in facultatibus & copiis opum constituimus, sed incommoda hæc putamus, si non reiciantur, eaq; oneri magis cum sint æstimari, quam dispendio cum erogantur. Et rursum alibi. Nos autem monemus, ne hæc inter se velut compugnantia inducere videamur, quæ iam supra unum esse ostendimus; nec honestum esse posse, nisi quod utile: nec utile nisi quod honestum: quia non sequimur sapientiam carnis, apud quam uti-

A. 3. off. c. 2.

lita.
est,
tur.
viri
alii
illu
qua
duo
deti
lit.
non
quo
teru
sed

P
te i
cur
bon
rige
rui
in
cur
att
me
Cui
dea
luc
pen
sus
me
Ar

litas pecuniaria istius commoditatis plaris habetur sed sapientiam qua ex Deo est, apud quam ea que in hoc seculo magna estimantur pro detrimento habentur. Hoc enim verbum *decorum*, quod perfectum & absolutum officium est, à vero virtutis fonte profisciscitur. Et infra. Aliud enim est communiter sapere, aliud sapere perfecte. Qui perfecte sapit nescit sua spectare commodata, sed ad illud quod æternum est, quod decorum atq; honestum toto affectu intendit, querens non quod sibi utile est, sed quod omnibus. Itaq; hæc sit formula, ut inter duo illa, honestum atque utile errare nequeamus, eo quod iustus nihil alicui detrabendum putet, nec alterius incommodo suum commodum augeri velit. Hanc formam ibi præscribit Apostolus dicens. Omnia licent, sed non omnia expediunt. Omnia licent, sed non omnia adificant. Nemo quod suum est querat, sed quod alterius. Vnde & alibi dicit. Alter alterum existimantes superiorem sibi, non que sua sunt singuli cogitantes, sed que aliorum.

1. Cor. 10. 22.

Phil. 2.

C A P V T IV.

*Quibus medijs Honestum & decorum servari
queat.*

PRIMUM Medium sit Conscientiæ puritas, quod tradit S. BERNARDVS in Cantica. In quo, inquit, ergo anima decor? an forte in eo quod honestum dicitur? Hoc interim sentiamus, si melius non occurrat. De honesto autem exterior interrogetur conuersatio, non quod ex ea honestum prodeat, sed per eam. Nam in conscientia & habitatio eius & origo: siquidem claritas eius testimonium conscientie. Nihil hac luce clarius, nihil hoc gloriosius testimonio, cum veritas in mente fulget, & mens in veritate se videt. Sed qualem? pudicam, verecundam, pauidam, circumspectam, nihil peritus admittentem, quod euacuet gloriam conscientie attestantis. Hoc planè, hoc illud decorum est, quod super omnia bona anime diuinos oblectat aspectus, & nos nominamus, ac definimus honestum. Cum autem decoris huius claritas abundantius intima cordis repleuerit, prodeat foras necesse est tanquam lucerna latens sub modio, imò lux in tenebris lucens latere nescia. Porro effulgentem, & veluti quibusdam suis radijs erumpentem mentis simulacrum corpus excipit, & diffundit per membra & sensus, quatenus omnis inde reluceat actio, sermo, aspectus, incessus, risus, si tamen risus mistus gravitate & plenus honesti. Cetera media ex vno S. Ambrosio ferè sumemus.

B. serm. 89.

II. Medium est, Motus animi subicere rationi. Caueat etiam

A. l. off. c. 47.

T t 3

inquit

A. 1. off. 6.

inquit ille libro primo iam sæpe citato, *motus animi sui. Ipse enim sibi & obseruandus & circumspiciendus est: & ut aduersum se cauendus, ita etiam de setuendus. Sunt enim motus, in quibus appetitus ille, qui quasi quodam prorumpit impetu. Vnde græcè οὐκ ἔστιν* dicitur, quod vi quadam se repente proripiat. Non mediocris in his vis quadam animi atque natura est. Quæ tamen vis gemina est. Vna in appetitu, altera in ratione posita, quæ appetitum refrenet, & sibi obedientem præstet & ducat, quo velit, & tanquam sedulo magisterio edoceat, quid fieri, quid euitari oporteat, ut bonæ dominatrici obtemperet. Solliciti enim debemus esse, ne quid temere, aut incuriosè geramus, aut quicquam omnino, cuius probabilem non possimus rationem reddere. Actus enim nostri causa, et si non omnibus redditur, tamen ab omnibus examinatur. Illustrat hoc mediū alibi duob. maximè exemplis. Primum Abraham, qui cum à Deo iussus esset exire de terra sua. Nonne, inquit, considerabat uxorem imbecilem ad labores, teneram ad iniurias, decoram ad incertina insolentium, sine summo non posse duci periculo? Et tamen subire omnia, quam excusare consultius iudicauit. Considerauit enim. Dei fauore ubiq. tutus esse posset: offenso autem Domino, etiam domi non posset illa sus manere. Vicit igitur appetitum ratio, & obedientem sibi præstitit. Deinde exemplo Iacobi patriarchæ. Sanctum quoq. eius nepotem Iacob, ait, delectabat domi securum degere, sed mater voluit eum peregrinari, ut daret fraternæ iracundiæ locum. Vicit appetitum, consilii salubritas.

Ib. c. 24.
Gen. 12. 6.

Gen. 27. 43.

Cic. 1. de. offic.

Non dissimilia de hoc medio præcipit Tullius in hæc verba. Duplex est vis animorum atq. natura. Vna pars in appetitu posita est, quæ est οὐκ ἔστιν græcè, quæ hominem huc & illuc rapit: altera in ratione, quæ docet & explanat, quid faciendum, fugiendumq. sit, ita sit, ut ratio præsit, appetitus verò obtemperet. Omnis autem actio vacare debet temeritate & negligentia: nec verò agere quicquam, cuius non possis causam probabilem reddere. Hæc est enim fere descriptio Officij. Efficiendum autem est, ut appetitus rationi obediant, eamq. neq. præcurrant, nec propter pigritiam aut ignauiam deserant, sintq. tranquilli, atq. omni perturbatione animi careant, ex quo elucebit omnis constantia, omnisq. moderatio.

A. 1. off. c. 19.

III. Medium est. Fuga hominum leuium, maleq. moratorum. Habet sane suos scopulos, inquit idem Ambrosius, verecundia (vel honestas) non quos ipsa inuehit, sed quos sæpe incurrit, si intemperantium incidamus consortia, qui sub specie iucunditatis venenum infundunt bonis. Hi si assidue sint & maxime in conuiuiis, ludo ac ioco, enervant gravitatem illam virilem. Caueamus itaq. ne dum relaxare animum volumus, soluamus omnem harmoniam, quasi concentum quendam bonorum operum. Vfus enim cito inflo-

Est naturam. Et alibi agens de adolescentibus. Sequatur, ait, conuer- Ib. c. 43.
sationis electio, ut iungamur probatissimis quibusq. senioribus. Namq. ut
aqualium usus dulcior, ita senum tutior est, qui magisterio quodam & ductu
vite colorat mores adolescentium, & velut murice probitatis inficit. Namq. si
hi qui sunt ignari locorum, cum solertibus viarum iter adoriri gestiunt: quan-
to magis adolescentes cum senibus debent nouum sibi iter vite aggredi, quo
minus errare possint, & à verò tramite virtutis deflectere? Nihil enim pulchri-
us, quam eosdem & magistros vite & testes habere.

I V. Medium est diligens consideratio circumstantiarum in Ibid.
 omni actione & sermone. *Querendum est etiam, inquit idem, in omni*
actu quid personis, temporibus conueniat atq. etatibus, quid etiam singulorum
ingeniis sit accommodum. Sape enim quod alterum decet, alterum non de-
cet. Aliud iuueni aptum, aliud seni: aliud in periculis, aliud in rebus secun-
dis. Saltauit ante arcam Domini Dauid, non saltauit Samuel. Nec ideo ille 1. Reg. 6.
reprehensus, sed magis iste laudatus. Vnusquisq. ingenium suum nouerit, & 1. Reg. 19.
ad id se applicet, quod sibi aptum elegerit. Non solum nouerit bona sua, sed et-
iam vitia cognoscat, & aequalemq. se iudicem sui praebeat, ut bonis intendat, vitia
declinet. Quo enim quemq. suum ducit ingenium, aut quod officium decet, id
maiore implet gratia.

V. Est, Præmeditatio nouissimorum, maximè iudicii extremi. Ib. c. 26.
Nihil est enim, inquit idem, quod magis proficiat ad uitam honestam, quam
ut credamus eum iudicem futurum, quem & occulta non fallant, & indecora
offendant, & honesta delectent.

V I D E V. Prudentia. Religio Christiana. Sapientia. Veri-
 tas. Virtus.

HOSPI-

HOSPITALITAS.

CAPUT I.

Quid diuina littera tradant de Hospitalitate.

Ha. 8. 7.

Rom. 12. 13.

Heb. 13. 1.

1. Pet. 4. 8.

Luc. 14. 12.

Matt. 23. 23.

1. Tim. 3. 2.

Tit. 1. 8.

1. Tim. 5. 9.

1. Cor. 13. 1.

DIUINA littera primum cohortantur nos ad Hospitalitatem, quæ inter septem Misericordiæ corporalis opera numerari solet, ut apud Isaiam. *Frange, esurienti panem tuum, & egenos uagosque induc in domum tuam.* Et apud B. Paulum. *Necessitatibus sanctorum communicantes. Hospitalitatem sectantes.* Et rursus. *Charitas fraternitatis maneat in uobis. Et hospitalitatem nolite obliuisci.* Et apud B. Petrum. *Ante omnia autem mutuam in uobismetipsis charitatem continuam habentes. Hospitalis inuicem sine murmuratione. Vnusquisque sicut accepit gratiam, in alterutrum illam administrantes, sicut boni dispensatores multiformis gratiæ Dei.* Huc referri potest, quod apud Lucam monet Christus. *Cum facis prandium aut canam, noli vocare amicos tuos, neque fratres tuos neque cognatos, neque vicinos diuites, ne forte te & ipsi reuincant, & fiat tibi retributio, sed cum facis conuiuium uoca pauperes, debiles, claudos & cæcos, & beatus eris, quia non habent retribuere tibi: retribuetur enim tibi in resurrectione iustorum.* 2. declarant hoc officium charitatis necessarium esse ad vitam æternam. nam apud Matthæum Christus iudex iis, qui à dextris erant, dicit. *Hospes eram & collegistis me, nudus & cooperuistis me.* Qui uero à sinistris. *Hospes eram & non collegistis me. Et ibunt hi, subdidit Euangelista, in supplicium æternum, iusti autem in vitam æternam.* 3. B. Paulus sigillatim à sacerdotibus & Episcopis, exigit uirtutem hospitalitatis. *Oportet, inquit, Episcopum irreprehensibilem esse, pudicum, hospitalem.* Et iterum. *Oportet Episcopum sint crimine esse, non rapinæ, lucricupidum, sed hospitalem, benignum, sobrium.* Atque etiam à Viduis. *Vidua, ait, eligatur in operibus bonis testimonium habens, si filios educauit, si hospitio recepit, si sanctorum pedes lauit, si tribulationem patientibus subministravit.* Denique S. IOANNES Apostolus epistola tertia Gaïum ab hac uirtute laudat dicens. *Charissime fideliter facis, quicquid operaris in fra-*

in fratres, & hoc in peregrinos, qui testimonium reddiderunt charitati tuam in conspectu Ecclesiae, quos benefaciens, dederes dignè Deo. Contra verò Diotrepheni insinuat inhospitalitatis. Is, inquit, qui amat primum gerere in eis Diotrophes, non recipit nos.

CAPUT II.

S. Patrum sententia de hospitalitate.

SANCTVS CYPRIANVS epistola 36. ad presbyteros C. l. 3. ep. 24. & diaconos. Viduarum, inquit, & infirmorum, & omnium pauperum curam peto diligenter habeatis: sed & peregrinis si qui indigentes fuerint, sumptus suggeratis de quantitate mea propria quam apud Rogatianum cōpresbyterum nostrum dimisi. Clemens Alexandrinus 2. Stromatum. Adheret charitati & hospitalitas, quae est φιλοτεχνία id est, artificium amicitiae circa usum hospitum. Hospites autem sunt, quorum sunt externa quae sunt mundana. Hospites sunt, qui etiam dicuntur ἐν ἑσέοις ἐν ἑσέοις autem sunt amici: amici autem sunt fratres. frater amice, inquit Homerus. Lactantius libro sexto diuinarum institutionum. Principua igitur virtus est hospitalitas: quod Philosophi quoque aiunt, sed eam detorquent à vera iustitia, & ad commodum rapiunt. Rectè, inquit Cicero, à Theophrasto est laudata hospitalitas est enim, ut mihi quidem videtur, valde decorum patere domos hominum illustrium hospitibus illustribus Eodem modo rursus errauit quo tuum cum idoneis esse diceret largiendum. Sanctus GREGORIUS Nazianzenus in nouam Dominicam. Peregrinum ne contempnas, pro quo Christus cuius nos omnes hospites sumus & aduena, peregre egit, ne paradiso, ut prius, exturberis Egenti tectum, cibum, vestem suppedita, qui his ad luxum & ultra necessarium usum oblectaris. S. EPHREM in Doctrina varia. de hospitalitate non opus habetis ut quid scribatur vobis: nostis enim hanc multis virtutibus esse maiorem. Etenim hac patriarcha Abraham angelos hospitio suscipit. Lot iustus per eam in subuersione Sodoma non periit. Per hospitalitatem similiter Rahab meretrix non interiit cum incredulis, excipiens exploratores cum pace Ait enim Dominus, Hospes eram & collegistis me Et Beati misericordes, quoniam ipsi misericordiam consequentur. Et in doctrina de perfectione monachi. De hospitibus, ait, ac peregrinorum saturitate cum Abrahamo diligens studium adhibeamus. De ratione indulgendi & compatiendi fratribus sedulo indagemus. S. Basilius

L. c. 12.

G. oratio.

E. Tom. 2.

1. Pet. 4. 9.

Gen. 18. 19.

Ios. 1. 8. 6.

Mat. 25. 36.

Mat. 5. 7.

A. c. 16.
10ff. c. 11.

L. ferm. 32.

Hicap. 1.

Ch. hom. 47.

A. ferm. 32.

Ch. hom. 13.

Heb. 13. 2.
1. Pet. 4. 9.
Matt. 25. 36.

cornicum exemplum in Hexamero suo profert pro hospitalitate. Cornices, inquit nostrates, velut satellites comitantur atque deducunt ciconias hinc à nobis auolantes. Quin, ut mihi videtur, & socias se offerunt, auxiliareſq; aduersus aues ipſis aduerſarias atq; hoſtes. Cuius rei argumento ſunt illa. Primum, quod noſtris in prouinciis illo tempore nulla prorsus cornix conſpici-
tur. Deinde cum vulneribus redeunt ſub aperta præſtita tutela & ſuppertia-
rum indicia nobis aſſerunt. Quis apud ipſas hoſpitalitatis, quaſo iura præ-
ſcripſit? Quis ipſis deſerti exercitus poenam minatus eſt, ut nulla prorsus
deducendis ſe ſubtrahat copiis? Audiant hæc homines ii, qui hoſpitio neminem
exceptant, ianuasque ſuas occludunt. Sanctus Ambroſius idem exem-
plum de ciconia & cornice libro quinto Hexameri exaggerat. Et li-
bro primo de Officiis. Nihil, inquit, tam commendat Chriſtianam a-
nimam, quam miſericordia. Si peregrinum ſub tectum inducas tuum, ſi
ſuſcipias egentem: ille ſibi acquirat ſanctorum amicitias & cetera taberna-
cula. Non mediocris iſta gratia. corporalia ſeminat & recipis ſpiritualia.
Et ſermone de hoſpitalitate. Magna hoſpitalitatis eſt gratia, nec facile
violanda, omnibus aperta eſt, omnibus parata eſt, & ſanctos liberat ſuſcipit,
peccatores tolerat patienter. Sanctus Hieronymus in epiſtolam ad Ti-
tum. Ante omnia hoſpitalitas futuro Epifcopo denunciatur. Si enim omnes
illud de Euangelio audire deſiderant. Hoſpes fui, & ſuſcepisti me. quanto
magis Epifcopus. cuius domus omnium commune eſſe debet hoſpitium. Lai-
cus enim vnum aut duos aut paucos recipiens, implebit hoſpitalitatis offi-
cium, Epifcopus niſi omnes receperit, inhumanus eſt. S. CHRYSO-
STOMVS in Geſen. Hunc Abraham imitemur omnes, & ma-
gnam geramus hoſpitalitatis curam, non ut momentaneam & corruptibilem
retributionem ſolum accipiamus, ſed ut reponamus nobis etiam immortalium
bonorum fruitionem. Nam ſi hoc facimus, ſuſcipiemus & nos hic Chri-
ſtum, & ſuſcipiet etiam ipſe nos in manſionibus illis quæ ab æterno præparata
ſunt diligentibus ſe. S. Auguſtinus de verbis Domini in Lucam. Agno-
ſcite hoſpitalitatem, per quam peruentum eſt ad Dominum. Suſcipite hoſpitum,
cuius & tu es comes in via quia omnes peregrini ſumus. Ipſe eſt Chriſtianus,
qui & in domo ſua, & in patria ſua peregrinum ſe eſſe cognoscit. Patria noſtra
ſuſum eſt ibi hoſpites non erimus. Nam unusquiſq; hic & in domo ſua hoſpes
eſt. Si non eſt hoſpes, non inde tranſeat. Sanctus Gregorius in Euangelia.
Hoſpitalitatem fratres cariffimi diligite, charitatis opera amate. Hinc enim
per Paulum dicitur. Charitas fraternitatis maneat in vobis. & hoſpi-
talitatem nolite obliuiſci Per hanc enim placuerunt quidam angelis ho-
ſpitio receptis Hinc Petrus ait, Hoſpitales inuicem ſine murmuratio-
ne. Hinc ipſa veritas dicit. Hoſpes fui, & ſuſcepisti me. Vnum addo SE-
NE.

NECAM libro quarto de beneficiis ita scribentem. *Ostende s. c. 38.*
quam sacra res sit mensa hospitalis. Præbe in facie tua legendum istud decre-
tum, quo cauetur, ne miseros tecto inuare capitale sit. Magis ista constitutio sis
erit rata, quam si illam in as incidissem.

CAPVT III.

De Conditionibus laudate Hospitalitatis.

HOSPITIS nomen quoniam ambiguum est, & nunc accipitur
 pro hospitio suscepto, nunc pro suscipiente, vtriusq; conditio-
 nes indagabimus. In hospitio suscepto uel suscipiendo, inquit Am-
 brosius conditionem unam requirit Christus apud Matthæum his *A. serm. 38. Matt. 10. 12.*
 uerbis. *In quamcunq; ciuitatem introieritis interrogate, quis in ea dignus est,*
& ibi manete donec exeatis. Sancta plane, inquit, & diuina sententia,
qua & discipulis eligendi optionem primitus detulit, & facilitatem penitus
amputauit. Prouidit enim modum statuendo, ne vir sanctus aut citus esset in
iudicando, aut leuis in hospite commutando. Sicut enim nobis permisit arbitri-
um, ita & voluit nos tenere constantiam. 2. Conditio est, ut potius probus sit, *Ep. par. 48.*
quam improbus. Vnde S. Ephræm in parænesi. Si quis dicat, rem bonam
esse hospitalitatem, consentio & ego. At hospitalis vir imitari debet eum, qui
aurum in fornace probat purumq; sibi accipit, improbatum verò despicit. Et S. A. c. 21.
 Ambrosius libro altero de Officiis. *In officiis hospitalibus omnibus quidem*
humanitas impartienda est: iustis autem uberius deferenda honorificentia. Matt. 10. 41.
Quicumq; enim iustum receperit in nomine iusti, mercedem iusti accipiet, ut *A. ser. 32.*
Dominus pronunciauit. Et alibi. Hospitalitatis gratia omnibus parata est, & *L. lib. 6. c. 12.*
sanctos libenter suscipit, & peccatores tolerat patienter. 3. Conditio est, ut
potius pauper sit, quam diues. Lactantius id inde probat, quod Deus
preceperit, ut si quando canam parauerimus eos in conuietum adhibeamus, qui
reuocare non possint. & vicem reddere, ut omnis actus vite nostræ non careat
miseriçordiæ munere. Quare ibidem reprehendit Ciceronem scriben-
tem decorum esse patere domos hominum illustrium hospitibus illustribus.
Non enim iusti, inquit, & sapientis viri domus illustribus debet patere, sed hu-
milibus & abiectis. Nam illustres illi ac potentes nulla re possunt indigere, quos
opulentia sua & munit & honorat.

Quod uerò ad Hospitē suscipientem aduenas & peregrinos atti-
 net. Eius prima Conditio sit, ut nō anxie scrutetur eorum statū & me-
 rita. Vnde S. Hier. apologia aduersus Ruffinū, cum dixisset se omnes in

Ch. hom. 46.

H. lib. 2. c. 10.

Gal. 6. 6.

Chr. hom. 45.

Gen. 18. 2.

Ac. 3.

monasterio suo hospitio recipere, addit. *Solos hereticos non recipimus, quos vos solos recipitis. Propositum quippe nobis est pedes lauare venientium, non merita discutere.* Et Chrysostr. in Genesin de Abraham. Ante tabernaculum in meridie sedens eos qui prateribant venabatur, non curiose explorans eos, qui prateribant, neque requirens, an noti vel ignoti essent. Neque enim hospitalitatis fuerit diligenter singula perscrutari, sed omnibus simpliciter suam communicare benignitatem. Audiamus dilecti, & hospitio exceptari nunquam queramus quis, & unde. Nam si Patriarcha in rogando fuisset curiosus, forte peccasset. II. Conditio est, ne declinet hospitalitatis officium propter inopiam, aut domicilii angustias. Vnde S. Hieronymus in Matthæum scribens in verba Christi. *Quicumque potum dederit uni ex minimis illis calicem aque frigida tantum in nomine discipuli, amen dico vobis, non perdet mercedem suam.* Rursus poterit alius, inquit, causari, & dicere. *Paupertate prohibeor, tenuitas me retinet, ut hospitalis esse non possim: & hanc excusationem leuissimo præcepto diluit, ut calicem aque frigide toto animo porrigamus.* Frigida, inquit, aque, non calide, ne & in calida paupertatis ex penuria lignorum occasio quereretur. Tale quid & Apostolus ad Galatas precipit. *Communicet autem is qui catechizatur verbo ei, qui se catechizat in omnibus bonis.* Et discipulos ad magistrorum refrigeria hortatur. *Quia poterat quilibet obtendere paupertatem, & præceptum eludere, prius quam ille proponit, imminente soluit questionem dicens. Nolite errare, Deus non irridetur.* Et Chrysostr. in Acta. *Quomodo enim non absurdum si milites venerint inueniri apud vos ordinata domicilia, & omnia suppeditari eis, quoniam iuuant vos in sensibili bello, hospites autem non habere ubi maneant? Hæc dum inquam veniat (Christus) Dic, hæc cellula Christi est, cubiculum hoc ei segregatum est. Licet humilitum sit ac vile, non despiciet. Sit etiam inter ministros fidelioris hoc officium, ut cecos, pauperes, & testigenos introducat. Hæc dico ad confusionem: nam oportebat quidem sursum in domo illos recipi. Si autem non vis, licet infra, etiam ubi muli, ubi ministri, accipe Christum. Abraham ubi ipse manebat, ibi & hospites suscipiebat, & uxor ut ancilla stabat, illi autem ut Domini erant. Nesciebat quod Christum suscipiebat, nesciebat quoniam angelos, quod si quidem sciuisset, erogasset omnia. III. Conditio, ut præueniat hospitem suscipiendum, cum potest; exemplo Abraham, de quo Scriptura dicit. *Cumque eleuasset oculos apparuerunt ei tres viri stantes prope eum, quos cum vidisset cucurrit in occursum eorum de ostio tabernaculi.* Quæ verba expendens S. Ambrosius libro primo de patriarcha Abraham. *Non curiosus, inquit, sedet, qui longè aspicit, nec aspexisse contentus cucurrit obviam. Festinauit occurrere, quia non satis est rectè facere, nisi etiam matures, quod facias. Vberiores enim fructus habet celerata deuotio.* Discite ergo, quoniam*

impi-

impiger esse debeas, ut possis praeuenire hospitem, ne quis praeueniat, & te boni muneris defraudet copia. Er S. Chrysof. in eadem uerba. Currit, ait, & volat senex. Vidit enim praedam quam venabatur, & nulla infirmitatis sueratione habita ad venationem cucurrit, & non vocauit famulos, neque imperauit puero, nihilque rusticitatis, neque desidia praese tulit, quasi diceret. Magnus thesaurus est, magna negotiatio, per meipsum hanc mercem inferre debeo, ne elabatur tantum lucrum. Discamus & nos, ac imitemur iusti virtutem. IV. Luc. 24. 29.

Conditio, ut roget hospitem, quo velit ad se diuertere, & si renuat, etiam cogat uti fecerunt duo discipuli in Emmaus profecti, cum Christo Domino. Non sola facilitas susceptionis, inquit loco citato Ambrosius, sed etiam sedulitas susipientis, & affectus (in hospitalitate) queritur. Vtrumque te Abraham docet. cucurrit obviam rogauit prior dicens. Domine, si Gen. 18.

inueni gratiam ante te, ne praterieris seruum tuum. Et Chrysof. in loco item allegato. Neque enim sic admirabile erat, si suscipiendo hospites (Abraham) curiosus explorasset, qui essent, sicut nunc ignorans, qui nam aduenerint, tanta alacritate & honore accedit, verbis suis, quasi seruus Domino, eis vincula iniicit, & supplicat ei, ut nerenuant. De Christo vero ad hospitium coacto ita scribit S. Gregorius Ex quo nimirum exemplo colligitur, G. hom. 3.

quia peregrini ad hospitium non solum inuitandi sunt, sed etiam trahendi. V. Conditio, ut omni humanitate, studio, alacritate & submissione animi exceptum tractet. Vnde rursus Chrysof. ita loquitur scribens in A. Chr. hom. 45.

et Apostolorum. Vide liberalitatem Abrahae, vitulum mactauit, fermentauit & farinam. Audi & alacritatem per seipsum & uxorem hoc facit. Considera etiam quam alienus est a fastu, adorat & obsecrat. Omnia illa habere oportet hospitio excipientem, alacritatem, festiuitatem, liberalitatem. Hospitis anima erubescit & confunditur, si non cum excellentia declaretur gaudium ab alienatur, & mox deterius fuerit, quam non esse susceptam, sic esse susceptam. Idcirco adorat, idcirco sermone comi & sedili excipit. Quis idem facere dubitabit sciens, quod ille hospitalitati operam dederit? Auget virtutem Abrahae, quod non per famulos, sed per se omnia humanitatis & humilitatis officia hospitibus detulerit. Vnde S. Hieronymus ad Pammachium H. ep. 26.

super obitu Paulinae uxoris. Non seruis & ancillis imperabat, ut ministrarent hospitibus, nec bonum quod exercebat per alios minuit, sed quasi reperta praedam Sara sua humanitati solus incubuit. Ipse pedes lauit, ipse pingue vitulum portauit humeris de armento. Stetit ut seruus peregrinis praeuidentibus & Sare manibus coctos cibos ieiunaturus apposuit. Et Chrysof. in epistola priorum ad Timotheum. Pratercuntes homines viatores ut putabat, Abraham suscepit hospitio, neque tamen mittebat seruis omnia, sed uxori miscenti farinam imperabat. & quidem cum trecentos haberet decem & octo ver-

A. l. cit.

Prou. 15. 2.

Matth. 10. 24.

B. quæst. 10.

Eccle. 30. 8.

2. Cor. 9. 7.

naculos: quorum uxores itidem habuisse famulas dubium non est. sed ipse cum uxore mercedem sibi comparare festinat, non impense tantum, verum ministerii quoque. Ad hanc regulam hospitalitatis iura seruanda sunt. VI. Conditio est. ut norit satis esse non laute & exquisitè, sed frugali & obuiò cibo hospitem recreare. Non opes, inquit, Ambrosius, à te hospes requirit, sed gratiam, non ornatum conuiuium, sed cibum obuium. Melior est, inquit, hospitalitas cum holeribus ad amicitiam & gratiam, quam si uirtutes occidas ad præsepia cum inimicitiis. Hec est grata omnibus & accepta Deo. Vnde Dominus Iesus in Euangelio eum quicumque dederit hospiti potum aquæ frigida, celestium asserit premiorum non exortem futurum. S. Basilius certe in regulis fufius disputatis posita quæstione, quæ ratio Monachis tenenda sit in accipiendis hospitibus. Respondet primo, monachos non decere, ut apponant exquisitas epulas hospitibus, & rem esse prauæ exempli, siue illi monachi sint, siue seculares, illis enim sufficit domestica mensa, hi uero discunt formam vitæ frugaliore, & si tractatio non placeat, non facile redibunt. 2. Martha à Domino reprehensa est, quod sollicita esset circa plurima, nempe fercula paranda. Christus quinque hominum millibus parcissimam mensam posuit. Salomon in prouerbis postulat tantum sibi tribui victui necessaria. 3. ait. in communi hoc statuendum est, ut cibaria, quæ promiscuè omnibus apponantur eiusmodi sint, quæ cum vili pretio, tum paruo etiam negotio comparentur, omniumque necessitati satisfiat, seruata simul omni munditia mensa & elegantia. Sic B. Ephraim in Doctrina varia. Monache, si accesserit ad te monachus, siue secularis quispiam, noli supra vires offerre tibi, ne post fratris discessum doleas de bonis insumptis apud fratres tuos, sed appone, quod tibi Dominus largitur. Melius est enim apponere olera cum charitate, quam victimas cum tristitia. Hilarem enim datorem diligit Deus. Quod autem monachus in aduentu hospitum de seueritate consueti sui ieiunii relaxare aliquid possit ad recreandum hospitem non semel docet Ioan. Cassianus, ut collatione 21. cap. 14. & 24. cap. 20. & 21. Et B. Prosper libro 2. de vita contemplatiua capite extremo.

CAP.

CAPUT IV.

De incitamentis ad officium Hospital.

PRIMO ad officia hospitalitatis præstanda maiorem in modum excitare nos potest, quod Scriptura diuina non semel declararit illa non tam hominibus, quam Deo, angelis, ipsi Christo præstari. Verba Pauli sunt ad Hebræos. *Hospitalitatem nolite obliuisci, per hanc n. latuerunt quidam, Angelis hospitio receptis, nempe Abraham & Loth. Et Christus ipse apud Matthæum omnibus saluandis dicit Hospes eram, & collegistis me. Et ipsi saluandi id fatentur. Quando te vidimus hospitem, & collegimus te. Ibidem, & subdit Christus. Amen dico vobis quamdiu fecistis uni ex his fratribus meis minimis mihi fecistis.* Deinde iam ante dixerat. *Qui recipit vos, me recipit, & qui me recipit, recipit eum qui me misit.* Vnde S. Hieronymus ad Pammachium. *Diues erat Abraham auro, argento, pecore, possessione, vestibus, tantam habebat familiam, ut ad subitos nuncios inuenibus electis armare posset exercitum: & tamen post tam crebra hospitalitatis officia, dum non refutat homines suscipere meruit Deum.* Et ad Nepotianum. *Mensulam tuam pauperes & peregrini, & cum illis Christus nouerit.* S. Ambrosius de Officiis. *Vides quia Abraham Deum recipit hospitio, dum hospites querit. Vides, quia Loth angelos suscepit? Qui scis an & tu cum suscipis hospitem suscipias Christum? Licet in hospite sit Christus, quia Christus in paupere est sicut ipse ait. In carcere erā & venistis ad me, nudus eram & operui stis me.* Et libro primo de Abraham *Vide primo fidei mysterium. Deus illi apparuit, & tres aspexit. Cui Deus res fulget, Trinitatem videt, nec sine filio patrem suscipit, nec sine Spiritu sancto filium constitetur.* Et S. Augustinus in sermonibus de Tempore. *Diligenter, inquit, hæc audite fratres, qui hospitalitatem exercere non vultis, qui hospitem velut hostem excipitis. Ecce beatus Abraham, dum homines feruenter exciperet, ipsum Deum suscipere hospitalitatis contemplatione promeruit. Hoc etiam in Euangelio Christus confirmavit dicens Hospes fui, & suscepistis me. Nolite ergo negligere peregrinos, ne forte, quem non exceperitis, sit ipse Christus.*

EXEMPLA huius rei in scriptis S. Patrum, & Viris Sanctorum exstant complura. S. Gregorius in Euangelia narrat vnum in hæc verba. *Opinata res est valde, & seniorum nostrorum nobis relatione tradita. Quidam pater familias cū tota domo sua magno hospitalitatis studio seruiebat. Cumq; quotidie ad mensam suā peregrinos susciperet, quodā die peregrinus qdā inter alios aduenit, ad mensam ductus: dumq; pater familias ex humilitatis cō-*

Geb 23.2.
Gen. 18. c. 19.

Mat. 25. 35.

Matt. 10. 40.

H. ep. 19.

Ep. 2.

A. lib. 2. c. 21.

Matt. 25. 37.

Id. c. 5.

Ar. 65.

G. hom. 23.

fuerit.

Matt. 25. 40.

Ioa. lib. 2. c. 22.

Id. c. 23.

A. 2. off. c. 21.

Id. lib. 1. de A-
brah. ca. 5.
Gen. 29. 9.
3 Reg. 7.

4 Reg. 4.

Matt. 10. 42.

Isa. 58. 8.

C. 5. 8.

suetudine aquam vellet in eius manibus fundere, conuersus urceum accepit: sed repente eum, in cuius manibus aquam fundere voluerat, non inueni. Cumq; hoc factum secum ipse miraretur, eadem ei nocte Dominus per visionem dixit. Ceteris diebus me in membris meis, hesterno autem die me in memetipso suscepisti. Ecce in iudicium veniens dicet. Quod uni ex minimis meis fecistis, mihi fecistis.

Similia de ipso S. Gregorio commemorat in eius vita Ioannes Diaconus. Tanta, inquit, hospitalitatis Gregorius in ipso etiam patriarchio permansit, ut exceptis his, quos tam per diuersas regiones, quam Rome quoq; Longobardorum perfidia gladio fugientes ecclesiastica stipe misericorditer nutrebat, ad mensam suam quotidie peregrinos quoslibet inuitaret. Inter quos die quadam vnus accessit, in cuius manibus dum ipse ex humilitatis ministerio aquam fundere vellet, conuersus urceum accepit, sed repente eum, in cuius manibus aquam fundere voluerat, inuenire non potuit. cumq; hoc factum secum ipse miraretur, eadem nocte Dominus ei per visionem dixit. Ceteris diebus me in membris meis, hesterno autem die me in memetipso suscepisti. Ex hac narratione apparet illum patremfamilias de quo Gregorius in priori exemplo agit ipsum S. Gregorium fuisse. Eodem libro Io. Diaconus aliud subiicit exemplum de S. Gregorio, qui cum inuitasset duodecim peregrinos, in mensa repente accessisse alium decimumtertium verè in specie peregrini angelum.

II. Incitamentum ad colendam hospitalitatem esse potest, si consideres ceteros fructus ex hoc caritatis officio profectos, & à Spiritu sancto in Scriptura sacra notatos. Eos breuiter percurrit Ambrosius. Abraham, inquit, pro hospitalitatis mercede fructum posteritatis recepit. Loth quoq; nepos eius non solum genere, sed etiam virtute proximus propter hospitalitatis affectum Sodomitana à se suisq; supplicia detorsit. Et rursus. Deniq; Iacob oues adacquauit Rachel, & gratiam reperit, & uxorem acquisiuit. Vnius hora hospitio vidua illa, quæ suscepit Eliam, & exiguo cibo, perpetuum toto tempore famis inuenit alimentum, & mercedem accepit mirabilem, ut nunquam de hydia farina deficeret. Elia quoq; defuncti pignoris resurrectione donata resoluit hospitii pensionem. Et Dominus Iesus in Euangelio eum quicumq; dederit hospitii potum aqua frigida caelestium asserit premiorum non exortem futurum. Itaias quoq; propheta cum hortatus esset ad hospitalitatem præstandam egenis & vagis, mox subiungit. Tunc erumpet quasi lumen tuum, & sanitas tua citius orietur, & anteibit faciem tuam iustitia tua, & gloria Domini colliget te. Tunc inuocabis & Dominus exaudiet: clamabis, & dicet, ecce adsum. Quæ verba expendens S. Cyrillus Alexandrinus libro quinto commentariorum in Iaiam. Maximam, inquit, emphasim

habet hac oratio. Non enim dixit simpliciter: dabitur tibi à Deo lumen, sed erumpet potius instar fulguris cuiusdam, cum impetu & cursu demissum à Deo. Ex quo perspicue patet suppeditantis promptitudo & alacre studium. Cum matutinum dicit, ante tempus aduenturum docet. Nouit enim, nouit nostrarum rerum custos Deus spiritualium bonorum largitor opportunitatem munificentia sua singulis accommodare, &c. Certe lumen hoc erupit duobus Luc. 24. 19. discipulis Emaunticis, simulatq; Christum in hospitium traxerunt. Vnde S. Augustinus quaestionum Evangelicarum libro secundo. A c. vii. Quia hospitalitatem, ait, scelerati sunt, eum quem in expositione Scripturarum non cognouerunt, in panis fractione cognoscunt. Non enim auditores legis iusti sunt Rom. 2. apud Deum, sed factores legis iustificabuntur. Idem S. Gregorius in Evangelia hom. 23. Mensam, inquit, duo discipuli, ponunt, panes cibosq; offerunt & Deum quem in sacra Scriptura expositione non cognouerant, in panis fractione cognoscunt. Audiendo ergo praecepta Dei illuminati non sunt, faciendo illuminati sunt. Non auditores legis iusti sunt apud Deum, sed factores legis Rom. 2. 13. iustificabuntur. Quisquis ergo vult audita intelligere festinet ea, quae iam audire potuit opere implere. Ecce Dominus non est cognitus dum loqueretur, & dignatus est cognosci, dum pascitur.

III. Incitamentum est, considerare hospitalitatem plus prodesse hospites suscipienti, quam susceptis. Nec mirum, quia Saluator apud Matt. 10. 42. Matthaeum porrigenti calicem aquae frigidae inquit Ambrosius promittit caelestia pramia: & apud Lucam. Luc. 16. 9. Facite, ait, vobis amicos de ini- A. li. 1. de Abraham c. 5. quo mammona, qui vos recipiant in tabernacula sua, quanto magis, qui potum cibum, lectum lectum & viaticum praebent hospitibus merebuntur regnum caelorum. Bona est hospitalitas inquit idem, habet mercedem suam primum humane gratiae, deinde quod maius est, remunerationis divinae. Idem Medium acute exculpsit S. Chrysost. ex verbis Abraham, C. hom. 41 in Gen. quibus inuitat hospites, tum adhuc ignotos, dum ait. Domine, si inueni gratiam in oculis tuis, ne transeas seruum tuum. Dicere enim Domine, inquit, est captantium benevolentiam: dicere autem si inueni gratiam in oculis tuis, hoc est admirabile. Beneficium inquit das, non accipis. Vere enim eiusmodi res hospitalitas est, qua magis accipit, quam dat, qui illam promptè & alacriter exercet. Deinde variis utitur modis ut precibus eos vincat, nempe gestibus, verbis & operibus, primo enim eos adorauit, tum Dominos vocat, deinde extenuat res suas. Aquam enim tepidam, inquit, habeo ad lauandos pedes, & panem & lectum ab arbore. Scio quantus sit caloris aestus, ideo paululum vos refrigerare volo. Qualem pater filiis tenerè deiecit, exhibet benignitatem. Et quia magna alacritate venationem prosecutus est, praedam quoque inter reliqua conclusit.

Nam responderunt. Sic fac ut dixisti. Sen exciatus est inuuenilis vigor. In manibus, aut habeo thesaurum, diuitias hinc sumam. senectutis obliuiscar. Et vide eum exultantem in opere. & quasi prægudio saltantem, perinde atque multa bona manibus afferret, ita se oblectantem.

1. Par. c. 29. 15.

Psal. 38. 13.

1. Pet. 2. 11.

A. 1. 2. c. 5.

V. Scit. 3. 2.

IV. est, Consideratio pia, quod omnes hic aduenæ, peregrini & hospites sumus supra terram. Vnde magnus ille rex libro primo paralipomenon ad Deum orabat. *Peregrini enim sumus coram te & aduenæ, sicut omnes Patres nostri.* Et in psalterio. *Ne sileas, quoniam aduenæ ego sum apud te & peregrinus, sicut omnes patres mei.* Et Sanctus Petrus in priore epistola. *Charissimi obsecro vos tanquam aduenas & peregrinos abstinere vos à carnalibus desideriis. Omnes in hoc incolatu,* inquit Ambrosius loco sæpe citato, *hospites sumus. Ad tempus enim habitandi habemus hospitium. Emigremus propere, caueamus, ne si nos duri aut negligentes fuerimus in recipiendis hospitibus, etiam nobis post vitæ huius cursum sanctorum hospitia denegentur.* Et Sanctus Augustinus de verbis Domini. *Agnoscite hospitalitatem, per quam peruentum est ad Dominum. Suscipite hospitem, cuius & tu es comes in via, quia omnes peregrini sumus. Ipse est Christianus, qui & in domo sua & in patria sua peregrinum se esse cognoscit. Patria nostra sursum est, ibi hospites non erimus. Nam unusquisque hic & in domo sua hospes est. Si non est hospes, non inde transeat. Si transiturus est, hospes est. non se fallat, hospes est. velit nolit, hospes est, sed dimittit illam domum filiis suis, hospes hospitibus. Quare? Et instabulo si esses, non alio veniente discederes. Hoc facis & in domo tua. Cessit tibi locum pater tuus, cessurus es locum filiis tuis.*

Sur. 30. Dec. b.

Sur. 12. Dec.

V. & postremum incitamentum est, considerare exempla sanctorum, qui hospitalitatis virtutem coluerunt. Inter quos primus sit Sanctus Syluester, qui teste Metaphraste apud Surium, omnes peregrinos Romam venientes lubenter excipiebat, mensam hilariter apponens, aqua pedes ablucens, & ad quiescendum in stragulis eos collocans. 2. S. Spiridon qui eodem, ad labores iter facientium recreandos, cum iam esset Archiepiscopus Cypri, erat adeo dexter & officiosus, ut ipse sine famulis mensam eis apponeret, pedes ablueret, aliæq. officia humanitatis exhiberet. 3. S. Gre. Nazianzenus & S. Basilius qui teste Greg. presbytero in vita Nazianzeni pro peregrinis & hospitibus excipiendis hospitalem domum à fundamentis crexerunt. 4. S. Hier. qui in proemio septimi libri commentariorum in Ezechielem ita scribit. *Fateor me explanationes in Ezechiel multo ante tempore promississe, & occupatione de toto hoc orbe venientium implere non posse, dum nulla hora, nullūq. momentū est, in quo non fratrum occurramus turbis & monasterii solitudinē hospitium frequentia cōmutamus, in tantum, ut aut clauden-*

dendum sit nobis ostium, aut Scripturarum per quas aperiende sunt fores studia relinquenda. Et in Apologia in Ruffinum. Nobis in monasterio hospitalitas cordi est, omnesq; ad nos venientes lata humanitatis fronte suscipimus. veremur enim ne Maria cum Ioseph locū non inueniat in diuersorio. 5. S. Gear Sur. 6. Iulii.
 presbyter, qui auctore Vandelberto Prumiensi monacho, paterno Aquitanix prouinciæ solo deserto, ad ripam Rheni Ecclesiam cum monasterio exstruxit, diu noctuq; vacans orationibus, & hospitibus præcipue excipiendis, quo caritatis officio tantam apud Deum promeruit gratiam, vt multis in vita & morte claruerit miraculis. 6. S. Sur. 27. Iulii.
 Sampson, hospitum exceptor dictus, qui, teste Metaphraste, licet genere clarus ex vrbe Romana, postquam Theologiæ & medicinæ operam dedisset, Constantinopolim se contulit, ædesq; inibi exstruxit pauperibus & peregrinis hospitio recipiendis idoneas, quos postea sacerdos factus spiritaliter & corporaliter iuuit. 7. Sit S. Iuo, qui ex iudice Ecclesiastico moderator Ecclesiæ in minore Britanina factus, semper pauperes vel peregrinos mensæ adhibuit, totosq; nouem annos domi suæ virum quendam cum vxore & quatuor liberis egenis aluit. Sunt & alii complures in Vitis Sanctorum huius virtutis laude præstantes, ut S. ANSELMVS, S. BERNARDVS. S. FRIDERICVS Traiectensis Episcopus & Martyr. S. ELISABETH. regis Hungariæ filia, & alii de quibus vide tomos Vitarum Laurentii Suri.

V I D E plura. *V. Charitas proximi. Eleemosyna. Liberalitas. opera bona.*



H V M I L I T A S.

C A P V T I.

*Quid nomine Humilitatis Christiana intel-
ligatur.*

Bas. quest. 198.
Philip. 2. 3.

A. conc. 2.

Id in psal. 118.
conc. 15.

Luc. 14. 11.
Iac. 4. 6.

Psal. 118. 66.
Eccli. 2. 5.

E. ep. 42.

Id. ad init.

B. serm. 4 de
aduentu & ser.
42. in Cant.

SANCT. BASILIUS in secundum prophetæ Isaia caput scribens. *Humilitas, inquit, est depositio vani sensus, qui ab elatione vana de se existimationis profisciscitur.* Et in Regulis brevioribus *Humilitas est, cum quis ceteros omnes seipso superiores existimat ex prescripto Apostoli, qui his verbis alloquitur Philippenses. Implete gaudium meum, ut idem sapiatis, nihil per contentionem, neque per inane gloriam, sed in humilitate superiores sibi inuicem arbitantes.* D. Augustinus in psalmum 33. sic describit humilem. *Quid est esse humilem? nolle in se laudari. Qui in se vult laudari superbus est. Qui superbus non est, humilis est, nempe ille, qui dicit. In domino laudabitur anima mea, audiant mansueti & latentur.* Alibi verò duplicem facit humilitatem. Vnam, qua quisque se humiliat confitendo peccata, nec sibi arrogando iustitiam. De qua intelligitur illud Christi. *Qui se exaltat humiliabitur, & qui se humiliat exaltabitur, & illud B. Iacobi. Deus superbis resistit, humilibus autem dat gratiam.* Alteram, qua quis humiliatur aliqua tribulatione, vel deiectione, quam meruit eius superbia, aut exercetur, probaturque eius patientia. Vnde paulo post dicit hic psalmus. *Priusquam humiliarer, ego deliqui, & Sapiens. In humilitate tua patientiam habe, quoniam in igne probatur aurum & argentum; homines verò acceptabiles in camino humilitationis.* S. verò Bernardus in epistola ad Henricum Senonensem Archiepiscopum hoc modo definit. *Humilitas est contemptus propriae excellentie in tractatu autem de gradibus Humilitatis. Humilitas est virtus, qua homo verissima sui agnitione sibiipsi vilescit.* Alibi quoque geminam facit humilitatem, cum expendit Christi dictum. *Discite à me quia mitis sum & humilis corde.* Considera, ait, sane in his verbis quoniam humilitas duplex est: altera cognitionis, altera affectionis, quæ hic dicitur cordis. Priore cognoscimus nos quod nihil simus, & hanc discimus à nobis ipsis, & ab infirmitate propria: posteriore calcamus gloriam mundi, & hanc ab illo discimus, qui exinanivit

naminiit semetipsum formam serui accipiens, qui etiam quæsitus in regnum fugit quæsitus ad tanta probra, & ignominiosum supplicium crucis sponte oblit semetipsum. Priorem autem cognitionis non discimus à Christo Non enim quomodo ego vel tu, ait idem, inuenimus nos in veritate dignos de decore & contemptu, dignos omni extremitate, & inferioritate, dignos etiam suppliciis, dignos plagis: non inquam ita & ille: quæ tamen omnia expertus est, quia voluit tanquam humilis corde. Humilis videlicet illa humilitate, quam cordis sua sit affectio, non quam extorsit discussio veritatis.

Hanc Humilitatis virtutem ita descriptam prorsus, ignorarunt veteres Ethnicorum Philosophi, vt bene notauit S. Augustinus in psalmi 31. commentario. Hæc aqua, inquiens, confessionis peccatorum, hæc aqua humiliationis cordis, hæc aqua vitæ salutaris abiciens se, nihil de se præsumens, nihil suæ potentie superbè tribuentis. hæc aqua in nullis alienigenarum libris est, non in Epicureis non in Stoicis, non in Manicheis, non in Platonicis. Vbi quæq; etiam inueniuntur opima præcepta morum & disciplina, humilitas tamen ista non inuenitur. Via humilitatis huius aliunde non manat, à Christo venit. Hæc via ab illo est, qui cum esset altus, humilis venit. Quid enim aliud docuit, humilando se factus obediens usq; ad mortem, mortem autem crucis? Quid aliud docuit soluendo, quod non debebat, vt nos à debito liberaret? Quid aliud docuit baptizatus, qui peccatum non fecit, crucifixus qui reatum non habebat: quid aliud docuit, nisi hanc humilitatem? Non immerito ait. Ego sum via & veritas & vita.

Phil. 2.8.

Matt. 17. 25.

Matt. 3. 16.

Ioan. 14. 6.

CAPUT II.

De præstantia uirtutis Humilitatis.

PRÆSTANTIAM & dignitatem Virtutis huius inde cognoscimus, quod Christus Dominus caelestem suam doctrinam in monte discipulis traditam ab ea exorsus sit dicens. *Beati pauperes spiritu, quoniam ipsorum est regnum celorum*, quos, inquit Augustinus de sancta Virginitate sine ulla controuersia humiles intelligimus. Deinde, quod illius solius & mansuetudinis professus sit se esse Doctorem, cum ait. *Discite à me, quia mitis sum & humilis corde, & inuenietis requiem animabus vestris.* Vnde ibidem Augustinus ad mirabundus exclamat. *Hucine redacti sunt omnes thesauri sapientie, & scientia absconditi in te, vt hoc magno discamus à te, quoniam mitis es & humilis corde? Itane magnum est esse paruum, vt nisi à te, qui tam magnus es fieret, disci omnino non posset?*

Matt. 5. 3.

A. c. 32.

Matt. 11. 29.

Id. c. 35.

*Ita plane non enim aliter inuenitur requies anima, nisi inquieto tam ore dige-
re, quo magna sibi erat, quando tibi sana non erat.*

- Tertul.** Hinc veteres Patres humilitatem faciunt propriam & pri-
mam Christianorum virtutem. Tertullianus de cultu faminarum.
*Quomodo, inquit, humilitatem, quam Christiani profiteamur, implere poteri-
mus, non repastinantes diuitiarum vestrarum, vel elegantiarum usum, qua ad
gloriam faciunt? Et de Virginibus Velandis. Si de natura dubitatur, disci-
plina quid magis Deo ratum sit ostendit. Nihil est illicarius humilitate, nihil ac-
ceptius modestia, nihil perosius gloria & studio hominibus placendi.* S. Cypria-
nus de Natiuitate Christi. *Hic est primus religionis introitus, sicut in mun-
dum primus Christi ingressus: ut quicumque pie vult viuere, humiliter de se sen-
tiant, neque supra se in mirabilibus ambulare presumat. Fundamentum sanctita-
tis semper fuit humilitas, nec in celo stare potuit superba sublimitas. Hanc pri-
mam gratiam ingrediens mundum noster paruulus attulit, & a cunabulis nos
sibi conformes fieri volens teneri voluit in vita, quod exhibuit in persona.* S.
cap. 17. Basilii in Constitutionibus monasticis. *Humilitas tutissimus est virtu-
tum omnium thesaurus Et homilia de humilitate. Hec est hominis sublimi-
tas hac gloria & magnificentia, verè cognoscere hoc quod magnum est, & illi
conglutinari ac gloriam à Domino gloria querere. Nam ea demum perfecta &
omnimoda gloriatio est in Deo, quando neque propter suam ipsius iustitiam quis
extollitur sed agnoscit se vera iustitia destitui sine Christo.* S. Ephraem de vita
Ep. 1. r. spiritali. *Quam pulchra atque eximia possessio sit humilitas facile norunt omnes,
qui eius perferre iugum inuerecundè detrectant. Diligentes enim eam protegit,
tueturque Dominus.* S. Ambrosius ad Demetriadem. *Huic malo (superbia) fir-
missimum bonum humilitatis occurrit: quam ideo diximus veram, quia om-
nium virtutum inexpugnabilis fortitudo, & quaedam suorum est vita mem-
brorum.* Et in psalmum 118. *Humilitas virtutum omnium caput est, quæ to-
tum velut quoddam nostrorum actuum fouet corpus.* Et iterum. *An quicquid
tam pretiosum, quam humilitas, ut naturam corporis animaque perspicies, alte-
ro te subiicias, altero te cognoscas?* S. Hieronymus ad Eustochium de Pau-
la matre. *Quæ prima Christianorum virtus est, tanta se humilitate deiecit, ut
qui eam non vidisset, ipsam esse non crederet, sed ancillarum ultimam.* Et ad
Ep. 14. Celantiam. *Nihil habeas humilitate prestantius, nihil amabilius. Hec est
enim præcipua conseruatricis, & quasi custos quedam virtutum omnium: nihilque
est, quod nos ita & hominibus gratos Deo faciat, quam si vite merito magni, hu-
militate infirmi simus.* S. Chrysost. in Genesin. *Vbi quæ modum seruemus, & bo-
nis operibus nostris humilitatem quasi fundamentum substruamus, ut securè
virtutes superexstruere valeamus. Virtus enim non est, nisi coniunctam habeat
humilitatem. Qui hoc fundamentum rectè iecerit, poterit in quantam voluerit
altitudinem structuram excitare. Hæc est inexpugnabilis turris, hæc omne con-
tinet*

tinet adificium, non sinens ipsum vel à ventorum violentia, vel ab imbrum
 impetu, vel à spirituum uideici sed omnibus insidiis inaccessum facit & inui-
 ctum, quasi ex adamante constructum esset, magna^q nobis diuina largitatis
 retributiones affert. Et in Acta Apostolica. Nihil humilitate potentius, forti-
 or est petra, solidior adamante, & in maiorem securitatem nos collocat, quam
 queant vel turres, vel urbes, vel muri, omnib^q diaboli machinamentis subli-
 mior facta contingere volentibus insuperabiles facit. S. Augustin ad Diosco-
 rum. Sicut Rhetor ille nobilissimus cum interrogatus esset, quid ei primum vi-
 deretur in eloquentia preceptis obseruari oportere, Pronuntiationem dicitur
 respondisse. cum quareretur, quid secundo, eandem pronuntiationem: quid ter-
 tio, nihil aliud quam pronuntiationem dixisse, si interrogares, & quoties inter-
 rogares de preceptis Christiana religionis nihil me aliud respondere nisi Humili-
 tatem liberet, et si forte alia dicere necessitas cogeret. Et lib. 1. de ciuitate Dei. A. c. 2.
 Scio, quibus viribus opus sit ut persuadeatur superbis, quanta sit virtus humili-
 tatis quasi ut terrena omnia cacumina temporali mobilitate nutantia, non
 humana uirpata fastu sed diuina gratia donata celsitudo transcendat. Caf. C. c. 7.
 fianus collatione 15. Humilitas est omnium magistra virtutum, ipsa est ca-
 lestis adificii firmissimum fundamentum, ipsa est donum proprium, atq; magni-
 ficum Saluatoris. Ista etenim vniuersa miracula, quae Christus operatus est, sine
 periculo elationis exercet. S. Gregorius lib. 23. Moralium. Vera doctrina hu-
 militatem, quae magistra est omnium, materq; virtutum, & loquendo dicere,
 & viuendo conatur ostendere ut eam apud discipulos veritatis plus moribus
 quam sermonibus eloquatur. Et ad Ioannem episcopum Constantinopo-
 litanum. Quanta humilitatis virtus est, propter quam solam veraciter edo-
 cendam, is qui sine estimatione magnus est usq; ad passionem mortis factus est
 paruus? S. Bernardus de Consideratione ad Eugenium Papam. Pretio- B. lib. 2.
 sissimus fundus virtus est, bonus fundus humilitas, in qua omne adificium spiri-
 tuale constructum crescit in templum sanctum in Domino. Per hanc nonnulli
 possedere etiam portas inimicorum. Quae enim virtutum aequè potest demonum
 debellare superbiam, tyrannidem hominum: Nulla splendidior gemma in omni
 praecipue ornatu summi Pontificis. Quo enim celsior ceteris, eo humilitate appa-
 ret illustrior & seipso. Et in Vigilia Natalis Domini. Pretiosiores panni Sal-
 uatoris omni purpura, & gloriosius praesepe auratis regum solis, ditior deniq;
 Christi paupertas cunctis opibus, cunctisq; thesauris seculi. Quid enim humili-
 tate ditius, quid pretiosius inuenitur; quae nimirum regnum calorum emitur
 & diuina gratia acquiritur? sicut scriptum est. Beati pau-
 peres spiritu, quoniam ipsorum est regnum
 calorum.

Id. hō. 10. & 30.

A. ep. 56.

A. c. 2.

C. c. 7.

G. c. 13.

Id. ep. 38. lib. 4.

B. lib. 2.

Id. serm. 4.

Matt. 5. 2.

CAP.

CAPUT III.

De necessitate & utilitate huius virtutis.

Matt. 12. 3.
 Marc. 9. 4.
 Luc. 9. 46.
 Matt. 11.
 Luc. 14.
 Eccli. 3. 20.
 Id. 17. 19.
 Eph. 5. 21.
 Rom. 13. 1.
 1. Pet. 5. 5.
 1. Pet. 5. 6.

G. c. vlt.

B. ferm. 36.

Id. ferm. 2.

Psal. 101. 18.
 Ps. 112. 6.
 Psal. 135. 23.
 Ps. 50. 19.
 Eccli. 35. 28.
 Isa. 66. 2.
 Luc. 1. 48.
 Jac. 4. 7.
 1. Pet. 5. 5.

NEcessitatem huius virtutis non obscure indicavit Christus Dominus, cum ad questionem discipulorum, quis maior esset in regno cœlorum, aduocato paruulo, respondit. *Amen dico vobis, nisi efficiamini sicut paruuli, non intrabitis in regnum cœlorum.* Et cum alibi dixit. *Discite à me, quia mitis sum & humilis corde.* Et. *Cum fueris inuitatus ad prandium, recumbe nouissimo loco.* Quibus d. & is consentiunt illa sapientis. *Quanto magnus es, humilia te in omnibus, & coram Deo inuenies gratiā,* Et. *Humilia valde spiritum tuum, quoniam vindicta carnis impii, ignis & vermis.* Et illa B. Pauli. *Subiecti inuicem in timore Domini.* Et. *omnis anima potestatibus sublimioribus subdita sit.* Et Beatus Petri. *Omnes inuicem humilitatē insinuate.* Et. *Humiliamini sub potenti manu Dei ut vos exaltet in tempore visitationis.* Idē significant Patres, qui eā faciunt fundamentum, radicem & originem omnium virtutum. *Quia origo virtutis humilitas est,* ait S. Gregorius libro 27. *Moralium, illa in nobis virtus veraciter pullulat, quæ in radice propria, id est, humilitate perdurat: à qua vimirum scabscinditur, arefcit, quia viuificantem se in intimis humorem charitatis perdit.* Et S. Bernardus in Cantica. *Nisi super humilitatis stabile fundamento spirituale adificium stare minime potest.* Et de ascensione Domini. *Dilectissimi perseuerate in disciplina quam suscepistis, ut per humilitatem ad sublimitatem ascendatis, quia hæc est via, & non aliapræter ipsam. Qui aliter vadit, cadit potius, quam ascendit quia sola est, humilitas quæ exaltat, sola quæ ducit ad vitam.*

Utilitas multiplex est. Prima quod vna hæc præ ceteris Deo grata sit, & ab eo veniam peccatorum atque gratiam impetret. Psaltes regius in hæc verba canit. *Respexit in orationem humilium, & non spiciuit preces eorum.* Et. *Humilia respicit in cælo & in terra.* Et. *Quia in humilitate nostra memor fuit nostri.* Et *Cor contritum ut humiliatum Deus non despicies.* Dein Ecclesiasticus. *Oratio, ait, humilitatis se penetrabit nubes.* Et propheta Isaias. *Ad quē respiciā nisi ad pauper calū, & cœritū spiritu, & inuentem sermones meos?* Et B. MARIA virgo, quia respexit humilitatem ancille sue. *Deposuit parentes de sede, & exaltavit humiles.* Et S. Iacobus atque Petrus. *Deus superbis resistit, humilibus autem dat gratiam.* Vnde Augustinus libro 3. de doctrina Christiana c. 23. *Nulla fere pagina est sanctorum librorum in qua non sonet, quod Deus superbis resistit, humilibus autem dat gratiam.*

II. Vili.

II. Vtilitas est, quod Proprie mereatur vitam æternam. Vnde rex Dauid sic orat. *Tu po ulum humilem saluum facies, & oculos superborum humiliabis.* Et Iob. *Qui humiliatus fuerit, inquit, erit in gloria, & qui inclinauerit oculos, ipse saluabitur.* Et Dominus. *Beati pauperes spiritu, quoniam ipsorum est regnum cælorum.* Et. *Qui se humiliat exaltabitur.* Quæ sententia sapius in Euangelio repetitur. Vnde Apostolus in epistola ad Philippenses, cum dixisset Christum Dominum cum in forma Dei esset, semetipsum exinaniuisse, formam serui accepisse, & humiliasse se ipsum vsq; ad mortem crucis, mox subiicit. *Propter quod & Deus exaltauit illum, & dedit illi nomen quod est super omne nomen.* Quem locum tractans Chry. *Extremam, ait, Christus præstitit obedientiam, propterea accipit & supremum honorem.* Et cōmentarius Amb. adscriptus. *Quid & quantum humilias mereatur hic ostenditur.* Et S. Aug. in Ioannē ad hæc verba respiciens. *Humilitas, inquit, claritatis est meritum, claritas humilitatis est præmium. sed hoc factum est in forma serui.*

Psal. 17. 28.

Iob. 22. 29.

Matt. 5. 2.

Luc. 14. 11.

Phil. 2. 8.

Ch. hom. 7.

A. tract. 104.

Prou. 11. 2.

Matt. 17. 25.

G. c. 17.

C. c. 20.

Psal. 130. 1.

III. est, quod mens nostra clarius illustretur ad percipiendas res diuinas, iuxta illud sapientis, *Vbi est humilitas ibi est sapientia.* & Christi apud Matthæum *Confiteor tibi Pater, quia abscondisti hæc à sapientibus, & reuelasti ea paruulis.* Lumen n. intelligentiæ, inquit S. Gregorius 25. moralium, *humilitas aperit, superbia abscondit.* Nam secretum quoddam pietatis est, ut tãto minus ad illud animus perueniat, quanto magis intumescit, quia eo ipso foras repellitur, quo insanius inflatur. Et B. Cyrillus libro 6. in Ioannem. *Quinimo ipse, inquit, qui vere humilis est exultans in Spiritu sancto. Confiteor, ait, tibi Domine pater cæli & terræ quoniam abscondisti hæc à sapientibus & prudentibus, & reuelasti ea paruulis.* Itaq; venit in hunc mundum, ut paruulos, & qui sue cecitatis sūt cōscii illuminaret, illis in erroris caligine dimissis, qui sibi videntes videntur. Et iterum. *Hac plane humilis de se existimatio, & proprie indigentia confessio diuinæ gratiæ largitatem affatim consequitur, & cæleste impetrat auxilium.* Contra verò qui grande aliquid & sublimè de se existimant, arrogantq; maiora quam sibi assint, diuino destituti praesidio aridi relinquuntur, bonorumq; omnium egeni. Id propheta nos edocet *Domine non est exaltatum cor meum neq; elati sunt oculi mei, neq; ambulavi in magnis, neq; in mirabilibus super me.* Si non humiliter sentiebam sed exaltaui animam meam. Sicut ablactatus est super matre sua, ita retributio in anima mea. Deinde Chrysost. homilia 29. in Matthæum. *Sicut quanto acutius videmus, tanto magis percipimus, quam longè à celi regione distamus, sic quanto altius per spiritualem profectū ad virtutis culmen conscendimus, & mentis oculum per purgamus magis, tanto plus docemur, quā sit inter Deum & nos grande discrimen, tanto clarius cernimus, quam adhuc humili & abiecto loco iacemus.*

IV est, quod valeat ad frangendas & expugnandas omnis dæmonis ten-

Luc. 10. 18.

In eius vita.

Ch. hom. 10.

Matt. 4. 4.

Isa. ult. 2.

G. c. 10.

Id. c. ult.

B. serm. 34.

G. in 3. psal.
Id. hom. 7.

A. c. 33.

B. hom. 1. super
Missus est.

C. 12. in lit. c. 22.

nis tērationes & machinationes; nec mirū q̄d a dāmō per superbīā felicitate æterna excidit. Vnde Christus discipulis gloriātib. de eiectione dāmōnū, eis in memoriā reuocauit causā lapsus eorū dicens. *Vidi satanā sicut fulgur de cælo cadentem.* S. Antonius eremiteste S. Athanasio dicere solebat dāmōnem nil peius odisse q̄ humilem & Dei amatē. Idemq; cū per visum mundū laqueis plenū spectasset, Dominūq; rogasset, quæ ratio euadendi esset, responsū accepit, euadi per humilitatem. S. Chry. in Acta Apostolorū scribit humilitatē omnib. dāmōnis machinamentis sublimiorem, & ad amantē fortiorē. Hier. in caput 4. Matthæi annotat Christum ad tentationem dāmōnis, vt lapides cōuerteret in panes ideo respōdisse. Scriptum est, *non in solo pane uiuit homo, qui a proposito erat ei humilitate diabolum vincere, non potentia.*

V. est, quod sit signū præsentiæ Spiritus sancti, imò & electionis! æternæ, iuxta illud Isaia. *Super quē requiescet spiritus meus nisi super humilem & quietū?* Ita S. Gre. li. primo dialogorum. *Mens qua diuino spiritu impletur habet euidentissima signa sua, virtutes scilicet & humilitatem, quæ si utraq; perfectè in vna mente conueniunt, liquet, quod de præsentiā Sancti spiritus testimonium ferat.* Et libro 35. moralium. *Qui redemptor noster corda regit humilium, & Leuiathan iste Rex dicitur superborū, aperit cognoscimus, quod euidentissimū reprobōrū signū superbia est, at contra humilitas electōrū.* S. B. in Cātica docet, si quis & a Deo humilietur, signū esse vicinæ gratiæ.

VII. est, quod sine ea virtutes reliquæ subsistere non queāt. Nota n. est eiusdem Gre. in 7. psal. pēnitentiales sententia. *Qui sine humilitate virtutes cōgregat, quasi in ventū puluerē portat.* Et homilia in Euangelia. *Sed quælibet bona adsint opera, nulla sunt, nisi ex humilitate condiantur.* Miranda quippe actio cum elatione non eleuat, sed grauat, Ea de causa cæteri Patres eam caput, fundamentum, firmamentum custodem & originem virtutum, vt liquet ex supradictis, vocarunt. Addo constare inter pretiosa Dei dona numerari Virginitatem perpetuam. Nam de ea S. Aug. sic scribit in libro de S. virginitate. *Quia perpetua continentia, maximeq; virginitas magnum bonum est in sanctis Dei, vigilantissimè cauendum est ne superbia corrūpatur.* Et tamen S. Bern. non dubitat ita loqui. *Laudabilis Virginitas, sed magis necessaria humilitas. illa consulitur, ista præcipitur. Sine humilitate, audeo dicere, nec virginitas Mariæ placuisset.*

VIII. quod absq; ei9 beneficio ad virtutū perfectionē ne queat perueniri. Qua de re differens fusc Ioan. Cas. tandē concludit. *Euidenter itaq; monstratur, non posse quēquā perfectionis finē ac puritatē attingere, nisi per humilitatē verā, quā primitus fratrib. reddēs Deo quoq; in penetrabilibus cordis exhibeat, credens sine protectione eius, atq; auxilio per singula sibi momenta delato perfectionem quam cupit, & ad quam magnopere currit, se penitus ob-*

tine

tinere non posse. Et postea. Nullo modo poterit in anima nostra virtutum structura consurgere, nisi prius tacta fuerint vera humilitatis in nostro corde fundamenta: quæ firmissimè collocata perfectionis & charitatis culmen valeant sustinere, ita scilicet, ut, quemadmodum diximus, primum fratribus nostris humilitatem veram intimo cordis exhibeamus affectu, in nullo scilicet acquiescentes eos contristare, vel ledere. Quod nullatenus poterimus implere, nisi abrenuntiatio vera, quæ in expoliatione omnium facultatum ac nuditate consistit in nobis fuerit Christi amore fundata: deinde obedientia iugum & subiectio simplici corde, ac sine vlla fuerit simulatione suscepta, ita ut præter Abbatis mandatum nulla peritus voluntas vivat in nobis. S. Hieronymus quoque in Matthæum agens de verbis Christi ad discipulos. *Qui voluerit inter* Id. c. 32.
vos primus esse erit vester servus. Humilis, inquit, magister & mitis, nec cupiditatis immodicæ duos arguit postulantes (filios Zebedæi) nec decem reliquos indignationis increpat & liuoris, sed tale ponit exemplum quo doceat eum maiorem esse, qui minor fuerit, & illum Dominum esse, qui omnium servus sit. Frustra igitur aut illi immoderata quæsierant, aut isti dolent super maiorum desiderio, cum ad summitatem virtutum non potentia, sed humilitate veniatur. Denique sui proponit exemplum, ut si dicta parui penderent, erubescerent ad opera, & dicit. Sicut filius hominis non venit ministrari, sed ministrare.

IX. Utilitas est, quò quis à condito orbe humilitate magis excelsit, hoc à Deo ad maiorem dignitatem euectus est, convenienter promisso Christi. *Qui se humiliat exaltabitur.* Inter quos eminet primo Abraham Patriarcha, qui ex animi submissione se appellavit pulverem & cinerem. deinde vir secundum cor Dei rex David, qui pulicem & vermem. Tum Ioannes Baptista qui indignum se reputabat ut vel corrigiam calceamenti Christi solueret. Inde Petrus Apostolus, qui cum ex humilitate Domino dixisset. *Exi à me Domine, quia homo peccator sum,* tactus est teste Chrysof. pastorum Princeps, fundamentum Ecclesiæ, & clauiger regni cælorum. Adhæc quanta fuit humilitas Pauli perhibentis se Apostolorum ultimum, imò nomine Apostoli indignum? & tamen *κατ' ἐξοχην* nomen Apostoli præ aliis obtinuit. Beatissima Virgo Maria ex humilitate professa est se ancillam Domini, & electa est in ipsam Domini matrem. Plura exempla ex Euangelica historia pertexit S. August. de sancta Virginitate. Io. Chryf. agens de S. Pauli humilitate in hæc verba scribit. *Homocū esset Paulus, humiliavit semetipsum. Quid ergo? an non celebratur? an non laudatur? an non amicus est Christi? an non maiora fecit, quam Christus ipse? an non diabolo sæpenumero tanquam mancipio imperavit? an non ut licforem circumegit, non illum irrisit? non caput ipsius contritum sub pedibus suis habuit? non & aliis istud cum multa fiducia imprecatus est.* Luc. 14. 11.
Luc. 9. 3.
Chryf. hom. 3. in Matth.
A. c. 22.
Chry hom 7. ad Philip.

CAPUT IV.

De Humilitatis proprietatibus.

Psal. 61. 2.

Ib. 6.

Psal. 67. 7.

Iac. 4. 7.

1. Pet. 5. 6.

A. ep. 84. lib. 10.

Psal. 61. 2.

1. Pet. 2. 13.

Rud. 23.

Ch. hom. 33.

PRIMA Proprietas sit, quod per eam homo proprie subiiciatur Deo. Vnde David rex aiebat. *Nonne Deo subiecta erit anima mea, ab ipso enim salutare meum.* Et infra. *Veruntamen Deo subiecta esto anima mea, quoniam ab ipso patientia mea.* Et rursus. *Subditus esto Domino, & ora eum.* Et B. Iacobus cum dixisset. *Deus superbis resistit, humilibus autem dat gratiam,* mox addit. *Subditi ergo estote Deo.* Et S. Petrus eidem sententiæ subiecit hanc. *Humiliamini ergo sub potenti manu Dei.* Vnde S. Ambrosius epistola ad Demetriadem. *In eo proprietatem ipsius (humilitatis) defini- mus, quod per omnia Deo subditur. Nec potest quicquam de meritis suis perdere, quorum causas, atq. prouectus non in se, sed in auctore suo constituit.* Et S. Bernardus in sermone de subiectione nostræ voluntatis. *Totius humili- tatis summa in eo uidetur consistere, si voluntas nostra diuina, ut dignum est, subiecta sit, voluntati sicut ait propheta, nonne Deo subiecta erit anima mea? Scio quidem creaturam omnem, velit nolit, subiectam esse creatori. Sed à crea- tura rationali voluntaria subiectio queritur, ut voluntariè sacrificet Domino, & confiteatur nomini eius, non quia terribile & sanctum, non quia omipo- tens, sed quia bonum est. Quod si homo etiam subiectus sit homini, ut pa- rentibus, magistris, Principibus, eis subiectus est propter Deum, cu- ius vicem gerunt.* Vnde S. Petrus. *Subiecti estote omni humana creatura propter Deum.*

II. Proprietas est, ut nulli hominum homo se anteponat. Vnde S. Ambros. epistola iam citata. *Prima humilitatis ratio in communis vite versatur officiis, cum secundum doctrinam Apostolicam inuicem se homines ho- nore preueniunt, & alter alteram superiorem existimantes, amant seruire sub- iecti, & nesciunt timere prelati, cum & pauper diuitem non sibi dubitat ante- ferre, & diues pauperem sibi gaudeat æquare, cum & sublimes non superbiunt de claritate prosapia, & pauperes non extolluntur de communione nature: cum deniq. non plus tribuitur magnis opibus, quàm bonis moribus, nec maior duci- tur phalerata iniquorum potentia, quàm rectorum in honora iustitia.* Et S. Chrys. in Genes. *Nos non eis tantum, qui ætate nobis sunt maiores, vel etiam æquales, honorem exhibeamus: non est enim humilitas, quod facere debes neces- sitate, vera autem est quando cedimus iis, qui nobis videntur esse minores, & eos veneramur, qui nobis videntur esse magis indigni quam nos. Quod si rectè sapimus, nullos etiam nobis esse minores arbitrabitur, sed nos excelli ab omni- bus hominibus dicemus. Et hoc dico non de nobis, qui innumeris immergi sumus peccatis, sed etiam si quis sibi plurimorum bene gestorum conscius sit, nisi apud se sentiat,*

sentiatur, quod omnium sit postremus, nulla ei futura utilitas est ex omnibus suis bonis operibus. Et S. Bernardus in Cantica. Non est periculum quantumcumque te humiles, quantumcumque reputes minorem, quam sis, hoc est, quam se veritas habeat. Est autem grande malum, horrendumque periculum, si vel modicè plus vero te extollas, si vel uni videlicet in tua cogitatione te praeferas, quem forte parem tibi veritas indicat, aut etiam superiorem. Quamobrem noli te homo comparare maioribus, noli minoribus, noli aliquibus, noli uni. Quid scis enim o homo, si unus ille, quem forte omnium vilissimum, atque miserrimum reputas, si melior te mutatione dextera excelsi in se quidem futurus sit, in Deo verò iam sit? Et propterea Dominus non mediocre, non vel penultimum, non ipsum saltem inter nouissimos eligere locum nos voluit, sed, recumbe, inquit, in nouissimo loco. B. serm. 27.

III. Proprietas, ut sit sincera & ex corde profecta, omnis doli & fuci expers. Nam ut habet Sapiens, est qui nequiter humiliat se, & interiora eius plena sunt dolo. Vnde S. Ambrosius ad Constantium. Multi habent humilitatis speciem, virtutem non habent. multi eam foris praeferunt, & intus impugnant ad fucum praeferunt, ad veritatem abiurant, ad gratiam negant. Est n qui nequiter humiliat se, & interiora eius plena sunt doli: & est, qui nimium se submittit, ab humilitate multa. Non est ergo humilitas nisi sine fuko, sine fraude. Ipsa est vera, quae habet piam mentis sinceritatem, magna virtus eius. Et Hier. ad Celantiam. Humilitatem sequere, non quae ostenditur, atque simulatur gestu corporis, aut fracta voce verborum, sed quae puro affectu cordis exprimitur. Aliud est enim virtutem habere, aliud virtutis similitudinem: aliud rerum umbram sequi, aliud veritatem. Multo deformior est illa superbia, quae sub quibusdam humilitatis signis latet. Nescio enim, quomodo turpiora sunt vitia, quae virtutum specie calantur. Luc. 14. 10.

III Proprietas, ut in homine hoc maior animi sit submissio, quo ad maiorem honorem fuerit euectus, iuxta illud Sapientis. Quanto magis es, & humilia te in omnibus, & coram Deo inuenies gratiam. Et Christi Domini; Quicumque voluerit inter vos maior fieri, sit uester minister. Et addit Sicut filius hominis non venit ministrari, sed ministrare. Quis autem fuit filius iste hominis, nisi qui erat omnium non solum hominum, sed etiam angelorum maximus? Vnde Chrysostomus in verba Isaiae. Vidi Dominum. Venerunt duae naues habentes onus, ambae in portum tendebant, sed Publicanus appulit in portum. Phariseus autem naufragium perpeffus est, ut disceres quantum mali sit animi tumor. Flores recte factis? ne probra iacias in proximum. Quanto maior es, tanto magis submitte te ipsum. Attende, quod dicitur charissime, magis iustus metuere debet arrogantiam, quam peccator, eo quod peccator habet conscientiam velit nolit nobilem, humilem ac submissam, iustus a. ob benefacta extollitur. Ut ergo sit in nauigiis, qui vacuam habent nauem, non metuunt piratarum insultum, sed qui habent onustam: Piratae enim eo pro- Eccli. 10. 24.
A. ep. 4. lib. 7.
H. ep. 14.
Eccl. 3. 20.
Matt. 20. 26.
Ch. hom. 4.

Luc. 17. 10.
A. C. 3.

perant, ubi aurum, ubi argentum, ubi lapides pretiosi sunt, sic & diabolus non facile persequitur peccatorem, sed iustum, ubi multa sunt opera. Quanto maior ergo es, tanto magis submitte te ipsum. Cum ascenderis in altum, opus est ut tibi prospicias ne cadas. Vnde & Dominus dixit. Cum omnia feceritis, dicite. Serui inutiles sumus. Et S. Augustin. de sancta Virginitate. Cum, inquit, Christianis omnibus custodienda sit humilitas, quandoquidem à Christo Christiani appellantur, cuius Euangelium nemo diligenter intuetur, qui non eum doctorem humilitatis inueniat: tum maxime virtutis huius sectatores & conservatores eos esse conuenit, qui magno aliquo bono ceteris eminent, ut magnopere curent illud, quod primitus posui. Quanto magnus es, tanto humilia te in omnibus, & coram Deo inuenies gratiam. Proinde, quia perpetua continentia, maximeq; Virginitas magnum bonum est in sanctis Dei, vigilantissime cauendum est, ne superbia corrumpatur.

Phil. 4. 12.

A. C. 17.

Psal. 33. 19.

Luc. 18. 11.

Ec. 6.

IV. Proprietas est, ut humilitas sit circumspecta, qualis erat in Apostolo ad Philippenses scribente. Scio & humiliari, scio & abundare (ubi q; & in omnibus institutus sum) & satiari & esurire & abundare & penuriam pati, omnia possum in eo qui me confortat. Quæ verba tractans S. Ambros. libro altero de Officiis. Non ergo, ait, indocta humilitas, sed quæ habeat sui modestiam & scientiam, laudi datur. Est enim humilitas formidinis, est & imperitia atq; ignorantia. Ideo & Scriptura ait. Et humiles spiritu saluabit. Praclare ergo dixit. Scio & humiliari, id est, quo in loco, qua moderatione, quo fine, in quo officio, in quo munere. Nesciuit Phariseus humiliari, ideo deiectus est: sciuit publicanus, ideo iustificatus est. Sciebat & abundare Paulus, qui animum habebat diuitem, et si thesaurum diuitis non habebat. Sciebat abundare, quia non quarebat datum in pecunia, sed requirebat fructum in gratia. Hæc circumspectio maxime exigitur à Prælatiis, qui alios regunt. Vnde B. Gregorius in secunda parte Pastoralis. Solerter intuendum est (Prælatiis) ne dum immoderatus custoditur virtus humilitatis, soluantur iura regiminis, & dum Prælati quisq; plus se, quam decet, deiicit, subditorum vitam distringere sub disciplina vinculo non possit. Teneant ergo Rectores exterius, quod pro aliorum utilitate suscipiunt, seruent interius quod de sua estimatione pertimescunt. Sed tamen quibusdam signis decenter erumpentibus eos apud se esse humiles etiam subiecti deprehendant, quatenus & in auctoritate eorum quod formident videant, & de humilitate, quod imitentur, agnoscant, &c. multa.

A. lib. 10.

V. Est, ut semper sit sibi similis. Vnde S. Ambrosius epistola 84. indagans causam perpetuæ concordie in corpore Christi, hoc est, Ecclesia Catholica, tandem illam tribuit virtuti humilitatis. Hæc, inquit, virtus vera humilitas est, quæ inter quoslibet meritorum gradus nunquā sui potest esse dissimilis. Nam & in officiorum vicissitudine, & in mansuetudinis le-

nis lenitate, & in voluntaria paupertatis electione inuenitur multa distantia, & alter altero in proposito sui deuotione, aut maior, aut minor est. In vera autem humilitate nihil diuisum, nihilq; non solidum est, & ideo omnes participes suos vnum facit, quia inaequalitatem ipsa non recipit. Huius igitur boni proprietate in confessione est gratia Dei, quae tota repellitur, nisi tota suscipitur. Sicut enim alienus est à numero fidelium, & à sorte sanctorum, qui in aliquo à Catholica veritate dissentit: ita extra gratiam efficitur, qui aliquid de eius plenitudine diffidetur, quasi homo auxilio Dei in quadam actionum suarum parte egeat, in quadam autem parte non egeat, sitq; ullum tempus, vllumue momentum, quo perniciosum illi esse non possit si ab eo Spiritus sanctus defuerit.

CAPVT V.

De Gradibus Humilitatis.

SANCT. AVGVSTINVS in libro de S. Virginitate ad agnoscentes A. c. 37.
dos gradus humilitatis generationem hanc regulam praescribit. Mensura humilitatis cuiq; ex mensura ipsius magnitudinis data est, cui est periculosa superbia, quae amplius amplioribus insidiatur.

S. Benedictus vero in regula sua duodecim numerat humilitatis B. c. 7.
gradus pro Monachis, quos breuiter hic describam.

I. Si timorem Dei sibi ante oculos semper ponens, semper sit memor Dei, & praceptorum eius.

II. Si vocem Domini factis imitetur dicentis. Non veni facere Ioa. 5. 30.
voluntatem meam, sed voluntatem eius, qui misit me.

III. Ut quis pro Dei amore omni obedientia se subdat maiori, imitans Dominum, de quo Apostolus. Factus est obediens vsq; ad mortem. Phil. 2. 8.

IV. Si in ipsa obedientia duris & contrariis rebus, vel etiam quibuslibet irrogatis iniuriis patientiam amplectatur.

V. Si cogitationes malas, vel mala à se absconfe commissa per humilem confessionem Abbati non celauerit suo.

VI. Si omni vilitate & extremitate contentus sit monachus, & ad omnia quae sibi iniunguntur, velut operariū malū se iudicet & indignū.

VII. Si omnibus se inferiorem & viliorem, non solum lingua pronunciet, sed etiam intimo cordis credat affectu.

VIII. Si nihil agat monachus, nisi quod communis monasterii regula, vel maiorum cohortantur exempla.

IX. Si seruet silentium, monstrante scriptura, quia in multiloquio non effugietur peccatum. Pro. 10. 19.

X. Si

X. Si non sit facilis in risu.

XI. Si humiliter cum gravitate pauca & rationabilia verba loquatur, & non sit clamorosus in voce.

XII. Si non solum corde, sed etiam corpore humilitatem ubique indicet inclinato semper capite, & defixis in terram aspectibus, reum se omni hora de peccatis suis existimans.

HORVM graduum defensionem suscepit S. Thomas in secunda parte summæ Theologicæ, quæ dicitur 22. quæstione 161. articulo sexto. Eisdem commentariis, ut & totam Benedicti Regulam illustrarunt Smaragdus Abbas, Io. de Turrecremata Cardinalis, & nuper Ioannes Trithemius, Abbas quondam Spanhemensis, editis Moguntia.

A. à c. 10. ad 18.

S. Anselmus libro de similitudinibus numerat septem Humilitatis gradus. quorum primus sit. Contemptibilem se esse cognoscere. 2. de hoc docere. 3. hoc confiteri. 4. persuadere, ut s. hoc velit credi. 5. ut patienter sustineat hoc dici. 6. ut patiatur contemptibiliter se tractari. 7. ut hoc amet.

S. Bernardus in Tractatu de gradibus humilitatis, prolixè exponit 12. gradus superbiæ, ad rectius intelligendos 12. gradus humilitatis S. Benedicti, iuxta illud Philosophi. *Opposita iuxta se posita magis elucescunt.* In sententiis verò suis ita scribit. *Septem gradus descensionis habet humilitas. Abdicationem rerum exemplo Apostolorum. Abdicationem vestium, sicut Elias & Ioannes. Corporis exercitium, ut Paulus. Directionem in prosperis instar David pauperis & Regis. Patientiam in aduersis, sicut Iob & Tobias. Et paulo post. Humilitatis virtus habet hæc tria. Superiori subdi, ut ad eius aequalitatem nulla ambitione, vel inuidia rapiatur. Aequali non præferri, ne illicito appetitu Superior velle fieri videatur. Minori subdi potius, quàm præponi, ut ex hoc humilitatis veritas comprobetur.*

In c. 3. Matth.

Auctor Glossæ Ordinariæ in Matthæum. *Perfecta, ait, humilitas tres habet gradus. Primus est, subdere se maiori, & non præferre se aequali, qui est sufficiens. Secundus est, subdere se aequali, nec præferre se minori, & hoc dicitur abundans. Tertius gradus est subesse minori, in quo est omnis iustitia.*

C A P V T VI.

De Mediis idoneis ad Humilitatem

PRIMUM medium est S. Basilii in Regulis breuioribus. Nam quæ- B. 4. 198.
 stione posita, quomodo assequamur eam? Respondet his verbis.
Comparatur hac virtus, si quis meminerit mandati Domini, Discite à me, quia Matt. 11. 19.
mitis sum & humilis corde, quod quidem ipse variè multis in locis & ostendit,
& docuit. Et si fidem ei adhibuerit, qui assueuerant affirmavit. Qui seipsum Luc. 14. 26.
humiliauerit, eum exaltatum iri. Præterea, si aequaliter semper atq; vno tenore
omni in re humilitatem consecutus sit, in eaq; mente se & reipsa exercuerit.
Vix enim per assiduam meditationem ad habitum humilitatis poterit
perueniri, ut in artibus fieri solet. Eodem collimat illud dictum S.
 BERNARDI ad Ogerium canonicum regularem. *Humi-*
litas, ad quam utiq; ducit humiliatio, totius est spiritualis fabrica funda- B. ep. 87.
mentum: siquidem humiliatio via est ad humilitatem, sicut patientia ad pa-
cem, sicut lectio ad scientiam. Si virtutem appetis humilitatis, viam non refu-
gias humiliationis. Nam si non poteris humiliari, non poteris ad humilitatem
prouehi.

II. Medium est eiusdem in homilia de Humilitate. *Quonam pacto*
inquit, ad salutarem hanc animi humilitatem perniciofa superbia elatione re- Hom. 22.
lictæ descendemus? Si perpetuos studium modestiæ exerceamus, &c. Vide ne in
sermone arrogantiam usurpes sophisticam, neq; dictionem ostentes superbam,
sed in omnibus splendori ac magnificentia detrahas, comis erga amicum, man-
suetus erga domesticum, patiens erga temerarios, humanus erga humiles,
patronus afflictis, inuisens in dolore constitutos, in summa, neminem contem-
nens: suavis in appellatione, alacer in responsione dexter & expositus uni-
uersis, neq; tua ipsius celebrans encomia, neq; alios, qui hoc faciunt, subornans,
neq; in honestam de proximo famam admittens, & virtutes tuas, ac prerogati-
uas, quantum fieri potest, obtegens: peccatorum verò gratia te ipsum accusans,
nec expectans, ut ab aliis reprehendere: ut idem facias quod iustus, qui in prin-
cipio sermonis seipsum accusat: & sis, qualis erat Iob, quem non puduit urbis
tumultuationem propriam contra se deprædicare ruinam. Ne sis increpando
molestus ac seuerus: neq; statim, aut cum animi commotione quenquam repre-
hendas (respicit enim hoc contumaciam quandam) Neq; propter modica deli-
cta condemnes aliquem, quasi rigidus iuris exactor, sed eos qui deliquerunt
complectare, & spiritualiter instruas, quemadmodum admonet Apostolus, Gal. 6. 2.
confi-

Mat. 6. 2.

1. Pet. 5. 3.

Matt. 20. 27.

Ch. hom. 3. 8.

Luc. 17. 10.

Mat. 28.

1. Cor. 15. 9.

Mat. 3. 17.

Luc. 5. 8.

Mat. 17. 9.

Ch. hom. 9.

B. serm. 4.

Luc. 18. 12.

considerans te ipsum ne & tu tuleris. Et tantū studiū impendas, ne apud homines gloriosus habere, quantū impendūt alii, ut gloriētur, siquidē Christimor fueris. At praelatus es aliis, & homines te glorificant. Par esto subiectis, non tanquā dominās in clēris, ut Apostolus inquit, neq; secularib. Principib. te conformes. Qui namq; primus esse accepit, omniū hominū seruū esse iubet Christus.

III. Medium est S. Ioan. Chrysost. ad populū. ut nō solum, sermone actioneq; externa nos deprimamus, sed reuera in animo humiliter de nobis nostrisq; meritis sentire discamus, iuxta illud Christi. Cū feceritis oīa quę precepta sūt vobis: dicite qā serui inutiles sumus. Nolumus, inquit extolli, sed nos dicamus inutiles, ut utiles efficiamur. Nam si te quidē dixeris probabilem, licet probabilis existas inutilis factus es, si verō te nominaueris inutilem, factus es utilis, licet sis improbandus; propterea meritorum obliuisci necessarium est. Et infra. Nam & nos seruos habentes, maximē tunc eos acceptos habemus, cum postquam omnia beneuole ministrarint, nihil magnum fecisse se censent. Itaque si tu quoque magna vis reddere merita tua, ea ne magna esse putes, & magna tunc erunt. Sic & Centurio dicebat. Non sum dignus, ut intres sub tectum meum. & propterea dignus factus est, & admirationi suę per omnes Iudeos habitus. Sic & Paulus dicens. Non sum dignus vocari Apostolus, & propter hoc omnium primus factus. Idem & Ioannes. Non sum dignus soluere corrigiam calceamenti eius, & ideo amicus quoque fuit sponsi. Et manum quam dixit esse calceamento indignam, hanc super caput suum Christus attraxit. Sic & Petrus dicebat. Exi a me quia peccator homo sum Domine, & idcirco factus est Ecclesię fundamentum. Nihil enim Deo tam gratum, quam cum extremis peccatoribus semetipsum connumerare. Hoc est totius sapientię principium.

IV. Medium est, occultare suas virtutes, exemplo Christi Domini, qui miracula a se facta voluit nō nunquam silentio supprimi, ut transfigurationem in monte. Hoc tradit S. Chrysost. in Matthæum. Sicut vestem pretiosam, inquit, cum in publico ponimus plurimos ad insidias provocamus, si vero domi recondamus, in tuto cuncta seruabimus: sic si opes virtutum palam quasi venales assidue portemus in mente, inimicum irritamus ad furtum, sin verō nemo alter id scierit, nisi quem nulla occulta latent, tutissimo in loco consistent. Et S. Bernardus de aduentu Domini. Carissimū utile est abscondere magis, quam ostentare, si quid habemus boni, sicut & mendici cum eleemosynam petunt non pretiosas vestes ostendunt, sed seminuda membra aut hulcera si habuerint, ut citius ad misericordiam videntis animus inclinetur. Quam regulam publicanus ille seruauit multo melius pharisæo, & ideo descendit iustificatus ab illo, id est præ illo. Plura media

habes in Panario nostro V. gloria vana &

Superbia.

CAP.

CAPUT VII.

Quibus indiciis humiles agnoscantur.

PRIMUM indicium ponit S. Basilius, in modestia habitus. *Ani. E orat. 17. 40*
humil.
 mum humilem, ait, consequitur visus subtristis & in terram demissus, habitus neglectus, capillus passus, vestis sordida, ita tamen ut hac videantur fortuito fieri, quae legentes de industria faciunt. Vestis cingulo corpori sit apte accincta: cinctura autem neq. lumbis sit superior, (muliebre enim hoc) neq. adeo remissa, ut vestis diffuset, noxium namq. istud. Incessus verò neq. lentus, ut qui animi dissoluti sit signum, neq. rursus celer & concitatus, ut qui ipsius impetus perturbatos ac temerarios esse demonstrat. Noli autem quarere, neq. in colore iucunditatem vestis, neq. in structura tennitatem ac molitiem. Vestis autem crassities talis esse debet, ut caloris gratia opus non habeat altera. Calceus vilis quidem pretii, sed tamen satis commodè necessitatem expleat. Sumpta sunt hæc ex epistola prima Basilii ad Gregorium Theologum, cum describit mores premitæ.

II. Indicium humilitatis tradit S. Ambrosius in psalmum 118. *A. sen. 10.*
 nempe patientiam in aduersis. In Evangelio, inquit, Dominus Iesus docens virtutem atq. insigne patientia ait. Qui te percusserit in maxillam, prabe ei & alteram. *Matt. 5. 39.*
 Vali enim discipulos suos & iniuriarum esse patientes, nec referre facile, ne dum referre potens iniuriam faceret, indicium humilitatis non exhiberet. Patientia enim humilitatis indicium est. Id verò declarat paulo post exemplo regis Davidis his verbis. Quippe cum conuiliaretur Semei *2. Reg. 16.*
 lius Gera sancto David, virum sanguinarium appellans, & malediceret ei quando fugiebat filium suum Absalon, parricidalia ad tempus bella declinans, tacebat rex, & summum patientia insigne prestabat. Etenim cum tentationis sua tempus intelligeret, ut ei parricidale praelium moueretur, magis humilem se volebat uideri, quo Domini mitigaret offensam, quam exasperandum eius arbitrabatur in sua tentatione indicium, si forte suas iniurias ultum irer. Inde & populi duci Abisai vindicare cupienti ait. Quid mihi & tibi est fili Sarnia? ideo maledixit mihi, quoniam Dominus dixit illi ut maledicat. Ecce filius meus, qui exiit de ventre meo, querit animam meam. Si autem modo extraneus maledixit mihi dimitte illū, ut maledicat quoniam Dominus dixit illi, ut videat humilitatem meam. & retribuet mihi Dominus bona pro maledicto hoc. Quod & prophético dixit spiritu. & probauit eueni. Cum enim repleta fuerit humilitas, peccatum soluitur. *Vnde*
Ter-

T. li de Patiēt.

Matt. 5. 3.

B. de B. Virg.

Matt. 23. 12.

C. c. 79.

Tertullianus. Quos felices Dominus nisi patientes nuncupauit? Beati pauperes spiritu, illorum enim est regnum caelorum. Nullus profecto spiritu pauper nisi humilis. Quis enim humilis, nisi patiens? quia nemo subiicere se potest sine prima, atque patientia subiectionis ipsius. Et S. Bernar. in sermone. Signum Magnum. Collectanea sunt humilitas & mansuetudo, in eo confederata germanius, qui dicebat. Discite à me, quia mitis sum & humilis corde.

III. Indicium, & quidem multiplex tradit IOAN. CASSIANUS libro quarto institutionum. Humilitas, inquit, his indiciis comprobatur Primo, si homo mortificatus in se habeat omnes voluntates. 2. si non solum actuum suorum, verum etiam cogitationum nihil suum uelauerit Superiorem. 3. si nihil suae discretioni, sed iudicio eius uniuersa committat, ac monita eius sitiens libenter auscultet. 4. si in omnibus seruet obedientiam, mansuetudinem, & patientiam constantiam. 5. si non solum iniuriam inferat nulli, sed ne ab alio quidem sibi irrogatam doleat atque tristetur. 6. si nihil agat, nihil presumat, quod non vel communis regula, vel maiorum cohortentur exempla. 7. si omni uilitate contentus sit, & ad omnia se, quae sibi praebentur, velut operarium malum iudicari indignum. 8. si semetipsum cunctis inferiorem, non superficie pronunciet labiorum, sed intimo cordis credat affectu. 9. si linguam cohibeat, vel non sit clamorosus in voce. 10. si non sit facilis ac promptus in risu. Ex his indiciis S. Benedictus eo posterior videtur confecisse suos. Humilitatis gradus.

C. c. 14. Et in 3.
psal. 138.

IV. Indicium tradit S. Gregorius libro 22. moralium, nempe, peccata sua & ultro accusare, & aliis accusantibus non negare. Summopere, inquit, curandum est, ut mala quae fecimus & sponte fateamur, & hac aliis arguentibus non negemus: Superbia quippe vitium est, ut quod de se fateri quisque, quasi sua sponte dignatur, hoc sibi dici ab aliis dedignetur. Ex hoc indicio deinde ualde commendat humilitatem S. Iob. Vnde, inquit, certissime apparet, quanta munditia in omnipotentis Dei oculis fuerit, qui & uitauit mala ne committeret, & tamen quaecumque committere contigit, hominibus non abscondit, quatenus ei & iustitia sit gloria declinasse peccatum, & iustitia custodia, quod non potuit declinare, prodidisse. Mirentur in eo qui uolunt castitatis continentiam, mirentur integritatem iustitiae, mirentur viscera pietatis: ego in eo non minus admiror confessionem humilissimam peccatorum, quam tot sublimia gesta virtutum. Pro huius indicii commendatione facit quod scribit LACTANTIUS in diuinarum institutionum Epitome. Nos, etiam si nullum sit peccatum confiteri debemus. Humilitas enim tam cara & amabilis Deo est, qui cum magis suscipiat peccatorem confitentem, quam iustum superbum; quanto magis

L. c. 6.

magis iustum suscipiet confidentem eum, in regnis caelestibus faciet pro humilitate sublimari?

V. Indicium est, Humilia officia exercere, quale Christus Dominus, impendente morte, exercuit, cum à cæna surrexit, linteo se præcinxit, aquam in peluem misit, pedes discipulorum, & inter eos Iudæ proditoris abluit: quod eo pluris faciendum est, quod hoc Ioan 13. 15. vnum fere exempli loco imitandum illis commiserit dicens. *Exemplum dedi vobis, ut quemadmodum ego feci, ita & vos faciatis* Vnde S. Augustinus in caput XIII. Ioannis. *Tanta est quippe humanae humilitatis utilitas, ut eam suo commendaret exemplo etiam diuina sublimitas: quia homo superbus in æternum periret, nisi illum Deus humilis inueniret. Venit enim filius hominis querere, & saluum facere, quod perierat.* Qualē exercuit humilis rex Dauid, cum non dubitaret nudus, ridente licet vxore Michol, ante arcam Dei religionis ergo saltare, ut est in sacra historia regum. De quo facto ita scribit S. Gregorius libro 27 moralium. *Ecce, quem Dominus cunctis singulariter prætulit, sese sub Domino, & exaquando minimis, & abiecta exhibendo contemnit. Non potestas regni ad memoriam reducitur, non subiectorum oculis saltando vilescere metuit, non se honore prælatum ceteris, ante eius arcam, qui honorem dederat, recognoscit. Coram Deo egit vilia, vel extrema, ut illa ex humilitate solidaret, quæ coram hominibus egerat fortia. Quid de eius factis ab aliis sentiatur ignoro, ego Dauid plus saltantem stupeo, quam pugnantem: pugnando quippe hostes subdidit, saltando autem coram Domino semetipsum vicit.* 2. Reg. 6.

VIDE V. Abnegatio. Cognitio sui. Diffidentia sui. Simplicitas. Timor Dei. Et in PANARIO V. Amor sui. Immodestia. Inobedientia. Iudicium proprium. Presumptio. Superbia. Voluntas propria.

I.

I E I V N I V M.

CAPVT I.

Quid sit Ieiunium & quotuplex.

IE I V N I I nomine hoc loco non tantum parsimonia victus, quæ per omnem vitam diuina lege omnibus seruanda est Christianis, sed etiam seuerior quædam à cibis abstinencia intelligitur, non qualem aut inopia rei familiaris in pauperibus, aut opum congerendarum cupiditas in auaris, aut ostentandæ gloria sanctitatis ostendit in hypocritis, sed qualem ipsi nobis, aut studio Ecclesiasticis legibus obsequendi, aut retinendi instituta & consuetudines salutare maiorum, aut sponte ad coercendam carnis lasciuia, aut ad promerendum Deum, imperamus. Quo sensu S. Basilius in regulis fusius disputatis scripsit. *Abstinentiam appellamus, non si quis se à cibo penitus abstineat, quando hoc violenta quadam vita dissolutio est, sed eam, quam tollende contumacia corporis causa pietatis ergo de industria sequimur. Quorum enim rerum voluptates ab iis qui ex libidine vitam degunt experi solent, ab his nobis, qui ad veram pietatis culturam contendimus, est temperandum.*

B. quæst. 16.

Ma. 8. 6.

A. trac. 17.

Id. ca. 18.

TH E O L O G I maioris lucis causa distinguunt triplex ieiunium magnum & generale, Philosophicum & Ecclesiasticum. Magnum & generale est abstinencia à vitiis, iuxta illud Isaia. *Nonne hoc est magis ieiunium, quod elegi, dissolue colligationes impietatis, solue fasciculos deprimentes?* Vnde S. Augustinus tractatu in Ioannem. *Ieiunium magnum & generale est, abstinere ab iniquitatibus, & illicitis voluptatibus seculi, quod est perfectum ieiunium, ut abnegantes impietatem & seculares cupiditates temperanter & iuste & piè viuamus in hoc seculo.* Et Quæstionum Evangelicarum libro secundo. *Scriptura docet generale ieiunium, non à concupiscentia ciborum tantum, sed ab omni lætitia temporalium deletionum.* Alterum ieiunium dicitur Philosophicum, vel morale, & non est aliud quam cibi & potus parsimonia, qua temperate etiam ab Ethnicis secundum rectam rationem vita instituitur, de quo agemus in titulo de Temperantia. Tertium est Ecclesiasticum, quo iuxta

cer-

certum & præscriptum Ecclesiæ morem certis diebus, & carniū esu abstinemus, & vnica duntaxat refectioe plena, vel prandii, vel cæ-
næ, contenti sumus. Atq; hoc propriè dicitur ieiunium, de quo nunc
agitur; & diuiditur in varia ieiunia, vt Quadragesimæ, Quatuor tem-
porum, Vigiliarum, Feriæ sextæ & Sabbathi. Eodem pertinent iei-
unia, tam temporalia, quam perpetua ex professione monastica, vel
priuato animi proposito assumpta.

C A P V T II.

De dignitate & præstantia Ieiunii.

MIRIS laudibus plariq; omnes S. Patres abstinentiæ uel ieiunii
consuetudinem exornarunt. Et primo ab antiquitate, quod in
ipsa adeo paradiso à Deo ipso sit institutum & mandatum. Vnde Hie-
ronymus libro secundo aduersus Iouinianum. *Nunc, inquit, ad exordi-* Hieron.
um generis humani transiens docebo primum Adam in paradiso accepisse præ-
ceptum, ut cetera poma comedens ab una arbore ieiunaret. Beatitudo paradisi
absq; abstinentia cibi non potuit dedicari. Quamdiu ieiunauit, in paradiso fuit,
comedit & eiectus est. Et S. Basil. homilia de ieiunio. *Ades huc, ac per histori-* B. hom.
am decurrens vestiga ieiunii antiquitatem. Neq; enim recens inuentum est, sed
pretiosus thesaurus à maioribus repositus ac traditus. Quicquid vetustate præ-
cellit, idem venerabile est Reuerere igitur ieiunii canitiem. Tam vetus est, ut
simul cum homine condito ceperit, in paradiso præscriptum est. Primum illud præ- Gen. 3.
ceptum accepit Adam, ne de ligno scientiæ boni ac mali ederet. Hoc autem ver-
bum. Non edetis, ieiunij & abstinentiæ lex est. Idem mox subiungit ieiunii
beneficio patere nobis reditum ad paradysum. Quoniam non ieiunau-
mus, inquit, exalauimus è paradiso: ieiunemus igitur, ut ad illum postlimi-
nio reuertamur. An non vides, quomodo Lazarus per ieiunium ingressus est pa-
radysum? Eodem modo loquitur S. Athanasius libro de Virginitate.
Magnum, ait, munimentum est ieiunium. Vt enim obescam & inobedientiam
proturbatus est Adam ex paradiso, ita rursus per ieiunium & obedientiam in
paradysum, qui uolet, redibit. Idem S. Hieron. loco citato. *Nec secunda, in-*
quit, conscriptio tabularum absq; ieiunio potuit impetrari; quod ebrietas per-
diderat, inedia reperit. Ex quo ostenditur posse nos per ieiunium redire in para-
disum, unde per saturitatem fueramus eiecti.

Deinde laudarunt ieiunium ex eo, quod cibus sit angelorū, atq;
ideo ieiunantes imitentur uitam angelicā. *Ieiunium, inquit S. Athan.* A. de Virginit.
lib. sup. alleg. angelorū cibus est, & qui eo utitur ordinis angelici censendus
est. Et S. Chrysostomus de ieiunio. *Ieiunium angelorum imitatio est pro nostra* Ch. serm.

T. ad Episc.
 Δ Egypti.
 Rom 14. 17.
 B. h. de ieiun.

16. 7. 25.

H. lib. 2.

B. hom. 1. cit.

Orig hom. 10.

virili, contemptus praesentium, schola precum, alimonia anima. Et Theophilus Alexandrinus libro 3. Paschali. Ergo qui ieiunia, id est, conuersationem Euangelicam imitantur in terris, meminerunt illius dicti. Regnum Dei non est cibus & potus, sed iustitia, & gaudium, & pax, & letitia. S. Basilius homilia iam dicta. Homo angelorum ritu viuens, dum paucissimis contentus est, similitudinem cum illis assequitur. Et infra. Quod si angelorum cibus est vltus, panis est, quemadmodum ait propheta. Panem angelorum comedit homo: non carnes, non vinum non alia qua ingenti studio apparantur. Et homilia secunda. Angeli sunt, qui in singulis Ecclesiis describunt ac recensent ieiunantium capita.

Tertio, laudarunt S. Patres ieiunium, eo quod beneficio ieiunii & quidem diuturni tres sanctissimi prophetae vt Moyses & Elias, qui in quadragesimum vsq; diem illud extraxerunt, & S. Ioannes Baptista, qui in omnem vitam, typum Christi saluatoris imprimis gesserint, & miranda quaedam egerint. De Moysse in Iouinianum ita scribit Hieronymus. Moyses quadragesima diebus & noctibus ieiunus in monte Sina etiam tunc probans non in solo pane viuere hominem sed in omni verbo Dei, cum Domino loquitur, populus autem satur idola fabricatur. Ille vacuo ventre legem accipit scriptam digito Dei: iste manducans, & bibens, consurgensq; ludere aurum constat in vitulum. Et infra de Elia. Elias quadragesima dierum ieiunio praeparatus Deum vidit in monte Oreb & audit ab eo. Quid in hic Elia? Multo familiarior ista vox, quam illa in Genesi. Adam ubi est Elias igneo curru raptus ante immortalis esse cepit, quam mortuus. Ob ieiuniorum consortia Dominus noster Moysen & Eliam transfiguratus in monte secum ostendit in gloria. De baptista Ioanne vero in hac verba S. Basilius. Ioannis Baptiste vita, quid aliud erat, quam vnicum ac perpetuum ieiunium? qui non habebat lectum, non arua, non aratorem, vt ait Hesiodus bouem, non triticum non pistorem, deniq; non aliud quidquam eorum, qua ad victum pertinent. Ideoq; internatos mulierum non extitit quisquam maior Ioanne baptista.

Quarto, quia Christus ipse Dominus ieiunio quadragenario praedicationem suam inchoare & consecrare voluit. Vnde Ambrosius sermone 34. Hanc Quadragesimam nobis Dominus suo ieiunio consecrauit. Quod dixi, ieiunio, non ieiunijs. Vnum enim Domini ieiunium fuit, quia continuatis 40 diebus & noctibus cibum omnino non sumpsit. Quisquis ergo Christianus consecratam ieiunando non implenerit Quadragesimam, praenarrationis & contumaciae reus tenebitur, quod legem diuinitus pro salute sua datam prandendo ipse rescindit. Et S. Ignatius ad Philippenses. Quadragesimam nolite pro nihilo habere, imitationem enim continet Dei conuersionis. Et Origenes in Leuiticu. Habemus Quadragesima dies ieiunijs consecra-

secratos. Et Apostoli ipsi apud Clementem Romanum. Post Epiphaniam, Cl. s. conf. c. 13. inquirunt, seruandam est vobis ieiunium Quadragesima continens memori- am conuersationis & legislationis Domini.

C A P V T V.

De multiplici Ieiunii fructu.

INTER varios ieiunii fructus ille occurrit primus, quod valeat ad coercendam carnis lasciuiam, idcirco enim Apostolus dixit. *Castigo corpus meum & in seruitutem redigo, ne forte cum alijs predicauerim ipse reprobus efficiar.* vti S. Patres illa verba intellexerunt, inter quos est Chrysost. in commentariis Paulinis & S. Ambros. in epistola ad Ecclesiam Vercellensem. Vnde Ecclesia in Praefatione Missae canit. *Qui corporali ieiunio vitia comprimis, mentem eleuas, virtutem largiris & premia.* Et S. Cyprianus de ieiunio & tentationibus. *Ieiunij, inquit, vitiorum sentina siccatur, petulantia marcescit, concupiscentiae languent, fugitiua abeunt voluptates. Ieiunium si discretionis regatur omnem carnis rebellionem edomat, & tyrannidem gula spoliatur & exarmat. Ieiunium extraordinarios motus in cippo claudit & artat, & appetitus vagos dstringit & ligat.* Et S. Basil. de ieiunio. *Scis quod caro concupiscit aduersus spiritum, & spiritus aduersus carnem. Itaque cum haec sibi inuicem aduersentur, subtrahamus carni voluptatem, augeamus animae robur, ut per ieiunium collectis viribus ad superandas concupiscentias coronis abstinentiae repositis cingamus.*

2. Parat animum ad rerum diuinarum contemplationem, & instituendas deuote preces ad Deum. Exemplum habemus in Moyse, qui ut est in Exodo, quadraginta dierum ieiunio promeruit colloquium cum Deo. Et in Elia, qui totidem dies, ut est in Regum historia, ieiunio vacauit ut Deum in monte Horeb quadantenus contueri posset. Sed & Daniele legimus trium hebdomadarum inedia se comparasse ad excipiendas diuinas reuelationes. Quo exemplo impendentibus sollemnioribus festis Ecclesia Catholica consuevit se prauius ieiunio & uigilia ad officia diuina celebranda preparare, & S. Bernard. annotauit sermone in uigilia. S. Andreæ. Vnde S. Chrys. in Genesin. *Ieiunium anima nostra alimentum est, leues ei pennas producit, ut in sublime feratur, & summa contemplari queat, voluptatibusque, & omnibus, quae in hoc mundo habentur suaui, ipsa sit Superior. Et quemadmodum leuiore naues maria velocius transeunt, contra multa onere grauata submerguntur: ita ieiunium quidem leuiorem reddens mentis efficit ut facilius huius uitae pelagus transmittat &*

tat, & in cælum, ac ea quæ in cælis sunt respiciat, & nihil faciat præsentia.

A. cp. 81.

Tob. 4. 12.

Id. serm. 15.

Au. serm. 60.

de temp.

3 Reg. 21.

H. l. 1. in Iouin.

Iona 3.

Act. 10.

E. c. 17.

B. ser. 66.

B. Chom. 1. de
ieiunio.

H. l. 1. in Iouin.

Matt. 6. 18.

1. Cor. 9. 25.

A. cp. 81.

3. Valet in peccatoribus penitentiam agentibus ad impetrandam peccatorum veniam, & placandam diuinam indignationem. *Quæ nobis salus esse potest*, scribit S. Ambrosius *nisi ieiunio eluerimus peccata nostra, cum scriptura dicat ieiunium & elemosyna à peccato liberat*. Et de natali Domini. *Nullum tam graue delictum est, quod non purgetur abstinentia elemosynis extinguatur*. Et S. Aug. concionem his verbis allocuitur. *Pro peccatorum indulgentia, & pro misericordia diuina ieiunemus*. Achab impius, & Ninuithæ gentiles imminentem iram Domini *ieiuniorum miseratione* ait Hier. *detorserunt, quem & Sodoma placasset*, addit si *lacrymas penitentia patrocinate voluissent conciliare ieiunio*. Cornelius centurio certe; vt Spiritum sanctum acciperet crebris meruit ieiuniis, S. Ioan. quoq; Euangelista teste Eusebio li. tertio historiæ Ecclesiasticæ, sæpius se macerauit ieiuniis, vt peccatori cui dā Deū redderet propitiū. Ac deniq; D. Iust. in Apologia altera tradit Catechumenos doceri solitos, ieiuniis ac precationibus veniam peccatorū deprecari.

4 Valet in iustis ad expiandas peccatorum pœnas, quia vt aliis voluntariis afflictionibus, ita sacris ieiuniis maximè satisfacimus, vt Patres disertè tradiderunt. Tertullianus libro de ieiunio. *Sicut primum, ait, usus cibi perdidit, ita ieiunium Deo satisfaciat, atque salutem amulo modo reaccendat inedia*. BASILIUS homilia prima de ieiunio. *Per ieiunium satisfacito Deo*. Sanctus Epiphanius in compendiarie doctrina. *Ieiunamus quarta & pro sabbatho vt pro peccatis nostris ieiunia nobis apud Deum supputentur*. Sanctus Bernardus in Cantica. *Ego interdum abstineo, sed abstinentia mea est satisfactio pro peccatis, non superstitio pro pietate*. Neque hæc satisfactio, vt hæretici nugantur, imminuit satisfactionis Christi efficaciam, sed auget potius, quia omnem vim suam nostra satisfactio accipit ab illa Christi. Vnde Basilius & Chrysostomus hanc phrasin vsurpant. *Ieiunemus vt passionis Christi participemus*.

5. Valet ad promerendam vitam æternam. *A diebus enim Ioannis baptista ieiunatoris*, ait D. Hier. *regnum cælorum vim patitur & violenti rapiunt illud*. Christus Dominus certe apud Matthæum exclusa gloria vana in abscondito ieiunanti cælestem promittit mercedem. *Et Pater tuus, ait, qui videt in abscondito, reddet tibi*. Atque Apostolus in priore ad Corin. ep. in eo castigantes corpus ieiuniis cōfert cū pugilib. in agone contēdentib. q. sicut hi ab omnib. abstinent, vt corruptibile coronā accipiant, ita illi à cibis ieiunant vt coronam consequantur incorruptā. Vnde S. Amb. ad Ecclesiā Vercellenſē. *Qui sunt hi preceptores noui* (Iou-

(Iouinianistæ) qui meritum excludunt ieiunij? nonne gentiliū vox ista est dicentium, manducemus & bibamus? S. Basilus de ieiunio. *Ieiunium ad B. hom. 1.*
venturi seculi mala fugienda, & assequenda bona utile est. S. Hieron. in altero contra Iouinianum libro id præcipue contendit, nempe meritum esse ieiunium. S. Augustinus sermone 62. *ieiunium remedium est aut primum; hoc est, aut indulgentiam peccatorum, aut premium regni celestis acquirit.* Et libro de Ecclesiasticis dogmatibus. *Pro amore castigandi A. c. 62.*
corporis abstinentibus à vino, vel carnibus nihil credere meriti accrescere, non hoc Christiani, sed Iouiniani est.

6. Valet etiam ad impetranda & promerenda bona temporalia, ut exempla complura S. Scripturæ demonstrant. In Exodo, inquit Exo. 17. D. Hieron. libro notato, *aduersus Amalech oratione Moysi & totius populi usq; ad vesperam ieiuni dimicatum est. Iesus filius Naue stationem imperavit Josio. Soli & Luna, & in ediam plusquam unius diei victorū exercitus protelauit. Congregatum Samuel populum in Masphat indicto ieiunio roborauit, & hostibus fecit fortiolem. Affriorum impetum & potentiam Sennacherib Ezechie 2. Par. 32.*
Regis saccus & ieiunium prostravit. Anna uxor Helchane inanem cibo ventrem ieiunio meruit implere. Daniel, qui trium hebdomadarum ieiunio Dan. 10.
Domino miserabilis apparuerat, post ieiunium in lacu fuit horribilis, Iudith atq; Hester ieiunii beneficio patriam tyrannide & excidio liberarunt. Anachoretæ olim seueritate ieiunii longissimè vitam produxerunt. Excipite male ualentes, inquit S. Basilus, sanitatis maiorem. Hippocrates
Qui bona estis valetudine excipite bona habitudinis custodem. Interroga medicos, ac dicent tibi, nihil est periculosius habitudine corporis extremè bona: eorum, qui peritissimi sunt artis per ieiunium detrahunt redundantia, ne vis natura pondere corpulentia fracta succumbat. Galenus.

7. Valet ad frangendam dæmonum potestatem. Sara siquidem ut est in libro Tobie, à dæmonio per ieiunium liberata est. Et Christus ipse contra dæmonis tentationes pugnaturus longo se ieiunio ut loquitur Ambrosius, armavit. Deinde aperte docuit acriora quædam dæmonia non superari nisi ieiunio & oratione. Vide, ait Augustinus in sermone quodam, *quanta sit ieiuniorum virtus, ut id facere ieiunia valeant, quod Apostoli nequiverunt.* S. Athanasius libro de Virginitate. *Vides quid faciat ieiunium? morbos sanat, distillationes exsiccat, demones fugat, prauas cogitationes expellit, cor mundum efficit.* Et infra. *Quisquis ab immundo spiritu uexatur, certum habere debet hoc pharmaco, ieiunio inquam statim spiritus malos afflictos abscedere vim ieiunii metuentes.* S. Hieron. in Iouinianum. *Quam pulchra res quæ placat Deum, leones mitigat, demones terret?* H. lib. 2.

Num. 6. 2.

Amos. 2. 12.

Luc. 2. 37.

Rom. 12. 1.

C. collat. 21.
G hom. 16 in
Euang.

1. Tim. 4. 8.

8. Valet denique etiam ad colendum Deum legimus enim in veteri testamento Nazaræos voti religione obstrictos fuisse, ut abstinentia Deum colerent. *Vir*, inquit Dominus ad Moysen, *sive mulier cum fecerint votum ut sanctificentur, & se voluerint Domino consecrare, à vino, & omni quod inebriare potest abstineant.* Vnde & alibi grauius irascitur Deus filiis Israhel, qui vinū illis propinarāt. Deinde in noui testamenti primordiis apud B. Lucam, laudatur Anna prophetissa filia Phanuel, quod nocte ac die annis multis fuerit seruiens Deo in ieiuniis & obsecrationibus, ubi vox est λατρεύσα, quæ significat religiosum cultum. Ad hæc Apostolus ad Romanos *Obsecro vos per misericordiam Dei, ut exhibeatis corpora vestra hostiam viuētem, sanctam, Deo placentem, rationabile obsequium vestrum.* quæ sententia de refrenatione carnalium cupiditatum ab omnibus exponitur. at ea maximè fit per ieiunia. Ea de causa prisci Patres ieiunio etiam appellationem sacrificii, oblationis & cultus tribuerunt. TERTVL. de resurrectione carnis. *Sacrificia* inquit, *Deo grata dico ieiunia, seras & aridas escas.* Concilium Nicenum 1. canone 5. agens de Quadragesima. *Vt mundum, ait, & solenne Deo ieiunium possit offerri.* Et Beatus Leo, sermone 2. de ieiunio decimi mensis. *Pro consummata perceptione omnium fructuum dignissimè largitori eorum Deo continentia libamen offertur.* Cassianus quoque & Gregorius Magnus scribunt nos per ieiunium Quadragesimæ Deo offerre *quasi decimas & primitias vite nostræ.* Demum Sancti Augustini sermone 230. de Tempore hæc verba sunt. *Aduersus demonum nequitiam, quæ nobis Dominus arma ostendit debemus utique retinere.* Hoc ait, genus non eiicitur nisi in oratione & ieiunio. Hæc cum plena fide exercentur pietas est: pietas autem ad omnia utilis est professionem habens vite presentis & futura.

CAPVT VI.

De Proprietatibus quibusdam Ieiunij.

T. lib. de ieiun.

Dan. 10. 3.

Matt. 3. 4.

H. 2. contra Iovin.

PRIMA Proprietas est, ut cum eo delectus ciborum, ut abstinentia à carnibus seruetur, qui à Tertulliano appellatur *portionale ieiunium.* Pro quo multa suppetunt nobis exempla. Et principio quidem ex veteri testamento exemplum Danielis, qui ita de se loquitur. *In diebus illis ego Daniellugebam trium hebdomadarum diebus. panem desiderabilem non comedi, & caro & vinum non introierunt in os meum.* Ex nouo vero S. Ioan. Baptista qui locustis & syluestri melle inquit Hier. vescitur, non carni-

carnibus, habitatioq; deserti, & incunabula monachorum talibus inchoantur alimentis. Ioannes praeursor Domini, ait, Augustinus, locustis in eremo & agresti melle nutritur, non animalium carnibus, non volucrum suauitatibus pascitur. S. Petrus Apostolorum princeps, teste Greg. Nazianzeno in oratione de pauperum amore, fere semper ieiunauit, solis lupinis vescens minuto asse comparatis. S. Matthaeus apostolus, auctore Clemente Alexandrino, tantum holeribus vitam tolerauit, perpetuo abstiniens à carnibus. Iacobum fratrem Domini carnes non comedis. se testatur apud Eusebium libro 2. historiae Ecclesiasticae Hegeſippus. Idem ex Philone refert primos Christianos Alexandriae à S. Marco Euangelista institutos à carnibus & vino abstinuisse. quod idem commemorat S. Hieronymus in libro de viris illustribus in Philone. S. Epiphanius in Compendiaria doctrina testatur multos fuisse qui sponte à carnibus abstinerent per totum annum. Cyrillus Hierosolymitanus catechesi quarta dicit Christianos ieiunantes abstinerere à carnibus. Quod per Quadragesimale ieiunium continuerint se à carnibus docent plurimi, vt S. Basilius homilia prima de ieiunio. Theophylus Alexandrinus libro tertio Paschali. Chrysostomus homilia sexta in Genesin, & Augustinus libro 30. contra Faustum capite quinto. S. Hieronymus vero contra Iouinianum libro secundo fusè probat bonam esse abstinentiam à carnibus & vino: & in epistola ad Eustochium de custodia Virginitatis, apud multos anachoretas perpetua fuisse ieiunia, & à carne ac vino abstinentiam. Quod idem docet S. Augustin. libro primo de moribus Ecclesiae, cap. 31. & 33. & Chrysost. homilia 59. ad populum. In homilia uero sexta hanc laudem tribuit Antiochenis, quod maluerint quiduis pati, quam tempore Quadragesimae, vetita, hoc est, carnes, vel originem à carne habentia, (vt oua, caseum, lac,) tangere nutrimenta. Quam laudem Nicephorus libro 17. historiae suae c. 32. quoq; tribuit Constantinopolitanis: nam in magna annonae caritate cum Iustinianus Imperator illis potestatem fecisset per Quadragesimam carnes emendi & vendendi, ea uti noluerunt. Plura exempla huius delectus habes in Vitis Sanctorum.

II. Proprietas, ut cum ieiunio & delectu à cibis semper iungatur abstinentia à vitiis; hoc enim S. Patres uocant verum ieiunium; eo quod ieiunium à cibis, cum sit res per se adiaphora id est nec bona, ne mala, inde habeat vt sit salutaris animae. Ita S. Basilius homilia 2. de ieiunio *Vt laudem, inquit, promereatur ieiunium, non est per se satis temperare à cibis, sed ieiunium ieiunemus acceptabile, Deo gratum. Verum ieiunium est à vitiis immunem esse, continentia lingua, ira cohibitio, concupiscentia amputatio, obrectationis, mendacii, periurii. Ab his abstinerere verum est ieiunium.*

A. ser. 65. de.
temp.

Cl. l. 2. ped. c. 2.

E. c. 22. & c. 27.

S. Ep. in fine Pa-
narii.

S. Ambrosius sermone 33. *Hec voluntas est Domini ut ieiunemus à cibis pariter & à peccatis. Abstinentiam indicamus corpori, ut à vitis magis animam abstinere possimus. Frenum enim quoddam est luxuriantis anima corpus exhaustum. Quisquis enim ieiunat & peccat, lucrum escharum fecisse videtur, non salutis, & parcendo copiis replese cellarium, non mentem saginasse virtutibus.* S. Chrysostomus homilia 47. in Matthæum. *Hæc dixi, non quia ieiunium mihi non placeat, quod magnis soleo efferre laudibus, sed quia doleo, si ceteris neglectis satis ad salutem vobis ieiunium existimetis quod in choro virtutum ultimum certè sortitur locum. Præcipua namque virtutes sunt, charitas, humilitas, misericordia. Et homilia 8. in Genesim. Lasctias carnis refrenemus, & verum probemus ieiunium: ieiunium autem dico abstinentiam à vitis. Etenim abstinentia à cibis propterea recepta est, ut rigorem carnis refrenet, & equum moderanti facile parere faciat. Ieiunantem ante omnia oportet iram refrenare, mansuetudinem addiscere, habere cor contritum, ante oculos continuo proponere oculum aeterni iudicis, liberalem esse in danda eleemosyna, nullum malum aduersus proximum in cor admittere. Hoc verum ieiunium est, sicut & Isaias ex persona Dei loquens dicit. Non hoc ieiunium elegi, dicit Dominus, ut torqueas quasi circulum cervicem tuam, &c.* Et Hieronymus ad Celantiam. *Quid enim prodest tenuari abstinentia corpus, si animus intumescat superbia? quam laudem merebitur de pallore ieiunii, si invidia lividissimus? Tunc, inquam, præclara est abstinentia, tunc pulchra atque magnifica castigatio corporis, cum est animus ieiunans à vitis. Imò qui probabiliter ac scienter abstinentia virtutem tenent, eo affligunt carnem suam, quo anima frangant superbiam.*

Ira. 8. 5.

H. ep. 14.

Tob. 12. 8.

Matt. 6.

Matt. 17. 21.

Act. 10. 4.

III. Proprietas est, quod ex omnibus virtutibus duas præcipuè comites sibi asciscat, Orationem & Eleemosynam, uti indicavit Raphael angelus, cum diceret ad Tobiam. *Bona est oratio cum ieiunio & eleemosyna magis, quam thesauros auri recondere.* Et Christus Dominus apud Matthæum, docens quemadmodum iustitiæ opera recte exerceantur ad obtinendam mercedem æternam, harum virtutum opera tantum attigit. Et rursum docuit demones quosdam non expugnari nisi oratione & ieiunio. In Actis verò Apostolorum, narrante Luca ad Cornelium Centurionem angelus dicit. *Orationes tue, & eleemosynæ tuæ ascenderunt in memoriam in conspectu Dei.* Vnde S. Bernardus sermone quarto de ieiunio. *Vide quemadmodum sibi inuicem ieiunium & oratio sociantur. Oratio virtutem impetrat ieiunandi, & ieiunium gratiam promeretur orandi. Ieiunium orationem roborat, oratio sanctificat ieiunium & Domino repræsentat. Sint ieiunio nostro ut facile celos penetret ala duæ, orationis sc. atque iustitiæ.* Et S. Augustinus sermone 230. de tempore. *Oratio refectio est ieiuniorum, aduocat gratiam Spiritus sancti. Oratio duritiam cordis*

mollit

mollit, austeritatem temperat, ieiunium dulcificat. Sicut enim sine potu non est plena refectio, sic & ieiunium sine oratione non potest animam perfecte nutrire. De Eleemolyna verò sic S. Ambrosius. Illud etiam ad perfectionem ieiunij tacendum non est, ut qui abstinemus & minimè prandemus, hoc tempore prandia nostra pauperibus praeogemus. Hac enim est vera iustitia, si te esuriante de cibo tuo alius satietur, & tu praedictis tuis ieiuniis dominum roges, & ille pro te satiat exoret. Et S. Leo de ieiunio Pentecostes. Tunc demum ad animae curationem proficit medicina ieiunii, cum abstinence ieiunantis esuriem reficit indigentis. Quia ergo scimus apud misericordem Deum ieiuniis praeexcellere eleemosynae largitatem, discente ipso Domino, Date eleemosynam, & omnia mandata sunt vobis, si animas nostras à peccatorum sordibus cupimus emundari, eleemosynam pauperibus non negemus.

A. serm. 33.

L. serm. 5.

Luc. 11.

IV. Proprietas ieiunii est ut sit moderatum. Iubet enim Deus in Scripturis, ne declinemus ad dextram uel ad sinistram, & Apostolus monet ut rationabile sit obsequium nostrum. Unde S. Basilius in libro de Vera Virginitate. Sicut in gula intemperantiam declinare graue ac periculosum est, ita per nimiam abstinence corpus atterere, & inutile reddere omnino profectus ratione caret. Neque enim abstinere à voluptatibus gulae per se expetendum est, sed quia ad virtutis acquisitionem confert. Quod si illud, cuius gratia ciborum abstinence eligimus per immoderatam negligamus in ediam, contra atque institutum agimus. Nam fracto contritoque instrumento, neque Deo inhaerere perlectionis & orationis studium possumus, neque ad fratrum beneficentiam humanitatis officium obire. Igitur & corporis cura necessario habenda est, non ipsius gratia sed ut seruitio illius ad philosophiae studia uti possimus. S. Hieron. ad Nepotianum, de uita clericorum. Tantum tibi modum ieiuniorum impone, quantum ferre potes. Sint tibi pura, casta, simplicia, moderata & non superstitiosa ieiunia. Quid prodest oleo non vesci, & molestias quasdam difficultatesque ciborum querere, carycas, piper, nuges, palmarum fructus, similan, mel, pistacia? Tota hortorum cultura vexatur, ut cibario non vescamur pane, & dum delicias sectamur à regno calorum retrahimur. Fortissimum ieiunium est aqua & panis. Sed quia gloriam non habet, & omnes pane & aqua viuimus, quasi publicum & commune, ieiunium non putatur. Et ad Rusticum monachum, de viuendi forma. Ieiunia moderata sint, ne nimia debilitent stomachum, & maiorem refectioem poscentia erumpant in cruditatem, quae parens libidinum est. Modicus ac temperatus cibus & carni & animae utilis est.

Deut. 5. 32.

Rom. 12. 1.

Basili.

H. ep. 2.

H. ep. 4.

C A P V T VII.

De necessitate uel praecepto ieiunij.

Leui. 16. 31.

Ioel. 2. 12.

L. serm. 4.

Zach. 8. 19.

Esth. 4. 16.

Ion. 3. 7.

Gen. 3.

Hier. l. 2. in Io-
uin.

2. Mach. 6. 7.

A. ep. 86.

A. c. 2. & ep.
118.

IN ueteri imprimis lege certis temporibus indictum fuisse ieiunium ostendit locus in Leuitico, ubi Dominus praecipit ut septimo mense decima mensis omnis populus ieiunet usque ad vesperam, & qui non afflixerit animam suam moriatur, & exterminetur de populo suo. Et apud Ioel idem clamat *Conuertimini ad me in toto corde vestro in ieiunio, in fletu, & in planctu.* quæ lex, ut est moralis, non magis ad Iudeos, teste B. Leone de ieiunio decimi mensis, pertinet, quam ad Christianos. Et Zacharias. *Hec dicit Dominus exercituum. Ieiunium quarti, & ieiunium quinti, & ieiunium septimi, & ieiunium decimi erit domui Iude in gaudium & in solennitates praeclaras.* Esther sibi omniaque filiis Israel triduanam abstinentiam imperauit. Rex quoque Ninuitarum praedicatione Ionæ permotus, non hominibus tantum, sed etiam bestiis inediam indixit. De delectu ciborum si agatur, primum Adamo protoplasto lege diuina vetitum fuit ne uesceretur in paradiso fructibus arboris scientiae boni & mali. Post diluuium usque ad legis Mosaeica tempora, carnem cum sanguine comedere nefas fuit. Sub lege Mosaeica quam multiplex in cibis delectus imperatus fuerit in Leuitico non est probare. Machabæi sane, qui veteris testamenti difficile claudunt historiam, pane soli in Ecclesia Catholica nominatim ex veteri lege celebrantur anniuersario cultu, quod mori maluerint, quam vel per simulationem carnes lege vetitas comedere.

IN noua autem lege, etiam si expressum non sit, quo tempore, quoque ciborum discrimine ieiunandum sit, tamen praeceptum esse ieiunium dubitare non possumus. Ego, inquit S. Augustinus ad Calulanum, *in Euangelicis & Apostolicis litteris, totoque instrumento, quod appellatur testamentum nouum, animo id reuoluens, video praeceptum esse ieiunium: quibus autem diebus non oporteat ieiunare, & quibus oporteat, praecepto Domini vel Apostolorum non inuenio definitum.* Examinandum ergo erit an de certis diebus ieiunii aliquid ex traditione Apostolica, consuetudine uniuersae Ecclesiae, vel lege Ecclesiastica statui queat.

Quarum autoritas quanta sit ex his S. Augustini & Hieron regulis liquere potest. August. regula talis est in libro 4. de baptismo contra Donatistas. *Quod uniuersa tenet Ecclesia, nec Conciliis institutum, sed semper retentum est, non nisi auctoritate Apostolica traditum rectissime credi-*

creditur. Idem repetit S. Leo de ieiunio Pentecostes. Hieronym. ^{L. serm. 2.} ^{H. ep. 18.} ^{ve-}
ro regula est in epistola ad Lucinium Baticum. Ego, inquit, *illud te*
breuiter admonendum puto, traditiones, Ecclesiasticas, praesertim quae fidei non
officiunt, ita obseruandas, ut à maioribus tradita sunt, nec aliorum consue-
tudinè aliorum contrario more subuerti. Et infra. *Unaquaque prouincia abun-*
det in suo sensu, & praecepta maiorum leges Apostolicas arbitretur. Nunc
breuiter aliquid dicamus de singulis ieiuniis in Ecclesia haecenus
receptis, & primo de Quadragesimali.

De Ieiunio Quadragesimali.

Ex ieiuniis Apostolica Traditione ad nos manantibus me-
rito primum locum tenet Quadragesimale ante Pascha, quia vni-
uersa tenet & haecenus tenuit Ecclesia Catholica Romana, illudq; a-
postolicae esse traditionis S. Patres aperte agnouerunt, ut Hierony-
mus ad Marcellam ita scribens. *Nos unam Quadragesimam secundum*
traditionem Apostolorum toto anno tempore nobis congruo, ieiunamus. Et B. ^{H. ep. 14. & in e.} ^{9. Matt.}
Leo sermone de Quadragesima. *Quod ergo dilectissimi in omni tempore*
unumquemque conuenit facere (Christianum, id nunc sollicitius & deuotius
exequendum, ut Apostolica constitutio quadraginta dierum ieiuniis imple-
atur, non ciborum parcitate tantummodo, sed potione maximè vinorum. Im-
mò S. Ambrosius non semel notauit Quadragesimale ieiunium ab i-
pso Salvatore esse praeceptum, ac idcirco necessario seruandum. Et ^{A. ser. 34. 35. 38.}
S. Augustinus alicubi ait, *Præcipitur nobis & ex lege & prophetis & ex ipso*
Euangelio quod testimonium habet à lege & prophetis. ^{Aug. in ps. 110.}

Vtut sit, siue Apostolica tantum traditione, siue etiam lege di-
uina sit praeceptum, hoc nobis commendatior esse debet eius obser-
uatio, quod Christus Dominus eam ieiunauit. S. Ignatius siquidem
in epistola ad Philipenses monuit ideo Quadragesimam non esse
contemnendam, quod *contineat diuinae conuersationis imitationem.* San-
ctus Bernardus agens de eadem. *Tanto, ait, deuotius nobis imitandum*
est Christi ieiunantis exemplum, quanto certius est propter nos eum ieiunasse, non
propter seipsum. Et Sanctus Ambrosius ad Vercellensem Ecclesiam.
quia isti ieiunandum negant, qua causa Christus ieiunauerit astruant, nisi ut
nobis exemplo esset eius ieiunium? Et alibi *Ille qui peccatum non habebat; Qua-*
dragesimam ieiunauit, tu non vis Quadragesimam ieiunare qui peccas? Neq;
ut Christum imitemur opus est ab omni omnino cibo totos 40 di-
es abstinere (licet quidam id fecerint) ut notauit Gregorius Nazi-
anzenus oratione in S. Baptisma, sed pro modulo nostro, quantum
vires ferunt, uti etiam monuit Sanctus Augustinus in sermonibus de

A. ser. 147.
& serm. 69.

tempore. *Quanto enim, ait idem, plures dies sunt ieiunii, tanto maior est causa remedii. Quanto prolixior abstinentia cursus, tanto redemptio copiosior est salutis. Quanto austerior cura vulnerum tanto medicina est salubrior peccatorum.*

De Ieiunio 4. Temporum.

L. fr. 9.

● c. 19.

L. ser. 2. §. 8. de
ieiun. 10. mens.

I E I V N I V M sequitur 4. Temporum Quadragesimali auctoritate & necessitate proximum, quia iuxta regulam Augustini est Apostolica traditionis, ac pro tali illud veneratur Beatus Leo in sermonibus suis, ut in secundo de ieiunio Pentecostes, & sermone 8. de ieiunio septimi mensis, & sermone 7. de ieiunio mensis decimi. Ex causis institutionis huius ieiunii, Una est, ut sicut annus per quatuor voluitur tempora, ita hoc genere poenitentiae quasi decimas quadruplices Deo offerremus. *Ideo continentia observantia* ait Leo de ieiunio decimi mensis, *quatuor est assignata temporibus, ut in idipsum totius anni redeunte decursu, cognosceremus nos indefinenter purificationibus indigere, semper esse nitendum, dum huius vitae varietate iactamur, ut peccatum quod fragilitate carnis & cupiditatum pollutione contrahitur, ieiuniis atque elemosynis deleatur.* Altera est, quod sacrae ordinationes in Ecclesia secundum decreta Gelasii Papae epistola prima his 4. temporibus perficerentur, ut quae orationis publicorumque ieiuniorum praesidio maxime indigerent. Tertia, ut iisdem temporibus, quibus fere fructus terrae vel feruntur, vel crescunt, vel inuehuntur, salubritas aeris à Deo impetraretur, & pro felici rerum temporalium proventu, quod plenum est iustitiae & pietatis, ut loquitur Sanctus Leo, gratiae agerentur. Tres autem dies, qui tribus mensibus respondent commoditatis gratia in unum mensem coniecti sunt, ut idem Leo docet sermone 9. de ieiunio 7. mensis, & sermone 8. decimi, & alii.

De ieiunio Vigiliarum.

P O S T R E M V M locum inter ieiunia toto orbe celebrata ob-
rinet ieiunium Vigiliarum, ita appellatum quod pridie magnorum
Festorum ieiunio Vigiliae nocturnae adiungi solerent. de quo ita S.
Bernardus in Vigilia Sancti Andreae Apostoli. *Sanctorum*, inquit, *festa*
praecipua sanxit auctoritas votivis praeventiendae ieiuniis, utiliter plane, &
non ad inconsiderantiam nobis, si adfuerit, qui advertat: multa siquidem quotidie
peccata contrahimus, & in multis offendimus omnes, nec tutum est omnino ce-
lebrari.

lebrandas suscipere festiuitates sacras, maximeque, eas, quæ maxima sunt, nisi prius abstinentia purificatione præmissa, quo & digniores & capaciores inueniamur spiritualium gaudiorum. Quibus autem Vigiliis ieiunandum sit, tum ex decretis Ecclesiasticis, tum ex more regionum & consuetudine populorum æstimandum est. Nec enim vt sapienter monuit D. AUGUSTINVS Ianuarium, disciplina ulla est in his melior graui ^{A. ep. 118. c. 2.} prudentique Christiano, quam vt eo modo agat, quo agere viderit Ecclesiam, ad quamcunque forte deuenit. Quæ regula etiam seruanda est in delectu ciborum, tum in Quadragesima & quatuor Temporibus ac vigiliis, tum feria sexta & Sabbatho cuiusque hebdomadæ vsurpari solito.

CAPVT VIII.

Quantum de seueritate ieiuniorum Ecclesiasticorum nunc sit detractum.

QVONIAM sunt quidam, non modo hæretici, sed etiam semicatholici, qui conquerantur Christianam religionem videri plus æquo oneratam ieiuniorum & delectus legibus, operæ pretium facturi videmur, si hic ob oculos ponamus, quantum de seueritate ieiuniorum veterum in Ecclesia quondam vsitatorum hætenus detractum sit, atq; ita promptiores reddamur ad ieiunandum.

I. Detractio. Maiores nostri feria quarta, sexta, & in Occidente etiam Sabbatho non solum carnibus abstinebant, sed etiam ieiunabant: nos sublata feria quarta, cuius uestigia adhuc hærent in monasteriis, & in Polonia, delectum tantum ciborum feria 4. & Sabbatho retinuimus. Nam S. Ignatius ad Philippenses ita scribit. *Quarta & sexta feria ieiunate, reliquias pauperibus porrigentes.* Et Origenes in Le. Or. hom. 13. uiticum. *Habemus quartam & sextam septimanæ diem, quibus sollemniter ieiunamus.* Et Epiphanius in Panario. *A quo non est assensum in omnibus orbis terrarum regionibus quod quarta & prosabbatho ieiunium est in Ecclesia decretum?* Et Canon est Apostolicus apud Clementem Romanum. *Post hebdomadam ieiunij in omni quarta feria & Parasceue præcipimus vobis vt ieiunetis.* ^{E. hæc. 75.} ^{Cl. 5. constit. cult.}

2. Detractio. Illi ieiuniis sæpissimè coniungebant Vigilias, hoc est nocturnos ad precandum Deum agebant conuentus, quod primis Christianis apud Eusebium lib. 2. historię Ecclesiasticę attribuit Philo ludæus. Nos vnā & alteram tantum Vigiliam, Natiuitatis ^{E. c. 17.}

C. hom. 26.

Domini ac Paschæ necdum integras retinuimus. Has vigilias valde laudarunt S. Patres, vt S. Chrysost. in Acta Apostolorum. *Ecclesia Dei, inquit, medijs surgit noctibus, surge & tu, & vide astrorum choream, profundum silentium, magnam quietem obstupece Dei tui miram dispensationem. Prior tunc est anima, leuior subtiliorq; tunc est, sublimia videt, ac expedita est.* S. Leo certe aliquot sermones in 4. Temporum ieiuniis habitos concludit hac loquendi formula. *Quarta igitur & sexta feria ieiunemus, Sabbatho autem apud beatissimum Petrum Apostolum pariter vigilias celebremus.*

T. de ieiunio.

C. c. 23.

P. ep. 6.

R. c. 49.

3. Detractio. Illi ad horam nonam, quæ nobis est tertia pomeridiana ieiunia relaxabant: per sacram verò hebdomadam Paschæ totamq; Quadragesimam etiam usq; ad uesperam ieiunia extrahebant, itaq; cænobant tantum non prandebant. Nos autem relaxamus hora undecima vel duodecima, & prandemus. Sic Tertullianus testatur Psychicos, id est, Catholicos solitos protrahere ieiunia ad horam nonam. Et Athanasius libro de Virginitate. *Post communionem, inquit, hora nona comede panem tuum gratias agens Deo super mensam tuam.* Epiphanius in fine Panarii. *Quarta & post sabbatho ieiunium statutum est usq; ad horam nonam.* Cassianus collatione 21. ait horam capiendi cibi tempore ieiunii esse horam nonam. De Quadragesima S. Basilius homilia 1. de ieiunio. *Expectas uesperam ut cibum capias.* Paulinus ad Amandum. *Quotidiana ieiunia non refugit & pauperem mensam uespertinus conuiuium non horruit.* Et Chrysost. homilia in Genesin quarta agens de Quadragesima. *Non existimemus, ait, in mediam usq; ad uesperam ad salutem nobis sufficere.* S. Benedictus in regula. *Quarta & sexta feria ieiunent usq; ad nonam.* Et infra. *Ab initio Quadragesime usq; ad Pascha ad uesperam reficiantur.* Immò & S. Bernardus sermone 3. de Quadragesima. *Hactenus usq; ad nonam ieiunauimus soli, nunc usq; ad uesperam ieiunabunt nobiscum uniuersi reges & principes, clerus & populus, nobiles & ignobiles, simul in unum diues & pauper.*

C. 129. 147 a. 6.
N. c. 21. n. 14.

4. Illi unam tantum refectionem, eamq; pertenuem ieiunantibus indulgebant, nunc pleno prandio uespertina accessit refectione uel Collatio, quam Ecclesiæ maiores, doctissimiq; Theologi & Iuriconsulti nec reprehendunt, nec damnant. vt Cardinalis Caietanus in commentariis ad D. Thomam. Nauarrus in Manuali. Panormitanus & Innocentius in rubrica de obseruatione ieiuniorum. Quæ uti inducta uidetur, ne noceat potus, ita debet esse tenuissima, ne si in cænam degeneret omnis tandè ieiunii seueritas relicto solo delectu, è medio

medio tollatur. Apud veteres enim nulla prorsus binæ refectionis esurialibus diebus mentio.

5. Illi, quod ad delectum attinet, non abstinebant solum à carnis, ouis, cateo, sed etiam piscibus, aromatibus, fructibus quibusdam terræ, vino, mulso, omniq; potu, qui inebriare posset, contenti holeribus, leguminibus, pane, sale & aqua. Nunc uerò ieiuniorum diebus fere solis carnibus abstinemus. In Quadragesima verò, licet non ubique, etiam ouis, cateo & lacticiiniis. De piscibus meminit Chrysost. in homilia ad populum tertia. *Quæ utilitas, inquit, cum auihus quidem & piscibus abstinemus, fratres verò mordeamus & comedamus?* De uino S. Basilii homilia prima de ieiunio. *Carnes non edis? sed comedis fratrem tuum. A vino abstines, sed ab iniuriis tibi non temperas.* De abstinentia etiam à potu aquæ. Nam Ambrosius sermone 39. arguit eos, qui obtendebant se tempore ieiunii sitim ferre non posse, eo quod dies æstiuæ essent longiores & Sol torrentior.

6. Illi, si monachi essent, quos S. Augustinus de moribus Ecclesiæ vocat *perfectos Christianos*, per omnem vitam communiter omnes ieiunabant. Quidam etiam in duos, tres, quatuor dies ieiunia protrahant, solo pane & aqua victitantes. S. Arhanasius scribit S. Antonium eremitam aliquando biduo vel triduo ieiunium mansisse, & quarto die tandem refectionem. S. Hieronymus ait S. Hilarionem, nec diebus festis, licet grauissimè decumbentem, soluissè ieiunium. S. Augustinus verò de quibusdam etiam in urbe degentibus libro ante citato ita scribit. *Ieiunia etiam prorsus incredibilia multos exercere didici, non quotidie semel sub noctem resiciendo corpus, quod est usquequaq; vsitatissimum, sed continuum triduum, vel amplius sapissime sine cibo ac potu ducere. Neq; hoc in viris tantum, sed & in feminis, quibus item multis viduis & virginibus simul habitantibus, & lana ac tela victum queritantibus præsumt singula grauissima probatissimaq; non tantum in instituendis componendisq; moribus, sed etiam instruendis mentibus perita ac parata.*

7. Detractio. Christiani veteres, aut perpaucos, aut nullos à ieiunandi lege, maximè in Quadragesima exemisse videntur, nam S. Basilii. *Omnes, inquit, pariter audiunt edictum (ieiunii Quadragesimæ) & summo gaudio excipiunt. Ne quis igitur semet excludat à numero ieiunantium, in quo omne hominum genus, omnis ætas, omnes dignitatum formæ censentur.* S. Ambrosius inde probat omnibus ieiunandum, quia & pecudes apud Ninivitas pro hominum salute ieiunarint. Et iterum. *Pudet dicere, ait, senes & ancule Quadragesimam faciunt, iuuenes & inuencula non faciunt.*

H. ep. 7.

Conc. c. 9.
A. ferm. 23.

Can. 68.

Cl. c. 19.
C. hom. 10.

L. ferm. 3.

Nunc à Theologis & Iureconsultis multi aut imbecillitatis, aut necessitatis titulo hoc vinculo liberantur. Imbecillitatis quidem, primo pueri & adolescentuli usq; ad annum ætatis 21. eo quod, auctore S. Hieron. ad Latam, ante annos robustæ ætatis periculosa sit gravis abstinencia. Deinde senes septuagenarii vel octogenarii, imò & sexagenarii, quos Concilium Toletanum octauum singulari constitutione exemiit. Et in Augustino auctor sermonum ad fratres in eremo sexagenarios quosdam reprehendit quod nimia inedia corpus diuexarent, Tertio ægri & valetudinarii; de quibus exstat canon Apostolicus. Quarto pauperes & mendici, quibus necessitas quotidiana facit ieiunia. Deniq; omnes qui ieiunare non possunt, vt habet constitutio Apostolorum apud Clementem Romanum libro quinto Constitutionum, & S. Patres docuerunt, vt S. Chrysost. in Genes. *Si ob corporis imbecillitatem, inquit, non potes ieiunus diem producere, nullus qui sapit propter hoc te arguere poterit. Dominum enim habemus mansuetum & misericordem, & nihil supra vires nostras à nobis exigentem.* & S. Leo de ieiunio 7. mensis. *Nihil à quoquam arduum, nihil asperum queritur, nec nobis aliquid, quod vires nostras excedat indicitur, siue in abstinentia castigatione, siue in eleemosynæ largitione.*

Necessitatis verò titulo multi alii eximuntur lege ieiunii, non tamen delectus, vt fabri ferrarii, murarii & lignarii, aurigæ, agricolæ, viatores iter facientes pedibus, & quotquot grauib; laboribus corpora fatigant. Adhæc qui exercent se operibus misericordiæ, vel corporalibus vel spiritualibus proximo exhibendis, si ieiuni hæc pietatis officia commodè præstare non possint.

Atq; hæc omnia sufficiant loco vnius MEDII, quo incitemur ad libenter ieiunandum: plura Media offendes titulo Temperantiæ, & in PANARIO V. Immortificatio passionum, Gula, & Voluptas carnis.

INTEN-



INTENTIO RECTA.

CAPUT I.

Quid sit intentio recta, & quibus uocibus in Scriptura diuina appelletur.

IN T E N T I O, inquit S. Augustinus in altero libro de ser- Aug. c. 21.
mone Domini in monte, est, *qua facimus, quicquid facimus,*
qua si munda fuerit & recta, & illud aspiciens, quod aspiciendum
est, omnia opera nostra, quae secundum eam operamur, necesse est bo-
na sint. Ea in diuinis litteris duabus fere metaphoris describitur, Pri-
or est recti uel mundi cordis. de qua Psaltes regius. *Iussu*, inquit, *adiu-* Psal. 7. 11.
torum meum à Domino, qui saluos facit rectos corde. Et. *Quam bonus Israhel* Psal. 72. 1.
Deus his qui recto sunt corde. Et Christus Dominus. *Beati mundo corde* Matt. 5. 8.
quoniam ipsi Deum uidebunt. Et Apostolus ad Thessalonicenses. *Dom-* 2. Thess. 3. 5.
nus autem dirigat corda uestra in charitate Dei, & patientia Christi. Et ad
Timotheum. *Finis praecepti est caritas de corde puro & conscientia bona, & fi-* 1. Tim. 1. 5.
de non ficta. Vnde B. Gregorius exponens uerba illa psalmi quinquage- Greg. in 7. psal.
simi. *Cor mundum crea in me Deus, & spiritum rectum innoua in uisceribus* pœnit.
meis.) Vide, ait, ordinem, primo cor mundum, deinde spiritum rectum pro-
pheta à Deo requirit. Prius enim abrenunciandum est tibi omni peccato, &
omnis à corde uitiorum feditas eliminanda, ut omne quod agitur, aut dicitur
eo purum in conspectu Dei ac lucidum appareat, quo ex bona intentionis origine Matt. 12. 35.
quasi de puro quodammodo fonte manat. Scriptum est enim. *Bonus homo de bo-*
no thesauro profert bona, & malus homo de malo thesauro profert mala. Et S. A. c. 20.
Augustinus libro citato. *Saepe, inquit, cognitio necessariorum rerum cor*
duplicat, ut ea quae uidemur cum hominibus recte facere, non eo corde facia-
mus, quo Dominus precipit, non quia eos diligimus, sed quia commodum ab eis
aliquod propter necessitatem praesentis uita adipisci uolumus. Debemus ergo be-
nefacere illis propter salutem ipsorum aeternam, non propter temporale commo- Psal. 118. 36.
dum nostrum. Inclinet ergo Deus cor nostrum in testimonia tua, & non in
emolumentum. Finis enim praecepti est caritas de corde puro, & conscientia 1. Tim. 1. 5.
bona:

Matt. 6. 22.
Luc. 11. 34.

A. l. cit. c. 21.

Rom. 7. 19.

Col. 3. 5.

Greg. c. 13.

bona & fide non ficta. Posterior metaphora est oculi simplicis, quia utus est Christus apud Matthæum, dum ait. *Lucerna corporis tui est oculus tuus. Si oculus tuus fuerit simplex, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit.* Qui locus, inquit Augustinus, sic intelligendus est, ut nouerimus omnia opera nostra tunc esse munda, & placere in conspectu Dei si fiant simplici corde, id est, intentione superna, sine illo charitatis, quia & plenitudo legis charitas. Oculum ergo hic accipere debemus ipsam intentionem, &c. omnia opera verò totum corpus appellauit: quod & Apostolus membra nostra dicit quadam opera, quæ improbat, & mortificanda praecepit dicens. *Mortificate membra uestra, quæ sunt super terram, fornicationem, immunditiam, auaritiam, & cetera talia.* Non ergo quid quisq; faciat, sed quo animo faciat considerandum est. Hoc est enim lumen in nobis, quia hoc manifestum est nobis bono animo nos facere, quod facimus. omne enim quod manifestatur lumen est. Augustinum sequitur B. Gregorius libro 28. moralium, dum ita scribit. *Quid per oculum exprimitur, nisi opus suum praueniens cordis intentio? quæ priusquam se in actione exerceat, hoc iam quod appetit contemplatur. Et quid appellatione corporis designatur, nisi unaquaq; actio, quæ intentionem suam quasi intuentem oculum sequitur? Lucerna itaq; corporis est oculus, quia per bona intentionis radium merita illustrantur actionis. Et si oculus tuus fuerit simplex, totum corpus tuum lucidum erit, quia si recte intendimus per simplicitatem cogitationis bonum opus efficitur, etiam si minus bonum esse videatur. Et si oculus tuus nequam fuerit, totum corpus tuum tenebrosum erit, quia cum peruersa intentione quid vel rectum agitur, etsi splendore coram hominibus cernitur, apud examen tamen interni iudicis obscuratur.* Exemplum huius rei illustre habes apud eundem Gregorium libro primo dialogorum cap. 10. de S. Fortunato Episcopo

Tudertino.

CAPUT II.

*Quid spectandum sit, ut recta vel simplex
dicatur intentio.*

CHRISTVS Saluator tribus primariis bonorum operum exemplis,
nempe eleemosynæ, orationis & ieiunii capite sexto Matthæi
prolixè declarauit, quādo nō teneatur recta intentio in illis, ut si per ea Matt. 6. 1.
aucupemur humanam laudem vel gloriam. *Attendite, inquit, ne ius-*
titiam vestram faciatis coram hominibus ut videamini ab eis, alioquin mer-
cedem non habebitis apud Patrem vestrum qui in cælis est. In capite verò
præcedente, exposuit, quādo teneatur recta intentio, nimirum si fi- Matt. 5. 16.
ant ad gloriam Dei. *Sic luceat, inquit, lux vestra coram hominibus, ut*
videant opera vestra bona, & glorificent patrem vestrum qui in cælis est. Nec 1. Cor. 10. 31.
non Apostolus ad Corinthios. *Siue manducatis, siue bibitis, vel aliud*
quid facitis, omnia in gloriam Dei facite. Et ad Colossenses. *Omne quod* Col. 3. 17.
cunque facitis in verbo, aut in opere, omnia in nomine Domini nostri Iesu Chri-
sti facite. Vnde Augustinus præclarè tractans hoc argumentum in Aug. conc. 12.
commentario psalmi CXVIII. Magni, ait, interest, cum aliquid beni-
facimus, cuius rei contemplatione facimus. Officium quippe nostrum non ini-
tio sed fine pensandum est, ut sc. non tantum si bonum est, sed præcipuè si bonum
est, propter quod facimus, cogitemus. Hos oculos quibus contemplamur, qua-
re faciamus, quid facimus auerti possit (David) ne videant vanitatem, id est,
ne hanc attendat, propter quam faciat, cum boni aliquid facit. In qua vani-
tate præcipuum locum obtinet amor laudis humana, propter quam multa ma-
gna fecerunt, qui magni in hoc seculo nominati sunt, multumque laudati in ci-
uitatibus gentium, querentes non apud Deum, sed apud homines gloriam &
propter hanc velut prudentes, fortiter, temporatè, iustè, viuentes, ad quā per-
uenientes perceperant mercedē suā, vani vanā. Ab hac vanitate volens Domi-
nus auertere oculos suos. Attēdite, inquit, ne iustitiam vestrā faciatis corā Mat. 6. 1.
hominibus, ut videamini ab eis, alioquin mercedem non habebitis, apud pa-
trem vestrū, qui in cælis est. Deinde cum ipsius iustitiæ quasdam partes exequere-
retur, præcipiens de eleemosynis, de orationib., de ieiuniis, ubique admonuit, ne
aliquid eorū propter gloriā hominū fiat, & ubiq. dicit eos, qui propterea faciunt
percepisse mercedem suam, id est, non eternam, quæ sanctis reposita est apud Pa-
trem, sed temporalem quam querunt, qui contemplantur in suis operib. vanita-
tem, non quia ipsa laus humana culpanda sit (nam quid tam optandum est ho-
minib., quam ut eis placeant quæ debeant imitari?) sed propter ipsam laudem

Matt. 5. 16.

A. 13.

Salust. in pro-
logo Catilina.

3. 28. mor. c. 13.

Iob. 38. 6.

1. cor. 3. 11.

bene operari, hoc est, vanitatem in suis operibus intueri: quandoquidem & ipsa ab hominib. laus homini iusto quantacunque prouenerit, non ibi esse debet eius finis boni, sed etiā ipsa referenda est ad laudē Dei, propter quem bona faciūt verē boni, quoniam nec à seipsi, sed ab illo sunt boni. Deniq. in eodem sermone Dominus iam dixerat eis. Luceat lumen vestrum coram hominibus ut videant vestra opera bona, & glorificent patrem vestrum qui in cælis est, ubi finem posuit hoc est, gloriam Dei, &c. Porro si vanum est propter hominum laudes bona facere, quanto vanius propter adipiscendam pecuniam, vel augendam, siue retinendam, & si quid huiusmodi est commodi temporalis, quod nobis accedit extrinsecus. Propter ipsam deniq. temporalem salutem non debemus facere bona opera nostra sed potius propter illā, quam speramus, eternā, ubi bono immutabili fruamur, quod est ipse Deus. Et in li. secundo de morib. Manichæorū ita scribit. Quero à vobis (manichæis abstinentib. à carne & vino) quo fine faciatis. Finis n. quo referūtur ea quæ facimus, id est, propter quæ facimus quicquid facimus, si non solum inculpabilis, sed etiam laudabilis fuerit, tunc etiam facta nostra laude aliqua digna sunt. Sin ille, meritoq. culpatur, quæ spectamus & intuemur, cum in aliquo versamur officio, id quoq. officium nemo improbandum, vituperandūq. dubitauerit. De Catilina memoria proditum est quod frigus, sitim, famem ferre poterat. Hæc erant illi spurco sacrilegoq. etiam, cum Apostolis nostris communia. Vnde ergo discernitur parricida iste ab Apostolis nostris, nisi sine illo quem diuersissimum sequebatur? Namq. ille ista tolerabat, ut immoderatissimas & immaniissimas expleret cupiditates; illi e contra ut eas premerent & dominantī rationi seruire cogerent. Eodem vergunt, quæ loco supra allegato tradit. S. Gre. Vigilanti, inquit, cura per cuncta opera intentio nobis nostra pensanda est ut nil tēporale in his, quæ agit, appetat, & totam se in soliditate eternitatis figat: ne si extra fundamentū actionis nostræ fabrica ponitur, terra dehiscente solvatur. Vnde hic quoque aptè subiungitur. (Super quo bases illius solidata sunt. Bases quippe vniuscuiusq. sunt anima, intentiones sue. Nam sicut fabrica columnis, columnæ autem basibus innitantur, ita vita nostra in virtutibus, virtutes vero in intima intentione subsistūt. Et qd scriptum est. Fundamentum aliud nemo potest ponere, præter id quod positum est, quod est Christus Iesus, tunc bases in fundamento sunt, cum intentiones nostræ in Christo roborantur. In cassum verò alta super se bases ædificia erigunt, si nō ipse in fundamento solidatæ consistunt, quæ nimirū quālibet summa opera inaniter faciunt, si intentiones cordium extra eternitatis certitudinem deflectuntur, & vitæ veræ præmia non requirunt: tantoque graviora ruina super se damna ædificant, quanto altiora ædificia extra fundamentum portant quæ cū æternæ vitæ præmiis non intendūt, quo plus se quasi in virtutib. erigunt, eo in gloriæ inanis foueam profundius cadunt. Non ergo pensandum est, bases quid sustinent, sed ubi sustinentur quia profecto humana corda diuinitus

p. r. scrv.

perscrutantur non solum quæ faciunt sed quid in operibus querunt. Vnde cum districtam iudicem Paulus describeret, atq. actionum bona narraret, dicens. Qui reddet unicuique secundum opera eius, his quidem secundum patientiam boni operis, gloriam & incorruptionem: quia nominata boni operis patientia quasi totam electæ actionis fabricam dixerat: subtiliter illico, ubi bases eiusdem fabricæ consisterent, exquisiuit, dicens. Gloriam & honorem, & incorruptionem Rom. 2.6. querentibus vitam æternam: ac si aperte diceret, etsi quidam patientiam boni operis ostendit, gloriam & incorruptionem non recipiunt, si intentiones cordis, id est, bases fabricæ in fundamento non figunt, quia videlicet Deus vel honestæ vitæ ædificium non inhabitat.

C A V T III.

Non sufficere intentionem rectam in operibus nostris, nisi ipsa opera vitii expertia sint.

Quemadmodum enim ad perfectionem domus requiritur, non modo ut fundamentum, sed etiam structura eidem imposita omni vitio careat, sic ad actionum nostrarum perfectionem requiritur, non solum ut intentio bona sit, quam S. Gregorius paulo ante vocauit *virtutum basim*, verum etiam ut ipsæ actiones vitii sint expertes, nec pugnent cum diuinis mandatis; ne in eorum numero censeamur, quos fugillat Apostolus dicentes *Faciamus mala ut veniant bona*. Fure Rom. 3.8. mur ut pauperum inopiam subleuemus: quorum damnatio, inquit, iusta est. Quod animaduertens S. BERNARDVS in verba illa Cantico rum *Pulchra sunt genæ tuæ sicut turturis*, sic scripsit. Duo quedam in intentione, quam faciem animæ esse diximus, necessaria requiruntur, res & causa, id est, quid intendas, & propter quid. Et ex his sane duobus animæ vel decor, vel deformitas iudicatur; ut, verbi causa, anima, quæ ista amborecta atq. pudica habuerit, illi merito, veraciterq. dicatur. *Pulchra sunt genæ tuæ sicut turturis*. Quæ vero altero horum caruerit, non poterit dici de ea, quod pulchra sint genæ eius sicut turturis propter eam, quæ adhuc ex parte erit deformitatem. Multo autem minus illi hoc poterit conuenire, quæ neutrum horum habere laudabile inuenitur. At id totum fiet planius, in exemplis. Si verbi causa, intendat quis animum inquirende veritati, atq. id solo veritatis amore, nonne istibi videtur & rem & causam habere honestā, meritog. sibi vendicare quod dicitur. *Pulchra sunt genæ tuæ sicut turturis*, quippe cui in neutra genarū neius reprehensionis appareat. Quod si minime quidem veritatis desiderio, sed aut inanis gloriæ, aut alterius qualiscunq. commodi temporalis obiectu in veritatem intenderit, iam etsi unam genarum videatur habere formosam, non tamen, ut arbitror, dubitabis indicare vel ex parte deformem, cuius alteram

faciem causa turpitudinis fadauerit. Si autem videris hominem nullis honestis studiis intendentem, sed carnis illecebris pretium ventri & Luxuria deditum, quales sunt illi, quorum Deus venter est, & gloria in confusione eorum qui terrena sapiunt, quid istum, nonne ex utraque parte fadissimum iudicabis? in cuius utique intentione & res & causa reproba inuenitur. Ergo intendere non in Deum, sed in seculum, secularis anima est, nec ullam prorsus generum speciosam habentis. Subiicit deinde S. Bernardus, varia genera intentionum, quorum alia aliis sint vitiosiora, alia praestantiora. Intendere autem, inquit, quasi in Deum, sed non propter Deum hypocrite planè anima est, cuius etsi una facies decora videtur, quod ad Deum qualicunque intentione respiciat, ipsa tamen simulatio omne decorum in ea exterminat, & magis per totum ingerit feditatem. Si autem vel solum, vel maxime ob uitae praesentis necessaria ad Deum conuerterit intentionem, non quidem fece hypocrisis putidam, pusillanimitatis tamen vitio dicimus subobscuram, & minus acceptam. Porro è contrario intendere in aliud, quàm in Deum, tamen propter Deum, non otium Maria sed Marthe negotium est. Absit autem, ut qui huiusmodi est, quicquam illam dixerim habere deforme, nec tamè ad perfectum affirmauerim peruenisse decoris, quippe qua adhuc sollicita est, & turbatur erga plurima, & non potest terrenorum actuum vel tenui puluere non respergi, quem tamen cito facileque deterget, vel in hora sanctae dormitionis casta intentio, & bona conscientiae interrogatio in Deum. Ergo solum inquirere Deum propter ipsum solum hoc planè est utramque bipertita intentionis faciem habere pulcherrimam.

C A P V T IV.

Quam salutaris sit frequentatio rectae intentionis in omnibus operibus nostris.

Matt. 10. 41.

Aug. c. 26.
Philip. 4. 27.

SALUTAREM esse rectae intentionis frequentationem in omnibus actionibus nostris, inde liquet quod eas, quantumvis aliquando adia phoras, ut manducandi, bibendi, studendi, reddat non solum Deo gratas, sed etiam vitae aeternae meritorias, quod Christus Dominus non obscure indicauit apud Matthaeum, cum his verbis discipulos suos allocutus est. Qui recipit prophetam in nomine prophetae, mercedem propheta accipiet: & qui recipit iustum in nomine iusti, mercedem iusti accipiet. Et quicumque potum dederit uni ex minimis istis calicem aquae frigidae tantum in nomine discipuli, amen dico vobis non perdet mercedem suam. Quod respiciens S. Augustinus libro 13. Confessionum, dum exponit verba Apostoli. Non quia quero datum, sed requiro fructum abundantem, Didici, inquit,

à te Deus meus inter datum & fructum discernere. Datum est res ipsa quam dat qui petitur hac necessaria, veluti est nummus, cibus, potus, vestimentum, tectum, adiutorium. Fructus autem bona & recta voluntas datoris est. Non enim magister bonus qui suscepit prophetam tantum, sed addidit, in nomine propheta. Neg, ait tantum. Qui suscepit iustum, sed addidit, in nomine iusti. Ita quippe ille mercedem propheta, iste mercedem iusti accipiet. Nec solum ait. Qui calicem aquae frigidae potum dederit uni ex minimis meis, sed addidit, tantum in nomine discipuli, & sic adiunxit, Amen dico vobis, non perdet mercedem suam. Datum est suscipere prophetam, suscipere iustum, porrigere calicem aquae frigidae discipulo. Fructus autem, in nomine propheta, in nomine iusti, in nomine discipuli hoc facere. Clarius Chrysost. in opere imperfecto in Matthæum. Propheta nomine, ait, voluit ostendere omnes predicatores Christi, iusti autem nomine omnem hominem Christianum. Ut ergo habeat bonum opus mercedem duo hæc occurrere debent, ut & Christianum recipient, & quasi Christianum, siue sacerdotem siue laicum. Si autem aliquis Christianum quidem recipit, non autem quasi Christianum, mercedem Christiani non recipit. Quid vero est. Qui recipit prophetam in nomine propheta, mercedem propheta accipit? & qui recipit iustum in nomine iusti, mercedem iusti accipiet? Hoc est, qualem mercedem habet qui peregrinatur (tempore persecutionis propter fidem) talem mercedem habet & ille qui suscipit propter Deum peregrinantem. Et fiunt ambo aequales, & ille qui propter Deum laborat, & iste qui propter Deum laborantem refrigerat. Ipsi autem suscepisti sacerdotem sacerdotis habes mercedem. Suscepisti laicum iustum, iusti laici habes mercedem. Et S. Gregorius in Euangelia. Quid est enim dicere, mercedem propheta accipiet, nisi quia is qui prophetam sua largitate sustentat, quamvis ipse prophetiam non habeat, apud omnipotentem tamen Dominum prophetia premia habebit? Ille enim fortasse iustus est, & quanto in hoc mundo nihil possidet, tanto loquendi pro iustitia fiduciam maiorem habet. Hunc dum ille sustentat, qui in hoc mundo aliquid possidet, & fortasse adhuc pro iustitia loqui libere non presumit, iustitia illius libertatem sibi participem facit, ut cum eo pariter iustitia premia recipiat, quem sustentando adiuvit, quatenus eandem iustitiam libere loqui potuisset. Ille enim prophetia spiritu plenus est, sed tamen corporeo eget alimento. Et si corpus non rescitur, certum est quod vox ipsa subtrahatur. Qui ergo alimentum prophetæ, propter hoc quod prophetæ est tribuit, prophetia illius vires ad loquendum dedit. Cum prophetæ ergo mercedem prophetæ recipiet, qui etsi prophetia spiritu plenus non fuit, hoc tamen ante Dei oculos exhibuit, quod adiuvit. At quæres, quæ nam sit illa tam salutaris intentio, vitæq; æternæ meritoria? Respondeo debere esse vel actualem vel Virtualem, ut Theologi loquuntur, hoc est, ut opus bonum vel tunc cum fit, actu imperetur à caritate, atq; in

Chrys. hom. 26.

Greg. hom. 20.

Bellarmin. de iustif. c. 15.

Deum ut finem supernaturalem & ultimum referatur: vel certe nascatur ab actu imperato à caritate, atq; in Deum ante relato, quod est virtute non actu in Deum referri. Tunc enim dicitur opus aliquod virtute in Deum relatam, cum intentio antegressa verè est causa illius ut fiat. Ut verbi causa, si quis mane in animo proposuerit eo die certam summam pecuniariam in pauperes erogare, & postea data occasione verè erogat is dicitur virtute opus illud referre in Deum, etiam si dum actu erogat nihil de Deo cogitet. Quare si quis generali tantum intentione initio anni mensis, vel diei omnia futura opera ad gloriam Dei offerat, ut quidam laudabiliter faciunt, non ideo dicitur virtuali intentione obtulisse, singulisq; bonis operibus, licet in gratia sit constitutus, vitam æternam promeruisse, ut bene notavit S. Bonaventura. Et si uerò quidam graues Theologi arbitrentur habitualementiam intentionem sufficere, ut singulæ actiones bonæ iusti, & in caritate existentis sint meritoria, id tamen non satis videtur conuenire, tum cū locis S. Patrum iam allegatorum, tum cum Scripturis, nam apud Matthæum Christus disertè ita loquitur. *Si diligitis eos qui vos diligunt: quam mercedem habebitis?* quibus verbis satis indicat, illum actum dilectionis etiam si iniustum cadat, non esse meritorium. Ut ut sit, certum est actualem intentionem præstabiliorem esse virtuali, & virtualem habituali, eoq; plus nos mereri apud Deum, quo crebrius actualem intentionem in actionibus quotidianis, maximè cum sunt diuturnæ, renouamus: sic n. propius satisfacimus Apostolico monito, ut siue manducamus, siue bibimus, siue aliud quippiam facimus, in Dei gloriam faciamus, & fraudulentas Satanæ nunquam dormitantis insidias facilius cauemus. *Sciendum enim est*, inquit S. Gregorius libro primo moralium, *quod bona nostra tribus modis antiquus hostis insequitur. Ut videlicet hoc quod rectum coram hominibus agitur, in interni iudicis conspectu vitietur. Aliquando namq; in bono opere intentionem polluit, ut omne quod in actione sequitur, eo purum mundumq; non exeat, quo hoc ab origine perturbat. Aliquando verò intentionem boni operis vitare non praeualet, sed in ipsa actione se quasi in itinere opponit: ut cum per propositum mentis securior quisq; egreditur subiuncto latenter vitio, quasi ex insidiis perimatur. Aliquando verò nec intentionem vitiat, nec in itinere supplantat, sed opus bonum in fine actionis illaqueat, quantoq; vel à domo cordis, vel ab itinere operis longius recessisse se simulat, tanto ad decipiendum bonæ actionis terminum astutius expectat: & quo incautum quemq; quasi recedendo securum reddiderit, eo illum repentino nonnunquam vulnere durius, insanabiliusq; transfigit.*

VIDE V. Virtus. Prudentia. & in PANARIO. Gloria vana, & Hypocrisis.

CAP.

Bon. 2. sent. dist.
41. a. 1. q. 3.

Matth. 5. 46.

1. Cor. 10.

Greg. c. 37.

CAPVT I.

De nomine Iustitiæ & partitione.

IUSTITIÆ in diuinis litteris non vna est significatio. Primo enim significat iustitiam internam, qua homo iustus constituitur coram Deo. de qua Apostolus ad Romanos ita loquitur. *Iustitia autem Dei per fidem Iesu Christi in omnes & super omnes, qui credunt in eum.* Dicitur autem *iustitia Dei*, teste S. Augustino libro de Spiritu & littera, *non quia ipse Deus iustus est, sed qua induit hominem, cum iustificat impium.* 2. significat iustitiam externam, vel bona opera. ut apud Ezechielem. *Si iustus egerit penitentiam, &c. in iustitia sua, quam operatus est, uiuet.* & S. Ioannes. *Qui facit iustitiam, iustus est.* 3. significat omnes virtutes. ut apud Matthæum Christus. *Beati qui esuriunt & sitiunt iustitiam.* Nam Greg. Nyssenus de beatitudinibus scribens. *Omnis, inquit, virtus hinc nomine iustitiæ significatur.* 4. significat iustitiam, quæ est vna ex quatuor virtutibus Cardinalibus, de qua loquitur Sapiens, dum ait. *Si iustitiam quis diligit, labores huius magnas habent virtutes: sobrietatem enim & prudentiam docet, & iustitiam & virtutem, quibus utilius nihil est in vita hominibus.* Vbi nomine Sobrietatis temperantiam, virtutis fortitudinem intelligit. Nos de iustitia, quæ secundum locum obtinet inter Cardinales agimus.

EAM non semel S. Augustinus in hunc modum definiuit. *Iustitia ea virtus est, quæ suam cuique tribuit.* Non secus S. Ambrosius primo de Officiis. *Iustitia est quæ suum cuique tribuit, alienum non vendicat, utilitatem propriam negligit, ut communem æquitatem custodiat.* Et Greg. Nyssenus loco cit. ait. *nonnullos qui huiusmodi res scrutari sunt asserere, iustitiam esse habitum tribuentem unicuique id quod æquum est, & quoque dignus est.* Hæc autem est bipartita etiam secundum Aristotelem libro quinto Ethicorum, & tertio politicorum. Generalis, quæ & legalis dicitur, & Particularis. Generalis est quæ suum cuique tribuit habito respectu ad bonum commune Principis vel Reipub. Vnde Augustinus libro 83. questionum q. 31. *Iustitia est habitus animi, communi utilitate conseruata suam cuique tribuens dignitatem.* Legalis autem vocatur, quia conforme legibus est agere ea quæ conducibilia sunt communitati, Leges enim maxime, teste Aristotele, ea præscribunt quæ communitati congruunt.

Parti-

Particularis verò est, quæ ius suum alteri reddit in particulari, ut emēs panem pistori vendenti.

SECUNDO diuiditur eadem Iustitia in distributiua & Commutatiua. Distributiua est, quæ in rectè distribuendo versatur secundum proportionem geometricam; vel remunerando bene acta, ut cum honores, magistratus, beneficia, munera, aliæque id genus pro cuiusque dignitate distribuit. Vel puniendo perperam gesta, ut cum nocentes suppliciis affici iubet. Commutatiua, qua quisque rectè se habet in commutationibus rerum, sua cuique reddendo secundum proportionem Arithmeticam. ad quam pertinent, contractus emptiones & venditiones, vadimonia, locationes, restitutiones, aliaque eiusmodi.

Psal. 14. 3.

Ez. c. 18. 7.

HANC ita descriptam diuinæ Scripturæ nobis non semel commendant. Nam iusti æquique tenacissimus rex Dauid sic nobis virum iustum ob oculos ponit. *Qui non egit dolum in lingua, nec fecit proximo suo malum, & opprobrium non accepit aduersus proximos suos. Qui iurat proximo suo & non decipit: qui pecuniam suam non dedit ad usuram, & munera super innocentem non accepit.* Et propheta Ezechiel. *Et vir si fuerit iustus, & fecerit iudicium & iustitiam. &c. ad usuram non commodauerit. & amplius non acceperit. ab iniquitate auerterit manum suam, & iudicium verum fecerit inter virum & virum; in preceptis meis ambulauerit, & iudicia mea custodierit, ut faciat veritatem, hic iustus est, vita viuet, ait Dominus DEVS. Quod si genuerit filium latronem effundentem sanguinem, & fecerit vnum de istis, &c. ad usuram dantem, & amplius accipientem, nunquid viuet? non viuet.*

CAPVT II.

De prestantia virtutis Iustitiæ.

Arist. c. 1.

ETIAM SI Iustitia anteferenda non sit virtutibus intellectualibus, cum hæ etiam in ratione virtutis præstent omnibus moralibus, legalis tamen iustitia, excepta vna prudentia, omnibus moralibus, quæ circa alterum versantur, perfectior esse videtur: tum quia uersatur circa bonum commune, quod præstat cuique bono particulari, tum quia tanquam domina & imperatrix quasi imperat ceteris moralibus, referendo earum priuata obiecta ad suum obiectum commune. Quare de causa Philosophus in quinto Ethico scripsit legalem iustitiam tanto loco esse, ut neque Hesperus, neque Lucifer sit æque admirabilis. & M.

& M. Tullius libro de officiis primo. *Latissime patet, inquit, ea ratio, quae societas hominum inter ipsos, & quae vita communitas continetur, cuius partes duae sunt. Iustitia, in qua virtutis splendor est maximus, ex qua boni viri nominantur: & huic coniuncta beneficentia, quam eandem vel benignitatem, vel liberalitatem appellare licet, Et in tertio. Hae enim virtus omnium est domina, & regina virtutum.* Et Plato in Protagora. *Arbitror te permisurum, ut pro te illud ipsum respondeam, quod videlicet aut idem sit iustitia quod sanctitas, aut inuicem quam simillima, ut maxime omnium, qualis iustitia, talis sanctitas, & qualis sanctitas, talis iustitia sit.* Et Phavorinus. *Demosthenes eos homines imprimis laude dignos pronunciauit, qui nullam anteponerent iustitiae utilitatem. Pecunias enim quisque possidere potest, at iustitiae gloria pecuniis non emitur.*

Hanc praestantiam agnouerunt & prisci Ecclesiae Catholicae Patres, ut Clemens Alexandrinus, dum ait. *Bonum esse dicitur, non eo quod virtutem habeat, quandoquidem iustitia quoque bonum esse dicitur, non quod habeat virtutem: ipsa enim est virtus: sed quod ipsa ex se & per se bona sit.* Dicitur etiam alio modo bonum, id quod est utile, non eo quod delectet, sed quod prosit. *Quae quidem omnia est iustitia & ut virtus, & ut per se eligenda bonum & quae non delectet.* Non enim iudicat ad gratiam, sed pro vniuscuiusque meritis distribuit. Et S. Ambrosius libro primo de Officiis. *Magnus iustitiae splendor, quae aliis potius nata, quam sibi, communitatem & societatem nostram adiuvat, excelsitatem tenet, ut suo iudicio omnia subiecta habeat, opem aliis ferat, pecuniam conferat, officia non abnuat, pericula suscipiat aliena.* Quis non cuperet hanc virtutis artem tenere, nisi prima auidia infirmaret atque inflecteret tanta virtutis vigorem? Et libro secundo de Abraham patriarcha conferens eam cum Cardinalibus virtutibus *Iustitia sola est, inquit, quae virtutes omnes complectitur, & commendat omnes.* Et in psalmum 35. *Beata & preclara iustitia, cuius bonum omnibus proficit.* Ex uno plerumque proficitur, atque ad omnes peruenit. Et libro de paradiso, vocat omnium virtutum matrem. Lactantius libro diuinorum institutionum quinto. *Iustitia aut ipsa est summa virtus, aut fons est ipsa virtutis, quam non modo Philosophi quaesierunt, sed Poetae quoque, qui & priores multo fuerunt, & ante natum Philosophiae nomen pro sapientibus habebantur.* Hip'ane intellexerunt abesse hanc a rebus humanis, eamque finxerunt offensam vitii hominum cessasse terra, in caelumque migrasse. Et infra. *Iustitia quam omnes simul virtutes amplectatur, tamen duae sunt omnium principales, quae ab illa diuelli, separarique non possunt, pietas & aequitas.* His enim duobus fontibus constat tota iustitia. Augustinus in psalmum 118. *Iustitia virtus est animi magna, praecipueque laudabilis, de qua nunc non est copiosius disputandi necessitas.* Et in 64. ad verba illa. *Sanctum est templum tuum, mi-*

G. l. 7. ep. 120.

B. serm. 3.

rabile in iustitia. Non dixit, ait, templum sanctum tuum mirabile in colum-
nis, mirabile in marmoribus, mirabile in tectis auratis, sed mirabile in iustitia.
Habes foris oculos, unde videas marmora & aurum, intus est oculus unde vi-
deatur pulchritudo iustitie. Si nulla est pulchritudo iustitie, unde amatur
iustus senex? Quid est in corpore, quod oculos delectet? Tamen si iustus est,
si alienum non concupiscit, si de suo quod habet erogat indigentibus, si bene mo-
net & rectum sapit, si integrè credit, si paratus est pro fide veritatis etiam ipsa
confracta membra impendere: (multi enim martyres etiam senes) unde illum
amamus, quid in eo bonum videmus oculis carnis? Quadam ergo est pulchri-
tudo iustitie, quam videmus oculis cordis, & amamus, & exardescimus?
S. GREGORIUS ad duos Franciæ Reges. Summum, inquit, in
Regibus bonum est iustitiam colere, ac sua cuiq; iura seruare, & subiectis non
sinere, quod potestatis est fieri, sed quod æquum est custodire. S. BERNAR-
DUS aduentu Domini. Beatus, in quo sapientia edificat sibi domum, exci-
dens columnas septem; beata anima, quæ sedes est sapientie. Quanam illa?
anima utiq; iusti. Merito planè, quia iustitia & iudicium preparatio sedis
eius. Quis in vobis est, fratres, qui desiderat in anima sua sedem parare Chri-
sto? Ecce quenam illi serica, quæ tapetia, quod puluinar oporteat prepara-
ri. Iustitia, inquit, & iudicium preparatio sedis tue. Iustitia virtus est, quod
suum est unicuiq; tribuens. Tribue ergo tribus quæ sua sunt. Redde superio-
ri, redde inferiori, redde æquali, cuiq; quod debes, & dignè celebras aduentum
Christi, parans ei in iustitia sedem suam.

CAPVT III.

De Necessitate & utilitate iustitie.

Isa. 56. 1.

Eccli. 18. 19.

Eccli. 10. 8.

Deut. 25. 13.

IUSTITIÆ necessitatem inde apertè intelligimus, quod Spi-
ritus sanctus in Verbo suo, eam mandet, & contrâ, iniustitiam
omnem damnet. nam apud Isaïam clamat. Custodite iudicium & fa-
cite iustitiam, quia iuxta est salus mea ut veniat, & iustitia mea ut reuele-
tur. Et apud Ecclesiasticum. Ante iudicium, para iustitiam tibi. Et
apud Sapientem. Regnum à gente in gentem transfertur propter iniusti-
tias, & iniurias, & contumelias & diuersos dolos. Deinde speciatim pon-
dera inæqualia damnat. Non habebis, inquit, in sacculo diuersa pondera,
maius & minus, nec erit in domo tua modius maior & minor: pondus habe-
bis iustum & verum, & modius æqualis & verus erit tibi, ut multo viuas
tempore super terram, quam Dominus Deus tuus dederit tibi. abominatur
enim

enim Dominus Deus tuus eum qui facit hac, & auersatur omnem in iustitiam. Prou. 16. 11.
 Et in Prouerbiis. Pondus & statera iudicia Domini sunt, & opera eius, omnes lapides sacculi abominabiles regi, qui agunt impie, quoniam iustitia firmatur solum. Et rursus. Pondus & pondus, mensura & mensura vitrum. Prou. 20. 10.
 que abominabile est apud Deum. In nouo vero testamento habemus responsum Christi ad Herodianos quærentes, num liceret censum dare Cæsari. Reddite ait, quæ sunt Cæsari, Cæsari, & quæ sunt Dei Deo. Et S. Ioannis Baptistæ ad publicanos sciscitantes, quid faciemus? Nihil amplius inquit, quam quod constitutum est vobis faciatis. Et ad milites. Ib. 14.
 Neminem concutiatis, neque calumniam faciatis, & contenti estote stipendiis vestris. Habemus & Apostoli decreta iustitiæ consentanea in epistola ad Romanos. Omnis anima potestatibus sublimioribus subdita sit. Necessitate subditi estote non solum propter iram, sed etiam propter conscientiam: ideo enim tributa prestatis. Reddite ergo omnibus debita, cui tributum tributum, cui vectigal vectigal: cui timorem, timorem: cui honorem, honorem, Et ad Timotheum. Qui bene presunt presbyteri, duplici honore digni habeantur: maxime qui laborant in verbo & doctrina. Dicit enim scriptura. Non alligabis os boui trituranti. Et dignus est operarius mercede sua. Aduersus presbyterum accusationem noli recipere nisi sub duobus aut tribus testibus. Peccantes coram omnibus argue, ut & ceteri timorem habeant. 1. Tim. 5. 20.

Vtilitates quoque varias idem Spiritus sanctus non reticuit. Prou. 14. 15. 16.
 Salomonis enim dicta sunt. Iustitia eleuat gentes. Et iustitia firmatur solum. Et Melius est parum cum iustitia, quam multi fructus cum iniquitate. Et. Abominatio est Domino via impij, qui sequitur iustitiam, diligitur ab eo. Et Ecclesiasticus. Pro iustitia agonizare pro anima tua, & usque ad mortem certa pro iustitia, & Deus expugnabit pro te inimicos tuos. Et psaltes regius. Beati qui custodiunt iudicium, & iustitiam faciunt omni tempore. Et Christus Beati qui esuriunt & sitiunt iustitiam. Prou. 15. 9. Eccli. 4. 33. Psal. 105. 5. Matt. 5. 6.

Vtramque tum necessitatem tum utilitatem egregie amplificat et Sancti Patres. S. Ambrosii verba sunt in libro de paradiso. Quartus est fluvius Euphrates, qui latine fecunditas atque abundantia fructuum nuncupatur. praeferens quoddam insigne iustitiæ, quæ omnem pascit animam. Nulla enim abundantiores videtur habere fructus virtus, quam equitas atque iustitia, quæ magis aliis, quam sibi prodest, utilitates suas negligit, communia emolumenta praeponens. Et paulo post. Quia ubi prudentia, ibi & malitia: ubi fortitudo ibi iracundia: ubi temperantia, ibi intemperantia plerumque est, aut alia vitia sunt. Vbi autem iustitia, ibi concordia est virtutum ceterarum, ideo non ex locis qua fluit, hoc est non ex parte cognoscitur. Non enim pars est iustitia, sed quasi
 Dd d 2 mater

Id. lib. 3.

Psal. 102. 5.

Ch. hom. 15.

A. c. 4.

Cic. lib. 3. de
repub.

Id. lib. 19. c. 21.

mater est omnium. Et libro de Virginibus. Iustitia in alto quodam suggestu locata uidet, exploratq. omnia, quae aliis potius nata, quam sibi, non tam suis utilitates, quam publica emolumenta rimatur. Meritoq. anima operata iustitiam formam aquile accipit, quod terrena defugiens, totaq. celesti sublimis & intentamysterio resurrectionis gloriam pretio aequitatis adipiscitur. Propter quod ad eam dictum est. Renouabitur sicut aquila iuuentus tua. S. Chrysost. in uerba Christi apud Matthaeum. Beati qui esuriunt & sitiunt iustitiam. Non dixit. Beati qui iustitiam seruant, sed qui esuriunt & sitiunt iustitiā, ut non utiq. mediocriter, sed cum omni cupiditate iustitiam teneamus. Quia enim hoc est auaritiæ proprium, neq. sic cibum desideramus & potum, ut possidere latius, induig. pretiosius, concupiscentiam istam, quæ habendi amore flagrat, iubet in meliora conuertere: deinde rursus sensibile præmium statuens ait, quoniam ipsi saturabuntur. Quia enim plurimos diuites facere putatur auaritia, dicit hoc esse contrarium, magisq. id præstare iustitiam. Noli igitur iustitiam exercens formidare pauperiem, neq. famem timere, cum certe illi magis omnibus bonis excidant qui omnia diripiunt: ut ex aduerso ille, qui iustitiam diligit, tutissimè omnia bona possidet. Hæc pro utilitate. Necessitatem, uero huius virtutis exaggerat præclare Augustinus, primo quidem, cum ait regna, sublata iustitia uerti in latrocinia. Nam libro 2. de ciuitate Dei sic loquitur. Remota iustitia, quid sunt regna, nisi magna latrocinia? quia & ipsa latrocinia quid sunt nisi parua regna? Manus etenim ipsa hominum cum imperio Principis regitur pacto societatis astringitur, placiti lege præda diuiditur. Hoc malum, si intantum perditorum hominum accessibus crescit, ut & loca teneat, sedes constituat, ciuitates occupet, populos subiuguet, euidentius regni nomen assumit, quod etiam in manifesto confert non adempta cupiditas sed addita impunitas. Eleganter enim & ueraciter Alexandro illi Magno quidam comprehensus pirata respondit. Nam cum idem rex hominem interrogasset, quid ei uideretur, ut mare haberet infestum? ille libera contumacia, quid tibi, inquit, ut orbem terrarum? sed quia id ego exiguo nauigio facio, latro vocor; quia tu magna classe Imperator. Secundo necessitatem ostendit ex eo, quod sine ea nulla possit esse Respublica, idq. his uerbis libro 19 de ciuitate Dei. Scipio, inquit, apud Ciceronem in libris de Repub. breuiter definit Remp. esse rem populi, quæ definitio si uera est, nunquam fuit Resp. Romana, quia nunquā fuit res populi. Populum enim esse definiuit catum multitudinis iuris consensu & utilitatis communione sociatum. Quid autem dicat iuris consensum disputando explicat: per hoc ostendens geri sine iustitia non posse Remp. Vbi ergo iustitia uera non est, nec ius potest esse. Quod enim iura sit, profecto iuste sit. Quod autem iniuste sit, ne ius fieri potest. Non enim iura dicenda sunt, uel putanda iniqua hominum constituta, cum illud etiam ipsi ius esse dicant, quod de iusti.

de iustitia fonte manuerit: falsum esse, quod à quibusdam non re Essentia
bus dici solet, id esse ius, quod et qui plus potest, utile est. Quocirca ubi non est
vera iustitia, iuris consensu sociatus catus hominum non potest esse, est ideo nec
populus, iuxta illam Scipionis & Ciceronis definitionem. Procul dubio ergo colli-
gitur, ubi iustitia non est, non esse Rempub.

CAPUT IV.

De proprietatibus Iustitiæ.

PRI^{MA} proprietas Iustitiæ est, quod sit à natura insita. Naturale
enim iustitiæ præceptum est quod Tobias sanctus filio dedit. *Quid* Tob. 4. 18.
ab alio oderis fieri tibi, vide ne tu aliquando alteri facias. Et quod Christus. *Mate* 7. 12.
Omnia quaecumq; vultis, ut faciant vobis homines, & vos facite illis. Vnde S.
Augustinus libro 83. quæstionum. *Iustitiæ initium est à natura profectum.* A. q. 36.
Deinde quadam in consuetudinem ex utilitatis ratione venerunt. *Postea res &* Cic. 1. 2. Rhetor.
à natura profectas, & consuetudine probatas legum metus & religio sanxe-
runt. Natura ius est, quod non opinio genuit, sed quadam innata vis inseruit,
ut religionem, pietatem, gratiam, vindicationem, obseruantiam, veritatem.
Et S. Basiliius in principium Prouerbiorum. *Est iustitia quadam insita* B. hom. 12.
innataq; nobis æqui distributio. Consentit M. Tullius in primo de Legi-
bus, ubi ius & legem non populorum iussis, nec Principum decretis,
nec sententiis iudicum constitui ait, sed naturæ normæ. Et Seneca ad
Lucilium. *Hæc diuina lex, quæ non libris inscripta, nec in as incisa, sed pectore* S. ep. 18.
ribus nostris à natura est indita, æquum ac bonum à Iureconsultis dicitur.

II. Est, quod sit cognitu difficilis, quam tradit loco citato S. Ba-
siliius dum ait. *Quoniam iustitiæ habitus, est qui pro dignitate cuiq; suum di-* B. hom. 12.
stribuit, difficilis est hæc inuentu atq; cognitu: partim quod deficiente pruden-
tia non cuiq; pateat, quod sit æquum: partim, quod animo affectibus humanis
occupato rectum obscuretur. Et infra. *Rectum, veramq; nosse iustitiam, magnæ*
cuiusdam scientiæ perfecti, animi est. Et S. Augustinus in psalmum 121.
Superbus, ait, quod peius est iustum se vult videri, cum non sit. Et quia iusti-
am intelligere difficile est, difficile est superbos agnoscere. Quomodo autem
perueniatur ad veram intelligentiam iustitiæ non tacuit Sapiens Eccl. 1. 12.
cum ait. *Qui custodit iustitiam, continebit sensum eius.* Significans per le-
gis obseruationem, perueniri ad veram eius intelligentiam.

III. Quod etiam exercitatione sit difficilis; nam homo benefi-
cio iustitiæ non se solum, sed etiam alios perficere debet. Vnde Aristot. Arist. c. 2.

A. c. 27.

Id. c. 28.

A. i. offic. c. 29.

Num. 31.

Ila. 28.

teles quinto libro de moribus ita de ea scribit. Prouerbio dicere consueuimus, iustitia in sese virtutes continet omnes. Atq; perfecta maximè virtus est, quia perfecta virtutis est usus, idq; est ex eo, quia non ad se solum, sed etiam ad alium is qui ipsam habet, uti virtute potest. Complures n. in propriis qdè uti virtute possunt, sed in iis, quæ sunt ad alium, nequeunt, & propterea Biantis sententia illa bene se habere uidetur. Magistratus virum ostendet: ad alium enim est, & in societate iam ipse magistratus consistit. Et S. AMBROSIVS libro primo de Officiis. Iustitie pietas prima est in Deum, secunda in patriam, tertia, in parentes, imò in omnes, quæ & ipsa secundum naturam est magisterium. Siquidem ab ineunte ætate, ubi primum sensus infundi caperit, vitam amamus tanquam Dei munus, patriam, parentesq; diligimus, deinde æquales, quibus sociari cupimus. Et infra. Secundum Dei voluntatem, vel naturam copulam inuicem nobis esse auxilio debemus, certare officiis, ac velut in medio omnes utilitates ponere, & ut verbo Scriptura utar, adiumentum ferre alter alteri, vel studio, vel officio, vel pecunia, vel operibus, vel quolibet modo, ut inter nos societatis augeatur gratia, nec quisquam ab officio vel periculi terrore reuocetur, sed omnia sua ducat vel aduersa, vel prospera.

IV. Quod eius fundamentum sit fides, id est, ut habet CICERO libro primo de Officiis, dictorum conuentorumq; constantia, & veritas, ita ut hosti etiam seruetur, ut primo Punico bello, subdit ibidem, Regulus captus à Panis, cum de captiuis commutandis Romam missus esset, iurassetq; se redditurum: primum ut venit, captiuos reddendos in Senatu non censuit: deinde cum retineretur à propinquis & ab amicis, ad supplicium redire maluit, quàm fidem hosti datam fallere. Et S. AMBROSIVS. Quanta autem iustitia sit, ex hoc intelligi potest, quod nec locis, nec personis, nec temporibus excipitur, quæ etiam hostibus reservatur, ut si constitutus sit cum hoste, aut locus, aut dies praelio, aduersus iustitiam putetur, aut loco præuenire, aut tempore. Interest enim utrum aliquis pugna & conflictu graui capiatur, an superiore gratia, vel aliquo euentu. Siquidem vehementioribus hostibus & insidis, & his qui amplius læserint, vehementior refertur ultio, ut Madianitis, qui per mulieres suas plerosq; peccare fecerant ex plebe Iudeorum. Unde & Dei in populum Patrum iracundia effusa est; & ideo factum est, ut nullum Moyses victor superesse pateretur, Gabaonitas autem, qui fraude magis, quam bello tentauerant plebè Patrum, non expugnaret Iesus, sed conditionis imposita afficeret iniuria. Et paulo post. Liqueat igitur etiam in bello fides, & iustitiam seruari oportere, nec ullum decorum esse posse, si violetur fides. Fundamentum ergo iustitiæ est fides: in florum enim corda meditantur fidem: & qui

Et qui se iustus accusat, iustitiam supra fidem collocat: nam tunc iustitia eius apparet, si vera fateatur.

V. Proprietas est, ut iustitia non modo in magnis sed etiam in parvis rebus seruetur. Hanc tradit S. Augustinus libro de doctrina Christiana quarto his verbis, dum agit de negotiis Ecclesiasticis. *Vbi etiam cauendus est eternus interitus, omnia magna sunt quae dicimus: usque adeo, ut nec de ipsis pecuniariis rebus vel acquirendis, vel amittendis parua videri debeant, quae Doctor Ecclesiasticus dicit, siue sit illa magna, siue parua pecunia. Neque enim parua est iustitia, quam profecto et in parua pecunia custodire debemus, dicente Domino. Qui in minimo fidelis est, et in magno fidelis est. Quod ergo minimum est, minimum est, sed in minimo fidelem esse magnum est. Nam sicut ratio rotunditatis est, ut à puncto medio omnes lineae pares in extrema ducantur, eadem est et in magno disco, quae in nummulo exigua: ita ubi parua iuste geruntur, non minuitur iustitiae magnitudo. De iudiciis denique secularibus, quibus utique, nisi pecuniariis, cum loqueretur Apostolus, Audet quisquam vestrum, inquit, aduersus alterum habens negotium, iudicari ab iniquis, et non apud sanctos? Quid est, quod sic indignatur Apostolus, sic corripit, sic exprobrat, sic increpat, sic minatur? Quid est, quod sui animi affectum tam crebra, et tam aspera vocis mutatione testatur? Quid est postremo, quod de rebus minimis tam granditer dicit? Tantumne de illo negotia secularia meruerunt? Absit Sed hoc facit propter iustitiam, charitatem, pietatem, quae nulla sobria mente dubitante, etiam in rebus quamlibet paruulis magna sunt. Adscribam exemplum iustitiae illustre, quod idem S. August. non dubitauit bis commemorare, nempe homilia 9. ex 50. & sermone 21. de Verbis Apostoli. Dicam, inquit, quid fecerit homo quidam pauperrimus eo tempore quo sanctus Ambros. Mediolani erat Episcopus, ubi tunc praesens erat etiam Augustinus nondum Episcopus. Tam pauper erat ille de quo loquimur, ut Praeceptor esset Grammatici, sed plane verus et perfectus Christianus. Sed melior fuit ille, qui ad velum stabat, quam ille qui in cathedra sedebat. Pauper ergo iste inuenit sacculum ducentorum solidorum, memor tamen diuina legis proposuit pittacium publicè. (Qui solidos perdidit, veniat ad illum locum, ut quarat illum hominem) Ille qui plangens circumquaque vagabatur, inuento et lecto pittacio venit ad hominem. Et ne forte alienum quareret, sed suum, quesiuit signa: interrogauit sacculi qualitatem, solidorum etiam numerum. Cum omnia fideliter etiam ille respondisset, reddidit, quod inuenerat. Ille repletus gaudio, et quarens vicem rependere, tanquam decimas obtulit illi solidos viginti. Nolu it accipere. obtulit decem. nolu it accipere. Saltem rogauit, ut vel*

Luc. 16. 10.

1. Cor. 6. 1.

ut vel quing. acciperet. noluit. Ille stomachans proiecit sacculum. Nihil perdidit
ait. Si non vis à me aliquid accipere, nec ego aliquid perdidit. Quale certamen,
fratres mei, quale certamen, qualis pugna, qualis conflictus? Theatrum mun-
dus spectator Deus. Victus ille, quod offerebatur, accepit, & continuo totum pau-
peribus erogavit. Vnum solidum in domum suam non misit. Considerate fratres
tam gloriosum exemplum, & tam admirabile factum.

Ac. 28.

Matt. 5. 44.

Rom. 12. 17.

VI. Est Christianorum propria, non vindicare iniurias illatas.
Contrarium tenere Ethnici philosophi, ac inter eos M. Tullius libro
primo de Officiis *Iustitia*, inquit, primum munus est, ut ne cui quis noce-
at, nisi laceffit iniuria: deinde ut communibus pro communibus utatur, pri-
uatis autem ut suis. Quod refellit Ambrosius libro item de Officiis pri-
mo. Primum ipsum, inquit, quod putant Philosophi *iustitie* munus, apud nos
excluditur. Dicunt enim illi eam primam esse *iustitie* formam, ut nemini quis
noceat, nisi laceffit iniuria. Quod Evangelii autoritate vacuatur. Vult enim
Scriptura, ut sit in nobis spiritus filii hominis, qui venit conferre gratiam non
inferre iniuriam. Deinde formam *iustitie* putauerunt, ut quis communia, id
est publica pro publicis habeat, priuata pro suis. Nec hoc quidem secundum na-
turam. Natura enim omnia omnibus in commune profudit. Sic enim Deus ge-
nerari iussit omnia, ut pascuis omnibus communis esset, & terra foret omnium
quadam communis possessio. Natura igitur ius commune generauit, usurpatio
ius fecit priuatum.

Ac. 3.

Rom. 1. 17.

Rom. 10. 17.

VII. Et postrema est, veram iustitiam non esse, nisi in homine ve-
ra fide Christiana prædito, ac ideo in nullo gentilium quantumvis sa-
pientissimorum fuisse, ut fusè probat S. Augustinus libro quarto ad-
uersus Iulianum. Absit, inquit, ut sit in aliquo vera virtus, nisi fuerit iustus.
Absit autem ut sit iustus verè, nisi viuat ex fide. Iustus enim ex fide viu-
it. Quis porro eorum, qui se Christianos haberi volunt, nisi soli Pelagiani, aut in
ipsis etiam forte tu solus, iustum dixerit infidelem, iustum dixerit impium, iu-
stum dixerit diabolo mancipatum. Si licet ille Fabritius, si licet Fabius, si licet
Scipio, si licet Regulus, quorum me nominibus tanquam in antiqua Romana
curia loqueremur putasti esse terrendum. Nec in istis est vera iustitia, qua iu-
stus ex fide viu-
it. Fides ex auditu, auditus autem per verbum Christi. Finis legis
Christus ad iustitiam omni credenti. Quomodo sint verè iusti, quibus vilis est
humilitas veri iusti? Quomodo est in eis vera iustitia, in quibus non est vera sa-
pientia? Et paulo post. Porro si veram iustitiam non habent impii, profecto
nec alias virtutes comites eius & socias, quia cum non ad suum referuntur
auctorem dona Dei, hoc ipso mali his utentes efficiuntur iniusti.

& si quas habent, veras non habent.

CAP.

CAPUT V.

De mediis ad iustitiam consequendam idoneis.

P R I M U M medium est, in animo constanter proponere te nihil facturum, nisi quod ueritati & virtuti fuerit consentaneum. Est S. Basilii in principium Prouerbiorum. *Quoniam, inquit, ex ipsius Salomonis sententia, cogitationes iustorum iudicia sunt viro sapienti, omnino sat agendum erit intra cordis arcana tribunal constituere, rectaque facere iudicia, mentem quoque velut in trutina suspendere ad ea quae conueniunt, & ad quodlibet agendum aequali lance librare.* Quando singula Dei mandata contra aduersantem sibi malitiam coram te iudicium experiuntur, da legi diuinae contra vitium uictoriam. Iniquum & aequum apud te indicantur? Responde contra concupiscentiam alienorum bonorum. Da ut vincat virtus. Contumelia & patientia inuicem pugnant? vitupera contumeliam, lauda patientiam. Simulatio & simplicitas, iustitia & iniustitia, iudicantur? tunc denique in tuae mentis recessu iudiciorum rectitudinem ostende, & veluti in tribunali tibi ipsi assidere mandatum Dei faciens monstra te vitium abhorrere, ac omnino ab eo esse auersum, virtuti vero fauentem, studentemque; si enim in rebus cunctis quas agis apud te potiora & meliora vincere permittas, beatus in die illa fueris, quando Deus occultis hominum iudicabit, ut testatur Euangelium, cogitationibus corda simul hominum accusantibus & defendentibus, nec condemnatus discedes, verum iustitiae corona ornaberis. Basil. hom. 12. Prou. 12. 5.

II. M E D I U M, horrere ea uicia, quibus secundum diuinarum litterarum doctrinam homo ab exercenda iustitia reuocatur, ut est auaritia, acceptio personarum, munerum corruptela, usura, simonia, de quibus eorumque remediis multa inuenies in nostro **P A N A R I O** suis titulis.

III. M E D I U M est amor pacis & concordiae, quia pax comes & quasi soror est iustitiae. Vnde S. Augustinus exponens verba illa Psalmi. *Iustitia & pax se osculatae sunt. Fac, ait, iustitiam, & habebis pacem, ut osculentur se iustitia & pax.* Si enim non amaueris iustitiam, pacem non habebis. Amant enim se duo ista, iustitia & pax, & osculantur se, ut qui fecerit iustitiam, inueniat pacem osculantem iustitiam. Due amicae sunt, tu forte unam vis, & alteram non facis. Nemo enim est qui non uult pacem, sed non omnes volunt operari iustitiam. Interroga omnes homines. Vultis pacem? uno ore tibi respondet totum genus humanum, opto, cupio, volo, amo. *Amā & iustitiam, quia due* Psalm. 84. 11.

amicæ sunt iustitia & pax. Si amicam pacis non amaueris, non te amabit ipsa pax, nec veniet ad te. Quid enim magnum est desiderare pacem? Quis malus desiderat pacem. Bona enim res est pax.

L. c. 12.

IV. Medium est fuga simulationis. Totius iustitiæ, inquit Cicero in primo de officiis, nulla est capitalior pestis, quam eorum, qui tum cum maximè fallunt, id agunt, ut viri boni esse videantur. Quod enim magis expectandum sit esse bonum & malum putari, quam contra, toto libri quinti diuinarum institutionum capite 12. demonstrare conatur Lactantius. De quo & carmen exstat Gre. Nazianzeni à Billio latinè ita conuersum.

*Malim cum recto studeam vitiosus haberi,
Quam vitio indulgens iusti clarescere fama,
Mendaxque ignavis mortalibus esse sepulchrum:
Quod licet internè fatentia corpora claudat,
Calce tamen nitet externa: gratoque colore.*

Vnde & PLATO ἐσχατον ὁ γοῦν ἀδυνατός esse censebat, cum qui iniustus est, iustus videri vult.

Chry. in Psal. 4.

V. Medium est quotidianum conscientiae examen, & quidem particulare in iis qui ludicium, Magistratus, & aliorum superiorum personam gerunt, in quo discutiant, an eo die aliquid contra iustitiam deliquerint. Videt titulum de Conscientiae examine. Tantum vnam inde exscribam Chrysostomi sententiā. Hoc examen, inquit, fiat singulis diebus: nec prius dormieris o homo, quam mente versaueris, quæ te interdiu perperam acta sunt, & die sequenti eris omnino tardior ad ea ipsa rursus aggredienda. Et quod facis in pecunia, nec sinis, ut duo dies pretereant, quin cum famulorum ratione ineas, ne confusionem inducat obliuio, hoc etiam fac in actionibus. Singulis diebus vespere ab anima rationem exige, & cogitationem quæ peccauit condemna eam, & velut in ligno suspende ac torque, & iube, ne ea amplius aggrediatur.

Val. c. 3. de iustitia

Cic. offic. 3.

Gell. 3. c. 8.

Plut. in Pyrrho.

Cic. de leg. 1.

Ælian. var. hist. 2.

VI. Medium est considerare exempla tum Ethnicorum, tum nostrorum, qui iustitiam maximè coluerunt. Ex Ethnicis primū sit illud Valerii Maximi ex libro quinto. Timochares Ambraciensis Fabricio consuli sollicitus est se Pyrrhum veneno per filium suum, qui portionibus eius præerat, necaturum. Ea res cum ad Senatum esset delata, missis legatis Pyrrhum monuit ut aduersus huius generis insidias cautius se gereret: memor Urbem à filio Martis conditam, & armis bella non venenis gerere debere. Timocharis autem nomen suppressit, utroque modo aequitatem amplexus: quia nec hostem malo exēplo tollere, neq. eū q. bene mereri parat & fuerat, prodere voluit. Il. ciuf. dē. Zalencus urbe Locrensiū à se saluberrimis atq. utilissimis legib. munita, cū filius eius adulterii crimine damnatus, secundū ius ab ipso constitutum utroq.

oculo.

oculo carere deberet, ac tota ciuitas in honorem Patris pena necessitatem adolescentulo remitteret, aliquandiu repugnauit. Ad ultimum precibus populi euentus, suo prius, deinde filij oculo eruto, vsum videndi utriq; reliquit. Ita debitum supplicii modum legi reddidit aequitatis admirabili temperamento se inter misericordem patrem & iustum legislatorem paritit. III. Lampridii. Alexander Seuerus Imperator tanta fuit aequitate, ut nullas unquam sanciret leges, nullam constitutionem sacraret, sine viginti iuris peritissimis & doctissimis ac sapientissimis viris, nec in vlla re iudicium ferret, quin prius iret, per sententias singulorum & scriberetur, quid quisq; dixisset. Cum de iure aut negotijs tractabat, solos adhibebat doctos & disertos: si de re militari, milites veteres & senes. Si unquam furem vidisset iudicem, paratum habebat digitum, ut illi oculum erueret: tanto odio prosequabatur iudices, qui furcorum fama laborassent, ut si eos casu aliquo videret, commotione animi choleram stomacho euomet, toto vultu inardescente. IV. Nicephori libro tertio Ecclesiasticae historiae. Tam studiosus, ait, fuisse fertur Traianus Imperator iuris & iustitiae, & N. c. 136 tam ab improbitate alienus, ut aliquandoensem strictum praefecto Vrbi in conspectu omnium dederit, atq; dixerit. Cape ferrum hoc, & si quidem recte imperium gesseris, pro me: sin aliter, contra me hoc utere. V. Aeneas Syluii libro 3. commentariorum in res gestas Alphonsi. Fridericus Imperator, cum Ladislaum Hungariae ac Bohemiae regem educaret, non defuerunt, qui perdendum suaderent puerum, cuius vita ingentes molestias Caesari, mors regna & opes maximas allatura esset. Ad quos ille. Ergo me, inquit, opulentum magis regem, quam pium, quam iustum cupitis. At ego iustitiam, bonumq; nomen diuitiis, cunctisq; rebus antepono. VI. eiusdem ibidem. Ad Rodolphum Imperatorem quum quidam venisset, qui Othaccarum Bohemiae regem atrocem hostem in venatione se occisurum promitteret, si factum premium esset, Rodolphus, et si noster hostis est Othaccarus, inquit, non tamen id efficiet, ut iustitia & moderationis fines transeamus.

VIDE V. Honestas. Virtus. Et in Panario. V. Munerum corruptela. Personarum acceptio. Vindicatio iniuriae. Vsuras.

L.

LABOR.

VIDE. in PANARIO. V. Pigritia.

Ecc 2

LAV-

L A V D A T I O D E I.

C A P V T I.

Quibus nominibus laudatio Dei in scripturis appelletur.

Psal. 144. 1.

Luc. 1. 46.

Matt. 5. 16.

A. l. l. c. 12.

Psal. 144. 10.

Chry. in psal.

Psal. 94. 2.

Psal. 64. 2.

LAUDATIO vel Laus Dei in diuinis scripturis variis nominibus appellatur. Dicitur enim 1. benedictio. 2. exaltatio, ut in psalmo, qui inscribitur *Laudatio ipsi David*. *Exaltabo, ait rex David, te Deus meus rex & benedicam nomini tuo in seculum & seculum seculi*. 3. magnificatio, ut in Cantico Beatæ Virginis Mariæ. *Magnificat anima mea Dominum*. 4. glorificatio, ut in dicto Christi apud Matthæum. *Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est*. In quæ verba Sanctus Augustinus de sermone Domini in monte. *Non tantum dixit, ut videant bona opera vestra, sed addidit, & glorificent patrem vestrum, qui in cælis est, ut hoc ipsum quod homo per bona opera placet hominibus, non ibi finem constituat, ut hominibus placeat, sed referat hoc ad laudem Dei, & propterea placeat hominibus, ut in ill. glorificetur Deus*. Hoc enim laudantibus expedit, ut non hominem sed Deum honorent. 5. Confessio, ut in citato psalmo. *Confiteantur tibi Domine omnia opera tua & sancti tui benedicant tibi*, quæ verba exponens Sanctus Chrysostomus. *Gratias, inquit, tibi agant, laudes emittant, & quibus sermonis decus datum est, & quæ vocem non habent*. Etenim unumquodque eorum, quæ voce carent, ita factum est, ut per suam naturam benedictionem emittant, quamuis muta sint per homines quæ ea vident & iis fruuntur. Et illa quidem per suam substantiam homines autem per vitæ suæ institutionem, & per actionem. & Sanctus Augustinus in verbâ. Præueniamus faciem eius in confessione. Confessio quidem duobus modis accipitur in scripturis. Est confessio laudantis & est confessio gementis. Confessio laudantis ad honorem pertinet eius qui laudatur. Confessio gementis ad poenitentiam pertinet eius qui confitentur. Confitentur enim homines cum laudant Deum: confitentur, cum accusant se, nihil dignius facit, lingua. 6. dicitur Hymnus, ut in psalmis *Te decet hymnus Deus in Sion*. Unde Chry. proæmio secundo in psalmos. *Laus, inquit, seu laudatio est diuinorum miraculorum. commendatio. Laus enim nihil est aliud, quam eius quod*

quod laudatur amplificatio. Canticum autem numerosa qua sit per os cum verbis elocutio. Hymnus verò, quæ pro nobis, quæ nobis adsunt Deo offertur bonorum verborum conceptio. Et S. Augustinus in psalmos. Hymni laudes sunt A. in psal. 72.
Dei cum cantico. Si sit laus, & non sit Dei, non est hymnus. Si sit laus, & Dei laus, & non cantetur, non est hymnus. Oportet ergo, ut si sit hymnus, habeat hæc tria, & laudem, & Dei & canticum. Ceteras appellationes omittimus.

C A P V T II.

De excellentia diuina Laudationis.

DI V I N Æ Laudationis excellentia inde primo liquet, quod sit primarius actus virtutis Religionis, quæ principatum inter omnes morales virtutes obtinet, eo quod propinquius quam aliæ respiciat Deum qui est ultimus finis in quem omnia virtutum moralium obiecta tandem referuntur. Laudare enim Deum, non est aliud, ut paulo ante S. Chrysostomus dixit, quam amplissimas Dei virtutes enarrare & deprecare, ut illius bonitas maiestasq; mortalibus innotescat, atq; ab omnibus diuinus cultus Deo deferatur. Quæ & de causa quotidie in oratione Dominica dicimus, Sanctificetur nomen tuum. Vnde S. Augustinus sermone Domini in monte. Sanctificari A. l. 2. c. 10.
nomen non sic petitur, quasi non sit sanctum nomen Dei, sed ut sanctum habeatur ab omnibus, id est ita illis innotescat Deus, ut non existiment aliquid sanctius, quod magis offendere timeant. Deinde Spiritus sanctus hunc laudationis cultum non obscure prætulit omnibus veteris testamenti sacrificiis ut in psalmis. Non accipiam de domo tua vitulos, neq; de gregibus tuis hircos. Immola Deo sacrificium laudis. Sacrificium laudis honorificabit me, & illic iter, quo ostendam illi salutare Dei. Et rursus. Tibi sacrificabo Psal. 49. 9.
hostiã laudis, & nomen Domini inuocabo. Et. Laudabo nomen Dei cum canticis, & magnificabo eum in laude. Et placebit Deo super vitulum novellum Psal. 115. 17.
cornua producentem & ungulas. Psal. 68. 31.
In quæ verba idem Augustinus. Magna, A. in psal. 68.
inquit, diuitiæ, quas gemmas laudis Dei de thesauro interiore protulit? Iob. 1. 21.
Magnificabo eum in laude, hæc sunt diuitiæ meæ. Dominus dedit, dominus abstulit. Ergo miser remansit? absit. Vide diuitias. Sicut Domino placuit, ita factum est: sit nomen Domini benedictum. Et placebit quod eum laudabo super vitulum. Gratius illi erat sacrificium laudis, quam sacrificium vituli. Id. in psal. 49.
Amplius ergo placebit Deo laus eius exiens de ore meo, quam magna victima adducta ad aram ipsius. Et alibi. Immola Deo sacrificium laudis. Ad me redem, in me inueniam laudis immolationem. Ara tua, conscientia tua. Securi sumus.

In psal. 49.

Matt. 5. 16.

Rom. 12. 1.

Iob. 1. 21.

Psal. 148. 2.

Isa. 6. 3.

Luc. 2. 13.

sumus non imus in Arabiam: hinc querere, non sarcinas auari negotiatoris excutimus. sacrificium laudis querit à nobis Deus. O sacrificium gratuitum gratia datum. Non quidem hoc emi, quod offerrem sed tu donasti, nam nec hoc haberem. Immola Deo sacrificium laudis. Et hac immolatio hoc sacrificium laudis est, gratias agere illi, à quo habes, quicquid boni habes, & cuius misericordia tibi dimittitur, quicquid tuum mali habes. Haud secus S. Chrysost. in eadem verba Immola Deo sacrificium laudis. Hoc enim, ait, Deo maxime conuenit, nempe sacrificium gratiarum actionis, & sacrorum hymnorum, & eius quæ sit per recte facta glorificationis. Quod etiam Christus docuit dicens. Luceat lux uestra coram hominibus, ut videant bona opera vestra, & glorificent patrem vestrum, qui in calis est. Paulus quoque requirit idem dicens. Exhibete membra uestra hostiam viuentem, sanctam, Deo placentem. Ita etiam sacrificauit Iob post plagas illas quæ naturam superabant gratias agens in hæc verba. Dominus dedit, dominus abstulit: sicut Domino placuit, ita factum est. Sit nomen Domini benedictum. Lactantii libro 6. diuin. institutionum capite extremo verba sunt. Summus colendi Dei ritus est ex ore iusti hominis ad Deum directæ laudatio: quæ tamen ipsa ut Deo sit accepta, humilitate & timore & deuotione maxima opus est. Denique inde colligi potest huius diuinæ laudationis dignitas, quod propria sit angelorum omniumque beatorum in omnem æternitatem Deum collaudantium. Quos spiritu plenus rex Dauid alicubi hortatur ad laudandum, ut quod agunt, agere pergant. Laudate, inquit, cum omnes angeli eius: laudate eum omnes virtutes eius. Quos Isaias, alterum ad alterum, clamantes audiuit. Sanctus, sanctus, sanctus Dominus Deus exercituum. Quorum multitudinem, laudantium Deum, audire pastores in ortu Christi Domini, & dicentium. Gloria in altissimis Deo. Vnde S. Basilius in psalmum 28. Angelorum, inquit, opus est laudare Deum: omnibus denique celestibus exercitibus hæc cura, gloriam transcribere creatori. Et S. Augustinus quidem putat angelis præceptum, ut Deum continenter laudent, eo quod Dauid in psalmo 148. cum dixisset. Laudate eum omnes angeli eius, subdit. præceptum posuit & non præteribit. Quale, inquit, præceptum dedit, angelis Deus? quale, nisi ut laudent illum? Beati, quorum hoc est negotium laudare Deum.

CAP.

C A P V T III.

De eiusdem necessitate & utilitate.

NEcessitatem laudandi & extollendi diuini nominis satis ostendunt crebra diuinæ Scripturæ, formula præcepti expressæ, maxime in psalmis. *Qui timetis dominum laudate eum. Date gloriam laudi eius, auditam facite vocem laudis eius. Laudate pueri Dominum, laudate nomen Domini. Laudate Dominum omnes gentes, laudate eum omnes populi.* Et Paulus ad Hebræos. *Offeramus hostiam laudis semper Deo.* Et in Apocalypsi. *Vox de throno exiit, dicens. Laudem dicite Deo nostro omnes serui eius, & qui timetis eum pusilli & magni.* Deinde in eadem Scriptura, tum à psalte regio, tum à Babyloniis pueris apud Dánielem, tum ab aliis, etiam rationis & sensus expertes creaturæ prouocantur ad laudandum Deum, multo ergo magis homo ad laudes illas astringitur. *Turpe enim fuerit, inquit Chrysostomus, ut homo, qui est compos rationis, & omnibus quæ videntur præstantior, sit creatura in Dei laudibus inferior; non solum autem turpe, verum etiam absurdum. Quomodo autem non absurdum? siquidem ipsa quotidie atq; adeo singulis horis emittit Domino glorificationem. Cali, enim, inquit, enarrant gloriam Dei, & opera manuum eius annunciat firmiter. Dies dici cructat verbum, & nox nocti indicat scientiam. Sol & Luna, & varius astrorum chorus, & pulcherrimus ordo ceterorum omnium suum prædicat opificem.* Tertio eadem docet nos ob præterita, præsentia & futura Dei beneficia omnia debere Deo. & ideo laudum causam in ea sepius confert. Nam v. c. cum regius psalter in psalm. 148. hortatus esset & angelos & homines & cælos ad laudandum Deum, causam subiicit, *quia ipse dixit & facta sunt, ipse mandauit & creata sunt. Statuit ea in æternum & in seculum seculi* Et in Apocalypsi dicitur. *Prociuebant vigin-tiquatuor seniores ante sedentem in throno & adorabant viuentem in secula se-culorum, & mittebant coronas suas ante thronum dicentes. Dignus es Domine Deus noster accipere gloriam, & honorem & virtutem, quia tu creasti omnia, & propter voluntatē tuam erant & creata sunt.* Alibi alia beneficia recensentur. vt in psalm. 135. omnia fere beneficia collata veteris testamen-ti Patribus, in quo primi versus *Confitemini Domino quoniam bonus, quoniam in æternum misericordia eius.* posterius hemistichium vices sexies repetitur. Vnde Chrysostomus. *Homo, cum factus sit à Deo, ut illi pla-ceat & regnum futurum consequatur, per totam vitam offert Deo laudes.*

Deo

Psalm. 21. 24.

Psalm. 65. 2.

Psalm. 71. 2. 1.

Psalm. 116. 1.

Heb. 13. 15.

Apoc. 19. 5.

Psalm. 145.

Dan. 3. 26.

C. in psalm. 144.

Psalm. 18. 3.

Apoc. 4. 10.

C. in psalm. 144.

Deo enim multa debemus, quod & cum non essemus fecerit, & quod tales creauerit, quod factos regit & continet, & quod quotidie tam priuatim, quam communiter prouidet, nostriq; curam gerit, idq; clam & aperte, nobisq; & scientibus & nescientibus. Quid enim dixerit quispiam, ea quae sub aspectum cadunt, quae propter nos fecit, quod ipsa praebeant ministerium, corporis compositionem, animae nobilitatem, quotidianam eius economiam & administrationem, per miracula, per leges, per supplicia, variam & quae comprehendere non potest eius prouidentiam: bonorum omnium summum, quod ne filio quidem suo pepercit propter nos, quae iam data sunt per baptismum, per sacramenta, quae danda sunt bona illa ineffabilia, regnum, resurrectionem, hereditatem omni beatitudine plenam. Si quis enim singula enumeret incidet in ineffabile beneficiorum pelagus, videbitq; quot nominibus sit Deo obnoxius. Deniq; necessitatem iuxta atq; vtilitatem laudum, diuinarum id imprimis attestatur, quod Deus non exigit à nobis laudes ullas nisi ob commodum nostrum. Dixi Domino, ait sanctus Rex, Deus meus es tu, quoniam bonorum meorum non egesset, Et B. I O B. Quid prodest Deo, si iustus fueris? aut quid ei confers si immaculata fuerit via tua? Vnde HIERONYMVS libro primo commentariorum in epistolam Pauli ad Ephesios. Spiritus re promissionis, qui est arrabo hereditatis nostrae, idcirco nunc sanctis datur in laudem glorie ipsius: non quod Deus laude alicuius indigeat, sed quo laus Dei laudatoribus prosit, & dum per singula opera maiestatem ipsius, magnitudinemq; cognoscunt, ad laudandum eum miraculo stuporis erumpant. Et AVGVSTINVS in psal. mum 39. Sacrificium laudis, ait Deus, glorificabit me. Et quid? maior gloria erit Deo, quia glorificas eum, aut addimus gloriam Deo, quando dicimus, Glorifico te Deus meus: aut sanctiorem eum facimus, quando dicimus. Benedico te Deus meus? Ipse quando nos benedicit, facit nos sanctiores, facit nos feliciores: quando nos glorificat, facit nos gloriosiores, facit nos honoratiores. Quando eum glorificamus, nobis prodest, non illi. Quomodo enim eum glorificamus? gloriosum dicendo, non faciendo. Sic CHRYSOSTOMVS in Genesin. Deus, quia bonus & misericors est per nos vult glorificari, non quod ipsi aliquid ad suam gloriam accedat, nullius enim rei indigus est, sed ut occasionem ipsi praebeamus maiorem nobis gratiam impartiendi.

Psal. 15. 2.

Iob. 22. 2.

H. cap. i.

Psal. 49.

C. hom. 19.

C A P V T IV.

De proprietatibus laudationis diuinae.

Prima est, quod quantacunque ab homine angeloue instituat^{Psal. 94. 4.}
longè impar & inferior sit excellentia & maiestate Dei. Nam vt ^{Psal. 144. 30.}
eximius ille laudator loquitur, *Quoniam magnus Dominus, & laudabi-*
lis nimis, terribilis est super omnes Deos. Et. Magnus Dominus, & laudabi- ^{Eccli. 43. 32.}
lis nimis, & magnitudinis eius non est finis. Et Syracides. *Glorificantes Do-*
minum quantumcunque potueritis, super valebit enim adhuc, & admirabilis
magnificentiâ eius. Benedicentes Dominum, exaltate illum, quantum potestis, ^{A. in ps. 44.}
maior est enim omni laude. Vnde Sanctus Augustinus Ideo dixit, *magni-*
tudinis eius non est finis, ne forte incipias velle laudare, & putes te laudando
posse finire, cuius magnitudo finem non potest habere. Noli ergo putare te eum
cuius magnitudinis finis non est sufficienter posse laudare.

2. Proprietas, vt nihilominus laudatio sit continua, non solum
in futuro, verum etiam in præsentī seculo. Vnde Dauid. *Benedicā Do-* ^{Psal. 13. 2.}
minum in omni tempore, semper laus eius in ore meo. Magnificate Dominū meū, ^{Psal. 144. 7.}
& exaltemus nomē eius in idipsum. Et. *Exaltabo te Deus meus rex & benedicā*
nomini tuo in seculum, & in seculum seculi. Laudationem Domini loquentur os
meum, & benedicat omnis caro nomini sancto eius in seculum seculi. In quæ ^{In ps. 13.}
verba ita Basilii. *Videtur rem impossibilem polliceri propheta, quomodo e-*
nim semper Dei laus in ore hominis potest esse? quando enim depromit con-
sueta & corporis necessitatem respicientia colloquia, utique non iam in
ore habet Dei laudem: quando item dormit, penitus silet. Bibens quoque
aut comedens, quomodo ore concinit laudem Dei. Ad hoc dicimus, os esse quoddā
spirituale hominis interni, nempe mentis, quō nutritur quisquis particeps di- ^{1. Cor. 10. 31.}
mini sit Verbi qui panis de cælo descendit. Sane cogitatio, quæ de Deo est semel
impressa menti potest laus Dei rectè appellari, semper in anima existens. Po-
test item iuxta Apostolicam adhortationem vir cuius pietatis studiosus cun-
cta facere ad Dei gloriam, ita vt facta dictaque ipsius omnia, omnisque spiri-
tualis operatio vim laudis habeant. Siue enim bibat iustus, siue edat, omnia ad
gloriam Dei facit. Et. S. Augustinus exponens verba illa. Et lingua mea ^{Psal. 34. 22.}
meditabitur iustitiam tuam, tota die laudem tuam. Suggesto remedium, unde
tota die laudes Deum, si vis. Quicquid egeris bene age, & laudasti Deum.
Quando cantas hymnum, laudas Deum. Lingua tua quid agit, nisi laudet
conscientia tua? Et quoties tu cessasti ab hymno cantando, discedis vt reficia-
ris: noli ebriari, & laudasti Deum. Discedis, vt dormias, noli surgere ad malè

Fff

facien-

faciendum, & laudasti Deum. Agrum colis, noli lucem mouere, & laudasti Deum.

A. in ps. 32. cō. 1.

3. Proprietas est, ut laudetur in omnibus, prosperis & aduersis, beneficiis & poenis. Ita enim exponit iam allatum psalmi dictum, Benedicam Dominum in omni tempore, idem S. Augustinus. Quid, inquit, est benedicam omni tempore? & semper? siue in prosperis, siue in aduersis. Nam si in prosperis, & non in aduersis, quomodo omni tempore? quomodo semper. Et audiui multas multorum tales voces, quando illis prouenit aliqua felicitas, exultant, gaudent, cantant Deo, laudant Deum: non sunt improbandi, imò gaudendum est illis quia multi. Sed isti qui iam Deum laudare ex prosperitatis parte ceperunt, docendi sunt Patrem agnoscere & flagellantem, nec murmurare aduersus corrigentis manum, ne semper prauī remanentes exheredari mereantur. Et S. CHRYSOSTOMVS in psalmum 148. Deus ait, aequè est laudandus, cum & punit, & à supplicio eximit. Vtraque enim sunt curationis, utraque sunt bonitatis. Homines quidem hoc faciunt propter bonitatem, illud verò propter iram & improbitatem. Deus autem utraque propter clementiam. Oportet ergo eum aequè laudare, & quod posuerit Adam in paradiso, & quod eum expulerit, & agere gratias non solum pro regno, sed etiam pro gehenna: eam enim & fecit, & minatus est, ut à vitio liberaret. Sicut medicum non solum nutriendum, sed etiam fame excruciantem, non solum vngentem, sed etiam vrentem & secantem obseruamus & miramur; et si enim contraria sint quae fiunt, vnum tamen finem respiciunt. Sic salutis temporalis, Deus verò aeterna.

A. in psal. 124.
R. sal. 49.

4. Proprietas, ut cum non potest Deus laudari verbis & factis vitaque sancta, laudetur saltem voluntate & corde. Vnde propheta dicebat. Voluntariè sacrificabo tibi. Quid est, voluntariè sacrificabo, ait AUGUSTINVS, Voluntariè laudabo te: quia sacrificium laudis, inquit, glorificabit me. Si cogereris offerre Domino tuo sacrificium gratum illi & acceptum, sicut antea vouebantur sacrificia in umbra futurorum, forte non inuenires in grege tuo placitum taurum, in capris hircum ara Domini dignum, & non inueniens satageres, quid faceres, & diceres forte Deo: volui & non habui. Ipsum voluisse laudasse est. Non enim verba à te querit Deus, sed cor. Si enim Deus aures carnales haberet, & sono tui corporis indigeret, idcirco cum remanisses sine lingua, sine laude etiam remaneres. Nunc verò quia cor querit, cor inspicit, intus testis est, iudex, approbator, adiutor, coronator, sufficit ut offeras voluntatem. Cum potes ore confitere ad salutem, cum autem non potes corde credere ad iustitiam. Quod autem & factis, cum fieri potest, laudandus sit Deus docet S. Chrysost. in psalmum 102. Primum quidem, inquiens, hac laus à iustis requiritur, oportet enim vitam prius rectè instituentem hymnos Deo canere, non est enim pubhbra laus, in ore peccatoris. Secundo, non uerbis solum, sed

Eccl. 15. 9.

sed etiam factis laudare oportet, & hanc laudem Deus maximè requirit, hanc gloriam. Luceat inquit, lux vestra coram hominibus, ut videant opera vestra bona, & glorificent patrem vestrum qui in cœlis est: Ita laudant Cherubin. Quocirca propheta quoque cum melodiam illam mysticam audiisset, seipsum afflicta, & miserum ducit, dicens. Hei mihi quod homo sum impura habens labra & habito in medio populi impura labia habentis.

5. Proprietas est, ut asciscantur socii laudum diuinarum exemplo Dauidis passim in psalmis. Laudate Dominum in excelsis, Laudate omnes angeli, & trium puerorum in hymno suo. Est hoc sanctis ait aureum os, in more positum propter pium & gratum suum animum, ut cum Deo sunt, acturi gratias accersant multos laudationis socios, & hortatur, ut pulchrum munus secum obeant. Hoc etiam fecerunt tres pueri, qui quando erant in fornace omnem creaturam ad laudibus celebrandum, quod acceperant beneficium, & hymnos Deo dicendos conuocarunt. Hoc ipsum facit hic quoque Dauid, utrumque mundum vocans, supernum & infernum sensilem, & eum qui percipitur sola intelligentia Hoc etiam facit propheta Isaias, quando dicit. Latentur cœli & exultet terra, quoniam misertus est Dominus populo sui: Et rursus alicubi Isaias. Nubes pluant iustitiam. Ut qui enim soli non sufficiant ad Deum laudibus celebrandum, quoquoersus obeunt ut in dicendis hymnis socios accipiant. Hic autem hoc crebro facit.

CAPUT V.

Quibus mediis incitemur ad laudandum Deum.

INTER Media præstantissimum est amor Dei, quem AUGUSTINUS non semel facit causam & fontem diuinæ laudationis, ut in epistola ad Honoratum. Cum Dauid dixisset, in medio Ecclesie cantabote, quomodo cantauit. i. quia cantauit in nobis cum proficimus in nomine quod narrauit fratribus suis, & quia laudem Dei cantauit in nobis continuo manifestauit, dicens. Qui timetis Dominum, laudate eum. Quis autem veraciter laudat, nisi qui sinceriter amat? Tantundem est ergo, ac si diceret. Qui timetis Dominum, amate eum. Dixit enim homini sicut scriptum est. Ecce pietas est sapientia, Porro pietas cultus Dei est, nec colitur ille nisi amando. Summa igitur & vera sapientia est in præcepto illo primo, Diliges Dominum tuum ex toto corde tuo. Et in psalmum 85. Quid ergo agemus fratres? Psalmus nobis indicat. Beati qui habitant in domo tua. Vnde in secula seculorum laudabunt Hec erit actio nostra, laus Dei. Amas & laudas. Desine laudare, si desinis amare. Non autem desines amare,

Fff

2

quia

quia talis est, quem vides, qui nullo te offendat fastidio, & satiat te & non te satiat.

Aug. conc. 2.

II. M E D I V M est humilitas. Eſto humilis, inquit idem in psal. 33. si vis benedicere Dominum omni tempore, & semper laus eius sit in ore tuo. quia & Iob non tantum benedixit Dominum, quando abundabant illi omnia, quibus eum legimus diuitem fuisse & felicem, & pecore, & seruis & domo, felicem filiis, & omnibus rebus. Ablata sunt omnia uno tempore, & impleuit quod in hoc psalmo scriptum est, dicens. Dominus dedit, dominus abstulit: sicut Domino placuit ita factum est, sit nomen Domini benedictum. Ecce habes exemplum benedicientis omni tempore, quia humilis est. Quid est esse humilem? nolle in se laudari. Qui in se vult laudari superbus est. Qui superbus non est, humilis est. Non vis ergo esse superbus, ut possis esse humilis, dic quod dictum est. In Domino laudabitur anima mea.

Iob. 1. 21.

Aug. in ps. 40.

Psal. 40.

A. serm. 48.

III. Est Voluntaria confessio peccatorum, & patefactio defectuum. Cum vis te defendere te de peccato tuo, ait idem alibi, laudare non potes Deum. In laude Dei non caperis, nisi in tua iactarieris. transi ad vituperationem tuam & laudabis Deum. Redi ad verba psalmorum, quos execramini. Dic, Ego dixi Domine miserere mei, sana animam meam, quoniam peccaui tibi. Ego dixi, ego peccaui, non fortuna, non fatum, non gens tenebrarum. Si ergo tu peccasti iam vide, quemadmodum pateat laus Dei. Iam ergo confesso peccato tuo, vide quemadmodum laudetur Deus, quia iustus est, cum te punit persuerantem, & misericors cum liberat confitentem. Et rursus in sermone quodam de Tempore. Siue nos accusemus, siue Deum laudemus, semper illi gratias agere studeamus, à quo gratia gratis datur, cuiusque datur. Bis ergo Deum laudamus, si pie nos accusemus, Deumque laudemus. Quando Deum laudamus, tanquam eum, qui sine peccato est, predicamus: quando autem nosmetipsos accusamus, ei per quem resurreximus (a peccato) gloriam damus.

Eccli. 15. 9.

A. in ps. 146.

Id. in ps. 148.

IV. Est Vita laudata, & immunis à peccatis grauioribus: nihil enim æquè laudi diuinæ repugnat ac peccatum, iuxta illud Sapientis. Non est speciosa laus in ore peccatoris. Vnde Augustinus exponens verbum psalmi. Deo nostra sit iucunda decoraque laudatio. Quomodo, inquit erit Deo nostro iucunda laus? Si bene viuendo laudetur. Alio loco dicitur. Non est speciosa laus in ore peccatoris. Si ergo in ore peccatoris speciosa laus non est, iucunda non est. Hoc enim iucundum, quod speciosum. Vis ergo ut Deo tuo iucunda sit laus? noli bonæ cantilenæ tuæ obstrepere moribus malis. Deo nostro iucunda sit laus. Quid dixit. Qui laudatis, bene viuite. Laudatio impiorum offendit Deum. Plus ille attendit quid uiuas, quam quid sonas, cuius aures non ad os, sed ad cor, non ad linguam, sed ad vitam laudatoris patent. Et rursus alibi. Non cesset bene viuere, & semper laudat Deum. Tunc desinis laudare Deum, quando à iustitia, & ab eo quod illi placet declinas. Nam si à vita bona

bona nunquam declines, lingua tua tacet, vita tua clamat, & aures Dei ad cor tuum. Quomodo enim aures nostra ad voces nostras, sic aures Dei ad cogitationes nostras. Non potest autem fieri, ut habeat mala facta, qui habet bonas cogitationes: facta enim de cogitatione procedunt. Quomodo de interiori palatio quicquid iusserit Imperator per imperium Romanorum emanat, quicquid videtis agi per provincias, quantus motus sit ad unam iussione Imperatoris intus sedentis? Mouet solum ille labia cum loquitur, & mouetur omnis provincia cum fit quod loquitur. Sic & in unoquoque nostrum intus est Imperator, intus in corde sedet. Si bonus bona iubet, bona sunt: & si malus mala iubet, & mala fiunt.

V. & postremum Medium sit Consideratio triplex vel quadruplex. 1. immensæ & infinitæ maiestatis Dei eiusque idionatum, sapientiæ scilicet, bonitatis, omnipotentis & reliquorum laude dignissimorum. 2. Beneficiorum eius innumerabilium; utrasque enim causas urget ipse Spiritus sanctus in scripturis pro laudatione diuina. 3. omnium creaturarum etiam animæ & sensus expertium, quæ à Sanctis ad laudandum Deum prouocantur: non quod ipsæ vel corde, vel lingua, vel factis, vel vita sancta Deum benedicant & glorificent, sed quod sua pulchritudine, ordine & numero testentur conditoris sui potentiam & maiestatem, ac ita ad agnoscendum verum Deum, colendumque inflamment, secundum illud Apostoli. Inuisibilia enim ipsius, à creatura mundi per ea quæ facta sunt intellecta, conspiciuntur, semper terna quoque eius virtus & diuinitas. Vnde Augustinus in psalmum 148. Sunt quæ spiritum vite & intellectum ad laudandum Deum non habent, quæ quidem per se voce sua & corde suo non laudant Deum, sed cum ab intelligentibus considerantur, per ipsa laudatur Deus, & cum per ipsa laudatur Deus, quodammodo & ipsa laudant Deum. Et Chrysostomus in eundem. Quomodo autem poterunt dixerit quispiam, ea laudare, quæ neque vocem habent, nec linguam, nec animam, nec rationem? Quoniam duo sunt modi laudandi, gloriæ, & honore afficiendi. Vnus quidem per uerba, alius vero per ipsam creaturam, ut cum ipse dicit. Cæli enarrant gloriam Dei, opera autem manuum eius annunciat firmamentum. Ita hic etiam laudat eum creatura pulchritudine, positione, magnitudine, natura, usu, ministerio, constantia, utilitate quæ ex eis proficiscitur. Quando ergo dicit Laudate Dominum angeli, virtutes celi, Luna, Sol, stella, aqua quæ est super calos, hoc dicit, unumquodque eorum quæ facta sunt dignum esse sapientia effectoris, & esse plenum magno miraculo. Hanc ergo dicit laudem pulchritudinem eorum quæ facta sunt, quæ ei qui illa fecit laudes, & hymnos comparat. Quod Paulus quoque significat dicens. Inuisibilia enim eius, &c. 4. consideratio sit vnius hominis, vel vnius animæ cum

Rom. 1. 20.

A. sub. init.

Psalm. 148.

Rom. 1.

corpore. Sola enim corporis humani fabrica, sufficit ad declarandam sapientiam potentiamq; summi opificis, vt fusc declarat S. Augustinus libro de ciuitate Dei 22. capite 24. Et Lactantius Firmianus libro de Ira Dei toto. Plura MEDIA vide in titulo *Gratiarum actio Deo debita.*

VIDE. V. *Cogitatio diuine presentie. Cognitio Dei Confessio sacramentalis. Contemplatio. Deuotio. Familiaritas cum Deo. Gratiarum actio. Oratio.*



L I B E R A L I T A S.

C A P V T I.

De nomine & definitione Liberalitatis.

Sen. c. 24.

Arist. 4. Eth. c. 7.

Amb. c. 28.
Cic. 7. offic.

Ib. c. 30.
2. Cor. 9.
Sen. c. 5.

Id. l. cit.

LI B E R A L I T A S, si originem vocis spectes, auctore SENECA libro de Vita beata, ita nominata est, non quia liberis debetur, sed quia à libero animo proficiscitur. Eius definitio à Speusippo hæc traditur. *Est habitus, qui in quarendis, erogandisq; pecuniis decorum seruat* hoc est, decens & moderata acquisitio, & erogatio pecuniæ, auaritiæ & prodigalitatæ extremis circumscripta. Nomine pecuniæ cum Philosopho intellige, quicquid nummis æstimari potest. Moderata dicitur erogatio, quia si non tantum, quantum oportet, tribuas, Auaritia oritur: si excedas in dando modum, in vitium laberis prodigalitatæ. S. AMBROSIVS libro de Officiis primo, & ante eum M. TVLLIVS, eam scribunt benignitatis quoq; nomine & beneficentiæ appellari. Recte. Benignitatis quidem pro affectu. *Neg, enim satis est, inquit Ambrosius, bene facere, nisi id ex bono fonte, hoc est, ex bona voluntate proficiscatur.* Hilarum enim datorem diligit Deus. *Nec aurum, inquit Seneca libro primo de beneficiis, nec argentum, nec quicquam eorum, quæ à proximis accipiuntur, beneficium est, sed ipsa tribuentis voluntas.* Beneficentia verò pro effectu designando appellatur. *Non enim satis est bene uelle, ait idem Ambrosius, sed etiam benefacere.* Unde, inquit idem, quasi bonis dicit Apostolus, 2. Cor. 8. *Qui non tantum facere, sed & velle cepistis ab anno præterito.* Perfectorum virumq; est, non parum. Itaq; docet & liberalitatem sine benevolentia, & benevolentiam sine liberalitate

te esse

te esse perfectam. Unde ad perfectum hortatur dicens. Nunc ergo & facere consummate, ut quemadmodum prompta est in vobis voluntas faciendi, ita sit & perficiendi ex eo quod habetis. Quod ad genera liberalitatis attinet ea duo facit C I C E R O, primum in primo libro de officiis, his verbis. *Cic. 1. de off.* Cum duo genera liberalitatis sint, unum dandi beneficii, alterum reddendi: demus, necne in nostra potestate est: non reddere viro bono non licet, si modo id facere possit sine iniuria. Deinde in secundo libro. Liberalitatis ait, ratio est duplex, nam aut opera benignè fit indigentibus, aut pecunia. facilior est hac posterior, locupleti praesertim, sed illa lautior ac splendidior, & viro fortis clarior, dignior. Quamquam enim in utraque inest gratificandi liberalis voluntas, tamen altera ex arca, altera ex virtute depromitur.

CAPUT II.

De dignitate fructus Liberalitatis.

DIGNITAS huius virtutis inde primum elucet quod CHRIS- *Vide V. Elect. moz. c. 3. Matt. 9. 13.* TVS Dominus apud Matthæum eam, quando exercetur erga pauperes prætulit veteris testamenti Sacrificiis, dicens. *Osee. 6. 6.* Euntes autem discite, quid est. Misericordiam volo, & non sacrificium. Deinde è priscis Patribus Clemens Alexandrinus in Pedagogo. Oportet, inquit, vi in *C. c. 7. lib. 3.* celos conscendere, & pulchrum baculum, beneficentiam scilicet, circumferre, & iis qui affliguntur elargientem veram quietem percipere. Fateatur enim Scriptura animæ redemptionis pretium esse proprias diuitias. Hoc est, si diti- *Prou. 13. 3.* scat, saluus erit per elargitionem. Quemadmodum enim quicunque putei scaturiunt, exhausti in pristinam mensuram reuertuntur; ita etiam elargitio, quæ est bonus fons benignitatis, potum sitientibus communicans, rursus augetur & repletur, quemadmodum ad vbera quæ suguntur, vel etiam mulgentur, solet lac confluere. Lactantius libro de Ira Dei sub finem. Iustitia & beneficentia tam immortales sunt, quam mens & anima, quæ bonis operibus similitudinem Dei assequitur. Greg. Nazianzenus de pauperum amore. Nihil tam diuinum homo habet, quam de aliis bene mereri, tametsi ille maiora, hic minora beneficia conferat, uterque nimirum pro suis viribus. Fac calamitoso sis Deus, Dei misericordiam imitando. Et infra. Doce vir sacrosancte panem esurienti frangere, & pauperes tecto carentes colligere, & nuditatem operire, nec consanguineos despicere, ac praesertim hoc tempore, ut beneficentia nostra ex penuria sit, non ex redundanti facultatum copia: quo munere Deus magis delectatur, quam multis oblationibus, magnisque largitionibus. S. AMBROSIVS. *A. 2. off. c. 12.* Adiuuat, ait, hoc quoque profectum bonæ estimationis, si de potentis manibus

H. in c. 57.

sa. 22. 13.

Nyss. in orat.

Ch. hom. 1. vel
in prelat.

Acl. c. 19.

S. c. 15.

St. serm. 46.

bus eripias inopem, de morte damnatum eruas, quantum sine perturbatione fieri potest. Iam si oppressum opibus potentis, & factione magis, quam sceleris sui pretio grauatum liberaueris egregia conualescit opinionis testimonium. Et iterum. Deesse benignum, iustum, non alieni cupidum, imò de suo iure cedentem potius aliqua si fuerit laceffit, quam aliena iura pulsantem, fugitantem litum, abhorrentem à iurgiis. Siquidem suo iure virum bonum aliquid relaxare non solum liberalitatis, sed plerumq; etiam commoditatis est. Primo dispendio litis carere, non mediocre est lucrum. Deinde accedit ad fructum, quod augetur amicitia, ex qua oriuntur plurima commoditates, S. Hieronymus libro 16. in Isaiam. Liberalitas quoq; & dispensatio virtus maxima est, & via regia, à qua declinat ad dexteram, qui parcus est, & non solum aliis, sed ne sibi quidem tribuit quod necesse est. Ad sinistram, qui comedit substantiam suam cum meretricibus, & dicit cum Israhel. Manducemus & bibamus, cras enim moriemur. Greg. Nyssenus de pauperibus amandis. Vt illi qui in certaminibus stultitiae premia proponunt tuba liberalitatem suam indicantes omnibus in palaestra decertantibus pecunia largitionem pollicentur atq; denunciant. Sic beneficentia omnes in miseriis positos ad se vocat, non vulnerum & plagarum premia, sed arumnarum & incommodorum remedia accedentibus impertiens. Hac est omnium laudatarum virtutum praestantissima. Hac est felicitatis comes. Hac assidet Deo, & magna est cum ipso necessitudine coniuncta. Chrysost. in epist. ad Philippenses. Quemadmodum diuitum filii ornatus gratia aureum monile gestant in collo, nec id unquam deponunt, velut nobilitatis signum circumferentes & ostentantes; itidem & nos oportet semper beneficentia indutos esse, declarantes, quod filii sumus eius qui misericors est, & Solem suum exoriri facit super bonos ac malos. Et homilia 27. in Genesin. Non putemus aliud, dum benefacimus aliis, quam quod magnum quoddam beneficium apud Deum deponamus Nam ipsi sumus, qui beneficio fruimur, & multum lucri inde nobis conciliamus. Addo Patribus, Ethnicorum Sapientes. Pythagoras enim rogatus, auctore Aeliano in varia historia, qua ratione homines Diis similes haberi possint, respondit, si veritatem amplecterentur, & cunctis bene facerent. Et Seneca libro tertio de beneficiis. Qui datur beneficia, ait, Deos imitatur, qui repetit, feneratores. Theophrastus, teste Stobaeo, interrogatus quidnam vitam conseruaret humanam, respondit, Beneficentia. Cicero quoq; libro altero de diuinatione scribit nihil esse beneficentia praestantius, & in tertio de Officiis, ait, *Herosulem hominum fama beneficiorum memore in concilio caelestium collegatum.* De fructu huius virtutis plura uide titulo de Eleemosyna cap. 5.

CAPV T III.

De proprietatibus Liberalitatis.

PRIMA Proprietas est, quod ea, ut scribit M. Tullius primo de Officiis libro, *nihil est natura hominis accommodatius*. Et in Lælio. *Natura*, inquit, *ad liberalitatem propensi sumus*. Seneca de vita beata, c. 24. *Homini- bus prodesse natura iubet*.

II. Quod affectu dantis potius, quam effectu eius meritum sit æstimandum. Ambrosius libro de Viduis. *Liberalitas non cumulo patri- monij, sed largitatis definitur affectu*. Et primo de Officiis. Christus duo ara Luc. 21. vidua illius diuitum muneribus prætulit, quia totum illa quod habuit contulit. Affectus igitur diuitem collationem, aut pauperem facit, & precium rebus imponit. Sic & Aristoteles in quarto de moribus. *Liberalis actio, non in A. c. 1. multitudine rerum quæ dantur, sed in habitu dantis consistit*, hic autem pro facultatibus erogat. Nihil igitur prohibet eum magis esse liberalem, qui pauciora largitur, si modo minores ei sint facultates. Et Seneca libro I. de Beneficiis. S. c. 6. Beneficium non in eo quod fit, aut datur, consistit, sed in ipso dantis aut facientis animo. Animus est, qui parua extollit, sordida illustrat, magna & in pretio habita dehonestat. Et infra. Socrati cum multa multi pro suis quisque facultati- Id. c. 8. bus offerrent. Æschines pauper auditor. Nihil, inquit, dignum te quod dare tibi possim inuenio, & hoc modo pauperem me esse sentio. Itaque dono tibi, quod unum habeo, me ipsum. Hoc munus rogo quaecumque est, boni consulas, cogitesque alios, cum multum tibi darent plus sibi reliquisse. Cui Socrates. Quid ni tu, inquit, mihi magnum munus dederis, nisi forte paruo te æstimas. Habebo itaque cura, ut te meliorem tibi reddam quam accepi. Vicit Æschines hoc munere Alcibiadis parem diuitijs animum, & omnium iuuenum opulentorum munificentiam.

III. Proprietas est, ut declaretur erga omnes, iuxta illud Aposto- li. *Dum tempus habemus operemur bonum ad omnes*. Et Christi apud Lu- Gal. 6. 10. cam. *Omni petenti te tribue*. Unde S. Augustinus de salutaribus docu- Luc. 6. 30. mentis. *Ad omnes homines faciamus bonum*. Ad omnes dico, non per par- A. c. 46. tes, non ad unum, vel ad duos, aut ad tres, sed ad omnes homines. Christus enim non pro sanctis tantum passus est, sed pro peccatoribus & impiis & sceleratis ascendit in crucem, & passione sua nos omnes reuocauit ad vitam. Non sanctis tantum Deus dedit Solem, & Lunam, & pluuiam, & omnia nascentia terra, & omnes fructus, qui oriuntur in terra, sed in commune omnibus hominibus

Slib. 4. c. 25.

Id. c. 14.

Cor. 14. 40.

Gal. 6. 10.

A. i. offic. c. 30.

Iob. 19. 13.

A. c. 18.

dedit illa qui Solem suum facit oriri super bonos & malos, & pluit super iustos & iniustos. Ideo omnibus hominibus dedit illud in commune, ut bonum nostrum & eleemosyna nostra & charitas nostra, & humilitas nostra, & patientia nostra in commune omnibus hominibus distribuatur. Et M. Tullius in secundo de Officiis, cum dixisset melius apud bonos, quam apud fortunatos beneficium collocari, mox addit. Danda omnino opera est, ut omni generi satisfacere possimus. Et Seneca de beneficiis, Si Deos imitaris, da etiam ingratum. Nam & sceleratis soloritur, & piratis maria patent. Et de vita beata. Ubique homo est, ibi beneficio locus est.

IV. Est, Ut erga omnes quidem, sed circumspectè, habita ratione circumstantiarum, personæ, temporis, necessitatis, dignitatis & ordinis. secundum illud B. Pauli monitum ad Corinthios. Omnia honestè, & secundum ordinem fiant. Vnde in epistola ad Galatas, cum hortatus esset, ut bonum operaremur ad omnes, addidit maximè autem ad domesticos fidei. Qua de re ita scribit S. AMBROSIVS. Perfecta liberalitas fide, causa, loco, tempore commendatur, ut primum opereris circa domesticos fidei. Grandis culpa, si sciente te fidelis egeat, si scies eum sine sumptu esse, fame laborare, arumnam perpeti, qui præsertim egere erubescat, si in causam ceciderit, aut captiuitatis suorum, aut calumnie, & non adiuues: si sit in carcere, & pœnis & suppliciis propter debitum aliquod iustus excrucietur, (nam etsi omnibus debetur misericordia, tamen iusto amplius) si tempore afflictionis sue nihil à te impetret, si tempore periculi, quo rapitur ad mortem, plus apud te pecunia tua valeat, quam vita morituri. De quo pulchrè Iob dixit. Benedictio operituri in me veniebat. Et paulo post. Est etiam illa probanda liberalitas, ut proximos seminis tui non despicias, si egere cognoscas. Melius est enim, ut ipse subuenias tuis, quibus pudor est ab aliis sumptum deponere, aut alicui postulare subsidium necessitati, non tamen ut illi diuitiores eo fieri velint, quod tu potes conferre inopibus. Et infra. Consideranda etiam in largiendo etas atq; debilitas, nonnunquam etiam verecundia, qua ingenuos prodit natales, ut senibus plus largiaris qui sibi labore iam non queunt victum querere. Similiter & debilitas corporis, & hæc iuuanda promptius. Tum si quis ex diuitie cecidit in egestatem, & maximè, si non vitio suo, sed aut latrocinij, aut prescriptione, aut calumnijs quæ habebat amisit. Et S. Augustinus libro primo de doctrina Christiana. Omnes homines equè diligendi sunt, sed cum omnibus prodesse non possis, his potissimum consulendum est, qui pro locorum & temporum, vel quarumlibet rerum opportunitatibus constrictius tibi quasi quadam sorte iunguntur. Sicut enim, si tibi abundaret aliquid, quod dari oporteret ei qui non haberet, nec duobus dari posset, si tibi occurrerent duo, quorum neuter alium vel indigentia, vel aliqua erga te necessitudine superaret, nihil iustius faceres, quam ut sorte eligeres, cui dandum esset, quod virg,

dari

dari non posset. Eandem proprietatem tradit Philosophus loco citato. Liberalis honestatis causa dabit, & recte dabit enim quibus oportet, & quot oportet, & cum oportet, ceteraque omnia observabit, quæ dandi actum rectum sequuntur. Et infra. Cum liberalitas mediocritas sit circa dandas, capiendasque pecunias, liberalis dabit in quibus oportet, & quod oportet, tam in parvis, quam etiam in magnis, & accipiet unde oportet. Et CICERO in primo de officiis. In collocando beneficio, si cetera paria sunt, hoc maxime officii est, ut quisque maxime opis indigeat, ita ei potissimum opitulari. Optime autem societas hominum coniunctioque servabitur, ut si quisque erit coniunctissimus, ita in eum benignitatis plurimum conferetur. Et SENECA de Beneficiis libro 4. Idem in S. c. 10. beneficio faciam, quod in deposito. Videbo quando dem, cui dem, quem admodum, quare. nihil enim sine ratione faciendum est. non est autem beneficium, nisi quod ratione datur, quoniam ratio omnis honesti comes est. Et de beata vita, Errat si quis existimat facile rem esse donare plurimum ista res habet difficultatis, si modo consilio tribuitur, non casu & impetu spargitur. Hunc promereor, illi reddo, huic succurro, huic misereor, illum instruo. Quibusdam non dabo, quamvis desit. quia etiam si dedero, erit defuturum. Quibusdam offeram, quibusdam etiam incalcabo. Et iterum alibi. Estimanda est eius persona cui damus. Quædam enim minora sunt, quam ut exire à magnis viris debeant, quædam accipiente minora sunt. Urbem cuidam Alexander donabat vasanus, & qui nihil animo nisi grande conciperet. Cum ille cui donabatur seipsum mensus tanti muneris invidiam refugisset, dicens non convenire fortune suæ: non quero, inquit, quid te accipere deceat, sed quid me dare. Animosæ vox videtur, & regia, cum sit stultissima. Nihil enim per se quenquam decet. Refert quid, cui, quando, quare, ubi, & cetera sine quibus facti ratio non constabit. Tumidissimum animal, si illum accipere hoc non decet, nec te dare. Habeatur personarum ac dignitatum ratio.

A. 4. Eth. c. 1.

Id. c. 24.

l. 2. de. benef. c. 15. & 16.

V. Proprietas. ut ne inimico quidem denegetur officium beneficentiæ. Hanc Christus tradidit apud Matthæum dicens. Diligite inimicos vestros, benefacite his qui oderunt vos. Quæ verba expendens Chrysostomus in Genesin. Cogita, inquit, obsecro dilecte, quanta sit virtutis magnitudo, & discite vel ex præmijs, quæ propter illam universi Dominus promittit. nam cum dixisset. Diligite inimicos vestros, benedicite eis, qui persequuntur vos, orate pro caluminantibus vos, quia sublimia sunt præcepta summumque verticem tangentia, inquit, ut efficiamini similes Patri vestro, qui in cælis est: quia solem suum oriri facit super bonos & malos, & pluit super iustos & iniustos. Vidisti, quantum homo potest, cui similis fiat, cum non solum non ulciscitur eum qui offendit, sed etiam orare pro eo studet. Ne igitur

Matt. 5. 44. C. hom. 27.

negligentia nostra talibus nos fraudemus bonis & premiis, quæ etiam rationem transcendunt. Et infra Scio quod graue & molestum videtur ad eum qui in te hostiliter affectus sit, abire, cumq; eo stare & loqui. At si mandati cogitaueris dignitatem, & retributionis magnitudinem, & quod non in illum, sed in te recurrant beneficia, omnia tibi leuia & facilia videbuntur. Hanc proprietatem ignorauit Ethnicus Orator qui scripsit *Iustitia primum munus est, ut ne cui quis noceat, nisi laceffit iniuria.* Quem redarguit Lactantius & Ambrosius.

Cic. i. offic.
L. 6. c. 18.

A. r. de off.
c. 28.

Greg. ep. 54.

A. l. r. c. 30.

Ibid.

A. 5. l.

Matt. 6. 1.

Luc. 6. 35.

A. 4. Eth. c. 1.
Sen. c. 7.

VI. est, ut benefactori rectus sit propositus scopus, ac primo quidem ut ne noceat ei cui bene facit. *Multa enim sunt*, inquit Nazianzenus ad Anyrium, *in quibus ii. qui iniuriam accipere videntur, beneficio ornantur, & contra iis, qui beneficium accipere putantur, iniuria infertur.* Et Ambrosius de Officiis. *Pulchrum est eo largiri consilio, ut pro sis, non ut noceas. Nam si luxurioso ad luxuria effusionem, adultera ad mercedem adulterii largiendum putet, non est beneficentia, ubi nulla est beneuolentia. Officere enim istud est, non prodesse alteri.* Secundo, ut conferatur beneficium sine fraude. *Hoc primum queritur*, ait idem, *ut cum fide conferas, fraudem non facias oblati, ne dicas te plus conferre, & minus conferas. Quid enim opus est dicere? in tua potestate est largiri, quod velis. Fraus fundamentum soluit, & opus corrui.* Nunquid Petrus ita indignatione efferbuit, ut Ananiam extingui vellet, vel uxorem eius? Sed exemplo eorum noluit perire ceteros. Tertio, ut non ob inanem gloriam. *Nec enim illa perfecta est liberalitas*, inquit idem, *si iactantia causa magis, quam misericordia largiaris. Affectus tuus nomen imponit operi tuo. Quomodo à te proficitur, sic æstimatur.* Quarto & postremo, ut non commodi sui causa largiatur. v. c. ut plus recipiat, iuxta illud Christi. *Mutuum date, nihil inde sperantes.* Nemo plus tribuit, inquit Ambrosius libro de Viduis, quam qui sibi nihil requirit. Et Philosophus libro de Moribus. *Est liberalis non ad seipsum respicere.* Et Seneca initio libri primi de Beneficiis. *Demus beneficia, non faneremus. Dignus est decipi, qui de recipiendo cogitauit, cum daret.*

2. Cor. 9. 7.
G. de paup.
amore.

B. ep. 258.

A. 4. Eth. c. 1.

VII. ut beneficium, conuenienter nomini suo, & liberalitatis in alterum conferas. Quod fiet, si primo id facias libenter & cum gaudio. *Hilarem enim datorem*, inquit Beatus Paulus, *diligit DEVS.* Quod mæsto animo defertur, aut necessitate extorquetur, ait Gregorius Nazianzenus, *ingratumque est, parumque gloriosum.* Et S. BERNARDVS ad Eugenium Papam. *Nemo, ut ait B. Ambrosius inuitus beneficit, etiamsi bonum est quod facit, quia nihil prodest spiritus timoris, ubi non est spiritus charitatis.* ARISTOTELIS quoque verba sunt. *Liberalis* da-

dabit in quibus oportet, & quod oportet tam in parvis quam etiam in magnis atque cum voluptate. Et Seneca de beneficiis. *Demus libenter, cito sine ulla dubitatione proximus est neganti, qui dubitavit. Illud melius, occupare ante quam rogeris.* S. l. 2. c. 1.

2. ut promptè & celeriter. Beneficii enim gratia, inquit Nazianzenus promptitudine & celeritate congeminatur, iuxta illud Publii Mimi. *Qui cito dat bis dat.* Et Luciani. Naz. ib.

Ὡκεία χαριτες γλυκερώτερά η̃ δὲ βραδύνη
Πᾶσα χάρις κεν ἐν μῆδε λεγοίτο χάρις.

AVSONIVS ita vertit.

*Si bene quid facias, facias cito, nam cito factum
Gratum erit, ingratum gratia tarda facit.*

Et SENECA loco citato. *Omnis benignitas properat, & proprium est libenter facientis cito facere. Tarde velle nolentis est.* S. cap 5. Tob. 4. 9.

3. ut liberaliter iuxta facultates. Vnde Sanctus Tobias filio. *Quomodo potueris, ita esto misericors, si multum tibi fuerit abundanter tribue, si exiguum tibi fuerit, etiam exiguum libenter impertiri stude.* Vnde S. AMBROSIVS de officiis. *Deus non vult simul effundi opes, sed dispensari: nisi forte ut Eliseus, qui boves suos occidit, & pavit pauperes ex eo quod habuit, ut nulla cura teneretur domestica, sed relictis omnibus in disciplinam se prophetica daret.* Et rursum. *Etiam bonorum operum sumptibus immoderatum esse non decet. Pulchra liberalitas erga ipsos quoque pauperes mensuram tenete, ut abundantes pluribus, non conciliandi fauoris gratia ultra modum fluere.* Hinc ARISTOTELES. *Attinet etiam ad hominem liberalem, ut in dando adeo exuperet, ut sibi ipsi pauciora relinquat. At profacultatibus ipsa liberalitas dicitur. Vnde non prohibet eum magis esse liberalem, qui pauciora largitur, si modo minores ei sint facultates.* A. lib. 1. c. 30. Id. l. 2. c. 21. A. l. cit.

4. ut rectè & occulte potius, quam palam largiari. Perfecta est liberalitas, inquit AMBROSIVS, ubi silentio quis tegit opus suum, & necessitatibus singulorum occultè subuenit: quem laudat os pauperis, & non labia sua. SENECA libro 2. de beneficiis discrimen facit. *Præcipiunt, ait, omnes auctores sapientia, quedam beneficia palam danda, quedam secretò. Palam, quæ consequi gloriosum est, ut militaria dona, & honores, & quicquid aliud notitia pulchrius sit. Rursus quæ non producant, nec honestiorem faciunt, sed occurrunt infirmitati, egestati, ignominia, tacite danda sunt, ut nota sint solis, quibus prosunt. Interdum & ipse qui iuvatur fallendus est, ut habeat: nec à quo accepit, sciat. Arcefilaus, ut aiunt, amico pauperi, & paupertatem suam dissimulanti: agro autem, & ne hoc quidem confitenti,* A. 1. off. c. 30. L. lib. 1. c. 5. S. c. 9. Id. c. 10.

in eius vita Sur.
rom. 6.

desse sibi in sumptum ad necessarios usus, cum clam succurrendum indicasset, puluino eius ignorantis subiecit, ut homo inutiliter verecundus. quod desiderabat, inueniret potius, quam acciperet. Illustrius in hoc genere exemplum habemus in Sanctorum historiis de S. Nicolao Myræ Episcopo, cuius cum ciuis egens tres filias iam nobiles in matrimonio collocare non posset, earumque pudicitiam prostituere cogitaret; re cognita Nicolaus noctu per fenestram tantum pecuniæ in eius domum iniecit, quantum vnius virginis dori satis esset: quod cum iterum & tertio fecisset, tres illæ virgines honestis viris in matrimonium datæ sunt.

L. lib. i. c. 5.

S. c. 19.

Ad. c. 11.

5. Et ultimo, ut postquam beneficium dederis, vel liberalitatem in quempiam exercueris, memoriam eius non refrices, sed obliuiscaris: Notum siquidem est dictum CHILONIS apud Laertium. *Dati beneficii decet obliuisci, accepti autem meminisse.* Et SENECAE loco allegato. *Hoc beneficii inter duos lex est. Alter statim obliuisci debet dati, alter accepti nunquam.* Et iterum. *Non est memoria reuocandum, nisi ut aliud dando prioris admoncas. Ne aliis quidem narrare debemus. Qui dedit beneficium, taceat: narret qui accepit. Quid opus est te loqui? quid alienum occupare officium? Est qui istud facere honestius possit: quo narrante & hoc laudabitur, quod ipse non narras.*

VIDE V. Charitas proximi. Eleemosyna. Et in PANARIO. V. Auaritia. Impatientia in damno rerum temporalium.

M. MAN.

M.

MANSVETUDO.

CAPVT I.

Quid sit mansuetudo, & ut differat à clementia.

MLEMENS Alexandrinus quarto Stromatæo. *Mansueti, uel mites, inquit, sunt, qui infidam quæ est in anima, pugnam sedauerunt, ira & cupiditatis, & eorum quæ sub eas cadunt.* S. Basil. ^{B. in psal. 33.} *lius uerò. Qui sedati sunt & compositis moribus, nempe ab omni affectu uitioso liberi, adeo ut nullum in animabus suis perturbationi relinquerint locum, hi demum mansueti appellantur.* Et S. AMBROSIVS, ^{A. in psal. 36.} *Qui sunt mansueti, nisi quos nullus stimulus dissensionis exagitat, non ira perturbat, non sentitia exasperat, non rabies crudelitatis inflamat?* Et S. AV. ^{A. c. 3.} *GUSTINVS libro primo de sermone Domini in monte. Mites sunt qui cedunt improbitatibus, & non resistunt malo, sed vincunt in bono malum. Conuenit cum Patribus ex Ethnicis Philosophus in quarto Ethico, describens mansuetudinem esse virtutem ira moderatricem.* ^{Ar. c. 5.} *Differt autem à clementia, quod clementia sit auctore SENECA* ^{S. c. 3.} *libro 2. de clementia, temperantia animi in potestate ulciscendi, vel lenitas superioris aduersus inferiorem in constituendis poenis. Vel inclinatio animi ad lenitatem in pena exigenda. Mansuetudo autem, teste S. THOMA* ^{Th. 2.2. q. 157. art. 1.} *quinque, non solum est superioris ad inferiorem, sed cuiuslibet ad quemlibet.* ^{art. 1.} *Huic opponitur iracundia, illi uerò crudelitas. Crudelitas autem, inquit SENECA, nihil aliud est quam atrocitas in exigendis poenis.* ^{lb.} *illos ergo crudeles vocabo qui puniendi causam habent, modum non habent.*

CAP.

De prestantia & utilitate mansuetudinis.

Matt. 11. 29.

Matt. 5. 4.

Psal. 26. 11.

Psal. 141. 6.

B. in ps. 33.

N. de beatit.

H. in Matt.

C. Isa. 58.

Psal. 24. 9.

Psal. 36. 11.

Psal. 146. 6.

Prou. 3. 34.

Eccli. 3. 19.

Eccli. 10. 17.

Isa. 61. 1.

Isa. 66. 2.

Iud. 9. 16.

Basil. 14.

PRÆSTANTIA utilitasq; virtutis huius inde imprimis se prodit, quod CHRISTVS Dominus omnium virtutum princeps & auctor eam in se ante alias imitandam omnibus proposuerit, dicens. *Tollite iugum meum super vos, & discite à me, quia mitis sum, & humilis corde, & inuenietis requiem animabus vestris.* Deinde eam inter beatitudines in sermone habito in monte recensuit, adiuncto præmio remunerationis cælestis, inquiens, *Beati mites, quoniam ipsi possidebunt terram.* nec enim vero simile est Christum in tam seria & sublimi concione, de terra hac corporea, quam aliàs despiciendam docuit, locutum, sed de cælo quæ terra viuentium in Scripturis appellari solet, vt in psalmis. *Credo videre bona Domini in terra viuentium.* Et. *Tu es spes mea, portio mea in terra viuentium.* atq; ita pleriq; omnes Patres exposuerunt, vt Basilii, Nysseni, Hieronymus, Cyrillus, & loco citato Augustinus. Deinde S. Scriptura alios gloriosos fructus promittit mansuetis, vt diuinam gratiam, spiritus sanctiq; inhabitationem & peculiarem institutionem ac directionem, vt sepe in psalterio, *Diriget mansuetos in iudicio, docebit mites vias suas.* Et. *Mansueti autem hereditabunt terram, & delectabuntur in multitudine pacis.* Et. *Suscipiens mansuetos Dominus.* Et. *Exaltauit mansuetos in salutem.* Et in Sapiente. *Mansuetis (Deus) dabit gratiam.* Et. *Fili in mansuetudine opera tua perfice, & super hominum gloriam diligeris.* Et. *Fili mi per mansuetudinem gloriam anime tue concilia, & eam honore, quem meretur, affice.* Et. *Sedes diuitum superbiorum destruxit Deus, & sedere fecit mites pro eis.* Deinde apud Isaiam. *Ad annunciandum mansuetis misit me.* Et. *Ad quem respiciam, ait Dominus, nisi ad mansuetum & contritum spiritu, & trementem sermones meos?* Et apud Iudith. *Humilium & mansuetorum semper tibi placuit deprecatio.* Iam & S. Patrum præconia audiamus.

S. BASILIUS in psalmum 33. *Maxima omnium virtutum mansuetudo, eoq; in beatitudinum numerum relata est.* Beati, inquit, mites, quoniam ipsi possidebunt terram. Illa enim terra cælestis Hierusalem non bellatorum spoliū, sed longapimenter & mansuetè omnia tolerantium sperata hereditas. Et in Constitutionibus monasticis. *Mansuetudini naturaliter etiam fere adiuncta patientia est, siquidem mansuetudo patientia est mater,*

com.

commista verò cum benignitate, coniuncta q̃, præstantissimam omnium virtu-
tum caritatem efficit. B. Ephræm de Virtutibus & vitiis Beatus ac felicissi-
mus vere est vir ille, qui mansuetus est. S. Ambrosius in psalmum 36. expo-
nens verba illa. Mansueti autem possidebunt terram, & delectabun-
tur in multitudine pacis. Merito, inquit, terram possident, in quibus Deus Iſa. 66. 2.
ipse requiescit, sicut diuino per Isaiam resultauit oraculo dicens. Supra quem
requiescam, nisi supra humilem & quietum, & tremementem verba mea? Et
quia non vina, non epulas, non diuitias, sed pacem Domini dilexerunt in corpo-
re constituti, pro illa delectatione corporalium voluptatum, qua se putarunt esse
fraudandos, ut gratiam adipiscerentur eternam, delectabuntur in multitudi-
ne pacis, quam Dominus noster Iesus in diebus suis generi donauit humano. S.
Chrysost. in epistolam ad Romanos. Quomodo poterit quis, inquires, filius C. hom. 19.
Dei fieri? Si omnibus fuerit affectuum passionibus liberatus, si mansuetudi-
nem erga conuitiatores, atq; iniuriam facientes ostenderit: nam & Pater tuus
talis est erga blasphematores suos. Atq; ideo licet sepe multa dixerit, nun-
quam dixit, ut sitis similes Patri uestro, sed quando dicebat, orate pro calumni-
antibus vos, bene facite eis, qui vos oderunt, tunc istud etiam præmiū subiunxit. Matt. 5.
Matt. 5. 45.
Nihil enim adeo vicinum Deo, conformemq; facit, quemadmodum ista virtus.
Ideo & Paulus cum dicit, Imitatores Dei estote, ad hoc dicit, ut isti studeatur 1. Cor. 11. 1.
Eph. 5. 1.
virtuti. Nam omnibus quidem virtutibus opus habemus maxime tamen man-
suetudine, quandoquidem & nos benignitate indigemus & misericordia: mul-
ta siquidem singulis diebus deliquimus. Et in Genesin. Neq; contumelia affe-
cti feroces simus, etiam si contemptiores & pauperiores nobis sint, qui nobiscum Ch. hom. 34.
contendunt sed mansuetudine furorem comprimamus: nihil enim illa poten-
tius, nihil illa fortius. Illa animam nostram in perpetua tranquillitate, & quasi
in portu constituit, & omnis recreationis ac quietis nobis occasio est. Eapropter Matt. 11. 29.
& Christus diuina illa docens dicebat. Discite à me, quia mitis sum & humilis
corde, inuenietisq; requiem animabus uestris. Nihil enim animam ita in tran-
quillitate & quiete esse facit, ut mansuetudo & modestia. Hæc omni diadema-
te se possidenti est utilior. Hæc omni claritudine & gloria conducibilior. Quid
enim beatius, quam intestino liberari bello? sicut neq; mirabilius est aliquid ci-
uitate, qua licet presidij & muris bene sit munita, intus tamen
ciues foueat proditores.

CAPUT III.

De proprietatibus mansuetudinis.

Chr. hom. 13.

S. lib. 7. c. 3.

Id. ep. 95.

Terent. in He-
aut.

Arist. 4. Eth. c. 5.

PRI^{MA} Proprietas est, quod hæc virtus naturæ hominis maxi-
mè sit consentanea, siue animum eius, siue corpus spectes. ani-
mum quidem, quia ratione præditus est, nihil autem æquè rationi
repugnat, atq; contrarium ei vitium iracundia. Corpus verò quia nu-
dum, omnibusq; armis destitutum est à Deo creatum. Vnde S.
CHRYSOSTOMVS in homilia quadam ad populum habita
probare conatur hominem abiecta mansuetudine contra naturam
suam degenerare in feram, imò feris fieri deteriore. *Sed quid dico,*
ait, feram? Feris omnibus est huiusmodi peior. Illa siquidem licet sint agre-
stes, humanam autem natæ, mansueta frequenter efficiuntur: tu vero cum in
supernaturalem mansuetudinem naturalem illarum feritatem mutaueris,
*quam habebis excusationem, se naturalem tuam mansuetudinem in prater-
naturalem illarum feritatem redegeris? quod natura quidem ferum est, exhibens*
mite, te ipsum verò naturam mitem, contra naturam bestialem constitu-
ens, & leonem quidem mulcens, reddensq; mansuetum, animum verò tuum
exhibens leone sauiorem. Seneca verò Ethnicus in libro de Clementia
contendit etiam clementiam, hoc est, mansuetudinem superioris et-
ga inferiorem, esse naturæ humanæ consentaneam. Nullam, inquit, ex
omnibus virtutibus magis homini conuenire, cum sit nulla humanior, constet
neceffe est non solum inter nos, qui hominem sociale animal communi bono ge-
nitum videri volumus, sed etiam inter illos, qui hominem voluptati donant,
quorum omnia dicta facta q; ad utilitatem suam spectant. Nullum tamen cle-
mentia ex omnibus magis, quam regem aut principem decet. Et in epistolis ad
Lucilium. Magna scilicet laus est, si homo mansuetus homini est. Omne hoc
quod vides, quo diuina atq; humana conclusa sunt, vnum est: membra sumus
corporis magni. Natura nos cognatos edidit, cum ex iisdem, & in eadem gigne-
ret. Hæc nobis amorem induit mutuum, & sociabiles fecit. Iste versus & in pe-
ctore, & in ore sit. Homo sum, humani nihil à me alienum puto. habeamus in
commune, quod nati sumus.

II. Proprietas est, non eum hic vocari mansuetum, qui nunquam
irascitur, sed qui pro quibus, & quibus oportet vt loquitur Philosophus,
& vt oportet, & cum oportet, & quanto in tempore oportet, irascitur. Man-
suetus enim perturbatione vacare solet, nulloque duci affectu, quo-
usque ratio prescripserit. Qui verò nunquam, etiam cum oportet,
ira-

irascuntur fatui esse videntur, quod nec sentire nec dolere videantur. Hucusque ille. Vnde Sanctus BASILIUS in constitutionibus monasticis. *Non esse alienum ab iis, qui mansuetudini student animo interdum in loco incitari, hinc perspicui facillimè potest, quod Moyses, de quo sanctis litteris testatum habemus, mortalium eum omnium longè mansuetissimum fuisse, ubi ita temporis ratio poscere visa est, vehementissimè est indignatus, atque eatenus animi concitatione progressus, ut eam non alia ratione, quam suorum cade terminarit, hocque tum, cum vitulum illum fabricarunt, tum etiam cum nefariis se Beelphegor ritibus polluerunt. Ex quo intelligi facile potest, ut quis adhibita ratione animo incandescat posse nihilominus eum dignitatem mansuetudinis incorruptam retinere.* In eandem sententiam ita scribit pro Moyse CHRYSOST. *Neque ferire est absolutè atrocitatis, neque parcere mansuetudinis: sed mitis ille est, qui ferre potest, quæ in se ipsum peccata sunt, qui aliis factam iniuriam propulsat. Qui autem id non facit est deses, & somnolentus, & nihilo melius mortuo affectus, non autem mansuetus. Quare hoc ipsum ostendit Moyses mansuetudinem quod erat adeo ardens, ut profliret cum videret alios iniuria affici, pro iusto iram non valens cohibere: at quando ipse malo aliquo affectus esset, nec ultus est, nec pœnam sumpsit, nec à philosophia instituto inquam recessit: illo quidem se esse malis infestum, hoc vero se esse lenem & patientem ostendens. Sed dic quæso, quid eum facere oportu- & num despicere iniuriam & malum quod pertinebat ad populum? Sed id non erat eius qui regabat populum, nec patientis alicuius & mitis sed desidis & ignavi.*

B.c. 14.

C. in psal. 131.

III. Proprietas est, ut qui mansuetudinis virtutem sibi vendicare velit, sciat se, instar paruulorum, omnis doli & fraudis debere esse expertem & ab omni hypocrisis ac simulatione abhorrentem. Quod ex phrasi Paulina ostendit CLEMENS Alexandrinus in suo *Pædagogo*, exponens verba illa ad Ephesios. *Ut iam non simus paruuli fluctuantes.* Hic, inquit, par est attendere appellationem huius vocabuli *νῆπιος*, quod infantem significat. Quo fit ut is dicatur *νῆπιος*, qui moribus mitis ac mansuetus recenter euasit; Hoc autem manifestissimè significauit beatus Paulus dicens. *Cum possimus oneri esse sicut Christi postoli, fuimus mites in medio vestri sicut nutrix fouet filios suos.* Mitis ergo ac mansuetus est infans, nempe *νῆπιος*, & ea ratione magis tener ac mollis, tener autem mollisq. est, qui est simplex, doli ac fraudis expertis, & remotus à simulatione, rectoq. & erecto animo, Hoc est autem fundamentum simplicitatis & veritatis. Super quem enim, inquit, respiciam, nisi super mansuetum & quietum? Sumus autē nos teneri ac molles, dum per suasioni non reluctamur,

Clib. 1.

Eph. 4. 14.

1. Thess. 2. 7.

Ila. 66. 2.

& à bonitate non difficulter colimur, bileq; vacui malitia & perversitate minime permixti sumus. Vetustas enim generatio perversa est & duro corde: chorus autem infantium, nos inquam, qui sumus novus populus, mollis est, & delicatius, ut puer.

Pl. 119. 7.

Ch. in pl. 119.

Matt. 10. 16.

E. lib. 1. c. 1.

Ch. hom. 48.

IV. Proprietas est, ut mansuetus ita simplicitatem colat, ut suam mansuetudinem etiam inter perversos & discolos fartam testam tueri conetur, exemplo regis Davidis, dicentis. *Cum his, qui oderunt pacem erant pacificus, cum loquebar illis, impugnabant me gratis.* In quæ verba sic Chrysostomus. *Sed nunc quis nostrum hoc poterit dicere? recte enim nobiscum agitur, si cum pacificis simus pacifici. Quomodo erga nos hac in regeremus? Si tanquam inquilini hic versemur, si ut hospites, si nullo eorum qua sunt presentia retardati. Nihil enim a quæ pugna ac belli causa est ut amor presentium, ut vel gloria, vel pecunia, vel deliciarum cupiditas. Propterea etiam iubet Christus oves esse inter lupos. Quid est ovis mansuetus? quid verò lupo agrestius? hic tamen ab illa superabitur, id autem ostensum est in apostolis. Tanquam verò non sufficeret ovis mansuetudo, adiecit, *Estote simplices sicut columba, miscens duorum simplicium animalium mansuetudinem. Ne mihi dixeris. Est improbus, nec facere possum. tunc enim maxime ostendenda est mansuetudo, quando res nobis fuerit cum suis & agrestibus hominibus, quando cum iis, qui sunt ab humanitate alienissimi: tunc enim eius virtus ostenditur, tunc eius munus fructusq; clare ostenditur.* Cum hoc dogmate convenit illud dictum Gregorii Magni initio Moralium. *Neg. enim valde laudabile est bonum esse cum bonis, sed bonum esse cum malis. Sicut enim gravioris culpe est inter bonos bonum non esse, ita immensi praconij est: bonum etiam inter malos exstitisse.**

V. Proprietas est, ut coniunctam habeat magnam humilitatem animi; qua etiam duri, saevi & agrestes homines molliuntur & superantur, si cum illis agendum sit. Hac enim virtute Iacob Patriarcha animum feri Esau fratris sui fregit, ut liquet ex capite 33. Geneseos, & notavit idem Chrysost. Exponens enim dictum caput. *Considera, ait, obsecro, quomodo humilitate excellenti fratrem devicerit, & quem putabat affici erga se hostiliter, & atrociter, ita invenit mansuetum, ut voluerit in ministerium eius omne officium suum declarare. Et paulo post. Hac audientes imitemur iustum illum, & eandem animi humilitatem declaremus, & si qui sunt qui male nobis afficiuntur, non magis attendamus eorum iram sed magna humilitate tam verborum, quam operum reprimamus eorum inimicitias. Hoc verè summa virtutis est, ut non solum bene affectos magno studio diligamus, sed etiam nobis infestos assidue officiorum nobis conciliemus amicos. Nihil enim mansuetudine violentius. Nam sicut rogam valde accensum aqua iniecta restinguunt, ita & animum camino magis assuantem verbum cum mansuetudine prolatum.*

latum extinguit. Et duplex inde nobis lucrū accrescit, tum quod nos mansuetudinem declaramus, tum quod fratris indignationem cessare facimus, & mentem eius à turbatione liberamus. B. onf. mon. 3
cap. 14. Basilius, ut supra dictum est, eadem de causa comitem adiunxit patientiam.

CAPUT IV.

Quibus mediis ad mansuetudinem perueniatur.

PRIMUM medium, & secundum tradit S. Gregor. quinto Morali. G. c. 32.
um in hæc verba. *Duobus modis fracta possidere animum ira desuescit. Primus est, ut mens sollicita antequam agere quodlibet incipiat, omnes sibi, quas potest pati contumelias, proponat: quatenus redemptoris sui probra cogitans ad aduersa se præparet. Quæ nimirum venientia tanto fortius excipit, quanto se cautius ex præscientia armauit.*

II. Secundus autem seruanda mansuetudinis modus est, ut cum alienos excessus aspicimus, nostra, quibus in aliis excessimus, delicta cogitemus. Considerata quippe infirmitas propria, mala nobis excusat aliena. Patienter namque illatam iniuriam tolerat, quippe meminit, quod fortasse adhuc habeat, in quo ipse debeat tolerari. Et quasi aqua ignis extinguitur, cum surgente furore animi, sua cuique ad mentem culpa reuocatur, quia erubescit sibi peccata non parcere, qui vel Deo vel proximo sæpe se recolit parcenda peccasse. B. serm. 73. S. Bernardus quoque scribens in psalmum. *Qui habitat, asserit ex contemplatione iniquitatis propriæ, & ex dolore qui ob culpam commissam concipitur, oriri non modo mansuetudinem, cui draconis flatus non noceat, sed etiam magnanimitatem, quam rugitus leonis non terreat.* Imò & S. Chrys. hoc medium annotat in Ioannem. Chry. hom. 59. *Hoc pacto inquit, Christi erimus discipuli, si mansueti fuerimus & mitis ingenij. Vnde autem tales fiemus? Si nostra frequenter peccata reputabimus, si lugebimus, si flebimus. Neque enim animam tantum doloris particeps irritari atque irascipatitur. Vbi fletus, ira esse non potest: ubi dolor & contritio longe abest omnis irritatio. Mens enim dolore percussa non studet elationi, sed amare ingemiscit.*

III. Medium, neque simplex tradit S. Chrysost. in psalmos. nempe, Ch. in ps. 7.
ut ne occasionem demus rixæ vel odio, si mansuetudinem tueri velimus. *Non est enim hoc spectandum, inquit, ut non habeamus inimicos, sed ne iuste & cum causa, & ut licet millies odio habeamur, non habeamus odio. Quando enim odio habeor, & odio non habeo, ille me inimicum, non ego eum habeo. Quando ei bene precor, quando ei volo benefacere, quomodo ego illi sum*

Rom. 12. 18.

inimicus. Idcirco dicebat Paulus. Si possibile est, quod est in vobis, cum omnibus hominibus pacem habentes. Nostra ergo offeramus, & huic ipsi sufficientem laudem. Quanam sunt autem nostra? Ut verbi gratia. Hic odio te habet, & bellum gerit, tu ama, cumq; beneficio affice: probis & maledictis appetit, tu benedic & lauda. Mali enim quo magis observati bellum nolunt componere, eo nobis splendidiorem remunerationem comparant, & se reddunt imbecilliores. Et iterum. Fugiamus ergo inter nos ipsos bellum gerere, & eorum radicem de medio tollamus vanam gloriam, & avaritiam. Vel enim propter pecunias est inimicus quispiam, vel propter vanam gloriam. Si ergo contumelia affecerit, magno animo & forti feramus, seipsum enim non te affecit iniuria: & si percusserit, ne dextram contrahas. Ipse est enim, qui verberatur, te quidem manu, sed se irapulsans, & sibi malam apud omnes opinionem concilians. Si quis enim furens vestem tuam lacerarit, quemnam dixeris male pati, tene qui passus es, an illum, qui male fecit? Clarum est, quod illum.

Ch. hom. 58. in Gen.

IV. Medium eiusdem, est perpendere, quod frustra alienæ iræ vel rixæ resistatur alia via, quam mansuetudine. Quid enim, dic mihi, ait, Accusas indignationem fratris tui, & quod hostiliter se gerat erga te? Cur igitur non diuersa via studes incedere, sed ipse magis irasci vis? Non potest igni ignis exstingui, repugnat enim hoc natura: sic neq; furor furore alio demulceri poterit unquam. Verum quod igni est aqua, hoc est ira mansuetudo. Vnde & Christus dicebat discipulis. Si diligentes vos diligitis, quam mercedem habetis? Magis autem negligentes arguere volens dicit. Nonne & publicani hoc faciunt? Quid autem publicano deterius? attamen inuenies eum omnibus modis hoc observare. Et non est possibile, ut non redamet, qui amatur. Ego autem quia excelsiores eos esse volo, & aliquid amplius habere, non hoc admoneo, sed ut inimicos diligatis.

Id. hom. 23. ad pop.

V. Medium est eiusdem pro ira propria, velut bestia, compescenda. Existima, inquit, si libet, iram quoq; bestiam esse. Et quantum alii circa leones domandos, tantum studii tu circa te ipsum impende. Hac enim difficiles habet tam dentes, quam ungues, & nisi mansuetam reddideris omnia destruet: nec enim ita leo, vel vipera potest dissipare, sicut ira ferreis unguibus id continuè faciens. Nec enim solum ledit corpus, verum & ipsam animi sanitatem corrumpit, deuorans & dilacerans omnem eius virtutem, & ad omnia reddens inutilem. Cum enim vermes in intestinis nutriendi nec respirare possit, cum eius omnia consumantur interiora, quomodo nos talem habentes serpentem, qui cuncta rodit viscera, iram dico, aliquid generosum parere poterimus? qualiter hac liberabimur peste?

peste? Si poculum bibamus, quod vermes atq; serpentes exitio tradere possit. Dicat aliquis quodnam est illud poculum, quod huiusmodi virtutem habeat? Pretiosus Christi sanguis, si cum fiducia sumatur. Hic enim omnem extinguere poterit aegritudinem, & cum hoc diuinarum Scripturarum diligens meditatio, & eleemosyna Scripturis addita.

VI. Medium sunt exempla innumera tam sacra, quam profana. Ego sacra tantum indicabo, & auctores qui ea fusius descripserunt. Primum est CHRISTI Domini, quod fusius urget CHRYSOSTOMVS homilia 59. in Ioannem, & homilia prima de incomprehensibili Dei natura. AVGVSTINVS tractatu 33. in Ioannem. II. Est MOYSIS quod tractat Chrysostomus in psalmum 131. & homilia 34. in Genesin. Gregorius libro 27. moralium cap. 7. & homilia 15. in Ezechielem. III. Est Davidis regis, apud Chrysostomum homilia 3. de David & Saul. Et in psalmum 7. & homilia 34. in Genesin. Basilium hom. 11. de inuidia. & epistola prima ad Gregor. Nazianzenum. IV. Sit Abraham, Isaac & Iacob patriarcharum, de quibus Chrysostomus in Genesin homilia 35. 52. & 58. V. CONSTANTINI Magni & THEODOSII Imperatorum, apud eundem homilia 20. ad populum Antiochenum. VI. Octavianus Augusti, de quo SENECA libro primo de Clementia capite nono. Plura habes in historia Ecclesiastica & Vitis Sanctorum apud Laur. Surium.

VIDE V. Affabilitas. Amicitia. Benevolentia. Charitas proximi. Eleemosyna, Humilitas, Pax. Simplicitas. Virtus. Et in PANARIO. V. Immortificatio passionum. Impatientia in aduersis. Iracundia.



MARTYRIUM

CAPUT I.

De nomine & definitione Martyrij.

A. era 4. l. in. ep.
1. Ioan.

MARTYR græcè, latinè testem: μαρτύριον testimonium significat. Cuius nominis rationem explicans S. AUGUSTINVS in verba epistolæ S. Ioannis Apostoli. *Et vidimus & testes sumus.* Forte, inquit, aliqui fratrum nesciunt quid sint testes. græcè & vsitatum nomen est omnibus, & religiosum; quos enim testes latinè dicimus, græcè μαρτυρες sunt. Quis autem non audiuit martyres, aut in cuius ore Christiani non quotidie habitat nomen martyrum? Testimonium enim dicendo ex eo quod viderunt, & testimonium dicendo ex eo quod audiunt ab his, qui viderunt, cum displiceret ipsum testimonium hominibus, aduersus quos dicebatur, passi sunt omnia, que passi sunt martyres. Testes Dei passi sunt. Testes Deus habere voluit homines, ut & homines habeant testem Deum.

G. c. 36. & hom.
35. in Euang.

Matt. 20. 12.

DVO autem sunt, teste B. GREGORIO libro tertio dialogorum. Martyrii genera, vnum in occulto, alterum quoque in publico. Nam est persecutio desit exterius, martyrii meritum in occulto est, cum virtus ad passionem prompta flagrat in animo. Quia enim esse possit & sine aperta passione martyrium testatur in Euangelio Dominus, qui Zebedæi filiis adhuc præ infirmitate mentis maiora sessionis loca quarentibus dicit. Potestis bibere calicem, quem ego bibiturus sum? cui videlicet cum responderent, Possamus, ait utrisque Calicem quidem mecum bibetis, sedere autem ad dexteram meam vel sinistram non est meum dare vobis. Quid autem calicis nomen, nisi passionis poculum signat? Et cum nimirum constet, quia Iacobus in passione occubuit, Ioannes verò in pace Ecclesiæ quieuit, incunctanter colligitur esse, & sine aperta passione martyrium, quando & ille calicem Domini bibere dictus est, qui ex persecutione mortuus non est.

VSU tamen iam in Ecclesia recepto propriè nuncupantur Martyres, qui pro Christo, vel alia pia causa sanguinem suum profuderunt. Cæteri autem, cum opinione sanctitatis sine morte ob Christi fidem inflicta obierunt, Confessores dicuntur. Vnde & in Eccle-

Ecclesiæ
officio
torme
liquet
rum ap
sent, vi
ne epist
lanuari

EXCERPHUM
men Do
Emit en
prior fue
rent quo
Sicoram
est; in pa
inuenit
& quas
dominat
locum
NVS. I
dum ai
xerinto
te, quon
am sala
me, inue
pus, & p
fuerit m
lis Dei.
mam su
tum ad
quod su
des aut
enim q

Ecclesiastico officio, officium de Martyribus, clare distinctum est ab officio de Confessoribus. Quanquam B. Cypriani tempore, qui iam tormenta aliqua experti essent, licet vitam nondum profudissent, ut liquet ex eius epistolis, utroq; vocabulo & Martyrum & Confessorum appellati sint; quod contigit & illis, qui in tormentis expirassent, ut erudite ex phrasi Cypriani ostendit Pamelius in annotatione epistolæ nonæ, & Casar. Baronius in Martyrologio Romano ad 2. Ianuarii.

CAPUT II.

De excellentia & fructibus Martyrii.

EXCELLENTIAM fructumq; Martyrii ostendit regius Psalmographus, cum in hæc verba concinit. *Calicem salutaris accipiam & nomen Domini inuocabo. Pretiosa in conspectu Domini mors sanctorum eius. Emit enim eam,* inquit ibi Augustinus, (Christus) *sanguine suo, quem prior fudit pro salute seruorum, ne pro Domini nomine serui fundere dubitent quod tamen eorum non Domini utilitate proficeret.* Deinde Sapiens. *Sic coram hominibus, ait, tormenta passi sunt, spes illorum immortalitate plena est; in paucis vexati in multis bene disponentur, quoniam Deus tentauit eos & inuenit illos dignos se. Tanquam aurum in fornace probauit illos. & quasi holocausti hostiam accepit illos. Iudicabunt nationes, & dominabuntur populis & regnabit Dominus illorum in perpetuum.* Hunc locum non semel pro Martyrum laude citat B. CYPRIANUS. Idem declarat CHRISTUS Dominus apud Matthæum, dum ait. *Beati estis, cum maledixerint vobis, & persecuti vos fuerint, & dixerint omne malum aduersum vos mentientes propter me, gaudete & exultate, quoniam merces vestra copiosa est in calis.* Et. *Qui voluerit animam suam saluam facere, perdet eam: qui autem perdiderit animam suam propter me, inueniet eam.* Et apud Lucam. *Neterreamini ab his, qui occidunt corpus, & post hæc non habent amplius, quid faciant. Omnis quicumq; confessus fuerit me coram hominibus, & filius hominis confitebitur illum coram angelis Dei.* Et apud Ioannem. *Maiores hac dilectionem nemo habet, ut animam suam ponat quis pro amicis suis.* Apostolus quoq; intendens dignum ad Martyrium ait. *Ipse Spiritus testimonium reddit spiritui nostro, quod sumus filii Dei: si autem filii, & hæredes, hæredes quidem Dei, cohæredes autem Christi, si tamen compatimur, ut & conglorificemur.* Existimo enim quod non sunt condigna passiones huius temporis ad futuram gloriam,

1. Pet. 2. 21.

Apoc. 7. 14.

C. ep. 9.

Psal. 115. 13.

Id. ep. 24.

quæ reuelabitur in nobis. Et S. PETRVS. non obscure ad illud nos exemplo Christi cohortatur, dicens. *Christus passus est pro nobis, vobis relinquens exemplum, ut sequamini vestigia eius.* Deniq; turba illa magna in Apocalypsi à S. Ioanne ante thronum Dei & in Agni conspectu spectata, martyrum fuit: de qua dictum est. *Hi sunt qui venerunt de tribulatione magna, & lauerunt stolas suas, & dealbauerunt eas in sanguine agni, ideo sunt ante thronum Dei, & seruiunt ei die ac nocte in templo eius. & qui sedet in throno habitabit super illos. non esurient, neque sitient amplius, &c.*

QVOD ad priscos Patres attinet integris illi libris Martyrii laudes prosecuti sunt, atque imprimis TERTVLIANVS & CYPRIANVS, ac ille quidem illos in libro ad martyres vocat, *benedictos, hic verò beatissimos & fortissimos.* O quale illud fuit spectaculum Domino ait Cyp. in epistola ad Martyres & Confessores *quam sublime, quam magnum, quam Dei oculis sacramento, ac deuotione militis eius acceptum, sicut scriptum est in psalmis, Spiritu sancto loquente ad nos pariter & monente. Pretiosa est in conspectu Domini mors iustorum eius. Pretiosa mors hæc est, quæ emit immortalitatem pretio sui sanguinis, quæ accepit coronam de consummatione virtutis. Quam letus illis Christus fuit, quam libens in talibus seruis suis & pugnavit, & vicit protector fidei, dans credentibus tantum, quantum se credit capere qui sumit. Et in fine. O beatam Ecclesiam nostram, quam sic honor diuina dignationis illuminat, quam temporibus nostris gloriosus martyrum sanguis illustrat. Erat ante in operibus fratrum candida, nunc facta est in martyrum cruore purpurea. Floribus eius nec lilia necrosa defunt. Et rursus alibi. Quid gloriosius, quid uè felicius ulli hominum poterit ex diuina dignatione contingere, quam inter ipsos carnifices interritum confiteri Dominum Deum? quam inter se uientia secularis potestatis varia & exquisita tormenta etiam extorto ei excruciato, & ex carnificatione corpore Christum Dei filium, et se recedente, sed tamè libero spiritu, confiteri? quàm relicto mundo calumpetisse, quam desertis hominibus inter angelos stare, quam collegam passionis cum Christo in Christi nomine factum fuisse? quam iudicis sui diuina dignatione iudicem factum fuisse, quam immaculatam conscientiam de confessione nominis reportasse? CLEMENS Alexandrinus libro 4. Stromatum. Consummationem, ait, vocamus martyrium, non quod vitæ finem homo acceperit, ut reliqui, sed quod perfectum opus ostenderit charitatis. Græci quoque veteres laudant finem eorum, qui mortui sunt in bello, non mortem violentam consulentes, sed quod qui in bello vitam finit, mortem non timens recessit. Deinde dicit Heraclitus. Marte cesos Dii honorant & homines: & scribit Plato in quinto de Republica.*

Eorum

Eorum qui in bello mortui fuerint, qui praeclarè se gerens obierit, an non dicemus eum esse aurei generis? Omnium maxime. S. BASILIUS in 40. B. hom. 20.
 Martyres. O sanctum chorum, o sacrum ordinem, o cuneum inexpugnabilem, o communes generis humani custodes, optimi curarum socii, precum ac uotorum inuicem suffragatores, legati apud Deum potentissimi, astra mundi, flores Ecclesiarum: vos non terra contextit, sed calam excepit. aperta sunt vobis paradisi porta, dignum profecto exercitibus angelorum, patriarchis, prophetis & iustis omnibus spectaculum. S. Hieronymus ad Hedibiam. Triumphus Dei est passio Martyrum & pro Christi nomine cruoris effusio, & inter tormenta latitudo. Cum enim quis viderit tanta perseverantia stare martyres atq. torqueri, & in suis cruciatibus gloriari, odor notitiae Dei disseminatur in gentes, & subit tacita cogitatio, quod nisi verum esset Euangelium, nunquam sanguine defenderetur. Neq. enim delicata & diuitiis studens ac securae confessio est, sed in carceribus, in plagis, in persecutionibus, in fame, in nuditate & siti. Hic triumphus est Dei, Apostolorumque victoria. S. AMBROSIVS, vel Maximus Episcopus in natali martyrum Tauricorum. Beati martyres nec sibi vixerunt, nec sibi sunt mortui: exemplum enim nobis reliquerant, bene uiuendo conuersationis; tolerando fortiter passionis. Nam ideo Dominus per totum mundum diuersis in locis pati martyres voluit, ut tanquam idonei testes nos presenti quodam fidei exemplo sua confessionis urgeret, ut humana fragilitas, quae predicationi Dominicae aditu longiore vix credit vel presenti oculorum testimonio martyrio crederet beatorum. Et paulo post. Cum sanctis martyribus quiescentes euadimus inferi tenebras, eorum propriis meritis, attamen consocij sanctitate. Cernimus enim ab ijs frequenter obfessos immundissimis demonibus homines liberari, ita ut celesti medicina, & captiua anima de diaboli laqueis eruatur, & ipse diabolus vinculis igneis alligatus producat de sua captiuitate captiuus. S. Augustinus exponens verba illa psalmi Dauidici. Principes Iuda duces eorum, principes Zabulon. Hoc loca, inquit, principes Ecclesiarum, ducesq. eorum, qui in Ecclesiis benedicant Domino, video commendari. Martyres namq. in Ecclesiis locum summum tenent, atq. apice sanctae dignitatis excellunt. Et in psalmum 118. Ecce martyrium Christi, & apud homines, & in hoc mundo non solum non est opprobrium, sed magnum est ornamentum. Ecce non solum in conspectu Domini, verum etiam in conspectu hominum iam pretiosa est mors sanctorum eius. Ecce non solum contemnuntur, verum etiam magnis honoribus praeferruntur martyres eius. Ibidem exponens verba. Multi persequentes me, & tribulantes me a testimonio tuo non declinaui, subiungit. Factum est, nouimus, recolimus, agnoscimus. Purpurata est vniuersa terra sanguine martyrum, floret calu coronis martyrum, ornata sunt Ecclesiae memoriae martyrum, insignita sunt tempora natalibus

H. quaest. 12.

A. ser. 77.

A. in psal. 67.

Id. conc. 2.

Ib. conc. 30.

Chryf.

martyrum crebrescunt sanitates meritis martyrum. Vnde hoc nisi quia impletum est, quod pradiatum est de homine isto toto terrarum orbe diffuso, Multi perseq. me, &c. Addam vnam S. Chrysost. sententiam ex demonstratione aduersus Gentiles, quod Christus sit Deus. Discipuli Christi, ait, qui ducebantur & circumducebantur, qui contemptierant & vineti, qui innumera patiebantur dum vivebant, ubi defuncti sunt, regibus ipsis magis erant venerabiles etiam Roma, quae urbium est regalissima, relictis omnibus ad sepulchra piscatoris & pellionis currunt & Reges, & Praesides & milites. Et in Constantinopoli reges nostri magnam gratiam putant, non si prope Apostolos, sed si vel extra eorum vestibula corpora sua sepeliantur, fiantq. piscatorum ostiarii reges. Neq. hinc in morte confunduntur, sed honestantur & ipsi & eorum nepotes & pronepotes.

CAPVT III.

De Proprietatibus Martyrii propriè dicti.

Psal. 34. 23.

Matt. 5. 10.
Id. ep. 90.

PRIMA Proprietas Martyrii propriè dicti est, vt mors obeatur ob iustam & piam causam, vt ob fidei defensionem. Martyres enim inquit S. Augustinus in psalmum 32. non facit pena sed causa. quod confirmat ex illis verbis psalmi. Exurge Domine, & intende iudicio meo, Deus meus & Dominus meus in Causam meam. Non, inquit, Augustin. in penam meam, sed in causam meam: non in id quod mecum latro habet commune, sed in illud quo beati, qui persecutionem patiuntur propter iustitiam. Hac enim causa discreta est: nam pena communis est bonis & malis. Et epistola ad Bonifacium Comitem. Dominus cum latronibus crucifixus, sed quos passio iungebat, causa separabat; ideo in psalmo 42. vox illa intelligenda est verorum Martyrum, volentium se discerni à falsis martyribus. Iudica me Deus, & discerne causam meam: potest enim esse impiorum similis pena, sed dissimilis est martyrum causa. Eandem proprietatem ex Cypriano refert S. Gregorius libro 2. registri, epist. 36. data ad Episcopos Hiberniae.

Hic. can. 2.

II. Proprietas est, vt non repugnet martyris voluntati, quam necesse non est vt sit actu voluntarium, vt liquet in Innocentibus, qui teste B. HILARIO in Matthæum verum martyrium perpeffi sunt, & per Martyrii gloriam aternitatem consecuti. Vnde SANCTVS BERNARDVS in sermone de natali Sancti Innocentii. Considerent, inquit, & aduertant, qui de opere & voluntate, contentiosè solent disputationibus corruxari, neutrum negligi oportet.

oportere, ubi non videtur deesse facultas præsertim, cum utrumque sine altero, ubi tamen facultas deest, non modo salutem conferre possit sed etiam sanctitatem. Sed ut hoc quoque firmiter teneant prodesse quidem opus sine voluntate, non autem contra voluntatem, ut unde saluantur infantes, inde magis damnentur fide accedentes.

III. Proprietas est, ut nemo se ultro offerat ad illud subeundum. Vnde CYPRIANVS ad presbyteros & diaconos Vos autem fratres charissimi, secundum quod me tractante sapissimè didicistis, quietem & tranquillitatem tenete: ne quisquam vestrum aliquem tumultum de fratribus moueat, aut ultro se gentilibus offerat: apprehensus enim & traditus loqui debet, siquidem in nobis Dominus positus illa hora loquatur, qui nos confiteri magis voluit, quam profiteri. Causam huius reddit libro de Mortalitate. Primo, ait, in loco, non est in tua potestate, sed in Dei dignatione martyrium, nec potes te dicere perdidisse, quod nescis an merearis accipere: tunc Deus scrutator renis & cordis, & occultorum contemplator & cognitor, videt te, & laudat, & comprobat, & quod perspicit apud te paratam fuisse virtutem, reddet pro virtute mercedem. In eandem sententiam alibi docet totum Martyrium Dominica esse promissionis & muneris, nec capere nisi eius imperio GREG. Nazianzenus quoque ita scribit. Lex nostra hoc sancit, ut urgente quidem tempore pro veritate periculum adeamus, nec pietatem per ignauiam prodamus: quamdiu autem, licet, pericula ipsa ne prouocemus, siue animarum nostrarum metu, siue ut iis consulatur, qui periculum nobis inferunt. Et S. HIERONYMVS in Matthæum Ideo recessit Christus occiso (Ioanne baptista in desertum) ut nobis præberet exemplum vitandæ ultro tradentium se temeritatis, quia non omnes eadem constantia persueuerant in tormentis, qua se torquendos offerunt. Ob hanc causam & in alio loco præcipit. Cum vos persecuti fuerint in ista ciuitate fugite in aliam. Exemplum huius rei præbuit ipse S. CYPRIANVS, nam ut est in Actis eius à Proconsule comprehensus rogatusque ut proderentur presbyteri, respondit. Eos exhibere non possumus: sed nec ipsi se ultro offerunt, cum hoc scriptura sancta prohibeat:

IV. Proprietas, ut mors illata sit ab alio, non autem martyr si-
bi ipse eam conscuerit. Diuino siquidem præcepto, Non occides, vetitum est & se occidere, ut fuisse probat S. AUGUSTINVS libro primo de ciuitate Dei. Nec valet, quod obicitur, quosdam à scriptura laudatos se interfecisse, ut Sampsonem, imo quosdam ab Ecclesia feminas ceu martyres coli, quæ seipsas interfecerint. Respondeo enim cum Augustino loco citato, id eos non errantes, sed obediētes Deo fecisse, sicut de Sampsonem, inquit, aliud nobis fas non est credere. (laudatur enim ab Apostolo in epistola ad Hebræos) cum autem Deus iubet, sequi iubere, sine

C. ep. 89.

Id. de laude
Martyrii.
G. orat. 10.

H. lib. 2. c. 14.

Extant. in opere
rc. S. Cypri. in
tio.

A. c. 17. & seq.

Iud. 16.

Id. c. 16.

Heb. 11. 32.

ullis ambagibus intimat, quis obedientiam in crimen uocet? quis & obsequium pietatis accuset?

Cor. 13. 3.

A. cap. 7.

F. c. 39.

P. ep. 2.

G. c. 15.

V. Proprietas est, ut martyr existat in charitate, hoc est, sine affectu ad peccatum mortale, quod excludat caritatem. Nam clare ait B. Paulus in priore ad Corinthios. *Si tradidero corpus meum ita ut ardeam, charitatem autem non habuero, nihil mihi prodest.* Qua de causa hæretici vel schismatici, quotquot pro religione Christiana occisi sunt, martyres dici non possunt, ut asserit S. Augustinus libro primo contra epistolam Parmeniani. & D. Fulgentius libro de fide ad Petrum. S. Paciani ad Sympronianum hæc uerba sunt. *Extra Ecclesiam pacem, extra concordiam, extra eam matrem, cuius portio debet esse, quis martyr est? Audi Apostolum. Si tradidero corpus.* &c. Vnde B. Gregorius libro 18. moralium docet, *non nisi in Ecclesia catholica veros martyres fieri.*

B. lib. 1. de bapt.

cap. 6.

V. 22. disp. 8.

q. 2 p. 2.

A. ser. 173

C. ep. 52.

VI. Proprietas est, Martyrium uicem tenere baptismi, & maxime in tribus, ut quod primo conformet hominem Christi passioni & morti. 2. remittat omnia peccata, etiam originale, si quis in eo existens pro Christo occidatur: & quidem remittat ex opere operato, ut nunc probabilior Doctorum habet sententia, quam sequitur noster Bellarminus & Valentia. 3. quod remittat omnem penam peccato debitam tam æternam, quam temporalem, quod inter Sacramenta proprium est baptismi. Vnde Ecclesia nunquam orat pro animabus martyrum, sed potius illis se commendat. Immo iniuriam facit martyri, qui orat pro martyre, ait S. AUGUSTINUS de Verbis Apostoli. & INNOCENTIUS III. c. cum Marthæ, extra, de celebratione Missarum. Vnde Cyprianus ad Antonianum conferens Martyres cum aliis Christianis morientibus. *Aliud, inquit, est ad veniam stare, aliud ad gloriam peruenire: aliud missum in carcerem non exire inde, donec soluat nouissimum quadrantem, aliud statim fidei & virtutis accipere mercedem, aliud pro peccatis longo dolore cruciatum emendari, & purgari diu igne, aliud peccata omnia passione purgasse; aliud denique pendere die iudicii ad sententiam Domini, aliud statim à Domino coronari.* Hanc proprietatem in martyrio omnes veteres Patres agnoscunt Tertullianus, Nazianzenus, Ambrosius, Cyrillus Hierosolymitanus & alii à Bellarmino citati. Imò S. Cyprianus martyrium præferit baptismi. Ita enim loquitur ad Fortunatum in præfatione, de exhortatione Martyrum. *Nos tantum qui Domino permittente primum baptismum credentibus dedimus, ad aliud quoque singulos præparemus, insinuantibus & docentes hoc esse baptismum in gratia maius, in potestate sublimius, in honore pretiosius: baptismum in quo angeli baptizant, baptismum in quo Deus & Christus eius exultant, baptismum post quod nemo iam peccat, baptismum quod fidei nostre incrementa consummat, baptismum quod nos de mundo recedentes statim*

Deo

Deo copulat, in aqua baptismo accipitur peccatorum remissa, in sanguinis corona virtutum.

CAPUT IV.

De multiplici Martyrio improprie dicto.

MARTYRIUM improprie dictum, hoc est, quod citra obitum, uel separationem animæ à corpore peractum est, varium & multiplex conuenienter doctrinæ S. Patrum assignari solet. Primum est eorum, quos Tertullianus in libro ad Martyres vocat designatos Martyres, qui scilicet tormenta quidem aliqua passi fuerunt, sed tamen occisi non sunt. & pares esse possunt aliquando veris martyribus, cum voluntas pro facto à Deo reputatur. Vnde ad tales ita scribit B. Cyprianus in epistola 9. ad Martyres & confessores data. *Si vos acies* Edit. Pamph.
vocauerit, si certaminis vestri dies venerit, militate fortiter, dimiccate constanter scientes uos sub oculis presentis Domini dimicare, confessione nominis eius ad ipsius gloriam peruenire. Quod si ante diem certaminis vestri de indulgentia Domini pax superuenerit, vobis tamen manet voluntas integra & conscientia gloriosa. Nec contristetur aliquis ex vobis, quasi illis minor, qui ante vos tormenta perpeSSI victo & calcato saculo ad Dominum glorioso itinere venerunt. Dominus scrutator est renis & cordis, arcana perspicit, & intuetur occulta. Ad coronam Dei promerendam sufficit ipsius testimonium solum, qui iudicaturus est. Et in libro ad Fortunatum. Nec solos animaduersos & interfectos diuina pollicitationis manent premia, sed etiam si ipsa passio fidelibus desit, fides tamen integra atq; inuicta persisterit, & contemptis ac relictis suis omnibus Christum se sequi Christianus ostenderit ipse quoq; à Christo inter Martyres honoratur. In horum numero fuit S. Ioannes Euangelista in Actis Apostolorum cum aliis Apostolis flagellatus, & sub Domitiano Romæ in feruentiolei dolo positus, teste S. Hieronymo de Scriptoribus Ecclesiasticis, qui allegat Tertullianum.

II. Est eorum, qui ex caritate pro aliorum salute manifesto vel ualde probabili periculo mortis se exponunt. Nam in Martyrologio Romano ad 28. Februarii sunt hæc verba. *Alexandria commemoratio sanctorum Presbyterorum, Diaconorum, & aliorum plurimorum, qui tempore Valeriani Imperatoris, cum pestis scruissima grassaretur, morbo laborantibus ministrantes libentissime mortem oppetere, quos velut Martyres religiosa piorum fides venerari consuevit.* Horum res gestas, inquit in annotationibus Baronius, multis laudibus prosecutus est apud Euseb. S. Dion. Episco-

pus

Euseb. 7. hist. e.
16. c. 17.

pus Alexandrinus in epistola ad Hieracem. vbi in fine hæc leguntur
Ex Patribus, qui virtute erant præstantissimi in hunc modum mortem appeti-
uerunt, quorum nonnulli erant presbyteri, alii diaconi, quidam è populo virtu-
tis ergo multum laudati: adeo vt istud mortis genus, quod propter incredibilem
pietatem, & robustam fidem suscipiebatur, nihil à Martyrii splendore abesse vi-
deretur. Huc pertinent, quorū quot relictis omnibus, neglecto uitæ pe-
riculo remotas regiones, uel gentilium uel hæreticorum conuertend-
dorum causa, vt Indias uel Angliam, hoc tempore adeunt.

Luc. 8. 35.

H. r. 9. operum.

B. serm. 7. de
assumpt.

III. Est eorum, qui cum prompta voluntate Martyrii ueri su-
 beundi, si ferret occasio, illud animi ærumnis voluntariè susceptis
 compensant: inter quos principem locum obtinet Beatiss. Virgo
 MARIA, Christi mater, cui à SIMEONE seneciam olim apud LV-
 CAM prædictum fuit. *Et tuam ipsius animam pertransibit gladius. gla-*
dus nempe acerrimi doloris, cum coram spectauit filium, suum &
Dei, è cruce pendentem, vt illum locum Beda, Theophylactus &
Eutymius sunt interpretati. Vnde HERONYMVS, uel potius So-
phronius in sermone de assumptione B. Mariæ. Rectè dixerim, inquit,
quod Dei genitrix Virgo Martyr fuit, licet in pace uitam finierit. Et S. Ber-
nardus in sermone quodam. Martyrium sane Virginis, inquit, tam in Si-
meonis prophetia, quàm in ipsa Dominica passionis historia commendatur. Po-
situs est, ait sanctus senex de paruulo Iesu, in signum cui contradicetur, & tu-
am ipsius animam, (ad Mariam autem dicebat) pertransibit gladius. Verè tu-
am, o beata mater, animam gladius pertransiuit: alioquin non nisi
eam pertransiens carnem filii tui penetraret & quidem, postquam emisit spiri-
tum suum ille IESVS. Tuam ergo animam pertransiuit vis doloris, vt plus
quam Martyrem non immerito prædicemus, in qua nimirum corporea sensum
passionis excesserit compassionis affectus.

C. hom. 12.

C. hom. 5.

B. serm. 30.

IV. Est, eorum, qui operam dant continuæ carnis, cupiditatumq;
 carnalium mortificationi, vt solent ex instituto suo Religiosi. S.
 Chrysost. in cap. 6. ad Hebræos. *Sunt & alia, inquit oblationes, qua verè*
sunt holocaustomata Martyrum corpora. Ibi & anima & corpus offeruntur, si-
la sacrificia odorem suauitatis habent maximum. Potes & tu, si volueris, tale
sacrificium offerre. Quid enim si non igni comburatur corpus? sed alio igni
potest, vt pote paupertatis, voluntaria tribulationis. Quum enim liceat deliciose
degere, si eligatur laboriosa vita & amara, mortificansq; corpus, nonne holo-
caustum est? Mortifica ergo corpus tuū, & crucifige, accipies & tu huius Marty-
rii coronam. Quod enim illic gladius operatur, hoc hic animi alacritas faciat.
Et B. Gregorius in Euangelia. Quamuis occasio Martyrii desit, habet ta-
men & pax nostra Martyrium suum, quia etsi carnis colla ferro non subicimus,
spiritali tamen gladio carnalia desideria in mente trucidamus. Et S. Bet-
suam

nardus in Cantica, exponens verba Christi. *Qui perdiderit animam suam propter me, inueniet eam. Perdet eam dixit, siue ponendo ut Martyr, siue affligendo ut penitens. Quamquam genus Martyrii est, spiritu facta carnis mortificare, illo nimirum, quo membra caduntur ferro, horrore quidem mitius, sed diuturnitate molestius.*

V. Priori annexum perpetua castitas. Vnde illud ad Demetria. *H. ep. 8.* dem dictum S. Hieronymi de Virginitate seruanda. *Assume scutum fidei, lorica iustitie, galeam salutis, procede ad praelium. Habet & pudicitia seruata martyrium suum.* Eodem dicto usus est MALCHVS monachus *Hier. in eius vita.* dum coactus ad coniugium, in se gladium verteret. Et S. Augustinus *A. c. 3.* de honestate mulierum *Omnes Christianis martyria deesse non possunt. si- cut castitas, veritas & iustitia Christus est: sic & ille, qui eis insidiatur persecutor Christi est. Ille vero qui castitatem, & veritatem, & iustitiam in fratribus suis defensare, in alijs & seipso custodire voluerit, martyr erit.*

VI. Martyrium est omnium, qui vitam Christiano homine dignam gerunt, hoc est, diuinis mandatis parent, & contra quotidianas tentationes & peccata bellum gerunt. *Quicumque,* inquit Clemens *C. 4. Rom.* Alexandrinus, *Seruatoris mandata exequuntur, in unaquaque actione sunt Martyres, facientes quidem quod vult, consequenter autem nominantes Dominum, & re ipsa testantes ei cui credunt, esse carnem, cum eam cruci affixerint cum vitijs & concupiscentijs.* Hieronymus ad Eustochium, de Epitaphio *H. ep. 27.* Paulae matris. *Pars tua Dominus, & quo magis gaudeas, mater tua longo martyrio coronata est. Non solum enim effusio sanguinis in confessione reputatur, sed deuota quoque mentis seruitus immaculata quotidianum martyrium est.* Augustinus in sermonibus de Tempore. *Nemo dicat, quod temporibus nostris Martyrum certamina esse non possint: habet enim & pax nostra* *A. ser. 150.* *Martyres suos. Nam sicut frequenter suggestimus, iracundiam mitigare, libidinem fugere, iustitiam custodire, auaritiam contemnere, superbiam humiliare, pars magna martyrii est.*

MEDIORVM loco seruire possunt Remedia pluraq; in PANARIO tradita aduersus Impatientiam in aduersis.

MEDITATIO. V. Contemplatio.

MISERICORDIA. V. Eleemosyna.

MODESTIA. V. Immodestia in Panario.

MORTIFICATIO. V. Immortificatio in Panario.

N.

NOTITIA DEI. V. *Cognitio Dei.*
 NOTITIA SVI. V. *Cognitio sui.*

O.

OBEDIENTIA.

CAPVT I.

Obedientia Definitio, & Partitio.

Th. 2. q. 104.
 a. 2.

¶ Tam. 2. 8.

OBEDIENTIA, auctore S. THOMA Aquinate, est virtus moralis efficiens hominem promptum ad præstandam voluntatem vel præceptum Superioris. Nomine præcepti autem intelligo, non tantum proprii nominis præceptum, hoc est, legem obligantem ad noxam lethalem vel venialem, sed etiam quamlibet intimationem voluntatis Superioris non obligantem ad culpam, tum quia apud Religiosos quosdam sunt regulæ vel constitutiones, quarum præuaricatio subditos quidem facit, inobedientes, non tamen culpabiles, saltem apud Deum; tum, quia perfectissima illa censeretur obedientia, qua quis ad minimum signum voluntatis Superioris, paratus est ad obsequium. Vnde Apostolus negat iusto vllum præceptum vel legem esse positam. *Scimus autem, inquit quia bona est lex, si quis ea legitime utatur: sciens hoc, quia lex iusto non est posita, sed iniustis.* Iustus enim, cum sponte sua pronus sit ad quoduis opus bonum, lege cogente non indiget. Hinc & S. Bernard. de perfecto obediente agens, in libro de dispensatione & præcepto: *Perfecta obedientia, ait, legem nescit, terminis non arctatur, neque contenta angustis professionis largiori fertur voluntate in latitudinem charitatis, & ad omne quod iungitur spontaneo vigore liberalis, alacrisque animi modum non considerans in infinitatem extenditur.*

Hvrvs uerò Obedientiæ partitio est duplex. Nam alia est, quā debemus Deo, eiusque diuinis legibus, quam Abraham, David, Isaias
 cere.

ceteriq; propheta & Apostoli Deo vocanti & iubenti detulerunt. Aliaquam debemus hominibus post Deum legitimè ad im per an dum aliis constitutis. Atq; hæc postrema multiplex est, pro varietate hominum qui aliis præsumt. Alia enim debetur *poteſtatibus*, quas A- Rom. 13. ii stolus vocat, *ſublimioribus*, hoc est, Principibus, vel Magistratibus, tam Ecclesiasticis, quam Politicis: Alia, quam filii parentibus, serui Dominis, discipuli iudimagistris, domestici Patrifamilias, vxores maritis. Alia denique quam Religiosi debent suis superioribus. Nos generatim quidem de omnium obedientia, præcipue tamen de religio-
forum, quæ perfectionem maiorem postulat, agemus.

C A P V T II.

Dignitas & præstantia Obedientiæ.

DI G N I T A T E M Virtutis obedientiæ imprimis ostendunt verba 1. Reg. 15. 21. SAMVELIS propheta ad regem Saul. *Nunquid vult Dominus ho- locausta & victimas, & non potius, ut obediatur voci Domini? MELIOR est enim obedientia quam victima, & auscultare magis, quam offerre adipem arietum. quoniam quasi peccatum ariolandi est repugnare, & quasi scelus idololatriæ, nolle acquiescere.* In eandem sententiam scribit Ecclesiastes. *Custo- Eccl. 4. 17. di pedem tuum ingrediens domum Dei, & appropinqua ut audias. Multo enim melior est obedientia, quam stultorum victimæ.* Quæ verba expendens S. GREG in libro 35. Moraliū. *Obedientia inquit, victimis iure præponi- G. c. 12. tur, quia per victimas aliena caro per obedientiam vero voluntas propria mæ- etatur. Tanto igitur quisq; Deum citius placat, quanto ante eius oculos repres- sa arbitrij sui superbia, gladii præcepti se immolat. Quo contra ariolandi pecca- tum inobedientia dicitur, ut quanta sit virtus obedientiæ demonstretur. Ex aduerso igitur melius ostenditur, quid de eius laude sentiat. Si enim quasi ariolandi peccatum est repugnare, & quasi scelus idololatriæ, nolle acquiescere; sola est, quæ fidei meritum possidet, sine qua quisque infidelis esse videatur. Hinc per Salomonem in ostensione obedientiæ, Vir obediens loquitur victorias. Prou. 21. 28. Vir quippe obediens victorias loquitur, quia dum aliena voci humiliter subdimar, nosmetipsos in corde superamus. Et rursus in commentariis primi Regum. G. lib. 6. ca. Si hoc ideo dicitur (à Samuele) ut virtus obedientiæ commendetur, liquet quam sublime bonum sit, quod victimis & sacrificiis excellit. Quid est ergo quod dicitur *Vult ut obediatur voci Domini, nisi quia omnia bona opera post- ponenda sunt his bonis quæ iubentur?**

B. q. 41.

2. Cor. 8. 5.

Jer. 21. 4.

Ioa. 15. 14.

A. c. 12.

Id. conc. 3.

Id. ser. 34.

Ion. 2. 7.

1. Reg. 16.

B. initio.

1. Reg. 15. 12.

Phil. 1. 9.

T. 11. q. 104. a. 3.

E A N D E M dignitatem professi sunt & prisca Patres. S. Basilius in Regulis fusius disputatis. *Ex prompta*, ait, *ubique omnibus in rebus obedientia laudi semper tribuitur, cum idem Apostolus laudet quosdam, ac dicat. Semetipsos dederunt primum Domino, deinde nobis propter voluntatem Dei.* S. Gregorius Nazianzenus in oratione ad ciues timore perculsos. *Inter ceteras nostra doctrine leges hanc quoque habemus cum primis laudandam, & à spiritu, quid quod prestare possumus cum eo quod honesti ratio possit, explorauit, legem, sanxit, praeclare constitutam: qua ut serui heris suis, & uxores viris, & Ecclesia Christo, & discipuli Magistris ac pastoribus dicto audientes esse, atque obtemperare iubentur.* S. Hieronymus in verba Ieremiae. *Audite vocem meam, & facite omnia quae praecipio vobis, & eritis mihi in populum, & ego ero vobis in Dominum. Non propter generis, inquit, priuilegia, non propter circumcisionis iniuriam & otium Sabbathi, sed propter obedientiam & Deus efficitur populi Israel, & Israel populus eius. Et hic quidem quasi ad seruos loquitur, ut placeant Deo. In Euangelio verò Dominus ad discipulos. Vos, inquit, amici mei estis, si feceritis, quae ego praecipio vobis.* S. Augustinus libro 14. de ciuitate Dei. *Obedientia commendata est in precepto, quae virtus in creatura rationali mater quodammodo est omnium, custosque virtutum, quandoquidem sic facta est ut ei subditam esse sit utile, perniciosum autem suam, non eius à quo creata est, facere voluntatem.* Et in psalmum 70. *Non potuit Deus perfectius demonstrare, quantum sit bonum obedientiae, nisi cum (Adam) prohibuit ab ea re, quae non erat mala. Sola ibi obedientia tenet palmam, sola ibi inobedientia inuenit poenam.* Et ad fratres in eremo. *In montem obedientiae ascendamus, & quod Deo promissimus attendamus. Nihil enim est maius obedientia, nihil peius inobedientia. Adam periit, quia inobediens fuit. Christus resurrexit quia obediens fuit Patri. Ionas inobediens à pisce absorptus est. Saul inobediens à damone correptus est.* S. Bernardus in verba: *Eccene nos reliquimus omnia. Familiaris & amica salutis obedientia est, sed obedientia firma & stabilis, quae fundata est super petram. Melior est enim obedientia, quam victima, & acquiescere nolle, ut peccatum arielandi est. Vnde & vite quoque ipse Saluator prae tulit hanc virtutem, eligens magis animam ponere, quam obedientiam non implere. Postremo & ipsum nomen Iesu, quod est super omne nomen, & in quo flectitur omne genu, Apostolo teste, obedientiae remanentio est.*

R A T I O quoque ipsa non obscure pro dignitate huius Virtutis pugnat. Nam cum finis & perfectio vitae Christianae sit, ut liquebit in titulo. *Perfectio Christiana*, contemptis bonis terrenis inhaerere Deo. *Inter virtutes*, ut recte ratiocinatur S. Thomas, *mores tanto aliqua potior est, quanto aliquis magis aliquid contemnit, ut Deo inhaereat.* Sant
autem

autem tria genera bonorum humanorum, quæ homo potest contemnere propter Deum, quorum infimum sunt exteriora bona, medium autem sunt bona corporis, supremum autem sunt bona animæ. Inter quæ quodammodo præcipuum est voluntas, in quantum scilicet per voluntatem homo omnibus aliis bonis utitur. Et ideo per se loquendo laudabilior est obedientia virtus, quæ propter Deum contemnit propriam voluntatem, quam aliæ virtutes morales, quæ propter Deum aliqua alia bona contemnunt. Unde etiam quæcunq; alia virtutum opera ex hoc meritoria sunt apud Deum, quod sunt ut obediatur voluntati diuinæ. Nam si quis etiam martyrium sustineret, vel omnia sua pauperibus erogaret, nisi hæc ordinaret ad impletionem diuinæ voluntatis, quod certè ad obedientiam pertinet, meritoria esse non possent, sicut nec si fierent sine charitate, quæ sine obedientia esse non potest. Dicitur enim prima Ioannis secundo, quod qui dicit se nosse Deum, & mandata eius non custodit, mendax est. ^{1. Ioan. 2. 4.} Qui autem servat verba eius, verè in hoc charitas Dei perfecta est. Hæc Sanctus Thomas.

C A P V T III.

Necessitas Obedientia.

NECCESSITATEM Virtutis obedientia ubiq; diuina Scriptura inculcat. Primo quidem, cum docet Deo esse obediendum, eiusque leges præstandas. Nunquid vult Dominus, ait Samuel propheta, holocausta & victimas, & non potius, ut obediatur nomini Domini? Et Ieremias. Nunquid non accipietis disciplinam, ut obediatis uerbis meis dicit Dominus? Et Petrus cum Apostolis in Actis. Obedere oportet Deo magis, quam hominibus. 2. cum docet obediendum superioribus hominibus: ut in Deuteronomio. Facies, inquit Moyse, quodcunq; dixerint, qui præsumunt loco, quem elegerit Dominus. Et Christus Super cathedram Moysis sederunt scribae & Pharisei. Omnia ergo quæcunq; dixerint vobis seruate & facite. Et Paulus ad Romanos. Omnis anima potestatibus sublimioribus subdita sit. Et ad Hebræos. Obediite præpositis nostris & subiaceat eis. Et S. Petrus. Subiecti estote omni humana creatura propter Deum: siue Regi quasi præcellenti, siue Ducibus tanquam ab eo missis ad vindictam malefactorum. 3. cum inobedientibus comminatur grauem penam. Nam apud Isaiam Deus dicit. Quod si nolueritis, & me ad iracundiam pronocaueritis, gladius deuorabit vos. Et in Deuteronomio. Qui superbierit nolens obedire sacerdotis imperio, qui eo tempore ministrat Domino Deo tuo, & decreto iudicis, morietur homo ille.

Du 21. 16.

2. Theſſ. 2. 14.

Heb. 2. 2.

mo ille. Et iterum. Si genuerit homo filium contumacem, qui non audit patris aut matris imperium, & coercitus obedire contempserit, lapidibus eum obruet populus. Et Apostolus in altera ad Theſſalonicenses. Si quis non obedit verbo nostro, per epistolam hunc notate, & ne commisceamini cum illo, ut confundatur. Et ad Hebræos. omnis prauaricatio & inobedientia accipit instam retributionem mercedis.

B. c. 20.

Rom. 13. 1.

Heb. 13.

Naz. ad ciues
Nazian.

Ch. hom. 34.

SECUNDO eandem confirmant S. Patres Sanctus BASILIVS in Constitutionibus monasticis. Quemadmodum inquit, Deus, qui omnium Pater est, & appellari sua solius vult dignatione, summam à quibus colitur obedientiam requirit: sic qui spiritualis in hominibus pater est, cum præscripta sua ad diuinarum legum exemplum accommodet, perfectissimam ipse quoque obedientiam requirit. Et iterum. Doceamus quam magna obedientia sit quam erga antistites suos religionis veræ præstare cultores debent, eiusque magnitudinem non aliunde explicare adnitur, quam ex Sacrosanctæ scripturæ auctoritate. Paulus Apostolus in ea epistola quam ad Romanos scribit, ipsis præcipit, ut excellentioribus illi potestatibus omnibus subiecti sint, potestatibus inquam mundi, non spiritualibus: atque hoc ex his quæ deinceps adiecit declarauit, cum de tributis & vectigali locutus est, quomodo loco, qui vel minimum potestati resistit, eum ait Deo ipsi resistere. Si igitur qui mundo huic præsumunt, & ex lege humana illam imperandi potestatem habuerunt, iis diuina lex pietatis cultores tantopere voluit esse subiectos, & quod maius est, quorum vita tota tunc erat impietas: quam magna tandem ei a pietatis cultore præstanda obedientia est, qui à Deo constitutus præses sit, & imperandi potestatem à legibus illius acceperit: præsertim cum apertissime Apostolus iubeat omni in re parendum esse spiritualibus Præpositis & obedire enim, inquit, Præpositis vestris, & subiaccere eis. S. Greg. Nazianzenus. Subijciamur tum Deo, tum alijs tum iis, qui imperium in terra gerunt. Deo quidem omnibus de causis, alij autem alijs propter charitatis sedus: Principibus denique propter ordinem, publicæque disciplina rationem, idque tanto etiam magis quanto clementioribus, moderatioribusque illis utimur. S. Ch. ysoft. in epistolam ad Hebræos. Malum quidem est, ubi nullus est Principatus, & multarum cladum hæc res existit occasio, & est confusions turbationisque principium. Sicut enim si ex choro ipsum principem auferas, nequaquam modulatus chorus existit, & militum phalanx si Ducem non habeat, nullo modo numerosa acies ordinatè procedit, & nauis si gubernatore priuetur, pessum eat necesse est, & gregi si pastorem absuleris, cunctus dispergetur. Malum autem non minus est inobedientia eorum, qui reguntur à Principe. populus enim si non obsequitur Principi similis est populo Principem non habenti, immò etiam deterior. Illi quidem saltem ventam habent, pro quo indispensitè, atque inordinatè versantur, siquidem ordinatore pri-

uati
obed
qui
Præp
mei
guet
natu
dece
ron
ut L
rit,
iussa
LX
re. q
tang
bon
cont
Dom
Qu
dign
eris
quod
prop

ait
rum
qua
Ecc
Don
m
viti

M

uati sunt: hi autem veniam non merentur, qui Principem habentes ei non obediunt. S. Ephræm parænesi 16. Ipse carissime vide ne reijcias Patrum, qui te genuerunt in Domino adhortationes. Ait enim Apostolus. Obedite Prepositis vestris & subiaceite eis, &c. Ideo in psalmo ait propheta. Corripiet me iustus in misericordia, & increpabit me, oleum autem peccatoris non impinguet caput meum. Si enim qui secundum carnem egrotant, sua vim inferunt nature, ut seruent quacunq; ipsis præscripserint medici: nonne multo magis decet morem iis gerere, quibus cura animarum nostrarum est credita? S. Hieron. epistola ad Rulticum monachum. Prepositum monasterii, timeas ut Dominum: diligas ut parentem. Credas tibi salutare, quicquid ille praeceperit, nec de maiorum sententia iudices, cuius officii est obedire, & implere quae iussa sunt, dicente Moyse. Audi Israel & tace. S. Augustinus in psalmum LXX. Homo (Adam) positus sub præcepto, audiuit à Domino Deo. noli tangere. quid? hanc arborem. Quid est enim illa arbor? Si bona est, quare non tango? si mala est, quid facit in paradiso? prorsus ideo in paradiso est, quia bona est sed nolo tangas. Quare non tango? Quia obedientem te volo, non contradicentem seruum: ad hoc serue, sed noli male serue. Serue audi prius Domini iussum, & tunc iubentis disce consilium. Bona est arbor. nolo tangas. Quare? Quia Dominus sum, & seruus es, Hec tota causa est. Si parua est, dedignaris esse seruus. Quid autem tibi expedit, nisi esse sub Domino? Quomodo eris sub Domino, nisi fueris sub præcepto? Si autem debuit aliquid iubere, ut te, quod tibi expedit sentires esse sub Domino, ab aliqua re prohibendus eras, non propter illius arboris malitiam, sed propter tuam inobedientiam.

TERTIO Natura & ratio docet esse parendum. Nulla enim ars, ait Hieronymus, absq; magistro discitur. Etiam muta animalia & ferarum greges ductores sequuntur suos. In apibus principes sunt. Grues unam sequuntur ordine litterato. Imperator unus. Unus iudex. Provincia. Omnis ordo Ecclesiasticus suis Reſtoribus nitiitur. In naui unus gubernator. In domo unus Dominus. In quamuis grandi exercitu unus signum expectatur. Per hæc omnia ad illud tendit oratio, ut doceam te non tuo arbitrio dimittendum, sed viuere debere in monasterio sub unius disciplina Patris.

C A P V T IV.

Fructus Obedientiæ.

MAXIMUM esse virtutis Obedientiæ fructum, primum proclue est colligere ex illis Verbis Apostoli. Obedite prepositis vestris,

B.c.13.

E.c.2.

Iof.1.

1.Reg.3.

4.Reg.1.

Gen.22.16.

A.14. de ciuit.

c.12.

G.c.07.

Rom.5.19.

Heb.5.9.

prou.21.28

G.c.4.

vestris, & subiaccete eis. Ipsi enim pervigilant quasi rationem pro animabus vestris reddituri, ut cum gaudio hoc faciant, & non gementes, hoc enim non expedit vobis. Si enim non expedit nobis ut Præpositi gementes nobis imperent, quando scilicet agrè obedimus, à contrario certè expedit maximè, ut promptè pareamus. Vnde S. BASILIUS in Constitutionibus ante citatis, illa verba expendens. *Quod si*, inquit, *non expedit non perfectè obedire, si ne controuersa, quod magis expedit, illud consecrari debemus.* Nam mea quidem sententia, hoc quod dicitur, non expedire, magni eiusdem detrimenti ac poenitendi, & quod agrè admittat correctionem, significantiam habet. Deinde inde liquet fructus, quod qui ex priscis Patribus cum primis obedientiæ laude effloruerunt, ii etiam amplissima commoda tam temporalia quam Spiritualia cum ea sunt consecuti. *IESVS* Naue filius, inquit B. EPHRAËM in tractatu de Virtute, *perfecta sua obedientia tantum donum promeruit, ut Moyses successor fieret. Et Samuel per obedientiam quam Heli sacerdoti prestitit, dignus habitus est qui vocem Dei audiret. Elisæus vero huius adminiculo pallium & gratiam sui accepit Magistri.* Mirum est in hoc catalogo omisum inter obedientes facile Principem ABRAHAMVM, quem, quod mandato valde arduo de immolando filio paruisset, Deus per angelum in hæc verba allocutus est. *Per memetipsum iuravi, quia fecisti hanc rem, & non pepercisti filio tuo unigenito propter me benedicā tibi & multiplicabo semen tuum sicut stellas cæli, & velut arenam, quæ est in littore maris, & benedicentur in semine tuo omnes gentes terræ, quia obedisti voci meæ.*

I. autem fructus specialis est, quod sit mater custosque virtutum, ut illam appellauit supra S. AUGUSTINVS. Cum quo conuenit illud B. GREG. dictum in 35. libro *Moralium.* *Sola virtus est obedientia, quæ virtutes ceteras menti inserit, insertasque custodit.* Vnde & primum homo præceptum, quod seruaret, accepit, cui se si vellet obediens subdere ad æternam beatitudinem sine labore perueniret. Nec mirum quod sit parens virtutum, quia inobedientia fuit parens omnium vitiorum. Sicut enim ait ad Romanos Apostolus, *per obedientiam vnus hominis peccatores constituti sunt multi, ita & per vnus obeditionem iusti constituentur multi.* Recte, multi, non omnes, quia ii tantum per meritum Christi iustificantur, qui obedientiam Christi imitantur. Christus siquidem, ut est in epistola ad Hebræos, tantum obtemperantibus sibi factus est causa salutis æternæ.

2. Fructus est, quod valeat ad vincendum seipsum omnesque cupiditates, ac etiam dæmonum machinationes. Vnde Salomon *Vir obediens loquetur victorias.* Vnde S. GREG. libro 4. Regum. *Vi-*
ctime

Etima sunt obsequia obedientium, quia cum hominibus pro Deo subiicimur superbos spiritus superamus. ceteris quidem virtutibus demones impugnamus, per obedientiam vincimus. Victores ergo sunt qui obediunt, quia dum voluntatem suam aliis perfecte subiiciunt, ipsi lapsis per obedientiam angelis dominantur. Quod autem valeat ad vincendam carnem eiusque cupiditates docet Augustinus in psalmum 143. Caro tua, coniux tua, famula tua, quidlibet deputato, opus est subiiciatur, & si pugnās, ut pro sis pugna. Hoc enim expedit, inferius subiici superiori, ut & ille qui sibi subiici vult, quod est inferius, se subiiciat superiori suo. Agnosce ordinem, quare pacem. Tu Deo, tibi caro. Quid iustius, quid pulchrius? Tu maiori, minor tibi. Serui tu ei, qui fecit te, ut tibi seruiat, quod est factum propter te. Si autem contemnis tu seruire Deo, nunquam efficies, ut tibi caro. Qui non obtemperas Domino, torqueris à seruo.

3. Fructus est, quod valeat ad veram sapientiam comparandam. *Psalm. 118. 104.* Vnde propheta Dauid ait. *A mandatis tuis intellexi.* Quæ verba exponens S. August. *Aliud est, inquit, mandata tua intellexi: aliud est, à mandatis tuis intellexi. Nescio ergo quid aliud se significat intellexisse, à mandatis Dei, quod est, quantum mihi videtur faciendo mandata Dei peruenisse se dicit ad earum rerum intelligentiam, quas concupuerat scire. propter quod scriptum* *Eccli. 1. 33.* *est. Concupisti sapientiam, serua mandata, & Dominus prebet illam tibi, ne quisquam praposterus antequam habeat humilitatem obedientia, velit ad altitudinem sapientia peruenire, quam capere non potest, nisi ordine venerit. Audi at ergo, altiora tene quæsieris, & fortiora tene scrutatus fueris, sed quæ praecepit tibi Dominus illa cogita semper. Sic homo ad occultorum sapientiam, peruenit per obedientiam mandatorum.* *Eccli. 3. 22.*

4. Fructus est. Quod apud Deum sit maximi meriti. Id discimus duobus maxime exemplis. Alterum est Patriarchæ Abrahamæ, de quo diximus. Vnde & Deus initio ei dixit in Genesi. *Ego protector tuus sum & merces tua magnanimis.* Alterum Christi Domini, de quo cum Apostolus dixisset. *Humiliauit semetipsum factus obediens usque ad mortem, mortem autem crucis, mox subiecit. Propter quod & Deus exaltauit eum, & dedit illi nomen quod est super omne nomen.* Eodem vergit, quod in epistola ad Hebræos scripsit. *Videmus Iesum propter passionem mortis gloria & honore coronatum.* Vbi PROPTER, causam profectò indicat meritoria. Nam S. Augustinus hunc locum tractans. *Humilitas, ait claritatis est meritum, claritas humilitatis est premium, sed hoc factum est in forma serui.* Et Chrysost. in epistolam ad Philippenses. *Extremam Christus praeiit obedientiam, propterea accepit & supremum honorem.* *Heb. 2. 9.* *A. tract. 104. in Ioan.* *Ch. hom. 7.*

5. & postremus fructus est Obedientiæ Religiosorum, quod eos eximat ab innumeris molestiis & curis, quas in dies experiuntur, qui

Cl. grad. 4.

in seculo suo arbitrato viuunt. Religiosi enim omnium rerum suarum curam in humeros Superiorum coniiciunt, & quasi infantes aliorum vlnis se gestari sinunt, ac quasi dormiendo iter ad celeste regnum conficiunt. Muneri enim Rectorum incumbit omnia necessaria tam in temporalibus, quam spiritualibus, suo tempore, loco & ordine cuique prouidere. Vnde B. Climacus. *Obedientia, inquit, est perfecta abnegatio propria anime & corporis, mors voluntaria, vita sine solitudine, nauigatio sine damno, sepultura voluntatis, est iter facere dormiendo suo onere alijs imposito, & super aliorum vlnas, ne mergaris, natare.*

C A P V T V.

De Proprietatibus Obedientie perfectae.

Gen. 22. 2.

Exo. 3. 22.

Ila. 50. 2.

Ose 2.

Tho. 22. q. 104.

2. 4.

Iob. 1. 22.

Vide Panar. V.
in obedientia.

Matt. 23. 3.

Col. 3. 20.

Ioa. 4. 34.

B. q. 123.

C. c. 32.

PRI^{MA} proprietas est Obedire IN OMNIBVS. Deo quidem, nulla re excepta; hoc enim ipso, quod aliquid in diuinam voluntatem cadit, rectum est & licitum. diuina siquidem voluntas omnis rectitudinis norma & regula est, Itaq; ne tunc quidem, cum praecepit Abraham immolare Isaac, filiis Israhel exspoliare Aegyptios, Isaiam nudum incedere, Oseae accipere mulierem fornicariam, voluit aut praecepit aliquid iniquum, vt docent Theologi. Vnde patiens Iob, licet tot malis permittente Deo obrutus, dixit. *Dominus dedit, dominus abstulit, sicut Dominus placuit, ita factum est, sit nomen Domini benedictum.* Homini vero Superiori obedire, exceptis tribus. nempe si ille aliquid iubeat, quod euidenter constet, vel cum lege diuina, vel cum mandato Superioris maioris pugnare, vel excedat limites auctoritatis in subditu. Nam in iis omnibus & solis superior ius imperandi non habet. Si autem certo & euidenter non constet, tenetur obedire, quia in dubiis iuxta vulgatum

Theologorum & Iureconsultorum dictum, *melior est conditio possidentis*, hoc est superioris qui est in suae auctoritatis possessione. Atq; iuxta hanc regulam Dominus praecepit obedientiam erga Maiores in omnibus, apud Matthaeum, cum ait. *Omnia quae dixerint vobis seruate & facite.* Et Apostolus ad Coloss. *Filii, inquit, obedite parentibus per omnia.*

II. Proprietas est, obedire LIBENTER, quod fit cum voluntatem nostram omnino conformamus Superiorum Voluntati, sicut Christus suam conformauit voluntati Dei, dicens. *Meus cibus est, vt faciam voluntatem eius qui misit me.* Certe nihil libentius sumimus, quam cibum. Hanc proprietatem omnes Patres requirunt in Obedientia. S. Basil. in regulis breuioribus. *In vniuersum* (in obedientia) inquit, *vt propria voluntate alienum est a recta ratione.* Cassianus lib. institutionum duo.

duodecimo vult, *ut prater Abbatis mandatum nulla penitus voluntas viuat in nobis.* S. Greg. libro 35. moralium ob hoc præfert obedientiam victimis, quod per victimas aliena caro, per obedientiam vero propria voluntas mactetur. S. CLIMACVS paulo ante eam vocauit voluntatis sepulcrum. Hinc sequitur à perfectione Obedientiæ discedere, primo eos, qui voluntatem superioris ad suam detorquere conantur. *Quisquis,* ait S. Bern. in serm. de tribus Ordinibus, *vel aperte vel occulte satagit, ut quod habet in voluntate, hoc ei spiritualis Pater iniungat, ipse se seducat, si forte sibi quasi de obedientia blandiatur: neque enim ea re ipse Prælato, sed magis ei Prælatus obedit.* Secundo eos, qui in pietatis operibus posse se putant nonnunquam à superioris voluntate discedere. Vnde Daniel Abbas apud CASSIANVM. *Vnum sane, inquit, atque idem inobedientiæ genus est, vel propter operationis instantiam, vel propter otij desiderium senioris violare mandatum, tamquam dispendiosum est pro somno, quam pro vigilantia monasterij statuta conuellere: tantum denique est Abbatis transire præceptum ut legas, quantum si contempnas, ut dormias.*

G c. 10.

C. coll. 4. c. 20.

III est, Obedire SIMPLICITER, quod fit cum & iudicium nostrum conformamus cum iudicio superioris. Quam proprietatem exegit Apostolus in obedientia seruorum, erga Dominos. Nam ad Ephesios & Colossens. ait, *Serui obedite Dominis carnalibus cum timore & tremore in simplicitate cordis vestris sicut Christo.* Et seruauit Abraham Patriarcha erga Deum, teste Apostolo. *Fide,* inquit, *qui vocatur Abraham obediuit in locum exire, quem accepturus erat in hereditatem, & exiit nesciens quo iret.* Et rursus. *Non infirmatus est fide nec considerauit corpus suum mortuum, cum fere centum esset annorum, & emortuam vuluam Sara.* Seruarunt & Apostoli à Christo vocati. Vnde S. BERNARDVS de S. Andrea. *Vis audire perfectæ obedientiæ formam? Vidit Dominus,* ait Euangelista, *Petrum & Andream, mittentes rete in mare, & ait illis. Venite post me, & faciam vos fieri piscatores hominum, At illi continuo nihil diiudicantes, aut hesitantes, non solliciti unde viuerent, non considerantes, quoniam rudes homines & sine litteris predicatorum fieri possent, nihil denique interrogantes sine omni moræ relictis retibus & naui secuti sunt eum.* Idem docuere ceteri Patres. Sanctus BASILIUS in Constitutionibus monasticis. *Monachi,* ait, *libentissimè obtemperent suo Præposito, nec ab eo eorum, quæ sibi imponuntur rationem reposcant, & c. nihil omnino ipsorum iussa curiosius perscrutando.* Sanctus Hieronymus ad Rusticum *Credas tibi salutare, quicquid monasterij præpositus præceperit, nec de maiorum sententia iudices, cuius officii est, obedire, & implere quæ iussa sunt, dicente Moyse. Audi Israel & tace.* CASSIANVS libro 4. institutionum. *Ægyptii monachi vniuersa complere, quacunque fuerint à Præposito*

Eph. 6. 5.
Col. 3. 22.

Heb. 11. 8.

Rom. 4. 19.

B. serm. 2.

Marci 1. 16.

B. c. 20. & 21.

H. ep. 4.

Deu. 17. 9.

C. c. 10. & 41.

G c. 2.

B. serm. de con-
uers. S. Pauli.

Pag. 235.

2. Cor. 9. 7.

B. c. 23.

2. Cor. 9. 7.

Ouid. 8. metra.

Tit. 3. 1.

Pl. 147. 15.]

Pl. 118. 32.

Luc. 19. 5.

Exod. 12. 11.

Iac. 1. 19.

suo praecepta, tanquam si à Deo calitus sint edita sine ulla discussione festinant. Et S. Gregorius libro 2. in primum Regum. Nescit indicare, quisquis perfectè didicit obedire. Ex hac proprietate nata est appellatio Obedientiae cæcæ, querelaq; S. Bernardi in eos qui nolunt, ut cæci, manu trahicunt Saulo. Plura vide in PANARIO, V. inobedientia.

IV. Obedere HILARITER. Hilarem enim datorem, teste Apostolo, diligit Deus. Vnde S. Basilius in Constitutionibus monasticis. Apostoli, inquit, submissa mentis ceruice obedientiae iugum subierunt, alacrique animo in fora, in contumelias, in lapidationes, in ignominias, in cruces, in varias neces processere. Hanc obedientiam is, qui secundum Deum verè est monachus antistiti suo praestet oportet. Et S. Bernardus in sermone de Virtute Obedientiae. Tertius, inquit, gradus obedientiae est, hilariter obedire. Non ex tristitia, inquit Apostolus, aut ex necessitate Serenitas in vultu, dulcedo in sermonibus, multum colorant obedientiam obsequentis. Vnde & gentilis ille poeta ait sic. Super omnia vultus accedere boni. Quis enim locus obedientiae, ubi tristitia cernitur agritudo? Ostendunt plerumq; voluntatem animi signa exteriora, & difficile est, ut vultum non mutant, qui mutant voluntatem.

V. Obedere Velociter & promptè. Nam B. Paulus ad Titum ita scribit. Admone illos Principibus & potestatibus subditos esse, dicto obedire, ad omne opus bonum paratos esse. Vnde Bernardus loco citato. Velociter currit sermo Dei, & velocem habere desiderat sequentem. Vides cum quanta velocitate currit ille qui dicit. Viam mandatorum tuorum cucurri. Fidelis obediens nescit moras, fugit crastinum, ignorat tarditatem, praeripit precipientem, parat oculos visui, aures auditui, linguam voci, manus operi, itineri pedes, totum se colligit, ut imperantis colligat voluntatem. Vide Dominum festinanter precipientem, & hominem festinanter obedientem. Zachae inquit, festinans descende, quia hodie in domo tua oportet manere. Et festinanter descendit, & excepit eum gaudens. Audisti obedientiam, audi & obedientiae remunerationem. Quia salus domui huic facta est. Intuere etiam ex occasione huius obedientiae conclusionis grande mysterium, & ob signatam signaculo misericordiae sententiam. Venit enim, inquit, filius hominis saluum facere, quod perierat. Nonne legisti, quod filiis Israel praecipitur, ut agnum comedant festinanter? Festinanter quippe veri agni comestio signatur implenda, quia verba illa quae per legem dedit, quae per semetipsum praesens exhibuit, quae per Ecclesiae Praepositos tradenda reliquit, veloci sunt obedientia consummanda. Et tu ergo cum voluntatem cordi, simplicitatem operi, hilaritatem vultui coniunxeris, adde velocitatem, ut sis iuxta Apostolum Iacobum velox ad audiendum, & ad implendum velocior.

VI. Obe-

VI. Obedire VIRILITER, iuxta illud. *Viriliter agite, & confortetur cor vestrum omnes qui speratis in Domino. Non est fortitudinis, inquit idem Sanctus, ire ad inobedientiam, sed ab obedientia non abduci. Si tribulatio intonat, si persecutio resultat, si peccatores tibi laqueum ponunt, si maligni tuum iter impediunt, tu obedientia viam non deferas, sed dic. paratus sum, & non sum turbatus, ut custodiam mandata tua. Quid enim superius enumerata pariunt utilitatis, si fortitudo desit, quae in arce constantiae virtutis collocat, & eo vallo munit, quo furentis impetus aspirare non possit?*

Psal. 30. 25.

Psal. 118. 60.

VII. Obedire HUMILITER exemplo Christi, qui teste Apostolo ad Philippenses, humiliavit semetipsum factus obediens usque ad mortem, mortem autem crucis. Vnde idem ad Hebræos. *Obedite praepositis vestris, & subiaceat eis.* & D. Petrus in epistola priore. *Subiecti igitur estote omni humanae creaturae propter Deum. Subiectio n. talis non potest fieri sine humanitate. Magna virtus, ait S. BERN. loco allegato, humilitas, sine cuius obtentu virtus fortitudinis, non solum virtus non sit, sed etiam inde superbia vitium erumpat. Quam fortiter currebat Saul cum esset parvulus in oculis suis, quanta Philistaeorum agmina prosternebat, quantis viribus exercebat gladium? Postquam autem tenuit eum Superbia, & transiit in aspectum cordis, debilis & impotens factus, incircumcisorum armis facile prostratus occubuit. Et infra. Ne ergo fortitudo in superbiam transeat, condicienda est sale humilitatis, quia nihil proderit fortiter obedire, si contigerit infelicitate superbire. Illi ergo fortitudinem suam ad Deum custodiunt (cum David dicente, Fortitudinem meam ad te custodiā) qui cū fecerint, quod facere debent, dicere possunt. Serui inutiles sumus, quod debuimus facere, fecimus.*

Phil. 2. 8.

Heb. 13. 17.

1. Pet. 2. 13.

1. Reg. 11.

Psal. 58. 10.

Luc. 17. 10.

VIII. Obedire INDIFFERENTER bonis & malis, doctis & indoctis. Christi siquidem dictum est. *Super cathedrā Moysi sederunt scribae & Pharisei. Omnia ergo quaecumque dixerint vobis servate & facite, atque ut constaret esse improbos, mox subdidit. Secundum opera verò eorum nolite facere.* Infideles quoque erant Magistratus, de quib. scripsit B. Paulus ad Romanos. *Omnia anima potestatibus sublimioribus subdita sit.* Et S. PET. in epistola priore. *Servi subditi estote in omni timore dominis; non tantum bonis & modestis, sed etiam dyscolis.* Vnde S. CHRYS. in epistolam alteram ad Timotheum. *Hinc, inquit, Iudaei Deum aspernari didicerunt, quia Moysen contempserunt, quia lapidibus illum impetebant. Nam qui pie sacerdoti afficitur, longè maiore pietate Deum reueretur. Etsi enim malus fuerit sacerdos quispiam, attendis DEVS, quod sui gratia illum etiam qui dignus honore non est obsequijs foues, ipseque tibi pramia exoluit. Si enim qui prophetam in nomine propheta suscipit, mercedem propheta accipiet, profecto & qui cedit & obtemperat sacerdoti mercede sua non destituetur. Nam si ubi de hospitalitate*

Matt. 23. 2.

Rom. 13. 1.

1. Pet. 2. 18.

Chrys. 2.

2. Tim. 1.

Matt. 10. 41.

Matt. 23. 3.

agitur tantum, ubi quem suscipis ignoras, tantum pramiorum accipis: si ei subiiciaris, cui imperat Deus, non multo magis mercede donaberis? Super cathedram, inquit, Moysi sederunt Scribæ & Pharisei. Omnia ergo quaecumque dixerint vobis facere, facite, secundum autem opera eorum non faciatis.

Phil. 2. 8.

Matt. 10. 22.

B. q. 28.

IX. Obedire PERSEVERANTER usque ad mortem; qualis fuit obedientia Christi obedientis usque ad mortem, mortem autem crucis teste Apostolo ad Philippenfes. *Qui enim perseverauerit usque in finem, ait Christus, hic saluus erit.* Vnde S. Basilius in Regulis fusius disputatis. *Vbi quis inquit, se semel in fratrum (monachorum) corpus cooptandum tradiderit, is si membrum postea ad ministrandum aptum indicatum fuerit, esto quod ipsi impositum sit, vires ipsius videatur superare, de iudicii periculo prorsus illum esse sollicitum finito qui ea imperet, quibus vires sue pares esse non possint: ipse autem parendo alacritatem pro virili declaret studii sui usque ad mortem, mortem autem crucis.* Idem habet in Regulis brevioribus. Et S. Bernardus de Virtute obedientie. *Incipere, inquit, multorum est, perseverare paucorum. Perseverantia singularis est filia summi regis. virtutum fructus, earumque consummatio, totius boni repositorium, virtus sine qua nemo videbit Deum, nec a Deo videbitur, finis est ad iustitiam omni credenti, in qua virtutum conuentus reuerendum sibi thalamum consecrauit. Quid enim currere prodest, & ante metam cursus deficere?*

Id. q. 152.

CAPUT VI.

Media perfecta obedientie paranda.

Anno 1538.

Col. 3. 23.

MEDIA tria in hoc argumento suppeditavit mihi noster B. P. N. IGNATIVS in epistola quadam ad Lusitanos fratres quondam scripta. *Primum est ut non intueamini, inquit, in persona Superioris hominem obnoxium erroribus atque miserijs, sed Christum ipsum, qui est sapientia summa, bonitas immensa, charitas infinita, qui nec decipi potest, nec nos vult ipse decipere, & quoniam conscius vobismet ipsis, vos Dei amore iugum obedientie subiisse, ut in Superioris voluntate sequenda, voluntatem divinam certius sequeremini, nolite dubitare, quin pergat fidelissima Domini charitas eorum ministerio, quos vobis praefecit, vos deinceps gubernare, & rectis itineribus ducere. Itaque, Superioris vocem ac iussa non secus ac Christi vocem excipite: siquidem Apostolus etiam in hanc sententiam scribens ad Colossenses cum ad obtemperandum Praepositis subditos adhortatur, ait, Quodcumque facitis, ex animo operamini sicut Domino, & non hominibus, scientes, quod a Domino accipietis*

retri-

retributionem hereditatis. Domino Christo seruite. Sanctus vero Bernardus. *Bern. de praes. & dispens.*
Siue Deus, inquit, siue homo Vicarius Dei mandatum quodcunque tradiderit, pari profecto obsequendum est curam pari reuerentia deferendum, ubi tamen Deo contraria non precipit homo.

ALTERVM medium est, inquit idem Pater noster, ut statuatis vobiscum ipsi, quicquid Superior precipit, ipsius Dei praeceptum esse, & voluntatem, atque ut ad credenda, quae Catholica fides proponit, toto animo, assensuque vestro statim in cumbitis: sic ad ea facienda, quaecunque superior dixerit, cuncto quodam impetu voluntatis parendi cupida sine ulla prorsus disquisitione feramini. *Gen. 22. 2.* Sic egisse credendus est Abraham filium Isaac immolans. Hæc ille. Ita Cassianus agens de perfecta obedientia Tabenensiorum monachorum in Thebaide, scribit eos sic vniuersa complere, quaecunque à Superiore fuerint praecepta, tanquam si à Deo celitus sint edita. Et Perus Biesensis ad Priorem de Monasteriolo. *C. 4. inst. c. 10.* Quicquid tibi Prelatus iniunxerit, quod animæ salutis non obuiet, sic illud amplecti debes, ac si Deus ipse praeceperit: beatusque Benedictus protestatur Deo impendi obedientiam, quæ maioribus exhibetur. *P. ep. 137.*

TERTIVM Medium est, ait, ut quod Superior mandat, vel sentit defendere semper apud animos vestros studiosè nitamini, improbare autem nequaquam, atque ad eam ipsam rem proderit bene animatos, affectosque esse ad id omne, quod ipse iusserit: sic enim fiet non solum ut sine molestia, sed etiam, ut cum voluptate letitiaque pareatis, nam ut est apud S. Leonem (de ieiunio septimi mensis) non dura ibi necessitate seruitur, ubi diligitur, quod iubetur. *L. serm. 4.* Vnde S. Bernard. de præcepto & dispensatione. Perfecta obedientia, inquit, legem nescit, terminis non arctatur, neque contenta angustiis professionis. largiori fertur voluntate in latitudinem charitatis, & ad omne quod iniungitur spontaneo vigore liberalis alacrisque animi modum non considerans in infinitatem extenditur.

IV. Medium est S. Basilii in Constitutionibus Monasticis, Consideratio eorum, qui in obedientia virtute tam in veteri, quam in nouo testamento excelluerunt. *B. c. 23.* Imitanda est, inquiens, maxime Sanctorum obedientia, quam erga Deum illi adhibuerunt, si tamen proposito nobis eorum exemplo, eam fortasse rite poterimus explere. Subiicit deinde proluxa oratione exempla duo. Primum Patriarchæ Abraham, deinde Apostolorum, accurateque pertractat, quam omnibus numeris absoluta eorum fuerit obedientia. S. August. verò tractatu 84. in Ioannem. Gregor. 35. Moralium, & Bernardus super Missus est, ad imitandum proponunt exemplum Christi. Christum pia obedientia inquit Augustinus, sic imitemur, ut ei nos comparare nulla presumamus audacia. Disce homo obedire, clamat melli fluus Doctor, disce terra subdi, disce pulvis obtemperare. De auctore tuo loquens Euangelista. Et erat, inquit subditus illis, haud dubium, *Luc. 2. 31.* quia

Matt. 16. 23.

quin Maria & Ioseph. Erubescere superbe cinis. Deus se humiliat, & tu te exaltas? Deus se hominibus subdit, & tu dominari gestiens hominibus tuo te preponis auctori? Utinam mihi aliquando tale aliquid cogitanti; Deus respondere dignetur, quod & suo increpando respondit Apostolo. Vade, inquit, post me Satana, quia non sapis ea, quae Dei sunt. De ipso namque dictum est. Et erat subditus illis.

Eccli. 32. 2. l.

Matt. 20. 26.

Phil. 2. 3.

E. reg. breu. 115.

Marc. 10.

Gal. 5. 13.

B. serm. 11.

Matt. 23. 12.

V. Medium est, assuefacere se ad obsequendum non modo maiori, sed etiam æquali & minori. Sapiens enim ait. Rectorem te posuerunt? noli extolli: esto in illis quasi vnus ex ipsis. Et Christus. Qui voluerit inter vos primus esse, sit uester seruus. Et Apostolus. Nihil per contentionem, sed in humilitate superiores sibi inuicem arbitrantes. Vnde S. Basilius. Alii, inquit, aliis obedientiam prestabimus, tanquam serui dominis, conuenienter precepto Domini. Qui vult in vobis esse magnus, sit omnium vltimus & seruus omnium. Quibus verbis adiungit, quod nos efficacius etiam possit permonere. Sicut filius hominis non venit, ut ministraretur ei, sed ut ministraret. Et consentaneum etiam est dicto Apostoli. Per charitatem spiritus seruite inuicem. Et S. Bernardus in Cantica. Parum est subiectum esse Deo, nisi sis & omni humana creatura propter Deum, siue Abbati tanquam precellenti, siue Prioribus, tanquam ab eo constitutis. Ego plus dico. subdere paribus: subdere & minoribus. Sic enim decet nos, inquit, omnem implere iustitiam. Vade & tu ad minorem, si vis esse in iustitia perfectus, defer inferiori, iuniori te inclinato.

VIDE V. Abnegatio sui. Humilitas. Et in PANARIO. V. Inobedientia. Immortificatio. Iudicium proprium. Voluntas propria.



O B L A T I O S V I

Deo facta.

C A P V T I.

Quid sit Oblatio, & quotuplex.



BLATIONIS nomine intelligimus actum Virtutis religionis: cuius virtutis proprium est, ut homo protestetur se diuinæ maiestati subiectum, quatenus est primum omnium re-

um rerum principium & auctor, Dominusq; cæli & terræ, eaq; de causa se illi, & omnia sua offerat. Est autem duplex oblatio. Interna uel inuisibilis, & externa uel uisibilis, secundum doctrinam S. Augustini libro de ciuitate Dei decimo. Interna, est actio voluntatis, qua homo diuinæ maiestati se suaq; omnia offert. Externa uero est, qua ritu externo idem facit, quod gemino fieri potest cultu. Semel, eo qui etiam homini potest deferri, ut si caput aperias, si genua flectas, si supplices ad honorem Dei, si psalmos & hymnos decantes, si nomen diuinum in precibus inuoces: nam hunc externum ritum exhibemus & regibus & aliis hominibus honoratis. Secundo, eo cultu qui in solum Deum cadit, & dicitur cultus latriæ. atq; hic dicitur sacrificium. Vnde Exodi 22. dicitur, *Qui sacrificat Diis occidetur, praterquam Domino soli.* Quam oblationem Deo deberi omnes etiam gentiles naturali lumine agnouerunt teste S. Augustino ita scribente libro citato. *Quis verò sacrificandam censuit, nisi ei, quem Deum aut sciuit, aut putauit, aut finxit?* Hoc autem sacrificium, ut propriè dictum sit sacrificium requirit tria. Primum est, ut in eo offeratur aliquid sensibile & ritu mystico consecretur: sacrificare enim, si vocem spectes, est idem quod sacrum facere: sic in veteri testamento consecrabantur victimæ impositione manuum, vel eleuatione rei oblatae in altum. 2. ut res oblata transmutetur, hoc est desinat esse quod ante fuit, sicut hostia in veteri lege cremabatur. 3. ut fiat à sacerdote. Vnde in lege naturæ sacerdotes erant uel capita familiarum ut Noe, Abraham, vel quibus Deus inspirabat. In lege autem scripta soli filii Aaron. In lege gratiæ soli Episcopi & presbyteri rite ordinati. In quacunq; ergo oblatione etiam Deo facta horum trium aliquid defuerit, non erit propriè dictum sacrificium. Nos autem hic maximè loquimur de oblatione interna sui, suarumq; rerum. Cui si aliquando externa accesserit, perfectior esse poterit qualis erat beatæ Annæ, quæ ut est initio historiæ Regum filium Samuelem oblatum Deo etiam externo ritu obtulit sacerdoti Heli in loco sacro. 2. B. Virginis Mariæ quæ secundum ritum legis Mosaicæ puerulū Iesum in templo Hierosolymitano obtulit S. Simeoni. 3. matris S. Bernardi, qui filium recens natum Deoq; oblatum deposuit in templi altari. 4. omnium religiosorum, qui solenni professione publicè ante altare se totos offerunt Deo & religioni.

A. cap. 5.

Exo. 22. 10.

A. l. 10. c. 4.

1. Reg. 1. 16.

Luc. 2. 28.

Vilhel. in vita lib. 1. c. 7.

Deum non indigere oblatione nostra, & ut indigeat, nihil eo dignum posse offerri.

Psal. 15. 2.

Rom. 11. 35.

C. 3. Pæd. 2 & 7.

Strom.

L. lib. 6. c. 1.

Epit. c. 7.

G. orat. 2.

A. in c. 11. ad
Rom.

C. hom. 26.

A. serm. 38.

Id ep. 5.

Psal. 15. 2.

ID contestatus est propheta regius in psalmis, cum ait. *Dixi Domino, Deus meus es tu, quoniam bonorum meorum non eges.* Et Apostolus. *Quis prior dedit illi, & retribuetur ei?* Vnde CLEMENS ALEXANDRINVS in Pædagogo & Stromateis sæpius. *Solus Deus nulla re omnino indiget.* Et LACTANTIUS. *Non intelligunt, inquit Ethnici, terrenis opibus Deum non indigere. Nihil enim sapiunt nisi terram, banaque & mala solius corporis sensu & voluptate perpendunt.* Et rursus. *Illis, quæ in vsum tribuit homini Deus, ipse non indiget: & cum omnis terra in ipsius sit potestate, non indiget templo, cuius domicilium mundus est; non indiget simulachro, qui est & mente & oculis incomprehensibilis: non indiget terrenis luminibus, qui solem cum ceteris astris in vsum hominibus potuit accendere.* GREGORIUS Nazianzenus in Pascha. *Dignum munus offerre Deo vix ipsi quoque angeli possunt, illi, inquam, primi, intellectuales & puri, supernaque gloria spectatores ac testes.* Sanct. AMBROSIVS tractans verba Apostoli supra citata. *Manifestum est, ait, solum Deum esse, qui nouerit omnium consilia, & hunc vnum esse, qui nullius egeat, quia ab ipso sunt omnia.* S. CHRYSOSTOMVS in Genesin. *Si voluerimus offerre aliquid Deo, quid amplius offerre possumus, quam quantum verbis gratias referimus. Ea sane, quæ ipse exhibet opere præstat. Quam autem imparia sunt verba & opera? Et Dominus nullarum rerum indigus est, nullaq. rerumstrarum eget, quam verbis, atque hanc ipsam in sermonibus gratiarum exigit, non quod ea ipse opus habeat, sed ut nos doceat gratos esse, & agnoscere tantorum bonorum auctorem.* S. AVGVSTINVS de Verbis Domini. *Ne putemus fratres carissimi, quia beneficium præstamus Deo, quia diximus pretium nos dare quodammodo. Non enim, unde augeatur ille, damus, qui te lapsus integer est, & te redeunte integer manet, paratus videre, ut beatificet conuersos, & auersos puniat cecitate.* Et in epistola ad Marcellinum. *Nihil Deus iubet quod sibi proffit, sed illi, cui iubet. Ideo verus est Dominus, qui seruo non indiget, & quo seruus indiget. In ea quippe Scriptura, quæ vetus dicitur testamentum, & eo tempore, quo adhuc illa offerebantur sacrificia, quæ hoc tempore non offeruntur, dictum est. Dixi Domino, Deus meus es tu, quoniam bonorum meorum non eges. Nec illorum ergo sacrificiorum egebat Deus, nec cuiusquam eget unquam, sed rerum diuinitus impar-*

impartitarum, vel imbuendo virtutibus animo, vel aeterna saluti adipiscenda quadam signa sunt, quorum celebratione atque functione, non Deo, sed nobis utilia pietatis officia exercentur. Et rursus libro x. de ciuitate Dei. Quis A.c.4. autem ita desipiat, ut existimet aliquibus vñibus Dei esse necessaria, quæ in sacrificiis offeruntur? Quod cum multis locis diuina Scriptura testetur, ne longum faciamus breue illud de psalmo commemorare suffecerit. Dixi Domino, Deus meus es tu, quoniam bonorum meorum non eges. Non solum igitur pecore, vel alia re corruptibili atq; terrena, sed ne ipsa quidem iustitia hominis Deum egerè credendum est, totumq; quod rectè colitur Deus homini prodesse, non Deo. Neque enim fonti se quisquam dixerit profuisse, si biberit, aut luci, si viderit.

Psal. 15. 2.

CAPVT III.

De conditionibus oblationis, quo Deo sit grata.

QUO Deo grata & accepta sit oblatio nostra nonnullæ requiruntur conditiones. Prima sit, ut offerens sit iustus & amicus Dei; quam S. BASILIUS colligit ex illis verbis Psalmi. *Afferte Domino Psal. 38. 1. filii Dei, afferte Domino filios arietum.* Psalmus, inquit, prius vult nos esse filios Dei, deinde ultro neos accedere ad offerenda Deo dona, non qualibet, sed quæ sint ab eo ordinata. Ante omnia dicito, Pater: deinde petes ea quæ ordine sequuntur. Scrutare verò te ipsam, & cuiusmodi conuersatione ad Deum accedas: expende, num dignus sis, qui Deum sanctum voces Patrem. Per vitæ enim sanctimoniam nobis peruius est ad eum sanctum ac familiaris aditus. Si sancti filius cupis esse, sanctitas te in filium adoptet. *Afferte itaque Domino, non omnes, neque ex omnibus, sed filii Deo.* S. GREGORIUS Gen. 4. 4. G. c. 11. verò eandem colligit ex oblatione Abel. Iram, ait libro 22. moralium, iudicis placare nescit oblatio, nisi ex munditia placeat offerentis. Vnde scriptum est. *Respexit Deus ad Abel, & ad munera eius: ad Cain autem & ad munera eius non respexit.* Neq; etenim sacrum eloquium dicit. *Respexit ad munera Abel, & ad Cain munera non respexit, sed prius ait, quia respexit ad Abel, ac deinde subiunxit. & ad munera eius.* Et rursus dicit, quia non respexit ad Cain, ac deinde subdidit. *nec ad munera eius.* Ex dantis quippe corde id quod datur accipitur, idcirco non Abel ex muneribus, sed ex Abel munera oblata placuerunt. Prius namq; ad eum legitur Dominus respexisse quid dabat, quàm ad illa quæ dabat.

Psal. 50. 19.

A. c. 5.

II. Conditio est, ut si iustus non sit, iustus esse velit, & de antea vitæ noxis doleat, dicatq; cum peccatore Dauide. *Sacrificium Deo spiritus contribulatus, cor contritum, & humiliatum Deus non despicies.* Hanc inculcat Augustinus libro 10. de Ciuitate Dei. *Ille penitens*, inquit, *apud prophetam, vel ipse Propheta querens Deum peccatis suis habere propitium.* Si voluisses, inquit, *sacrificium dedissem: utiq; holocaustis non delectaberis.* *Sacrificium Deo spiritus contribulatus, cor contritum & humiliatum Deus non spernet.* Intueamur quemadmodum ubi Deum dixit nolle sacrificium, ibi Deum ostendit velle sacrificium. Non vult ergo sacrificium trucidati pecoris, sed vult sacrificium contriti cordis. Illo igitur, quod eum nolle dixit, hoc significatur, quod eum velle subiecit. Cuius rei rationem paulo ante dederat hanc. *Nec enim quod ab antiquis Patribus talia sacrificia facta, sunt in victimis pecorum, quæ nunc Dei populus legitimè non facit aliud intelligendum est, nisi rebus illis eas res fuisse significatas, quæ aguntur in nobis, ad hoc ut inhareamus Deo, & ad eundem finem proximo consulamus.*

T. lib. 2.

Ch. hom. 13.

Isa. 66.

L. c. 15.

III. est, ut pura simpliciq; mente, & recta intentione offerat. Hanc multi Patres indicarunt, ut Tertullianus in Marcionem. *Et si Deus ad oblationes Abel aduertit, & holocausta Noe odoratus est libenter, quæ iucunditas siue viscerum veruccinorum, siue nidoris ardentium victimarum? Sed animus simplex & Deum metuens offerentium ea, quæ à Deo habebant, & pabuli, & suavis olentie gratia apud Deum deputabatur, non quæ fiebant exigentis, sed illud propter quod fiebant, ob honorem scilicet Dei.* Et S. Chrysost. in Genesin. *Attende, ait, rem miram. Aspexit Deus ad Abel, & ad dona ipsius: ad Cain autem, & ad sacrificia ipsius non attendebat. Quia recta intentione & sincera mente obtulerat, aspexit, inquit, Deus ad Abel, & ad dona ipsius, grata habuit, laudauit. Ceterum oblata vocauit dona, ut per hoc offerentis animo maiorem honorem haberet. Ecce quomodo per facta & verba ipsa docet Dominus, quod hæc omnia à nobis vult fieri, ut animi nostri per ea, quæ à nobis fiunt, manifestè conspiciantur, & ut sciamus quod Dominum habemus & conditorem eum, qui ex nihilo nos, ut essemus, produxit.* Hieronymus in extremum caput Isaia. *Deus non querit sacrificia, sed animum.* Eodem collimant, quæ Lactantius libro sexto diuinarum institutionum de oblationibus Deo factis scribit ex Seneca. *Quanto melius, ait, Seneca & verius. Vultisne vos, inquit, Deum cogitare magnum, & placidum, & maiestate leni verendum amicum, & semper in proximo? Non immolationibus, & sanguine multo colendum, sed mente pura, bono honestoque proposito.*

IV. est.

IV. est. Ut oblatio sit Deo digna & offerente. Qua de causa Cain in Genesi deliquit, non quod aliquid obtulerit, sed quod nullo habito delectu viliora obtulerit. Vnde S. Ambrosius libro secundo de Cain & Abel. *Recte Cain obtulit, quia oblatio insigne deuotionis, & indicium gratiarum est: sed non recte diuisit, quia ante omnia Deo debuit deferre primitias, ut à gratia inchoaret auctoris. Etenim diuisionis hic ordo est, ut prima secundis, non primis secunda præcurrant, & celestia terrenis, non terrena celestibus preferantur. Sed quia Cain confundit hunc ordinem, dicitur ei. Peccasti, quiesce. omnia docet Deus. primum ne pecces, ut in Adam monuit, secundo, si peccaueris, quiescas, ut in Cain doceris. Erubescere enim debemus, & condemnare peccatum, non defendere.* Et S. Augustinus libro 15. de ciuitate Dei. *In admonitione quam Deus protulit ad Cain, illud quidem quod dictum est. Nonne si recte offeras, recte autem non diuidas peccasti, quia non elucet, cur vel unde sit dictum, multos sensus peperit eius obscuritas. Recte quippe offertur sacrificium, cum offertur Deo uero, cui uni tantummodo sacrificandum est. Non autem recte diuiditur, dum non discernuntur recte vel loca, uel tempora, uel res ipsæ, quæ offeruntur, uel qui offert, uel cui offertur, uel hi quibus ad uescendum distribuitur quod oblatum est, ut diuisionem intelligamus hic discretionem: siue cum offertur, quando non oportet, aut quod non tunc, sed aliàs oportet. siue cum id offertur, quod nusquam & nunquam penitus debuit, siue cum electiora sibi eiusdem generis rerum tenet homo, quam sunt quæ offert Deo. In quo autem horum Deo displicuerit facile non potest inueniri. Hæc ille: ac tandem eum Ambrosio in postremum hunc sensum diuisionis inclinare uidetur. In eandem sententiam conspirat Chrysostomi commentarius. nam exponens verba illa Dei. Nonne si recte obtuleris, recte autem non diuideris, peccasti? Hoc quidem, inquit, quod animo statuisti esse offerendum laude dignum est; quod uero non recte diuideris, oblatis repudiationem operatum est. Oportet enim offerentem Deo magnam adhibere diligentiam. Et quantum differunt qui offert, & qui accipit, tanta & in discretionem facienda diuersitas. At horum nihil cogitasti, sed ut fortuito contigit, obtulisti.*

V. est, ut oblatum sit expers vitii & maculæ. Vnde Ecclesiasticus. *Noli, ait, offerre munera praua, non enim suscipiet illa DEVS. Et Malachias propheta. Offeratis super altare meum panem pollutum, & dicitis. In quo polluimus te? Si offeratis cecum ad immolandum, nonne malum est: & si offeratis claudum & languidum, nonne malum est? offer illud duci tuo, si placuerit ei, aut si suscepit faciem tuam, dicit Dominus exercituum: immò Deus exegit in omnibus sacrificiis, ut hostiæ essent immaculatæ, nullique vitio obnoxia. ut liquet ex legibus Leuitici, Numerorum, & Deuteronomii. Homo inquit Dominus ad Moysen,*

Mem 3

qui

A. c. 6.

Id. c. 7.

A. c. 7.

Eccl. 4. secund. 70.

Ch. hom. 18.

Eccl. 15. 14.

Mal. 1. 8. 14.

Leu. 1. 3.

L. 8. 20.

Num. 28. 3.

Deu. 15. 21.

1. Cor. 10. 11.
Heb. 10. 1.

Heb. 9. 13.

qui obtulerit victimam pacificorum Domino, vel vota solvens, vel sponte offerens tam de bobus, quam de ouibus immaculatum offeret, ut acceptabile sit, omnis macula non erit in eo. Si cactum fuerit, si fractum, si cicatricem habens, si papulas, aut scabiem, aut impetiginem, non offeretis ea Domino. Causa huius legis erat. 1. quia Deum O. M. non decent, nisi optima. 2. teste Apostolo, omnia in figuram illis veteris testamenti Patribus contingebant. & Vmbra habebat lex futurorum bonorum, non ipsam imaginem rerum, ut est in epistola ad Hebræos. Oblationes autem omnes & sacrificia veteris legis præfigurabant oblationem Christi in cruce qui verè erat agnus immaculatus, omnis vitii expers. Vnde Paulus. Si enim sanguis, inquit, hircorum & taurorum & cinis vitula aspersus inquinatos sanctificat ad emundationem carnis, quanto magis sanguis Christi, qui per Spiritum sanctum semetipsum obtulit immaculatum Deo emundabit conscientiam nostram ab operibus mortuis ad seruiendum Deo viventi? 3. quo significaretur quanta innocentia vitæ & morum præditi esse debeant, qui seipsum Deo offerre volunt.

CAPUT IV.

Rerum etiam minimarum oblationes Deo esse gratissimas.

Exod. 51. 3.
Exod. 53. 5.

Marc. 12. 42.
Luc. 21. 1.

QVOD verò etiam minimarum rerum oblationes Deo sint pergratæ, duobus diuinæ scripturæ exemplis ostendi potest; quorum alterum est in veteri testamento, nam in Exodo Deus inter dona pro constructione tabernaculi offerenda numeravit pilos caprarum. Omnis, inquit, voluntarius, & prono animo offerat primitias Domino: aurum & argentum & as, hyacinthum & purpuram, coccumque bistinctum, & byssum, pilos caprarum, pellesque arietum rubricatas & ianthinas, ligna setim & oleum ad luminaria concinnanda & ut conficiatur roguentum & thymiama suauissimum, lapides onychinos & gemmas ad ornatum superhumeralis & rationalis. Alterum est in nouo, de vidua, quæ apud Marcum & Lucam oblatione duorum minorum in gazophylacium alios licet magna offerentes iudice Christo superauit. Respicens autem IESVS, inquit, Lucas, vidit eos. qui mittebant munera sua in gazophylacium diuites. Vidit autem & quandam viduam pauperulam mittentem ara minuta duo. Et dixit. Vere dico vobis, quia vidua hac pauper plus quam omnes misit. Nam omnes hi ex abundantia sibi miserunt in munera Dei: hac autem ex eo quod

deest illi omnem victum suum, quem habuit, misit. Ratio autem huius rei ab omnibus Patribus illa redditur, quod DEVS non tam considerat magnitudinem rei oblate, quam affectum, aliasque conditiones offerentis.

TERTULLIANVS contra Marcionem agens de oblationibus, quando sint Deo gratæ, post exemplum Abel & Noe allatum ita scribit. Si cliens diuiti aut regi nihil desideranti tamen aliquid vilissimi munusculi obtulerit, quantitas & qualitas muneris infuscabit diuitem & regem, an delectabit titulus officii? At si cliens ei munera ultro, vel etiam dicto, ordine suo offerat, & sollemnia regis obseruet, non ex fide tamen, nec corde puro, nec pleno circa cetera quoque obsequia, nonne consequens, ut rex ille vel diues exclamet. Quo mihi multitudinem munerum tuorum? Plenus sum. Gregorius Nazianzenus oratione ad Iulianum. Nihil carum rerum, quæ Deo offeruntur tam paruum est, quamuis etiam minimi momenti sit, quamuis longè illius dignitate inferius, quod non omnino accipiat atque comprobet. Accipit ille & Pauli plantationem, & Apollinis irrigationem, & viduæ duo minuta, & publicani humilitatem & Manassis confessionem. Cum Moses olim tabernaculum illud cælesti tabernaculo figura respondens in terra fingeret, omnes quod cuique denuntiatum fuerat, conferebant. Quinetiam suapte ponte alii aurum alii argentum, alii gemmas pretiosas ad superhumeralis ornatum ferebant: mulieres partim byssum contortum, partim coccinum contextum, partim purpuram, partim arietum pelles rubro colore tinctas, partim caprarum pilos, rem vilissimam. Alii, ut quisque fortasse aliquid habebat ad opus tabernaculi afferebant sed omnes tamen afferebant, nec quisquam ab hac collatione immunis, ne pauperrimi quidem. Et paulo post. Atque illud puerissimum humanissimumque censendum est, quod Deus munificentiam, non oblata rei pretio & dignitate, sed offerentis affectu & facultate metitur. Et rursus supra. Vnusquisque Deo quod poterit offerat, quouis tempore, quouis genere vite & fortuna, pro presentis facultatis modulo, pro gratia sibi concessa. Atque sub finem orationis in laudem Basilii scriptæ. Quamquam, ait, Deo quoque gratum est, quod viribus respondet. Sanctus Ambrosius libro de Viduis. Dominica voce illa vidua omnibus antefertur de qua dictum est. Vidua hæc plus omnibus misit: in qua moraliter dominus instituit vniuersos, ne quis à collatione ministerij paupertatis pudore reuocetur, nec sibi diuites blandiantur, quod plus videantur conferre, quam pauperes. Vberior est enim nummus è paruo, quam thesaurus, è maximo: quia non quantum detur, sed quantum resideat expenditur. Nemo plus tribuit, quam qui nihil sibi reliquit. Non ergo quid fastidio expuas, sed quantum deuotione conferas, astimandum est. Denique nulla plus tribuit, quam illa quæ de filiorum alimentis pauit prophetam. Sanctus Chrysostomus.

T. lib. 2.

Isa. 1. 11.

1. Cor. 3. 6.

Marc. 12. 42.

Luc. 18. 1.

Luc. 21. 1.

Sanct. 3. Reg. 17.

C. hom. 42.

CHRYSTOST. quoque in Genesin post collaudatam viduam Sareptanam quæ parum obtulerat Eliæ prophetæ. Dominus noster, subdit, non quanta dentur consuevit attendere, sed voluntatis largitatem, & ob hoc parua etiam magna facit, & saepe affirmat, quando non hilari promptitudine, quæ sunt, insumuntur. Et ea propter vidua illa Euangelica multis multa in gazophylacium mittentibus proiectis duobus minutis omnes vicit, non quod immiserit plura aliis, sed quod liberaliorem voluntatem ostenderit.

CAPVT V.

De conuenientia oblationis sui Deo facta.

Matt. 22. 21.

Rom. 12. 1.

Vide Chrysost.
10. in 1. ad Cor.
1. Cor. 4. 7.
Rom. 11. 35.

Ioan. 3. 16.

Symb. Constan.
10. 1.

Heb. 10. 14.

Ioan. 6. 56.

H. ep. 28.

QVOD conueniens & salutare sit, hominem Christianum, non tam alias res creatas quàm, semetipsum offerre Deo, inde probat vetustissimus TERTULLIANVS in libro de Idololatria, quod Christus apud Matthæum Phariseorum discipulis & Herodianis dixerit, Reddite quæ sunt Cæsaris Cæsari, & quæ sunt Dei Deo. Reddenda sunt, inquit, Cæsari, quæ sunt Cæsaris, & quæ sunt Dei Deo, bene quod appositum, & quæ sunt Dei Deo, id est, imaginem Cæsaris Cæsari, quæ in nummo est, & imaginem Dei Deo quæ in homine est: ut Cæsari quidem pecuniam reddas, Deo temetipsum. Apostolus quoque Romanos suos his verbis suauissimè compellat. Obsecro, itaque vos fratres per misericordiam Dei, ut exhibeatis corpora vestra hostiam viuentem, sanctam, Deo placentem, rationabile obsequium vestrum. Deinde totos nos, quanti quanti sumus debemus Deo. Quid n. habes, ait Paulus, quod non accepisti? Et Quis prior dedit illi, & retribuetur ei? Quoniam ex ipso, & per ipsum & in ipso sunt omnia, ipsi gloria in secula Amen. Adhæc Deus pro incredibili sua in nos caritate se obtulit nobis, cur non vicissim nos offeramus illi? Sic enim Deus, inquit B. Ioannes dilexit mundum ut filium suum unigenitum daret, ut omnis qui credit in eum non pereat, sed habeat vitam æternam. Obtulit autem se nobis per filium trifariam. Primo in eius in carnatione cū Deus homo factus est, quod beneficium tantū facit Ecclesia, ut cum in Symbolo cā-tatur Et homo factus est, Vel in Euangelio Ioannis. Verbum caro factum est, omnes procidant in genua. 2. se obtulit in ara crucis, quando una oblatione, teste Apostolo, consummauit omnes sanctificatos, & nos ab æterna damnatione vindicauit. 3. in sacra Eucharistia, nam apud Ioannem ipse dicit. Qui manducat meam carnem, & bibit meum sanguinem, in me manet, & ego in illo. Vnde S. Hieronymus ad Lucinium. Aurum deponere incipientium est, non perfectorum. Fecit hoc Crates Thebanus, fecit Aristhenes. seipsum offerre Deo propriè Christianorum est, & Apostolorum. Et S.

AVGV.

AUGUSTINVS libro de Quantitate animæ. *Vellem ut nihil aliud agerem, quam reddere me, cui me maxime debeo, atque ita Deo fieri, quod ait Horatius, amicū mancipium Domino.* Et epistola ad Armentarium, Id. ep. 45. qui contempto mundo obtulerat se Deo per votum. Cogites, quod in diuinis eloquiis legitur. Ne tardes conuerti ad Dominum, neque differas de die in diem, atque arripas, curæque reddendam, quod eite vouisse nosti, qui debita exigit & promissa persoluit. Nam & hoc scriptum est. Vouete & reddite Domino Deo vestro. Quamquam etsi non vouisses quid aliud tibi suadendum fuit, aut quid melius ab homine fieri potest, quam ut ei restituat, à quo institutus est, præsertim quia charitatis erga nos Dei tantum apparuit, atque illuxit indicium, ut filium suum unigenitum mitteret, qui pro nobis moreretur? Haud secus Sanctus BERNARDVS de Purificatione B Virginis. Quid fratres ait, nos offerimus, aut quid retribuimus Christo pro omnib. quæ retribuit nobis? Ille pro nobis obtulit hostiam pretiosorem quam habuit, nimirum, quæ pretiosior esse non potuit. Et nos ergo faciamus quod possumus optimum quod habemus offerentes illi, quod sumus utique nosmetipsi. Ille seipsum obtulit, tu quis es, qui teipsum offerre cuncteris? Quis mihi tribuat, ut oblationem meam dignetur maiestas tanta suscipere? Duo minuta habeo, Domine, corpus & animam: utinam hæc tibi perfecte possim in sacrificium laudis offerre. Bonum enim mihi longèque gloriosius atque utilius est, ut tibi magis offerar, quam deserar mihiipsi. Nam ad meipsum anima mea conturbatur, in te verò exultabit spiritus meus, si tibi veraciter offeratur. EXEMPLVM huius voluntariæ oblationis habemus in Apostolo Paulo eximium, quod describit CHRYSOSTOMVS oratione prima de Sancti Pauli laudibus in hæc verba, Abel obtulit sacrificium & inde laudatur, sed si Pauli hostiam adducamus in medium, quam cælum à terra superior apparebit. Non enim una tantum est, siquidem semetipsum per singulos dies immolabat: quam tamen rursus hostiam dupliciter offerebat, cū quotidie moriens, tum corpore suo mortificationem sine intermissione circumferens. Nam & ad pericula iugiter parabatur consummans voluntate martyrium, & naturam in se mortificando carnis nihilo minus quam immolate hostie Deo munus implebat, imò etiam multo amplius. Non enim oues offerebat, aut boues, sed semetipsum per singulos dies dupliciter immolabat, ut diximus. Propter quod confitendo dicebat. iam immolor, sanguinem utique suum immolationem vocans. Neque verò his tantum sacrificiis contentus fuit, sed quia seipsum consecrauerat Deo, etiam orbem vniuersum studuit offerre. Propter quod iam hinc post sudores plurimos ac trophæa innumerabilia transiturus pro discipulorum consolatione dicebat. Sed etsi immolor super sacrificium & obsequium fidei vestra gaudeo, & congratulor omnibus vobis: propter quod & vos gaude-

Nnn
dere

A. c. 18.

H. ser. 2. Sap. 7.

Id. ep. 45.

Eccli. 5. 8.

Psalm. 75. 12.

B. serm. 5.

2 Tim. 4. 6.

Phil. 2. 17.

de te & congratulamini mihi. Quidnam igitur huic hostia reperitur aequale quam Paulus sancti spiritus cultro immolauit, quamq; in illo altari obtulit quod supra celos locatum est?

CAPUT VI.

De praestantia & fructu eximio huius oblationis.

IAM huius virtutis praestantiam iuxta ac fructum excellentem inde discere possumus, quod sit primarius Religionis inter virtutes morales nobilissimæ actus, haud secus quam sacrificium. Et si sacrificia omnia, quæ in ueteri testamento de brutis animantibus, frugibus, aliisque rebus creatis magnifico ritu & pompa instituta fuere, hoc inferiora sunt hac, de qua agimus, spontanea oblatione sui, quo bruta omnia, ceteraque res creatæ inferiores sunt rationali creatura ad Dei imaginem similitudinemque condita. Honorifice certe S. Patres de ea locuti sunt, atque imprimis B. Hieronymus pluribus locis. Nam in epistola ad Lucinium, cum dixisset se ipsum offerre Deo proprium esse Christianorum & Apostolorum, mox subiiecit, qui duo cum vidua paupertatis sue in gazophylacium ara mittentes, totum censum, quem habuerunt, Domino tradiderunt, & merentur audire. Sedebitis super duodecim solia, iudicantes duodecim tribus Israel. Laudanda res & Apostolicorum temporum virtutibus coequanda, quando venditis possessionibus suis credentes afferebant pecunias, atque fundebant ante pedes Apostolorum, ostendentes auaritiā esse calcandam. Sed Dominus magis querit animas credentium, quam opes. Legimus redemptionem animæ viri propria diuitia. Et in consolatione ad Iulianum. Respice sanctum virum Pammachium, & feruentissimæ fidei Paulinum presbyterum, qui non solum diuitias, sed se ipsos Domino obtulerunt: qui contra diaboli tergiversationem, nequaquam pellem propelle, sed carnes & ossa & animas suas Domino consecrarunt. Contemnis aurum, contempserunt & multi Philosophi, e quibus unus, ut ceteros sileam, multarum possessionum pretium proiecit in pelagus. Abite, dicens, in rofundum mala cupiditates, ego vos mergam, ne mergar à vobis. Philosophus, gloriæ animal. & popularis aura vile mancipium totam simul sarcinam deposuit. Et tu te putas in virtutum culmine constitutum, si partem ex toto offeras? Te ipsum vult Dominus, hostiam viuam, placentem Deo, te, inquam, non tua. Apostoli gloriantur, quod omnia dimiserint, & secuti sint Salvatorem, & certe præter retia & nauis, nihil legimus eos dimisisse.

H. ep. 28.

Luc. 21. 1.

Matt. 19. 28.

Act. 4. 34.

Prov. 13. 8.

H. ep. 54.

& 12.

Et tamen testimonio futuri iudicis coronantur, quia se offerentes totum dimiserant, quod habebant. Denique & epistolam ad Paulinum ipsum, his verbis claudit. Totum Deo dedit, qui seipsum obtulit. Apo. Ep. 103. Noli nauem tantum & retia reliquerunt. Vidua duo era misit in gazophylacium, & praefertur Crasi diuitijs. Facile contemnit omnia, qui se semper cogitat esse moriturum. Deinde Sanctus A V G V S T I N U S A. C. 35. libro primo Soliloquiorum. Constanter, inquit, Deo crede, eiq. te totum committe quantum potes. Noli esse velle quasi proprius & in tua potestate, sed eius clementissimi & utilissimi Domini te seruum esse profiteri: ita enim te ad se subleuare non desinet, nihilque tibi euenire permittet, nisi quod tibi prosit, etiamsi nescias. Et in psalmum 131. Quid vouimus Deo, nisi ut simus templum Dei? Nihil gratius ei possumus offerre, quam ut dicamus ei, quod dicitur in Esaia. Posside nos. Qui autem Ifa. 26. 13. iuxta 70. dicit. Posside nos, certe se possidendum Deo offert. Et in sermone 3. de natali Domini. Sunt multi qui vouent, alius pallam, alius oleum, alius ceram ad luminaria nettis, alius ut vinum non bibat per aliquot annos, alius ut ieiunia certo tempore faciat, alius ut carnes non comedat. Non est istud votum optimum, nec perfectum. Adhuc melius volo. Non eligit Deus nec speciem tuam, nec oleum tuum, nec ieiunium tuum, sed hoc quod te hodie redemit, ipsum offer, hoc est, animam tuam. Et si interrogas me, quomodo animam meam, quam ipse habet in potestate offeram? Et ego respondebo tibi quomodo. Moribus sanctis, cogitationibus castis, operibus fructuosiss, auertendo a malo, & conuertendo ad bonum, &c.

DE M V M excellens utilitas huius spiritualis oblationis duobus minimè obscuris argumentis cognosci potest. Alterum est, quod sanctorum historia passim doceant eos omnes, qui in primo ortu suo à sanctis parentibus Deo pie oblati fuerunt sanctitate quoq. illustres, 1. Reg. 1. ac saepe etiam miraculis extitisse, ut Samuelem prophetam ut S. Ioannem Baptistam in utero materno sanctificatum, gloriosissimam matrem Dei sine ullo peccato conceptam, Gregorium Nazianzenum, S. Bernardum Claraualensem Abbatem, S. Dominicum, S. Bonauent. S. Bernardinum, S. Nicolaum Tolentinatem, S. Franciscum de Paula, S. Elzearium comitem, aliosq. complures. Si enim oblatio aliena tantopere apud Deum valuit, quantum valebit propria & voluntaria eius, qui cum regio propheta dicere audebit. Voluntariè sacrificabo tibi. Vnde S. C H R Y S O S T O M U S libro tertio contra vituperatores vitæ monasticæ ita scribit de S. Samuel. Anna fuit Hebraea mulier, qua unum filium cum partu edidisset, nec alium speraret separaturam post ablactationem statim obtulit Deo: nec iam ut paternam domum reuideret

L. Reg. 3. l.

oravit, sed semper in templo Dei ille morabatur. Adeo verò magnus & strenuus adolescens ipse factus est, ut Deum, cum Hebraorum gentem ob effusam latè malitiam execraretur, nec visionem ullam eis reuelaret, rursus eximia virtutis meritis attraxerit, persuaseritq; ea omnia quæ antea solebat exhibere: prophetiam quoq; quæ diu auolarat, restituere. Nec ista tunc modo valuit cum ad maturam ætatem peruenisset, sed etiam, cum adhuc puer esset: non enim erat, visio manifesta, & verbum pretiosum non erat. Cumq; ista talia ac tanta essent, illum Deus iugiter alloquio familiari dignabatur, ac per illum frequens oracula edebat; tantum confert emolumenti Deo semper quæ possederimus concedere.

N. in S. bapti-
sma.

S. cap. 8.

Alterum argumentum est, quod Dei proprium sit, ut canit Ecclesia *misereri & parcere*. Est enim ipsa bonitas & charitas, atq; idcirco non optat vel expectat aliud, quam ut nosmetipsos illi offeramus, non ut commodi aliquid à nobis accipiat, sed ut nobis beneficiat. Vult ut nos ipsos uelut sportas vacuas sibi offeramus, quas possit suis implere donariis. Vnde S. Gregorius Nazianzenus in oratione quadam scripsit, *Deo dare, esse accipere*. Exemplum appositum huius rei commemorat Seneca libro primo de beneficiis, ubi cum Æschines, pauper nihil haberet quod Minerualis loco penderet præceptori suo Socrati, dixit. Quoniam nummis careo, me totum tibi trado. Quod donum Socrati longe gratius fuit quàm pecuniarum; eiq; respondit se eum, cum moribus, tum litteris cultiorem, aliquando ad suos remissurum.

VIDE V. *Deuotio. Familiaritas cum Deo. Obedientia. Oratio. Perfectio Christiana. Religio. Et in PANARIO. Inobedientia. Voti violatio.*

O P E R A B O N A .

C A P V T I .

Quid Operum bonorum nomine intelligatur, & quot eorum sint genera.

Matt. 5. 6.

Rom. 2. 10.



OPERVM bonorum nomine iuxta diuinæ Scripturæ phrasin, intelligimus opera utilia ad salutem, uti sunt, de quibus Christus apud Matthæum ait. *Sic luceat lux vestra coram hominibus, ut videant opera vestra bona.* Et S. Paulus ad Romanos. *Gloria & honor, & pax omni operanti bonum.* Et

S. Ia.

S. Iacobus. *Qui perspexerit in lege perfecta libertatis, & permanferit in ea,* Iac. 1. 25.
non auditor obliuiofus factus, sed factor operis, hic beatus in facto suo erit.
 Et Sanct. Petrus. *Satagite, ut per bona opera certam uestram vocatio-* 2. Pet. 1. 10.
nem & electionem faciatis. Et Sanct. Ioannes. *Qui bene facit ex Deo* Ioan. ep. 3. 11.
est. Hæc opera nomine iustitiæ Christus honestauit apud Mat- Matt. 5. 20.
 thæum dicens *nisi abundauerit iustitia uestra plusquam Scribarum &*
Phariseorum, non intrabitis in regnum calorum. Et. *Attendite ne iustitiam* Mat. 6. 1.
uestram faciatis coram hominibus. mox enim subiicit. *Cum ergo facis elee-*
mosynam. & S. Zacharias apud Lucam. *ut sine timore, de manu inimico-* Luc. 1. 57.
rum nostrorum liberati seruiamus illi in sanctitate & iustitia coram ipso. Et
 Apostolus. *Non auditores legis iusti sunt apud Deum, sed factores legis iusti-* Rom. 2. 13.
cabuntur. Et B. Iacobus. *Ex operibus iustificatur homo, & non ex fide tan-* Iac. 2. 24.
tum. Et S. Petrus. *Ut peccatis mortui iustitia viuamus.* & S. Ioannes. *Qui* 1. Pet. 2. 24.
facit iustitiam, iustus est. 1. Ioan. 3. 7.

HORVM Operum bonorum tria Spiritus sanctus ipse in sacris
 litteris genera patefecit, ad quæ tanquam ad tres fontes suos reli-
 quæ omnia facile; teste S. August. in lib. de perfectione iustitiæ, refe- A. respons. 17.
 runtur. Nam in veteri testamento angelus Raphael hæc tria specia-
 tim S. Tobia commendauit. *Bona, inquit, est Oratio cum Ieiunio, &* Tob. 12. 8.
Eleemosyna magis, quam thesauros auri recondere. In nouo uero Christus
 Dominus apud Matthæum singulatim docuit, quemadmodum ea- Math. 6.
 dem tria fructuose ad salutem exerceri queant. Vnde August. loco ci-
 tato. *Dominus, inquit, in Euangelio cum dixisset. Nolite facere iustitiam ve-*
stram coram hominibus, ut videamini ab eis, ne istum cursum nostrum sine hu-
mane gloria metiremur, non est in expositione iustitiæ ipsius executus nisi tria
ista, ieiunium, eleemosynas orationes. Ieiunio scilicet vniuersam corporis casti-
gationem significans; eleemosynis omnem beneuolentiam & beneficentiam,
vel dandi vel ignoscendi: & oratione insinuans omnes regulas sancti desiderii.
 Et in psalmum 42. *Hæc iustitia hominis in hac vita, ieiunium, eleemosyna,*
oratio. Vis orationem tuam volare ad Deum? fac illi duas alas, ieiunium & elee-
mosynam. S. Leo de ieiunio decimi mensis. *Tria sunt quæ maximè ad reli-* L. serm. 1.
giosas pertinent actiones: Oratio scilicet, ieiunium & eleemosyna: quibus exer-
cendis omne quidem tempus acceptum, sed illud est studiosius obseruandū, quod
Apostolicis accipimus traditionibus consecratum. Oratione enim propitiatio Dei
queritur, ieiunio concupiscentia carnis extinguitur, eleemosynis peccata redi-
muntur simulq; per omnia Dei in nobis imago renouatur. Hæc triplex obseruā-
tia omnium virtutum comprehendit effectus. Petrus Chrysologus serm. 43.
Tria sunt, tria fratres, per quæ stat fides, constat deuotio, manet virtus. Oratio,
ieiunium, Misericordia. Quod oratio pulsât, impetrat ieiunium, misericordia
accipit. Sunt hæc tria vnum, dant hæc sibi inuicem vitam. Est namq; orationis

B. l. c. ii.

anima ieiunium, ieiunii vita misericordia est, & c. multa. S. Bernardus in sententiis. Tria sunt quibus debent insistere, quicumq; iustificari debent, quae etiam continet sermo Domini in monte, eleemosyna, ieiunium, oratio. Sic enim adimpletur iustificatio, dum ab interdictis vitijs abstinent, & bona quae praecepta sunt fideliter exercent. Opponantur ergo prauis operibus opera misericordiae, contra carnalia desideria adhibeantur ieiunia, & pro curis seculi succedat amor Dei & frequentia orationis.

CAPUT II.

De multiplici bonorum operum fructu.

Sap. 3. 15.
Eccl. 9. 12.
Eccl. 12. 13.

NON dubium est multos magnosq; bonorum operum existere fructus. Sapientis siquidem dictum est. Bonorum laborum gloriosus est fructus. Et. Cognoui, quod non esset melius nisi letari & facere bene in uia sua. Et. Deum time, & mandata eius obserua: hoc est enim omnis homo.

Matt. 7. 16.

I. Fructus est testificatio verae fidei & doctrinae. Nam Christus voluit pseudoprophetarum doctrinam falsam ex operibus dignosci. A fructibus eorum, inquit, cognoscetis eos. Nunquid colligunt de spinis uinas, aut de tribulis ficus? Non potest arbor bona malos fructus facere, neq; arbor mala bonos fructus facere. Nam de fide vera vel falsa hic sermonem effelliquet, & docet uetustissimus Tertullianus libro primo contra Marcionem. Deinde B. Iacobus. Tu fidem habes, & ego opera habeo. Ostende mihi

Iac. 2. 18.

B. reg. 28. & 29.

fidem tuam sine operibus, & ego ostendam tibi ex operibus fidem meam. S. Balianus in suis Moralibus ex eodem fundamento probat, quod unusquisq; debeat professionem suam factis ipsi consentaneis comprobare. idq; probat tribus aliis argumentis. Primo quia Christus discipulis suis dixit. In hoc cognoscet omnes quod discipuli mei estis, si dilectionem mutuam habueritis inter vos. 2. quia de se dixit. Ipsa opera quae ego facio testimonium perhibent de me, quod Pater miserit me. Si non facio opera Patris mei nolite credere mihi. Si autem facio, & si mihi non uultis credere, operibus credite, ut cognoscatis & credatis, quod pater in me est & ego in Patre. 3. quia Apostolus ita ad suos Corinthios scripsit. Nemini dantes ullam offensionem, sed in omnibus exhibentes uosmetipsos sicut Dei ministros in multa patientia, in tribulationibus.

Ioan. 13. 35.

Ioan. 5. 36.

2. Cor. 6. 3.

C. hom. 24.

& c. Eodem tendit, quod S. Chrysost. ad populum dixit, nihil a quo nos à calumniis peruersorum hominum vindicare, ac bonam & piam conuersationem si uiuimus, inquiens, in nequitia, licet sit qui detrahat nomen, omnium miserrimi sumus si uero uirtutem exerceamus, licet totus terrarum orbis maledicat, tunc sumus omnium beatissimi. Non enim improborum detra-

detractionem, sed vita virtutem intuebuntur. Etenim omni tuba clarior est per opera demonstratio.

II. FRUCTVS est, quod bona opera ex viua fide, hoc est, per Gal. 5. 6. caritatem operante, ut loquitur Apostolus, profecta, non solum sint Symbolum Christianæ vocationis & prædestinationis, sed etiam eandem confirmant, certamque faciant. Nam Apostolus Petrus, qui crebrius ad bona opera in suis epistolis nos cohortatur, hoc etiam adiecit. *Fratres, magis satagite, ut per bona opera certam vestram vocationem & electionem faciatis. Hac enim facientes non peccabitis aliquando.* Vnde S. Cyprianus epistola ad Cornelium Papam. *Hortamur plane quantum possumus, frater charissime, pro charitate mutua, qua nobis inuicem coheremus, ut, quoniam providentia Domini monentis instruimur, & diuina misericordie consiliis salubrius admonemur, appropinquare iam certaminis & agnis nostri diem, ieiuniis, vigiliis, orationibus insistere cum omni plebe non desinamus, incumbamus gemitibus assiduis, deprecationibus crebris. Hac enim sunt nobis arma coelestia, quæ stare & perseverare fortiter faciunt. Hac sunt munimenta spiritalia, & tela diuina quæ protegent.* C. lib. 1. ep. 12.

III. FRUCTVS est, quod gratiam iniustis vere augeant, & perficiant, ac proinde & iustificent, id est, iustiores reddant. Id clarissimè ex B. Pauli epistolis euinci potest, nam in altera ad Corinthios agens de fructu spiritali eleemosynæ. *Qui administrat semen inquit, seminanti, & multiplicabit semen vestrum, & augebit incrementa frugum iustitiae vestrae.* Et ad Colossenses. *Ut ambuletis digne Deo per omnia placentes, in omni opere bono fructificantes crescentes in scientia Dei.* Et S. Ioannes in Apocalypsi. *Qui iustus est, iustificetur adhuc, & sanctus sanctificetur adhuc.* Imo Ecclesiasticus. *Non verearis, ait, usque ad mortem iustificari, quoniam merces Dei manet in aeternum.* Quod autem perficiant & consumment iustitiam & gratiam clare tradit B. Iacobus. *Abraham pater noster nonne ex operibus iustificatus est offerens filium suum super altare? Vider quoniam fides coope rabatur operibus illius, & ex operibus fides consummata est?* Et Sanctus Paulus ad Corinthios. *Has habentes promissiones carissimi, mandemus nos ab omni inquinamento carnis & spiritus perficientes sanctificationem in timore Dei.* Hoc verò iustitiæ incrementum, aiunt Concilii Tridentini Patres, petit sancta Ecclesia cum orat. *Da nobis Domine fidei, spei, & charitatis augmentum.* 2. Cor. 9. 10. Col. 1. 10. Apoc. 12. 12. Eccli. 1. 21. Iac. 2. 22. 2. Cor. 7. 2. C. sess. 6. c. 10.

IV. est, quod fiduciam bonæ conscientiae gignant, magisque ad orandum & quidlibet impetrandum inflamment. *Fiducia magna erit, dicitur in Tobia, coram summo Deo eleemosyna omnibus facientibus eam.* Et apud Ioannē Christus, *Omnis qui male agit odit lucem, & non venit ad lucē, ut nō arguantur opera eius. Qui autē facit veritatē, venit ad lucē, ut manifestentur.* Tob. 4. 12. Ioan. 1. 20.

manifestentur.

1. Ioan. 3. 21.

1. Io. 4. 17.

Ma. 3. 8.

Psal. 17. 25.

Psal. 25. 34. 19.

A. in præfat.

1. Tim. 1. 5.

Matt. 5. 14.

1. Pet. 2. 12.

Ioan. 13. 15.

1. Pet. 2. 21.

Tit. 2. 7.

Heb. 13. 7.

In uita Moyfis.

V. Exemplum
malum.

sentur opera eius, quia in Deo sunt facta. Et Ioannes ipse in prima epistola. Charissimi, si cor nostrum non reprehenderit nos fiduciam habemus ad Deum, & quicquid petierimus, accipiemus ab eo quoniam mandata eius custodimus, & ea que sunt placita coram eo facimus. Et rursus. In hoc perfecta est charitas Dei nobiscum, ut fiduciam habeamus in die iudicii. Exemplum huius habemus in Ezechia rege, qui conscientia bonorum operum fretus, non dubitauit sic Deum compellere. Obsecro Domine, memento quaso quomodo ambulauerim coram te in veritate, & in corde perfecto, & quod bonum est in oculis tuis fecerim. Et ante eum rex David. Retribuet mihi Dominus secundum iustitiam meam, & secundum puritatem manuum mearum retribuet mihi. Quia custodiui vias Domini, nec impiè gessi à Deo meo. Hunc fructum tradit & B. Augustin. enarrans psalmum 31. his verbis. Finis, inquit Apostolus, precepti est charitas de corde puro, & conscientia bona & fide non ficta. Prospe conscientiam posuit. Ille enim sperat, qui bonam conscientiam gerit. Quem verò pungit mala conscientia retrahit se à spe, & non sibi sperat, nisi damnationem. Ut ergo speret regnum, habeat bonam conscientiam, & ut habeat bonam conscientiam, credat & operetur: quia quod creditur dei est, quod operatur charitatis est. Et S. Cyprianus in sermone de Eleemosyna. Præclara, ait, & diuina res salutaris operatio, solatium grande credentium, securitatis nostræ salubre presidium, munimentum spei, tutela fidei, medela peccati.

V. quod prouocent, tui ad glorificandū Deum, tum ad Christi imitationē. Vnde Christus. Sic luceat lux vestra coram hominibus, ut videant opera uestra bona, & glorificent Patrem uestrum, qui in calis est. Et S. Petrus. Conuersationem uestram inter gentes habentes bonam, ut in eo, quod detrahant de vobis, tanquam de malefactoribus, ex bonis operibus vos considerantes glorificent Deum in die visitationis. Ad imitationem sui Christus lauit discipulis pedes, nam dixit. Exemplum dedi vobis, ut quemadmodum ego feci & vōs faciatis. Et S. Petrus. Christus passus est pro nobis, vobis relinquens exemplum, ut sequamini vestigia eius. Et S. Paulus ad Titum. In omnibus præbe te exemplum bonorum operum in doctrina, in integritate, in grauitate. Et ad Hebræos. Mementote Præpositorum uestrorum, qui vobis locuti sunt verbum Dei, quorum intuentes exitum conuersationis imitamini fidem. Apostoli, S. Antonius, Benedictus, Dominicus, Franciscus, Ignatius quot hominum myriades bonorum operum exemplo ad imitationem vitæ licet arduæ & religiosæ pellegerunt? Cur tot Sanctorum vitæ descriptæ sunt, nisi ut res ab iis gestas cognoscamus & imitemur? Idcirco, inquit Greg. Nyssenus, credendum est præstantissimorum virorum vitas exquisitissimè descriptas, ut vita nostra imitatione ad virtutem rectius deducatur. Sed plura de hac re in Panario.

VI. Fru.

VI. FRUCTVS, quod promereantur vitam æternam. Nam Christus ipse apud Matthæum docet Apostolos, gaudendum esse in persecutionibus, quia copiosa eos maneat merces in cælo. *Gaudete, inquit, & exultate, quoniam merces vestra copiosa est in cælis.* 2. passim in scripturis dicitur, unicuique reddendum præmium coeleste, secundum mensuram laboris. *Filius hominis, ait Matthæus, venturus est in gloria Patris sui cum angelis suis, & tunc reddet unicuique secundum opera sua.* Et Apostolus ad Romanos. *Thesaurizas tibi iram in die ire, & revelationis iusti iudicii Dei, qui reddet unicuique secundum opera sua.* Et Ioannes in Apocalypsi. *Ecce venio cito, & merces mea mecum est, reddere unicuique secundum opera sua.* 3. in iisdem opera pro ratione assignantur, cur detur vita æterna. Nam in die iudicii loquetur Christus. *Venite benedicti Patris mei, possidete paratum vobis regnum ab origine mundi. Esuriui enim & dedistis mihi manducare.* Et. *Quia in pauca fuisti fidelis, supra multa te constituam, intra in gaudium Domini tui.* 4. in iisdem dicitur regnum cælorum ex iustitia reddendum bonis operibus. Paulus enim de se ait. *Bonum certamen certavi, cursum consummaui, fidem seruaui, in reliquo reposita est mihi corona iustitie quam reddet mihi Dominus in illa die iustus iudex.* Et iterum. *Non est iniustus Deus, ut obliuiscatur operis vestri.* 5. in iisdem, qui bona opera fecerunt dicuntur digni præmio vitæ æternæ. *Dignus est operarius, ait Dominus apud Lucam, mercede sua. Ut digni, ait Paulus, habeamini regno Dei, pro quo patimini.* Et in Apocalypsi. *Ambulabunt mecum in albis, quia digni sunt.*

Mat. 5. 12.

Matt. 16. 27.

Rom. 2. 7.

Apoc. vul. 1. 2.

Matt. 25. 35.

Ibid. 21.

2. Tim. 4. 8.

Heb. 6. 10.

Luc. 10. 7.

2. Thes. 1. 5.

Apoc. 3. 4.

Nec aliud Sancti Patres docuere. S. IGNATIVS epistola ad Romanos ita loquitur. *Sinite me bestiarum esca sim, per quam possim Deum promereri.* Sanctus CYPRIANVS de unitate Ecclesiæ. *Iustitia opus est ut promereri quis possit Deum: præceptis eius & moribus obtemperandum est, ut accipiant merita nostra mercedem.* Sanctus Ambrosius libro primo de Officiis. *Nonne evidens est meritorum aut præmia, aut supplicia post mortem manere?* S. Augustinus libro de moribus Ecclesiæ. *Vita æterna est totum præmium, cuius remissione gaudemus. Nec præmium potest præcedere merita, & prius homini dari, quam dignus est.* *Quidem hoc est iniustus, & quid iniustus Deo? non ergo debemus poscere præmium, antequam mereamur accipere.* B. Gregorius libro. 4. moralium. *Quia in hac vita nobis est discretio operum, erit in illa proculdubio discretio dignitatum, ut quo hic alius alium merito superat, illic alius alium retributione transcendat.*

A. c. 15.

Au. c. 25.

G. c. 42.

IMMO S. Patres docent Deum remunerari opera bona supra condignum, hoc est plus retribuere, quam iure mereantur: nam scriptura clarè docet apud Matthæum, mercedem fore copiosam in cælis, & apud Lucam mensuram bonam, & confertam, & coagitatam & superfluentem.

Mat. 5. 12.

Luc. 9. 38.

Matt. 20. 15.

peffluentē. Et in parabola vineæ, quibusdā datur integer denari⁹ diurnus, cū tamen non integrū diē in labore impendissent, nempe ex liberalitate. nā Dominus respondit. *An non licet mihi quod volo facere? An oculus tuus neq. a est, quia ego bonus sum?* Vnde S. Basilus in psalmum 114. *Proposita est, inquit, aeterna requies his qui legitime in hac vita decertarunt, quæ non secundum operum debitum ac meritum retribuitur, sed iuxta magnificentiā Dei his qui in ipsum sperauerunt exhibetur.* Et Fulgentius lib. 1. ad Monimum, reddens ratione cur vita æterna dicatur gratia cum merces sit meriti ita scribit. *Gratia autem ipsa non iniuste dicitur, quia non solum donis suis Deus dona sua reddit, sed quia tantum etiam ibi gratia diuine retributionis exuberat, ut incomparabiliter, atq. ineffabiliter omne meritum quantumuis bonæ, & ex Deo data, humana voluntatis atq. operationis excedat.*

Fig. 10.

C A P V T III.

De necessitate bonorum operum ad salutem.

QUOD bonorum operum exercitatio ad salutem sit necessaria tota Scriptura clamat. Nam Christus Dominus imprimis non solum præcipit obseruationem Decalogi, verum etiam eius præuaricatores salute æterna diserte excludit. Cum enim hortatus fuisset Apostolos in primis suæ prædicationis initiis ad bona opera. *Nolite, addit, putare quoniam veni soluere legem aut prophetas, sed adimplere. Quicumq. soluerit vnum de mandatis istius minimis & docuerit sic homines, minimus vocabitur in regno calorum. Dico enim vobis, quia nisi abundauerit iustitia vestra, plus quam Scribarum & Phariseorum, non intrabitis in regnū calorum.* Et rursus. *Si vis ad vitam ingredi, serua mandata.* Mandata a. sunt de bonis operibus præstandis, & malis cauendis. Vnde cum in iudicio extremo reprobos condemnat, vnā illam causam reddit, quod bona opera neglexerint. *Discedite, inquit, à me maledicti in ignem æternum. Esurini enim & non dedistis mihi manducare.* Et contra, cum probos saluat, illam vnā causam reddit, quod bona opera præstiterint. Deinde perspicuæ sunt Apostoli Pauli sententiæ ad Romanos. *Si spiritus castitatis carnis mortificaueritis, viuētis.* Et. *Corde creditur ad iustitiam, ore autem confessio fit ad salutem.* Et ad Corinthios. *Id quod in presenti est momentaneum & leue tribulationis nostræ supra modum in sublimitate æternæ gloriæ pondus operatur in nobis.* Et. *Tristitia quæ secundum Deum est penitentiam in salutem stabilem operatur.* Et ad Philippenses. *Cum metu & tremore vestram salutem operamini.* Et ad Hebræos. *Patientia vobis necessaria est, ut facientes*

Matt. 5. 17.

Matt. 19. 27.

Matt. 25. 42.

Rom. 8. 13.

Rom. 10. 10.

2. Cor. 4. 17.

2. Cor. 7. 10.

Phil. 2. 12.

lucul
opera

Gratia
dierim
qui qu
Nazia

fides sin
in ver
rum op
ipsa fid
lutem

vnus ej
trio.

nem in
fidem, e

election
bum fid

nam op
volunt

iustific
stoli.

spiritus
ritate,

dicat
quo tot

Et, si v

PR
lis
milia
dequ

ientes voluntatem Dei reportetis promissionem. S. Iacobi quoque *Iacobus*
 luculenta est oratio. Quid proderit frater mei, si fides quis dicat se habere,
 opera autem non habeat, nunquid poterit fides salutare eum?

S. P. A. T. R. S. idem profitentur. Nam Clemens Alexandrinus. *C. 5. Strom.*
 Gratia, inquit, saluatur, sed non absq. bonis operibus. Et infra. Quando au-
 dierimus, fides itaq. te saluum fecit, non accipimus absolute eos saluos futuros,
 qui quomodocumq. crediderint, nisi facta quoq. fuerint consecuta. S. Greg. *G. orat. in San.*
 Nazianzenus. Operare bonum super hoc doctrinarum fundamento, quoniam *Lanaerum.*
 fides sine operibus mortua est, quemadmodum & opera sine fide. S. Hieron. *M. in c. 26. Isaia.*
 in verba Isaia. Murus & autemurale ponatur in ea. Murus, inquit, bono-
 rum operum, & autemurale fidei. Non enim sufficit murum habere fidei, nisi
 ipsa fides bonis operibus confirmetur. B. Cyrillus, Quod fides ad sa- *C. lib. 10. in*
 lutem non sufficiat, Christi etiam discipulus ostendit scribens. Tu credis quia *Ioan. c. 18.*
 unus est Deus, &c. Sanctus Augustinus de gratia & libero arbi- *A. c. 7.*
 trario. Homines, ait, non intelligentes, quod ait Apostolus. Arbitramur homi- *Rom. 3.*
 nem iustificari per fidem sine operibus, putauerunt eum dicere, sufficere homini *P. c. 19.*
 fidem, etiam si male viuat, & bona opera non habeat, quod absit, ut sentiret vas
 electionis. Sanctus Prosper libro 1. de vita contemplatiua. Ver-
 bum fidei predicandum est, ut audiens credat, credens intelligat, intelligens bo-
 num opus perseveranter exerceat, quoniam eum, qui potest uti libera
 voluntatis arbitrio, nec opera sine fide, nec fides sola sine operibus
 iustificat. Adde Chrysostomum qui scribens in dictum Apo- *2. Cor. 4. 13.*
 stoli. Habentes autem eundem spiritum. Fides, inquit, opus habet auxilio
 spiritus ac presentia ut inconcussa permaneat: auxilium autem hoc vite pu-
 ritate, moribusq. probatis retineri apud nos solet. Quare si cupimus fidem ra-
 dicatam habere, viuendi ratione pura nobis opus est, quae spiritum retineat, a
 quo totam fidei vim dependere constat. impossibile enim est, impossibile profe-
 cto, si vitam impuram habeas, in fide non vacillare.

CAPUT IV.

De bonorum operum proprietati-
bus.

PRIMA proprietas est, quod sint consentanea naturae. Natura *Matt. 7. 12.*
 lis enim lex est, quam Christus apud Matthaeum tulit, dum ait. O-
 mnia quaecumq. uultis, ut faciant uobis homines, & vos facite illis. Sicut & illa, *Rom. 2. 14.*
 de qua testatur Apostolus ad Rom. Gentis quae legem non habent, natura-

A. c. 3.

liter ea quæ legis sunt faciunt, qui ostendunt, opus legis scriptum in cordibus suis. quod opus legis non est nisi bonum opus legi Decalogi consentaneum. Vnde S. Ambrosius libro de fuga sæculi. *Lex autem gemina est naturalis & scripta: naturalis in corde, scripta in tabulis. Omnes ergo sub lege, sed naturali. Primum natura ipsa boni operis magistra est. Scis non furandum, & seruum tuum, si furtum tibi fecerit verberas, & si quis ad uxorem tuam affectauerit, persequendum putas.*

Cl. 7. from.
H. ep. 155.A. in psal. 66.
Id. conc. 24. in
psal. 118.

G. c. 16.

II Proprietas, quod sequantur cognitionem, uel cogitationem bonam. Opera, inquit Clemens Alexandrinus, *sequuntur cognitionem, non secus ac umbra corpus.* S. Hieronymus ad Paulam Vrbicam, de interpretatione alphabeti Hebraici. *Nihil facere possumus, nisi prius quæ facienda sunt scierimus.* Et S. Augustinus. *Nullum est opus bonum, cuius non in mente sit cogitatio.* Et iterum. *Omnia opera uel mala, uel bona à cogitatione procedunt. In cogitatione quisq. innocens, in cogitatione reus est, propter quod scriptum est. Cogitatio sancta seruabit te.* Et B. Gregorius libro 10. moralium. *pene cuncta bona opera ex cogitatione prodeunt. Sed sunt nonnulla cogitationis acumina, quæ ex operatione nascuntur. Nam sicut ab animo opus sumitur, ita rursus ab opere animus eruditur. Mens quippe diuini amoris exordia capiens imperat bona quæ fiant.*

Ioan. 15. 5.
Philip. 1. 6.
1b. c. 2. 13.C. c. 4.
A. c. 12.

H. lib. 3.

A. lib. 2. c. 5.

Id. c. 2.

G. hom. 9.

III Proprietas, quod nulla opera bona, hoc est, ad salutem pertinentia præstari possint, uel etiam inchoari sine diuina gratia. Clare enim Dominus dixit. *Sine me nihil potestis facere.* Et Apostolus. *Qui capit in uobis opus bonum, perficiet usq. in diem Christi.* Et. *Deus est enim qui operatur uelle & perficere pro bona voluntate.* Consentunt S. PATRES. ut CYPRIANVS libro 3. ad Quirinum. *In nullo, ait, gloriandum, quando nostrum nihil est.* Sanctus AMBROSIVS libro 2. in Lucam. *Vides, quia ubique Domini virtus studiis cooperatur humanis, ut nemo possit edificare sine Domino, nemo custodire sine Domino, nemo quicquam incipere sine Domino.* S. HIERONYMVS contra Pelagianos. *Hoc longa dissertatione conclusum est, ut gratia sua Dominus, quæ nobis concessit liberum arbitrium, in singulis operibus inuet atque sustentet.* S. AVGVSTINVS contra duas epistolas Pelagianorum. *Liberum arbitrium dicimus ad bene pieq. uiuendum non valere, nisi ipsa voluntas hominis Dei gratia fuerit liberata, & ad omne bonum actionis, serm. nis, cogitationis adiuta.* Et de Prædestinatione Sanctorum. *Quod attinet ad pietatem & religionem, non sumus sufficientes cogitare aliquid quasi ex nobis, & nemo sibi sufficit ad incipiendum, vel perficiendum quodcumq. opus bonum.* S. Gregorius in Ezechielem. *Nos prænauit Deus, ut velimus, & volentes subsequitur, ne inaniter velimus.*

V. Proprietas, Opera bona nostra recte dicuntur & Dei, quia diuina gratia opitulante præstantur, & nostra, quia à libero arbitrio nostro

nostro à Deo adiuto profecta. Vnde sicut, teste Augustino libro de gratia & libero arbitrio, in Scriptura dicitur. *Conuerte nos Deus salutaris noster.* Et. *Preparatur voluntas à Domino,* ad ostendendam Dei gratiam, ita contra dicitur. *Conuertimini ad me, & ego conuertar ad vos.* Et. *Hominis est preparare animam,* ad ostendendum hominis arbitrium & cooperationem. Vtrumq; coniunxit Apostolus cum dixit in priore epistola ad Corinthios. *Abundantius illis omnibus laboravi, non ego autem, sed gratia Dei mecum.* Vnde Hieronymus libro primo dialogorum aduersus Pelagium. *Atticus ait. Hoc mihi respondeas velim quod agis bonum, tuum est an Dei? Critobulus respondet. Meum est & Dei, ut ego operer, & ille adiuvet.* S. Augustinus libro 1. Retractationum. *Eadem regula, & vtrumq; (credere & velle) ipse est Dei, quia ipse preparat voluntatem; & vtrumque nostrum, quia non fit nisi volentibus nobis.* Et S. Bernardus in tractatu de gratia & libero arbitrio. *Per quos & cum quibus operatur Deus, boni sunt vel angeli, vel homines, qui quod vult Deus & agunt pariter & volunt.* Vnde Paulus cum bona plurima quæ Deus per ipsum fecerat, enarrasset. *Non autem ego ait, sed gratia Dei mecum.* Potuit dicere, per me, sed quia minus erat, maluit dicere, mecum, presumens se non solum operis esse ministrum, per effectum, sed & operantis quodammodo socium, per consensum. Et infra. *Non partim gratia, partim liberum arbitrium, sed totam singula opere indiuiduo peragunt. Totum quidem hoc, & totum illa; sed ut totum in illo, sic totum ex illa.*

V. Eorum fundamentum est fides in Christum, quo sublato non profunt ad salutem. *Qui enim non crediderit,* ait Christus, apud Marcum *condemnabitur.* Et Apostolus ad Hebræos. *Sine fide impossibile est placere Deo.* Vnde S. Hieronymus in Oseam prophetam scribit, opera bona sine fide, perinde se habere ac membra sine capite. Chrysostomi quoq; in Genesin verba sunt. *Cum rectæ fidei dogmatibus vitam quoq; vestram diligenter curate. Fides enim sine operibus mortua est, & opera sine fide mortua sunt.* Augustinus in psalmum 31. *Ea ipsa opera quæ dicuntur ante fidem, quamvis videantur hominibus laudabilia, inania sunt: ita mihi videntur esse, ut magnæ vires & cursus celerrimus, rater viam.* Nemo ergo computet bona opera sua ante fidem: ubi fides non erat, bonum opus non erat. Bonum enim opus intentio facit, intentionem finis dirigit. S. Gregorius in Ezechielem. *Vnum sine altero nil prodesse valet, quia nec fides sine operibus, nec opera adiuuant sine fide, nisi fortasse pro fide percipienda fiant sicut Cornelius ante pro bonis operibus meruit audire, quam fidelis existeret.* Orationes tuæ & eleemosyna tuæ ascenderunt in memoriam in conspectu Dei. Et in epistola ad Theodelindam reginam. *Sicut rami sine virtute radicis arefunt, ita opera quantumlibet bona videantur, nulla sunt, si à soliditate fidei disunguntur.*

psal. 118. 112.

Matt. 6. 33.

Matt. 4. & 10.

Col. 3. 24.

Heb. 11. 26.

Phil. 3. 14.

S. c. vlt.

S. hom. 13.

Matt. 20. 22.

Gal. 6. 9.

Heb. 3. 14.

II. cor. 16.

Id. ep. 28.

I. Cor. 9. 24.

V. Opera bona, etiam si rectissime fiant ob gloriam Dei, licet tamen fieri possint intuitu mercedis vite æternæ. Sic enim loquitur psaltes regius. *Inclinavi cor meum ad faciendum iustificationes tuas propter retributionem.* Christus quoque dominus sic præcipit. *Primum querite regnum Dei & iustitiam eius, & hæc omnia adicientur vobis.* Deinde ipse spe data regni cælorum hortatur omnes ad pœnitentiã, & Apostolos hortari docet. *Pœnitentiam agite, appropinquabit enim regnum cælorum.* Apostolus quoque ita scribit ad Colossenses. *Quodcumque facitis ex animo operamini, sicut Domino & non hominibus, scientes quod à Domino accipietis retributionem hereditatis.* Et in epistola ad Hebræos producit Moysen in exemplũ, maiores diuitias aestimantem thesauro Aegyptiorum improprium Christi, aspicebat enim, inquit, in remunerationem, Immo & seipsum, dum ad Philippenses ait. *Ad destinatum persequor, ad bravium supernæ vocationis in Christo IESU.* Certe ex Patribus Sanctus Cyprianus, cum libro de exhortatione Martyrii, spe præmii cælestis martyris animasset. *Has cogitationes, inquit, quæ persecutio potest vincere? quæ possunt tormenta superare?* Sanctus Augustinus in psalmum 120. *Si opus bonum in terra propterea feceris, ut terrena tibi cibum dent, scit sinistra tua, quid faciat dextera tua, misisti dexteram sinistrae. Noli facere, nisi propter vitam æternam: ideo fac & securus facies.* Hoc enim mandavit DEVS. Et Sanctus Gregorius in Euangelia. *Neque castitas magna est sine bono opere, nec opus bonum est aliquid sine castitate. Sed si utrumque agitur, restat, ut quisquis ille est, spe ad supernam patriam tendat.* Demum licet in temporalibus rebus spectare temporalem finem, ut in pharimaco sumendo sanitatem, in ferendo agro messem, in bello gerendo victoriam, cur in opere spiritali non liceat spectare et remunerationem spiritalem à Deo promissam? Dices. S. Bernardum in libro de diligendo Deo docere, absque præmii intuitu diligendum Deum. *Vacua namque, inquit, veracitas esse non potest, nec tamen mercenaria est.* Respondeo, mercenariam fore si solam mercedem, vel præcipue intueremur. Deinde merces est Deus ipse, quia beatitudo nostra in visione Dei consistit.

VI. Proprietas est perseverantia in bonis operibus. *Qui enim perseveraverit usque in finem, ait, Christus, hic salvus erit.* Et Apostolus. *Bonum facientes non desiciamus, tempore enim suo metemus non deficientes.* Et. *Participes Christi effecti sumus, si tamen initium substantia eius usque ad finem firmum retineamus.* Hieronymus ad Euziam. *Non querantur in Christianis initia, sed finis.* Paulus male copit, sed bene finiuit. Iude laudantur exordia, sed finis proditiōe damnatur. Et ad Lucinium. *Copisso multum est, ad culmen pervenisse paucorum. Qui in stadio currunt, omnes quidem currunt, sed unus accipit bravium. At contra de nobis dicitur. Sic cur-*

rite,
Bonu
res co
sed fin
ranti
dem y
nem,

PR
no
ne ali
ra op
prode
Sic luc
rificen
ctans
vos gl
quib
sterum
est. Er
Non.
nebo?
nec un
finē ca
em ide
tionem
rursus
contem
dum es
ppter
vtopu
rias Ch
bus gen

rite,

rite, ut apprehendatis. Augustinus in sermone ad fratres in eremo. A. serm. 8.
 Bonum inchoare, & malo fine concludere, quid aliud est, quam monstruosas
 res conficere? Illa enim actio quasi chymæra est, quæ initium habet à ratione,
 sed finem à sensualitate. Sanctus Bernardus ad lanuenses. Tolle perseue- B. ep. 119.
 rantiam, nec obsequium mercedem habet, nec beneficium gratiam, nec lau-
 dem fortitudo. Denique non qui cæperit, sed qui perseverauerit usque in fi-
 nem, hic saluus erit.

C A P V T VI.

De mediis quibus perfectionem suam conse-
quantur.

PRIMUM Medium est, ut quæcunque facimus ad gloriam Dei, non
 nostra, facimus, iuxta illud Apostoli. Siue manducatis, siue bibitis, si-
 ue aliud quid facitis, omnia in gloriam Dei facite. Sic enim etiam adia pho-
 ra opera (ut est bibendi & edendi) quæ per se nec bona, nec mala sunt,
 prodesse nobis possunt ad salutem: Christus quoque Apostolis dixit.
 Sic luceant opera vestra coram hominibus ut videant opera vestra bona, & glo-
 rificent (non vos, sed) patrem vestrum qui in cælis est. Quæ verba tra-
 ctans Sanctus AUGUSTINUS in psalmum 65. Nam si, inquit, propter
 vos glorificandos facitis opera bona, respondetur vobis, quod ipse dixit de
 quibusdam talibus. Amen dico vobis, perceperunt mercedem suam. Et
 iterum. Alioqui mercedem non habebitis apud Patrem vestrum qui in cælis
 est. Ergo, inquit, debeo abscondere opera mea, ne faciam coram hominibus?
 Non. Sed quid ait. Luceant opera vestra coram hominibus. Anceps ergo rema-
 nebo? Tam non potest homo servire duobus Dominis diuersa iubentibus, quam
 nec uni diuersa iubenti. Non ait Dominus, diuersa iubeo. Finem attende, in-
 fine tanta, sine quo facias, vide. Si ideo facis, ut tu glorificeris, hoc prohibui: si au-
 tem ideo ut Deus glorificetur, hoc iussi. Date gloriam laudi eius. Totam inten-
 tionem nostram in laudem Dei mittit, nihil nobis relinquit, unde laudemur Et
 rursum in psalmum 118 Magni interest, cum aliquid boni facimus, cuius rei
 contemplatione faciamus. Officium quippe nostrum non initio sed fine pensan-
 dum est, ut sc. non tantum si bonum est, quod facimus, sed precipue si bonum est
 propter quod facimus cogitemus. Huc spectat quod monet alicubi S. Amb. A. ser. 43.
 ut opus omne cum signo crucis inchoemus. Debemus, ait, surgentes gra-
 tias Christo agere, & omne diei opus in signo facere Salvatoris. Nonne cum ad-
 huc gentilis esses, solebas signa perquirere? quæ signa quibus reb. essent prospera,

1. Cor. 10. 31.

Matt. 5. 16.

Matt. 5. 5.

A. con. 12.

magna inquisitione colligere. Iam nunc nolo erres in numero, scito, quia in uno signo Christi omnium rerum tuta est prosperitas.

II. Medium est, ut ea exerceamus potius amore iustitiæ, quam formidine pænæ: *Perfecta enim charitas*, teste S. Iohanne foras mittit timorem, quoniam timor pænæ habet: qui autem timet, non est perfectus in charitate. Vnde S. Augustinus in psalmum 77. Ex corde, inquit, nullo modo fieri potest, quod formidine fit pænæ, non dilectione iustitiæ. Nam quantum attinet ad facta quæ forinsecus aguntur, & qui timent pænæ, & qui amant iustitiam, non furantur, & ideo pares sunt manu, dispares corde: pares opere, dispares voluntate. Ideo illic sic notati sunt. Generatio, inquit, quæ non direxit cor suum. Non dictum est, opera, sed cor. Recto enim corde recta sunt opera. Cum autem cor rectum non est, opera recta non sunt, etiamsi recta videantur. Et in psalmum 118. exponens verba illa. Bonitatem, uel suauitatem fecisti seruo tuo Domine. Nihil hic, ait, aliud dictum existimo, nisi fecisti ut me delectaret & bonum: quando epim delectat & bonum, magnum Dei donum est. Quando autem bonum opus, quod lex imperat, fit timore pænæ, non amore iustitiæ, cum Deus metuitur, non amatur, seruiliter fit, non liberaliter. Seruus autem non manet in domo in æternum: filius manet in æternum, quia consummata a charitas foras mittit timorem.

III. Medium est, ut dum præstamus bona opera, actu vel saltem virtute in Deum tanquam vltimum & supernaturalem finem ea referamus; docent enim Theologi ea, si in gratia fiant, esse vitæ æternæ meritoria. Virtute autem opus in Deum refertur, non si quis initio anni, mensis vel diei omnia futura illo anno vel die operare referat in Deum, sed necesse est ut opus particulare referatur. v. c. si quis mane constituat dalerum integrum eo die propter Deum erogare in pauperes, dicetur virtute referre opus suum in Deum, etiamsi dum pecuniam illam distribuit, nihil de Deo cogitet. Quo spectat illa monitio Apostolica ad Colossenses. Omne quodcumque facitis in verbo aut in opere omnia in nomine Domini Iesu Christi. Et illud S. Ambrosii. Relinquenda sunt opera, quæ verum fructum, bonosq; processus habere non possunt, qualia sunt ista mundana, quorum usus non potest esse diuturnus. Opus est ut opera tua ad Deum dirigas, & eius tibi aspiat fauor.

IV. est, ut operibus bonis adiungatur deuota oratio. Vnde in lamentationibus Ieremiæ sub persona poenitentium dicitur. Leuamus corda nostra cum manibus ad Dominum in celos. nos iniquè egimus. Quæ uerba ita exponit S. Hieronymus. Valde apud Dominum utraque hæc sibi necessario congruunt, & ut oratione operatio, & operatione fulciatur oratio. Cor enim cum manibus leuat, qui orationem suam operibus roborat.

Nam

Nam quisquis orat, sed operari dissimulat, cor leuat, & manus nō leuat. Quisq[ue] verò operatur, & non orat, manus leuat & cor non leuat. Iuxta ergo Ioannis vocem (Si cor nostrum non reprehenderit, nos fiduciam habemus ad Dominum, & quicquid petierimus ab eo accipiemus) tunc cor fiduciam in oratione accipit, cum sibi vitæ prauitas nulla contradicit, & bonorum operum ratio orationi concinit. Contentit Sanctus Bernardus in Natali Domini. Querat, ait, deuotionis aquas, quisquis seminauerit bonorum operum semina, ut irrigatus fonte gratiæ bona conuersationis hortus nō arescat, sed in perpetua viriditate proficiat. Orat enim pro huiusmodi propheta. Et: holocaustum tuum, inquiens, pinguescat. Sic & laudibus Aaron regis, quoniam sacrificium eius quotidianus ignis absumpsit. In quibus omnibus nihil aliud intelligendum videtur, nisi ut bona opera feruore deuotionis, & dulcedine spiritalis gratiæ condiantur.

V. Medium, ut ceteris operibus adiungatur opus Eleemosynæ. Vidit ergo, inquit, S. Basilii in diuites auaros, multos ieiunantes, orantes, præteritorum pœnitentiâ suspirantes, omnem denique sumptu pietatem ostendentes, egentibus verò ne obolum quidem præbentes. Quid his cetera virtutum diligentia prodest? Non propterea regnum Dei consequuntur. Idcirco inquit Dominus, difficilius est diuitem intrare in regnum cælorum, quam camelum per foramen acus. Hoc testimonium validum. Qui testatur verus, persuasi verò pauci.

VI. Medium, ut de bonorum operum nostrorum meritis humiliter sentiamus & loquamur, tum quia nemo absq[ue] reuelatione certò scire potest, se habere vera merita, tum quia facile ex bonorum operum consideratione in hac vita superbia gignitur. Vnde Daniel sic Deū precabatur. Non in iustificationibus nostris prosternimus preces nostras ante faciem tuam, sed in miserationibus tuis multis. Et Christus Dominus apud Lucam monet suos. Cum feceritis hæc omnia quæ præcepta sunt vobis, dicite, serui inutiles sumus. Et Ecclesia sancta aliquando his verbis orat. DEVS, qui conspicias, quia ex nulla nostra actione confidimus. Et. Vbi nulla suppetunt suffragia meritorum, tuis nobis succurre præsidys, Et S. Patres ita docuerunt. Chrysostomus in illud. Elatum est cor Ozæ. Nichil, inquit, perinde gignit superbiam, ut bona conscientia, nisi aduigilemus. Vnde & Christus sciens, quod post bene facta nos hic morbus adoritur, dicebat discipulis. Cū omnia feceritis, dicite, serui inutiles sumus. Et in Matthæum. Noli mercedem repositum, ut accipias mercedem. Tu saluarite per gratiam confitere, ut se ille tibi debitorem fateatur, nec modo pro operibus tuis, sed etiam pro hac aquanimitate. Quando enim aliqua præclare fecerimus, habemus eum debitorem ob res bene gestas, quādo verò arbitramur nihil nos operatos egregium am-

C. c. 6.

P. in vita eius.

P. in vita Sancti
August.B. ep. 42. & in
psal. 90.M. ep. 22.
Matt. 6. 5.C. hom. 3. in
Matth.

C. c. 18.

Matt. 30.

plus etiam ob talem meremur affectum, quam propter opera ipsa, quae fecimus. Minimum itaque de se sensisse, tam magnum est, quam maximas res fecisse. Et Sanct. Gregorius libro 5. moralium. Sape ait, qui in potestate sunt, ea quae recte faciunt, quia elate cogitant, amittunt, dumque se ad cuncta utiles aestimant, etiam impense utilitatis sibi meritum damnant. Ut enim cuiuslibet facta digniora sint, necesse est ut ei apud se semper indigna videantur, ne eadem bona actio agentis cor subleuet, & subleuando plus authorem de elatione deiciat, quam ipsos forte, quibus impenditur, iuuat. HABEMVS huius medii illustria exempla duo. Primum S. Ambrosii, qui teste Paulino, morti vicinus sic circumstantes allocutus est. Non sic vixi, ut me pudeat inter vos vivere: nec mori timeo, quia bonum Dominum habemus. Quae verba, ut habet Possidius, S. Augustinus valde laudare solebat, dicebatque Ambrosium ita locutum, ne videretur praesidens de suis purgatissimis moribus praesumpsisse, & ideo magis de bono Domino, quam de suis meritis confisum. Alterum est S. Bernardi, qui epistola 310. quam paulo ante mortem dictauit, ita loquitur. Orate Salvatorem, ut tempestuum iam exitum non differat, sed custodiat: curate munire votis calcaneum nudum meritis. Et alibi non semel docuit utilissimum esse coram Deo non iustitiam praetendere, sed misericordiam postulare, Felix Ecclesia ait sermone 68. in Cantica, cui nec merita sine presumptione, nec presumptio absque meritis deest. Habet merita, sed ad promerendum, non ad recommendandum.

VII. & extremum, quod eodem fere tendit, est ut opera nostra potius occultemus, quam diuulgemus, ob periculum vanae gloriae, quae teste Hieronymo ad Eustochium, velut umbra corpus ubi virtutem sequitur. Quod medium suggestit Dominus, cum apud Matthaeum iubet orantem se se recipere intra cubiculum, & ieiunantem lauare faciem, & eleemosynam dantem ita dare, ut nesciat sinistra, quid faciat dextra. Sicut vestem pretiosam, ait Chrysostomus, cum in publico ponimus plurimos ad insidias prouocamus, si vero domi recondamus in tuto cuncta seruamus: sic si o es virtutum palam quasi venales assidue portemus in mente inimicam irritamus ad furtum: sin vero nemo alter id scierit, nisi quem nulla occultal latent, tutissimo in loco consistent. Et S. Gregorius libro 18. Moralium. Sanctorum virorum est, bona quae fecerint occultare, ne contingat eos lapsum elationis incurrere. Vnde per semetipsam veritas dicit. Attendite, ne iustitiam vestram faciatis coram hominibus, ut videamini ab eis. Hinc est etiam quod duos sac. s. iuxta viam sedentes illuminans praecepit dicens Videte, ne quis sciat de quibus ilico scriptum est. Absentes diffamauerunt eum per totam terram illam. Sed quarendum nobis est, quid sit hoc, quod ipse innuens, cui hoc est velle quod posse, & taceri virtutes suas voluit, & tamen

ab hi. q. illuminati sunt inuitis indicatur: nisi quod seruis suis se sequentibus exemplum dedit, ut ipsi quidem virtutes suas occultare desiderent, & tamen ut alij eorum exemplo proficiant, predantur inuiti, bona ad proximos suos exempla transmittant. Occulentur ergo studio, necessitate publicentur, & eorum occultatio sit custodia propria, eorumq. publicatio sit utilitas aliena. Similia habet homilia 11. in Euangelia. & in 3. parte Pastoralis admonitione 36.

VIDE. V. Charitas. Eleemosyna. Fama bona. Fides. Hospitalitas. Inrentio. Iustitia. Oratio. Profectus spiritualis. Satisfactio. Virtus. Et in PANARIO. Acedia. Colloquia otiosa. Exemplum malum. Immodestia. Ludus alex. Otium. Pigritia. Tepiditas.

ORATIO.

CAPVT I.

De Definitione & partitione Orationis.

Ide nomine agatur Oratio, inquit S. Hieronymus in episto. H. ep. 133. la ad Cyprianum, iuxta Grammaticos omnis sermo loquentium est, cuius etymologiam sic explicant, est oris ratio. In scripturis autem sanctis difficile orationem iuxta hunc sensum legimus sed eam que ad preces & obsecrationes pertinet. Quo significato non eodem modo à Sanct. Patribus definitur. ORATIO, inquit Sanct. B. hom. 5. BASILIUS oratione in martyrem Iulittam, est boni cuiuspiam petitio, que ad Deum à pijs effunditur. Greg Nysenus de oratione Dominica. N orat. 1. Oratio est conuersatio, sermocinatioq. cum Deo. Chrysostom. in Genesin, G. hom. 36. & libro primo de orando Deum. Oratio est colloquium cum Deo. S. Augu. A. ser. 130. Istinus in sermonibus de Tempore Quid autem oratio, nisi ascensio animae de terrestribus ad caelestia, inquisitio supernorum, inuisibilium desiderium? Damascenus libro 3. orthodoxae fidei. Oratio est ascensio mentis in Deum. D. c. 14. Ex his omnibus definitionibus vna perfecta constari potest huiusmodi. Oratio est colloquium cum Deo, quo petimus, quae nobis aut alijs sunt salutaria. Dicitur, colloqui cū Deo, quia hoc discrepat à lectione oratio q. in lectione spiritali Deus loquitur nobis, in oratione nos Deo. Vnde Hieron. ad Eustochium de custodia Virginitatis. Semper te cu- H. ep. 11.

Matt. 7. 7.

Phil. 4. 6.

1. Tim. 2. 1.

A. ep. 59. 9. 5.

Am. c. 5.

Gal. c. 9. & seq.

Isa. 29. 13.

A. c. 7.

H. in. c. 6. Matt.

Reg. 1. 13.

Gen. 18.

biculi tui secreta custodiant, semper tecum sponsus ludat intrinsecus. Oras, loqueris ad sponsum: legis, ille tibi loquitur. Et Augustinus in psalmum 85. Oratio tua locutio est ad Deum. Quando legis, Deus tibi loquitur, quando oras cum Deo loqueris. Secundo dicitur in definitione, quo petimus salutaria, quia hic agimus de prece, qua aliquid à Deo petitur, iuxta illud. Petite, & dabitur vobis: querite & inuenietis, pulsate & aperietur vobis. Unde August. sermone 126. de tempore, agens de oratione Dominica quæ 7 habet petitiones. O verè ait, celestis oratio, quæ tota est oratio.

PARTITIO Orationis potest esse triplex. Prima est S. Pauli, quam tradit in epistola ad Philippenses. *In omni, inquit, oratione & obsecratione cum gratiarum actione petitiones vestre innotescant apud Deum.* & in priore ad Timotheum. *Obsecro igitur primum omnium, fieri obsecrationes, orationes, postulationes, gratiarum actiones pro omnibus hominibus.* S. Hilarius in psalmum 140. appellat quatuor genera orationum. S. Chrysostomus in epistolam ad Timotheum cum Theophylacto, & S. Augustinus in epistola ad Paulinum, existimant Apostolum loqui de variis orationibus sacrificii Missæ, alii de quibusvis, vt S. Ambrosius libro 6. de sacramentis. Hilarius loco citato. Theodoretus in commentariis Paulinis. Io. Cassianus collatione 9. S. Bernardus in sermone de 4. modis orandi, sed in explanatione vocum non conueniunt. Id videtur liquere, Apostolum, cum bis repetierit has 4. voces, discrimen aliquod inter eas constituisse. Videtur autem partitionis vim in materia orationis, quæ est res bona, vel mala, præterita vel futura collocasse, vt sensus Apostoli sit, orandum esse Deum pro malis auertendis, & bonis accipiendis, & quidem vtraque postulanda esse in futurum, & pro impetratis gratias agendas. Videtur autem, vt habet Theodoretus & Augustinus, per *obsecrationes*, deprecationes malorum, per *orationes* verò petitiones bonorum intellexisse. Altera Partitio est. Oratio alia est Mentalis, alia mentalis simul & vocalis. Nam vocalis tantum, valet potius ad prouocandam Dei iram, quam ad auertendam, iuxta illud. *Populus hic labijs me honorat, cor autem eorum longe est à me.* Mentalis sæpe utilior est Vocali, nam teste Ambrosio loco allegato. *Qui in silentio orat, fidem deservit, & conficitur, quod Deus scrutator cordis & renis sit, & orationem tuam ante ille audiat, quam tuo ore fundatur.* Et S. Hieronymus quidem id à Christo apud Matthæum docet præceptum, cum ait. *Orate patrem tuum in abscondito. Mihi videtur, inquit, hoc magis esse præceptum, vt inclusa pectoris cogitatione, labijs compressis oremus Dominum quod & Annam in Regum volumine fecisse legimus. Labia, inquit, eius tantum mouebantur, & vox illius non audiebatur.* Et S. Gregorius libro 22. moralium, idem tradit, causamq; reddit. *Vera quippe*

quippe postulatio, ait, non in oris est vocibus, sed in cogitationibus cordis. Valen-
tiores namq. voces apud secretissimas aures Dei, non faciunt verba nostra, sed
desideria. Vnde rectè per psalmistam dicitur. Desiderium pauperum exaudiuit
Dominus. preparationem cordis eorum audiuit auris tua. Tertia Partitio est.
Oratio alia est publica, alia priuata. Publica dicitur, quæ nomine toti-
us populi in Ecclesia à Sacerdotibus peragitur, vt in Sacrificio Missæ.
Priuata est, quam singuli priuatim quocunq. loco peragunt, de qua S. 1. Tim. 2. 8.
Paulus. Volo ergo viros orare in omni loco.

C A P V T II.

De excellentia & dignitate Orationis.

EXCELLENTIAM Orationis multa in diuinis litteris produunt.
Ac primum, quod scriptum sit Moysis vultum ex colloquio cum
Deo habito ita radiis collustratum, vt populus Israheliticus non po-
tuerit oculos in illum intendere, vt est in Exodo, & posteriore ad Co-
rinthios epistola S. Pauli. Deinde quod precibus suis Dominum qua-
si coegerit ad condonandam noxam eidem populo. Ita enim in Exo-
do Dominus cum alloquitur. Cerno, quod populus iste dura cervicis sit: di-
mitte me, vt irascatur furor meus contra illos, & deleam eos, faciamq. te in
gentem magnam. Et psaltes regius de eodem. Et dixit, vt disperderet eos, s.
non Moyses electus eius stetit in confectione in conspectu eius. Eadem da-
causa Hieremiæ prophetae vetuit ne oraret. Tu ergo, inquit, noli orare
pro populo hoc, nec assumes pro eis laudem & orationem & non obsistas mihi,
quia non exaudiam te. In quæ verba S. Hieronymus. Ne videatur rogans
propheta non impetrare quod postulat, precipit Deus, ne pro populo peccatore, &
nullam agente pœnitentiam deprecetur. Quod autem dicit, & non resistas mihi,
illud ostendit, quod Sanctorum preces ira Dei possint resistere. Vnde & Dominus
loquitur ad Moysen. Dimitte me. Et in epistola ad Gaudentium. Quando
dicit, Dimitte me, ostendit se teneri posse, ne faciat, quod minatus est. Dei enim
potentiam serui preces impediabant. Deinde Oratio in psalmis confertur
cum sacrificio. Dirigatur mea, ait Dauid, sicut incensum in conspectu tuo,
elevatione manuum mearum sacrificium vespertinum. Et Deus apud Isaiam
Domus mea, inquit, domus Orationis vocabitur cunctis populis, significans
orandi functionē, notam fore populo Christiano, qua toto mundo co-
gnoscatur & discernatur ab aliis nationibus. Deniq. non semel indi-
cat Scriptura angelorum ministeriū in hoc maxime excubare, vt pre-
ces nostras deferant in cælum. Nam Raphael angelus dixit Tobiz.
Quando orabas cum lacrymis, & sepeliebas mortuos, &c. ego obtuli orationem

Psalm. 9. 17.

Exod. 34. 30.

2. Cor. 3. 13.

Exo. 32. 9.

Psalm. 105. 23.

Ierem. 7. 16.

H. in c. 7. Ierem.

Exo. 32. 9.

H. ep. 12.

Psalm. 140. 2.

Isa. 46. 7.

Tob. 12. 1.

Act. 10. 10.

Luc. 22. 43.

Act. 12. 7.

Tert. de orat.

Eide orat. Dom.

A. ser. 31.

C. hom. 30.

Psal. 103. 34.

tuam Domino. Et in Actis Apostolicis refertur Cornelium deprecantem Deum semper, manifeste vidisse angelum Dei introeuntem ad se & dicentem sibi. Orationes tue, & elemosyna tua ascenderunt in memoriam tuam conspectui Dei. Christo oranti in hortu apparuit, teste Luca, angelus de caelo confortans eum. Petro quoque Apostolo, cum oratio sine intermissione ab Ecclesia ad Deum pro eo fieret, astitit angelus cum magno fulgore & e carcere eduxit, ut est in Actis.

Quod ad veteres Patres attinet, vetustissimi duo Tertul. & Cypri. bellum integrum de Oratione Dominica ediderunt, quorum ille posita quaestione, cur S. Ioan. Baptista, cum docuerit suos discipulos orare, nullam tamen formulam orandi reliquerit, respondet. Ideo nec exstat, in qua verba docuerit Ioannes adorare, quod terrena caelestibus cesserit. Qui de terra est, inquit, terrena satur. & qui de caelis adest, quae vidit ea loquitur. Et quid non caeleste, quod Domini Christi est? ut hac quoque orandi disciplina. Et paulo post. Neque enim propria tantum orationis officia complexa est, veneratione Dei aut hominis petitionem, sed omnem pene sermonem Domini, omnem commemorationem disciplina, ut reuera in oratione breuiarium totius Euangelij comprehendatur.

Cyprianus vero ita de ea loquitur. Qualia sunt fratres charissimi orationis Dominica sacramenta. quam multa, quam magna, breuiter in sermone collecta, sed virtute spiritaliter copiosa, ut nihil omnino pretermisum sit, quod non in precibus, atque orationibus nostris caelestis doctrina compendio comprehendatur. Greg. Nyssenus libro de Oratione. Oratio corporum robur est, abundantia domus, recta legum ac iuris in ciuitate constitutio, regni vires, belli trophaeum, pacis securitas, dissidentium conciliatio, coniunctorum conseruatio. Oratio virginitatis sigillum est, matrimonii fides, viatoribus scutum, dormientium custos, vigilantium fiducia, agricolarum fertilitas, nauigantium salus, eiusdem cum angelis honoris conditio, presentium fructus, futurorum representatio. AMBROSIVS in psalmum 118. Sunt etiam

Orationis dignitates: si pro vidua roges, si roges pro pupillo, si roges pro misericordi, si roges pro inimico deuoto ac fidei, si roges in tribulatione, si roges cum dolore, si memento & ipse qui rogas compatiaris affectu intratio tua Dei gratiam, intrat domum eius. si tecum Ecclesia deprecetur, si populus uniuersus imploret, ut Domini inclinet fauorem. Chrysost. in Genesim. Magna arma sunt preces, magna securitas, magnus thesaurus, magnus portus, refugij locus. Oratio enim colloquium est cum Deo. Quod ut scias audi prophetam dicentem. Iucundum sit Deo eloquium meum: hoc est sermo meus appareat Deo. Et libro primo de orando Deum. Quis non obstupescat & admiretur, tantam benevolentiam erga nos Dei, ut mortalibus tantum honoris largiatur, ut dignos nos habuerit qui cum ipso colloquamur, nostraque vota apud ipsum deonamus? Nam verè profecto cum Deo confabulamur, quoties vacamus deprecationi

tionem: per quam simul & angelis copulamur, & societatem, quam cum brutis animalibus habebamus, procul effugere videmur. Angelorum enim opus est deprecatio, superans interim etiam illorum dignitatem, si tamen maius est angelorum dignitate, colloquium miscere cum Deo. Atqui quod id sublimius sit, ipse nos docet, multo quidem cum tremore vota sua offerentes. Et circa finem. Cū profitear deprecationem caput esse bonorum omnium, basim ac radicem vite frugiferæ, non est quod quisquam verbis illis Domini (non omnis qui dicit mihi Domine, domine, intrabit in regnum cælorum) abutatur ad excusationem suæ socordiae. Neque enim sola temperantia potest homini salutem adferre, sic cetera desint bona, neq. cura pauperum, neq. benignitas, neq. quisquam aliorum, quæ cum virtute geruntur, sed oportet ut omnia simul concurrant in animas nostras. Caterum precatio cœu radix & basis omnib. cæteris subternitur. S. Ephraim termone de Virginitate. Desidera orationem, familiare cum Deo colloquium. Omnis enim oratio sancta & pura cū Deo familiariter agit. Oratio autem perfecte Deum desiderantium, magna cum latitia, fiduciaq. multa ipsum etiam cælum iugiter penetrat. In ipsa angeli atq. archangeli exultant, & coram throno sancti & excelsi uniuersorum Domini illam statuunt. S. Bernardus in Cantica. Attendite principes vestros, cum statis ad orandum vel psallendum, & state cum reuerentia & disciplina, & gloriamini, quia angeli vestri quotidie vident faciem patris. Nimirum missi in ministerium propter nos, qui hereditatem capimus salutis, deuotionem nostram in superna ferunt, referunt gratiam vsurpamus officium, quorum sortimur consortium, ut in ore infantium & lactentium perficiatur laus.

B. serm. 8.

CAPVT III.

De necessitate vsurpanda orationis.

NECESITATEM nobis incubere DEVM sæpe deprecandi documenta & exempla passim in scripturis ostendunt. Nam in primis regius psaltes, cum dixisset in psalmo 31. Tu remisisti impietatem peccati mei, adiecit. Pro hac orabit ad te omnis sanctus. Et alibi. Subditus esto Domino, & oracum. Et. Immolâ Deo sacrificium laudis, & redde altissimo vota tua. Et inuoca me in die tribulationis, & eruam te & honorificabis me. Ecclesiasticus quoque ita loquitur. Qui diligit Deum, exorabit pro peccatis, & continebit se ab illis. Et. Non impediaris orare semper, & ne verearis usque ad mortem iustificari. Et. Fili in tua infirmitate ne despicias te ipsum, sed ora Dominum & ipse curabit te. Deinde Dominus apud Matthæum petit & dabitur vobis, querite & inuenieris, pulsate & aperietur vobis.

Psalm. 11. 4.

Psalm. 36 7.

Psalm. 49 14.

Eccl. 13 4.

Eccl. 18 22.

1b. 8. 9.

Matt. 7. 7.

Omnia

Marc. 16. 41.

Marc. 13. 33.

Luc. 18. 1.

Luc. 21. 36.

Philip. 4. 6.

Col. 4. 2.

Theſſ. 5. 16.

Iac. 1. 5.

1. Pet. 4. 7.

Marc. 7. 9.

Dan. 6. 10.

A. ep. 121. c. 3.

Omnis enim qui petit accipit. Et. Vigilate & orate, ut non intretis in tentationem. Et apud Marcum. Videte, vigilate & orate, nescitis enim quando tempus sit. Et Lucam. Oportet semper orare, & non deficere. Et. Vigilate itaque omni tempore orantes, ut digni habeamini fugere ista omnia quae futura sunt. Paulus quoque ad Philipenses. In omni oratione & obsecratione cum gratiarum actione petitiones vestrae innotescant a iud Deum. Et ad Colossenses. Orationi instate, vigilantes in ea in gratiarum actione, orantes simul & pro nobis. Et ad Theſſalonicenses. Sive intermissione orate, in omnibus gratias agite. Haec enim est voluntas Dei in Christo IESU in omnibus vobis. Ad haec B. Iac. P. Si quis vestrum indiget sapientia postulet à Deo qui dat omnibus affluenter. Et S. Petrus. Estote prudentes, & vigilate in orationibus. Exemplum orantium, quia innumera sunt, omitto. S. Patres quoque hanc necessitatem saepe inculcarunt, ut S. Cyprianus libro de oratione Dominica. Inter cetera salutaria sua monita & praecepta Christus etiam orandi ipse formam dedit, ipse quid precaremur monuit, & instruxit. Et iterum. Quae vera magis apud Patrem precatio, quam quae à filio, qui est veritas, de eius ore prolata est? ut aliter orare quam decuit, non ignorantia sola sit, sed culpa, quando ipse posuerit, & dixerit. Reiciitis mandatum Dei, ut traditionem vestram statuatis? Tertulliani quoque in exhortatione ad castitatem dictum est. Si quotidie omnino momento oratio hominibus necessaria, ubique & continentia, quae orationi necessaria sit. S. Chrysostomus libro primo de orando Deum. Quisquis non orat Deum, inquit, nec diuino colloquio cuius affidue frui, is mortuus est, & vita carens, expersque sanæ mentis. Nam hoc ipsum evidentissimum est amentia argumentum non intelligere magnitudinem huius honoris, nec amare deprecandi studium, nec hoc habere persuasum, quod anima mors sit, non pronolui ad Dei gēna. Quin insuper quod oporteat quavis morte tristius existimare, si quis deprecatione priuetur pulchre nos docet Daniel ille propheta magnus, qui maluit emori, quam triduo duntaxat arceri ab orando. Et paulo post. Arbitror cunctis esse manifestum, quod simpliciter impossibile sit absque precationis praesidio cum virtute degere, cumque hac huius vitae cursum peragere. Etenim qui fiat, ut quis virtutem exerceat, nisi continenter supplex ad gēna accidat ei, qui virtutem omnem largitur hominibus? Et rursus libro secundo. Iam vero si quis dicat anima nervos esse deprecationem, mea quidem sententia verum dixerit. quemadmodum enim corpus nervis cohaeret, currit, vivit, stat, & compactum est: adeo, ut si nervos incideris, universam corporis harmoniam dissolueris: itidem anima per sanctas preces sibi constant & compinguntur, ac pietatis cursum facile peragunt. Quod si te ipsum destitueris precatione, perinde feceris, ac si piscem ex aquis extraxeris. Vt enim pisci vita est aqua, ita tibi deprecatio: per hanc datur velut ex aquis subuolare, caelumque transcendere. S. Augustinus epistola ad Probam. Qui.

Qui
comp
petan
us no
rare,
prepa
angu
quan
quisq
bus n
pecca
corpo
homo
uetun

PR
ci
aspici
de ve
nec t
ad D
omni
canti

rum.
nobis
mibi
Vnd
iam si
reddi
hanc
mam
ille q
qui si

Qui nouit, inquit, bona data dare filijs suis, petere nos, & querere, & pulsare compellit. Quod quare faciat, qui nouit quid nobis necessarium sit priusquam petamus ab eo, mouere animum potest, nisi intelligamus, quod Dominus & Deus noster non voluntatem nostram sibi velit innotescere, quam non potest ignorare, sed exerceri in orationibus desiderium nostrum, quo possimus capere, quod preparat dare. Illud enim valde magnum est, sed nos ad accipiendum parui & angustissimi sumus. Et ad Hilarium. Omnibus necessaria est oratio Dominica, Id ep. 89. quam etiam ipsis arietibus gregis, id est, Apostolis suis Dominus dedit, ut unusquisque Deo dicat. Dimitte nobis debita nostra, sicut & nos dimittimus debitoribus nostris. Cui enim hac in oratione verba necessaria non fuerint, ipse hic sine peccato vivere pronuntiandus est. Et libro de natura & gratia. Sicut oculus A. c. 16. corporis etiam plenissime sanus, nisi candore lucis adiutus non potest cernere, sic homo etiam perfectissime iustificatus, nisi aeterna luce iustitia diuinitus adiuuetur, recte non potest vivere. at illa lux oratione impetratur.

C A P V T IV.

De multiplici orationis fructu.

PRIMVS fructus est, quod penetret caelos, iuxta illud Ecclesiastici Eccli. 35. 22. ci. Oratio humiliantis se nubes penetrabit, & non discedet donec altissimus aspiciat. Vnde Sanctus A V G V S T I N V S. Clamauit de profundo Ionas A. in psal. 29. de ventre cati, erat non solum sub fluctibus, verum etiam in visceribus belluae, nec tamen illud corpus & illi fluctus intercluserunt orationem ne perueniret ad Deum, & venter bestiae non potuit tenere vocem deprecantis, Penetrauit omnia, dirupit omnia, peruenit ad aures Dei, quando aures Dei in corde precantis erant.

II. Fructus est, quod à Deo impetret remissionem peccatorum. Nam in oratione Dominica Christus iussit nos dicere. Dimitte nobis debita nostra. Et Publicanus orans & dicens. Deus propitius esto mihi peccatori, descendit in domum suam iustificatus, ut est apud Lucam, Luc. 18. Vnde C H R Y S O S T O M V S libro primo de orando Deum. Etiam si, inquit, nos peccatis refertos precatio deprehenderit celeriter purgatos reddit. Quid itaque maius, aut diuinius obtingere possit, quam deprecatio, cum hanc animis egrotantibus pharmacum quoddam esse liqueat? Quod enim animam peccatis obnoxiam deprecatio facile puram reddat, docet nos publicanus Luc. 18. ille qui petijt à Deo remissionem peccatorum & impetrauit. Docet & leprosus, qui simul ut procidit ad pedes Dei mundatus est.

Matt. 6.

Matt. 17. 21.

A. c. 22.

A. ad frat. in
excm. serm. 22.

Matt. 6.

III. Fructus est, quod dæmonem repellat, eiusq; tentationes. Nam & in oratione Dominica id petimus. *Et ne nos inducas in tentationem sed libera nos à malo.* Christus quoq; monuit genus quoddam dæmoniorum non expugnari, nisi ieiunio & oratione: Vnde Chrysost. loco citato. *Si dæmones nos conspexerint deprecatione communitos illico resiliunt, non aliter quam pradones ac facinorosi, ubi conspiciunt militis gladium in caput suum vibrari. Quod si contingat aliquem esse nudum precatiōis presidio, hic auulsus deportatur à dæmonibus. & in calamitates variaq; mala impellitur.* Et S. August. libro 10. de ciuitate Dei. *Vera pietate homines Dei aeream potestatem inimicam, contrariamq; pietati exorcizando eijciunt, non placando: omnes tentationes eius vincunt orando, non ipsam, sed suum Deum aduersus ipsam. Non enim aliquem vincit, aut subiugat nisi societate peccati.*

IV. Fructus, quod valeat etiam ad vincendos hostes visibiles homines, & alia mala auertenda, quod multis Scripturæ exemplis ostendi potest. Pauca è multis numerat Augustinus alicubi his verbis. *O quam grandis est ipsius orationis causa, o quam grande mysterium. Ecce Moyses orabat in monte, & Iosue Amalech deuincebat. Per orationem Ezechias sanatur, & salutem anima & corporis adipiscitur. Per orationem Saulus efficitur Paulus, & Doctor gentium, Hieremias confortatur in carcere, Daniel inter leones exultat, Iob in sterquilinio nudus triumphat, Susanna inter senes defenditur, paradysum de cruce latro inuenit. Stephanus de torrente in calum suscipitur, & inter lapidantes pro Saulo exauditur.*

V. quod in iustis mereatur incrementum in virtute, & ipsam vitam æternam. Clare enim dixit Dominus apud Matthæum. *Tu autem cum oraueris intra in cubiculum tuum, & clauso ostio ora Patrem tuum in abscondito & Pater tuus, qui videt in abscondito reddet tibi.* Loquitur autem de mercede reddenda. Vnde S. Chrysost. in psalmum septimum. *Deo magna, inquit, cura est, ut in virtute crescamus. Nihil autem aequè facit in virtute crescere, atq; cum Deo assidue versari & colloqui, eiq; perpetuo gratias agere & psallere.* Et libro primo, de modo orandi Deum. *Si qui cum Cesare miscent sermones, familiariterq; cum eo versantur, non possunt esse pauperes: multo minus fieri potest, ut qui Deum deprecantur, cum eo familiariter colloquentes animas habeant mortales. Nam mors anima est impietas, ac vita pugnans cum lege diuina. Ex quo consequitur, anima vitam esse Deiculatorum, ac vitam eo cultu dignam. Porro vitam piam, ac Dei cultu dignam miris modis oratio conciliat, conciliatū auget, ac ceu thesaurum animis nostris recodit.*

VI. quod valeat ad satisfaciendum pro panis peccato debitis; neq; enim cum in oratione dominica petimus dimitti debita nostra, duntaxat petimus peccatum remitti quoad culpam, sed etiam quoad penam. Deinde omnis qui peccat iniuriam facit Deo, ac ideo debitor est

est Satisfactionis. Exemplum habemus Davidis, qui tot psalmis compositis peccata sua defleuit, ut Deo satisfaceret. Item Manasse, de quo in secundo Paralipomenon sic legitur. *Qui postquam coangustatus est oravit Dominum Deum suum. & egit penitentiam valde coram Deo patrum suorum, deprecatusque est eum. & exoravit intentè, & exaudivit orationem eius, reduxitque eum Hierusalem in regnum suum.* Vnde S. Augustinus in Enchiridio. *De quotidianis autem breuibz lenibzque peccatis sine quibus hec vita non ducitur quotidiana oratio fidelium satisfacit.* Et S. Leo de ieiunio decimi mensis. *Oratione propitiatio Dei queritur, ieiunio concupiscentia carnis extinguatur, elemosynis peccata redimuntur.*

VII. quod impetret omnia subsidia ad vitam tam corporalem quam spiritualem necessaria, quæ nomine Patris quotidiani in oratione Dominica S. Patres intelligenda volunt. Imo crebro plura impetrat, quam petantur, quod probat S. Hieronymus libro commentariorum in Isaiam exemplo Ezechie regis, cui post orationem cum lachrymis habitam adiungitur, inquit, *quindecim anni ad vitam, quos ille non postulaverat, & insuper vivente eo regni securitas repromittitur.* Et Greg. Nazianzenus exemplo Alexandri Episcopi Constantinopolitani, qui cum tota nocte cum lacrymis Deum precatus esset, ne Arius in Ecclesiam, (quod fraude impetrarat à Constantino Imperatore) reciperetur, postero die horrenda morte sublatus est. Verba eius sunt. *Egregij illius Alexandri discipuli estis, magni Trinitatis propugnatoris & preconi, qui & verbis & rebus impium errorem depulit ac profligavit. Neque enim memoria vobis excidit Apostolica illa oratio, quæ impietatis auctorem atque antistitem sustulit, idque in locis impurissima lingua dignis, ut nimirum contumelia contumeliam vicisceretur, ac iusta morte mors animarum iniusta sempiterno dedecore inureretur.* Nec enim aliud Alexander postularat, quam ut à vita tolleretur ante ingressum in Ecclesiam, non autem ut in latrinis, instar Iudæ medius creparet, & cum illis animam effunderet.

VII. quod orationi deditis, sæpe magnam conciliet voluptatem spiritus, quod probat S. Bern. ser. 5. de Quadragesima, verbis prophete David dicentis. *Delectare in Domino, & dabit tibi petitiones cordis tui.* Quid o pro, hec, inquit, quod tam absolute mones delectari in Domino, ac si ad manum nobis sit huiusmodi delectatio? Delectationem cibi somni, & quietis, & ceterarum, quæ in terra sunt, nonimus Deus a quam delectationem habeat, ut in eo delectemur? Fratres mei seculares hoc dicere possunt, vos non potestis. Quis enim vestrum est, qui non sapit expertus sit conscientia bona delectationem qui non gustaverit saporem castitatis, humilitatis, charitatis? Non est hæc delectatio potus neque cibi aut similis cuiuslibet rei, delectatio tamen est. & maior omnibus illis divina est, & non carnalis delectatio, & cum in his delectamur.

Et amur planè delectamur in Domino. Quanta autem delectatio sit hæc, inde conici potest quod legamus multos Sanctos integras noctes, imò plures dies & noctes in oratione, continuasse.

C A P V T V.

De conditionibus, quibus oratio redditur efficax ad impetrandum.

Ch. in psal. 7.

Rom. 10. 14.

Mar. 11. 24.

Iac. 4. 3.

A. ser. 36.

Id. in ps. 108.

Matt. 9. 2.

Ps. 90. 14.

Cass. c. 32.

1. Ioan. 3. 21.

Psal. 33. 16.

Ioan. 15. 7.

QUONIAM hoc perpetuo seruandum est, auctore S. Chrysostomo, ut non solummodo oremus, sed ita oremus, ut etiam exaudiamur, operæ pretium est cognoscere conditiones, quibus oratio efficax redditur ad impetrandum. Oratio enim, ut idem ait, non est aliud quam medicamentum, ex quo utilitas multa capitur, nisi rectè adhibeatur. Prima autem conditio est FIDES vera in Christum. Quomodo enim inuocabunt, ait Apostolus, in quem non crediderunt? Et Christus apud Marcum. Quaecumq; orantes petitis, credite quia accipietis. Quaecumq; petitis, intellige, bene: quia S. Iacobus quibusdam dicit. Petitis, & non accipitis, eo quod male petatis. Vnde S. Augustinus de Verbis Domini. Si fides deficit, inquit, oratio perit. Quis enim orat, qui non credit? Vnde & beatus Apostolus, ut ostenderet fidem fontem esse orationis, ait. Quomodo autem inuocabunt, in quem non crediderunt? Debet autem Fides esse in Christum, quia oratio quæ non fit per Christum, ait idem alibi, non solum non potest delere peccatum, sed etiam ipsa fit in peccatum.

II. Conditio est FIDUCIA, quam exegit Dominus à Paralytico, cui dixit Confide fili, remittuntur tibi peccata tua. Eidem promisit Deus impetrationem in psalmis. Quoniam in me sperauit, liberabo eum: inuocabit me, & ego exaudiam eum. Certe Cassianus collatione 9. signum certum impetrationis esse docet, cum quis in oratione magnam fiduciam sensit. Sed quia hæc fiducia nascitur ex bonis operibus vel iustitia sit tertia Conditio.

III. est Charitas, vel iustitia. Caritas enim vera perfectaq; iustitia est, ut alibi ex S. Augustino dictum est. Vnde S. Ioannes in priori epistola. Si cor nostrum non reprehenderit nos, fiduciam habemus ad Deum, & quicquid petierimus accipiemus ab eo, quoniam mandata eius custodimus. & ea quæ sunt placita coram eo facimus. Et Psalmista. Oculi Domini super iustos, & aures eius in preces eorum. Et Christus apud Ioannem. Si manseritis in me & verba mea in vobis manserint, quodcumq; volueritis petetis, & fiet vobis.

vobis. Chrysostomus quoque exponens initium psalmi 4. *Cum inuocarem, exaudivit me Deus iustitiæ meæ. Ante alia omnia oportet eum qui precatur habere fiduciam, & postulatum omnino consequetur. Et ideo propheta non dixit exaudivit me, sed iustitiam meam, suam in Deum fiduciam ostendens, & quodcum ea omnino ad Deum accedit. Ne dicat enim quispiam, ille fuit exauditus, quoniam erat David, ego verò non exaudiar, quoniam sum pusillus & abiectus, ostendit quod nec illum audit quomodocumque, nec te non audit temere, & nulla ductus ratione, sed semper res & facta exactè contemplatur. Quæ si habueris, & eorum possis uti defensione, omnino exaudieris.*

IV. est. Humilitas, qua orans non in sua iustitia, sed in Dei fidei misericordia. Ad quam conditionem tradendam Christus apud Lucam induxit parabolam de pharisæo nimium suæ iustitiæ fidente, & publicano. Vnde Deus ipse apud Isaiam. *Ad quem aspiciam nisi ad pauper-culum, & contritum spiritu & tremementem sermones meos?* Et Iacobus. *Deus superbis resistit, humilibus autem dat gratiam.* Exempla habemus duo. Abrahamæ & Danielis. Ille sic orat. *Loquar ad Dominum meum, cum sim pulvis & cinis.* Hic verò. *Neg, enim, inquit, in iustificationibus nostris prosternimus nos ante faciem tuam, sed in miserationibus tuis multis.* Eam omnes S. Patres requirunt ad exauditionem. Vnam tantum S. Bernardi in sermone de Quadragesima describam sententiam. *Sed & vitam æternam fortassis aliqui non in humilitate querunt, sed tanquam in fiducia suorum meritorum. Nec hoc dico, quin accepta gratia fiduciam donet orandi, sed non oportet, ut in ea quisquam constituat fiduciam impetrandi.* Et infra. *Sit oratio in omni humilitate præsumens de sola, ut dignum est, miseratione diuina.*

V. Conditio est, Deuotio, ut nempe oratio sit seria, feruens & ex intimo corde profecta. Sic orabat enim rex David cum diceret. *De profundis clamaui ad te Domine, Domine exaudi vocem meam.* In quæ verba S. Chrysost. *Quid est, de profundis? non dixit, solummodo ex ore vel lingua, errante enim mente sæpe verba funduntur, sed ex corde profundissimo, cum magno studio, & magna animi alacritate, ex ipsis mentis penetratibus. Tales enim preces magnam habent potentiam, ut quæ neque subuertantur, neque concutiantur, et sic eas diabolus magno impetu inuadat. Quemadmodum enim arbor valida, & quæ in multam profunditatem terra agit radices, eiusque sinus deuincit & astringit cuius ventorum impetui resistit, quæ in terra autem summa superficie sita est si qualibet parua aura incubuerit, labefactatur, & radicitus euulsa iacet super terram. Ita etiam preces, quæ ab imo quidem ascendunt, & egerunt radices in profundo, etiam si innumerabiles venerint cogitationes, etiam si instructa tota diaboli acies summa manent & stabiles, & minimè euertuntur. Quæ autem ex ore & labiis procedunt, & non ab imo ascendunt, ne possunt quidem ad Deum ascendere. Ac sancti non sic orabant, sed cum summo studio,*

Reg. 1.

Matt. 6. 10.

Luc. 22. 42.

Ioan. 5. 14.

1. Thess. 4. 3.

A. cp. 123.

H. cp. 9.

Ch. hom. 30. in

Gen.

A. tract. 75.

Luc. 11. 8.

Luc. 18. 1.

1. Thess. 5. 17.

H. c. 3.

& maxima vehementia, ut etiam totum corpus inflecterent. Nam B. Elias orans primum quidem quesivit solitudinem, deinde cum posuisset caput inter genua, & seipsum cum magno ardore incenderet, ita fundebat preces. Et paulo post. Audi, quomodo Anna orabat de profundis cuiusmodi fontes lacrymarum emittebat, quomodo per orationem euehebatur in sublime. Qui enim ita precatur, etiam antequam consequatur quod postulat, ex oratione magna bona percipit, omnes animi perturbationes reprimens, iram sedans, inuidiam expellens, rerum ad vitam pertinentium amorem diminuens, & exsiccat, animū in magnā tranquillitatem redigēs, in ipsum deinceps cælum ascendens.

VI. ut petantur, quæ constat necessaria vel vtilia esse ad salutem & si non constet, petantur, quæ optima censeantur diuinæ voluntati, iuxta illud in Dominica oratione. *Fiat voluntas tua sicut in cælo & in terra.* & illud Christi in horto. *Veruntamen non mea voluntas, sed tua fiat.* Et B. Ioannis in prima epist. *Hæc est fiducia, quam habemus ad Deum: quia quodcumque petierimus secundum voluntatem eius audit nos.* Voluntas autem eius, teste B. Paulo, est sanctificatio vestra. Vnde Sanctus Augustinus ad Probam. *Si aliquid contra quam oramus acciderit, patienter ferendo, & in omnibus gratias agendo, hoc potius oportuisse, quod Dei, non quod nostra voluntas habuit, minime dubitare debemus.* Nam & huiusmodi exemplum præbuit nobis ille mediator, qui cum dixisset. *Pater, si fieri potest, transeat a me calix iste,* humanam in se voluntatem ex hominis susceptione transformans, continuo subiecit. *Veruntamen non quod ego volo, sed quod tu vis pater.* Quisquis autem illam unam petit a Domino, & hanc requirit, certus ac securus petit, nec timet ne forte obsit, cum acceperit, sine qua nihil prodest, quicquid aliud, sicut oportet, acceperit. Hac conditione in orando usus est nobilissimus Nebridius, quem Sanctus Hieronymus in epistola ad Saluinam, de viduitate seruanda testatur sic semper orasse Deum. *ut illi, quod optimum esset eueniret, quod sanè soli Deo conitabat.* Quade causa Sanctus Chrysostomus alicubi sapienter monet, non minus agendas Deo gratias, cum negat, quam cum tribuit id quod petimus, quia non negat, nisi quod nobis est minus salutare. Et S. Augustinus in Ioannem, ut petamus nobis non dari, quicquid ignorantes non bene petimus.

VII. & postrema sit Perseuerantia, Quam Christus ipse tradidit, primum in parabola illius, qui apud Lucam. ob improbitatē assidue petendi impetrauit quod voluit: deinde verbis istis apud eundem. *Oportet semper orare, & nunquam desicere.* Et apostolus ad Thessalonicenses. *Sine intermissione orate.* Vnde S. Hier. in lamentationes Ieremiæ. *Qui ad cupit a peruenire voluerit, reflectere mentem a studio orationis non debet, sed magis perseuerare in invocatione copiosius oportet.* Hinc est quod in libro

Regum

Regum
ampli
eunte
sibi in
uid, v
in lo
deplor
et ab
non sa
vel de
minib
ficulta
autem
non co
nam h
sum, q
tentia
in hoc
deficia
dam in
tirapi
ne ab o
cæloru
pina la
offendi
tur, ne

Ch
c
quod

I
uidai

Regum de Anna scriptum est, quod postquam orauerat, vultus eius non sunt amplius in diuersa mutati. Hinc & in Euangelio cecus ille qui in Iericho trans-
euntem IESUM audierat, misereri sibi ab eo petebat, sed cum à prætereuntibus
sibi inheretur ut taceret ipse multo magis clamabat dicens Miserere mei fili Da-
uid, unde & lumen quod expetiit, nullo modo eius fructu carebat. Et S. Chry. Ch. hom. 35.
in Ioan. Pudeat nos, pudeat dilectissimi, & incredibilem socordiam nostram
deploremus octo & triginta annos paralyticus ad piscinam expectauerat, expe-
ctabatq; ut sanaretur, neq; eius impletum est desiderium, neque negligentia sua
non sanabatur, sed præuentus ab aliis, neq; propterea desperauit. nos autem, si
vel decem dies orationibus inuigilantes non exaudimur, iam tepescimus: ho-
minibus verò quam diligentissimum exhibemus ministerium in malitia, in dif-
ficultatibus seruientes, tandem frequenter omnem spem amittimus: dominum
autem nostrum, ubi sine dubio merces sequitur longè laborib; amplior, Spes enim
non confundit, inquit, debito studio & diligentia prosequi non patimur, & quo-
nam hoc supplicio dignum? Sed laboriosa est assidua oratio. Et quid non laborio-
sum, quod à virtute proficiatur? Et S. Greg. in psalmum sextum Poeni-
tentialem. De profundis clamaui ad te. Non ait clamo, sed clamaui. Habes
in hoc perseverantia documentum, ut si primo non exaudiris, ab oratione non
deficias immo precib; & clamori insistas. Vult Deus rogari, vult cogi, vult qua-
dam importunitate vinci. Ideo tibi dicit. Regnum Dei vim patitur. & violenti
rapiunt illud. Esto ergo sedulus in oratione, esto in precibus importunus, caue
ne ab oratione deficias. Si dissimulat audire, quem rogas, esto raptor, ut regnum
celorum accipias: esto violentus, ut vim etiam ipsis inferas cælis. Quid hac ra-
pina locupletius? Quid hac gloriosus violentia? Bona violentia, qua Deus non
offenditur, sed placatur, proximus non laeditur, sed iunatur; peccatum minui-
tur, non multiplicatur.

CAPUT V.

De Circumstantiis vel Ritibus orationis.

CIRCUMSTANTIAE vel Ritus orationis cum varii sint, nos præ-
cipuos tantum assignemus, initio facto à circumstantia Temporis,
quod nocturnum vel diurnum est.

DE TEMPORE NOCTURNO

NOCTE iam olim oratum esse ostendit psalmus 118. in quo Da-
uid ait. Media nocte surgebam ad confitendum tibi. CHRISTVS quoque
Domini.

Luc. 6. 12.
Act. 16. 25.

Pl. lib. 10. ep. 97.

A. ser. 8.

Dominus non solum nocte orabat, sed etiam pernoctabat in oratione, ut scribit B. Lucas, Et S. Paulus Apostolus & Silas, teste eodem, in carcere media nocte orantes laudabant Deum. Quem morem tenuisse primos in Ægypto Christianos docet Philo in libro de Vita contemplatiua. Et Plinius secundus epistola ad Traianum. Vnde S. Cyprianus de oratione Dominica. *Quod si Christus orabat, qui sine peccato erat, quanto magis peccatores oportet orare? Et si ille per totā noctē iugiter vigilans continuis precib orabat, quāto nos magis in frequentāda oratione debemus nocte vigilare?* Et S. Ambrosius in 118 psalmum. *Addidit psalmista. Media nocte surgebam, docens tibi surgendū esse media nocte: nec otiosum ello, quod adiunxit. Ad confitendum tibi, hoc est, ut illo maximē tempore deprecari Deum, & propria debeamus deslere peccata, nec solum prateritis veniam postulare, sed etiam presentia declinare, futura cauere. Multa enim illo in tempore tentamenta proserpunt, tunc feruet carnis illecebra, tunc tentator illudit. Coquitur, cibus potusq, digeritur. Tunc tentator assisit, tunc retia iacit, qui turbare possit mentem improuidam, quando nullus arbiter, culpa & nullius criminis conscius, nullus potest esse erroribus testis. Et tenebra circumdant me, & parietes, quem vereor?* Lege Chrysostomū homilia 42. ad populum & homilia 26. in Acta de utilitate nocturnæ precationis.

DE MATVINO ET VESPERTINO.

Psal. 62. 7.
Psal. 5. 5.
Pl. 118. 48.
Psal. 54. 18.
Psal. 140. 2.

Psal. 5. 5.

Osc. 6. 1.

Ch. hom. 41.

MANE orare consuevit, qui dixit. *In matutinis meditabor in te. Et. Mane exaudies vocem meam, mane astabo tibi, & videbo.* Et. *Praeueniunt oculi mei ad te diluculo, ut meditarer eloquia tua.* VESPERI quoque. Nam idem cecinit. *Vespere, & mane, & meridie narrabo & annuntiabo, & exaudiet vocem meam.* Et. *Eluatio manuum mearum sacrificium vespertinum.* Vnde S. Cyprianus de oratione Dominica. *Mane orandum est, ut resurrectio Domini matutina oratione celebretur: quod olim Spiritus sanctus designabat in psalmis dicens. Rex meus, & Deus meus, quoniam ad te orabo Domine. mane exaudies vocem meam, mane assistam tibi & contemplabor te.* Et iterum per prophetam loquitur Dominus. *Diluculo vigilabunt ad me dicentes. Eamus & reuertamur ad Dominum Deum nostrum. Recedente item Sole ac die cessante necessario rursus orandum est: nam quia Christus sol verus & dies est verus, sole & die seculi recedente, quando oramus & petimus, ut super nos lux denuo veniat, Christi precamur aduentum lucis aeterna gratiam praebiturum.* Et S. Chrysostomus ad populum Antiochenum. *Armis nobis opus est: magna vero armatura oratio: opus est ventis à puppi, opus omnia discere, ut diei spatium absq, naufragiis & vulneribus transigamus.* Multi namque

que per dies singulos scopuli, & frequenter illiditur scapha atq; submergitur; propterea nobis opus est oratione, matutina præsertim & nocturna. Et S. Ambrosius in psalmum 118. Graue est si te gressum in stratis radius solis orientis inuerecundo pudore conueniat, & lux clara feriat oculos somnolento adhuc torpore depressos. Arguit nos tanti temporis spatium sine ullius deuotionis munere ac sacrificii spiritualis oblatione feriat a transmissum. An nescis o homo, quod primitias tui cordis ac vocis quotidie Deo debeas. Quotidiana tibi messis, quotidianus est fructus. De ceteris horis, prima, 3. 6. 9. & aliis à clericis & monachis ad orandum frequentatis, lege nostrum Bellarminum. tom. 3. controuersiarum, libro primo de bonis operibus in particulari, capite 10. & seq.

De oratione ante vel post cibum.

PRÆ oratione ante vel post cibum faciendâ habemus exemplum Christi Domini, qui populum miraculosè cibaturus pane & pisce, prius eos oculis in cælum coniectis benedixit, ut est apud Matthæum, & cæteros Euangelistas. Deinde apud Matthæum legimus eum cum Apostolis hymno post cænam Eucharisticam dicto abiisse in montem Oliueti. Græcè est enim, ὡς ὑμνήσαντες, hoc est, cum laudes Deo cecinissent. Fuit enim Iudæis à Deo præceptum in Deuteronomio, ut post cibum gratias Deo agerent. Cum comederis & satius fueris, inquit benedicas Domino Deo tuo pro terra optima, quam dedit tibi. Idem insinuat Apostolus cum ita ad Timotheum scribit. Omnis creatura Dei bona est, & nihil reiiciendum quod cum gratiarum actione percipitur: sanctificatur enim per verbum Dei & orationem. Vnde Tertullianus in Apologetico aduersus gentes. Si honesta causa est conuiuij, non prius discumbitur, quam oratio ad Deum prægustetur. editur quantum esurientes capiunt: bibitur, quantum pudicis est utile: ita saturantur, ut qui meminerint etiam per noctem adorandum sibi Deum esse, ita saluantur, ut qui sciant Dominum audire. A quæ oratio conuiuium dirimit, inde disceditur. Et S. Basilius epistola ad Gregorium Theologum. Orationes, antequam cibum sumimus pro dignitate diuinæ benignitatis incunde sunt, cum earum, quæ in presenti nobis diuinitus conferuntur: tum verò earum, quæ in posterum eisdem recondita sunt. Iam à corporum curatione rursus orationes gratiarum actionem exequantur iam acceptorum ergo, atq; eo amplius eorum flagitationem, quæ Deus nobis pollicitus est. Et S. Chrysost. ad populum. Opus est nos & mensam petentes, & desistentes Deo gratias agere. Ad hoc enim paratus, nunquam in ebrietatem decideret, aut insolentiam, nunquam crapula disrumpetur: sed orationis expectatione pro freno sensibus habens impositam, cum debita modestia

Matth. 14. 19.

Marc. 6. 37.

Luc. 9. 13.

Ioan. 6. 9.

Matth. 26. 30.

Deut. 8. 10.

1. Tim. 4. 4.

B. ep. 1.

C. hom. 79.

ex omnibus apposis sumet, & multa quidem corpus & animam benedictione implebit. Mensa namq. ab oratione sumens initium, & in orationem desinens nunquam deficiet, sed fonte largius omnia nobis afferet bona.

De breuibus vel iaculatoriis orationibus.

Matt. 6. 7.

C. hom. 4. de fi.
de Annæ.

Id. hom. 79.

A. ep. 111. c. 10.

C. c. 10. & col.
lat. 9. c. vlt.

LUC. 6. 12.

BREUES & iaculatorias orationes inde probari potest ex Dei verbo non improbari Domino Deo, quod Christus sigillatim vetuerit multiloquium in oratione. Et S. Chrysostomus valde eas probat, si crebro per interualla instituantur, tum quod vehementer inflamment animum, tum quod à peccato hominem conferuent. Ita enim loquitur. Si per interualla crebris precationibus teipsum accendes, non dabis occasionem diabolo, aut ullum ad tuas cogitationes aditum. Et quemadmodum in apparando prandio, quoties calida pora opus est, si aqua parum caleat, ad focum admotam recalsfacimus, ita & hic faciendum est, & os nostrum ad precationes quasi ad prunas admouendum, ut hoc pacto mens ad pietatem rursus accendatur. Et paulo post. Ingemisce amare, in memoriam reuoca peccata tua, suspice in calum, dis in mente, Miserere mei Deus, & absoluisi precationem. Qui enim dicit. Miserere, confessionem offert, & peccatum suum agnoscit. Qui dicit. miserere mei, remissionem delictorum accepit. Qui dicit. miserere mei, regnum calorum obtinuit. Quem enim Deus miseratur, non à pœna solum liberat, sed futurorum etiam bonorum possessione dignatur. Et rursus alibi ad populum. Oportet orantem neque longos extendere sermones & iugiter orare. Breues enim & frequentes orationes fieri Christus & Paulus praeceperunt paruis ex internallis. Nam si sermonem in longum extenderis, in negligentiam frequenter lapsus multam subrepenti diabolo facultatem dederis, & supplantandi, & cogitationem abducendi ab his quae dicuntur. Si vero continuas & crebras orationes facias, totumq. tempus interpolans frequentia, facile poteris modestiam exhibere, & ipsas orationes cum multa facies solertia. S. Augustinus eandem orandi rationem illustrat exemplis eremitarum in epistola ad Probam. Dicuntur inquit, fratres in Aegypto crebras quidem habere orationes, sed eas tamen breuissimas, & raptim quodammodo iaculatas, ne illa vigilanter erecta quae oranti plurimum necessaria est per productiores moras euanescat atq. hebetetur intentio. Idem de iisdem refert Cassianus institutionum monasticorum libro secundo. Vilius censent, ait, breues quidem orationes, sed creberrimas fieri; illud quidem, ut frequentius Dominum deprecantes iugiter eidem coherere possimus: hoc vero, ut insidiantis diaboli iacula, quae infligere nobis tunc precipue, cum oramus, insistit, succincta breuitate videmus.

LONGIORES vero orationes suam laudem habent. I. ab exemplo

emulo Christi in oratione apud Lucam pernoctantis. 2. à dicto eiusdem. *O portet orare & non desicere.* & Apostoli. *Sine intermissione orate.* 3. ab exemplo B. Anna, ieiuniis & orationibus nocte ac die in templo, ut habet S. Lucas seruientis. 4. primorum Christianorum, qui S. Petro in vincula comiecto sine intermissione, ut idem in Actis refert, orabant. Vnde forte hoc tuo consuetudo orandi 40, horis continuis à Summis Pontificibus probata, manauit. Quoniam verò impossibile videtur, ut homo sine intermissione oret, quod Christus cum Apostolo præcipit, vide apud Bellarminum, quemadmodum veteres Patres hoc præceptum intellexerint. Mihi sanè cum S. Chrysost. simplicior ille sensus placuit, ut sine intermissione orare dicatur, qui dum aliquid à Domino petit, non ilico desperat, sed iterum atq; iterum instat, quia Apostolus dicit, *Orationi instate*, qui vrget opportune importunè donec impetret, quia Christus ipse docuit Apostolos, nocte molestandum amicū importunè, donec panis aliquid ab eo impetretur. *Regnum calorū vim patitur*, ut Christus alibi docuit, & violenti rapiūt illud.

Luc. 18.7.

1. Thes. 5. 17.

Luc. 2. 37.

Act. 12. 5.

Rom. 12. 12.

Luc. 11. 8.

Matt. 11. 12.

DE LOCO ORATIONIS.

ORATIONI nullus certus locus est præscriptus. *Volo ergo ait* 1. Tim. 2. 8. Apostolus, *viros orare in omni loco leuantes puras manus sine ira & disceptatione.* Vnde S. Basilius in exhortatione ad baptismum. *Non locus, inquit, sed propositi initium requiritur.* Jeremias enim in luto erat, & Deum attraxit. Daniel in leonum lacu Deum placauit. Tres pueri in camino Deum promeruerunt. Latro non cruce prohibitus, quin paradysum assecutus fuerit. Iob in stercore Deum ad misericordiam pronocauit. Igitur ubicunq; fueris ora. Si vero loca inter se conferantur, melius & consultius est in loco honesto, quam sordido, in Ecclesia vel oratorio precibus dedicato orare, quam in alio loco profano, priuato vel publico. Vnde S. Chrysost. ad populum. *Neq; inquit, quispiam mihi dicat, quod nequit homo secularis continuè per diem orare, & ad Ecclesiam concurrere, potest enim & quam facillime. Si mentem namq; mundam habeas ab immundis motibus, licet in foro sis. siue in via, siue in mari siue in diuersorio, siue in officina positus siue sis ubicunq;, Deo poteris inuocato petitione obtinere. Et domi quidem orari potest, non a. potest sicut in Ecclesia, ubi tanta Patrum multitudo, ubi clamor ad Deum unanimiter promittitur. Non ita Dominū per te solum orans audiris, ut cum fratribus tuis. Hic enim maius aliquid est puta vnanimitas & consonantia, charitatisq; vinculum & sacerdotum orationes.* Dices. Christus apud Mattheum iussit nos ingredi cubiculum, dum orandum est, & claudere ostium. Resp. quod non iubeat reuera nos ingredi cubiculum, sed tantum vanam hominum laudē fugere. Itaq; qui in publico orat, nolens à quoquam

Bas. hom. 13.

Amb. in 1.

Tim. 2.

C. hom. 70.

Matt. 6. 6.

Chry. hom. 8. in

1. ad Tim.

videri laudem aucupatur, quam si in cubiculo oraret: qui autem clauso cubiculo orat, cupiens tamen id innotescere hominibus, is in plateis orat, & tuba ante se canit, & quo se plus abdit, magis prodit ut habet Chrysost. in opere imperfecto.

D E G E S T V C O R P O R I S I N O R A T.

1. Reg. 2.
2. Par. 6.
A. 3. 7. 59.

PRIMVS est GENVFLEXIO vsurpata in veteri & nouo testamento, probataq; exemplo Christi, Petri, Pauli, & Stephani protomartyris, omniumq; veterum sanctorum. S. Hieronymus in Catalogo Scriptorum Ecclesiasticorum, scribit S. Iacobum Apostolum flexis genibus pro populo precatum instantum, ut camelorum duritiem traxisse eius genua crederentur. Idem de Pauli eremitæ corpore iam mortuo ita scribit in eius vita. *Introgressus speluncam S. Antonius vidit genibus complicatis erecta ceruice, extensisq; in altum manibus corpus exanime. Ac primum & ipse viuere eum credens pariter orabat. Postquam verò nulla, ut solebat suspiria precantis audiuit, in flebile osculum ruens, intellexit, quod etiam cadaver sancti Deum cui omnia viuunt officioso gestu precabatur.* Hunc gestum natura ipsa nos docuit, valetq; ad declarandam submissionem animi, inopiam & imbecillitatem nostram, quo aliquid impetremus ab eo, ad quem preces nostras dirigimus, ut docet S. Augustinus libro de cura pro mortuis agenda, & S. Hieron. libro secundo commentariorum in epistolam ad Ephesios. Affinis huic gestui, & quidem humilior est Prostratio in terram, vsurpata etiam à Christo, & S. Iacobo. *Aiunt, inquit Chrysost. homilia 5. in Matthæum, eum assiduitate orationis, iugiq; ad pavementum prostratione corporis frontem quoq; eius callo obdurtam, ut nihil fere à cameli genibus discreparet.*

A. c. 50.

M. c. 4.

Matth. 26. 39.
Marc. 4. 35.

Statio.

Sessio.

A. 3. 2. 3.

De STATIONE quando in orationibus vsitata fuerit, lege Bellarminum tomo 3. libro 2. de bonis operibus in particulari, capite 22. Tertullianus libro de corona militis scribit nefas fuisse die Dominico de geniculis adorare. Et de sessione in libello de oratione ait. *Contra Scripturam fecerit, si quis in cathedra aut subsellio sederit, nempe tempore orationis. Siquidem, inquit, irreuerens est assidere sub conspectu, contraq; conspectum eius quem maximè reueraris ac venereris. quanto magis sub conspectu Dei viui angelo adhuc orationis astante. factum istud irreligiosissimum est, nisi exprobramus Deo, quod oratio nos fatigauerit.* Dices, Apostolos cum vacarent orationi sedentes Spiritum sanctum accepisse, nam de eo B. Lucas dicit. *Repleuit totam domum, ubi erant sedentes.* Respon-

deo
cam
duan
hoc

men
fis in
manu
mus c
ait, v
mar
in iuc
tione.
tendi
Para
dicar
Alex
pus à
cogim
Eph
mari
gimu
fingi
tis. A
repe
bro c
celum

deo, vocem sessionis ibi pro habitatione sumi. vti apud eundem Lucam in Euangelio cap. vltimo. *Vos autem sedete in ciuitate, quoadusque induamini virtute ex alto.* Et capite primo. *In umbra mortis sedent; immo hoc ipso loco de Spiritu sancto dicitur. Seditque supra singulos eorum.* Act. 2. 3.

ALTER Gestus est Eleuatio manuum, æque in vtroque testamento tempore orationis vsurpari solita. Exemplum habemus Moy-
 sis in Exodo, & Aaronis in Leuitico. Rex David quoque. *Leuauit,* inquit, *manus meas ad mandata tua que dilexi.* Et in Threnis monemur *ut leuamus corda nostra cum manibus ad Dominum in celos.* Apostolus item. *Volo, ait, viros orare in omni loco leuantes puras manus.* Vnde ex S. Patribus martyr Hippolytus in oratione de Consummatione seculi Christum in iudicio querentem inducit. *Manus vestras feci, ut ad preces & obsecrationes extenderetis eas, at vos ad rapinas, & cades, & mutuas occisiones extendistis.* Et Tertullianus ad hunc gestum respiciens in Apologetico. *Paratus est, ait, ad omne supplicium ipse habitus orantis Christiani, & c. quasi dicat orans. Præstosum, nece & plece si vis, aut certe miserere.* Et Clemens Alexandrinus. *Caput & manus in calam extendimus, vna cum verbo corpus à terra educere conantes erectam & eleuatam animam desiderio meliorum cogimus in sancta progredi, magno animo corporis vinculum despicientes.* B.
 Ephræm de Panoplia spiritali, scribit nos oratione tanquam arcuarmari, quoniam in ea manus extendimus, ac veluti sagittam in inimicum dirigimus. Eusebius in vita Constantini, ait eum voluisse imaginem suam fingi tanquam precantis manibus expansis, oculisque in cælum sublati. Ac cedit quod natura ipsa ritum hunc orandi indidit omnibus in repentino aliquo discrimine vitæ: & gentilis scriptor Apuleius in libro de mundo. *Habitus, inquit, orantium hic est, ut manibus extensis ad cælum precemur.* E. 1. 3. c. 8.

VIDE. V. Cogitatio diuina presentia. Cognitio Dei. Conscientia
 Examen. Contemplatio. Deuotio. Familiaritas cum Deo. Gaudium spirituale. Gratiarum actio Deo debita. Laudatio Dei. Oblatio sui. Religio. Et in PANARIO. Acedia. Desolatio spiritualis. Distractio in oratione. Illusiones spirituales.

P.

P A X.

De significatione Pacis & Partitione.

Rom. 4.16.

A. in ps. 84.

Id. 19. de ci. c. 18.

A. c. 17.

Psalm. 147. 14.

Eph. 2. 14.

Rom. 5. 1.

Isa. 32. 17.

Marc. 9. 9.
Rom. 12. 18.

RIGENES explanans verba Apost. Iustificati ergo fide pacem habeamus ad Deum. Pax inquit, dicitur, ubi nemo dissidet, nemo discordat: ubi nihil hostile, nihil barbarum geritur. Haud secus S. August. in psalmos. Pax quid est? ubi nullum bellum est, ubi non est contradictio, ubi nihil resistit nihil aduersum est. Et alibi magis generatim, Pax est tranquillitas ordinis. Vnde & hac partitione pacis adjicit. Pax ergo corporis est ordinata temperaturam partium. Pax animae irrationalis ordinata requies appetitionum. Pax animae rationalis ordinata cognitionis, actionisq; consensio. Pax corporis & animae, ordinata vita & salus animantis. Pax hominis mortalis, & Dei immortalis ordinata in fide sub eterna lege obedientia. Pax hominum ordinata concordia. Pax domus ordinata imperandi atq; obediendi concordia cohabitantium. Pax ciuitatis ordinata imperandi atq; obediendi concordia ciuium. Pax caelestis ciuitatis, ordinatissima & concordissima societas fruendi Deo & inuicem in Deo. Alia partitio pacis à Patribus traditur, in imperfectam & perfectam. Imperfecta est, qualis est iustorum, in hac vita. Perfecta verò qualis est beatorum in altera, & est vltimus finis noster ad quam S. August. in nono libro de ciuitate Dei, refert illud ps. Qui posuit fines tuos pacem. ideoq; vt idē notat, caelestis patria solet Hierusalem, id est, visio pacis nuncupari. Nos de imperfecta pace ipsorum hominum agimus, versant in hac vita, quam tenentur habere primo cum Deo, obsequendo illius voluntati in omnibus. secundo secum, resistendo propriis cupiditatibus, tertio cum proximo alendo cum illo concordiam Itaq; hac plena erit pacis definitio. Pax est quadam ordinata animi concordia cum Deo, cum seipso & cum proximo. De prima pace cum Deo, qua efficitur filii Dei & amici, dixit Apostolus Ipse est pax nostra, qui fecit utraq; vnā. Et Iustificati ex fide (operante per charitatem) pacem habeamus apud Deum per Dominum nostrum Iesum Christum. De altera pace cum seipso loquitur Isaías. Et erit opus iustitiae pax, cultus iustitiae silentium & securitas usq; in sempiternum, & sedebit populus meus in pulchritudine pacis. De tertia pace cum proximo, ait Christus apud Marcum. Pacem habete inter vos. Et Apostolus ad Romanos. si fieri potest,

potest, quod
liciti ser-
uum. Quod
epist. si
non potes-
non simp-
animam
bus dici-

EAM
decl
præcip
in prim
pera dial
condat in
et ambos
citas in
disti mib
monem
quoq; f
re. Imm
saiam n
pacis ap
pacis eri
sum (id
Vnde f
esse. C
rinthio
nicen
na, rad
la. Grat
congru
pacifici
S. P
psalmu
videtur
ut pacif

potest, quod ex vobis est, cum omnibus hominibus pacem habentes. Et Eph. 5. Eph. 4. 32.
 liciti seruire unitatē spiritus in vinculo pacis. Rectē autem dicitur vincu-
 lum. Quem admodum enim ait CHRYSOST. in commentario illius C. Hom. 19.
 epist. si quando te ipsum alteri cuiquam alligare volueris, alia ratione illud
 non potes, nisi ipsum tibi colligaueris: ita hic Apostolus alligari nos invicem vult
 non simpliciter pacificos esse, neque utcumque diligere, sed in omnibus unam
 animam esse nempe qualis erat primorum Christianorum pax, de qui-
 bus dicitur. Credentium erat cor unum, & anima una.

CAPVT II.

De Dignitate & prestantia Pacis.

EAM discere possumus primum ex diuinis scripturis, quæ satis
 declarant eam ob causam Christum Dominū in hunc mundum
 præcipuē venisse, nempe ut in eum inueheret pacem. Nam B. Ioannes 1. Ioan. 3. 8.
 in prima epistola ita loquitur. In hoc apparuit filius Dei, ut dissoluat o-
 pera diaboli. Et S. Paulus. Ipse est pax nostra, qui fecit utraque unum, ut duos Eph. 2. 14.
 condant in semetipso in unum novum hominem faciens pacem, & reconcili-
 et ambos (Iudeos & gentiles) in uno corpore Deo per crucem interficiens inimi-
 citias in semetipso. Quare & Christus sic patrem orat. Volo pater, ut quos de-
 disti mihi omnes unum sint sicut & nos unum sumus. Et post longum ser-
 monem. Hac dixi vobis, ut habeatis pacem in me. post resurrectionem
 quoq; stans in medio discipulorum dixit. Pax vobis, ego sum, nolite time-
 re. Immo à pace Deus nomenclaturam suam sumere voluit. Apud I. Isai. 45. 7.
 saiam n. ait. Ego Dominus faciem pacem, Et apud Apostolum crebro Deus 2. Cor. 13. 14.
 pacis appellatur, pax Dei. ut in 2. ad Corinthios. Pacem habete & Deus
 pacis erit vobiscum. Et ad Philipenses. Pax Dei, quæ exsuperat omnem sen-
 sum (id est, cuius magnitudo mente capi nequit) custodiat corda vestra.
 Vnde sequitur ubi pax est, ibi Deum esse; & ubi Deus est, ibi & pacē
 esse. Certe Apostolus in omnibus ferè epistolis, ut ad Romanos, Co-
 rinthios, Galatas, Ephesios, Philipenses, Colossenses & Thessalo-
 nicenses, ut Dei gratiā, ita animæ pacem suis exoptat, duo summa bo-
 na, radicē & fructū, principiū & perfectionē, idq; hac verborū formu-
 la. Gratia vobis & pax à Deo patre, & Domino nostro Iesu Christo. Cum quo
 congruit septima beatitudo apud Matthæum à Christo relata. Beati
 pacifici, quoniam filii Dei vocabantur.

S. P A T R E S quoque eius dignitatem agnouerunt, ut S. Basilius in
 psalmum 28. Inter benedictionis inquit, diuina species pax perfectissima esse
 videtur, quum status sit mentem precul in temperie omni constabiliens: adeo
 ut pacificus vir hoc in signi tanquam propriis notis internoſci possit, si quidem

Isai. 9. 7.
Ioan. 14. 27.

Phil. 4. 7.
2. Cor. 13. 13.
Eph. 2. 14.

H. lib. 2.
Eph. 6. 15.

Id. lib. 3.
Gal. 5. 22.

Psal. 71. 3.
Matt. 5. 9.
Psal. 119. 7.

A. C. II.

sedatis & per amens est moribus: contra, qui adhuc compugnantium affectio-
num fatigatur intemperie, is nondum effectus particeps est diuina illius pacis,
quam Dominus suis dedit discipulis, quæ, cum omnem exuberat sensum, utiq;
illorum premuniet & tuebitur animas, qui se eaprestitere dignos. Et in Isa-
iam, dum explanat illud. Et pacis eius. (Messiæ) non est finis. Ait enim, in-
quit, Pacem do vobis, non quomodo mundus dat, ego do vobis. Neque enim
pax eius ullo clauditur fine, quum id doni mundo sit superius. Si enim è mundo
esset utique cum decidua concretione mundi dirimeretur ac disperiret. Nunc
autem quisquis ipsius pacem excepit perpetuo conuictu perfruetur bonorum, quæ
ab ipsa pace promanant. Salomonis pax præscriptis annorum circulis finem
accepit: quæ autem à Domino indulgetur pax, in omne coextenditur æuum
quod nullo circumscribetur fine aut termino. S. Greg. Nazianzenus ora-
tione prima de pace, vt ostendat eius præstantiam, docet eam ange-
lorum, qui primum à Deo locum obtinent, propriâ esse. His, ait, ange-
licis & cælestibus copiis nihil tam proprium est, quam pax & concordia. Nam
nec dissidiis obnoxia est diuinitas, quemadmodum nec dissolutioni, quin
potius & secum ipsa, & cum secundis rebus adeo concors & pacata est, vt præ-
aliis nominibus appellari gaudeat, pax & charitas, nos videlicet admonens, vt
bas virtutes sedulo amplectamur, perinde ac Deum simul habituri. Ac proinde
qui pacis bonum amplexantur, dissensionemque oderunt, ad Deum, diuinasque
mentes accedunt. Et in oratione de moderatione in disputando. Quid-
nam in doctrina nostra præstantissimum est? pax. addam etiam, utilissimum.
Contra, quid turpissimum ac perniciosissimum? voluntatum disunctio. Et in
oratione tertia de pace. Pax amica, meditatio mea, & decus meum, quam &
Dei, vt cuius Deum, & quam Deum esse scriptura pronunciat, velut in illo
Apostoli loco, Pax Dei, & Deus pacis, & Ipse est pax nostra. Pax amica, quam
tametsi omnes vt bonam laudibus vebant, pauci tamen tuentur atque con-
seruant, vbinam nos tanto temporis spacio reliquisti? eequendo ad nos reditura
es? S. Hieronymus in epistolam ad Ephesios. Si quæ alia dona sunt, quæ
tribuuntur à Deo patre & Domino IESV Christo inter hæc pax non minimum
possidet locum, quæ superat omnem sensum, & custodit corda, intellectusque
Sanctorum: serenitas quadam atque tranquillitas animæ quiescentis, & uni-
uersam tempestatem & turbinem perturbationum fugans. Et ad Galatas.
Tertius fructus spiritus est pax, à qua Salomon quoque, qui in typo Christi
præcessit nomen accepit: Et de Ecclesia psalmista canit. Factus est in pace locus
eius. Et inter octo Euangelii benedictiones scribitur. Beati pacifici, quoniam filij
Dei vocabuntur. In primo etiam graduum psalmo cantatur. Cum his qui ode-
runt pacem erampacificus. Nec putemus pacem in eo tantum esse quarendam,
si cum alio non iurgemur, sed tunc pax Christi, hoc est hereditas nostra nobiscum
est, si tranquillamens nullis passionibus perturbetur. S. Augustinus libro 19.
do

de ciu
moria
stremo
Christi
xit ad
seruit
liberu
Filius
heredi
culum
stus: a
bro 7
virtus
minus
digna
partic
vocab
diens

PR
G
possi
ant, q
uniri
spiritu
fructu
tentio
cum o
rursus
vnum
vestra

bene
fluant

de ciuitate Dei. *Tantum est pacis bonum, ut etiam in rebus terrenis atque mortalibus, nihil soleat gratius audiri, nihil desiderabilius concupisci, nihil postremo possit melius inueniri.* Et sermone 169. de Tempore. *Meritum Christiana virtutis vilescit in cunctis, si unitatem non habet pacis, nec peruenit ad vocabulum filij nisi per nomen pacifici.* Pax est, quae expoliat hominem seruitute, dat nomen ingenuum, mutat cum conditione personam, ex famulo liberum, facit filium ex seruo, amicum facit ex Deo, patrem reddit ex Domino. Filius Dei esse incipit, qui pacificus esse capit. Quanta est huius pacis retributio, hereditatem possidere cum Christo? Pax dilectionis mater est, concordia vinculum ac parentis indicium manifestum. *Pacem meam do vobis, dixit Christus: unde seruare mandatum, est pacem in omnibus custodire.* S. Gregorius li. 10a. 14. 27. bro 7. epistola ad Eusebium Episcopum. *Si quam magna, inquit, sit pacis G. ep. 6. virtus attendimus, quo à nobis studio sit colenda agnoscimus.* Hanc quippe Dominus & redemptor noster in magno munere discipulis suis relinquere ac dare dignatus est, ut eos qui firmitate fidei ei coherebant, per hanc sibi pia faceret participatione consortes. Scriptum namq. est. *Beati pacifici, quoniam filii Dei Matt. 5. 9. vocabuntur.* Quisquis ergo patris haeres esse desiderat, filius existere hanc custodiens non renuat.

C A P V T III.

De commodis Christiana pacis.

PRIMUM commodum Christiana pacis tradit iam dictus Sanct. GREGORIUS in tertia parte Pastoralis, quod sine ea nemo Gadmon. 23. possit fieri spiritalis. *Discordes, inquit, admonendi sunt, ut certissime sciant, quia quanti libet virtutibus polleant, spirituales nullatenus fieri possunt, si vnus per concordiam proximis negligant.* Scriptum quippe est. *Fructus autem Gal 5. 22. spiritus est charitas, gaudium, pax.* Qui ergo seruare pacem non curat, ferre fructum spiritus recusat. Hinc Paulus ait. *Cum sit inter vos zelus & contentio, nonne carnales estis?* Hinc iterum quoque dicit. *Pacem sequimini 1. Cor. 3. 3. cum omnibus & sanctimoniam, sine qua nemo videbit DEVM.* Hinc Heb. 12. 14. rursus admonens ait. *Solliciti seruare unitatem spiritus in vinculo pacis, Eph 4. 3. vnum corpus & vnus spiritus, sicut vocati estis in vna spe vocationis vestrae.*

II. Commodum tradit ORIGENES in Numeros, quod eius O. hom. 16. beneficio conferuntur in nobis ceterae virtutes, ea verò absente, dif. Num. 21. fluant. *Non est, inquit, dictum de communi numero bellatorum, quod nemo ex*

Act. 4. 31.

Matt. 5. 23.

eis dissensit, sed de ijs dictum est, qui summa bellatorum nominati sunt. In istis enim, qui tales sunt nulla dissensio, nulla discordia. Isti sunt de quibus dictum est. Erat autem credentium cor unum & anima una. Isti sunt qui offerunt munera Deo, & preceptum illud diligenter observant. Si offers munus tuum ad altare, & ibi recordatus fueris, quod frater tuus habet aliquid aduersum te, mitte ibi munus tuum, & vade prius reconciliari fratri tuo, & tunc veniens offeres munus tuum. Quo scilicet leuet manus suas ad Deum sine ira & disceptatione. Discenda igitur nobis magnopere est consonantia disciplina, quia tanquam in musicis, si harmonia chordarum fuerit consonanter aptata sonum suauem modulati carminis reddit: si verò sit aliqua infidibus dissonantia ingratiſſimus sonus redditur, & carminis dulcedo corrumpitur: ita & hi qui Deo militant, si discordias inter se habeant, ingrata erunt omnia, & nihil acceptum Deo videbitur, etiam si multa bella conficiant, etiam si spolia multa deferant, & multa munera Deo offerant.

Chom. 14.

III. Commodum habet Chrysost. in epistolam ad Ephesios, quod si integra sit pax & plena, omnem aditum ad animam obstruat diabolo. Non detis, ait, locum diabolo; oportet omnes pariter esse mutua compactione obturatos, & simul illi resistere: Tubemus itaq; ut solutis inimicitijs, quas quisq; erga proximum habet, in unum inuicem conuertamini. Nam ita non poterit vnquam locum habere diabolus: quemadmodum si inimicitias inter vos alueritis, hinc innumera mala generantur. Et sicut quamdiu lapides bene compacti sunt, nihilq; vacuum inter se habent, firmi & infracti persant: si verò vel foramen acus duntaxat quod vtrinq; penetret aut scissura, qua capilli locum habeat, fieri contigerit, omnia dissoluantur ac pereunt: ita & diabolus, donec compacti quidem & bene compositi fuerimus, nihil suorum omnino poterit inferre. Quam primum verò vel modicum nos relaxare vel diuidere contigerit, non aliter quam torrens quidam toto impetu infunditur. Vbiq; enim illi solis initiis opus est.

Aserm. 2.

IV. Commodum tradit S. Augustinus ad fratres in eremo, quod vtilitati coniungat iucunditatem, misceat utile dulci, ut loquitur Horatius. Scire, inquit, debetis fratres, quod quadam sunt bona, quae non sunt iucunda: quadam iucunda, quae non sunt bona v. g. bona sunt ieiunia, vigiliae, macerationes, & similia. Haec enim bona sunt sed non iucunda, quia caro in his non iucundatur, sed leditur. Iucunda quippe sunt comestationes, ebrietates, sed non sunt bona. O monache vix poteris inuenire in presenti vnum quod sit bonum & iucundum. Cupis tamen illud inuenire? persequere pacem, & amplectere eam. Haec est enim sola virtus, quae habet bonum & iucundum. Haec est illa bonitas, quae nos habitare facit vnus moris in domo, ut simul viuere, si malq; mori semper optemus. O pax, tu mentis serenitas, animi tranquillitas, amoris vinculum, charitatis consortium. Haec est illa summa felicitas, quae bellas

bella con
placet d
inter ho
V.
omnia se
populo
V
am nos

PR
trad
plex. I.
nem fil
habere
ita nem
obtinu
prorsus
conten
pro sui
los, ve
pension
bare co
cis. Qu
blandit
iugium
societat
tur quo
hominu
suorum
deserui
II
um bon
psalmo
stolus.
nibus p

bella compescit, iras comprimit, discordes sedat, inimicos concordat, cunctis placet, à cunctis optatur. Beatus qui te habet, maledictus qui te odit & frangit inter homines, quoniam Antichristus est & filius perditionis.

V. Commodum esto, quod fusè persequitur Nazianzenus, omnia sola pace conseruari, diffidio perire, cælum, elementa, imperia, populos, urbes, Israelitas, Ecclesiam Christi. N. orat. 1. de pace.

VI. Commodum Clementis Alexandrini, pacem & concordiam nos quasi manducere ad felicitatem aternam. C. 2. Strom.

C A P V T IV.

De Proprietatibus Pacis.

PRIMA Proprietas est, quod ab omnibus expetatur, vt copiosè tradit S. Augustinus libro 19. de ciuitate Dei. Cuius ratio est duplex. I. quia omnis res conuenienter naturæ suæ desiderat perfectionem sibi congruentem obtinere sine repugnantia, quod est pacem habere. Vnde August. loco citato. *Sicut nemo, inquit, est, q. gaudere nolit ita nemo est q. nolit habere pacē.* tunc n. aliquis gaudet quando bonum aliquod obtinuit cum quiete & tranquillitate, id est, cum pace. 2. quia homo prorsus nudus ac inermis à Deo cōditus est, velut animal pacificum, à contentione alienum, secus quam cetera animantia, quibus Deus pro sui defensione dedit vel cornua, vel dentes, vel rostra, vel stimulos, vel aliquid aliud. vnde sequitur à natura homini inditam propensionem ad pacem, eoq; magis quod S. Augustinus dicto libro probare conetur omnibus etiam bestiis quamuis scuis inesse amorē pacis. *Qua enim tigris, ait, non filijs suis mitis immurmurat, & pacata feritate blanditur? Quis nilius quantumlibet solitarius rapinis circumuolat, non coniugium copulat, nidum congerit, oua confouet, & quasi cum sua matre familias societatem domesticam quanta potest pace conseruat? Quanto magis homo fertur quodammodo naturæ suæ legibus ad incundam societatem pacemq; cum hominibus, quantum in ipso est omnibus obtineendam, cum etiam mali pro pace suorum belligerent, omnesq; si possint suos facere velint, vt vni cuncti & cuncta deseruiant.* A. c. 12.

II. Proprietas est, quod cum omnibus, quoad fieri potest, non solum bonis, sed etiam malis sit colenda, sicut fecit rex Dauid dicens in psalmo quodam *Cum his qui oderunt pacē, eram pacificus.* Et docuit Apostolus. *Si fieri potest, ait ad Romanos, quod ex vobis est, cum omnibus hominibus pacem habentes.* Et ad Hebræos. *Pacem sequimini cum omnibus,* Psal. 119. 7.
Rom. 12. 18.
Heb. 12. 14.

A. ferm. 12.
Matt. 5. 44.

& sanctimoniam. Vnde S. Ambrosius in 118. psalmum. *Quam latum mandatum est charitatis? Diligite, inquit, inimicos vestros. Omnes utique affectu charitatis inclusit, qui non exclusit inimicos. Vnde Apostolus ait. Si fieri potest: cum omnibus hominibus pacem habentes. Non potest hoc Iudeis dici, non gentibus, ut cum omnibus pacem habeant. Illi vix suos diligunt. Christiano etiam inimicos non licet non amare. Christianum cum dico, perfectum dico. In Christo enim plenitudo diuinitatis est, cuius nomen usurpas. Dixi (quoad fieri potest cum malis pacem colendam) quia aliquando fieri non potest, ut si fieret cum fidei orthodoxæ dispendio. Neque enim, inquit, Greg. Nazianzenus ad centum quinquaginta Episcopos, cum vera atque orthodoxa fidei perniciem paci studendum est.*

In Concil. Constantin.

Isa. 57. 21.

Matt. 5. 9.

Gal. 5. 22.

Rom. 1. 7.

III. est, quod non sit veri nominis pax nisi apud probos & iustos. *Non enim est pax impijs, ut est apud Isaiam. & Ieremiam 7. nominantur quidam dicentes. pax pax, & non erat pax. Qua de causa videtur Christus Dominus pacificos vocare filios Dei: & Apostolus pacem facere fructum Spiritus sancti, & fere semper coniungere gratiæ, dum eam Romanis, Corinthiis & aliis optat. Gratia, inquit, sit vobis & pax. Vnde S. Augustinus in psalmum 127. Dicatur ergo quales debent esse filij? quales? pacifici? quare pacifici? quia Beati pacifici, quia ipsi filij Dei vocabuntur. Quia ergo in oliva fructus est pacis, oleum enim pacem significat, quia charitatem significat sine charitate nulla pax est. Et manifestum est, quod qui diuiserunt pacem, non habent charitatem.*

A. c. 10.

IV. est, pacem huius vitæ nihil esse, si conferatur cum pace & tranquillitate vitæ futuræ in cælo. In vita enim futura, sicut, AUGUSTINVS in 19. libro de ciuitate Dei, erunt *virtutes, non contra ulla vitia, vel mala quacunque certantes sed habentes victoriæ premium æternam pacem, quam nullus auersarius inquietet. Ipsa est enim beatitudo finalis, ipsa perfectionis finis, qui consummentem non habet finem. Hic autem dicimur quidem beati, quando pacem habemus, quantulacunque hic haberi potest in vita bona. Sed hæc beatitudo illi, quam finalem dicimus beatitudini comparata prorsus miseria reperitur. Hanc ergo pacem, qualis hic potest esse, mortales homines in rebus mortalibus quando habemus, si recte viuimus bonis eius recte utitur virtus: quando verò eam non habemus etiam malis qua homo patitur bene utitur virtus. Sed tunc est vera virtus, quando & omnia bona, quibus bene utitur, & quicquid in bono usu bonorum & malorum facit, & seipsam ad eum finem refert, ubi nobis talis & tanta pax erit, quam melior & maior esse non possit.*

Psal. 147. 14.

V. Proprietas. Pax est finis fidei Catholicæ omniumque virtutum, iuxta illud Psalmistæ. *Qui posuit fines tuos pacem.* Et Apostoli. *Pax fratri-*

fratribus
illa ver
ens, Pa
in fide
enim no
gna. S
tremeb
tas cum
cem, sol
nis omni

PR
con
inquire
mibus
hoc est
persequ
prehen
nens d
quo vo
eam.
ad bra
quam
qua no
huius

batio
ram p
cum c
ne qui
diat,
in psa
sessio,
mittit

fratribus & charitas cum fide à Deo Patre & Domino Iesu Christo. Sic enim Eph. 6. 23. illa verba exposuit idem Augustinus in hom. liis 50. Tria dixit, inquit, A. hom. 7. ens, Pax, charitas fides. A fine cepit, ad initium terminavit. Initium enim est in fide, finis in pace, quia enim credimus ipsa est fides. Vnde charitas cum fide Si enim non credas, non amas. Nos dicamus Fides, charitas, pax. Crede, ama, regna. Si enim credis & non amas, adhuc non discreuisti fidem tuam ab eis qui tremebant & dicebant, scimus, quia sis filius Dei vini. Ergo tu ama, quia charitas cum fide ipsa te perducit ad pacem. Quam pacem? veram pacem, plenam pacem, solidam pacem, securam pacem, ubi nulla pestis, nullus hostis. Ipsa pax est finis omnium desideriorum bonorum.

C A P V T V.

De Medijs idoneis ad obtinendam pacem.

PRIMUM medium est magno studio eam quærere, secundum Psal. 33. 15. consilium prophetæ Regii canentis. Diuertere à malo, & fac bonum, inquire pacem, & persequere eam. Et Apostoli. Pacem sequimini cum omnibus & sanctimoniam, sine qua nemo videbit Deum. Græcè est διωκετε, hoc est, persequimini. Vnde Theophylactus. Reputa etiam, quod dixit, Th. in ep. ad Heb. persequimini, hoc est, pacem etiam remotam, & quæ procul est, studete comprehendere, eam ad vos ipsos attrahentes. Et Sanct. BASILIUS expo- B. hom. in psal. 33. nens dicta verba psalmi. De hac, inquit, pace dixit Dominus. Pacem relinquo vobis pacem meam do vobis. Inquire igitur Domini pacem, & persequere eam. Persequeris autem non aliter, quam destinato studio currens & enitens ad brauium supernæ vocationis Dei. Illic enim supra pax vera est. Etenim quamdiu huic astricti sumus carni multis admodum vinculis obnoxij sumus, quæ nobis turbas cieant. Inquire pacem, nimirum solutionem à tumultuarijs huius mundi curis.

II. Medium est, omnem internam animi amarulentiã, perturbationemq; tollere, qua nondum sublata impossibile est ad pacem veram peruenire, quod indicauit Apostolus loco proximè citato. Nam cum dixisset, Pacem sequimini cum omnibus, mox subiecit, contemplantes, ne quis desit gratiæ Dei: ne qua radix amaritudinis sursum germinans impediat, & per illam inquinentur multi: Vnde CHRYSOSTOMVS in psalmum 4. Nihil aquè solet pacem facere ac Dei cognitio & virtutis possessio, quæ animi perturbationem internum bellum domo procul eiecit, nec permittit ut homo cum seipso seditiones agitet. Sanè si hac pace non fruatur, etiã si

sint extrinsecus summa pax, etiam si nullus eorum hostis inuadat, est omnium q. uiuant interra miserrimus. Neq. n. Scythæ, nec Thraces, nec Sarmatæ, nec Indi, nec Mauri, nec quæcunq. sunt fera gentes, tam atrox bellū gerunt, quā improba ac nefaria cogitatio, quæ versatur in penetrabilibus animi, & quæ non castigatur intemperans libido, & amor pecunie, & potentia vehemens desiderium. Quod autem quæ intus nascuntur, sint iis quæ extrinsecus inuadunt grauiora, hoc licet videre in omnibus. Etenim & ligni naturam vermis, q. est intus magis corrumpit, & vires sanitatemq. corporis morbiq. intus procreantur plus ledunt, quam q. extrinsecus adueniunt, & ciuitates non tam externi, quam interni hostes perdunt. Sed si quis timorem Dei habens perturbationes animi sedauerit, is purissima & altissima pace perfruetur. Hanc pacem Christus largitus est.

III. Nullam causam vel occasionē dare dissensionī, & si ab alio data sit, se subducere. Occasiones n. quarit, inquit Sapiens, qui vult recedere ab amico. Vnde Paulus cū monuisset Romanos, vt quo ad fieri posset, cum omnib. pacem colerent, addidit, non vos ipsos defendentes charissimi (ne sc. occasionem præberent contentioni) sed inquit, date locum ira. Noli vinci à malo sed vince in bono malum. Quo pertinet quod S. Bas. in regulis breuiorib. respondet ad Quæstionem positam. Quid sit sal illud, de quo Dominus præcepit, cū dixit. Habete in vobis sal. & pacifici estote inter vos. Et quid item illud, de quo Apost. ait. Sermo vester semper in gratia sale sit conditus. In hoc loco, etiam ex contextu, inquit, & serio vtriusq. capitis sensus perspicuus est. Etenim ex verbis Domini nihil aliud docemur, quam vt nullā causam demus mutua dissensionis, mutua dissidi; sed vt ad unitatem spiritus nos semper conseruemus in vinculo pacis. Ex verbis autem Apostoli, si quis in memoria habuerit illum, q. dixit Si comedetur panis absq. sale, & si est gustus in verbis inanib., docebitur profecto disponere sermones suos ad adificationem fidei, vt det gratiam audientibus tempore oportuno.

IV. Considerare, quod pax & concordia nobis testamenti loco relicta sit velut symbolum Christianorum. Ex hoc n. mundo discessurus Christus ad discipulos dixit. Pacem meam relinquo vobis, pacem meam do vobis. Et. In hoc cognoscent omnes, quod discipuli mei estis, si dilectionem ad inuicem habueritis. Qua de causa Apost. omnem litigandi formulam pro delicto aliquo habere videtur. Iam quidem inquit in ep. ad Corinthios, omnino delictum est in vobis, quod iudicia habetis in re: vos, quare non magis iniuriam accipitis: quare non magis fraudem patimini. Nempe vt alibi dixit. Charitas omnia suffert. Raræ sunt lites inter patrem & filium virum & uxorem. Ratio est quia tanta fere inter eos viget dilectio, vt multa pati malint, quam ad lites descendere. At quoque Christiani dicimur, omnes fratres sumus vnius Dei patris filii, vnius Christi capitis membra, vno pane & calice potamur. Quod autem testa-

Prou. 18. 1.
Rom. 12. 18.

Mar. 9. 49.
Col. 4. 6.

Ioan. 13. 14.

1. Cor. 6. 7.

1. Cor. 6. 7.

mentile
de pace
cedens C
sum adu
nomine
cedamus
superem

V. A
regius c
uerunt s
sorores,
pus iustit
ti bonū. V
Fac iustit
ueris iust
lantur se
amic a sa
cem, sed n
dua amic
fac bonu
quia ipsa

VI.
nenda in
scribit in
minica di
vobis, ita
lo modo d
& actu h
te, quadi
aduersa
clesia auf
tis. Sed v
membra

menti loco hæc pax nobis legata sit, docet Greg. Nazian. oratione 3. ^{G sub. 11.}
de pace. Pacifici, ait, munus, hoc est, pacem reuere amur, quam nobis hinc dis-
cedens Christus quasi testamento reliquit. Num hoc bellum agnoscamus, quod
cum aduersariis potestatib. committitur. Eos quoq. qui nobis infesti sunt fratru
nomine appellemus, si tamen id ex quo animo patiantur. Exiguam quiddam con-
cedamus, ut quod maius est vicissim accipiamus, nimiru concordiam: cedamus
superemus.

V. Amor studiumq. iustitiæ, vel bonorum operum. Psaltes siquidē ^{Psal. 84. 11.}
regius canit. Misericordia & veritas obuiauerunt sibi, iustitia & pax obuia-
uerunt sibi, iustitia & pax osculate sunt, nempe se mutuo tanquam duæ ^{Psal. 118.}
sorores, Et iterum. Pax multa diligentibus legem tuam. Et Isaias Et erit o- ^{Isai. 32. 17.}
pus iustitiæ pax. Et Apostolus Gloria autem & honor, & pax omni operan- ^{Rom. 2. 10.}
ti bonu. Vnde S. August. in ps. 84. ita scribit. Iustitia & pax osculate sunt.
Fac iustitiam & habebis pacem, ut osculentur se iustitia & pax. Sin. non ama-
ueris iustitiam pacem non habebis. Amant n. se duo ista iustitia & pax, & oscu-
lantur se, ut qui fecerit iustitiam inueniat pacem osculantem iustitiam. Duæ
amicæ sunt tu forte vnā vis, & alteram non facis. Nemo n. qui non vult pa-
cem, sed non oēs volūt operari iustitiam. Si ergo vis pacem, ama iustitiam, quia
duæ amicæ sunt iustitia & pax. Ideo alius psalmus dicit tibi. Declina à malo & ^{Psal. 33. 15.}
fac bonum: inquire pacem, & prosequere pacem. Iam n. non diu illam queres,
quia ipsa occurreret tibi, ut osculetur iustitiam.

VI. Medium est humilitas, quod S. Greg. pro pace facta tecta te-
nenda in Ecclesia Cyriaco Patriarchæ Constantinopolitano præ- ^{G. lib. 11. ep. 45.}
scribit in hæc verba. Quanta sit pacis virtus charissime frater, ex voce Do- ^{Ioan. 14. 29.}
minica diligentius intuentes, quæ ait, Pacem meā relinquo vobis, pacem meā do
vobis, ita in eius nos decet dilectione persistere, ut locum discordia præbere nul-
lo modo debeamus. Sed quia in radice ipsius vivere aliter nō valemus, nisi mente
& actu humilitatem, quam ipse auctor pacis docuit, teneamus, cum ea charita-
te, quæ dignum est, suademus ut profanam elationem, quæ animabus semper
aduersa est cordis pede calcantes, peruersi superbique vocabuli scandalum Ec-
clesia auferre de medio festinetis, ne à pacis nostræ societate diuisi inueniri possi-
tis. Sed vnus in vobis spiritus, vna mens, vna charitas, vna in Christo, qui suæ
membra esse nos voluit, sit, Compago concordia.

VIDE V. Amicitia. Charitas proximi. mansuetudo. Et in PANA-
RIO. Immortificatio passionum.

PER



PERFECTION

Christiana.

CAPVT I.

Quid nomine Christiana Perfectionis intelligatur.

Matt. 5. 48.

Matt. 19. 21.

1. Cor. 2. 6.

Heb. 5. 14.

1. Cor. 1. 10.

Iac. 1. 4.

Iac. 3. 2.

1. Cor. 13. 10.

Phil. 3. 12.

A. C. 2.

IN I N A E Litteræ perfectionis nomen variis virtutibus videtur attribui, ac primo dilectioni Dei & proximi, maximè autem inimicorum. Nam Christus Dominus cum docuisset diligendos esse inimicos, & pro iisdem orandum, mox subiecit. *Estote ergo vos perfecti sicut & Pater vester cælestis perfectus est.* 2. Paupertati Euāgelicæ, nam diuiti iuueni Christus dixit. *Si vis perfectus esse, vade & vende qua habes & da pauperibus.* 3. solidæ institutioni in doctrina & vita Christiana. Nam Apostolus ad Corinthios ait. *Sapientiam autem loquimur inter perfectos.* Et ad Hebræos. *Perfectorum est solidus cibus, eorum qui pro consuetudine exercitatos habent sensus ad discretionem boni ac mali.* 4. tribuunt consensum in fide. nam idem Apostolus ait. *Obsecro, ut id ipsum dicatis omnes, & non sint in vobis schismata. suis autem perfecti in eodem sensu, & in eadem scientia.* 5. martyrio, ad quod respexisse videtur S. Iacobus cum ait. *Patientia autem opus perfectum habeat, ut sitis perfecti & integri in nullo deficientes.* 6. linguæ plenè domitæ. Si quis enim in verbo non offendit ait idem, *hic perfectus est vir.* 7. diuinæ visioni in altera vita. Nam S. Paulus sic loquitur. *Ex parte enim cognoscimus, & ex parte prophetamus. Cum autem venerit quod perfectum est, euacuabitur quod ex parte est. Et iterum. Non quod iam acceperim aut iam perfectus sim sequor autem, si com, rebendam. Fratres, ego me non arbitror comprehendisse.*

PATRES quoque veteres annotarunt non vnā esse intelligentiam vocabulo perfectionis subiectam. Clemens Alexandrinus libro 4. Stromatum. *Inuenio, inquit, perfectum multis modis accipi, prout is est, qui in vnaquaque virtute se recte gerit. Perficitur itaque & consummatur aliquis, & ut ius ac religiosus & ut tolerans, & ut continens, & ut operarius, & ut Martyr, & ut cognitione præditus. In omnibus autem simul perfectus nescio an ullus sit, qui est adhuc homo. nisi solum is, qui propter nos induit hominem.* S. Ambrosius libro de officiis tertio, *Ipsū Paulum, ait, lego perfectum &*

non

non perfectum. Nam cum dixisset, Non quod iam acceperim, aut iam perfectus sim, sequar autem si comprehendam, statim subiecit. Quicumque ergo perfecti sumus. Duplex enim est forma perfectionis, alia medius, alia plenos numeros habens; alia hic, alia ibi: alia secundum hominis possibilitatem, alia secundum perfectionem futuram. Deus autem iustus per omnia, sapiens super omnia, perfectus in omnibus. Idem fere habet S. HIERONYMVS aduersus Pelagianos eundem locum Apostoli pertractans. Ex quo, ait, perspicuum est duas in Scripturis sanctis esse perfectiones, duasq; iustitias, & duos timores. Primam perfectionem & incomparabilem veritatem, perfectamq; iustitiam Dei virtutibus coaptandam. Secundam autem, qua competit nostra fragilitati iuxta illud quod in psalmis dicitur. Non iustificabitur in conspectu tuo omnis viuens, ad eam iustitiam, qua non comparatione, sed Dei scientia dicitur esse perfecta. Haud secus S. Augustinus de verbis Apostoli. Dixit Apostolus. non sum perfectus. & dicit. Quotquot perfecti hoc sapiamus. Ego me non arbitror apprehendisse, non quia iam acceperim, aut iam perfectus sim & dicit. Quotquot perfecti hoc sapiamus. Perfecti & non perfecti. Perfecti viatores, nondum perfecti possessores. Et ut noueritis, quod perfectos viatores dicat; qui iam in via ambulant, perfecti viatores sunt, ut scias viatores eum dixisse, non habitatores, non possessores, audi quod sequitur. Quotquot ergo perfecti hoc sapiamus, & si quid aliter sapitis, ne forte surrepat vobis, quia vos aliquid estis Qui autem seipsum putat esse aliquid, cum nihil sit, seipsum seducit. Veruntamen in quod peruenimus, in eo ambulemus. Videtis quia viatores sumus. Dicitis, quid est ambulare? Breuiter dico, proficere. Huc vsq; ille. IONNES deniq; CASSIANVS collatione XI. ex sententia Abbatum Cheremonis ita de Perfectione scribit. Prostatu atq; mensura vniuscuiusq; mentis Scriptura diuina ad diuersos perfectionum gradus arbitrij nostri prouocat libertatem. Nec enim poterat uniformis omnibus perfectionis corona proponi, quia nec omnium una virtus, aut voluntas, aut feruor est, & idcirco ipsarum quodammodo perfectionum diuersos ordines, diuersasq; mensuras sermo diuinus instituit. Quod ita esse Euangelicarum quoq; beatitudinum varietas euidenter ostendit.

C A P V T II.

In quo propriè consistat huius vitæ perfectio.

ET si sancti Patres fere in hoc conueniant, duplicem esse perfectionem, aliam huius vitæ, aliam alterius, tamen non ita præcisè

T t t

expo-

Rom. 10. 4.

1. Cor. 6.

A. C. 21.

A. C. 22.

Phil. 1. 21.

Phil. 3. 12.
1. Cor. 13.

Gal. 2. 20.

Col. 3. 14.
1. Ioan. 4. 16.

Ioa. 14. 23.

Matt. 22. 40.

Rom. 13. 10.

1. Cor. 12. 13.

exposuerunt, in quo propriè sita sit huius vitæ, de qua nos agimus, perfectio. Videtur autem sita in coniunctione, quanta in hac vita obtineri potest, cum Deo. Cum enim quæq; res tum dicatur perfectionem suam consecuta, cum suo fini copulatur: Finis autem hominis sit Deus. *Finis enim legis Christus*, ait Apostolus, tunc demum homo dicendus est in virtute perfectus, cum perfectè Deo adhæserit. *Qui enim adhæret Deo, unus spiritus est.* Vnde S. Augustinus libro 2. de doctrina Christiana. *Tunc, ait, optimus est homo, cum tota vita sua pergit in incommutabilem vitam, & toto affectu inhæret illi.* Et libro primo Confessionum. *Qui fecit nos ad te, inquit, inquietum est cor nostrum, donec requiescat in te.* Et in psalmum 56. *Finis est Christus. quare dictus est finis? non qui consumat, sed qui consummet: consumere enim perdere est, consummare perficere.* Finis ergo propositi nostri Christus est, quia quantumlibet conemur, in illo perficimur, & ab illo perficimur, & hac est perfectio nostra, ad illum peruenire: sed cum ad illum peruenieris, ultra non quæris, finis tuus est. *Quomodo enim finis vitæ tuæ locus est quo tendis, quo cum peruenieris, iam manebis: sic finis studij tui, propositi tui, conatus tui, intentionis tuæ ille est, ad quem pertendis: ad quem cum peruenieris, ultra nil desiderabis, quia melius nihil habebis.* Hac perfectione præditus erat Apostolus cum in epistola ad Philippenses diceret. *Mihi viuere Christus est, & mori lucrum.* Coarctetur autem à duobus desiderium habens dissolui & esse cum Christo multo magis melius. Cur enim mori erat lucrum illi; cur erat melius, nisi quia per mortem arctius erat Christo adhæsurus & eumq; comprehensurus & à facie ad faciem visurus? Et cum scriberet in epistola ad Galatas. *Christo confixus sum cruci. Vivo autem iam non ego, vivit verò in me Christus.*

ADHÆREMVS verò toto affectu Deo, quando ei adhæremus per charitatem Dei & proximi perfectam. Charitas enim, ut loquitur idem Apostolus ad Colossenses, est *vinculum perfectionis.* Vnde S. Iohannes in epistola prima ait. *Deus charitas est, & qui manet in charitate in Deo manet, & Deus in eo.* Et Christus Dominus. *Si quis diligit me, sermonem meum seruabit, & Pater meus diliget eum, & ad eum veniemus, & mansionem apud eum faciemus.* Hinc est quod idem Dominus apud Matthæum pronunciarit, ex duobus mandatis, nempe diligendi Deum & proximum, *universam legem pendere & prophetas.* Ut B. Paulus Romanis scripserit, *plenitudinem legis esse dilectionem.* Corinthiis verò, esse omnibus virtutibus, donisq; cælestibus anteponendam. Nam cum dixisset. *A mulamini autem charismata meliora, subiecit. Et adhuc excellentiorem viam vobis demonstro.* Hinc deniq; Christus cum multa apud Matthæum de perfectione caritatis, maximè ea quæ in diligendis ini-

mici

micis sita est, differuisset, subdidit. *Estote ergo perfecti, sicut Pater vester celestis perfectus est.* non obscure indicans beneficio charitatis ad perfectionem veram perueniri. Matt. 5. 48.

NEQUE mirum videri debet charitate imprimis & non aliis virtutibus perfectionem illam adhesionis comparari. Nam charitas omnium virtutum, ut iam dictum est, habetur præstantissima. Deinde, alias omnes virtutes, earumque perfectiones suo ambitu cõplectitur, & ideo Apostolus loco citato ad Corinthios scripsit. *Charitas patientia est, benigna est,* &c. texens quasi omnium virtutum compendium. 1. Cor. 13. 4.
Postremò quia amoris vel charitatis proprium est unire amantem rei amatæ, ut docet S. Dionysius Areopagita in libro de diuinis nominibus. Et S. Augustinus scribit libro octauo de Trinitate, Amorem esse quasi iuncturam quandam duo aliqua copulantem, amantem scilicet & quod amatur: Quo amore ipse flagrans erga Deum libro 13. Confessionum ita loquitur. *Non possum metiri, ut sciam quantum mihi desit amoris ad id, quod satis est, ut currat vitæ mea in amplexus tuos: nec auertatur, donec abscondatur in abscondito vultus tui. Hoc tantum scio, quia malè mihi est præter te, non solum extra me, sed & in meipso, & omnis mihi copia, quæ Deus meus non est, egestas est.* D. c. 4.
A. c. 10.
A. c. 8.

CAPUT III.

Perfectionem adherendi Deo per charitatem omnibus Christianis esse mandatam.

QVOD verò mandatum & commendatum sit omnibus fidelibus, ut sint perfecti, ex variis Scripturæ, veteris atque nouæ testimoniis discere possumus. Nam imprimis omnium fidelium parenti Abraham à Deo dictum est. *Ambula coram me, & esto perfectus.* vel ut LXX. interpretes verterunt, *irreprehensibilis.* Deinde in Deuteronomio toti populo Israehitico imperatur. *Perfectus eris & absque macula cum Domino Deo tuo,* Et alibi. *Non erit inconsummatus in filiis Israel.* Tum Christus apud Matthæum. *Estote perfecti, sicut Pater vester celestis perfectus est.* Et eius præcursor S. Ioan Baptistamissus est, teste S. Luca. *in spiritu Eliæ parare Dominoplebē pfectam.* Apostolus quoque in altera ad Corinth. De cetero, inquit, fratres, gaudete, pfecti estote. Et ad Coloss. *Docētes omnē hominē in omni sapientia, ut exhibeamus omnē hominē pfectum in Christo Iesu.* Et iterū. *Epaphras semper sollicitus pro vobis in orationibus, ut sitis pfecti & pleni in omni* Gen. 17. 1.
Deut. 18. 13.
Matt. 5. 48.
Luc. 1. 17.
2. Cor. 13. 11.
Col. 3. 28.
Col. 4. 12.

Eph. 6. 10.
1. Tim. 2. 16.

A. ante med.

Matt. 22. 38.
Rom. 13. 10.

Matt. 11. 12.
Phil. 2. 12.

1. Ioan. 2. 5.

Matt. 22. 38.

voluntate Dei. Et ad Ephesios. *Accipite armaturam Dei, ut possitis resistere in die malo, & in omnibus perfecti stare.* Et ad Timotheum. *Omnis Scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus.* Hæc omnia fere testimonia adduxit S. Augustinus in libro de perfectione iustitiæ. Quibus accedat illud de caritate, quæ vinculum est perfectionis. Nam mandatum de diligendo Deo & proximo in vtraq; lege primum est & maximum, ut docuit Christus apud Matthæum. Immo finis totius legis, vel omnium mandatorum, teste Apostolo, est dilectio. Sicut ergo hæc sub præceptum cadit, ita necesse est cadat sub præceptum & perfectio quæ citra charitatem esse non potest.

Q u o verò intelligatur, quæ charitatis perfectio cadat sub præceptum, notandum est posse distingui quasi tres gradus charitatis. Primus & summus est eorum, qui ita Deum amore prosequuntur, ut sine intermissione per contemplationē & amorem ei inhæreant. quæ perfectio ita solis beatis competit, ut nemo in hac vita ad eam aspirare queat. Vnde de Ioanne Baptista, qui tamen omnibus mortalibus in sanctitate erat prælatus dixit Christus. *Qui minor est in regno celorum, maior est illo.* Ad eandem respexit & Paulus, cum ad Philipenses scriberet. *Non quod iam acceperim, aut iam perfectus sim: sequor autem, si quo modo comprehendam.* Secundus vel medius est eorum, qui sic amore Deum prosequuntur, ut quamuis propter vitæ huius necessitates interrumpant aliquando Dei amorē, tamen conantur frequenter posthabitis curis ei operam dare. Ad quem gradum aspirare debent omnes Episcopi, qui sunt in statu perfectionis, & post eos religiosi, qui tenentur quotidie in vita spiritali progressum facere. Tertius & infimus gradus est eorum, qui ita Deum amore prosequuntur, ut licet nec semper, nec valde assidue inhæreant, Deo per amorem actuale, tamen nullam rem Deo & amicitia eius anteponunt, sed illum habet sibi propositum tanquam vltimum suum finem. Et hanc perfectionem omnes Christiani colere tenentur, cum omnes teneantur obsequi diuinis mandatis, & cauere peccata mortalia quibus Deo creatura peruersè anteponitur. Et de hac perfectione charitatis agit S. Ioannes cum in prima epistola ait. *Qui seruat mandata eius, in hoc charitas perfecta est.* Hac etiam seruatur, quantum satis est in hac vita ad vitandum peccatum mortale præceptum illud primum & maximum. *Diliges Dominum Deum tuum ex toto corde tuo, &c.* ut docet S. Augustinus libro de perfectione iustitiæ ante citato. Exigitur enim tantum his verbis, ut quis totam mentem suam ita quidem per amorem Deo impendat.

pendat, vt illum solum ceu vltimum finem amet, neq; aliud aliquid, vt vltimum finem diligat.

CAPUT IV.

De Proprietatibus Christianæ Perfectionis.

PROPRIETAS prima sit, quot sit donum Dei. *Non potest*, inquit S. AMBROSIVS libro 2. de Pœnitentia, *sine fauore Dei aliquis esse perfectus*. Nœc mirum, quia sine charitate, vt diximus, nemo potest esse perfectus. de qua ita loquitur S. Paulus ad Romanos. *Charitas Dei diffusa est in cordibus nostris per Spiritum sanctum qui datus est nobis*. Et ad Galatas eidem dat principem locum inter fructus Spiritus sancti. S. Ioannes quoq; in prima epistola ita scribit. *Charissimi, diligamus nos inuicem, quia charitas ex Deo est, & omnis qui diligit ex Deo natus est*. A. c. 2. Rom. 5. 5. Gal. 5. 22. 1. Ioan. 4. 7.

II. Proprietas est, quod semper augeri possit in hac vita. Ea enim hominis natura est, vt non repente euadat summus in studio virtutis, sed primo sit quasi infans incipiendo, secundo adolescat proficiendo, tertio fiat vir, hoc est, perueniat ad perfectionem. Vnde S. Hieronymus scribens ad Cyprianum. Ioannes, inquit, *Apostolus secundum merita filiorum suorum, profectusq; operum singulorum, scribit ad paruulos, scribit ad iuuenes, scribit ad Patres*. Et S. Augustinus in epistolam Ioannis. *Nunquid mox, ait, vt nascitur (charitas) iam perfecta est? vt perficiatur nascitur: cum fuerit nata nutritur: cum fuerit nutrita roboratur, cum fuerit roborata perficitur, cum ad perfectionem venerit, quid dicit. Mihi vivere Christus est, & mori lucrum. Optabam dissolui, & esse cum Christo*. Et de Verbis Apostoli. *Vnusquisq; iam in ipsa iustificatione constitutus, accepta scilicet remissione per lauacrum regenerationis accepto Spiritu sancto proficiens de die in diem, videat ubi sit, accedat, proficiat, & crescat donec consummetur*. Quare & Scriptura ipsa hortatur vt crescamus in charitate. In charitate, ait Paulus ad Ephesios, *crescamus in illo*. Et ad Philippenses. *Hoc oro, vt charitas vestramagis abundet*. Et ad Thessalonicenses. *Vos Dominus multiplicet & abundare faciat in caritate*. Ecclesia quoq; sic orat. *Danobis Domine fidei & charitatis augmentum*. H. ep. 139. 1. Ioan. 2. A. tract. 9. Phil. 1. 21. A. ser. 16. Eph. 4. 15. Phil. 1. 9. 1. Thess. 3. 12.

III. Omnis perfectio in hac vita imperfecta est. Ita S. Hieronymus libro primo aduersus Pelagianos. *Hec, inquit est hominis vera*

Ttt 3 sapien-

Phil. 3. 12.
A. scim. 15.

T. 2. 4. 24. c. 7.

Sapientia imperfectum se nosse, atque, ut ita loquar, cunctorum in carne in-
storum imperfecta perfectio est. Et forte ideo Apostolus ipse in epistola
ad Philippenses vocat perfectum & imperfectum. Vnde A. V. C. V.
S. S. T. I. N. V. S. de verbis Apostoli. *Dixerat non sum perfectus, & dicit.*
Quotquot perfecti hoc sapiamus. perfecti & non perfecti viatores nondum
perfecti possessores. Quamvis perfectio nostra in hac vita non solusit im-
perfecta respectu perfectionis futuræ in cælo, ut hic indicat Augu-
stinus, sed etiam quia nulla tanta perfectio vel caritatis vel aliarum
virtutum dari possit, quin possit augefcere, etiam in infinitum ut S.
Thomas multique alii Theologi docent. Immo in beatis hominibus
& angelis existentibus in cælo tanta non est, quin maior inueniatur in
Deo O. M.

Gen. 6. 9.

Eccli. 44. 17.

Gen. 17. 1.

Psal. 72. 18.

Act. 13. 22.

Psal. 88. 22.

C. c. 19.

IV. Nemini, quocunque in statu, licito tamen, degat, interclu-
sus est aditus ad perfectionem. Habemus enim & in vetere testamen-
to quosdam nuncupatos perfectos. Nam in Genesi dicitur. *NOE vir*
iustus atque perfectus fuit in generationibus suis, cum Deo ambulauit. Et in
Ecclesiastico. *NOE inuentus est perfectus iustus, & in tempore iracundie*
factus est reconciliatio. A. B. R. A. H. A. E. quoque omnium gentium patri-
archæ dictum est. *Ambula coram me, & esto perfectus.* Quis verò neget
& regem David fuisse perfectum, dicentem in psalmis. *Mihi autem ad-*
herere Deo bonum est, ponere in Domino Deo spem meam. cui Deus dixit ut est in
Actis Apostolicis, *Inueni David filium Iesse virum secundum cor meum, qui*
faciet omnes voluntates meas. Vnde Cal. collatione quarta. Facilius,
inquit, ad salutarem conuersationem ac perfectionis fastigium carnalis quis
id est, secularis vel gentilis accedit, quam is, qui professus monachum, nectam-
en viam arripiens secundum regulam disciplinæ ab illo semel spiritualis
feruoris igne discessit. Ille namque corporalibus saltem vitis humiliatus, at-
que inmundum se sentiens contagione carnali ad fontem veræ purificationis
ac perfectionis culmen quandoque compunctus accurrit, & horrescens illum,
in quo est, gelidissimum statum spiritus ardore succensus ad perfectionem faci-
lius conuolabit.

A. c. 73.

Rom. 5. 10.

V. Proprietas est, Diligere inimicos. Christus enim cum docuisset
diligēdos eos exēplo Patris cælestis pluentis super iustos, & iniustos
mox subiecit. *Estote ergo perfecti, sicut Pater vester cælestis perfectus est.* Et
Apostolus ad Romanos inde extollit charitatem Christi, quod pro
inimicis mortuus sit, Vnde S. Augustinus in enchiridio. *Munus ma-*
gnum est erga eum esse beneuolum, sine etiam beneficam, qui tibi mali nihil
fecerit. Illud multo grandius, & magnificentissimæ bonitatis est, ut tuum
quoque inimicum diligas, & ei qui tibi malum vult, & si potest facit, tu bo-
num

num semper velis, faciasque cum possis, illius memor exempli, qui in cruce pendens, pro suis exorat persecutoribus, suosque admonuit, dicens. Diligite inimicos vestros, bene facite eis, qui vos oderunt, & orate pro eis, qui vos persequuntur. Sed quoniam perfectiorum sunt ista filiorum Dei, quo quidem se debet omnis fidelis extendere, & humanum animum ad hunc affectum orando Deum, secumque agendo luctandoque perducere: tamen quia hoc tam magnum bonum tanta multitudinis non est, quantum credimus exaudiri, cum in oratione Dominica dicitur. Dimitte nobis debita nostra, sicut & nos dimittimus debitoribus nostris, proculdubio verba sponsonis huius implentur, si homo, qui nondum ita profecit, ut iam diligat inimicum, tamen quando rogatur ab homine, qui peccauit in eum, ut ei dimittat, dimittit ex corde, quia etiam sibi roganti vult utique dimitti, cum orat & dicit. Sicut & nos dimittimus debitoribus nostris, id est, dimitte sic nobis debita nostra rogantibus nobis, sicut & nos dimittimus rogantibus debitoribus nostris.

Matth. 5. 44.

Ioan. 15. 13.

1. Ioan. 3. 16.

Iac. 1. 4.

Id. 4. 11. 12.

Cl. 7. 11. 12.

2. Cor. 4. 7.

A. serm. 17.

Heb. 12. 4.

11024

VI. est Sanguinem pro Christo vel proximo profundere. Maiorem hac dilectionem nemo habet, ait Christus, ut animam suam ponat quis pro amicis suis. & S. Ioannes in epistola prima. In hoc cognouimus charitatem Dei, quoniam ille animam suam pro nobis posuit, & nos debemus pro fratribus animas ponere. Vnde B. Iacobus ait. Patientia opus perfectum habet, ut sitis perfecti & integri in nullo deficientes. Qui est autem perfectus, auctore Clemente Alexandrino, propter charitatem omnia suffert, omnia sustinet, non ut homini placens, sed Deo. Et alibi idem ostendit nomen perfecti proprie in eum competere, qui usque ad mortem omnia sustinet & Martyrij coro nam obtinuit. Qui inquit, cum vere religione recte vitam instituerit, maximam inter homines dignitatem consecutus, nescit quidem eo perueniet ut dicatur in carne perfectus, quoniam hanc appellationem praecipuum vitae finis, cum qui est Martyr ex cognitione, iam eo peruenierit ut perfectum opus ostenderet, sanguine per charitatem ex cognitione perfectam benigne donato emittens spiritum: beatus autem hic fuerit & iure perfectus vocetur, ut sublimitas potestatis sit Dei, & non ex nobis, ut dicit Apostolus. Et S. Augustinus de verbis Apostoli. Perfectio in hac, vita, inquit, nonnulla est, ad quam sancti Martyres perueniunt, ideoque habet Ecclesiastica disciplina quod fideles nouerunt, cum Martyres eo loco recitantur ad altare Dei, ubi non pro ipsis oretur, pro ceteris autem commemoratis defunctis oretur. Iniuria est enim pro martyre orare, cuius nos debemus orationibus commendari. Certauit enim contra peccatum usque ad sanguinem. Quibusdam vero adhuc imperfectis, & tamen ex parte iustificatis ad Hebraeos dicit Apost. Nondum enim usque ad sanguinem pugastis aduersus peccatum certantes. Si ergo illi

Iac. 1.1.

Pl. 25. 2.

Ioa. 10. 16.

nondum vsque ad sanguinem, procul dubio aliqui vsque ad sanguinem. Qui vsque ad sanguinem? utique sancti Martyres, de quibus lectio S. Iacobi Apostoli. Omne gaudium existimate fratres mei, cum in varias tentationes incideritis. Perfectus iam dicitur, qui etiam possunt dicere, Proba me; Domine & tenta me. Scientes, inquit, quia tribulatio patientiam operatur, patientia autem opus perfectum habet. Quid addi potest, ut opus perfectum habeatur? Hæc ille. Atque hæc perfectio maximè requiritur in Episcopis aliisque Dominici, gregis pastoribus. Bonus enim pastor, teste Pastorum principe, animam suam ponit pro ouibus suis.

C A P V T V.

De medijs ad perfectionem obtinendam idoneis

Psal. 110. 10.
Prou. 1. 7.
Eccli. 1. 20.

C. c. 39 & 43.

B. ferm. 5. 5.

Prou. 28. 14.

2. Cor. 6. 1.

Ioa. 15. 5.

Ioa. 5. 14.

PRIMUM medium est Timor Domini. Timor enim Domini initium est sapientia, teste Dauide & Salomone. Imò plenitudo sapientia est timere Deum, ait Syracides. Quid verò aliud plenitudo sapientia, nisi perfectio? Hoc medium præscripsit Cassianus institutionum suarum libro 4. Principium nostra salutis, inquit, eiusdemque custodia timor Domini est. Per hunc enim & initium conuersionis, & vitiorum purgatio, & virtutum custodia his qui imbuuntur ad viam perfectionis acquiritur. Qui cum penetraverit hominis mentem contemptum rerum omnium parit, obliuionem parentum, mundi que ipsius gignit horrorem, Et S. Bernardus in Cantica. In veritate didici nil a què efficax esse ad gratiam promerendam, retinendam, recuperandam, quam si omni tempore coram Deo inueniaris, non altum sapere, sed time-re. Beatus homo qui semper est pauidus. Time ergo cum arriserit gratia, time cum abierit time, cum denuo reuertetur, & hoc est semper pauidum esse. Cum adest, time ne digne opereris ex ea. Nā hoc monet Apostolus. Videte inquit, ne in vanum gratiam Dei recipiatis. Quid si recesserit? Plane multo magis tunc timendum, quia ubi deficit tibi gratia, deficiis tu. Audi etenim quid gratia dator dicat. Sine me, ait, nihil potestis facere. Time ergo subtrahat gratia, tanquam mox casurus. Time & contremisce Deo tibi, ut sentis, irato. Iam si gratia repropitiata redierit, multo amplius timendum, ne forte contingat reciduum peccati, iuxta illud in Euangelio. Ecce sanus factus es, vade & iam amplius noli peccare, ne aliquid deterius tibi contingat. Beatus es, si cor tuum triplici isto timore repleueris, ut timeas quidem pro accepta gratia, amplius pro amissa, longè plus pro recuperata. Hoc fac & eris hydria in Christi conuiuio impleta vsque ad summum, continens nimirum metretas, non binas tantum, sed & ternas ut Christi

Christi
perfect
more
meritCastit
annes
carnis
carnis
bia vit
tio no
adole
Vade,
Hiero
nuntu
ad per
charit
pum,
motif
vitæ C
lo 18.
ctionecitato
que, lu
morem
tram,
tatis,
fectos
sentia
quod p
le) &
quom
Et H
perfe
esse per
stola
seipsos
Apos

Christi merearis benedictionem, qui aquas tuas conuertat in vinum letitiæ, & perfecta charitas foras mittat timorem. Quoniam autem Cassianus extimore Dei, dixit oriri omnium rerum, totiusq; mundi contemptum, merito secundo loco subiicimus pro medio renunciationem seculi.

II. MEDIUM est renunctio seculi per vota tria Paupertatis, Castitatis, & Obedientiæ, qualis fieri solet à Religiosis. Nam vt S. Iohannes in prima epistola monet, *Omnis quod est in mundo concupiscentia carnis est, & concupiscentia oculorum, & superbia vitæ.* Concupiscentia carnis tollitur per votum castitatis, oculorum per paupertatis, superbia vitæ per votum obedientiæ & subiectionis. Hæc autem renunctio non sub præceptum, sed consilium tantum cadit. Vnde Christus adolescenti, qui præcepta omnia seruauit, dixit, *Si vis perfectus esse: Vade, vende quæ habes, & da pauperibus.* Semper enim grandia, inquit S. Hieronymus ad Pammachium, de obitu Paulinæ, *in audientium ponuntur arbitrio.* Sensus autem verborum Christi est. Si vis compendio ad perfectionem, quæ consistit in intima cum Deo coniunctione per charitatem, peruenire, amplectere hoc medium renunctationis opum, honorum & voluptatum huius mundi, propriæq; voluntatis, remotisq; his impedimentis viam planissimam aperueris ad summam vitæ Christianæ perfectionem. Vade S. Thomas Aquinas in opusculo 18. *paupertas, inquit, non tam perfectio censenda est, quam via ad perfectionem.*

III. Medium est humilitas. Nam, inquit idem Cassianus loco citato, *contemptu ac priuatione facultatum omnium humilitas acquiritur, quæ, subdit, cum fuerit in veritate possessa confestim te ad charitatem, quæ timorem non habet, gradu excellentiore perducet.* Huc collineant dicta Patrum, qui ex verbis Apostoli in epistola ad Philippenses non semel citatis, colligunt perfectorum proprium esse agnoscere se non esse perfectos. Chrysostomus exponens illud. *Quotquot igitur perfecti sumus hoc sentiamus.* Quid? inquit, nempe quod oporteat, quæ à tergo sunt oblinisci, quod perfecti sit non putare seipsum esse perfectum. Quomodo ergo dicis (Paulo) *Quotquot perfecti sumus?* Si enim non accepisti, neq; perfectus factus es, quomodo perfectos iubes sentire, quod tu sentis, quum nondum perfectus sis? Et Hieronymus aduersus Pelagianos. *Hæc est hominis vera Sapientia imperfectum se nosse.* Et Augustinus in psalmum 38. *Aliter ergo hic non potes esse perfectus, nisi scias hic te non posse esse perfectum.* Adde Basilium in epistola ad Neocæsarianos dicentem, *quod perfectorum hoc est proprium, ut seipsos non extollant.*

IV. est Studium & conatus in dies proficiendi. Hoc utebatur Apostolus, vt tandem perueniret ad perfectionem: cum enim negasset se

set se esse perfectum. *Vnam autem, inquit, qua quidem retro sunt obliuiscens ad ea verò, qua sunt priora extendens meipsum ad destinatum persequor, ad brauium supernae vocationis Dei in Christo Iesu.* Ad quæ verba apud Hieronymum libro allegato respiciens Atticus, cum Critobulus rogasset. *Quomodo ad perfectionem diuinus sermo prouocat? respondit. Hac ratione qua dixi, ut secundum vires nostras unusquisq; nostrorum quantum valuerit extendatur si quo modo possit peruenire & comprehendere brauium supernae vocationis.* Quomodo autem nos extendamus exponit Chrysostomus ibidem in epistolam ad Philippenſes. *Extendens, inquit, is est, qui pedes tanquam currentes reliquo corpore anteuertere studens, seipsum in ea, quæ à fronte sunt, extendit, & manus quoq; protendit, ut etiam amplius quiddam ultra cursum efficiat.* Hoc verò fit ex multa animi alacritate, ex multo seruire. Ita oportet currentem currere, cum tanto studio, cum tanta alacritate, non pigre. Hoc medium tanti fecit S. BERNARDVS vt nomenclaturam perfectionis illi tribuerit. *Indefessum proficiendi studium, & ingis, scribit ad Abbatem Guarinum conatus ad perfectionem, perfectio reputatur.* Quod si studere perfectioni, esse perfectum est, profecto nolle proficere deficere est. Vbi sunt ergo, qui dicere solent sufficit nobis, nolumus esse meliores, quam Patres nostri!

V. Mortificatio affectuum, perturbationumq; animi. Et hoc inter media ad perfectionem obtinendam opportuna retulit in libro de institutis renunciantium CASSIANVS. *Audi, ait, paucis ordinem, per quem ascendere ad perfectionem summam sine villo labore ac difficultate valeas. Principium nostræ salutis sapientiæq; secundum Scripturas timor Domini est: De timore Domini nascitur compunctio salutaris: De compunctione cordis procedit abrenunciatio, id est, nuditas & contemptus omnium facultatum. De nuditate humilitas procreatur. De humilitate mortificatio voluntatum generatur: Mortificatione voluntatum extirpantur atq; marcescunt vniuersa vitia. Expulsione vitiorum virtutes fructificant atq; succrescunt. pullulatione virtutum puritas cordis acquiritur: puritate cordis Apostolica charitatis perfectio possidetur.* Quemadmodum autem mortificare affectus nostros possimus non longe ante his verbis exposuit. *Sicut inquit, crucifixus quis (alludit autem ad Apostoli verba dicentis se esse mundo crucifixum) iam non pro animi sui motu membra sua quam mouendi vel conuertendi habet potestatem, ita & nos voluntates nostras ac nostra desideria, non secundum id quod nobis suauis est, ac delectat ad presens, sed secundum legem Domini, quo nos illa constrinxerit, applicare debemus. Et sicut is qui patibulo crucis affigitur, non iam presentia contemplatur, nec de suis affectionibus cogitat, non pro die crastino cura sollicitudineq; distendi-*

C. hom. 11.

B. ep. 253.

C. lib. 4. c. vlt.

Ib. c. 35.

Gal. 6. 14.

stenditur, nulla possidendi concupiscentia permouetur, nulla superbia, nulla contentione, nulla emulatione succenditur, non de presentibus dolet iniuriis, non prae teritarum iam recordatur. seque cum adhuc spirat in corpore cunctis elementis credit esse defunctum, illuc praemittens sui cordis intuitum, quo se non dubitat ilico transiturum: ita nos quoque timore Domini crucifixos oportet his omnibus, non solum carnalibus vitiis, verum etiam ipsis elementis mortuos esse, illuc habentes oculos animae nostrae defixos, quo nos sperare debemus momentis singulis migraturos. Hoc enim modo mortificatas poterimus universas concupiscentias nostras, & affectus habere carnales. Vnde S. AUGUSTINVS docet incrementum perfectionis vel caritatis aestimari debere secundum maiorem mortificationem affectuum, & subactionem cupiditatum carnalium. Nam in libro 83. quaestionum sic loquitur. *Nutrimētum charitatis est imminutio cupiditatis, perfectio, nulla cupiditas. Quisquis igitur eam nutrire vult instet minuendis cupiditatibus.* A. q. 36.

V I. Expulsio vitiorum; hanc enim CASSIANVS supra mortificationi voluntatum subiecit. Eam saepe inculcat Apostolus, ut ad Romanos. *Vetus, inquit, homo noster simul crucifixus est, ut destruat corpus peccati.* Et ad Corinthios. *Mundemus nos ab omni inquinamento carnis & spiritus perficientes sanctificationem in timore Dei.* Et ad Ephesios. *Deponite vos secundum pristinam conversationem veterem hominem, qui corrumpitur secundum desideria erroris.* Vnde S. BASILIUS de institutione monachorum scribit Christianum, qui ingreditur genus vitae, quod est secundum philosophiam, id est, secundum virtutis perfectionem, vitiosas animi affectiones diuersas, quibus animae infici solet debere ab se segregare. Rom. 6. 6. 1. Cor. 7. 1. Eph 4. 22.

V II. Infitio virtutum, quam & Apostolus expulsionem vitiorum coniunxit, cum enim dixisset de veteri homine exuendo addidit. *Renouamini autem spiritu mentis vestrae, & induite nouum hominem qui secundum Deum creatus est in iustitia & sanctitate veritatis.* Vnde Cassianus collatione 14. *Actualis perfectio dupliciratione subsistit: nam primus eius est modus, ut omnium natura vitiorum & curationis ratio cognoscatur. Secundus, ut vitia discernatur ordo Virtutum earumque perfectione mens nostra formetur, ut illis non iam velut coacta, & quasi violento imperio subdita famuletur, sed tanquam naturalibz bono delectetur, atque pascatur.* Addit ibidem, facilius esse inferere virtutes, quam euellere vitia, ideo fortasse, quia vitia plura sunt, quam virtutes, & natura corrupta quasi cognata, virtutes autem extraneae: aut etiam quia idem labor & industria, quae in vitiis conuellendis ponitur, virtutibus inferendis inseruit. Haec duo media, nempe fugam vitiorum, & infitionem virtutum si coniungas efficies puritatem cordis, quam illis Eph 4. 23. Col. 3. 10. C. c. 3.

proxime subiecit Cassianus; itaque nihil opus est de ea figillatim dicere.

A. conc. 17.

Id. c. 3. & 4.

Id. c. 26.

Psal. 5. 5.

Psal. 38. 4.

Psal. 118. 18.

Ib. 34.

2. Cor. 4. 18.

B. q. 5.

IIIX. Medium fit Oratio, cum enim perfectio in charitate sit eximium Dei donum, atque adeo omnium nobilissimum, mirum non est, quod ad illud impetrandum oratione opus habeamus. Vnde S. Augustinus in psalmum 118. scribens *Cui*, ait, *donatur à Deo charitas Dei, & propter Deum charitas proximi profecto instanter orare debet, quo tantum sibi augeatur hoc donum, ut non solum pro illo contemnat delectationes ceteras, sed etiam quaslibet perferat passiones.* Et libro 8. confessionum. *Hei mihi quam excelsus es in profundis, nunquam recedis, & vix redimus ad te. Age Domine, & fac, excita & reuoca nos: accende & rape: flagra & dulcesce: iam amemus & curramus.* Et libro de natura & gratia. *Sicut oculus corporis etiam plenissime sanus nisi candore lucis adiutus non potest cernere, sit homo etiam perfectissime iustificatus, nisi aeterna luce iustitia diuinitus adiunetur, recte non potest viuere.*

IX. Meditatio crebra rerum diuinarum, de qua loquebatur rex Dauid cum diceret. *Mane astabo tibi & videbo*, vel ut legit Augustinus, *contemplabor.* Et *In meditatione mea exardescet ignis.* Et. *Reuela oculos meos, & considerabo mirabilia de lege tua.* Et. *Da mihi intellectum, & scrutabor legem tuam.* Et S. Paulus in altera ad Corinthios. *Non contemplantibus nobis quae videntur, sed quae non videntur. Quae enim videntur temporalia sunt, quae autem non videntur aeterna.* De quo medio ita scribit S. Basilii in regulis fusius disputatis, ad eos qui seculo renuntiarant. *Omni custodia custodiendum fuerit cor nostrum, neque patier dum, ut assidua de Deo cogitatio ex animis nostris elabatur, neue eorum, quae mirabiliter ab eis facta sunt, memoria contaminetur per fuitiles & euandas cogitationes: contraque illud agendum assidue, ut ex purissima ac perpetua recordatione impressam in animis nostris pietatem de Deo cogitationem, velut indelebile aliquod signum circumferamus. Siquidem haec est ratio per quam erga Deum acquiri charitas consuevit, quae simul cum ad conficienda Dei mandata nos excitet, tum vicissim quoque ab ipsis ipsa ad perpetuitatem stabilis conseruetur.*

C. c. 11. coll. 2.

Deut. 32. 7.

Eccli. 7. 12.

X. & postremum medium est, Vti Duce & Magistro, qui viam perfectionis ostendat. Cum enim omnes artes ac disciplinae, ait Cassianus, humano ingenio recte, quae nihil amplius, quam huius vita commodis profunt, recte tamen à quoquam sine instituentis doctrina nequeant comprehendi, quam ineptum est credere, hanc solam non egere doctore, quae & inuisibilis & occulta est, & quae non nisi corde purissimo peruidetur: cuius error non temerale damnum nec quod facile reparetur, sed animae perditionem parit, mortemque perpetuam? Spiritus sancti certe haec sunt salutaria monita ad nos. Interroga Patrem tuum & annuntiabit tibi, maiores tuos, & dicent tibi. Et. Cum viro

viro irreligioso tracta de sanctitate, & cum iniusto de iustitia, &c. Sed cum viro sancto assiduus esto, quemcumque cognoueris observantem timorem Dei. Anima viri sancti enantiat aliquando vitam, quam septem circumspectores sedentes in excelso ad speculandum. Et S. Paulus ad Romanos. Non plus sapere, quam oportet sapere, sed sapere ad sobrietatem. Nolite esse prudentes apud vosmetipsos. Vnde S. Basilius in Isaiam. Intolerabilis est superbia argumentum existimare se nullius egere consilio, sed sibi uni attentum esse, quasi solus possit sibi consilio decernere quæ optima sunt. S. Ambrosius de Officiis libro primo. Si hi qui sunt ignari locorum cum solertibus viarum iter adoriri gestiunt, quanto magis adolescentes cum senibus debent novum sibi iter vite aggredi, quo minus errare possint, & à vero tramite virtutis deflectere. S. Hieronymus ad Rusticum monachum. Mihi quidem placet, ut habeas Sanctorum contubernium, nec ipse te doceas, & absque doctore ingrediaris viam, quam nunquam ingressus es. Et S. Bernardus ad Ogerium. Qui se sibi magistrum constituit, stulto se discipulum subdit. Plura in PANARIO requite V. Iudicium proprium.

Rom. 12. 16.

B. in c. 1.

A. c. 42.

H. ep. 4.

B. ep. 87.

VIDE V. Abnegatio. Charitas Dei & proximi. Conscientia examen. Contemplatio. Familiaritas cum Deo. Martyrium. Oblatio sui. Profectus spiritualis. Sapientia. Virtus.

PERSEVERANTIA.

VIDE V. Inconstantia. in PANARIO.

PIETAS IN
DEVM.

VIDE V. Religio.



PIETAS

in Parentes.

CAPVT I.

Quid nomine pietatis intelligatur.

A.C.L.

PIVS vocis significationem accuratè tradit S. Augustinus libro decimo de ciuitate Dei. *Pietas*, inquit, propriè Dei cultus intelligi solet quam Græci *εὐσεβείαν* vocant. Hactamen & erga parentes officiosè haberi dicitur. More autem vulgi hoc nomen etiam in operibus misericordie frequentatur, quod ideo arbitror euenisse, quia hæc fieri præcipue DEVS mandat, eaque sibi vel pro sacrificiis vel pro sacrificiis placere testatur. Nos de secunda vocis significatione hic agemus, quam M. T. Cicero in Somnio Scipionis vsurpauit, dum ait. *Cole pietatem, quæ cum sit magna in parentibus & propinquis, tum in patriam maxima est.* Sic autem agemus de pietate filiorum erga parentes, vt adiungamus etiam (quoniam eiusdem argumenti est) de pietate parentum ergo filios.

Exo. 20. 12.

Deu. 5. 16.

Prou. 23. 22.

Eccli. 3. 6.

Tob. 4. 3.
Matt. 19. 19.

Col. 3. 20.

HANC pietatem alioquin natura consentaneam imperauit nobis Deus in quarto Decalogi præcepto, vt cum dixit in exodo. *Honora patrem tuum & matrem tuam, vt sis longæuus super terram, quam Dominus Deus tuus dabit tibi.* Et in Deuteronomio. *Honora patrem tuum & matrem tuam, sicut præcepit tibi Dominus Deus tuus, vt longo viuas tempore & bene sit tibi.* Et in Prouerbiis Salomonis. *Audi patrem tuum qui genuit te, & ne contemnas eum senuerit mater tua.* Et *Gaudeat pater tuus & mater tua, exultet quæ genuit te.* Et apud Ecclesiasticum. *Qui honorat patrem suum, vita viuet longiore, & qui obedit patri, refrigerabit matrem.* Et apud Tobiam. *Honorẽ habebis matri tuæ omnibus diebus vite eius.* Et Christus ad iuuenem diuitem inter mandata seruanda, *Honora, inquit, patrem tuum & matrem tuam. Diliges proximum sicut teipsum.* Et Paulus ad Ephesios. *Filii obedite parentibus vestris in Domino, hoc enim iustum est. Honora patrem tuum & matrem tuam quod est mandatum in promissione, vt bene sit tibi & sis longæuus super terram.* Et ad Colossenses. *Filii obedite, parentibus per omnia: hoc enim placitum est in Domino.*

NA-

NATURA eandem pietatem docuit Ethnicos. Pythagoræ dictum est. *Parentes honora, & qui genere tibi proximisunt.* Et PITTACI vnius è 7. Sapientibus. *Parentes venerare.* PLATO in libris de legibus. *Existimandum est nullum a. ad Deos magis honorandum simulachrum nos habere debere, quam patres & avos senio confectos, matresque simul, quibus honoratis DEVS gaudet.* EVRIPIDES in Hercule. *Nihil est tam honorificum liberis, quam debitum honorem parentibus offerre.* ARISTOTELES octavo Ethicorum. *Natura pater filiorum, & avi nepotum, & rex eorum quibus praesidet imperium obtinet.* ha autem amicitia in excellentia consistunt, quapropter & honorantur ipsi parentes. Et 8. Topicorum. *Qui dubitat, num oporteat Deos venerari, aut parentes honorare, non eget ratione sed pœna.* Marcus Tullius primo de officiis. *Si comparatio fiat, quibus plurimum tribuendum sit officii, principes sunt, patria, & parentes, quorum beneficiis maximè obligati sumus: proximi liberi, totaque domus.* Et post reditum ad Senatum. *Parentes carissimos habere debemus, quod ab his vita, patrimonium, libertas, ciuitas tradita est.* Et de aruspicum responsis. *Parentibus nos primum natura conciliat.*

A. C. 13.

CAPVT II.

Quæ pietatis officia filij debeant parentibus.

FILII parentibus debent primo officium honoris & reuerentiæ, ut liquet ex testimoniis scripturæ allatis. Debent autem, verbo, ore & opere. Vnde Ecclesiasticus. *In opere & sermone, & omni patientia honora patrem tuum.* S. Hieronymus tractans verba illa. *Honora patrē & matrē.* Primus gradus pietatis est, iste inquit, ut quos auctores sibi voluit esse Deus, honores obsequiis, abstineas cōtumeliis, sed nec vultu ladenda est pietas parentum, meretur cecitatis subire supplicium, qui parentū vultus toruo visus despexerit. Et S. Ambrosius libro 8. in Lucam. *Honora tuos parentes, quia suos Dei filius honoravit: legisti enim. Et erat subditus illis. Si DEVS seruulis, quem admodū tu parentibus.* Honorabat igitur Ioseph & Mariā Christus non natura debito, sed pietatis officio. *Honora ergo & tu parentes.* Et lib. primo de officiis. *Est honorum adolescentium timorem Dei habere, & deferre parentib. honorem, habere senioribus reuerentiam.* Ut n. in senib. grauitas, in iuuenibus alacritas, ita, in adolescentibus verecundia velut quadam dote cōmendatur naturæ; Erat Isaac Deum timens, utpote Abrahæ indoles, honorem deferens patrī vsque eo, ut aduersus paternam voluntatem nec mortem recus-

Ecclesi. 3. 9.

A. C. 17.

Luc. 2. 51.

A. C. 17.

re cusa-

Gen. 22.

recusaret. Cyrillus Alexandrinus libro 4. in Genesin. *Qui rectam viam sequi voluerint mirum in modum proficient, si didicerint nullam rem excellentiorem fore quam pietatem filiorum, observantiamque in suos parentes. Quod autem parentes res sanctissima inter omnes nationes habeatur, lex quoque diuina plane docebit: quae cum iussisset Deum unum ex toto animo, et tota corde oportere diligere, hoc etiam addidit. Honorare patrem tuum & matrem tuam, ut bene tibi sit. Parentes enim imaginem Dei quodammodo gerunt.*

Leuit. 19. 3.

Ib. 19.

B. hom. 9.

II. Debent officium timoris, & amoris, sed magis amoris. Nam Leuitici 19. dicitur. *Vnusquisque patrem suum & matrem suam timeat. Et. Diliges amicum tuum sicut teipsum, dicit Dominus, at quis filius amiciores esse debet parentibus? De hoc officio ita differit S. Bas. in hexamero. Vos porro filij amate & colite parentes. Vos parentes nolite ad iracundiam filios prouocare. Nunquid & natura ea non dicit? Nihil novi dixit Paulus dicit, sed natura vincula vincit, in superque praestringit. Nam vade sit, ut in obuium quidem tam copioso numeroque grege est abulis exiliens agnus matris sua continuo percipiat vocem, ad eam properet, atque lactis fontes proprios recta petat, papillisque maternis contentus sit, etiamsi perparum habeant succi praeeritis haud paucis uberibus lacte distentis? Quin mater ipsa inter tam multos agnos cum inter noscit ut proprium? S. Hier. ad Theophilum aduersus errores Ioh. Hierosolymitani. Amari parus debet. Amari parens & Episcopus debet, non timeri. Antiqua sententia est. Quem metuit quis, odit; quem odit, perire cupit. Vnde in nostris literis cum initia paruulorum in timore consistant, perfecta dilectio foras mittit timorem. S. Ambrosius in psalmum 118. Naturam interroga, (inquit Christus) quid exegerim, quae vrique auctoris arbitrium genitalem singularum necessitudinum testatur affectu. Amare parentes filios lex natura est. Diligere fratres natura praerogativa est, quae eodem domicilio diuinos affuefecit ad gratiam charitatis. S. Gregorius in psalmos poenitentiales. Filii Ecclesiae in hoc quod Deum toto corde diligunt, patrem se Deum habere euidenter ostendunt. Filiorum enim est diligere, non timere. Huc tendit illud Terentii in Adelphis.*

H. ep. 62.

A. ferm. 15.

G. in 4. psal.

Hoc patrium est potius consuefacere filium,

Sua sponte recte facere, quam alieno metu.

Hoc Pater ac Dominus interest: hoc qui nequit,

Fateatur se nescire imperare liberis.

Et CICERO, post reditum ad Senarum. Parentes charissimos habere debemus, quod ab his vita, patrimonium, libertas, ciuitas tradita est. Et pro Cluentio. Nullum est nomen amantius, indulgentiusque quam matrum. Cenebra libro tertio de beneficiis. Parentes suos non amare impicit est, non agnoscere infamia.

S. C. I.

III. De-

quae
fecit
Don
dictu
tibus
tibus,
ea faci
nati su
traria
rique
Domini
dieba
nus, q
velut
erat su

miatu
signifi
tres, v
sed etia
ferre pr
sumes i
Sinon p
Matth
ferendis
quit Ap
in alio l
bo & do
consider
tes suos
tere doct
& c. De
honorap
les eum
tute tua
male fan
ma rem.
Si quis su

III. Debent iis officium parendi & obsequendi in omnibus, quæ voluntati diuinæ non repugnant. Idcirco Apostolus commonefecit tam Ephesios, quam Colossenses, ut filii parentibus obedirent in Domino. Vnde S. Hieron. in epistolam ad Ephesios. *Ambiguè, inquit dictum. Vtrum in Domino parentibus suis filii debeant obedire, an certe parentibus suis filii obediant in Domino. Quod utrumq; faciendum, ut in his parentibus, qui nos in Domino genuere, qualis fuit Paulus & Apostoli obediamus, & ea faciamus quæcunq; receperint: & parentibus de quibus secundum carnem nati sumus, obtemperemus in Domino, impletes ea quæ non sunt Domini contraria voluntati. Sapiens, & modum, quo perfectè officium hoc præstare queat insinuat, dum ait. Qui timet Dominum honorat parentes, & quasi Dominis seruiet his qui se genuerunt.* Sic teste Petro Apostolo, Sara obediebat quondam Abraham, *Dominum eum vocans.* Sic Christus Dominus, qui venerat ut in forma serui ministraret, & non ministraretur, velut seruus fuit quoq; subditus parentibus suis, nam Lucas dicit. *Et erat subditus illis.*

Eph. 6.2.
Col. 3.20.
H. lib. 3. com. 20.

Eccli. 3.8.

1. Pet. 3.6.

Luc. 2.51.

IV. Debent iis officium subministrandi omnia ad victum & amicum necessaria, cum iis fuerint destituti, id enim verbo *honorandi* significari in præcepto Decalogi, ex ipsa Scriptura probant sancti Patres, ut S. Ambrosius in Lucam. *Est autem honor non solum honorificentia, sed etiam largitatis. Viduas honora, quæ veræ viduæ sunt. Honor enim est deferre pro meritis. Pasce patrem tuum, pasce matrem tuam. O fili, quantum tibi sumes iudicium, si non pascas parentem? Illi debes, quod habes, cui debes quod es. Si non propter gratiam & salutem propter verecundiam pasce.* S. Hieron. in Matthæum. *Honor in Scripturis non tantum in salutationibus & officiis deferendis, quantum in eleemosynis, ac munerum oblatione sentitur. Honora, inquit Apostolus, viduas quæ veræ viduæ sunt. hic honor donum intelligitur. Et in alio loco. Presbyteri duplici honore honorandi, maxime qui laborant in verbo & doctrina Dei. Præceperat Dominus, vel ætates, vel penurias parentum considerans, ut filii honorarent, etiam in vitæ necessariis ministrandis parentes suos. Hanc prouidentissimam Dei legem volentes scribere & Pharisei subvertere docuerunt pessimos filios, ut quæ parentibus erant offerenda, Deo vouerent, &c. Deinde ecclesiasticus. In opere, inquit, & sermone, & omni patientia honora patrem tuum. Et iterum. Fili suscipe senectutem patris tui, & non contristes eum in vitâ illius, & si defecerit sensu, veniam da, & ne spernas eum in virtute tua: Eleemosyna enim patris non erit in obliuione. Et rursus. Quam male fame est, qui derelinquit patrem, & est maledictus à Deo, qui exasperat matrem. Præterea Apostolus in priore ad Timotheum ita loquitur. Si quis suorum, & maxime domesticorum curam non habet, fidem negauit, &*

A. lib. 8. c. 17.

1. Tim. 5.3.

H. lib. 2. c. 15.

1. Tim. 5.3.

Ib. v. 17.

Matt. 23.5.

Eccli. 3.9.

Ib. 12.

Ib. 18.

1. Tim. 5. & 8.

Ioan. 19. 27.

A. c. 19. 10.

1. Tim. 5. 2.

S. lib. 3. de be-
nef. c. 38.R. hom. 8.
A. lib. 5. c. 16.

est infideli deterior. Qui autem magis sui, & domestici cenferi debent liberis, quam parentes? Deniq; habemus exemplum Christi Domini, qui de cruce matrem suam commendauit Ioanni Euangelistæ. Deinde, inquit Ioannes, dicit discipulo. Ecce mater tua. Et ex illa hora accepit eam discipulus in sua. Quæ verba expendens S. Augustinus tractatu 119. in Ioannem. Exemplo, ait, suo suos ministros instruxit præceptor bonus, ut à filiis piis impendatur cura parentibus, tanquam lignum illud, ubi erant fixa membra morientis etiam cathedra fuerit magistri docentis. Ex hac sana doctrina didicerat Paulus Apostolus, quod docebat, quando dicebat. Si quis autem suis, & maximè domesticis non prouidet, fidem negauit, & est infideli deterior. Quid autem tam cuiq; domesticum quam parentes filiis, aut parentibus filiis? Huius itaq; celeberrimi præcepti ipse magister sanctorum de seipso constituēbat exemplum, quando non ut famule Deus, quam creauerat & regebat, sed ut matri homo, de qua creatus fuerat, & quam relinquebat alterum pro se quodammodo filium prouidebat. Nam cur hoc fecerit, quod sequitur, indicat. Ait enim Euangelista. Ex illa hora accepit eam discipulus in sua, non prædica, quæ nulla propria possidebat, sed officia, quæ propria dispensatione exequenda curabat. Huc usq; Augustinus. Addam hic hominis Ethnici nunquam satis laudatam de hoc argumento sententiam, nempe SENECAE, qui disputans, possintnè liberi parem reddere pro beneficiis acceptis gratiam, tandem concludit. Nulla vi verborum, nulla ingenij facultate exprimi potest, quantum opus sit, quam laudabile, quamq; nunquam à memoria hominum exituram, posse hoc dicere. Parentibus meis parui, cessi: imperio eorum, siue æquum siue iniquum fuit obsequentem, submissamq; me præbui: ad hoc unum contumax fui, ne beneficiis vinceret. Certate obsecro vos, & fusi quoq; restituite aciem. Felices, qui vicerint, felices qui vincuntur. Quid eo adolescente præclarior, qui sibi ipsi dicere potuit, neq; enim fas est alieri dicere. Parentem meum beneficiis vici? Quid eo fortunatior sene cui omnibus ubiq; prædicabit, à filio suo se beneficiis victum. Quid autem est felicius, quam sibi cedere?

S. Basilius quoq; & ex eo S. Ambrosius in hexametro suo ad pueri defaciendos filios ingratos, qui necessaria subsidia parentibus senio grauatis subtrahunt, ita scribunt. Quam verò, ait Ambrosius, rationalium excedat pietatem ac prudentiam Ciconia clementia, considerandum. Nam depositi patris artus per longæum senectutis plumarum tegmine alarumque remigio nudatos circumstans soboles pennis propriis fouet. Et quid dicam? collatitio cibo pascit, quando etiam ipsa reparat natura dispendia, ut hinc atque inde subleuant senem fulcro alarum suarum ad volandum exerceant & in pristinos vsus desueta iam, renouent pueri patris membra?

bra? Quis nostrum leuare agrum non fastidiat patrem? Quis fessum senem suis humeris imponat, quod in ipsa historia vix credibile habetur? Quis, ut pius sit, non hoc seruulis mandat obsequium? At verò auibz non est graue, quod pietatis est plenum, non est onerosum, quod soluitur natura debito. Est enim vectura pietatis, quod eo vsque frequenti testificatione percrebuit, ut congrua mercedem remunerationis inuenerit. Nam Romanorum vsupia auis vocatur. Habet etiam vniuersorum suffragia: nam retributio beneficiorum ἀντιδότης vocatur. πένανθι enim ciconia dicitur. Virtus itaq; ab his nomen accepit, cum relatio gratiarum ciconia vocabulo nuncupatur.

CAPVT III.

Cur liberi hac officia debeant parentibus.

QVOD liberi hac omnia officia debeant parentibus perspicuum est, nempe ob multa & magna beneficia ab illis accepta. Vnde Apostolus. Filii, inquit, obedite parentibus uestris in Domino. hoc enim iustum est. 2. quia Deus ita praecepit. Vnde idem Apostolus ad Colossenses. Filii, obedite parentibus per omnia, hoc enim placitum est in Domino, id est, praecepit Dominus, ait Theodoretus. Et Syracides. Ib. Deus honorauit Patrem in filiis, & iudicium matris exquirens firmavit in filios. Honorauit autem, quia filiis praecepit, vt honore afficerent patrem: iudicium verò matris firmavit, quia iussa matris suo praeceptorata fecit. Quare & mox subiecit. Qui timet Dominum, honorat parentes. Beneficia autem parentum scriptura non reticuit, nam cum Tob. 4.3. Tobias filio dixisset. Honorem habebis matri tuae omnibus diebus vitae eius, addit. Memore enim esse debes, quae & quanta pericula passa sit propter te in utero suo. Non tacuerunt S. Patres. Sanctus Ambrosius in Lucam. Disce, quid parentibus tuis debeas. Tu matri debes pudoris iniuriam, & virginitatis dispendium, partus periculum, matri longa fastidia, discrimina, cui misera in ipsis votorum fructibus maius periculum est, & cum ediderit, quod optauit, partu absoluitur, non timore. Quid anxios patres loquar pro filiorum profectu multiplicatos alienis vsibus census, iactaque agricolae semina posterorum aetatibus profutura? Nonne pro his obsequia saltem oportet rependi? Et infra. Pasce matrem tuam. cisi pauperis matrem, adhuc non reddi-

reddidisti dolores, non reddidisti cruciatus, quos pro te passus es, non reddidisti obsequia, quibus illa te gestauit, non reddidisti alimenta, quae tribuit tenero pietatis affectu, immulgens labris tuis verba: non reddidisti famem, quam illa pro te tolerauit, ne quid quod tibi noxiu[m] esset, ederet, ne quid quod lacti noceret, hauriret. Tibi illa ieiunauit, tibi manducauit, tibi illa quem voluit cibum non accepit, tibi quem noluit cibum sumpsit, tibi vigilauit, tibi fleuit, & tu illam egere pateris?

Exo. 21. 15.

Leu. 20. 9.

Deu. 21. 18.

Ib. c. 27.

Prou. 20. 20.

Ib. 28. 24.

Ib. 30. 17.

Eccli. 3. 18.

A. 18. in Lucam.

Cap. 17.

TERTIO debent haec officia parentibus, quia Deus ea praecepit serio, id est, adiuncta comminatione grauissima si secus faciant, eos non audiendo, non honorando, non pascendo, sed contemnendo, dedecore vel morte afficiendo. Qui de re multa habes in diuinis litteris, ut in Exodo. Qui percusserit patrem suum aut matrem, morte moriatur. Qui maledixerit patri suo vel matri morte moriatur. Et in Leuitico. Qui maledixerit patri suo, aut matri, morte moriatur. Patri matriq[ue], qui maledixerit, sanguis eius sit super eum. Et in Deuteronomio. Si genuerit homin[em] contumacem & proteruum, qui non audierit patris ac matris imperium, ducent ad seniores ciuitatis, dicentq[ue] ad eos. Filius noster iste proteruus & contumax est, monita nostra audire contemnit, comessationibus vacat, & luxuria atq[ue] conuiujs, lapidibus eum obruet populus ciuitatis, & morietur, ut auferatis malum de medio vestri, & vniuersus Israel audiens, pertimescat. Et iterum. Maledictus qui non honorat patrem suum & matrem. & dicit omnis populus, Amen. Deinde in Salomonis Prouerbijs. Qui maledicit patri suo & matri, extinguetur lucerna eius in medijs tenebris. Et. Qui subtrahit aliquid a patre suo, & a matre, & dicit, hoc non esse peccatum, particeps homicidae est. Et. Oculum, qui subsannat patrem, & qui despicit partum matris suae, effodiant eum corui de torrentibus, & comedant eum filii aquilae. Et in Ecclesiastico. Quam mala fama est qui derelinquit patrem, & est maledictus a Deo, qui exasperat matrem? Vnde **S. AMBROSIVS** loco supra citato. Honora patrem tuum & matrem tuam. Primus enim gradus iste pietatis est: namq[ue] hos auctores tibi esse voluit Deus. Honora obsequijs, ut abstineas a contumelijs, quia ne vultu quidem laedenda est pietas parentum. Sed parum est non laedere, quia lex prospexit ne patiantur iniuriam. Qui enim maledixerit patri vel matri morte morietur. Tu honora, ut bonus sis.

aliud est legis beneficium, aliud pietatis officium.

Ethnicorum dicta praeter-

mitto.

CAP.

CAPVT IV.

Quantus fructus ex his officiis in liberos dimanet.

PRIMUM fructum Deus ipse præcepto de honorandis parentibus adiunxit in Deuteronomio, dicens. *Honor a patre matrem, sicut præcepit tibi Dominus Deus tuus, ut longo viuas tempore, & bene sit tibi.* Et repetiuit S. Paulus. *Honora, &c.* quod est mandatum primum in promissione, ut bene sit tibi, & sis longæuus super terram. Vbi hoc mandatum primum dicitur in promissione, ut habet commentarius S. Ambrosii, & Augustini, vel quia primum est in secunda Decalogi tabula, habetq; promissionem illam. *Ut bene sit tibi, &c.* Vel quia cum sæpe in Scriptura promittatur longæuitas mandata Dei præstantibus, ea tamen primo promittitur honorantibus parentes, idq; rectè. Nam cum homines soleant ex operibus suis fructum & utilitatem quærere, ex parentibus autem declinantibus ad mortem non videatur magna speranda utilitas, ideo Dominus Deus voluit aliquid promittere honorantibus parentes, nempe longam vitam, eo quod gratus super accepto beneficio, dignus est cui acceptum beneficium conseruetur, ingratus autem acceptum beneficium meretur perdere. Quod beneficium cum filio sit vita, quam à parentibus accepit, iustum est, ut si honorando parentes gratum se præbuerit, vita ei conseruetur, hoc est, diu viuat. Nec solum longam vitam promittit Dominus, sed ut bene sit tibi, inquit, hoc est, ut felicem & iucundam ducas vitam. omnia enim quæ ad vsum huius vitæ pertinent promittuntur honoranti parentes, ut sunt honor, dignitas, opes, lætitiæ & successus ex animi sententia. Vnde Sapiens. *Audi fili mi disciplinam patris tui, & ne dimittas legem matris tue, ut addatur gratia capiti tuo, & torques collo tuo.* Dices, multos morigeros citò mori, & immorigeros diu viuere. Respondeo iuxta doctrinam S. Augustini libro primo de ciuitate Dei, non ideo falsam reddi Dei promissionem, quia si morigeris eam non præstet in hac vita, abunde compensabit in altera: sicut nemo violatæ promissionis eum arguerit, qui cum ceruissiam promiserit, postea dat eius loco vinum. Subiiciã memorabile exemplum ex S. Bernardino de adolescente cui ob inobedientiam vita abbreviata est. *Nostra ætate, ait, in Hispania citerioris oppido cui nomẽ Sui, non ita procul Valentia adolescens fuit, qui per parentum inobedientiam eo deuenerat ut anno 18. propter latrocinia & publica facinora in vincula coniectus, & suspendio damnatus sit. Erat etiam tũ*

Deut. 5. 16.

Eph. 6. 1.

Amb. in ep. ad

Eph.

Aug. l. de ro.

chordia.

Prou. 1. 9.

c. 2.

prorsus imberbis. pendēti verò iam atq; exanimi subito prorumpit barba moxq;
spectante populo, tum illa tum comæ capitis plane canescunt, ut ætatem referret
hominis nonagenarij. Miraculo rei accitus cum populo & toto clero accurrit
Episcopus. Omnes in genua prostrati expectant, dum ostendat Deus, quid sibi
monstrum hoc velit. Atque ecce tibi Episcopus editiorem capiens tumultum, ad
omnes ait. Voluisse Deum ostendere, quantum de vitæ iis detrahat, qui de paren-
tum obedientia detraxerunt, Victurum enim fuisse hunc iuuenem ad eam æ-
tatem, qua iam apparebat in facie, nisi ipsos septuaginta annos parentum ino-
bedientia detraxisset. Ita habet Dominica Quadragesimæ sermone
17. art. 3. c. 1.

COMPLURES alios fructus coaceruat Ecclesiasticus Sicut qui
Ecclesiæ 3. i. iherosoliz. ait, ita & qui honorificat matrem suam hoc est, multa bona
spiritualia & temporalia accumulat 2. Qui honorat patrem suum incun-
dabitur in filiis, & in die orationis suæ exaudietur. hoc est, abundabit libe-
ris, & votorum suorum compos fiet. 3. Qui honorat patrem suum vita vi-
uet longiore. & qui obedit patri refrigerabit matrem, id est, pro doloribus &
curis afficiet gaudio. 4. Honor a patre tuum ut superueniat tibi benedictio
ab eo & benedictio illius in nouissimo maneat. Benedictio patris firmat domos
filiorum, maledictio autem matris eradicat fundamenta. Qua sententia in-
dicatur, quanti Deus faciat benedictionem, vel maledictionem filio-
rum à parentibus profectam, cum Deo faciente fiat, ut ad benedicti-
onem parentum, filiorum familiæ & res stabiliantur; contra verò ut
ad maledictionem eorundem fundamenta domorum eradicentur.
id est, penitus eorū familiæ evertantur. Id patuit in hac benedictio ab
Isaac. In Ephraim & Manasse, & duodecim patriarchis à Iacob bene-
dictis, & multo antiquius in benedictione & maledictione Noe. S.
Augustinus libro 22. de ciuitate Dei, de 10 filiis à matre maledictis ita
scribit. Decē quidam fratres fuerunt quorum septē sunt mares tres femina de
Cæsarea Cappadociæ suorum ciuium non ignobiles maledicto matris recenti pa-
tris eorum obitu destituta, quæ iniuriam sibi ab eis factam acerbissime talit,
tali pœna sunt diuinitus coerciti, ut horribiliter quaterentur omnes tremore
membrorum. In qua fœdissima specie oculos suorum ciuium non ferentes, qua-
quaversum cuique ire visum est, toto pœna vagabantur orbe Romano. Ex his
etiam ad nos venerunt duo frater & soror, Paulus & Palladia, multis aliis
locis miseria diffamante iam cogniti. Deinde fusè narrat, quomodo ad
memoriam Stephani martyris à tremore liberati sint,
toto populo spectante, & maximo clamorē
Deo & Martyri gratias agente.

* *

CAP.

L
ET
tar
cum di
Apost
stulant
mitte m
trem plu
odit pat
potest me
Colosse
est, cū
exposui
Ambro
dedisti o
impleres
in Euan
cepta? S
patrem,
ipse Chri
odisse di
nus. No
qui plus p
bus, qui
mare,
est, sed m
Sanctus
quit, Pat
copulam,
net. Aud
mum pati
clinasti a

ERGA PARENTES

CAPITULUM V.

*Liberos non semper esse obligatos ad dicta obsequia
prestanda parentibus.*

ET si mandato diuino filii teneantur obsequi parentibus, non tamen tenentur, quotiescunque parentum voluntas repugnat cum diuina voluntate. Oportet enim, Deo magis obedire, ait Petrus cum Apostolis in Actis, quam hominibus. Et Christus cuidam discipulo postulanti, ut prius sepeliret patrem suum, respondit. Sequere me, & mitte mortuos sepelire mortuos suos. Et rursus alibi. Qui amat patrem aut matrem plusquam me, non est me dignus. Et iterum. Si quis venit ad me, & non odit patrem suum & matrem suam, &c. adhuc autem & animam suam, non potest meus esse discipulus. Deinde Apostolus in epistola ad Ephesios & Colossenses, ubi filios iussit obedire parentibus, addit in domino, hoc est, cum mandatum parentum conspirat cum Domini Dei voluntate, ut exposuit S. Hieronymus & Chrysostomus in commentariis. Vnde S. Ambrosius in psalmum 118. Fortasse dicat aliquis. Tu Domine Iesu legem dedisti dicens. Dilige Dominum Deum tuum, dilige proximum tuum: & ut impleres hanc legem venisti. Dixisti per legem. Honora patrem & matrem, & in Euangelio iubes, ut parentes oderim? Quomodo sibi conueniunt ista precepta? Sic mitis & humilis corde venisti? non possum saluo pietatis iure odisse patrem, cui debeo quod creatus sum. Et infra responsum dans ait. Denique ipse Christus in Euangelio euidenter exposuit, quare ratione nostros debeamus odisse dicens. Qui diligit patrem aut matrem, plusquam me, non est me dignus. Non dixit indignos esse, qui parentes suos diligunt, sed eos indignos ait, qui plus parentes, quam Christum diligunt. Si enim ideo deferimus parentibus, quia nostre generationis auctores sunt, quanto magis Christum oportet amare, qui ipsorum est auctor parentum. Isti dederunt, quod non potestatis est, sed ministerii sui; Christus dat salutem, qui parentum beneficia conseruat. Sanctus Hieronymus ad Furiam, de Virginitate seruanda. Honora, inquit, Patrem tuum, sed si te à verò patre non separat. Tamdiu scito sanguinis copulam, quamdiu ille suum nouerit creatorē. Alioquin David protinus tibi canet. Audi filia, & vide & inclina aurem tuam, & obliuiscere populum & domum patris tui, & concupiscet rex decorem tuum: quia audisti, quia vidisti, quia inclinauisti aurem tuam, & populi tui, domusque patris tui oblitas. Et ad Nepotianum

Act. 5. 30.

Marc. 8. 27.

Matt. 10. 27.

Luc. 14. 26.

Eph. 6. 2.

Col. 3. 20.

Amb. serm. 15.

H. ep. 10.

Psalm. 44. 10.

Id. ep. 2.

Ecce.

C. hom. 84.

A. ep. 38.

A. c. 6.

Deu. 13. 9.

G. c. 18.

Ecce aduersarius in pectore tuo Christum conatur occidere. Licet paruulus ex collo pendeat nepos, licet sparso crine & scissis vestibus vbera, quibus te nutrierat mater ostendar: licet in limine poteri iaceat, per calcatum perge patrem, sicis oculis ad vexillum crucis euola. Solum pietatis genus est in hac re esse crudelem. Scitum est & illud Chrysostomi in Ioannem. Cum spiritualia impediunt parentes, ne cognoscendi quidem sunt: ita cum nihil impediunt, merito omnia ijs sunt tribuenda, & omnibus ipsi anteferendi. S. Augustinus ad Latum. Sicut preceptum quo perdere iubemur animam nostram, non ad id valet, ut se quisque interimat, quod in expiabile nefas est: & tamen valet ut interimat in se carnalem affectum animæ, quo cum impedimento futura vitæ præsens vitæ delectat. Hoc est enim quod dictum est: oderit animam suam, & perdat eam. Quod tamen diligendo fit, quandoquidem apertissime fructum eiusdem animæ acquirenda in eodem precepto commemorat, dicens. Qui perdidit eam in isto seculo, in vitæ æternæ inueniet eam. Ita de parentibus rectissime dicitur, ut qui eos amat perdat eos, non more parricidarum interficiens, sed spirituali gladio Verbo Dei carnalem affectum eorum, quo & seipsos, & eos quos genuerunt irritamentis huius seculi obligare conantur, pietate fidenterque percutiens & occidens, illud in eis viuere faciat, quo fratres sunt, quo cum filiis suis temporalibus parentes æternos Deum Ecclesiamque cognoscunt. Et in libro contra Adimantum Manichæi discipulum, qui, contendebat propter testimonia initio citata nouum testamentum repugnare veteri, allegat pro contemptu parentum locum ex Deuteronomio. Qui dicit patri, inquit, aut matri, non noui vos, & qui filios, suos non agnoscit, ipse autem cognouit testamentum tuum. & ideo vetus non repugnare nouo dicenti, odiendos parentes. Ex quo, addit, manifestum est, & honorem parentum in gradu suo esse seruandum, & eos tam in diuini amoris comparatione præsertim si impedimento sunt, nulla dubitatione oportere contemni.

Ex qua doctrina liquet posse aliquem, si parentes impedimento sint, religiosæ vitæ statum, ad quem à Deo vocatur, etiam inuitis illis inire: hoc enim est quod S. Hieronymus paulo ante dixit. Per calcatum perge patrem, sicis oculis ad vexillum crucis euola: excipe casum, nisi parentes extrema vel graui inopia premantur, & aliunde non suppetunt præsidia. Tunc enim filius tenetur, vel in aliud tempus differre, vel etiam prætermittere religionis ingressum. Quod si parentes in eandem inopiam labantur, post professionem solennem in religione à filio factam, filius tantum ea subsidia temporalia & spiritualia conferre tenetur, quæ saluis religionis suæ legibus in quas iurauit, omnino poterit, sicut si uxorem duxisset, teneretur iisdem omnia suppeditare, quæ saluis matrimonii legibus posset. Sic etenim quisque ait S. Gregorius libro moralium septimo, propinquorum debet necessitatibus

compati,
affectus
auertat.
disputat
rentem

PRIM
stra p
ficium p
git simile
mior vel
bus doc
Ambros
sius amar
at, nocet l
ceteros ab
quia præf
tibus, ne e
studium p
exempla
vixit. M.
impellim
dulgencia
liberi, Na
hoc offic
tam in vi
curant, 3
claudi, lu

II.
non alie
rationib
rum duo
lierum, S
nitricis,

compati, ut tamen per compassionem non sinat vim sua intentionis impediri, ut affectus quidem mentis viscera repleat, sed tamen à spiritali proposito non auertat. L E G E nostrum, Gregorium à Valentia in 22. S. Thomæ disputat. 7. quæstione I. de Pietate, Puncto 2. de hoc casu differentem.

C A P V T VI.

De pietatis officiis, quæ parentes debent liberis.

PR I M V M officium, quod parentes etiam natura duce & magistra præstare debent liberis est, diligere illos; nam & feræ hoc officium præstant suis fatibus. Vnde Sapiens. *Omne, inquit, animal diligit simile sibi, sic & omnis homo proximum sibi.* quis autem parenti proximior vel similior est quam filius? Et Apostolus vult à feminis senioribus doceri adolescentulas, *ut viros suos ament, & filios suos diligant.* S. Ambrosius libro de sancto Ioseph. *Amare, inquit, liberos dulce & impensius amare prædulce: sed frequenter amor i se patrius, nisi moderationem teneat, nocet liberis: si aut nimia indulgentia dilectum resoluat, aut prelatio unius ceteros ab affectu germanitatis auertat.* Quid ergo? reprehendendus Iacob, quia præferebat unum ceteris? Sed nec libertatem possumus auferre parentibus, ne eos plus diligant, quos plus credunt mereri, nec filiis rescare debemus studium plus placendi. Idem in hexæmero pro hoc amore varia affert exempla brutarum animantium, ut piscium, hirundinis, cornicis & vrsæ. M. Tullii dicta sunt. *Anatura ipsa, ut eos quos genuerimus amemus, impellimur. Fere partus suos diligunt, & nos in liberos nostros uti debemus indulgentia. Nihil dulcius hominum generi à natura datum est, quam sui cuiq; liberi, Nullum est nomen amanti indulgentiusq; quam maternum.* Contra hoc officium grauitèr peccant. 1. qui prolem necdum in lucem editam in vtero materno enecant. 2. qui abortum studio vel incuria procurant. 3. qui iam natos exponunt. 4. qui tam negligenter educant, ut claudi, lufci, gibbosi fiant, in ignem vel aquam cadant.

I I. Officium est, liberos in lucem editos materno lacte alere, & non alienis nutricibus, nisi cum necessitas cogit, tradere, quod multis rationibus Phauorinus probat apud A. Gellium Noctium Atticarum duodecimo. Exemplum habemus in Scripturis sanctarum mulierum, Saræ, Annæ Samuelis, matris Machabæorum, & ipsius Dei genitricis, quæ proprios filios lactasse leguntur. Et merito. ad quid enim

2. Mach. 7. 27.

Plur. de libro
educandis

A. c. 19.

A. c. 19.

G. c. 10.

2. Cor. 12. 14.

A. ep. 199.

Ch. h. 9. in 1. ad
Tim.

Deus & natura martyribus vbera præbuit, nisi ut natis subministrarent lac. Certe periculosum est tenero infantulo, ut inquit Phauorinus ille, proprii, consueti, & iam cogniti sanguinis alimonia priuare. Vnde sæpe fit, ut vel cito extingatur vel saltem imbecillior fiat, ac potius nutricem quam parentum suam loco matris habeat. Quare Sanctus Ambrosius in hexamero ita scribit. *Discant homines amare filios ex usu pietate cornicum, quæ etiam volantes filios comitata sedulo prosequuntur, & sollicita ne teneri forte deficiant cibum suggerunt, ac plurimo tempore nutriendi officia non derelinquunt. At verò femina nostri generis cito ablactant etiam illos quos diligunt, aut si ditiores sunt, lactare fastidiunt, pauperiores verò abijciunt paruulos, & exponunt, & deprehensos abnegant.* Et Sanctus Gregorius ad interrogationes Augustini Anglorum Episcopi. *Prima consuetudo in coniugatorum moribus effecit, ut mulieres filios, quos gignunt, nutrire contemnant, eosque aliis mulieribus ad nutriendum tradant quod videlicet ex causa incontinentiæ videtur inuentum: quia dum se continere nolunt, despiciunt lactare quos gignunt.*

III. Officium est iisdem, non quæ ad copiam & delicias, sed ad necessarium victum & amictum pertinent, prouidere in præsens & futurum tempus. *Nec enim debent, inquit, Apostolus filii parentibus thesaurizare, sed parentes filiis quod natura, inquit in eum locum Chrysostomus, eos docuit.* Et Sanctus Basilius in psalmum 7. *Debetur, ait, liberis à parente secundum naturalis amoris affectum sustentanda vite prouentus. Parentum enim est, inquit, colligere siue thesaurum recondere liberis, ut præter hoc, quod ad vitam illos genuerunt, etiam viuendi subsidia subministrarent.* Contra hoc officium delinquant, qui neglecta filiorum cura bona sua dilapidant, aut tam multa in alios conferunt ut pro filiis alendis parum supersit, quos reprehendit S. August. in epistola ad Ediciam, quæ tam multa erogarat in pauperes, ut parum restaret filii sustentationi. Deinde, qui ob alteras nuptias initas, priorum obliuiscuntur filiorum, quos perstringit Sanctus Basilius homilia nona. Tertio qui non aduigilant, ut tæpestiuè vel opificium addiscant, vel rei litterariæ co usque operam dent, ut muneri aliquo vel seculari vel Ecclesiastico gerendo idonei fiant. Quarto, qui plus eis locupletandis, quam bonis moribus veraque pietate informandis student: quos non semel insectatur Sanctus Chrysostomus: ut homilia 60 in Matthæum & nona in priorem epistolam ad Timotheum. *Exerceamus, inquit, ad virtutem atque pietatem molles filiorum animos, cetera omnia secundo loco quæramus. Nam si quidem illi improbi fuerint, nihil eis pecuniæ proderunt,*

sin autem
Bonum il
facere pot
rit, quam
substanti
one illum
vel inuit
tes quide
atque per

I V
inculpa
monet i
stros, ut
bulaueri
nuas don
monis
alescens
di filiam
clesiasti
sticorum
tradere
ac Tob
educate
prudent
tes, casta
basphem
verba l
edocuer
monio a
que diu
uinam
los edu
annoru
habens
uit. Sa
Paulus
salui fi
sanctifi
reliquis
quod

sin autem probi, nihil ex paupertate caduntur. vis filium relinquere diuitem? Bonum illum ac benignū esse doce: ita enim etiam rem familiarem auctiorem facere poterit. Quod si tenuis illi substantia fuerit, nihil deteriori in loco erit, quam hi qui plurima possident. Quod si malus fuerit, etiam si infinitam illi substantiam relinquant, non illi custodem reliquisti, sed longè deteriore conditione illum fecisti, quam si in extremam deuenisset inopiam. Paupertas enim vel inuitos coarctet, atque intra virtutis, limites continet: opes verò ne volentes quidem pudice, temperanterque viuere sinunt, verum exorbitare faciunt, atque peruertunt.

IV. est. Erudire eos per se & alios in sana & Catholica doctrina, inculpatisque moribus, verbo & exemplo. Ita Spiritus sanctus crebro monet in scripturis, ut in Deuteronomio. *Docete, inquit, Filios vestros, ut illa (præcepta Dei) meditentur, quando sederis in domo tua, & ambulaueris in via, & accubueris, atque surrexeris, Scribes ea super postes & ianuas domus tuae, ut multiplicenter dies tui, & filiorum tuorum.* Et in Salomonis Prouerbiis. *Erudi filium tuum, ne desperes.* Et Prouerbiū est *Adolescens iuxta viam suam, etiam cum senuerit non recedet ab ea.* Et. *Erudi filium tuum, & refrigerabit te, & dabit delicias animæ tuæ.* Et apud Ecclesiasticum. *Qui docet filium suum, laudabitur in illo, & in medio domesticorum in illo gloriabitur.* Quam autem doctrinam, quo ad mores, tradere debeant patres filiis, habes Prouerbiorum capite 4. & 5. ac Tobiae 4. & 10. Apostolus quoque Ephesiis ita scribit. *Patres, educate filios in disci lina & correptione Domini.* Et ad Titum. *Anus prudentiam doceant adolescentulas; ut viros suos ament, filios diligant, prudentes, castas, sobrias, domus curam habentes, benignas suis, ut non blasphemetur Verbum Dei.* Vnde Sanctus Hieronymus exponens verba Danielis de parentibus Sanctæ Susannæ. *Et parentes eius iussi edocuerunt filiam suam iuxta legem Moysi.* Hoc utendum est, inquit testimonio ad exhortationem parentum, ut doceant iuxta legem Dei, sermonemque diuinum, non solum filios, sed & filias suas. Et in epistola ad Saluinam de viduitate seruanda. *Non est parui apud Deum meriti beneficii educare.* Audi Apostolum commonentem. *Vidua eligatur non minus annorum sexaginta, quæ fuerit unus viri uxor, in bonis operibus habens testimonium, si filios educauit, si hospitalis fuit, si sanctorum pedes lauit.* Sanctus Chrysostomus aduersus vituperatores vitæ monasticæ. *Paulus cum, inquit, ad Timotheum de parentibus scriberet aiebat, Quoniam salui fieri per filiorum generationem, si permanserint in fide & dilectione & sanctificatione cū castitate* Iob quoque, sanctissimum virum, quum ex virtutibus reliquis scriptura collaudet, quod fuerit iustus, quod verax, quod religiosus, quod pius, tum ex eo maximè, quod filiorum optimè nutriendorum

ob 1. 5.

habuerit summam diligentiam. Non enim ea cura utebatur, ut aurum illis copiosissimum acquireret, non ut humana gloria verendos & illustres cerne-
ret, sed quid ille tandem? Audi quid Scriptura dicat. Cum consummati, in-
quit, essent dies conuiuij, mittebat Iob & purificabat eos, consurgensq; diluculo,
offerebat pro eis sacrificia ad numerum ipsorum, vitulumq; vnum, pro pecca-
tis, pro animabus eorum. Dicebat enim Iob in corde suo. Ne forte filij mei in
mente sua mala cogitauerint aduersus Deum.

Chr. hom. 60.

CONTRA hoc officium peccant, qui cum ipsi liberos in recta
doctrina & moribus per otium instituere vel non possint vel nolint,
ne pædagogis quidem probatis tradunt instituendos, in quos inuehi-
tur S. Chrysost. ita in Matthæum scribens. Maiorem, inquit, asino-
rum ac equorum quam, filiorum curam habemus. Nam si asinis agas nobis
præficiendus est, non parum vigilamus, ne dementem, aut temulentum, aut fu-
rem, aut rei eius imperitum præficiamus: sin verò ad colendum filiorum ingeni-
um pædagogus sit nobis inueniendus, qui casu oblati fuerit cum recipimus, nec
consideramus ullam artem hoc artificio sublimiorem inueniri. Quid enim ma-
ius, quam animis moderari, quam adolescentulorum fingere mores? Omni
certè pictore, omni statuaria, ceteris huiusmodi omnibus excellentior em hunc
duco, qui iuuenum animos fingere non ignoret. Multa de hac re præclare
consuluit PLUTARCHVS in libro de educandis liberis, osten-
ditq; adolescentiam magis quam pueritiam, ob grauiorum lapsuum
pericula opus habere pædago.

Prou. 13. 24.

Ib. 22. 15.

Ib. 23. 13.

Eccli. 7. 25.

Ib. 30. 1.

Ib. 8. 9. 10.

Eph. 6. 4.

Heb. 12. 8.

A. ep. 18.

V. Officium est, filios cum deliquerint pro grauitate lapsus
corrigere, quod sapissimè Sapiens inculcat, ut in Prouerbiis. Qui par-
cit virga, odit filium suum: qui autem diligit illum, instanter erudit. Et
Stultitia colligata est in corde pueri, & virga discipline fugabit eam. Et. Noli
Subtrahere à puero disciplinam: si enim percasseris eum virga, non morietur.
Tu virga percuties eum, & animam eius de inferno liberabis. Deinde in Ec-
clesiastico. Filii tibi sunt? erudi illos, & curua illos à pueritia illorum.
Filie tibi sunt? serua corpus illarum, & non ostendas hilarem faciem
tuam ad illas. Et. Qui diligit filium suum, assiduat illi flagella, ut la-
tetur in nouissimo suo. Et Equus indomitus euadit durus, & filius remissus
euadet princeps. Lacta filium, & pauentem te faciet: lude cum eo, & contrista-
bit te. Non des illi potestatem in iuuentute, & tunde latera eius dum infans est,
ne forte induret, & non credat tibi, & erit tibi dolor anime. De eodem offi-
cio monuit Apostolus, cum in epistola ad Ephesios commonefecit
parentes, ut educent lib. in disciplina & correptione Domini. Et ad Hebr.
ut probet Deum flagellare omnem filium quem recipit. Quis enim,
inquit, filius, quem non corripit pater? Quod si extra disciplinam estis, cuius
participes facti sunt omnes, ergo adulteri, & non filii estis. Vnde S. Ambro-
sius

fius epi
non parca
desperare
ripit. D

V

re exced
ri & ado
stolus. E
Patres, n
fiant. Q
epistola
catum v
aut certe
sunt. Sici
it a paren
lius præss
Educate
legimus,
nem, qua

Q
parit fil
ctos, in
paulo a

Acc
displace
in Heli
vindica
uit, & p
tato. H
disciplin
priora ex
ad Sodon
Quare f
filii mei,
stomus
dos, inq
tus, Heli

fius epistola ad Horontianum. *Vtiles sunt correptiones parentis, qui non parcat, ut obedientem praeceptis salutaribus praestet animam filii sui. Nemo desperare debet, quicumque corripitur, atque arguitur. Qui enim diligit filium corripit. Nemo de remedio diffidat.*

VI. est moderationem in disciplina seruare, ut nec in austeritate excedatur, nec in indulgentia. Austeritate enim imperii fit, ut pueri & adolescentes disciplinam fugere & odisse incipiant. Vnde Apostolus. *Et vos Patres, nolite ad iracundiam prouocare filios vestros.* Et iterum. *Patres, nolite ad indignationem prouocare filios vestros, ut non pusillo animo fiant.* Quae verba expendens S. Hieron. libro 3. commentariorum in epistolam ad Ephesios. *Peccatum filiorum est, non obedire parentibus: peccatum verò parentum paruulos filios atque lactentes ad iracundiam prouocare: aut certe iam adolescentibus & maturioris aetatis ea imperare, quae graua sunt. Sicut igitur in filiis obsequium, & merces subiectionis est demonstrata: ita parentibus moderatum iubetur imperium, ut non quasi seruis, sed quasi filiis praesse se nouerint. Nec hoc praecepti fine contentus est, sed & illud adiunxit. Educate illos in disciplina & correptione Domini. Quam correptionem nos legimus, melius in graeco dicitur *vsgeia*, quae admonitionem magis & eruditionem, quam austeritatem sonat.*

Quod ad Indulgentiam attinet, si in ea excedatur, deteriores parit filios quam austeritas, nempe segnes, superbos, audaces, praefratos, indomitos, ut ostendunt monita Salomonis pro quinto Officio paulo ante allata, & illud vulgati Poetae.

Blanda Patrum segnes facit indulgentia natos

Inge sed impigros reddit, vigilesq; flagellum.

Accedit quod Deo maximè in parentibus blanda illa indulgentia displicere videtur, nam, ut liquet ex sacra Regum historia, Deus eam in Heli sacerdote iudice ceteroquin iusto & sancto grauissima poena vindicauit, dum & ipse de sella misereruens fractis ceruicibus expirauit, & posteritas eius valde afflictata fuit. Vnde S. Hieronymus loco citato. *Heli sacerdos ipse sanctus fuit, sed quia filios suos non erudit in omni disciplina & correptione, supinus cecidit & mortuus est: non enim poterat ad priora extendi, sed retrorsum ruit, & opisthotono insanabili lapsus in tergum ad Sodomam cum Loth uxore respexit. Et certè corripuerat filios suos dicens. Quare facitis verba haec, quae ego audio de vobis mala ab omni populo? nolite filii mei, quoniam non est bona fama quam ego audio de vobis.* Et S. Chrysostomus aduersus vituperatores vitae monasticæ multò fufius. *Sacerdos, inquit, quidam apud Iudeos fuit vir imprimis moderatus atque mansuetus, Heli nomine; huic duo cum essent liberi, videretque illos vitios deditos non*

1. Reg. 2. 28.

coercuit, siue ut verius loquar, corripuit illos quidem & cohibuit, verum non cum omni studio & vehementia id fecit. Horum autem hac fuisse crimina: ventris ingluuies & fornicatio. Edebant enim, inquit, antequam sacrificaretur sacra carnes, priusquam offerretur Deo sacrificium. Quibus compertis pater non illos pœna affecit, ceterum verbis tantum castigare, leniq; castigatione ab hac eos peruersitate reuocare conatus est, atque huiuscemodi verba iugiter ad illos loquebatur. Nolite filij, nolite sic facere. non enim bona fama est, quam ego audio de vobis, ut faciatis populum non seruire Domino. Si delinquens peccauerit vir in virum, orabunt pro illo Dominum: sed autem Domino peccauerit vir, quis pro illo orabit? Et certè plena sunt grauitatis, reuerentia & ponderis hac verba, quæ ad statum vitæ melioris reuocare possent eum, qui penitus excors & amens non esset. Quippe sceleris immanitatem indicant, & quam sit metuendum & cauendum admonent, & quæ pœna subsequeretur ostendunt, grauissima scilicet & intolerabilis. Verum quia non omnia, quæ fuerant agenda, ut illa vitia necarentur, molitus est, & ipse cum illis una periit. Namq; ille & minas addere debuerat, & à suo eos conspectu amouere atq; etiam verberibus afficere, multoq; illis grauius & durius instare. Quia vero verborum tantum monitis contentus fuit, illis & sibiipsi Deum aduersum, infestumq; constituit: cumq; improbè & intempestiuè filiis parceret, & suâ simul & illorum salutem perdidit. Denique post multa ita concludit. Itaq; nulla alia ex ratione peruersi ut fiant liberi contingit, nisi quod eorum patres circa vitæ præsentis commoda equo amplius incumbunt, & ferè dixerim, insaniunt. Cum enim illa solummodo inquirent, nihilq; illis præferendum censent, & suâ pariter & liberorum animam negligere cogantur, Hos ego patres, quod nemo tamen me commotius dicere, quam verius existimet, parricidis ipsis immaniores, sceleratioresq; dixerim. Illi enim corpus ab anima dissepant: isti & animam & corpus æternis ignibus tradunt. Atq; is quidem, qui corpore occiditur, necessario naturali lege, etiam si necatus non fuisset, moreretur: hic verò sempiternam mortem vitare potuisset, nisi hanc illi conscisisset paterna negligentia. Præterea corporis mortem superueniens resurrectionis gloria protinus delere poterit, cum sibi nulla sit iam reliqua salutis spes, verum immortales cruciatus luere cogatur. Itaq; non iniuria parentes eiusmodi deteriores parricidis esse diximus.

A. C. 4.
Gen. 9. 23.

Am. c. 31.

POSTREMVM officium parentum est, nihil quod turpe sit, aut dedecet coram liberis agere. Habet enim quiddam erga parentes inquit. Augustinus libro secundo de ciuitate Dei, humana verecundia, quod nec ipsa nequitia possit auferre. Quæ edocti quondam Sem & Iaphet Noe parentem ex ebrietate nudatum auerso vultu veste operuerunt. Atque inde S. Ambrosius colligit non decere ut filii cum parentibus

lauacra

lauacra
quod Se
runt re
nem eiu
stupau
iur aspe
etiam R
beres in
NALI

Eor
rum, ma

lauacra ingrediantur. Ita enim scribit libro de Noe & arca. *Quid est, quod Sem & Iaphet imposuerunt vestimentum super humeros suos, & perrexerunt retrorsum, & operuerunt nudum patrem, & non viderunt nudationem eius?* Littera euidentem expressit pietatis affectum, quod nudatum amicum patrem boni filii videre cauerunt, ne paternae reuerentia vel ipso minuere-tur aspectu. Siquidem etiam tacito vultu pietas frequenter offenditur. Vnde etiam Roma vetus fuisse vsus dicitur, ne filij cum parentibus, & maximè pu-beres intrarent lauacrum. De pluribus monet Poeta Ethnicus I V V E-
N A L I S ita canens.

Iu. Sat. 14.

Plurima sunt Fuscine, & fama digna sinistra,
Et nitidis maculam ac rugam figentia rebus,
Quae monstrant ipsi pueris, traduntq; parentes.
Si damnosa senem iuuat alea, ludit & haeres
Bullatus, paruoq; eadem mouet arma fritillo.
Sic natura iubet, velocius & citius nos
Corrumpunt vitiorum exempla domestica, magnis
Cum subeant animos auctoribus vnus & alter,
Sed reliquos fugienda patrum vestigia ducunt,
Et monstrata diu veteris trahit orbita culpa.
Abstineas igitur damnis huiusce, etenim vel
Vna potens ratio est, ne crimina nostra sequantur,
Ex nobis geniti, quoniam dociles imitandis
Turpibus ac prauis omnes sumus, & Catilinam
Quocumq; in populo videas, quocumq; sub axe,
Sed nec Brutus erit, Bruti nec auunculus vsquam.
Nil dictu fedum, visusq; hac limina tangat,
Intra qua puer est, procul hinc, procul inde puella
Lenonum, & cantus pernoctantis parasiti.
Maxima debetur puero reuerentia, si quid
Turpe paras, nec tu pueri contempseris annos,
Sed peccaturo obsistat tibi filius infans.

E O D E M pertinet pietas discipulorum in magistros, & subdito-
rum, maximè religiosorum vel religiosarum in suos Superiores.

V I D E V. Charitas proximi. Correctio proximi. Honestas. Iusto-
tia. Obedientia.

POENI



P O E N I T E N T I A.

C A P V T I.

De nomine & definitione Pœnitentia.

Tert. lib. 2.

L. c. 13.

Id c. 24.

Matt. 11.
Luc. 10.

Amb. c. 2.

A. ep. 108.

POENITENTIAE nomen prisca Grammatici à pœna deriuari volunt. Quos enim pœnitet facti, ii pœna aliqua vel dolore excruciantur. Quo significatu dixit in Tusculana quarta M. Tullius. *Quomodo si naturalis esset ira, quœnam pœniteret quod fecisset per iram, ut Alexandrum regem videmus, qui cum interemisset Clytū familiarem suum, vix à se manus abstinuit tanta vis fuit pœnitendi.* Tertullianus contra Marcionem, cum dixisset, vocem pœnitentiæ cum Deo tribuitur, tantum significare simplicem conuersionem sententiæ prioris, addit. *Nam & in græco sonus pœnitentiæ nomen non ex delicti confessione, sed ex animi demutatione compositum est.* Lactantius vero libro VI, institutionum. *Agere pœnitentiā, ait, nihil aliud est, quam profiteri & affirmare se ulterius non peccaturum.* Et multo inferius. *Is n. quem facti sui pœnitet, errorem suum intelligit: ideoque Græci melius & significantius πρὸς αὐτοὺς dicunt quam nos possimus resipiscentiā dicere.* Resipiscit enim, ac mentem suam quasi ab insania recipit, quem errat piget, castigatque seipsum dementia & confirmat animum suum ad rectius viuendum. Verum indubitatum est, tum in diuinis scripturis, tum apud S. Patres vtramq; vocem nō pro sola resipiscentiā, sed pro detestatione & vindicatione peccatorum usurpatam. Nam apud Matt. & Lucam sic legimus. *Si in Tyro & Sidone factæ essent virtutes, quæ factæ sunt in vobis olim in cilicio & cinere pœnitentiā egissent.* Vterque autem Euangelista vtitur voce μετανοῆσαι. Nemo autem dicitur propriè in cilicio & cinere resipiscere, cum resipiscentiā præcedat pœnitentiā in cilicio. Sic S. Basilus in oratione de fame & siccitate externam pœnitentiā Niniitarum vocat μετανοῆσαι. S. Cyprianus sermone 5. de lapsis. *Pœnitentiā, inquit, crimine minor non sit.* Et S. Ambrosius libro primo de Pœnitentiā. *Qui culpam exaggerauit, exaggeret etiā pœnitentiā. Maiora enim crimina, maioribus abluuntur fletibus.* S. August. epistola ad Seleucianam. *Is Pœnitentiā bonorum & humilium pœna quotidiana, in qua pectora tundimus* dicen-

dicen-
tiam
hoc l
taxa
cat,
puni
psa au
trition
psalm
& 146
expen
humili
diciū

PRi
gno
paradis
p populu
psalm su
cognosco
Isaiam.
regum a
docuer
peccata
telligenti
Is quem
punctio
demur ma
los. S. H
semur me
cium est,
II. Co
Vnde l

*dicentes, Dimitte nobis debita nostra. S. Gregorius in Euangelia. Pœnitentiam agere est, & perpetrata mala plangere, & plangenda non perpetrare. Nos hoc loco non agimus de Pœnitentia, qua sacramentum est, sed duntaxat, quâ virtus est (vt liquet ex inscriptione li.) & nihil aliud significat, quam verum animi dolorem, de peccato cum voluntate illud puniendi coniunctam, quem Theologi vocant Contritionem. De ipsa autem punitione peccati vel satisfactione suo loco agemus. Contritionis vero vocabulum sumptum est ex phrasi scripturæ, vt ex illa psalmi quinquagesimi, *Cor contritum & humiliatum Deus non despicies, & 146. Qui sanat contritos corde, & alligat contritiones eorum. Quam expendens S. Augustinus ibidem, Sanat, ait contritos corde, sanat ergo humiliatos corde, sanat confitentes, sanat seipsos punientes, in sese verum iudicium exercentes, vt possint esse illius misericordiam sentientes.**

C A P V T II.

Quæ requirantur ad veram Pœnitentiam vel Contritionem.

PRIMA conditio est, vt pœnitentiam acturus resipiscat, id est agnoscat se peccasse. Idcirco enim **D**EVS percunctatus est Euam in paradiso. *Quare hoc fecisti?* Et Cain. *Quid fecisti?* Angelus quoque populum in libro Iudicum. *Quare hoc fecistis?* vt agnoscerent ipsi lapsum suum. Deinde rex Dauid post lapsum ait. *Iniquitatem meam cognosco, & peccatum meum contra me est semper.* Et rex Ezechias apud Isaiam. *Recogitabo omnes annos meos in amaritudine animæ meæ.* Et rex regum apud Ezechielem. *Notas fac Hierusalem abominationes suas.* Idem docuerunt prisci Patres. S. Cyprianus. *Vos verò pœnitentes ac dolentes peccata vestra perspicite, grauissimum conscientia crimen agnoscite, ad intelligentiam delicti vestri oculos aperite.* Lactantius loco ante citato. *Is quem facti pœnitet errorem suum intelligit.* Chrysostomus de compunctione cordis. *Hoc solum est, quod à nobis exposcitur, vt semper recordemur mala nostra, & conscientiam gestorum nostrorum habeamus ante oculos.* S. Hieronymus exponens illud Ieremiæ. *Postquam cognoui percussu femur meum.* Dolentis, ait, & plangentis, & super errore pristino plorantis indicium est, vt femur mau percutiat.

II. CONDITIO est, vt oderit peccatum commissum, & de eo doleat. Vnde Iob dicebat post agnitum peccatum. *Auditu auris audivi te, idcirco*

ZZZ

ipse

G. hom. 34.

Gen. 3. 13.

Gen. 4. 10.

Iud. 2. 2.

Psalm. 50. 5.

Isa. 38. 15.

Ezech. 16. 2.

C. ser. de lapsis

C. lib. 1.

Iob. 42.

Isa. 26. 17.

Isa. 38. 15.

Ioc. 2. 12.

Luc. 22. 62.

C. de lapsis.

L. 1. 6. c. 24.

A. c. 10.

Aug. c. 65.

G. 3. p. c. 32.

Isa. 1. 17.

Ezech. 18. 31.

Eph. 4. 22.

L. loco cit.

Chom. 34. in
Euang.

C. Trid. sess. 14.

C. 10.

Deu. 4. 29.

ib. 30.

ipse me reprobando, & ago pœnitentiam in fauilla & cinere. Et Isaias. Sicur
qua concepit, dum appropinquauerit, dolens clamat in dolorib. suis: sic facti su-
mus à facie tua Domine. Et apud eundem Ezechias rex promittit se
in amaritudine animæ suæ, annos recogitaturum. Apud Ioelē quoque
vox Dei est. Conuertimini ad me in toto corde vestro in ieiunio, & fletu &
planctu. Petrus certe Apostolus lapsum suum, teste B. Luca, fletu ama-
re. Nec aliud S. Patres. S. Cyprianus supra dixit, pœnites ac dolentes
peccata vestra perspicite. Lactantius, resipiscit, qui dementia suam ca-
stigmat. Gregorius Nazianzenus oratione in Sancta lumina, ait se pœni-
tentes recipere, si lacrymis confectos videat. Ambrosius libro 2. de pœ-
nitentia. Dum dolemus admissa, admittenda excludimus, & sit quadam de
condemnatione culpa disciplina innocentia. Augustinus in Enchiridio, In a-
ctione pœnitentiæ, non tam consideranda est mensura temporis, quam doloris.
Et sermone 7. de tempore Pœnitentiam certam non facit, nisi odium pec-
cati & amor Dei: quando sic pœnites, ut tibi amarum sapiat in animo, quod
ante dulce fuit in vita. Et S. Greg. in pastoralī. Admonendi sunt, qui admissa
deserunt, neque tamen plangunt, ne iam relaxatas assument culpas, quas et si
agendo non multiplicant, nullis tamen fletibus mundant.

III est, ut proponat in animo, se vitam emendaturum, Vnde Isa.
ad peccatores. Quiescite agere peruersè, discite benefacere. Et Ezechias.
Proycite à vobis omnes prauaricationes vestras, in quibus prauaricati estis, &
facite vobis cor nouum, & spiritum nouum. Et S. Paulus ad Ephesios. De-
ponite vos veterem hominem, qui corrumpitur secundum desideria erroris: re-
nouamini autem spiritu mentis vestra, & induite nouum hominem. Hanc cō-
ditionem etiam supra admisit Lactantius dum scripsit agere pœniten-
tiam nihil aliud esse quam profiteri se ulterius non peccaturum. Deinde
eum resipiscere, qui confirmat animum suum ad rectius viuendum, tum
illud ipsum maxime cauet ne rursus in eosdem laqueos inducatur. Idem indi-
cat S. Gregorius cum ait. Pœnitentiam agere est & perpetrata mala plan-
gere, & plangenda non perpetrare. Nam qui sic alia deplorat, ut tamen alia
committat adhuc pœnitentiam agere aut dissimulat, aut ignorat. Deinde in
Synodo Tridentina ita Contritio explicatur, ut sit dolor de peccato com-
misso cum proposito non peccandi de cetero. Idem asserunt C. Florentini pa-
tres in instructione Armenorum.

IV. Conditio est, ut serio & ex animo tria iam dicta præstet, hoc
est, vere lapsus suos agnoscat, ex corde & serio doleat, ac de emenda-
tione seria constituat, si velit remissionem peccatorum consequi &
iustificari. Hoc enim euincitur ex modo loquendi diuinæ Scripturæ.
Nam in Deuteronomio dicitur. Cum quaesieris Dominum, inuenies: si to-
te corde quaesieris eum, & tota tribulatione anima tua. Et rursum, Si ductus
pœnitentia.

pœnitudo cordis, reuersus fueris ad Dominum in toto corde tuo, & tota anima tua, miserebitur tui. Et in 2. Paralipomenon. Dominus bonus propitiabitur cunctis, qui in toto corde requirunt eum. Et apud Ioel. Conuertimini ad me in toto corde vestro in ieiunio, fletu & planctu, & scindite corda vestra. Conuertere autem ad DEVM in toto corde, non est dolorem concipere æqualem offensionem diuinam hoc enim est impossibile, cum offensio Dei & infinita: sed tantum est conuertere serio & sincere; non frigide, sed feruenter, hoc est, vt simpliciter ab omnibus peccatis abhorreamus tanquam summo malo quod nobis possit contingere. Itaque quod scribit S. Cyprianus in sermone de lapsis. Quam magna deliquimus tam granditer defleamus, ita intelligendum est, vt velit grauiora peccata vehementius deploranda esse quam leuiora. Grauiora peccata, inquit Ambrosius libro primo de Pœnitentia, maioribus sustentanda fulcris docuit Christi misericordia.

1. Par. 36.

Ioel. 2. 12.

A. C. 4.

CAPVT III.

De necessitate Pœnitentia vel contritionis.

NECCESSITATEM duplicem faciunt Theologi, aliam præcepti, aliam medii: licet enim quæcunque necessaria sunt necessitate medii, sint etiam necessaria necessitate præcepti, non tamen e cōuerso. Vtraque autem necessitas competit Pœnitentiæ. Præcepti quidem, quia in utroque testamento non pauca exstant mandata agenda pœnitentia. vt apud Ezech. *Conuertimini. & agite pœnitentiam ab omnibus iniquitatibus vestris.* Et rursus, *Conuertimini, conuertimini à viis vestris pessimis, & quare moriemini domus Israel?* Et apud Io. *Conuertimini ad me in toto corde vestro, in ieiunio, & fletu & planctu.* Et apud Matt. 5. 20. *Beati qui pœnitentiam agite, appropinquauit enim vobis regnum cælorum.* Et Christus Dominus. *Pœnitentiam agite, appropinquauit enim vobis regnum cælorum.* Et S. Petrus. *Pœnitentiam agite, & baptizetur unusquisque vestrum.* Et S. Ioannes in Apocalypsi. *Memor esto, unde excideris, & age pœnitentiam.*

Ezech. 18. 30.

Id. c. 33. 11.

Matt. 3. 2.

Matt. 4. 17.

Act. 2. 38.

Apoc. 2. 5.

Medii quoque necessitas exisdem scripturis perspicere probatu. Nam Dominus apud Ezechielem sic loquitur. *Si annunciant te da impium, vt à viis conuertatur, non fuerit conuersus à via sua, ipse in iniquitate sua morietur.* Et apud Lucam. *Nisi pœnitentiam habueritis, omnes similiter peribitis.* Et sanctus Petrus. *Pœnitentiam & conuertimini, vt deleantur peccata vestra.* Ac Paulus. *Ignoras, quia benignitas Dei ad pœnitentiam te adducit: secundum autem duritiam tuam & impietatem cor thesaurizabit tibi iram in die iræ, & reuelationis iusti iudicii Dei.*

Ezech. 33. 9.

Luc. 13. 3.

Act. 3. 19.

Rom. 2. 4.

Apoc. 2. 5.

Psal. 94. 8.
Prou. 1. 24.
Matt. 23. 37.

Et Dominus in Apocalypsi. *Veniam tibi cito, & mouebo candelabrum tuum de loco suo, nisi pœnitentiam egeris.* Ad hæc Scriptura crebro accusat impœnitentes, vt in psalmis. *Hodie si vocem eius audieritis nolite obdurare corda vestra.* Et in Prouerbis. *Quia vocaui & renuistis, &c. ego quoq; in interitu vestro ridebo.* Et apud Matthæum. *Quoties volui congregare filios tuos, &c. & noluisti?*

A. c. 8.

H. ep. 8.

P. ep. 1.

A. ep. 48.

S. PATRES quoque prisci eandem necessitatem agnouerunt. Tertullianus libro de Pœnitentia. *Bonum est, ait, pœnitere, an non? quid reuoluis? Deus precipit.* S. Ambrosius ad virginem lapsam. *Pœnitudo necessaria est, sicut vulneratis sunt necessaria medicamina. Cum animo conceperis non aliud remedium constitutum esse post baptismum quam pœnitentie solatium, quantamuis afflictionem, quantumuis laborem & indecorem subire esto contenta.* Hieron. epistola ad Demetriadem, de seruanda virginitate. *Pœnitentia quasi secunda post naufragium miseris tabula sit: in virgine integra seruetur nauis.* B. Pacianus epistola ad Sympronianum. *Pigeat sane peccare, sed pœnitere non pigeat, pudeat periclitari, sed non pudeat liberari. Quis naufrago tabulam, ne euadat, eripiet? quis sanandis vulneribus inuidebit?* S. Augustinus epistola ad Vincentium. *Nec quenquam putes ab errore ad veritatem, vel à quocunq; seu magno, seu paruo peccato ad correctionem sine pœnitentia posse transire.*

CAPVT IV.

De præstantia & utilitate Pœnitentia.

Psal. 84. 5.
Psal. 79. 4.
Ier. 31. 19.

L. ep. 91.

E. c. 31.

PRÆSTANTIAM virtutis huius inde discimus quod diuina Scriptura tradat eam nisi ex Dono Dei posse obtineri. Vnde crebræ sunt in ea eiusmodi voces, vt in psalmis, *Conuertere nos Deus salutaris noster.* Et. *Deus virtutum conuertere nos.* & in Ieremia. *Conuertere me Domine, & conuertar.* Et. *Postquam conuertisti me, ego pœnitentiam.* Vbi Hieronymus. *Vide, inquit, quantum sit auxilium, & quam fragilis humana conditio, vt hoc ipsum, quod pœnitentiam agimus, nisi nos Dominus ante conuerterit, & nisi Dei nitamur auxilio, nequaquam implere valeamus.* Et S. Leo ad Theodorum Episcopum *Ipsam pœnitentiam ex Dei credimus inspiratione conceptam, dicente Apostolo. Ne forte det illis Deus pœnitentiam.* Et S. Fulgentius de fide ad Petrum. *Firmissimè tene, & nullatenus dubita, neminem hic posse pœnitentiam agere, nisi quem Deus illuminauerit, & gratuita sua miseratione conuerterit.*

DEINDE Scriptura eam confert cum Sacrificio, actu religionis

nis p
spirit
Lac
mun
auxil
illa p
iustis
crific
Dei co
bi, qu
exim
tenti
de ip
tristan
tur, se
se fit, v
conter
ginita
iudici
mission
læ age
uetera
quæ ad
tissimè
toto cor
lestis re
tentia,
tritum
restaur
torem
omnia
mnia co
auro, sp
speratio
miseric
uis, ac r
it latron
pit spiri
cietate
tempser

nis præstantissimo, ut in psalmo 50. *Sacrificium Deo, inquit rex David, psal. 50. 19.*
spiritus contribulatus, cor contritum & humiliatum Deus non despicies. Vnde

Lactantius in epitome diuinarum institutionum. *Pœnitentia non mini-*
um locum inter virtutes habet, quia sui correctio est. magnum est pœnitentie
auxilium, magnum solatium: illa est vulnere, peccatorumq; sanatio, illa spes,
illa portus salutis: quam qui tollit, viam vite sibi amputat, quia nemo esse tam
iustus potest, ut nunquam sit ei pœnitentia necessaria. Hæ sunt victima, hoc sa-
cificium placabile, hic verus est cultus, cum homo mentis sue pignora in aram
Dei confert, summa illa maiestas hoc cultore latatur hunc ut filium suscipit si-
bi, quia donum immortalitatis impartitur. Apud reliquos quoq; Patres
 eximia habet encomia. S. Cypriani libro de lapsis hæc extrema sen-
 tentia est. *Qui pœnitentia facti sui, qui pudore delicti plus & virtutis & fidei*
de ipso lapsus sui dolore conceperit, ex auditus & adiutus à Domino, quam con-
tristauerat nuper, latam faciet Ecclesiam, nec iam solam Dei veniam merbi-
tur, sed coronam. S. Basilii in Isaia. *Contritio cum à Domino veniat, neces-*
se fit, ut ipsi præuertentes eius aduentum nostrum cor de se plus iusto sentiens
conteramus, ut eius humiliatio fiat hostia & sacrificium. Et libro de vera Vir-
 ginitate. *Pœnitentia certum est relaxari peccata.* S. Ephræm libro de die
 iudicii. *Compunctio sanitas animæ est, illuminatio mentis est, compunctio re-*
missionem delictorum nobis acquirit. S. Hieronymus in Epitaphio Fabio-
 læ agens de eius contritione. *Quæ peccata fletus iste non purget? quas in-*
ueteratas maculas hæc lamenta non abluant? Et infra. *O felix pœnitentia,*
quæ ad se Dei trahit oculos. S. Ambrosius libro 2. de Pœnitentia. *Euiden-*
tissimè Domini prædicatione mandatum est etiam prauissimi criminis reis, si ex
toto corde & manifesta confessione peccati pœnitentiam gerant, sacramenti ce-
lestis refundendam gratiam. S. Chrysost. sermone de pœnitentia. *O pœni-*
tentia, quæ peccatum miserante Deo remittis, & paradysum referas, quæ con-
tritum sanat hominem, & tristem exhilaras, vitam de interitu reuocas, statum
restauras, honorem renouas, fiduciam das, reformas vires, gratiamq; abundan-
tiolem refundis. O pœnitentia, quid de te noui referam. *Omnia ligata tu soluis,*
omnia soluta referas, omnia aduersa tu mitigas, omnia contrita tu sanas, o-
mnia confusa tu lucidas, omnia desperata tu animas. O pœnitentia rutilantior
 auro, splendidior sole, quam non vincit peccatum, nec defectio superat, nec de-
 speratio delet. *Pœnitentia respuit auaritiam, horret luxuriam, &c.* O pœnitentia
 misericordie mater, & magistra virtutum, magna opera tua quibus reos resol-
 uis, ac rescis delinquentes, lapsos releuas, recreas desperatos. *Per te subito rapu-*
it latronem Christus ad regnum; per te David post flagitium felix iterum rece-
pit Spiritum sanctum, &c. S. Augustinus ad Macedonium. *Quosdam à so-*
cietate remouemus altaris, ut pœnitendo placare possint, quem peccando con-
tempserant. S. Gregorius in primum Regum. *Niniuita dum veluti pro-*

L. c. 6.

B. in c. 13.

B. ultra med.
Ep. c. 5.

H. ep. 30.

A. ep. 54.

G. lib. 3. c. 4.

B. serm. 10.

Ioan. 12. 3.

Luc. 15. 7.

difficili reconciliatione graui pœnitentia se deiciunt omnipotentis Dei misericordiam facile meruerunt. S. Bernardus in Cantica agens de vnctione Mariæ Magdalenæ. Quid, inquit, de illo unguento legitur? Et domus repleta est odore unguenti. Peccatricis manibus distillabatur, & extremis membris corporis, id est pedibus fundebatur, & tamen non vsq; adeo contemptibile, aut vile fuit, quin totam domum vis aromatum, & suauitas repleret odoris. Quod si attendamus quantam in vnius peccatoris conuersione fragrantia respergatur Ecclesia, & quantis fiat odor vitæ ad vitam cuius pœnitens, si publice perfecteque pœniteat, profecto & de hoc æquè indubitanter pronuntiabimus, quia domus impleta est ex odore unguenti. Deniq; & supernas beatorum mansiones attingit pœnitentia odor, ita vt, teste ipsa veritate, magnum gaudium sit inter angelos Dei super vno peccatore pœnitentiam agente. Gaudete pœnitentes. pusillanimes confortamini, Non est omnino spernenda, nec vilis estimanda huiuscemodi vnctio, cuius odor non solum homines prouocat ad correctionem, sed & angelos ad exultationem inuitat.

C A P V T V.

De quibusdam Pœnitentia adiunctis, ad perfectionem eius attinentibus.

A. lib. 1. ep. 4.

Id. c. 10.

Matth. 6. 24.

PRIMUM adiunctum est S. Ambrosii, difficile esse in hac vita congruam pœnitentiam de peccatis agere. Sic enim scribit ad Simplicianum. Nihil peccare solius est Dei: emendare sapientis est, & corrigere erratum, & pœnitentiam gerere peccati. Id tamen est difficile in hac vita hominum. Quid enim tam rarum, quam vt inuenias virum, qui seipsum coarguat, & factum condemnet suum? Repugnat enim natura, repugnat verecundia, quia erubescit nusquisq; propriam culpam fateri. Preponderant enim futuris presentia, & iucunda serijs, & asperis mollia, & tristibus leta, & illecebrosa rigidioribus. Et libro 2. de Pœnitentia. Facilius inueni qui innocentiam seruauerint, quam qui congruè egerint pœnitentiam. Si quæras, quam ergo Ambrosii congruam vocas pœnitentiam? respondet ibidem. Renunciandum seculo est. somno ipsi minus indulgendum, quam natura postulat, interpellandus est gemitibus, interrumpendus est suspirijs, sequestrandus orationibus: viuendum ita, vt vitali huic moriamur vsui, seipsum sibi homo abneget, & totus mutetur: sicut quendam adolescentem fabula ferunt post amores meretricios peregrè profectum, & abolito amore regressum postea veteri occurrisset dilectæ, quæ ibi non interpellatam mirata putauerit non recognitam, rursus occurrens dixerit Ego sum, & respondit ille. Sed ego non sum ego. Vnde bene Dominus

minus ait. *Qui vult venire post me abneget semetipsum sibi, & tollat crucem suam & sequatur me* Verum loquitur Ambrosius de perfecta pœnitentia. Notum enim & vulgatum est Dei dictum apud Isaiam. *Quacumque hora ingemuerit peccator, saluus erit.* Et illud Chrysostomi homilia 9 de Pœnitentia. *Dicimus facilem esse pœnitentiam, neque onus in ea. Peccatores? dic, peccavi, & soluiſti peccatum. Producimus peccantem Dauid, & soluentem peccatum.*

Isa. 30. 15.
iuxta 70.

II. Adiunctum est, vt pœnitentes fructus pœnitentiæ dignos edant, quod Phariseos & Sadduceos docuit S. Ioannes Baptista, hoc est, lacrymis, humilitate, precibus, ieiunio; ciliciis, operibusq; misericordiæ demonſtrent se serio pœnitere. Vnde S. Cypr. serm. de lapsis, qui fidem in persecutione eiurarant. *Quam magna deliquimus, tam granditer defleamus. Alto vulnere diligens & longa medicina non desit, pœnitentia crimine minor non sit. Putas ne tu Dominum cito posse placari, quem verbis perfidis abnuisti, cui patrimonium præponere maluisti, cuius templum sacrilega contagione violasti? Putas facile eum misereri tui, quem tuum non esse dixisti? Orare oportet impensius & rogare, diem luctu transigere, vigiliis noctes ac fletibus ducere, tempus omne lacrymosis lamentationibus occupare, stratos solis adherere cinere, in cilicio & sordibus volutari: post indumentum Christi perditum, nullum hic iam velle uestitum; post diaboli cibum malle ieiunium, iustis operibus incumbere, quibus peccata purgantur; eleemosynis frequenter insistere, quibus à morte anima liberentur. Incunctanter & largiter fiat operatio.* S. Basil. in regulis moralibus, & in regulis breuioribus quæſtione quinta norat ab Apostolo Paulo hos fructus Pœnitentiæ descriptos in altera epistola ad Corinthios, dum ait. *Sed qui consolatur humiles, consolatus est nos in aduentu Christi, referens nobis vestrum desiderium, vestram fletum, vestram emulationem; pro me. Ecce enim hoc ipsum quod secundum Deum contristati estis, quantam in vobis operatur sollicitudinem, sed defensionem, sed indignationem, sed timorem, sed desiderium, sed emulationem, sed vindictam.* Et homilia prima de laudibus ieiunii docet pœnitentiam sine ieiunio otiosam esse & infrugiferam. In altera verò, ieiunium esse pœnitentie initium. Et S. Ambrosius libro secundo de Pœnitentia. *Audiant qui agunt pœnitentiam, quo modo agere debeant, quo studio, quo affectu, qua mentis intentione, qua intumorum concussione viscerum, qua cordis conuersione. Vide, inquit, Domine, quia tribulor, venter meus turbatus est à fletu meo, conuersum est cor meum in me. Cognouisti intentionem animi, fidem mentis cognosce & habitum corporis. Sederunt, inquit, in terra, tacuerunt seniores filia Sion, & imposuerunt terram super caput suum, præcinxerunt se cilicio, virgines Hierusalem defecerunt in lachrymis, oculi mei*

Matt. 4. 8.

B. c. 3.

2. Cor. 7.

A. c. 5.

Ica. 3. 6.

C. hom. 9.

Ps. 50. 19.

Ps. 6. 7.

Luc. 11. 41.

Eccli. 4.
A. C. II.

mei caligauerunt Sic fleuit & Niniue populus, & denunciatum excidium ciuitatis euasit. Tanta est enim pœnitentia medicina, ut mutare videatur suam Deus sententiam. In te est igitur ut euadas. vult rogari Dominus, vult despersari, vult sibi supplicari. Homo es, & vis rogari, ut ignoscas: & putas Deum tibi non roganti ignoscere? Ipse Dominus Hierusalem fleuit, ut quia ipsa flere nolebat, Domini lachrymis ad veniam pertingeret. Ipse nos flere vult, ut euadere possimus. Quid erubescis tu peccata tua flere, cum Deus etiam prophetas iusserit flere pro populis? S. Chrysost in epistolam ad Hebræos. Deus dedit pœnitentia medicinam, qua possit omnia peccata nostra delere, tantum si consideremus, qualiter oporteat apponere. Qualiter ergo istud medicamentum conficitur? Primo contemnendo & confitendo propria peccata. Iniquitatem, inquit, meam non celavi. Secundo, confiteri ex humilitate multa. Si enim confessus fueris peccatum tuum, sicut oportet confiteri, humiliatur anima. Oportet autem & alia addere humilitati, si talis erit, qualem B. David habebat dicens. Cor contritum & humiliatum Deus non despicias. Post humilitatem autem oratione intentum opus est, lacrymis multis per diem & noctem. Lauabo, inquit, per singulas noctes lectum meum, & lacrymis meis stratum meum rigabo. Post orationem autem sic intentam, opus est eleemosyna multa. Medicamentum enim validum, quod maxime operetur ad pœnitentiam hoc est. Audi enim quid dicit Scriptura. Date eleemosynam, & erunt vobis omnia munda. Adhuc oportet opem ferre iniustitiam patienti, &c. S. Hieronymus epistola ad Eustochium fructus pœnitentiæ dignos Paulæ matris ita describit. Molliam etiam in grauissima febre lectuli strata non habuit, sed super durissimam humum stratis cilicio- lis quiescebat: si tamen illa quies dicenda est, qua in gibus pane orationibus dies noctesq; iungebat, illud implens de psalterio. Lauabo per singulas noctes lectum meum lacrymis meis stratum meum rigabo. In qua fontes crederes lacrymarum, ita lenia peccata plangebant, ut illam grauissimorum criminum crederes ream. Cumq; à nobis crebrius morderet, ut parceret oculis, aiebat. Turpanda est facies, quam contra Dei præceptum purpurissa, & cerussa, & stibio saepe depinxi, affligendum corpus quod multis vacauit delitiis. Longus risus perpeti compensandus est fletu.

III. Adiunctum, ut non differatur ad mortem. Sapientis enim monitum est. Ne tardes conuerti ad Dominum, & ne differas de die in diem. Subito enim veniet ira illius. Et S. Ambrosii libro 2 de Pœnitentia. Eos, inquit, qui pœnitentiam differunt satis ipse Dominus admonuit dicens. Pœnitentiam agite, appropinquauit enim regnum cælorum. Nescimus, qua hora fur veniat, nescimus an proxima nocte à nobis reposcatur anima. Adam post culpam statim de paradiso Deus eiecit: non distulit, sed statim separauit à delitiis, ut ageret pœnitentiam. Quid enim, quod differas? an ut plura peccata com-

mittas?

mittas? Ergo quia Deus bonus est, ideo tu malus, & diuitias bonitatis eius & patientia contemnis? Sed plura de hac re in PANARIO V. Procrastinatio.

IV. Adiunctum, Quamuis periculosum sit prorogare conuersionem longius, nunquam tamen sera est conuersio. nam Ezechiel ^{Ez. c. 33. v. 11.} ait. *Impietas impij non nocebit, in quacumq; die conuersus fuerit ab impietate sua.* S. Cyprianus. *In eodem articulo temporis, cum iam anima festinat ad exitum, & egrediens ad labia expirantis emerferit poenitentiam clementissimi Dei benignitas non aspernatur, nec serum est quod verum, nec irremissibile quod voluntarium, & quacumq; necessitas cogat ad poenitudinem, nec quantitas criminis, nec breuitas temporis, nec hora extremas, nec vita enormitas, si vera contritio, si pura fuerit voluntatum mutatio excludit à venia.* S. Hieronymus ^{H. ep. 7. 23. & 43.} tribus epistolis hoc suum dictum repetit. *Nunquam sera conuersio. Latro de cruce transit ad paradysum.* Sed plura in dicto PANARIO V. Desperatio.

V. Adiunctum, vt quotidiana sit nostra poenitentia, & proinde continuetur per totam vitam. Quotidie enim tundendo pectus, vt supra ex Augustino epistola ad Seleucianam citauimus, in oratione Dominica dicimus *Et dimitte nobis debita nostra.* Eiusdem in libro 50. ^{A. hom. vlt.} homiliarum hæc sunt verba. *Altera poenitentia est cuius actio per totam istam vitam, qua in carne mortali degimus, perpetua supplicationis humilitate subeunda est: primo, quia vitam æternam incorruptibilem, immortalemq; nullus desiderat, nisi eum vita huius temporalis corruptibilis mortalisq; poeniteat.* Deinde, quamuis quisq; se gloriatur sic habere corpus edomitum, vt mundo crucifixus ab omni opere malo in seruitutem redacta membra castiget, intelligat sibi omnia hæc prestita esse, non à se existere. non solum ergo propter ipsam mutabilitatem, & ignorantiam & propter dei malitiam, sed etiam propter ipsum ^{C. hom. 22.} puluerem mundi huius quotidianam debemus agere poenitentiam. Eodem collimant verba S. Chrysost. in Genesin. *Si animam ornare vis sicut corpus solet, appone adiutorium quod ex precibus est, & peccatorum confessionem, & continuis lacrymis faciem tuam lauare ne cesses.* Nam sicut faciem corporis tui quotidie abluis ne qua forte macula faciei inhaerens fada appareat, sic & anima curam habe, quotidie lacrymis eam abluens calidis. Hac enim aqua macula deponuntur. Et homilia 3. de poenitentia. *Tametsi quotidie peccas, quotidie poenitentiam age.* Et S. Ambrosii libro altero de Poenitentia sic ^{A. cap. 10.} scribentis. *Merito reprehenduntur, qui sepius agendam poenitentiam (publicam) putant quia luxuriantur in Christo.* Nam si verè agerent poenitentiam, iterandam postea non putarent, quia sicut vnum baptisma, ita vna poenitentia, qua tamen publicè agitur. Nam quotidiani nos debet poenitere peccati:

Aaaa

sed

sed hac delictorum leuiorum, illa grauiorum. Ex his ergo Patribus habemus quotidianam & perpetuam agi posse pœnitentiam saltem ob leuia vel venialia peccata. De lethalibus agemus capite sequenti.

C A P V T VI.

De mediis, vel motiuis ad agendam Pœnitentiam.

Psal. 50. 5.

PRIMUM medium est, Consideratio peccatorum etiam olim commissorum, quoad fœditatem, magnitudinem & multitudinem. Exemplum habemus regis Dauidis in psalmo quinquagesimo peccata iam dimissa recolentis. *Quoniam iniquitatem, inquit, meam ego cognosco, & peccatum meum contra me est semper.* Et S. Pauli, sæpe inculcantis, quod persecutus sit Ecclesiam. Vnde S. Chrysostomus libro 2. de Compunctione cordis. *Tantum boni confert meminisse frequentius hominem peccati sui, ut etiam Paulum Apostolum videamus ea quæ abolita iam fuerant & deleta, adducere tamen in medium, & cum culpam de presentibus non haberet, tamen quoniam recordationes peccatorum, & luctum gemitumq; sciebat anima prodesse, etiam illa commemorat, quæ per ignorantiam commissa, gratia baptismi & confessio fidei aboleuerat.* Et infra. *Oportet ergo nos recordari priora delicta, etiam ea pro quibus veniam consecuti sumus, ut intuentes quam ingentem modum debiti remisit nobis Deus & amplius eum diligere possimus, & verecundiam pudoremq; concipere, atq; ex his corde compungi considerantes, quod ni miseratio ipsius subuenisset, tantum illud peccatorum pondus sine dubio nos in imis inferni pœnis sup. licisq; pressisset.* Hoc medio vsus videtur S. Augustinus, qui in libris confessionum ita de soloquitur. *Amore amoris tui facio istud recolet s. vias meas nequissimas in amaritudine recogitationis meæ, ut dulcescat mihi dulcedo non fallax, dulcedo falix, & secura, & colligens me à dispersione, in qua frustatim discissus, dum ab uno te auersus in multa euaniui.* Atq; hac ratione fieri potest, ut etiam probi & iusti perpetuam pœnitentiam vsq; ad vitæ exitum de lethalibus peccatis agere queant, atq; olim egerint, qui idcirco se carceribus, sepulcris & monasteriis, ut est in Ioanne Climaco & Vitæ Sanctorum, incluserunt.

A lib. 2. c. 2.

Cl. gradu 5.

Ecclesi. 7. 40.
Psal. 118. 120.
Luc. 12. 5.

II. Medium est memoria nouissimorum. Vnde Sapiens *In omnibus operibus tuis memorare nouissima tua, & in æternum non peccabis.* Et rex Dauid. *A iudiciis tuis timui.* Et Christus Dominus. *Timete eum, qui postquam occiderit habet potestatem mittere in gehennam: ita dico vobis hunc timete.* Quod medium non semel vrget S. Chrysostomus, ut libro primo de

de com
semper
rum ha
in consp
gant de
traden
regno ca
ille non
efficim
us dicer
nes iugi
berent.
general
mundo
II
IV
mortal
lis eunc
V.
leuib
PAN
V
ille pec
tuam, e
meam.
potest be
potest
nesicio
li breu
miseri
rum, ad
& num
possunt
sit, sed a
condon
pore.
cordiam
O homo
ti am ca

de compunctione cordis. Hoc solum est, inquit, quod exposcitur à nobis, ut semper ad animum reuocemus mala nostra, & conscientiam gestorum nostrorum habeamus ante oculos, ut pro his supplicemus Deo & gehennam ponamus in conspectibus nostris, & angelos, qui in die iudicii ubiq; discurrunt & congregant de omni orbe terrarum eos, qui tradendi sunt in gehennam, ac suppliciis tradendi. Ponamus etiam illud ante oculos, quanti doloris est excludi ac proiici regno cælorum, quod, ut mihi videtur, grauius est ipsa gehenna. Nam etsi ignis ille non arderet, & immortalis illa pœna non esset parata, hoc solum, quod alieni efficimur à Christo, & excludimur à bonis æternis, nonne omni pœna cruciabilis diceretur? Et S. Augustinus de innocentibus. Si diem mortis sue homines iugiter cogitare vellent, animam suam ab omni cupiditate vel malitia cohiberent. Et Ioan. Cassianus collatione decima Postremum illud est quod generaliter omnium vitiorum peremptorium esse non dubium est, ut se de hoc mundo credat quotidie migraturum.

III. Medium consideratio passionis Christi Domini.

IV. Considera, quot bonis donisq; spiritualibus vnum peccatum mortale hominem Christianum, spoliât, & contra quot quantisq; malis eundem obruat.

V. Considera, quantam pœnitentiam multi Sancti etiam pro leuibus peccatis egerint. De quibus tribus mediis, consule nostrum

PANARIUM in V. Peccatum. & Peccatum veniale.

VI. Fiducia magna in diuina misericordia, qua frētus magnus ille peccator dixit. *Miserere mei Deus secundum magnam misericordiam tuam, & secundum multitudinem miserationum tuarum dele iniquitatem meam.* Nemo siquidem, teste S. Ambrosio libro primo de Pœnitentia, potest bene agere pœnitentiam, nisi qui sperauerit indulgentiam. Immo nulla potest esse tanta vel magnitudo vel multitudo peccatorum, quæ beneficio pœnitentiæ non expientur Si fieri potest ait S. Basilius in regulis breuioribus, ut multitudo miserationum Dei numeretur, & magnitudo misericordie vlla mensura comprehendatur, collata cum magnitudine peccatorum, adhibeatur sane, si libet, desperatio. Si autem hac & magnitudine possunt, & numero desiniri (misericordia a Dei & miserationes, neq; magnitudine vlla possunt, neq; numero circumscribi) sine dubio non est, cur desperatio adhibenda sit, sed agnoscenda misericordia Dei & commissa peccata detestanda, quorum condonatio proposita est in sanguine Christi. Et S. August. serm. 58. de Tempore. Sed forte cogitat aliquis tam graua se admisisse peccata, ut iam misericordiam Dei promereri non possit. Absit hoc à sensibus omnium peccatorum. O homo. quicumq; illam peccatorum multitudinem attendis, cur & omnipotentiam celestis medici non attendis? Cum n. Deus velit misereri, quia bonus est & possit,

possi: quia omnipotens est, ipse contra se diuina pietatis ianuā claudit, qui Deum sibi misereri aut non velle, aut non posse credit, eumq; aut bonum, aut omnipotentem esse diffidit.

VII. Examen conscientia, de quo S. Augustinus in 50. homiliarum libro. *Ascendat, inquit, homo aduersum se tribunal mentis suae, si timet illud, quod oportet nos exhiberi ante tribunal Christi, ut illud recipiat unusquisq; quod per corpus gessit, siue bonum siue malum, constituat se ante faciem suam, ne hoc ei postea fiat. Nam minatur hoc Deus peccatori, dicens. Arguam te, & statuam te ante faciem tuam. Atq; ita constituto in corde iudicio adsit accusatrix cogitatio, testis conscientia, carnifex timor. Inde quidem sanguis animae confitentis per lacrymas profluat. Et S. Chrysost. in psalmum 50. *Habeto codicem conscientiam tuam, & scribe quotidiana peccata. Quando accubueris super stratum tuum & neminem infestum pateris, antequam veniat tibi somnus, profer in medium conscientiam tuam & reminiscere peccata tua, si quid in verbo, seu in facto, vel in cogitatione peccasti. Hoc enim dicit propheta. Irascimini & nolite peccare, quia dicitis in cordibus vestris, & in cubilibus vestris compungimini, &c.* Plura de hac re V. Conscientia.*

VIII. & vltimum medium sit consideratio exemplorum, hoc eff, eorum, qui veram poenitentiam egerunt, ac primò Davidis, Achab, Manassis, Niniuitarum de quibus S. Basilii in diuites auaros, & homilia de Poenitentia. 2. Eliæ & S. Ioannes Baptista, de quibus S. Hieron. lib. 2. in Matthæum, 3. S. Petri Apostoli, de quo Augustinus sermone 104. & 124. de Tempore. 4. S. Mariæ Magdalena. de qua S. Ambrosius libro 2. de Poenitentia 5. Theodosii Imperatoris de quo idem, in oratione funebri de obitu Theodosii.

VIDE V. Confessio sacramentalis. Conscientia examen. Iustitia. Profectus spiritualis. Satisfactio. Et in PANARIO. immortificatio passionum.

PRO-

PROFECTVS SPI- ritualis.

CAPVT I.

*Quid sit Profectus spiritualis, & quæ de eo in S.
Scripturis monita.*

PROFECTVS Spiritualis nomine hoc loco intelligi-
mus progressum in studio virtutis & pietatis Christianæ,
similitudine sumpta ab iter facientibus. *Proficere*, enim te-
ste S. Bernardo sermone 2. in Vigilia natalis Domini, est
quoddam proficisci. Vnde de quibuidam profectus spiritualis
studiosis dicitur in psalmo 83. *Etenim benedictionem dabit legislator,* Psal. 83. 2.
ibunt de virtute in virtutem, nam paulo ante dixerat. *Beatus vir, cuius est
auxilium abs te, ascensiones in corde suo disposuit.* In quæ verba S. Hier.
Ille disposuit ascensiones in corde suo; quicumque sanctus quotidie in priora
extenditur, & præteritorum obliuiscitur. Propterea dicuntur & in Psalterio H. in ps. 83.
psalmi graduum quindecim, & primus dicitur. *Ad Dominum, cum tribularer,
clamaui; & in secundo. Leuaui oculos meos in montes, unde veniet auxilium
mihi. Et in Tertio. Latatus sum in his, quæ dicta sunt mihi, & semper procedit;
& proficit & ascendit in sublimiora. Quod dicit hoc est. Ascensiones in corde
suo disposuit. Felix est, qui quotidie proficit, qui non considerat, quid heri fece-
rit, sed quid hodie faciat, ut proficiat. Sanctus ascensiones in corde suo ponit, pec-
cator descensiones. Quomodo qui sanctus est, quotidie proficit, ita qui peccator* Prou. 4. 18.
est quotidie decrescit. Hæc iste; Quare Salomon in Prouerbiis suis ita iu-
stum describit. *Iustorum autem semita, quasi lux splendens procedit & crescit* Eccli. 24. 29.
usq; ad perfectam diem. Et Ecclesiasticus. *Qui edunt me adhuc esurient, &* G. hom. 36.
qui bibunt me adhuc sitient. Cuius perpetuæ famis & sitis in iustis cau-
sam pulchrè assignat S. Gregorius in Euangelia. *Hoc distare, inquit, fra-
tres carissimi, inter delitias corporis & cordis solet, quod corporales delitiæ cum
non habentur græte in se desiderium accendunt, cum verò auidè eduntur co-
medentem proinus in fastidium per satietatem vertunt. At contra spirituales
delitiæ, cum non habentur, in fastidio sunt, cum verò habentur, in desiderio,*

tantoque amplius à comedēte esuriuntur, quanto & ab esuriente amplius comeduntur. In istis appetitus placet, experientia displicet. In istis appetitus vilis est, & experientia magis placet. In illis appetitus saturitatem, saturitas fastidium generat: in istis autem appetitus saturitatem, saturitas appetitum parit. Augent enim spirituales delicia desiderium in mente, dum satiant: quia quanto magis earum sapor percipitur, eo amplius cognoscitur, quod avidius ametur. Et ideo non habita amari non possunt, quia earum sapor ignoratur.

CAPVT II.

De necessitate & fructu huius profectus.

Matt. 5. 48.

Matt. 21. 37.

Rom. 13. 10.

1. Ioa. 4. 16.
A. c. 22.

Luc. 14. 26.

Ib. 33.

Ioa. 13. 15.
Ioa. 15. 13.

B. ep. 341.

CVR hic spiritualis profectus omnibus veræ virtutis cultoribus necessarius sit & salutaris, plures causæ reddi possunt. Prima sit, quod omnes teneamur ad vitæ Christianæ perfectionem aspirare, quod sine quotidiana in virtute progressionē agrè fieri potest. Clarū siquidem est Christi edictum apud Matthæum promulgatum *Esote perfecti, sicut & pater vester celestis perfectus est.* Deinde tenemur diligere Deum ex toto corde, & proximum sicut nos ipsos, ut est apud eundem, at perfectio, vel plenitudo legis ut loquitur Apostolus ad Romanos, *est dilectio.* Et ad Colossenses: *Super omnia autem hæc,* ait idem. *Charitatem habete, quod est vinculum perfectionis.* Et perspicua est huius doctrinæ ratio. Tum n. quæq; res perfectionem suam consecuta dicitur, cum peruenit ad suum finem. At finis noster est Deus, cui utiq; adheremus per charitatem. *Deus enim charitas est,* inquit B. Ioannes, *& qui manet in charitate, in Deo manet, & Deus in eo.* Vnde S. August. libro primo de doctrina Christiana. *Tunc quippe, inquit, optimus est homo, cum tota vita sua pergit in incommutabilem vitam, & toto affectu inhaeret illi.*

II Causa est, quia quamdiu in hac vita degimus, in schola Christi versamur, & discipuli Christi sumus: atqui indignus est schola & magistri institutione, qui non conatur in studio quod pertractat proficere. Accedit, quod apud B. Lucam Christus diserte negat suos esse discipulos, qui non oderint patrem & matrem, qui non tulerint crucem, qui non renunciarint omnibus quæ possident, & apud S. Ioannem, *In hoc, ait, cognoscent omnes, quia discipuli mei estis si dilectionem habueritis ad inuicem.* Et addit. *Maiorē hac dilectionē nemo habet ut animam suā ponat quis pro amicis suis,* at quomodo ad hanc virtutum perfectionem aspirabit contemptor profectus in spiritu. Vnde Sanctus Bernardus sic

hie inchoauit epistolam ad monachos Ecclesie S. Bertini scriptam. Ita quaso, ita facite dilectissimi Discipulus quippe proficiens gloria est magistri. Quisquis in schola Christi non proficit, eius indignus est magisterio.

III. Causa est, quia vera virtus, vt loquitur idem Sanctus in epistola ad Abbatem Garinum, finem nescit, tempore non clauditur. Vnde est illud. Charitas nonquam excidit. Et item. Patientia pauperum non peribit in finem. Et. Timor Domini sanctus permanet in seculum seculi. Nunquam iustus arbitratur se comprehendisse, nunquam dicit, satis est, sed semper esurit, sititque iustitiam, ita vt si semper viueret, semper quantum in se est iustior esse contenderet, semper de bono in melius proficere totis viribus conaretur. non enim ad annum, vel ad tempus iustar mercenarij, sed in aeternam diuino se mancipat famulatui. Audi denique vocem iusti. In aeternum non obliuiscar iustificationes tuas, q̃a in ipsis viuificasti me. Et rursum inclinaui cor meum ad faciendas iustificationes tuas in aeternum. Non igitur ad tempus. Proinde iustitia eius non manet aliquanto tempore, sed in seculum seculi. Sempiterna itaque iusti esuries sempiternam meretur refectionem. Et, licet in breui consummetur pro tempore, iudicatur tamen expleisse tempora multa pro virtutis perpetuitate. Quo denique pacto temporis breuitas bonorum praeiudicet perpetua deuotioni, quae pertinacem reproborum malitiam excusare non sufficit? Ob hoc enim proculdubio inflexibilis, & obstinata mentis punitur aeternaliter malum, licet temporaliter perpetratum: quia quod breue fuit tempore vel opere, longum esse constat in pertinaci voluntate, ita vt si nunquam moreretur, nunquam velle peccare desineret: immo semper viuere vellet, vt semper peccare posset. Proinde potest & de isto per contrarium itidem dici. Consummatum in breui expleuit tempora multa, quod merito multorum, immo omnium temporum receperit vicem, qui nullo tempore voluerit mutare intentionem. Hucusq; Bernardus.

B. cp. 127.

1. Cor. 13. 8.

Psal. 9. 12.

Psal. 18. 10.

Phil. 3. 13.

Psal. 118. 23.

1b. v. 122.

Sap. 4. 13.

IV. Causa est, quia qui vel non vult proficere, vel existimat sibi opus non esse vltiore progressu, incipit deficere. Quantumcunque hic vixerimus, ait Sanctus Augustinus, quantumcunque hic profecerimus, nemo dicat. Sufficit mihi, iustus sum: qui dixerit, remansit in via, non nouit peruenire. Vbi dixerit, sufficit, ibi haesit. Attende Apostolum, cui non sufficit. Fratres, inquit, ego me non arbitror apprehendisse. Et rursum dicit. Qui se putat scire, nondum scit, quemadmodum eum oporteat scire. Vnum autem quae retro sunt oblitus, in ea quae ante sunt extentus secundum intentionem, sequor ad palmam supernae vocationis. Ille ergo currit, tu haesitis? Ille dicit nondum se perfectum, & tu iam de perfectione gloriaris? Confundantur, qui dicunt tibi, euge euge. Et Doctor mellissimus. Non proficere hie

A. in psal. 69.

Phil. 3. 13.

1. Cor. 8. 2.

B. cp. 127.

deus

Gen. 28. 12.
1. Cor. 10. 12.
Joan. 14. 2.

dubio deficere est. Nemo proinde dicat, satis est, sic volo manere, sufficit mihi esse sicut heri & nudius tertius. In via residet quicquidmodi est, in scala subsistit, ubi neminem Patriarcha vidit non ascendentem. Dico ergo qui se existimat stare, videat, ne cadat. Ardua & angusta est. & non hic sed in domo patris mansiones sunt multe.

B. ep. 153.

Iob. 14. 2.
Id ep. 341.

Rom. 6. 23.

Gen. 15. 13.
Gen. 23. 4.
Psalm. 118. 19.
2. Cor. 5. 8.
Phil. 1. 20.
1. Pet. 2. 11.
Heb. 11. 13.
Heb. 13. 14.

V. Causa est, quia nihil est, quod in hoc mundo quiescat. O monache, inquit idem Clarauallensis Abbas, non vis proficere? non Vis ergo deficere? nequaquam, quid ergo, Sic mihi, inquis, vivere volo & manere in quo perueni, nec peior fieri patior, nec melior cupio. Hoc ergo vis, quod esse non potest. Quid enim stat in hoc seculo? Et certe de homine specialiter dictum est. Fugit velut umbra, & nunquam in eodem statu permanet. Et tunc alibi. Moueat nos ipsum quoque secularis cupiditatis exemplum. Quem n. ambitiosum vidimus aliquando contentum adeptis dignitatibus ad alias non anhelare? Sic & curiosi cuiusque non satiatur oculus visu, nec auris impletur auditu. Quid, eorum qui auaritie seruiunt, aut amatores sunt voluptatum, seu vanas hominum sectantur laudes, nonne & ipsorum insatiabilia desideria arguunt nos negligentia & tepiditatis? Pudeat certe spiritualium nos bonorum minus cupidus inueniri. Erubescat anima conuersa ad Dominum minori affectu sectari iustitiam, quam iniquitatem antea sectaretur. Est enim causa quoque valde dissimilis. Stipendium quippe peccati mors, fructus autem spiritus vita aeterna. Pudeat proinde negligentius nunc in vitam, quam prius in mortem, & minori studiosius lutiis acquirere, quam perditionis augmentum. Nam ut omnino simus inexcusabiles, in via vite, quo citius, eo facilius curritur, & leue saluatoris onus, quo crescit amplius, portabilius est. Nonne & auriculas leuat, non onera pennarum siue plumarum numerositas ipsa? Tolle eas & reliquum corpus pondere suo fertur ad ima. Confirmat hanc causam, quod hominis, qua Christianus est, proprium sit non quiescere. Est enim secundum doctrinam S. Scripturarum incola, peregrinus & viator, cuius munus est tendere ad patriam celestem. Non enim habemus hic manentem ciuitatem, ut ait Apostolus, sed futuram inquirimus,

C A P V T III.

De medijs idoneis ad faciendum progressum spirit.

Phil. 3. 13.

PRIMUM medium suppeditat nobis B. PAVLVS verbo & exemplo in epistola ad Philippenses. Fratres, inquit, ego me non arbitror comprehendisse, Vnum autem quae quidem retro sunt obliuiscens, ad ea vero, quae sunt priora extendens me ipsum ad destinatum persequor, ad brauium su-

super
sent
me
lum
abig
& se
vide
laud
Quid
pe vi
peric
recte
quan
tis in
uerit
reput
dulci
quod
prater

agen
um a
gislato
118.
nens
in via
profici
sibi le
si poen
scit de
verba
mias
viri,
vie m
tinuo
sconde

II
sumus
co pa

Supernae vocationis Dei in Christo IESU. Quicumque ergo perfecti sumus, hoc sentiamus. Quibus verbis indicat, si proficere velimus, nos non debere meminisse bonorum quæ egimus, sed quæ acturi simus, Nam vt in illum locum scribit S. Chrysost., nihil adeo recte facta euacuat, & in ventum abigit, atq; memoria bonorum, quæ nos operati sumus. Nam duo mala parit; & seiores facit, & in arrogantiam extollit. Quapropter Paulus quoniam videbat naturam nostram ad socordiam pronam, & Philipenses plurimum laudauerat: vide quomodo animos eorum contrahat per hunc locum. Quid dicit? Fratres mei, ego meipsum non aum arbitror assequutum esse, nempe virtutem omnem. Et paulo post. Si Paulus post mille mortes, post tanta pericula isthuc arbitratus sese est, multo magis nos obliuiscenda ergo & nobis recte facta & à tergo relinquenda sunt. Etenim & qui currit non reputat, quantum spacij confecerit, sed quantum adhuc desit: & non quantum virtutis impleuerimus reputemus, sed quantum adhuc supersit. Quid enim nos inuerit, quod confectum est, si quod deest adiectum non fuerit? Et non dixi, non reputans, neque memorans, sed obliuiscens. Nam ita demum diligentes & seduli reddimur, quando omnem animi promptitudinem, & alacritatem ad id, quod adhuc superest assequendum recolligerimus & reparauerimus, quanto praterita obliuioni mandauerimus.

Ch. hom. 12.

II. MEDIUM est diuini auxilii imploratio. Vnde psalter regius agens de profectus spiritualis cupido Beatus, inquit, vir cuius est auxilium abs te, ascensiones in corde suo disposuit. Etenim benedictionem dabit legislator, ibunt de virtute in virtutem. Vnde S. Augustinus illud psalmi 118. legem pone mihi Domine viam mandatorum tuorum exponens. Ad hoc, ait, postulat sibi legem poni, quæ utique si posita ei non fuisset, non in viam mandatorum Dei (vt ante dicit) in cordis latitudine cucurrisset, sed quia proficiens loquitur, & Dei donum nouit esse, quod proficit: quid aliud petit, cum sibi legem poni petat, nisi vt in ea magis magisque proficiat? quemadmodum si poculum plenum teneas & sitienti dare incipias, & haurit bibendo, & postulat desiderando. Et infra. Inde est quod & corrigit viam suam in custodiendo verba Dei, illo regente, illo fauente, neque enim per se ipse posset, cum Hieremias fateatur & dicat. Scio Domine quoniam non est hominum via eius, neque viri, vt corrigit viam suam. Et iste superius optauit. Vtinam dirigantur via mea. Et hic. In corde meo abscondi eloquia tua, vt non peccem tibi, continuo diuinum quæ sicut auxilium, ne in corde eius Dei eloquia sine fructu absconderentur, nisi opera iustitia sequerentur.

Ps. 136.

A. in. psal. 118.
conc. 11.

Ier. 10. 23.

III. est, nostra cum Dei auxilio industria & cooperatio. Dei enim sumus, vt est in epistola priore ad Corinthios, adiutores. Idque in loco paulo ante citato indicauit Apostolus, cum ait. Ad ea vero, quæ sunt

1. Cor. 3. 9.
Ph. 1. 3. 13.

Bbb

priora

C. hom. 12. ad
Philip.

1. Tim. 4. 7.

A. co. 1.

Bep. 253.

Act. 10. 38.

Pl. 18. 7.

1. Cor. 9. 24.
Phil. 1. 8.

Ch. hom. 11.

A. serm. 15.

Præiora extendens me ipsum. Extendens enim is est, inquit Chrysost. ibidem, qui pedes quanquam currentes, reliquo corpore antevertere studens seipsum in ea qua à fronte sunt extendit, & manus quoque protendit, ut etiam amplius quiddam ultra cursum efficiat. Huc verò fit ex multa animi alacritate, ex multo feruore. Ita oportet currentem currere, cum tanto studio, cum tanta alacritate, non pigre. Huc pertinet quod idem Paulus scribit ad Timotheum. Exerce autem te ipsum ad pietatem. Nam corporalis exercitatio ad modicum utilis est, pietas autem ad omnia. Vnde apud Græcos monachi, qui maximè huic quotidiano profectui in virtute operam dabant Ascetæ, dicti sunt, & S. Basilius institutiones suas monasticas Ascetica, vel exercitamenta nominavit. Omnis enim res, ait S. Ambrosius in primo libro de officiis, proprijs ac domesticis exercitijs augetur. Quomodo sine exercitio doctrina, aut sine usu profectus? Qui disciplinam bellicam vult assequi, quotidie exercitatur armis, & tanquam in procinctu positus præludit prælium. Et qui viribus corporis, legitimoque luctandi certamine coronam petunt, quotidiano usu palestra durantes membra, nutrientes patientiam, labori assuescunt.

IV. est imitatio Christi Domini, & sanctorum. Christi exemplum proponit S. Bern. ipse, inquiens, hominis seculique auctor quamdiu in terris visus est, & cum hominibus conuersatus est, nunquid stetit? Et quidem teste scriptura, pertransiit benefaciendo, & sanando omnes. Pertransiit ergo, sicut non infructuose, ita non remisse, non pigre, non lento gressu, sed quemadmodum item de eo scriptum est. Exultauit ut gigas ad currentem viam. Porro currentem non apprehendit, qui et ipse pariter non currit. Et quid prodest Christum sequi, si non contingat consequi? Ideo Paulus aiebat. Sic currite, ut comprehendatis. Ibi tu Christiane fige tui cursus profectusque metam, ubi Christus posuit suam. Factus est, inquit, obediens usque ad mortem. Quantumlibet ergo cucurreris, si usque ad mortem non perueneris, brauium non apprehendis. Brauium Christus est. Sanctorum verò exempla proponit Chrysost. in Genesin, cum agit de profectu faciendo in virtutibus. Propterea etiam, inquit, Sanctorum omnium vitas & conuersationem in diuinis scripturis perscriptam Spiritus sancti gratia reliquit, ut discerent, quod licet eiusdem fuerit natura, virtutibus tamen studuerunt, ne simus nos ignaui & desides in ijs exercendis. An non nature nostra fuit & beatus Paulus? Flagra amore huius viri, & propterea continuo versatur ipse in ore meo, & quasi in archetypum aliquod exemplar, ita in illius animam respiciens, obstupefco in hac mira miram affectionum, supplantationem, fortitudinis excellentiam, amoris in Deum feruorem, & arbitror, quod unus homo omnes virtutes congregarit, & perfecit.

V. Medium est creber usus Examini conscientie, quod insinuat Sanctus A. G. V. S. T. I. N. V. S. sermone quodam de verbis Apostoli.

Stol
tam
lar
Prop
tion
cui
ceas
ibin
semp
ner,
deu
Idem
ait,
reba
la, e
nos
& m
detr
emer
tea,
turb
rens
suffi
nasc

qua
suis
dis
qua
man
imp
qui
cu, i
labor
min
v s
tur,
ferri

Itoli. dum tractat verba S. Pauli ex epistola ad Philippenses. Verum-
tamen in quod peruenimus, in eo ambulemus. Dicitis, inquit, quid est ambu-
lare? Breuiter dico proficere, ne forte non intelligatis, & pigrius ambuletis.
Proficite fratres mei, discutite vos semper sine dolo, sine adulatione, sine palpa-
tione. Non enim est aliquis intus tecum, cui erubescas, & iactes te. Est tibi, sed
cui placet humilitas, ipse te probet. Proba & te ipsum tu ipse. Semper ubi dispi-
ceas, quod es, si vis peruenire ad id quod nondum es. Nam ubi tibi placuisti
ibi remansisti. Si autem dixeris, sufficit, & peristi, semper adde, semper ambula,
semper profice: noli in via remanere, noli retro redire, noli deuiare. Rema-
net, qui non proficit: retro redit, qui ad eam uoluitur, unde iam abscefferat;
deuiat, qui apostatat. Melius it claudus in via, quam cursor prater viam.
Idem medium præscribit S. Chrysostomus loco iam citato. Si Paulus,
ait, qui tot præclaris operibus excelluit, & quasi angelus semper terram appa-
rebat, quotidie studebat lucrifacere, & pro veritate stare in acie contra pericu-
la, & sibi colligere spirituales mœnes; & semper progredi, qualem habebimus
nos defensionem, qui non solum bonis omnibus operibus destituti sumus, sed
& malis grauati, quorum vnum duntaxat in ipsum perditionis profundum
destrudere nos sufficeret, nullumque præterea studium est, ut vel hac saltem
emendemus? Et intra. Obsecro igitur vos omnes, ut unusquisque, si non an-
tea, vel certè iam operam det, ut vitium quod affectiones suas magis inter-
turbat ex anima exsecet, & pia cogitatione quasi spirituali quodam gladio u-
tens seipsum ab affectionibus liberet. Dedit enim nobis Deus rationem qua
sufficiat & possit si velimus prauum respicere ad edomanda omnia que in nobis
nascuntur vitia.

Phil. 3. 19.

Chom. 2. in
Genclia.Examen parti-
culare.

V. Medium & extremum sit quotidiana propositi renouatio,
quam non semel S. Antonius eremita, teste S. Athanasio fratribus
suis congregatis consuluit in hæc verba. Hoc sit autem primum cun-
ctis in commune mandatum, nullum arrepti propositi vigore lassescere, sed
quasi incipientem augere semper, er debere, quod caperit, reserui. cum hu-
mana vite spacia æternitati comparata breuissima sint & parua, Et rursus
impendente iam morte Ego, inquit ad eosdem, filioli secundum elo-
quia scripturarum Patrum gradior viam: iam enim Dominus me inuitat, iam
cupio videre celestia, sed vos, o viscera mea admoneo, ne tanti temporis
laborem repente perdat. Hodie vos religiosum studium arripuisse arbitra-
mini, & capta voluntatis fortitudo succrescat. Et Sanctus GREGORI-
vs libro 22. moralium. Humana mens, ait, dum igne amoris extoqui-
tur, semper in se seruat claritatem pulchritudinis quotidiana innouatione
seruoris: nescit enim mens per torrorem veterascere, qua studet per deside-

Ath. in eius
vita.

G. c. 20.

Eph. 4. 23.

Psal. 76. 12.

rium semper inchoare. Hinc nempe per Paulum dicitur. Renouamini spiritu mentis vestre. Hinc Psalmista, qui ad perfectionis culmen iam peruenerat, quasi inchoans dicebat. Ego dixi, nunc capi: quia videlicet si lassescere ab inchoatis bonis nolumus, valde necesse est, ut inchoare nos quotidie credamus.

VIDE V. Abnegatio. Cogitatio diuinæ presentia. Cognitio sui & Dei. Conscientia examen. Deuotio. Familiaritas cum Deo. Gaudium spirituale. Humilitas. Oratio. Perfectio Christiana. Sapientia. Virtus. Et in PANARIO. Procrastinatio. Tepiditas spiritualis.



P R V D E N T I A.

C A P V T I.

Quid sit Prudentia, & quotuplex.

A. in pl. 73.
Amb. c. 25.A. c. 13.
Id. q. 32.

Ib. q. 31.

Th. 22. q. 49.

Ar. 9. Eth. c. 9.

PRVDENTIAE vocabulum, vel à prouidendo, ut habet Cicero de Legibus, vel à porro vel proculvidendo, teste Augustino in psalmos, deductum est. Ambrosius in primo de Officiis eam sitam esse vult in inuestigatione veritatis. Basilii in principium Prouerbiorum rectius definit rerum agendarum, omittendarumue cognitionem. Augustinus libro de libero arbitrio, esse appetendarum, vitandarumue rerum scientiam. Et libro 83. questionum, esse rerum bonarum & malarum, & neutrarum scientiam. Vtramque sumpsit ex M. Tullio libro prime de Officiis, libro altero de inuentione.

PARTES eius teste Augustino loco citato, sunt tres, memoria, intelligentia, prouidentia. Memoria est, per quam animus repetit illa, qua fuerunt. Intelligentia per quam ea perspicit qua sunt. Prouidentia per quam futurum aliquid videtur, antequam factum est. His S. Thomas adiicit docilitatem, solertiam, rationem, circumspeditionem, & cautionem. Docilitas est, qua vel audiendo prudentum consilia, vel legendo eorum libros, vel experientia discimus quid agendum sit. Solertia est bona & celeris coniectatio, ut docet Aristoteles. Ratio est cognitio vnius ex alio per argumentationem. Circumspectio est accurata consideratio circumstantiarum.

rum. *Cautio* est prouisio aduersus mala contraria, quæ obstare bonis consiliis possint. Vnde Apostolus ad Ephesios scripsit. *Videte fratres, quomodo caute ambuletis, non quasi insipientes, sed ut sapientes.* Eph. 5. 15.

A C T I O N E S quoq; eiusdem tres sunt, Philosopho teste. Prima est *consilium*: constituto enim sine, ad quem obtinendum tendimus, voluntas mouet intellectum, ut inuestiget media ad illum assequendum idonea. II. est *iudicium*, quo iudicat homo, quod medium magis sit opportunum. III. est *Imperium*, quo imperat ratio voluntati, ut exequatur quod iudicatum est. Ar. 6. Eth. c. 9. & 10.

A D has autem actiones facile, accurateq; præstandas, tres assignantur habitus. *Eubulia*, *Synesis*, & *Gnome*. *Eubulia* seruit ad media accommodata facile inuenienda. *Synesis*, ad bene iudicandum de iis, quæ lege aliqua definita sunt. *Gnome* verò, ad ferendum iudicium de iis quæ non sunt lege aliqua decreta, & tamen in praxin veniunt. Ib.

C A P V T II.

De dignitate Virtutis Prudentia.

D I G N I T A T E M huius virtutis ostendit in Verbo diuino Spiritus sanctus, cum eam tanquam præcipuam optimaq; nobis commendat. Nam per Salomonis os ait. *Beatus vir qui inuenit sapientiam, & affluit prudentia. Melior est acquisitio eius negotiatione argenti & auri primi, & purissimi fructus eius.* Et rursus. *Posside sapientiam, posside prudentiam: ne dimittas eam, & custodiet te; dilige eam & conseruabit te.* Et per Sapientem. *Sobrietatem & prudentiam docet (sapientia) & iustitiam & virtutem, quibus utilius nihil est in vita hominibus.* Et per Ecclesiasticum. *Sapiens in populo hereditabit honorem, & nomen illius erit viuens in æternum.* Christus quoque Dominus Apostolis suis hanc imprimis virtutem commendauit, dicens. *Estote prudentes, sicut serpentes.* Et S. Paulus ad Romanos. *Prudentia, ait, carnis mors est. Prudentia autem spiritus vita & pax.* Et in priore ad Corinthios *discretionem spirituum* numerat inter dona Spiritus sancti. Prou. 9. 14. Sap. 8. 7. Eccli. 17. 19. Matt. 10. 16. Rom. 8. 5. 1. Cor. 12. 10.

O S T E N D V N T & S Patres. Basilus in principium Prouerbiorum. *Prudentiam unam ex virtutibus præclaris existere palam est, quæ bonorum, & malorum, & indifferentium nos homines scientes reddimur.* Et paulo post. *Quam si quis rite sectatus fuerit, nunquam ab officio, virtuteq; abscedet, nunquam vitiorum pestem incurret.* Et in oratione de felicitate. *Profecto diuina quædam res est consilium: est namq; animi coniunctio, chari-* Bas. hom. 72. Id. orat. 22.

A. c. 1. p.

Id. c. 27.

Ibid.

Matt. 23.
C. Hom. 11.

A. c. 4.

P. c. 16.

C. c. 1.

Id. c. 4.

B. ferm. 49.

tatis fructus, mentis demissi demonstratio. S. Ambrosius primo de officiis, agens de virtutibus cardinalibus quatuor. Quarum, ait, primo loco constituerunt prudentiam qua in veri investigatione versatur, & scientia plenioris infundit cupiditatem: secundo iustitiam, &c. Et infra. Primus igitur officii fons prudentia est. Quid enim tam plenum officii, quam deferre auctori studium atq. reuerentiam? Putauit Ambrosius hoc primum veræ prudentiæ munus esse, credere in verum Deum, vt Abraham credidit. Vnde subiicit. Neque iterum prudentia sine iustitia est: pietas enim in Deum, initium intellectus. Chrysost. in Matthæum operis imperfecti, in verba. Quis enim fidelis seruus & prudens? Rem quidem, inquit, laudabilem proponit, rarissimam autem, vt quis fidelis inueniatur & prudens. Ecce si queras fideles, id est, Deum timentes, & ipsos quidem non multos inuenies, tamen adhuc facile inuenis. Item si prudentes queras, inuenies multos, fidelis autem & prudens difficile inuenitur. Quanto ergo rarius inuenitur, tanto qui inuentus fuerit beator est. Prudentem autem dico non scientem & doctum, sed sensatum & mente acutū, qui potest rerum ponderare naturas, & secundum quod potest rationabiliter omnia agere. S. Augustinus libro 19. de ciuitate Dei. Quid illa virtus, qua prudentia dicitur, nonne tota vigilantia sua bona discernit à malis, vt in illis appetendis, istisq. vitandis nullus error obrepit? At per hoc & ipsa in nos malis, vel mala in nobis esse testatur. Ipsa enim docet malum esse ad peccandum consentire, bonumq. esse, ad peccandum non consentire libidini. S. Prosper libro 2. de vita contemplatiua agens de 4 virtutibus cardinalibus generatim. Hoc, ait imprimis nosse & tenere debemus, quod istæ quatuor virtutes, vel omnes quæ ex illis existunt, dona sint Dei, & quod nullus eas habet, habuit, aut habebit, nisi cui Deus, qui est omnium virtutum proprietates & origo contulerit: quoniam quicumq. quocumq. tempore in quacumq. gente in Deum credentes ex fide vixerunt, illius dono temperantes ac prudentes, iusti ac fortes fieri utiq. potuerunt. Qui autem nescientes Deum, vel etiam blasphemantes sine fide vixerunt, nihil earum virtutum à Deo accipere, vel habere potuisse credendi sunt. Ioa Cassianus collatione 2. Est discretio, non mediocris quædam virtus, nec quæ humana passim valeat industria comprehendere, nisi diuina fuerit largitate collata. Et rursus. Omnium virtutum generatrix, custos, moderatrixq. discretio est. S. Bernardus in Cantica. Discretio omni virtuti ordinem ponit, ordo modum tribuit & decorem etiam & perpetuitatem, &c. Est ergo discretio non tam virtus, quam quædam moderatrix & auriga virtutum, ordinatrixq. affectuum, & morum doctrix. Tolle hanc, & virtus vitium erit,

CAPVT III.

De necessitate & utilitate eiusdem.

NECCESSITAS Prudentiæ liquet primo ex iis Scripturæ testimoniis, quibus arguuntur imprudentes, & qui sine consilio res suas gesserunt, ut in Deuteronomio. *Gens, inquit, absq. consilio & sine prudentia: utinam saperent & intelligerent ac nouissima prouiderent* Et in Prouerbiis Salomonis Deus. *Despexistis omne consilium meum & increpationes meas neglexistis.* 2. Vbi iubemur nihil sine consilio facere, ut in Ecclesiastico. *Fili sine consilio nihil facias, & post factum non pœnitebis.* Et iterum. *Ante omnia opera verbum verax precedat te, & ante omnem actum consilium stabile.* 3. vbi iubemur à Deo petere consilium, ipse enim de se dicit. *Meum est consilium & aequitas mea est prudentia.* Sic Tobias ad filium: *Pete ab eo, ut vias tuas dirigat, & omnia consilia tua in ipso permanent.* Sic S. Iudith orabat *In corde meo Domine consilium corrobora, ut domus tua in sanctificatione permaneat.* 4. vbi petere ab hominibus. *Consilium semper,* ait idem Tobias, *à sapiente perquire.* Et Ecclesiasticus. *Cum sapientibus & prudentibus tracta.*

Deut. 32. 2.

Prou. 1. 29.

Eccli 32. 24.

Eccli 37. 10.

Prou. 8. 14.

Tob. 4. 20.

Iud. 9. 18.

Tob. 4. 18.

Eccli 9. 21.

UTILITAS verò prudentiæ inde constat, quia teste mortaliū prudentissimo, *Vbi non est gubernator, populus corruet. salus autem, vbi multa consilia* Cuius & hæc sunt dicta. *Custodi legem atq. consilium, & erit vita anima tua.* Et. *Diffipantur cogitationes, vbi non est consilium, vbi verò sunt plures consiliarii, confirmantur.* Et. *Vnguento & odoribus variis delectatur cor, & bonis amici consilijs anima dulcoratur.*

Prou. 11. 14.

Prou. 1. 32.

Pro. 15. 21.

Pro. 27. 9.

EANDEM utilitatem, necessitatemq. confirmant. S. Patres. S. Basilii in Isaiam. *Planè, inquit, non exigui momenti beneficium est, quod à prudente & beneuolo consiliario emanat consilium, quippe qui suo aduentu supplet, quod desit prudentia consilium de re quapiam captantibus.* Proinde quantum emolumentum obueniat ex accepto consilio declarat vel maxime Moses, qui omni sapientia Ægyptiorum eruditus qui familiari colloquio cum Deo congregiebatur. *Hic tantus consilium sibi redditum à Iothor socero suo accepit, ut tribunos millenarios constitueret, &c.* Utq. in genere dicam, sacra quadam res est consilium, voluntatum unio, fructus dilectionis, humilitatis insigne. Et in oratione de felicitate. *Magnam mehercle hominibus affert utilitatem consilium, eo quod nemo sibi sufficiat ad electionem rerum honestarum, vtiliumue, sed pluribus sane sociis, iisque solertibus opus habet.*

1. 31 c. 14.

Gen. 28.

Id. orat. 22. 1.

Il. c. 15.

A. c. 27.

P. lib. 3. c. 29.

Matt. 10. 16.

A. c. 24.

C. c. 2.
Luc. 12. 34.

Id. c. 4.

B. serm. 49.

Arc. 13.

habet. Vnde haud absurde homo consilij expertus, similis censetur nauigio rector carente, quodq; ventorum impetu huc illucq; impellitur. Et de Constitutionibus monasticis. In omni qua suscipitur actione antecedere prudentia debet. Nam prudentia remota nihil cuiusvis generis est quod licet bonum videatur, non in vitium recidat, si aut alieno tempore, aut non adhibita moderatione fiat. Ratio vero & prudentia, ubi rebus bonis idoneum tempus ac modum designant, mirabile est, quantus ex earum usu, cum in dantes, tum in accipientes fructus redundet. S. Ambrosius libro primo de officiis. Primus officii fons est prudentia: qui tamen fons & in virtutes deriuatur ceteras. Neq; enim potest iustitia sine prudentia esse: cum examinare, quid iustum, quidne iniustum sit, non mediocris prudentia sit. Et libro de paradiso c. 2. non angusta quadam sed diues utilitatum prudentia est que pluribus prodest. S. Prosper de vita contemplatiua. Cognitio rerum, que de prudentia fonte confertur, spirituales omnes à carnalibus vitijs defecatos illustrat, & ab omni noxia curiositatis delectatione auersos desiderio contemplanda virtutis inflamat, ut humanarum rerum diuinarumq; scientiam consecuti prudentes ac sapientes veraciter fiant, prospiciant imminetia mala, simul & caueant, nec putent vlla esse mala; nisi ea que malos efficiant, inter fallentia & solida bona discernant, nec ipsi aliis noceant, nec sibi nocere permittant. Tales Dominus in Euangelio fieri praecepit. Estote prudentes, sicut serpentes, simplices sicut columba, quia nec simplices circumvenire aliquos possunt, nec prudentes se circumueniri permittunt. S. Augustinus libro primo de moribus Ecclesiae ait, si desit prudentia nullum esse ceterarum virtutum usum, & addit. Huius autem excubia, atq; diligentissima vigilantia est, ne subrepente paulatim mala suasionem fallamur. Io. Cassianus collatione secunda. Hec est, ait, quae oculus & lucerna corporis in Euangelio nuncupatur secundum illam sententiam Saluatoris: Lucerna corporis tui est oculus tuus, &c. eo quod ipsas cogitationes hominis vniuersas, actusq; discernens cuncta quae agenda sunt peruideat, atq; perlustrat. Et iterum. Tam B. Antonii quam vniuersorum sententia definitum est, discretionem esse, quae fixo gradu intrepidum hominem perducit ad Deum, praedita q; virtutes iugiter conseruet illas, cum qua ad consummationis excelsa fastigia minore possit fatigatione conscendi. Idem docuit S. Bernardus, ita ut in Cantica scribat. Tolle discretionem, & virtus vitium erit, ipsaq; affectio naturalis in perturbationem magis conuertetur exterminiumq; natura.

VERVM & gentiles Philosophi hanc necessitatem, utilitatemq; prudentiae agnouerunt. Aristoteles enim in sexto de moribus. Constat, ait, neq; proprie bonum esse sine prudentia, neq; prudentem sine morali virtute quempiam esse, Et M. Tullius in prima Tusculana. Prudentia nihil dulcius, quam ut cetera auferat, adfert certe senectus. Et in secunda. Sine

pru-

Sine pr
lentia
st. E

PR
S. A
dicit Sc
mo enim
Et libro
virtute
fundam
virtute
secund
fidem. q
Et a opin

I
na, uti i
plices sic
Praecip
quasi se
am, nec
prudent
malitia
Prospe
in colloq
decipiat
sa, sed si
pat sana
prodesse
acquirat
casu pere
ab ipso e

Sine prudentia ne intelligi quidem ulla virtus potest. Et Seneca. Sine pru- S.ep. 68. & 89.
dentia nullum initur consilium. Etrurfus. Prudentia ad beatam vitam satis I. Sat. 20.
est. Et IVVENALIS.

Nullum numen abest, si sit prudentia.

C A P V T IV.

De proprietatibus quibusdam prudentie.

PRIMA Proprietas est, ut cum fide & charitate sit coniuncta. Vnde A. lib. 1. c. 25.
S. Ambrosius de officiis. *Fuit in S. Abraham primo loco prudentia, de quo*
dicit Scriptura. Credidit Abraham Deo, & reputatum est illi ad iustitiam. Ne-
mo enim prudens, qui Deum nescit. Denique insipiens dixit, quia non est Deus.
Et libro 2. de Abraham. *Prudentia sine iustitia nocet. Iustitiam vocat, qua* Gen. 15. 6.
virtutes omnes complectitur. S. Basilii. Ipsa prudentia edificanti domum Rom. 4. 3.
fundamentum super petram locare, hoc est in Christi fide fundare largitur. De Psal. 11. 2.
virtute morali idem agnuit Socrates apud Aristotelem, & Cicero in Id. c. 10.
secundo de officiis. Prudentia, inquit, nihil valet sine iustitia ad faciendam B. hom. 12.
fidem. quo enim quis versutior & callidior est, hoc inuisior & suspectior, detra- A. 6. Eth. c. 13.
cta opinione probitatis.

II. Proprietas est, ut iuncta sit simplicitati, à fūco & dolo alie-
na, uti iunxit eam Christus dicens *Estote prudentes sicut serpentes, & sim-*
plices sicut columbe. Vnde S. Hieron. libro 2. commentariorum in Osee. Matt. 10. 16.
Præcepit Dominus in Evangelio, ut simus simplices quasi columbe, & astuti H. in c. 7.
quasi serpentes, ut imitantes simplicitatem columbarum, & serpentis astuti-
am, nec alijs nocere possimus, nec ab alijs patiamur insidias, sed simplicitate &
prudentia exhibeamus hominem temperatum, quia prudentia absq. bonitate
malitia est, & simplicitas absq. ratione stultitia nominatur. Idem habet B.
Prosper loco supra citato, & addit: *Ceterum, si in contractu quolibet, siue*
in colloquio, vel in alia quaq. re se decipi quisq. non sinit, & alium tamen ipse
decipiat, iste non habet prudentiam, quæ salutis magis, quam perditionis est cau-
sa, sed simulat. Quoniam quidem hæc virtus à vitio distat, quod illud corrup-
pat sana, hæc sanat vitij accessione corrupta, ac sic aut omnibus quibus potest
prodesse festinat veraciter prudens, ut eius meritis omnium, qui per eum Deo
acquiritur fructus augeat, aut si cogitat de perditione cuiuspiam, vel de
casu pereuntis exultat, necesse est, ut prius pereat ipse, quam alium perdat, &
ab ipso ea perditio, quæ perire alium cupit, incipiat.

1. Pet. 4. 7.

Rom. 12. 11.

Prou. 13. 4.

A. ep. 29.

Id. c. 24.

A. c. 9.

Rom. 8. 6.

Id. v. 4.

Col. 3. 7.

A. in ps. 48.

Prou. 30. 25.

A. in c. 6.

Psalm. 105. 3.

G. c. 2.

III. ut post sufficiens consilium, iudiciumque de re agenda, fugiendaue habitum, celeriter & impigre voluntati imperet executionem. Vnde S. Petrus prudentiæ vigilantiam coniunxit, dicens. *Estate prudentes, & vigilate in orationibus.* & S. Paulus ad Romanos. *Solitudine non pigri. Vult enim & non vult piger,* teste Salomone, *anima autem operantium impinguabitur.* Nec secus S. Augustinus epistola ad Hieronymum de Stoicis. *Certe hinc persuadent, qui unam virtutem habuerit, habere omnes, & omnes deesse, cui una defuerit, quod prudentia nec ignava, nec iniusta, nec intemperans potest esse.* Et de moribus Ecclesiæ. *Huius, (nempe prudentiæ inquit) excubie, atque diligentissima vigilantia est, ne subrepente paulatim mala suasionem fallamur.* Vnde saepe Dominus, *Vigilate, clamat: & Ambulate, dum lucem habetis.* Consentit & Philosophus in sexto de moribus asserens cito agenda esse, quæ consultaueris.

IV. est prospicere in futurum, hoc est, in futuram vitam, ac proinde anteferre cœlestia terrenis, spiritualia carnalibus, æterna caducis. *Prudentia enim carnis,* teste Apostolo, *mors est, prudentia autem spiritus vita & pax.* Nos autem hic *non secundum carnem ambulamus,* inquit idē, *sed secundum spiritum.* Qui enim secundum carnem sunt, quæ carnis sunt sentiunt, qui verò secundum spiritum sunt, quæ sunt spiritus sentiunt. Quibus dicitur. *Igitur si consurrexistis cum Christo, quæ sursum sunt querite, ubi Christus est in dextera Dei sedens, quæ sursum sunt sapite, non quæ super terram.* Vnde S. Augustinus in verba Psalmographi. *Simul imprudens & insipiens peribunt.* Quis est imprudens? qui non sibi prospicit in futurum. Quis est insipiens? Qui non intelligit, in quo malo sit. Tu verò intellige, in quo malo sis modo. & prospice ut in bonis sis in posterum. Intelligendo in quo malo sis, non eris insipiens: prospiciendo tibi in futurum, non eris imprudens. Et paulo post. *Eso prudens, & prospice tibi in posterum in cœlo.* Eslo ergo prudens, & imitare formicam, sicut dicit Scriptura, *reconde æstate, ne esurias in hyeme.* Hyems est dies nouissimus, dies tribulationis. Et S. Ambrosius in Lucam, tractans verba. *Beati qui nunc fletis, quia ridebitis.* Habes, ait, prudentiam, cuius est flere occidua, & ea quæ æterna sunt querere, lugere secularia, quæ seipsa compugnent: Deum pacis inquirere, qui stulta mundi elegit, ut confundat sapientes.

V. est, quottidie per examen conscientie discutere cogitationes & actus suos, iuxta Psalmistæ dictum. *Beati qui custodiunt iudicium, & faciunt iustitiam in omni tempore.* Debet enim unusquisque mens, ut docet S. Gregorius libro 25. moralium, & causas suas apud Dominum, & causas Domini contra se sollicita inquisitione discutere: debet cautè pensare, vel quæ ab ea bona perceperit, vel quæ mala bonis illius peruersè vivendo responderit.

Quod

Quod electi quidem quotidie facere omnino non cessant. Unde bene Salomon Prou. 12. 3.
ait. Cogitationes iustorum iudicia. Accedunt enim ad secretarium iudicis intra
sinum cordis: considerant quàm districte quandoq; feriat, qui diu patienter ex-
pectat, metuunt in his qua se egisse meminerunt, & puniunt flendo, quod perpe-
tasse se intelligunt, &c. ibi aduersum se, quicquid se impugnat enumerant, ibi
ante oculos suos omne quod desleant, coacervant, ibi quicquid per iram districti
iudicis decerni possit intuentur, ibi tot patiuntur supplicia, quod pati timent,
nec deest in hoc iudicio mente concepto omne ministerium, quod punire reos suos
plenius debeat. Nam conscientia accusat, ratio indicat, timor ligat, dolor ex-
cruciat. Quod iudicium eo certius punit, quo interiorius sanis, quia videlicet ab
exterioribus non accedit.

V I. Proprietas est, quod Prudentia magis conueniat Superio- Ar. 3. Eth. 6. 3.
 ribus aliorumq; magistris, quam subditis & discipulis. Prudentia, in-
 quit Aristoteles, propria virtus est presidentis. Nam cetera quidem virtutes
 videntur communes tam eorum qui praesunt, quàm eorum, qui subsunt, at pru-
 dentia non est virtus eius qui subsit. Quod intelligendum est de subditis,
 qua subditi sunt, & de discipulis, qua discipuli, & de prudentia, non
 qua consulendi & iudicandi, sed tantum qua praecipendi munere
 fungitur; si enim subditis ceterae virtutes competunt, quomodo
 potest abesse virtus prudentiae? omnes siquidem virtutes sunt inter
 se connexae. Quod autem subditorum sit, dum superior aliquid impe-
 rat, obtemperare, & non per propriam prudentiam discutere Supe-
 rioris mandatum, tradit S. Basilus in Constitutionibus monasticis. B. c. 20. & 21.
Monachi, inquit, libentissime obtemperent suo Praeposito, nec ab eo eorum, qua
sibi imponuntur, rationem reoscant, nihil omnino ipsorum iussa curiosius per-
scrutando. Et S. Hieron. epistola ad Rusticum monachum. Credas tibi sa- H. ep. 4.
lutare, quicquid monasterii Praepositus praeceperit, nec de maiorum sententia in-
dicis, cuius officii est obedire & implere qua iussa sunt dicente Moysè. Audi Is-
rahel & tace. Sed plura de hac re in Panario V. inobedientia, post VI. Deut. 6. 3.
 REMEDIUM.

CAPUT V.

De mediis ad comparandam prudentiam idoneis.

PRIMUM medium est diligens inquisitio & meditatio corum de qui-
 bus consiliū capitur, maximè si ardua sint. Nam rex sapientissimus Psal. 11.
 David, cum in psalms foribus dixisset beatū, q non abiisset in consiliū
 impio-

Pf. 118. 47.
Ib. v. 77.

Prou. 10. 32.
A. c. 10.

G. lib. 2. ep. 6.

Arist. c. 9.

Prou. 3. 5.
Prou. 12. 15.
Eccli. 32. 24.
Rom. 12. 16.
Eccli. 8. 17.

H. in c. 3.

Eccli. 6. 6.
B. hom. 12.

Ch. hom. 9.

Gen. 12.

A. de temp.
ser. 68.
Pf. 118. 35.

impiorum, mox subiecit. *Sed in lege Domini meditat ur die ac nocte.* Et alibi. *Meditabar in mandatis tuis.* Et *Lex tua meditatio mea est.* Et Salomon, quamuis asserat iustum virum non nisi quæ placeant Deo cogitare, ea tamen ipsa pronunciat ab eodem considerari, cum ait. *Labia iusti considerant placita.* Hinc S. Ambrosius primo de officiis. *Sapiens, ut loquatur, multa prius considerat, quid dicat, aut cui dicat, quo in loco, quo tempore.* Est ergo & tacendi & loquendi modus. Et S. Gregorii ad Paulum Episcopum monitum est. *Summis in rebus citum non oportet esse consilium.* Aristotelis quoque in sexto Ethico sententia est, vulgato prouerbio, Senecæ attributo, consentiens. *Deliberandum esse diu, quod statuendum est semel.*

II. Medium est, aliorum doctiorum, prudentiorum, seniorumque consiliis uti. Quae de re multa sunt dicta Spiritus sancti. *Ne inuitaris,* ait *Sapiens, prudentia tuae.* Et. *Qui sapiens est, audit consilia.* Et. *Fili, sine consilio nihil facias.* Et Apostolus. *Nolite prudentes esse apud vosmetipsos.* Et Ecclesiasticus. *Non te pretereant narratio seniorum: ipsi enim didicerunt à Patribus suis, quoniam ab ipsis discēs intellectum, & in tempore necessitatis dare responsum.* Vnde S. Hieron: in Isaiam, *Grati poeta laudabilis illa & admiranda sententia est, primum esse beatum, qui per se sapiat: secundum qui sapientem audiat: qui autem utroque careat, hunc inutilem esse tam sibi quam omnibus.* Vnde & illud in nostris libris legimus. *Amici tibi sint plurimi, consiliarius autem unus de mille.* Et S. Basilii in Prouerbia. *Superbia magna habetur, existimare se nullius egere consilio, ac sibi ipsi penitus acquiescere, quasi vel solus sapiat, vel quam optimam medium consulere valeat.* Magnam profecto affert hominibus utilitatem consilium, eo quod nemo sibi sufficiat ad electionem rerum utilium, honestarumue, sed pluribus sane sociis, usque solertibus opus habet: Et S. Chrysostomus de laudibus Pauli. *Consiliarius omnes opus habent, etiam si Mosi conferri possint.* Multa enim sunt quae magni & admirabiles viri ignorant, quae tamen parui abiectique scire solent. Nam postquam Moses ex Aegypto exiit, & in solitudinem venit, praefuit sexcentorum millium populo, & solus omnium contendentium lites diiudicauit, quod et vidit socer eius Iethro homo alioqui barbarus & insipiens (nihil enim gentilibus est insipientius) eum correxit, non curans quod sapiens esset Dei amicus, ille vero sapiens, ille tot myriadum dux omni mansuetudine eum dicentem audiuit & consilio acquieuit. Non enim admiramur hodie Iethro quod Mosē correxerit, quam admiramur Mosē, qui non erubuit tot praesentibus corrigi, & factum hoc memoria commendare.

III. Medium est implorare diuinam opem, ut ubi humanum defecit auxilium, ut loquitur in quodam sermone S. Augustinus, illic intercedat diuinum adiutorium. Exemplum habemus regii psaltis in hac verba.

verba orantis. *Deduc me in semita mandatorum tuorum, quia ipsam volui.*
Et. *Doce me facere voluntatem tuam, quia Deus meus es tu.* Cuius medi-
necessitatem indicavit S. GREGORIUS libro secundo moralium, Psal 142. 103.
dum ait. *Aliquando, dum cuncta nos agere consilii gravitate gaudemus, pul-*
sante cause emergentis articulo, praecipitatione subito rapimur, & qui nos sem-
per dispositi vixisse credidimus, repente intima confusione vastamur: sed ta-
men eiusdem confusionis eruditione discimus, ne nostris viribus consilia nostra
tribuamus, & tanto maturius ad gravitatem restringimur, quanto ad hanc
quasi amissam redimus. Greg. c. 36.

IV. Medium est imitari in serpente, quem Christus nos cum Apo-
stolis imitari voluit, quod imitatione dignum est. Vnum notavit S.
BASILIVS in regulis breuioribus. *Ut videlicet quemadmodum in pa-*
radiso serpens, & blandiore aspectu callide ad primos parentes accessit, & ver-
borum probabilitate eos auertit à Deo, ac peccato subiunxit, ita nos quoque &
persona, & loci & idonei ad agendum temporis rationem habeamus, & omni-
bus modis sermones in iudicio disponamus, ut à peccato homines auertamus, &
ad Deum reducamus, & in temptationibus patientiam usque in finem teneamus,
sicut scriptum est. Exemplum huius rei illustre exstat apud Chryso-
stomum in homiliis ad populum de prudenti colloquio B. Pauli cum B. quaest. 245.
Festo. ALTERVM notavit S. Hieronymus in Matthæum. *Ser-*
pentis, inquit, astutia ponitur in exemplum, quia toto corpore occultat caput,
ut illud in quo vita est, protegat: ita nos toto periculo corporis caput nostrum,
qui Christus est, custodiamus, id est, fidem integram & incorruptam. Eadem
explanatio est S. Hilarii can. 10. in Matthæum, & Epiphaniî hæresi 37. Ch. hom. 16.

VIDE V. *Cognitio sui. Contemplatio. Intentio. Sapientia. Vir-*
tus. Et in PANARIO V. Indiscretio. Aq. 26. 29.
H. in c. 10.

PVDICITIA.

VIDE V. *Castitas.*



R

RELIGIO.

CAPVT I.

De nomine & definitione Religionis.

NOMEN religionis, non pro statu Religioso, sed pro virtute Religionis, vel pietatis erga Deum hic usurpamus. Quod si origo eius spectetur S. August. li. de ciuitate Dei decimo existimat à religendo appellatum. Hunc, inquit, (fontem beatitudinis Deum) eligentes vel potius religentes, amiseramus n. negligentes: hunc ergo religentes, unde & religio dicta phibetur, ad eum dilectione tendimus, ut perueniendo quiescamus, ideo beati, quia illo fine perfecti. Lactan. vero li. diuinarum instit. quarto, existimat à religando dictum. Hac ait, conditione gignimur, ut generanti nos Deo iusta & debita obsequia praebeamus, hunc solum noverimus, hunc sequamur. Hoc vinculo pietatis obstricti Deo religati sumus, unde ipsa religio nomen accepit, non ut Cicero interpretatus est à relegendo Et intra. Diximus nomen religionis à vinculo pietatis esse deductum, quod hominem sibi Deus religauerit & pietate constrinxerit: quia seruire nos ei, ut Domino. & obsequi ut patri necesse est. Melius ergo id nomen Latinius interpretatus est: quia ait, religionum se nodos exoluere. Laetantio subscribit S. Hieronymus in commentariis prophetae Amos. & ipse Augustinus capite extremo libri de vera Religione. immò primolibro Retractionum ait hanc sibi originem magis placuisse, quam alteram ab re eligendo. Idem libro 8. Quaestionum ita eandem definit ex M. Tullio. Religio est, quae superioris cuiusdam naturae, quam diuinam vocant, ceremoniamque affert. Rectius & breuius cum Lactantio, ipsoque Augustino, dicimus Religionem nil aliud esse quam cultum veri Dei, quam graeci θεοσεβειαν, λατρείαν vel θιουσεβειαν appellarunt. Quae λατρεία a gratia nuncupatur inquit S. Augustinus libro citato de ciuitate Dei, & latine interpretatur seruitus sed ea qua colimus Deum: vel qua θεοσεβεία a gratia, latine autem religio dicitur, sed ea qua nobis est erga Deum vel quam illi θεοσεβείαν, nos vero non verbo exprimere, sed Dei cultum possumus appellare.

L. c. 18.

Cic. 2. de natura. Deorum.

H. in c. 3. Amos.

A. c. 14.

A. q. 31.

Cic. 2. de inu.

A. c. 10. c. 1.

appellare: hanc citantum Deo deberi dicimus, qui verus est *DEVS*, facitque suos cultores Deos.

PIETATIS vox et si aliquando significet cultum parentibus debitum, & consanguineis, ut apud Ciceronem loco citato, & misericordiae opera, tamen proprie apud sacros scriptores accipitur pro cultu Dei, & religioni synonyma est. *PIETAS*, inquit Lactantius libro tertio, nihil aliud est, quam Dei parentis agnitio. Et li. 5. *pietas nihil aliud est quam Dei notio, sicut Trismegistus verissime definiuit, cuius cognitionis haec summa est, ut eum colas.* Et Sanctus Augustinus. *Pietas quoque proprie Dei cultus intelligi solet, quam Graeci $\pi\epsilon\tau\epsilon\beta\epsilon\iota\alpha\iota$ vocant. Haec tamen & erga parentes officiosè haberi dicitur. More autem vulgi hoc nomen etiam in operibus misericordiae frequentatur.*

G. 2. de inuent.

L. c. 9.

Id. c. 14.

A. lib. 10. de

Civit. c. 1.

CAPUT II.

De Variis Actionibus virtutis Religionis.

ET si variae sint virtutis Religionis actiones, omnes tamen ad duo capita reuocari queunt, ut aliae sint proximae, quas scholae Theologi vocant *elicitas*, aliae remotae, quas vocant *imperatas*. *PROXIMAE* sunt quae continent seruitutem vel subiectionem hominis erga Deum, quia *seruire nos ei*, ut loquebatur Lactantius, ut *Domino*, & obsequi ut *Patri* necesse est, ex qua statim oritur maiestatis diuinæ notio, & consequenter cultus & glorificatio, cuiusmodi actiones sunt, *adoratio, oratio, deuotio, sacrificium, votum.*

L. 1. c. 28.

Cum ergo manus virtutis religionis sit eam subiectionem suam erga Deum, ut est Dominus & conditor & pater omnium protestari, ex diuersitate eorum quae Deo subiiciuntur sumi debet actionum varietas. Triplex autem bonum per religionem homo potest subiicere Deo. *PRIMUM* est bonum mentis spirituale & hoc maxime subiicitur Deo, per actus *adorationis, deuotionis, orationis*, atque etiam *voti, iurisurandi, & sacramentorum*. *Voti* quidem, cum homo protestatur se velle Deo seruire tanquam seruum in statu monastico. *Iurisurandi* verò, quatenus per Deum iurat, tanquam *maiores sui*, ut loquitur Apostolus. *Sacramenti* autem, quatenus per vnum eius protestamur Deum esse gratiae auctorem, quae in illo confertur. Secundum bonum est externum corporis, quod subiicimus Deo per exteriorē, adorationē, genuflexionē, prostrationem, aliosue gestus corporis. Tertium est quoduis bonum

exter-

externum cuius homo sit Dominus, quod subiici ab homine potest Deo trifariam. 1. ut offeratur ipsi Deo immediate, & soli, & non cedat in hominis usum, uti sunt *sacrificia*. 2. ut mediatè, videlicet dando illud Dei ministro, quatenus locum Dei tenet, uti erant in vereri testamento *oblationes & primitie*. 3. ut offeratur Deo adhuc magis mediatè, ut cum aliquid offertur Dei ministris, non proxime respiciendo Dei gloriam, sed ut satisfiat obligationi alendi ministros. ex quo etiam redundat ad Deum gloria. sic subiiciuntur Deo bona externa per *Decimarum solutionem*. Atq; hæ omnes actiones pertinent ad virtutem Religionis proximè vel elicitiuè.

Iac. 1. 27.

A. ferm. 230. de
rem.

REMOTE VERÒ vel imperatiuè, omnes aliarum virtutum actiones possunt ad religionem pertinere, quia omnes ad Dei gloriam possunt referri, Quo sensu dixit S. Iacobus. *Religio munda & immaculata apud Deum & patrem hæc est: visitare pupillos & viduas in tribulatione eorum, & immaculatum se custodire ab hoc seculo*. Et S. Augustinus *Aduersus demonum nequitiam, qua nobis Dominus arma ostendit debemus utique retinere*. Hoc, ait, genus non eiicitur nisi in oratione & ieiunio. *Hæc cum plena fide exercentur pietas est. Pietas autem ad omnia utilis est professionem habens vitæ presentis & futuræ*. Visitare siquidem pupillos, actus proximus & elicitus est virtutis misericordiæ: & ieiunium actus temperantiæ.

CAPUT III.

De excellentia virtutis Religionis.

EXCELLENTIA splendorq; huius virtutis nemini obscurus esse potest, cum circa eum occupetur, ad cuius, ut loquitur Tertullianus libro de Trinitate *cogitandam, & eloquendam maiestatem, & eloquentia omnis merito muta est, & mens omnis exigua*. Quid enim, inquit, cōdignè de eo dicas, qui est sublimitate omni sublimior, & altitudine omni altior, & profundo omni profundior, & omni luce lucidior, & omni claritate clarior, omni splendore splendidior, omni robore robustior, omni virtute virtutior, omni pulchritudine pulchrior, veritate omni verior, & fortitudine omni fortior, & maiestate omni maior, & omni potentia potentior, & omnibus diuitiis ditior, omni prudentia prudentior, & omni benignitate benignior, omni bonitate melior, omni iustitia iustior. omni clementia clementior? Minora enim sint necesse est omnium genera virtutum eo ipso, qui virtutum omnium & Deus & parens est. Deinde Dominus Deus cultum & honorem sibi

sibi debitum nulli alii rei creatæ vult communicari. *Dominum Deum* ^{Deu. 6. 13.}
tuum timebis, ait in Deuteronomio & *illi soli seruias*. Et Paulus in prio-
 re ad Timotheum. *Regi autem seculorum immortalis, inuisibili soli Deo ho-* ^{1. Tim. 1. 17.}
nor & gloria in secula seculorum. Et Deus apud Isaiam. *Ego Dominus, hoc* ^{Isa. 42. 8.}
est nomen meum, gloriam meam alteri non dabo, & laudem meam sculptili-
bus. Adhæc continenter colere & glorificare Deum proprium est an-
 gelorum, & beatorum in cælo, *clamantium Sanctus, Sanctus Sanctus* ^{Isa. 6. 3.}
Dominus Deus exercituum, ut est in eodem Isaiâ & Apocalypsi, Vnde ^{Apoc. 4. 8.}
 Lactantius in fine libri sexti institutionum ita scribit. *Summus colendi* ^{L. c. 25.}
Dei ritus est ex ore iusti hominis ad Deum directæ laudatio. Eiusdem hæc pro
 religione sunt Encomia. *Quisquis aut Deum colendum esse intelligit, aut*
immortalitatis spem sibi propositam habet, mens eius in cælo est. Qui autem ^{Id. l. de ira Dei}
religionem non suscipiunt, terreni sunt, quia religio de cælo est. Et. *Siratio* ^{si. c. 7.}
ius hominis hoc præcellit, & superat ceteras animantes, quod solus notitiam
Dei caput, apparet religionem nullo modo posse dissolui.

PATRVM verò ceterorum hæc sunt elogia. Sanctus A M. ^{A. c. 27.}
 BROSIVS primo de officiis. *Pietas in Deum initium intellectus.*
Quo aduertimus illud ab huius seculi translaturum magis, quam inuentum
sapientibus, quia pietas fundamentum est omnium virtutum. Et epistola
 ad Demetriadem agens de contemptoribus mundi: *ad ipsum in-* ^{Id. ep. 87.}
quire visibilibus & inuisibilibus ambiunt creatorem cui appropin-
quare clarescere est, quem timere gaudere est, cui seruire negare est. CLE-
 MENS Alexandrinus in paranesi ad gentes. *Dicimus eum solum, qui*
pius ac religiosus est esse Christianum, & diuitem & temperantem, & gene-
rosam, & ea ratione Dei imaginem, cum similitudine & dicere, & crede-
dere iustum est & sanctum, ut qui à Christo Iesu factus sit cum prudentia,
atque adeo iam quoque Deo similis. Non calat itaque propheta gratiam dicens. ^{Psal. 81. 6.}
Ego dixi, Dñs estis, & filij excelsi omnes. Et multo ante. *Pietas qua*
Deo hominem, quoad eius fieri potest assimilatur, conuenientem sibi magi-
strum adscribit, nempe Deum, qui vel solus potest pro dignitate homi-
nem Deo assimilare. Hanc Doctrinam Apostolus cum sciret verè esse diui-
 nam. Tu autem dicit Timothee, *ab infantia sacras litteras nosti, qua* ^{2. Tim. 3. 15.}
te possunt instituere ad salutem per fidem in Christum. Sunt enim verè sa-
 cræ litteræ, quæ sacros faciunt & Deificant. Sanctus Gregorius Nazian-
 zenus in sermone de hominis utilitate ait *pios viros angelos potius di-*
cendos quam homines. Et in epistola ad Hellenium eosdem appellat cla-
 rissima sidera, præstantissima Christi membra, immortalis Dei sigilla, & astra
 carne conuersa. Sanctus Hieronymus veram pietatem multis bonis ^{H. ep. 17.}

Hinc 57.
IIa.

Eccli. 7. 27.

A. c. 2.

Eccli. 1. 1.

Iob. 28. 28. iu-
cta 70.

S. Tho. 2. 2. q. 81.

operibus testatam comparat martyrio: ita enim scribit ad Eustochium Virginem in epitaphio Paulæ matris. *Secura esto Eustochium magna hereditate ditata es. Pars tua Dominus, & quomagus gaudeas, mater tua longo martyrio coronata est. Non solum enim effusio sanguinis in confessione reputatur, sed deuota quoque mentis seruitus immaculata quotidianum martyrium est. Illa corona de rosis & violis plectitur, ista de lilijs. Et li. 16. in Isaiam. Pictas & vera religio via regia est. Cognita una via regia videamus, qua dextra via sint & sinistra, per quas prohibemur incedere. Via regia temperata est, nec plus in se habens, nec minus. Declinat ad dextram pietatis, qui superstitiosus est & meretur audire. Ne sis multum iustus. Ad sinistram, qui negligit cultum Dei, & inter hædos, hircosque numeratur. Sanctus Augustinus in Enchiridio. Sicut nemo à seipso esse potest, ita nemo à seipso sapiens esse potest, sed ab illo illustrante de quo scriptum est. Omnis sapientia à Deo est. Hominis autem sapientia pietas est. Habes hoc in libro Sancti Iob. Nam ibi legitur, quod ipsa sapientia dixerit homini. Ecce pietas est sapientia. Si autem quæras, quam dixerit eo loco pietatem, distinctius in græco reperies θεοσεβείαν qui est Dei cultus. Denique S. Thomas alii quædam Theologi huic virtuti, inter omnes morales virtutes tribuunt principatum, eo quod propinquius, quam alia respiciat Deum, qui est omnium virtutum extremus finis.*

CAP. V. IV.

De necessitate, utilitateque Religionis.

Deu. 6. 13.
Matt. 4. 10.

A. c. 1.

Deu. 6. 5.
Matt. 22. 37.
A. c. 2.

NECCESSITAS religionis, vel obligatio colendi, omnique veneratione afficiendi veri Dei non solum lege diuina imperata est, sed etiam cum natura ipsa homini insita & impressa. Legem diuinam habemus in Deuteronomio, & in Euangelio, vbi Christus dixit spiritui peruerso. *Vade Satana, scriptum est enim, Dominum DEVM adorabis & illi soli seruias.* De qua autem seruitute locutus sit, exponit Sanctus Augustinus in decimo li. de ciuitate Dei. Quæ λαργεία inquit, grace nuncupatur, & latine interpretatur, seruitus, sed ea qua colimus Deum, hanc ei tantum Deo deberi dicimus, qui verus est Deus, facitque suos cultores. Deos. Deinde in vtraque lege veteri & noua habemus mandatum Dei de diligendo Deo & proximo, quod autem caritate colatur Deus docet idem Augustinus in Enchiridio. Cum enim dixisset pietatem non esse aliud quam θεοσεβείαν, id est, Dei cultum. *An hoc ipsum, ait, tibi fore*

fortasse desideras breuiter aperiri, atque in sermonem colligi breuem, quoniam modo sit colendus DEVS. Hic si respondero, fide, spe, charitate colendum, profecto dicturus es breuius hoc dictum esse quam velis. Et libro 12. de Trinitate. Idem. Pietatem hoc loco posuit Dei cultum, quia gratia dicitur deo esse. Et quis cultus eius, nisi amor eius, quo nunc desideramus eum videre, credimusque & speramus eum nos esse visuros?

Quod autem cum natura rationis compote homini insita sit notio cupiditasque Dei colendi probat ex Cicerone Lactantius L. c. 1. libro diuinarum institutionum tertio. Hoc, ait, eximium facit hominem, quod soli datum est intelligere diuina. Qua de re Ciceronis vera est sententia. Ex tot, inquit, generibus nullum est animal prater hominem, quod habeat notitiam aliquam Dei ipsisque in hominibus nulla gens est, neque tam mansueta, neque tam fera, qua non etiam si ignoret, qualem Deum haberi deceat, tamen habendum sciat. Et paulo post. Quid est, cur iidem ipsi, (Philosophi) disputent eo dirigendam esse mentem, quo vultus erectus est? Si enim nobis in celum spectandum est, ad nihil aliud utique, quam ob religionem. Si religio tollitur, nulla nobis ratio cum caelo est. Itaque aut eo est spectandum, aut procumbendum in terram. Et libro de ira Dei. Homo ideo solus prater ceteras animantes rectus corpore ac statu factus est, ut ad contemplationem parentis sui excitatus esse videatur: ideo sermonem solus accepit, ac linguam cogitationis interpretem, ut enarrare maiestatem Domini sui possit. Postremo ideo cuncta subiecta sunt, ut factori artifice Deo esset ipse subiectus. Si ergo Deus hominem voluit suum esse cultorem, ideoque illi tantum honoris attribuit, ut rerum omnium dominaretur, utique iustissimum est & Deum colere, qui tanta prestiterit. S. Gregorius Nazianzenus in Carmine Virginitatis. Id. c. 13.

Quin si vera cupis cognoscere, quisquis honesti
Corripitur studio, rectique tenetur amore,
Talis ab eterno formatur pneumate, talis
Vi verbi efficitur: pietatis namque seculi
In nobis scintilla latet, velut igneus ardor
Inclusus saxi: ut porro saepe terendo
De rigido tandem ferro silice excutit ignem.
Haud aliter pietas latitans sermone salutis
Attrita in medium prodit, clareque refulget.

S. AMBROSIVS de Officiis. Iustitia pietas est prima in Deum. Secunda in patriam, tertia in parentes, item in omnes, quia & ipsa secundum naturam est magisterium. Siquidem ab incunte aetate, ubi primum sensus infundi coeperit, vitam amamus tanquam DEI munus. A. l. c. 17.

1. Tim. 4. 8.

A. ser. 18.

A. ep. 52.

IAM VERÒ UTILITATEM huius virtutis luculenter prædicat Apostolus ad Timotheum scribens. *Exerce autem te ipsum ad pietatem. Nam corporalis exercitatio ad modicum utilis est, pietas autem ad omnia utilis est promissionem habens vite, qua nunc est, & futura.* Vnde Clemens Alexandrinus in parænesi ad gentes. *Dominus Iesus cum sit benignus adhortatur omnes homines ad agnitionem veritatis, qui mittit paracletum. Quenam est ergo agnitio? pietas ac Dei cultus. Est autem pietas ad omnia utilis ex Pauli sententia habens promissionem vite præsentis & futura.* Quantiò homines profiteremini vos esse empturos, si salus æterna venderetur? ne si Pactolū quidem qui totus aureo, ut est in fabulis, fluit fluente quis dederit, pro salute iustum pretium numeraverit. Hoc pretium Deus libenter accepit. Speravimus enim in Deo viuo, qui est servator omnium hominum, maximè autem fidelium. Et S. Ambrosius in 118. psalmum. *Pietas, inquit, virtutum omnium fundamentum est iuxta humanarum rerum & cælestium disciplinam. Pietas amica Deo, parentibus grata, dominum conciliat, necessitudines fovet, Dei cultura est, merces parentum, filiorum stipendium. Pietas, inquam, iustorum tribunal, egenorum portus, miserorum suffugium, indulgentia peccatorum.* Et S. Augustinus epistola ad Macedonium, in fine. *Pietas, id est, verus veri Dei cultus ad omnia prodest, & quæ molestias huius vite auertat, aut leniat, & quæ ad illam vitam, salutemq; perducatur, ubi nec aliquid iam malipatiatur, & bono summo sempiternoq; fruamur.*

CAPUT V.

De Proprietatibus eiusdem Virtutis.

PRIMA proprietas est, quod cultus ille, qui ratione virtutis religionis debetur soli Deo, propriè vocetur λατρεία 1. quia Scriptores sacri vocem illam nunquam usurpant, nisi pro cultu solius Dei, ut liquet ex toto nouo testamento. 2. quia nec Patres tribuunt nisi Deo, qui tamen & Sanctos volunt esse religiosè colendos. ut S. Augustinus libro 10. de ciuitate Dei. cap. 1. & libro 20. contra Faustum cap. 21. S. Damascenus oratione 2. & 3. de imaginibus. BEDA in c. 4. Lucæ, & Patres Synodi Nicenæ secundæ. 3. quia idcirco omnes veteres cultum falsorum Deorum vocauerunt idololatriam. 4. quia in Ecclesia, & schola Theologorum ille vsus iam pridem obtinuit. Vnde Concilii Tridentini Patres sessione 13. definierunt canone sexto Christum in Eucharistia cultu latriæ etiam externo adorandum.

II. Pro-

II. Proprietas est, quod cultus, qui ratione eiusdem virtutis, licet inferior diuino, debetur sanctis, ut angelis, & hominibus iam cum Christo in cælo regnantibus, vocetur *δολεία*. i. quia is usus in schola Theologorum iam à Magistri sententiarum temporibus ita obtinuit, ut liquet ex 3. Sententiarum distinctione 9. 2. quia ita vocat. V. B E D A in cap. 4. Lucæ, & insinuat S. Augustinus libro de ciuitate Dei 10. cap. 1. Dicit enim cultum debitum creaturæ ab Apostolo in capite 6. ad Ephesios non vocari latrām, sed alio nomine. Apostolus autem utitur voce *δολείας*. Quoniam vero Beatissima Virgo MARIA, ut mater filii Dei, sic omnibus sanctis antecellit, ut possit dici *Domina & Regina nostra*, eam Theologi dicunt colendam & venerandam *ὕπερ δολεία* id est, excellentissimo aliquo cultu, qui competere possit creaturæ. Cuiq; enim is honor debetur, quem dignitas eius postulat.

III. est. Deus cultu latræ colendus est gratis & propter se. Ita S. Augustinus in psalmum 52. *Deus, inquit, gratis se vult coli, gratis se vult diligere, hoc est, caste amari, non propterea se amari, quia dat aliquid prater se, sed quia dat se. Qui ergo inuocat Deum ut diues fiat, Deum non inuocat: hoc enim inuocat, quod ad se vult venire. Quid enim est inuocare, nisi vocare in se. Nam cum dicitur. Deus da mihi diuitias, non vis ut ipse Deus ad te veniat, sed vis, ut diuitia veniant ad te. Si autem Deum inuocares, ipse ad te veniret, ipse esset diuitia tua. Nunc autem vis habere arcam plenam & inanem conscientiam. Deus non implet arcam, sed pectus. Ergo isti qui propter secularia commoda, qui propter terrena bona, qui propter vitam præsentem & terrenam felicitatem inuocant Deum, non inuocant Deum. Consentit B. Prosper exponens verba illa Psalmi Dauidiei. *Inclina cor meum in testimonia tua, & non in auariti- P. in psal. 118.*
am. Orat, ait, ut in ipsa voluntate proficiat, & cor non in auaritiā, sed in testi-
monia Dei habeat inclinatum: quæ testimonia hoc insinuant, hoc docent, ut De-
us gratis colatur. Quia si cor non in auaritiā sit declinatum, Deum non coli-
mus nisi propter Deum, ut Dei cultus ipse sit merces. Nam qui Deum ideo colit,
ut aliquid aliud promereatur quam ipsum, non quem colit diligit, quia non
ipsum sed aliud concupiscit. Et in libro Epigrammaton. Id. n. 10.*

Hæc desiderii Deus est pietate colendus,

Iustitiæ ut merces tota sit ipse Deus.

Nam sperans alio se munere posse beari,

Non, quod poscit, amat, sed quod habere cupit.

IV. Colendus est, non ut ipsi vlla re prosumus, sed ut hoc officio, protestemur eum esse Dominum & redemptorem nostrum, pro beneficiis acceptis aliquam grati animi significationem demus; n. un

Psal. 15. 1.
L. c. 1.

A. c. 9.

Psal. 15. 1.

1. Cor. 3. 9.
Ioa. 15. 5.

Heb. 12. 29.
Deu. 4. 24.
Luc. 12. 49.
Matt. 3. 11.

Act. 1. 3.

Psal. 38. 3.
Psal. 140. 2.
Ierem. 20. 9.

Luc. 24. 32.

cum psalte regio quotidie oramus. *Dixi Domino Deus meus es tu, quoniam bonorum meorum non eges.* Vnde Lactantius libro sexto diuinarum institutionum Ethnicos irridet his verbis. *Quicquid aspectu rarum, quicquid opere aut odore pretiosum est, id gratum esse dijs suis, non ex aliqua diuinitatis ratione, quam nesciunt, sed ex suis cupiditatibus iudicant: nec intelligunt terrenis opibus Deum non indigere.* Et S. Augustinus libro 10. de Ciuitate Dei. *Quis ita desipiat, ut existimet aliquibus vrbibus Dei esse necessaria, quae in sacrificiis offeruntur? Quod cum multis locis diuina Scriptura testetur, ne longum faciamus, breue illud de psalmo commemorare suffecerit. Dixi Domino, Deus meus es tu, quoniam bonorum non eges.* Non solum igitur pecore, vel alia qualibet re corruptibili atq. terrena, sed ne ipsa quidem iustitia hominis Deum egere credendum est, totumq. quod recte colitur Deus homini prodesse, non Deo. Neq. enim fontis se quisquam dixerit profuisse, si biberit, aut luci, si viderit. Quod autem cultus Dei, nobis potius profit, quam Deo, eleganter ab eodem sancto declaratur in psalmum 145. his verbis. *Possessio Dei eris, & possessio tua erit Deus. Tu eris possessio eius, ut colaris ab eo, & ipse erit possessio tua, ut colas eum. Nam & tu colis Deum, & coleris à Deo. Recte dicitur colo Deum, quomodo autem color à Deo? Inuenimus apud Apostolum. Dei, inquit, agricultura estis, Dei aedificatio estis. Et Dominus. Ego sum, inquit, vitis, vos estis sarmenta, & Pater meus agricola. Colit te ergo Deus, ut sis fructuosus, & colis Deum, ut sis fructuosus Tibi bonum est, quod te colit Deus, bonum est tibi, quod colis Deum. Cultor Deus, si recedat ab homine, desertus sit ipse homo: cultor homo si recedat à Deo, desertus sit ipse homo. Nec crescit Deus accedente te, nec decrescit discedente te. Ergo erit possessio nostra ut nos pascat, & erimus possessio eius, ut nos regat.*

V. Proprietas. Colendus Deus est, & inuocandus, non frigidè, sed feruenter. *Etenim Deus noster, inquit Apostolus ex Deuteronomio, ignis consumens est.* Deus apud Lucam ait. *Ignem veni mittere in terram, & quid volo nisi ut accendatur?* S. Ioannes Baptista de venturo Deo homine dixit. *Ipse vos baptizabit in Spiritu sancto & igni.* Quod factum est die Pentecostes, cum apparuerant dispersa lingua tanquam ignis sedens, supra singulos eorum, id est, Apostolorum, ut est in Actis. Hoc igne flagrare cupiebat Vir Dei, qui dicebat *Concaluit cor meum intra me, & in meditatione mea exardescet ignis.* Et. *Dirigatur oratio mea sicut incensum in conspectu tuo; eleuatio manuum mearum sacrificium vespertinum.* Et ele-remias, dum ait. *Dixi, non recordabor sermonis Domini, neque loquar ultra in nomine illius, & factus est in corde meo sicut ignis exastuans, claususque in ossibus meis, & defeci, ferre non sustinens.* Hoc igne ardebant duo discipuli cunctes in Emmaus, dicentes. *Nonne cor nostrum ardens erat, dum* (Chri-

Christus) loqueretur in via, & aperiret nobis Scripturas? Ardebant Apostoli Petrus & Ioannes cum Concilio Iudaeorum responderent. *Non possumus quae audimus & vidimus non loqui.* Ardebat Paulus scribens. *Non possumus aliquid aduersus Veritatem sed pro veritate.* Ardebat martyr Ignatius, cum teste S. Hieronymo ante martyrium scripsit ad Romanos. *Ignis, crux, bestia, confractio ossium, membrorum diuisio, & totius corporis contritio, & tota tormenta diaboli in me veniant, tantum Christo fruatur.*

Act. 4. tot.

1. Cor. 13.

H. de script.
Eccles.

V I. Proprietas. Colendus est Deus non coacte, sed voluntarie & libenter. Vnde Psalmista. *Voluntarie sacrificabo tibi, & confitebor tibi Domine, quoniam bonum est.* Et. *Voluntaria oris mei beneplacita fac Domine.* hoc est, inquit ibi AUGUSTINVS, placeant ibi, noli reprobare, sed appr obare. Bene autem intelliguntur oris voluntaria sacrificia laudis, confessione charitatis & non timore necessitatis oblata. Vnde Tertulianus ad Scapulam. *Sed nec religionis est cogere religionem, quae sponte suscipi debeat, non vi: cum & hostiae ab animo libenti expostulentur.* Et Lactantius libro quinto. *Dei cultus, quoniam militia caelestis est, deuotionem maximam, fidemque desiderat. Quomodo enim Deus, aut amabit colentem, si ipse non ametur ab eo, aut quomodo praestabit precanti, quicquid orauerit, cum ad precandum neque ex animo, neque obseru anter accedat?*

Psalm. 73. 8.

Ps. 118. 103.

Exo. 35. 5.

Leu. 22. 23.

L. c. 19.

VII. & postrema proprietas est, quod sine Religionis virtute, vel vero Dei cultu nulla possit esse iustitia, nulla salus, quia, teste Apostolo in epistola ad Romanos, non alia de causa graeci vel Ethnici salute exciderunt, quam, quia cum cognouissent Deum, non sicut Deum glorificauerunt. Vnde S. Ambrosius, vel potius Prosper libro primo de Vocatione gentium. *Sine cultu veri Dei, ait, etiam quod virtus videtur esse peccatum est, nec placere ullus Deo sine Deo potest. Qui vero Deo non placet, cui nisi sibi & diabolo placet?* Et S. Augustinus de ciuitate Dei. *Vera, inquit, virtutes nisi in eis, quibus vera inest pietas, esse non possunt.* Et Lactantius de ira Dei. *Religionis est propria iustitia, quam nullum aliud animal attingit: iustitia autem cultus Dei adscribitur, quem qui non suscipit, hic a natura alienus vitam pecudum sub humana specie viuet.*

Rom. 1. 20.

A. c. 3.

A. lib. 19. c. 4.

L. c. 7.

CAPVT VI.

De medijs quibus hac virtus paritur.

Psal. 110. 10.

Prou. 1. 7.

Eccl. 1. 16.

Iof. 24. 14.

Psal. 2. 12.

Deu. 6. 13.

Apoc. 14. 7.

A. c. 17.

PRIMUM medium ad religionem vel pietatem veram comparandam est timor Domini. Vnde crebrius Sacrae litterae astruunt *initium sapientiae esse timorem Domini*. quid verò aliud est sapientia, quam pietas? 2. iungunt timorem cum Dei cultu. *Timete Deum*, dixit Iosue iam morti proximus ad populum, & *seruite ei perfecto corde atq; verissimo*. Et rex Dauid. *Seruite Domino in timore*. Imò Deus ipse in Deuteronomio. *Dominum Deum tuum timebis & illi soli serues*. Et in Apocalypsi. *Timete Dominum & date illi honorem*. Hoc mediū tradidit S. Augustinus libro de vera religione. *Nunc verò, inquit, quoniam pietas timore inchoatur, charitate perficitur, populus timore constrictus tempore seruitutis in veteri lege multis sacramentis operabatur. Hoc enim talibus utile erat ad desiderandam gratiam Dei, quae per prophetas ventura caneatur.*

Prou. 15. 27.

Psal. 36. 27.

Gen. 28. 12.

II. Medium est Fuga peccati. *Per timorem enim Domini*, inquit Sapiens, *declinat omnis à malo*. Vnde psalmographus psalterium verè pietatis ita inchoauit. *Beatus vir qui non abijt in consilio impiorum, & in via peccatorum non stetit*. Et rursus. *Declina à malo, & fac bonum, & inhabitabit in seculum seculi*. Hoc medium profert S. Basiliius homilia in psalmum primum. Nos verò, ait, & illud dicimus, quod principium ad bonorum apprehensionem seu emendationem ita est à malis abscissio. *Declina à malo, inquit, & fac bonum*. Sapienter itaq; & solerti consilio ad nos virtutem introducere cupiens fugam vitiorum (in exordio psalterii) initium fecit bonorum. Si enim statim ea quae sunt perfecta tibi proposuisset, ad ea forte obeunda fuisset cunctantior. Ego quippe pietatis exercitationem scalam à Iacob visa rectè comparauerim, cuius pars terram attingebat, pars altera ipsi supereminens in caelum usq; pertingebatur. Ex quo eos admonere opus est, qui ad virtutem instituntur, primum ut primis gradibus admoueant vestigium, & inde paulatim ascendendo, progrediendoq; ad comprehensibilem humanæ naturæ altitudinem sensim promouentes perueniant. Ut ergo in gradu scalari prima est ascensio ab humo recessus, sic in exercitatione diuinæ conversationis principium profectus est discessus à malo. Omnino autem facilius longe est otiosi, ac quiescere, quàm qualescunq; opus facere, facilius non machari non furari, quàm diligere proximum sicut seipsum, vel vendere omnia & dare pauperibus.

III. est

III. est Studium proficiendi in virtute, quod S. Hieron. & S. Bernardus in eadem visione patriarchæ Iacob denotari piè obseru-
 runt. Ille enim ad Furiam ita scribit. *Non quaruntur in Christianis initia, sed finis Paulus male cepit, sed bene finiuit. Iude laudantur exordia, sed finis prodicione damnatur. Ista est scala Iacob, per quã angeli cœscendunt & descen-*
dunt: cui Dominus innuitur, lassus porrigens manum, & fessos ascendentium gradus sui contemplatione sustentans. Sed sicut non vult mortem peccatoris tantum, quantum vt conuertatur & viuat; ita tepidos odit, & cito ei naus-
am faciunt. Cui plus dimittitur, plus diligit. Bernardus verò ad Guarinum
 sic loquitur *Vidit scalam Iacob, & in scala angelos, vbi nullus residens, nullus subsistens a parauit, sed vel ascendere vel descendere videbantur vniuersi, qua-*
tenus palam daretur intelligi inter profectum & defectum in hoc statu mor-
talis vite nihil medium inueniri, sed quomodo ipsum corpus nostrum conti-
nuè aut crescere constat, aut decrescere, sic necesse sit & spiritum aut proficere
semper aut deficere. Quod autem hoc studium sit medium ad cultum
 verum Deo præstandum liquet præsentis exemplo, simulatque enim
 S. Iacob hac visione fructus est, votum vouit Domino se decimas om-
 nium bonorum suorum oblaturum Deo, proximum autem religio-
 nis actum esse Votum, & oblationem, supra diximus. Deinde quis fi-
 nis est studii proficiendi, nisi vt perueniatur ad perfectionem? at per-
 fectio non modo pietas est, sed pietatis fastigium, immò, vt lococitato
 asserit S. Bernardus, *indefessum proficiendi studium, & iugis conatus ad per-*
fectionem perfectio reputatur.

H. ep. 10.

B. ep. 139.

Genes. 28. 12.

IV. Amor rituum piorum & ceremoniarum Ecclesiæ, vt Festo-
 rum tam Domini, quam sanctorum angelorum & hominum, cantus
 Ecclesiastici, tam nocturni quam diurni, quotidiani sacrificii Missæ,
 supplicationum publicarum, deportationis Sanctissimi sacramenti,
 Votorum priuatorum & sollempnium, peregrinationum ad loca sa-
 cra, venerationis sanctorum, templorum, imaginum Christi, Mariæ
 Virginis aliorumq; beatorum, consignationis S. crucis, genuflexio-
 nis, apertionis capitis, sublationis oculorum in cælum, tunctionis pe-
 ctoris, & similium in Ecclesia Catholica receptorum, sine quibus af-
 firmat. S. Augustinus libro 19. contra Faustum Manichæum religio-
 nem factam rectam teneri & conservari non posse. Quod enim sal
 præstat carnibus, vagina gladio, cortex arbori, & folia fructibus hoc
 externæ ceremoniæ religioni veræ; non enim solum eam declarant
 & distinguunt ab hæreticorum sectis, quæ cane peius & angue eas
 oderunt, sed etiam fouent, nutriunt, augent, & confirmant. Certe
 Eccc M. Tul.

A. c. n.

M. Tullius licet Ethnicus libro de Diuinatione secundo censuit *sapientis esse maiorum instituta tueri sacris, cerimonysq; retinendis.*

VIDE V. *Catechesis Christiana. Charitas Dei & proximi. Cognitio Dei. Contemplatio. Familiaritas cum Deo. Fides. Laudatio Dei. Oblatio sui Deo facta. Perfectio Christiana. Sapientia. Spes vel Fiducia. Timor Dei. Virtus. Et in PANARIO V. Hæresis. Superstitio. Veneficia.*

S.

S A P I E N T I A.

C A P V T I.

De Nomine & definitione Virtutis Sapientia.

A. cap. 2.
L. scr. 85.



SAPIENTIA, teste S. Augustino libro XII. de ciuitate Dei, & S. Bernardo in Cantica, ab eo quod est sapere, nomenclaturam accepit. Definiunt autem eam ferè Patres omnes vt M. Tullius libro altero de Officiis. *Sapientia est, inquit, (vt à veteribus Philosophis definitum est) rerum diuinarum & humanarum, causarumq; quibus hæ res continentur, scientia.* Ita Clemens Alexandrinus 1. & 6. Stromatum. Basilus in principium Prouerborum, & in cap. 5. Isaia. Greg. Nazianzenus in plagam grandinis, & apologetico primo pro fuga. & S. August. libro primo contra Academicos, cap. 8. Eodem vergit Lactantius libro diuinarum institutionum tertio, definiens eam esse *virtutem cum scientia coniunctam.*

L. c. 8.

H. ad c. 5. & in
c. 5. ad Ephes.

Cl. 2. Strom.

Q V O M O D O autem differat à prudentia tradidit S. Hieronymus libro 2. commentariorum in Isaiam. *Inter sapientiam, ait, & prudentiam hoc dicunt interesse Stoici, quod sapientia sit rerum diuinarum humanarumq; notitia, prudentia autem tantum mortalium.* Clemens Alexandrinus de hoc discrimine ita scribit. *Xenocrates, inquit, in libro de Prudentia, sapientiam dicit esse scientiam primarum causarum & essentia, quæ percipitur intelligentia, existimans esse duplicem prudentiam: vnam quidem, quæ versatur in agendo, alteram quæ in contemplando, quam quidem esse dicit huma-*

nam sapientiam. Quocirca sapientia quidem est prudentia, sed non quavis prudentia est sapientia. De eodem ita loquitur Cicero. Princeps omnium virtutum est illa Sapientia, quam σοφία Graci vocant: prudentiam enim, quam Graci Φρόνησις dicunt, aliam quamāam intelligimus quæ est rerum expectandarum fugiendarumq. scientia: illa autem sapientia, quam principem dixi, rerum est diuinarum atq. humanarum scientia.

Cic. 1. offic.

ET SI VERO à dictis auctoribus Sapientia appelletur scientia, esse tamen aliquod discrimen inter sapientiam & scientiam statuendum ex diuinis litteris euincit S. Augustinus libro de Trinitate duodecimo, his verbis. Quamuis & illa quæ sapientia est, possit scientia nuncupari, sicut & Apostolus loquitur, ubi dicit, Nunc scio ex parte, tunc autem cognoscam, sicut & cognitus sum, quam scientiam profecto contemplationis Dei vult intelligi, quod Sanctorum erit premium summum. tamen, ubi dicit, Alij quidem datur per spiritum sermo sapientia, alij sermo scientia secundum eundem spiritum, hæc duo utique sine dubitatione distinguit, licet ibi non explicet, quid intersit, & unde possit utrumq. dignosci Verum Scripturarum sanctarum multiplicem copiam scrutatus inueni scriptum esse in libro Iob, eodem sancto viro loquente. Ecce pietas est sapientia, abstinere autem à malis est scientia. In hac differentia intelligendum est ad contemplationem sapientiam, ad actionem scientiam pertinere. Pietatem quippe hoc loco posuit Dei cultum, quæ græcè dicitur θεοσεβεία. Et quid est in æternis excellentius quam Deus? & quis cultus eius, nisi amor eius, quo nunc desideramus eum videre? De his sermo ipse mihi videtur esse sermo sapientia. Abstinere autem à malis, quam Iob scientiam dixit esse, rerum procul dubio temporalium est, quoniam secundum tempus in malis sumus, &c. Et iterum libro 13. de Trinitate. Ego quoque, ait in libro superiore utrarumque rerum cognitionem, id est, diuinarum atque humanarum & sapientiam & scientiam dici posse non taceo. Verum secundum hanc distinctionem, qua dixit Apostolus. Alij datur sermo sapientia, alij sermo scientia ista definitio diuidenda est, ut rerum diuinarum scientia propriè sapientia nuncupetur, humanarum autem propriè scientia nomen obtineat.

A. c. 14.

1. Cor. 13. 12.

1. Cor. 12. 8.

Iob. 28. 28.

A. c. 11.

CAPVT II.

De dignitate & prestantia Sapientia.

SAPIENTIÆ dignitatem imprimis expressit B. Iob, cum ait. Sa-
pientia verò ubi inuenitur, & quis est locus intelligentia? Nescit homo

Iob. 28. 12.

Prou. 3.13.

Prou. 8.11.

Sap. 6.13.

Ib. 7.7.

Eccl. 1.1.4.

Eccl. 37.27.

Eccl. 1.1.

Prou. 2.5.

pretium eius, nec inuenitur in terra suauiter uiuentium. Non dabitur aurum obrixum pro ea, nec appendetur argentum in commutatione eius. Non confertur tinctis India coloribus, nec lapidi sardonicho pretiosissimo uel sapphiro. Excelsa & eminentia non memorabuntur comparatione eius. Unde ergo sapientia venit, & quis est locus intelligentie? Deus intelligit viam eius, & ipse nouit locum illius. Et Salomon in Prouerbiis. Beatus homo qui inuenit sapientiam, & qui affluit prudentia. melior est acquisitio eius negotiatione argenti, & auri, primi & purissimi fructus eius pretiosior est cunctis opibus, & omnia que desiderantur huic non valent comparari. Lignum vite est his, qui apprehenderint eam, & qui tenuerit eam beatus. Et iterum. Melior est sapientia cunctis pretiosissimis, & omne desiderabile ei non potest comparari. Ego sapientia habito in consilio, & eruditus inter sum cogitationibus. Mecum sunt diuitie & gloria, opes superba & iustitia. Melior est enim fructus meus auro, & lapide pretioso, & gemina mea argento electo. Et in libro Sapientie. Clara est, & que nunquam marcescit sapientia, & facile videtur ab his qui diligunt eam, & inuenitur ab his qui querunt illam. Et iterum. Venit in me spiritus sapientie, & praposui illam regnis & sedibus, & diuitias nihil esse duxi in comparatione illius, nec comparavi illi lapidem pretiosum quoniam omne aurum in comparatione illius arena est exigua. & tanquam lutum aestimabitur argentum in conspectu illius. Et Ecclesiasticus. Sapientiam Dei precedentem omnia quis inuestigauit? Prior omnium creata est sapientia. & intellectus prudentie ab euo. Fons sapientie verbum Dei in excelsis, & ingressu illius mandata eterna. Radix sapientie cui reuelata est? & scitias illius, quis agnouit? Unus est altissimus creator omnipotens, ipse creauit illam in Spiritu sancto, & vidit, & diuinauerat, & mensus est. Et rursus. Vir sapiens implebitur benedictionibus, & videntes illum laudabunt. Sapiens in populo hereditabit honorem, & nomen illius erit viuens in eternum.

P A T R V M quoque veterum magna exstant encomia pro Sapientie virtute. Clemens Alexandrinus primo Stromatum. Merito, inquit, Apostolus variam ac multiplicem dixit Dei sapientiam, ut que multis modis, per artem, per scientiam, per fidem, per prophetiam suam ostendat potentiam ad nostrum beneficium. Quoniam omnis sapientia a Domino & cum ipso est in secula, ut dicit Iesu sapientia. Si enim prudentiam & sensum magna voce inuocaueris, & eam quaesieris, sicut argenti thesauros promptique, & alacri animo inuestigaris, intelliges Dei cultum, & sensum diuinum inuenies. Et paulo post. Est sapientia domina Philosophia, sicut illa eius, qua prius auditur, disciplina. Si enim philosophia proficitur continentiam & linguam, & ventris, & eorum que sunt sub ventrem, & est propter se eligenda, multo videbitur venerabilior & prastantior, si cerceatur propter Dei honorem & cognitionem. Et libro 4.

bro 4. Stromatum. *Confide in toto corde tuo & mente tua in Deo. Hoc catin- modo fieri potest, ut qui est sapientia vel cognitione praditus iam Deus tuaserit.* *Ps. 11. 6.*
Ego dixi Dñ estis, & filii altissimi. Dicit autem Empedocles quoq; Sapientum *Ioan. 10. 35.*
animas Deos fieri, hoc modo scribens.

Postremo vates, & qui hymnos carmine cantant,
 Et medici in seclis hominum terrestribus insunt
 Hinc existunt Dii, sunt quorum maximi honores.

S. Ambrosius ad Simplicianum. *Sapiens non metu frangitur, non po- testate mutatur, non attollitur prosperis, non tristibus mergitur. Vbi enim sa- pientia, ibi virtus animi, ibi constantia & fortitudo. Sapiens manet perfectus in Christo, fundatus caritate, radicans fide. Sapiens ergo defectus rerum igno- rat, & varium animum nescit, sed fulgebit sicut Sol iustitie, qui in regno patris sui fulget.* Et libro 2. de Abraham. *Futurorum interpret sapientia est, scit praterita, & de futuris estimat. Scit versutias sermonum, & solutiones argu- mentorum. Signa & monstra scit antequam fiant, & euentus temporum & se- culorum. Non potest igitur bonus atque perfectus non esse, qui hanc acquise- rit, quia & omnem habet virtutem, & imago bonitatis est. Vnde & seculi isti- us Sophista traxerunt definitionem huiusmodi, quod Sapiens vir bonus dicendi peritus sit. Redeamus nunc ad domum Dei, quo nihil p'entius. Quid enim melius sapientia? S. Gregorius Nazianzenus in primo Apologetico. *Censef- ne sapientiam, qua omnia regit, com- lexuque suo, quicquid usquam laudabi- le est & praeclarum, tenet (adeo, ut ipse quoq; Deus, quamvis permultis nomi- nibus vocetur hoc tamen nomine impensius quam ullis alijs delectetur) rem usque adeo leuem & protrit' existimabimus, ut ad sapientis nomen adipiscen- dum voluntas sola requiratur? Magna hercle stultitia hoc fuerit.* S. Gre- gorius Romanus libro 18. Moralium, cum exponit illud Iob. *Non con- feretur (sapientia) tinctis India coloribus. Tincti, inquit, India colores sunt huius mundi sapientes, qui quamvis per infidelitatem, & plerumque per actionem fedi sunt, ante humanos tamen oculos superinducta honestatis colore fucantur. At contra doctrina sapientia & predicatione pulchra est, & parave- ritate conspicua, nec aliud se per fallaciam praeendit exterius, & aliud reser- uat interius, neque in dictis suis pulchra videri appetit nitore sermonis, sed integritate veritatis. Quam fucationem tinctura bene Paulus despexerat, cum dicebat. Quia & loquimur, non in doctis humana sapientia verbis, sed in doctrina spiritus. Malebat quippe hanc sapientiam sola puritate veritatis ostendere, non autem eloq; tinctione fucare.* *SCRIPTORES quoque huius virtutis praestantiam agnouerunt. M. T. Cicero in secundo de*
 Eeee Officiis*

Officiis ita loquitur. *Quid est per Deos optabilius sapientia, quid praestantius? quid homini melius? quid homine dignius? Hanc qui expetunt igitur, philosophi nominantur; nec quidquam aliud est philosophia, si interpretari velis quam studium sapientiae. Cuius studium qui vituperat haud sane intelligo, quidnam sit, quod laudandum putet. Et libro de Legibus. Quid est autem, non dicam in homine, sed in omni caelo atque terra ratione diuinus? quae cum adoleuit atque perfecta est, nominatur rite sapientia. Et SENECA epistola 117. ad Lucilium. Sapientia est mens perfecta: vel ad summum optimumque perducta. Et libro ad Serenum, agens de Sapientia. Ergo ita habet Serene, perfectum illum viram humanis diuinisque virtutibus plenum nihil perdere. Bona eius solidis & inexerabilibus munimentis praecincta sunt. Non Babylonis illi muros contuleris, quos Alexander intrauit. Non Carthaginis, aut Numantiae moenia una manu capta, non Capitolium, arcem uero. Et paulo post. Sapiens vicinus, proximusque Dys consistit excepta mortalitate similis Deo.*

Sen. c. 6.

Ib. c. 8.

C A P V T III.

De Sapientia proprietatibus.

P R I M A Proprietas est, quod Sapientia vera & Christiana sit donum Dei, ut sapientissimus ille mortalium Salomon non semel professus est, ut in Prouerbiis. *Domini datus sapientiam, & ex ore eius prudentia & scientia.* & in Ecclesiastico prima sententia est. *Omnis sapientia à Domino Deo est, & cum illo semper, & est ante eum.* Et Deus ipse creauit illam in Spiritu sancto, & praeuit illam diligentibus se. Vnde B. Iacobus Apostolus. Si quis vestrum, inquit, indiget sapientia, postulet à Deo, qui dat omnibus affluenter. Lactantius libro secundo. *Verum scire, ait, diuina est sapientia, Homo autem per se ipsum ad hanc scientiam peruenire non potest, nisi doceatur à Deo.* Gregorius Nazianzenus oratione de pauperum amore. *Virtus sapientiae à vera sapientia postulanda est.* Sanctus Prosper libro primo de Vocatione gentium. *Ieremias uero quod à Deo homini sit recta sapientia sic profatur. Scio Domine quia non sit in homine uia eius, nec uiri est, ut dirigat iter suum.*

Prou. 2. 6.

Eccl. 1. 1.

Ib. v. 8.

Iac. 1. 5.

L. d. inst. c. 3.

P. c. 14.

Ier. 10.

Sap. 1. 4.

II. Proprietas est, quod non sit nisi in hominibus iustis, vera fide, spe & charitate praeditis. *Quoniam in maleuolam animam ait Sapiens, non introibit sapientia, nec habitabit in corpore subdito peccatis.* Vnde rur-

sus

sus LACTANTIVS libro quarto. Non potest nec religio à sapientia se-
parari, nec sapientia à religione secerni, quia idem Deus est qui intelligi debet,
quod est sapientia, & honorari, quod est religionis. Sed sapientia precedit,
religio sequitur: quia prius est, Deum scire: consequens colere. Sanctus Am-
brosius libro 2. de Officiis cum dixisset de sapientia pulchritudine. A. c. 17.
Supereſt, ait, ut doceamus Scriptura auctoritate nullum ei contubernium
cum vitijs esse, sed individuam ceteris virtutibus coniunctionem. cuius spiritus
est disertus, sine iniquitamento, certus, sanctus, amans bonum, acutus, qui ni-
hil vetet benefacere, benignus, stabilis, securus, omnem habens virtutem, o-
mnia prospiciens. Sanctus Augustinus libro 14. de ciuitate Dei. Fecerunt A. c. 28.
ciuitates duas amores duo: terrenam sc. amor sui vsque ad contemptum Dei:
caelestem verò amor Dei vsque ad contemptum sui. Denique illa in se ipsa, hæc
in Domino gloriatur: in illa sapientes secundum hominem viuentes; in hac
autem nulla est hominis sapientia, nisi pietas, quæ rectè colitur verus Deus.
Si quæras quo modo sit colendus? responderet initio Enchiridii ad Id. c. 3. & 6.
Laurentium, fide, spe & charitate colendum. Sanctus Bernardus in Can- B. ser. 63.
tica. Si anima iusti, sedes est sapientia, sicut est, profecto is sapiens, qui Sap. 7.
iustus.

III. priori affinis, quod exſtet tantum in timentibus Deum.
Sapiens timet, ait Salomon, & declinat à malo. Et Ecclesiasticus, Ple- Prou. 14. 16.
nitudo sapientia est timere Deum. Et. Da locum timori altissimi, quia omnis Eccli. 1. 20.
sapientia timor Dei, & in illa timere Deum. Et. Consummatio timoris Dei sa- Ib. 19. 12.
pientia & sensus. Vnde S. Hieronymus in caput 4. Hieremiæ. Illa est ve- Ib. 21. 13.
ra sapientia, quæ Dei timore iungitur: alioquin ubi insidia sunt & tergiver-
satio, non sapientia, sed versutia & calliditas appellanda est. Gregorius Na-
zianzenus in Maximum. Vnam hanc sapientiam scio, quæ in Dei timore sita
est. Nam & principium sapientia timor Domini, & finis sermonis. Omnia audi,
Deum time. Hac sapientissimi illius Salomonis verba sunt. Psal. 110. 101.
Eccli. vii. 13.

IV. est quod facile se cõmunicet aliis. Sapientia siquidem absconſa
ait Ecclesiasticus, & thesaurus inuisus, quæ utilitas in vtriusq. Melior est, quæ Eccli. 20. 32.
celat insipientiam suam, quam homo, qui abscondit sapientiam suam. Et ite- & 41. 17.
rum. Ipse palam faciet disciplinam doctrina sua, & in lege testamenti Domi- Ib. 39. 11.
ni gloriabitur. Neque huic contrarium est quod in Prouerb. dicitur. Sa- Prou. 10. 14. &
pientes abscondunt scientiã. Et Hom. versutus celat scientiam Sapientes n. ali- 12. 23.
quando id quod sciunt subticent, quia non expedit oia omnib. & omni
tempore vulgare. Vnde Eccli. dicit, Homo sapiens tacebit vsq. ad tempus. Eccli. 10. 7.
Et Prou. Stultus quoq. sit acuerit, sapiens reputabitur. Exemplum huius Prou. 17. 13.
proprietatis habemus in ipso sapientissimo Salomone q. de sapientia Sap. 7. 13.
agens, dixit. Quam sine fictione didici. & sine inuidia communico & bone
facem

statem illius non abscondo. Eamque Ethnici etiam scriptores prodiderunt. Philosophorum enim princeps in primo Metaphysico asserit *Sapientis proprium esse alios docere*. Et Periti dictum est. *Scire tuum nihil est, nisi te scire hoc sciat alter*. Seneca ad Lucilium non dubitat affirmare *Sapientiam esse humani generis pædagogum*. Plinius deplorat eos, qui eorum quæ norunt scientiam aliis inuident. Galenus verò & vnus se erudiendi causa ad dicendum, scribendumue paratum offert.

V. est, ne nimium sibi sapiat. Monet enim Sapiens. *Ne sis sapiens apud te ipsum*. Et. *Vidisti hominem sapientem sibi videri? magis illo spem habebat insipiens*. Exemplum habet in Apostolo eorum, qui dicenti se esse sapientes, stulti facti sunt. Nonne stultam, inquit idem, fecit Deus sapientiam huius mundi? Gregorius Nazienzenus in oratione de seipso habitaperstringens Arium. *Neque enim, ait, alios doctrina & sapientia quicquam antecello, quantum quidem mihi conscius sum: nisi quis hoc ipsum mihi sapientie ducat, quod me sapientem non esse, atque à vera & primaria sapientia longè remotum esse scio*. Et. Augustinus. *Nemo sibi arroget aliquid, nemo habet aliquid boni, nisi ab illo acceperit, qui solus bonus est. Qui autem voluerit sibi arrogare sapientiam, stultus est. Sit humilis ut inueniat sapientiam, & illuminet illud. Si autem antequam veniat in illum sapientia, putat se esse sapientem ante lucem surgit, & ambulat in tenebris*.

VI. ut aliena sit à voluptatibus, & deliciis huius seculi. Iob enim cum rogasset. *Sapientia ubi inuenitur?* respondet. *Nescit homo pretium eius, nec inuenitur in terra suauiter viuentium*. Hæ deliciae pertinent ad sapientiam carnis, de qua Apostolus ita loquitur. *Qui secundum carnem sunt, quæ carnis sunt sapiunt, qui verò secundum spiritum sunt, quæ sunt spiritus sentient*. Nam prudentia carnis mors est, quoniam sapientia carnis inimica est Deo. Qui autem in carne sunt Deo placere non possunt. Cur autem eo sapientia carnis placere non possit, exponit in epistola ad Galatas. *Manifesta sunt opera carnis, quæ sunt fornicatio, immunditia, impudicitia, luxuria, venesicia ebrietas, comestationes, & hæc similia &c. Qui autem sunt Christi, carnem suam crucifixerunt cum vitiis & concupiscentiis*. Vnde S. Bernardus in sermone de 7. donis spiritus sancti. *Operemur, inquit, in sapientia quæ dicit. Qui operantur in me non peccabunt*. Ager enim est mundus, ait veritas. *Fodiamus in eo, thesaurus absconditus latet, effodiamus eum: ipsa est enim sapientia, quæ trahitur de occultis. Omnes eam quarimus, omnes concupiscimus eam. Sed frustra quarit, qui in lectulo suo quarit: neque in terra suauiter viuentium inuenitur. Lectulus est, & ibi gigantem quaris. Tuus est, & tibi speras inuenire, qui diuersoria semper ignorat? si queris, inquit, querite, conuertimini & venite. Queris unde à lectulo tuo. Queris, unde conuertaris? à voluptatibus inquit tuis auertere*.

VII. Ut

Ar. c. 1.
P. lat. 1.
Sen. ep. 89.
Pl. litt. 25. c. 1.
G. meth.

Prou. 3. 7.
Ib. 26. 12.
Rom. 7. 22.
1. Cor. 1. 21.

A in psal. 126.

Iob. 28. 12.

Rom. 8. 5.

Gal. 5. 19.

Eccli. 24.

Matt. 13. 38.

II. 21. 12.

Eccli. 18. 30.

Apo.
quam
res se
quo
bonu
Quid
vita
mod
reru
inqui
ad sob
Quis
Vides
ergo d
quaqu
Quos
ad ina
cation
sciant
vanit
causa
re vol
tur, &
sione s
speris
valid
inter a
ius qu
post.
& ad
losa v
cursus
re rege
sulo

VII. Vt sit moderata, & circumspēcta. Dico per gratiam, inquit Apostolus ad Romanos, *omnibus qui sunt inter vos. Non plus sapere, quam oportet sapere, sed sapere ad sobrietatem.* Et iterum. *Non alta sapientes sed humilibus consēientes,* Et paulo ante. *Noli altum sapere, sed time.* Cū Rom. 12. 3. quo conuenit illud Salomonis. *Sicut qui mel multum comedit, non est ei bonum, sic qui scrutator est maiestatis opprimetur à gloria.* Et Ecclesiastes. *Quid necesse est homini maiora se querere, cum ignoret quid conducat sibi in vita sua? Aut quis ei poterit indicare, quid post eum futurum sub Sole sit?* Hāc moderationem pulchrè exponit S. Bern. in Cantica exemplo scientiæ rerū humanarum, dum explanat superiora verba Apost. *Non prohibet,* Bern. ser. 6. inquit, *Apostolus sapere, sed plus sapere quam oportet.* Quid autem sapere ad sobrietatem? Vigilantissimè obseruare, quid scire magis prius uè oporteat. Qui se, inquit, putat aliquid scire, nondum scit, quomodo oporteat eum scire. Vides quoniam non probat multa scientem, si sciendi modum nescierit. *Quid ergo dicit modum sciendi? Quid nisi ut scias, quo ordine, quo studio, quo fine queque nosse oporteat? Quo ordine? ut id prius, quod maturius ad salutem. Quo studio? ut id ardentius, quod uehementius ad amorem: Quo fine? ut non ad inanem gloriam, aut curiositatem, aut aliquid simile, sed tantum ad adificationem tuam vel proximi. Sunt namque qui scire volunt eo fine tantum ut sciant, & turpis curiositas est. Et sunt qui scire volunt, ut sciatur ipsi, & turpis vanitas est. Et sunt item, qui scire volunt, ut scientiam suam vendant, verbi causa pro pecunia, pro honoribus, & turpis questus est. Sed sunt quoque, qui scire volunt ut adificent, & charitas est. Et item, qui scire volunt, ut adificentur, & prudentia est. Horum omnium soli ultimi duo, non inueniuntur in abusione scientiæ, quippe qui ad hoc volunt intelligere, ut benefaciant.* Hæc ille.

VIII. ut sit fortis, quæ nec aduersis deiciatur, nec extollatur prosperis. Nam teste Salomone, *Vir sapiens fortis: & vir doctus robustus & validus.* Vnde S. Ambrosius de Iacob & vita beata. *Manet, inquit, semper inter aduersa & delectabilia perfecta virtus, neque aduersa de perfectione eius quicquam minuunt, neque delectabilia adiungunt perfectioni.* Et paulo post. *Perfecti est enim viri communitatem natura sustentare animi virtute, & ad meliora adducere, nec succumbere ijs quæ pterisque terribilia & formidolosa videntur, sed quasi fortem militem grauiſſimorum casuum sustinere incursus, conflictus subire, & quasi prouidum gubernatorem nauem in tempestate regere atque occurrendo insurgentibus fluctibus magis vitare naufragium sulcando undas, quam declinando.* Senecæ Ethnici dictum est in consolatione ad Heluiam. *Nec secunda sapientem euehunt, nec aduersa demittunt.* Et. *Neminem aduersa fortuna comminuit, nisi quem secunda decepit.*

* *

F f f

CAP.

De multiplici fructu sapientie.

SOLA Sacra scriptura, vt haftenus proprietates, ita fructus quoque complures veræ Sapientie suppeditat.

1. In Salomonis Prouerbiis. *Custodiet, inquit, Sapientia Rectorum salutem, & proteget gradientes simpliciter, seruans semitas iustitie & vias sanctorum custodiens. Tunc intelliges iustitiam, & iudicium, & aequitatem, & omnem semitam bonam. Si intrauerit sapientia cor tuum, consilium custodiet te, & prudentia seruabit te, vt eruaris à via mala, & ab homine, qui peruerfaloquitur. Et rursum. Longitudo dierum in dexteraciis, & in sinistra illius, diuitie & gloria eius via pulchra, & omnes semite illius pacifica. Lignum vite est his, qui apprehenderit eam, & qui tenuerit eam, beatus. Et. Arripe illam, & exaltabit te, glorificaberis ab ea, cum eam fueris amplexatus, dabit capiti tuo augmenta gratiarum, & corona integra proteget te. Et. Lex sapientis, fons vite, vt declinet à ruina mortis. Et. Cum inueneris sapientiam, habebis in nouissimis spem, & spes tua non deribit.*

2. in libro Ecclesiastæ. *Utilior est sapientia cum diuitijs, & magis prodest videntibus solem. Sicut enim protegit sapientia, sic protegit pecunia. Hoc plus habet eruditio & sapientia, quod vitam tribuat possessori suo. Et rursum. Sapientia confortauit sapientem super decem principes ciuitatis. Et. Inuentus est (in ciuitate parua obfessa à rege magno) vir pauper & sapiens, & liberavit urbem per sapientiam suam. Et dicebam ego, meliorem esse sapientiam fortitudine. Verba sapientium audiuntur in silentio, plusquam clamor principis inter stultos. Melior est sapientia, quam arma bellica.*

3. in lib. Sapientie, *Si delectamini, ait, sedibus & sceptri, à reges populi, diligite sapientiam, vt in perpetuum regnetis: diligite lumen sapientie omnes qui præestis populis. Multitudo autem sapientum sanitas est orbis terrarum, & Rex sapiens stabilimentum populi est. Et rursum. Venerunt autem mihi omnia bona pariter cum illa, & innumerabilis honestas per manus illius, & letatus sum in omnibus, quoniam antecedebat me ista sapientia, & ignorabam, quoniam horum omnium mater est. Infinitus enim thesaurus est hominibus, quo qui vti sunt, participes facti sunt amicitie Dei. Et iterum. Si diuitie appetuntur in vita, quid sapientia locupletius, quæ operatur omnia, &c. Habeo per hanc immortalitatem, & memoriam eternam his, qui post me futuri sunt, relinquam. Disponam populos, & nationes mihi erunt subditi. Timebunt me audientes reges horrendi, in multitudine videbor bonus, & in bello fortis. Et iterum. Per sapientiam sanati sunt, quicumque placuerunt tibi Domine à principio. Quod*

Sap. 9. 19.

pro-

probat deinceps multis exemplis, & primo ipsius protoplasti Adæ. 1b. 10. 1.
Hac, inquit, *illum*, qui primus formatus est à Deo pater orbis terrarum, cum
 solus esset creatus custodiuit, & eduxit illum à delicto suo, & dedit illi virtutem
 continendi omnia. & c. Quibus exemplis adiungi potest exemplum Salo- 3. Reg. 3. 9.
 monis, qui cum à Deo tantum sapientiam, non opes & gloriam po-
 stulauisset, ut est in hist. sacra Regum, non solum Deo mirifice placu-
 it, verum etiam beneficio sapientiæ ad summam huius vitæ felicitatē
 peruenit.

4. in libro Ecclesiastici. *Sapientia*, inquit, *filijs suis vitam inspirat*, & Eccli. 4. 12.
suscipit inquirentes, & *praebet in iustitia*, & *qui illum diligit, diligit vitam*, &
qui vigilauerint ad illam, complectentur pacem eius. *Qui tenuerint illam, vi-* Eccli. 6. 28.
tam hereditabunt, & *quo introibit, benedicit Deus*. Et. *Investiga illā & mani-*
festabitur tibi, & *contineas factus ne derelinquas eam*; in nouissimis n. *iueni-*
es requiē in ea & conuertetur tibi in oblationē. Et erūt tibi cōpedes eius in pro-
 tectionē fortitudinis & bases virtutis, & torques illius in stolā gloriæ: decor n. vi-
 tæ est in illa, & vincula illius alligatura salutaris. Et. *Scientia sapientis tanquā* 1b. 2. 16.
inundatio abundabit, & *consiliū illius sicut fons vitæ permanet*. Et. *Quā speci-* 1b. 25. 7.
osa veteranis sapientia, & *gloriosus intellectus & consiliū*. *Corona senū multa fe-*
ritia, & *gloria illorū timor Dei*. Et. *Vir sapiēs implebitur benedictionib.*, & *vidē*, 1b. 37. 27.
res illū laudabunt. *Sapiēs in populo hereditabit honorem*, & *nomen illius erit vi-*
uens in aeternū. Et. *Collaudabūt multi sapientiā eius*, & *usq. in seculū nō de-* 1b. 39. 12.
lebitur. *Non recedet memoria eius*, & *nōmē eius requiretur à generatione in ge-*
nerationem. *Sapientiam eius enarrabunt gentes*, & *laudem eius enuntiabit*
Ecclesia.

5. in Epistola S. Iacobi Apost. *Qua de sursum est sapientia*, inquit, Iac. 3. 17.
primum quidem pudica est, deinde *pacifica*, *modesta*, *suauis*, *liberalis*, *bonis consentiens*,
plena misericordia, & *fructibus bonis*, *non iudicans sine simulatione*.

PATRES quoq. nonnullos alios fructus his adungunt. Primus est
 Clemen. Alexan. in Pædago, quod beneficio Sapientiæ expugne- Cl. lib. 1. c. 2.
 mus animi perturbationes. *Medicina n. ut ait Democritus, medetur mor-*
bis corporis, *sapientia autem liberat animam à perturbationibus*. Bonus autem
 pædagogus, qui est sapientia: qui Verbum Patris, qui fabricatus est: cælum vni-
 uersi figmenti curam gerit, eiusque corpori & animæ medetur. Ita S. August. A. c. 4.
 cum disputat in nono de ciuitate Dei, an perturbationes in animum
 sapientis cadant, tandem ita loquitur. *Ita mens (sapientis) nullas pertur-*
bationes, etiamsi accidunt inferioribus animi partibus, in se contra rationem
preualere permittit, quā nemo eis ipsa dominatur, eisque non consentiendo, sed
potius resistendo regnum virtutis exercet. Talem etiam describit Virgilius
 Aencam, ubi ait *Mens immota manet, lacryma voluuntur inanes*

A.c.2.
Gen.13.14.

Prou.17.
Iuxta 29.

A.lib.1.ep.4.

Id.lib.2.ep.77.

Parad.56.

S.ep.37.

2. est S. Ambrosii libro 2. de Abraham, Sapientis esse omnia. Non otiose, inquit Scriptura posuit. Et dixit Deus ad Abraham. Omnia terram, quam tu vides tibi dabo eam. Hec tanquam à fonte hauserunt Stoici philosophi dogmatis sententiam, omnia sapientis esse. Oriens enim & occidentis, septentrio & meridies portiones sunt vniuersitatis. His enim totus mundus includitur. Hæc cum promisit Deus daturum se Abraham, quid aliud declarat nisi sapienti & fideli præsto omnia, deesse nihil. Vnde & Salomon in Prouerbiis ait, eius qui fidelis sit totus mundus diuitiarum. Quanto prior Salomon, quam Zenon Stoicorum magister, aut auctor sectæ ipsius? Quis autem fidelis nisi sapiens? Stultus enim sicut luna, mutatur, sapiens autem immobilis fide permanet. Sed forte dicas. Quomodo sapientis totus mundus? Quoniam ipsa natura dat illi sortem omnium, etiam si ipse nihil possideat.

3. est eiusdem, epistola ad Simplicianum, quod hominem inducat ad agendam de peccatis pœnitentiam. Nihil, ait, peccare, solius est Dei, emendare sapientis est, & corrigere erratum, & pœnitentiam gerere peccati. Id tamen est difficile in hac vita hominum. Quid enim tam rarum quam, ut inuenias virum qui seipsum coarguat, & factum condemnet suum? Rara itaque confessio de peccato, rara pœnitentia, rara in hominibus verbi eius assertio, repugnat enim natura, repugnat verecundia.

4. eiusdem ad eundem, quod hominem liberet ab omni iugo feruitutis, qua de re tota epistola copiose agit. Inter paradoxa quoque Stoicorum habes apud Ciceronem, Sapientes omnes esse liberos. Et Seneca dictum est ad Lucilium. Sapientia sola libertas est.

C A P V T V.

De Medijs ad comparandam, seruandam & augendam Sapientiam opportunis.

Prou.23.

Sap.6.18.
Ib.8.1.

Ecclesi.6.27.

Psal.110.10.
Prou.7.9.

PRIMUM Medium est. Magnum desiderium Sapientiæ. Nam Sapiens ait in Prouerbiis. Fili mi, si inclinaueris cor tuum prudentiæ, si quaesieris eam quasi pecuniam, & sicut thesauros effoderis illam, tunc intelliges timorem Domini, & scientiam Dei inuenies. Et in Sapientia. Initium enim illius, verissima est disciplina concupiscentia Et iterum. Hanc amari, & exquisivi à iuuentute mea, & quasi sponsam mihi eam assumere, & amator factus sum formæ illius. Et apud Ecclesiasticum. In omni animo tuo accede ad illam, & in omni virtute tua conserua vias eius.

II. Medium. Timor Domini. nam psalter regius ait. Initium sapientiæ Timor Domini. Quæ sententia sæpius alibi repetitur.

III. Hu-

III. Humilitas. *Vbi fuerit superbia, ait Salomon, ibi erit & contumelia. Vbi autem est humilitas, ibi & sapientia.* Vnde S. Augustinus in psalmum 126. *Si volumus custodiri ab illo, qui humiliatus est propter nos, & exaltatus est ad custodiendos nos, humiles simus. Nemo sibi arroget aliquid, nemo bial et aliquid boni, nisi ab illo acceperit, qui solus bonus est. Qui autem sibi voluerit arrogare sapientiam stultus est. Sit humilis ut inueniat sapientiam, & illuminet illum. Si autem antequam veniat in illum sapientia putat se esse sapientem, ante lucem surgit & ambulat in tenebris.* Et S. Gregorius libro 34. moralium. *Hoc proprium esse specimen electorum solet quod de se semper sentiunt infra quam sunt. Hinc namq. ab eodem David dicitur. Si non humiliter sentiebam, sed exaltaui animam meam. Hinc Salomon ad sapientiam paruulos vocat dicens. Si quis est paruulus, veniat ad eam. Qui enim iuxta semetipsum despicit, humilem Dei sapientiam non apprehendit. Hinc in Euangelio Dominus dicit. Consteor tibi Domine pater celi & terra, quia abscondisti haec a sapientibus & prudentibus, & reuelasti ea paruulis.*

Ecclesi. 1. 16. 35.
Prou. 11. 2.

G. c. 15.

Psalm. 130. 1.

Prou. 9. 16.

Matt. 11. 25.

IV. Audire libenter sapientiores, corundemq. sciscitari consilia. Nam, ut est in Prouerbiis Salomonis. *Audiens sapiens sapientior erit, & intelligens gubernacula possidebit. Et Beatus homo qui audit me, & vigilat ad fores meas quotidie. Et. Audi consilium, & suscipe disciplinam, ut sis sapiens in nouissimis tuis.* Et in Ecclesiastico. *Fili, si attenderis mihi, discas, & si accommodaueris animum tuum sapiens eris. Si inclinaueris aurem tuam, excipies doctrinam, & si dilexeris audire sapiens eris. Et. Fili sine consilio nihil facias & post factum non poenitebis.*

Prou. 1. 5.

Pro. 8. 34.

Pro. 19. 20.

Ecclesi. 6. 31.

Ecclesi. 32. 24.

V. Dilige te monitores & reprehensores. *Argue sapientem, inquit Salomon, & dilige te. Da sapienti occasionem, & addetur ei sapientia. Et. Auris que audit increpationes vite, in medio sapientum commorabitur. Et. In auris aurea, & margaritum fulgens, qui arguit sapientem, & aurem obedientem.*

Prou. 9. 8.

Pro. 15. 31.

1b. 25. 12.

VI. Vti consuetudine sapientum & bonorum. *In multitudine, ait Ecclesiasticus, prudentium presbyterorum sta, & sapientia illorum ex corde coniungere, ut omnem narrationem Dei possis audire. Et si videris sensatum, euigila ad illum, & gradus ostiorum illius exerat pes tuus. Et. Ne despicias narrationem presbyterorum sapientum, & in prouerbijs eorum conuersare, ab ipsis enim discas sapientiam, & doctrinam intellectus. Non te praetereant narratio seniorum, ipsi enim didicerunt a patribus suis. Et. Cum sapientibus & prudentibus tracta. Senecæ ad Lucilium simile monitum est. Nullares magis animos honesta induit, dubiosq. & in prauum inclinantes reuocat ad rectum, quam bonorum virorum conuersatio. Paulatim enim descendit in pectora, & vim preceptorum obtinet, frequenter audiri, aspicique frequenter.*

Ecclesi. 5. 35.

Ecclesi. 8. 9.

1b. 9. 21.

S. cp. 94.

Occursus mehercle ipse sapientium iuvat: & est aliquid, quod ex magno viro vel tacente proficias.

Ecl. 1. 17.

Sap. 6. 15.

Ecl. 39. 1.

VII. non parcere labori ad acquirendam sapientiam. Sic enim loquitur post partam summam a Deo sapientiam Ecclesiastes. *Dedit cor meum, ut scirem prudentiam atq; doctrinam, erroresque & stultitiam, & agnouit, quod in his quoque, esset labor & afflictio spiritus, eo quod in multa sapientia multa sit indignatio, & qui addit scientiam, addit & laborem.* Et in libro Sapientiae. *Qui de luce vigilauerit ad illam, non laborabit, assidentem enim illam foribus suis inueniet.* Et in Ecclesiastico. *Sapientiam omnium antiquorum exquiret sapiens, & in prophetis vacabit. Occulta prouerbiorum exquiret, & in absconditis parabolarum conuersabitur. In terram alienigenarum gentium pertransiet: bona enim & mala in hominibus tentabit. Cor suum tradet ad vigilandum diluculo ad Dominum, qui fecit illum.* Vnde S. Gregor. Nazianzen. in Apologetico primo pro fuga censet ingentis stultitiae esse, cum omnes aliae artes non nisi magnis laboribus sudoribusque ediscantur, arbitrari sapientiam quae omnia regit, complexuque suo quicquid usquam laudabile est, tenet, sola voluntate, nullo autem sudore comparari.

Ecl. 38. 25.

Luc. 10. 42.

B. serm. 85.

VIII. Otium, maximè litterarium. Vnde Ecclesiasticus *Sapientia scribe in tempore vacuitatis: & qui minoratur actu, sapientiam percipiet.* Videmus enim eos qui operibus seruilibus mechanicisque sunt dediti parum idoneos esse ad capeffendam eam sapientiam, qua alios erudire possint. Huic vacuitati vel otio quia plus dedita erat Maria Magdalena quam Martha, idcirco ei a Domino dictum est. *Maria optimam partem elegit, quae non auferetur ab ea.* S. Bernardus hunc Ecclesiastici locum tractans in Cantica. *Sapientiam, inquit, scribe in otio, ait Sapiens. Ergo sapientia otia, negotia sunt, & quo otiosior sapientia, quo exercitatio in genere suo. E regione virtus exercitata clarior est, eoq; probatior, quo officiosior. Et si quis sapientiam virtutis amorem desinierit, non a vero deuiare videbitur. Vbi autem amor est, labor non est, sed sapor. Et forte sapientia a sapore denominatur, quod virtuti accedens quoddam veluti condimentum sapidam reddat, quae per se insulsa quodammodo & aspera sentiebatur.*

Ecl. 1. 31.

Ib. 2. 31.

Ib. 6. 37.

Ib. 4. 37.

G. orat. 1.

IX. Observatio mandatorum diuinorum, vel quod idem est, bona opera, vel bona vita. *Fili concupiscens sapientiam, ait Sapiens, conserua iustitiam, & Deus praebebit illam tibi.* Et. *Sapiens cor & intelligibile abstinebit se a peccatis, & in operibus iustitiae successus habebit.* Et. *Cogitatum tuum habe in preceptis Dei, & in mandatis illius maximè assiduus esto: & ipse dabit tibi cor, & concupiscentia sapientiae dabitur tibi.* Et *Omnia autem Dominus fecit, pie agentibus dedit sapientiam.* Vnde S. Greg. Nazianzenus in Iulianum. *Fieri non potest, ut sapientia sint participes, qui vitam non sapienter instituerint.*

rint. Et S. Augustinus exponens verba illa Dauid is. *A mandatis tuis intellexi. Nescio, inquit, quid aliud se significat intellexisse à mādatis Dei, quam quantum mihi videtur faciendo mandata Dei peruenisse se dicūt ad earum rerum intelligentiam, quas concupuerat scire, propter quod scriptum est Concupisti sapientiam seruam mandata & Dominus præbet illam tibi; ne quisquā posterus antequam habeat humilitatem obedientia, velit ad altitudinem sapientia peruenire. Non omisit hoc Medium Ethnicus Seneca ad Luciliū. Profunt, ait, inter se boni: exercent enim virtutes, & sapientiā in suo statu continent. Peritos luctandi vsus exercet. Opus est & sapienti agitatione virtutum.*

A. in psal. 118.

Eccli. 1. 33.

S. ep. 109.

X. Medium est, oratio, vel diuinæ opis imploratio, cuius exemplum nobis præbuit Salomon, qui donum sapientiæ maximum beneficio huius medii à Deo impetrauit. Vnde in Sapientiæ libro ait. *Propter hoc optaui & datus est mihi sensus; & inuocaui, & venit in me spiritus sapientiæ, & praposui illam regnis. Et Ecclesiasticus. Sapiens ait, aperiet os suum in oratione, & pro delictis suis deprecabitur. Si enim Dominus magnus voluerit, spiritu intelligentia replebit illum, & in se tanquam imbres mittet eloquia sapientiæ suæ, & in oratione confitebitur Domino. Formulam autem orandi pro Sapientiæ dono habes Sapientiæ nono.*

3 Reg. 3.

Sap. 7. 7.

Eccli. 39. 7.

XI. M E D I V M est stultescere, quod proponere non dubitauit Apostolus in priore epistola ad Corinthios. *Nemo, ait, se seducat: se quis videtur inter vos sapiens esse in hoc seculo, stultus fiat ut sit sapiens. Sapientia enim huius mundi stultitia est apud Deum. Vnde & paulo post se in numero stultorum, cum sui similibus, ponit. Nos, inquit, stulti propter Christum, vos autem prudentes in Christo: vos nobiles, nos autem ignobiles. In quo autem stultitia illa consistat, non reticuit; consistit nimirum in amore & prædicatione Christi crucifixi, quam gentilium sapientes arbitrabantur stultam. Nos prædicamus Christum crucifixum, Iudæis quidem scandalum, gentibus autem stultitiam, ipsis autem vocatis Iudæis atq; græcis Christum Dei virtutem & Dei sapientiam, quia quod stultum est Dei, sapientius est hominibus. Hinc Tertullianus contra Marcionem, Quid, inquit, indignius Deo, quid magis erubescendum, nasci ac mori? carnem gestare, an crucem? circumcidi, an suffigi? educari, an sepeliri? Sapientior eris, si nec ista credideris. Sed non eris sapiens, nisi stultus seculo fueris, Dei stultus credendo.*

1. Cor. 3. 18.

1. Cor. 4. 10.

1. Cor. 1. 22.

T. lib. de carne Christi.

V I D E V. Abnegatio sui. Charitas in Deum & proximum. Cognitio sui & Dei. Contemplatio. Deuotio. Familiaritas cum Deo. Fides. Gratiarum actio Deo debita. Laudatio Dei.



S A T I S F A C T I O.

C A P V T I.

*Quid & quotuplex sit Satisfactio, quæq; opera
satisfactoria.*

com. 1. c. 54.



V. E. T. O. R. Libri de Ecclesiasticis dogmatibus in S. Au-
gustino in hunc modum definit. *Satisfactio poenitentia est
causas peccatorum excidere, nec earum suggestionibus indulgere.*

ib. c. 55.

Verum hæc non est propriè dicta definitio, ut nomen
ipsum declarat: etiam si enim salutare sit peccatorum
causas, post conuersionem à peccatis & vita peruersa, excidere, nec
suggestionibus deliniceps mundi, carnis & diaboli indulgere, tamen
veræ satisfaciit aliquis pro peccatis, si operibus satisfactoriis, poenam
pro iis debitam compenset, etiam si peccatorum causas non mox ex-
cidat. Vnde idem ibidem ita scribit. *Quamuis quis peccato mordeatur,
peccandi non habeat de cetero voluntatem & communicaturus satisfaciit, la-
crymis & orationibus.* Et rursus. *Secreta satisfactione solui mortalia crimi-
na non negamus, sed mutato prius seculari habitu, & confesso religionis studio,
per vita correctionem, & iugi immò perpetuo luctu.* Luctu autem, lacrymis
& orationibus propriè Deo satisfacimus. Rectius ergo definiemus se-
cundum doctrinam in Synodo Tridentina Oecumenica traditam
his verbis. *Satisfactio est actio, vel punitio criminum à nobis commissorum,
vel sponte suscepta, vel sacerdotis arbitrio pro gravitate delicti imposita.*

C. Trid. sess. 14.
cap. 9.

Q V O N I A M autem Deo, quem peccatis offendimus satisfaci-
endum est, necessario duplex constituenda est Satisfactio. Perfecta &
imperfecta. Perfecta est, quæ sit ad absolutam & perfectam æqualitatem,
ut cum actio contumeliosa inter duos homines æquales recompen-
satur per aliam contrariam tantum habentem honoris, quantum alia
habuerat contumelia. Imperfecta verò est, quæ sit ad æqualitatem
imperfectam, ut cum quis qui pertulit iacturam decem millium au-
reorum, satisfieri patitur sibi cessione omnium bonorum, licet ea bo-
na ad summam tot millium non perueniant. Deo igitur à nobis in hac
vita nunquam pro peccatis in eum admissis, & iniuria illi irrogata ex
æquo

arq
per
dig
cep
qua
cta
deo
cat
poe
pec
poe
bitu

do
nun
mni
dari
corp
de o
stola
rum
cart
orat
carn
Elec
Ad o
nes,
oper
triti
etia
hem

SA
re
corde

quo potest fieri satisfactio, nisi interueniente gratia, ac proinde nec perfecta, tum quia offensa est infinita, nempe contra Deum infinita dignitatis, tum quia quicquid rependimus Deo, est Dei, & à Deo accepimus: quod & Ethnici Philosophi intellexerunt, docentes nunquam Deo posse paria reddi. Potest autem fieri satisfactio imperfecta. Deus enim pro immensa sua pietate in nos voluit, & in Verbo suo declarauit, si conringat nos post baptismum semel susceptum in peccata relabi, poenitentiam non solum agere, sed etiam fructus dignos poenitentiae edere, ad expianda per contritionem & confessionem peccata quoad culpam, per satisfactionem verò poenalem, quoad poenam, quæ remanet sæpe post expiatam culpam, vt postea probabitur.

OPERA autem Satisfactoria, quibus pro reatu poenæ expiando satisfacere debemus Deo, à Theologis & à Con. Trident. Patribus numerantur tria. Oratio, ieiunium & eleemosyna, ad hæc enim omnia alia reuocari possunt. Nam tria sunt genera, bonorum quæ Deo dari à nobis queunt. Prima sunt animi, quæ damus per Orationem. 2. corporis, quæ per Ieiunium. 3. externa, quæ per eleemosynam. Deinde omnia vitia reuocari possunt ad tria, quæ S. Ioannes in priore epistola recensuit; concupiscentiam carnis, concupiscentiam oculorum & superbiam vitæ. Ieiunium siquidem coercet concupiscentiam carnis; eleemosyna concupiscentiam oculorum, id est, auaritiam: oratio superbiam vitæ. Ad ieiunium autem reuocantur omnia quæ carnem affligunt, vt cilicia, cineres, flagellatio, humicubatio. Ad Eleemosynam omnia opera misericordiæ corporalia & spiritualia. Ad orationem omnes religionis actiones, vt laudes, gratiarum actiones, dolor de peccatis, confessio, & professio fidei, quatenus sunt opera laboriosa & poenalia. Vnde docent Theologi etiam si per contritionem proprie remittatur culpa, tamen qua poenalis est semper etiam aliquid poenæ temporalis remitti, & aliquando, si magna & vehemens sit, remitti totam.

C. Trid. sess. 14.
can. 19.

1. Ioa. 2.

C A P V T II.

De necessitate & utilitate Satisfactionis.

SATISFACTIONIS necessitatem Spiritus sanctus in diuinis literis ostendit, cum ita clamat in prophetis. *Conuertimini ad me in corde vestro, in ieiunio, & fletu & planctu.* Et. *Conuertimini & agite poenitentiam.* Ioch. 1. 12.

Gggg

nitent-

2. Reg. 12.
Psal. 4. & 53.
Ion. 3.
Luc. 3. 3.
Greg. hom. 12.

Ch. hom. 10.

Orig. hom. 3.

A. c. 8.

A. hom. 17.

S. c. 19.

nitentiam ab omnibus iniquitatibus vestris, & non erit vobis in ruinam iniquitas. Deinde, ubi iubet nos facere iudicium & iustitiam, vel Isaia 56 Ezechiel 18. Jerem 12. Eiusmodi satisfactionem, quia Dauid & Ninu 12. in ieiunio, sacco & cinere, peregerant, ideo approbati fuisse à Deo leguntur. Ad eandem peccatores hortatus est S. Ioan. Baptista dicens apud Lucam *Facite fructus dignos pœnitentie*. sic enim exponit S. Greg. in Euangelia. *Aliud inquit, est fructum facere pœnitentie, aliud dignum fructum facere. Ut enim de dignis pœnitentie fructibus loquamur, sciendum est, quod quisquis illicita non commisit, huic iure conceditur ut licitis utatur. sicq. opera pietatis faciat, ut tamen si voluerit ea quæ mundi sunt non relinquat. At si quis in fornicationis culpam, vel fortassis, quod grauius est in adulterium lapsus est, tanto à se licita debet abscindere, quanto se meminit illicita perpetrasse.* Et Chrysost. in Matth. *Facite, ait, fructus dignos pœnitentie. Quo autem modo fructificare poterimus? si utiq. peccatis aduersa faciamus. Vbi gratia, aliena rapisti? incipe donare iam propria, &c. Delictis antea & temulentia difflebas? ieiunio & aqua potu utrumq. compensa.*

PATRES quoq. prisci hanc necessitatem perspicuè expresse-
runt, ut Tertullianus libro de Pœnitentia, *Offendisti, inquit, sed recon-
siliari adhuc potes: habes cui satisfacias & quidem volentem.* Origenes in li-
brum iudicum. *Non in perpetuum tradit delinquentes Dominus, sed quanto
tem. ore errasse te nosti, quanto tempore deliquisti, tanto nihilominus tempore
humiliate Deo, & satisfacito ei confessione pœnitentia.* S. Cyprianus in ser-
mone de lapsis. *Dominus orandus est, Dominus nostra satisfactione placan-
dus. Orare oportet impensius, & rogare diem luctu transigere, vigiliis ac fletibus
noctes ducere, stratos solo adherere cineri, in cilicio & sordibus volutari.* S.
Ambrosius ad Virginem lapsum *Grandi plage alta & prolixa opus est me-
dicina: grande scelus grande necessarium habet satisfactionem.* S. August.
in homiliis 10. *Non sufficit mores in melius commutare & à factis in ilis rece-
dere, nisi etiam de iis quæ facti sunt satisfiat Deo, per pœnitentie dolorem, per
humilitatis gemitum, per contriti cordis sacrificium cooperantibus elemosy-
nis.* S. Chrysostomus in homilia 41. ad populum. *A nobis ultionem sumamus
ita placabimus iudicem.* S. Hieronymus in cap. 1. Joelis. *Qui peccator
est & quem remordet propria conscientia, cilicio accingatur, & plangat vel
propria delicta, vel populi, & ingrediat in Ecclesiam, de qua propter peccata
fuerat egressus, & cubet vel dormiat in sacco, ut preteritis delictis, per quas
offenderat Deum, vite austeritate compenset.*

SEVERVS Sulpitius libro 2. Dialogorum de miraculis S.
Mar.

Martini. Fornicatio deputatur ad penam, nisi satisfactione purgetur. Theodoretus in epitome diuinorum decretorum. Sunt medicabilia etiam quae post baptismum fiunt vulnera. medicabilia autem, non ut olim per solam fidem data remissione, sed per multas lachrymas, & fletus & luctus, & ieiunium, & orationem & laborem facti peccati contemperatum. S. Gregorius libro 6 in 1. Regum. Non solum, ait, confitenda sunt peccata, sed etiam penitentia austeritate delenda: quia postquam à delinquentis voluntate discedunt, purgari satisfactione salubriter possunt. B. Isidorus libro 2. de summo bono. Ille penitentiam digne agit, qui reatum suum satisfactione legitima plangit.

R A T I O quoque triplex huic doctrinae suffragatur. 1. quia cum Christus Dominus passus sit pro peccatis nostris, iustum est ut nos quoque aliquid pro iisdem patiamur. Vnde S. Petrus. Christus passus est pro nobis, vobis relinquens exemplum ut sequamini vestigia eius. Et Paulus spondet nos coheredes fore Christi, si tamen compatimur, ut & conglorificemur. Vnde S. Gregorius in caput nonum libri 1. Regum. Non omnia nostra Christus expleuit. Per crucem quidem suam omnes redemit, sed remansit, ut qui redimi & regnare cum eo nititur, crucifigatur. Hoc profecto residuum viderat, qui dicebat, Si compatimur, & conregnabimus: quasi dicat, quod expleuit Christus, non valet, nisi ei, qui id quod remansit, adimplet. Hinc Paulus ait, Adimpleo ea quae desunt passioni Christi in corpore meo. 2. R A T I O est, quia Deus non solum misericors, sed & iustus est. Vnde dicebat regius psalter. Faciens misericordias Dominus, & iudicium omnibus iniuriarum patientibus. Et. Misericordia & veritas obuiauerunt sibi. Et S. Basilius in regulis breuioribus. Deus pro remissione peccatorum nostrorum demisso unigenito filio suo, quantum in ipso est, ea ante iam omnibus condonauit. Quoniam autem misericordiam & iudicium sanctus vir canit, & testatur Deum misericordem esse & iustum, necesse est, ut quae & à prophetis, & ab Apostolis suis locis de penitentia dicta sunt, ea à nobis praestentur, ut appareant iudicia iustitiae Dei, & misericordia eius consummetur ad condonationem peccatorum. 3. R A T I O est, quia aequum S. Patrum est. Nullum peccatum relinqui impunitum: itaque si homo illud non puniat in hac vita, puniendum à Deo est in altera, qua de re plura in Panario, at horrendum est incidere in manus Dei uiuentis. Vnde S. A V G V S T I N U S ad Macedonium. Nihil aliud agit, quem veraciter penitet, nisi ut id quod mali fecerit impunitum esse non sinat: eo quippe modo sibi non parcenti ille parcat, cuius altum iustumque iudicium nullus contempnor exadit. Et S. GREGORIUS libro 4. Moralium Nullum

*peccatum Dominus multum relaxat, aut enim nos hoc flendo insequimur, aut
ipse iudicando reseruat.*

CAP V T II.

De varijs proprietatibus satisfactionis.

PRIMA Proprietas est, quod naturæ sit consentanea. Natura enim docet noxæ omni, maximè si grauis sit, deberi pœnam, & idcirco omnes Respublicæ, siue fidelium siue infidelium, grauioribus quælibet noxas castigare solent. Nec vllus est Paterfamilias, nullus bonus ludimagister, nullus superior, qui non delicta subditorum pœnis coerceat. *Quis filius*, inquit Apostolus, *quem non corripit pater?* Et exempla castigantium pro criminibus existant apud Homerum de Oreste, Peleo, Antilocho, Adraсто & similibus.

II. Proprietas est, quod vt salutaris sit, debeat fieri ab homine iusto & in Dei gratia constituto. Ratio est, quia homo peccato mortali obnoxius, cum sit inimicus Dei & æterni exitii reus, non potest satisfacere pro culpa mortali, & Deum ex inimico amicum reddere. Vnde consequitur non valere satisfactionem ad expiandam pœnam temporalem.

III. est, quod Satisfactionis necessitas idcirco incumbat etiã iustis & in gratia Dei constitutis, quod non semper cum dolentes de suis peccatis restituuntur gratiæ Dei & liberantur omni culpa ac reatu pœnæ æternæ, simul liberentur omni debita pœnæ temporalis: licet possit aliquando tanta esse eorum contritio, vt omnis etiã pœna expietur, quemadmodum docent Theologi, ac deinde non indigeant satisfactione. Habemus huius doctrinæ exemplū duplex in rege Dauid, nam in primo Regum eum post impetratam veniam adulterii & homicidii, punitum morte filii, legimus; item post remissam noxam numerati populi ei optionem à Deo datam, vt in pœnam sui lapsus eligat bellum, famem vel pestem. Deinde in populo Israelitico; nam, vt est in Numeris, cum murmurasset aduersus Deum, & Moïsi interuentu Deo esset reconciliatus, tamen in pœnam criminis omnes exclusi sunt, excepto Caleb & Iosua, qui non murmurarant, ingressu terræ promissionis. Deinde B. Paulus in priore epistola ad Corinthios scribit multos indigne communicantes corpori Domini morte punitos. *Ideo*, inquit, *inter vos multi imbecilles, & dormiunt multi:* quo ante mortem Deo reconciliatos fuisse idem Apostolus non tacuit.

Heb. 12. 7.

2. Reg. 12.

2. Reg. 4.

Num. 14.

1. Cor. 11. 30.

nam

nam addit. *A domino corripimur, ne cum hoc mundo damnemur.* Quod autem nos per Christum satisfacere valeamus patienti toleratione flagellorum à Deo immisforum tradunt Concilii Tridentini Patres sessione 14. de Pœnitentiæ Sacramento. Trid. c. 9.

IV. est, quod homo propriè satisfaciat Deo operibus laboriosis, vel sponte susceptis, vel etiam à sacerdote iniunctis. De sponte susceptis complura exstant exempla in Scripturis, ut S. Iob ita loquentis *Inspicer enter locutus sum, idcirco ipse me reprehendo, & ago pœnitentiã in favilla & cinere.* Et Regis Achab, qui ut est in tertio Regum sponte sua cilicium ad carnem induit, & dormiuit in sacco, de quo Dominus ad Eliam. *Nonne vidisti Achab humiliatum coram me? quia igitur humiliatus est mei causa, non inducam malum in diebus eius.* Adhæc Niniuitarum; nonne Rex sponte surrexit de folio, indutus est sacco, & ieiunium toti populo indixit? Vnde Apostolus ad Corinthios. *Si nos ipsos diiudicemus, hoc est, puniremus, non utique iudicemur, nempe à Domino.* Sic exponit Chrysost. *Audi, inquit, Paulum dicentem, si nos ipsos iudicemus, non utique iudicemur. Et quonam modo, dices, rationes à me ipso viuendi, & supplicia accipiam? largos effunde lacrymarum imbres, laboribus ac vigilijs te ipsum afflige.* De INIUNCTIS verò habeo testimonium G. in c. 7.
B. GREGORII libro 3. in 1. Regum. *Afflictio, inquit, pœnitentia ad delenda peccata idonea est, cum sacerdotis fuerit iudicio imperata, cum ab eo consentientium actibus discussis pro modo criminis onus eis decernitur afflictionis.* In Conciliis quoq; multi extant canones pœnitentiales. Hæc autem potestas sacerdotibus omnibus collata est, in S. Petro & Apostolis, quibus dictum est, quorumcunque soluerent vel ligarent peccata in terris, ea quoq; solutum vel ligatum iri in cœlis. Ligant enim peccata, cum ad illa expianda, quoad pœnã temporale iungunt pœnitentibus aliqua opera laboriosa & satisfactoria, ut expuluit Synodus Tridentina sessione 14. can. 15.

V. Proprietas, Satisfactio plena & integra, hoc est, quæ tollat omnem pœnam temporalem, debet exæquari grauitati delicti, iuxta illud Deuteronomii. *Pro mensura peccati, erit & plagarum modus.* Vnde S. Cyprianus. *Deus quantum patris pietate indulgens est, tantum iudicis maiestate metuendus est: Alto vulnere diligens & longa medicina non desit: pœnitentia crimine minor non sit: orare oportet impensius, diem luctu transire, vigilijs noctes ac fletibus ducere, tempus omne lacrymosis occupare lamentationibus.* S. Basilius in verba Attende tibi. *Attende inquit, tibi, ut pro delicti proportionem hinc quoque mutueris ex admota tibi medela valetudinis instaurare subsidium.* Magnum est & graue peccatum? multa opus habes confessio-
ne, lacrymis amarulentis, per acri contentione vigiliarum, induit uisio & con-

inienti ieiunio. S. Ambrosius ad virginem lapsam. *Lugubris tibi accipienda est vestis, & mens ac membra singula digna castigatione punienda, Am; u-
rentur crines, qui per vanā gloriam occasionem luxuria prastiterunt. Defluant
oculi lacrymas, qui masculum simpliciter non aspexerunt. Palleat facies, quæ
quondam viruit impudicæ. Denique totum corpus incuria maceretur, cinere
aspersum & opertum cilicio, ut horrescat, quia male sibi de pulchritudine pla-
cuit. Sic conuersus magnus ille David iustificatus est, sic Ninive peccatrix illa
ciuitas incubentē sibi enasit interitum. Peccator ergo si sibi non pepercit à Deo*

*C. post. princip. illi paratur. S. Chrys. lib. 2. de Sacerdotio. Non temere, ait, ad delictorū mo-
dum oportet & muletam ipsam adhibere: sed tanquam ex coniecturis quibus-
dam ex lorandus est delinquentium animus. Quæres, an quilibet peccator
teneatur plenam satisfactionem in hac vita subire, & sacerdos in con-
fessione teneatur iniungere. Respondeo peccatorem non teneri nisi
ad aliquam satisfactionem vel sponte faciendam, vel explendam,
quæ à sacerdote iniungitur, quæ si non sufficit ad totam poenam tem-
poralem expiandam, expianda erit in Purgatorio, ut B. Petrus Dami-
anus scribit in 2. sermone de S. Andrea. Sacerdos item non tenetur
plenam satisf. cuique imponere, sed tamen aliquam grauiorem gra-
uius lapsis.*

*VI. Proprietas. Leuiores & quotidiana peccata leuiori satisfacti-
ne possunt expiari, ut oratione Dominica, tunsione pectoris, gemitu,
ardenti amoris actu, pia asperzione aquæ benedictæ & similibus. Vnde
S. August. in Enchiridio. De quotidianis autem breuibus, leuibusq. peccatis,
sine quib. hac vita non ducitur quotidiana oratio fidelium sati facit.*

*VII. Proprietas, satisfactio à sacerdote iniuncta ordinarie sequi-
tur contritionem & confessionem: Conuenit enim quo ordine Deum
offendimus, nempe corde, ore ac opere, eodem Deo reconciliemur,
corde quidem per contritionem, ore per confessionem, ac opere per
satisfactionem. Vnde Chrys. ser. de Poenitentia. Perfecta poenitentia cogit
peccatorē omnia libenter ferre: in corde eius contritio, in ore confessio, in opere
tota humilitas. Dixi, ordinariē quia in veteri Ecclesia nemo ad absolutionē
admittebatur, nisi post dignam satisfactionem ante peractā, sic enim
scribit S. Inno. 1. Papa, ep. prima. De pondere delictorū estimando Sacerdo-
tis est indicare, ut attendat ad confessionem poenitentis & ad fletus atq. lacry-
mas corrigentis, ac tum debere dimitti, cum viderit congruam satisfactionem.
Id tamen non erat ita necessarium, quin etiam contrarium aliquando
figeret. nam multis in Conciliis decretum est, ut existentibus in articu-*

*lo mortis, non negetur absolutio vel communio, licet satisfac-
tionem non perfecerint, modo admoneantur,
ut eam perficiant, si reualuerint.*

CAP.

C. Ni. can. 74.
Carh. 4. c. 76.
Mog. sap. 19.

In. c. p.

A. c. 74

SATISFACTIO.

667

CAPUT IV.

De multiplici fructu satisfactionis.

PRIMVS fructus est, quod ea imprimis placemus Deum, & iram impendentem auertamus, vti innumera ostendunt exempla in solis scripturis eorum, qui poenitentia acta, in cilicio, cinere, ieiunio, precibus & lacrymis diuinum numen sibi reconciliarunt, vt rex Dauid cum suis in primo paralipomenon. Achab in tertio Regum. Niuiita apud Ionam. Iudith cum filiis Israhel in historia Iudith. Idem apud Ieremiam & Ezechielem. Matathias cum filiis in Machabæorum libris. Vnde S. Cyp. de lapsis. *Dominus, inquit, orandus est, Dominus nostra satisfactione placandus est.* S. Aug. ad Maced. *Quosdā à societate remouemus altaris, vt poenitendo placare possint, quem peccando contem serant.* S. Gregorius in primum regum. *Ninuita dum veluti pro difficili reconciliatione grani poenitentia se deieciunt, omnipotentis Dei misericordiam facile meruerunt.*

1. Par. c. 27.
3. Reg. 21.
Ion. 3.
Iud. 4. 7. 8.
Ierem. 4. 25.
Ezech. 7.
1. Mach. 23.
A. ep. 54.
Galib. 3. c. 4.

II. Fructus quod redimat nos à poenis temporalibus, tum huius vitæ, vt liquet ex exēplis iam iam allatis, tam vitæ futuræ in Purgatorio luendis. Ita enim Tertul. lib. de Poenitentia loquitur, de satisfactione. *Hoc n. pretio Dominus veniam addicere instituit: hac poenitentia compensatione redimendū proponit impunitatem.* Et S. Cyp. ep. 2. li. 4. *Aliud est pro peccatis longo dolore cruciatum emendari, & purgari diu igne, aliud peccata oīa purgasse.* S. Hl. in Mattheum. *Quia charitas plurimum peccatorum tegit, & errorum nostrorum ambitiosa ad Deum patrona est, nouissimum poenitentem soluenus, nisi pretio: suis aliquantorum criminum culpa redimamur.* Eo autē plures redimim⁹ poenas debitas, quo maior est satisfactio. In quantum, ait S. Pacianus in paranesi ad poenitentiam. *extrema, poenitentia non peperceritis, in tantum vobis Deus parcat.*

H. can. 4.

III. quia dum satisfaciendo patimur pro peccatis, Christo Iesu, (qui pro peccatis nostris satisfecit, ex quo omnis nostra sufficientia est) conformes efficiamur, certissimam quoq; inde arrham habentes, quod si compatimur & conglorificabimur. Ita C. Trid. Patres sessione 4. de Sacramento Poenitentiae Eadē quoq; ratione testamur nos Christi crucem libetè amplecti, abnegare nos ipsos, mortificare corpora nostra quæ sunt super terrā, veteris hōinis odio permotos ad perfectiora conuerti, quo pertinet oēs Christi Dom. & Apost. Pau. adhortationes.

Rom. 8. 17.

Trid. c. 8.

1. Cor. 13.

Matt. 16.

IV. quia timor satisfactionis cum labore peragendæ, deterret nos à peccando. Vnde Greg. Nazian. in funere patris sui. *Deus, inquit, vltimum est Dominus, qui licet ob clementiam à seruitute ad remissionem inclinare consueuerit, non tamen in nobis parcat peccatis, ne illi bonitate sua fiant deteriores.*

3. orat. 14.

V. ad.

V. admonet, quanta sit peccati grauitas, & eo modo animam erudit & illustrat; ex eo vero lumine ingens odium aduersus peccatum nascitur, vt iam non timore, pœnæ sed amore iustitiæ, & odio peccati in bonis actionibus perseueretur. Conducit quoque ad habitus vitiorum eradicandos, & virtutum inferendos. Ita patres citati Concilii.

Ios. 7.

VI. quia sæpe ob peccatum vnus non punitum, vt oportebat in totum populum Dei furor accenditur, cuius rei testis est Iosue, qui scribit populum Israhel coram hostibus tamdiu terga vertisse, donec peccatum Achan detectum & punitum non fuit. Accedit, quod ex vnus pœna sæpe corriguntur multi.

2. Cor. 7. 7.

VII. quia sæpe peccatores sua satisfactione promptè suscepta magnum gaudium afferunt Ecclesiæ, sicut attulit Apostolo satisfactio fornicarii in 2 epistola ad Corinthios. Vnde S. Cyprianus sermone de lapsis, *Is qui Deo pro peccatis suis satisfacere, vt par est, laborat, non solum veniam apud Deum impetrat, sed etiam, quam contristauerat nuper laetam facit Ecclesiam.*

DE MEDIIS nihil opus est scribere, cum sufficiant ea quæ titulo Pœnitentiæ, Operum bonorum, ieiunii, & alibi cōmemorata sunt.

VIDE. V. *Castitas. Ieiunium. Martyrium. Oratio. Pœnitentia. Profectus spiritualis. Virtus.* Et in PANARIO *Immortificatio passionum.*

SEPVLTURA

defunctorum,

CAPVT I.

Quid diuinæ litteræ de sepultura tradant?

Eccli. 7. 37.

Eccli. 38. 16.

Genes. 49. 29.

Deut. 21. 23.

Tob. 4. 3.

DVINAE Litteræ iubent corpora fidelium vita defunctorum terræ mandari vel sepeliri. Ecclesiastici verba sunt. *Mortuo non prohibeas gratiam, hoc est beneficium sepulturæ, & alia similia.* Et rursus. *Secundum iudicium* (ius quod ei debetur) *contege corpus illius* (mortui,) *& non despicias sepulturam illius.* Alii verterunt. *iuxta morem funebrem contege.* Sic Iacob patriarcha in Genesi præcepit filiis congregatis, vt se sepeliant cum Patrib. suis. Et in Deuteronomio lex talis lata est de suspenso in patibulo. *Non permanebit cadauer eius in ligno, sed eadem die sepeliatur.* Tobias quoque ad filium

filium. *Cum acceperit Deus animam meam corpus meum sepeli, & honorem* Tob. 43.
habeas matri tua omnibus diebus vita eius. Cum autem & ipsa compleuerit
tempus vite sue sepelias eam circa me.

DEINDE eadem varia commemorant exempla honorificè tumulorum, ut Saræ uxoris in spelunca duplici agri à filiis Heth, de Gen. 23. 19.
 quo in Genesi, ab Abraham coempti. Deinde Abraham, Isaac, Rebecca Gen. 25. & 49.
 & Liæ in eadem. Iacob item, cuius corpus à Ioseph & fratribus eius Gen. 50. 1.
 magno comitatu Ægyptiorum ex Ægypto honorificè in terram Chanaan delatum est, ut ibi humaretur. Sic, ut habet Regum historia, 1. Regum. 25. 6.
 Samuel, Saul & Ionathas, propheta à leone occisus, rex Iosias & alii Ib. 37. 11.
 honorificè sepulti leguntur. Sic Tobias officium sepulturæ sapius 2. Reg. 13. 30.
 corporib. fidelium à tyranno trucidatorum benigne exhibuit. Legi 2. Par. 35. 25.
 mus & apud Matthæum Ioanne Baptista ab Herode occiso discipu- Tob. 1. 20.
 los eius corpus eius tulisse & sepelisse. Ioseph quoque Arimathæum Tob. 2. 4.
 corpus Christi à Pilato petiisse, & in monumento suo nouo, quod ex Matt. 14. 12.
 ciderat in petra, condidisse. Matt. 27. 57.

DEINQUE & collaudant hoc opus velut pium & meritorium. 2. Reg. 1. 6.
 Nam, ut est in altero libro Regum, cum viri labes Galaad sepelissent corpus Saulis occisi, per nuncios rex Dauid in hæc verba eos allocutus est. *Benedicti vos à Domino, qui fecistis misericordiam hanc cum Domino vestro Saul, & sepelistis eum. Et nunc retribuet vobis quidem Dominus misericordiam & veritatem, sed & ego reddam gratiam, eo quod fecistis verbum istud.* Angelus quoque Raphael laudauit eam ob rem Tobiam. *Quando, inquit, orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua. & nocte sepeliebas eos, ego obtuli orationem tuam Domino.* Et Christus Dominus Mariam Magdalenam, cum in Bethania effudit alabastrum unguenti pretiosi super ea ut ipsius recumbentis. *Mittens enim hæc inquit, unguentum hoc in corpus meum ad sepeliendum me fecit.* Immo addit toto mundo predicandum, quod hæc fecerit in memoriam eius. Dices, si res tanta laude digna est, sepelire mortuos, cur Christus alibi cuidam non permiserit sepelire patrem suum, sed dixerit, *dimitte mortuos sepelire mortuos suos.* Respondeo Christum rem maximè mirabilem hoc responso indicasse, nempe cum ab eo vocamur, ne vnus quidè diei aut horæ moram etià pietatis erga parentes præstandæ causa interponendam, quo minus è vestigio vocantem sequamur. Nullam maiorem esse posse pietatem, quam ipsum sequi, cum ne patrem quidem nisi propter ipsum sepelire debeamus. *Dimitte autem mortuos,* id est, vel infideles, ut exponit Chrysostomus in Matthæum, vel peccatores, ut Augustinus de ciuitate Dei, qui non de Christo, sed de huius mundi rebus cogitant. *Sepe-*

H h h h

lire

G. hom. 28.
A. 20. c. 6.Maldonatus in
Matth.

Gen. 23. 4.

lire mortuos, hoc est, verè viros defunctos, suos, id est suum quemque patrem, filium, uxorem, ut loquitur Abraham in Genesi. *Dare mihi ius sepulchri i vobiscum, ut sepeliā mortuum meum.*

C A P V T II.

Quid prisci Patres pro sepultura scripserint.

L. c. 12.

LACTANTIUS Firmianus sexto institutionum libro. *Ultimum, inquit, illud & maximum pietatis officium est peregrinorum & pauperum sepultura, quod illi virtutis iustitiaeque doctores (Ethnici) prorsus non attigerunt. Nec enim poterant id videre, qui utilitate omnia officia metiebantur. Et paulo post. Non querimus nunc, utrumne tota sepeliendi ratio sit utilis, nec ne? Sed hac etiam si sit inanis (ut illi existimant) tamen facienda est, vel ob hoc solum, quod apud homines bene & humanè fieri videtur. Animus enim queritur, & propositum ponderatur. Non enim patiemur figuram & figmentum Dei feris ac volucris in pradam iacere, sed reddamus id terrae, unde ortum est, & quamuis in homine ignoto necessarium munus implebimus, in quorum locum, quia desunt, succedat humanitas, & ubicunque homo desiderabitur ibi exigi officium nostrum putabimus. Prudentii versus sunt hymno 10.*

*Sancti fator ille Tobias
Sacer ac venerabilis heros
Dapibus iam rite paratis.
Ius prae tulit exequiarum.
Iam stantibus ille ministris,
Scyphos et fercula liquit,
Studioque accinctus humani
Fletu dedit ossa sepulchro.*

Am. c. 1.

S. GREGORIUS Nazianzenus in laudem Heronis scribens, de Heliodoro presbytero in mari vna cum naui cremato. *Nec verò, inquit, tantum apud barbaros homines sacerdotii dignitas impetrare quivit, ut minus inhonesto saltem mortis genere interiret, aut si hoc nimium erat, at certè sepultura, quae non impiis quidem & facinorosis hominibus*

nega-

DEFUNCTORYM.

negari debet, corderetur. Sanctus AMBROSIVS libro de Tobia Tobias, inquit, vir iustus, misericors, hospitalis dum conuiua accersitur, nunciatis insepulsi corporis reliquijs, deserebat, nec putabat pium, ut ipse cibum sumeret, cum in publico corpus iaceret examine. Hoc est quotidianum opus & magnum quidem. Nam si viuentes operire nudos lex precipit, quanto magis debemus operire defunctos? Si viantes ad longiora deducere solemus, quanto magis in illam aeternam domum profectos, unde iam non reuertentur? Nihil hoc officio prestantius, ei conferre, qui tibi iam non possit reddere, vindicare à volatilibus, vindicare à bestijs consortium naturæ. Fere hanc humanitatem defunctis corporibus detulisse produntur, homines denegabunt? Sanctus HIERONYMVS in vita Pauli eremite primi, de feris narrat. Cum enim Sancto Antonio sarculum deesset quo sepulcrum effoderet pro Sancti Pauli corpore humano. Ecce, inquit, duo leones ex interioris eremi parte currentes volantibus per colla iubis ferebantur, quibus aspectis primo exhorruit, rursusque ad Deum referens mentem, quasi columbas videret mansit intrepidus. Et illi quidem directo cursu ad cadaver beati senis sublitterunt, adulantibusque caudis circa eius pedes accubuerunt, fremitu ingenti rugientes, prorsus ut intelligeret eos plangere quo modo poterant: deinde haud procul coperunt humum pedibus scalpere, arenamque certatim egerentes vnius hominis pacem locum foderunt, ac statim quasi mercedem pro opere postulantes cum motu aurium ceruice deiecta ad Antonium perrexerunt, manus eius pedesque lingentes: at ille animaduertit benedictionem eos à se precari. Nec mora in laudationem Christi effusus, quod muta quoque animalia Deum esse sentirent, ait. Domine, sine cuius nutu nec folium arboris defluit, nec vnus passerum ad terram cadit, da illis, sicut tu scis. Et manu annuens eis ut abirent, imperauit cumque illi recessissent, sancti corporis oneri seniles curuauit humeros, & deposito eo in fossam, AC 19. desuper humum congregans, tumulum ex more composuit. Sanctus AUGUSTINVS libro 1. de ciuitate Dei. Nec ideo tamen, inquit, contemnenda sit abijcienda sunt corpora defunctorum, maximeq; iustorum & fidelium, quibus tanquam organo & vasis ad omnia bona opera sanctus usus est spiritus enim si paterna vestis & annulus, ac si quid huiusmodi tanto charius est posteris, quanto erga parentes maior extitit affectus, nullo modo ista spernenda sunt corpora, quæ ubique multo familiarius atque coniunctius, quam quælibet indumenta gestamus. Hæc enim non ad ornamentum vel adiutorium, quod adhibetur extrinsecus, sed ad ipsam naturam hominis pertinent. Vnde & antiquorum iustorum funera officiosa pietate curata sunt, exequia celebrata & se ultra prouisa: ipsique dum viuerent, de sepeliendis, vel etiam

Hhhh 2

trans-

Tob. 12.

Mat. 26.

transferendis suis corporibus filiis mandauerunt. Et Tobias sepeliendo mortuos, Deum promeruisse; teste Angelo, commendatur. Ipse quoque Dominus die tertio resurrecturus religiosæ mulieris bonum opus prædicat, prædicandumque commendat, quod unguentum pretiosum super membra eius effuderit, atque hoc ad eum sepeliendum fecerit. Et laudabiliter commemorantur in Euangelio, qui corpus eius de cruce acceptum diligenter atque honorifice tegendum sepeliendumque curarunt. Verum ista auctoritates non hoc admonent, quod in sit ullus cadaueribus sensus, sed ad Dei providentiam, cui placent etiam talia pietatis officia, corpora quoque mortuorum pertinere significant propter fidem resurrectionis astruendam.

C A P V T III.

De Proprietatibus vel Ritibus sepultura Christianæ annexis.

T. c. 42.

Act. 9. 37.

E. lib. 7. c. 17.

G. hom. 38. in
Euang.G. T. c. 7. 42.
194.

RITVS primus erat, quod lauarentur defunctorum corpora. Cuius ritus meminit Tertullianus in Apologetico. Epiphanius in oratione de sepultura Christi. Exempla habes, primo in Actis Apostolicis de Tabitha post mortem lota. Deinde plura in Patribus, ut in epistola Dionysii Alexandrini apud Eusebium de Christianis qui etiam peste extinctorum corpora accurate lauerant. De Tharsilla virgine apud Gregorium Magnum, in cuius lotionem reperta sunt genua cum cubitis callo camelinae pellis instar, ob precandi studium, obducta. De aliis apud Gregorium Turonicum libro de gloria confessorum. Bedam in vita S. Guthberti. Eginardo in vita Caroli Magni. Surium in vita S. Vincentii Ferrerii, cuius abluti aqua etiam valuit ad sanandos ægros. Fertur Balduinum Hierosolymorum Regem ad Flandros suos misisse pretiosissimam aquam, qua cruentum Christi corpus fuerat ablutum ante sepulturam.

T. c. 17.

G. c. 1.

Ioan. 19. 39.

Gen. 50.

2. Par. 16. 14.

II. **R**ITVS erat, quod lota vngerentur, de quo Tertullianus loco citato. Prudentius in Cathemerinum, hymno ad exequias defunctorum. S. Gregorius in Cantica. Exemplum habemus de Christo variis aromatibus condito apud Euangelistas. Nicodemus enim mixtura myrrhæ & aloes illum condidit. mulieres quoque vngendi causa venerant ad monumentum. In Genesi quoque legimus Iacobi patriarchæ corpus, iussu filii Ioseph, conditum & Asæ regis Iuda in secundo paralipomenon. Vterque mos lauandi & vngendi receptus fuit & apud gen-

gentiles, tam Græcos quam Romanos. De Romanis celebratur
ENNII versus.

Tarquinij corpus bona famina lauit & vnxit.

V. Æneid. 6.

De funere Miseni Traiani M A R O.

Corpusq; lauant frigentis & vngunt.

HOMERVS item vtrumq; ritum ponit in funere Patrocli & Achillis. Lege nostrum Franciscum Bentium oratione 22. *deratione* ^{lliad. 6. & 18.}
funeris apud Romanos. Qua de causa autem hos ritus vsurparint Ethnici, non est necesse indagare. Christiani certe vsurpant, tum declarandi amoris sui in defunctos causa, tum vt indicent corporibus ^{S. Aug. 1. de ciuit. c. 13.}
eorum hunc cultum deberi, siue quia fuerint templa Spiritus sancti, ^{1. Cor. 3. & 6.}
vt Apostolus ea vocat; dum viuerent, siue quia credunt ea aliquando resurrectura in vitam æternam.

III. R I T V S quod linteo funebri inuoluerentur. Corpus Christi apud Matthæum *inuoluit Ioseph in sindone munda.* Quæ nunc seruat^r Taurini; sicut *Sudarium quod fuerat*, vt scribit S. Ioannes, ^{Ioan. 20. 7.}
super caput eius, quotannis ostenditur Moguntia. De corporibus pestiferorum linteo opertis habes apud Eusebium loco nuper allegato. ^{E. lib. 7. c. 17.}
De corpore S. Pauli eremitæ pallio S. Athanasii obuoluto à S. Antonio, habes in Pauli vita à S. Hieronymo descripta. S. Athanasius in vita S. Antonii ait morem fuisse Ægyptiis nobilium & præcipue S. Martyrum corpora linteamine obuoluere. P R V D E N T I V S in hymno ad exequias.

Candore nitentia claro,

Pratendere linteæ mos est.

S. HIERONYMVS de muliere septies icta. *Clerici, inquit, quibus id officij erat, cruentum linteo cadauer obuoluerunt.* Plutarchus in problematis Romanis testatur apud suos gentiles albis vestibus contecta fuisse cadauera. In nobilibus personis aureum velamentum super feretrum defuncti apponi consuetum indicat S. Hieronymus ad Paulam ^{H. ep. 25.}
super obitu Blefillæ. *Ex more, inquit, parantur exequiæ, & nobilium ordine præeunte aureum feretro velamen obtenditur.*

IV. R I T V S, quod funus efferretur, magno hominum comitatu. Exemplum habemus in Genesi de Iacob Patriarcha, & apud Lucam, de vidua cuius vnicum filium elatum magna turba comitabatur. Hieron. ad Eustochium de obitu Paulæ Romanæ. *Tota, ait, ad funus eius Palestinarum, urbiū turba conuenit.* Et ad Oceanum de funere Fabiolæ. *Iam fama volat tantæ prænuncia luctus totius urbis populum*

Gen. 50.

Luc. 7.

SEPVLTURA

ad exequias congregabat. De eodem ritu lege Gregorium Nazianzenum oratione 2. in Iulianum, & Seuerum Sulpitium in vita S. Martini.

E. c. 66.

V. RITVS, quod cum cereis & facibus accensis. Nam Eusebius libro 4. de vita Constantini testatur in funere Constantini arsisse lumina in aureis candelabris. Nazianzenus oratione citata, ait, cum cereorum ignibus delatum fuisse corpus Constantii Caesaris, eo quod Christiani putarint pium eius discessum è vita his officiis ornandum.

Ch. hom. 4.

S. Chrysost. in ep. ad Hebræos. *Dic mihi, ait, quid sibi volunt lampades istæ tam splendida? nonne sicut athletas mortuos comitatur? quid etiam hymni nonne ut Deum glorificemus?* Theodoretus historię Ecclesiasticę libro 5. scribit in translatione corporis S. Chrysostomi Bosphori ostium ad Propontidem prorsus luminaribus fuisse completum. Gregorius Nyssenus ad Olympium de morte sororis suę Macrinę. *Amplius clerici ordine progredientes, accensos cereos gestantes manibus funus deducebant.*

Th. c. 16.

Hieron. ad Eustochium de obitu Paulę. *Cum alij Pontifices lampades, cereosq; præferrent. Et in Epitaphio Paulę. Sacerdotes lampades, cereosq; prætulērunt funeri.* Recte autem hunc ritum ad traditionem Christianam referimus. quia eius meminit Dionysius Areopagita libro de Ecclesiastica hierarchia. Et Nicephorus libro 2. historię Ecclesiasticę. ait Beatissimę Virginis Marię corpus cereis ardentibus, floribusq; sparsis ab Apostolis ex Sion in Gethsemani elatum. Accendimus autem cereos, ut indicemus animas viuere, & defunctos fuisse filios lucis, aliquando ad æternam lucem resurrecturos.

D. c. 7.

N. c. 22.

VI. RITVS, quod cum Canticis, hymnisq; spiritualibus. Ita enim iubent Apostoli apud Clementem Romanum Constitutionum Apostolicarum libro 6. Greg. Nyssenus ad olympium, indicat sacerdotes in funere maxime psalmos concinuisse. Et Nazianzenus oratione in laudem Cesaris fratris, ait psalmodiis luctum sedantibus sepultum. S. Hieron. in vita S. Pauli eremitę. a S. Antonio Pauli corpus foras prolatum, cum hymnorum psalmorumq; cantu ex traditione Christiana. Idem habet ad Eustochium de obitu Paulę, & ad Oceanum de funere Fabiolę. Seuerus in vita S. Martini Chrysostomus ad populum *Quanam de causa, inquit, quæso presbyteros vocas & psallentes? nonne ut te consolentur, nonne ut defunctum honorent?* S. Augustinus quoq; de funere matris agens, libro Confessionum nono. *Psalterium, ait, Euodius aperuit, & cantare cepit psalmum, cui respondebamus. Misericordiam & iudicium cantabo tibi Domine.* Eiusdem ritus meminit S. Dionysius Areopagita de Ecclesiastica Hierarchia, Eodem pertinet pul-

Cl. c. 19.

Naz. or. 16.

Ch. hom. 79.

A. c. 12.

D. c. 7.

fas

DEFUNCTORYM.

673

sus campanarum, quo populum solere conuocari ad funerum deduc-
tionem docet Beda libro 4. de Tintinnabulis. Apparet quoque ex
Matthæo apud Iudæos in funere adhibitos tibicines. Ambrosius si-
quidem scribit in Lucam morem fuisse gentilium, ut ad omne funus
lamentatrices & tibicines adhiberentur, qui lachrymas audientibus
cantatis naniis elicerent, eamque consuetudinem ad Iudæos quoque
permanasse. Vnde OVIDIVS quarto Fastorum.

B.c.23.
Matt.9.23.
A.in.c.3.

Cantabat mæstis tibia funeribus.

VII. quod in locis sacris humarentur. Quade causa olim Iacob
& Ioseph Patriarchæ in terra Ægypti mortui in terra promissionis
sepeliri voluerunt, unde Christus erat nasciturus, & ubi templum
Domini erat futurum. Dionysius Arcopagita de Ecclesiastica hierar-
chia. *Hæperatis*, inquit, *Pontifex condit in loco dignissimo corpus, cum alijs*
sui ordinis corporibus sacris. Et Clemens Romanus libro 6. Constitutio-
num Apostolicarum. *Conuenite, ait in cameteria, sacros libros in iis legentes*
& psallentes pro his qui dormierunt. Ea autem consecrari solere à sacer-
dotibus docet Gregorius Turonicus de gloria Confessorum. Et Iuo
Carnotensis epistola 229. Vocantur autem *νομιθησια* quasi dormito-
ria, eo quod fideles in Scripturis post mortem dicantur dormire, ex-
tremæ die iudicii resuscitandi, teste Augustino epistola 122. S. Cypria-
nus libro primo epistolarum arguit Martialem quendam quod filios
suos exterarum gentium more *apud profana sepulchra deposuerit.* quo
ipso indicat iam tum sacra sepulchra fuisse pro Christianis. In templis
autem sæpe sepultos fuisse fideles testatur Ambrosius libro primo de
Abraham. Hieronymus in vita Paulæ & Fabiolæ. Augustinus libro de
cura pro mortuis agenda: & Gregorius libro tertio dialogorum.

Gen. 49 & 50.
D.c.7.
C.c.30.
G.c.106.
Ioan. 11.
1. The. 4.
C. ep. 4.
A.c.9.
Au.c.1.
G.c.130.

IX. Quod pro liberanda anima ex pœnis Purgatorii sacrifici-
um Missæ offerretur, & aliæ orationes instituerentur. Nam in 2.
libro Machabæorum (qui teste Augustino ab Ecclesia pro canonico
habetur) narratur Iudam Machabæum misisse Hierosolymam
1200. drachmarum argenti in sacrificia pro mortuis expendenda, ac
deinde subiicitur. *Sancta ergo & salubris est cogitatio pro defunctis exorare,*
ut à peccatis solvantur. Idem docuere omnes veteres Patres græci atque
latini à nostro Illustriss. Cardinale Bellarmino libro primo de Purga-
torio cap. 6. accurate citari. S. Epiphanius certe in fine Panarii, & Au-
gustinus libro de hæresibus Aërium faciunt Hæreticum, quod
negauerit orandum esse pro mortuis. CALVINVS adhuc respon-
det omnes Patres ante mille & trecentos annos in errorem ab-
reptos fuisse, quod non est aliud, quam summam suam testari

2. Mach. 12.
A. 18. de ciuit.
c.36.
A.c.13.
C.3. infl. c.35.
n.10.

im.

impudentiam & Aerii (quem tamen nobiscum inter hæreticos numerat) se discipulum profiteri

IX. Quod idem sacrificium, eademque preces pro eadem anima certis diebus repetantur, ut *tertia* ab obitu die, *septima, tricesima, & anniuersaria*. De tribus prioribus testatur Sanctus Ambrosius initio orationis de obitu Theodosii. De anniuersaria Tertullianus de Monogamia & Greg. Nazian. oratione in Cæsarium fratrem.

Ch. hom. 32.
Iob. 4.

X. Quod eleemosynæ in eundem finem erogarentur in pauperes. de quo ritu S. Chrysost. in Matthæum. quo pertinet illud Iob. *Panem tuum & vinum super sepulturam iusti constitue, & noli ex ea manducare & bibere cum peccatoribus.* hoc est. instrue conuiuium, & voca fideles pauperes, ut ipsi post acceptam eleemosynam orent pro anima defuncti. Cur, inquit loco citato Chrysostomus, *post mortem tuorum pauperes conuocas? cur presbyteros, ut pro eis velint orare, obsecras?*

XI. Quod laudes defunctorum in funere celebrarentur. Extat Eusebii Cæsariensis oratio in funere Constantini Magni dicta. Nazianzeni in funere Basilii & Cæsarii. Nysseni in Meletii. Ambrosii in exequiis Valentiniani Imperatoris & Satyri fratris, & aliarum innumerarum.

XII. Quod tumulus defuncti floribus respergeretur. Vnde S. Ambrosius in oratione funebri Valentiniani. *Non ergo, inquit, floribus tumulum eius aspergam, sed spiritum eius Christi odore perfundam.* Et S. Hieronymus ad Pammachium de obitu vxoris Paulinæ. *Ceteri mariti super tumulos coniugum spargunt violas, rosas, lilia, floresque purpureos.* Nicephorus libro 2. Ecclesiasticæ historiæ meminit de floribus sparsis in funere gloriosiss. Virginis MARIÆ.

N. c. 12.

Gen. 35. 19.

XIII. Quod tituli & Epitaphia in memoriam defuncti erigerentur iuxta sepulchra. Exemplum peruetustum habemus in Genesi, ubi sic legimus, *Mortua est ergo Rachel, & sepulta est: erexitque Iacob titulum super sepulchrum eius. Hic est titulus monumenti Rachel usque in presentem diem.* Et in primo Machabæorum de monumento magnifico à Simone erecto super sepulchrum patris sui & fratrum. S. Hieronymus scribit se ad Mausolæum Davidis Regis precari solitum in epistola ad Marcellam. De quo videtur loqui S. Petrus in Actis, cum ait. *Et sepulchrum eius est apud nos usque in hodiernum diem.* Prudentius in passione Hyppoliti ita canit.

1. Mac. 13. 30.

H. ep. 17.

Act. 2. 29.

*Innumeros cineres Sanctorum Romula in vrbe
Vidimus, o Christi Valeriane sacer.*

inci-

*Incisos tumulos, titulos, & singula quavis
Nomina, difficile est vt replicare queam.
Plurima litterulis signata sepulchra loquuntur,
Martyris aut nomen, aut Epigramma aliquod.*

CAPVT. IV.

De utilitate Sepultura, eiusq; Rituum.

DVPLEX est tum Sepultura Ecclesiastica, tum caerimoniarum eius
utilitas, altera ad vita defunctos, ad viuos à quibus humanatur se por-
rigens. Quod ad priorem attinet, Primum ideo prodest vita defunctis
eiusmodi sepultura, quia voto & desiderio, quod dum viuerent habue-
runt, potiuntur. Cum enim homo propensione & lege naturali diligit
seipsum, Apostolusq; ad Ephesios testetur, neminem esse, qui carnem su-
am odio prosequatur; optat quoq; corpus suum honestè post mortem
tractari. Vnde & mortui quidam, inquit S. AUGUSTINVS in libro
de cura pro mortuis gerenda, feruntur vel in somnis, vel alio quocunq; modo ap-
paruisse viuentibus, atq; ubi eorum corpora iacerent inhumata nescientibus, locisq; mon-
stratis admonuisse, vt sibi sepultura quæ defuerat, praberetur. Deinde verisimile
est animam ipsam, quæ post mortem retinet naturalem suam inclinatio-
nem ad corpus, quod extremo iudicii die est receptura, idem optare, quo-
cum tanquam fido comite & adiutore diuino cultui vacauit. 2. Prodest,
quod & honori ipsorum apud posteros quibuscum vixerunt consulatur.
Nam præterquam quod experientia doceat, eos infames haberi, quibus
ius sepultura negatum est, vt suspendiosis, vel in rogam actis: Scriptura
ipsa pro ignominia reputat destitui sepultura: Ecclesiastæ verba sunt. Si
genuerit quispiam centum liberos, & vixerit multos annos, sepulturaq; careat, de hoc
ego pronuntio, quod melior illo sit abortiuus. Et in regnorum libris, inquit Augu-
stinus libro citato, inuenitur Deum per Prophetam minari alteri propheta, qui
eius transgressus est verbum, quod non inferretur cadauer eius in sepulcrum patrum eius.
Et Ieremias. Hæc dicit Dominus ad Ioachim regem Iuda. Non plangent eum. Væ
Domine, & væ iherosolymæ. Sepultura asini sepelietur putrefactus & proiectus extra por-
tas Ierusalem. 3. Profunt animabus eorum, sacrificia, quæ offeruntur, ora-
tiones & eleemosynæ, vt docent omnes S. Patres. S. Augustinus de Ver-
bis Apostoli. Orationibus Sanctæ Ecclesiæ & sacrificio saluari, & eleemosynis
qua pro eorum Spiritibus erogantur, non est dubitandum mortuos adiuuari, vt cum eis
misericordius agatur à Domino, quam eorum peccata meruerunt. Hoc enim à Pa-
tribus traditum vniuersa obseruat Ecclesia. Non omnino ambiendum est ista prodesse
defunctis,

Matt. 22.
Ephes. 4.

A. c. 10.

Eccl. 6. 3.

A. c. 7.

3. Reg. 13.

Ier. 22. 18.

Bellarmin. l. su-
præcit.

A. serm. 34.

defunctis, sed talibus qui ita vixerint ante mortem, ut possint eis hac vtilitas esse post mortem. Accedit, quod si in templis Martyrum, aliorumque Sanctorum humentur, saepe homines in memoria loci excitati eorum quoque patrocinium pro defunctis implorent, ut notavit S. Augustinus. Cum inquit libro de cura pro mortuis, recolat animus ubi sepulcrum sit charissimi corpus, & occurrit locus nomine Martyris venerabilis eidem martyri animam dilectam commendat recordantis & precantis aspectus. Qui cum defunctis a fidelibus charissimis exhibetur, eum prodesse non dubium est eis, qui cum in corpore vixerent, talia sibi post hanc vitam prodesse meruerunt.

A. c. 4.

Quod ad posteriorem vtilitatem atinet in Viuos redundantem. Prima est, quod pompa funebris luctum temperet eorum qui funus ex officio curarunt, moerorisque solatium afferat. Ita idem Augustinus de verbis apostoli. Monuit Apostolus, non ut non contristemur, sed non sicut ceteri, qui spem non habent. Contristamur ergo nos in nostrorum mortibus necessitate amittendi, sed cum spe recipiendi. Inde angimur, hinc consolamur: inde infirmitas afficit, hinc fides reficit. Inde dolet humana conditio, hinc sanat diuina promissa. Proinde pompa funeris, agmina exequiarum, sumptuosa diligentia sepultura, monumentorum opulenta constructio, viuentium sunt quaecumque solatia, non adiutoria mortuorum. Et infra. Sit pro viribus cura sepeliendi, & sepulchra construendi, quia & haec in Scripturis sanctis inter bona opera deputata sunt: Impleant haec homines erga suos officia postremi muneris, & sui humana lenimenta mororis. Verum illa quae adiuvant Spiritus defunctorum, oblationes, orationes, erogationes multo pro eis observantius, instantius, abundantius impendant, qui suos carne non Spiritu mortuos, non solum carnaliter, sed etiam spiritualiter amant.

A. 4. 34.

I. Thess. 4.

II. Vtilitas est, quod haec pompa sit quasi speculum omnium mundi vanitatum, quae omnes morte quali sepeliuntur & in terram retruduntur: deinde *μνημόσυνον* nouissimorum, Unde Sapiens consuluit. Melius esse ire ad domum luctus quam ad domum convivi. Etiam causam addidit. in illa enim finis cunctorum admonetur hominum, & vivens cogitat quid futurum sit. Ecclesiasten autem loqui de funebri luctu, domumque luctus esse exequias funeris tradit hic Hieronymus & Olympiodorus.

Ecl. 7. 3.

III. Est, quod opere hoc homo profiteatur palam fidem suam, quam habet de animae immortalitate, & futura resurrectione. Quid enim aliud significant varia lumina praelata & crucis effigies nisi lumen fidei? Deinde quod profiteatur quoque contra haereticos huius aevi fidem Catholicam Romanam, nam crucem, lumina, hymnum & preces mortuorum, elemosynas, aquam benedictam, Missae Sacrificium, aliasque funebres caerimonias Ecclesiasticas Novatores omnes detestantur.

IV. Et postrema vtilitas, quod homo Christianus in gratia existens hoc officio charitatis vere promeretur vitam aeternam, quod liquet primo

ex exem-

ex exemplo Tobiae supra ab angelo Raphaelē mirifice collaudato: dein- Tob. 12. 12.
 de Magdalena, quod tanti fecit Christus, vt dixerit, toto orbe commemo-
 ratum iri; quod & factum est, atq; etiam nūm fit, vbi Christi Euangelium Matt. 26. 13.
 prädicatur. Hinc S. Augustinus paulo ante monuit vt pro viribus curam A. de v. Apo-
stoli.
 sepeliendi & sepulcra construendi suscipiamus, quia inquit, & haec in Scri-
 pturis Sanctis inter bona opera deputata sunt, & Lactantius in diuinarum instituti-
 onum epitome ita scripsit. Redimere ab hoste captiuos magnum misericordiae opus
 est, item agros pauperes visitare atq; fouere: inopes aut pauperes si obierint, non patia-
 mur in sepultos iacere. Haec sunt opera, haec officia misericordiae: quae si quis perfecerit,
 verum & acceptum Deo sacrificium immolabit. Haec litabilior victima est apud Deum,
 qui non peculum sanguine, sed hominis pietate placatur: quem Deus, quia iustus est, sua
 & ipsum lege sua & conditione prosequitur: misetur ei, quem viderit misericordem:
 inexorabilis est ei, quem precantibus cernit immitem. Ergo vt haec omnia, quae Deo pla-
 cent facere possimus contemnenda est pecunia, & ad caelestes transferenda thesauros, vbi
 fur non effodiet, nec rubigo consumeret, nec tyrannus eripiet, sed nobis ad aeternam opulentia-
 am Deo custode seruabitur.

VIDE V. Eleemosyna, Hospitalitas. Opera bona.



SIMPLICITAS.

CAPVT I.

Quid nomine Virtutis Simplicitatis intelligatur.

SIMPLICITAS in sacris litteris fere significat sinceritatem,
 vel candorem animi ab omni dolo, simulatione vel fūco alieni,
 qualis est in infantibus & pueris, vt notauit libro primo Peda-
 gogi Clemens Alexandrinus, Vnde S. Ambrosius laudans Clem. c. 5.
 fratrem Satyrum ab hac virtute, definit eam esse quandam morum tempe- A. orat. de e-
ius obitu.
 rantiam, mentisq; sobrietatem. illum verò tanta ait simplicitate fuisse, vt con-
 uersus, in puerum simplicitate illius aetatis innoxia, perfecta virtutis effigie,
 & quodam innocentium morum Speculo reluceret. B. Ioann. Climacus, Clim. grad. 24.
 scribit Simplicitatem esse habitum animae varietate carentem, totiusq;
 peruersae

peruersa intentionis ignorum, & qui nulla mala cogitatione moueatur. Eodem spectat illa B. Gregorii in octauo moralium descriptio. Sapientia, inquit, iustum est, nihil per ostentationem fingere, sensum verbum aperire, vera vti sunt, diligere, falsa deuitare: bona gratis exhibere, mala libentius tolerare quam facere, nullam iniuriam vitionem querere, pro veritate contumeliam lucrum putare. Sed haec iustorum simplicitas deridetur, quia ab huius mundi sapientibus puritatis virtus fatuitas creditur.

Ab hac virtute DEVS collaudauit B. Iob, cum dixit ad Satan. Numquid considerasti seruum meum Iob, quod non sit ei similis in terra, vir simplex & rectus? Et CHRISTVS Dominus Nathanaelem, cum ait. Ecce verè Israelita in quo dolus non est. Hanc idem commendauit Apostolis, cum apud Martham eos commonefaceret, vt simplicitate imitarentur columbas, deinde & paruulos dicens. Nisi efficiamini sicut paruuli, non intrabitis in regnum caelorum. Hanc inculcat & Paulus Romanis. Volo, inquit, vos sapientes esse in bono, & simplices in malo. Et Corinthiis. Malitia paruuli estote. Et Philippensibus. Hoc oro, vt sitis sinceri, & sine offensa in diem Christi. S. Petrus quoque eandem commendat electis aduenis. Deponentes, inquit, omnem malitiam & omnem dolum, & simulationes, &c. sicut modo geniti infantes, rationabiles, sine dolo lac concipite. Deinde in ea Christum imitandum proponit; nam ait. Christus passus est pro nobis, vobis relinquens exemplum, vt squamini vestigia eius, qui peccatum non fecit, nec inuentus est dolum in ore eius: qui cum malediceretur non maledicebat, cum pateretur, non comminabatur, tradebat autem in iudicanti se in iustè. S. Thomas Aquinas subiicit simplicitatem virtuti Veritatis, quam Aristoteles in Ethicis inter virtutes morales numerauit.

CAPVT II.

De Simplicитatis proprietatibus.

PRIMA proprietas est, vt cum ratione & prudentia iuncta sit. quod Christus indicauit, cum ad Apostolos dixit. Estote prudentes sicut serpentes & simplices sicut columbae. Vnde Tertullianus scribens in Valentini-
 Matt. 10. 10. anos. Ileo, inquit, simplices notamur apud ill'os, vt hoc tantum, non etiam sapientes: quasi statim deficere cogatur à simplicitate Sapientia, Domino vtramque iungente: Estote prudentes, vt serpentes; & simplices vt columbae. Et S. Ambrosius in Lucam. Quia plerique non virtus, sed infirmitas videtur sine ratione simplicitas, vt tu veram suscipias admoneris, id est, vt exequaris industriam munus naturae. S. Hieron. ad Paulinum, de institutione monachi. Habeto simplicitatē columbae, ne cuiquam machineris dolos, & serpentis astutiam, ne aliorum supplanteris insidiis.
 H. ep. 17. Non

Non multum distat in vitio, vel decipere posse vel decipi Christianum. Augustinus ad fratres in eremo. *Estote fratres mei prudentes sicut serpentes, & simplices sicut columbae.* Duo enim sunt, quae annexa ad iracundiam sunt, ut vnum sine altero, aut parum aut nihil omnino proficiat. *Simplicitas enim sine astutia stultitia reputatur; astutia sine simplicitate superbia approbatur.* Et Gregorius libro 4. regesti. *In scriptura sacra, cum in bona intelligentia ponitur simplicitas, saepe prudentia, aut rectitudinem sociatur.* Vnde etiam de beato Iob scriptum est. *Erat vir simplex & rectus; & beatus Apostolus Paulus admonet dicens. Estote simplices in malo, & prudentes in bono.* Et per semetipsam veritas admonet dicens. *Estote prudentes sicut serpentes, & simplices sicut columbae: esse valde inutile iudicans, si aut simplicitati prudentia, aut prudentiae simplicitas desit, quatenus & serpentis astutia columba simplicitatem acueret, & columbae simplicitas serpentis astutiam temperaret.* Idem habet libro 1. moralium cap. 2.

A. scra. 4.

G. ep. 35.

Iob. 1. 1.

Rom. 16. 19.

Matth. 10. 10.

II. Proprietas iniuriae obliuisci, hoc enim apud Apostolum est, simplices esse in malo, & malitia paruulum esse. Vnde S. Hieronymus in Matth. exponens verba Christi. *Quicumque ergo humiliauerit se, sicut paruulus iste, hic est maior in regno caelorum.* Sicut iste, inquit, paruulus, cuius volis exemplum tribuo non perseuerat in iracundia, non meminit laesus: non videns pulchram mulierem delectatur: non aliud cogitat & aliud loquitur, sic & vos nisi talem habueritis innocentiam & animi puritatem, non poteritis regna caelorum intrare. Et S. Ambrosius primo de officiis. *Nolite hos condemnare pueros, de quibus Dominus ait. Nisi conuerse fueritis, & efficiamini sicut paruuli, non intrabitis in regnum caelorum.* Itaque & ipse Dominus, hoc est, Dei virtus, sicut puer, cum malediceretur, non remaledixit: cum percuteretur, non percussit. Ita ergo te compara, ut quasi puer iniuriam non teneas, malitiam non exereas, omnia a te innocenter proficiantur. Non consideres, quid ab aliis in te referatur. Locum tuum serua, simplicitatem & puritatem tui pectoris custodi. Et S. Basilii in regulis breuioribus, quaestione posita, quis dicatur simplex ut columba, respondet. *Simplex ut columba est, qui ne simpliciter quidem de vlciendo eo, qui sibi aduersarius sit, cogitat, potius quae in insituito suo bene de illo meretur, perseuerat ex precepto Apostoli sic dicentis. Vos autem nolite desicere bene facientes.* Et S. Chrysostomus in Matthaeum, *Nos quoque si caelorum haeredes constitui volumus, paruulorum virtutem consequi studeamus.* Ab omnibus enim passionibus anima paruulorum munda est, hi qui dolorem intulerunt nullas vlcantis vices reseruant: & quasi nihil actum esset, veluti ad amicos accedunt. Quanto magis a matre vasulant, tanto magis eam querunt, atque ceteris omnibus eam anteponunt. Et infra subiicit exemplum regis Davidis. *Nemo, inquit, quam Sui versatior unquam fuit, nemo simplicior atque integrior quam David.* Nonne, bis, illum in manibus habuit David, & cum interficere posset, pepercit nonne iracundum, & quasi carcere circumuallatum tenebat, & dimisit? Et quamuis in David ille commiserit crimina, & quantum a multis in necem illius David lincieretur, in actum tamen abire voluit.

Rom. 16. 9.

1. Cor. 14. 20.

H. in c. 18.

A. c. 11.

Matth. 18. 3.

1. Pet. 2. 23.

B. q. 245.

2. Thess. 1. 13.

Chr. hom. 63.

III. Proprietas, non nosse obrectare, non inuidere, non suspicari

malum de altero, & suis rebus esse contentum. Hanc tradit S. Ambrosius in exhortatione ad Virgines, Bone, ait, diuitie sunt innocentia atque simplicitas, quibus peccatum non imputatur, quia nulla in iis doli fraudisque versuta est. Omnis enim simplex obrectare non nouit, nescit inuidere, suo contentus est, aliena non querit. Et si egeat, sibi diues videtur, si suppetat, quod alimento est satis. Pulchrè Apost. Paulus Et profunda inquit, paupertas eorum abundauit in diuitias simplicitatis eorum. Et in tertio de officiis eandem confirmat exemplo Iosue nihil mali suspicantis de Gabaonitis, A leo, inquit, sancta erat illis temporibus fides, ut fallere aliquos posse non crederetur. Quis hoc reprehendat in sanctis, qui ceteros de suo affectu aestimant, & quia ipsis amica est veritas mentiri nemiuemputant fallere quid sit ignorant, libenter credunt quod ipsi sunt, nec possunt suspectum habere, quod non sunt. Hinc Salomon. Innocens credit omni verbo, non vituperanda facilitas sed laudanda bonitas. Chrysost. vero confirmat exemplo Ioseph, his verbis. Iosephus nonne citra fucum agebat cum fratribus? nonne propter hoc probatus fuit, eo quod ipse quidem omnia absque suspitione loquebatur, illi autem malignosè insidiabantur? Somnia sua simulatque iterum insantè eis prodidit: iidem pari securitate ad illos profectus est cibos allaturus totum committens Deo: illi erga ipsum tanquam hostem affecti erant: ipse vicissim erga illos ut fratres. Et poterat DEVS illum non permittere inire in illos, sed permisit, ut ostenderetur miraculum, quod licet illi quod poterant, conarentur, ille tamen vicit.

IV. Proprietas, non erubescere publicum. Quam tradit Tertullianus libro contra Valentinianos, alludens ad dictum Christi. Estote prudentes sicut serpentes, &c. Abscondat, inquit, se serpens quantum potest, totamque prudentiam in latebrarum ambagibus torqueat, altè habitet, in caeca detrudatur. Nostra columba domus simplex, etiam in editis semper, & apertis, & ad lucem: amat figuram Spiritus sancti, Orientem Christi figuram. Nihil veritas erubescit, nisi solummodo abscondi: quia nec pudebit ullis nuntius ei dedere, eum Deum recognoscere, quem iam illi natura commisit, quem quotidie in operibus omnibus sentit.

V. Proprietas, Quod simplex est & sincrum, solidum est, constans & diuturnum, quod verò duplex, vel fictum & simulatum, facile dissipatur & soluitur iuxta illud B. Iacobi. Vir duplex animo inconstans est in omnibus viis suis. Hanc annotauit S. Ambrosius in altero de officiis cum ait. Nihil simulatum & fictum vere virtutis esse certum est. quinetiam diuturnum esse non solet. In principio vernat, in processu tanquam flosculus dissipatur & soluitur: quod autem verum ac sincerum, alta radice fundatur. Deinde postquam subiecit exemplum Absolonis, qui per simulatam ambitionem anhelauit frustra ad regnum. Liquet igitur, inquit, ea esse perpetua ac solida quæ vera sunt

2. Cor. 13.

A. c. 10.

Iosue 9. 14.

Prou. 14. 15.

Ch. hom. 7.

in Acta.

Matth. 10. 10.

Iac. 1. 8.

A. c. 12.

2. Reg. 19.

vera sunt, & quae sincere potius, quam dolo congregantur: ea vero, quae simulatae sunt, quae assentatione parata sunt, non posse diu perseverare.

CAPUT III.

De dignitate & utilitate huius Virtutis.

DIGNITATI, utilitatiue simplicitatis satis amplum testimonium praebebat Spiritus sanctus in suo verbo. Nam in Prouerbiis ait Salomon. Abominatio Domini est omnis illusor, & cum simplicibus sermocinatio eius. Et Prou. 3. 32. Abominabile Domino cor prauum, & voluntas eius iniis, qui simpliciter ambulat. Vnde S. Gregorius in tertia parte pastoralis. Audiant impuri quod sapientis esse dicitur, spiritus sanctus disciplina effugiet fictum. Audiant quod scriptura rursum testatur. Cum simplicibus sermocinatio eius. DEO enim sermocinari est per illustrationem suae praesentiae humanis mentibus arcana reuelare. Cum simplicibus igitur sermocinari dicitur, quia de supernis mysteriis illorum mentes radio suae visitationis illuminat, quae nulla umbrâ dupliciter obscurat, Et rursum in 4. Psal. Poenitentialem. Vnde & scriptum est. Seruite de Domino in bonitate, & in simplicitate cordis querite illum. Cordis enim simplicitas dies est, quam fraus non obnubilat non obtenebrat mendacium, non obscurat inuidia, non obfuscat dolus, quam lux veritatis illuminat, praesentiae diuinae claritas illustrat. Scriptum est enim. Cum simplicibus sermocinatio eius. DEO autem sermocinari est per suam praesentiam illuminatio. nem &c. ut supra. Quo contra, addit, de non simplicibus dicitur. Virum sanguinum & dolosum abominabitur Dominus. Et Salomon ait. Spiritus sanctus disciplina effugiet fictum, & auferet se à cogitationibus, quae sunt sine intellectu. Constat ergo, quia illos inhabitando illuminat; illos recedendo excacat.

Cum hoc Salomonis dicto ita exposito, conuenit illa Christi Domini confessio, dum ait apud Matthaeum. Confiteor tibi pater Domine caeli & terrae: quia abscondisti haec à sapientibus & prudentibus, & reuelasti ea paruulis. Et apud Ioannem. Vos autem dixi amicos, quia omnia quaecunque audiui à Patre meo nota feci vobis. Vnde Hieronymus scribens in Prouerbia Salomonis. Sermocinatio, inquit, Domini cum simplicibus est, quia illos caelestis sapientia secretis illustrat quos terreni fastus ac dupliciter nihil habere considerat. Hinc etenim dicit. Abscondisti haec à sapientibus & prudentibus, & reuelasti ea paruulis. Et Chrysostomus in Matthaeum. Non dixi Christus stultis reuelasti, sed paruulis, quasi non formati adhuc, sed simplices. Ita ostendit non indigne scribas.

1. Cor. 3. 18.

et phariseos, sed iure his rebus fuisse priuatos, ac per omnia nos docet statum superbie omnino esse fugiendum, ac simplicitatem admirandam. Quod Paulus amplioribus verbis scribit, dicens. Si quis in vobis videtur in hoc seculo sapiens esse, is fiat stultus, ut sapiens efficiatur, sic enim gratia Dei monstratur.

Act. 2. 46.
Chr. hom. 7.

EXEMPLA quoque cum hac confessione Christi conspirant multorum sanctorum, qui ob simplicitatis virtutem maximo um mysteriorum effecti sunt confecti. Chrysostomus certe expendens verba illa B. Lucæ de primis Christianis. Quotidie quoque perseverantes unanimiter in templo, et frangentes circa domos panem sumebant cibum, cum exultatione, et simplicitate cordis, ita loquitur. Per simplicitatem omnem virtutem declarauit, quæ maior est ipso ieiunio, diuitiarum erogatione, ac perseverantia in oratione. Quis enim non obstupesceret, quis non aliteretur hominum moribus simplicem, vel quis non se ingeret ei, qui subdulus non est? aut quorum aliorum est salus, quorum breuiter hos eximia illa felicitas? Nonne pauperibus initio Euangelium predicatum est? nonne Iesph simplex homo erat, adeo ut nec per adulteri suspicionem perterreretur, quo peccato perpetrando consentiret? Nonne agrestes fuci expertes elegit? anima enim benedicta, inquit, omnis simplex. Via quædam est ad philosophiam simplicitas. Hæc ille. Idem supra ostendit, ad quantam Ioseph patriarcha, & rex David, diuinorum mysteriorum notitiam, statusque dignitatem effecti sint beneficio simplicitatis.

Sap. 1. 6.
A. C. 2.

1. Par. 29. 17.

Iam verò idcirco idem Spiritus sanctus hortatur nos, ut in simplicitate cordis Deum quæramus eique vota nostra offeramus. Ait enim Sapiens. Sentite de Domino in bonitate, et in simplicitate cordis quærite illum, id est, sincere & ex animo. Caret enim, inquit, S. Ambrosius libro 3. de officiis, merito simplicitatis omne arte elicitum, et fraude compositum. Exemplum huius dedit religiosissimus rex David cum ita in Paralipomenis Deum alloquitur. Scio Deus meus, quod probes corda, et simplicitatem diligas; unde ego et in simplicitate cordis mei letus obtuli vniuersa hæc & populum tuum. Deinde insinuat ut cum magna fiducia in ea ad Deum accedamus. Qui enim ambulat simpliciter ait Salomon, ambulat confidenter. ita ut dicat. Dominus protector vitæ meæ, à quo trepidabo? Si enim cor nostrum, inquit B. Ioannes, non reprehenderit nos, fiduciam habemus apud Deum, Vnde S. Gregorius in Pastoralis loco citato. Audiant inquit, impuri, quod scriptum est. Qui ambulat simpliciter, ambulat confidenter. Fiducia quippe magnæ securitatis est simplicitas actionis.

Prou. 10. 10.
Ps. 26. 1.
1. Ioan. 3. 21.

Iob. 2. 20.

Prou. 28. 18.
Chr. hom. 7. in
Acta.

Id. hom. 63.

Matth. 18. 3.

VIA quoque per breuis & directa nobis patet per simplicitatem ad salutem & vitam æternam, secundum illud B. Iob. Deus non proiciet simplicem, nec porriget manum malignis. & Sapiens. Qui ambulat simpliciter, saluus erit. Quorum aliorum, supra inquit Chrysostomus, est salus quam simplicium? quorum præter hos eximia illa felicitas? In Matthæum vero probat nullis contingere salutem, nisi simplicibus, ex illo dicto Christi. Nisi efficiamini sicut paruuli, non intrabitis in regnum cælorum. Imitemur igitur, inquit, etiam nos paruulos et eorum

et eorum mores in omni fastu & malitia contemnenda complectamur. Non enim est, non est inquam aliter possibile celos attingere, sed necesse omnino est in gehennam derudi maliciosos omnes, atque simulatores, immo vero antequam tempus gehennae venerit, non paruis hic suppliciis cruciantur. Certe in 14. Psalmo regio, cuius initium est? Domine quis habitabit in tabernaculo tuo, aut quis requiescet in monte sancto tuo. huius nostri simplicis mores describi videntur. Qui, inquit, ingreditur sine macula: qui loquitur veritatem in corde suo: qui non egit dolum in lingua sua. Nec fecit proximo suo malum, Qui iurat proximo suo, & non decipit. Qui facit haec, non mouebitur in aeternum, id est, perueniet ad maiora, ait Augustinus, in quibus est inconcussa stabilitas. Qua de causa forte iam pridem vsu receptum, ut cum sedis Apostolicae autoritate aliquis solemani ritu referendus est in Catalogum Sanctorum, cum de aliis virtutibus, tum imprimis de eius simplicitate & humilitate inquisitio instituatur, ut ex Innocentio, Hostiense, & aliis Ecclesiastici iuris Doctoribus in sua summa, verbo, *Canonizatio sanctorum*, probat Sylvester Prieras.

Aug. in pl. 14.

Extra. de praesumpt. ex audis.

CAPUT IV.

Quibus mediis obtineri queat simplicitatis Virtus.

PRIMUM medium est, studium imitandi mores paruulorum, quod Dominus ipse praescripsit apud Matthaeum, & Apostolus uterque Beatus Petrus & Paulus, ut supra monuimus. Vnde Tertullianus in Valentiniano. Repuerascere nos, inquit, & Apostolus iubet secundum Deum, ut malitia infantes per simplicitatem ita demum sapientes sensibus simus, diuinæ sapientiae ordinem de simplicitate amando. Et Chrysostomus in Matthaeum. Nos quoque si celorum heredes constitui volumus, hanc paruulorum virtutem consequi studeamus. Hoc enim supremum Philosophiae culmen est, ut cum prudens sis, nihil ficti, nihil simulati asciscas, id Angelorum vita est. Nam etiam si Regina cum diademate atque purpura paruulis offeratur, non praepouneam matri licet pannosa. Quod enim suum aut alterum est, non inopia & copia rerum, sed quasi Philosophia discernunt, nec ultra necessitatem aliquid quaerunt, sed cum lacte repleti fuerint, statim relinquunt mammillam: non dolo ut pecuniarum, aliarumque rerum huiusmodi iacturam, sicuti grandiores: non venustas formas admirantur. Ideo dicebat. Talis est regnum celorum, ut ea nos volentes faciamus, quae ingenta paruulis atque infusa duce natura facit. Nam quoniam omnia Pharisei malitia & arrogantia faciebant, idcirco vbique discipulos ad simplicitatem hortatur, illos occulte malignos esse significans, & hoc aperitius erudiens.

Matth. 18.

C. hom. 63.

Act. 2.

Act. 4. 32.

Act. 5. 1.
Eph. 6. 6.
Col. 3. 12.
2. Cor. 8. 3.
2. Cor. 9. 11.
Matth. 5. 39.
Heb. 10. 14.
Matth. 5. 40.
Act. 5. 41.
2. Cor. 12. 8.
Gal. 6. 14.
Luc. 14.
Ch. hom. 7.

II. Medium est, imitari mores primorum Christianorum, ab Apostolis conuersorum, quos in Actis Apostolorum accuratè describit B. Lucas. Illi enim tam cupide excipiebant Apostolorum conciones, ut vna die tria, altera quatuor millia hominum se Christo adiungerent, quotidie in templum orationis & sacrae cõmunione causa confluebant, tanto flagrabant amore fidei in Christũ, ut prae co parētes, vxores, fratres, cognatos odissent; tanto in fratres, ut omniũ esset cor vnũ & anima vna, ut omnia etiam temporalia bona haberent cõmunia, nihil proprium possiderent, ut exitiale & peremptoriũ censeretur, si quis aliquid retinendo fraudasset, ut patuit in exemplo Ananiae & Saphirae. Ut si qui serui forent, Dominis licet Ethnicis, in simplicitate cordis parerēt, quod Paulus eos docuit, sicut Christo. Ut pauperibus suas facultates etiam supra virtutem voluntariè & hilariter communicarent in simplicitate. Ut inimicos diligerent, iisque benefacerent & alapa ab iis accepta etiam alteram maxillam præbere parati essent: ut rapinam bonorum suorum cum gaudio sustinerent, ut contumeliam verberaque passim gauderent & exultarent, quod digni habiti essent pro nomine Iesu contumeliã pati. Ut in carceribus, vinculis, plagis, aliisque cruciatibus gloriarentur, ut non putarent se Christianos, vel Christi discipulos, nisi crucem cum Christo baiularent, Quod obseruans Chrysostomus in Acta. Illic, inquit, (apud primos Christianos) tria millia & quinque millia statim virtutem arripuerunt, & mox à deo Philosophi facti sunt, nunc autem vix vnus inuenitur. Quid hoc, quod illos tam agiles & excitatos reddebat? quid illos repente accendit? Quoniam cum multa accedebant deuotione, quoniam honores non erant sicut nunc, quoniam ad futura suam mentem conuerterant, & nihil praesentium expectabant. Hoc est ignita anima, in periculis versari: hoc putabant illi Christianismũ esse, sed non nos. nunc in meris dissolutionibus viuunt. Propter hoc, neque quando oportet hac assequemur. Quid faciemus? interrogabant illi, condemnantes seipsos, & agnoscentes, quantum donum acceperant. Quomodo autem vos eritis tales, per omnia diuersum quod illi, facientes? Illi simul audierunt & baptizati sunt, neque moras necelebant, quamuis non omnes audissent iustificationes.

Psal. 5. 7.
Prou. 3. 32.
Mal. 1. 14.
Matth. 23.
Ch. hom. 45.

A. in Ps. 63.

III. Medium est considerare foeditatem vitiorum cum simplicitate pugnantium, ut duplicitatis, dolositatis, hypocriseos, simulationis. Dauid ait. Virum sanguinẽ & dolosum abominabitur Dominus. Et Salomon. Abominatio Domini est omnis illusor. Et Malachias. Maledictus dolosus. Christus certè apud Matth. octo maledictiones fulminat in hypocritas. Sicut sepulcrum, inquit, Chrysost. in Matth. quamdiu clausum est, sepulchrum videtur foris: si verbò fuerit apertum, horribile est, sic & simulatores bonorum, quamdiu non cognoscuntur laudabiles sunt: cum autem cogniti fuerint, inueniuntur abominabiles. Et S. August. in psalmos. Simulata innocentia non est innocentia: simulata equitas non est equitas, quia & iniquitas est, simulatio. Et libro. 83. questionum. Sicut prope summa & di-

*una virtus est neminem decipere. sic vltimum vitium est, quemlibet decipere. Sed plura de hac re in Panario. Concludo cum graphica descriptione duplici-
tis allata à S. Gregorio libro 10. Moralium in verba Iob. Deridetur enim iusti
simplicitas. Huius mundi, ait, sapientia est, eor machinationibus tegere, sensum verbis
velare; quæ falsa sunt vera ostendere: quæ vera sunt falsa demonstrare. Hæc nimirum
prudencia vsu à iuuenibus sciunt, hæc à pueris pretio discitur: hanc qui sciunt ceteros
despiciendo superbiunt: hanc qui nesciunt, subiecti & timidi in aliis mirantur, quia ab
eis hæc eadem duplicitas iniquitatis nomine palliata diligitur, dum mentis perversitas
urbanitas vocatur. Hæc sibi obsequentibus præcipit bonorum culmine quærere: ade-
pta temporalis gloriæ vanitate gaudere: irrogata ab aliis mala multiplicius reddere:
cum vires suppetunt nullis resistentibus cedere: cum virtutis possibilitas deest quic-
quid explere per malitiam non valent, hoc in pacifica bonitate simulare. Hæc
ille.*

A. q. 55.

V. Hypocrisis.

G. c. 27.

Iob. 11. 4.

VIDE V. Abnegatio sui. Cōditio sui. Diffidentia sui. Humilitas.
Timor Domini. Verecundia. Veritas. Et in PANARIO.
Curiositas. Hypocrisis.



SPES VEL FIDUCIA.

CAPVT I.

De natura virtutis SPEI, vel Fiducie.

PEI nomen non pro appetitus sensitiui passione cum brutis
communi, sed pro virtute Theologica, qua in DEVM spe-
ramus, accipimus; nec aliter differt secundum Theologos
à Fiducia quæ quod Fiducia propriè significet spem perfectā
& roboratam. Quod discrimen quoq; indicauit Seneca, cum ad Luciliū
scripsit, *De te spem habeo, nondum fiduciam.* Spes ergo vel Fiducia est virtus
Theologica diuinitus infusa, qua futura bona oculis minimè nunc sub-
iecta expectamus. Virtutem Theologicam voco, quia æquè ac fides &
charitas immediatè circa Deū versatur. De quibus Apostolus in epistola
priori ad Corinthios. *Nunc autem manent, Fides, Spes, Charitas, tria hæc*
maior autem horum est Charitas. Et S. AUGUSTIN. in Enchiridio. *Hic, inquit,*

S. Tho. 22. q.

129. art. 6.

Sen. ep. 16.

1. Cor. 13. 13.

A. c. 3.

si respondero (ad questionem videlicet quomodo sit colendus Deus) fide, spe, charitate colendum Deum, profecto dicturus es, breuius hoc dictum esse quam velis.

DIVINIVS autem infusa est, quia donum Dei est æquæ ac fides, & charitas. Vnde Beatus Prosper libro contra Collatorem. **D**EVS hominem peccatorem, ex invito volentem facit, & quibuslibet modis infidelitatem resistentis inclinat, ut cor audientis obediendi in se delectatione generata, ibi surgat, ubi premebatur: ibi discat, ubi ignorabat; inde fidat, unde diffidebat: inde velit, unde nolebat. Et in Psalmum 130. Fiducia sperantium misericordia DEI est, Et S. Bernardus in Psalmum 90. Nec alius ex sententia dicere potest. Quoniam tu es Domine spes mea, nisi cui intus persuasum sit à spiritu, ut quemadmodum monet propheta, iactet cogitatum suum in Domino, sciens quod enutriendus sit ab eo iuxta illud quoque Petri Apostoli. Omnem sollicitudinem vestram proicietes in eum, ipsi enim est curare vobis.

QUOD autem sit futurorum bonorum, eorumque inuisibilium expectatio habemus ex Apostolo in epistola ad Romanos ita ratiocinante. Et ipsi intra nos gemimus adoptionem filiorum Dei expectantes, redemptionem corporis nostri. Spe enim salvi facti sumus. Spes autem quæ videtur non est spes: nam quod videt quis quid sperat? Si autem quod non videmus speramus per patientiam expectamus. Vnde prisci Patres, Clemens Alexandrinus in altero Stromatum. Spes, inquit, consistit ex fide. Spes autem est boni acquirendi expectatio: fidelem autem necesse est expectationem esse. Fidelem appellat, quæ fidei traditionique Apostolicæ consentanea sit. Et S. Ambrosius ad Horontianum. Spes autem quid est nisi futurorum expectatio? Non enim quæ videntur, sed quæ non videntur, æterna sunt. Nam quid quis videt, quid sperat? Videmur enim tenere ea quæ videmus; Quomodo ergo quæ tenemur speramus? Nihil igitur eorum, quæ sperantur videtur. Oculis enim non vidit, nec auris audiuit, quæ præparavit **D**EVS diligentibus eum. Ergo si sperari non potest quod videtur, non bene habent aliqui: & ideo quamvis abesse videatur à nobis, expectamus illud per patientiam. Expectans enim expectavi Dominum, & respexit me. Ideo ergo expectamus patienter, quia bonus est Dominus sustentibus eum, Pulchre autem dicunt. Spes autem quæ videtur non est spes, de potestatibus istius seculi, de dignitatibus, de diuitiis. Video nescio quem fascibus præminentem & curribus, nihil habet spei in curribus, qui videntur. Nec Chaldeus in stellis spem habet, quas observat, nec dines in possessionibus, nec auarus in usuris, sed ille spem habet, qui in eum spem suam ponit, quem non videt, id est, in Domino Iesu, qui medius nostrum stat & non videtur. Et Chrysost. in sermone de fide, spe & charitate. Spes, inquit, est futura pollicitationis religiosus assensus, promissæ gloriæ deuota intentio, sanctorum destinata sublimitas, bonorum expectatio futurorum. Spes est inquam cognitio fidei, credulitatis propinquitas, destinatum præmiorum tempus, futura expectatio meritorum. Et S. Aug. in Enchiridio. Est fides, & malorum rerum, & bonarum, quia

& bona

& bona creduntur, & mala. Est etiam fides & praeiutarum rerum, & praesentium, & futurarum. Spes autem non nisi bonarum rerum est, nec nisi futurarum. Propter has causas distinguenda erit fides à spe, sicut vocabulo, ita & rationabili differentia.

CAPVT II.

De conditionibus virtuti Spei annexis.

PRI^{MA} conditio est. Vt spes sit salutaris, debet esse semper connexa fidei & charitati. Fidei quidem, quia *sine fide*, teste Apostolo, *impossibile est placere DEO*. Charitati, quia sine ea nihil profunt excellentissima opera teste eodem. *Qui non diligit*, ait B. Ioannes, *manet in morte*. Quod autem ad ordinem & originem harum trium virtutum attinet. Spes oritur ex fide. *Fides enim est*, teste Paulo, *sperandarum substantia rerum* id est, fundamentum. Docet siquidem Christum venisse, ut peccatores saluos faceret, unde spes nobis orta salutis. Charitas vero oritur ex spe, ut docet S. Augustinus in Ioannem: licet alio quodam modo etiam spes oriatur ex charitate: *non enim speratur, quod non amatur* teste eodem Augustino in Enchiridio. Vnde S. Ambrosius in c. 17. Lucæ. *Ex fide*, ait *charitas, ex charitate spes, & rursus in se sancto quodam circuitu reuoluuntur*.

II. Conditio. Debet esse certissima & firmissima, quia fide Catholica nititur, qua nihil certius. Vnde Apostolus agens de fide & fiducia Abrahamæ. *In quo*, inquit, *abundantius volens DEVS ostendere pollicitationis hereditibus immobilitatem consilii sui, interposuit insurandum, ut per duas res immobiles, quibus impossibile est mentiri Deum, fortissimum solatium habeamus, qui confugimus ad tenendam propositam spem, quam sicut anchoram habemus animæ tutam ac firmam & incedentem usque ad interiora velaminis, ubi præcursor pro nobis introiit Iesus secundum ordinem Melchisedech Pontifex factus in æternum*. Ex quibus verbis quatuor vel quinque alia argumenta suppetunt, cur spes nostra in Deum esse debeat certissima. 1. quia nititur promissioni diuinæ, quæ infallibilis est. 2. quia iururando DEI. 3. quia vocat anchoram animæ, tutam & firmam, ut declaret spem nostram esse inexpugnabilem & omnibus huius seculi fluctibus & tempestatibus fortiolem anchoris enim naues maximæ alligantur, ne vi tempestatum disiciantur. 4. quia addit eam, non bonis corporalibus vel spiritualibus huius seculi contentam, ad interiora velaminis progredi, id est, ad felicitatem æternam iam nobis velatam, ad Dei visionem & Deum ipsum. 5. quia indicat nos spei beneficio iam cæli possessionem adlisse in Christo capite nostro. *Vbi præcursor inquit, pro nobis introiit IESUS, præcursorem autem vocat, ut indicet nos*, inquit Theophylactus, *secuturos*.

ros. Deniq; ibi Christum ipsum, non semel in anno interpellare pro populo, ut faciebat veteris legis Pontifex, sed in æternum. Vnde et saluare, ait cap. 7. in perpetuum potest accedens per semetipsum ad Deum semper viuens ad interpellandum pro nobis. Hac spe fretus dicebat Iob. Etiam si occiderit me, in ipso sperabo. Et Dauid. Si consistant aduersum me castra, non timebit cor meum: Si exurgat aduersum me prælium, in hoc ego sperabo. Et Paulus. Certus sum, quia neq; vitæ, neq; angeli, neq; principatus, &c. neq; creatura alia poterit nos separare à charitate Dei quæ est in Christo IESU.

III. Conditiõ. Non est tamen tam absoluta certitudo Spei, ut excludat omnem timorem, quia potest fieri ut ex parte nostra vel dispositionis nostræ accidat defectus. Vnde Apostolus monet, ut cum timore & tremore salutem nostram operemur. Quamuis enim charitas spei adueniens minuat paulatim timorem, seruilem, non tamen eo usq; minuit in hac vita, ut inducat securitatem. De qua re agens S. Bernardus in Cantica, dum exponit versum Psalmistæ. Quoniam tu Domine singulariter in spe constituisti me. Donec, inquit, quis premittitur à Spiritu seruitutis, parumq; habet de spe, de timore plurimum, non est ei pax neq; requies fluctuante nimirum conscientia inter spem & timorem, maximeq; quod à superexcellente timore abundantius crucietur: nam timor pœnam habet. Et ideo non est illi dicere. In pace in idipsum dormiam & requiescam, quando nec dum se singulariter in spe constitutum dicere potest. Cæterum si paulatim per incrementum gratiæ caperit deficere timor, & proficere spes, cum demum ad hoc ventum fuerit, ut totis viribus exurgens charitas in adiutorium spei foras mittat timorem, nonne eiusmodi anima singulariter in spe constituta, videbitur, ac proinde etiam in pace in idipsum dormire iam & requiescere? Si dormiat, inquit, inter meliores cleues penna columba deargentata? Quod propterea dictum puto, quoniam est locus inter timorem & securitatem, tanquam inter leuam & dexteram, media videlicet spes, in qua mens & conscientia molli nimirum supposito charitatis stratu suauissimi requiescit.

III. Conditiõ. Immo Timor Dei ab ea diuelli nequit. In timore enim Domini, inquit Salomon, fiducia fortitudinis, & filius eius erit spes; gloria & diuitiæ in domo eius. Et Ecclesiasticus. Qui timetis Dominum sperate in illum. Et. Oculi Domini ad timentes eum. Et D. Virgo Maria. Misericordia eius à progenie in progenies timentibus eum. Vnde Augustinus sermone 15. ad fratres in eremo. O spes, inquit, tu omnia portare facis dulciter & suauiter. Et ergo fratres hanc amare, hanc tenere, non tamen sine timore, quia qui sperat, & non timet negligens est, qui autem timet & non sperat, depressus est, & descendit in profundum quasi lapis. Et S. Bernardus in Cantica, agens de osculo duorum pedum Domini, Pulchre, ait, omnino, quoniam quidem incarnata Dei Sapientia, misericordia & veritas obuiauerunt sibi, deniq; vniuersa via Domini misericordia & veritas. Felix mens, cui semel dominus IESVS verumq; infixit pedem. Ad oculos signis cognoscite ea, quæ huius-

Heb. 7. 25.

Iob. 13. 25.

Psal. 26. 3.

Rom. 8. 38.

Phil. 2. 12.

B. serm. 51.

Psal. 4. 10.

Psal. 67. 14.

Prou. 14. 26.

Eccl. 2. 9.

Ib. 11.

Luc. 1. 50.

B. serm. 7.

Psal. 84. 16.

Psal. 24. 10.

modi est, quæ secum necesse est referat diuinis impressa vestigiis. Ipsa sunt timor & spes, ille iudicii, ista misericordia representans imaginem. Merito beneplacitum est Deo super timentes eum, & in eis qui sperant super misericordia eius, cum sapientia timor initium sit, spes profectus: nam consummationem sibi charitas vendicat. Quæ cum ita sint, non paruus fructus est in primo hoc osculo quod ad pedes accipitur, tantum curato, ut neutro frauderis illorum. Alioquin alterum sine altero osculari non expedit, quia & recordatio solius iudicii in barathrum desperationis præcipitat, & misericordia fallax assentatio pessimam generat securitatem.

V. Condicio est patientia in tribulationibus, nam cum Apostolus in epistola ad Romanos dixisset. *Gloriamur in spe gloriæ filiorum Dei*, addidit. *Non solum autem, sed & gloriamur in tribulationibus*, scientes quod tribulatio patientiam operatur, patientia autem probationem, probatio verò spem. Hanc tradit S. Cyprianus de bono Patientiæ his verbis. *Tolerandum & perseverandum est fratres dilectissimi, ut ad spem veritatis & libertatis admissi, ad veritatem & libertatem ipsam pervenire possimus*, quia hoc ipsum, quod Christiani sumus, fidei & spei res est; ut autem spes & fides ad fructum sui possint pervenire, patientia opus est. Non enim præsentem gloriam sequimur, sed futuram, quod Paulus Apostolus monet dicens. *Spe saluati sumus*. Spes autem quæ videtur non est spes: quod enim videt quis, quid sperat? Si autem, quod non videmus speramus, per patientiam expectamus, propterea expectatio & patientia necessaria est: ut id quod esse cupimus, impleamus, & quod credimus & speramus Deo præstantur capiamus. Et S. Bernardus in psalmum, *Qui habitat*. *Prælibemus primitias gloriæ, gloriemur in spe gloriæ magni DEI*. Non solum autem sed ut dicam expressius, gloriemur in tribulatione: in ea siquidem spes gloriæ est. Vide si non hoc ipsum docere voluit Apostolus, cum subiunxit. *Quoniam tribulatio patientiam operatur, &c.* Manifeste advertere est in his verbis, cum præmississe Apostolus, *gloriari in spe*, non aliud aliquid, sed amplius eum addidisse dicendo. *Non solum autem, sed & gloriamur in tribulationibus*. Non enim altera gloriatio commendatur, sed additur, ubi spes gloriæ, ubi ipsa spes gloriatio requiratur. Siquidem in tribulatione spes gloriæ, imò & ipsa in tribulatione gloria continetur, sicut spes fructus in semine, sic & ipse fructus in semine est.

VI. Condicio, ut spes vel fiducia in solo Deo figatur: dicit enim Dominus ipse apud Osee prophetam. *Perditio tua Israel, tantummodo in me auxilium tuum*. Vnde rex David. *Dominus firmamentum meum, & refugium meum, & liberator meus. Deus meus, adiutor meus, & sperabo in eum*. Et. *In te confidit anima mea*. Et. *Bonum est confidere in Domino, quam confidere in homine*. Et rex Salomon. *Habe fiduciam in Domino ex toto corde tuo*. Et Ecclesiasticus. *Confide in Deo, & mane in loco tuo*. Et Ieremias. *Benedictus vir qui confidit in Domino*. Et Paulus in altera ad Corinthios. *Ipsi in nobis ipsis responsum mortis habuimus, ut*

Psal. 46. 16

Rom. 5. 2

Rom. 8. 24

B. serm. 17. in
ps. 90.

Ose. 13. 9

Psal. 7. 3

Psal. 56. 2

Psal. 117. 8

Prou. 3. 5

Ecclesi. 11. 22

Ier. 17. 7

2. Cor. 1. 9

- non sumus fidentes in nobis, sed in Deo, qui suscitatur mortuos. Et ad Colossenses. Christus in nobis spes gloriae, quem nos annunciamus. Deinde S. Patres. S. Basilii in oratione de Virtute & vitio. Beatus, inquit, qui omni spererum huius mundi seipsum orbavit, ac in solo Deo omnem spem fixit atq; locavit suam, sicut enim execrandus est ille homo, qui spem suam positam habet in homine, ita omni laude dignus, qui ex Deo totus pendet. Et in oratione de principatu. Sicut nulli alii nos praterquam soli Deo cultum tribuere par est, sic etiam neq; ulla in alia re spem nostram constituere debemus, quam in Deo omnium rerum Domino. Qui enim in homine spem suam collocat, aut qui ob aliud quiddam ex rebus humanis se iactat, veluti ob potestatem, aut pecunias, aut aliquid eorum, quae vulgo splendida existimantur, is non potest dicere. Domine Deus meus, in te spem defixi meam. Et ante eum Clemens Alexandrinus. In solo Deo fiduciam habuimus, quem scimus non transgressurum ea, quae sunt ab ipso pulchre nobis promissa. Hieron. libro tertio aduersus Pelagianos. Salomon loquitur. Esto confidens in Dominum in toto corde tuo: in tua autem sapientia ne exalteris: in omnibus viis tuis cognosce eum, ut rectas faciat vias tuas. Intellige quid loquitur. Nec in sapientia nostra, nec in ullis virtutibus confidendum, sed in solo Domino, a quo gressus hominis diriguntur. Et in Ezechielem. Quod si in aliquo fiducia est, in solo Domino confidamus. Maledictus enim omnis homo qui spem habet in homine, quamuis sancti sint, quamuis prophetae. Legimus, nolite confidere in hominibus. Et iterum. Bonum est confidere in Domino, quam confidere in principibus. Non in principibus tantum seculi, sed & in principibus Ecclesiarum, qui suas tantum animas, si iusti fuerint, liberabunt. Cur autem in solo Deo merito fidendum sit, tractat S. Bernardus in psalmum 90. ultra medium.
- VII. Conditio, ut à Deo speretur non solum vita aeterna, verum etiam illa, sine quibus obtineri nequit, cuiusmodi sunt, Dei gratia & amicitia, remissio peccatorum, virtutes & dona omnia sine quibus Christiani hominis status non perficitur, & ab Apostolo nomine Sanctificationis continentur; ut eum ait ad Romanos. Nunc verò liberati à peccato, serui autem facti Deo, habetis fructum vestrum in Sanctificatione, finem verò vitam aeternam. Causa autem huius spei est Christus dominus mediator noster, qui factus nobis à Deo iustitia, sanctificatio & redemptio sanguine suo meruit, ut illa speraremus. Per quem, ait idem & habemus accessum per fidem in gratiam istam in qua stamus, & gloriamur in spe gloriae filiorum DEI. Atq; hæc causa est, cur ab Apostolo Christus non solum mediator nominetur, sed & spes nostra. SECUNDO speranda sunt à Deo quaecumq; mortalibus in hac vita sunt conducibilia, siue aeterna siue temporalia, & in oratione Dominica à Christo præscripta continentur. Vnde S. Augustinus in Enchiridio. De iis omnibus quae fideliter sunt credenda, ea tantum ad spem pertinent quae in oratione Dominica continentur. Et rursum. Apud Evangelistam Matthæum septem petitiones continere Dominica videtur

Col. 1. 28.
B. orat. 7.

Id. orat. 20.

Cl. 2. Strom.

Prou. 3. 5.

H. lib. 4. c. 14.

Ierem. 17. 5.

Psal. 145. 2.

Psal. 117. 9.

B. serm. 9.

Rom. 6. 22.

Rom. 5. 27

A. c. 114.

Id. c. 15.

orat.
prop.

D
can
lem
quic
liqu
tius.
nost
spes n
mea
secun
ardu
quid
quid
nomi
perfe
Qui
mea
quia
Dedu
Dedu
sic qu
spes n
prop
despi
eum.
am, l
sens
orbi

et alio.

oratio, quarum in tribus æterna poscuntur, in reliquis quatuor temporaria, quæ tamen propter æterna consequenda sunt necessaria.

CAPUT III.

De dignitate, necessitate & fructu eiusdem
Virtutis.

DIGNITAS, vel excellentia Virtutis **S**PES primo indeliquet & lu-
cet, quod sit vna ex tribus virtutibus Theologicis; deinde, quod cir-
ca nobilissimum obiectum versetur, nempe vitam æternam; tam nobil-
lem & sublimem, ut teste Apostolo qui in tertium cælum ascenderat, tale 2. Cor. 2. 9.
quid nec oculus viderit, nec auris audierit, nec in cor hominis ascenderit. Consistit
siquidem vita æterna in contemplatione ipsius Dei, quo nihil est excellen-
tius. Quod agnoscetes Sancti ipsum Deum vel Christum vocarunt spem
nostram, ut Psalter regius. *Deduxisti me, quia factus es spes mea.* Et Domine Psal. 60. 4.
spes mea à iuuentute mea. Et. *Quoniam tu es Domine spes mea.* Et Ieremias. *Spes* Psal. 70. 5.
mea tu in die afflictionis. Et S. Paulus ad Timotheum. *Paulus Apostolus* Psal. 90. 9.
secundum imperium Dei Saluatoris nostri, & Christi Iesu spei nostræ. Vnde S. Bern. Ier. 17. 17.
ardus in Psalmum 90. *Quod dicit. Tu es Domine spes mea, forte amplius ali-* B. serm. 9.
quid sonat & sublimius, quod videlicet non modo in eo speret, sed eum. Conuenientius si-
quidem spes nostra dicitur, quod speramus, quam in quo speramus. Sunt autem forte
nonnulli, qui à Domino obtinere temporalia seu spiritualia qualibet concupiscunt, sed
perfecta charitas solum fuit, quod summum est, tota desiderii vehementia clamans.
Quid enim mihi est in cælo, & à te quid volui super terram? Deus cordis mei, & pars
mea Deus in æternum. Et S. Augustinus exponens verba illa. *Deduxisti me,* Psal. 72. 25.
quia factus es Spes mea. Ille, inquit, si nostra spes factus non esset, non nos deduceret. Psal. 60. 4.
Deducit tanquam dux, & in se ducit tanquam via, & ad se perducit tanquam patria.
Deducit ergo nos. Vnde? quia factus est spes nostra. Vnde factus est spes nostra? Ecce
sic quomodo nunc audistis, quia tentatus est, quia passus est, quia resurrexit, factus est
spes nostra. Quid enim nobis dicimus, quando hæc legimus? Non enim perdet nos Deus
propter quos filium suum misit tentari, crucifigi, mori, resurgere. Non enim verè nos
despicit DEVS, propter quos filio proprio non pepercit, sed pro nobis omnibus tradidit
eum. Sic ergo factus est spes nostra. In illo vides & laborem tuum, & mercedem tu-
am, laborem in passione, mercedem in resurrectione. Sic ergo factus est spes nostra. Quo
sensu & Tertullianus in libro de Carne Christi dixit vnicam spem totius
orbis esse Christi passionem. Sed sit satis de dignitate.

NECESSITAS sequitur sperandi in Deum & fiduciam in eo col-
locandi,

A. c. p.

locandi, quæ eadem est cum necessitate Deum colendi, quia teste S. Augustino in Enchiridio, fide, spe & charitate Deum colimus. Scriptura verò Sacra, duo pro hac necessitate suppeditat argumenta. Alterum, quod in ea reprehendantur, qui in aliis rebus, Deo excluso, spes suas defigunt. ut sunt, de quibus psalmista. *Qui confidunt in viriute sua, & in multitudine diuitiarum suarum gloriantur. Nolite confidere in principibus, ait idem, neq; in filiis hominum in quibus non est salus.* Et Salomon. *Qui confidit in diuitiis suis corruet.* Et. *Qui confidit in corde suo stultus est.* Et Isaias. *Va qui descendunt in Egyptum ad auxilium, & habentes fiduciam super quadrigis, quia multa sunt, & super equitibus, quia preualidi nimis, & Dominum non requisierunt.* Et Ieremias. *Maledictus homo qui confidit in homine, & ponit carnem brachium suum.* Et Paulus. *Diuitibus huius seculi præcipe non sublime sapere, neq; sperare in incerto diuitiarum, sed in Deo vivo.* Alterum est, quod in ea iubeamur spem omnem defigere in Deo. ut in Prouerbiis. *Habe fiduciam in Domino DEO tuo.* Et in psalmis. *Sperate in eo omnis congregatio populi.* Et apud Ecclesiasticum. *Confide in Deo, & mane in loco tuo.* Et. *Crede Deo, & Spera in illum.* Vnde S. Augustinus in sermone de fide, spe & caritate. *Tria, inquit, quadam proposuit anima nostra necessaria beatus & egregius gentium doctor, dicens: Nunc autem manent fides, spes, charitas, tria hæc, maior autem horum est charitas. Primum ergo fides catholica Christiano necessaria est, &c. Post hanc fidem spem firmam habere discite.*

Psal. 48. 7.

Psal. 145. 2.

Prou. 31. & 28.

Isa. 31. 1.

Ier. 17. 5.

1. Tim. 6. 17.

Prou. 3. 5.

Psal. 61. 9.

Eccl. 11. 22.

Eccl. 2. 6.

A. serm. 33. de temp.

1. Cor. 13. 13.

Rom. 8. 5.

Psal. 30. 7.

Eccl. 2. 26.

FRUCTVS doniq; virtutis spei multiplex est. quod non confundat sperantem. *Spes autem, inquit Apostolus, non confundit, quia charitas Dei diffusa est in cordibus nostris per Spiritum Sanctum, qui datus est nobis.* Et David. *In te Domine speravi, non confundar in æternum.* Et Ecclesiasticus. *Scitote, quia nullus sperauit in Domino, & confusus est.* Vnde S. Augustinus in psalmum 36. *Quis est, qui confunditur? Qui dicit, quod sperabam non inueni. Non immerito. Sperabas enim de te, aut sperabas de homine amico. Maledictus autem, qui spem suam ponit in hominem. Confunderis quia sefellit te spes, sefellit spes posita in mendacio: omnis enim homo mendax. Si autem ponas spem tuam in Deo tuo, non confunderis, quia ille in quo spem posuisti falli non potest. Vnde & ille, quem paulo ante commemorauimus, iustus confirmatus positus in tempore malo, in die tribulationis, quia non confundebar, quid ait? Gloriamur in tribulationibus, scientes quoniam tribulatio patientiam operatur, patientia probationem, probatio spem, spes autem non confundit. Vnde spes non confunditur? quia in DEO posita est: ideo sequitur. Quia charitas Dei diffusa est in cordibus nostris per Spiritum sanctum, qui datus est nobis. Iam datus est nobis Spiritus Sanctus; quomodo nos fallit, cuius tale pignus teneamus?*

Rom. 8. 24.

Psal. 39. 5.

Prou. 16. 20.

Isa. 30. 18.

II. Fructus est, quod nos saluet, & beatos reddat in hac vita. *Spe salui facti sumus, ait idem Apostolus. Et Psaltes. Beatus vir cuius est nomen Domini spes eius.* Et Salomon. *Qui sperat in Domino beatus est.* Et. *Qui sperat in Domino saluabitur.* Et Isaias, *Beati omnes, qui expectant Dominum.* Duplici autem

sentu

sensu secundum S. Augustinum spei beneficio dicimur hic salui & beati. Semel, quia ut habet in psalmum 133. *Spes nostra tam certa est, quasi iam res perfecta sit. Neque enim timemus promittente veritate. Veritas enim nec falli potest, nec fallere.* Iterum, quia ut habet libro undecimo contra Faustum Manichæum, spes nobis in Christo est, in quo iam completum est, quod nobis promissum speramus. Ille quippe iam resurrexit, & mors ei vltima non dominabitur: Vnde alio loco dicit. *Si resurrexistis cum Christo, quæ sursum querite: nondum utique resurreximus sicut Christus, sed tantum secundum spem.*

III. Fructus est, ingens læticia & consolatio. Vnde idem Apostolus ad Romanos. *Spe, inquit, gaudentes.* Et ad Hebræos. *Fortissimum solatium habemus, qui confugimus ad tenendam propositam spem.* Et rex Dauid. *Latentur, inquit, omnes qui sperant in te Domine.* Et Ecclesiasticus. *Sperate in illum, & in oblectationem veniet vobis misericordia:* Vnde Augustinus in psalmum 127. quæstione posita cur Dauid dicat. *Labores manuum tuarum, quia manducabis.* Quis enim, ait, labores manducat, & non potius fructus laborum? respondet. *Modo labores habemus, fructus postea erit.* Sed quia & ipsi labores non sunt sine gaudio propter spem, de qua paulo ante diximus, *Spe gaudentes, in tribulatione patientes,* modo nos ipsi labores iucundant, & lætos faciunt de spe. Si ergo labor noster potuit manducari, & potuit iucundare, manducatus fructus ipsius laboris, qualis erit? Manducabant labores suos, qui euntes ibant & flebant mitentes semina sua. *Quanto iucundius manducabunt fructus laborum, qui venientes venient cum exultatione portantes manipulos suos?*

IV. Fructus est inuictum robur animi in aduersis, quale apparuit in Martyribus, qui sola spe remunerationis æternæ fulti acerbissima tormenta sustinuerunt. Vnde Psalmista. *In Domino sperans non infirmabor.* Et. *Qui confidunt in Domino sicut mons Sion, non commovebitur in æternum qui habitat in Hierusalem.* Et Isaias. *In silentio & spe erit fortitudo vestra: beati omnes, qui expectant dominum.* Et. *Qui sperant in Domino, mutabunt fortitudinem, assument pennas sicut aquila, current & non laborabunt, ambulabunt & non deficient.* S. Ambrosius in 118. psalmum scribens, de hoc fructu Spei ita loquitur. *Est sint aliqui duri ad labores, firmi ad iniurias perferendas, si spem auferas, non potest perpetua esse patientia. Ipsa patientia non probatur, si fides desit, cuius radix spes est. Quæ enim potest probatio esse, nisi pro Christi nomine, vel incommoda, vel pericula vniuersa sustineas.* Ideo spes est sola, quæ nostrum non confundit affectum. *Vbi est spes, Apostolicum illud, foris pugne, intus timores, nocere non possunt.* Denique spes vnicum esse & præsens afflictis & calamitosus remedium, sæpius notauit Grego. Nazianzenus ut oratione prima de pace, & oratione de pauperum amore. Et Greg. Romanus in Ezechielem. *Spes cælestium mentem solidat, ne concutiat fluctibus tumultuum terrenorum; De qua & per Paulum dicitur. Quam sicut anchoram*

Id. c. 16.

habemus animam tutam ac firmam. Et Sexto moralium. Spes in aternitatem animus erigit, & ideo nulla mala exterius quae tolerat sentit.

Psalm. 31. 23.
Cass. coll. 21.
c. 6.

V. Fructus est, immunitas à peccatis. Ait enim Psalmographus. Et non delinquent omnes qui sperant in eo. Hanc observauit Ioann. Cassianus ex sententia Abbatis Charemonis, dum ait. Tria sunt quae faciunt homines à vitiis temperare, id est, aut metus gehennae, siue praesentium legum, aut spes atque desiderium regni caelorum, aut affectus boni ipsius, amorque virtutum. Nam timor ita mali contagium legitur execrari. Timor Domini odit malitiam. Spes etiam victorum omnium excludit incursum. Non enim delinquent omnes qui specant in eum.

CAPUT. IV.

De Mediis ad alendam, augendamue Spem accommodatis.

1. Ioan. 3. 21.

PRIMUM Medium est Conscientia bona. quoniam si cor nostrum inquit, B. Ioannes, non reprehenderit nos, fiduciam habemus ad Deum, & quicquid petierimus accipiemus ab eo. Quia autem conscientia bona nascitur ex bona vita, bonisque operibus, mox subiicit. quoniam mandata eius & seruiamus, & ea quae sunt placita coram eo facimus.

2. Cor. 1. 12.

Similiter B. Paulus bonae conscientiae bonam vitam confociat in altera epistola ad Corinthios dicens. Gloria nostra haec est, testimonium conscientiae nostrae, quod in simplicitate & sinceritate DEI, & non in sapientia carnali, sed in gratia Dei conuersati sumus in hoc mundo. Vnde S. Augustinus in praefatione psalmi 31. ita scribit. Quomodo mala conscientia tota in desperatione est, sic bona conscientia tota in spe. Et erunt tria haec de quibus dixit

1. Cor. 13.

Apostolus, Fides, spes, charitas. Et alio loco ipsa tria, sed pro spe bonam conscientiam posuit. Finis, inquit, praecepti est charitas de corde puro & conscientia bona, & fide non ficta: Pro spe conscientiam posuit. Ille enim sperat, qui bonam conscientiam gerit. Quem vero pungit mala conscientia retrahit se à spe, & non sibi sperat nisi damnationem. Ut ergo speret regnum, habeat bonam conscientiam: & ut habeat bonam conscientiam, credat & operetur: quia quod credit fidei est, quod operatur charitatis est. Hoc medio vel antidoto spem suam communiuit apud Danielem Sanna cum à senibus impudicis falso de adulterii crimine accusaretur. Flens enim, ut habet historia, suffexit in caelum, erat enim cor eius fiduciam habens in Domino. Quatenus autem fiduciam in bonis operibus locari queat, supra diximus in Verbo, Opera Bona.

Dan. 13. 35.

Cap. 2. & 6.

Rom. 8. 17.

II. Medium est Patientia afflictionum pro Christi nomine, vel voluntaria earundem susceptio. Si enim compatimur, ait Apostolus & conglorificabimur. Vnde

Vnde idem cum in epistola ad Hebræos primos fideles gentis suæ egregie collaudasset, quod victis compassi essent, & rapinam bonorum suorum cum gaudio suscepissent. *Nolite, inquit, amittere confidentiam vestram, quæ magnam habet remunerationem. Patientia enim vobis necessaria est, vt voluntatem Dei facientes, reportetis promissionem.* Eodem spectat quod idem Apostolus in epistola ad Romanos cum dixisset, se gloriari in tribulationibus, causam addit hanc, *scientes quod tribulatio patientiam operatur, patientia autem probationem, probatio verò spem.* Quo quis enim plura patiatur, hoc copiosorem mercedem sibi parat iuxta promissionem Christi, in coelis: augescit verò mercede, augefcit & spes eiusdem. Heb. 10. 35. Rom. 5. 5. Matth. 5. 12.

III. Est fortitudo animi, in præstandis diuinis mandatis, & superandis omnibus obstaculis, quæ solent cursum virtutis remorari. Vnde propheta clamat. *Expecta Dominum, viriliter age, & confortetur cor tuum, & sustine Dominum.* Et. *Viriliter agite, & confortetur cor vestrum, omnes qui speratis in Domino.* Exemplum habemus Hierichuntini cæci, qui cum spe recuperandi visus imploraret auxilium Christi, & circumstantes eum ob rem illam, velut importunum, increparent, ipse, inquit S. Lucas *multo magis clamabat Fili David misere mei.* Et quod sperauit, impetrauit. illa enim natura est hominis in fide & charitate feruentis, vt quo plus tacere iubetur, hoc clarius se per confessionem exerat. *Virtus fidei, ait Chrysostomus in Matthæum, in periculis secura est, & in securitate periclitatur. Quid enim aliud sic vigorem fidei in hominibus laxat ac longa tranquillitas? Et S. Cyprianus. Traditam nobis diuinitus disciplinam pax longa corruerat, iacentem fidem, & pœnè dixerim, dormientem censura coelestis (id est persecutio) erexit. Et S. Hilarius de Trinitate. Proprium hoc Ecclesie est, vt tum vincat, cum leditur: tum intelligat, cum arguitur, tum obineat, cum deseritur.* Et S. Ambrosius in Lucam. *Vt vinea dum ligatur erigitur & re- cisa non minuitur, sed augetur: ita sancta plebs dum ligatur erigitur, dum humiliatur attollitur: dum reciditur, coronatur.* Psal. 26. 14. Psal. 30. 25. Luc. 1. 8. 9. C. hom. 16. ep. 10. imperf. Cyp. ferm. de lapsis. H. lib. 7. A. lib. 7.

IV. Diuinæ opis imploratio per preces ad Deum directas. Est enim oratio Christiana non modo spei soboles, sed etiam tota nititur fiducia ad id obtinendū à Deo, quod postulat. *Si quis inquit S. Iacobus, indiget sapientia, postulet à Deo: postulet autem in fide, nihil hæsitans.* Et S. Ioannes. *Hæc est fiducia, quam habemus ad eum, quia quid unque petierimus secundum voluntatem eius, audit nos.* Eandem fiduciam, & quidem constantem declarauit saluator parabola eius, qui ab amico media nocte importunè petiit sibi commodari tres panes, & ob importunitatem, vel in petendo perseverantiam impetrauit, nam mox subdit. *Etego dico vobis. Petite & dabitur vobis. Omnis enim qui petit accipit. Quis autem ex vobis Patrem petit panem, nunquid lapidem dabit illi? aut si petierit ouem, nunquid porriget illi scorpionem? Quæ verba tractans S. Augustinus epistola ad Probam, de orando Deum, per panem* Iab. 1. 5. 1 Ioan. 5. 14. Luc. 11. 5. A. ep. 121. c. 7.

charitatē, per piscem fidē, & per ovum intelligit spē, quia *vita pulli nondum est, sed futura est: nec iā videtur, sed adhuc speratur. Spes enim quæ videtur, non est spes.*

V. Inuocatio D. Virginis M A R I A E, aliorumque sanctorum, siue angelorum, siue hominum: in quorum precibus spēm & fiduciam collocamus, sed longē inferiori modo, quam in Deo. In illis enim eo sensu spēm nostram collocamus, quod speremus eos nos suis precibus adiuturos apud Deum, hoc est, non Dei, sed nostrum officium subituros. Sic Paulus implorabat preces aliorum fidelium pro felici prædicationis Evangelicæ cursu. Sic filii Israel preces prophetæ Samuelis, sic Deus amicos Iob, remittit ad Iob, ut eius in precando auxilium requirant. Sanctorum enim hominum preces longe sunt gratiores Deo, & ut est in Apocalypsi, *sicut fumus aromatum ascendunt ante Deum.* Quare cum inter omnes sanctos gloriosissima Dei mater Virgo M A R I A in hoc genere merito emineat, ut præsto sit omnibus eius patrocinium apud filium poscentibus, iure ab Ecclesia in antiphona S A L V E regina vocatur *Spes nostra*, ut eam quoque appellavit B. Ephraem in oratione de laudibus sanctissimæ Dei-matris. B. Aug. term. 18. de sanctis & alii Patres, idq; sine vlla Dei vel Christi iniuria, haud secus, quā Apostolus sine vlla Christi iniuria vocavit Thessalonicenses Christianos *spem suam, gaudiū & coronam gloriæ*, sperans suā gloriā eorum, quos conuerterat, sancta vita & conuersatione adauctum iū.

1. Thes. 2. 19.

VI. Medium; sæpe mente recolere, quā immensa ac prorsus incōparabilis felicitas nobis promissa & præparata sit in cœlo, si in fide per charitatē operante usq; ad finē vitæ persistamus, ut quantam nec oculis vidit, nec auris audiuit, nec in cor hominis ascenderit, cū qua si non solū laboris nostri pro Christo suscepti, sed etiā passiones nostræ comparentur, nullo modo eius dignitatē, ut loquitur Apostolus, exequare queāt. Meminisse iū illud, nec Calicē aquæ frigidæ, pauperi porrectū nomine Christi, vel aliud bonum opus præstitū sua remuneratione ibi cariturū. Id vero quod in præsentē contigerit momentaneum vel leue tribulationis nostræ, supra modū in sublimitate æternæ gloriæ pondus operaturū, non contemplantibus nobis quæ videntur, ut loquitur idē Apostolus *sed quæ non videntur.* Quæ enim videntur, temporalia sunt, quæ autem non videntur æterna. Qua cogitatione perculsus B. August. librum de libero arbitrio tertiū his verbis conclusit. *Tanta est pulchritudo iustitiæ, tanta incunditas lucis æternæ, hoc est, incommutabilis veritatis atq; sapientiæ, ut si non liceret amplius in ea manere, quā vnus dici mora, ppter hoc solū innumerabiles anni huius vitæ pleni deliciis, & circumfluentia temporalium bonorum rectē meritoq; continerentur. Non n. falso aut paruo affectu dictū est. Quoniā melior est dies vnus in ætatis iustis sup millia.*

Rom. 8. 18.

2. Cor. 4. 17.

Psal. 83. 11.

VII. Expendere exempla Patrum veteris & noui testamētū, qui fiducia in Deum excelluerunt, cuiusmodi complura collegit in variis Dominicis Promptuarii sui Stapletonus.

TEM.



T

TEMPERANTIA.

CAPVT I.

Quid sit Temperantia, quaque eius partes.



TEMPERANTIAM, quam latinæ linguæ princeps moderationem, modestiam, nonnunquam etiam frugalitatem appellat, B. Ambrosius libro primo de S. Iacob. & vita beata, agens de vorandi libidine, & effusione luxuriæ, ita describit. *Temperantia est virtus quæ maximè istarum passionum restinguit ardorem, quæ primum sobrietate atque moderatione animum temperat, mentem informat; deinde etiam deliciarum abstinentia restinguit habenas corporalis ferocitatis.* Breuius B. August. libro primo de libero arbitrio. *Temperantia est anima affectus coercens et cohibens appetitum ab iis rebus, quæ turpiter appetuntur.* Et lib. 83. questionum. *Temperantia est rationis in libidinem, atque alios non rectos impetus animi summa et moderata dominatio.* Quæ definitio sumpta est ex Cicerone libro 2. de Inuentione. Clarius & plenius cum B. Thoma in summa Theologica & Philosopho definiemus esse virtutem moralem earum passionum appetitus concupiscibilis, quæ circa delectabilia corporis, iuxta sensum tactus in usu cibi & potus & Veneriorum versantur, moderatricem.

Cic. 3. Tul. &
2. de Fin.
A. c. 2.

A. c. 13.

Id. q. 11.

8 Tho. 22. q.
141.

Arist. 3. eth. c.
10.

PARTES eius, si de integralibus sermo sit, duæ sunt. Honestas & verecundia, de quibus B. Ambrosius primo de officiis, & nos suo loco. Si verò de subiectiuis, quæ sunt quæ eius species, numerantur quatuor, abstinentia, sobrietas, castitas vel pudicitia, & virginitas. Abstinentia est virtus moderatrix voluptatum in usu ciborum, de qua Aug. l. 10. Confessionum Deum alloquens dixit. *Hoc me docuisti, ut quemadmodum medicamenta, sic alimenta sumpturus accedam.* Sobrietas est virtus moderatrix voluptatis in usu potus, de qua apud Ecclesiasticum. *Aequa vita hominibus vinum in sobrietate: si bibas illud moderatè, eris sobrius.* Pudicitia est moderatrix voluptatum venerearum, vel eas repudiàs, vel non aliter eis utens, quæ per coniugii leges fas est. Vocatur autè pudicitia à pudore quæ circa usum veneriorum existit, sic & B. Aug. l. 1. de ciuitate Dei, quæ in ipso concubitu coniugali, qui secundum matrimonialium præscripta tabula-

A. c. 31.

Ecclesi. 31. 31.

A. c. 17.

A. C. 11.

Matth. 19. 12. 7
Ibid. c. 23. 24.

tabularum procreandorum sit causa liberorum, quanquam sit licitus et honestus, remotum ab arbitris cubile conquirit. Virginitas est virtus, qua quis firmo animi proposito abstinet ab omni actu Venereo & illibatam seruat corporis integritatem. Vnde B. Ambrosius libro de Virginibus. *Castitas*, inquit, *Virginalis est expers contagionis integritas*. Hæc virginitas si Deo per votum consecratur, pertinet etiam ad religionis virtutem. De qua Augustinus libro de sancta virginitate. *Nec nos hoc in Virginibus prædicamus quod virgines sunt, sed quod Deo dicata pia continentia Virgines*, de quibus illud Christi dictum intelligendum est. *Sunt Eunuchi qui seipsos castraverunt propter regnum cælorum*, teste eodem Augustino.

CAPVT II.

De dignitate huius Virtutis, necessitate & Utilitate.

Am. in 6. Luc.
Prof. 3. de vita
cont. cap. 18.
Greg. 2. moral.
c. 16.

Sap. 8. 7.
August. cap. 7.

Clem. 2. Strom.

Bern. serm. 22.

DIGNITATEM Virtutis Temperantiæ inde coniicimus, quod non modo à Philosophis, verum etiam à S. Patribus referatur inter quatuor virtutes principales, quas Patres vocant Cardinales, quod sint quasi omnium aliarum virtutum fontes & cardines, & quemadmodum ostium in cardine sic omnis honestæ vitæ ratio contineatur in illis. Vnde S. Ambrosius confert eas cum quatuor beatitudinibus. B. Prosper verò & S. Gregorius quatuor paradisi fluminibus, quatuor Euangelis, quatuor elementis & quatuor mundi angulis vel partibus, Orienti, Occidenti, Aquiloni & Meridiei. Et apud Sapientem eas coniunctas reperimus, cum ita loquitur, *Sobrietatem et prudentiam docet, & iustitiam et virtutem* Quem locum tractans S. Augustinus libro primo Retractationum, *His nominibus*, inquit, *latinus interpres quatuor illas virtutes, quæ maxime in ore Philosophorum esse assolent nominavit, sobrietatem appellans temperantiam, fortitudinem verò virtutis vocabulo enuncians*. Deinde numeratur hæc virtus, ut cæteræ tres, inter divina Dei dona. Ita enim scribit dictus Beatus Prosper loco allegato. *Veruntamen hoc in primis nosse et tenere debemus, quod istæ quatuor virtutes vel omnes, quæ ex illis existunt, dona sint DEI, et quod nullus eas habet, habuit, aut habebit, nisi cui DEVS, qui est omnium virtutum proprietas et origo, contulerit* quoniam quicumque quocumque tempore, in quacumque gente in Deum credentes existit de vixerunt, illius dono temperantes ac prudentes iusti ac fortes fieri viique potuerunt. Et Clemens Alexandrinus. *Oportet, inquit, nos exercere ad ea cauenda quæ sunt obnoxia vitis: fugiendo, ut ii qui verè sunt Philosophi, eos cibos, qui incitant ad libidinem, et c. Est enim donum Dei maximum temperantia*. Et S. Bernardus in Cantica prorsus contendit temperantiam in scripturis vocari sanctificationem. *Audi, inquit, ipsum præcipuè Apostolum, quam familiare habeat, vel vii, vel vsurpare sanctificationem*

cationem in hoc sensu. Hac est, inquit, voluntas Dei, sanctificatio vestra, ut sci. 1. Thess. 4. 3. at unusquisque vestrum suum vas possidere in sanctificatione, & non in passione desideret. Item. Non enim vocavit nos Deus in immunditiam, sed in sanctificationem. Liqueat quod sanctificationem pro temperantia ponit. Et paulo post. In cassum quis laborat in acquisitione virtutum, si aliunde eas sperandas putet quam à Domino virtutum, cuius doctrina seminarium prudentie, cuius misericordia opus iustitie, cuius vita speculum temperantie, cuius mors insigne est fortitudinis.

NECESSITAS verò huius virtutis inde comprobatur. Pri- Eccli. 31. 19.
mo quod eam nobis commendavit mandavitque Spiritus sanctus in sacris litteris. ut apud Ecclesiasticum. *Vtere quasi homo frugibus, quæ tibi apponuntur ut non cum manducas multum odio habearis. Cessa prior, causa discipline, & noli nimius esse, ne forte offendas. Quam sufficiens est homini erudito vinum exiguum, & in dormiendo non laborabis ab illo, & non senties dolorem. Diligentes in vino noli provocare, multos enim exterminavit vinum. A qua vita hominibus vinum in sobrietate: si bibas illud moderatè, eris sobrius. Sanitas est anime & corpori sobrius potus.* Et iterum. *Noli avidus esse* Eccli. 37. 32.
in omni epulatione, & non te effundas super omnem escam: in multis enim effcis erit infirmitas, & aviditas appropinquabit usque ad choleram. Et apud Ec- Eccli. 10. 17.
clesiasten. *Beata terra, cuius rex nobilis est, & cuius Principes vescuntur tempore suo ad reficiendum & non ad luxuriam.* S. Petrus in epistola priore. *Sobrii estote & vigilate, quia adversarius vester diabolus tanquam leo rugiens circuit querens quem deuoret.* Et S. Paulus ad Thessalonicenses. *Non dormiamus sicut & ceteri, sed vigilemus & sobrii simus. Et. Nos qui dici sumus, sobrii simus induti lorica fidei & charitatis, & galeam spem salutis.* Et in prima ad Timotheum. *Oportet Episcopum irreprehensibilem esse, unius uxoris virum, sobrium, &c. Diaconos similiter pudicos, non multo vino deditos. Mulieres similiter pudicas, non detrahentes, sobrias.* Et ad Titum. *Tu autem loquere, quæ decent sanam doctrinam; Senes ut sobrii sint, pudici. Anus similiter in habitu sancto, non multo vino serviens, sobrias, &c. Iuvenes similiter hortare, ut sobrii sint.* Secundo, quia omne genus intemperantiæ Scriptura verat & damnant. S. Patres item, & Ethnicorum Sapientes, ut copiose probauimus in PANARIO V. *Ebrietas. Gula. Luxuria. Voluptas carnis.*

UTILITAS denique temperantiæ quotidiana est experientia nota, eoque luculentius, quo gulæ, ebrietatis, comestationum, omnium cupiditatum carnalium fœdissimi fructus magis in vulgus innotuerunt. *Exultatio anime & cordis, inquit Sapiens, vinum moderate potatum* Eccli. 31. 36.
Sanitas est anime & corpori sobrius potus. Et rursus. *Propter crapulam* Eccli. 37. 34.
multi obierunt, qui autem abstineat, est adiciet vitam. Et S. Paulus in priore

1. Cor. 9. 25.

Tit. 2. 12.

A. cp. 82.

1. Tim. 5. 23.

Ec. 19.

ad Corinthios, *Omnis qui in agone contendit, ab omnibus se abstinere: & illi quidem, ut corruptibilem coronam accipiant, nos autem incorruptam.* Et ad Titum. *Abnegantes impietatem & secularia desideria sobrie, & iuste, & pie viuamus in hoc seculo, expectantes beatam spem, & aduentum gloria magni Dei, & saluatoris nostri Iesu Christi.* D. Ambrosius ad Vercellensem Ecclesiam. *Quid pulchrius abstinentia, quae facit etiam inuentus annos senescere, ut fiat morum senectus? Namque, ut redundantia ciborum ac temulentia etiam maturior aetas calefcit, ita mitigatur inuentus ferocitas epularum parsimonia, irriguog. fontis.* Quid quod natura conueniens temperantia est, atque illi diuina legi, quae in ipso rerum ortu omnes fontes potui fructus arborum esui dedit. Vinum post diluuium iustus ad tentationem sui reperit. Utamur ergo temperantiae naturali cibo utinamque possimus. Sed quia non omnes fortes, ideo Apostolus ait. *Vino modico utere propter frequentes tuas infirmitates.* Non ergo propter voluptatem bibendum est, sed propter infirmitatem. Pro remedio igitur parcius, non pro delicijs redundantius. Subiicit deinde exempla Sanctorum, qui hac virtute eminuerunt, ut Danielis cum Hebraeis pueris, Iudith, Hester, Eliae, Elisae, Ioannis Baptistae. S. Prosper libro 2. de Vita contemplatiua. *Temperantia temperantem facit, abstinentem, parcum, sobrium, moderatum, pudicum, tacitum, serium, verecundum.* Haec virtus si in animo habitat, libidines frangat, affectus temperat, desideria sancta multiplicat, vitiosa castigat, omnia intra nos confusa ordinat, ordinata corroborat, cogitationes prauas remouet, inserit sanctas, ignem libidinosae voluptatis exstinguit, animi teporem desiderio futurae remunerationis accendit, mentem placida tranquillitate componit, & totam semper ab omni vitiorum tempestate defendit.

C A P V T III.

De quibusdam Temperantiae proprietatibus.

A. cp. 19.

PRIMA proprietas est, quod Temperantia verae virtutis nomen retinere non queat, nisi reliquas tres virtutes Cardinales sibi habeat annexas. Ita tradit Ambrosius primo libro de officiis, cap. 27. cuius inscriptio est. *Quod virtutes quatuor ita perplexae sint, ut ab inuicem separari nequeant.* Et in caput sextum Lucae, ubi cum has 4. virtutes quatuor beatitudinibus Christi comparasset *Connexae igitur inquit, sibi sunt, concatenataeque virtutes, ut qui unam habet, plures habere videatur.* Beati igitur pauperes spiritu. *Habes temperantiam, quae a peccato abstinet, seculum calcit, illecebrosa non querit.* S. Augustinus vero in epistola ad Hieronymum appro-

approbat sententiam communem philosophorum, non solum has quatuor, sed etiam omnes virtutes esse inter se connexas, ac ideo necesse esse ut temperantia sit prudens, fortis & iusta. Idem S. Greg. in Ezech. G. hom. 2.
Eccē, inquit, ipsa virtutes, quas habere bonos ac fideles diximus ita in quadro sunt, ut una aliam non excedat. Magna quippe est prudentia, sed si minus est a voluptatibus temperans, minus in periculis fortis, minus in operationibus iusta, profecto minus est prudens. Magna est temperantia, sed si minus intelligit, unde se temperat, si aduersa sustinere per fortitudinem minus valet, si per præceptionem suam aliquando ad iniustitia opera prorumpit, minus est temperans.

II. Proprietas est, Temperantiam tum demum esse moderatricem voluptatum vel delectationum corporis, hoc est, obtinere nomē virtutis, cum illa moderatio est consentanea rectæ rationi, ita ut fiat, quando, quantum, quomodo & ubi oportet, ut docet Aristoteles in libro 3. de moribus: nam quod pusioni satis est, vel nimium insumptione cibi vel potus, giganti parum est. Regula autem, qua iudicetur an materia sit talis, qualem recta ratio præscribit, continetur in ipsa rerū necessitate aut utilitate ad vitam humanā; quæ necessitas vel utilitas honestati non repugnet. Unde idem Philosophus loco citato ait *temperantem ea tantum appetere iucunda, quæ vel ad sanitatem, vel ad bonā habitudinem faciunt.* Quod idem docuit S. Hier. in Ezechielem, tractans H. in c. 44.
verba illa. Inducitis filios alienos incircumcisos corde & incircumcisos carne. Ergo, ait, & caro similiter circūciditur, ut nequaquam faciamus terrena opera, quæ pro necessitate corporis facere compellimur, cibum capere & potum, &c. quæ tunc circumcidimus, si non ad delicias & ad luxuriam, & ad inertiam, sed ad necessitatem naturæ & corporis istius sustentaculum cuncta faciamus. Et S. A. c. 25.
 August. libro de moribus Ecclesiæ. *Habet vir temperans in rebus huius vitæ regulam utroque testamento firmatam, ut eorum nihil diligit, nihil per se appetendum putet, sed ad vitæ huius, atque officiorum necessitatem, quantum satis est, usurpet, utentis modestia, non amantis affectu.* Quoniam autem necessitati cibi sumendi vel potus semper coniuncta est voluptas; quatenus peam peccetur vel nō, vide in PANARIO in IV. Antidoto V. Gula.

III. Proprietas est, quod inter Virtutes Cardinales, (licet non eodem ordine semper numerentur à Patribus,) postremum obtineat locum. Teste enim Philosopho libro primo Rhetoricorum eę virtutes ceteris antecellunt, quarum utilitas latius patet. patent a. latius quæ in commune multitudinis bonum vergunt. A. c. 9.
Multitudinis siquidem bonū, auctore eodem in 1. Ethico, diuinius est proprio vel priuato. Quare cum iustitia & fortitudo, maximè quæ est in bello, Reipub. bonū promoueat, temperantia verò tantum bonū priuatū cuiusque spectet, merito tempantię præferuntur. Id. c. 2.
 Prudentia verò idcirco omnib⁹ trib⁹ præferat,

A. l. offic. c. 27.

stat, quia omnes imperio suo dirigit. *Primus officii foras*, inquit S. Ambrosius, *prudencia est.*

A. l. off. 13.

A. c. 21.

P. c. 19.

IV. Proprietas est. Si largius nomen Temperantiæ accipiamus, ut fere accipiunt S. Patres, hoc est, ut in moderatione qualibet consistat, multo plura illi attribui possunt, ut quæ attribuit S. Ambrosius; ait enim. *In temperantia maximè tranquillitas animi, studium mansuetudinis, moderationis gratia, honesti cura, decoris consideratio spectatur & quaeritur.* Et S. Augustinus libro de moribus Ecclesiæ. *Curiosi, inquit, esse prohibemur, quod magnum temperantia munus est.* Et B. Prosper libro 3. de Vita contemplatiua. *Temperantia est, quod senioribus reuerentiam exhibemus, æquales germanitus honoramus, iunioribus gratiam paternæ dilectionis impendimus, quod præstamus loquenti seniori silentium, quod ipsius ad loquendum præstolamur imperium, quod non attollimus immoderatum in colloctionibus sonum, quod risui prorumpere non permittimus in cachinnum, quod nulli detrahimus, nec detrahentes æquanimiter sustinemus, scientes, quod tam illi qui detrahunt, quàm qui detrahentibus acquiescunt, vanitatis morbo corrupti sunt.*

DE MEDIIS nihil attinet hic præscribere, quia REMEDIA omnia in Panario allata, pro EBRIETATE, GYLA, LVXVRIA & VOLVPTATE, seruiunt etiam Temperantiæ.

T I M O R D O M I N I.

C A P V T I.

Quot sint timoris species.

Vo rectius intelligatur, de quo timore hic agatur, Timorem possumus distinguere in quinque species, naturalem, mundanum, seruilem, castum vel filialem, & initialem. Naturalis est passio quædam appetitus sensitiui, à natura insita non hominibus modo, sed etiam brutis, quæ cum in potestate nostra non sit, nec bona, nec mala dici potest moraliter. Bona autem est naturaliter, quia ad multa commoda à Deo nobis est ingenua teste S. Basilio in oratione contra irascentes. *MUNDANVS* est, quo quis ita reformidat aliquod huius vitæ incommodum vel poenam, ut ad illud depellendum non dubitet offendere Deum mortaliter, quo timore

Vide Panar. V.
Timor.

per.

perculsus fuit Petrus, cum Christum negauit. Atq; hic verè malus est & noxius, quem Christus vetuit apud Matthæum dicens. *Nolite timere eos, qui occidunt corpus.* Et S. Petrus. *Timorem eorum ne timueritis.* A quo liberari petebat Dauid cum sic precaretur. *A timore inimici eripe animam meam.* vti exponit in psalmum 33. S. Basilius, vbi vocat timorem hostilem. **SERUILIS** est, quo quis timet pœnas à Deo constitutas peccatoribus, & quo proinde mouetur ad rectè agendum, vt illas pœnas effugiat. Oritur autem hic timor propriè non ex amore Dei, sed ex amore sui, quo quisq; scilicet amat incolumitatem suā, suāq; comoda. Atq; ideo appellatur seruilis. Mos enim seruorum est obsequi Dominis, non ex amore ipsorum, sed ex amore sui, ne si non obsequantur, vapulent ab iis. Vnde S. August. in psalmum 118. *Timor, ait, iste, quo non amatur iustitia, sed timetur pœna, seruilis est.* Filialis est, quo quis timet offendere Deum, & ideo non audet aliquod præceptum præuaricari, ne gratia eius excidat. Dicitur autem filialis, quod nascatur ex amore Dei, sicut timor, quo filii reformidant offensam parentum, nascitur ex filiali amore, quo parentes suos complectuntur. Hic timor appellatur quoq; Castus à S. Augustino in psalmi 118. verba illa. *Confite timore tuo carnes meas.* **INITIALIS** deniq; est, quo quis ita Dei timet offensionem, vt simul etiam timeat pœnam, & ideo est timor filialis imperfectus, vel timor mixtus ex filiali & seruili. Quem qua parte seruilis est, pellit timor filialis perfectus, vtpote manans ex caritate perfecta, de qua S. Ioannes epistola priore dicit, *perfecta charitas foras mittit timorem.* Cuius rationem reddit S. Augustinus in commentario eiusdem epistolæ. *Quid, inquit, dicimus de illo, qui capit timere diem iudicii? Si perfecta in illo esset charitas, non timeret. Perfecta enim charitas perfectam faceret iustitiam, & non haberet, quare timeret: immò haberet, quare desideraret, vt transeat iniquitas, & veniat regnum Dei. Ergo timor non est in charitate, sed in qua charitate? non in inchoata. in qua ergo? Perfecta, inquit, charitas foras mittit timorem.* Nos hic tantum agimus de tribus postremis speciebus Timoris, quibus etiam nomenclatura Timoris Domini verè competit, vt ostendemus.

Matt. 10. 28.

1. Pet. 3. 14.

Bas. hom. 5.

Aug. conc. 25.

A. ser. 25.

1. Ioa. 4. 18.

A. tract. 8.

CAPVT II.

Timorem seruilem esse bonum & salutare.

ET si verò timor seruilis ex amore sui originem trahat, tamen non ideo malus & noxius est, sed bonus & salutaris, vt liquet ex sacra-

M m m m 3

rum

rum litterarum testimoniis. Primo n. illæ docent timorem initium esse sapientiæ & dilectionis, expellereq; peccatū: at timor antecedens dilectionem & expellens peccatū non est filialis, sed seruilis, filialis n. est effectus dilectionis. Deinde S. Io. Bapt. apud Matt. hunc timorem suavit, vt moueret homines ad pœnitentiam. *Progenies*, inquit, *viperarum, q; demonstrauit vobis fugere à ventura ira?* Imò & Dominus ipse. *Timete eū* inquit, *q; potest & animā & corpus perdere in gehennam.* Et alibi per sæpe minatur ignē gehennæ, stridorem dentium, tenebras exteriores, vermem non morientem & flammās inextinguibiles. Si ergo Christus, sancti alii & passim Spiritus sanctus in Scripturis terrorem iniiciat peccatorib. vt resipiscant, dubitandum nō est timorem serui. lem non solū esse bonū, sed et esse à Deo, ac recte dici timorē Domini.

Nec aliud docuerunt S. Patres. Clemens Alexandrinus 2. Stromatum. *Fides*, ait, *est prima ad salutem inclinatio, post quam timor & spes & pœnitentia.* Et infra. *Qui timorem damnant, ij legem etiam insectantur: quod si legem, clarum est, quod & eum qui legem dedit.* B. Antonius apud Athanasium. *Formido iudicij & pœnarum timor horridus, simul & lubrica carnis incentiua dissoluit, & ruentem animam quasi ex aliqua rupe sustentat.* S. Basilus in psalmum 32. *Neccessario velut introductorius ad pietatem timor assumitur: dilectio verò deinceps succedens à timore scientifico adaptatos perficit.* Et in psalmum 33. *Timor salutaris, & timor sanctificationem faciens, qualis sit, vis exponam? Cum ad peccatum aliquod progredi voles, cogita mihi horrendum illud & non ferendum Christi iudicium, &c.* *Hac time, & hoc timore eruditus animam à concupiscentia ad hac mala velut freno quodam relide.* S. Chrysostomus ad populum Antiochenum dicit metum gehennæ etiam in anima hominis iusti esse militem fortē & armatum, qui fures & latrones omnesque hostes longe arceat à domo. S. Ambrosius in psalmum 118, scribit. B. Martyres in agone martyrii constitutos, timore gehennæ ante oculos mentis propositæ vincere solitos earum pœnarum timorem, qui à carnificibus ingerebatur. B. Hieronymus in epistola ad Eustochium de seruanda Virginitate, ait se metu gehennæ solitudinem, & durissimū vitæ genus elegisse. B. Augustinus libro de gratia & libero arbitrio ait, sanctis viris timorem illum à Deo donari, de quo Dominus ait. *Timete eum qui potest animam & corpus perdere in gehennam.* Et in epistolam primam Ioan. *Si nullus*, inquit, *timor, non est qua intret charitas. Sicut videmus per setam introducili num, quando aliquid fuitur. Set a prius intrat, sed nisi exeat, non succedit linum; sic timor primò occupat mentem, non autem ibi remanet timor, quia deo intrauit, vt introduceret charitatem, nempe perfectam.* Ioannes Cassianus collatione 11. *Est gradus cuiusdam profectus, vt, dum vel pœnarum metu, vel premiorum spe incipimus vitia declinare, ad charita-*

tis gradum transire possimus. S. Gregorius in Euangelia. Prava mens si non prius per timorem evertitur, ab assuetis vitiis non emundatur. Et rursus alibi omnes hortatur, ut futurum iudicium timeant, antequam veniat.

SENTENTIAE tot Patrum accedit ratio naturalis. Quid enim tam naturæ & rationi consentaneum est, quam pertimescere grande aliquod malum, & maxime malum gehennæ, quo nullum atrocius? *Quis habitare poterit de vobis, ait Isaias, cum igne deuorante? quis habitabit ex vobis cum ardoribus sempiternis?* Deinde amor sui, ex quo hic timor seruilis est exortus est bonus, cum habeat bonum obiectum, nempe propriam incolumitatem; quare & bonus timor est, ex eo ortus: quo scilicet metuit pœnas illi bono proprio contrarios, non vt summum malum sed vt malum quoddam formidandum. Deniq; optimi sunt huius timoris fructus, nempe retrahere hominem à peccato, viam parare ad iustitiam & caritatem, iustos deterrere à lapsu; *non potest autem arbor mala bonos fructus facere.*

CAP. V. T. III.

De Dignitate Timoris Domini.

DIGNITAS vel præstantia Timoris Domini primum liquet ex iis Spiritus sancti oraculis, quæ quosuis timentes Deum pronunciant beatos *Beatus vir, inquit Psalter regius, qui timet Dominum, in mandatis eius volet nimis. Potens in terra erit semen eius, generatio rectorum benedicetur. Gloria & diuitie in domo eius, & iustitia eius manet in seculum seculi.* Et Sal. *Beatus homo q̄ semper est pauidus.* Et Eccle. *Beatus homo cui donatum est habere timorem Dei, qui tenet illum, cui assimilabitur?* Et. *Timentis Dominum, beata est anima eius. Ad quem respicit, & quis est fortitudo eius?* Oculi Domini super timentes eum, protector potentia, firmamentum virtutis, tegimen ardoris & umbraculum meridiani. Deinde ex iis, quæ timorem Dei antefuerunt aliis donis, vt apud Sapientem. *Non est maior illo qui timet Deum.* Et. *Nihil melius est, quam timor Dei, & nihil dulcius, quam respicere in mandatis Domini.* Et. *Quam magnus qui inuenit sapientiam, & scientiam, sed non est super timentem Dominum. Timor Dei super omnia se superposuit.* Et. *Non est in timore Domini minoratio (defectus). Timor Domini sicut paradysus benedictionis & super omnem gloriam operuerunt illum.* AD HÆC ex iis quæ in eo initium, progressum & perfectionem Sapientiæ, qua nihil nobilius, constituunt. Nā Salo. ait. *Timor Domini principium sapientiæ.* Et. Iob.

Ecce

Eccli. 1. 20.
Eccli. 12. 13.

H in Ecclef.
Pfal. 33. 20.
Iſa. 11. 2

A. c. 18.

Matt. 10. 28.
G. hom. 19.

C. c. 20.

Ch. h. 69.

Id. hom. 15.

Pfal. 117.

A. c. 9.

Eccli. 1. 22.

Ecce timor Domini ipsa est sapientia. Et Ecclesiasticus. Plenitudo sapientia est timere Deum, & plenitudo à fructibus illius. Corona sapientie timor Domini. Et Ecclesiastes. Finem loquendi pariter omnes audiamus. Deum time & mandata eius observa, hoc est enim omnis homo. In quæ verba S. Hieronymus. Hoc de consummato in virtutibus metu dici puto, secundum illud. Nihil deest timentibus eum. Denique apud Isaiam Timor Domini inter septem Spiritus sancti dona, quæ super Christum conquierunt, numeratur. Et requiescet, inquit, super eum Spiritus Domini, Spiritus sapientia, & intellectus, spiritus consilij, & fortitudinis, spiritus scientia & pietatis, & replebit eum spiritus timoris Domini, Timorem autem seruilem etiam pertinere ad illa dona spiritus sancti clarè docuit S. Augustinus, & B. Gregorius. Ille n. in libro de gratia & libero arbitrio fatetur spiritum timoris Domini, de quo agit Isaias, esse illum de quo Dominus ait, *Timete eum, qui potest corpus & animam perdere in gehennam.* & S. Greg. in Ezech. fatetur Isaiam loqui de timore pœnæ, qui minuitur crescente charitate. In Christo autem etsi non fuerit timor seruilis, fuit tamen filialis vel reuerentialis erga Patrem cœlestem.

IAM & prisci Patres hanc Timoris Domini nobilitatem non obscure deprædicarunt. Tertullianus certe initio libri de cultu feminarum, *Timor*, inquit, *fundamentum salutis est.* S. Cyprianus libro 3. ad Quirinum. *Fundamentum & firmamentum spei & fidei esse timorem, in psalmo 110. Initium sapientia timor Domini. De hoc ipso in sapientia Salomonis. Initium sapientia metuere Deum.* S. Chrysostomus in homilia ad populum Antiochenum. *Si Dei timorem habeamus, nihil nobis est opus: si verò hunc non habeamus, etsi regnum iustum possideamus, sumus omnium pauperissimi. Nihil æquale Deum timentibus. Timor n. Domini omnia sua erat. Hunc possideamus itaq; omnia propter hunc faciamus, ut hunc assequamur timorem. Et iterum. Nisi bonum esset timor, non multos impendisset Christus sermones & longos de pœna & supplicio loquens. Timor nil aliud est, quam murus & munimentum, & turris inexpugnabilis: etenim multa nobis munitione opus est, quia multa sunt undiq; insidia. Et in psalmum 62. Si dixeris mihi ex psalmis illud. Beatus qui timet Dominum, & potueris scire quidnam sit id quod dicis, non diuitem, non principem, non formosum, non eum qui valet viribus, non eum qui ades possidet magnificas, non eum qui gerit magistratus, non eum qui regni obtinet, nullum deniq; alium, nisi eum, qui est pius ac religiosus, qui studio sapientia tenetur, qui Deum timet, beatum dices, non solum propter futura, sed etiam propter presentia. Nam etiam in hac vita hic quoq; est illo potentior, S. Amb. vel Prosper lib. de Vocatione gentium, ut probet Timorē esse donū Dei. De timore, inquit, Dei & sapientia in Ecclesiastico legitur. Corona sapientia*

piencia
oia se
& Gr
sancti
donū
mor D
te, con
inflati
est, no
eti. Pr
iniqui
Et alio
mor D
dicitur
rum, q
potest.
timoris
Diuitia
ius. No
mere, q
sistunt,

NE
ma
quidem
& illi so
Deum n
Israhel
um, & a
mete Do
Seruite
omnes sa
Time De
time &

scientia timor Domini, utraq; autem sunt dona Dei. Item de eodem. Timor domini oia se superposuit. Beatus cui donatum est habere timorem Domini. S. August. & Gregorius in eo praestantiam eius indicant, quod 7. dona Spiritus sancti non semel conferant cum 7. beatitudinibus à Christo traditis, ac donū quidem timoris cum prima beatitudine, Beati pauperes spiritu. Timor Dei inquit Augustinus libro primo de sermone Domini in monte, congruit humilibus, de quibus hic dicitur. Beati pauperes spiritu, id est, non inflati, non superbi, de quibus Apostolus dicit. Noli altum sapere, sed time, id est, noli extolli. Sanctus Bernardus in tractatu de donis Spiritus sancti. Prima gratia est timor Domini. Qui hanc habet gratiam omnem odit iniquitatem iuxta illud psalmista. Iniquitatem odio habui, & abominatus sum. Et alio loco. Omnem viam iniquitatis odio habui. Scriptum namque est. Timor Domini odit malum. Et iterum. Time Deum & recede à malo. Et de Iob dicitur. Vir timens Deum, & recedens à malo. Sine hac gratia prima gratiarum, quae totius religionis exordium est nullum bonum pullulare vel manare potest. Ioannes Cassianus collatione 11. agens de timore filiali. Cuius timoris, inquit, magnificentiam Isaias unus prophetarum eleganter expressit. Diuitia, inquiens, salutis sapientia & scientia timor Domini ipse thesaurus eius. Non potuit timoris istius dignitatem ac meritum magis euidenter exprimere, quam ut diuitias salutis nostrae, quae in vera sapientia Dei scientiaq; consistunt, diceret nisi à timore Domini posse seruari.

A. c. 9.

Rom. 17. 21.

B. c. 1.

Psalm. 118.

Prou. 8.

Prou. 3.

Iob. 1.

C. c. 12.

Isa. 33.

CAPVT IV.

De necessitate Timoris Domini.

NECESITATEM quoque huius Virtutis percrebris monitis, mandatisq; vtrumq; Testamentum indubitatum reddidit. Vetus quidem dum in Deuter Moyses praecepit. Dominum Deum tuum timebis, & illi soli seruias. Et infra. Pracepitq; nobis Dominus ut timeamus Dominum Deum nostrum, ut beneficit nobis cunctis diebus vitae nostrae. Et iterum. Et nunc Israel. quid Dominus Deus tuus petiit à te, nisi ut timeas Dominum Deum tuum, & ambules in viis eius? Moysen secutus Iosue. Nunc ergo, inquit, time Domini, & seruite ei perfecto corde, atque verissimo. Et rex Dauid. Seruite Domino in timore, & exultate eicum tremore. Et. Time Domini omnes sancti eius, quoniam non est inopia timentibus eum. Et rex Salomon. Time Deum & recede à malo. Et. Time Dominum fili mi, & regem. Et. Deum time & mandata eius obserua: hoc est enim omnis homo. Et Ecclesiasticus.

Deut. 10. 12.

Ios. 24. 14.

Psalm. 2. 11.

Ps. 33. 10.

Prou. 1. 7.

Prou. 2. 21.

Eccli. 12. 13.

Eccli. 7. 31.
Ier. 32. 39.

Mal. 1. 4.

Matth. 10. 28.

1. Pet. 2. 17.

Apoc. 14. 7.

Rom. 8. 15.

Eccli. 1. 28.

Deut. 15. 28.

Iob 6. 14.

Psal. 13. 2.

Psal. 35. 2.

Eccli. 13. 27.

Malach. 3. 5.

Basil. hom. 7.

Hier. comment.

A. ser. 17.
de sanctis.

B. c. 1.

Eccli. 17.

In tota anima tua time Dominum, & sacerdotes illius sanctifica. Et propheta Ieremias. Et ego, dicit Dominus, dabo eis cor unum & viam unam, ut timeant me uniuersis diebus. Et Malachias. Si Pater ego sum, ait Dominus, ubi est honor meus? & si Dominus ego sum, ubi est timor meus? In nouo vero testamento. Christus apud Matthæum. Nolite, ait ad Apostolos, time re eos, qui occidunt corpus, animam autem non possunt occidere: sed potius time te eum, qui potest & animam & corpus mittere in gehennam. Et S. Petrus in epistola priore. Deum time re, regem honorificate. Et S. Ioannes in Apocalypsi Time re Dominum ait angelus, & date illi honorem. Neque mirum est in nouo testamento rarius nobis comendari timorem Dei, quā in veteri, sapius autem amorem quia Lex verus amoris est, noua verō amoris. Non enim accepistis, inquit Apostolus ad Romanos, Spiritum seruitutis iterum in timore (sicut in veteri lege) sed accepistis spiritum adoptionis filiorum, in quo clamamus, Abba (Pater). Eandem necessitatem corroborant ea Scripturæ testimonia, quæ negant timore Domini destitutis aditum ad gratiam & salutem. Timor Domini, inquit Syracides, expellit peccatū: nāq; sine timore est non poterit iustificari. Illa quoq; quæ passim arguunt improbos metus diuini expertes, ut in Deuteronomio, Iob. Psalmis, Ecclesiastico, Malachia, & aliis prophetis.

S. P A T R V M per pauca subiiciam testimonia S. Cyprianus de lapsis. Deus quantum Patris pietate indulgens semper & bonus est, tantum iudicis maiestate metuendus est. Supra quoq; cum magistro suo Tertulliano professus est timorem esse fundamentum fidei & spei, ac proinde maximè ad fidem & salutem necessarium. S. Bas. in psalmum 32. exponens verba illa, Timeat Dominum omnis terra. Terra uniuersa timorem præcipit hic sermo. Nam quando timor Domini initium est sapientiæ, qui terrena sapiunt, per timorem erudiantur. Timor enim quasi introductorius necessario ad pietatem condiscendam assumitur. Charitas verò à timore instructiuo exercitatos suscipiens perficere solet. S. Hieronymus in c. 3. Malachiæ agens de variis Iudæorum sceleribus ait, suffecisse eis solum crimen ad penam, quod non timuerint Dominū. S. August. ser. de annunciatione Dominica. Quis potest, nisi Deum timeat, seruare iustitiam? Dicit enim (Scriptura) alio loco. Nam qui sine timore est, non poterit iustificari, recurritur ad illam sententiam, Initium sapientiæ timor Domini. S. Bernardus tractatu de donis Spiritu s. sancti. Prima gratia est timor Domini. sine hac gratia prima gratiarum, quæ totius religionis exordium est, nullum bonum pullulare, vel manare potest. Sicut enim securitas vel desidia, causa est & mater omnium delictorum: Sic timor Domini radix est & custos omnium bonorum. Vnde scriptum est. Si non in timore Domini tenueris te instanter, cito subuertetur domus tua. Omne namq; virtutum edificium ilico vergit in præcipitium. si huius gratia amiserit præsidium.

C. A. P.

CAPVT V.

De multiplici fructu Timoris Domini.

TANTAM Spiritualium fructuum copiam suppeditat nobis diuina Scriptura ex pœnu Timoris Domini, vt alieno præsidio non admodum egeamus.

1. sit odium mali. *Timor Domini*, ait Salomon, *odit malum.*

Prou. 8. 13.

2. Depulsio peccati. Ecclesiasticus. *Timor Domini expellit peccatum.*

Eccli. 1. 27.

Vnde Clemens Alexand. *Abstinentiam à malis operatur, qui timet.* Et Amb. *Qui timet Dominum declinat errorem, & ad virtutis semitam vias suas dirigit. Nisi enim quis timuerit Deum non potest renunciare peccato.*

C. 7. Strom.

A. 1. Hex. c. 4.

3. Studium placendi Deo. Ecclesiasticus. *Qui timent Dominum inquirant, quæ bene placita sunt ei.*

Eccli. 1. 29.

4. Conuersio ad vitam meliorem. *Qui timet Deum, conuertetur ad cor suum.* ait sapiens. Et Maias. *À timore tuo concepimus & peperimus spiritum salutis.* Augustinus de catechizandis rudibus *Rarissime accidit, imò vero nunquam, vt quisquam ventat volens fieri Christianus, qui non sit aliquo Dei timore percussus.* Cassianus institutionum libro quarto. *Per timorem Dei, & initium conuersionis, & vitiorum purgatio, & virtutum custodia his qui imbuuntur ad viam perfectionis, acquiritur.*

Eccli. 7.

Isa. 26. iuxta 79.

A. c. 5.

C. ci. 39.

5. initium sapientia & pietatis Ita Iob, Dauid, Salomon & Ecclesiasticus. Vnde Amb. in psalmum 118 sermone 5. *Basis quadam verbi est timor sanctus. Sicut enim simulacrum aliquod in basi statuitur, & tunc maiorem habet gratiam, cum in basi statua fuerit collocata. Standiq; accipit firmitatem: ita verbum Dei, vel rationabile Dei in timore sancto melius statuitur, fortius radicatur, hoc est in pectore timentis Dominum, ne labatur verbum de corde viri, ne veniant volucres, & auferant illud de incuriosi & dissimulantis affectu.*

Iob. 27.

Psal. 110.

Prou. 1.

Eccli. 1. 25.

6. Initium fidei & charitatis. *Timor Dei*, ait Sapiens, *initium dilectionis eius, fidei autem initium agglutinandum est ei.*

Eccli. 25. 16.

7. Causa obseruationis mandatorum Dei, & bonorum operum. *Qui timent Dominum*, ait idem, *custodiunt mandata illius.* Et. *Qui timet Deum, faciet bona.* Vnde S. Augustinus in sententiis. *Ad omne opus bonum amor ducit & timor Dei. Ad omne peccatum ducit amor & timor mundi.*

Eccli. 1. 21.

Eccli. 15. 1.

L. c. 17.

A. 1. 48.

8. Constantia in tentationibus radix. Salomon. *In timore* ait, *fiducia fortitudinis.* Et *Qui timet Dominum nihil trepidabit & non pauebit, quoniam ipse est spes eius.* Lactantius libro 6. de vero cultu *Nemo dubitat,*

Prou. 1. 462.

inquit, quin timidi & imbecilli sit animi, aut dolorem metuere, aut egestatem aut exilium, aut carcerem, aut mortem. quæ omnia quisquis non exhorruerit fortissimus indicatur. Qui autem Deum metuit, illa uniuersa non metuit. Quod probat exemplo Christianorum Martyrum qui solo metu Dei atrocissima passi sunt supplicia. B. Cyrillus in Isaiam. Tenendum, inquit, est animam Dei timore velut muro obsepiam, fortem esse & quodammodo inuictam, & vires eorum, qui manus cum ea conferunt, expugnare.

C. lib. 2. c. 16.

Ps. 10. 2. 17.

Ps. 117. 4.

Luc. 1. 50.

Eccl. 10. 23.

Tob. 4. 23.

Ps. 33. 10.

Ps. 111. 1.

Prov. 10. 17.

Eccl. 1. 40. 27.

Chom. 69.

Ps. 12. 1.

Eccl. 1. 11.

Chom. 28.

Ps. 35.

9. Fautor & misericordia Dei erga timentes Deum, ipsorumque posteros. Misericordia Domini ab aeterno, ait Dauid, & usque in aeternum super timentes eum. B. MARIA apud Lucam. Et misericordia eius a progenie in progenies timentibus eum. Et Sapientis. Semen hominum honorabitur hoc, quod timet Deum. Et Tobias. Multa bona habebimus, si timuerimus Deum.

10. Affluentia bonorum temporalium. Time-te Dominum omnes sancti eius, ait Psalter regius, quoniam non est inopia timentibus eum. Diuites eguerunt & esurierunt, inquirentes autem Dominum, non minuentur omni bono. Et. Beatus vir qui timet Dominum. Potens in terra erit semen eius. Gloria & diuitia in domo eius. Et Salomon. Timor Domini apponet dies, spes autem impiorum peribit. Et Syracides. Non est in timore Domini minoratio, & non est in eo inquirere adiutorium. Timor Domini, sicut paradisus benedictionis. Vnde S. Chrysostomus ad populum. Omnium, inquit Dauid, regem eis reddam propitium, & nihil eis amplius deerit. Dominus enim pascit me, & nihil mihi deerit. Ha magna sunt opes, thesaurus magnus. Si Dei timorem habeamus nihil nobis est opus: si verò non habeamus, esse regnum ipsum possideamus, sumus omnium pauperrimi. Nihil aequale Deum timentis. Timor enim Domini omnia sperat.

II. Verum cordis gaudium. Timor Domini, ait Ecclesiasticus, gloria, & gloriatio, & letitia, & coronæ exultationis. Timor Domini delectabit cor, & dabit letitiam, & gaudium, & longitudinem dierum. Hinc Chrysostomus rursus ad populum. Dei timor stabilis est immotusque, & tantam emittit letitiam, ut nullus nos aliorum sensus malorum capiat. Deum enim, sicut oportet, timens, & in ipso confidens voluptatis radicem lucratus est, & omnem habet letitiæ fontem. Et sicut in mare decidens immensum scintilla exigua facile extinguitur, sic quantacumque Deum timenti illidantur, velut in vastū letitiæ pelagus incidentia extinguuntur & perduntur. Et S. Augustinus in verba Davidis. Iucundetur cor meum, ut timeat nomen tuum. Ergo, inquit, timor in iucunditate est. Et quo iucunditas, si timor? nonne timor amarus solet esse? Erit ergo aliquando iucunditas sine timore, modo iucunditas cum timore. Nondum est enim plena securitas, nec perfecta iucunditas.

Si.

Si nulla iucunditas, deficiamus. Si plena securitas, malè exultamus. Ergo & iucunditatem aspergat, & timorem incutiat, ut de dulcedine iucunditatis perducatur nos ad sedem securitatis. Ideo sic dicit psalmus. Seruite Domino in timore, & exultate ei cum tremore.

12. Fiducia de felici exitu ex hac vita. *In timore Domini esto* ait Sapiens, *tota die, quia habebis spem in nouissimo, & praesolatio tua non auferetur.* Et. *Timenti Dominum bene erit in extremis, & in die defunctionis suae benedicetur.* Ceteri fructus sunt tantum ex Patribus.

13. Custodia innocentiae & castitatis. nam *innocentia custodem* timorem Dei appellat S. Cyprianus epistola ad Donatum. Pro castitate ita scribit S. Basilus. *Nisi timor, ait, instituenda vita nostrae rudimenta iaciat, impossibile fuerit castitatem, sanctimoniamque legitime observari.* Confige, inquit David, timore tuo carnes meas. Nam quemadmodum qui corporis membra habent clavis transfixa ad actionem quamlibet immobilia ea retinent: sic ij, quorum animam occupauit Dei timor, omnem prorsus importunam peccati & obstreperam occasionem vitant. Eodem pertinet quod S. Ephraem in sermone de patientia ait. *Timor Dei, velut gladius anceps est, omnem concupiscentiam prauam excidens.* Et S. Augustinus in verba psalmi. *Confige timore tuo carnes meas.* Tali, inquit, timore carnes crucifiguntur, quando carnales delectationes, quae legis littera vetantur potius, quam vitantur, spiritualium bonorum delectatione vincuntur, & eadem usque ad perfectionem crescente victoria perimuntur.

14. Custodia omnium virtutum. S. Hieron. ad Fabiolam. *Timor virtutum custos est, securitas ad lapsum facilis.* Vnde & quodam psalmo postquam propheta dixerat, *Dominus regit me, & nihil mihi deerit, in loco pascuae ibi me collocauit, iungit timorem, qui custos est beatitudinis, & infert.* Virga tua, & baculus tuus ipsa me consolata sunt, & est sensus. *Dum tormenta formido, seruaui gratiam, quam acceperam.* Idem supra dixit Cassianus & S. Bernardus.

15. Antidotum ad promerendam gratiam, retinendam & recuperandam. Ita S. Bernardus in Cantica. *In veritate, inquit, didici nil aequè efficax esse ad gratiam promerendam, retinendam, recuperandam, quam si omni tempore coram Deo inueniaris non altum sapere, sed timere.* Beatus homo, qui semper est pauidus. Time ergo, cum arriserit gratia: time cum abierit, time cum denuo reuertetur, & hoc est semper pauidum esse. Succedant vicissim sibi in animo tres isti timores, secundum quod gratia vel adesse dignatur, vel offensa recedere, seu iterum placata redire sentietur. Cum adest time, ne non digne opereris ex ea. Nam hoc monet Apostolus. *Videte, inquit, ne in vacuum*

1. Tim. 4. 14.
2. Cor. 15. 10.

gratiam Dei recipiatis. Et ad discipulum, Noli, inquit, negligere gratiam, quæ in te est. Et de semetipso dicebat, quia gratia Dei in me vacua non fuit.

C A P V T V I.

De quibusdam Proprietatibus eius.

Eccl. 7. 19.

PRIMA proprietas est, nihil negligere. Ait enim Ecclesiastes. *Qui timet Deum, nihil negligit, earum nempe rerum, quæ ad dilectionem Dei vel proximi pertinent. Ut enim negligentia mater securitas, ita timor curæ & diligentia. Simile quid habes in Ecclesiastico. In tota animatua, inquit, time Deum, & de negligentia purga tecum paucis. Sensus est. Offer sacrificium in Leuitico pro negligentia imperatum: & si non potes id quod ditiores, saltem offer quod solent pauperiores. Munera enim parua, si ex caritate & humilitate offerantur, æquæ grata Deo esse possunt, ac magna, sicut duo viduæ Euangelicæ ara.*

Et cli. 7. 31. 34.

Mar. 12. 42.

Eccl. 2. 3.

C. 2. Strom.

Pro. 14. 26.

1. Sal. 146. 11.

II. est, lungi cum fide, spe & dilectione ac pietate vera. Vnde Sapiens. *Qui timetis Dominum, inquit, credite illi, & non enacuabitur merces vestra. Qui timetis Dominum sperate in illum. Qui timetis Dominum diligite illum, & illuminabuntur corda vestra.* Et Clemens Alexandrinus. *Fidei nostra coadiutores sunt timor, & tolerantia. Et. Post fidem, timor & spes & pœnitentia ducunt nos ad charitatem.* Deinde probat ex loco Salomonis. *In timore est spes fortitudinis, à timore deduci nos ad pœnitentiam & spem.* Et S. Augustinus exponens illud Dauidicum. *Bene placitum est Domino super timentes eum, & in eis qui sperant super misericordia eius.* Ecce, ait, timuit eum Iudas traditor Christi, sed non speravit in misericordia ipsius: postea enim pœnituit eum, quod tradiderit Christum. Bene quidem timuisti, sed si sperares in misericordia eius quem timuisti; ille desperando abiit, & laqueo se suspendit. Ergo sic time Dominum, ut speres in misericordia eius, placabis enim eum si speres in misericordia eius. Et S. Gregorius in Ezechielem. *Qualis est iste timor, si cum eo pietas non est? Qui enim misereri proximo ignorat, qui compati eius tribulationibus dissimulat; huius timor ante omnipotentis Dei oculos nullus est, quia non subleuatur ad pietatem.* Verum quia B. Iohannes, ut supra monuimus, dixit perfectam caritatem foras mittere timorem, subiicienda est hic alia proprietas.

Greg. hom. 19.

III. ergo proprietas Timoris, maximè seruilis, est introducere in animam charitatem. Nam Scriptura docet non solum esse initium sapi-

sapientiae, quae sane sine caritate non est, sed etiam dilectionis, ut supra probatum est. Et S. Gregorius loco iam citato, cum aliis Patribus docet Isaiam Prophetam, cum vaticinatur de 7. donis Spiritus sancti in Christum dilapsis, ideo à summo descendere ad infimum spiritum timoris Domini, ut nos discamus à timore Domini sensim ascendere ad summum sapientiae & caritatis. Quomodo autem timor seruilis, inducat caritatem exponit S. Augustinus in psalmum 127. *Alius, inquit, non in hac terra pati timet, (timore seruili,) sed gehennam timet. Unde terruit & Dominus. Audistis cum Euangelium legeretur. Vbi vermis eorum non moritur, & ignis eorum non extinguitur. Audiunt haec homines, & quia verè futura sunt impijs, timent, & continent se à peccato. Timent quidem, sed non amant iustitiam. Cum autem per timorem continent se à peccato, fit consuetudo iustitiae, & incipit quod durum erat amari, & dulcescit Deus, & iam incipit homo iuste vivere, propterea non quia timet poenas, sed quia amat aeternitatem. Exclusus est ergo timor (seruilis) à charitate, sed succedit timor castus. Quis est iste timor castus? Secundum quem debemus fratres mei intelligere, quod dictum est. Beati omnes qui timent Dominum, qui ambulant in viis eius. Et tractatu 9. in epistolam Ioannis. Timor, inquit, quasi locum preparat charitati. Cum autem cederit charitas habitare, pellitur timor qui ei preparauit locum; quantum enim illa crescit, ille decrescit, & quantum illa fit interior, timor pellitur foras. Maior charitas, minor timor, minor charitas maior timor. Si autem nullus timor, non est qua intret charitas. Sicut videmus per setam introduci linum quando aliquid sinitur, seta prius intrat, sed nisi exeat, non succedit linum: sic timor primo occupat mentem, non autem ibi remanet timor, quia ideo intrauit ut introduceret charitatem. Iam facta securitate in animo, quale gaudium nobis est, vel in hoc, vel in futuro seculo? Et in hoc seculo, quis nobis nocebit plenis charitate? Quis nos, inquit, separabit à charitate Christi?*

Ecclesi. 27. 16.
VI. Fructus
Isa. 11. 2.

Isa. 66. 24.

Ps. 127. 1.

Rom. 8. 35.

IV. Proprietas est filialis vel casti timoris, ut permaneat in aeternum, iuxta illud regii psaltis. *Timor Domini sanctus permanens in seculum seculi.* Cuius loci geminam intelligentiam tradit S. Augustinus libro 14. de ciuitate Dei. *Timor, inquit, ille castus permanens in seculum seculi, fieri & in futuro seculo: (nam quo alio modo potest intelligi permanere in seculum seculi) non est timor exterrrens à malo, quod accidere potest, sed tenens in bono quod amitti non potest. Vbi enim boni adepti amor immutabilis est, profecto si dici potest mali cauendi timor securus est. Timoris quippe casti nomine ea voluntas significata est, qua nos necesse erit nolle peccare, & non solitudine in se.*

Psal. 118. 167.

A. c. 9.

in se.

Psal. 9. 29.

infirmis ne forte peccemus, sed tranquillitate charitatis cauere peccatum. Aut si nullius omnino generis timor esse poterit in illa certissima securitate perpetuorum felicitumq; gaudiorum, sic dictum est, Timor Domini castus permanens in seculum seculi, quemadmodum dictum est. Patientia pauperum non peribit in aeternum. Neq; enim aeterna erit ipsa patientia, quae necessaria non est, nisi ubi toleranda sunt mala: sed aeternum erit, quo per patientiam peruenitur. Ita fortasse timor castus in seculum seculi dictus est permanere, quia id permanebit, quo timor ipse perducit.

Iob. 26. 11.
G. c. 15.

1. Cor. 13. 8.

C. c. 17.

VERVM prior commentarius antefendus est posteriori, utpote verbis psalmistae, Patribusq; & Ecclesiastico dogmati magis consentaneus. Ait siquidem Iob. Columnae caeli contremiscunt & pauent ad nutum eius. In quae verba B. Gregorius in 17. moralium. Ipsae, inquit, virtutes caelestium, quae Deum sine cessatione conspiciunt, in ipsa contemplatione contremiscunt. Deinde Apostolus in prima ad Corinthios, ait charitatem nunquam excidere, at timor castus oritur ex charitate, eaq; crescente augetur. Adhuc in Canonis Missae Praefatione ipsae angelicae potestates dicuntur Deum tremere. Deniq; S. Bernardus epistola 190. inter errores Petri Abailardi numerat, quod senserit, non futurum timorem in altera vita. Est autem timor castus in beatis, non angentis timoris, ut est in hac vita, sed admirationis, ut loco citato ait B. Gregorius. caelites enim admirantes diuinam excellentiam & maiestatem tanto affectu ei adherent ut etiam reformident non actualem, sed possibilem separationem, qualis absolute fieri posset, spectata ratione naturae. Lege Cassianum collatione 11. pulchre exponentem quomodo in caelis timor castus cum amore consistat.

CAPVT VII.

*Quibus medijs ad Timorem Domini perueniatur.*B. ferm. 36.
& 37.

PRIMUM medium est Cognitio sui, quod tradit S. Bernardus in Cantica his verbis. Volo, inquit, animam primum scire seipsam, quod id postulet ratio & utilitatis & ordinis. Et ordinis quia quod nos sumus primum est nobis: utilitatis vero quia talis scientia, non inflat, sed humiliat. Nam quomodo non verè humiliabitur in hac vera cognitione sui, cum se perceperit oneratam peccatis, mole huius mortalis corporis aggrauatam, carnalium desideriorum face infectam, caecam, curuam, implicitam multis erroribus, expositam mille periculis, &c. Tali itaque ordine salubriter innotescit Deus, cum prius se homo nouerit

nouerit in necessitate possum, & clamabit ad Dominum, & exaudiet eum. Sed iam de-
mum aduerte quomodo utraque cognitio (Dei, & tui) sit tibi necessaria ad salutem.
Nam si ignoras te, non habebis timorem Dei in te, non humilitatem. An vero sine ti-
more Dei, & sine humilitate de salute presumas, tu videris. Et paulo post. Ergo tene-
ris memoria, nemine absque sui cognitione saluari, de qua nimirum mater salutis humi-
litas oritur, & timor Domini, qui & ipse sicut initium sapientie est, ita & salutis. No-
ueris proinde te ut Deum timeas, noveris ipsum ut a quo ipsum diligas. In altero initia-
ris ad sapientiam, in altero & consummaris, quia initium sapientie timor Domini est, &
plenitudo legis est charitas. Tam ergo utraque ignorantia cauenda est tibi, quam sine ti-
more Dei salus esse non potest.

Ser. 14.

II. est Meditatio nouissimorum, maximè iudicii, & inferni, quod
tradit S. EPHRAEM in sermone de patientia. Semper mente, inquit, timo-
rem Dei sumito, memor semper nouissimi atque tremendi illius diei, quando cæli
ardore ignis soluentur, & terra cum omnibus operibus, quæ in ea sunt, comburetur.
Quando astra tanquam folia decident, Sol & Luna tenebris obscurabuntur, neque da-
bunt lumen suum. Quando apparebit filius Dei, & de cælis in terram descendet, cælorum-
que virtutes commouebuntur: quando angelorum discursiones, vocesque tubarum su-
peruenient: ignis in conspectu eius ardens atque comburens totum orbem. In circuitu
eius tempestates maximæ, terraque motus horribiles ac fulgura, qualia nunquam eue-
nerunt, ut vel ipsæ virtutes cælorum tremore magno corripiantur. Et S. Basilus. Si
quando senseris te ad aliquod ceteri peccatum, in mentem renoca nulli moralium tolerabi-
le Christi iudicium, in quo quidem praesidet iudex in sublimi throno, astitit porro omnis
creatura ad eius aduentum contremiscens. Eo singuli sistuntur examinandi de his, quæ
gesserint in viuis. Eos autem, qui multa perperam in vita admiserunt, horrendi quidam
circumstant angeli ignem expirantes, & vultum nocti similem praferentes, pro homi-
num mærore atque odio. Deinde conspicient baratrum in imum patens, tenebras imper-
meabiles quidem illas, ignemque obscurum, causticas quidē vires habentem, luce verò de-
stitutum. Inde vermes innumerabiles venenosos, & carniuoros, semper esitantes, nun-
quam saturos & intolerabiles dolores morsu infligentes. Postremo omnium durissimam
pœnam, probrum illud & confusionem sempiternam. Hæc tu time, & eiusmodi timore
eruditus quasi freno quopiam animam tuam ad vitiosam concupiscentiam procliuem
cohibe.

B. in Psal. 31.

III. Operam dare, ut Timor Dei sit secundum scientiam, hoc est
discretionem & prudentiam conditus. Nisi enim secundum scientiam sit, ait S. Am-
brosius in 118. psalm. nihil prodest, imo obest plurimum. Siquidem Iudei habent ze-
lum Dei sed quia non habent secundum scientiam, in ipso zelo & timore maiorem contra-
hant diuinitatis offensam. Quod circumcidunt infantulos suos, quod Sabbatha custo-
diunt, timorem Dei habent, sed quia nesciunt legem spiritalem esse, circumcidunt corpus.
non cor suum. Ignem sabbatho adolere formidant, cum lex sanctificationis die libidinum
ignem prohibeat accendi. Et quid de Iudeis dico. Sunt etiam in nobis, qui habent timo-
rem

A. serm. 5.

Mat. 3.

Prou. 2.5.

Phil. 2.13.

1. Cor. 9.

Psal. 1.1.

re Dei, sed non secundum scientiam statuente duriora precepta: quae non possint humana conditio sustinere. Timor in eo est, quia videntur sibi consulere disciplinam, opus virtutis exigere: sed inscitia in eo est, quia non compatiuntur naturae, non estimant possibilitatem. Non sit ergo irrationalis timor. Etenim vera sapientia à timore Dei incipit, nec est sapientia spiritalis sine timore Dei, ita timor Dei sine sapientia esse non debet. Et infra. Lege Isaiam. Vide quantis subiecit timorem, ut faceret irreprehensibilem et bonum timorem. Spiritus, inquit, sapientiae et intellectus, spiritus consilii atque virtutis, spiritus cognitionis atque pietatis, spiritus sancti timoris. Quantis timorem subiecit, ut haberet quod sequi possit? informatur per sapientiam, instruitur per intellectum, consilio dirigitur, virtute firmatur, cognitione regitur, pietate decoratur. Tolle Timori Domini ista, & est irrationalis et insipiens timor. Nec otiosum est in Proverbiis. Tunc intelliges timorem Domini, quid est, tunc? cum sapientiam invocaueris, & prudentia deederis vocem tuam, et si quae fieris illam ut pecuniam, et ut thesauros scrutatus fueris eam, tunc intelliges timorem Domini.

IV. Medium, Deum semper habere praeculis. Ita consulit Chrysostomus octava in epistolam ad Philipenses, cum tractat verba Apostoli. Cum timore et tremore vestram salutem operamini. Deus est enim qui operatur in vobis. Talem timorem ait, habebat Paulus, quapropter et dixit. Metuo, ne quo pacto cum aliis predicaverim, ipse reprobus efficiar. Si enim temporalia sine timore comparari et disponi nequeunt, quanto minus spiritalia. Dic enim mihi, quis litteras absque timore didicit? Quis artes cuiusquam peritus factus est absque timore? Quomodo vero comparabitur iste timor? Si cogitauerimus Deum ubique praesentem esse, omnia audire, omnia videre, non solum quae opere fiunt, et quae dicuntur, sed et quae in corde sunt omnia, et quae in profundo sunt animi: iudex enim est cogitationum et consiliorum cordis. Si ita nos ipsos disposuerimus, nihil mali faciemus, nihil mali dicemus, nihil mali cogitabimus. Dic mihi, si tibi semper proxime principem standum esset, non cum timore astitares? Quando comedis, cogita praesentem esse Deum, adest enim. Quando dormiturus es, quando irasceris, quando rapis, quando delicias, et quicquid tandem feceris, cogita adesse Deum, & nunquam in risum incides, nunquam ad iram accenderis. Artifex, etiamsi peritus sit, cum timore tamen et tremore stat metuens ne ab edificio decidat. Et tu credidisti, multa bona patraisti, in sublime ascendisti, caute te ipsum contine, oculumque vigilantem habere ne inde decidas. Sunt enim multae nequitiae spirituales, quae te deicere conantur. Servite Domino, cum timore, et exultate ei cum tremore.

VIDE V. Charitas in Deum. Cogitatio praesentiae Dei. Dissidentia sui. Humilitas. Poenitentia. Profectus spiritalis. Sapientia. Virtus. Et in PANARIO V. Conscientia scrupulosa. Mors metus. Timor humanus.

VERE.

V.

VERECUNDIA.

CAPUT I.

Quid sit Verecundia & quotuplex.

VERECUNDIA proprie virtus non est, teste B. Ioan. Dama-
sceno. B. Thoma Aquinate & Philosopho, sed affectus qui. S. Th. 2. 2. q. 144. a. 1.
dam & passio, eo quod similior sit affectui, quam habitui. Da-
masceus ita definit libro 2. de fide orthodoxa. *Verecundia* Arist. 4. Eth. 9. Dam. c. 15.
est passio timoris de turpi actu, cum qua conuenit illa Aristotelis. Est timor dede-
coris vel infamiae, siue vera, siue exstimate. A pudore differt in hoc, auctore
Donato, quod verecundia ingenuitatis cuiusdam sit & modestiae, vnde &
in laude ponitur. Pudor vero animi sibi male consciu ob scelus aliquod
perpetratum Nos pro eodem vsurpabimus.

TAM laudatus autem affectus est verecundia, vt apud S. Patres no-
men virtutis meruerit. *Pulchra igitur virtus verecundia*, inquit B. Ambrosius Arist. 2. Eth. c. 7. A. c. 18.
libro primo de officiis, & *suauis gratia, quae non solum in factis, sed etiam in ipsis*
spectatur sermonibus. Et S. Bernardus in Cantica. Porro verecundiam intellige, tan-
quam colorem in facie, quod hac potissimum virtus & venustatem ingerat, & augeat Bern. serm. 46.
gratiam. Nec hanc nomenclaturam B. Thomas omnino ei detrahit, nam
ait. *Communiter dicitur virtus, omne quod est bonum & laudabile in humanis actibus* S. Th. 1. c. 16.
vel passionibus: & secundum hoc quandoque verecundia dicitur virtus, cum sit qua-
dam laudabilis passio.

BIPARTITA autem ipsa S. scriptura facit Verecundiam vel pu-
dorem; honestum & vitiosum: honestum qui est de malo, quo pu-
det aliquem perpetrati mali, vitiosum vero, qui est de bono, quo
q. iempliam pudet operis boni. Pro anima tua, inquit, Ecclesiasticus, non
confundaris dicere verum. *Est enim confusio adducens peccatum, & est confusio ad-* Ecc. 4. 24. G. hom. 19.
ducens gloriam & gratiam. Vnde B. Gregorius, in Ezechielem. Sicut verecun-
dia laudabilis est in malo, ita reprehensibilis est in bono. Erubescere enim malum
sapientiae est, bonum verb. erubescere fatuitatis. Vnde scriptum est. *Est confusio*
adducens peccatum, & est confusio adducens gloriam. Qui enim erubescit poeniten-
do mala quae fecit, ad vitam libertatem peruenit. Qui verò erubescit bona facere, à statu Luc. 9. 26.
rectitudinis cadit, atque ad damnationem tendit, siue per redemptorem dicitur

Oooo 2

Qui

B. ep. 185.

Rt. 50. 6.

Eccl. 4. 24.

Qui me erubuerit, & meos sermones, hunc filius hominis erubescet, cum venerit in maiestate sua. Et S. Bernardus in epistola ad Eustachium pseudo episcopum. O verecundia expers rationis, inimica salutis, totius ignara honoris & honestatis. Haec plane illa, quam Sapiens loquitur, confusio adducens peccatum. Itane verecundum est homini vincta Deo, & probro ducitur humiliari sub potenti manu altissimi? Non ita rex ille gloriosus David. Tibi soli, inquit, peccavi, & malum coram te feci, ut iustificeris in sermonibus tuis, & vincas cum iudicaris. Summum victoriae genus divina cedere maiestati, & auctoritati matris Ecclesiae non reluctari, summus honor & gloria. O peruersitas, non pudet inquinari, & abluuii pudet? Est Pudor iuxta sapientem adducens gloriam, si vi licet peccare pudeat. De hoc noxio pudore, plura vide in nostro PANARIO V. Pudor noxius.

CAPUT II.

De Verecundia laudata proprietatibus.

A. 1. off. c. 17.
Ib. c. 19.

B. serm. 86.

A. 4. eth. 9.

B. ep. 11.

A. 1. off.
Gen. 18. 2.

PRIMA Proprietas est, quod deceat maximè iuuenilem aetatem. *Verecundia*, inquit S. Ambrosius, in senibus grauitas, in iuuenibus alacritas, ita in adolescentibus verecundia velut quadam dote commendatur naturae. Et iterum. Verecundia cum sit omnibus aetatibus personis, temporibus & locis apta, tamen adolescentes, iuuenilesque annos maximè decet. Et B. Bernardus in Cantica. Hanc verecundiam, inquit, libet quasi speciosum florem decerpere, nostris que apponere adolescentibus: non quia non sit, & in prouectiori aetate omni studio retinenda, quae est certe omnium ornatu aetatum, sed quod tenera gratia verecundiae in teneriori aetate amplius pulchriusque eniteat. Et Philosophus in quarto de moribus. Non ad quamvis aetatem affectus verecundiae, sed ad iuuenilem accommodatur. Censemus enim eos, qui huius aetatis sunt verecundos esse oportere: ut cum non sine perturbatione viuant, multumque ob hoc peccent, à verecundia prohibeantur delinquere. Atque laudamus quidem iuuenes verecundos, sed seniores nemo ideo laudat, quia censemus eos nihil eorum agere, unde verecundia emergere solet. Deinde Seneca ad Lucilium. Locutus est mecum amicus tuus bonae indolis. Vbi se collegit, verecundiam (bonum in adolescente signum) vix potuit excutere; adeo illi ex alto suffusus est rubor. Et paulo post. Inter haec & ruborem esse scio, qui grauissimis quoque viris, subitus offunditur. Magis quidem in iuuenibus apparet, quibus & plus caloris est, & tenera frons: nihilominus veteranos & senes tangit. Nihil erat mollius ore Pompeii: nunquam non coram pluribus erubuit. Nam & quidam boni sanguinis sunt, ita quidam incitati & mobilis, & cito in os prodentis. Nihil horum vitari potest, non magis quam accersiri.

II. est, quod mulieres quantumvis aetate affectas plus deceat quam viros. Vnde B. Amb. l. i. de Abrahā, expendens dictū angeli. Vbi est Sara uxor tua? Qui resp. & dixit. Ecce in tabernaculo est. Nūq̃d ait, ignorabat Dominus, q̃ in posteriorib.

Sola.

VERECUNDIA

659

Sodomorum futura excidia denunciat, ubi Sara esset? Sed docere nos voluit, quantum pudor esse debeat feminarum, ne procaci occursum hospitum in se oculos in flectant, sed salva verecundia ministerium suum exerceant. Vnde & S. Paulus de coniugatis feminis Scribens. Volo, inquit, viros orare in omni loco. Similiter & mulieres in habitu ornato, cum verecundia & sobrietate ornantes se. Inter feminas autem dicta virtus maxime decet Virgines. Virginitatis enim dos quadam, ait Ambrosius de institutione Virginis, est Verecundia, quae commendatur silentio. Refert Stobaeus, Demadis celebrari apophthegma verecundiam in muliere pulchritudinis arcem obtinere.

1. Tim. 2. 8.

A. c. 1.

S. serm. 72.

III. Est, quod natura ipsa sit magistra verecundiae. Hac ipsa natura, inquit idem S. Ambrosius, nos docet quae perfecte quidem omnes partes corporis nostri explicavit, ut & necessitati consuleret, & gratiam venustaret. Sed tamen eas, quae decora aspectu forent, in quibus forma apex quasi in arce quadam locatus, & figura suavitatis, & vultus species emineret, operandique, usus esset paratior, obuias atque apertas reliquit: eas vero, in quibus esset naturalis obsequium necessitatis, ne deforme sui praeberent spectaculum, partim tanquam in ipso amandavit atque abscondit corpore, partim docuit & suavitatis tegendas. Nonne igitur ipsa natura est magistra verecundiae? Ergo natura opifex sic nostra studuit verecundiae, sic decorum illud & honestum in nostro custodivit corpore, ut velut ductus quosdam aquae, exitus cuniculorum nostrorum post tergum relegaret, atque ab aspectu nostro auerteret, ne purgatio ventris visum oculorum offenderet. De quo pulchre Apostolus ait. Quae videntur, inquit, membra corporis infirmiora, necessaria sunt. Et quae putamus ignobiliora esse membra corporis his abundantiorum honorem circumdamus, & quae inhonesta sunt nostra, abundantiorum honestatem habent. Etenim imitatione naturae industria auxit gratiam.

A. 1. off. c. 18.

1. Cor. 12. 22.

IV. Prima Sedes Verecundiae est in fronte, unde effrontes, & perfri- care frontem, dicuntur, qui omnem pudorem deposuerunt. Ita S. Augustinus de Verbis Apostoli. In fronte illam (crucem) figat, ubi sedes pudoris est, ibi omnino, ibi, in quo membro erubescitur. S. Ambrosius de obitu Valentini Imperatoris ponit eam in genis. Ista, inquit, genae sunt, in quibus solet nitere verecundia, pulchritudo fulgere, in quibus aut flos iuuentutis, aut perfecta aetatis insigne est. In iisdem locat S. Bernardus, exponens verba illa in Canticis Salomoni. Pulchrae sunt genae tuae sicut turturis. Atque de gentilibus Plinius naturalis historiae libro 11. Pudoris, inquiens, in malis sedes.

A. serm. 8.

A. in orat.

Cant. 1.

B. serm. 40.

Psalm. c. 37.

V. Est quoque seruanda verecundia in voce, in modo loquendi & canendi. Verecundia, inquit Ambrosius, non solum in factis, sed etiam in ipsis spectatur sermonibus, ne modum progrediatis loquendi, ne quid indecorum sermo resonet tuus. Speculum enim mentis plerumque in verbis refulget. Ipsum vocis sonum libet modestia recususquam offendant aurem vox fortior. Denique in ipso canendi genere prima disciplina verecundia est, imò etiam in omni usu loquendi, ut sensim quis aut psallere, aut canere, aut postremo loqui incipiat, ut verecunda principia commendent processum.

A. 1. off. c. 17.

Ib. c. 19.

Silentium quoque ipsum, in quo est reliquarum virtutum otium, maximus actus verecundiae est. Denique si aut infantiae putatur, aut superbia, probro datur: si verecundiae laudi ducitur. Et infra. Vox ipsa non remissa, non fracta, nihil semineum sonans, qualem multi gravitatis specie simulare consueverunt, sed formam quandam et regulam ac succum virilem reservans. Hoc est enim pulchritudinem vivendi tenere, convenientiam cuique sexui et personae reddere. Hic ordo gestorum optimus, hic ornatus ad omnem actionem accommodus. Sed ut molliculum et infractum, aut vocis sonum, aut gestum corporis non probro, ita neque agrestem ac rusticum. Naturam imitemur. Eius effigies, formula disciplina, forma honestatis est.

A. ib. c. 18.

VI. Est et in oculis verecundia, ait idem, ut nec videre viros femina nec videri velit. Hi: (pudor) in ipso cognitionis ingressu Domini matrem commendat legentibus, et tanquam testis locuples, dignam quae ad tale munus eligeretur, astruit, quod in cubiculo, quod sola quod salutata ab angelo tacet, et mora est introitus eius, quod ad virilis sexus speciem peregrinam turbatur aspectus Virginis. Itaque quamvis esset humilis, pro verecundia tamen non salutavit, nec ullum responsum retulit, nisi ubi de suscipienda Domini generatione cognovit. ut qualitatem effectus disceret, non ut sermonem refelleret.

Luc. 1. 28.

Ibid.

Luc. 18. 14.

VII. In ipsa quoque oratione, pergit Auctor, nostra multam verecundia placet, multum conciliat gratia apud Deum nostrum. Nonne haec praetulit publicanum, et commendavit eum, qui nec oculos audebat ad caelum levare? Ideo iustificatur magis Domini iudicio, quam ille phariseus, quem deformavit presumptio. Ideoque oremus in incorruptione quieti et modesti spiritus, qui est ante Deum locuples ut ait Petrus. Dives est modestia, quia portio Dei est. Paulus quoque orationem deferri precepit cum verecundia et sobrietate. Primam hanc et quasi praeuiam vult esse orationis futura, ut non gloriatur peccatoris oratio, sed quasi colore pudoris obducta, quo plus defert verecundiae de recordatione delicti, eo ubertorem mereatur gratiam.

1. Petr. 3. 4.

1. Tim. 2. 9.

Ibid.

VIII. Est etiam, ait idem Pater sanctus, in ipso motu gestu, incessu tenenda verecundia. Habitus enim mentis in corporis statu cernitur. Hinc homo cordis nostri absconditus, aut lenior, aut iactantior aut turbidior, aut contra grauior et constantior, et purior, et maturior aestimatur. Itaque vox quaedam animi est corporis motus. Meministi filii quendam amicum, cum sedulis se videretur commendare officiis, hoc solo tamen in clerum a me non receptum, quod gestus eius plurimum dedeceret. Alterum quod cum in clero reperissem, iussisse me, ne unquam praeteret mihi, quia velut quodam insolentis incessus verberare oculos feriret meos. Illi dixi, cum redderetur post offensam muneri; Hoc solum excepi. Nec fefellit sententia. Vterque enim ab Ecclesia recessit, ut qualis incessu prodebat, talis perfidia animi demonstraretur. Namque alter Ariana infestationis tempore fidem deseruit, alter pecuniae studio, ne iudicium subiret, Sacerdotem se non fuisse negavit. Lucebat in illorum incessu imago leuitatis, species quaedam scurrarum percur-

ercurantium. Motum natura in forma. Si quid sane in natura vitii est, industria commendat: ut ars desit, non desit correctio.

IX. Cauendum est, addit idem, multo magis ne quid turpe ore exeat: *Ibid.* hoc enim grauius coinquinat hominem. Non enim cibus inquinat hominem, sed iniusta obrectatio, sed verborum obscenitas. Hæc etiam vulgo pudori sunt. In nostro vero officio, nullum verbum quod inhoneste cadat, non incuriat verecundiam. Et non solum nihil ipsi indecorum loqui, sed ne aurem quidem debemus huiusmodi præbere dictis; sicut Ioseph ne incongrua sua audiret verecundia, veste fugit relicta; quoniam quem delectat audire, alterum loqui prouocat. Intelligere quoque quod turpe sit, pudori maximo est. *Gen. 39. 12.* Spectare vero, si quid huiusmodi fortuito accidat, quanti horroris est? Quod ergo in aliis displicet nunquid potest in seipso placere?

X. Proprietas est, ut verecundus sit vestitus, de quo noster morum *Ib. c. 19.* magister non tacuit. Ut artifex in materia commodiore, inquit, melius operari solet, sic verecundia in ipso quoque corporis decore plus eminet: ita tamen ut etiam ipse non sit affectatus decor corporis, sed naturalis, simplex, neglectus magis, quam expetitus, non pretiosis et albensibus adiutus vestimentis, sed communibus, ut honestati vel necessitati nihil desit, nihil accedat nitore.

XI. est Amare secretum, ut notauit S. Bernardus in Cantica sermone extremo ante mortem in Cantica conscripto. Exponens enim verba *B. ser. 86. Cant. 3. 1.* illa. In lectulo meo per noctes quæsiui, quem diligit anima mea. Verecundia tibi, ait, si aduertis, et loco signatur et tempore. Quid tam amicum verecundo animo, quam Secretam? Porro secretum et nox et lectulus habet. Denique orare volentes iubemur intrare cubiculum, utique Secreti gratia. Il quidem ad cautelam, ne coram orantibus laus humana orationis fureretur fructum, frustretur effectum. Sed doceris nihilominus, addit, verecundiam sententia hac. Quid tam propriam verecundia, quam proprias vitare laudes, vitare iactantiam? Eodem collineant, quæ sermone 40. de Sponsa verecunda solitudinem cum turture amante conscribit. O sancta anima, inquit, sola esto, ut soli omnium serues teipsam, quem ex omnibus tibi elegisti. An nescis verecundum te habere Sponsum, et qui nequaquam suam velit tibi indulgere presentiam presentibus cæteris?

XII. Et postrema sit primo loco verecundari seipsum. Quam multi Sapientum apud Ethnicos tradiderunt, imprimis Pythagoras his verbis.

Πρόξεις δ' αἰσχρὸν ποτε, μήτε, μήτ' ἄλλω,
Μήτ' ἰδίῃ πάντων δὲ μάλιστα αἰσχροῦ σαυτοῦ.

Facies autem turpe nunquam nihil, neque cum alio,
Neque solus: omnium autem maxime verecundare teipsum.

Luc. 4.

S. fer. 2. de 36.

LAERTIUS quoque libro 5. de Philosophorum vitis scribit Demetrium Phaleræum solitum monere adolescentes, ut domi parentes, in via obuios, in solitudine seipsum reuererentur, sic enim fore ut facile à peccato deterreantur. Stobæus in sermonibus suis Democrito præclaram hanc tribuit gnomen. *Malum, etiam si solus fueris, neque dixeris, neque feceris. Disce autem te ipsum multo magis, quam alios reuereri.* Et Theophrasto. *Reuerere te ipsum, et non erubescas coram aliis.* Et Musonio. *Verecundia apud cunctos dignus habebis, si primum te ipsum vereri inciperis.* Patres præci hanc proprietatem maximè exigunt à Virginibus. *Vera et tota et pura Virginitas*, ait Tertullian. in libro de uelando Virginibus, *nil magis timet, quam semetipsam.* Et S. Basil. de vera uirginitate. *Virgo sola quoque nullo hominum teste, nil, quod Sponso suo indignum sit, agere ullaratione patietur. Et si enim adsit ne mo, ipsa tamen sibi Virgo adest, debetque præ omnibus seipsam reuereri, suamque conscientiam.*

CAPUT III.

De præstantia & effectis Verecundiæ.

Eccl. 4. 26.

Heb. 12. 3.

Phil. 1. 9.

Luc. 9. 16.

A. C. 18.

PRÆSTANTIAM, Salutaremque Verecundiæ fructum Sapiens imprimis in superiori gemini pudoris discrimine patefecit, cum dixit vitiosum parare viam ad peccatum, laudatum verò ad gratiam & gloriam, *Est*, inquit, *confusio adducens gratiam & gloriam*, qualem gloriam consecuti sunt omnes Martyres, eorumque Princeps Christus, de quo Apostolus ad Hebræos scripsit, *quod proposito sibi gaudio sustinuit crucem, confusione contempta, atque in dextra sedis Dei sedet.* Et ad Philipenses, cum dixisset eum humiliasse se usque ad mortem crucis, qua nihil ad pudefaciendum & confundendum excogitari potuit ignominiosius, mox subiecit de gloria ex confusione secuta. *Propter quod & Deus exaltauit illum, & donauit illi nomen, quod est super omnem nomen.* Deinde ipse Christus Dominus apud B. Lucam ait, *Qui me erubuerit, & meos sermones, hunc filius hominis erubescet, cum venerit in maiestate sua, & Patris & Sanctorum angelorum.* Vnde à contrario sensu sequitur, *Qui verò meos sermones non erubuerit, sed sermones Tyrannorum cogentium ad idolatriam, hunc filius hominis non pudore, sed honore & gloria afficiet, cum venerit in maiestate sua, & Patris & Sanctorum angelorum.*

EASDEM verecundiæ laudes profecuti sunt & S. Patres. S. Ambrosius libro primo de Officiis. *Est*, inquit, *verecundia pudicitiae comes, cuius societate castitas ipsa tutior est. Bonus enim regenda castitatis pudor est comes, qui si se prætendat ad ea quæ prima pericula sunt, pudicitiam temerari non sinat. Magna modestia*

modestia, quæ cum sit etiam sui iuris remissior, nihil sibi vsu pans, nihil vindicans, & quodammodo intra vires suas contractior, diues est apud Deum, apud quem nemo diues. *Ibi c. 43.* Diues est modestia, quia portio DEI est. Et infra. Ordo quidam vitæ nobis tenendus est, ut à verecundia prima quadam fundamenta ducantur, quæ socia ac familiaris est mentis placiditati, proteruita fugitans, ab omni aliena luxu, sobrietatem diligit, honestatem fouet, decorum illud requirit. Et libro 2. de Cain & Abel. Cain dicitur. Pccasti? quiesce. *Id. c. 7.* Omnia docet Deus: primum ne pecces, ut in Adam monuit: Secundo, si peccaueris, quiescas, ut in Cain docens. Erubescere enim debemus, & condemnare peccatum, non defendere: quoniam pulore culpa minuitur, defensione cumularur. Sit saltem verecundia, ubi non est absolutio. Inde illud. Iustus in exordio sermonis accusator est sui. Et iterum ab ipso Domino alibi dictum est. Dic iniquitates tuas, ut iustificeris. *Pro. 18. 17.* Quanta puloris gratia, ut iustitiam teneat verecundia, quam culpa reatus abstulerit. *Isa. 43. 26. lux- ta 70.* Deinde S. Bernardus in Cantica. Quid amabilius verecundo adolescente? quam pulchra hæc, & quam splendida gemma morum in vitæ & vultu adolescentis, quam vera & minimè dubia bonæ nuncia spei, bonæ indolis index? Virga disciplina est illi, qui pudendis aspectibus imminens lubrica ætatis motus, actusq; leues coerceat, comprimat insolentes. Quid ita turpiloqui, & omnis deinceps turpitudinis fugitans? soror continentie est. Nullum æquè manifestum indicium columbina simplicitatis, & ideo etiam testis innocentie. Lampas est pudica mentis ingiter lucens, ut nil in ea turpe vel indecorum residere attentet, quod non illa illico prodat. Ita expunctorix malorum, & propugnatrix puritatis innata specialis glæria conscientie, & famæ custos, vitæ decus, virtutis sedes, virtutum primitiæ, nature laus, & insigne totius honesti. Rubor ipse genarum, quem forte inuexerit pudor, quantum gratia & decoris suffuso afferre vultui solet? *Ioan. 1. 20.* Vsq; adeo genuinum aut ni bonum verecundia est, ut & qui male agere non verentur videri tamen verecundentur, dicente Domino. Omnis qui malè agit, odit lucem.

Eodem pertinet quod S. Gregorius Nazianzenus in oratione aduersus mulieres, DE VM inducit loquentem, cum tanta inter homines ut fama fert, esset perturbatio, ut optimi à sceleratissimis nullo modo internosci possent. Haudquaquam, inquit DEVS, æquum est bonos ac malos eadem gloria frui, scilicet enim vitium in dies augetur. Quocirca præclarum signum ipsis imponam, quo perspicuè cognosci queat, quis bonus, quis malus sit. Hac oratione habita, ait Nazianzenus, bonorum quidem genas rubore tinxit, suffuso scilicet pelli sanguine, quoties turpitudine aliqua animum adoriri pararet. Quem etiam ipsum mulieribus, quia & ra iericate, & molli pectore sunt, vberius in fudit. At verò malis sanguinem condensauit, immotumq; intus tenuit: eoq; efficitur, ut ad nullam turpitudinem erubescant. Idem in oratione de moderatione in disputatione seruanda, ait, nullum maius adiu mentum ad virtutem excogitari posse verecundie lege.

NON absimilia sunt quæ celebres apud Ethnicos Philosophi, de verecundia prodiderunt. SOCRATES teste Maximo, hortabatur iuuenes, ut tria haberent. In animo prudentiam, in lingua silentium, in vultu vere-

L. in vitis.

P. in apoph.

C. 1. offic.

S. ep. 25.

cundiam. Diogenes, auctore Laertio, videns adolescentulum inhoneste dicto erubescens. *Confide*, inquit, *filii*, huc virtutis color est. Pythias Aristotelis F. interrogata, quis color esset pulcherrimus? teste Stobæo, respondit, qui per verecundiam ingenuis oboritur. M. Cato, ut refert Plutarchus, aiebat sibi magis placere iuvenes qui erubescerent, quam qui pallescerent, quod rubor arguat probam indolem, pallor non item. M. Tullius scribit de Officiis, sine verecundia nihil rectum, nihil honestum esse posse. Et in Partitionibus Oratoriis, Verecundiam esse virtutum omnium custodem, dedecus fugientem & laudem maximam consequentem. Et 2. de Finibus cupiditatis moderatorem esse pudorem. Seneca quoque ad Lucilium, monet nutriendum adolescentis pudorem, qui quamdiu in animo eius duraverit, aliquis, inquit, erit bonæ spei locus.

CAPUT IV.

Media ad complectendam fouendamque Verecundiam.

Gen. 9. 22.

A. c. 37.

Id. c. 18.

Exo. 28. 42.

Heb. 11. 2. p.
A. serm. 8.

P R I M U M Medium esto. Considerare exempla eorum, qui hac virtute excelluerunt, cuiusmodi multa exstant in solis diuinis Scripturis. 1. sit Sem & Iaphet, qui ut cognouerunt parentem in tabernaculo iacere nudatum, vultu auerso post terga nuditatem eius contexerunt, unde & magnæ benedictionis beneficium promeruerunt. Quod exemplum perpendens S. Ambrosius in libro de Noe & arca. *Littera*, inquit, *evidentem pietatis expressit aspectum*, quod nudatum amittit patrem boni filii videre cauerunt, ne paternæ reuerentiæ, vel ipso minueretur aspectu. Siquidem etiam tacito vultu pietas frequenter offenditur. Unde etiam Romæ vetus fuisse usus dicitur, ne filii cum parentibus, & maxime pueres intrarent lauacrum. Addit in libro de Officiis primo. *Licet plerique & in lauacro, quantum possunt, tegant, ne vel illis, ubi nudum eorum est corpus, huiusmodi intellâ sit portio.* Sacerdotes quoque veteri more, sicut in Exodo legimus, braccas accipiebant, sicut ad Moysen dictum est à Domino. *Et facies illis braccas lineas, ut tegatur turpitudine pudoris. à lumbis usque ad femora erunt, & habebit eas Aaron & filii eius, cum intrabunt in tabernaculum testimonii, & cum accedent sacrificare ad aram sancti, & non inducent super se peccatum, ne moriantur.*

2. Est Moyses, de quo S. Paulus ad Hebræos, ait, quod maiores diuitias æstimari thesauro Ægyptiorum improprium Christi. Quod considerans idem Ambrosius in psalmum 118. *Moses*, ait, *noluit rex esse, cum posset, sed opprobrium Christi thesauris Ægypti arbitrius est præferendum, sed fugiendo potentiam potentior factus est.* Factus est enim in Deum regi Pharaoni, hoc est, regi terribilis, quem rex timeret. Et tu si vis, tanquam Deus peccatoribus esse terrori.

Regibus.

Regibus reuerentia, &c. contemne qua seculi sunt, & Dominica passionis opprobrium contende omnibus præferre diuitiis. Opprobrium dico, quod illis videatur opprobrium; hoc est, Iudæis scandalum, Gentibus stultitia, nobis autem virtus DEI atq; Sapientia.

3. Est Iosephi patriarchæ, de quo in Genesi. Ioseph quoq; inquit idem Pater primo de Officiis, cum somniasset, quod Sol & Luna & stellæ adorarent eum, sedulum tamen obsequium deferbat Patri: castus ita vt ne sermonem quidem audire vellet nisi pudicum: humilis vsq; ad seruitutem, verecundus vsq; ad fugam, patiens vsq; ad carcerem, remissor iniuriæ vsq; ad remunerationem. Cuius tanta verecundia fuit, vt comprehensus à muliere, vestem in manibus eius fugiens mallet relinquere, quam verecundiam deponere. Moyses quoq; & Ieremias electi à Domino, vt oracula Dei prædicarent populo, quod poterant per gratiam, excusabant per verecundiam.

4. Susannæ apud Danielelem. Tacebat, inquit idem, in periculis Susanna, & grauius verecundiæ, quam vitæ damnum esse putabat, nec arbitrabatur periculo pudoris euendam salutem. Deo soli loquebatur, cui poterat casta verecundiæ eloqui, refugiebat ora intueri virorum. Est enim & in oculis verecundiæ, vt nec videre viros femina, nec videri velit.

5. Elizabeth. S. Ioannis Baptistæ matris. De qua idem in Lucam ita scribit. Magna sanctis cura est verecundiæ, vt plerumq; in ipsis pudor voto sit, sicut hoc loco aduertimus Sanctam Elizabeth, quæ utiq; filios habere cupiebat, occultantem se mensibus quinq;. Quæ causa occultationis nisi pudoris? Est enim vnicuiq; officio præscripta ætas, & quod tempore decet, tempore non decet, ætq; mutatio fasti vnicuiq; mutat sæpe naturam. Sunt etiam ipsi quadam tempora præscripta coniugio, quando dare operam liberis sit decorum, dum anni vigent, dum suscipiendorum liberorum spes est. Et infra. Merito Sancta Elizabeth, erubescerebat gratiam, etsi non cognosceret culpam. Nam etsi concepit de viro, tamen partus sui erubescerebat ætatem: & rursus caruisse sese gaudebat opprobrio. Hoc igitur opprobrium consolatur sui pudore sublatum eo pudore, vt dixi, quod pudebat eam propter ætatem. De Verecundia S. Mariæ Virginis supra diximus.

ALTERVM Medium est intemperantium hominum vitare consortia. Est eiusdem sæpe dicti S. Ambrosii. Habet sane, ait, suos scopulos verecundiæ, non quos ipsa inuehit, sed quos sæpe incurrit, si intemperantium incidamus consortia qui sub specie iucunditatis venenum infundunt bonis. Hi si assidui sint & maxime in conuiuiis, ludo ac ioco, enervant gravitatem illam virilem. Caueamus itaq; ne dum relaxare animum volumus soluamus omnem harmoniam quasi concentum quendam bonorum operum. Usus enim cito inflectit naturam. Unde quam prudenter factis conuenire Ecclesiasticis, & maxime ministrorum officiis arbitror, declinare extraneorum conuiuia, vel vt ipsi hospitales scis

peregrinantibus, vel ut ea cautione nullus sit opprobrio locus. Coniuvia quippe extraneorum occupationes habent, tum etiam epulandi produnt cupiditatem. Surrepunt etiam fabulae frequenter de Seculo, ac voluptatibus, claudere aures non potes, prohibere putatur superbia. Surrepunt etiam praeter voluntatem pocula. Melius est tuae domui semel excuses, quam alienae frequenter: & ut ipse sibi surgas, tamen ex aliena insolentia condemnari non debet praesentia tua. Simile medium praescribit feminis Gregorius Nazianzenus in parænetico carmine ad Olympiadem. Quod ad vitæ occupationes attinet, radio & lana operam da, atque in oraculorum sacrorum meditatione versare. Externa negotia viro committe. Noli pedem tuum limine crebro efferre, nec ad publicos ludos, turbamque inconditam proficisci. Id enim pudorem verecundis etiam excutit, oculisque oculis iungit. Pudoris autem tactura flagitiorum omnium certissima est parens. Ad honestos autem & laudabiles catervis cum prudentibus feminis te conferas iubeo: ut egregium aliquem sermonem in animo tuo insculpas, quo vel vitia tua deleas, vel virtutes artius amplectaris. Domus tibi urbis ac nemorum instar sit. Ne aspectus qui copiam alius facias, quam propinquis tuis, hisque grauibus & honestis, & Sacerdoti, ac senectute inuentuti praestantiori. Sed et illud te admonitam velim, ut nec ad nuptiale, nec ad natalitium conuiuium properes, ubi & perpotatur, & saltatur, & ridetur, ac demum in facetis facetiis indulgetur. Hæc enim eiusmodi sunt, V. vel pudicum pectus delinire ac demulcere queant non secus ac Solis radius ceram quam citissime penetrans. Circa præterea, ut virgineus pudor egregium sub palpebris tuis ruborem marito fundat, viget etiam ad hominum aspectum erubescas, oculos cæcos, superciliumque humi depressum habens. Hæc ille, aliaque plura.

PLURA media vel remedia offendes in PANARIO. V. Immodestia, & Pudor noxius.

VERI-

doct
mur
veru
qui e
tes m
psalm
vtro
mus:
sunt a
rest ad
vel fac
uenie
ritas
quã
stinus
menda
non est
de na
impro
sentit
vester
quæ co
Deus q

EX
vi
in pla
ritatis
conit
dant

VERITAS.

De definitione Veritatis.

VERITATIS vocem bifariam usurpare possumus. Vno modo, quatenus ea aliquid appellatur verum. Quo signifi- Ioan. 16. 13.
 catu non est virtus, sed obiectum potius vel finis virtutis. Ita apud S. Ioannem Christus dicit spiritum sanctum nos docturum omnem veritatem, hoc est, omnem veram doctrinam, & nos dici-
 mur profiteri veritatem fidei Catholicæ, Altero modo, quatenus aliquis verum eloquitur & non mentitur. Et hoc sensu est virtus, quia verum lo-
 qui est bona & laudabilis actio. Ita Apostolus ad Ephesios scripsit. *Deponē-
 tes mendacium loquimini veritatem unusquisque cum proximo suo.* Et David in Eph. 4. 25.
Psal. 14. 2.
 psalmis. *Qui loquitur veritatem in corde suo, qui non egit dolum in lingua sua.* Nos
 utroque significato, propter affinitatem quam inter se habent, usurpabi-
 mus: nam, ut alicubi S. Thomas commonefecit, *quia moralia in quantum
 sunt à nobis cognita circa nos sunt, & ad nos pertinent, secundum hoc veritas doctrina po-
 test ad hanc virtutem pertinere, & quacunque alia veritas, qua quis manifestat verbo
 vel facto, quod cognoscit.* Idem vero S. Doctor Veritatem, qua virtus est, con- Tho. 22. q. 109.
a. 9. ad 3.
 uenienter doctrinæ Philosophi in lib. quarto de moribus, ita definit, Ve-
 ritas est virtus, qua aliquis & vita & sermone demonstrat qualis est, & non alia,
 quam circa ipsa sent, nec maiora, nec minora. Cum quo consentit quod S. Augu-
 stinus scripsit in psalmum quintum, ad verba. *Perdes omnes qui loquuntur
 mendacium. Si hoc dicitur, inquit, quod est, verum dicitur; si autem hoc dicitur, quod
 non est, mendacium est.* Et libro 2. Soliloquiorum post longam disquisitionem A. c. 5.
 de natura veri. *Ego illud dico, inquit, & sic definio, nec vereor, ne definitio mea ob hoc
 improbetur, quod nimis brevis est. Nam verum mihi videtur esse id quod est. Imo con-
 sentit formula loquendi Christi Domini apud Matthæum. Sit sermo autem
 vester, est, est, non non.* Atque etiam B. Pauli in altera epistola ad Corinth. *Aut
 quæ cogito, ait, secundum carnem cogito, ut sit apud me EST & NON. Fidelis autem
 Deus quia sermo noster, qui fuit apud vos, non est in illo EST & NON.* Matth. 5. 37.
2. Cor. 1. 17.

CAPV T. II.

De excellentia & dignitate Veritatis.

EXCELLENTIAM Veritatis, siue virtutem, siue veram doctrinam
 vitæ congruentem ea intelligamus, inde elicere possumus, quod Deus
 in psal. dicatur. *Deus veritatis & spiritus sanctus* apud B. Ioann. *Spiritus ve-
 ritatis.* Et Christus ipse hoc nomine se cōpellarit dicens. *Ego sum via, veritas* Psal. 30. 6.
Ioan. 14. 6.
 & vita, atque etiam coram præside Pilato palam contestatus sit se veritatis
 docendæ & diuulgandæ causa in hunc mundum venisse. Ego, inquit,

in hoc natus sum, & ad hoc veni in mundum, ut testimonium perhibeam veritati. Quod dictum admiratus Pilatus dixit, Quid est veritas? Hinc postea S. Ioannes scripsit Gratia & veritas per Iesum Christum facta est. Præclarum quoque illud præconium est Regis David in psalmis, quod Veritas Domini maneat in æternum. Et trium iuuenum corporis regii Darii custodum certamen in quo vicit eousque tertii sententia omnibus præferentis veritatem, ut omnes populi acclamarint & dixerint. Magna est veritas & præualeat. Rex autem dixerit victori. Pete, si quid vis amplius, quam quæ scripta sunt, & dabo, secundum quod es inuentus sapientior proximis, & proximus mihi sedebis, & cognatus meus vocaberis.

C. 6. Strom.

T. initio.

L. c. 7.

Id. c. 5.

G. orat. 2.

3. Efd. 3.

Id. ad Constam.

A. serm. 20.

H. in apol.

Id. ep. 128.

E A N D E M excellentiam agnouerunt vetusti Patres. Clemens Alexandrinus de Græcæ philosophiæ veritate ita scribit. Cum sit singularis veritas quæ in græca apparet Philosophia, quæ verè quidem est veritas, quomodo sol illuminans colores & album & nigrum, ostendit qualis sit unusquisque eorum: sic ipsa quoque refellit omnem sermonis probabilitatē. Merito ergo à Græcis quoque acclamatum est. Principium magnæ virtutis est Regina veritas. Tertullianus de virginibus velandis, Veritati nemo præscribere potest, non spatium temporum, non patrocina personarum, non privilegium regionum. Et paulo post. Si semper Christus ex prior omnibus, æquæ veritas sempiterna & antiqua res. Et libro de anima. Cui veritas cōperta sine Deo, cui Deus cognitus sine Christo? cui Christus exploratus sine spiritu sancto, cui spiritus sanctus accommodatus sine fidei sacramento? Hinc liquet veritatem esse donum Dei quod etiam Lactantius libro septimo diuinarum institutionum agnouit, cum ait. Non nisi eius est scire veritatem, qui sit doctus à Deo. Neque enim potest aliter repudiare quæ falsa sunt, eligere ac probare quæ vera, sed si vel casu id efficeret, certissime Philosopharetur, & quamuis non posset diuinis testimoniis illa defendere, tamen se ipsa veritas illustraret suo lumine. Cum quo conuenit, quod libro primo scripsit in hæc verba. Veritatis ipsius tanta vis est, ut nemo possit esse tam cæcus, qui non videat ingentem se oculis diuinam claritatem. S. Gregorius Nazianzenus in oratione de Pace. Omnium rerum fortissima est veritas, ut cum Esdra censeo. Et in oratione de seipso, cum falso eius fama à quibusdam traduceretur. Quid verbis mea, inquit, interest, qui rei veritatem magis curo, immò solum curo? hoc enim vel me condemnauerit, vel absoluerit, hoc miserum vel beatum reddiderit. At quid aliis videatur, nihil ad nos, quemadmodum nec alienum somnium. S. Ambrosius in psal. 118. exponēs verba illa: Principium verborum tuorum veritas. Cum principium, ait, verborum Dei veritas sit, veritas vtiq; fidei fundamentum est. Primum enim oportet ut credamus vera esse Dei summi, quæ in diuinis scripturis legimus oracula. secundum est, virtutem eorum plenius cognitione discamus. S. Hieron. aduersus Ruffinum inter Pythagoræ sententias refert hanc. Post Deum veritatem colendam, quæ sola homines Deo proximos faciat. Et ad Fabiolam, de veste sacerdotali. Quæ datur in ipso Rationali δῆλωσις esset & ἀλγήσις id est manifestatio.

festatio, atque doctrina vel veritas hoc ipsum significat, quod nunquam in Dei ratione mendacium sit: sed & ipsa veritas multis signis & argumentis monstratur hominibus, usq; ad mortales veniat. Et in proemio commentariorum li. 5. in Ierem. Veritas claudi & legari potest, vinci non potest, quæ & suorum paucitate contenta est, & multitudinem hostium non terretur. B. Aug. de vera religione. Quid admirabilius, quid speciosius ipsa veritate, ad quam omnis spectator pervenire se cupere confitetur, cum vehementer, ne fallatur, inuigilet, & inde se iactat, si quid acutius cæteris & vinacius in spectando cognoscat & iudicet? Et in Psal. 108, Deus verax, inquit, omnis autem homo mendax, quia non est homo verax, nisi in quo loquitur Deus. Et l. 2. delibero arbitrio. Promiseram me tibi demonstraturum esse aliquid, quod sit mente nostra atq; ratione sublimius. Ecce tibi est ipsa veritas. Amplectere illam, si potes & frui illa & delectare in Domino, & dabit tibi petitiones cordis tui. Quid enim petis amplius, quam ut beatus sis? Et quid beatus eo, qui fruatur inconcussa & incommutabili, & excellentissima veritate? & c. multa. B. Prosper de vocatione gentium. Dubitandum non est ad ipsam cognitionem veritatis & perceptionem salutis non suis quinquam meritis, sed ope atque opere divinæ gratiæ pervenire. Et de vita contemplatiua. Veritas, vnde cunq; claudit, non est ingenio humano deputanda sed Deo. Cyr. Alexandrinus l. 5. thesauri Vi Esdras, inquit, scribit, omnis terra veritate m vocat, & cælum ipsam adorat, & omnes creatura ipsam tremiscunt, Filius verò de seipso ait. Ego sum veritas.

H. 6. 24.

A. c. 47.

Id. c. 17.

P. lib. 2. e. f.

Id. li. 2. in præf.

Cyr. c. 1.

3. Esd. 4.

Ioan. 14. 6.

C A P V T, III.

De Proprietatibus Veritatis.

PRIMA Proprietas est, Homo natura propensus est ad indagandam veritatē. Ita B. Ambr. l. 1. de officiis. Omnibus inquit, hominibus inest secundum naturam humanam verum inuestigare, quod ad studium cognitionis & scientiæ trahit, & inquirendi infundit cupiditatem. In quo excellere vniuersis pulchrum videtur. Et B. Aug. in Questionibus testamenti. Nescire bonum aut malum simplicitas quadam est naturalis, quæ neque ad bonū, neque ad malum erudita est, hoc est, ignorantia sine malitia. Sine sensu enim nascimur, sed nostra natura capax est ediscere veritatem. Et Cicer. primo de officiis. Imprimis hominis propria veri inquisitione atque inuestigatio. Et, Quod verum, simplex, sincerumque sit, id est naturæ hominis aptissimum.

II. Proprietas. veritas natura sua simpliciter est & nuda, alienissima à mendacio, fraude, simulatione & facio. Vnde Christus de Nathanael loquens ait. Ecce verè Israelita, in quo dolus non est. Quæ verba expendens B. Aug. Dolus, inquit, frans est simulatio est, quando aliquis aliud in corde regit & aliud loquitur dolus est, & tanquam duo corda habet. Vnum quod sinum cordis habet, ubi videt veritatem & alterū sinū ubi concipit mendaciū, & ut noueritis hunc esse dolum, dictum.

A. c. 16.

A. q. 80. & 47.

Ioan. 1. 47.

Atract. 7. in Io.

dictum est in psalmis, labia dolosa, sequitur, in corde & corde locuti sunt mala. Quid est, in corde & corde nisi duplici corde? Et hoc nomen etiam vocatur in scripturis, scilicet, duplici corde & duplex animo. Nec vocat mysterio, quod vir minime dolosus dicatur vere Israelita ab Israele, qui est Jacob. namque Jacob scriptum est, Jacob autem vir simplex. Hinc B. Hieronymus in cap. 12. Osee. Quamvis conentur haeretici veritati miscere mendacium, oleum aquis & ceteris humentibus & liquentibus rebus non potest copulari. Semper veritas supra est, deorsumque mendacium. Omnes autem species, id est haereses, quae non habent oleum veritatis, possunt sibi misceri, & de pluribus unum effici corpus. Sed harum oleum detestatur Propheta, dicens. Oleum peccatoris non impinguet caput meum. Tertullianus de spectaculis. Non amat falsum auctor veritatis, adulterium est a iudicium omne quod fugitur.

III. Non eget praesidio eloquentiae, etiam si per eam illustrari possit. Ita Lactantius in 10. libro primi de falsa religione. Veritas licet possit sine eloquentia, inquit, defendi, ut est a multis saepe defensa, tamen charitate ac nitore sermonis illustranda & quodam modo differenda est, ut potentius in animos influat, & vi sua, & instructa religione, & luce orationis ornata. Et S. Basilus de martyre Mamante. Ne pudeat nos veritatis: ne fabulatores illos extraneos imitemur, ne veritatem verborum ornatu obuelemur. Nuda est veritas, absque patricinio ipsa se ipsam dectrans. Et B. Augustinus libro 4. de doctrina Christiana. Bonorum ingeniorum insignis est indoles, in verbis verum amare, non verba. Quid enim prodest clavis aurea, si aperire quod volumus non potest? aut quid obest lignea si hoc potest, quando nihil quarimus nisi patere, quod clausum est?

IV. Communis est omnibus, omnibusque publicanda. Tertullianus contra Valentinianos. Nihil veritas erubescit, nisi solummodo abscondi, quia nec pudebit ullum aures ei dedere, eum dum recognoscere, quae iam illi natura commisit, quem quotidie in omnibus operibus sentit. B. Hieronymus exponens verba Apostoli ad Ephesios. Deponentes mendacium loquimini veritatem unusquisque cum proximo suo. dicit per proximū, non amicū vel propinquū, sed omnē hominē intelligi, sicut in parabola Hierichitini Samaritani apud Luc. Itaque omnibus hominibus veritatem enunciamdam, Et B. Augustinus libro secundo de libero arbitrio. Veritatis pulchritudo nec multitudine audientium constipata secludit venientes, nec peragitur tempore, nec migrat locis, nec nocte intercipitur, nec umbra intercluditur, nec sensibus corporis subiacet. De toto mundo ad se conuersis qui diligunt eam omnibus proxima est, omnibus sempiterna. Nullo loco est, nusquam deest, foris admonet, intus docet cernentes, se commutat omnes in melius, a nullo indeceterius commutatur: nullus de illa iudicat, sine illa iudicat bene. Et in Psalmum trigessimum. Veritas nec quadra est, nec rotunda, nec longa: ubique praesens est, si cordis oculus ad eam pateat. Et libro primo contra Cresconium Grammaticum fuse probat veritatem semper omnibus opportunē importunē ut monuit Timotheum Apostolus, praedicandā. Quando autem fructuosē occultetur veritas docet, de bono perseverantiae c. 10. & in psalm. quintum.

Gen. 22.
Hinc 3.

Pl. 40. 6.

L. c. 1.

B. hom. 26.

A. c. 11.

H. in c. 4.

Luc. 10. 37.
A. c. 14.

Id. con. 1.

A. c. 6. 7. 8.
2. Tim. 4.

VERITAS.

671

V. Non est mutationi obnoxia, sed constans. Tertullianus libro de spectaculis. *Hac est veritatis integritas, & quæ ei debetur discipline plenitudo, & aequalitas timoris, & fides obsequii non immutare sententiam, nec variare iudicium. Non potest aliud esse, quod verè quidem est bonum seu malum.* Eiusmodi veritas est omnium, quæ diuinis litteris, vel traditione Apostolica continentur.

VI. Veritatis notitia ardua est, amara, & obscura. Vnde Clemens ^{Cl. 7. Strom.} Alexandrinus. *Clarum est, quod cum veritas sit ardua & difficilis, propterea certe sunt quæstiones, ex quibus nata sunt hæreses.* Et S. Basil. in præmio libri de Spiritu sancto. *Quoniam difficilis est inuentu veritas, undiq; nobis est vestiganda* Hieron. libro 2. in Iovinianum. *Amara est veritas, & quicam prædicant replentur amaritudine.* In azymis enim veritatis & sinceritatis Domini Pascha celebratur, & cum amaritudine comeditur Et libro 1. contra Pelagianos. *Veritas amara est, rugosa frontis ac tristis, offenditq; correptos.* Vnde & Apostolus loquitur. *Inimicus vobis factus sum, veritatem dicens vobis.* Et Comicus. *obsequium amicos, Veritas odium parit.* Et Lactantius libro primo. *Quoniam, inquit, pauci vtuntur hoc beneficio (doctrinæ Christi) quod obvoluta in obscuro veritas latet, eaq; vel contemptui doctis est, quia idoneis assertoribus eget: vel odio indoctis ob insitam sibi austeritatem (nam quia virtutibus amaritudo permixta est, vitia vero voluptate condita sunt, illa offensi, hac deliniter feruntur in præceptis) succurrendum esse his erroribus credidi.* In tertio verò libro declarat, quid veteres Philosophi de veritate senserint. *Anaxagoras, ait, pronuntiat circumfusa esse tenebris omnia. Empedocles angustas esse sensuum semitas queritur, tanquam illi ad cogitandum rheda & quadrigis opus esset. Democritus quasi in puteo quodam sic alto, ut fundus sit nullus, veritatem iacere demersam: nimirum stultè, ut cetera.* Ex hac desperatione confessio illa Socratis nata est, qua se nihil scire dixit, nisi hoc unum, quod nihil sciat. Hinc Academia disciplina manauit, si tamen disciplina dici potest, in qua ignoratio & discitur & docetur. Quomodo autem hæc veritatis vel obscuritas, vel austeritas vel difficultas tollatur paucis verbis discussit S. Bernardus in Cantica, *Amara, inquit, est veritas sine condimento gratia, sicut absq; veritatis freno, leuis & nesciens modum plerumq; & insolens est ipsa deuotio,* ^{Cic. 1. Acad. quæst.}

VII. Veritas odium parit, vt ait Terentius: Hoc expertus S. Paulus ad Galatas ait. *Inimicus vobis factus sum verum dicens vobis?* Greg. ^{T. in Andria. Gal. 4. 16.} Nazianzenus in Apologetici primi initio auctor est, duobus imprimis affectibus, odio nempe & beneuolentia veritatem labefactari. Cuius causam reddit S. Augustinus in libris Confessionum. *Cur veritas parit odium, inquit, & inimicus eis factus est homo tuus verum prædicans, cum ametur beata* ^{A. 10. conf. 31.}

vita, que non est nisi gaudium de veritate: nisi quia sic amatur veritas, ut quicumque aliud amant, hoc quod amant velint esse veritatem: & quia falli nollent, nolunt convinci, quod falsi sint. Itaque propter eam rem oderunt falsitatem, quam pro veritate amant. Amant eam lucentem, oderunt eam redargentem. Quia enim falli nolunt, & fallere volunt, amant eam cum se ipsam indicat, & oderunt eam cum eos ipsos indicat. Inde retribuit eis, ut qui se ab ea manifestari nolunt, ut eos, nolentes manifestet, & eis ipsa non sit manifesta. Sic sic etiam, sic animus humanus etiam, sic cecus & languidus, turpis atque indecens latere vult, se autem, ut lateat aliquid, non vult. Contra illi redditur, ut ipse non lateat veritatem, ipsum autem veritas lateat. Tamen etiam sic, dum miser est, veris mavult gaudere quam falsis. Beatus ergo erit si nulla interpellante molestia, de ipsa, per quam vera sunt omnia sola veritate gaudebit. M. Tullius in Lælio. Nescio, quo modo verum est quod in Andria familiaris meus Terentius dixit. Obsequium amicos, veritas odium parit. molesta veritas est si quidem ex ea nascitur odium, quod est venenum amicitie.

Ac. 30. 31.
Ep. 28.

VIII. Veritas à quocunq; dicta recipienda. Est S. Augustini libro 13. Confessionum. Cuius rationem reddit in epistola ad Hieronymum. *A quocunq; inquit, verum dicitur illo donante dicitur, qui est ipsa Veritas.* Idem docet B. Prosper in præfatione libri 2. de vita contemplativa. Et in psalmum 140. ubi agens de gentium philosophis. *Etsi, ait, aliquid recti verique dixerint, non cuiusquam hominis, sed est ipse veritatis.*

C A P V T IV.

De necessitate & utilitate Veritatis.

NECESSITAS huius virtutis inde euincitur, quod Spiritus sanctus passim in Verbo suo scripto, vetat, arguit, & damnat omnia, quæ repugnant Veritati, ut mendacia, dolos, hypocrisis, errores & fucos, de quibus in PANARIO. Verbo. *Hypocrisis, Mendacium, &c.* Non contradicas, ait Ecclesiasticus, verbo veritatis villo modo, & de mendacio in eruditionis tue confundere. Et S. Paulus ad Corinthios. *Non possumus aliquid aduersus veritatem.* Et ad Galatas. *O insensati Galatæ, quis vos fascinauit, non obedire veritati?* Deinde quia iubet ut Veritatem in omnibus quæramus, loquamur & doceamus. *Veritatem,* inquit psalmista, *requirit Dominus.* Et. *Ecce veritatem dilexisti.* Et Zacharias propheta. *Veritatem tantum & pacem diligite.* Et Apostolus ad Ephesios. *Veri-*

Ecclesi. 4. 30.
2. Cor. 13. 8.

Gal. 3. 1.

Psal. 30. 24.
Psalm. 8.
Psalm. 4. 15.

titatem

ratem facientes in charitate, crescimus in illo per omnia. Et Christus apud Ioannem. *Veri adoratores adorabunt Patrem in spiritu & veritate.* Et. *Si vos manseritis in sermone meo, vere discipuli mei eritis, & cognoscetis veritatem, & veritas liberabit vos.* Præterea Christus ipse est Veritas, quia dixit. *Ego sum via, Veritas & vita,* at sine cognitione Christi & fide in eum præclusus nobis est omnis aditus ad gratiam & salutem. *Gratia enim,* teste S. Ioanne, *& veritas per Iesum Christum facta est.* Et S. Petrus repletus Spiritu sancto in Actis Apostolicis dixit. *Non est in alio aliquo salus.* Nec enim aliud nomen est sub celo datum hominibus, in quo oporteat nos saluos fieri.

Ioan. 4. 23.

Ioan. 8. 12.

Ioan. 14. 6.

Ioan. 1. 17.

Act. 4. 12.

Q u o d si cognoscere & audire teneamur Veritatem, non potest non ex ea auditione magnus promanare in nos fructus. *Audire si quidem,* teste S. Augustino, *nihil est, si non auditionem fructus sequatur.* Primus est, quod iis maximè felicitas æterna adiudicetur, qui veritatem amant & ab omni dolo & furo sunt alieni. nam rex Dauid, cum ita precatus esset. *Domine quis habitabit in tabernaculo tuo?* respondet Dominus. *Qui loquitur veritatem in corde suo: qui non egit dolum in lingua sua. Nec fecit proximo suo malum, &c.* Vnde Clemens in parænesi ad gentes. *Consuetudo voluptatum in barathrum deturbat, in calum autem deducit veritas.*

UTILITAS.

A in pl. 66.

in fine.

Pl. 14. 1.

II. Fructus est, vera libertas. Christus enim ad Iudæos credentes dixit. *Si vos manseritis in sermone meo, verè discipuli mei eritis, & cognoscetis veritatem, & veritas liberabit vos.* Et iterum. *Si ergo vos filius liberaverit, verè liberieritis.* Quæ verba exponens S. Augustinus in Ioannem, *Hoc verbum, ait, Dominus ad libertatem posuit. Liberabit vos. Nihil enim est aliud propriè, liberat, nisi liberum facit: quomodo saluat, nihil est aliud, quam saluum facit: quomodo sanat nihil est aliud, quam sanum facit: dicit nihil est aliud, quam diuitem facit.* Hoc in græco verbo planius est. Et quia Iudæi arbitrabantur eum loqui de seruitute legali, Christus respondet se loqui de seruitute peccati. *Omnis inquam, qui facit peccatum, seruus est peccati. Seruus autem, non manet in domo in æternum. Quæ ergo nobis est spes? pergit Augustinus, qui non sumus sine peccato? Audi spem tuam. Filius manet in æternum. Si ergo filius vos liberaverit, verè liberi eritis.* Hæc spes nostra est fratres, ut à libero liberemur, & liberando seruos nos faciat, Serui enim eramus cupiditatis, liberati serui efficiamur charitatis. Hoc & Apostolus dicit. *Vos autem fratres in libertatem vocati estis, tantum ne libertatem in occasionem carnis detis sed per charitatem seruite inuicem.*

Ioan. 8. 32.

A tract. 4. 1.

Gal. 5. 13.

III. Fructus, bonus odor prædicatæ veritatis, de quo ita Aposto-

2. Cor. 2. 14.

Sent. 31.

1. Cor. 13.

A. C. 13.

Eph. 6. 14.
Nahum. 2.

lus in posteriore epistola ad Corinthios. Deo autem gratias, qui semper triumphat nos in Christo Iesu, & odorem notitiae suae manifestat per nos in omni loco, quia Christi bonus odor sumus Deo in iis qui salvi fiunt, & in iis qui pereunt. Vnde Augustinus apud Prosperum in sententiis. Bonus Christi odor est praedicatio Veritatis, quo odore vitam capit, qui Evangelio bonis operibus servit & congruit. Mortem autem incurrit, cuius ab his quae bene loquitur vita dissentit. Quae conditio etiam auditores obstringit, cum recta praedicatio ab alijs per incredulitatem auditur in mortem; ab alijs per fidem suscipitur in salutem.

IV. Fructus est, quod nihilo ea iucundius possit excogitari. Et ideo iuxta Apostolum, charitas forte congaudet veritati. Solemus inquit S. Augustinus libro 2. de libero arbitrio, audire voces clamantium se beatos, si iaceant in rosis alijsq. floribus, vel etiam unguentis odoratissimis perfruantur. Quid fragrantius, quid iucundius inspiratione veritatis? Et dubitamus nos, cum ab illa inspiramur, dicere beatos? Multi beatam vitam in cantu vocum, & nervorum, & tiliarum sibi constituunt, & cum ea sibi desunt, se miseros iudicant: cum autem adsunt efferuntur letitia, & nos cum mentibus nostris sine ullo strepitu ut ita dicam canorum, & facundum quoddam silentium veritatis illabatur, aliam vitam beatam quaerimus, & tam certa & praesente non fruimur? Luce auri & argenti, luce gemmarum & aliorum colorum, siue ipsius lucis, quae ad hos oculos pertinet, siue in ignibus terrenis siue in stellis & Luna vel Sole claritate & iucunditate delectari homines, cum ab ista letitia nullis molestiis, nulla indigentia reuocantur, beati sibi videntur, & propter hac semper volunt vivere: & nos in luce veritatis beatam vitam collocare metuemus? Immo verò, quoniam in veritate cognoscitur & tenetur summum bonum, eaq. Veritas sapientia est, cernamus in ea, teneamusq. summum bonum, eaq. perfruemur. Et paulo post. Quicquid enim iucundum est in ceteris veris, ipsa utiq. veritate iucundum est. Hac est libertas nostra, cum isti subdimur veritati. Et ipse est Deus noster, qui nos liberat à morte, id est, à conditione peccati. Nulla enim re fruitur animam libertate, nisi qua fruatur cum securitate. Nemo autem securus est in iis bonis, quae potest inuitus amittere. Veritatem atq. sapientiam nemo amittit inuitus. Non enim locis separari ab ea quisquam potest, sed ea quae dicitur à veritate atq. sapientia separatio, perversa voluntas est, quae inferiora diliguntur. Nemo autem vult aliquid nolens.

V. Fructus est Mortificatio carnis, nam ad Ephesios ita loquitur Apostolus. State ergo succincti lumbos vestros in veritate. Vnde S. Hieronymus exponens verba Nahum prophetae. Consortia lumbos, roboram virtutem valde. Dicitur Iuda, ut teneat lumbum, inquit, id est, ut post electionem vere mortificet corpus suum, & servituti subijciat, ne quasi rex & magister

alijs.

aliis predicans, ipse reprobis inueniatur. Longum est nunc dicere, quod virtus ^{Matt. 3. 4.} diaboli maxime sit in lumbis, Et quod Ioannes zona pellicea cingitur. Et quod ^{Luc. 12. 35.} à Salvatore discipulis imperatur. Sint lumbi vestri praeincti. Et Apostolus ad ^{Eph. 6. 14.} Ephesios. State ergo accincti lumbos vestros in veritate. Licet enim ^{ἀσκησις} plurimum praestet, & vita continentia super mortificatione lumborum: tamen nihil eos ita mortificat, ut cognitio veritatis. Vnde dicitur, accingite lumbos vestros in veritate. Si enim veritas est Christus: qui tota mente in Christo credidit, lumbos suos mortificauit in Christo.

VI. Fructus est Expugnatio haeresum omniumque errorum. Veritatis cuneo, ait Tertullianus contra Marcionem, omnis extruditur haeres. ^{T. lib. 1.} Et de velandis Virginibus initio. Haeresis non tam nouitas, quam veritas reuincit.

CAPUT V.

De Medijs ad cognoscendam, tuendamque Veritatem idoneis.

QVONIAM teste M. Tullio in primo de Officiis libro hominis imprimis propria est veri inquisitio, atque inuestigatio, necesse est hoc loco adiumenta quaedam ad illud inquirendum, & inueniendum subii- cere.

I. MEDIUM est, ut animus à vitiis sit alienus, & à rerum terrenarum cupiditate abstractus. In malenolam enim animam, ait Sapiens, non ^{Sap. 1. 4.} introibit sapientia, nec habitabit in corpore subdito peccatis. Vnde S. Augu- ^{A. c. 13.} stinus de agone Christiano. Cum, inquit, cognitio & actio sint dona Dei, & beatum hominem faciant, sicut in cognitione cauendus est error, sic in actione cauenda est nequitia. Errat autem quisquis putat veritatem se posse cognoscere, cum adhuc nequiter viuat. Nequitia autem est, mundum istum diligere, & ea qua nascuntur & transeunt pro magno habere, & ea concupiscere, & pro his laborare ut acquirantur: & letari cum abundauerint, & timere ne pereant, & contristari cum pereunt. Talis vita non potest puram illam, & sinceram & incommutabilem videre veritatem, & inherere illi.

II. Medium, ut alienus ab omni fastu & arrogantia, sed verè hu- ^{Prou. 11. 2.} milis. Vbi enim humilitas, inquit Salomon, ibi & sapientia. Et summus veritatis magister, hanc imprimis virtutem à discipulis suis exegit dicens. Discite à me, quia mitis sum & humilis corde. cum gratias egisset Deo ^{Matt. 11. 25.} quod Deus sua mysteria, hoc est, veritatem ipsam reuelasset paruulis & humilibus. Vnde S. Cyprianus natiuitatem Christi describens. Ele- ^{Cyp. de natiuitate,} eta,

A. lib. 10. c. 29.

Et, ait, *humilium personarum simplicitas, ut poneretur regula, & indissolubilis daretur forma, quod non nisi pauperibus spiritu Christi pateret humanitas, nec superbos ad intuitum sui posset admittere Veritas.* Et S. August. in li. de Ciuitate Dei disputans contra Platonicos ostendit nihil illis aliud ob stare, quo minus fiant Christiani, quam superbiam. *Quid est*, inquit, *quod ut beati simus omne corpus fugiendum esse opinamini, nisi quia illud, quod iterum dico, Christus est humilis, vos superbi, An forte corrigi pudet? Et hoc vitium non nisi superbiorum est. Pudet videlicet doctos homines ex discipulis Platonis fieri discipulos Christi, qui piscatorem suo spiritu docuit sapere ac dicere In principio erat verbum, & verbum erat apud Deum, &c.* Idem hoc vnum antidotum Dioscoro pagano prolixè inculcauit ad perspiciendam veritatem dogmatis Christiani. *Non aliam*, ait, *tibi ad capeffendam & obtinendam veritatem viam munias, quam qua munita est ab illo, qui gressuum nostrorum tanquam Deus videt infirmitatem. Ea est autem prima humilitas, secunda humilitas, tertia humilitas, &c.*

Ioan. 1.
A. ep. 56.

B. ep. 79.

A. c. 16.

III. Medium, ut summo studio & vigilantia indagetur veritas. Ita Clemens Alexandrinus. 6. Stromatum. *Est*, inquit, *ipsa veritas magna cura & studio indaganda, non quarendo scire nomina.* S. Basilii Eustochii Sebastiae Episcopo. *Multa cura & solitudine opus est, multarumq; noctium perferenda vigilie, ac multis lachrymis quoque à Deo quaerenda veritas.* Et S. Ambrosius primo libro officiali. *In veri investigatione reuerendum illud decorum, ut summo studio requiratur quid verum sit, non falsa pro veris ducere, non obscuris vera inuoluere, non superfluis vel implexis atque ambiguis occupare animum.* Et paulo post. *Quanto excelsior virtus est scientia, tanto magis enitendum esse arbitror nobis ut assequi eam possimus.* Plato quoq; in tertio de Republica, teste S. Hieronymo in Apologia aduersus Ruffinum, docuit, *Veritatem magnopere sectandam.*

C. ep. 73.

Luc. 9. 16.

IV. Medium, veritati semel perspectae & exploratae statim obsequi, & in ea constanter persistere, ut praeclare monet S. Cyprianus in epistola ad Iubaianum. *Sapientibus*, inquit, *& Deum timentibus congruit patefactae & perspectae veritati libenter atque incunctanter obsequi.* Et S. Basilii in homilia de Virginitate. *Viam veritatis ignorasse praestat, quam ab ea semel arrepta per inconstantiam deficere.* Ad quam rem opus est non paruo robore animi, cum potius debeamus sanguinem profundere, quam veritatem semel agnitam deserere, unde Christus ipse monuit suos. *Qui me erubuerit & meos sermones, hunc filius hominis erubescet cum venerit in maiestate sua.* Hinc Clemens in 7. Strom. *Opus est autem*, ait, *ut opinor, amator veritatis robore animi: necesse est enim labi etiam in maximis eos qui res maximas aggrediuntur, nisi regulam Veritatis ab ipsa veritate acceptam tenuerint. Quae autem illa Regula sit subiiciemus.*

V. Me.

V. Medium. Diligens lectio diuinarum Scripturarum. Quo Christus ipse Iudæis apud B. Ioannem proposuit, vt probaret se esse Messiam & veritatem. *Scrutamini*, inquit, *Scripturas, quia vos putatis in ipsi vitam aternam habere: & illæ sunt quæ testimonium perhibent de me, & non vultis venire ad me, vt vitam habeatis* Et in historia Apostolica scribit Sanctus Lucas Beroenses, cum verbum Dei omni auiditate suscepissent, quotidie scrutatos Scripturas, *si hæc ita in se haberent*, quæ sc. Paulus & Silas eos docuerant. Deinde Diuus Paulus verbis commonefacit Episcopum Timotheum. *Tu verò permane in ijs quæ didicisti, & credita sunt tibi, sciens à quo didiceris & quia ab infantia sacras litteras nosti, quæ te possunt instruere ad salutem, per fidem quæ est in Christo IESU. Omnis Scriptura diuinitus inspirata, utilis est ad docendum, ad arguendum, ad corrigendum, ad erudiendum in iustitia.* Vnde Sanctus Augustinus libro 6. Confessionum, de initiis suæ conuersionis agens. *Cum essemus*, ait, *infirmi ad inueniendam liquida ratione veritatem, & ob hoc nobis opus esset auctoritate Sanctarum litterarum, iam credere ceperam nullo modo te (Domine Deus) fuisse tributurum tam excellentem illi scripturæ per omnes iam terras auctoritatem, nisi & per ipsam tibi credi, & per ipsam te quæri voluisses.* Et tractatu 2. in epistolam B. Ioannis, agens de discipulis quibus post resurrectionem Christus aperuit Scripturas. *Maximè*, ait, *debetis animaduertere, & memoria vestre mandare, quia contra insidiosos errores Deus voluit ponere firmamentum in Scripturis, contra quas nullus audet loqui, qui quoquo modo se vult videri Christianum.* Cum se palpandum præbisset non ille suffecit, nisi de Scripturis confirmaret cor credentium. prospiciebat enim nos futuros. In quo palpemus, nos non habemus, & quod legamus habemus. Si enim illi propterea crediderunt, quia tenuerunt & palpauerunt, nos quid facimus? Iam Christus ascendit in cælum, non est venturus nisi in fine, vt iudicet de viuis & mortuis. Vnde credituri sumus, nisi vnde & ipsos palpantes voluit confirmare? *Aperuit n. illis Scripturas, & ostendit eis quia oportebat pati Christum.*

VI. Medium, inquirere, vbi nam sit vera Ecclesia. nam Scriptura ipsa docet per os Apost. Pau. *Ecclesiam Dei viui esse columnam & firmamentum veritatis.* Vnde S. Augustinus libro primo contra Cresconium. *Quoniam*, inquit, *sancta scriptura fallere non potest quisquis falli metuit huius obscuritate quæstionis, eandem Ecclesiam de illa consulat, quam sine vlla ambiguitate sancta Scriptura demonstrat.* Quæres vbi Scripturam sine ambiguitate demonstret Ecclesiam? Resp. loco iam allegato, & Matth. 18. & alibi. Sed & sine ambiguitate demonstrat certam Ecclesiam nempe Romanam, nam Christus apud Matth. Apostolorum Principi, primo Ecclesiæ Romanæ Pontifici dixit. *Tu es Petrus, & super hanc petram ædificabo Ecclesiam meam, & porta inferi non præualebunt aduersus eam.* Vnde S. August.

A. ep. 103.

Id. c. 4.

Cl. 1. Strom.

A. conc. 6.

Psal. 24. 22.

S. Augustinus, epistola ad Generosum, enumeratis omnibus Pontificibus Romanis usque ad Anastasium suo tempore sedentem, Et in ps. contra partem Donati. *Numerate, inquit Sacerdotes, vel ab ipsa sede Petri, & in ordine illo Patrum, quis cui successerit, videte. Ipsa est petra, quam non vincunt superba inferorum porta. Et contra epistolam fundamenti. Tene me in Ecclesia ab sede Petri Apostoli, cui pascendas oves suas Dominus commendavit usque ad presentem Episcopatum successio Sacerdotum.*

VII. Medium est, scilicet numero de dogmatibus vel certis vel ambiguis, obiectis in contrarium argumentis disceptare, ut veritas conflictu illo magis elucescat. Ita Clemens Alexandrinus initio Stromatum suadet. *Ipsorum, inquit, dogmatum conflictus, dum inter se conferuntur veritatem conciliat. unde consequitur cognitio, non quod per principalem rationem ingressa Philosophia, sed quod per eum fructum, qui capitur ex cognitione vera comprehensionis firmam ac stabilem suscipimus per suasionem. Quemadmodum ergo qui studio tenetur venationis postquam quaesit, indagavit, inuestigavit, canes qui cursu persequerentur emisit, feram capit; ita etiam apparet verum dulcedine quaesitum & labore paratum. Et iterum Ut ferri silicisque concussione ignis, ita hominum doctissimorum conflictu disputationeque veritas elicitur. Et S. Augustinus in verba psalmi 118. In mandatis tuis exercebor, & considerabo vias tuas. Quod Græcus, inquit habet ad idem xlv. Latini quidam interperites, garram, quidam, exercebor, interpretati sunt, quando inter se videntur esse diversa: sed si exercitatio intelligatur ingenij cum quadam delectatione disputationis, utrumque coniungitur, & quasi ex utroque unum aliquid temperatur, ut non sit aliena ab huiusmodi exercitatione garrulitas. Solent enim garruli vocari loquaces. Si autem in Dei mandatis se exercet Ecclesia adversus omnes inimicos fidei Christiana atque Catholica copiosis doctorum disputationibus est garrula, quæ tunc fructuose sunt disputantibus, si non ibi considerentur nisi viæ Domini. Vniuersæ autem viæ Domini, sicut scriptum est, misericordia & veritas, quorum duorum plenitudo inuenitur in Christo.*

V I D E V. Catechesis. Cognitio Dei Fides Catholica. Religio Sapientia Simplicitas. Virtus. Et in PANARIO. V. Hæresis. Iudicium temerarium. Mendacium. Superstitio.

VIR-

V I R T V S.

C A P V T I.

De definitione partitioneque Virtutis.

VIRTUS, si nomen spectes, auctore Tullio, in Tusculanis quaestionibus, a viro appellata est: si significatum, id simplex non est in sacris litteris. Nam annotavit in Isa. S. Hier. *Virtutes in ijs saepe ponuntur pro signis & miraculis, ut ibi, Gloriam meam alteri non dabo, nec virtutes meas scul. tilibus.*

Et alibi. Virtutes eius in insulis nuntiabunt, vel gentibus totius mundi, vel Ecclesiis, quae firma mole fundatae sunt, & feriuntur potius, quam subvertuntur. Interdum virtus nequaquam pro fortitudine accipitur atque miraculis, sed pro conversatione bona, ut illud est Apostoli Petri. Ministrare, in scientia vestra virtutem. & Pauli, si qua virtus, & si qua laus. iuxta quod & alio loco dicitur. Melior est sterilitas cum virtute. Nos autem usurpamus pro perfectione, animi, sicut usurpavit regius Psaltes in psalmo 83. cum cecinit. Ibunt de virtute in virtutem. & videbitur Deus Deorum in Sion.

HANC non vno modo definierunt Patres veteres Clem. Alexand. in paedagogo, *Virtus, inquit, est concinna & congrua animi affectio, quae per totam vitam rationi subicitur.* Lactan. li. 6. institutionum. *Virtus est cupiditas recta & honesta faciendi.* S. Basilii in regulis fusius disputatis. *Virtus est rectus, praeceptisque Domini conveniens earum facultatum usus, quae bonae causa nobis à Deo sunt datae.* Et in Isaiam. *Virtus est quadam inter excessum & defectum mediocritas.* S. Augustinus in libro 83. quaestionum. *Virtus inquit, est habitus bonus, modo & ratione natura consentaneus.* Aristoteles in 2. Ethicorum. *Virtus est habitus electivus in mediocritate consistens.* Denique Cicero in paradoxis. *Virtus est consentiens & cum ratione perpetua constantia.*

Virtutis Partitio quoque varia est. 1. sit. Virtutis vel est acquisita, vel infusa. Acquisita, quam nostro studio vel actibus efficimus. Infusa, quam Deus in nobis efficit, de qua loqui videtur S. Augustinus cum in altero de libero arbitrio, asserit *virtutem esse bonam qualitatem mentis, quae nemo male vitatur, quam Deus in nobis sine nobis operatur.* 2. Virtus acquisita pro diversitate causae materialis, id est subiecti dividitur in *Intellectualem*, quae est in parte apprehensiva, & *Moralem* quae est in parte appetitiva

ritiua. III. Virtus infusa, pro diuersitate obiecti diuiditur in virtutem Theologicam, quæ versatur immediate circa Deum, vt est fides, spes & charitas, & in *Moralem* infusam, quæ versatur circa medium deducens ad Deum.

CAPVT II.

De dignitate & præstantia Virtutis.

QVAMVIS singularum virtutum encomia toto libri decursu hactenus descripta non obscure dignitatem & præstantiam Virtutis generatim sumpta declarent, tamen hoc loco aliquot veterum Patrum libuit pro generali virtute subiicere testimonii. Primusque sit Clemens Alexandrinus ita in *Pædagogo* scribens. *Non sât animaduerrimus, quis sit is solus diues, qui quæ sunt longè pretiosissima possidet. Magni autem pretij sunt, non gemma, non argentum, non vestis, non corporis pulchritudo, sed virtus. Accipite, inquit, disciplinam, & non argentum, & cognitionem super aurum probatum: melior est enim sapientia lapidib. pretiosis. Quicquid est autem pretiosum, nequaquam est ea dignum Et rursus. Colligite me super aurum & lapidem pretiosum, & argentum. Germina n. mea meliora sunt argento electo. Et iterum. In sola anima apparet pulchritudo, & idè is solus, qui est virtute præditus, verè est pulcher, bonus & honestus, & solum quod pulchrum est & honestum bonum esse statuitur. Sola autem virtus, vel per pulchrum corpus apparet, & in carne efflorescit, moderationis speciem amabile ostendens, quando mores tanquam lux quædam in forma resplenderint. Vniuscuiusque enim planta & animalis pulchritudinem, vniuscuiusq. virtute esse euenit. Lactantius libro 3. institutionum. Negari non potest, quin virtus & bonum sit, & summum certe bonum. Nihil virtute pulchrius, nihil sapientia dignius inueniri potest. Et infra. *SENeca* quoque imprudens incidit, vt fateretur nullum esse aliud virtutis premium, quam immortalitatem. Laudans enim virtutem in eo libro, quem de immortalitate morte conscripsit. Vna, inquit, res est virtus, qua immortalitate nos donare possit, & pares Dijs facere. Sed & *Stoici*, quos secutus est, negât sine virtute effici quenquam beatum posse B. Bas. de legendis libris gentilium. Vt ego quidem, inquit, ex viro grauiq. maximè Poetarum sensus tenebat, audiui, ois Homeri poësis, virtutis est laus, & eius oia adhuc finem referuntur, ut nihil ab re aut parergum sit positum. Maximè autem ubi ducem *Cephalensium* nudum è naufragio seruatum scripsit. Primitus quidem reginâ apparentem solum veritatem esse, tanti modestiâ ac nuditatis verecundiam existimasse. Vnde loco vestis virtutis ornatum sumpsit, *Phæacibus* omnib. tantipostea fuit, vt relictis illi delicijs, quibus magnopere dediti fuerât.*

C. lib. c. 3. 6.

Prou. 8. 10.

Ibid.

Id. lib. c. 12.

L. c. 12.

d. c. 12.

B. hom. 14.

eius imitarentur exemplum, & se nihil potius optarent, quam esse Vlysses, quauquam nudum & è naufragio seruatum. Quo sane exemplo enarrator mentis Poeta nihil aliud Homerum intendere, & tantum non clamare voluisse affirmat, quam: O viri, curanda nobis ante omnia virtus est, quæ naufraganti præsto adest & conuolat, & in terra nudum existentem honoratiorem Phœacibus delicatis ac felicibus reddit. Et profecto, sic res habet. Nam alia quidem omnia non magis possidentium, quam quorumlibet sunt, velut in talorum ludib. hic illuc transposita. Virtus autem sola possessio immortalis atque immobilis, & viuenti & morienti permanens. Vnde Solon mihi videtur iure illud ad diuites dicere. Nos nequaquam commutabimus cum virtute diuitias, quod virtus firma sit, diuitias verò aliis alias ac aliter, interdum habet. S. A. c. f. Ambrosius de dignitate humanæ conditionis. Homo creatus est, ut charitatē haberet, ut bonus esset & iustus, ut patiens atq. mitis, mūdus & misericors foret. Quas virtutes, quanto quisq. plus in seipso habet, tanto propius est Deo, & maiorem sui conditoris gerit similitudinem. Qui verò maior honor potuit homini esse, quam ut ad similitudinem sui factoris conderetur, & eisdem virtutum vestimentis ornaretur, quibus conditor? de quo legitur. Dominus regnauit, decorem indutus est, id est, omnium virtutum splendore. & totius bonitatis decore ornatus. S. Greg. Nazian. de Machab. Horum fortitudinem, inquit, cum vniuersa Iudæa admirata est, perindeque ac si ipsa victricem coronam accepisset, exultabat. eam i. se quoq. Antiochus admiratus est, conuersis nimirum in admirationē minis. Nam egregiorū hominū virtus hostib. quoq. ipsis admirationē excitare solet cum se data ira facinus in seipso perpenditur. S. Chrysostomus ad Philippen. Virtus ubiq. lucet & inexpugnabilis est, nihil eā impedire potest. nō diuitie, nō paupertas, non principatus, non subiectio, non rerum præsentia & administratio, non morbi, non ignominia, sed his omnibus in terra relictis ad cælum ipsa pertingit. Duntaxat sit animus generosus, & nihil poterit strenuum ac solidum impedire. An non per omnia ista efficaciter operati sunt Apostoli? Per gloriam & ignorantiam, per infamiam, & bonam famam? Istud demum est athleta ad omnia accommodum esse, Etenim talis quoque est virtutis natura. Et oratione prima de prouidentia. Quid si cirent, inquit improbi, in hoc vitæ cursu nihil bonum nisi virtutem solam, nō pecunias, non sanitatem, non potentiam, non aliud quippiam, nihilq. malum in hac vitæ nisi improbitatem & malitiam animi, non paupertatem, aegritudinem contumelias, quæ honorabilia esse putantur, non ita animum abijcerent, non ita de rebus humanis statuerent. I. t. n. psal. 48. Nihil facit nomen adeo immortalē, ut natura virtutis. Id ostendunt martyres, ostendunt Apostolorum reliquæ, ostendit memoria eorum, qui rectē ex virtute vixerunt. Et in ps. 134. Extremus virtutis finis est, & quod facit vel ad summum bonorum fastigium

A. G. 10.

Id. c. 26.

C. c. 3.

P. c. 16.

B. ser. 1
Psal. 88. 18.

A. c. 2.

C. par. 6.

pertingere, Dei esse similes quantum nobis conceditur. S. Augustinus libro 4. de ciuitate Dei. Virtutem quoque, ait, Romani, Deam fecerunt, qua quidem si Dea esset, multis fuerat preferenda. Et nunc quia Dea non est, sed donum Dei, ipsa ab illo impetretur, à quo solo dari potest. Et infra. Virtutes veri Dei munera sunt, non ipsa sunt Dea. Veruntamen ubi est virtus & felicitas, quid aliud quaeritur? Quid ei sufficit, cui virtus, felicitasque, non sufficit? omnia quippe agenda complectitur virtus, omnia obtinenda felicitas. Quid doctrinae vel à Mercurio, vel à Minerva petendum esset, cum virtus omnia secum haberet? Ars quippe ipsa bene recteque viuendi à veteribus definita est. Vnde ab eo quod gratia dicitur virtus, nomen artis latinos traduxisse putarunt. Cassianus collatione sexta. Nihil in rebus duntaxat humanis principale bonum esse credendum est, nisi virtus animi sola, quae fide sincera nos ad diuina perducens illi immutabili bono facit iugiter inhaerere. Et è contrario nihil malum esse dicendum est, nisi peccatum solum. S. Prosper de Vita contemplatiua libro 3. Omnis sancta virtus res est diuina incorporea prorsus atque mundissima, quam mentes inquinatae non inquirant, sed ipsa inquinatas emaculat, cuius participatione formantur infirmia, suscitantur mortua, sanantur infirma, corriguntur praua, reconciliantur auersa, Hanc non habet nisi Deus, & is cui dederit Deus. Quae in animo habitat, sed animum corpusque sanctificat, ad quam nullus accedit inuitus, quam nullus amittit nisi propria voluntate deceptus. S. Bernardus in natali S. Victoris. Psalmista ait, Quoniam gloria virtutis eorum tu es. Pulchre, non eorum, sed virtutis eorum gloria commendatur. Quae enim sine virtute est gloria? profecto indebita venit, praepropere affectatur, periculose captatur. Virtus, gradus ad gloriam, virtus mater gloria est. Fallax gloria, & vana pulchritudo, quam illa non parturit. Sola est, cui gloria iure debetur, & secure impenditur. Subiiciam & Philosophorum gentilium elogia. Socrates, auctore Laertio, rogatus à Gorgia, regem Persarum putaretne felicem? respondit. Nescio Hercule, quantum virtutis & disciplinae habeat. Plato, ut est in Menexemo, omnes opes, omnem rerum copiam virtuti concedere dicebat. Aristoteles libro primo magnorum Moraliū. Virtus, inquit, est honorabile bonum, à quo qui studiosus euaserit, eum virtutis habitum induisse certum est. M. Tullius in Paradoxis. Quis dubitet, quin in virtute diuitiae posita sint, quoniam nulla possessio, nulla vis auri & argenti pluris, quam virtus aestimanda est. Et Academicarum quaestionum libro primo. Quod in philosophia absolutum est, id est virtus, quasi perfectio naturae, omniumque rerum, quas in animis ponunt, una res optima. Et libro 5. Tusculanarum quaestionum. Nos virtutem semper liberam volumus, semper inuictam, quae nisi sunt, sublata virtus est. Plautus in Amphitruone.

Virtus

*Virtus premium est optimum,
 Virtus omnibus rebus anteit profecto
 Libertas, salus, vita, nos, parentes,
 Patria & prognati tutantur, seruantur.
 Virtus omnia in se habet, omnia assunt bona
 Quem penes est virtus.*

SENECA ad Lucilium. *Virtus extollit hominem, & supra cara* S. ep. 87.
mortalibus collocat: nec ea quæ bona, nec ea quæ mala vocantur, aut caput
nimis, aut expauescit. Et libro primo de Ira. *Sola sublimis & excelsa* Id. in fine.
virtus est.

C A P V T III.

De Proprietatibus Virtutis.

PRIMA proprietas est, quod homo natura sit proclivis ad virtu-
 tem; nam psalter regius canit, *Signatum est super nos lumen vul-*
tus tui Domine, quod enim illud lumen nisi veri cognoscendi, bonique *Psal. 4. 7.*
 expetendi? Vnde Seneca 4. de Beneficiis c. 17. *maximum habemus hoc*
natura meritum, quod virtus in omnium animos lumen suum premitteat. et
iam qui non sequuntur illam, vident. Et Apostolus ad Romanos scribit, *Rom. 2. 14.*
gentes naturaliter ea quæ legis sunt facere. Clemens Alexandrinus in sex-
 to Stromateo. *illud quoque, ait, illos scire oportebat, quod natura quidem apti*
nati sumus ad virtutem, sed non quod eam habeamus ab ortu, sed simus apti ad
eam acquirendam. Et paulo post. *Aptitudo autem est quidem inclinatio ad*
virtutem, non autem virtus. Atque omnes quidem apti sunt natura ad acqui-
rendam virtutem, sed alius quidem magis, alius vero minus accedit ad discipli-
nam & exercitationem. Et Cyrillus Alexandrinus libro 3. in Iulianum;
 ex sententia Alexandri Philosophi. *Nam inquit, si natura virtutes ha-*
bere possemus, nullus certè vitio locus relictus esset. Quoniam autem hoc im-
possibile, natura solum procedit usque ad hoc, quod virtutum capaces nos simus. Ne-
cessario enim omne quod alicuius capax est, cui est contrarium, id & contrarii
capax est. Etiam si verò natura nostra capax sit contrarii, hoc est vitii,
 ut dicit Cyrillus, tamen homo potius natura proclivis est ad virtutem, *Cic. 1 Acad. 1*
 quam ad perfectionem suam. (Virtus enim teste M. Tullio *quæst.*
 natura perfectio est) quam ad vitium, cum vitium sit contra natu-
 ram, ut docent S. Patres. Nam S. Augustinus in libro undecimo de ci- *Ac. 17.*

C. serm. 2.

Eccli. 19. 19.

L. c. 12.

C. lib. 1.
A. c. 6.

A. c. 17.

B. hom. 9.

P. c. 9.

uitate Dei ita scribit. *Vitium ita contra naturam est, ut non possit nisi nocere natura. Non itaq. esset vitium recedere à Deo, nisi natura, cuius id vitium est, potius competeret esse cum Deo.* Idem habet libro 3. de libero arbitrio cap. 13. Et S. Chrysost. homilia 2. in epistolam Pauli ad Ephesios. *Age scrutemur num ex necessitate peccata committantur. Non occides, inquit (Dominus) Quæ est hic necessitas, quæ coactio? Quis enim nostrum gladium velit in guttur proximi sui immergere. cruentamq. facere dexteram? Nemo. Indidit quippe magis natura nostra Deus hunc amorem, ut alius alium vicissim diligamus. Omne siquidem animal, inquit, quod sibi simile est, diligit, & homo proximum suum. Vides quod ab ipsa natura habeamus indita ad virtutem seminaria. Quæ verò malitia sunt, præter naturam sunt.* Et rursus paulo post probat vitium magis repugnare naturæ quam virtutē, eo quod vitium maiore labore perpetretur. *Quid enim dic oro, inquit, difficilius, quid molestius, noctu per uigilem circuire, parietes perfodere, ad eadem instrumtum tremere, timoreq. mortuum esse, animam in manibus habere: an quotidianis laboribus intentum & securitate frui & libertate? Postremum hoc facile est, & quoniam facile est, plures hoc faciunt, quam istud. Vides quod iuxta naturam sit virtus, præter verò naturam malitia?*

II. Proprietas, quod sit bonum animi, non corporis, ut probat contra quosdam veteres Philosophos Lactantius libro diuinarum institutionum primo. Deinde bonum rationi consentaneum. *Virtus, inquit Cicero de natura Deorum, sine ratione constare nequit.* Et Philosophus in secundo de Moribus, docet eam in mediocritate consistere ratione definita, & ut definit ipse prudens, Vnde S. Ambrosius primo libro de Officiis. *Primus officii fons est prudentia.* Tertio bonum voluntarium. Vnde S. Basilius in homilia, quod Deus non sit auctor malorum. *Deo eum puta fore amicum, non qui coactus, sed qui sponte sua, virtutemq. illi obtemperat. Virtus verò ex voluntate perficitur, non necessitate. Voluntas autem ab illis pendet quæ in nobis sunt sita. Quod verò in nobis situm est, voluntarium & spontaneum est.* Et Chrysostomus homilia 54. in Genesin initio. *In voluntate nostra comite superna gratia sitæ sunt virtutes & vitia.* Et B. Prosper libro 2. de Vocatione gentium. *Sive initia, sive profectus fidelium, sive usq. in finem perseuerantium cogitemus genus, nulla species cuiusquam virtutis occurrat, quæ vel sine dono diuinæ gratiæ, vel sine consensu voluntatis nostre habeatur. Nam virtus nolentium nulla est, nec potest asseri vel fidem, vel spem, vel charitatem eis inesse quorum ab his bonis consensus alienus est.*

III. Quod sit in medio, vel mediocritate constituta. Non enim raro indicat diuina Scriptura viam virtutis esse quasi mediam inter vitio-

vitio
nab
ram
ve
bus
plu
tion
nat
tra
Et
Etun
& p
nec
pera
care

xas.
virt
ter s
libr
rant
insep
una
rali
cui
alte
omn
om
dial
ricip
quib
Phin

vitiosa extrema. Vnde in Deuteronomio sic monet Deus. *Non decli-* Deu. 32.
nabitur neq. ad dexteram neq. ad sinistram. Et Salomon. *Ne declines ad dexte-* Prou. 4.27.
ram neq. ad sinistram. Vnus enim quæ à dextris sunt nouit Dominus, peruersæ
 verò sunt quæ à sinistris sunt. Et S. Paulus ad Romanos. *Dico autem omni-* Rom. 12.3.
bus, non plus sapere, quam oportet sapere, sed sapere ad sobrietatem, id est, non
 plus nec minus quam oportet. Et S. Patres. Greg. Nazianzenus in ora-
 tione de seipso. *Da operam ut sagittam ita semper manu teneas, ut ad desti-* G.N.h.8.
natum scopum tendat: sic quidem, ut neque ultra Christi mandatum, nec ci-
tra eiusdem præcepta eam mittas. Neutro enim modo virtutis album feries.
 Et Nyssen in Cantica. *Virtus media est inter duo vitia, nempe inter dese-* H.lib.14.c.32.
ctum honesti & exuperationem. Et S. Hieron. in Isaiam. *Neq. enim vitia*
& perturbationes inuicem se sequuntur, quod de virtutibus dicitur, in quibus
nec immodicus sunt, nec immodicus, id est, nec plus, nec minus, sed omnia tem-
perata. Plutarchus de liberis educandis. *Mediam, inquit, in cunctis se-*
care viam, summa artis & consonantia est. Et Horatius. H.ep.19.

Virtus est medium vitiorum, utrinque reductum.

Et

*Est modus in rebus, sunt certi denique fines:
 Quos ultra citraque nequit consistere rectum.*

Id. sat. lib.1.

IV. Quod quælibet, ut perfecta sit, omnes alias habeat conne-
 xas. Ita S. Ambrosius in Lucam. *Connexæ, inquit, sibi sunt, concatenatæq.* A.lib.7.
virtutes. S. Hieron. ad Fabiolam de 40. mansionibus. *Herent sibi, & in-* H.38.mant.
ter se ita connexæ sunt, ut qui vna caruerit omnibus careat. S. Augustinus
 libro 6. de Trinitate. *Virtutes quæ sunt in animo humano nullo modo sepa-* A.c.4.
rantur ab inuicem. Et Epistola 28. ait omnibus Philosophis placuisse dogma de
inseparabilitate virtutum. S. Gregorius primo moralium. *Neq. enim, ait,* G.c.39.
vnæquæq. virtus verè virtus est, si iuxta alijs virtutibus non est. Et 22. Mo- Id.c.1.
 ralium. *Vna virtus sine alijs, aut omnino nulla est, aut imperfecta.* Idem do-
 cuit Plato libro de regno. & Aristoteles in 6. de moribus. & Cicero in Ar.caz.15.
 altero de Officijs, vbi ait inter omnes Philosophos constare, qui vnâ habere
 omnes habere virtutes. Dices, si q. vnâ habet omnes habeat, inde sequi
 omnes esse æquè sanctos & perfectos. Respondet Atticus apud Hier.
 dialogo 1. aduersus Pelagianos, qui vnâ habuerit, habere omnes par-
 ticipatione, non proprietate. *Necessè est enim, inquit, ut singula excellent in*
quibusdam, ut in Salomone sapientia, in David animi mansuetudo, in Elia &
Phinees zelus, in Abraham fides, in Petro cui dictum est: Simon Ioannis

Amos.

amas me, perfecta dilectio, in electionis vase studium predicandi, & in ceteris, vel bina vel terna.

Matt. 7. 14.

Matt. 11. 13.

Luc. 14. 27.

C. 4. Strom.

Agg. 1. 16.

H lib. 10. c. 12.

Matt. 7. 13.

Gen. 34. 30.

Deu. 28. 62.

Matt. 7. 14.

L. c. 1.

A. c. 9.

O. l. 2. eleg. 2.

V. Quod difficilis sit & amara, maximè in religione Christiana. Arcta est enim via, teste Christo, qua ducit ad vitam, & pauci sunt qui inueniunt eam. Et. Regnum calorum vim patitur, & violenti rapiunt illud. Et. Qui non baiulat crucem suam, & venit post me, non potest meus esse discipulus. Hinc Clemens Alexandrinus. Merito scribit Simonides. Fertur virtus habitare in rupibus aditu difficilibus, nunc autem celerem castum locum tenere, & quæ nec aspici possit omnium mortalium ciliis, sed ab eo demum ad quem sudor venerit. Et Tertullianus ad Martyres. Virtus duritia extruitur, molitia verò destruitur. Et Gregor. Nazianzenus Apologetico. 1. Rara ait, atque ardua est virtutis adeptio, quamlibet etiam multis modis ad eam inuitemur ac trahamur. Quod etiam ipsum à beatissimo Aggæo animaduersum mihi fuisse videtur cum admiranda illa verissimaq. imagine vteretur Percontamini ex lege sacerdotes, num si caro sancta in veste cibum aliquem, aut potionem, aut vas denique aliquod tetigerit, rei admota sanctitatem protinus allatura est? Quod cum pernegassent, percontamini rursus, inquit, si qua res impuritatem eorum propius admota fuerit, nonne impuritatem statim contrahet? tanquam videlicet eam piaculi participem fore, puritatemq. suam contagione amissuram esse haud dubiè affirmaturi sunt. Quibus verbis, mea quidem sententia, hoc significat, virtutem huiusmodi esse, ut eam homines non nisi summo labore adipisci queant, sicut nec humida materia ignem facile excipere solet: contra vero ad vitii perceptionem omnes mortales promptos idoneosq. esse, non secus ac stipula ad scintillam ob natura societatem facile accenditur. Et B. Hieron. in Ezechielem. Lata & spaciola est via, inquit, qua ducit ad mortem, & multi ingrediuntur per eam, sicut e contrario dicitur ad Iſrahel. Vos autem estis pauci inter omnes gentes: semper enim virtus rara est, & arcta & angusta via, qua ducit ad vitam, & pauci sunt, qui ingrediuntur per eam. Et libro contra Vigilantium. Rara est virtus, nec à pluribus appetitur. Lactantius libro primo sub initium. Quia virtutibus amaritudo permixta est, vitia vero voluptate condita sunt, homines illa offensi, hac delinuti feruntur in præceps, ac bonorum specie falsi, mala pro bonis amplectuntur. Idem docuere Philosophi gentiles. Aristoteles in 2. de moribus ita scribit. Difficilius est, ut Heraclyto placet voluptati repugnare, quàm iræ, at circa difficilius semper ars sit & virtus. Et Ouidius de Ponto.

Difficile est fateor, sed tendit in ardua virtus.

Et CLAUDIANVS Iliadè quædam.

Nam via virtutis dextrum petit ardua callem,

Difficilemq. aditum primum spectantibus offert.

VI. Pro-

VI. Proprietas, quod virtutem non secus fecit, ut loquitur Hier. vana gloria, atq; umbra corpus. Vnde S. Bas. in Constitutionib. monasticis. *Fugiamus, inquit, inanem gloriam, dulcem spiritualium operum spoliatricem, incundum animarum, nostrarum hostem, tineam virtutum, blandissimam bonorum nostrorum depradatricem.* Et S. Hieronymus epistola ad Eustochium *Nec satis religiosa velis videri, ne plus humilis, quam necesse est, ne gloriam fugiendo queras, plures enim paupertatis, misericordie atque ieiunij arbitros declinantes hoc ipso cupiunt placere, quod placere contemnunt, & mirum in modum laus dum vitatur appetitur. Noui apud te superbiam, per quam diabolus cecidit penitus locum non habere. Sed ne hoc ipsum tibi iactantiam generet, quod seculi iactantiam contempsisti, ne cogitatio tacita subrepat, ut quia in auratis vestibus placere desistis, placere coneris in sordidis, & quanto in conuentum fratrum veneris vel sororum sedeas scabello te causeris indignam.* Et Sanctus Augustinus ad Dioscorum. *Nisi, inquit, humilitas omnia quaecunque benefacimus & preceperit, & comitetur & consecuta fuerit, iam nobis de aliquo bono facto gaudentibus totum extorquet de manu superbia, vitia quippe cetera in peccatis, superbia verò etiam in recte factis timenda est, ne illa quae laudabiliter facta sunt ipsius laudis cupiditate amittantur,* Et Celsianus. *In solitudine quoque cunctorum mortalium consortia gloria causa fugientem persequi non desistit: quantoque amplius quis vniuersum vitauerit mundum, tanto eum acrius insectatur.* Et rursus. *Omnia vitia sua, erata marcescunt, & denicta per singulos dies infirmiora redduntur, hoc deiectum acrius conualescit.*

B.c.12.

H.ep.22.

A.ep.56.

C.lib.11.c.6.

VII. Quod non possit diu delitescere, quod S. Hieronymus egregie probat S. Hilarionis anachoretæ exemplo, qui quo magis virtutes suas celare conabatur, migrando ex vno loco in alium, hoc magis diuulgabantur, etiam ab ipsis dæmonibus. Hanc proprietatem Virtutis agnouere & Ethnici, ut Seneca ad Lucilium ita scribens. *Nulla virtus latet, & latuisse non ipsius est damnum. veniet qui conditam & seculi malignitate compressam dies publicet,* Et paulo ante. *An Æthna tua possit sublabi, & in se ruere, nescio, virtutem non flamma, non ruina inferius adducet. Hac vna maiestas deprimi nescit.* Et libro de Tranquillitate animi. *Nunquam quamuis obscura virtus latet sed mittit sui signa. Quisquis dignus fuerit, vestigium illam colliget.*

H.in vita.

S.ep.79.

Id.c.3.

IX. Quod quidem hac in vita, non sit perpetua, sit tamen in futura. Seneca ad Lucilium & Lactantius arbitrati sunt etiam in hac vita esse perpetuam, sic ut semel parata non possit amitti sed hoc bene refellit Sanctus Augustinus in psalmum 65. *S. aterna, inquit, esset virtus nostra, non lapsi essemus, non cecidissemus in peccatum, non meruissemus mortalitatem*

S.ep.50.

L.lib.7.c.10.

ssss

tem

tem penalem. Ille voluntate suscepit, quo nos meritum nostrum deiecit. Qui dominatur virtute sua in aeternum, eius participes efficiamur, in cuius virtute erimus fortes, ille autem in sua. Nos illuminati, ille lumen illuminans: nos averti ab illo, contenebramur: ille averti à se non potest. Quod autem in altera vita permansuræ sint virtutes etiam morales, licet aliam rationem agendi sint habituræ docet idem S. Augustinus libro 14. de Trinitate. Deo regenti esse subditum, si iustitia est, immortalis est omnino iustitia, nec in illa beatitudine esse desinet, sed talis ac tanta erit, ut perfectior & maior esse non possit. Fortassis & alie tres virtutes. prudentia sine ullo iam periculo erroris, fortitudo sine molestia tolerandorum malorum, temperantia sine repugnatione libidinum erunt in illa felicitate: ut prudentia sit nullū bonū Deo proponere vel equare, fortitudinis ei firmissimè coherere, temperantia nullo desectū noxio delectari. Idem habet Sanctus Prosper de vita contemplativa li. tertio. Porro, inquit, illæ virtutes quatuor et sibi erunt, longe tamen alio modo, quam in hac vita sunt, ubi contra vitia sine intermissione confligunt, &c. De Theologicis virtutibus, fide, spe & Charitate clara sunt verba Apostoli. *Charitas nunquam excidit. Fides est*, ut est in epistola ad Hebræos, *substantia rerum sperandarum, argumentum non apparentium.* Spes, quoque versatur circa rem nondum obtentam. *Quodenim videt quis, ait idem, quid sperat?* At in altera vita omnia apparent & videntur, quæ hic creduntur & sperantur.

Ave. 2.

Ps. 37.

1. Cor. 13. 8.

Rom. 8. 24.

C A P V T IV.

De necessitate atque Utilitate virtutis.

NECCESSITATEM Virtutis demonstrare opus non est, cum sæpe demonstrata sit hæc tenus ex necessitate observationis mandatorum diuinorum, omniumque operum bonorum, atq; etiam particularium quarumq; virtutum, ut fidei, spei, charitatis, iustitiæ, temperantiæ, humilitatis, & ceterarum. De utilitate, quamvis idem dici posset, aliquot tamen proprias hic subiiciemus ex Patribus.

C. lib. 2. c. 6.

PRIMA sit Clem. Alexand. in Pædago. *Hæc ex domatib. (Christianarum virtutum) optimum est perpetuo agendum, quod vir bonus, qui est moderatus & iustus in cælo recondit thesaurū pecunie. Is qui terrena vendidit & dedit pauperib. inuenit thesaurum, in quem non cadit interitus, ubi nec tinea est, nec latro. Is ergo est verè beatus, etiamsi sit parvus, imbecillus & inglorius, & reuera magnus possideat diuitias.*

B. ep. 42.

II. est, BASILII Magni ad Maximum philosophum, cum discipulus

Ius Christi factus esset Reuera, ait, amicissimè fili. solum hoc bonum maximeperè expetendum est ac laudabile, quod & perpetuo est duraturum. Hoc vero est in pretio & honore esse apud Deum. Ista quippe humana, umbra sunt obscuriora, & somnijs fallaciora. Etenim iuventa vernis floribus citius defluit. Et corporis venustas, aut morbo, aut tempore flaccescit, & diuitie sunt incertae. Honoris splendor facillè immutatur. Artium studia & labores vita cum hoc tempore finiuntur. Quin & ipsa eloquentia, cuius studio passim omnes tenentur, gratiam habet, sed solo aurium iudicio, & illiciti incūditate. Virtutis autem studium, pretiosa quidem se habenti possessio est: iucundissimum verò spectaculum illis exhibet, quibus cum congregitur familiariter.

III. eiusdem in oratione de Virtutibus & vitiis. Virtutes, ait, ubi ex industria natura cohaerent, nostra bona efficiuntur, neque nos in terra laborantes deserere volunt, nisi ipsi sponte eas repulerimus, alias magis prauas, inducendo, sed ad Deum accelerantes nos praecurrunt, & penes angelos conditoris se collocant, atque ante angelos creatoris perpetuo fulgent, splendescuntque. Diuitiae vero, dominatio, splendor, delicia, ac omnis denique eiusmodi turba, quae indies nostra dementia increfcit, neque vna nobiscum ingressa est in hanc vitam, neque etiam simul discedit, sed illud, quod quondam insus protulit, in oēs homines valet. Nudus egressus sum ex utero matris meae, nudus etiā discedā.

IV. eiusdem de legendis libris gentilium, quod sit Viaticum senectutis. Nec Biantis, inquit, saluberrimum dictum praeferibo, qui ad Aegyptios eunti filio, & percunctanti, quod ei maximè gratum faceret, viaticum, respondit, senectutis possidendo, virtutem scilicet viaticum appellans, ac breui definitione describens, ut humana vitae utilitatem suppeditantem definiuit. Ego autem etsi Tithoni senectam, & Arganthonij, ac Mathusalem illius, qui mille annos triginta minus vixisse dicitur, denique si tempus omne ab initio, quo ceperunt homines, computes, sane ut pueri sententiam ridebo, ad prolexum illud & nulli senio obnoxium seculum respiciens, cuius nec finem ullum est mente deprehendere, non magis quam immortalis anima mortem cognoscere: ad cuius possessionem admonemus comparandum esse viaticum, ac omnem lapidem secundum prouerbum mouendum: unde aliqua nobis utilitas ad hoc consequendum prouentura sit.

V. CHRYSOSTOMI in sermone de Virtutibus & vitiis, quod etiam in aduersis sit beata. Quem, inquit, bene viuere perspicies, & omnia ad diuinum cultum referre intelliges, hic si innumeris etiam catenis oblitus fuerit, si semper in carcere vixerit, si apud indignos seruitutem tulerit, si pauper sepulchro reuulsus combustusque fuerit, si tractim perdendum corpus praebuerit, si denique graue quicquid dici potest passus fuerit, hunc beare, hunc felicem dicere, hunc ad sydera tollere memineris. Quod si alium videas per summa flagitia viuere, multis verò honoribus

fungi, regio sedentem folio, diademate ac purpura insignem. super eo lachrymas funde, eumq. miserabiliorem omnibus hominibus puta.

V I. eiusdem ibidem, quantum vel vnus iusti virtus Reipub. profit. Vir, inquit, quidem vnus rectè viuens diuina ira omnem populum liberare sufficiet: e contra verò ciuitas omnis corrupta in suam poenam atq. supplicium imminens eum rapere non poterit. Quod quidem ex Noe liquidius patet, pereuntibus siquidem omnibus liberatur vnus, & ex Moyse hoc idem videre licet. potuit scilicet vnus tantam restituere gentem. Quando verò viros homines, quibus loquendi fiducia sit nullos prorsus inuenerit, tum verò ad mortuos profugiens. Per eos, inquit, peccata remitto. Quomodo enim satur? Hanc ego, inquit, mea ipse gratia protego urbem. David serui mei causa, qui ab hac iam pridem vita discessit. Aspice sanctorum quanta sit virtus.

VII. S. Augustini libro de Quantitate animæ, quod vitam humanam reddat æquabilem & tranquillam. Nunc ergo, (inquit Augustinus ad collocutorem suum Adeodatum) illud attende, utrum tibi videatur virtus aequalitas quadam esse vita rationi undique consentientis? Nam si aliud ab alio in vita discrepet, magis nisi fallor offendimur, quam si aliqua pars circuli maiore minoreue intervallo, quam alie partes distent à puncto, an tu aliter existimas? ADEODATVS. Imò assentior, & hanc quæ abs te descripta est probo esse Virtutem. Nam & ratio non dicenda est, aut existimanda nisi vera, & cuius vita per omnia congruit veritati, is est profecto vel solus, vel certe maximè qui bene atq. honestè viuit, & qui ita sit affectus solus habere virtutem, & ea viuere iudicandus est. AVGVST. Probe dicis. Sed certe etiam illud vides, ut opinor similiorem esse virtuti circulum, quàm figurarum planarum aliam quamlibet. Hinc est enim quod apud Horatium magnis laudibus solemus extollere illum versum, quo ait, cum de sapiente ageret. Foris & in seipso totus teres atq. rotundus. Et ecclè. Nam neq. in animi bonis quicquam inuenis, quod magis sibi ex omni parte consentiat, quam virtutem, neq. in planis figuris, quam circulum. Quamobrem si circulus non magnitudine spaci, sed quadam conformatione ceteris prestat: quanto magis de virtute existimandum est, quod non maioris loci occupatione, sed diuina quadam congruentia rationum, atq. concordia, ceteras affectiones animi superat.

Gen. 8.

Exo. 14.

Ila. 37. 38.

A. C. 16.

H. 2. ser. sat. 2.

C A P V T V.

De medijs idoneis ad Virtutem.

PRIMUM medium suggerit S. Basilus in caput primum Isaia, & in primum psalmum Davidis, Recessionem à vita flagitiosa. *Principium, inquit, recuperandorum bonorum, est recessio à malis. Declina, inquit, à malo, & fac bonum. Si enim statim proposuisset tibi perfecta, pigrus ea aggreffus fuisses: nunc verò iis que facilius comprehenduntur, te assuefacit, quo maiore animo sequentia aggrediaris. Ut enim in scala primus ascensus est à terra discessio, ita in diuina poluita principium progressus secessio est à malis.* B. orat. 7. de virt. & vitio. Psal. 36. 27.

II. Eiusdem ibidem est, Consideratio duplicis viæ à Pythagora symbolo litteræ Y propositæ. Quamdiu, inquit, quisque nostrum puer est, iucunditati huius vitæ studens nullam futuri curam habet, sed cum in virum euaserit, ac intelligentiam asscutus fuerit, videt vias sibi duas propositas esse. Vnam, quæ ad virtutem ducit: alteram, quæ ad vitium. In utramque itaque partem frequenter animæ oculum coniciens confert ea inter se, quæ utriusque adsunt. Ac peccatorum quidem via omnia ostendit in præsentī seculo iucunda: iustorum verò demonstrat futuri seculi bona. Et via quidem eorum qui seruantur, quanto pulciora pollicetur futura, tanto magis laboriosa exhibet præsentia: at via voluptaria & incontinens, non quæ in posterum expectanda sit, sed iam præsentem efficit voluptatem. Beatus igitur ille est, qui voluptatis inescatione ad interitum non est conuersus, & qui in utriusque viæ electione ad eam, quæ ad deteriora ducit, non deflexit. Idem medium eleganter describit Lactantius diuinarum institutionum libro sexto. L. c. 3. & 4.

III. eiusdem hom. in 61. psalmum est, Mortificatio, vel excidium omnium prauarum cupiditatum, & solitudinum huius mundi. Beatus, ait, qui omni spe rerum huius mundi seipsam orbauit, ac in solo Deo omnem spem fixit. Diuina autem gratia vix digni esse possumus, si prius eas perturbationes, quæ prauitate sua animos nostros infecerunt, non exegerimus. Vidergo medicos non prius præbentes salutaria medicamenta, quam ante vomitionibus eam materiem, quæ morbum gignebat, vacuam fecissent, quam sibi ipsis ex praua victus ratione homines intemperantes aggregarant. Verum & eas si reliquida male olente vinctum fuerit, nec non elutum, recipit vnguementi influxionem. Proinde necessarium est, ut ea quæ prius insunt, effundatur, ut post possint

Id. in asceticis. ea recipi, quae inducenda atq; inferenda sunt. Omnibus quidem adest Spiritus sanctus, sed solummodo illis, qui à perturbationibus sunt vacui propriam virtutem imprimi suam. Et alibi de curis. Fieri non potest, ut id recte, cui studemus perficiatur, si animus in diuersis curas distractus fuerit, sicut ipse Dominus declarauit dicens. Nemo potest duobus dominis seruire. Et rursus. Non potestis Deo & mammona seruire. Neq; enim aliquod mandatum Dei prestare, neq; Deum diligere, neq; proximum possumus, si animus varijs curis distractus sit. Neq; fieri potest, ut quis artem aliquam aut scientiam comprehendat, qui ad aliam rem se confert, & nec ullam artem consequi poterit, si non prius ea, quae finis sunt, cognorit: necesse est enim, ut actiones fini respondeant. Nam neq; ars ferraria finem suum opera figulina consequitur, neq; corone athletica ex studio tibialis cecidendi parantur, sed ad unumquemq; finem consequendum proprius ac congruus labor requiritur.

Virg. 1. Georg. Maist. 11. 13. L. c. 12. IV. est, non abhorrere à labore: labor improbus, ait Poeta, omnia vincit. & regnum calorum vimpatur. Hoc medium ab omnibus fere Patribus annotatum est. Vnde Lactantius libro tertio. Hoc uno beati esse in hac vita possumus, si fugientes illecebras voluptatum, soliq; virtuti seruientes in omnibus laboribus, miserisq; viuamus, quae sunt exercitia & corroboramenta virtutis, si deniq; asperam illam viam difficilemque teneamus, quae nobis ad beatitudinem patefacta est. S. Ambrosius libro primo de Cain & Abel. Apud ignaros, inquit, nulla sunt insignia virtutis, apud sapientes prima habentur: studia enim virtutis quaedam instrumenta sunt. Itaq; sicut bellator sine armis esse non potest, ita nec sine exercitatione virtus. Vnde & Dominus in Euangelio ait. A diebus Ioannis Baptista regnum calorum cogitur, & cogentes diripiunt illud. Et libro secundo. Nulla sine labore virtus, quia labor processus virtutis est. S. Chrysost. in Genesin. Ne spectet quis ad laborem virtutum, sed caelestia lucra cogitantes promptè labores obeamus. Nam si hi qui in terrenis versantur negotijs, & in colligendas opes insaniunt omnia, romptè suscipiunt facienda, & videntes ante oculos pericula maris, piratarum insidias & naufragia non deterrentur, nec segniores sunt, quamuis, quod plus est, de sine nihil certi habeant, qualem nos habituri sumus excusationem, si non omni studio accingemur ad virtutum studia & agones propter aeterna illa bona? S. Hieronymus ad Paulinum. Nihil sine magno labore vita dedit mortalibus. Cassianus collatione 7. Nulla virtus sine labore perficitur. S. Bernardus ad Episcopos Aquitaniae. Virtus in pace acquiritur, in pressura probatur, approbatur in victoria. Seneca ad Lucilium. Pars virtutis disci, lina constat pars exercitatione. Et discas oportet, & quod didicisti agendo confirmes.

V. Medium sit Timor Domini, quod praeforibit S. Hieronymus ad Fabiolam, de 24. mansionibus. Venisti, inquit, ad Ecclesiam, ascendisti

H. ep. 13. C. c. 6. B. ep. 116. S. ep. 94.

H. mans. 24. ep. 117.

ad mortem pulcherrimum, stupore & miraculo Christi magnitudinem confite-
ris, vides ibi multos virtutis tue socios, noli altum sapere, sed time. Dominus
enim superbis resistit humilibus dat gratiam. Et qui se exaltat, videat ne cadat.
Potentes potenter tormenta patientur. Timor virtutum custos est: securitas
ad lapsum facilis. Vnde & in quodam psalmo, postquam propheta dixerat. Do-
minus regit me, & nihil mihi deerit, in loco pascua ibi me collocavit, iungit ti-
morem, qui custos est beatitudinis, & infert. Virga tua & baculus tuus, ipsa me
consolata sunt. Et est sensus, dum tormenta formido, servavi gratiam, quam ac-
ceperam. Et Io. Cassianus libro 4. institutionum. Per timorem Dei & vi-
tiorum purgatio, & virtutum custodia, his qui imbuuntur ad viam perfectio-
nis, acquiritur. Et S. Bernardus de donis Spiritus sancti. Sicut securitas,
inquit, vel desidia causa est & mater omnium delictorum, sic timor Domini
radix est & custos omnium bonorum. Psal. 125.
v. 4.
C. c. 39.
B. c. 1.

VI. Medium & postremum, ob oculos ponere exempla eorum
qui virtutibus excelluerunt, nam vt Seneca scripsit epistola sexta.
Longum iter est per precepta, breue & efficax per exempla. Idcirco, inquit
Gregorius Nyssenus in enarratione vitæ Moylis, credendum est prestan-
tissimorum virorum vitas exquisitissime descriptas, vt vita nostra imitatio-
ne ad virtutem rectius deducatur. Deinde eorum vti contubernio, à qui-
bus virtutem discere possimus. Sequatur, inquit Ambrosius de Offici-
is, conuersationis electio, vt adiungamur probatissimis quibusq; senioribus.
Namq; vt aequalium usus dulcior ita senum tutior est, qui magisterio quodam
& ductu vita colorat mores adolescentium, & velut mucia probitatis inficit.
Plura de hac re habes in PANARIO. V. Exemplum malum. A. lib. 1. c. 43.

V I D E V. Honestas. Intentio. Iustitia. Profectus spiritualis.
Prudentia. Religio. Timor Dei. Et in PANARIO V.
Peccatum.

Z.

Z E L V S.

C A P V T I.

De nomine & significatione Zeli.



Act. 17.

Rom. 10. 2.

2. Cor. 3. 3.

Gal. 1. 14.

Iac. 3. 14.

H. ad c. 1.

1. Cor. 12. 31.

2. Cor. 11. 1.

Psal. 68. 10.

3. Reg. 19.

Num. 25. 7.

Act. 1. 14.

Mar. 3. 19.

ELI nomen, quod origine Græcum est, idem est cum emulatione; & in Scripturis, nunc in malam, nunc in bonam partem vsurpatur. In malam, cum vel inuidiam & liuorem vel cæcum quendam impetum & furorem significat. vt cum in Actis legitur. *Exurgens autem princeps sacerdotum, & qui cum illo erant, repleti sunt zelo, & intecerunt manus in Apostolos.* & in epistola ad Romanos. *Testimonium perhibeo illis, quod emulationem Dei habent sed non secundum scientiam* Et ad Corinthios. Cum enim sit inter vos zelus & contentio, nonne carnales estis? Et ad Galatas. *Prosciebam in Iudaismo abundantius amulator existens patrum meorum traditionum.* Et apud S. Iacobum. *Quod si zelum amarum habetis & contentiones sint in cordibus vestris, nolite gloriari.* Quod autem in bonam partem accipiat, inquit Hieronymus in Nahum, *Paulus Apostolus ostendit dicens zelamini xpi quæ uera maiora.* Et in alio loco. *Zelo n. vos Dei zelo.* Et ipse Dominus in psalmo. *Zelus domus tuæ comedit me.* Et Elias. *Zelans,* inquit, *zelatus sum Domino omnipotenti Deo Israel.* Phinees quoque, *zelum* & *Matathie* legimus. Et Simonem zelotem Apostolū Iesu Christi, quem Marcus Euangelista Simonem Cananæum vocat.

2. Cor. 9. 2.

Gal. 4. 18.

Hoc autem secundo modo acceptus zelus Virtus est, qua de in præsentia agimus, geminamq; habet in iisdem sacris litteris significationem. Primo enim designat laudabile studium, quo accendimur ad virtutes alicuius imitandas, vel etiam superandas, sine ullo tamen ipsius odio. Quo sensu Apostolus dixit in altera ad Corinthios. *Quoniam & Achaia parata est ab anno præterito, ad erogandum eleemosynam, & vest a emulatione prouocauit plurimos* Et ad Galatas. *Bonum autem emulamini in bono semper* Secundo designat animi æstum ex indignatione de iis conceptum, quæ indigne fiunt, vel aduersus Deum, ipsum, vel aduer-

aduersus homines quos diligimus. qualis erat Christi zelus apud S. Ioannem, quando eiecit ementes & vendentes è templo, vnde textus ait. *Recordati sunt verò discipuli eius, quia scriptum est. zelus domus tue comedit me.* Qualis & Corinthiorum, de quibus Paulus. Referens nobis vestrum desiderium, vestrum fletum, vestram emulationem pro me, ita magis ut gauderem. Et iterum. *Ecce enim hoc ipsum secundum Deum contristari vos, quantam in vobis operatur solitudinem, sed defensionem, sed indignationem, sed timorem, sed emulationem, sed vindictam.*

Ioan. 2. 17.

Psal. 68. 10.

2. Cor. 7. 7.

1b. v. 11.

Vnde quod ad originem vocis zeli attinet. S. Augustinus suspicatur à zelo maritali translatam; nam libro 2. Quæstionum in Exodusum ita scribit. *Quod Deus dicitur Zelator, hoc verbo indicat, non impunè plebem suam per alienos Deos fornicatorem. Ductum est enim verbum à trophæo metaphora, à zelo maritali, quod castitatem custodit uxoris, quod nobis prod- est, non Deo.* Et libro 83. quæstionum. *Quia coniugis castitatem zelando viri custodire consueverunt, illam Dei providentiam per quam precipitur atq. agitur, ne anima corrumpatur, & Deos alienos sequens quemadmodum meretur, Zelum Dei appellauerunt.*

A. c. 138.

1d. q. 5.

CAPVT II.

De dignitate Virtutis Zeli.

DIGNITAS huius virtutis inde elucet, quod fere à duabus maximis virtutibus, nempe caritate & religione in Deum proficiscatur. Vnde enim verba illa Pauli, æstus zeli redolentia, *Tristitia mihi magna est & continuus dolor cordi meo.* Optabam enim ego ipse anathema esse à Christo pro fratribus meis, profecta sunt, nisi ex flagrantissimo amore & desiderio salutis Iudæorum promouendæ? Et ideo paulo ante exclamabat. *Quis nos separabit à charitate Christi?* Et S. Dionysius Areopagita capite 4. libri de diuinis nominibus, ait nomen Zelotis idcirco in sacris litteris tribui Deo, quod ingenti amore res à se conditas profequatur. B. Gregorii quoq; in fine libri primi in Ezechielem celebratur sententia. *Nullum omnipotenti Deo tale est sacrificium, quale est Zelus animarum.* Deinde hoc ipsum attestatur dignitati huius virtutis, quod in Scripturis, eius nomenclatura tum Deo. Opt. Max. tum Christo Saluatori atq; adeo etiam ipsis angelis attribuitur, ut obseruauit S. Ambrosius in psalmum 118. *Angeli quoq; ait, sine zelo nihil sunt, & substantie sue amittunt prerogatiuam, nisi eam zeli ardore sustentent.* Deniq; in Apocalypsi. Ioannis Dominus ad angelum Laodiceæ dicit. *Scio operatua, neq; frigidus*

Rom. 9. 2.

C. hom. 12.

A. serm. 18.

Apoc. 3. 15.

T t t t

cs. neq;

es, neq. calidus. Vtinam frigidus esses aut calidus, sed quia tepidus es incipiam te euomere ex ore meo, quia dicis quod dives sum & ditatus, & nullus ego, & nescis, quod tu es miser, & miserabilis & mendicus, & nulus & cacus. Consulo tibi ut emas à me aurum igne probatum. Hic est Dei zelus, hic est fidei vapor, deuotionis feruor, qui nos velut suauem cibum in Christo remollit & format. Et paulo post. Et quid miremur, si angeli eum habent. Ipse Deus pater ait. Zelans zelabo Hierusalem zelo magno. Quia Deus magnus, ideo & zelus eius magnus est, & pro vniuscuiusq. potentia qualitate, ita & zelus aut mediocris aut magnus est. Zelo vindicatur Hierusalem, zelo Ecclesia congregatur, zelo fides acquiritur, zelo pudicitia possidetur. Dominus quoq. Iesus ait, zelus domus tua comedit me, increpans Iudaeos, quod domum orationis fecerint speluncam latronum, fecerint & domum negotiationis.

Psal. 68. 10.
Ioan. 2. 15.

1. Reg. 19. 10.

1. Mach. 2. 27.

DEINDE eadem virtus in Scripturis maximè tributa est personis in populo Israhel dignissimis, ut sacerdotibus, & summis quibusq. prophetis: Vnde idem Ambrosius loco citato, Zelum habere debet sacerdos, qui incorruptam seruare studet Ecclesiae castitatem. Et Phinees sacerdos erat, & nepos sacerdotis & filius sacerdotis. Bonus zelus & utilis in sacerdote, præcipuè ne negligens, ne remissus sit. Vides quia zelus Dei gratia est, qui exgrit, qui superuenit, qui se iusti fundit pectori. Zelus Dei vita est. Zelum habuit Elias & ideo raptus ad caelum est. Zelans, inquit, zelauit Dominum. zelum habuit Matathias Butanus, qui aduersus sacrilegia Antiochi excitauit Dei plebem. Quid multa? Apostolus quoq. Domini hoc declaratus est nomine, ut Iudas zelotes diceretur, sicut legimus in Euangelio. Hæc ille, cui adice ex nouo testamento Præcursores Domini, Principem Apostolorum Petrum, & gentium Doctorem Paulum, & Protomartyrem S. Stephanum & alios zeli nomine illustres. Accedit quotquot post Apostolorum tempora doctrina sanctitateq. excelluerunt in Ecclesia Dei, eosdem quoque hac virtute effloruisse, ut Cyprianus, Hilarius, Basilus, Ambrosius, Chrysostomus, Hieronymus, Augustinus, Gregorius Romanus, Bernardus.

C A P V T III.

De zeli proprietatibus.

Ez 23. 25.
Id. 16. 42.

1. Mach. 2. 57.

PRIMA Proprietas est, quod sit peculiare donum Dei. Vocatur enim in sacris litteris zelus vel æmulatio Dei, vel à Deo data, nam Deus ad Ezechielem sic loquitur. Ponam Zelum meum in te. Et iterum. Auferetur zelus meus à te. Et primo Machabæorum de Phinee dicitur. Phinees pater noster Zelando zelum Dei accepit testamentum sacerdotii æterni.

Er

Et Apostolus. *Emulor vos Dei emulatione.* Vnde S. Augustinus in psalmum 118. *Emulationem Dei, inquit, suo spiritu inspirat fidelibus Deus,* A. conc. 38. *amoris enim est, non liuoris.* Huc pertinet illud S. Bernardi in Cantica. B. ser. 49. *Cum duo sint beata contemplationis excessus, in intellectu vnus, & alter in affectu: vnus in lumine, alter in feruore: vnus in agnitione, alter in deuotione: pius sane affectus, & pectus amore calens, & sancta deuotionis infusio, etiam & vehementi spiritus repletus zelo, non planè aliunde quam è cella vinaria reportantur, & cuicumq; cum horum copia surgere ab oratione donatur, potest in veritate loqui, introduxit me rex in cellam vinariam.* Cant. 2. 4.

II. Proprietas est, quod coniunctus sit cum feruore animi. Vnde saepe in Scripturis zelo adiungitur verbum ignis. Nam rex Dauid Deus alloquens. *Vsquequo, ait, accendetur velut ignis zelus tuus?* Et apud Ezechielem. *Quoniam in igne zeli mei, inquit ipse Deus, locutus sum de reliquis gentibus.* Et Sophonias. *In igne zeli eius deuorabitur.* Eodem spectare videtur illud Christi dictum apud Lucam. *Ignem veni mittere in terram, & quid volo, nisi ut accendatur?* Et illud duorum discipulorum euntium in Emmaus. *Nonne cor nostrum ardens erat in nobis, dum loqueretur in via?* Et dispersit e lingua, quae tanquam ignis in foderunt die Penrecofles, capitibus Apostolorum, aliorumq; vt est in Actis Apostolicis. Et quod ex Deuteronomio allegat S. Paulus. *Etenim Deus noster ignis consumens est.* Hoc zeli igne ardebat cor dicti Pauli, vt annotauit S. Gregorius cum exponit verba illa ex propheta Ezechiele. *Et tu sume sartaginem ferream, & pones eam murum ferreum inter te & ciuitatem.* Quam bene, inquit, Paulus sartaginem ferream sumpserat, cum zelo animarum cruciatus dicebat. *Quis infirmatur, & ego non infirmor? quis scandalizatur, & ego non vror? Ipsum suum cor quod animarum zelo succenderat, quid aliud, quam sartaginem fecerat, in qua amore virtutum contra vitia ardebat? Quod enim urebatur, sartago erat. Inardescere enim & coquebat, quia incendebatur amaritudine, sed virtutum alimenta preparabat, ex sua afflictà cogitatione.* Luc. 12. 49. Luc. 24. 32. Act. 2. 3. Deu. 4. 24. Heb. 12. 29. G. lib. 1. hom. 12. 2. Cor. 11. 29.

III. quod iunctus cum ingenti animi dolore, vt liquet exemplo eiusdem zelosi Apostoli, dum ex zelo scribit. *Tristitia mihi magna est & continuus dolor cordi meo: optabam enim, &c.* Et cum Ephesiis valediceret. *Per triennium, ait, nocte & die non cessauit, cum lachrymis monens vnum, quemque vestrum.* Et ad Philippenses. *Multi ambulant, de quibus dixi, & nunc iterum flens dico, inimici crucis Christi, quorum Deus venter est.* Idem liquet & in aliis sanctis. *Flebam, inquit Iob, super eo qui afflictus erat.* Moyses, teste Apostolo, maluit affligi cum populo Dei, quam cum Pharaone latari. Rex Dauid ex zelo clamat. *Tabescere me* Rom. 9. 2. Act. 20. 36. Phil. 3. 18. Iob. 30. 15. Heb. 11. 25. Pl. 118. 139.

1 Reg. 15.
Ier. 9. l.

Luc. 19. 41.

Exez. 17. 2.

G. hom. 12. in
Ezce.

Eccli. 7. 26.

A. serm. 18.

Cant. 8. 6.

Gal. 1. 15.

fecit zelus meus, quia obliui sunt verba tua inimici mei. Samuel luget Saulem à Deo reprobatum. Ieremias clamat. *Quis dabit capiti meo aquam, & oculis meis fontem lacrymarum?* Iubetur Ezechiel assumere super Tyrum lamentum. Denique & Christus ipse ex eodem zelo videns ciuitatem Hierusalem, referente S. Luca, *fleuit super illam.*

IV. quod iunctus cum magna animi fortitudine, vt bene notauit loco supra allegato S. Greg. *Sumamus ergo, ait, sartagine ferream & ponamus eam murum ferreum inter nos & ciuitatem, id est, assumamus zelum fortem, vt inter nos & auditoris nostri animam inueniamus hanc postmodum fortem munitionem.* Tunc enim hunc murum ferreum inuenturi sumus, si nunc eum fortiter teneamus, videlicet docendo, custodiendo, suadendo, increpando, mulcendo, terrendo aliquando leniter, aliquando verò etiam seuerius agendo. De qua seueritate recta subditur. Et obfirmabis faciem tuam ad eam, & erit in obsidionem. *Quid est obfirmare faciem ab Hierusalem in latere de scripta, nisi vt ei anima, cui celestis pacis visionem doctor denunciat, si adhuc eam infirmari in suis actibus concipiat remissioem & clementioem se minime ostendat.* Vnde scriptum est. *Filia tibi sunt? serua corpus illarum, & non ostendas hilarem faciem tuam ad illas.* Infirma quippe animae, atque appetitui mundi dedita aliquando melius ex seueritate seruantur, vt obfirmata facies, id est, per seueritatis custodiam ab omni spe frivola remissionis abducta inconstantem animam terreat, atque à delectatione vitiorum distractionis vigore constringat. Ad eandem proprietatem S. Ambrosius in 118. psalmum, refert, illud ex Canticis. *Fortis, vt mors dilectio, dura sicut infernus emulatio Durus, inquit, zelus, quem vita huius nulla vincit illecebra.* Durus sicut inferi, per quem peccato morimur, vt viuamus Deo. Et S. Chrysost homilia 52. in Acta de zeloso ita loquitur. *Qui igne Christi captus fuerit, talis fit, qualis esset homo solus super terram habitans, adeo nihil cura est ei gloria & ignominia.* Tentationes autem sic contemnit & flagella & carceres, quasi in alieno corpore pateretur, vel quemadmodum si adamantinum possideret corpus. *Quae autem suauia sunt in hac vita ita ridet, & non sentit, sicut nos ipsi mortui corpora mortua.* Et sicut musca in medium flamma non incidunt, sed fugiunt, ita & affectiones illos accedere non audent.

V. quod respuat carnis & sanguinis consilia cum instinctu vel voluntate Dei pugnancia, velut respuat S. Paulus: qui simul vt zelum hunc imbibit, ita scripsit ad Galatas. *Cum autem placuit ei, qui me segregauit ex utero matris meae, & vocauit per gratiam suam, vt reuelaret filium suum in me, vt euangelizarem illum in gentibus, continuo non acquiesci carni & sanguini.* Vnde S. Ambrosius ibidem. *Zelum qui habent, omnes sibi inimicos suos putant, qui sunt hostes Dei, quamuis patrem, fratres, sorores.* bus

bus dicit. In hostes facti sunt mihi, sicut David ait. Talem zelum exegit quo- Luc. 14. 26.
 que Christus in Apostolis & primis Christianis, cum dixit. Si quis ve-
 nit ad me & non odit patrem suum & matrem, & uxorem & filios, & fratres
 & sorores, adhuc autem & animam suam, non potest meus esse discipulus. Hoc
 zelo accensus quondam Moyses dixit ad populum. Si quis est Domini Exo. 32. 26.
 inrogatur mihi, & ait ad filios Leui. Hac dicit Dominus Deus Israel. Ponat vir
 gladium super femur suum, & occidat unusquisque fratrem, & amicum & pro-
 ximum suum. Feceruntque filii Leui iuxta sermonem Moysi, cecideruntque in die
 illa quasi viginti tria millia hominum. Et ait Moyses. Consecraſtis manus ve-
 stras hodie Domino, unusquisque in filio, & fratre suo, ut detur vobis benedictio.

VI. Quod requirat virtutem discretionis. Queritur enim Apo- Rom. 10. 2.
 stolus de quibusdam, quod emulationem quidem Dei habeant, sed non se-
 cundum scientiam. Ignorantes enim iustitiam Dei, & suam querentes statuere,
 iustitia Dei non sunt subiecti. Finis enim legis Christus ad iustitiam omni cre-
 denti. Vnde B. Bernardus in Cantica. Deus vult se amari non solum dolci- B. ser. 19.
 ter, sed & sapienter. Vnde Apostolus. rationabile, inquit, obsequium vestrum: Rom. 12. 1.
 alioquin facillime zelo tuo Spiritus illudet erroris, si scientiam negligas. Nec
 habet callidus hostis machinamentum efficacius, ad tollendum de corde dilectio-
 nem, quam si efficere possit, ut in ea incaute, & non cum ratione ambuletur. Et Id. serm. 49.
 iterum. Importabilis, ait, absque scientia est zelus. Vbi ergo vehemens emulatio,
 ibi maxime discretio est necessaria, qua est ordinatio charitatis. Semper quidem
 zelus absque scientia minus efficax, minusque utilis inuenitur, plerumque autem &
 perniciosus valde sentitur. Quo igitur zelus feruidior ac vehementior spiritus,
 profusiorque charitas, eo vigilantiori opus scientia est, qua zelum supprimat, spi-
 ritum temperet, ordinet charitatem. Hinc & B. Ambrosius. Aduertimus, in- A. l. cit.
 quit, quod mensura quadam & disciplina sit zeli, sicut disciplina virtutis. Et
 ideo beatus, qui zeli nouerit disciplinam.

VII. Proprietas, quod hæc virtus maxime competat in Præla- Rom. 13. 4.
 tos & Pastores Ecclesiæ, omnesque Superiores. Et ratio est, quia eorum
 officio incumbit corrigere & punire subditos. Vnde B. Paulus ad Ro-
 manos. Dei, inquit, minister est vindex in iram ei qui male agit. Et D. Gre- G. s. p. c. c. 4.
 gorius in Pastoralis. Sit rector bene agentibus per humilitatem socius, contra
 delinquentium vitia per zelum iustitiæ erectus, ut & bonis in nullo se præferat;
 & cum prauorum culpa exigit, potestatem protinus sui prioratus agnoscat: qua-
 tenus & honore suppresso æqualem se subditis bene viucentibus putet & erga
 peruersos iura rectitudinis exercere non formidet. 2. quia munera, quæ in ve-
 teri lege prophetis, & in noua Episcopis, & Pastoribus præscribun-
 tur virtutem zeli expolcunt. In veteri enim iubentur à Deo prophe-

Joan. 10. 11.
Matt. 18. 17.

1. Cor. 5. 5.
1. Tim. 3. 20.
2. Tim. 4. 2.

Tit. 1. 14.

Exo. 2. 12.
Act. 9. 1.
Joan. 18. 10.

ta, non populum modo, sed Reges etiam, de grauissimis criminibus reprehendere, eaque illis annunciare, quæ ipsos in luculentum vitæ discrimen vocarent. In noua verò à Pastoribus exigitur, vt parati sint animam pro ouibus ponere, incorrigibiles Ethnicos & publicanos declarare, atque etiã per sententiam excommunicationis Satana tradere, peccantes cor à omnibus arguere, instare opportunè, arguere, & obsecrare, increpare in omni patientia & doctrina, increpare quoque durè cum opus est, sicut Apostolus putauit Cretenses increpandos, quia ventri dediti erant & ignaui. Hinc verò factum est vt Deus ad summam vtriusque Ecclesiæ, Veteris, & nouæ præfecturam & magistratum, non elegerit, nisi viros à zelo quantumuis infami celebratos, vt Moysen ad veteris, qui Ægyptium occiderat. Ad nouæ verò Doctorem gentium Paulum, qui persecutus fuerat Christi Ecclesiam, & Principem omnium Christianorum Petrum, qui Malcho ex prauo zelo amputarat auriculam.

C A P V T I V.

De Zeli necessitate.

Ier. 2. 8.

Ier. 50. 6.

Ezech. 34. 2.

Zach. 11. 3.

Apoc. 3. 17.

N ECESSITATEM vel obligationem huius virtutis incumbere omnibus Episcopis & Pastoribus, quorum est curare animas, primum inde liquet, quod Spiritus sanctus in verbo diuino grauiter inuehatur in pastores ignauos, vt apud Ieremiam, cum ait, *Sacerdotes non dixerunt. Vbi est Dominus, & tenentes legem nescierunt me.* Et iterum. *Grege perditus factus est populus meus, pastores eorum seduxerunt eos, feceruntque vagari in montibus.* Et apud Ezechielem. *Fili hominis, propheta de pastoribus Israel. Vae pastoribus Israel qui pascebant semetipsos, nonne greges à pastoribus pascuntur? Lac comedebatis, & lanis operiebamini, & quod crassum erat occidebatis, gregem autem meum non pascebatis. Quod infirmum fuit non consolidastis, & quod agrotum, non sanastis. Quod confractum est, non alligastis: & quod abiectum est non reduxistis: & quod perierat, non quaesistis: sed cum austeritate imperabatis eis.* Et apud Zachariam. *Vox ululatus pastorum, quia vastata est magnificentia eorum.* Hac dicit Dominus Deus meus, *pasce pecora occisionis, quæ qui possidebant, occidebant, & non dolebant, & vendebant ea dicentes Benedictus Dominus, diuites facti sumus. Et pastores eorum non parcebant eis. Ego non parcam ultra super habitantes terram dicit Dominus.* Et in Apocalypsi de ignauia & tepore arguitur Episcopus Laodiceus.

cenus, & iubetur exemplo Dei zelum assumere. Ego quos amo, inquit, arguo & castigo. Amulare ergo & penitentiam age. Deinde idē Spiritus sanctus monet eos & mandat, ut sedulo aduigilent supra gregē suum, uti im primis. Christ⁹ tertio monuit omniē pastorū Coriphæum apud B. Ioa. ^{Io. 1. 16.} ^{Act. 20. 28.} *Pasce oves vel agnos meos.* Et Apostolus Paulus alios. *Attendite, inquit, vobis, & vniuerso gregi, in quo vos posuit Spiritus sanctus Episcopos regere Ecclesiam Dei, quam acquisiuit sanguine suo.* Et Diuus Petrus. *Seniores ergo,* ^{1. Pet. 5. 2.} *ait, qui in vobis sunt obsecro, consenior, & testis Christi passionum, qui eius, quæ in futuro reuelanda est, gloriæ communicator: pascite qui in vobis est gregem Dei, providentes non coactē, sed spontaneē secundum Deum, neque turpis lucri gratia, sed voluntariē, neque ut dominantes in clero, sed forma facti gregis ex animo.* Auget obligationem Pastorum, quod pro animabus omnium subditorum reddituri sint rationem in die iudicii, ut indicat Apostolus scribens ad Hebræos. *Obedite Præpositis vestris, & subiaceat eis, ipsi enim peruigilant quasi rationem pro animabus vestris reddituri.* Et tradit Sanctus Gregorius, cum scribit ad Panthaleonem Episcopum Aphricæ non compescentem Donatistarum audaciam. *Perditorum, inquit, animas Deum nostrum de manu vestra scitote requirere, si tantum nefas, in quantum possibilitas exigit, emendare negligitis.*

Heb. 13. 17.

G. lib. 3. ep. 32.

IAM verò non superioribus tantum, verum etiam subditis necessitas eadem quadatenus incubere videtur procurandi spiritalem quendam zelum & feruorem in vitæ Christianæ institutione, aliisq; ad eam pertrahendis. *Vnicuique enim, ait Sapiens, mandauit Deus de proximo suo.* Vnde Sanctus Augustinus exponens verba Christi apud Ioannem. *Vbi ego sum, illic & minister meus erit. Cum auditis, inquit, fratres Dominum dicentem. Vbi ego sum, illic & minister meus erit: nolite tantummodo bonos Episcopos & clericos cogitare, etiam vos pro modulo vestro ministrare Christo, bene viuendo, eleemosynas faciendo, nomen, doctrinamq; eius, quibus poteritis predicando. Ut unusquisque etiam paterfamilias hoc nomine agnoscat paternum affectum sua familie se debere pro Christo, & pro vita aeterna suos omnes admoneat, doceat, hortetur, corripiat, impendat beneuolentiam, exerceat disciplinam: ita in domo sua Ecclesiasticum, & quodammodo Episcopale implebit officium, ministrans Christo, ut in æternum sit cum ipso.* Deinde, lege diuina non solum superioribus, sed etiam quibusuis hominib; imperatum est, ut corrigāt proximorum lapsus, quod propriè est zeli, nam in Leuitico dicitur. *Non oderis fratrem tuum in corde tuo, sed publicè argue eum, ne habeas super illo peccatum.* Et Christus. *Si peccauerit in te frater tuus, corripe eum.* Et Sanctus Paulus. *Nolite communicare operibus infructuosis tenebrarū, magis autem redarguite.* Ratio, ^{Leui. 19. 17.} ^{Matt. 18. 15.} ^{Eph. 5. 12.} ^{quoq;}

Eccli. 17. 12.

A. tract. 56.

in Ioan.

Ioan. 12. 26.

S. in Prov.

Cap. 2. 4.

quoque naturalis idem docuit Philosophos gentiles. Senecæ enim hæc feruntur dicta *Cum his conuersare, qui te corrigant. Vicia transmittit ad posteros qui presentibus culpis ignoscit. Bonis necet, qui malis parcit.* Plura de hac re titulo Correctio.

C A P V T V.

De Zeli multiplici Vtilitate.

D. c. 3.

Ps. 81. 6.

Ioan. 10. 34.

Ch. hom. 3.

1. Tim. 2. 4.

Ezech. 18. 23.

Ier. 15. 19.

PRIMA Vtilitas est, quod nulla re magis quam hac virtute, maxime, si sit zelus animarum Deum demereri possimus. Notum enim est aureum B. Dionysii Areopagitæ de cœlesti Hierarchia dictum. *Diuinorum omnium diuinissimum esse cooperari Deo in conuersione peccatorum.* Deo namque, uti est summa per essentiam bonitas proprium est, suam bonitatem communicare omnibus, omnes salutis capaces ad eandem perducere, cuique pro inopia subuenire. Vnde qui in hac re Deum imitantur Dei formes, diuini imò diuinissimi, atque adeo Dii sunt nuncupandi, de quibus in psalmis dictum & à Christo repetitum. *Ego dixi, Dii estis vos, & filij excelsi omnes.* Vnde Richardus de S. Victore alicubi de talibus ita scripsit. *Nescio an maius beneficium possit homini à Deo conferri, quam ut per eius obsequium alii consequantur salutem, si tamen homo Deo cooperetur ex charitate.* Et B. Chrysostomus in Genesin. *Nihil ita gratum est Deo, & ita cura, ut animarum salus, sicut clamat Apostolus dicens. Qui vult omnes homines saluos fieri, & ad agnitionem veritatis venire. Et iterum Deus ipse ait. Nolo mortem peccatoris, sed ut conuertatur, & viuat. Talem igitur habentes Dominum, tam misericordem, tam benignum, tam mansuetum, cum nostra, tum fratrum nostrorum salutis curam geramus. Et ut scias, quantum bonum sit, cum salute nostra & alios lucrari, audi prophetam ex persona Dei dicentem. Qui educit pretiosum à vili, quasi os meum erit. Quid hoc est? Qui ab errore ad veritatem, ait, manu duxerit, vel à peccato ad virtutem proximum induxerit, pro virili humano me imitatur, Etenim ipse cum Deo sit propter nihil aliud nostram induit carnem, & crucem quoque suscepit, nisi ut nos peccato obnoxios à maledicto liberaret. Si igitur ipse, qui Deus est ineffabilis essentia ob misericordiam ineffabilem hac omnia propter nos & nostram salutem sustinuit, cur non & nos erga fratres iustissimi, agnoscentesque eos ut membra nostra, & eripientes ex diaboli faucibus in viam virtutis inducamus? Nam ut anima corpore melior est, ita his qui indigentibus pecunias & facultates suppeditant, maioribus premiis digni sunt hi, qui admonendo, & continue docendo in viam actam supinos & desides inducunt, monstrando eis diuinarum*

virtu-

virtutum fragrantiam, & vitiorum maleolentiam. Hæc omnia cum scimus, præ omnibus aliis vite curis, de salute animarum loquamur proximis, eandem illis sollicitudinem ingerentes.

II. **UTILITAS**, quod angelorum quoque patrocinium hoc officio magis demereamur, cum nos socios ipsis adiungimus in procuranda hominum salute. Omnes siquidem teste Apostolo, sunt administratori spiritus in ministerium missi propter eos qui hereditatem capiunt salutis. Hinc sequitur nos angelico prorsus munere fungi, cum aliorum salutem curanda inuigilamus. Vnde S. Chrysostomus in commentario epistolæ ad Hebræos. Proinde, inquit, hoc est opus angelicum omnia facere pro salute proximorum, magis autem hoc est corpus Christi. Ipse enim sicut Dominus saluat, isti verò sicut serui: & nos itaque etiam si serui, angelorum tamen conserui sumus. Quamuis autem multum intersit inter angelos & homines, tamen propinquos eos nobis facit, ut pene dicere videretur, quia nobis laborant, nobis discurrunt, nobis suo funguntur officio: hoc est eorum ministerium, ut propter nos ubique mittantur. Et harum rerum exemplis pleni sunt libri veteris testamenti, pleni etiam noui.

Heb. i. 14.

Ch. hom. 3.

III. Quod huius virtutis beneficio gentilium facta sit conuersio in toto orbe terrarum, ut annotauit S. Ambrosius in psalm. 118. Zelus dei, inquit, populus gentilium vitam sibi acquisiuit æternam, quam negligentia atque desidia Iudæorum populus amisit, Ideoque scriptum est. Zelus apprehendens populum in eruditum. Quoniam populus, qui erat eruditus in lege, nullum fidei habebat ardorem. Contulit se zelus ad gentes: cuius tanta est gratia, ut electionis prærogatiuam vicerit, & eruditionis industriam superarit. Denique apprehendens populum in eruditum, fecit esse meliorem. Itaque ea gratia operata est in populo nationum, ut hereditatem Domini mereretur quam operatus est Dominus ut Ecclesiam sibi ex nationibus copularet. Alludit S. Ambrosius ad locum Apostoli in epistola ad Romanos, ubi disputans de causa excæcationis Iudæorum, & conuersionis gentium, ita scribit. Ergo fides ex auditu, auditus autem per verbum Christi. Nunquid non audierunt? (Iudæi) Et quidem in omnem terram exiuit sonus eorum, & in fines orbis terra verba eorum. Sed dico, nunquid Israel cognouit? Primus Moyses dicit. Ego ad æmulationem vos adducam in non gentem, in gentem insipientem, in iram vos mittam. Isaias autem audet & dicit. Inuentus sum a non querentibus me. Ad Israel autem dicit, Terra die expandi manus meas ad populum non credentem, & contradicentem mihi. Et infra. Nunquid sic offenderunt, ut caderent? absit. Sed illorum delicto salus est gentibus, ut illos æmulentur. Et rursus, Nolo vos ignorare fratres mysterium hoc, quia cæcitas ex parte contigit in Israel, donec plenitudo gentium intraret, & sic omnis Israel saluus fieret.

A. sermo 18.

Rom. 10. 17.

Psalm. 18. 5.

Deut. 32. 21.

Isa. 65. 1.

Ib. 2.

Rom. 11. 11.

IV. est quod ignis huius zeli exurat omnia peccata nostra, eiusque fontem exsiccat, nempe prauas cupiditates consumat, mundet cor, & in notitia & amore affectus animi accendat. Sic idem S. Ambrosius ibidem

A in ps. 118.

V u u u

expla. 140

Hier. 20. 9.

Luc. 24. 32.

Exod. 3. 2.

Bern. serm. 70.

Num. 25. 6.

explanans versum illum. Ignitum eloquium tuum nimis, & feruus tuus dilexisti illud. Quem ait, Dominus ignem non sparsit testamento? Qui secretos mentium diuina ardore cognitionis inflammaret affectus, qui vaporem fidei & deuotionis adoleret, qui cupiditatem virtutis accenderet. Hoc igne calefactus dicit Hieremias. Et erat ignis flammigerans in ossibus meis. Hoc sermonum igne caelestium vaporati Cleophas & illi alius, qui simulcum Domino ab Hierusalem vsque ad castellum confecerant iter, dicebant: Nonne cor nostrum ardens erat in nobis, cum aperiret nobis Scripturas? Ignis ergo hic sermo Christi est. Et bonus ignis, qui calefacere nouit, nescit exurere, nisi sola peccata. Hoc igne super bonum fundamentum posito, Apostolicum illud aurum probatur, hoc igne illud morum vel operum examinatur argentum: hoc igne pretiosi illi lapides illuminantur, fenum autem & stipula consumitur. Inundat ergo hic ignis animum, consumit errorem. Hic est ignis, qui ardet ante Dominum. Nisi enim quis flagrantiam deuotionis sumpserit, praesentiam Domini habere non poterit. Hoc igne urebatur rubus, & non exurebatur. Vrit enim sermo diuinus, vt corrigat conscientiam peccatoris, non exurit vt perdat.

V. est, quod dum zelo, maximè salutis animarum, accendimur, facile possimus aduertere praesentiam Spiritus sancti. Ita enim scribit talia expertus S. Bernardus in Cantica. Si Dominus Iesus dignetur venire ad me, vel potius in me in charitate & spiritu mansuetudinis, amulans me Dei amulatione (quidenim ita Dei vt charitas? nempe & Deus est) si inquam in ista venerit, in hoc cognoscam, quod non sit solus sed venerit etiam Pater suus cum eo. Nam quid a què paternum? Propter hoc nempe non Pater Verbi tantum, sed & Pater misericordiarum est appellatus, quod innatum habeat misereri semper & parcere. Si sensero aperiri mihi sensum, vt intelligam Scripturas, aut sermonem sapientiae quasi ebullire ex intimis, aut infuso lumine desuper reuelari mysteria, aut certe expandi mihi, quasi quoddam largissimum caeli gemitum, & ubiores desursum influere animo meditationum imbres, non ambigo sponsum adesse. Verbi siquidem haec copia sunt, & de plenitudine eius ista accipimus. Quod si se pariter infuderit humilis quaedam sed pinguis interna aspersio deuotio, vt amor agnitae veritatis necessarium quoddam odium vanitatis in me generet & contemptum, ne forte aut scientia inflat, aut frequentia visitationum extollat me, tunc prorsus paterne sentio agi mecum, & Patrem adesse non dubito. Si autem perseuerauerit huic dignationi dignis semper, quod in me est, affectibus, & actibus respondere, & gratia Dei apud me vacua non fuerit, etiam mansionem apud me faciet tam Pater enutriens, quam Verbum erudiens. Quanta putas ex hac mansione inter animam & Verbum familiaritatis gratia oriatur, quanta de familiaritate sequatur fiducia?

VI. est, quam colligere possumus ab vno exemplo Phinees, Id his verbis describitur in Numeris. Et ecce vnus de filiis Israel intravit coram fratribus suis ad sortum Madianitidem vidente Moyse, & omni turba filiorum Israel, qui fle-

bant

abant ante fores tabernaculi. Quod cum vidisset Phinees filius Eleazari filii Aaron Sacerdotis, surrexit de medio multitudinis, & arrepto pignore ingressus est post virum Israelitem in Lapanar, & perfodit ambos simul, virum scilicet & mulierem in locis genitalibus. Cessauitque plaga à filiis Israel, & occisi sunt viginti quatuor millia hominum. Dixitque Dominus ad Moysen. Phinees filius Eleazari filii Aaron Sacerdotis auertit iram meam à filiis Israel, quia zelo meo commotus est contra eos, ut non ipse delem filios Israel in zelo meo: idcirco loquere ad eum. Ecce do ei pacem foederis mei, & erit tam ipsi, quam semini eius pactum Sacerdotii sempiternum, quia zelatus est pro Deo suo, & expiavit scelus filiorum Israel. Vnde psalter Regius. Et stetit Phinees, & placuit, & cessauit quassatio. Et reputatum est ei in iustitiam in generationem & generationem usque in sempiternum. Liqueat ergo quam multiplex ex vno zelo facto manifestetur utilitas.

Psal. 105. 30.

CAPVT VI.

Quibus mediis obtineri queat zelus.

P R I M U M est vigilantia & studium continuum placendi Deo, quod suggerit paulo antè citatus S. BERNARDVS dicens. Denique ait, Deus, In Cant. serm. 70.
Ego diligentes me, diligo, & qui mane vigilauerint ad me, inuenient me. Vides, quomodo non solum de amore suo certum te reddat, si quidem tu ames illum: sed etiam de sollicitudine sua, quam pro te gerit, si te senserit sollicitum sui. Vigilas tu? Vigilat & ille. Prouerb. 8.
Consurge in nocte, in principio vigiliarum tuarum. Accelera, quantum vis, etiam ipsas anticipare vigilas, inuenies eum non prauentis. Temere in tali negotio, vel prius aliquid tribuis tibi vel plus, & magis amat, & ante, si hæc anima scit, immò miraris, quod illa maiestatem quasi cætera non curantem soli sibi intendere gloriatur, cui soli ipsa postpositis curis omnibus tota se deuotione custodit. Vnum dico spiritualibus, qui in nobis sunt, mirum quidem, sed verum: animam Deum videntem haud secus videre quam si sola videatur à Deo. Bonus es Domine animæ quærenti te, occurras, amplecteris, sponsum exhibes, qui Dominus es, immò qui es super omnia Deus benedictus in secula. Amen.

II. Medium est, instruere se armis spiritualibus, congruentibus magnitudini belli. Zelo enim opus est in bello. Ea prolixè descripsit Apostolus ipse in epistola ad Ephesios. Induite, inquit, vos armaturam Dei, ut possitis stare aduersus insidias diaboli, quoniam non est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum contra spiritualia nequitie in cælestibus. Stare ergo succincti lumbos vestros in veritate, & indui loriceam iustitiæ, & calceati pedes in preparatione Euangelii pacis: in omnibus sumentes scutum fidei, in quo possitis omnia tela nequissimi ignea extinguere: & galeam salutaris assumptionis, & gladium spiritus (quod est verbum Dei) per omnem orationem, Ephes. 6. 12.

Vuuu 2 & ob-

Ch. hom. 3.

et obsecrationem orantes omni tempore in spiritu; et in ipso vigilantes in omni instantia et obsecratione pro omnibus sanctis et pro me. Quæ verba expendens S. Chrysostomus in Genesin. Vidisti, inquit, quomodo omnia nostra membra Apostolus munitur: et quasi in prælium egressus, primum zona cingat, quo expeditiores simus ad cursum: deinde induat nos thorace, ne à iaculis vulneremur: sed et pedes munit et undique armat fide. Quæ autem sunt ignita tela diaboli? mala concupiscentiæ, immunda cogitationes, perniciosi affectus, furor, inuidia, ira, odium, opum cupiditas, et omnis alia ignavia. Hæc ait, omnia extinguere poterit gladius spiritus, Et quid dico extinguere, etiam ipsum hostis caput amputare valet.

Ch. hom. 6.

Apoc. 12. 17.

Atract. 10.

III. Tantum studii & laboris in zelo exercendo impendere, quantum suggerunt gratiæ diuinæ vires, quas nobis Deus subministrat, neque enim eadem ab omnibus expectanda sunt. Vnde S. Gregorius in Evangelia. Nemo dicat, admonere non sufficio, adhortari idoneus non sum: quantum potes exhibe, ne male seruatum talentum, quod acciperas, in tormentis pendere exigatis. Et rursus In quantum vos profecisse pensatis, etiam vobiscum alios trahite, in via Domini socios habere desiderate. Si ad Deum tenditis, curate ne ad Deum soli veniatis. Hinc in Apocalypsi scriptum est. Qui audit, dicat, veni, ut quæ in corde vocem superni amoris acceperis, foras etiam proximis vocem exhortationis reddat, et fortasse panem ut indigentem porrigat non habet, sed maius est, quod tribuere valeat, qui linguam habet: plus enim est verbi pabulo victuram in perpetuum mentem reficere, quam ventrem mortuæ carnis terreno pane satiare. Eodem tendunt quæ monet S. Augustinus in Ioannem. Vnumquemque Christianum Zelus domus Dei comedit. Verbi gratia. Vides fratrem currere ad ibictrum, prohibe, mone, contristare, si zelus domus Dei comedit te. Vides alios currere et inebriari velle, et hoc velle in locis sanctis, quod nusquam dicit, prohibe quis potes, terre quos potes, quibus potes blandire, noli quiescere. Tamen si amicus est, admaneatur leniter. Vxor est, feruissimè reficietur: ancilla est, etiam verberibus compefcatur. Fac quicquid pro persona quam portes.

Ps. 68. 10.

Ps. 118. 139.

& 118.

A. in c. 3.

Ioan.

IV. Quod si fructus conatus tui non respondent, atque etiam ludibrio aliorum zelus tuus excipiat, & inde in animo oriatur moeror, non idcirco putes, te meriti tui iacturam fecisse, tantum memor esto, zelum esse actum charitatis, charitatis autem est omnia sufferre. Moerebat enim in eiusmodi casibus & Zelosus Dauid, cum diceret. Zelus domus tue comedit me, id est, exedit me. Et Tabescere me fecit zelus meus, quia obliuiscuntur verba tua inimici mei. Et. Vidi prauaricantes, et tabescebam. Vnde B. Augustinus loco allegato. Quis comeditur Zelo domus DEI? Qui omnia, quæ ibi videt forte peruersa, satagit emendare, cupit corrigere, non quiescit: semendare non potest, tolerat, gemit. Non excutit de area granum, sustinet paleam, ut intret in horreum, cum palea fuerit separata.

V. Medium

V. Medium. Considerare exempla eorum, qui virtute Zeli, in veteri testamento, æquo ac nouo excelluere. vt Moſis, Phinees, Dauidis, Eliæ, Matathie, Ioannis Baptiſtæ, Petri, atq; imprimis S. Pauli, quem S. Chryſoſtomus in quodam ſermone de eius laudibus audet non ſolum exæquare illis, quod ad Zelum attinet, verum etiam angelis. Quid ergo, inquit, in angelis magnificum prædicamus? profeſſo, quia cum omni cura obediunt Deo. Quod Dauid quoq; admirando dicebat. Potentes virtute, facientes verbum illius. Huic enim bono æquale eſt nihil. Prorſus etiam ſi ſint millies incorporei, hoc eſt enim, quod maxime præſtat eos beatos, quia obediunt præceptis DEI, quia eum in nullo aliquando contemnunt. Hoc igitur et in Paulo plane animaduerti poteſt, cum omni diligentia et cautione ſeruatum. Non autem ſolum ſermonem eius impleuit, verum etiam præcepta. Super quæ præcepta hoc quippe declarans ait. Quæ eſt ergo merces mea, vt Euangelium prædicans ſine ſumptu ponam Euangelium DEI? Quid vero aliud in angelis propheta miratur. Qui facit, inquit, angelos ſuos Spiritus, et miniſtros ſuos ignem vrentem. Sed hoc etiam in Paulo poſſumus inuenire, qui velut ignis ac Spiritus totum terrarum percurrit orbem, percurrendoq; purgauit. Sed necdum cælum iſte ſortitus eſt, et hoc omnino mirabile, quia talis verſabatur in terris, et mortali adhuc carne circumdatus cum incorporaliū poteſtatum virtute certabat. **LEGE** noſtrum Bernardinum Roſſi ſolam de Actionibus virtutis cap. 23.

Eodem pertinent exempla anachoretarum, qui ſpe lucri animarum etiam ſolitudines ſuas deſeruerunt, vt S. Antonius Magnus temporibus Imperatoris Conſtantii, qui relicta ſolitudine venit Alexandriam, et etiam illam, teſte B. Theodoro to libro Eccleſiaſtica hiftoriæ quarto, circuibat urbem, quò omnes doceret, tum Athanaſium preconem veritatis, tum Arianos veritatis hoſtes eſſe. Itaq; non ignorabant, inquit, illi ſancti viri, quæ reſ cuiq; temporis eſſent accomodata et quando ſolitudinis otium eſſet amplectendum, quando rurus urbana negotia quieti ſolitariæ præferenda.

Deinde APHERAS monachus qui tempore Valentis Ariani Imperatoris ex Zelo Antiochiam venit, quo conſpecto Valens dixit, vt eodem libro refert Theodoretus, cedo quo te conſers? Ille tum ſapienter et ap-poſite, pro tuo, ait, regno precaturus. Tum Imperator. At domi, inquit, tibi manendum eſt, et intra cellam, vbi lex monaſtica poſtulat, orandum. Cui diuinus ille vir præclare admodum dicit o Imperator: iſtud ſane mihi faciendum eſt, et haſtenus feci, dum cunctis Saluatoris pace fruereſſentur. Verum, quo iam iam magnopere conturbantur, et multum illi impender periculi, ne eſſe eſt omnes vias perſequi, non modo ne à feris capi-antur, ſed etiam vt conſeruentur incolumes. Nam dic mihi quaſo, o Imperator, ſi filiaſticius eſſem, et eſſet in contemtu, vt ades curarem, atq; deinde cernerem flammam in eis incidere, ades q; paternus iam conſagrar, quid me facere oporteret? in tunc manere.

re, & aedes incensas negligere, an relicto conclavi sursum deorsumq; curſitare, & aquam afferre, qua flammam exstinguerem. Hoc certe te responſurum conſtat. Nam ha ſunt partes filiae prudentis & prouida. Atq; hoc ipſum nos agimus o Imperator. Etenim cum tu iam in patris noſtri aedes flammam inieceris, nos circum curſitamus, quo eam mature poſſimus exstinguere. Quae cum locutus eſſet Aphraates, Imperator ei interminatus conticuit. Cubicularius autem eius cum grauiore in eum iactaſſet minas, paulo poſt in calidiſſimum balneum, quod Imperatori parabat, de poteſtate mentis deturbatus ſe praecipitauit, & illic exſtinctus eſt.

Ch. hom. 17.

De pluribus aliis anachoretis refert S. Chryſoſtomus ad populum Antiochenum, quemadmodum e montium cauernis Antiochiam accurrerint, vt Theodoſii Imperatoris indignationem auerterent, (populus ſiquidem Placillae coniugis eius ſtatua deiecerat) quam etiam praclare auerterunt. Monachi, inquit, homines pauperes, pallio plus nihil habentes vili, viuentes in ruſticitate, nullieſſe apparentes, in montibus & ſaltibus verſantes, velut quidam leones magno & alto ſenſu praediti, omnibus pauiſactis & trepidantibus in medio conſiſtentes, malum diſſoluere, non multis diebus ſed breui temporis momento. Et ſi ſunt generoſi athletae non tantum aduerſarios complexi, ſed etiam viſitatum in oppoſitione & vociferati aduerſarios conuertunt: Sic & bi die vna & deſcenderunt, & diſſeruerunt, & ſoluerunt calamitatem, & ad propria rererſi ſunt tabernacula. Tanti eſt Philoſophia a Chriſto introducta.

B. c. 12.

Ad do recentius exemplum de Zelo animarum D. Franciſci, de quo ita ſcribit S. Bonauentura in eius Vita. Fidelis reuera ſamulus & miniſter Chriſti Franciſcus, vt cuncta fideliter & perfecte perageret, illis poſſimum virtutum exercitiis intendebat, quae Deo magis placere cognouerat. Dubitans autem an potius orationi, quam praedicationi vacandum eſſet, fratrum ſententiam exquiſiuit. Si quidem ego, inquiens, ſimplex & imperitus ſermone maiorem orandi accepi gratiam, quam loquendi. Videtur etiam in oratione lucrum, & cumulatſio gratiarum: in praedicatione diſtributio donorum caelitus acceptorum. In oratione etiam purificatio interiorum affectuum, & vnio ad vnum ſummum & verum bonum cum vigoratione virtutis: in praedicatione ſpiritualium puluerizatio pedum, diſtractio multa & relaxatio diſciplinae. Tandem in oratione Deum alloquimur, & audimus, & quaſi vitam angelicam agentes inter angelos conuerſamur; In praedicatione multa oportet vi condeſcenſione ad homines, & humane inter eos viuendo, humana cogitare, videre, dicere & audire. Sed vnum videtur praeponderare his omnibus ante DEVM, quod vnigenitus DEI filius propter animarum ſalutem de ſinu patris deſcendit, vt ſuo mundum informans exemplo verbum ſalutis hominibus loqueretur, & ideo videtur magis Deo placitum, quod intermiſſa quiete foras egrediar ad laborem. Subiicit deinde Bonauentura,

tura, quod cum ex illa collatione cum fratribus nihil certi statuisset, cum confugisse ad preces S. Claræ aliorumq; sui ordinis Sanctitate præstantium, qui cum voluntatem Dei cognouissent, potius prædicationi esse vacandum, continuo Franciscum succinxisse se, & cum tanto seruiore iter ingressum, ac se facta manu DEI super eum nouam induisset à cælo virtutem.

VIDE V. Charitas in Deum & proximum. Correctio proximi. Iustitia. Virtus.

L A V S D E O, D E I P A R Æ Q;



MEN-

MENDA præcipua sic emenda.

PAG. 15. versu 3. lege, vera. pag. 28. v. 6. *cætu Ecclesia*. p. 64. v. ult. *minu-*
atur. pag. 6. v. 16. *promissa*. pag. 70. v. 22. *percutus*. pag. 92. 24. *γυαδ*. 99.
19. gerere. 102. 25. *Firminus*. 28. *naturaliter*. pag. 105. 2. *inueniret*. v. 17.
dele, (*quare nec absq. cognitione filii*) pag. 133. 12. *audit alios*. 28. *prodire vult*. 135.
26. *volare*. 163. 33. *exoneratum peccatis*. 166. 20. *Sunt enim*. 181. v. ult. *in mor-*
tem pro sui exercitus salute de duobus Decis. 212. 18. *modico*. 228. 33. dele, *cat*.
256. 7. *S. Antonii*. 9. *infamia*. pag. 268. v. 1. II. *Proprietas est, quod certissi-*
ma sit, omnemq. prorsus dubitatio, 273. *Magum Pythag.* 279. 30. *soliditatis cau-*
sa. v. ult. *inuentus*. 281. v. penult. *fides*. 282. 31. *validior*. 290. 18. *celauisset*.
292. 28. *celebratis*. 315. 32. *premat*. 321. 12. *fregit*. 335. 3. *Diotrephen*. 335. 21. *quo-*
tum. 334. 30. *teste eodem*. 366. 19. *difficile probare*. *Ibidem dele, difficile*.
419. 9. *duo ara*, 451. 14. *humilitate*. 536. 1. *matribus vbera*. 5. *parentem suam*.
545. 7. *sit infinita*. 561. 13. *super terram*. 575. 22. *seruire regnare*, 609. 31. *conte-*
mnenda & abiic.

INDEX



INDEX COMMV-

N I S.

PANARIO, ET VIRIDARIO.

*In quo P. Panarium. V. Viridarium
significat.*

A.

Abnegatio. *V.*
Abstinencia. Vide Ieiunium. *V.*
Acceptio Personarum. Vide Per-
sonarum acceptio. *P.*
Acedia. *P.*
Adulatio. *P.*
Affabilitas. *V.*
Ambitio. *P.*
Amicitia. *V.*
Amor Dei. Vide Charitas. *V.*
Amor sui. *P.*
Avaritia. *P.*

B.

Beneficentia. Vide Liberalitas. *V.*
Benevolentia. *V.*
Benignitas. Vide Mansuetudo. *V.*
Blasphemia. *P.*

C.

Castitas. *V.*
Catechesis Christiana. *V.*
Charitas Dei & proximi. *V.*
Chorea. *P.*
Clementia. Vide Mansuetudo. *V.*
Clericorum habitatio cum mu-
lierib. Vide Mulierum commora-
tio. *P.*

Cogitatio diuinæ præsentia. *V.*
Cognitio sui. *V.*
Cognitio Dei. *V.*
Colloquia otiosa. *P.*
Concordia. Vide Pax. *V.*
Confessio peccatorum. *V.*
Confidentia. Vide Spes. *V.*
Conscientiæ examen. *V.*
Conscientia scrupulosa. *P.*
Consilium. Vide Prudentia. *V.*
Consuetudo praua & bona. *P.*
Contemplatio. *V.*
Contemptus. *P.*
Continentia. Vide Castitas. *V.*
Contritio. Vide Pœnitentia. *V.*
Correctio proximi. *V.*
Curiositas. *P.*

D.

Desolatio spiritualis. *P.*
Desperatio. *P.*
Detractio. *P.*
Deuotio. *V.*
Diffidentia sui. *V.*
Discordia. *P.*
Discretio. *V.* Indiscretio *P.* & Pru-
dentia. *V.*
Distractio in oratione. *P.*

Xxxx

E. Ebrie-

INDEX COMMUNIS.

E.

Ebrietas. *P.*
 Eleemosyna. *V.*
 Eucharistiæ communio. *V.*
 Exemplum malum & bonum. *P.*

F.

Fama bona. *V.*
 Familiaritas cum Deo. *V.*
 Familiaritas cum homin. nimia. *P.*
 Fides in Deum. *V.*
 Fiducia. Vide Spes. *V.*
 Fortitudo. *V.*

G.

Gaudium spiritale. *V.*
 Gratiarum actio Deo debita. *V.*
 Gratitude. Vide Ingratitude. *P.*
 Gloria vana. *P.*
 Gula. *P.*

H.

Hæresis. *P.*
 Honestas. *V.*
 Hospitalitas. *V.*
 Humilitas. *V.*

I.

Ieiunium. *V.*
 Illusiones spirituales. *P.*
 Immodestia. *P.*
 Immortificatio passionum. *P.*
 Impatience in aduersis. *P.*
 Impat. in morbis. *P.*
 Imp. in cæcitate. *P.*
 Imp. in lepra. *P.* & podagra. *P.*
 Imp. in paupertate. *P.*
 Imp. in damno rerum. tempo-
 ral. *P.*
 Imp. in obitu parentum, liberorū,
 fratrum, cognatorum. *P.*

Inconstantia. *P.*
 Indiferetio. *P.*
 Ingratitudo. *P.*
 Inobedientia. *P.*
 Intentio. *V.*
 Inuidia. *P.*
 Iracundia. *P.*
 Iudicium proprium. *P.*
 Iudicium temerarium. *P.*
 Iuramentum. *P.*
 Iustitia. *V.*

L.

Labor. Vide Pigritia. *P.*
 Laudatio Dei. *V.*
 Liberalitas. *V.*
 Linguae abusus. *P.*
 Ludus alex. *P.*
 Luxuria. *P.*
 Luxus Vestium. Vide Vestium lu-
 xus. *P.*

M.

Maledictio. *P.*
 Magia. Vide Veneficia. *P.*
 Magnanimitas. Vide Fortitudo. *V.*
 Mansuetudo. *V.*
 Martyrium. *V.*
 Meditatio. Vide Cōtemplatio. *V.*
 Mendacium. *P.*
 Misericordia. Vide Eleemosy-
 na. *V.*
 Modestia. Vide Immodestia. *P.*
 Mortificatio. Vide Immortifi-
 catio. *P.*
 Mortis metus immodicus. *P.*
 Mulierū cōmoratio cū clericis. *P.*
 Munerum corruptela. *P.*
 Murmuratio. *P.*

N.

Negotiatio. *P.*
 Notitia sui. Vide Cognitio sui. *V.*

INDEX COMMVNIS.

O.

Obedientia. *V.*
 Oblatio sui Deo facta. *V.*
 Obstinatio. *P.*
 Odium. *P.*
 Opera bona. *V.*
 Oratio. *V.*
 Otium. *P.*

P.

Patientia. Vide. Impatientia. *P.*
 Paupertas. Vide Impatientia in
 paupertate. *P.*
 Pax. *V.*
 Peccatum generatim. *P.*
 Peccatum Veniale. *P.*
 Perfectio Christiana. *V.*
 Perseuerantia. Vide Inconstan-
 tia. *P.*
 Personarum acceptio. *P.*
 Pietas in Deum. Vide Religio. *V.*
 Pietas in parentes. *V.*
 Pigritia. *P.*
 Pœnitentia. *V.*
 Prædicatio verbi Dei. Vide. Ca-
 techesis. *V.*
 Præsumptio. *P.*
 Procrastinatio. *P.*
 Profectus Spiritualis. *V.*
 Proprietas Religiosorum. *P.*
 Prudentia. *V.*
 Pudicitia. Vide Castitas. *V.*
 Pudor noxius. *P.*
 Pusillanimitas. *P.*

Q.

Quadragesimæ ieiunium. Vide.
 Ieiunium. *V.*

R.

Recidiva peccatorum. *P.*
 Religio Christiana. *V.*

S.

Sapientia. *V.*
 Satisfactio. *V.*
 Sepultura. *V.*
 Silentium. Vide, Linguae abusus. *P.*
 Simonia. *P.*
 Simplicitas. *V.*
 Societas praua & bona. *P.*
 Spectacula illegitima. *P.*
 Spes vel Fiducia. *V.*
 Superbia. *P.*
 Superstitio. *P.*

T.

Temperantia. *V.*
 Tentationes. *P.*
 Tepiditas spiritualis. *P.*
 Timor Dei. *V.*
 Timor humanus & seruilis. *P.*
 Tristitia. *P.*

V.

Veneficia. *P.*
 Verecundia. *V.*
 Veritas. *V.*
 Vestium luxus. *P.*
 Vindicatio iniuriarum. *P.*
 Virginitas. Vide, Castitas. *V.*
 Virtus. *V.*
 Voluntas propria. *P.*
 Voluptas carnalis. *P.*
 Votorum violatio. *P.*
 Usura. *P.*


Z.

Zelus. *V.*

FINIS.

Obelisk
Obelisk
Obelisk
Obelisk
Obelisk
Obelisk
Obelisk





Biblioteka Jagiellońska
std0031241

